

**KAKAŦYARI  
NIUKIEYA XAPAYARI  
WIXARIKAKĪ**

**La Biblia  
en huichol**



**LigaBíblica**<sup>®</sup>  
INTERNACIONAL

**Antes de ser revisado e incluido en la presente edición,  
el Nuevo Testamento fue impreso por:**

**Sociedad Bíblica de México**

Primera edición 1967 5C

Segunda impresión 1967 5C

**La Liga Bíblica**

Segunda edición 1988 1M

**Wycliffe Bible Translators, Inc.**

Segunda impresión 2012 5C

Primera edición

**La Biblia**

en huichol

hch 19-010 2M

©2020 Wycliffe Bible Translators, Inc.

Licencia Creative Commons (Reconocimiento-NoComercial-  
SinObraDerivada 4.0 Unported)

- Compartir — Usted es libre de copiar, distribuir y comunicar públicamente la obra.
- Reconocimiento — Debe reconocer los créditos de la obra.
- No comercial — No puede utilizar esta obra para fines comerciales.
- Sin obras derivadas — No se puede alterar, transformar o generar una obra derivada.

(<http://creativecommons.org/licenses/by-nc-nd/4.0/>)

# Xapayari

Mateu . . . . .	Mat . . . . .	1613
Marikuxi . . . . .	Mar . . . . .	1680
Rukaxi . . . . .	Ruk . . . . .	1722
Wani . . . . .	Wa . . . . .	1791
Ni'ariekate . . . . .	Ni'a . . . . .	1842
Xumatari . . . . .	Xum . . . . .	1900
1 Kurinitutari . . . . .	1Ku . . . . .	1926
2 Kurinitutari . . . . .	2Ku . . . . .	1950
Karatsiyatari . . . . .	Kar . . . . .	1967
'Epetsutari . . . . .	'Epe . . . . .	1977
Piriputari . . . . .	Pir . . . . .	1986
Kurutsetari . . . . .	Kur . . . . .	1993
1 Tetsarunikatari . . . . .	1Tets . . . . .	1999
2 Tetsarunikatari . . . . .	2Tets . . . . .	2004
1 Timuteu . . . . .	1Ti . . . . .	2008
2 Timuteu . . . . .	2Ti . . . . .	2015
Titu . . . . .	Tit . . . . .	2020
Kirimuni . . . . .	Kir . . . . .	2024
Hepirayutsixi . . . . .	Hep . . . . .	2026
Tsatiyaku . . . . .	Tsat . . . . .	2046
1 Pekuru . . . . .	1Pe . . . . .	2053
2 Pekuru . . . . .	2Pe . . . . .	2061
1 Wani . . . . .	1Wa . . . . .	2066
2 Wani . . . . .	2Wa . . . . .	2073
3 Wani . . . . .	3Wa . . . . .	2074
Kura . . . . .	Kura . . . . .	2075
Matsiikiti kemiratia . . . . .	Mats . . . . .	2078

# Mateu

## Niuki 'aixia manuyine kemiraka'utia

---

**Ketsutsi Kiritsitu 'iniarieya, kemi'ane minu'ayatikai**

*(Mat 1:1-17 – Ruk 3:23-38, Xuti 4:18-22, 1Kem 3:10-17)*

**1** <sup>1</sup>Iniari kanihikitini 'iki. Nuiwarite mekani'iniarini, Ketsutsi Kiritsitu kemi'ane mixiiyarieyatikai. Rawiri kanitutsieyatikaitini, meta 'Apirahami:

<sup>2</sup> 'Apirahami, 'Itsahaki, kanipaapayatikaitini.

'Itsahaki, Kakuwu, pipaapayatikai.

Kakuwu, Kura pipaapayatikai meta 'iwamama.

<sup>3</sup> Kura, Paretsi meta Tsara piwapaapatikai meta Tamaxi piwamaamatikai.

Paretsi, Hetsirumi pipaapayatikai.

Hetsirumi 'Arami pipaapayatikai.

<sup>4</sup> 'Arami 'Aminarawi pipaapayatikai.

'Aminarawi Nahatsuni pipaapayatikai.

Nahatsuni Tsarimuni pipaapayatikai.

<sup>5</sup> Tsarimuni Wuhutsi pipaapayatikai meta Xahawi pimaamayatikai.

Wuhutsi Huweri pipaapayatikai meta Xuti pimaamayatikai.

Huweri Kitsahi pipaapayatikai.

<sup>6</sup> Kitsahi Rawiri ti'aitame pipaapayatikai.

Rawiri Tsarumuni pipaapayatikai, Huriyaxi mi'iyayatikaitsie meyexei.

<sup>7</sup> Tsarumuni Xuwuhani pipaapayatikai.

Xuwuhani 'Awiyaxi pipaapayatikai.

'Awiyaxi 'Atsa pipaapayatikai.

<sup>8</sup> 'Atsa Kutsapati pipaapayatikai.

Kutsapati Kurami pipaapayatikai.

Kurami 'Utsiyaxi pipaapayatikai.

<sup>9</sup> 'Utsiyaxi Kutami pipaapayatikai.

Kutami 'Akaxi pipaapayatikai.

'Akaxi 'Etsekiyaxi pipaapayatikai.

<sup>10</sup> 'Etsekiyaxi Manatsexi pipaapayatikai.

Manatsexi 'Amuni pipaapayatikai.

'Amuni Kutsiyaxi pipaapayatikai.

<sup>11</sup> Kutsiyaxi Kekuniyaxi pipaapayatikai, meta 'iwamama kepauka wairiyarika memehapanie Wawiruniyatsie paiti.

<sup>12</sup> Mehehapanieka Wawiruniyatsie,  
Kekuniyaxi Tsaratieri pipaapayatikai.  
Tsaratieri Tsuruwaweri pipaapayatikai.

<sup>13</sup> Tsuruwaweri 'Awihuri pipaapayatikai.  
'Awihuri 'Eriyakimi pipaapayatikai.  
'Eriyakimi 'Atsuxi pipaapayatikai.

<sup>14</sup> 'Atsuxi Tsaruki pipaapayatikai.  
Tsaruki 'Akimi pipaapayatikai.  
'Akimi 'Eriyuri pipaapayatikai.

<sup>15</sup> 'Eriyuri 'Eriyatsaxi pipaapayatikai.  
'Eriyatsaxi Matani pipaapayatikai.  
Matani Kakuwu pipaapayatikai,

<sup>16</sup> meta Kakuwu Kutse pipaapayatikai, Kutse Mariya pikinayatikai,  
hiki Mariya hetsie kaniyenuiwa Ketsutsi, Kiritsitu mititewa.

<sup>17</sup> 'Iki 'Apirahami hetsie memiyeki nuiwarite tamamata heimana nauka xiiyariyari mekaniyupaimekaitini Rawiri 'amuyeikakaitsie. Tamamata heimana nauka xiiyariyari mepiyupaimikai Rawiri hetsie memiyeki Wawiruniya paiti memehapanietsie, meta tamamata heimana nauka xiiyariyari mepiyupaimikai, Wawiruniya paiti memehapanietsie Kiritsitu putinuiwaxi.

### Ketsutsi Kiritsitu kemitunuiwaxi

<sup>18</sup> Merikitsi mipai katiniuyini kepauka Ketsutsi Kiritsitu mutinuiwaxi: Mariya mimamayatikai Kutse matia mepiyutiwitinikekai, peru mekayutiwitiweti 'akuxi, miki kaniutihukata, 'Iyari Mitiyupata ya'ane 'ipitiaku. <sup>19</sup> Kutse kinaya mayanikekai, miki heitseriemeki yakatinikamiekaitini, peru pikayuwairiyakai mixanetaniki. 'Ayumieme pi'eirimikikai 'awie. <sup>20</sup> Merikitsi mipai tiku'eriwakaku, hiki Ti'aitame hetsia mieme niuki tuayame kaniuxeyia yuheinitsita mipai 'utaineme: «Kutse 'aku Rawiri peminu'aya, pepikamaka Mariya pemitiwitini 'a'ia mayani, 'Iyari Mitiyupata ya'ane 'ipitiaku, hetsiena piyeya 'iki nunutsi. <sup>21</sup> 'Ukitime pitiniweni, Ketsutsi pititewaka, miki yuteiterima kaniwatawikweitsitiamiki ke'axamemiteyurie».

<sup>22</sup> 'Iki naiti mipai katiniuyini, maye'aniki tita mitixatakai Ti'aitame, Kakaiyari niukameya mipai 'utainekaku: <sup>23</sup> «Kamitsi 'iimari miyuxewi pitihukata, 'ukitime pitiniweni, 'Emanuheri xepite'iteriwa» (miki mipai panuyine «Kakaiyari tahamatia muyeika»).

<sup>24</sup> Merikitsi Kutse yatiheiniti kananutanieri, mipai katiniuyurieni kemitita'aitia Ti'aitame hetsia mieme niuki tuayame, kanitiwitini 'iyaya mayaniki. <sup>25</sup> Peru pika'ikumaiwakai, 'arikeke yumexiakame nunutsi 'utinuiwitiakuke, hiki Ketsutsi pititeriwaxi.

### Temaiwawemete kememite'u'axia

**2**<sup>1</sup> Merikitsi Ketsutsi Wereni paiti hetinuiwaku Kureya kwieyaritsie, kepauka Herurexi mana miti'aitametikai. 'Ana yukwiepa meheyekineka temaiwawemete tayeta mepayenexia, kiekaritsie Kerutsareme mekanu'axiani, <sup>2</sup> mipai me'utiyuati:

—¿Hakewari peka Huriyutsixi teiteriyari tiwa'aitiwame metinuiwaxi? Tame xurawe tepexei 'anatineximekaku, tepu'axia nenewieri te'ipitianike.

<sup>3</sup> Kepauka ti'aitame Herurexi mitiutamari kaniuyeha'ani, meta yunaiti Kerutsareme kiekatari. <sup>4</sup> Hiki yunaima kiekatari kaniwarukuxeirieni mawari wewiwamete tewa'aitiwamete, meta 'iniariki memite'ikitametetikai, teiteri watsata miemete yunaima, kaniwaruta'iwawiya hakewa metinuiwakekai Kiritsitu. <sup>5</sup> Mipai mekatenitahiawe:

—Wereni paiti Kureya kwieyaritsie, mipai mitiu'itiakaiki Kakaiyari niukameya:

<sup>6</sup> »“Peru 'eki, Wereni, Kureya kwieyaritsie mukuma,  
kepemitinenixeyarie te'aitamete Kura kwieyaritsie watsata,  
kanimariwani xekiekari.

'Ahetsia piyenuiwa ti'aitametiti,  
neteiterima 'ixaheritsixi wa'iwiyame kanayeimiki”».

<sup>7</sup> Hiki Herurexi temaiwawemete kaniwaruta'inieni 'awie. Kaniwaruta'iwawiya heitseriemeki kepauka muyuhekiataxi xurawe. <sup>8</sup> Hiki kaniwareni'ani Wereni paiti, mipai tiwarutahiaweka:

—Mana xekenehu, heitseriemeki xekeneti'iwau nunutsi hepaitisita. Kepauka xemeitaxeya yaxekeneteneutahiawi, manata ne neminenewiyamieki.

<sup>9</sup> Ti'aitame me'u'enieka mekanekine, kamitsi xurawe memexeyakai 'anatineximekaku, miki wahixie kaniumiekaitini. Heta'aka hakewa meyekatei nunutsi, heimana kaniuyeyerini. <sup>10</sup> Me'ixeyati xurawe kwini mieme mekateniyutemamawiekaitini yemeki. <sup>11</sup> Hiki kiita meheutahaxiaka, nunutsi mekaniuxeya Mariya mimaamaya hamatia, hiki me'utihixima'uka nenewieri mekanipitiani. Yupiinite metewatipika, 'imikieri mekatenimini huru, 'ikwa witsimu'ia meta mixaxi. <sup>12</sup> Hiki yuheinitsita mete'utaxatiarieka kename Herurexi hetsia tawari mekaheuhuni, xeime huyeyari 'utia pita me'uhuti yukwiepapai mekanakunuaxiani.

### Kememite'uyuta'unaxi 'Ekipitu kwieyaritsie paiti

<sup>13</sup> Merikitsi mehekinekuri miki, Kutse yuheinitsita Ti'aitame hetsia mieme niuki tuayame kaniuxeya, mipai katinitahiawe: «Kenanukukexi, keniwaranuwitiki nunutsi meta maamaya, 'Ekipitu paiti xekeneuyuta'una. Mana xekenekuteni, kepaukake yanemitayini. Herurexi nunutsi kanitiwaumiki 'imienike».

<sup>14</sup> Hiki 'anukukeka Kutse, yiwikita kaniwarewitini nunutsi meta maamaya 'Ekipitu paiti. <sup>15</sup> Mana mekanikutekaitini mexi Herurexi kamiwekai. Mipai katinaye'atiarieni Ti'aitame kemainekai Kakaiyari niukameya mipai mainekaiki: «'Ekipitu kwieyaritsie neniwe nekaniutahiawe».

<sup>16</sup>Hiki kepauka mitiutamari Herurexi kememite'ikwamanaxi temaiwawemete, kwinimieme katiniuyeha'ani. Hiki katiniuta'aita tiiri memiwakwiniki yunaima huta wiyari memikahitika 'akuxi, Wereni memititekai meta naitarie 'auriena memititekai, kememite'itahiawixi temaiwawemete tukari hepaitsita. <sup>17</sup>Hiki mipai katinaye'atiarieni Keremiyaxi Kakaiyari niukameya kemutayikai:

<sup>18</sup> «Xewiti pe'enierie Xama kiekariyarisie  
'utatsuati yuheiwieri kwinimieme,  
Xakeri putatsuaka yuniwema waheki  
kayunitiariniati 'amemika'u'uwakiri».

<sup>19</sup>Merikitsi 'arike Herurexi 'umiku, Kutse yuheinitsita kanixeyia Ti'aitame hetsia mieme niuki tuayame 'Ekipitu kwieyaritsie heyekati, <sup>20</sup>mipai katinitahiawe: «Kenanukukexi, keniwaranuwitiki nunutsi meta maamaya 'Ixaheri kwieyaritsie kenemie. Mekanekwiniri miki nunutsi memimiekukai».

<sup>21</sup>Hiki 'anukukeka kaniwarewitini nunutsi meta maamaya, mana kaneta'ani 'Ixaheri kwieyaritsie. <sup>22</sup>Meriki tiutamarieka kename 'Arikerau ti'aitametikai Kureya kwieyaritsie yupaapa hetsiemieme Herurexi, peumakai mana miye'aniki. Mipai Kakaiyari katinitahiawe heinitsitana, Karereya kwieyaritsie pita kenemie, <sup>23</sup>mana kiekari Natsareti mirakutewatsie kaninuani. Mipai katinaye'ani Ti'aitame kemutayi, Kakaiyari niukametemama yame'utiyanekaku kename: «Natsarenu titewakakakai».

### **Ti'iyame Wani kemitikuxatakai**

(*Mat 3:1-12 – Mar 1:3-8, Ruk 3:2-17*)

**3**<sup>1</sup>Merikitsi miki tukaritsie Kureya kwieyaritsie Wani Ti'iyame kaninuani tikuxatati makumawatsie, <sup>2</sup>mipai 'utaiti: «Xeketeneuhayewa ke'axaxemiteyurie, kanehuraniri Kakaiyari kemitita'aita». <sup>3</sup>Miki Wani kanihikitini, Kakaiyari niukameya Kitsariyaxi hepaitsitana mipai miraka'utia:

«Xewiti makumawatsie mipai pirehiwa:  
“Xekeneukuha'aritia Ti'aitame huyeya,  
xexeurawime huyeya xekeneutiwewi”».

<sup>4</sup>Wani kemarieya kameyu huxarieyaki piwewiyakai. Nawiki kananayukuhiakaitini meta piti'ikwaiyatikai tipuxi meta xiete yeuta mieme. <sup>5</sup>Hiki teiteri mekani'axekaitini hetsiana Kerutsareme kiekatari, yunaiti Kureyatsie kiekatari, meta Kurutani hatuxame tetsita kiekatari. <sup>6</sup>Miki meyuhekiatakaku 'axakememiteyuriekai, miki kaniwaruka'iyakaitini Kurutani hatuxameyaritsie.

<sup>7</sup>Hiki yumiireme waxeyati paritseutsixi meta tsarutseutsixi hetsiana memi'axekaiki mira'iyanekaitsie, mipai katiniwarutahiawe: «Kuterixi waniwema. ¿Kemi'ane mipai pitixe'utahiawixi xemiyuta'unaki kapa 'uxa'atiniwarie xe'uyehekarieni? <sup>8</sup>Yaxeketeneu'uواني xematsiikiti xemite'uhayewaxiki 'axaxeteyurieti. <sup>9</sup>Mipai xepikateku'eriwani kename xeyiwawe xemiteyukihawe: “Tame tepinaki'eriwa tapaapa 'Apirahami mihikiki”. Mipai nepitixekihawe, Kakaiyari kaniyiweni 'iki tetexi

teiteri miwarayeitianiki, 'Apirahami niwemama memakineki. <sup>10</sup>Hatsa kaniha'aritsieka 'iteirite tsutiana maxiriyani. 'Ayumieme naiti 'iteiri mika'ukaxuxuawere kanawitekiemiki, meta taipa kaneukahiyamiki.

<sup>11</sup>»Ne nekanixe'uka'iyani hakiki, mipai mitimatsiikiniki kename 'axaxeteyurieti xete'uhayewaxi. Peru ne'utima 'umamie miki matsi waikawa kanitirikaieyeni keyuri ne, 'aixia nepika'ane nehetsie mitinakeniki nemiparewieniki. Miki pixeka'ia 'Iyari Mitiyupataki meta taiki. <sup>12</sup>Ti'itiwame pakwe'e, yutiriku xatsiyari panuyewiwieni, kaniti'utamiki takariyari kaxetunitsie, hiki xatsiyari pititaiyarieni tai mikatiwetsie».

### Ketsutsi kemitiuka'iyarie

(Mat 3:13-17 – Mar 1:9-11, Ruk 3:21-22, Wa 1:31-34)

<sup>13</sup>Merikitsi 'ana Ketsutsi Karereya kwieyaritsie heyeyaka, Kurutani hatuxameyaritsie kaninuani Wani mika'iyaki. <sup>14</sup>Peru Wani kaniyuku'imawakaitini mipai tikihiaweti:

—Matsi kaneuyeweka 'ekipita peminetsika'iyaki, 'ekitapita nehetsia petinua.

<sup>15</sup>Ketsutsi mipai katinitahiawe:

—Mipai pitiyini hiki, 'aixia kani'aneni yatemitekahuniki naime heitseriemeki.

Hiki Wani yapitikatia.

<sup>16</sup>Hiki Ketsutsi 'uka'iyarieka, kwiti hapa 'anatiyaku. 'Ana taheima muyuawitsie katineuyepiere, hiki miki Kakaiyari 'Iyarieya kaniuxeiya heimana 'akamiekame kukuru hepai 'aneti, hetsiena yuhayewake.

<sup>17</sup>Hiki xewitita muyuawitsie mipai kanetayini: «Iki Neniwe kanihikitini neminaki'erie, mikiki nekaniyutemawieka».

### Ketsutsi kemitiuta'iniatsie

(Mat 4:1-11 – Mar 1:12-13, Ruk 4:1-13)

**4** <sup>1</sup>Hiki 'Iyari Ketsutsi kanewitini makumawetsie paiti, mana Kauyumarie mita'iniataki. <sup>2</sup>Hiki huta tewiyari tukari, huta tewiyari tikari yuhakieti, kaneuhakamikikaitini. <sup>3</sup>Hiki tiyu'iriyame nuaka mipai katinitahiawe:

—Kamitsi, xika 'eki Kakaiyari penu'ayatini, mipai ketineutahiawi 'iki tetexi paa makineki.

<sup>4</sup>Ketsutsi mipai katinita'eiya:

—'Utiarika mipai kanaineni: “Tewi paaki xeikia pika'ayeniereni, Kakaiyari kemutayi, niukieya naiti peuyewetseta”.

<sup>5</sup>Hikita kauyumarie Kerutsareme kiekariyaritsie paiti kaneiwitini, tuki yekirita 'amanutitewatsie kanenutiwitini. <sup>6</sup>Hiki mipai katinitahiawe:

—Xika 'eki Kakaiyari penu'ayatini, 'ena keneukatsuna. 'Utiarika mipai kanaineni:

»“Niuki tuayamete pitiwa'aitiaka 'ahepaitsita,

yumamaki mepimatsituikani

kapa tetetsie pe'uti'ikamireki”».

<sup>7</sup>Hiki Ketsutsi mipai katinita'eiya:

—Mipaita kanaineni 'utiarika: “Ti'aitame mi'akakaiyari pepika'iniataneni”.



<sup>8</sup>Hiki tawari Kauyumarie kaneiwitini hiri 'amanutitewatsie, kwiepa memite'aita wakwie xexuime kanixeyatsitiani witsimi'anene.

<sup>9</sup>Mipai tikuhaweti:

—Tki naimie nepimatsiyetuirieni, xika pe'awairiyani peminetsi'ayexeyaniki.

<sup>10</sup>Hiki Ketsutsi mipai katinitahiawe:

—Kenemie Kauyumarie. 'Utiarika mipai kanaineni: "Ti'aitame mi'akakaiyari xeikia kenayexeyani".

<sup>11</sup>Hiki Kauyumarie kanihayewa kaneyani, niuki tuayamete me'u'axiaka mekaniparewiekaitini.

### **Ketsutsi kemititsutia tikuxatati**

<sup>12</sup>Kepauka Ketsutsi mitiutamari kename Wani hanutahiiyakai, Karereya paiti kaneyani. <sup>13</sup>Natsaretitsie yeyaka, Kaperunaume kaneyani mana mekaniki harakuna tetsita miti'ane, Tsawuruni kwieyaritsie meta Nepitahari, <sup>14</sup>mipai katinaye'ani Kakaiyari niukameya Kitsariyaxi kemutayi:

<sup>15</sup> «Tsawuruni kwieyari meta Nepitahari kwieyari,  
harakuna mananiere Kurutani 'anutaiye meta,  
Karereya memikatateiterima memakutei,

<sup>16</sup> teiteri makuyiwitsie memitei  
miki hekiariya kwimixawati mekaniuxeyia,  
miki yiwipa memikutei hake memikwiximekai,  
miki wahetsiemieme hekiariya kaniuhekiariwieni».

<sup>17</sup>Merikitsi 'ana Ketsutsi kanitsutiani mipai tikuxatati: «Xeketeneuhayewa ke'axaxemiteyurie, kariki kanehuraniri Kakaiyari kemitita'aita».

### **Ketsutsi ketsiweiyamete kemitwaruta'ini yunaukame**

(*Mat 4:18-22 – Mar 1:16-20, Ruk 5:2-11, Wa 1:35-42*)

<sup>18</sup>Kepauka harakuna tetsita muyemiekai Karereya kwieyaritsie, kaniwaruxeyia yuhutame yu'iwamakame: xewiti Tsimuni Pekuru mititewakai, meta 'Atirexi. Mana wipiki mekateniwiwiewekaitini harakunatsie, miki memiketsiweiyametetikaiki. <sup>19</sup>Hiki Ketsutsi mipai katinwarutahiawe: «Hikimi, nehetsie xeketeneuwiya, teiteri waxexeriwamete nekanixe'ayeitiamiki». <sup>20</sup>'Ana yapauka wipi me'uku'eiriexiaka, hetsiena mekatenuwiya.

<sup>21</sup>Manata kwitiwa ya'amieti kaniwaruxeyata yuhutame yu'iwamakame: Kakuwu meta Wani, Tsewureu niwemama, kanuwatsie mekaniyetekaitini yupaapa hamatia yuwipi memanetsikitiati. Hiki kaniwaruta'inieni. <sup>22</sup>Hiki 'ana kwitiwa kanuwa me'uku'eirieka meta yupaapa, mekaneiweiya.

### **Ketsutsi kemitwa'ikitiakai yumiireme**

<sup>23</sup>Merikitsi Ketsutsi naitarie Karereya kwieyaritsie kanikuyeikakaitini, tukiteta tiku'ikitaneti, niuki 'aixia manuyine taheima mieme hepaitsita tikuxatati, 'aixia meteheu'eriekame warayeitiwati naimie kwiniya hepaitsita meta kememite'uka'eniwakai teiteri. <sup>24</sup>Naitarie Tsiriya kwieyaritsie kaniutamariwa. Mekaniwa'atiwakaitini kwiniya yuki 'anenemeki

memitekukuyekai, kukuiniyaki waikawa memite'uka'eniwa, kakaiyarixi 'axamemi'anene memiwani'i, meta kierixiekate, meta huriekate, hiki miki kaniwaranayexiriwakaitini. <sup>25</sup>Yumiireti teiteri mekaneweyiakaitini Karereyatari, Tamamata Kiekaritsietari meta Kerutsaremetari, Kureyatari, meta Kurutani 'anutaiyetari.

**Miki 'aixia memi'itiarie meta miki 'axamemi'itiarie**

*(Mat 5:3-12 – Ruk 6:20-23)*

**5** <sup>1</sup>Merikitsi teiteri yumiireme waxeyati, mana yemuritsie neutyune, hiki nanukayerini. Teyi'ikitiwametemama 'auriena mekanu'axiani, <sup>2</sup>miki katiniwaruti'ikitiani mipai 'utaiti:

<sup>3</sup> «'Aixia mekan'i'tiarieka miki waikawa memiteheuyehiwa yu'iyaritsie kememiteyumate,

kemi'ane taheima makawe mekanexeyiakakuni tiwa'aitiwametime.

<sup>4</sup>'Aixia mekan'i'tiarieka miki memiyuheiwerie, mepinitiarieni.

<sup>5</sup>'Aixia mekan'i'tiarieka miki memika'ayu'eririya, wahatsie pitinake kwie naiti.

<sup>6</sup>'Aixia mekan'i'tiarieka miki memiyuwairiya heitseriemeki yamemitekahuniki yaxeikia tewi hepai meuhakamiki meuharimiki hepai, yamepitemitarieni mepitihuxani.

<sup>7</sup>'Aixia mekan'i'tiarieka miki memiteyukanenimaya, mepitinenimayatsieni.

<sup>8</sup>'Aixia mekan'i'tiarieka miki memi'itiatika wa'iyari miyuxewiniki, mepixeiya Kakaiyari.

<sup>9</sup>'Aixia mekan'i'tiarieka miki memiwanitiani teiteri, 'aixia memiteyuxeianiki, mepimatsiikini Kakaiyari niwemama kememitehiki.

<sup>10</sup>'Aixia mekan'i'tiarieka miki memuweiyarie memiyuwairiyaki heitseriemeki yamemitekahuniki, kemi'ane taheima makawe mekanexeyiakuni tiwa'aitiwametime.

<sup>11</sup>»'Aixia xekani'tiarieka xeme kepauka memixeta'uxiwe'erieneni, kepauka memixe'uweiyani, kepauka mete'itawati 'axamemutiyuaneni xehapaitsita naimeki nehetsie xemimieteki. <sup>12</sup>Xekeneyutemamawieka 'ana xekenenaki'aka mipai xetemaiti, 'aixia 'aneme xekanipitiariekuni waikawa taheima mieme. Mipaita meteniwaruweiyakaitini Kakaiyari niukametemama meripaiti miemete.

**Kwiepa memitama wa'una wahekiariwamete**

<sup>13</sup>»Xeme kwiepa memitama wa'una xekanihikitini. Xika 'una hamuriti 'ayani, ¿titaki ha'utswiti rayani? Pikatiyunaki'erieri, panuyewiwiyani xeikia, teiteri hetsiena memuwawani.

<sup>14</sup>»Xeme kwiepa memitama wahekiariwamete xekanihikitini. Yemuri heima kiekari mikama pikayiwe miti'awietsieni. <sup>15</sup>Miki meta, kixeme

'utaiyame kakuniki pika'enukanani. Matsi pita, wapaiti neitiyemiki miwahekiariwiyaki yunaima kiita memayetei. <sup>16</sup>Yaxeikiata xeme, hekiariya xehetsia mieme mipai ketihekiaka teiteri wahixie, memixexeyaniki 'aixia kexemiteyurie, 'aixia memutiyuaneniki xe'ukiyari taheima makawe hepaitsita.

### **Ketsutsi kemutayi 'iniari niukiyari hepaitsita**

<sup>17</sup>»Mipai xepikateku'eriwani kename nenua ne'ika'unake 'iniari niukiyari, Kakaiyari niukametemama waniukiyari. Kenemitinua, ne'ika'unake nekapunua, ne'eye'atianike pita nekaninuani. <sup>18</sup>Yuriki mipai nepixerahiawe, mexi kataxiwe muyuawi meta kwie, xehixiyari xeituniyari pikatatimaiyarieni 'iniari niukiyaritsie mieme, naiti mexi karaye'awe. <sup>19</sup>Kemi'ane mitixani'erieni 'iki 'aitsika tsepa 'imatime, yatiwa'ikitiatu teiteri, mikita 'imatime pitateriwarieni, kememitemariwa miki memeixeyia kemi'ane taheima makawe tiwa'aitiwametime. Perutsi kemi'ane yamitikamie yamiti'ikita, mexiakame pita pitateriwarieni. <sup>20</sup>Mipai nepitixekihawe, xeme xepiyuwairiya heitseriemeki yaxemitekahuniki. Miki meta 'iniariki memite'ikitamete, paritseutsixi meta, miki yaxeikia waniu mepiteyuwairiya. Merikite, peuyewetse xeme matsi yemeki yaxemitekahuniki. Mexika katixaitini, tixai xepikaheutahaxiani hakewa mira'aita kemi'ane taheima makawe.

### **Ketsutsi kemutayi memiha'a wahepaitsita**

*(Mat 5:25-26 – Ruk 12:58-59)*

<sup>21</sup>»Xepi'enana kename mipai mete'utahiawarie meripaiti xetutsima: “Pepikati'amemiwani, kemi'ane mitiyumemiwani, 'itsikame hetsiena 'apirahipani”. <sup>22</sup>Ne matsi mipai nepitixekihawe, kemi'ane miheka yu'iwa, 'itsikame hetsiena pirahiani. Kemi'ane 'axamitikihaweni yu'iwa, mikitsie mepite'uhipani ta'ukiyarima. Kemi'ane mipai mititahiawe: “Kari pepika'amate”. Miki panutahiiyani tai yamitita'atsie.

<sup>23</sup>»Ayumieme xika 'aimikieri pe'atiani mirayutimawatire, mana xika pehaye'erieni kename 'a'iwa tixaitiki 'aixia kamatixeyia, <sup>24</sup>mana mirayutimawatire keneuku'eirieka 'aimikieri. Kenemie meri, 'aixia xeteyuxeyati xekenakini yu'iwamati, 'anake muwa pe'ayeneme keneutimawa.

<sup>25</sup>»Kwiti kenehamikutani kemi'ane mimatsixaneta mexi huyeta pe'umie hamatiana, kapa matsiyetuaniki 'itsikame hetsia matsixanetame, 'itsikame kapa matsiyetuaniki tupiri hetsia, kapa pe'anutahiiyaniki. <sup>26</sup>Yuriki mipai nekanaineni, muwa pepikawayeyani mexi pekati'atuawe naimeki.

### **Ketsutsi kemutayi, kemi'ane mikumaiwa xeime 'iyaya xeime kinaya hepaitsita**

<sup>27</sup>»Xepi'enana kename mipai mete'utahiawarie: “Xeime 'iyaya kinaya pepikakumaiwani”. <sup>28</sup>Ne matsi mipai nepitixekihawe, kemi'ane mixeyia 'uka 'ihiwe'erieti, miki kanikumaiwani yu'iyaritsie. <sup>29</sup>Ayumieme, xika 'ahixi 'atserieta miemeki xika 'axapetiyurieneni, keniwatitu'i meta kenehiwa. Matsi

'aixia piyini tixaiti mireuyeweniki 'awaiyaritsie mieme, kapa pe'axewiti peheukahiiyaniki xatsi taiyariyaritsie. <sup>30</sup>Meta, xika 'amamá 'atserieta mieme matsihakahipani, kenewayewiteki meta kenehiwa. Matsi 'aixia kaniyimiki pemíwayepuruniki, kapa pe'axewiti peheukahiiyaniki xatsi taiyariyaritsie.

### **Ketsutsi kemutayi, 'eiriya hepaitisa**

<sup>31</sup>»Mipaita mepite'utahiawarie meripaiti: “Kemi'ane yu'íya muku'eiri, 'eiriya xapayari ke'ihuritiani”. <sup>32</sup>Peru ne matsi mipai nepixerahiawe, kemi'ane miku'eiri yu'íya, miki xeime kinaya kumaiwame kanayeitiani yu'íya, mexika 'uka 'uki 'ukumayiani mikayikina xeikia. Kemi'ane mitiwitini 'uka muku'eiriwaxi, mikita pikumaiwani xeime 'iyaya.

### **Ketsutsi kemutayi, memiyihiritia wahepaitsita**

<sup>33</sup>»Miki meta, xepi'enana kename meripai miemetexi mipai metekihawariwakai: “Pepika'ahiritiani peti'tawati, matsi kepemiti'ahiritia yapepitikamieni Ti'aitame matsixeyakaku”. <sup>34</sup>Ne matsi mipai nepitixekihawe: Yemeki xepikayihiritiaka. Taheima mieme muyuawi xexatati xepikayihiritiaka Kakaiyari muwa yu'uwenitsie 'akaiti miti'aitaki. <sup>35</sup>Kwie xexatati xepikayihiritiaka kwie 'uweneyatia mieme ketayatia mieme mihikiki. Kerutsareme xexatati xepikayihiritiaka ti'aitame mitirikaiye kiekarieya mihikiki. <sup>36</sup>Amu'u pexatati pepika'ahiritiaka pemikayiweki tuxame yiwime pemeyeitiani nixei kipayari. <sup>37</sup>Xika xeyuwairiyani, “huu” xekeneutiyuaneni xeikia, mexika xekayuwairiyani, “tixai” xekeneutiyuaneni. Tawari xeiniukiyari panayuhayewa, kemi'ane 'axamitiyuruwa hetsia kanimiemetini.

### **Ketsutsi kemutayi, 'axamemíwayurie 'axame'u'itiarieka wahepaitsita**

<sup>38</sup>»Xepu'enana kename mipai metekihawariwakai: “Xika xeime hixieya watituni mikita hixieya kewatituiyani meta tameya xika 'anaye'una mikita ke'anaye'uniyarieni”. <sup>39</sup>Ne matsi mipai nepitixekihawe: Mipai xeteyurieti xepika'inenaka kemi'ane 'axamixeyurie. Matsi kemi'ane 'auritapatsie mimatsikuwaya 'atserieta, ta'aurie pe'aweme keneupitia tapata. <sup>40</sup>Kemi'ane matsixanetati mimatsinawairiemiki 'akamixa, keneuhuritia meta 'aikari. <sup>41</sup>Kemi'ane mimatsiwiya hetsiena mieme tixaiti pemiranutiniki xeimiriari keyari, huta miriyari keyari keneumieni 'utiána. <sup>42</sup>Kemi'ane tixaiti mimatiwawirie, ketineupitia, kemi'ane mimatiniwiriemiki pepikatikweririeka.

### **Kemitiwanaki'erieka miki memitatsi'aye'unie**

<sup>43</sup>»Xepi'enana kename mipai metekihawariwakai: “'Ahepai tewi kenenaki'erieka, pepi'uxiwe'erieka kemi'ane mimatsi'aye'unie”. <sup>44</sup>Ne matsi mipai nepitixekihawe: Xekeniwanaki'erieka miki memixe'aye'unie, xekeneyunenewieka miki memixe'uweiya wahetsieme. <sup>45</sup>Mipai xeyiati puyuritini yu'ukiyari taheima makawe niwemama xemihikiki. Miki kanenatinenetiwani yutau 'axamemiteyurie wahetsie 'aixia memiteyurie

wahetsie. Wiyeri panakan'iawa miki heitseriemeki yamemitekahu wahetsie miki heitseriemeki yamemikatekahu wahetsie yaxeikia. <sup>46</sup>Xika xewanaki'erieka miki memixenaki'erie, ¿kexete'a'iwa mikiki? Kami, 'atsita miki kuwiyexinutsie mieme tewawamete yaxeikia mepiteyurie. <sup>47</sup>Xika yu'iwamarixi xewawai'ritiaka hikia, titatsi xeteyurie hipati yamemikateyurie. Kami, miki memikatateiterima yaxeikia mepiteyurie. <sup>48</sup>Xeme pita heitseriemeki yaxeketenekahuni, xe'ukiyari taheima makawe heitserie yamitikamie hepai.

### Ketsutsi kemutayi, 'aixia memiteyurie wahepaitsita

**6** <sup>1</sup>»Xekeneyukweriwayurieka kapa kemitheitserie xeteyurieka teiteri wahixie, miki memixexeyaki xeikia. Mexika wahixie xeikia yaxeteyurieka, xe'ukiyari taheima makawe tixaiti pikatixepitiani xe'iwarika. <sup>2</sup>»Kepauka pemiparewi tixaiti mikarexeiya, kuxineta pepika'aitani 'ahixie mihitsieriekaki pemixeyarieniki, tukita kaye 'utia kememiteyurie miki memite'itawamete, teiteri 'aixia memutiyaneniki wahepaitsita. Yuriki mipai nekanaineni, 'ari meheixeyati mepaki yu'iwarika. <sup>3</sup>Matsi 'eki pita kepauka pemiwaparewie tixaiti memikatehexeiya, 'atsipekatayini, 'amamá 'a'utata mieme 'atsipikatimaika kemitiyuriene 'atserieta mieme, <sup>4</sup>kepemituparewi mi'awiekaki. 'Ana 'a'ukiyari 'ixeyati tita miti'awietsie pimatipitiani 'a'iwarika yunaima wahixie.

### Ketsutsi kemutayi nenewieri hepaitisa

(Mat 6:9-13 – Ruk 11:2-4)

<sup>5</sup>»Kepauka xemiyunenewie, miki memite'itawamete wahepai xepikayiaka, piwanake tukipa memiti'uniki meta 'itsikinatsie memiti'uniki meyunenewieti teiteri memiwaxeyaniki. Yuriki mipai nekatnixehahiaweni, 'ari meheixeyati mepaki yu'iwarika. <sup>6</sup>'Eki pita kepauka pemi'anenewie 'akiita keneutahaka, kitenie pereunama, nenewieri kenepitiaka 'a'ukiyari mana muyeika muye'awietsie. 'A'ukiyari 'ixeyati tita miti'awietsie pimatipitiani 'a'iwarika yunaima wahixie. <sup>7</sup>Xeyunenewieti xepika'imiriyanani niuki hipame nuiwarite wahepai. Miki waikawa me'utiniuti, me'enierienike mepiyu'erie. <sup>8</sup>Wahepai xe'aneneti xepika'akine. Kakaiyari mixe'ukiyari yapitimate tita xemiteheuyehiwa, yaxekate'itawawiriewawekaku 'akuxi.

<sup>9</sup>»Ayumieme 'ipai pita xeketenyunenewieka xeme:

»“Ta'ukiyari taheima pemakawe,  
yuhemeki mipatsie peke'ayeitiariwani,

<sup>10</sup>'enata keneutsutia peti'aitati,  
yameketeyurieka kemimatinake

'ena kwiepa taheima kememiteyurie.

<sup>11</sup>'Ikwai ketaneumikwa hiki temeiyehiwa.

<sup>12</sup>Ketatineuyehiwiriekaka 'axatemite'uyuriki  
tameta temitewareuyehiwiriki miki 'axamemitatsi'uyuri.

<sup>13</sup>Pepikatatsipitiaka temita'iniatsieniki,  
matsi ketaneutawikweitsitia 'axatemika'itiarieniki.

'Ekitsi 'aheyemeki pekatini'aitametini pekanitirikaiyeni  
witsipekani'aneni 'aheyemeki.

Mipai xeikia kani'aneni”.

<sup>14</sup>»Xika xetewareuyehiwirieni teiteri 'axamemixeyurie, xe'ukiyari muyuawitsie makawe pixereuyehiwirieni xemeta. <sup>15</sup>Peru, xika xeketawareuyehiwirieni teiteri, xe'ukiyari pikaxereuyehiwirieni xemeta 'axaxete'uyurieyu.

### **Ketsutsi kemutayi hakiya hepaisita**

<sup>16</sup>»Kepauka xemiuhakiwa miki memite'itawamete wahepai xepikayiaka. Miki yuheiweriekate wahepai meteyuxexeyame mepayuyeitiwa, meta yuhakiwamete wahepai teiteri memiwaxeiyaki. Yuriki mipai nepixerahiawe, miki 'ari meheixeyati mepaki yu'iwarika. <sup>17</sup>Eki pita kepauka pemi'ahakiwa, kene'akawiri witsimu'ia 'amu'utsie, kenanaka'itaima, <sup>18</sup>tiyuhakiwame hepai pemikati'axexeyaniki, teiteri kemematexeya. 'A'ukiyari mana muyeika muye'awietsie, miki pita kematixeya pepimatsiikini. 'A'ukiyari 'ixeyati tita miti'awietsie, miki pimatipitiaka 'a'iwarika yunaima wahixie.

### **Kemititi'uta taheima mieme**

*(Mat 6:22-23 – Ruk 11:34-36)*

<sup>19</sup>»Xeketeneuhayewa kwiepa timieme piinitiarika xetexeirieti xeikia. Kwiepa timieme tekimemete mepitetikime meta pitiyutikwitamawa, metatsiere tenawayamete mepiyiwawe miki memitenawani. <sup>20</sup>Taheima mieme matsi piinitiarika xeketeneixerieka. Mana tekimemete mepikatehetikime meta pikareyutikwitamawa, metatsiere tenawayamete mepikaheutahake memitenawaniki. <sup>21</sup>Hakewa pemirekuxeiri piinitiarika, manata 'a'iyari puyeikani.

<sup>22</sup>»Tahixi tawaiyari kixemeya kanihikitini. 'Ayumieme xika 'ahixi yuxewini 'aixia 'aneni, 'awaiyaritsie naiti pepihekiariwiyarieka. <sup>23</sup>Mexika 'ahixi 'axa'aneni peti'akahiwe'eriekaku, 'awaiyaritsie pekaniyiriyariekamiki. Merikite, 'akixeme xika 'uyire, yemeki pepiyiriyarieni.

<sup>24</sup>»Tewi pikayiwe yuhutame yukutsiyarima wahetsie tiwiyati miti'uximayaka. Ni'uxiwe'eriekamiki xeime 'inaki'erieti xeime, yatini matsi xeime waikawa ninaki'eriekamiki xeime xani'erieti. Pikayiwe xemite'uximayaka Kakaiyari hetsie xetewiyati meta yupiinitiarikatsie xetewiyati.

### **Kakaiyari kemitiwa'iwiya yuniwema**

*(Mat 6:25-33 – Ruk 12:22-31)*

<sup>25</sup>»'Ayumieme mipai nepitixekihawe: Xeketeneuhayewa xeyu'iyaritati yutukari hepaisita, tita tetekwani tita tete'ieni xeteyukihaweti, yuwaiyari hepaisita xepikayu'iyaritiaka tita tete'anakatixiani xeteyukihaweti. ¿Tukari matsi waikawa kareuyewetse keyuri 'ikwai meta xewaiyari keyuri kemari? <sup>26</sup>Xekeniwaru'ixiari wikixi taheima miemete: Mepika'uka'etsa mepika'uka'itsana, kaxetunitsie mepikateti'uta. Miyatiti, xe'ukiyari taheima

makawe pitiwamikwa. Merikite, xeme matsi waikawa xepeuyewetse keyuri miki. <sup>27</sup> ¿Xeme kemi'ane piyiwe yu'iyaritiati 'a'utewiti mayuyeitiani xika 'etsi'utewini, xeitsikuriyari manawere?

<sup>28</sup> »¿Meta titayarikuta xeteyu'iyaritia 'ixuriki hepaitisa? Xekeneuxeiya tuturi texuxuri 'itsita mieme kemitiuwawere. Pikati'uximaya pikawita, <sup>29</sup>peru mipai nepixerahiawe, Tsarumuni tsepa naimeki mariweti mayuyeitiwakai witsipikatiyukemaritiwakai texuxuri hepai. <sup>30</sup>Xika Kakaiyari mipai tikemaritiaka tupiriya hiki 'itsita meuti'u meta 'uxa'a huxunuta meukawiwiyani, matsi yemeki katixekemaritiaka xeme, teiteri 'etsiwa xeikia yuri xemite'erie. <sup>31</sup>'Ayumieme xepikayu'iyaritiaka 'ipai xe'utiyaati: ¿Titari tetekwaka? ¿titari tete'ieka? ¿titaki tetetakemaritiaka? <sup>32</sup>Miki memikatateiterima mepiwautiwe miki naime, peru xe'ukiyari taheima makawe yapitimate kename xeteuyehiwa 'iki naime. <sup>33</sup>Xeme matsi xekeneuwairiyani miki tixe'aitiwame mihikitiniki, heitseriemeki yaxemitekahuniki, mipai xeteyurieti, xepitemikienita miki naime. <sup>34</sup>'Ayumieme xepikayu'iyaritiaka 'uxa'a miemeki, 'uxa'ata peixeyani 'iyaritariaka. Xexuiti tukari peixeyari 'axamiti'ane.

### Hipame wahetsie xepikate'uhipani

(Mat 7:3-5 – Ruk 6:41-42)

**7** <sup>1</sup>»Hipame wahetsie xepikate'uhipani, xemeta xehetsie mikarahiiwaniki. <sup>2</sup>Hipame wahetsie kexemite'uhipa, mipaita xeme xehetsie pirahiiyani, kexemitewa'iniatsirie hipame, yaxeikiata xeme mipai xepite'iniatsiyarieni.

<sup>3</sup>»¿Titayari kwi petixeiya xatsi 'a'iwa hixita meutawiwi, pekahe'eriwati keuruwi 'eki 'ahixita meutawe? <sup>4</sup>¿Pepikayiwe mipai pemititahiawe 'a'iwa: "Xatsi 'ahixita meutawiwi nepimatsiwaye'itirieni", keuruwi 'akuxi 'eki 'ahixita yeyeikakaku? <sup>5</sup>Yaki peputaine xeikia. 'Ahixita meri kenwayehiwa keuruwi, mipaika 'aixia pereuniereti pekanayeimiki pemiwaye'itirieniki xatsi 'a'iwa hixita meutawiwi.

<sup>6</sup>»Tita Kakaiyaritsie mieme mitipatsie xepikatewamikwani tsiikiri, kuka kwinnie miraye'atika tuixuri wahixie xepikatixiriwani, nika me'itiketsiniki, nika ta'aurie me'axirieme mexe'utitsanaki tsiikiri.

### Xeketeneuta'iwau, xeketenekuwawa, 'itupari xekeneuyuitia

(Mat 7:7-11 – Ruk 11:9-13)

<sup>7</sup>»Xekatehayewati xika xete'uta'iwauni, yaxepitemikieni. Xika xetekuwaitiwani xekatehayewati, yaxepite'itaxeiya, 'itupari xika xe'uyuitiani xekatehayewati, xepiteheuyepiyarieni. <sup>8</sup>Kemi'ane mitiku'iwawa pitiyetuiriyariwa yu'iwarika, kemi'ane mitikuwaune pitikaxeiya, kemi'ane 'itupari mukuyuitiwa pireuyepiyariwa.

<sup>9</sup>»Xewiti pikayuwaitiwa tete yuniwe mumini, miki paa ha'iwwakaku. <sup>10</sup>Meta pikayuwaitiwa kuu mimini tsaapa ha'iwwakaku. <sup>11</sup>Xeme 'axaxete'u'iyaritiati, 'aixia 'anemeki xika xetewamikwani yuniwema, matsi waikawameki xe'ukiyari taheima makawe 'aixia ti'aneme katiniwamimiki kemi'ane memite'itawawirieni. <sup>12</sup>'Ayumieme xeme

hipame teiteri yaxeketeniwaxeiyani, miki kememite xexeiyanikeyu xeme. Mipai tiyurieneti kanitaxewiriyamiki 'iniari niukiyari meta Kakaiyari niukametemama waniuki.

### Kitenie 'etsimayewa

<sup>13</sup>»Kitenie 'etsimayewatsie xekeneutahaxia. Kariki 'ekanayeuka kitenie, 'ekanatayeuka huye hakewa memeyexiriwe meukayune, mepiyumiire mana memeutahake. <sup>14</sup>Peru 'etsipayewa kitenie meta 'itsipatayewa huye tukaritsiepai meutiyune, hipati xeikia mepikaxexeiya.

### Kiye kemitimatsiiki yu'ikwaxitsie

<sup>15</sup>»Xekeneyukweriwayurieka Kakaiyari niukametemama memite'itawa wahepaita. Xehetsia mepeutahake muxatsi wahepai meteyuxexiyati, matsi yutaita mepi'irawetsixi pita memitenawaya. <sup>16</sup>Kememite'ukaxuxuawere xepiwaretimani kememi'anene. ¿Kaxie tika'iniwa xuyatsie. Piní takari tika'iniwa witsaxatsie? <sup>17</sup>Naiti 'iteiri 'aixia mi'anene 'ikwaxi 'aixia 'aneneti pukaxuxuawere. Peru 'iteiri 'axami'anene 'ikwaxi 'axa'aneneme pexeiya. <sup>18</sup>'Iteiri 'aixia mi'ane pikayiwe 'axamitiutixuxuawereni, meta 'iteiri 'axami'ane pikayiwe 'aixia mitiutixuxuawereni. <sup>19</sup>Naiti 'iteiri 'aixia mikatiutixuxuawere kanawitewani, taipa kaneuxiriwani. <sup>20</sup>'Ayumieme kememite'ukaxuxuawere xepiwaretimani.

<sup>21</sup>»Miki mipai meminetekihawe: “Ti'aitame, Ti'aitame 'aku”, yunaiti miki mepikaheutahaxiani hakewa mire'aita taheima makawe. Matsi xeikia kemi'ane yamemitekahu kemitinake ne'ukiyari taheima makawe. <sup>22</sup>Miki tukaritsie yumiireti mipai mepinetetahawe: “Ti'aitame, Ti'aitame 'aku, tame 'ahetsiemieme tetenikuxatakaitini, 'ahetsiemieme kakaiyarixi 'axamemi'anene tepiwarayeni'axia, 'ahetsiemieme mariwemeki tepiteyuriekai”. <sup>23</sup>'Ana ne mipai nepitiwatahawe: “Hatsuaku nepikaxehetima. Xekeneuyupata nehetsia xepika'u'uwani, xeme 'axateyuruwamete”.

### Tsimiyenitu 'aixia mi'ane 'axami'ane

(Mat 7:24-27 – Ruk 6:47-49)

<sup>24</sup>»'Ayumieme, kemi'ane mi'enie 'iki neniuki kenemutayi, meta yamitikatia miki tewi mitimaiwepai kani'aneni, miki kaniyutakitiani tetetsie. <sup>25</sup>'Ukawiyeku, hatuxame wayeneku, 'uku'ekaku, miki kitsie 'ukexiaku 'eka, kii pikahatiwe, tetetsie mutiwiyakaiki tsimiyenituyari. <sup>26</sup>Peru kemi'ane 'i'enieta neniuki yamikatikamie, miki tewi 'atsimikatimate hepai kani'aneni xiekaripa muyutakitia hepai. <sup>27</sup>'Ukawiyeku, hatuxame wayeneku, 'uku'ekaku, miki kitsie 'ukexiaku, kanatiweni, naiti 'uniti 'aneti kaniukeni».

<sup>28</sup>Hiki Ketsutsi kepauka mini 'iki xatsika, teiteri mekaniuhixiyani 'ikitsikayaki, <sup>29</sup>kemi'ane heitserie mexeiya hepai mitiwa'ikitiakaiki, miki 'iniariki memite'ikitakai wahepai pikati'ikitakai.



**Ketsutsi kemirenayehia tewi nawi kwiniyayari mexeiyakai**

*(Mat 8:2-4 – Mar 1:40-45, Ruk 5:12-16)*

**8**<sup>1</sup> Merikitsi kepauka yemuritsie makane, teiteri yumiiireti mekaniweiyakaitini. <sup>2</sup> Hiki tewi nawi kwiniyayari mexeiyakai hetsiana nuaka hixiena 'utitunumakeka mipai katinitahiawe:

—Ti'aitame, xika pe'awairiyani, pepiyiwe peminetsi'itieni.

<sup>3</sup> Ketsutsi yumamá 'utatseraka kanimayiani, mipai 'utaiti:

—Nepinewairiya. Pekaniu'itiyani.

Hiki yapauka kwiniyaya neunuani, 'itiyati kanayani. <sup>4</sup> Hiki Ketsutsi mipai katinitahiawe:

—Neuxei, xeimetima pepikaraxaxatiwani, mawari wewiwame hetsia pita kenemie kene'ahekiata matsihexeyaki, meta 'imikieri kenanutimawa kemitiu'aitaxi Muitsexi yapemitiwatahekiatiani.

**Kuyaxi tiwa'aitiwame yuri kemiti'eriekai**

*(Mat 8:5-13 – Ruk 7:1-10)*

<sup>5</sup> Merikitsi Kaperunaume kiekariyaritsie heutahaku kuya hetsiana kaninuani xeitsienituyari kuyaxi tiwa'aitiwame, miki wairiyarika kanipitiani <sup>6</sup> mipai 'utaiti:

—Ti'aitame 'aku, neti'uximayatsiriwame nekiita payeka hurieti kwiyianeti kwiniyaki.

<sup>7</sup> Ketsutsi mipai katinita'eiya:

—Ne nekanimieni 'aixia reu'eriekame nemayeitianiki.

<sup>8</sup> Kuya rehiawe:

—Ti'aitame, 'aixia nepika'ane nekiita pemeutahaniki, niukiki xeikia yakeneutayiki, mikiki panayehiiyani neti'uximayatsiriwame.

<sup>9</sup> Netatsiere nekatini'aitiarieka nekuyatiti, meta kuyaxi nepitiwa'aitiwame. Xika mipai netitahiawe xeime: “Kenemie”, miki piyemie. Xeimeta mipai xika netiutahiawe: “Kenaye'a”, miki kanayeimiki. Xika mipai netitahiawe neti'uximayatsiriwame: “Ipai ketineyurieneni”, miki mipai pitiyurieni.

<sup>10</sup> Ketsutsi 'ienieka nihixiyakaitini, mipai katiniwarutahiawe miki memikuweiyatiwekai:

—Yuriki mipai nepixerahiawe, nixeime tima 'ixaheritsixi watsata 'iki hepai 'aneme nepikakaxeyawe yuri ti'eriekame. <sup>11</sup> Mipai nepitixekihawe, yumiiireti mekani'axiakuni tau manatineika hepatsie kiekatari meta makayuyuipe hepatsie kiekatari, 'Apirahami, 'Itsahaki meta Kakuwu wahamatia mekaniutiyaxikuni hakewa mire'aita taheima makawe. <sup>12</sup> Peru miki mana memeutahaxianiekai mipai 'ayumieme memutinunuiwakai, miki mekananuyexiriyakuni takwa yiwipa yemeki memuwani, mana meniutitsuanakuni meniyutakewekuni.

<sup>13</sup> Hiki Ketsutsi mipai kuyaxi tiwa'aitiwame katiniutahiawe:

—Kenemie. Yuri kepemiti'erie, mipai pitiyini. 'Anatiti 'aixia reu'erieti kanayani ti'uximayatame miki hurayaritsie.

### **Yumiireme kemitiwaranayexiri**

(Mat 8:14-16 – Mar 1:29-34, Ruk 4:38-41)

<sup>14</sup>Hiki kepauka Ketsutsi Pekuru kie munua, warikaiya kaniuxeiya yu'utatsie kakaima hiiyakame. <sup>15</sup>Mamayatsie kanimayiani, hiki hiiya kanihayewa. Hiki miki 'anukukeka katiniwarumini.

<sup>16</sup>Hiki taikai, mekani'atiirieni yumiireme teiteri kakaiyarixi 'axamemi'anene memiwawiyakai, hiki kakaiyarixi niwarayeni'ani xeiniukiyariki, 'ana yunaime 'aixia metehue'eriekame kaniwarayeitiani memitekukuyekai. <sup>17</sup>Mipai tiyurieku, paye'a Kakaiyari niukameya Kitsariyaxi kemutayi:

«Mikititi kataniunawairieni takwiniya, meta takukuiniya peti».

### **Kemitikwaniwe Ketsutsi muweiyani**

(Mat 8:19-22 – Ruk 9:57-62)

<sup>18</sup>Merikitsi Ketsutsi waxeyati teiteri kememiteyuxeirikai 'auriena yumiireti, kaniuyuta'aita harakuna 'anutaiye paiti manutuiyaniki.

<sup>19</sup>Hiki xewiti 'iniariki miti'ikitametikai hetsiana nuaka, mipai katinitahiawe:

—Ti'ikitame 'aku, 'ahetsie nekatiniwiyamiki, hakewa pemeyemie neta nekaniyemieni 'a'utima.

<sup>20</sup>Ketsutsi mipai katinita'eiya:

—Kauxaitsi yuteri mepexeiya, wikixi yu'itua mepexeyata, peru ne, Yuri Tewi kenemititewa, nepikaheixeiya hakewa nemeyukamuritiani.

<sup>21</sup>Xewitita tiyu'ikitiwame mipai katinitahiawe:

—Ti'aitame, keneneupitia meri nemiyemieki nepaapa nemiteukimieki.

<sup>22</sup>Ketsutsi mipai katinitahiawe:

—Nehetsie ketineuwiya, mikite keniwaruhayewa, miki mikite yuhetsia miemete mekewarukateuku.

### **Ketsutsi 'eka kemireunuitia**

(Mat 8:23-27 – Mar 4:35-41, Ruk 8:22-25)

<sup>23</sup>Merikitsi kanuwatsie kayerika Ketsutsi meta teyi'ikitiwametemama yunaiti mekanekine. <sup>24</sup>Hiki harakunatsie me'uyehukaku

kaniuyutawewieni 'eka waikawa tirikaiyeti hiki hamewari kanuwatsie kanakayewiwakaitini. Ketsutsi matsi kanikutsukaitini.

<sup>25</sup>Hiki teyi'ikitiwamete hetsiana me'u'axiaka mekanenutahitiani, mipai me'utiyuati:

—Ti'aitame, ketaneutawikweitsitia, tepeuyewexime.

<sup>26</sup>Miki mipai katiniwarutahiawe:

—Teiteri 'etsiwa xeikia yuri xemite'erie, ¿titayari xetemama waikawa? Hiki 'anukukeka 'eka kaniutatieni meta hamewari, hiki naiti kayuwati kaniutamare.

<sup>27</sup>Hiki miki teyu'ikitiwamete mekanihixiyakaitini, mipai me'utiyuati: «¿Tita tewiyari tihiki 'iki, 'atsita 'eka meta hamewari meme'enie?»

### Kakaiyarixi kememitewawiyakai Katarenatari

(Mat 8:28-34 – Mar 5:1-20, Ruk 8:26-39)

<sup>28</sup> Merikitsi 'anutaiye paiti heta'aku Ketsutsi, katarenatari wakwietsie paiti, yuhutati teiteri kakaiyarixi 'axamemi'anene memiwawiyakai teukiyapa mehayenexiaka mekanenukunake. Kwinimieme metenayu'eririyakaitini, 'ayumieme hipati mepikayuwairiyakai mana memuyekineki. <sup>29</sup> Merikitsi miki mipai mekatenihiwieni:

—¿Ketita perayexeiya, Kakaiyari nu'aya? ¿Ena petinua petatsi'uximatianike tukari ka'aye'awekaku 'akuxi?

<sup>30</sup> Merikitsi mana memanu'uwakaisie yatewa mekatenikwatiwekaitini tuixuri yumiireti. <sup>31</sup> Kakaiyarixi 'axamemi'anene menitawawirieni mipai me'utiyuati:

—Xika petatsi'ayeni'amiki, ketaneupitia tuixuri temiwawiyaki.

<sup>32</sup> Mipai katiniwarutahiawe:

—Xekenehu.

Hiki miki mekanayekine teiteri wahetsie tuixuri wahetsie pita mekaneutahaxiani, hiki yunaiti tuixuri mekaniutinautsa tekiata mekaneukaxirieni harakunapa, hapa mekaniukwini.

<sup>33</sup> Hiki tuixuri wahiwemete mekaniyuta'una, hiki kiekaritsie me'uxiaka naimeme mekateniutaxata meta kakaiyarixi 'axamemi'anene memiwawiyakai kememu'itiariekai. <sup>34</sup> 'Ayumieme yunaiti teiteri kiekatari mekanayekine Ketsutsi me'anukunakeke. Hiki kepauka memixei wairiyarika mekanipitiani miyemieki wakwiepa mika'uyeikaniki.

### Ketsutsi kemirenayehia huriekame

(Mat 9:2-8 – Mar 2:3-12, Ruk 5:18-26)

**9** <sup>1</sup> Merikitsi kanuwatsie kayerika 'anutaiye paiti kaneyani, yukiekaritsie kaninuani. <sup>2</sup> Hiki mana hipati teiteri huriekame mekani'atirieni 'itaritsie yekaimeme. Ketsutsi waxeyati yuri kememite'eriekai mipai huriekame katiniutahiawe:

—Yuki pepikati'akihaweni, nehamiku, 'ari pepireuyehiwyarie 'axapemitiuyuriki.

<sup>3</sup> Hiki hipati 'iniariki memite'ikitametetikai mipai mekateniyukihawekaitini yu'iyaritsie: «Iki Kakaiyari hepaitisita 'axaputaine.»

<sup>4</sup> Ketsutsi wa'iyaritarika maiti, mipai katiniwarutahiawe:

—¿Titayari 'axaxeteyukihawe yu'iyaritsie? <sup>5</sup> ¿Tita matsi katikwaniwe: “Pepireuyehiwyarie 'axapemitiuyuriki”, xika'utayini, nutsu: “Kenanukukexi kenekuyeikani, xika'utayini”? <sup>6</sup> Hikitsi ya'aneme xekanetimaikuni kename heitserie nehexeiya kwiepa nemitwareuyehiwirieniki 'axamemite'uyuri, Yuri Tewi nehikiti.

Hiki mipai katinitahiawe huriekame:

—Kenanukukexi, 'a'itari kenakweti, 'akie kenemie.

<sup>7</sup> Hiki tewi 'anukukeka yukie kaneyani. <sup>8</sup> Teiteri me'ixeyaka waikawameki mekanimamakaitini, 'aixia mekaniutyuanekaitini Kakaiyari hepaitisita, heitserie miwarupitiaki teiteri mipai memiteyurieniki.

### Mateu kemitiuta'ini

(Mat 9:9-13 – Mar 2:14-17, Ruk 5:27-32)

<sup>9</sup>Hiki kepauka Ketsutsi mana miyetia, xeime tewi kaniuxeiya Mateu titewakame mana memite'ayutituayatsie 'akaima. Mipai katinitahiawe: «Nehetsie ketinewiyani». Mateu 'anukukeka hetsiena katiniuwia.

<sup>10</sup>Hiki Ketsutsi katinikwakitini kiita, yumiireti kuwiyexinu hetsiememe tewawamete meta 'axateyuruwamete, me'u'axiaka Ketsutsi matia meta teyi'ikitiwametemama wahamatia metenikwakitini 'axeikia.

<sup>11</sup>Kepauka paritseutsixi memiwaruxei miki, mipai mekateniwarutahiawe teyi'ikitiwametemama:

—¿Titayarikuta tewawamete meta 'axateyuruwamete wahamatia tixe'ikitiwame tikwa'a?

<sup>12</sup>'Iki tiu'enieka, Ketsutsi mipai katiniwarutahiawe:

—'Aixia memiteheu'erie mepikaheiyehiwa tiyu'uayemawame, miki memitekukuye pita mekaneiyehiaka. <sup>13</sup>Peuyewetse 'akuxi yaxemitehetimaniki kemaine miki niuki mipai manuyine: “Ne nepixewawirie xeketeneuyukananimayaka, nepikaxewawirie mawari”. Ne nepikanua newata'inienike miki heitseriemeki yamemitekahu, miki 'axamemiteyurie pita newata'inienike nekaninuani.<sup>a</sup>

### Kemitiuta'iwawiyarie hakiya hepaitisa

(Mat 9:14-17 – Mar 2:18-22, Ruk 5:33-39)

<sup>14</sup>Hiki Wani hetsia miemete teyi'ikitiwamete Ketsutsi hetsia me'u'axiaka mipai mekatenita'iwawia:

—¿Titayari tame meta paritseutsixi tete'utatihakiwa, peru 'ahetsia miemeteta teyi'ikitiwamete titayari hawaiki?

<sup>15</sup>Ketsutsi mipai katiniwaruta'eiya:

—¿Neikiyapa kemeteyiwawe neneikeme 'inierimama memiyuheiwierieka mexi neneikeme wahamatia 'uyeika? Tukari kanaye'amiki kepauka neneikeme mitihanieni watsata, hiki 'anake mekaniyuhakikuni. <sup>16</sup>Nixewiti tewi 'ixuriki miye'i pikamanetsikitiwa 'ixuriki mihekewaki, 'ixuriki mihekwa xika yutatuni miye'i pitatsana, tsanimeyari matsi waikawa 'axa'aneti payeika. <sup>17</sup>Yaxeikiata tsixai miyeye'itsie pikakatuariwa kaxie winuyari mihekwa mukwanaki. Mexika mipai tiuyurieni, tsixai kanititsanikeni, winu kanitayewuriwani, meta tsixai kaneuyewautseni. Matsi kaxie winuyari mihekwa tsixai mihehekwasie kanikatuariwani, mipai naiti 'atsipikatiyini.

### 'Uka nunutsi kemitimikikai meta 'ukaratsi mitikuyekai

(Mat 9:18-26 – Mar 5:22-43, Ruk 8:41-56)

<sup>18</sup>Mexi mipai tiwakuxaxatiwakai, xewiti kaninuani teiteri wa'ukiyari, hixiena kaniutitunumakeni, mipai tikihiaweti:

—Neniwe 'uka kanemini xike. Peru kenemie hetsiena keneutime'i, 'ana kanaanutanierimiki.

<sup>a</sup> 9:13 RV60 meta hipati mepenaniitia memitehayewaki ke'axamemiteyuriekai.

<sup>19</sup>Ketsutsi 'anukukeka 'utimana kaneyani, teyu'ikitiwamete warawititi.

<sup>20</sup>Hiki 'ana, 'uka mitikuyekai tamamata heimana huta wiyari miyuriekai xuriyaya kaheunuawekaku, 'ahurawa kaniuyani waritana 'uyemieti kanimayiani 'ikarieya putuniyaritsie. <sup>21</sup>Mipai katiniku'eriwakaitini: «Xika ne'imayiani tsikere 'ikarieya xeikia, 'aixia nereu'erieti nepayani». <sup>22</sup>Peru Ketsutsi ta'aurie 'aweka 'ixeyaka mipai katinitahiawe:

—Pepika'a'iyaritiakari, neniwe. Yuri pemit'erieki 'aixia pereu'erieti pepatia. 'Anatiti 'aixia reu'erieti patia 'uka.

<sup>23</sup>Hiki Ketsutsi teiteri wa'ukiyari kie nuaka, kirautawiwamete meta teiteri meniukixiekame waruxeiyaka, <sup>24</sup>mipai katiniwarutahiawe:

—Xekeneutayeixia. 'imari pikamiki, matsi pukutsu.

Hiki miki mekani'atekaitini. <sup>25</sup>Peru kepauka memanuyeni'arie teiteri, Ketsutsi kaneutahani, mamayatsie kawiereku, kananukukeni 'imari. <sup>26</sup>Hiki mipai pitiutamariwaxi miki kwieyaritsie naitсарie.

### **Memakikipe meta memikaniuwawe Ketsutsi 'aixia kemiwaruyuri**

<sup>27</sup>Merikitsi kepauka Ketsutsi mana miyetia, yuhutati memikaheuneniere mekanenukuweiya, mipai mete'uhiwati:

—Ketaneutinenimayata, Rawiri peminu'aya.

<sup>28</sup>Kiita heutahaku miki, memakikipe 'ahurawa mekaniukine, Ketsutsi mipai katiniwarutahiawe:

—¿Yuri xete'erie kename neyiwe?

Miki mipai metenitahiawe:

—Huu, Ti'aitame.

<sup>29</sup>Hiki kaniwaramayiaxiani wahixita, mipai 'utaiti:

—Xehetsie yaketiuyini yuri kexemite'erie.

<sup>30</sup>Hiki meheuneniereti mekanakine. Peru memikatehaxaxataniki Ketsutsi mipai yemeki katiniwaruhiritiani:

—Neuxei, 'iki hepaitsita nixeime xepikatehaxaxatiwani.

<sup>31</sup>Peru, kepauka miki memayeki, mekatenuutaxata miki hepaitsita naitсарie miki kwieyaritsie.

<sup>32</sup>Hiki mehewayekikakaku miki, hetsiana kani'atiarieni tewi kaniuweti kakaiyari 'axami'ane miwiyakai. <sup>33</sup>Hiki kepauka Ketsutsi kakaiyari 'axami'ane manuyeni'a, mikaniuwekai kaniutaniuni.

Teiteri mekanihixiyakaitini mipai me'utiyuati: «Hatsuaku mipai tepikatenenieriwawe 'Ixaheri kwieyaritsie». <sup>34</sup>Peru paritseutsixi mipai mekaniutiyuanekaitini: «Miki kakaiyarixi 'axamemi'anene tiwa'aitiwame 'iparewiewakaku kaniwarayeni'awani kakaiyarixi 'axamemi'anene».

### **'Itsanamete mepeuyewetse**

<sup>35</sup>Merikitsi Ketsutsi naitсарie kiekaritetsie 'emiyeyetsie meta 'etsimiyeyetsie kanikuyeikakaitini tukiteta tiku'ikitaneti, niuki 'aixia manuyine taheima mieme kuxatati, 'aixia metehue'eriekame warayeiwati naime kwiniyaki meta naime kememite'uka'eniwakai. <sup>36</sup>Hiki teiteri yumireme waxeyati, kaniwarutinenimayata, yuxaitame memuwakaiki

meta metaxirietikaiti muxatsi yihiweme memikahexeiya wahepai. <sup>37</sup>Hiki mipai katiniwarutahiawe yuhetsia miemete teyi'ikitiwamete: «'Itsanari piwaikawa, peru 'itsanamete mepikayumiire. <sup>38</sup>'Ayumieme xekeneutawawiri 'itsanari kutsiyari, 'itsanamete miwatani'aniki yu'itsanarita».

**Tamamata heimana huta ni'ariekate kemitivarutani'a**

*(Mat 10:2-35 – Mar 3:16-19, 6:8-11, 13:11-13,*

*Ruk 6:14-16, 9:3-5, 21:12-17, 12:2-9, 51-53)*

**10**<sup>1</sup>Merikitsi teyi'ikitiwamete yuhetsia miemete warukuxeiriekata tamamata heimana huta, heitserie kaniwarupitiani kakaiyarixi 'axamemi'anene wahepaitsita memiwaranuyeni'awaniki, meta 'aixia metehue'eriekame memiwarayeitiwaniki naime kwiniyaki meta naime titaki memite'uka'eniwakai.

<sup>2</sup>Iki ni'ariekate tamamata heimana huta mipai mekatentetewaka: Tsimuni meri Pekuru mititewakai, meta 'iwaya 'Atirexi, Kakuwu meta 'iwaya Wani, miki Tsewereu meminiwemamatikai, <sup>3</sup>Peripe meta Wariturume, Tumaxi meta Mateu kuwiyexinutsie mieme tiwawame mihikitikai, Kakuwu 'Aripeu nu'aya, Reweu titewati Tareu mititewakaitatsiere, <sup>4</sup>Tsimuni (yuteiterima wahetsie munuakai),<sup>b</sup> meta Kura 'Itsikariutitanaka 'arike Ketsutsi miyetua.

<sup>5</sup>Merikitsi Ketsutsi kaniwareutani'axiani tamamata heimana huta mipai tiwaruta'aitiaka: «Memikatateiterima wahuyeta xepikaheuhuni meta Tsamariyatari wakiekaritetsie xepikaheutahakeni, <sup>6</sup>matsi muxatsi memeyexirie wahetsia xekenehu, 'ixaheritsixi teiteriyari wahetsia. <sup>7</sup>Tsepa hakewa xemeki, 'iki niuki xekenekuxatani: “Kanaye'aximeniri kemi'ane taheima miti'aita 'enata mitsutiani ti'aitati”. <sup>8</sup>Tekwikwikate 'aixia metehue'eriekame xekeniwarayeitiwani, mikite xekeniwaranutanieritiwani, xekeniwa'itiekaka miki nawi kwiniyayari memexeyatika, xekeniwarayeni'awani kakaiyarixi 'axamemi'anene. Tita xeme xekawiyarieti xemitetyetuiryarie, xemeta xekateyuwiyati xeketenyetua. <sup>9</sup>Xepikahe'iweni huru, nipirata, nikuwire tuminiyari yutumini manameta. <sup>10</sup>Kitsiuri xepikahehuruwani huyeta mieme, huta kamixayari xepikahehuruwani, kakai xepikahe'iweni, meta 'itsi xepikahe'iweni, kariki ti'iwame heitserie kanexeyani 'ikwai mimikieniki yu'iwarika.

<sup>11</sup>»Kiekaritsie kepauka xemeutahaxiani 'amiyewatsie yatini 'etsimiyewatsie, xekenekuwawa kemi'ane mana meka 'aixia mitiuka'iyari, hetsiana xekenyuhayewani 'atsita kepaukake xemiyehu. <sup>12</sup>Kiita xeheutahaxiiximeti wairitsika xekenewapitiaka kiekatari. <sup>13</sup>Xika kiekatari 'aixia mete'u'iyarini, xewairitsika keyuhayewani wahetsie, mexika 'aixia mekate'u'iyarini, xewairitsika ke'akunuani xehetsie. <sup>14</sup>Kemi'ane mikaxetanaki'erieni, kemi'ane mikayuwairiya xeniuki mi'enieniki, kiita xewayekineme yatini miki kiekaritsie, tumanari xekeneukatsixia yu'ikatetsie, <sup>15</sup>Yuriki mipai nepixerahiawe, tukari 'aye'ayu kepauka 'itsikame miwatahiawe, Tsurumatarari

<sup>b</sup> 10:4 'Iki Tsimuni yuteiterima wahetsie memunua piwanikai ti'aitame xumatanaka kemitiva'aitiakai yamepikateha'eriwakai.

meta Kumuxatari 'etsiwa xeikia mekatenikwinitiariekuni, peru mana kiekatari waikawa matsi mekatenikwinitiariekuni.

<sup>16</sup>Neri nepixeheutani'axia muxatsi wahepai 'irawetsixi watsata. 'Ayumieme, xeketenemaiwaweni kuterixi wahepai, peru xepika'inika tita 'axamiti'ane kukuruxi wahepai.

<sup>17</sup>»Xekeneyukerwayuriekua teiteri wahepaitsita, miki mekanixeyetuakuni yu'itsikate wahetsia meta mepixetiواني yutukiteta. <sup>18</sup>Kuwexinaruritsixi meta te'aitamete wahixie xekananuhapaniekuni nehetsia xemimieteki, mipai xe'itiarietiweti xekaniwatahekiatsitiiyakuni miki meta hipame memikatateiterima. <sup>19</sup>Peru, kepauka memixetiwiya, xepikayu'iyaritiaka kexemutiyuaneni hepaitsita meta kehapai xemitewakihaweni. 'Anake yaxekatenipitiariekuni kexemutiyuaneni, <sup>20</sup>xemetsi xepikahikitini kemi'ane yamitayini 'ana, matsi xe'ukiyari 'Iyarieya kanihikitikamiki kemi'ane mitaniuni xekuyuitiwati.

<sup>21</sup>»Iwamarixi xewiti yu'iwa kaniyetuamiki mimierieniki, meta nuariekame yuniwe kaniyetuamiki. Tiiri mekaniyeha'akuni yupaapama wahepaitsita meta mekatenita'aitakuni memikwi'iwaki. <sup>22</sup>Yunaiti mekanixe'uxiwe'eriekakuni nehetsia xemimieteki, peru kemi'ane tiuka'eniwati 'amuyeikani heutipareyuke, miki kanitawikweitsitiariemiki. <sup>23</sup>Kepauka xemayeweyarieni xeime kiekariyaritsie, xeimetsie pitata xekeneyuta'una. Yuriki mipai nepixerahiawe, kiekarite 'Ixaheri kwieyaritsie miemetetsie xeka'ayeniwawekaku nepunuani, Yuri Tewi kenemitihiki.

<sup>24</sup>»Tiyi'ikitiwame pikamariwe keyuri ti'ikitame, meta ti'uximayatame pikamariwe keyuri kutsiyarieya. <sup>25</sup>'Aixia kani'aneni xika tiyi'ikitiwame ti'ikitame hepai 'aneti 'ayani xeikia, xika ti'uximayatame yukutsiyari hepai 'aneti 'ayani xeikia. Merikite, kiekame Weheritsewu xika tiuteriwarieni, matsi tiiriyamamata kemeteteriwarieni.

<sup>26</sup>»Ayumieme xepikawamakaka. Kariki naiti tita miti'awietsie katinahekiarimiki, meta naiti tita 'awie mitimieme katinitamariwamiki. <sup>27</sup>Kenemitixekihawe tahikiate yiwikita, xeme mipai xeketenekuxatani hekita. Tita xenakata nemitixekuxaxatiwa, kii heima paiti xe'aka'uti xe'utihiwati yaxekeneutiyua. <sup>28</sup>Xepikawamakarika miki memiyiwawe wai memumieni xeikia, peru mepikayiwawe 'iyari memumieni. Matsi xekenemakarika kemi'ane miyiwe mika'una 'iyari meta waiyari naime tai yamitita'atsie. <sup>29</sup>Wikixi yuhutati mepinanaiya xeitsenitawuyari, peru nixewiti miki kwiepa pikakaweni xe'ukiyari yakatimaikaku. <sup>30</sup>Xemeta xekipate xemu'utsie mieme xexuiti pi'iniari kemipaime. <sup>31</sup>'Ayumieme xepikaheumamaka, xeme matsi waikawa xepite'aye'axe keyuri yumiireti wikixi.

<sup>32</sup>»Kemi'ane miyuekiata teiteri wahixie kename nehetsia mieme 'utaiti, neta kename hetsiena netiwiya nepinehekiatani ne'ukiyari taheima makawe hixie. <sup>33</sup>Peru kemi'ane matsi muyuku'imawa teiteri wahixie kename nehetsia kamieme 'utaiti, neta nepuyuta'imani kename nehetsie katiwiya nepitayini ne'ukiyari taheima makawe hixie.

<sup>34</sup>»Mipai xepikateku'eriwani kename ne nenua kwiepa memitamata 'aixia meteyuxeiyame nemiwarayeitianiki. 'Aixia meteyuxeiyame

nemiwarayeitianiki nepikanua, matsi memayuye'uniekaki pita nekaninuani.

<sup>35</sup>Matsi nekaninuani memikayu'enieniki

»“tewi yupaapa hamatia,  
'uka yumaama hamatia,  
wikiwame yumu'e hamatia,

<sup>36</sup>xeme memixe'aye'unie,  
xekie kiekatarititi mekanakinikuni”.

<sup>37</sup>»Kemi'ane waikawa miwanaki'erie yupaapa meta yumaama 'etsiwa netsinaki'erieti ne, 'aixia pika'ane minetsihexeyani. Kemi'ane waikawa minaki'erie yuniwe 'uki yati 'uka 'etsiwa netsinaki'erieti ne, mikita 'aixia pika'ane minetsihexeyani. <sup>38</sup>Kemi'ane yemeki mikayuwairiya 'atsita kuruxitsie mimierieni, tsepa nehamatia muyeika nehetsie tiwiyati, mikita 'aixia pika'ane minetsihexeyaniki. <sup>39</sup>Kemi'ane yutukari hepaitisita muyu'iyaritita pitatimaiya. Peru kemi'ane miyetuani yutukari nehetsia mimiemeki, miki tukari hexeyati payani.

<sup>40</sup>»Kemi'ane mixetanaki'erieni neta pinetsitanaki'erieni, kemi'ane minetsi'utanaki'eri kanitanaki'erienita 'iya minetsiheyen'a. <sup>41</sup>Kemi'ane mitanaki'eri Kakaiyari niukameya, Kakaiyari niukameya mihikiki xeikia, miki Kakaiyari niukameya hepai pitipitarieni. Kemi'ane mitanaki'eri tewi heitseriemeki yamitikamie, yamitikamieki xeikia, mikita tewi heitseriemeki yamitikamie hepai yapitipitarieni. <sup>42</sup>Miki tsepa memikamamariwawe, kemi'ane miharitiani miki xeime, tsepa xeiwatsuyari haitime xeikia miharitia, tiyi'ikitiwame nehetsia mieme mihikiki, yuriki mipai nepixerahiawe, miki yu'iwatika pikareuyehiani pitipitarieni».

### Ketsutsi meta Wani Ti'iyame

(Mat 11:2-9 – Ruk 7:18-35)

**11** <sup>1</sup>Merikitsi Ketsutsi kepauka mitiutahayewaxi tiwa'aitiati yuhetsia miemete teyi'ikitiwamete tamamata heimana memuyuhuta, mana kanayeyani hipame kiekaritetsie miti'ikitanikita mitikuxataniki meta.

<sup>2</sup>Wani katsariyanata kanayewekaitini, tiutamarieka Kiritsitu kemitiyurienekai, kaniwarutani'ani yuhetsia miemete teyi'ikitiwamete, <sup>3</sup>mipai memite'ita'iwawiyaki:

—¿Eki petihiki kemi'ane 'umamienikekai, nutsu xeime 'akuxi tepitakwewieka?

<sup>4</sup>Ketsutsi mipai katiniiwaruta'eiya:

—Xekenehu, xeketenetaxatia Wani tita xemite'u'eni tita xemite'uxei hepaitisita: <sup>5</sup>Memikaheuneniere meheuneniereti kememite'akika, huriekate kememite'anuku'uwe, miki nawi kwiniyayari memexeiya me'itiyati kememite'akika, memikaheu'enana meheu'enanati kememite'akika, mikite kememite'anuku'uitiariwa, tixaiti memikatehexeiya niuki 'aixia manuyine kememitekuxaxatiariwa. <sup>6</sup>Meta 'aixia kani'itariieka kemi'ane nekimana mikakunuani.

<sup>7</sup>Merikitsi mehekineku Wani hetsia miemete, Ketsutsi kanitsutiani tiwakuxaxatiwati teiteri Wani hepaitisita mipai 'utaiti: «¿Tita xetehekuxei



makumawetsie? ¿Haka 'ekaki 'uyuaneme xeteheku'ixiari? Tixai xiari.  
 8 ¿Kamitsi tita xeteheku'ixiari? ¿Xiku 'ixuriki miyumeni manakatiki  
 xetehekuxei? Nekatixaitsieti. Matsi miki miyumemeni memanakatiki  
 te'aitamete wakiita mepayetei. 9 Kamitsi, ¿tita yemeki xeteheku'ixiari?  
 ¿Kakaiyari niukameya xeteheku'ixiari? Huu, mipai nepitixekihawe,  
 Kakaiyari niukameya xepekuxei, yemeki Kakaiyari niukameya keyuri hipati.  
 10 Tiki kanihikitini 'utiarika hepaitsitana mipai maine:

»“Kami, ne neniuki tuayame nekananuni'amiki 'ahixie paiti,  
 mikuha'aritaniki 'ahuye pekanuawekaku 'akuxi”.

11 Yuriki mipai nepixerahiawe, 'akuxi pikatinuiwawe nixewiti Wani Ti'yame  
 hepai timariweti, peru matsi tewi tixaiti mikatihiki Kakaiyari mira'aitatsie  
 Wani reuyeta katinimariweni. 12 Wani Ti'yame 'amitinua meta 'atsita hiki,  
 Kakaiyari kemiti'aita tiuka'eniwati kaniumieni 'apita waye'ekakaku meta  
 wayetirikarekaku. Kemi'ane memite'ukanenewie meta yuriki memiyia xeikia  
 mepikiyiwekare hetsiena memitewiya. 13 Kakaiyari niukametemama yunaiti  
 meta 'iniari niukiyari metenikuxatakaitini 'arike kemitiyinkekai 'atsita Wani  
 munuatsie. 14 Xika xeyuwairiyani xemitanaki'erieni 'iki neniuki, miki Wani  
 kanihikitini 'Eriyaxi 'umamiekai. 15 Xewiti neti mu'enaxi, ke'u'ena.

16 »¿Tita 'iniari netitaxata hiki miemete teiteri wahetsiemieme? Tiiri  
 wahepai mekani'aneneni kiekari hixiapa memititei memiwahiwie yu'iwama  
 mipai me'utiyuati:

17 »“Tepixekirautawiyakai,  
 xemeta xepikate'ukanei.  
 Hiwerika kwikariyari teputikwikaxi,  
 xemeta xepika'utitsua”.

18 »Wani kaninuani, katikwa'ati meta kaye'eti, xemeta mipai xeputiyuanekai:  
 “Kakaiyari 'axami'ane kaninika”. 19 Neta Yuri Tewi nehikititi nemunua,  
 netikwa'ati meta netiy'e'eti, mipaita xeputiyuane: “Iki tewi 'ikwaiki xeikia  
 piyiane, winuki xeikia piyiane, piwahamiku miki kuwiyexinu hetsiemieme  
 tewawamete meta 'axateyuruwamete”. Peru pimatsiiki kemi'ane mitimaiwe  
 kemitiyurieneki».

### **Kememikateyuwairiyakai hipati kiekarite**

*(Mat 11:21-23 – Ruk 10:13-15)*

20 Hiki kanitsutiani warutate'ati teiteri hipame kiekaritetsie kiekatari  
 hakewa mariwemeki mireyuri miiremeki, memikatehayewakaiki  
 kememiteyuriekai. 21 Mipai kaniutayini: «Xia'ui, Kuratsini kiekatari.  
 Xia'ui Wetsaira kiekatari. Tirutsie meta Tsirunitsie xika mariwemeki  
 tiuyinike kemitiuyi xehetsia, mana kiekatari meripaitiri mepite'uhayewake  
 kememiteyuriekai, waikawa mepiyuheiwerekakeyu maixa me'anakatiti  
 heiwerika 'iniariyari, naxi meyukawiriwati. 22 Peru mipai nepixerahiawe  
 Tiru meta Tsiruni kiekatari wahetsiemieme tukari 'aye'ayu kepauka  
 'itsikame miwatahiawe 'etsiwa xeikia mekatenikwinitiariekuni, peru xeme  
 waikawa matsi xekatenikwinitiariekuni. 23 Xemeta Kaperunaumetari,  
 ¿muyuwawitsie paiti xe'anuwitikienike xeteyu'erie? Hawaiki, mikite

wahetsia xepeukaxiriyani pita. Xika Tsurumatsie mariwemeki tiuyinike kemitiuyi xehetsia, miki kiekari 'apukumakakeyu 'akuxi hiki. <sup>24</sup>Peru mipai nepixerahiawe, Tsuruma kiekatari tukari 'aye'ayu kepauka 'itsikame miwatahiawe 'etsiwa xeikia mekatnikwinitiariekuni, xeme waikawa matsi xekatenikwinitiariekuni».

### **Nehetsia xekeneu'axia xekene'uxiopia**

*(Mat 11:25-27 – Ruk 10:21-22)*

<sup>25</sup>Merikitsi 'ana Ketsutsi mipai kaniutayini: «Ne'ukiyari, taheima pemiti'aita meta kwiepa, pamipariyutsi nepimatsipitia, pemitiuti'awietaxiki 'iki naime memikaheitimani miki memiteyi'ikitiawawe meta memitemaiwawe, tiiri pita wahetsiememe matsiikime pemayeitiaki. <sup>26</sup>Huu, ne'ukiyari, pepi'awairiyakai mipai pemitiyurieneni.

<sup>27</sup>»Ne'ukiyari naime kanetiniyetuirieni. Nixewiti pika'imate Nu'aya 'Ukiyarieya xeikia pimate, meta nixewiti pika'imate 'Ukiyarieya Nu'aya xeikia pimate meta mexika nu'aya yuwairiyani matsiikime meyeitiani peitimani 'ukiyarieya.

<sup>28</sup>»Nehetsia xekeneu'axia xeme yunaiti xemu'u'uxe xete'uximayati meta xemu'ika, ne nepixeka'uxipitiani. <sup>29</sup>Neyuku xekenanuyetekani, xenetsi'enieti xeketeneyi'ikitiaka, ne nepika'ane'eriya meta nepikatekatekawe'erie ne'iyaritsie, 'uxiopia xekanitaxeiyakuni yu'iyaritsie. <sup>30</sup>Neyuku 'aixia pi'ane meta ne'ika pa'exani».

### **Kemi'ane 'uxiopia tukari hetsie miti'aita**

*(Mat 12:1-14 – Mar 2:23-28, 3:1-6, Ruk 6:1-11)*

**12**<sup>1</sup>Merikitsi 'ana tukaritsie Ketsutsi tiriku ma'etsietsie kaniuyemiekaitini 'uxiopia tukaritsie, teyi'ikitiwametemama meyunaiti. Hiki mepeuhakakwikukai teyi'ikitiwamete, 'ayumieme mekanitsutiani me'enutihurukati tiriku miayeyari meta me'ikwati. <sup>2</sup>Hiki paritseutsixi mewaxeyati, Ketsutsi mipai mekatenuutahiawe:

—Neuxei. 'Ahetsia miemete teyi'ikitiwamete kemikareuyewetse mepiteyurie 'uxiopia tukaritsie.

<sup>3</sup>Miki mipai katiniwarutahiawe:

—ǂKari xepika'ekateriwawawe kemitiuyuri Rawiri kepauka memuhakakwi miki meta hamatiana memu'uwakai? <sup>4</sup>Kakaiyari kiyata kanetuhani, hiki miki meta hamatiana memu'uwakai mekanitikwani paa Kakaiyari hixie mamaneikai, miki heitserie mepikahexeyakai memitikwaniki, mawari wewiwamete xeikia heitserie mepexeyakai. <sup>5</sup>ǂMiki meta, xiari xepika'ekateriwawawe kemaine 'iniari niukiyari mawari wewiwamete keyamemikatekahu 'uxiopia tukari 'iniariyari tukipa me'u'uwati 'uxiopia tukaritsie peru wahetsie pikarahiwa mikiki? <sup>6</sup>Ne matsi mipai nepixerahiawe 'ena kaniuyeikani xewiti kwi mariweti, tuki 'amipa kamariwewaku hepaina. <sup>7</sup>Xika xeme xe'imaikake 'iki niuki mipai manuyine: “Ne nepixewawirie xeketeneuyukanenimayaka, nepikaxewawirie mawari”.<sup>c</sup> Xika xeheiti'enietikikanike, miki 'atsimemikate'uyuri wahetsie

xepikate'uhipanikeyu. <sup>8</sup>Kariki Yuri Tewi nehikititi 'uxipiya tukari hetsie nekatini'aitani.

<sup>9</sup>Hiki mana miyetia, tukita kaneutahani. <sup>10</sup>Hiki tewi muwa nayekateitini mamawakiti. Miki mipai Ketsutsi meteniuta'iwawiya, me'ixanetakuti:

—ǂTiyiwe 'uxipiya tukaritsie tikwikame 'aixia reu'eriekame mayeitiani?

<sup>11</sup>Miki mipai katiniwaruta'eiya:

—Xewiti xeme xika muxa hexeiyani, xika 'uxipiya tukaritsie hewatixawakaku heukaweni, ǂkatiwatihana? Xiari puwatihana. <sup>12</sup>Matsi tewi kwini mieme karaye'axe, keyuri muxa. 'Ayumieme, piyiwe 'aixia mitiyurieneni 'uxipiya tukaritsie.

<sup>13</sup>Hiki mipai tewi katiniutahiawe:

—'Amamá keneutatsera.

Hiki miki kanitatsera, 'ana 'aixia 'aneti kanayani yuxewiti tapa mieme hepai. <sup>14</sup>Peru paritseutsixi mewayekineka mekanitsutiani Ketsutsi hepaitisa metekuxatati kememite'imieniki.

### Ti'uximayatame Kakaiyari menayexei

<sup>15</sup>Kepauka Ketsutsi miretima, xaitsie kaneyani. Meta yumiireti teiteri mekanenukeweiya, mikita yunaima tekwikwikate 'aixia metehue'eriekame kaniwarayeitiwakaitini, <sup>16</sup>peru kaniwaku'imaiyakaitini memika'ikuxataniki kapa matsiikime meheyeitianiki. <sup>17</sup>Mipai katinaye'ani Kakaiyari niukameya Kitsariyaxi kemutayi:

<sup>18</sup> «'Iki neti'uximatsiriwame kanihikitini, nemenayexei, neminaki'erie, hetsiena mieme nepinaki'a ne'iyaritsie, nekanipitiamiki Ne'iyari,

hiki nuiwarite katiniwataxatiamiki tita mitiheitserie hepaitisa.

<sup>19</sup>Miki pikayumieneni niukiki meta pika'utahiwani, nixewiti pika'ieneni kaye 'utia hiwarieya.

<sup>20</sup>Haka mutapinarie pika'anumura, meta pika'itini kixeme witayari mikwauniyake, 'atsita yatiyuriemeke mirayu'iwaki tita mitiheitserie.

<sup>21</sup>Meta miki memikatateiterima yuri mepiteta'erieni hetsiena».

### Ketsutsi meta kakaiyarixi 'axamemi'anene tiwa'aitiwame

(Mat 12: 25-29 – Mar 3:23-27, Ruk 11:17-22)

<sup>22</sup>Merikitsi heiwa tewi hetsiana kani'atiarieni kakaiyari 'axami'ane minikai mikaheunierikai meta mikaniuwekai, hiki Ketsutsi 'aixia 'aneme kanayeitiani, mikaniuwekai niuweti kanayani meta heuniereti. <sup>23</sup>Yunaiti teiteri mekanihixiyakaitini, meta mipai mekanituyuanekaitini: «ǂ'Ikiri Rawiri Nu'aya katihiki?»

<sup>24</sup>Peru, paritseutsixi me'u'enanaka, mipai mekanituyuani: «'Iki kakaiyarixi 'axamemi'anene puwarayeni'awa Weheritsewu tirikariyayaki, kakaiyarixi 'axamemi'anene tiwa'aitiwame».

<sup>25</sup>Peru Ketsutsi wa'iyaritariika maiti, mipai katiniwarutahiawe: «Xika xeime kwieyaritsie kiekatari yuhixiata xika meyutsana, mana pakumawere, meta

kiekari yatini xeinuiwaritsixi xika yuhixiata meyutsana, 'emepikateheutere. <sup>26</sup>Kauyumarie xika 'enuyeni'ani Kauyumarie, hixiata kaniyutsanani yikimana. Xika mipai 'aneni, pika'una yikimana hakewa mire'aita.

<sup>27</sup>Merikite, xika ne Weheritsewu hetsie xeniu netiwiyati newarayani'awani kakaiyarixi 'axamemi'anene, ¿xemeta xemitewa'ikitia kemi'anetsie metewiyati mepiwaranuyeni'awa? 'Ayumieme miki xehetsie mepite'ahipani. <sup>28</sup>Peru xika Kakaiyari 'Iyarieya hikitini kemi'ane minetsiparewie nemiwaranuyeni'awaniku kakaiyarixi 'axamemi'anene, Kakaiyari 'ari kanitsutiani ti'aitati xehetsia.

<sup>29</sup>»Xika xewiti tinawamikini tewi mitirikaiye tita yukiita mirexeiya, miki tewi katiuhiani meri, 'anake kaniyiwemiki piiniteya naima mitiunawani.

<sup>30</sup>»Kemi'ane nehetsie mikatiwiya, miki pinetsi'aye'unie, kemi'ane nehamatia mikatiukuxexeiriwa, miki pitaxiriwa. <sup>31</sup>'Ayumieme mipai nepitixekihawe, teiteri mepiteheuyehiwiyarieni naima 'axakememite'uyuri meta 'axakememutiyua, peru mepikateheuyehiwiyarieni kemi'ane 'axamemutiyua 'Iyari hepaita. <sup>32</sup>Kemi'ane yikimitayini nehepaita, Yuri Tewi kenemitihiki, miki pireuyehiwiyarieni, peru kemi'ane 'axamitayini 'Iyari Mitiyupata hepaita miki pikareuyehiwiyarieni 'ena kwiepa meta 'umamietsie.

<sup>33</sup>»Iteiri xika xehexeyani 'aixia mi'ane, 'ikwaxi mexeyia 'aixia kani'aneni, mexika 'iteiri 'axami'ane hikitini, 'ikwaxi mexeyata 'axakani'aneni. 'Iteiri yu'ikwaxiki pimatsiiki. <sup>34</sup>Xeme kuterixi xepihiki, xeme xepikayiwawe 'aixia xemitexukatani, xeme 'axaxepite'u'iyari. Tita yu'iyaritsie mitihiniyani, mipai katinikuxatamiki. <sup>35</sup>Tewi 'aixia mitiuka'iyari 'ikuxeirieme tita 'aixia miti'ane yuhetsie, tita 'aixia miti'ane katinikuxatamiki, peru tewi 'axamitiuka'iyari 'ikuxeirieme tita 'axamiti'ane yuhetsie, tita 'axamiti'ane katinikuxatamiki. <sup>36</sup>Matsi yuriki mipai nepitixekihawe, naima niuki yaki xeikia memutiniuka teiteri, miki hepaita mepitiniuni kepauka 'itsikame miwatahiawe. <sup>37</sup>Kariki kepemutayiki, mikiki heitserie pekanipitiariekamiki, meta kepemutayiki, mikiki pepanutahiiani».

### **Kunatsi 'iniariyari**

(*Mat 12:39-45 – Ruk 11:24-32*)

<sup>38</sup>Merikite 'ana hipati 'iniariki te'ikitamete meta hipati paritseutsixi, mipai mekatenitahiawe:

—Ti'ikitame 'aku, tepimatsiheuxeyaku 'iniari mariweme keneuwewi.

<sup>39</sup>Ketsutsi mipai katiniiwaruta'eiya:

—Hiki miemete teiteri 'axamemite'u'iyari, hipame memiwakumaiwa, 'iniari mariweme mekaniku'iwawani. Peru 'iniari mepikapitiarieni, Kakaiyari niukameya Kunatsi 'iniarieya xeikia mekanipitiariekuni. <sup>40</sup>Kunatsi ketsi 'amupatsie kemitiyekatei haika tukari haika tikari, mipaita yaxaikia Yuri Tewi kenemititewa, kwietia nepiyekani haika tukari haika tikari.

<sup>41</sup>Niniwe hetsie kiekatari 'amepiti'uni metetahekiatake hiki miemete teiteri wahepaita kepauka 'itsikame miwatahiawe. Hiki miemete wahetsie pirahiiani 'ana, Niniwe kiekatari memite'uhayewaxiki kememiteyuriekai, Kunatsi tiwarutaxatiaku, matsi 'ena kaniyueikani xewiti waikawa mariweti

keyuri Kunatsi. <sup>42</sup>Metatsiere 'uka ti'aitame Tsawa mekatei, miki panukukeni titahekiatake hiki miemete wahepaitsita, wahetsie pirahiani 'ana, miki meyetiaki kwie manuniere paiti, mi'eneniki Tsarumuni kemitimawekai, matsi 'ena kaniuyeikani xewiti waikawa mariweti keyuri Tsarumuni.

<sup>43</sup>»Xewiti kakaiyari 'axami'ane tewi hetsie 'ayeyame, makumawetsie pikuyeikani 'uxi'piya kuwauneti, yutexieneti. <sup>44</sup>'Ana mipai pitayini: «Nekie nepiyemie nemiwayekateitsie». Nuame xika 'ixeiya 'uyemaweme waye'itiyakame 'aixia tiuye'aneme. <sup>45</sup>'Ana piyemie, hipame piwata'inieni kakaiyarixi 'atahutame matsi kwini mieme 'axamemi'anene, meheutahaxiame, muwa me'ayeteti mepakine yunaiti. 'Imatirieka miki tewi matsi yemeki 'axa'aneti payani, mika'aneikai hepai matiari paiti. Mipaita mekani'itiariekuni 'iki teiteri hiki miemete 'axamemiteyurie».

### Ketsutsi maamaya meta 'iwamama

(Mat 12:46-50 – Mar 3:31-35, Ruk 8:19-21)

<sup>46</sup>Ketsutsi tiwakuxaxatiwakaku 'akuxi teiteri yumiireme, maamaya meta 'iwamama mekaniu'axiani, takwa mekaniti'uni me'ihawikuti. <sup>47</sup>Xewiti mipai katinitahiawe:

—Neuxei, 'amaama meta 'aiwama takwa mekaneti'uka mematsihawikuti.

<sup>48</sup>Ketsutsi mipai katinita'eiya niukame:

—¿Kemi'aneri pinemaama meta kehateri mepine'iwama?

<sup>49</sup>Yumamá 'utatserati yuhetsia miemete teyi'ikitiwamete wahepa, mipai kaniutayini:

—Kami 'ena nemaama meta ne'iwama. <sup>50</sup>Kariki kemi'ane yamitiyuriene kemitinake ne'ukiyari taheima makawe, miki kanine'iwatini meta kaninemaamatini.

### Ti'iwiwame 'ixatsiyariki kemit'i'ikitakai

(Mat 13:1-23 – Mar 4:1-20, Ruk 8:4-15, 10:23-24)

**13**<sup>1</sup>Merikitsi 'ana kiita hewayeyaka Ketsutsi, harakuna tetsita kaniukayerini. <sup>2</sup>Hiki teiteri yumiireti mekaniuyukuxeirieni 'auriena, 'ayumieme kanuwatsie pita kanikayerini, mana 'atikaiti teiteri xiekaripa meti'ukaku katini'ikitakaitini. <sup>3</sup>Waikawa katiniwaruta'ikitiani 'ixatsi hepaitisita tikuxatati, mipai 'utaiti: «Merikitsi ti'iwiwame kanayeyani. <sup>4</sup>Merikitsi mexi 'imiari 'iwienekaku, hipati huye tetsita kaniukaxirieni, wikixi me'u'axiaka mekanikuxini. <sup>5</sup>Hipatita mutetexiyatsie kaniukaxirieni waikawa mika'akukwieyatsie. Miki kwitiwa kaniutinexiani kwie 'emikatsuikaiki, <sup>6</sup>peru, kepauka tau manatine maxirixi, kaniutiyinare, mikahananayatikateiki kaniutiwani. <sup>7</sup>Hipatita xuyatsata kaniukaxirieni, hiki kepauka xuya mutiwawerixi kanenukanani. <sup>8</sup>Matsi hipatita kwie 'aixia miraku'anetsie kaniukaxirieni, miki putixuawerixi hipati xeitsienituyari kanayani, hipati haika tewiyari ratia, hipati xeitewiyari heimana tamamata ratia. <sup>9</sup>Xewiti neti mu'enaxi, ke'u'ena».

<sup>10</sup>Merikitsi teyi'ikitiwamete 'ahurawa me'akineka mipai metenita'iwawiya: —¿Titayari 'ixatsiki xeikia hepaitisita petikuxatati teiteri petiwa'ikitia?

<sup>11</sup> Miki mipai katiniwaruta'eiya:

—Xeme xekaniupitiarieni xemimaikaki tita miti'awietsiekai Kakaiyari mira'aitatsie timieme, peru miki mipai mepikatepitiarie. <sup>12</sup> Kemi'ane tixaiti mirexeiya, tawari matsi pitimikieni, hiki ranayuhayewame pirexeiyani. Kemi'ane mikarexeiya, tsepa 'etsiwa mirexeiya katininawaiyariemiki.

<sup>13</sup> Ayumieme miki nepitiwakuxaxatiwa 'ixatsiki xeikia:

»Tsepa memitaneniere, mepikaheuneniere,  
tsepa memita'enana, mepikaheu'enana ni mepikaheitimaitikika.

<sup>14</sup> Wahetsie paye'atiarie Kakaiyari niukameya Kitsariyaxi kemutayi:

»“Tsepa kwi xemita'enana, peru xepikaheitimaitikikani,  
tsepa kwi xemitaneniere, peru tixaiti xepikatexeiya.

<sup>15</sup> Iki teiteri yu'iyaritsie mepitsetse'i,

yunakata mepeukanatika,  
meta yuhixita mepeunaname.

Mexika mipai meka'anenenike, yihixiki mepeunenierenikeyu,

yunakaki mepeu'enanakakeyu,  
yu'iyaritsie mepitemaiwawenikeyu,

meta mepitehayewakeyu ke'axamemiteyurie, neta 'aixia me'aneneme  
nepiwarayeitianikeyu”.

<sup>16</sup> Xeme matsi 'aixia xepi'tiarieme xemeuneniereki yihixiteki, xemeu'enanaki

yunakaki <sup>17</sup> Yuriki mipai nepixerahiawe, yumiireti Kakaiyari

niukametemama, yumiireti teiteri heitseriemeki yamemitekahukai, miki mepixeyakukai tita xemitexeiya xeme, peru mepika'ixei, mepi'eniekukai tita xemite'enie, peru mepika'ieni.

<sup>18</sup> »Merikite, xekeneu'enana kemiti'iniari ti'iwiwame 'ixatsiyari: <sup>19</sup> Kemi'ane mi'eni 'iki niuki Kakaiyari mira'aitatsie mieme, peru 'atsimikaretimaiwe,

'axami'ane nuame pinawairieni tita 'iyarieyatsie mitiuka'iwiya. Mipai kani'tiariieka huye tetsita muka'iwiya. <sup>20</sup> Makutetexiyatsie muka'iwiya,

miki kanihikitini kemi'ane mi'eni niuki, yutemawieti mitanaki'eri

xeimieme, <sup>21</sup> peru, mikahananakaiki, 'apikareuterixi. 'Ayumieme kepauka mu'uximatiarieni, kepauka mitaweyarieni 'iki niuki hepaitisita, hiki yapauka

'iki niuki miki niku'eirimiki. <sup>22</sup> Meta xuyatsata muka'iwiya, miki kanihikitini kemi'ane mi'eni niuki, peru 'iyaritarika kwiepa timiemeki, tuminitiarikaki

ti'iriyarieti, 'ayumieme miki niuki kananukanamieni meta mikaxuawere pikapitiarie. <sup>23</sup> Peru kwie 'aixia miraku'anetsie muka'iwiya, miki kanihikitini

kemi'ane niuki mu'eni meta meitima. Miki niutixuxuawereni hipati

xeitsienituyari paki, hipatita haika tewiyari paki, meta hipati xeitewiyari heimana tamamata paki».

### **Tiriku meta hamirixa hepaitisita tikuxatati kemiti'ikitakai**

<sup>24</sup> Merikitsi tawarita 'ikitsika kaniwayetuirieni 'ixatsi hepaitisita tikuxatati,

mipai 'utaiti: «Kakaiyari kemiti'aita tewi hepai kani'aneni 'imiari 'aixia

mi'anene muka'iwu yuwatsiyata. <sup>25</sup> Peru mekutsukaku te'uximayatamete,

xewiti mana kaninuani 'eye'unieti, hamirixa 'uka'iwiieka tirikutsata,

kaneyani. <sup>26</sup> Kepauka tiriku mutine meta mutixuawerixi, hiki 'anata

matsiikiti kanayani hamirixa. <sup>27</sup>Hiki te'uximayatamete me'u'axiaka yukutsiyari hetsia, mipai mekatenitahiawe: “Takutsiyari 'aku, ¿'imiari 'aixia kati'anenekai pemika'iwi 'awatsiyata? Kamitsi, ¿keranexia hamirixa?” <sup>28</sup>Miki mipai pitiwaruta'e'i: “Tewi xewiti minetsi'aye'unie katineyurieni”. Te'uximayatamete mipai metenitahiawe: “¿Merikite, pekati'awairiya temuhu temenuyehuna?” <sup>29</sup>Miki mipai kaniutayini: “Tixai, xika xe'enuyehuna hamirixa tiriku 'iarime xepiwatihunaxiani. <sup>30</sup>Xekeneuhayewa 'axeikia miwawereniki 'itsanaxake. 'Anake mipai nepitiwatahiawe 'itsanamete: Hamirixa meri xekeneukuxeiri, xekenanahixia xemititaiyaki, meta tiriku xekeneuti'uta nekaxetunitsie”».

### Mutsitatsa 'imiariyari meta paa kuxanariyame

(Mat 13:31-33 – Mar 4:30-32, Ruk 13:18-21)

<sup>31</sup>Hiki tawari 'ixatsi hepaitsita tikuxatati 'ikitsika kaniwarutaxatiani mipai 'utaiti: «Kakaiyari kemiti'aita mutsitatsa 'imiariyari hepai kani'aneni tewi mika'e hepai yuwatsiyata. <sup>32</sup>Imiarite pikaxuawe hepaina 'aneneti 'etsipepeti, peru kepauka mitineni, tupiriyate pikaxuawe hepaina 'aneneti 'epapati, 'iteiri payeika 'epati, taheima miemete wikixi mepiyiwawe hetsiena memi'axiani memiyuti'ituatiani».

<sup>33</sup>Tawarita katiniwaruta'ikitiani 'ixatsi hepaitsita tikuxatati, mipai 'utaiti: «Kakaiyari kemiti'aita, paa kuxanariyame hepai kani'aneni, 'uka 'iwatituka nenutiniitiani harina tixiyari waikawametsie, hiki 'arike kaniutakuxanare naiti».

<sup>34</sup>Mipai naimeki Ketsutsi katiniwakuxaxatiwakaitini teiteri, 'ixatsi hepaitsita tikuxatati tiwa'ikitiati. 'Ixatsi hepaitsita katikuxatati, 'atsipikatiwakihawekai. <sup>35</sup>Mipai piraye'a, Kakaiyari niukameya kemutayi: «'Ixatsi hepaitsita netikuxatati nepitaniuni, nepititaxata tita miti'awietsiekai kwie munetiarietsie paiti».

### Ketsutsi kemitihekiataxi yu'ikitsika hamirixa hepaitsita

<sup>36</sup>Hiki teiteri warutateutiaka kiita kaneutahani. Teyi'ikitiwamete 'auriena mekanu'axiani, mipai mekatenitahiawe:

—Ketaneutahekiatsitiiya 'a'ikitsika hamirixa watsita mieme hepaitsita.

<sup>37</sup>Ketsutsi mipai katiniwaruta'eiya:

—Kemi'ane mika'iwi 'imiari 'aixia mi'anene, Yuri Tewi kenemitihiki ne nekanihikitini. <sup>38</sup>Watsiya kwie naiti kanihikitini, 'imiari 'aixia mi'anene, miki mekanihikitini Kakaiyari mira'aitatsie miemete. Hamirixa, miki 'axami'ane hetsia miemete mekanihikitini, <sup>39</sup>tewi kiekame maye'uniekai hamirixa muka'iwi, Kauyumarie kanihikitini. 'Itsanaxa, miki kanihikitini kepauka tukari meutipare. 'Itsanamete meta niuki tuayamete mekanihikitini.

<sup>40</sup>»Hamirixa kemitiukuxexeiriwa kemitiutitaiyariwa taipa, mipairita katiniyimiki kepauka kwie meutipare. <sup>41</sup>Yuri Tewi kenemitihiki, nepiwatani'ani neniuki tuayamete, miki mepiwakuxeirieni teiteri hipame memiwarukununuitiwa 'axamemiteyuriekaki, meta teiteri kemikatiheitserie

memiteyurie. <sup>42</sup>Miki huxunu miwatita'atsie mepeukaxiriyani. Muwa meputitsuanani meta mepiyutikeweni. <sup>43</sup>Miki heitseriemeki yamemitekahu pita memamariwaweti mekanakinikuni 'ana hakewa wa'ukiyari mire'aita, tau kemitimerikaiye. Xewiti neti mu'enaxi, ke'u'ena.

### Tumini mi'awietsiekai meta perira

<sup>44</sup>»Merikite Kakaiyari kemiti'aita waikawa tumini hepai kani'aneni kwieta mi'awietsiekai hepai. Tewi 'itaxeiyaka, tawari niti'awieta, hiki kwi yutemawieti heyaka, katiniutuani naime mirexeiyakai, hiki ninaneni miki kwie.

<sup>45</sup>»Metatsiere Kakaiyari kemiti'aita tituayame hepai kani'aneni mikuwaunekai perira witsimi'anene. <sup>46</sup>Xeime perira hetaxeiyaka kwinnie miraye'akai, hiki heyaka katinetuani naime mirexeiyakai, hiki miki tuminiyariki kaneinaneni miki perira.

### Wipi

<sup>47</sup>»Metatsiere Kakaiyari kemiti'aita wipi hepai kani'aneni haramaratsie meukawiwia hepai, miki ketsite yiki me'aneneme yutsata muwakuwiiya. <sup>48</sup>Kepauka memutahinixi, ketsiteweyamete menenatihanani haramara tetsita, mana metiteti 'aixia memi'anene mekaniwaranuyeteixini kiriwatsie mekanwareukaxirieni, meta 'axamemi'anene mepiwarexiriwa. <sup>49</sup>Mipaita katiniyimiki kepauka kwie metutipare. Niuki tuayamete mekan'axiakuni, mekaniwaranuyeteixikuni 'axateyuruwamete miki heitseriemeki yamemitekahu watsata, <sup>50</sup>huxunu miwatita'atsie mepiwareukaxirieni, muwa meputitsuanani meta mepiyutikeweni.

<sup>51</sup>Hiki mipai katiniwarutahiawe:

—¿'Iki naime xeteheti'enietiki?

Miki mipai metenitahiawe:

—Huu.

<sup>52</sup>Miki mipai katiniwarutahiawe:

—Kemi'ane 'iniariki miti'ikitame kepauka yamiretimani Kakaiyari kemiti'aita, miki kii kutsiyari hepai kaniyaneni, tita mitiuti'utaxitsata pitiwayepine miraye'atika mitihehekwa meta meripaiti timieme.

### Ketsutsi kemitiuyuri Natsaretitsie

(Mat 13:54-58 – Mar 6:1-6)

<sup>53</sup>Kepauka Ketsutsi mitiutahayewaxi ti'ikitati 'ixatsi hepaitsita, mana kanayeyani. <sup>54</sup>Hiki yukiekaritsie nuaka, tiniwa'ikitiakaitini watukita. Miki mekanihixiyakaitini, mipai mekanitiyuanekaitini:

—¿'Iki hakewa piretima miyamitimaiwe, meta tirikaiyemeki kemitiyuriene?

<sup>55</sup>¿'Iki kiyeki mireutawewiwe katinu'aya? ¿Maamaya Mariya katitewa, 'iwamama Kakuwu, Kutse, Tsimuni meta Kura mekatehiki? <sup>56</sup>¿'Iwamama 'ukari yunaiti 'ena mekatetitei tahetsia? ¿Kamitsi hakewa piretima 'iki naime kemitiyuriene?

<sup>57</sup>Mepikayiwawekai yuri memite'eririekaki. Peru Ketsutsi mipai katiniwarutahiawe:



—Kakaiyari niukameya naitсарie we'eme kani'eriwani, peru yukwiepa meta yukie mariweme pika'eriwa.

<sup>58</sup>Hiki mana waikawa mamariwaweme pikatiuyuri, miki yuri memikate'eriekaiki.

### **Wani Ti'iyame kemitiumerie**

*(Mat 14:1-12 – Mar 6:14-29)*

**14**<sup>1</sup>Merikitsi kuwexinaruri Herurexi kanihiritiariekaitini Karereya kwieyari. Hiki kaniu'ena Ketsutsi hepaitsita kemiraniuwakai, <sup>2</sup>mipai katiniwarutahiawe memiparewiekai: «Wani Ti'iyame kanihikitini, 'umika panukuke, 'ayumieme tirikariya kanexeiyani mariwemeki mitiyurieneni».

<sup>3</sup>Miki Herurexi yatiuta'aitaku meripaiti, kaniuwiyarieni Wani. Kanihiani meta kanenutahiani katsariyanata, mipai mitinakekaiki Heruriya, yu'iwa 'iyaya Peripe. <sup>4</sup>Meripaiti Wani kawiyarieweti 'akuxi, mipai Herurexi katiniutahiawe: «Pikayiwe pemewitikini, 'iniari niukiyari mipai paine».

<sup>5</sup>Herurexi Wani pimiemikikai, peru teiteri piwamakarikai, kename Kakaiyari niukameya hikitikai memiteku'eriwakaiki. <sup>6</sup>Merikitsi Herurexi kepauka mutinuiwaxi 'ixiarariyari wewiekaku, Heruriya niweya 'ukatiti katiniutineini wahixie, pinakixi Herurexi, <sup>7</sup>'ayumieme yuriki kaniyihiritiani, kename tita mititawawirienike timiniekai. <sup>8</sup>'Iya maamaya yatitahiaweku, mipai katinitahiawe: «Wani Ti'iyame mu'uya keneneu'itia hiki xakitsie yekaim».

<sup>9</sup>Hiki ti'aitame waikawa kaniuyukahiwerieni, peru miyihiritiakaiki teiteri hamatiana memitekewakai wahixie, katiniuta'aita miki mitiyetuiriyarieniki,

<sup>10</sup>hiki katiniutan'ani Wani mu'uya manutixitekieniki katsariyanata.

<sup>11</sup>Mu'uya kani'atiarieni xakitsie yekaiti, hiki 'imari kaniyetuiriyarieni, mikita yumaama kaniyetuirieni.

<sup>12</sup>Hiki Wani teyi'ikitiwametemama me'u'axiaka meneikweni kaxarieya, mekanikateuku. 'Arike mekanekine Ketsutsi mekatenuatixatiani.

### **Ketsutsi 'auxiwime miriyari kemitwarumi**

*(Mat 14:13-21 – Mar 6:32-44, Ruk 9:10-17, Wa 6:1-13)*

<sup>13</sup>Merikitsi Ketsutsi miki tiutamarieka, kaneyani kanuwatsie kayerika makumawetsie paiti yuxaita. Teiteri mete'utamarieka, yi'ikama mekanekine mekanenukuweiya yukiekaritetsie meyekineka.

<sup>14</sup>Hiki kepauka Ketsutsi manatitia kanuwatsie, teiteri kaniwaruxeiya yumiireme, hiki kaniwarutinenimayata, 'aixia meteheu'eriekame kaniwarayeitiani memitekukuyekai.

<sup>15</sup>Hiki tau 'akayunirimekaku teyi'ikitiwamete 'auriena mekanuyukuxeirieni, mipai me'utiyuati:

—'Ena kanakumaweni, kananukayaniri memitekwanikekai.

Keniwarutateutiari teiteri, kiekaritetsie memitayeixianiki, 'ikwai memiteheyutinairieniki.

<sup>16</sup>Ketsutsi mipai katiniwaruta'eiya:

—Pikaheuyewetse memiyehuki. Xeme pita xeketeniwarumikwa.

<sup>17</sup>Miki mipai mekatenita'eiya:

—Ketiri 'ena tixaiti tepikatehexeiya, paa 'auxiwime meta tsapari yuhutame xeikia tepiwarexeiya.

<sup>18</sup>Mipai katiniwarutahiawe Ketsutsi:

—'Ena nehetsia xeketenatua.

<sup>19</sup>Hiki katiniwaruta'aitiani teiteri memikuyaxixianiki 'ixapa, paa 'auxiwime 'anu'ika meta tsapari meyuhutame, taheima heutiniereti pamipariyutsi Kakaiyari kaniupitiani. Hiki paa 'utitaraka kaniwaru'itiani teyu'ikitiwamete, mikita mekaniwaruta'itiani teiteri. <sup>20</sup>Yunaiti mekatenukwani mekaniutihuxani, hiki teyu'ikitiwamete mekanikuxeirieni tarimeyari muyuhayewaxi, mekanitihiniya tamamata heimana huta tsikiwitiyari. <sup>21</sup>Memite'ukwai 'ukitsi 'auxiwime miriyari yakititi mekaniyupaimekaitini, meka'iniariti 'ukari meta tiiri.

### **Ketsutsi haa heima kemitiuiekai**

*(Mat 14:22-36 – Mar 6:45-56, Wa 6:15-21)*

<sup>22</sup>Hiki Ketsutsi teyu'ikitiwamete kaniwarutamexiitiani kanuwatsie memikayaxeki miki meri memiyehuki 'anutaiye paiti, mexi miki teiteri wateutianekai. <sup>23</sup>Arike warutateutiaka teiteri, yemuritsie kaneutiyune yuxaita yutanenewienike. Hiki kaniukuyire mana 'ukaiku yuxaita, <sup>24</sup>meta kanuwa haa hixiapa paitiri kaniuyemiekaitini, hamewari kanenutawayakaitini, hepana meuye'ekakaiki. <sup>25</sup>Merikite 'etsiwatikaku kahekiaririmekaku, wahepa kanamiekaitini Ketsutsi haa heima 'umieti. <sup>26</sup>Kepauka teyu'ikitiwamete memixei haa heima 'amieme, waikawa mekaniutumamani, marikaki mipai mekatenuhiwa:

—Miki piyiane.

<sup>27</sup>Peru kwitiwa Ketsutsi mipai katiniwarutahiawe:

—Kayuwati xeketeneuyaxi. Ne nepiyiane. Xepikamamaka.

<sup>28</sup>Hiki Pekuru mipai katinita'eiya:

—Ti'aitame, xika 'eki peyaneni, kenetineuta'aitia mana nemimieki 'ahetsia, haa heima ne'umieti.

<sup>29</sup>Ketsutsi mipai kaniutayini:

—Kenaye'a.

Pekuru kanuwatsie kananatiyani, hiki haa heima kaniumiekaitini Ketsutsi hepa. <sup>30</sup>Peru, kepauka 'eka m'eni kemititirikaiekai, kaniutumani, 'ana kanitsutiani kayunirimeti. Hiki mipai katiniuhiwa:

—Ti'aitame, keneneutawikweitsitia.

<sup>31</sup>Hiki Ketsutsi yumamaki 'iwiyaka, mipai katinitahiawe:

—'E'e, kari 'eki 'etsiwa xeikia yuri pepiti'erie. ¿Titayari peti'aiyaritiakai?

<sup>32</sup>Kepauka kanuwatsie memikayaxixi 'eka kaneunuani. <sup>33</sup>Miki kanuwatsie memiyetekai hixiena metitunuma'uti mipai mekatenitahiawe:

—Yuriki Kakaiyari nu'aya 'eki pekanihikitini.

<sup>34</sup>Hiki 'anutaiye meheutanexiaka, Kenetsareti kwieyaritsie mekaniye'axiani.

<sup>35</sup>Mana kiekatari Ketsutsi mekanetimani, hiki niuki mekaneutani'axiani yu'aurie kiekatari yunaime wahetsia. Mekani'atiiriwakaitini tekwikwikate

yunaima, <sup>36</sup>waikawa me'iwawirieti muwapitiakaki tsikere 'ixurikieya tetsimeyaritsie memimayianiki, yunaiti kemi'ane memimayia 'aixia metehu'erieti mepakikakai.

### Miti'itiya meta mikati'itiya

(Mat 15:1-20 – Mar 7:1-23)

**15** <sup>1</sup>Merikitsi 'ana Ketsutsi hetsia mekanu'axiani paritseutsixi meta 'iniariki memite'ikitametetikai, Kerutsareme memeyekineikai, mipai mekatenita'iwawiya:

<sup>2</sup>—¿Titayari 'ahetsia miemete teyi'ikitiwamete yamekatekahu yututsima wayeyaritsie? Mepika'ukamaimawa kepauka memite'utikwa'a.

<sup>3</sup>Ketsutsi mipai katiniwaruta'eiya:

—¿Titayarita xeme yaxekateyurie Kakaiyari kemiti'aita, yuyeyaritsie xetewiyati? <sup>4</sup>Kakaiyari mipai katiniuta'aita: “Yaketinekamieni kememaitika 'apaapa meta 'amaama”, metatsiere: “Kemi'ane 'axamutaineni yupaapa meta yumaama wahepaitsita, ke'umierieni”. <sup>5</sup>Xemeta, 'apita, mipai xekateni'ikitani kenama xewiti yiwe mipai mitahiawe yupaapa yatini yumaama: “Nepikayiwe nemimatsi'upawieni, naime nemirexeiya Kakaiyari nemitiyetuirikiri”. <sup>6</sup>Merikite kemi'ane mipai mitayini, wairiyarika pikapitiarieri yupapama muwaparewieniki. Mipai yuyeyari xete'uweiyati tixaiti katihikitime xepayeitia Kakaiyari niukieya. <sup>7</sup>Xemite'itawamete.

Kitsariyaxi 'aixia putayi tihekiatati xehepaitsita, mipai 'utaiti:

<sup>8</sup>»“Iki teiteri yuteniki xeikia 'aixia meputiyuane nehapaitsita, peru wa'iyari 'ateewa puyeika.

<sup>9</sup>Yaki xeikia mekanenayexeyani, tita memite'ikita teiteri wa'aitsika xeikia pihiki”».

<sup>10</sup>Merikitsi Ketsutsi yu'aurie waruta'ineka teiteri, mipai katiniwarutahiawe: —Xekeneu'enana meta xeketenemaiwaweni. <sup>11</sup>Tita ka'itiyakame tewi mirayeitiwa, tetana miranukayeikaki mikiki 'axapika'itiarieni. Matsi tita tetana miratineikaki, mikiki pita ka'itiyati payeika.

<sup>12</sup>Hiki teyi'ikitiwamete 'ahurawa me'ukineka mipai mekatenitahiawe: —¿Mipai petimate, paritseutsixi 'aniuki me'u'enieka mikawarunakixi?

<sup>13</sup>Miki mipai katiniwaruta'eiya:

—Naiti 'iteiri ne'ukiyari taheima makawe mika'ika'e piwatihunaxiani.

<sup>14</sup>Xekeniwahayewani, me'akikipeti mepiwarahapana hipame. 'Akipeti xeime makipe xika hehana, yuhutati mewatixawatsie meneukaxirikuni.

<sup>15</sup>Hiki Pekuru mipai katinitahiawe:

—Ketaneutahekiatsitiiya 'iki 'ikitsika.

<sup>16</sup>Ketsutsi mipai katiniwarutahiawe:

—Kari xemeta 'atsixepikatemate. <sup>17</sup>Tami tita teta miranukayeika yuriepa nikayuyupikeni, 'ariketa kanihamiki. <sup>18</sup>Peru tita teta mirayeneika 'iyaritsie patineika, mikiki tewi 'axakani'itiarieka. <sup>19</sup>Kariki 'iyaritsie katinatineikani 'axa'iyaritarika, xeime kemitiiumieni, xeime kemitiukumayiani kayi'iya kayikina, kememiteyukumaiwa teiteri kemikatiheitserie, 'inawari, 'itarika meta 'axaniuki hipame wahepaitsita.

<sup>20</sup> 'Iki katinihikitini tewi ka'itiyakame memayeitiwa, xika tiukwani kamaimati mikiki tewi ka'itiyati pikahayeika.

**Yuri kemiti'eriekai 'uka Kanani kiekame**

*(Mat 15:21-28 – Mar 7:24-30)*

<sup>21</sup> Merikitsi mana miyettia Ketsutsi, kaneyani Tiru kwieyaritsie meta Tsuruni.

<sup>22</sup> Hiki mana 'uka Kanani kiekame, miki kwieyaritsie heyeyaka, hepana kaniuyani mipai 'utaiti:

—Kenenenenimayaka, Ti'aitame, Rawiri peminu'aya. Neniwe 'uka waikawameki pitiuka'eniwa, kakaiyari 'axami'ane 'inikaku.

<sup>23</sup> Peru Ketsutsi pika'ita'ei. Hiki 'ahurawa me'akineka tey'ikitiwamete, mipai mekatenitahiawe:

—Kenanuni'a, pitatsi'uweiya xeikia 'utahiwati.

<sup>24</sup> Ketsutsi mipai kaniutayini:

—Ne Kakaiyari muxatsimama memeuyexiri wahetsia xeikia nekaneyeni'arieni, 'ixaheritsixi teiteriyari wahetsia.

<sup>25</sup> 'Uka 'ahurawa 'ayaka kaniutihiximakeni hixiena, hiki mipai katinitawawirieni:

—Ti'aitame 'aku, keneneuparewi.

<sup>26</sup> Miki mipai katinita'eiya:

—'Aixia pika'ane xika yuniwema paa warunawairieni, tsiikiri pita xika warumini.

<sup>27</sup> 'Uka mipai katinitahiawe:

—Yuri peputaine Ti'aitame, peru 'atsita tsiikiri temixikiyari mepukukwa'a wakutsiyarima wamexatsie manakawiwike.

<sup>28</sup> Hiki Ketsutsi mipai katinita'eiya:

—'Uka 'aku, waikawa yuri pepiti'erie. Yakereyini tita pemira'iwawa. Hiki 'ana kwitiwa 'aixia reu'erietu kanayani nu'aya.

**Ketsutsi kemitiwarumi nauka miriyari**

*(Mat 15:29-39 – Mar 7:31-37, 8:1-10)*

<sup>29</sup> Merikite Ketsutsi mana kaniyeyani, hiki Karereya harakunayari tetsita paiti kaninuani. Mana yemuritsie kanitiyune mana kanayerini. <sup>30</sup> Hiki

hetsiana mekanu'axiani yumiiireti teiteri, mekaniwa'atiani memi'ikatetutuni,

memikaheuneniere, memiwaritutuni, memikaniuwawe meta hipame

tekwikwikate, hixiena mekaniwa'atiani, mikita 'aixia metehue'eriekame

kaniwarayeitiani. <sup>31</sup> Hiki teiteri mekanihixiyakaitini mewaxeiyati

memikaniuwawekai me'utiniukame, memiwaritutunikai 'aixia me'aneneme,

memi'ikatutunikai meku'uwame, meta memikaheunenierikai meheuneniereme

mewaxeiyati. 'Aixia mekaniutiyuanekaitini 'ixaheritsixi yukakaiyari hepaitisa.

<sup>32</sup> Hiki Ketsutsi yu'aurie waruta'inieka yuhetsia miemete tey'ikitiwamete, mipai katiniwarutahiawe:

—Ne 'iki teiteri nepiwareunenimaya, haika tukari mekaniyuriekari nehetsia meta 'ikwai mepikahexeiya. Nepikanewairiya mekatekwakame nemiwariwateutiani, kapa mehetiweranaxiame mehekaxirieni huyeta.

<sup>33</sup> Hiki teyi'ikitiwamete mipai mekatenita'eiya:  
—¿'Ena makumawetsie hakewa tepeikaxeyia paa miyapaimeme temitewaminiki teiteri miyameyupaimeme?

<sup>34</sup> Ketsutsi mipai katiniwaruta'iwawiya:

—¿Kepaimeme paa xepexeyia?

Miki mipai mekaniutyuani:

—'Atahutame, meta tsapari yayupaimeme 'etsimepeme.

<sup>35</sup> Hiki katiniuta'aita teiteri 'amemukuyaxixianiki kwiepa. <sup>36</sup> Paa 'atahutame 'anu'ika meta tsapari, pamipariyutsi Kakaiyari kaniupitiani, hiki kanititara paa meta kaniwayetuiriene teyi'ikitiwamete. Mikita teyi'ikitiwamete teiteri mekaniwaruta'itiani. <sup>37</sup> Yunaiti mekateniukwani yemeki mekaniutihuxani. 'Arike teyi'ikitiwamete mekanikuxeirieni tarimeyari muyuhayewaxi, 'atahuta tsikiwiwiyari hipineta patia. <sup>38</sup> Memite'ukwai 'ukitsi nauka miriyari mekaniyupaimekaitini, 'ukari meta tiiri meka'iniariti. <sup>39</sup> Hiki warutateutiaka teiteri, kanuwatsie kanikayerini, Makarani kwieyaritsie kaneyani.

### Ketsutsi 'iniari kemitiutawawiyarie

(Mat 16:1-12 – Mar 8:11-21)

**16** <sup>1</sup> Merikitsi paritseutsixi meta tsarutseutsixi Ketsutsi 'aurie mekaniu'axiani, me'l'iniatakuti, 'iniari mekanitawawirieni muyuawitsie mieme memixeiyaki.

<sup>2</sup> Miki mipai katiniwaruta'eiya: «Taikai, xeme mipai xeputyuane, 'uxa'a xiari tsipireu'aneni, kami haiwitiri nixuxureni, <sup>3</sup> meta ximeri mipai xeputyuane, kename kawiyehaiwitiri 'aheutsuye. Xeme xepimate kemitiyuxexeyia haiwitiri, peru xepikayiwawe xemeitmani hiki kenemitiyuriene miki Kakaiyari 'iniarieya kanihikitini. <sup>4</sup> Hiki miemete teiteri 'axamemiteyurie meta hipame memiwakumaiwa, 'iniari mepikuwautiwe memixeiyaki, peru 'iniari mepikapitiarieni, Kunatsi 'iniarieya xeikia mekanipitiariekuni». Hiki Ketsutsi waruku'eirieka kaneyani.

### Tiyukuxanariyame paritseutsixi wahetsia mimieme

<sup>5</sup> Merikite harakuna 'anutaiye mekananukine, peru teyi'ikitiwamete paa memanu'inikekai mekatenatimayakaitini.

<sup>6</sup> Hiki Ketsutsi mipai katiniwarayehitiani:

—Yumarima 'aixia, xekeney'i'wiyani tiyukuxanariyame paritseutsixi meta tsarutseutsixi wahetsia mieme hepaitsita.

<sup>7</sup> Miki mipai mekateniyutahiawekaitini: «Paa temikaheye'iiki 'ayumieme miya kanaineni». <sup>8</sup> Ketsutsi retimaika kememiteyitahiawekai, mipai kaniutyuani:

—¿Titayari niuki xetexiatia paa tepikahexeyia xeteyikihaweti? 'Etsiwa kari yuri xepite'erie. <sup>9</sup> ¿'Akuxi 'atsixekatehetimawawe? ¿Tami xekatehe'eriwa 'auxiwime payariki yu'auxiwime miriyari memite'ukwai, meta kepaimeme kiriwayari xemekuxeiri? <sup>10</sup> ¿Meta xekatehe'eriwa 'atahuta payariki nauka miriyari memite'ukwai, meta kepaimeme kiriwayari xemekuxeiri?

<sup>11</sup> ¿Titayari 'atsixekateheitimaitikika kename ne paa nekaxatakai? Tawarita mipai nepixerahiawe: Xekeneyukweriwayurieka tiyukuxanariyame paritseutsixi meta tsarutseutsixi wahetsia mieme hepaitsita.

<sup>12</sup> 'Anake yamekatenetimani kename memiyi'iwiyani paa kuxanariyame hepaitsita kahainekai, matsi paritseutsixi meta tsarutseutsixi wa'ikitsika hepaitsita memiyi'iwiyani pita hainekai.

### **Pekuru kemitiyutahekiataxi**

(Mat 16:13-16 – Mar 8:27-30, Ruk 9:18-20)

<sup>13</sup> Merikite kepauka Ketsutsi Tsetsareya Piripu kwieyaritsie munua, yuhetsia miemete teyi'ikitiwamete mipai katiniwaruta'iwawiya:

—¿Teiteri keme'utiyuane nehepaitsita, Yuri Tewi kenemitihihi?

Miki mipai mekatentia'eiya:

<sup>14</sup> —Hipati mipai meputiyuane kename Wani Ti'yame pehiki, hipatita kename 'Eriyaxi pehiki, meta hipatita kename Keremiyaxi pehiki, yatini kename xewiti Kakaiyari niukameya pepihiki.

<sup>15</sup> Hiki mipaita katiniwarutahiawe:

—Xemeta, ¿kexe'utiyuane kemi'ane nepiyane ne?

<sup>16</sup> Tsimuni Pekuru mipai katinita'eiya:

—'Eki Kiritsitu pekanihikitini, Kakaiyari mayeniere Nu'aya.

<sup>17</sup> Hiki Ketsutsi mipai katinitahiawe:

—'Aixia pepi'itiarie 'eki, Tsimuni Kunatsi peminu'aya, tewi mimiwe pikamatiutahekiatia, matsi ne'ukiyari taheima makawe pita. <sup>18</sup> Netsi mipai nekamatinahiaweni 'eki Pekuru<sup>d</sup> pekanihikitini, 'iki tetetsie nepiwatsutiani memiyutixexeiwani nehetsia miemete, meta miki mepika'a'iwarieni tsepa memukwi'iwaxi. <sup>19</sup> Yawi nepimatsitikitiani mireuyepiwa hakewa Kakaiyari mire'aita, tita pemitihiani kwiepa taheimata pehiyani, meta tita kwiepa pemitixina taheimata pexinarieni.

<sup>20</sup> Hiki 'ana kaniwaruhiritiani teyi'ikitiwamete nixeime memikatehaxaxatiwaniki kename miki Kiritsitu hikitikai.

### **Ketsutsi kemitiwarutaxatia kemitimierienikekai**

(Mat 16:21-28 – Mar 8:31-9:1, Ruk 9:22-27)

<sup>21</sup> Merikitsi 'ana Ketsutsi kanitsutiani yuhetsia miemete teyi'ikitiwamete mipai tiwakuxaxatiwati: «Kaneuyeweka Kerutsareme nemimieki, meta waikawa nemitikwineki ta'ukiyarima meta mawari wewiwamete tewa'aitiwamete wahetsia, meta 'iniariki memite'ikitamete wahetsia, mana nekanimieriemiki, matsi hairieka tukari napanukukeni». <sup>22</sup> Hiki Pekuru yatewa heiwitika kanitsutiani 'iku'imaiyati, mipai 'utaiti:

—Tixai Ti'aitame. Mipai pepika'itiarieni.

<sup>23</sup> Ketsutsi kwi 'enutaxeyati mipai Pekuru katiniutahiawe:

—Xaitsie keneuye'a, Kauyumarie. Pepinetsikunuitiamiki, Kakaiyari hepai pepikare'iyari, teiteri wahepai pita pepire'iyari.

<sup>d</sup> 16:18 Pekuru. Tete panuyine.

<sup>24</sup>Hiki Ketsutsi mipai katiniwarutahiawe yuhetsia miemete teyi'ikitiwamete:

—Xika xewiti yuwairiyani tiyu'ikitiwame nehetsia mieme mayani, ketihayewani kemitinake yuhetsiemieme tiyurieneti, yukuruxi ke'utitini, kenetsi'uweiyani. <sup>25</sup>Kemi'ane yutukari miwikweitsitiamiki, kanitatimaiyamiki, peru kemi'ane yutukari mitatimaiya nehetsiemieme, kanikaxeyamiki. <sup>26</sup>Tixaiti pikirayeika xika tewi kwiepa timieme naima ra'wa, yaxeikia yutukari kanitatimaiyamiki. Nixewiti pikayiwe mitiyutuani yutukari hetsiemieme. <sup>27</sup>Yuri Tewi kenemitihiki, nekaninuamiki ne'ukiyari hepai nemariweti neniuki tuayamete wahamatia, hiki 'ana nepitiwarakapitiani, yuxexuiti kememite'uyuri. <sup>28</sup>Yuriki mipai nepixerahiawe, hipati 'ena memu'uwa mepikakwini Yuri Tewi menetsixeyameke neye'akaku nemira'aitatsie.

### Yiki tiyuxexeyati kemiratia

(Mat 17:1-13 – Ruk 9:28-36, Mar 9:2-13,)

**17**<sup>1</sup>Merikitsi 'ataxewi tukari 'anukayaku, Ketsutsi kaniwarewitini Pekuru, Kakuwu, meta 'iwaya Wani, yemuri 'emutewitsie yihikiamе. <sup>2</sup>Hiki mana wahixie yiki 'aneti kanayani, yuhixie kanayexawatire tau hepai, meta 'ixurikieya tuxati xawatiti kanayani. <sup>3</sup>Hiki, me'ixeyakaku Muiisexi meta 'Eriyaxi mekaniuyuhekiata hamatiana mekatenikuxatakaitini. <sup>4</sup>Hiki Pekuru mipai Ketsutsi katiniutahiawe:

—Ti'aitame, 'aixia kani'aneni, 'ena temu'uwaki tame. Xika mipai matinakeni, 'ena haikame xamaru nepitiwewieni: 'ahetsiemieme xeime, Muiisexi hetsiemieme xeime meta 'Eriyaxi hetsiemieme xeime.

<sup>5</sup>Hiki 'utaniukakaku 'akuxi, yapauka haiwitiri xawatiti kaniwaranukanani, hiki miki haiwitiritsata xewiti kanetaniuni mipai 'utaiti: «'Iki kanineniwetini neminaki'erie, mikiki waikawa nekaniyutemawieka. Xekene'enieka».

<sup>6</sup>Me'ienieka teyi'ikitiwamete, mekaniutihixima'uni kwinimieme metemamati. <sup>7</sup>Ketsutsi 'aurawa 'ayaka, warutimayiaka mipai katiniwarutahiawe:

—Xekenanuku'uti, xepikaheumamaka.

<sup>8</sup>Kepauka memanukunenierixi, Ketsutsi xeikia mepuxei, tawari xeime mepika'uxei.

<sup>9</sup>Hiki yemuritsie me'akahuti, Ketsutsi mipai katiniwaruhiritiani:

—Nixeime xepikatehaxaxatiwani kexemite'unenierixi, kepaukake Yuri Tewi kenemitihiki, mikite watsata nemanukuketiarieni.

<sup>10</sup>Hiki teyi'ikitiwamete mipai mekatenitahiawe:

—¿Miki 'iniariki memite'ikitamete titayari mipai mete'utiyuane kename heuyewetse 'Eriyaxi meri munuani?

<sup>11</sup>Ketsutsi mipai katiniwaruta'eiya:

—Kaniyuritini. 'Eriyaxi meri kaninuamiki, 'aixia mitiyurieniki tinaimе.

<sup>12</sup>Matsi ne mipai nepixerahiawe, 'Eriyaxi 'ari kaninuani, peru mepikaheitima me'ixeyakatiti, matsi kemitiwanakekai yamepiyuri. Yaxeikiata Yuri Tewi kenemitihiki mipai nepitikwine miki mepinetekwinitiani.

<sup>13</sup>'Ana mipai mepitehetima teyi'ikitiwamete, Wani Ti'yame mixatakaiki.

**Ketsutsi kemirenayehia temaiki mikierixiekai**

(Mat 17:14-19 – Mar 9:14-29, Ruk 9:37-43)

<sup>14</sup>Merikitsi kepauka memu'axia teiteri yumiiireti memanu'uwatsie, xewiti tewi 'ahurawa kaniuyani hetsiana, 'utitunumakeka hixiena, mipai kaniutayini:

<sup>15</sup>—Ti'aitame 'aku, neniwe keneutinenimayata. Putariwewe meta waikawa yemeki pitiuka'eniwa. Heiwa taipa kaneuwautesni heiwata hapa. <sup>16</sup>Nekaniwa'atiirieni 'ahetsia miemete tey'i'ikitiwamete, peru mepuyutatexi 'aixia reu'eriekame memayeitianiki.

<sup>17</sup>Hiki Ketsutsi mipai kaniutayini:

—Xeme hiki xemimemete yuri xepikate'erie meta kemikatiheitserie xepiteyurie. ¿Kepaimexia peuyewetse 'akuxi xehamatia nemuyeikani? ¿Kepaimexia 'akuxi nepixenewieka? Xekenawitiki 'ena nehetsia.

<sup>18</sup>Ketsutsi kakaiyari 'axami'ane kaniutatieni, hiki miki kanayeyani temaikitsie, 'anatiti 'aixia reu'erieti kanayani temaiki.

<sup>19</sup>Hiki 'arike tey'i'ikitiwamete 'ahurawa mekaniukine Ketsutsi 'aurie, yihikiate, mipai mekatenita'iwawiya:

—¿Titayari tame teteyutatexi te'eyeni'anike?

<sup>20</sup>Ketsutsi mipai katiniwarutahiawe:

—'Etsiwa xeikia yuri xemite'erieki, 'ayumieme xepitatexi. Yuriki mipai nepixerahiawe, xika mutsitatsa 'imiariyari hepai 'etsipemeki xika yuri xete'eriekake, xepiyiwawenike mipai xemite'itahiawe 'iki yemuri: “Keneu'apata huma pita”, miki kaniyupatakeyu. Xehetsiemieme katiyiweti pitiumawenike. <sup>21</sup>Peru yunenewieti yuhakieti xeikia kaniyiweni meyen'aniki mipai mi'ane.

<sup>22</sup>Merikitsi meyuxeirieti Karereyatsie, mipai katiniwarutahiawe Ketsutsi: «Yuri Tewi kenemitihiki, nekaniyetuiyamiki teiteri wahetsia. <sup>23</sup>Miki mekanenimiekuni, peru hairieka tukaritsie nekananukukemiki». Hiki tey'i'ikitiwamete waikawa mekaniyuiweriekaitini.

**Ketsutsi kemituyutua tuki hetsiemieme**

<sup>24</sup>Merikitsi Ketsutsi meta tey'i'ikitiwamete kepauka Kaperunaume memu'axia, miki tuki 'amipatsie mieme tumini memukuxexeiriwa meniu'axiani Pekuru hetsia, mipai mekatenitahiawe:

—¿Tixe'ikitiwame tuki 'amipatsie mieme tiyukutuaya?

<sup>25</sup>Pekuru mipai kaniutayini:

—Huu, pitiyukutuaya.

Hiki kiita heutahaku 'atsikatayiwekaku 'akuxi, Ketsutsi meri mipai katinitahiawe:

—¿Kepetiku'eriwa 'eki Tsimuni? Te'aitamete kwiepa memitama, ¿kemi'ane mepiwakwetatia 'amemitewarapinirikaki meta memiteyutuakaki: yuniwema nutsu hipame?

<sup>26</sup>Pekuru mipai kaniutayini:

—Hipati mepiteyukutuaya.



Ketsutsi mipai katinitahiawe:

—Merikite, waniwema mepikateyukutuaya. <sup>27</sup>Peru, temikawahaxiatiakaki 'iki teiteri, 'ayumieme harakunatsie kenemie, mana keneukawiwi kwaitisi. Ke'aneti meri manuwiere ketsi, miki kenanatihani, pehenutatetapieme mana tumini pepetaxeiya 'auxiwime 'iniariyari. Miki keniwaye'ii meta keneyetua nehetsiemieme meta 'ahetsiemieme.

### Kemi'ane matsi miwe'eme

(Mat 18:1-5 – Mar 9:33-37, Ruk 9:46-48)

**18** <sup>1</sup>Merikite 'ana Ketsutsi 'aurie 'ahurawa mekaniukine tey'i'ikitiwamete, mipai me'utiyuati:

—¿Kemi'ane pihiki matsi waikawa meuyewetse, Kakaiyari mira'aitatsie?

<sup>2</sup>Ketsutsi nunutsi kaniuta'inieni, hiki wahixiapa kanitakeni. <sup>3</sup>Mipai kaniutayini:

—Yuriki mipai nepixerahiawe, xika xekate'uhayewa 'axaxeteyurieti, tiiri wahepai xe'aneneti xika xekahakine, xepikaheutahaxiani Kakaiyari mira'aitatsie. <sup>4</sup>Kemi'ane yuhepaitsita 'atsika'utaiti mayuyeitiani 'iki nunutsi hepai, miki kanihikitikamiki waikawa meuyewetse Kakaiyari mira'aitatsie.

<sup>5</sup>»Meta kemi'ane mitanaki'erieni xeime nunutsi 'iki hepai 'aneme, nehetsia mimiemeki, mikita ne pinetsitanaki'erieni. <sup>6</sup>Peru, kemi'ane yamitiyurieni 'axamitiyurieniki xewiti 'iki tiiri yuri memite'erie nehetsie, 'aixia kaniyinikeyu matsi xika tete matayari mahete 'akatitarienike meta xika haramaratsie heukahiiyanike meukatewatsie.

<sup>7</sup>»Kwiepa waikawa pitixuawe kimana teiteri 'axamemiteyurie. Kaneuyewekatsi teiteri memikunuitarieniki, peru xia'ui miki tewi kemi'ane miwakunuitiani. <sup>8</sup>Xika 'amamaki yatini 'a'ikaki 'axapetiyurieneni, kenawiteki kenehiwa. 'Aixia kaniyimiki matsi pemeutahaniki tukari maxuawetsie pemamapuruti yatini pe'ikapuruti, keyuri huta mamayari meta huta 'ikayari pehexeyiyati xika peheukahiiyani tai yuheyemeki mita'atsie. <sup>9</sup>Meta, xika 'ahixiki 'axapetiyurieneni, keniwayetu'i kenehiwa. Matsi 'aixia kaniyimiki tapa xeikia peheuniereti pemeutahaniki tukari maxuawetsie, keyuri naitasata peheuniereti xika peheukahiiyani mirataiyarietsie.

### Muxa meuyewe niukiyari

(Mat 18:12-14 – Ruk 15:3-7)

<sup>10</sup>»Yumarima 'aixia xeime xepikananaimaka 'iki tiiri. Mipai nepixerahiawe, miki waniuki tuayamete yuheyemeki 'amekaniu'uwani ne'ukiyari taheima makawe hixie, mepite'ikuxaxatiwa. <sup>11</sup>Kariki Yuri Tewi nehikititi kenemitinua, memeuyexiri newatawikweitsitianike nekaninuani.

<sup>12</sup>»¿Kexeteku'eriwa? Xika tewi xeitsienituyari warexeiyani yumuxatsi, xika xewiti miki heuyeweni, ¿katiwaku'eirieni hiritisie nauka tewiyari heimana tamamata heimana 'atanauka memiyupaime, katiwaumie meuyewe? <sup>13</sup>Yuriki mipai nepixerahiawe, xika 'aku heitaxeiya, miki muxaki kaniyutemawieka matsi waikawa, kemikatiyutemawie memikaheuyexiri waheki nauka tewiyari

heimana tamamata heimana 'atanauka memiyupaime. <sup>14</sup>Mipai yaxeikia, xe'ukiyari taheima makawe pikayuwairiya meuyeweni xewiti 'iki tiiri.

### Kemireuyewetse yu'iwa mireuyehiwirieni

<sup>15</sup>»A'iwa xika 'axa'utayini 'ahepaitsita, hetsiana kenemie yaketineutahiawi yihikiate xeti'uti 'eki miki hamatia. Xika matsi'u'enieni, 'a'iwa pihikitini xepuyunaki'erieka. <sup>16</sup>Mexika kamatsi'u'enieni, xeime kenanuwitiki yatini yuhutame memitetamarieniki, miki “tsepa titaki miti'ayumieme 'aixia pitiyini yamehaitikaikaku yuhutati yatini yuhaikati memunenierixi”. <sup>17</sup>Xika miki kawaru'enieni, yaketiniwarutahiawi memiyutixexeiriwa, mexika kawaru'enieni memiyutixexeiriwa, kemi'ane tanuiwaritsie mikamieme hepai ketineuxeiya yatini tiyukwamaname hepai.

<sup>18</sup>»Yuriki mipai nepixerahiawe, tita xemitehiani 'ena kwiepa, miki pihiiyani taheimata, meta tita xemitexina 'ena kwiepa, mikita pirezinarieni taheima.

<sup>19</sup>»Tawarita mipai nepixerahiawe, yuhutati xeme xeyu'enieti xika yaxeikia xeteyumaika 'ena kwiepa tita xemitetawauni hepaitisita, tsepa kemititita, ne'ukiyari taheima makawe mipai katinixepitiamiki. <sup>20</sup>Kariki hakewa yuhutati yuhaikati memeyuxeirie menetsitahiaweke, mana nepuyeikani watsata».

### Tewi yu'iwa mikareuyehiwiri

<sup>21</sup>Pekuru Ketsutsi 'aurie 'ahurawa 'uyaka mipai katinitahiawe:

—Ti'aitame, ¿kepaimexia nepireiyehiwiriekai ne'iwa, nehepaitsita xika 'axa'utayini? ¿'Atahutamexia wa'ati?

<sup>22</sup>Ketsutsi mipai katinitahiawe:

—Ne 'atahutamexia nepikahaine, matsi haika tewiyari heimana tamamata heimana 'atahutamexia pita.

<sup>23</sup>»Ayumieme nepaine, Kaka'iyari mira'aitatsie, mipai kani'aneni, tewi yukwiepa miti'aitametikai hepai, mipai mitiuta'ai, te'uximayatametemama memite'ipitianikiri kepaime memitehepiniriekai. <sup>24</sup>Merikitsi 'itsutiaku wawawirieti, xewiti hetsiana pi'atiarie, mirepiniriekai xeimiriari miriyari tumini 'iniariari. <sup>25</sup>Mikaheixeiyakaiki kimana mitiyutuani, miki ti'aitame pitiuta'ai memituiyaniki miki tewi, 'iyaya meta tiiriyamama metatsiere piiniteya, miki tuminiyariki 'aixia miyiniki kemirapikai. <sup>26</sup>Hiki hetiana kaniutihiximakeni ti'uximayatame mipai 'utaiti: “Kenenekwewieka kwerieti, naime nepimatipitiani”. <sup>27</sup>Hiki miki ti'uximayatame kutsiyarieya 'inenimayati kanixina, pirezehiwiri kepaime mirepiniriekai.

<sup>28</sup>»Merikitsi ti'uximayatame hewayeyaka kaneikaxeiya yuhepai ti'uximayatame, mirepiniriekai xeitsienituyari tumini 'iniariari. 'Iwiyaka kiipitiana mipai katinitahiawe: “Keneneu'iitia kepaime peminerapinirie”.

<sup>29</sup>Hiki hetiana kaniutihiximakeni 'iwaya ti'uximayatame, mipai 'utaiti: “Kenenekwewieka kwerieti, naime nepimatipitiani”. <sup>30</sup>Peru miki pikayuwairi. Matsi katiniuta'aita katsariyanata manutahiiyaniki muwa muwayexineki tiyutuameke. <sup>31</sup>Hiki kepauka hipati te'uximayatamete

memixei kemitiuyuri, kwini mieme mekaniyutihiwerieni, meta mekanekine kutsiyarieya hetsia mekateneitaxatiani naime kemitiuyi. <sup>32</sup> Hiki kutsiyarieya 'itakwewieka mipai katinitahiawe: “Kari 'axapepitiuka'yari. Kami ne nepimareuyehiwiri tita peminerapinirikai naimeki, 'eki haweri pemutainekaiki. <sup>33</sup> ¿Mipai kareuyewekai 'ekitari peminenimayakaki 'iya 'ahepai ti'uximayatame, yaxeikia kenemimatiutinenimayataxi ne?” <sup>34</sup> Kutsiyarieya ha'ati yemeki kaniyetuani teyu'uximatiwamete wahetsia 'atsita kepaukake mitiyutuanikekai.

<sup>35</sup> »Yaxeikiata ne'ukiyari taheima makawe pixeyurieni xika yuxexuiti 'aixia 'iyariki xekatawareuyehiwiriwani yu'iwama».

### Ketsutsi kemutayi 'eiriya hepaitisa

(Mat 19:1-9 – Mar 10:1-12)

**19** <sup>1</sup> Merikitsi Ketsutsi tiutahayewaka tikuxatati, Karereya kwieyaritsie kanayeyani, Kureya kwieyaritsie kaneyani Kurutani hatuxameyaritsie 'anutaiye. <sup>2</sup> Teiteri yumireti mekaniweiyakaitini, meta mana tekwikwikate 'aixia metehue'riekame kaniwarayeitiani.

<sup>3</sup> Hiki paritseutsixi hetsiana mekanu'axiani me'ita'iniatake, mipai mekatenitahiawe:

—¿Tiyiwe tewi yi'ia muku'eirieni tsepa titaki?

<sup>4</sup> Ketsutsi mipai katiniwaruta'eiya:

—¿Xekate'ekateriwawawe, miki matiaripai miwarunetia, “uki meta 'uka miwarutiwewi”, <sup>5</sup> meta mipai mutayi: “Ayumieme 'uki kaniyupamiki, yupaapa yumaama wahetsia kaniyeyeimiki, yi'yatsie katiniwiyamiki pita, memiyuhutakai xeiwaiyari mekanakinikuni meyuxewiti”? <sup>6</sup> Ayumieme mepikayuhutari, matsi mekaniyuxewini xeiwaiyari mepihiki. 'Ayumieme, tita Kakaiyari mitiutaxewiriyaxi, tewi pikawataxiriwani.

<sup>7</sup> Peru miki mipai mekatenitahiawe:

—Merikite, xika mipai 'aneni, ¿titayari, Muiťsexi mipai tiu'aitaxi, kename yu'ia 'eiriya xapayari ke'ihuritiani hiki 'ana ke'iku'eirieni?

<sup>8</sup> Miki mipai katiniwarutahiawe:

—Muitsexi yu'iyaritsie xemitsetse'iki kanixe'upitiani xemiwaku'e'iriwaniki yu'itama. Peru matiaripaiti mipai pika'aneikai. <sup>9</sup> Ne mipai nepixerahiawe, kemi'ane miku'eiri yu'ia, xeime pita mitiwiti, miki xeime 'iyaya kanikumaiwani, mexika 'iyaya meri 'ikumayiani xeime mikayikina hirixia. <sup>e</sup>

<sup>10</sup> Hiki teyi'ikitiwamete mipai mekatenitahiawe:

—Xika mipai 'aneni 'uki 'uka hamatia kemitiwayaki, 'aixia pi'ane matsi xika tewi kaneikenike.

<sup>11</sup> Ketsutsi mipai katiniwarutahiawe:

—'Iki niuki yunaime wahetsie pikamieme, miki mipai memitepitari wahetsie xeikia kanimemetini. <sup>12</sup> Hipati mepikaneikiwawe mipai me'aneneti memutinunuiwaxiki, hipatita mepikaneikiwawe mipai me'aneneme teiteri

<sup>e</sup> 19:9 RV60 hiki pananiitia meta kemi'ane mitiwitini 'uka muku'eiriwaxi, mikita kanikumaiwamiki xeime 'iyaya.

memiwarayeitiaki, hipatita yikimana mepikaneikiwawe memite'uximayakaki xeikia Kakaiyari hetsiemieme. Kemi'anetsie mimieme 'iki, hetsiena ketinakeni.

### **Ketsutsi kemutayi tiiri wahetsiemieme**

*(Mat 19:13-15 – Mar 10:13-16, Ruk 18:15-17)*

<sup>13</sup>Merikitsi 'ana tiiri mekani'atiarieni Ketsutsi hetsia, wahetsie 'utimeme miyutanenewieniki, peru teyi'ikitiwamete mekaniwarutate'akaitini memiwa'atiwakai.

<sup>14</sup>Ketsutsi mipai katiniwarutahiawe: «Xekeniwapitiaka tiiri nehetsia memi'axeniki, wahixie xepika'u'uka, mipai memi'anene kaniwahetsiemiemetini Kakaiyari mira'aita». <sup>15</sup>Hiki wahetsie 'utimeka kaneyani.

### **Temaiki mixikutikai**

*(Mat 19:16-29 – Mar 10:17-30, Ruk 18:18-30)*

<sup>16</sup>Hiki xewiti tewi hetsiana kaninuani mipai katinita'iwawiya:

—Ti'aitame 'aku, ¿kehapai 'aixia nepitiyurieni, tukari mikaxiwe nehexeyati nemayaniki?

<sup>17</sup>Ketsutsi mipai katinita'eiya:

—¿Titayari penetiku'iwawiya tita 'aixia miti'ane hepaitsita? Kemi'ane 'aixia mi'ane yuxewiti 'apuyeika Kakaiyarititi. Xika peheutamiki tukari maxuawetsie, yaketinekamieni 'iniari niukiyaritsie.

<sup>18</sup>Tewi mipai katinitahiawe:

—¿Kemi'ane 'aitsikate?

Ketsutsi mipai katinita'eiya:

—“Pepikati'amemiwani, xeime 'iyaya kinaya pepikakumaiwani, pepikatinawayani, peti'itawati pepikatihekiatani, <sup>19</sup>keniwareu'enieka meta keniwa'iwiyani 'apaapa meta 'amaama”, meta “ahepai tewi kenenaki'erieka kepemiti'anaki'erie 'eki”.

<sup>20</sup>Hiki temaiki mipai katinitahiawe:

—Miki naimetsie yanepitikamie temaikiyari paiti. ¿Tita 'akuxi reuyewetse?

<sup>21</sup>Ketsutsi mipai katinitahiawe:

—Xika pe'awairiyani naimeki yapemitikamieniki, kenemie ketinetua 'apiini, ketiniwarumikwa tixaiti memikatehexeiya, mipai petiyurieme waikawa perexeyati pepayani taheima. 'Ana kenaye'a nehetsie ketineuwiya.

<sup>22</sup>Kepauka temaiki 'iki niuki mu'eni kaneyani yuhiwerieti, waikawa mirexeiyakaiki.

<sup>23</sup>Hiki Ketsutsi mipai katiniwarutahiawe yuhetsia miemete teyi'ikitiwamete:

—Yuriki mipai nepixerahiawe, kanikwaniweni xiku meutahaniki Kakaiyari mira'aitatsie. <sup>24</sup>Tawari mipai nepixerahiawe, pikakwaniwe kameyu 'iwipame hixieyatsie manuyehaniki matsi pikwaniwe xiku meutahaniki Kakaiyari mira'aitatsie.

<sup>25</sup>Me'u'enanaka teyi'ikitiwamete yemeki meputimama mipai memikatemaikaiki, mipai mekaniutiyuanekaitini:

—Kamitsi xika mipai 'aneni, ¿kemi'ane piyiwe mitawikweni?

<sup>26</sup>Hiki Ketsutsi kwi waxeyati mipai katiniwarutahiawe:  
—Teiteri mepikayiwawe, peru Kakaiyari naimeki kaniyiweni.

<sup>27</sup>Hiki Pekuru mipai katinitahiawe:  
—Neuxei, tame tepite'uku'eiri naime 'ahetsie temitewiyaki, merikite, ¿mikiki tita teteha'íwa?

<sup>28</sup>Ketsutsi mipai katiniwarutahiawe:  
—Yuriki mipai nepixerahiawe, xeme nehetsie xemitewiya, kepauka kwie mihekwatsie temi'axiani, Yuri Tewi nehikititi kepauka ne'uwenitsie nemayerini neti'aitati witsine'aneti, 'ana xemeta 'itsikate xekanakinikuni, tamamata heimana huta 'uweniyaritsie xe'ayaxeme xekateniwata'aitiakuni teiteri tamamata heimana huta 'Ixaheri nuiwarimama. <sup>29</sup>Kemi'ane nehetsia mimiemeki miku'eiri yukii, yu'iwama 'ukitsi 'ukari, yupaapa, yumaama, yuniwema, yukwie, miki xeitsienituyari matsi warexeyati kanayeimiki, meta tukari mikaxiwe hexeyati kanayeimiki. <sup>30</sup>Peru yumiireti hiki miemete memimexiakate 'imatiremete mekanakinikuni, meta yumiireti memi'imatiremete mexiakate mekanakinikuni.

#### Kaxie haraweriyarita te'uximayatamete

**20**<sup>1</sup>»Ipa katini'aneni Kakaiyari kemiti'aita, tewi kiekame ximeri paiti mayetia hepai kani'aneni wata'inienike te'iwamete haraweritana kaxie 'iniiyariki memiteta'iwaki. <sup>2</sup>Yatiwarutahiaweka xeitukaritsie mieme kemitiyutuanikekai, kaniwareni'ani yuharawerita. <sup>3</sup>Hiki tau 'anatineku, heyaka kaniwaruxeyata hipame kiekari hixiapa metiteme mekate'iwatiweti. <sup>4</sup>Mipai katiniwarutahiawe: “Xemeta neharawerita xekenehu, kemitiheitserie nepitixepitiani”. <sup>5</sup>Hiki miki mekanekine. Merikite tawarita kanayeyani tuka, 'anata yaxeikia katiniuyurieni, meta tawarita tau kia kawiekaku. <sup>6</sup>'Akayunirimekakuta kanayeyani, hipame tawarita kaniwaretaxeiyia mekate'uximayakame. Mipai katiniwarutahiawe: “¿Titayari 'ena xetetitei tukariki xekate'iwatiweti?” <sup>7</sup>Miki mipai mekatenitahiawe: “Xewiti pikatatsita'iniewe”. Miki mipai katiniwarutahiawe: “Xemeta neharawerita xekenehu”.

<sup>8</sup>»Hiki 'ukutaikaireku haraweri kutsiyari mipai katinitahiawe yuparewiwame: “Te'iwamete keniwarukuxe'iri meta ketiniwarupitia, xike miemetexi meri 'imatiriekake ximeri miemetexi”. <sup>9</sup>Hiki mekaniu'axiani 'akayunirimekakaku memuta'inierie xeitukaritsie mieme meniuta'iitiarieni yuxexuiti. <sup>10</sup>Ayumieme kepauka matiari memuta'inierie memu'axia, mipai meteniku'eriwakaitini waikawa matsi me'iitiarienike meniyu'eriekaitini, peru mikita yaxeikia xeitukaritsie mieme mekaniu'ta'itiarieni yuxexuiti. <sup>11</sup>Kepauka memenu'ii yu'iwarika, menitiniukimatikine harawerikame. <sup>12</sup>Mipai me'utiyuati: “Miki 'imatiriekake memuta'inierie xehurayari mepuyuri xeikia, matsi yaxeikia pepitiwarupitia tahepai tsepa tame temite'uka'eniwakai tukariki meta tsepa temikwaxiyatikatei xiripa tame”. <sup>13</sup>Peru miki xeime mipai katiniuta'eiya: “Nehamiku, kemikatiheitserie nepikatiuyuri 'ahepaitsita. ¿Pekatiu'awairi kenemainekai xeitukari hetsiemieme kenemimatipitianikekai? <sup>14</sup>Ayumieme kenanu'ii 'atumini,

hiki kenemie. Nepinewairiya nemi'itianiki 'iki 'imatireme kenemimatiupitia 'eki. <sup>15</sup> ¿Katiyiwe mipai nemitiyurieneniki netuminiki keminetinake? ¿Peti'itetsa 'aixia nemitiuka'iyariki hipame wahamatia?"

<sup>16</sup>»Mipai, miki hiki memi'imatiremete mexiakate mekanakinikuni, meta memimexiakate 'imatiremete mekanakinikuni.»<sup>f</sup>

### **Tawarita Ketsutsi kemutayi kemitimierienikekai**

(*Mat 20:17-19 – Mar 10:32-34, Ruk 18:31-33*)

<sup>17</sup>Merikitsi Ketsutsi Kerutsareme heyaka huyeta 'umieti, yatewa kaniwarewitini tamamata heimana memiyuhuta yihikiame, mipai katiniwarutahiawe: <sup>18</sup>«Neuxei, Kerutsareme tepitiyune hiki, Yuri Tewi kenemitihiki nekaniyetuiyamiki mawari wewiwamete tewa'aitiwamete wahetsia meta 'iniariki memite'ikita wahetsia. Miki yamekanitiyuakuni kename neke'umierieni, <sup>19</sup>meta mekaneniyetuakuni miki memikahuriyutsixi wahetsia meminetsitewiyatsitianiki, meminetsikuwaxianiki meta kuruxitsie meminetsimieniki. Peru hairieka tukari 'aye'ayu nekananukuketiariemiki».

### **Kakuwu Wani matia kememite'itawawiri**

(*Mat 20:20-28 – Mar 10:35-45*)

<sup>20</sup>Hiki Tsewereu niwemama wamaama, Ketsutsi 'aurie hurawa kaninuani yuniwema warawititi, kaniutihiximakeni hixiena, titawawirienike.

<sup>21</sup>Ketsutsi mipai katinitahiawe:

—¿Tita pereuyehiwa?

Miki 'ukaratsi mipai katinitahiawe:

—Mipai keneutayiki, 'iki neniwema yuhutati 'ameke'ayaxe xewiti 'atserieta xewitita 'a'utata kepauka peti'aitati pemayani.

<sup>22</sup>Ketsutsi mipai katiniwarutahiawe:

—'Atsizepikatemate tita xemiteku'iwawa. ¿Xeteyuwairiya xemiteka'eniexiani naimeki ne kenemitika'eniexiani?»<sup>g</sup>

Miki mipai mekatenitahiawe:

—Huu, tepiyiwawe.

<sup>23</sup>Ketsutsi mipai katiniwarutahiawe:

—Yurikitsi nehapai xekatenikwinikuni ne kenemitikwine. Peru heitserie nepikahexeiya nemixepitianiki netserieta ne'utata xemayaxeki. Matsi miki puwahetsiemieme ne'ukiyari kemi'ane wahetsiemieme mikuha'aritia.

<sup>24</sup>Kepauka memu'enana hipati tamamata, mekanuyeha'ani miki 'iwamarixi memuyuhuta wahepaitsita. <sup>25</sup>Ketsutsi yu'aurie waruta'inieka mipai katiniwarutahiawe:

—Xeme mipai xepitemate, miki nuiwarite watsata memite'aitamete, miki meteniwa'uxitiaka yuteiterima, meta ti'aitame hurawa parewiwametemama mepanutikika mete'aitati kememitepitiarie. <sup>26</sup>Peru mipai pikatiyini xeme xetsata.

<sup>f</sup>20:16 RV60 penaniitia *Kariki yumiireti mekaniuta'inierieni, peru hipati xeikia mepanayexeyarie*. Peru kiriyekutsie pika'ayemie.    <sup>g</sup>20:22 RV60 penaniitia *meta ¿xeteyuwairiya kenemitika'iyarieni ne xemeta mipai xemiteka'iyarieni?* Peru kiriyekutsie pika'ayemie.

'Apita, xeme kemi'ane mariweti miyeimikini, miki yunaima xeparewiwame kehikiti, <sup>27</sup>meta kemi'ane mexiakame miyeimiki xeme xewiti, hipame wahetsiemieme wairiyarika ti'uximayatame kehikiti, <sup>28</sup>yaxeikia Yuri Tewi kenemitihiki, nepikanua nemiparewiyakaki, matsi hipame newaparewienike nekaninuani meta netukari nemiyetuaniki, yumiireme nemiwaxinaki.

### **Kememite'anutanenierixi yuhutati memikaheunenierekai**

*(Mat 20:29-34 – Mar 10:46-52, Ruk 18:35-43)*

<sup>29</sup>Merikitsi Keriku me'ayekinirimekaku, yumiireti teiteri mekaniweiyakaitini. <sup>30</sup>Yuhutati memikaheuneniere huye tetsita mekaniatekaitini, hiki mete'utamarieka kename Ketsutsi mana 'uyemieka, mipai mekatenuhiwa:

—Ti'aitame, Rawiri peminu'aya, ketaneutinenimayata.

<sup>31</sup>Teiteri mekaniwarutite'akaitini kayuwati memiteyaxeki, peru matsi miki karima mekaniutihwatikine mipai me'utiyuati:

—Ti'aitame 'aku, Rawiri peminu'aya, ketaneutinenimayata.

<sup>32</sup>Hiki Ketsutsi 'ukukeka kaniwarutahiawe, mipai kaniutayini:

—¿Tita xeteheuyehiwa kenetiyurieni xehetsiemieme?

<sup>33</sup>Miki mipai mekatenitahiawe:

—Ti'aitame, tepeunenierenikeyu.

<sup>34</sup>Hiki Ketsutsi kaniwarutinenimayata, kaniwaramayiaxiani wahixita. 'Ana kwiti meheuneniereti mekanakine, hiki hamatiana mekanekine.

### **Kerutsareme hetsie kemireutaha**

*(Mat 21:1-9 – Mar 11:1-10, Ruk 19:29-38, Wa 12:12-15)*

**21** <sup>1</sup>Kepauka Kerutsareme mehurakairi, meta Wetipake mirakutewatsie memu'axia, Huriwa Mati'u yemuriyari hetia, Ketsutsi teyi'ikitwamete yuhutame kaniwarutani'ani, <sup>2</sup>mipai tiwarutahiaweka: «Kiekari 'anutaiye mukumatsie xekenehu, kwitiwa mana xekaneitaxeyakuni puxu 'akuwiekame meta puxu temaiki hamatiana. Xewarakuxiname xekeniwarahapani nehetsia. <sup>3</sup>Xewiti xika yiki tixehetahiawe, mipai xepiteheitahiawe: Ti'aitame piwareuyehiwa, kwitiwata piwarani'ani».

<sup>4</sup>Mipai katiniuyini maye'aniki Kakaiyari niukameya kemutayi:

<sup>5</sup>«Mipai xeketenetahiawi Tsiyuni mirakutewa kiekame:

“Neuxei, mati'aitiwame 'ahetsia kanamieni,

tixaiti karayuyeitiati meta puxutsie 'anakaiti,

puxu temaiki hetsie, ti'ikatiariwame nu'ayatsie”».

<sup>6</sup>Hiki teyi'ikitwamete mekanekine meta mipai mekatenikakine kemitwaru'aitia Ketsutsi. <sup>7</sup>Puxu mekaneyehana meta nu'aya temaiki, hiki yi'ikarite me'anuti'itaku, Ketsutsi kananutiyerini. <sup>8</sup>Yumiireti teiteri huyeta mekani'itiaximekaitini yi'ikarite, hipati kiye meheukuwiteketi mekani'itiaximekaitini huyeta. <sup>9</sup>Teiteri yumiireti memanuyetekai meta wa'utia memuhukai mekaniutihwakaitini mipai me'utiyuati:

—'Ari ketaneutawikweitsitia Rawiri Nu'aya.

—'Aixia ke'itiarieka kemi'ane 'umamie Ti'aitame hetsia miemetiti.

—'Ari ketaneutawikweitsitia taheima pemakawe.

<sup>10</sup> Kepauka Ketsutsi Kerutsareme meutaha, yunaiti kiekatari mekananuku'uni, mipai me'utiyuati:

—¿Kemi'aneta piyiane 'iki?

<sup>11</sup> Teiteri mipai mekateniwaku'eiyakaitini:

—'Tki Ketsutsi Kakaiyari niukameya kaniyianeni, Natsareti kiekame Karereya kwieyaritsie.

### Ketsutsi tuki manuwe

(Mat 21:12-16 – Mar 11:15-18, Ruk 19:45-47)

<sup>12</sup> Ketsutsi Kakaiyari tukieya kuraruyarita kaneutahani, hiki muwa kaniwarayeweiya yunaima memitenanekai meta memitetuakai. Tumini patamete wamexate kanatixirieni meta kukuruxi watuayamete wa'ipari. <sup>13</sup> Mipai katiniwarutahiawe: «'Ipai katine'uka: “Nekitsi mipai katinitewakamiki nenewieri kiyari”. Peru xeme “tenawayamete wateri” xekanayeitiani».

<sup>14</sup> Hiki tuki kuraruyarita 'uyeikakaku, memikaheunenierikai meta memihurietikatei hetsiana mekanu'axiani, hiki miki 'aixia me'aneneme kaniwarayeitiani. <sup>15</sup> Hiki mawari wewiwamete tewa'aitiwamete meta 'iniariki memite'ikitakai me'ixeyaka mariwemeki kemitiyurienekai, meta mewaxeyati tiiri mipai memite'uhiwakai tuki manuwe: «'Ari ketaneutawikweitsitia Rawiri Nu'aya». Miki mekaniuyeha'ani.

<sup>16</sup> Mipai mekatenitahiawe:

—¿Petiwa'enie 'iya kememutiyuane?

Ketsutsi mipai katiniwarutahiawe:

—Huu, ¿kamitsi xeme xekate'ekateriwawawe 'iki:

»“Tiiri 'etsimemutiti

meta tiiri memitsitsewe

pepiwarupitia 'ahepaitsita 'aixia memaitikaniki”?»

<sup>17</sup> Hiki kaniwaruku'eirieni, kiekaritsie kanayeyani, Wetaniya paiti kananuhuni.

### Xapa mutawa

(Mat 21:18-22 – Mar 11:12-14, 20-24)

<sup>18</sup> Hiki ximeri paiti, tawari kiekaritsie yemieximeti, neuhakamikikaitini.

<sup>19</sup> Xapa kiyeyari 'uxeiyaka huye tetsita 'uweme, hepana kaneyani, peru tixaiti hetsiena pikatiukaxei xawari xeikia, hiki mipai xapa katiniutahiawe:

—Tawari pepikatakaka.

Hiki yapauka kaniutawani xapa.

<sup>20</sup> Me'ixeyaka teyi'ikitiwamete mekanimamakaitini, mipai me'utiyuati:

—¿Kepaititiri yapauka tiutawa xapa?

<sup>21</sup> Ketsutsi mipai katiniwarutahiawe:

—Yuriki mipai nepixerahiawe, xika yuri xete'erieka, xika xe'yari kahutani, 'iki xapa hepaitsita kenemitiuyuri mipai xeikia xepikateyurieni, matsi xepiyiwaweni 'iki hiri mipai xemite'utahiawe: “Keneu'apata, haramaratsie



keneukawetsi”, hiki mipai pitiyini. <sup>22</sup>Meta tita xeme, xeyunenewieti, yuri xete'erieti xemiteta'iwauni, miki xepiteyeturiyarieni.

### **Ketsutsi heitserie kemirexeiyakai**

(*Mat 21:23-27 – Mar 11:27-33, Ruk 20:1-8*)

<sup>23</sup>Hiki Ketsutsi tuki manuwe kaneutahani, mexi ti'ikitakai, mawari wewiwamete tewa'aitiwamete meta teiteri wa'ukiyarima hetsiana 'ahurawa mekaniukine, mipai mekatenita'iwawiya:

—¿Hakewa miemeki heitserie pehexeyati miya pepitiyuriene? ¿Kemi'ane miki heitserie pimatsi'upitia?

<sup>24</sup>Ketsutsi mipai katiniwaruta'eiya:

—Netatsiere nepixeta'iwawiya. Xika xenetsi'uta'eiya, neta yanepitixetahiawe kemi'ane heitserie minetsi'upitia yanemitiyurieneniki 'iki naime. <sup>25</sup>Wani kepauka miti'iyaneikai, ¿hakewa pemiemetikai 'iyarikaya? ¿Taheima makawe tipitia, nutsu teiteri mepipitia?

Hiki miki niuki mekaniutixiatatikine mipai meteyikihiaweti yunaiti: «Xika tame mipai te'utiyuani: “Taheima makawe pipitiakai”, miki mipai pitatitahiawe: “Merikite, ¿titayari yuri xekate'ita'eriri?” <sup>26</sup>Xikata mipai te'utiyuani: “Teiteri mepipitiakai”, tepiwamakaxe teiteri, yunaiti Wani Kakaiyari niukameya mepi'eriekai». Hiki Ketsutsi mipai mekateniuta'eiya:

<sup>27</sup>—'Atsitepikatemate.

Mikita mipai katiniwarutahiawe:

—Merikite, neta 'atsinepikatixetahiawe kemi'ane heitserie minetsi'upitia yanemitiyurieneniki 'iki naime.

### **Tewi yuniwema yuhutame kemitiwarutahiawixi**

<sup>28</sup>»¿Kexeteku'eriwa 'iki hepaitsita? Tewi yuniwema kaniwarexeiyakaitini yuhutame. Xeime hetsia nuaka mipai katinitahiawe: “Neniwe, hiki ketine'uximayatamie kaxie haraweriyarita”. <sup>29</sup>Nu'aya rehiawe: “Ne nepikaheuyeimiki”. Peru 'arikeke yikitiyutihaweaka kaneyani. <sup>30</sup>Hiki wapaapa yuniwe xeime hetsia pitata nuaka yaxeikia katinitahiawe. Miki mipai katinita'eiya: “Au, nepaapa”, peru pikahetia. <sup>31</sup>Merikite, ¿kemi'ane miki yapitikatia paapaya kemitinakekai?»

Miki mipai mekatenitahiawe:

—Matiari mutani'arie.

Ketsutsi mipai katiniwarutahiawe:

—Yuriki mipai nepixerahiawe, miki kuwiyexinu hetsiemieme tewawamete meta 'ukari tuminiki memiyuwitinia meri mepeutahaxiani Kakaiyari mira'aitatsie keyuri xeme. <sup>32</sup>Kariki Wani xehetsia kaninuani huye xexeitsitanike, mitixetaxatianiki kemitiheitserie yaxemitekahuniki, xeme yuri xepikate'uta'eri hetsiana, peru miki tewawamete meta 'ukari tuminiki memiyuwitinia yuri mekateniuta'erieni hetsiana. Meta miki xewaruxeiyakatiti, xemeta xepikate'uhayewaxi yuri xemiteta'erieniki hetsiana.

### **Te'iwiyamete 'axamemite'u'iyarikai**

(Mat 21:33-46 – Mar 12:1-12, Ruk 20:9-19)

<sup>33</sup>»Xeimeta 'ixatsi xekeneu'eni 'iniariki mitikuxata: Merikitsi xewiti kiekame kaxie haraweriyari kaniutawewieni. Kanikurarutiya, kaxie piname kaniwati'inieni, tuxiyu kaniutawewieni ti'iwiyame hetsiememe.

Hiki te'iwiyamete waruhiritiaka wakwetatiati, 'ateewa kaneyani. <sup>34</sup>Kepauka tukari maye'a matikwakwaxetsie, yuhetsia miemete te'uximayatamete kaniwareni'ani te'iwiyamete wahetsia memenutini 'ikwaxi kutsiyari hetsiememe kepaime'ti mitinakekai. <sup>35</sup>Te'iwiyamete matsi mekaniwarutiwiya miki te'uximayatamete, xeime mekaneutiwaxiani, xeimeta mete'umi, meta xeime metehetituaixixia. <sup>36</sup>'Arike tawarita hipame kaniwareyeni'ani te'uximayatamete, yumii'reme matsi, mikita yaxeikia mepiwaruyuri.

<sup>37</sup>»Imatiriekka, kaniwareni'airieni yuniwe, mipai 'utaiti: “Neniwe hirixia mekanetimakakuni”. <sup>38</sup>Peru, kepauka te'iwiyamete nu'aya memuxe'i, mipai mekateniuxata: “Iki hetsie 'arika katininakimiki kutsiyari tipiinieya. Hikimi tepimieni, tahetsie temitehiniki tita hetsiena mitinakekekai”. <sup>39</sup>Hiki mekaniwiya, haraweri warie mekaneikahiani meta mekanimieni.

<sup>40</sup>»Merikite, kepauka munuani haraweri kutsiyari, ¿kewayurieni miki te'iwiyamete?»

<sup>41</sup>Mipai mekatenitahiawe:

—Miki 'axamemite'u'iyari kaniwakwimiki kawananimayati, meta hipame pita kaniwahiritiamiki te'iwiyamete, 'ikwaxiyari kutsiyari memiyetuirieni kepauka tukarieya maye'ani.

<sup>42</sup>Hiki Ketsutsi mipai katiniwarutahiawe:

—¿Xekate'ekateriwawawe 'utiarika xapayaritsie:

»“Miki teté memitixani'eri kii wewiwamete  
miki teté 'itsikina mieme kanayani,  
Ti'aitame miya katiniuyurieni,  
meta kanimariweni ketemite'ixeiya”?

<sup>43</sup>»Ayumieme mipai nepitixekihawe, xeme xepinawaiyarieni Kakaiyari kemiti'aita, hiki hipati pita teiteri mekaniyetuiriyariekuni 'ikwaxi memitixuawitiani hetsiena mieme. <sup>44</sup>Xika xewiti 'iya tetetsie 'ukaweni pitanexiani, xika miki teté xeime hetsie 'ukaweni, kwauni xeikia pitanexiani».

<sup>45</sup>Hiki mawari wewiwamete tewa'aitiwamete meta paritseutsixi me'ienieka 'ixatsieya, mipai mekatenetimani miwaxatakaiki miki. <sup>46</sup>Hiki mekatenikuwautiwekaitini kememite'iwiyaki, peru 'atsimepikate'uyuri mewamakati teiteri, miki mipai memiteku'eriwakaiki kename Kakaiyari niukameya hikitikai Ketsutsi.

### **Neikiya 'ixiarariyari 'ixatsiyariki kemiti'ikitakai**

**22**<sup>1</sup>Merikitsi tawarita Ketsutsi 'ixatsiki katiniwa'ikitiakaitini, mipai 'utaiti: <sup>2</sup>«Kakaiyari kemiti'aita, tewi yukwiepa miti'aitametikai hepai kani'aneni, neikiya 'ixiarariyari muwewi yuniwe hetsiememe.

<sup>3</sup>Yuhetsia miemete te'uximayatamete kaniwarutani'ani memiwa'iniyukiri miki meripaiti memuta'inierie nekiyapa, peru miki mepika'uyuwari memayenexiani. <sup>4</sup>Hiki tawari kaniwarutani'ani te'uximayatamete hipame, mipai tiwarutahiawe: "Memuta'inierie mipai xeketeniwaretahiawi kename 'ari ne'ikwai netiukawewi: 'Ari netuurutsixi mepukwi'iwaxi meta newakaitsixi memiwaiyatika, 'ari naiti pitiha'aritsie. Xekenahu nekiya 'ixiarariyari". <sup>5</sup>Peru memuta'inierie mepikahanu'enana matsi meneutayeixiani: xewiti kaneyani yukwie heuxeiyamieka, xewitita kaneyani miretuakaki. <sup>6</sup>Hipatita mekaniwarutiwiya te'uximayatamete, mekaniwarutiwani meta mekaniwarukwini. <sup>7</sup>Hiki ti'aitame kaniuyeha'ani. Yukuyaxima kaniwarutani'ani memiwakwiniki miki teyumiekate meta wakiekari memitataiyaki. <sup>8</sup>Hikita mipai katiniwarutahiawe yuhetsia miemete te'uximayatamete: "Neikiya 'ixiarariyari pikuha'aritsieri, peru 'iya memuta'inieriekai 'aixia pika'aneikai memayenexianiekai. <sup>9</sup>Ayumieme, xekenehu huyeta manuxexuitsie, hiki xekeniwaretani'ini nekiya 'ixiarariyari yunaime keyupaimeme xemiwarekaxeiya". <sup>10</sup>Hiki te'uximayatamete huyeta mehutayeixiaka mekaniwarukuxeirieni yunaime keyupaimeme memiwaretaxei, 'axamemite'u'yari meta 'aixia memite'u'yari, hiki mekaniutahine memuta'inierie hakewa nekiya mewewiyakai.

<sup>11</sup>»Merikite ti'aitame kepauka meutaha waxeyake memuta'inierie, xeime tewi kaniuxeiya muwa 'ayekaimie nekiyapa mieme 'ixuriki mika'anakatikikai. <sup>12</sup>Mipai katinitahiawe: "Nehamiku, ¿kepetiuhua 'uwa nekiyapa mieme 'ixuriki peka'anakatiti?" Miki kayuwati tinikateitini. <sup>13</sup>Hiki ti'aitame mipai katiniwarutahiawe yuparewiwamete: "Xekenanahia 'ikateyatsie meta mamateyatsie, xekenanuyehiwa takwa yiwipa, mana putatsuakani meta puyutikeweni". <sup>14</sup>Kariki yumireti meputa'inierie, peru hipati xeikia mepanayexeyarie».

### **Kuwiyexinu tuminieya**

*(Mat 22:15-22 – Mar 12:13-17, Ruk 20:20-26)*

<sup>15</sup>Hiki paritseutsixi mekanekine meta mepuyu'eni kememite'iwiya niukieyatsie. <sup>16</sup>Mekaniwareni'ani yuhetsia miemete tey'ikitawamete hetsiana meta hipame Herurexi hetsie memite'itahiaweki:

—Ti'ikitame, tame mipai tepitemate yuriki yapepitikamie, meta Kakaiyari huyeya hepaitsita pepiti'ikita yuriki. Yunaime yaxekia pepitiwaxeiya, yayupaimeme xeikia pepikawanaki'erie. <sup>17</sup>Kamitsi ketatineutaxatia kepetiku'eriwa: ¿Ti'aitame Tsetsaxi tumini kemitiwawa, 'aixia ti'ane temiteyutuaka nutsu pikatixai?

<sup>18</sup>Ketsutsi timaiti 'axameteniuikuti memutiyanekaiki mipai kaniutayini: —Xemite'itawamete. ¿Titayarikuta xenetewiniyatiwe? <sup>19</sup>Tumini xeime xekeneneuxeitsitia kimana mitiuyutuani.

Hiki xeituminiyari mekani'itiani.

<sup>20</sup>Hiki mipai katiniwarutahiawe:

—¿Kepai ramu'u pira'uxa, kepai pira'utiarika 'iki?

<sup>21</sup> Miki mipai mektenitahiawe:

—Tsetsaxi.

Hiki mipai katiniwarutahiawe:

—Kamitsi xeketeneyetua Tsetsaxi hetsia tita Tsetsaxi hetsia mitimieme, meta xeketeneyetua Kakaiyari hetsia tita Kakaiyari hetsia mitimieme.

<sup>22</sup> Hiki me'ienieka mekaniutimamani, meta mekanekine mekaniku'eirieni.

### **'Iwaurika mikite kememite'anuku'uni hepaitsita**

*(Mat 22:23-33 – Mar 12:18-27, Ruk 20:27-40)*

<sup>23</sup> Miki tukaritsietsiere tsarutseutsixi hetsiana mekanu'axiani, miki mipai meputiyuanekai kename mikite meka'anuku'uwe, hiki mipai mektenita'iwawiya:

<sup>24</sup> —Ti'ikitame, Muitsexi mipai kaniutayini, tewi xika 'umini tiiri kawarayexeyaweti, mutaya kanitiwitimiki yukwe, tiiri miwarayexeya matsieya nuiwarieya memakineki. <sup>25</sup> Merikite, tahetsia 'amenititekaitini 'iwamarixi 'atahuta meyupaimeti. Wamatsika 'utineikeka kaniumini, tiiri mikawarexeyakaiki, yi'ya kaniuku'eirieni mutaya mitiwitini. <sup>26</sup> Mutaya yaxeikia katiniyurieni, 'itiwitika kaniumini, hairieka mieme meta, mipai mekaniuyini yunaiti 'atahuta meyupaimeti. <sup>27</sup> Imatirieka, kaniumini 'uka. <sup>28</sup> Merikite, kepauka xeniu memanuku'uni, ¿atahuta meyupaimeti memitiwiti 'iki 'uka, kemi'ane ra'ya pirayani?

<sup>29</sup> Ketsutsi mipai katiniwaruta'eiya:

—Xeme xepeuyexiri xemika'imateki 'utiarika xapayari kemaine meta Kakaiyari kemititirikaiye. <sup>30</sup> Kepauka mikite memanuku'uni mepikatineikixiani meta mepikatiwikitariexiani, matsi Kakaiyari niukieya tuayamete taheima miemete wahepai mepi'ananeni. <sup>31</sup> Peru, mikite kememite'anuku'uni kemire'uxa ¿kauka xeka'ekateriwawawe Kakaiyari kemitixe'utahiawixi, mipai 'utaiti: <sup>32</sup> “Ne 'Apirahami, 'Itsahaki meta Kakuwu wakakaiyari nekanihikitini”? Miki mikite pikawaxata, kename wakakaiyari maine. Memayeneniere pita wakakaiyari kaniyuxatani, tsepa memukwi.

<sup>33</sup> Teiteri me'u'enanaka, mekanimamakaitini 'ikitsikayaki.

### **'Aitiarika waikawa meuyewetse**

*(Mat 22:34-40 – Mar 12:28-31)*

<sup>34</sup> Hiki paritseutsixi mekaniuyukuxeirieni me'u'enanaka kayuwati kememite'uyatsariekai tsarutseutsixi. <sup>35</sup> Hiki xewiti miki, 'iniari niukiyari mimaikai, kanita'iniata mipai tiku'iwawiyati:

<sup>36</sup> —Ti'ikitame, ¿kemi'ane 'aitiarika matsi peuyewetse 'iniari niukiyari hetsiemieme?

<sup>37</sup> Ketsutsi mipai katinitahiawe:

—“Kenenaki'erieka Ti'aitame 'akakaiyari, naimeki kepemitiuka'iyari, naimeki kepemiti'amate, naimeki pemitimaiweki”. <sup>38</sup> 'Iki 'aitiarika mexiakame kanihikitini meta yemeki matsi waikawa meuyewetse.

<sup>39</sup> Utimana mieme hepaina kananuyineni: “Ahepai tewi kenenaki'erieka kepemiti'anaki'erie 'eki”. <sup>40</sup> 'Iki 'aitiarika hutametsie naiti 'iniari niukiyari hetsiena katiniwiyani meta texaxatamete waniuki naiti.

**Kiritsitu kemi'ane piraniwe**

(Mat 22:41-46 – Mar 12:35-37, Ruk 20:41-44)

<sup>41</sup> Hiki mexi paritseutsixi meyuxeirikai, Ketsutsi mipai katiniwaruta'iwawiya:

<sup>42</sup> —¿Kexeteku'eriwa Kiritsitu hepaitisa? ¿Kemi'ane piranuiwari?

Miki mipai mekatenita'eiya:

—Rawiri kaninuiwarieyatini.

<sup>43</sup> Miki mipai katiniwarutahiawe:

—Titayaritikami, Kakaiyari 'Iyarieya 'ikuyuitiwakaku, Rawiri

“Neti'aitiwame” titeriwaxi? Mipai kaniutayini:

<sup>44</sup> »“Ti'aitame mipai katinitahiawe kemi'ane Mineti'aitiwame:

'Netserieta kenakani,

mexi miki memimatsi'aka'unie,

'ahetiapai newa'tiani’ ”.

<sup>45</sup> Merikite, xika Rawiri “Neti'aitiwame” Kiritsitu tiuteriwani, ¿kehapa'ititi nu'aya pihikitini?»

<sup>46</sup> Nixewiti pikayiwekai mita'eiyaki, tawari nixewiti pikayuwairi tixaitiki mitita'iwawiyaki.

**Ketsutsi kemitiwaruniukima 'iniariki te'ikitamete meta paritseutsixi**

(Mat 23:1-7, 37-39 – Mar 12:38-39, Ruk 20:45-46, 13:34-35)

**23** <sup>1</sup> Merikitsi Ketsutsi tiniwakuxaxatiwakaitini teiteri meta yuhetsia miemete teyi'ikitiwamete, mipai 'utaiti: <sup>2</sup> «Miki 'iniariki memite'ikita meta paritseutsixi mekanihiritiarieka memihiekiananiki 'iniari niukiyari Mui'texi kemiraka'utia. <sup>3</sup> Ayumieme naimememite'ixehiawe yaxeketenyurieka yaxeketenekahuni, peru kememiteyurie miki yaxepikateyurieka xeme, kariki miki kememitekuxata mipai mepikateyurie. <sup>4</sup> Ika mekanikuha'aritiani mahete mikwaniwetika, teiteri wanaiparitsie mekaniiwarutitiwani, peru miki mepikayuwairiya niyuti'iwameki memiwaparewieniki.

<sup>5</sup> »Naime kememiteyurie, yamepiteyurie teiteri memiwaxeyaki xekia: Yukanata mepeyatsatika nawi kakuniyari 'aneneme hetsiena niuki miye'uxa, meta 'apinene wa'ikari putuniyari. <sup>6</sup> Piwanake kiekame 'aurie memayaxeki 'ikwai 'ixiararipa meta teiteri wahixie memayaxeki tuki 'etsimipepeta, <sup>7</sup> meta piwanake wairitsika memipitariieka kiekari hixiapa meta piwanake teiteri “Ti'ikitame” memitewaruteriwani.

<sup>8</sup> »Peru xeme yaxepikatenaki'erieka “Ti'ikitame” xemite'uteriwariwani, yuxewiti xekia 'akaniyueikani ti'ikitame, xemeta yunaiti xekaniyu'iwamaka. <sup>9</sup> Meta xeme “Ne'ukiyari” xeime xepikate'uteriwani kwiepa, kariki xeime xekia xekanexeyani Yu'ukiyari, miki taheima kanakaweni. <sup>10</sup> Metatsiere “te'ikitamete” xepikate'uteriwariwani, kariki xewiti xekia Tixe'ikitiwame kanihikitini, Kiritsitu kanihikitini. <sup>11</sup> Kemi'ane xeme xetsata mexiakame mihikitini kaneyeweka xeparewuwame mihikitini. <sup>12</sup> Kariki kemi'ane mariweme mayuyetiwa miki tixaiti katihikititi kanayeitiariemiki, kemi'ane tixaiti katihikititi mayuyetiwa miki matsi mariweme kanayeitiariemiki.

<sup>13</sup>»Xia'ui xeme, 'iniariki xemite'ikitamete, meta xeme paritseutsixi, xemite'itawamete. Xepitewareunamiriwa teiteri meheutahaxianiki Kakaiyari mira'aitatsie, meta xemetiti xepikaheutahake meta miki memanuyehaku xepikawapitia.<sup>h</sup>

<sup>15</sup>»Xia'ui xeme, 'iniariki xemite'ikita, meta xeme paritseutsixi, kexemi'itarieni xemite'itawamete. Naitсарie haramaratsie kwiepa xepiku'uwa xeime xewautiweti yuhetsia mieme xemeyeitianiki. Kepauka xemitaxeiya, kwiniemieme 'axatiuka'iyarime xepayeitiwa keyuri xeme, meta yemeki hetsiena tinakeme mirataiyarietsie meukahiiyaniki keyuri xeme.

<sup>16</sup>»Xia'ui xeme, xe'akikipeti xemiwarahapana hipame, mipai xemutiyuane: "Kemi'ane tuki haxaxatati miyihiritia, miki tixaiti pikatihiki, peru xika yihiritiani huru tepiyari tukita mieme haxaxatati, miki peuyewetse yamitikayani kemutayi". <sup>17</sup>Xeme 'atsixepikatemate, xepakikipe. ¿Kemi'ane matsi yemeki peuyewetse: huru, nutsu tuki peuyewetse huru patsiekame mayeitiwa Kakaiyari hetsia mieme mayaniki? <sup>18</sup>Metatsiere mipai xeputiyuane xeme: "Xewiti xika mawari taiyame haxaxatati 'uyihiritiani, miki tixaiti pikatihiki, peru xika mawari heimana mirapine haxaxatati 'uyihiritiani, miki peuyewetse yamitikayani kemutayi". <sup>19</sup>Xemakikipe. ¿Kemi'ane matsi yemeki peuyewetse: mawari, nutsu mawari taiyame peuyewetse patsiekame mayeitiwa mawari Kakaiyari hetsia mieme mayani? <sup>20</sup>Ayumieme, kemi'ane mawari taiyame haxaxatati miyihiritia, miki hetsiemieme xeikia pikayihiritia, naiti heimana mirapine meta pitixata. <sup>21</sup>Kemi'ane miyihiritia tuki haxaxatati, miki xeikia xatati pikayihiritia, kemi'ane tukita mayeka hetsiememeta piyihiritia. <sup>22</sup>Kemi'ane muyuawi haxaxatati miyihiritia Kakaiyari 'uwenieya xatati piyihiritia meta kemi'ane hetsiena maka.

<sup>23</sup>»Xia'ui xeme, 'iniariki xemite'ikitamete meta paritseutsixi, xemite'itawamete. Tamamatatsie mieme xeime xepiyuwairiya xemixatianiki Kakaiyari: yeriwawena, texuxuri meta kuminu, peru xepihayewa tita matsi mireuyewetse 'iniari niukiyaritsie, kemitiheitserie hetsiemieme, kemitiyukanenimayaka meta yaxemitekahuniki kexemutiyuane. Mipai xemitekahunikekai peuyewekai xekatehayewati 'iya kexemiteyurie. <sup>24</sup>Xe'akikipeti xemiwarahapana hipame. Yu'itsaritsie xepenatihipa xekii xehexiniki, peru xepexi kameyu 'amupa.

<sup>25</sup>»Xia'ui xeme, 'iniariki xemite'ikita meta paritseutsixi, xemite'itawamete. Herie xeikia xepika'itiwa tekixi meta xaki, peru yutaita xepihipine 'inawariki meta xeyutatuati 'axaxemiteyuriekaki. <sup>26</sup>Paritseu pemakipe. Taitana meri keniwaku'iti tekixi meta xaki, mipai herieta 'itiyati kanayeimiki.

<sup>27</sup>»Xia'ui xeme, 'iniariki xemite'ikitamete meta paritseutsixi, xemite'itawamete, miki teukiya mutuxa mikawiriyarietika hepai

<sup>h</sup> 23:13 Kiriyequtsie 14 payemawe. RV60 mipai paine: »Xia'ui xeme, 'iniariki xemite'ikita meta xeme paritseutsixi, xemite'itawamete. Piinite xepitewaxitiirie wiuraxi, meta xemixeyarieniki 'exepiteheutetere xeyunenewieti mikamatsiikiniki kexemiteyurie. Mikiki xehetsie matsi waikawa katinahiiyamiki.

xekani'aneneni. Herie witsipitiyuxexeya, peru pihine mikite wa'umeyari meta naiti tita mikati'itiya. <sup>28</sup>Xemeta yaxeikia herie xeikia miki heitseriemeki yamemitekahu wahapai xepiteyuxexeya, peru xepihpine yaki xeikia xeyiati meta 'axamiti'aneki.

<sup>29</sup>»Xia'ui xeme, 'iniariki xemite'ikitamete meta paritseutsixi, xemite'itawamete. Kakaiyari niukametemama wateukiya xepitiwewiwa, meta miki heitseriemeki yamemitekahukai wateukiya witsixeputiuri. <sup>30</sup>Mipaita xete'utiyaane: “Tame xiari xika 'ate'u'uanike kepauka ta'ukiyarima 'amemu'uwakaisie, tame tepikawaparewienikekai memitayeuritsie texaxatamete waxuriya”. <sup>31</sup>Peru xeme xekaniyuhekiati kename miki Kakaiyari niukametemama memiwarukwi wanuiwari xehiki. <sup>32</sup>Kamitsi xetutsima kememite'itsutia xemeta xekeneunitsa.

<sup>33</sup>»Kuterixi xepihiki. Kuterixi waniwema. ¿Kehapai xeteyutawikweitsitiani xemikaheukaxiriyani mirataiyarietsie? <sup>34</sup>'Ayumieme xehetsia nepiwaranuni'ani Kakaiyari niukametemama, temaiwawemete meta te'ikitamete. Hipame miki xeme xepiwakwini meta kuruxitsie xepiwakawitiani, hipame miki xepiwatiwayani yutuki 'etsimupepeta meta kiekaritetsie xepiwakuweiyatiwani. <sup>35</sup>'Ayumieme xehetsie pirahiyani yunaima heitseriemeki yamemitekahu waxuriyaki kwiepa mitayauri, 'Aweri heitseriemeki yamitikamiekai xuriyayaki meri, 'atsita Tsakariyaxi Werekayaxi nu'aya xuriyayaki, xemimi tuki meta mawari taiyame wahixiapa. <sup>36</sup>Yuriki mipai nekanaineni, 'iki naiti hiki miemete teiteri wahetsie pirahiyani.

<sup>37</sup>»Kerutsareme, Kerutsareme 'aku, 'ahetsia kiekatari mekaniwatakukuyani Kakaiyari niukametemama meta mekaniwatituaaxani Kakaiyari ni'arimama 'ahetsia memi'axe. Miixa nepinewairiyakai nemiwakuxeirieniki 'atiiriyama, wakana yuniwema kemitiwakuxexeiriwa yu'anatia hepai, peru mepikayuwairi. <sup>38</sup>Neuxei, xekii 'uyemaweti piyuhayewa. <sup>39</sup>Mipai nepitixetahiawe, tawari xepikanetsixeya mexi ka'aye'awe kepauka mipai xemutiyaaneni: “'Aixia ke'itariieka kemi'ane 'umamie Ti'aitame hetsia miemetiti'».

### Kemitiyaneni kwie heutiparirimekaku

(Mat 24:1-51 – Mar 13:1-37, Ruk 21:5-36)

**24** <sup>1</sup>Ketsutsi tukita kaniwayeyani, hiki 'umiekaku, hetsiana miemete teyi'ikitiwamete 'ahurawa mekanuikine mekanixeitsitiani kiite tuki kuraruyarita miemete.

<sup>2</sup>Miki mipai katiniwarutahiawe:

—¿Xete'ixeya 'iki naime? Yuriki mipai nepixerahiawe, tete pikahayewarieni yuheima 'ateti, matsi naiti kanika'unariemiki.

<sup>3</sup>Hiki Huriwu Mati'u yemuriyarietsie 'ukaiku, teyi'ikitiwamete 'auriena mekanu'axiani yihikiate, mipai mekatenitahiawe:

—Ketatineutaxatia, ¿kepauka mipai pitiyini kepemainekai, tita ti'iniariyaritini kepauka pemunuani, meta kepauka kwie meutiparirimeni?

<sup>4</sup>Hiki Ketsutsi mipai katiniwarutahiawe:

—Xekeneyukweriwayurieka nika xewiti tixe'u'itaiyaki. <sup>5</sup>Yumiireti mepi'axiani kename ne neyiane, mipai me'utiyaati: “Neri Kiritsitu nepihiki”, mepitewa'itaiya yumiireme. <sup>6</sup>Xeme mipai xepite'enanani kename xaitsie kuyaxa hexuawe meta kename xaitsie kiekatari hipame wahamatia 'ari meheyutakwini, peru xepikamamaka. Peuyewetse mipai mitiyini, peru 'akuxi 'ana kwie naiti pikaheutipare. <sup>7</sup>Nuiwarite mekaniwatakwikuni hipame nuiwarite meta xexuime kwieyaritsie kiekatari hipame kwieyaritsie kiekatari. Naitarie haka kanitawemiki<sup>1</sup> metatsiere kwie kanitayumiki. <sup>8</sup>Miki naiti xika mipai tiyaneni kukuiniya 'akuxi yutsutianeti pitiyianeni.

<sup>9</sup>»Ana xekaniyetuiyakuni xemi'uximatiariekaki meta xemikwi'iwaki, metatsiere yunaiti nuiwarite mekanixe'uxiwe'eriekakuni nehetsia xemimiemeteki. <sup>10</sup>'Ana yumiireti mepitehayewa yuri mete'erieti, mepiyuyetuani meta meyu'uxiwe'erieti mepakine, <sup>11</sup>meta yumiireti Kakaiyari niukametemama meyuxatati mepitixuawere mete'itawati, miki mepitewa'itaiya yumiireme. <sup>12</sup>Waikawa 'axamiti'ane pititixuawere 'ayumieme yumiireti mepitiwairipiexiani meteyukanaki'erieti, <sup>13</sup>peru kemi'ane tiuka'eniwati mikatihayewa 'atsita 'imatirieka tukaritsie, miki kanitawikweitsitariemiki. <sup>14</sup>Meta 'iki niuki 'aixia manuyine Kakaiyari mira'aitatsie mieme, kanitaxatsiemiki naitarie kwiepa teiteri watsata, yunaiti nuiwarite memi'enieniki, hiki 'anake tukari kanaye'amiki.

<sup>15</sup>»Hiki kepauka xemixeyia muyepatsietsie “axamiti'ane mikatipatsie mawariyari”, Kakaiyari niukameya Tanieri kemutayi (titeriwame ketimaiweni tita mitixata), <sup>16</sup>kemi'ane 'ana Kureya kwieyaritsie memuwani hiritetsie meke'uyuta'una. <sup>17</sup>Kemi'ane yukii heima makakani niyukiita pikaheutahakeni yupiini mitiwayepiniki. <sup>18</sup>Kemi'ane yeuta meyeikani yu'utima pika'akununuwani yi'ikari mahurimieki. <sup>19</sup>Xia'ui miki memuhukani meta memitetsitsitiwani miki tukaritsie. <sup>20</sup>Xekeneyunenewieka muhaitinitsie mipai mikatiyiniiki xemiyuta'unatsie yatini 'uxi'piya tukaritsie mikatiyiniiki. <sup>21</sup>Kariki 'ana kwini mieme 'uximatiarika 'aneti kanitixuawerimiki kemikatitixuaweriwe kwie munetiaritsie paititi 'atsita hiki, meta tawari pikatixuawere 'ariketa. <sup>22</sup>Miki 'uximatiarika xika 'etsika'utateriyarieni, nixewiti pikatawikweni, peru memanayexeyarie waheki, 'uximatiarika 'etsipitateriyarieni. <sup>23</sup>Hiki, 'ana xeme xewiti xika mipai tixekihaweni: “Kami 'ena kaniyueikani Kiritsitu”, yatini “Kami huma”, yuri xepikate'erieka. <sup>24</sup>Kariki yaki Kiritsitutsixi mekanitixuawerikuni meta Kakaiyari niukametemama meyuxatati, miki 'iniari mepitiwewieni mamariwaweme metewa'itaiyake 'atsita miki memanayexeyarie xika tiyiwenike. <sup>25</sup>Kamitsi nepixe'ayehitiari xeme mipai katiyiwekaku 'akuxi.

<sup>26</sup>»Ayumieme, xika mipai metexekihaweni: “Neuxei, makumawetsie kaneyekani”, mana xepikahekikani. Xika mipai metexekihaweni: “Neuxei, 'uwa kiita puyawiweta”, yuri xepikate'erieka. <sup>27</sup>Merikariya naitarie kemitimatsiiki muyuawitsie tahixiata 'umerikati tatsutia paiti, mipaita naitarie katinimatsiikikamiki kepauka munuani Yuri Tewi.

<sup>1</sup> 24:7 RV60 kwiniya paxaxata.



<sup>28</sup> »Kanimatsiikini kaxari tsepa hakewa meeka, mana mekaniyukuxeirikuni wirikixi.

<sup>29</sup> »'Ana kwiti 'uximatiarika 'utimata,

»“tau kaniyirimiki,

meta metseri tawari pikahekiariwieni,

xurawetsixi mepikaxirieni muyuawitsie

meta tirikariya memexeiya muyuawitsie miemete mepikuyuitiarieni”.

<sup>30</sup> »'Ana matsiikiti kanayeimiki Yuri Tewi 'iniarieya taheima, 'ana yunaiti nuiwarite kwiepa memitama mekaniyutihiwieriekuni. Mekanixeyiakuni Yuri Tewi muyuawitsie haitsata 'akamiekame tirikariya hexeyiakame meta waikawa xawatime. <sup>31</sup> Meta kuxineta hitsieriekaku piwatani'axiani yuniuki tuayamete, hiki miki mepiwakuxeirieni memanayexeiyarie, naitsarie kiekatari muyuawi hetia.

<sup>32</sup> »Piniki xeketenyi'ikitiaka: Kepauka mikaneika xawari meta xika yirani, xeme mipai xepitemate tatsiari 'ahurakaku. <sup>33</sup> Yaxeikiata 'iki, kepauka xemenienere mipai naiti tiyaneme, mipai xeketenemaika kename hehurari, kitenie mita'aximieni hepai. <sup>34</sup> Yuriki mipai nepixerahiawe, 'iki naiti yapitiyini mexi hiki miemete mekakwiwawe. <sup>35</sup> Muyuawi meta kwie pukumawere, peru neniuki pikakumawere.

### **Pikamatsiiki tukariyari meta hurayari**

(*Mat 24:37-39, 45-51 – Ruk 17:26-27, 12:42-46*)

<sup>36</sup> »Peru, nixewiti 'atsipikatimate kepauka maye'ani miki tukari, taheima miemete niuki tuayamete 'atsimepikatemate, meta Kakaiyari Nu'aya 'atsipikatimate,<sup>1</sup> 'ukiyarieya xeikia katinimaika.<sup>37</sup> Kemitiuyi Nuhexi 'amuyeikakaitsie, mipaita katiniyimiki kepauka Yuri Tewi munuani. <sup>38</sup> 'Ana memikatihauwekaitsie 'akuxi, mepitekwatiwekai, mepi'ietiwekai, mepineketiwekai meta mepitewikitiatiwekai, 'atsita kepauka Nuhexi meutaha kanuwatsie, <sup>39</sup> 'atsimepikatemaikai, 'arikeke xeikia haa pititia piwarehautsitia yunaima. Yaxeikiata katiniyimiki kepauka Yuri Tewi munuani. <sup>40</sup> 'Ana yuhutati xika waxata me'u'uwani: xewiti panutiwitikieni xewitita piku'eiriwa. <sup>41</sup> Yuhutati 'ukari mepitixini: xewiti panutiwitikieni xewitita kaniku'eiriwamiki.

<sup>42</sup> »'Ayumieme, xekenayeneniereni 'atsixemikatemateki kemi'ane tukaritsie munuani xekutsiyari. <sup>43</sup> Peru 'ipai xeketenemaika: xika kiekame yatimaikake kemi'ane hurayaritsie tikariki munuani tinawayame, payenierenikeyu mika'ipitianiki kiita meutahani. <sup>44</sup> 'Ayumiemeta xeme kaneuyeweka xemi'yuha'aritiaka, kariki kepauka Yuri Tewi kanuaximeme xemi'erieka 'ana kaninuamiki.

<sup>45</sup> »Ti'uximayatame yamitikamie meta mitimaiwe kanihikitini miyiwe kutsiyarieya mitihiritiani mitiwa'aitiakaki hipameta te'i'uximayatsiriwamete meta mitiwamikwaniki kepauka memeiyehiwa. <sup>46</sup> 'Aixia ke'itiarieka miki ti'uximayatame xika kutsiyarieya nuame 'itaxeiya yatiyurieneme

<sup>1</sup> 24:36 RV60 Nu'aya pikahaine.

kemitiuta'aitiarie. <sup>47</sup>Yuriki mipai nepixerahiawe, pitihiritiani yupiinite tinaiame. <sup>48</sup>Peru mexika miki ti'uximayatame 'axatiuka'iyarini, mipai tiuyihiawe: “Nekutsiyari 'epireutere kwiti pikanuani”, <sup>49</sup>hiki xika warutiwatiyani yuhepai te'uximayatamete, meta xika tikwaneni meta 'ieneni tariwekarixi wahamatia. <sup>50</sup>Miki ti'uximayatame kutsiyarieya kaninuamiki kepauka mika'ikwewie meta kemi'ane hurayaritsie yemeki mika'ikwewie. <sup>51</sup>Waikawa pi'uximatiani meta miki memite'itawamete wahepai pitipitiani. Manari putatsuakani puyutikeweni.

### Tamamata 'iimarixi

**25** <sup>1</sup>»Kakaiyari mira'aitatsie 'ipai katiniyimiki, kememiya miki tamamata 'iimarixi yikixeme me'utihapaka memeki me'enunakeke neneikeme. <sup>2</sup>Yu'auxiwiti miki 'atsimemikatemate mepihikitikai, meta yu'auxiwiti mepitemaiwawekai. <sup>3</sup>Miki 'atsimemikatemaikai yikixeme mepehapakai, peru hatsetiyari tawari mepikahehapa. <sup>4</sup>Matsi, memitemaiwawekai hatseiti mekanehanani puteyutsie yikixeme hamatia. <sup>5</sup>Hiki neneikeme mikanuawekaiki, yunaiti mekanekakutsikutikine hiki mekaneukutsu. <sup>6</sup>Tikari hixiapa xewiti mipai katinehiwa: “Neuxei, neneikeme mana pamie. Xekenenakiyu”. <sup>7</sup>Hiki 'iimarixi yunaiti mekananuku'uni, mekanikuha'aritiiani yikixeme. <sup>8</sup>Miki 'atsimemikatemaikai mipai mekateniwarutahiawe memitemaiwawekai: “Xeketaneumikwa 'etsiwa yuhatseiti tame takixeme mitixiiximeki”. <sup>9</sup>Memitemaiwawekai mipai mekateniwaruta'eiya: “Hauyeweti mikahayeikaniki tahetsiemieme meta xehetsiemieme, matsi xekenehu 'ituayamete wahetsia, xekenetinanai yuhetsiemieme”. <sup>10</sup>Peru mexi hatseiti mehenanetiwekai neneikeme kaninuani, miki 'iimarixi memuyukuha'aritiakai 'utimana mekaneutahaxiani nekiya 'ixiararipa. Hiki kitenie katineunamieni. <sup>11</sup>Arikeketa 'iimarixi mekitemaiwawekai mekaniu'axiani mipai me'utiyuati: “Ti'aitame. Ti'aitame 'aku. Ketatineuyepiri”. <sup>12</sup>Miki mipai katiniwarutahiawe: “Hawaiki, yuriki nepikaxemate”.

<sup>13</sup>Ketsutsi mipai kaniutayini:

—'Ayumieme nepaine, xemeta xekenayeneniereni 'atsixemikatemateki kemi'ane tukaritsie kemi'ane hurayaritsie munuani.

### Tumini 'ixatsiyariki kemiti'ikitakai

<sup>14</sup>»Kakaiyari mira'aitatsie 'ipai katini'anemiki, tewi 'ateewa yemieximeti kemitiuyuri hepai, yuhetsia miemete te'uximayatamete kaniwarutakwewieni yuhixie, hiki yupiini katiniwaruhiritiani. <sup>15</sup>Xeime kaniu'iitiani 'auxiwime kiriwayari tumini, xeimeta huta kiriwayari tiu'iitia, xeimeta xeikiriwayari, kememiteyiwawekai yuxexuiti mipai mepite'upitiarie. Hiki kanayeyani. <sup>16</sup>Kemi'ane 'auxiwime kiriwayari mu'iitiarie tumini, kwitiwa kaneyani, mikiki katinituakaitini, tawari 'auxiwime kiriwayari pana'iwaxi tumini. <sup>17</sup>Yaxeikiata, 'iya huta kiriwayari mu'iitiarie tawari hutame pana'iwaxi. <sup>18</sup>Peru 'iya xeikiriwayari mu'iitiarie kaneyani, kwieta kaniwati'ine kaniti'awieta yukutsiyari tuminieya.

19 »Hiki 'arike miixa heyurieka te'uximayatamete wakutsiyari kaninuani, katiniwarutawawirieni tita mitiwayetuiriekai. 20 Kemi'ane 'auxiwime kiriwayari mu'iitiariekai kaninuani, tawarita 'auxiwime kiriwayari kani'atiirieni, mipai 'utaiti: "Neti'aitiwame, 'eki tumini 'auxiwime kiriwayari pepinetsiyetuiri. Neuxei, mikiki tawari 'auxiwime kiriwayari nepana'iwaxi". 21 Ti'aitiwameya mipai katinitahiawe: "Aixia pepitiuyuri, ti'uximayatame 'aixia pemitiuka'yari pekanihikitini meta yapemitikamie. 'Etsiwakititi yapepitikatia, hikiri waikawa nepimatihiritiani. Nepimatsi'inie teyunaiti mikiki temawierika temiwewieniki". 22 Hiki kaninuani huta kiriwayari mu'iitiariekai, mipai kaniutayini: "Neti'aitiwame, 'eki tumini huta kiriwayari pepinetsiyetuiri. Neuxei, mikiki tawari huta kiriwayari nepana'iwaxi". 23 Ti'aitiwameya mipai katinitahiawe: "Aixia pepitiuyuri, ti'uximayatame 'aixia pemitiuka'yari pekanihikitini meta yapemitikamie. 'Etsiwakititi yapepitikatia, hikiri waikawa nepimatihiritiani. Nepimatsi'inie teyunaiti mikiki temawierika temiwewieniki".

24 »Peru 'iya xeikiriwayari muyetuiriariekai kaninuani, mipai kaniutayini: "Neti'aitiwame, nepimatsimate 'eki pepa'a'eriya. Pepuka'itsana hakewa pemikaheka'e meta pepikuxexeiriwa hakewa pemikaheikaxiri. 25 Ayumieme ne neputima, nekaneyani nekaniti'awieta 'atumini kwieta. Kami neuxei 'apiini 'ena katinikupika". 26 Hiki ti'aitiwameya mipai katinita'eiya: "Ti'uximayatame 'axapemitiuka'yari meta pemi'a'iraxie pekanihikitini. 'Eki pepinetsimaikai kenemitiuka'itsana hakewa nemikaheka'e, kenemitikuxexeiriwa hakewa nemikaheikaxiri. 27 Neuxei tsikere netumini peminiyetuakaitini tumini hiwemete wahetsia, ne nenuame nemiiwaye'inikekai netumini meta mena'iwaxi.

28 »"Xekeneunawairi tuminieya, xekene'iitia 'iya tamamata kiriwayari mexeiya. 29 Kariki kemi'ane tixaiti mirexeiya, tawari matsi pitimikieni, hiki ranayuhayewame pirexeiyani. Kemi'ane mikarexeiya, tsepa 'etsiwa mirexeiya katininawaiyariemiki. 30 Meta miki ti'uximayatame tixaiti mikatiyunaki'erie xekenanuyehiwa takwa, yiwipa, mana putatsuakani puyutikeweni".

### Muxatsi meta tsipuri

31 »Kepauka munuani Yuri Tewi yuxawatiriyatsie, yunaime yuniuki tuayamete warawititi, 'ana 'apayerini yu'uweni mixawatitsie. 32 Yunaiti nuiwarite mekanukuxeyariyakuni hixiena, mikita kaniwaranuyeteiximiki hipame, muxatsi wahiweme kemitiwaranuyeteixi muxatsi tsipuri watsata hepai. 33 Muxatsi yutserieta kaniwati'uitiamiki, meta tsipuri yu'utata.

34 »Hiki Ti'aitame mipai pitiwatahiawe miki tserietana memiti'uka: "Xeme xekanakini, ne'ukiyari 'aixia mixe'uyuri, ne'ukiyari mira'aita yuhetsiemieme xekenateitia mukuha'aritsie kepauka kwie munetiarietsie paititi. 35 Ne neheuhakamikikaku xeme xepinete'umi, neheuharimikikaku xeme xepinetsi'uharitia, kuyeikame nehikitikaku yukie xepinetsi'utanaki'eri, 36 nemawekaku xepinetsi'utikemaritia, netikuyekaku xepinetsi'iwiyakai, meta ne'anutahiiyaku xepinetsi'uyexeyatikikakai". 37 Anari miki heitseriemeki yamemitekahu mipai mekatentahiawikuni: "Ti'aitame, kkepauka

tepimatsi'uxei peheuhakamikime tepimate'umi? ¿Kepauka tepimatsi'uxei peheuharimikime tepimatsi'uharitia? <sup>38</sup> ¿Kepauka tepimatsi'uxei kuyeikame pehikitikaku takie tepimatsi'utanaki'eri? ¿Kepauka tepimatsi'uxei pemaweme tepimatsi'utikemaritia? <sup>39</sup> ¿Kepauka tepimatsi'uxei petikuyeme yatini pe'anutahiiyakame tepimatsihekuxei?" <sup>40</sup> Hiki Ti'aitame mipai katiniwatahiawimiki: "Yuriki mipai nepixerahiawe, naime kexemite'uyuri 'iki ne'iwama wahetsiemieme tsepa tixaiti mikatihiki hetsiemieme, miki nehetsiemieme xepite'uyuri".

<sup>41</sup> »Hiki mipai pitiwatahiaweta miki 'utatana memiti'uka: "Xekenehu nehetsia xepikayuhayewani, xeme haxia xehetsie pitunakixi, tai yuheyeme mita'atsie xekenehu Kauyumarie hetsiemieme meta niuki tuayametemama wahetsiemieme mukuha'aritsietsie. <sup>42</sup> Kariki ne nepeuhakamikikai xemeta xepikanete'umi, nepeuharimikikai xepikanetsi'uharitia, <sup>43</sup> kuyeikame nepihikitikai xepikanetsi'utanaki'eri yukie, nepimawekai xepikanetsi'utikemaritia, nepitikuyekai meta nepanutahiiyakai xepikanetsihekuxei". <sup>44</sup> Mikita mipai mekatenitahiwikuni: "Ti'aitame, ¿Kepauka kuta tepimatsi'uxei peheuhakamikime, peheuharimikime, kuyeikame pehikitikaku, pemaweme, petikuyeme, pe'anutahiiyaku, tepikamatsi'uparewi?" <sup>45</sup> Hiki mipai katiniwatahiawimiki: "Yuriki, mipai nepixerahiawe, naime kexemikate'uyuri 'iki ne'iwama wahetsiemieme tsepa tixaiti mikatihiki hetsiemieme, neta nehetsiemieme yaxepikate'uyuri".

<sup>46</sup> »Miki mekaniyehuni yuheyemeki mema'uximatiariekatsie, meta miki heitseriemeki yamemitekahu tukari 'atsimikayiwe maxuawe mekaniyehuni».

### Ketsutsi kememitemienekai

(Mat 26:2-5 – Mar 14:1-2, Ruk 22:1-2)

**26** <sup>1</sup> Merikite kepauka Ketsutsi mitiutahayewaxi mipai tiwakuxaxatiwati, mipai katiniwarutahiawe yuhetsia miemete teyi'ikitiwamete: <sup>2</sup> «Xeme mipai xepitemateri, huta tukari peuyewetse Patsikwa 'ixiarariyari maye'aniki, meta Yuri Tewi nehikititi nekaniyetuiyamiki kuruxitsie nemimierieniki».

<sup>3</sup> Hiki 'ana mawari wewiwamete tewa'aitiwamete meta teiteri wa'ukiyarima mekaniuyukuxeirieni mawari wewiwamete tiwa'aitiwame Kaipatsi mititewakai hetsia, <sup>4</sup> mekaniuyu'enieni, Ketsutsi memiwiyaki me'l'itame mipai memite'imieniki. <sup>5</sup> Mipai mekaniutiyuanekaitini: «Xeikia 'ixiarari xuawekaku hawaiki, teiteri me'uyeha'aniki waikawa me'uyukuxeirieniki».

### Witsimu'ia kemitiukawiriyarie Ketsutsi

(Mat 26:6-13 – Mar 14:3-9)

<sup>6</sup> Merikitsi Ketsutsi Wetaniya kiekariyaritsie kaniukateitini, Tsimuni hetsia meripaiti nawi kwiniyayari mexeyakai hetsia, <sup>7</sup> hiki 'uka mana kaninuani tete puteyuyari witsimu'ane 'ahanati witsimu'ia 'ayemakame kwiniemieme miraye'axe, hiki kaneitituani Ketsutsi mu'uyatsie mexi mexatsie 'utikatei.

<sup>8</sup> Hiki teyi'ikitiwamete me'uneniereka mekaniuyeha'ani mipai mekaniutiyuani:

—¿Titayarikuta yaki xeikia miki pireuyewe? <sup>9</sup>Piyiwekai miki witsimu'ia waikawameki mutuiyanikekai, tuminiyari memimikieniki tixaiti memikateheuxeiya.

<sup>10</sup>Ketsutsi retimaika kememutiyuanekai, mipai katiniwarutahiawe:

—¿Titayari xete'l'uximatia 'iki 'ukaratsi? 'Aixia katiniuyurieni nehetsieme. <sup>11</sup>'Uxa'atini warie 'amekanu'uwakuni tixaiti memikateheuxeiya xehetsia, peru ne xehetsia 'anepika'uyeikani 'uxa'atini warie. <sup>12</sup>Kemireititua witsimu'ia nehetsie, netsikuha'aritiwati katiniuyurieni nemikateukieniki. <sup>13</sup>Yuriki mipai nepixerahiawe, tsepaneti hakewa 'iki niuki 'aixia manuyine mekuxaxatsiwani naitсарie kwiepa, kanitaxatsiemiki kana'eriwamiki 'iki 'uka kemitiuyuri.

### **Kura kemitiyuwairi Ketsutsi miyetuaniki**

*(Mat 26:14-16 – Mar 14:10-11, Ruk 22:3-6)*

<sup>14</sup>Xewiti tamamata heimana memiyuhuta miwanikai, Kura 'Itsikariutitanaka mititewakai, kaneyani mawari wewiwamete tewa'aitiwamete wahetsia.

<sup>15</sup>Mipai katiniwarutahiawe:

—¿Xepaimeme xepinetsi'itiani, neta Ketsutsi nekanixeyetuiriemiki? Miki me'uyu'enieka xeitewiyari heimana tamamata pirata tuminiyari mekani'itiani. <sup>16</sup>'Ana kanitsutiani tikuwauneti kepauka 'aixia miyinikekai miwayetuirieniki.

### **Ti'aitame 'ikwaiya**

*(Mat 26:17-29 – Mar 14:12-25, Ruk 22:7-13, 17-20, 1Kur 11:23-25)*

<sup>17</sup>Hiki mexiakame tukaritsie Paa mikakuxanariyarietika 'ixiarariyarisie, teyi'ikitiwamete Ketsutsi 'aurie mekaniuyukuxeirieni, mipai mekatenita'iwawiya:

—¿Hakewa matsihenake 'aixia temitehekuyurieniki, Patsikwa 'ikwaiyari pemekwaniki?

<sup>18</sup>Miki mipai katiniwaruta'eiya:

—Xeime hetsia xekenehu kiekaritsie, mipai xeketenetahiawi: «Ti'ikitame mipai paine: “Netukari kaneutihuraniri, 'akiita Patsikwa 'ixiarariyari nepiwewieni nehetsia miemete teyi'ikitiwamete wahamatia”». <sup>19</sup>Hiki Ketsutsi kemitiwaruta'aitia yamepite'uyuri, 'aixia mepikuyuri Patsikwa 'ikwaiyari.

<sup>20</sup>Hiki 'ukuyireku mexatsie kaniutiyerini tamamata heimana yuhutame wahamatia. <sup>21</sup>Mexi metekwakai, mipai katiniwarutahiawe:

—Yuriki mipai nepixerahiawe, xewiti xeme pinetsiyetuanu.

<sup>22</sup>Hiki kwinimieme meteyuhiwerieti yuxexuiti mipai metenitihawetikine:

—¿Ne netihiki, Ti'aitame?

<sup>23</sup>Miki mipai katiniwarutahiawe:

—Xewiti kanihikitini nehamatia paa manati'iwe xakitsie, miki kaneniyetuamiki. <sup>24</sup>Yuri Tewi kenemititewa, nepiyemie nemimierieniki kemire'uxa nehapaitsita, perutsi xia'ui kemi'ane minetsiyetuanu Yuri Tewi nehikitime. Matsi 'aixia kani'anenikeyu xika ka'utinuiwake miki tewi.

25 Hiki miyetuanikekai Kura mipai kaniutayini:

—¿Ti'ikitame, ne netihiki?

Ketsutsi mipai katinita'eiya:

—'Ekitsi mipai pekanaineni.

26 Hiki metekwakaku Ketsutsi paa kananuku'ini, 'aixia 'utayika Kakaiyari hepaitisa paa hepaitisa, kanititara kaniwarumini tey'ikitiwamete, mipai tiwakihiaweti:

—Xekenanu'ii meta xekeneutikwa'i, 'iki kaninewaiyaritini.

27 'Ariketa tekixi kananukuhana, pamipariyutsi 'ipitiaka Kakaiyari, kaniwaru'itiani mipai tiwakihiaweti:

—Yunaiti xekenanuti'ixia 'iki. 28 'Iki kaninexuriyatini, miki tiratu mihekwa 'aixia kaniyurimiki Kakaiyari meta yuteiterima wahamatia mieme. Yumiireme wahetsiemieme kanitayeurimiki memiteheuyehiwiyarieniki ke'axamemite'uyuriki. 29 Mipai nepixerahiawe, tawari hawaiki nepika'enu'ieni 'iki kaxie hayari, 'arikereri tukari 'aye'ayu kepauka hekwameki nemenu'ieni kaxie winuyari mihekwa xehamatia ne'ukiyari mira'aitatsie.

30 Hiki niawari Kakaiyari hetsia mieme me'utikwikaka, mekanekine yemuritsie Huriwu Mati'u.

### **Ketsutsi kemutayi Pekuru kemitiyuku'imawanikekai**

*(Mat 26:31-35 – Mar 14:27-31, Ruk 22:31-34)*

31 Mana Ketsutsi mipai katiniwarutahiawe:

—'Iki tikaritsie, xeme yunaiti xepinetsiku'eirieni, mipai mire'uxaki:

»“Nepimieni muxatsi wahiweme,

hiki muxatsi miwa'iwiyakai mekanitaxiriexiakuni”.

32 Peru ne'anukukeme, ne meri nepiyemie Karereyatsie paiti».

33 Hiki Pekuru mipai katinitahiawe:

—Tsepaneti yunaiti memimatsi'uku'eiri, ne hawaiki nepikakunuani.

34 Ketsutsi mipai katinitahiawe:

—Yuriki mipai nepimarahiawe, 'iki tikaritsie wakana 'ukiri katahiwawekaku 'akuxi, 'eki haikakia pepi'aku'imawani, kename pekanetsimate pe'utaiti.

35 Pekuru tawari mipai katinita'eiya:

—Tsepaneti meuyeweka 'ahamatia nemimierieni, nepikaneku'imawani kename nekamatsimate ne'utaiti.

Meta hipatita tey'ikitiwamete yaxeikia mekanitiyuani.

### **Ketsutsi kemitiuyutanenewi Ketitsemani mirayetewatsie**

*(Mat 26:36-46 – Mar 14:32-42, Ruk 22:40-46)*

36 Hikita Ketsutsi tey'ikitiwamete warawititi kaneyani Ketitsemani reyetewakaku. Mipai katiniwarutahiawe: «'Ena xekenekuteni mexi huma nepiyunenewimie».

37 Pekuru meta Tsewereu niwemama yuhutame kaniwarewitini mana paiti, hiki kanitsutiani yuhiwerieti yu'iyaritiati. 38 Hiki mipai katiniwarutahiawe: «Ne'iyaritsie kwini mieme nekaninehiwerieka, mikiki nekanimiximeni. 'Ena xekeneuyuhayewa meta xekenayeneniereni nehamatia».

<sup>39</sup>Etsiwa huma 'uyaka kaniutihiximakeni, kaniyutanenewieni mipai 'utaiti: «Ne'ukiyari, xika tima tiyiwenike, yanepira'eriwakaku mika'aye'aniki kenemitikwinitiarieni. Peru keminetinake ne pikatixai, 'eki pita kemimatinake».

<sup>40</sup>Hiki teyi'ikitiwamete mematitekaisie kaninuani, kaniwarutaxeiya mekutsume. Mipai Pekuru katiniutahiawe: «¿'E'e xekateyiwawekai tsikere xeihurayari xemayeneniereni nehamatia? <sup>41</sup>Xekenetaneniereni, xekeneyunenewieka kapa 'axaxete'uyurieniki xemita'iniatsienitsie. Xe'iyari kaniyuwairiyani, peru xewaiyari matsi puwerani».

<sup>42</sup>Hiki hutarieka heyaka kaniyutanenewieni mipai 'utaiti: «Ne'ukiyari, xika heuyeweka mipai nemitikwinitiarieni, kemimatinake yaketiuyini».

<sup>43</sup>Tawarita kepauka munua, kaniwarutaxeiyata mekutsume, memikayiwawekaiki memayeneniereni kutsiki. <sup>44</sup>Hiki kaniwaruku'eirieni, tawari heyaka hairieka kaniyutanenewieni yaxeikia 'utaiti.

<sup>45</sup>Tawarita kaninuani teyi'ikitiwamete mematitekaisie, nuaka mipai katiniwarutahiawe: «¿Xetekutsu 'akuxi, xete'uxipie? Neuxei, kanaye'aximeniri, Yuri Tewi kenemitihihi, nemiyetuiyani 'axateyuruwamete wahetsia.

<sup>46</sup>Xekenanuku'uti, kimitikari. Kemi'ane minetsiyetuan mana kanamieni».

### **Ketsutsi kemituwiyarie**

*(Mat 26:47-56 – Mar 14:43-50, Ruk 22:47-53)*

<sup>47</sup>Merikite 'utaniuakakaku 'akuxi Kura mana kaninuani, tamamata heimana memiyuhuta miwanikai. Yuwaikawame teiteri yuhamatia kaniwarawitikikaitini 'ixiparate meta kiyexi mete'u'ikame, mawari wewiwamete tewa'aitiwamete meta teiteri wa'ukiyarima mewareyeni'aku.

<sup>48</sup>Iya miyetuanikekai 'iniari piwarutaxatiakai, mipai 'utaiti: «Kemi'ane nemitawairitiani 'itsiyaki, miki kanihikitikamiki, xekenewiya». <sup>49</sup>Hiki Ketsutsi hetsia nuaka mipai kaniutayini:

—Ke'aku Ti'ikitame. Hiki kani'itseni.

<sup>50</sup>Hiki Ketsutsi mipai katinitahiawe:

—Nehamiku, kepemitikuyuriene yaketineuyuri.

Hiki teiteri 'auriena me'aketikineka, Ketsutsi mekanuwiya. <sup>51</sup>Miki Ketsutsi hamatia memuwakai xewiti kaniwatihana yu'ixipara, ti'uximayatame mawari wewiwamete tiwa'aitiwame hetsia mieme, nakaya kanawiteni.

<sup>52</sup>Hiki Ketsutsi mipai katinitahiawe:

—Keneuka'uta 'a'ixipara, kariki yunaiti 'ixiparaki memiteyumemiwa, 'ixiparakita mekanikwi'iwakuni. <sup>53</sup>Kari mipai pepikatimate, ne nekaniyiweni nemitawawirieni ne'ukiyari, miriyari meyupaimeme niuki tuayametemama mikita kwitiwa kaniwarani'aweni. <sup>54</sup>Peru xika mipai netiuyurieni, ¿kehepai raye'ani 'utiarika meuyewetse 'ipai mitiyini manuyine?

<sup>55</sup>Hiki 'ana Ketsutsi mipai katiniwarutahiawe teiteri:

—¿Kari xepeyeki 'ixiparate meta kiyexite xete'u'iti xenetsiwiwake, kemituwiwiyariwa tinawayame? Miixa tukita nenayekateitini tukariki neti'ikitati, 'ana xepikanetsi'uwi. <sup>56</sup>Peru naiti 'iki miya pitiyini, maye'aniki Kakaiyari niukametemama kememutiyua 'utiarika xapayaritsie.

Hiki teyi'ikitiwamete yunaiti mekaniku'eirieni meta mekaniyuta'una.

### Ketsutsi 'itsikate wahixie

(Mat 26:57-68 – Mar 14:53-65, Wa 18:12-13, 19-24)

<sup>57</sup>Miki Ketsutsi memuwiyaxi Kaipatsi hetsia mekani'atiani, miki mawari wewiwamete tiwa'aitiwame kanihikitikaitini, hetsiana mekaniyuxeirikaitini 'iniariki te'ikitamete meta 'ukirawetsixi. <sup>58</sup>Peru Pekuru kaniweiyakaitini yatewa mawari wewiwamete tiwa'aitiwame kiita paiti. Muwa kaneutahani tukita tehiwemete wa'aurie kanayerini niereke kemi'itiarienikekai.

<sup>59</sup>Hiki mawari wewiwamete tewa'aitiwamete meta 'itsikate yunaiti mekaniwawautiwekaitini hipame memunenierixi memite'itani Ketsutsi hepaitisita, mipai hetsiana memite'ahianiki memita'aitaki mimierieniki.

<sup>60</sup>Peru mepiyutatexi, tsepa yumiireti wahetsia memu'axia me'itaiti.

'Imatirieka yuhutati mekaniu'axiani, <sup>61</sup>mipai mekaniutiyuani:

—'Iki mipai putayi: “Ne nekaniyiweni nemika'una Kakaiyari tukieya, tawarita netitawewiwe hekwameki haika tukari”.

<sup>62</sup>Hiki mawari wewiwamete tiwa'aitiwame 'anukukeka mipai katinitahiawe:

—¿Pekaitaniuni 'ahepaitisita? ¿ketitayari miya mete'utiyuane 'iki 'ahepaitisita?

<sup>63</sup>Peru Ketsutsi 'atsipikahainekai. Hiki mawari wewiwamete tiwa'aitiwame mipai katinitahiawe:

—Kakaiyari mayeniere matsi'eniekaku yaketatineutahiawi xika Kiritsitu pehikitini, Kakaiyari nu'aya.

<sup>64</sup>Ketsutsi mipai katinitahiawe:

—Metsi 'eki mipai pekanaineni. Peru ne mipai nepixerahiawe: 'Uxa'atini xekanenixeiyakuni Yuri Tewi kenemitihiki, 'ane'akaime Naimekimitirikaiye tserieta, meta haitsata ne'akamiekame taheima.

<sup>65</sup>Hiki mawari wewiwamete tiwa'aitiwame yukamixa kaneukatsana mipai 'utaiti karima:

—Kakaiyari hepaitisita 'axaputayi. Tawari tepikawareuyehiwa memunenierixi. Neuxei, xeme hiki xepi'eni, Kakaiyari hepaitisita 'axaputayi.

<sup>66</sup>¿Kexeteku'eriwa 'iki hepaitisita?

Miki mipai mekaniutiyuani:

—Peuyewetse mimierieni.

<sup>67</sup>Hiki mekaniti'aitskawiyatikine hixitana meta mekanitihutsutikine.

Hipatita 'auritapana mekaneitiwayakaitini <sup>68</sup>mipai me'utiyuati:

—Ketatineutaxatia, Kiritsitu, ¿kemi'ane pimatsiheutiwa?

### Pekuru kemitiyuta'ima kename Ketsutsi kamate 'utaiti

(Mat 26:69-75 – Mar 14:66-72, Ruk 22:55-62, Wa 18:16-18, 25-27)

<sup>69</sup>Mexi miyatiyianekai, Pekuru takwa kaniukateitini, hiki ti'uximayatame hetsiana nuaka 'iimarititi, mipai katinitahiawe:

—'Ekitatsiere Ketsutsi Karereya kiekame hamatia pekaniuyeikakaitini.

<sup>70</sup>Peru miki kaniyuta'imani yunaime wahixie mipai 'utaiti:

—'Atsinepikatimate kehapa'ititi peminerahiawe.

<sup>71</sup>Hiki miki kaneyani kitenie hepa, xewitita kanixeiya 'uka, mipai katiniwarutahiawe mana memiti'ukai:



—'Ikitatsiere Ketsutsi natsaretitanaka hamatia kaniuyeikakaitini.

<sup>72</sup>Peru miki tawarita kaniyuta'imani, mipai 'utaiti:

—Kakaiyari netsi'eniekaku nepaine, nepika'imate miki tewi.

<sup>73</sup>Hiki yareutewikaku mana memiti'ukai hurawa me'akineka mipai  
Pekuru mekatenuitahiawe:

—Yuriki 'eki xewiti miki wa'iwa pekanihikitini,  
pepimatsiiki kepemitiuniuka.

<sup>74</sup>Pekuru mipai kaniutayini:

—Kakaiyari 'axakenetiupitiani xika netiku'itawani, nepika'imate  
miki tewi nepaine.

Hiki 'ana yapauka kanetahiwa wakana. <sup>75</sup>Pekuru Ketsutsi niukieya  
kanaye'erieni kemititahiawixi: «Wakana katahiwawekaku 'akuxi, 'eki  
haikakia pepi'aku'imawani kename pekanetsimate pe'utaiti». Hiki 'anuyeyaka  
kaniutatsuani kwiniemieme tiyuhiwieri.

### Kura kemitiumi

**27** <sup>1</sup>Merikitsi ximeri, yunaiti mawari wewiwamete tewa'aitiwamete meta  
teiteri wa'ukiyarima yunaiti mekaniuyukuxeirieni meyu'enienieke  
Ketsutsi hepaitisita, memimieniki. <sup>2</sup>Mekaneihana hiakame, Piratu  
mekaniyetuirieni kuwexinaruri.

<sup>3</sup>Kepauka Kura miyetua mitiutamari kename 'itsikate mete'uta'aitaxi  
mimierieniki, yiki katiniyikihawekaitini meta watumini kaniwareki'itiani  
mawari wewiwamete tewa'aitiwamete meta 'ukirawetsixi, xeitewiyari  
heimana tamamata pirata tuminiyari, <sup>4</sup>mipai 'utaiti:

—'Axanepitiuyuri nemiyetuaki tewi hetsiena mikarahiia,  
xuriyaya mitayeurieniki.

Miki mipai mekatenuitahiawe:

—Tame miki tepikateha'iwawa, 'ekiri katini'amaiyatini.

<sup>5</sup>Hiki tukita heitaxirieka tumini kaniwayeyani, heyaka kaniuyukawieni.

<sup>6</sup>Mawari wewiwamete tewa'aitiwamete me'iti'ika tumini mipai  
mekaniutyuani: «'Iki pikayiwe tuki tuminiyari muyemanetsie temeikamana,  
tewi xuriyaya mitayeurianiki miyetuiyaki». <sup>7</sup>Me'uyu'enieka kwie  
mekaniunaneni miki tuminiki xari wewiwame kwieya, mana 'ateewa  
kiekatari wateukiyapa mayaniki. <sup>8</sup>Ayumieme miki kwie Xuriya Mataxiri  
katiniuteriwariwani 'akuxi hiki. <sup>9</sup>Ana kanaye'ani Keremiyaxi Kakaiyari  
niukameya, mipai kemutayi: «Mekanei'ini xeitewiyari heimana tamamata  
pirata tuminiyari, 'Ixaheritsixi teiteriyari kememite'ika'iniaritiiri kemiraye'akai,  
<sup>10</sup>mikiki 'iwewame kwieya mepunanai, Ti'aitame keminetiuta'aitia». <sup>k</sup>

### Piratu Ketsutsi kemituuta'iwawiyaxi

(*Mat 27:11-26 – Mar 15:12-15, Ruk 23:2-3, 18-25, Wa 18:29–19:16*)

<sup>11</sup>Merikitsi Ketsutsi kuwexinaruri hixie kani'atiarieni, miki mipai  
katinita'iwawiya:

<sup>k</sup> 27:10 Keneuxeiya Tsak 11:12,13, Ker 19:1-13, 32:6-9.

—¿'Eki huriyutsixi teiteriyari tiwa'aitiwame petihiki?

Ketsutsi kayuku'imawati mipai katinita'eiya:

—'Eki metsiri miyapenaine.

<sup>12</sup> Mawari wewiwamete tewa'aitiwamete meta 'ukirawetsixi me'ixanetakaku 'atsipikatiuta'a.

<sup>13</sup> Hiki Piratu mipai katinitahiawe:

—¿Pekatiwa'enie kepaimemeki memimatsixaneta?

<sup>14</sup> Peru Ketsutsi hawaiki pika'ita'ei, 'ayumieme waikawa ni'iyarixiekaitini kuwexinaruri.

<sup>15</sup> Merikite, miki 'ixiararitsie kuwexinaruri kaniyeiyarieyatikaitini memanutaxiriya xeime mixinaki teiteri kemi'ane memanayexeya.

<sup>16</sup> Ana 'anutahiiyakame mekanexeyakaitini waikawa mimariwakai Waxawaxi titewakame. <sup>17</sup> Hiki me'uyukuxeirieu teiteri, Piratu mipai katiniwarutahiawe:

—¿Kemi'ane pixenake nemixexinirieni: Waxawaxi nutsu Ketsutsi, Kiritsitu mitiuteriwariwa?

<sup>18</sup> (Miki mipai pitimaikai, huriyutsixi wa'ukiyarima mepiyetuakai mete'ikwatsirieti).

<sup>19</sup> Mexi Piratu 'itsikame 'uwenieyatsie 'akatei, 'iyaya niuki kaneini'airieni mipai 'utaiti: «Keneuhayewa miki tewi heitseriemeki yamitikamie, kimana waikawa nepitiukwinixi neheintsita hiki yiwikita».

<sup>20</sup> Peru mawari wewiwamete tewa'aitiwamete meta 'ukirawetsixi mekanikarukemakaxiani teiteri Piratu memitawawirieniki Waxawaxi mixinaki meta Ketsutsi mimierieniki.

<sup>21</sup> Hiki mipai katiniwarutahiawe kuwexinaruri:

—¿'Iki yuhutame kemi'ane pixenake nemixexinirieni?

Miki mipai meputiyua:

—Waxawaxi keneuxina.

<sup>22</sup> Piratu mipai katiniwarutahiaweta:

—Merikite, ¿keta ne'iyurieni Ketsutsi, Kiritsitu mitiuteriwariwa?

Yunaiti mipai mekatenitahiawe:

—Kuruxitsie ke'umierieni.

<sup>23</sup> Kuwexinaruri mipai katiniwarutahiawe:

—¿Titayarikuta? ¿titaki 'axatiuyuri?

Peru miki kwinimieme matsi mekateniuhiwakaitini, mipai me'utiuyati:

—Kuruxitsie ke'umierieni.

<sup>24</sup> Kepauka Piratu miretima kename mekahe'enieikai, matsi waruxeyaka kememiteyutimiirimeikai meniukixieti teiteri, haa kaniuta'aita, hiki kaniukamaimani teiteri wahixie mipai 'utaiti:

—Nehetsie pikarahiiwani 'iki xuriyayaki, xeme pita xehetsie kerahiiyani.

<sup>25</sup> Yunaiti teiteri mipai mekatenitahiawe:

—Xuriyayaki tahetsie kerahiiyani, meta tatiiriyama wahetsie.

<sup>26</sup> Hiki kaniwaruxinirieni Waxawaxi, peru Ketsutsi kaniuta'aita mikuweiyaxianiki, meta kaniyetuani kuruxitsie mimierieniki.

### Kuyaxi Ketsutsi kememitenanaimakai

(Mat 27:27-31 – Mar 15:16-20)

<sup>27</sup>Kuwexinaruri hetsia miemete kuyaxi paratsiyu manuwe Ketsutsi mekanehana, meta mekaniaruta'inieni yunaime kuyaxi waritana mekanetikine. <sup>28</sup>Me'itikemaripeka, 'ikari xetame mekanakuwirieni. <sup>29</sup>Meta xuya kurunayari me'utatsaka mu'uyatsie mekanenutimanirieni, meta haka 'itsiyari mekanikweiti tserietana. Hiki hixiena metitunuma'uweti me'inanaimati mipai mekatenikuhiawekaitini: «Ke'aku huriyutsixi tiwa'aitiwame».

<sup>30</sup>Meta mekaniku'aitsikawiyakaitini, meta haka memikweitiakaiki mikiki mu'uyatsie mekanitiwayakaitini. <sup>31</sup>'Arike miya mete'itanaimaka mekaninawairieni 'ikari, mekanitikemaritiani 'ixurikieyaki, hiki mekaneihana kuruxitsie mimierieniki.

### Ketsutsi kemitiumerie kuruxitsie

(Mat 27:33-44 – Mar 15:22-32, Ruk 23:33-43, Wa 19:17-24)

<sup>32</sup>Merikitsi mana me'uyehuti xeime mekanitaxeiya Tsirene kiekame Tsimuni titewakame, mekaniwia menutikirieniki kuruxieya.

<sup>33</sup>Kurukuta mirakutewatsie mekanu'axiani (taniukiki «Miki Mu'uya Manuka» mirakutewatsie). <sup>34</sup>Mana mekaniti'itiani kaxie winuyari tsiirika hepai ma'ane nikame, peru he'iniatata pikayuwairi menu'ieni.

<sup>35</sup>Kuruxitsie mekanikawieni meta kuyaxi mekaniyuta'iwa kememite'itahuriexianikekai 'ixurikiteya. <sup>36</sup>Hiki mana mekuteti mekanii'wiyakaitini. <sup>37</sup>Mu'uya heima mekaneiwera xapa, titaki mitiutaxanetsie mipai re'ukame: «IKI KETSUTSI KANIHKHTINI, HURIYUTSIXI TIWA'AITIWAME». <sup>38</sup>Hamatiana mekaniarukawitiani tenawayamete yuhutame kuruxitsie, tserietana xeime meta 'utatana xeime. <sup>39</sup>Hiki mana memuyekikakai 'axamekatenikihawekaitini yumu'u me'utitsiketi, <sup>40</sup>mipai me'utiyuati:

—'Eki, pepika'unakekai tuki, haika tukari 'anukayayu hekwareki pepitawewienikekai. Keneu'atawikweitsitia xika Kakaiyari penu'ayatini, kuruxitsie kenakaye'a.

<sup>41</sup>Yaxeikiata mawari wewiwamete tewa'aitiwamete meta 'iniariki te'ikitamete meta 'ukirawetsixi yunaiti me'inanaimati mipai mekanituyuanekaitini:

<sup>42</sup>—Hipame waniu kaniwatawikweitsitiwakaitini, peru pikayiwe miyutawikweitsitiani yikimana. Meta 'ixaheritsixi katatini'aitiwametini waniu. Merikite, hiki ke'akayani kuruxitsie, 'ana yuri temiteta'erieniki tame hetsiena. <sup>43</sup>Miki Kakaiyaritsie yuri piti'erie, hikitsiari xika 'inaki'erieka miki ke'itawikweitsitiani, mipai mainekaiki: “Ne Kakaiyari nekaninu'ayatini”.

<sup>44</sup>Meta tenawayamete 'auriena kuruxitsie memuyewikai yaxeikia 'axamekatenikihawekaitini.

### Ketsutsi kemitiyetua yu'iyari

(Mat 27:45-56 – Mar 15:31-41, Ruk 23:44-49)

<sup>45</sup>Merikite tuka kaniukuyire naitserie mana kwiepa, tau kia kawiekakuke kaniukuhekiare. <sup>46</sup>Hiki tau kia kawiekaku Ketsutsi karima kaniutahiwa mipai 'utaiti:

—*Herí, Herí, ¿rama tsawatani?* (taniukiki manuyine: “Nekakaiyari, nekakaiyari, ¿titayari penetiuku'eiri?”)

<sup>47</sup>Kepauka hipati miki mana memiti'ukai memu'enana mipai mekaniutiyuani: —'Eriyaxi kaniutahiawe.

<sup>48</sup>Xewiti miki 'unautsarimeti kaneyani, haa 'itsiweme 'utituka winu matsiwita heikahatsika, hakatsie 'iyeka kaneititserieni menu'ieniki.

<sup>49</sup>Hipati mipai mekaniutiyuanekaitini:

—Keneuhayewa, tepitaneniereni tsipara 'Eriyaxi kapunuani 'itawikweitsitianike.

<sup>50</sup>Hiki Ketsutsi tawari karima 'utahiwaka kaniyetuani yu'iyari.

<sup>51</sup>Hiki 'ixuriki 'emayetsukai meuwiekai tukita hixiata kanitsane heimana 'akayuaka. Kwie putayua meta tetexi kaniutitare. <sup>52</sup>Teukiya nanutiyepierixiani, yumiireti Kakaiyari teiterimama memukwikairi mekananuku'uni. <sup>53</sup>Teukiyata mekanewatikine, 'arike Ketsutsi 'anukukeku, kiekari mipatsietsie mekanewatixiani, meta yumiireti mepiwaruxei.

<sup>54</sup>Xeitsienituyari kuyaxi tiwa'aitiwame meta hipati hamatia Ketsutsi memi'iwiyakai, kepauka kwie memuxei 'uyuaneme meta naime kemitiuyi mete'uxeiyaka, waikawa mekanimamakaitini meta mipai mekaniutiyuani: —Yuriki 'iki Kakaiyari punu'ayatikai.

<sup>55</sup>Yumiiretita 'ukari mana mekaniti'ukaitini 'atewa metaneniereti, miki Ketsutsi hamatia mekaneyekinekaitini Karereyatsie mekaniparewiekaitini.

<sup>56</sup>Mariya Mararatanaka, xewitita Mariya Kakuwu Kutse mamaayatikai, meta Tsewereu niwemama wamaama, meta hipati mana mekaniti'ukaitini.

### Ketsutsi kemitiukateukie

(Mat 27:57-61 – Mar 15:42-47, Ruk 23:50-56, Wa 19:38-42)

<sup>57</sup>Hiki 'akayunirimekaku, tewi mana kaninuani xikutiti 'Arimateya kiekame Kutse titewati mitiyi'ikitiwametikai Ketsutsi hetsia mieme mihikitikai.

<sup>58</sup>Piratu hetsia nuaka kanitawawirieni Ketsutsi kaxarieya, hiki Piratu mipai pitiuta'aitaxi miyetuiriyarieniki. <sup>59</sup>Hiki Kutse Ketsutsi kaxarieya kanekweni kanita'eima rinu tsawanayari 'itiyakameki. <sup>60</sup>Yuteukiyapa kaneitateni mihekwakatsie meripaiti mita'aitakai miwaye'inierieniki 'aitia. Meta tete 'aminena kaneukurupa kimana teukiya heunaka, kaneyani. <sup>61</sup>Mana mekanititekaitini Mariya Mararatanaka meta xewiti Mariya, teukiya hixie.

### Kuyaxi kememite'i'iwiyakai teukiya

<sup>62</sup>Merikitsi 'uxa'arieka, pienixi 'utaxiku, mawari wewiwamete tewa'aitiwamete meta paritseutsixi mekaniuyukuxeirieni Piratu hetsia, <sup>63</sup>mipai me'utiyuati:

—Ti'aitame tame tepe'eriwa 'iya tiyu'itaiyame kemainekai 'ayeyuriti 'akuxi: “Haika tukari 'aye'ayu nepanukukeni”. <sup>64</sup>'Ayumieme ketineuta'aita teukiya mita'iwiyarieni haika tukari, kapa tey'i'ikitiwamete yiwikita me'u'axiame me'inawaniki, mipai kapa metewarutahiaweki teiteri: “Mikite watsata panukuke”. Xika mipai mete'uyurieni, 'imatiriekka mieme 'itarika pe'iwa matiari mieme.

<sup>65</sup>Piratu mipai katiniwarutahiawe:

—Kuyaxi xekeniwaranuwitiki, xekenehu yemeki 'aixia renakame xekenehayewa teukiya.

<sup>66</sup>Hiki miki mehekineka, teukiya mekaneunani teteki, meta mekaniyu'iniaritiani, metatsiere kuyaxi mana mekaniwaru'uitiani memihikaki.

### Kemiranukuke

(Mat 28:1-8 – Mar 16:1-8, Ruk 24:1-10)

**28** <sup>1</sup>Merikitsi 'uxi'piya tukari 'utaxiku, tumikuti ximeri yuimuana Mariya Mararatanaka meta xewiti Mariya matia mana mekaniu'axiani me'ixei'yake teukiya.

<sup>2</sup>Hiki kwie karima kaniutayuani, taheima kanakaneni niuki tuayame Ti'aitame hetsia mieme, hiki nuaka teté kaneukihiani, meta hetsiena kanayerini. <sup>3</sup>Merikariya hepai pitiyuxexeyakai, 'ixurikiteya pituxakai 'iwi hepai. <sup>4</sup>Tehiwemete kuyaxi me'imakati meputiyiyiakaxi meta marikaki mekaniu'amixiani.

<sup>5</sup>Hiki niuki tuayame mipai katiniwarutahiawe 'ukari:

—Xepikamamaka, ne mipai nepitimate Ketsutsi xepikuwautiwe, kuruxitsie mumierie. <sup>6</sup>'Uwa pikayeka, panukuketiarie kemainekai. Xekenakini xekeneutanenieri hakewa matekiekai. <sup>7</sup>Hiki kwitiwa xekenehu, mipai xeketeniwaretahiawi tey'i'ikitiwametemama: “Miki panukuketiarie mikite watsata, meta petiari Karereyatsie paiti. Mana xekaneixeyakuni”. Xekena'eriwani kenemitixe'utahiawixi.

<sup>8</sup>Hiki 'ukarawetsixi mekanayekine meyumexiitiati teukiyapa meyekineka, memamati peru waikawa meyutemamawieti, meta mekaniutinautsa memitewataxatiani tey'i'ikitiwametemama. <sup>9</sup>Hiki mexi me'uhukai, Ketsutsi kaniwaranukunake, hiki kaniwarutawairitiani.

Hiki miki hurawa mekaniukine, 'ikateya mekaniu'ini meta mekaniutihixima'uni hixiena.

<sup>10</sup>Hiki mipai katiniwarutahiawe Ketsutsi:

—Xepikaheumamaka, xekenehu, xeketeniwaretaxatia ne'iwama Karereya mekehekine, mana mekanexeyakuni.

### Kuyaxi kememutiyua

<sup>11</sup>Merikitsi mexi 'ukari huyeta me'uhukai, hipati kuyaxi kiekaritsie mekanekine, kemitiuyi naime mekateniwarutaxatiani mawari wewiwamete tewa'aitiwamete. <sup>12</sup>Hiki miki 'ukirawetsixi wahamatia me'uyukuxeriekka me'uyu'eniekka yunaiti, tumini waikawa mekaniwaru'itiani kuyaxi, <sup>13</sup>mipai metewarahaweti: «Xeme mipai xekeneutiyaneni: Mexi

tekutsukai, teyi'ikitiwametemama mekanu'axiani mekaninawani kaxari. <sup>14</sup>Xika kuwexinaruri tiutamarieni, tame 'aixia tepiteyurieni xehetsie mikarahiiyaniki».

<sup>15</sup>Hiki miki tumini me'anu'ika yamekaniutiyuanekaitini kememite'uta'aitiariakai. Mipai tiuyiku mipai pitikuxaxatsiwa naitсарie huriyutsixi watsata hiki 'akuxi.

#### **Ketsutsi kemitwaruhiritia ni'ariekate**

<sup>16</sup>Hiki teyi'ikitiwamete tamamata heimana xewi Karereya mekanekine, miki yemuritsie paiti Ketsutsi kemitwarahiawekai. <sup>17</sup>Me'ixeyaka hixiena mekaniukatunuma'uni, peru hipati miki 'akuxi yuri mepikate'eriekai xika yuritikaitini. <sup>18</sup>Hiki Ketsutsi 'ahurawa kaniuyani, katiniwarutaxatiani, mipai 'utaiti:

—Naimeki heitserie nepexeiya taheima meta kwiepa. <sup>19</sup>'Ayumieme, xekenehu, teyi'ikitiwamete xekeniwarayeitia yunaima nuiwarite, xewaka'iyati Ta'ukiyari meta Nu'aya meta 'Iyari Mitiyupata hetsiememe, <sup>20</sup>xetewa'ikitiati yamemitekahuniki naima xeme kenemitixe'u'aitia. Yuriki mipai xeketenemaika, netsieti tukariki xehamatia nekaniuyeikamiki, kepaukake kwie meutipare. Mipai xeikia kani'aneni.

# Marikuxi

## Niuki 'aixia manuyine kemiraka'utia

---

### Ti'yame Wani kemitikuxatakai

(Mat 1:2-8 – Mat 3:1-11, Ruk 3:2-16)

**1** <sup>1</sup>Niuki 'aixia manuyine Ketsutsi Kiritsitu Kakaiyari nu'aya hepaitisa, 'ipai katiniutsutiarieni.

<sup>2</sup>Mipai katiniuyini Kitsariyaxi Kakaiyari niukameya xapayatsie kemire'uxa: «Kami, ne neniuki tuayame nekananuni'amiki 'ahixie paiti, mikuha'aritaniki 'ahuye».

<sup>3</sup>«Xewiti makumawetsie mipai pirehiwa: «Ti'aitame huyeya xekeneukuha'aritia, xexeurawime huyeya xekeneutiwewi»».

<sup>4</sup>Mipai Wani Ti'yame katiniuani, makumawetsie katini'iyanekaitini meta tikuxatati teiteri memitehayewaki 'axameteyurieti meta memika'iyarieniki mipai mitimatsiikiniki kename mete'uhayewaxi 'axameteyurieti. <sup>5</sup>Yunaiti teiteri Kureya kwieyaritsie kiekatari meta Kerutsareme kiekatari mekani'axekaitini hetsiana. Miki meyuhekiatakaku 'axakememiteyuriekai, miki kaniwaruka'iyakaitini Kurutani hatuxameyaritsie. <sup>6</sup>Wani kemarieya kameyu huxarieyaki piwewiyakai. Nawiki kananayukuhiakaitini meta pitikwa'akai tipuxi meta xiete yeuta mieme. <sup>7</sup>Kemitikuxatakai, mipai kaniutainekaitini: «Xewiti 'ukanamieni ne'utima, miki matsi waikawa kanitirikaiyeni keyuri ne. Ne 'aixia nepika'ane nehetsie mitinakeniki ni nemiparewieniki kakaiya nemixinirieniki. <sup>8</sup>Ne haki nekanixe'uka'iyani, matsi miki pixeka'iya 'Iyari Mitiyupataki».

### Ketsutsi kemituuka'iyarie

(Mar 1:9-13 – Mat 3:13-17, 4:1-11, Ruk 3:21-22, 4:1-13)

<sup>9</sup>Merikitsi, 'ana kaninuani Ketsutsi, Natsareti heyeyaka Karereya kwieyaritsie, hiki Wani kanika'iya Kurutani hatuxametsie. <sup>10</sup>Hiki Ketsutsi hapa 'anatiyeiximeti, muyuawi kaniuxeiya 'anakayepieririmeme, meta 'Iyari kaniuxeiya 'a'akamieme para hetsiana miyuhayewaki, kukuru hepai 'aneti. <sup>11</sup>Xewitita kanetaniuni taheima, mipai 'utaiti: «'Eki pekanineniwetini nekamaninaki'erieka, 'akimana nekaniyutemawieka».

<sup>12</sup>Hiki 'Iyari kaneini'ani makumawetsie paiti, <sup>13</sup>mana kaniuyeikakaitini huta tewiyari tukari, Kauyumarie kani'iniatanekaitini. Yeutari

memiwaxuawe kaniuyeikakaitini Ketsutsi, Kakaiyari niukieya tuayametemama mekaniparewiekaitini.

**Ketsutsi kemitwaruta'ini hetsiena memitewiyani  
ketsiteweyamete yunaukame**

*(Mar 1:16-20 – Mat 4:18-22, Ruk 5:2-11, Wa 1:35-42)*

<sup>14</sup>Merikitsi 'arike Wani 'anutahiiyaku, Ketsutsi Karereya paiti kaneyani, niuki kuxatati 'aixia manuyine Kakaiyari hetsia mieme, <sup>15</sup>mipai 'utaiti: «Tukari kanaye'aniri. Kanehuraniri Kakaiyari kemitita'aita. Xeketeneuhayewa ke'axaxemiteyurie, niuki 'aixia manuyinetsie yuri xeketeneuta'eri».

<sup>16</sup>Merikitsi, harakuna tetsita 'uyemieti Karereya kwieyaritsie, kaniwaruxeiya yu'iwamakame Tsimuni meta 'Atirexi, wipi mekaneukawiwakaitini harakunatsie, miki memiketsiweiyametetikaiki.

<sup>17</sup>Hiki Ketsutsi mipai katiniwarutahiawe: «Hikimi, nehetsie xeketeneuwiya, teiteri waxexeiriwamete nekanixe'ayeitiamiki». <sup>18</sup>'Ana kwitiwa wipi me'uku'eiriexiaka, hetsiena mekatenuwiya.

<sup>19</sup>Hiki kwitiwa ya'amieti kaniwaruxeiyata yu'iwamakame Kakuwu meta Wani, Tsewereu niwemama, miki kanuwatsie mekaniyetekaitini yuwipi memanetsikitiati. <sup>20</sup>'Iya kaniwaruta'inieni, hiki miki, yupaapa Tsewereu me'uku'eirieka kanuwatsie yekaima meta te'iwamete wahamatia, Ketsutsi mekaneweiya.

**Kakaiyari mika'itiya tewi kemitinikai**

*(Mar 1:21-28 – Ruk 4:31-37)*

<sup>21</sup>Merikitsi Kaperunaume mekaneta'axiani, hiki kwitiwa 'uxiipiya tukari 'aye'aku, huriyutsixi watukita heutahaka, katini'ikitakaitini.

<sup>22</sup>Mekanihixiyakaitini tita miti'ikitakai hepaitsita, kemi'ane heitserie mexeiya hepai katiniwaru'ikitiwakaitini, miki 'iniariki memite'ikitakai wahepai pikati'ikitakai. <sup>23</sup>Merikitsi, yapauka tewi kaniutahiwa tukita kakaiyari 'axami'ane minikai:

<sup>24</sup>—'Ai, ¿titayari 'uperamie tahetsia Ketsutsi Natsaretitanaka? ¿Petatsiheuyehianike petinua? Ne nepimatsimate kemi'ane pemihiki: Kemi'ane Kakaiyari hetsiemieme mipatsie, 'eki pekanihikitini.

<sup>25</sup>Ketsutsi kanitatieni, mipai tikihiaweti:

—Kayuwati 'aixia, keneuxina miki tewi.

<sup>26</sup>Hiki miki kakaiyari 'axami'ane tewi kaniutayuitiani, karima 'utahiwaka hetsiena kanayeyani. <sup>27</sup>Yunaiti mekaniuhixiyani, 'ayumieme niuki mekaniutixiatatikine mipai me'utiyuati: «¿Ketita tihiki 'iki? 'Hkitsika mihekwa, miki heitserie hexeiyati katiniwa'aitiaka. 'Atsita kakaiyarixi 'axamemi'anene katiniwa'aitiaka, meta miki mekani'enieni» <sup>28</sup>Hiki kwitiwa naitarie Karereya kwieyaritsie kaniutamariwa kemituyuri.

**Ketsutsi kemirenayehia Pekuru warikaiya**

*(Mar 1:29-34 – Mat 8:14-17, Ruk 4:38-41)*

<sup>29</sup>Merikitsi tukita me'ayenexiaka, Tsimuni meta 'Atirexi wakie mekanekine, Wani meta Kakuwu yunaiti. <sup>30</sup>Tsimuni warikaiya yu'utatsie kanikakateitini



hiiyati, hiki Ketsutsi kwitiwa mekatenu taxatiani kemi'anekai. <sup>31</sup>Hiki miki 'ahurawa kaniuyani, mamayatsie kanikawiere kanenukuhana. Yapauka hiiya kanihayewa, hiki katiniwarumini.

<sup>32</sup>Hiki taikai, tau 'akayunekuri, teiteri mekani'atiirieni tekwikwikate yunaime, meta miki kakaiyarixi 'axamemi'anene memiwawiyakai.

<sup>33</sup>Yunaiti kiekatari mekaniyukuxeirieni kitenie hixie. <sup>34</sup>Yumiireme 'aixia metehu'eriekame kaniwarayeitiani kwimemiyiakai miireme kwiniyaki. Metatsiere kakaiyarixi kaniwarayeni'axiani yuwaikawame, peru pikawapitiakai kakaiyarixi memitiniuniki, miki memimaikaiki.

### **Ketsutsi kemitikuyeikakai Karereya kwieyaritsie tikuxatati**

*(Mar 1:35-38 – Ruk 4:42-43)*

<sup>35</sup>Hiki 'uxa'arieka ximeri meripaiti 'akuxi yiwikita Ketsutsi kananukukeni, kiita wayeyaka kaneyani teiteri memika'anuwatsie paiti, mana kaniuyutanenewieni.

<sup>36</sup>Hiki Tsimuni, meta hipati hamatiana memuwakai Ketsutsi mekananukuyeike.

<sup>37</sup>Me'itaxeyaka mipai mekatenu tahiaawe:

—Yunaiti teiteri mepimatsikuwautiwe.

<sup>38</sup>Ketsutsi mipai katiniwarutahiaawe:

—Kimitsiari huma pita tepiyehu, hipame kiekaritetsie tepitayeixiani, nemitiwaretaxatiani manarita. 'Ayumieme nekaneyeyani.

<sup>39</sup>Hiki naitarie Karereya kwieyaritsie kanikuyeikakaitini, tikuxatati watukiteta meta warayeni'awati kakaiyarixi 'axamemi'anene.

### **Ketsutsi kemirenyehia tewi kwiniyaki mika'itiyakai**

*(Mar 1:40-44 – Mat 8:2-4, Ruk 5:12-14)*

<sup>40</sup>Merikitsi xewiti tewi nawi kwiniyayari mexeyakai kaninuani hetsiana, kwi 'iwawirieti, hixiena 'utitunumakeka, mipai katinitahiaawe:

—Xika pe'awairiyani, pepiyiwe peminetsi'itieni.

<sup>41</sup>Inenimayati, Ketsutsi yumama 'utatseraka kanimayiani, mipai tikihiaweti:

—Nepinewairiya. Pekaniu'itiyani.

<sup>42</sup>Mipai titahiaaweku yapauka kaneunuani nawi kwiniyayari. Tewi 'itiyati kanayani. <sup>43</sup>Waikawameki 'ihiritiati, Ketsutsi kaneini'ani kwitiwa, mipai tikihiaweti:

<sup>44</sup>—Neuxei, xeimetima pepikaraxaxatiwani, mawari wewiwame hetsia pita kenemie kene'ahekiata matsihexeyaki, 'aixia pereu'erieti pematiki, kenanutimawa kemitu'aitaxi Muiitsexi yapemitiwatahekiatiani.

<sup>45</sup>Miki matsi mana heyaka yatiniutixatatiyani waikawa, naitarie katinikuxatakaitini kemituuyi. 'Ayumieme Ketsutsi pikayiwakai kiekaritetsie me'axeni yuhekiatati, matsi yeuta nekateitini makumawetsie. Miyatiti hetsiana mekani'axekaitini naitarie kiekatari.

### **Ketsutsi kemirenyehia huriekame**

*(Mar 2:3-12 – Mat 9:2-8, Ruk 5:18-26)*

**2** <sup>1</sup>Merikitsi yapaimexia tukari 'anukayaku, hutarieka kaninuani Kaperunaumetsie. Kaniutamariwa keneme kiita hayekatei. <sup>2</sup>Yumiireti

kwitiwa mekaniyukuxeirieni, memiyumiirekaiki, nikitenie hixie mepikatenakekai, hiki miki niuki kaniwakixaxatiwakaitini. <sup>3</sup>Hiki hipati huriekame mekani'atiirieni, yunaukati mehekwati. <sup>4</sup>Ahurawa me'ekwenike mekaniyutatexieni teiteri memiyumiirekaiki. 'Ayumieme Ketsutsi manuwekaitsie kii heima mekaneuka'ine, 'ixumeri mewati'ineka muwa huriekame mekaneukatواني, 'itaritsie 'akaikame. <sup>5</sup>Ketsutsi waruxeiyaka yuri kememite'eriekai, mipai huriekame katiniutahiawe:

—Neniwe, pepireuyehiwyarie 'axapemitiuyuriki.

<sup>6</sup>Hiki hipati 'iniariki memite'ikitametetikai muwa mekanayetekaitini, yu'iyaritsie mipai mekateniyikihawekaitini: <sup>7</sup>«¿Titayarikuta miya tikihiawe 'iki? Kakaiyari hepaitsita 'axaputaine. ¿Kepaineti piyiwe mireiyehiwirieni tewi 'axatiuyurieyu, xewiti xeikia kaniyiweni Kakaiyarititi?»

<sup>8</sup>Ketsutsi yu'iyaritsie timaiti miya memiteyikihawekaiki, mipai katiniwarutahiawe:

—¿Titayari miya xeteyikihawe yu'iyaritsie? <sup>9</sup>¿Tita matsi katikwaniwe, mipai mititahiawe muhurie: “Pepireuyehiwyarie 'axapemitiuyuriki”, nutsuti: “Kenanukukexi, 'a'itari kenanukukwe'i, kenekuyeikani, xika 'utayini”?

<sup>10</sup>Hikitsi ya'aneme xekanetimaikuni kename heitserie nehexeiya kwiepa nemitiwareuyehiwirieniki 'axamemite'uyuri, Yuri Tewi nehikititi.

Hiki huriekame mipai katiniutahiawe:

<sup>11</sup>—Eki nepimarahiawe, kenanukukexi, 'a'itari kenakwati, meta 'akie kenemie.

<sup>12</sup>Hiki miki kananukukeni, yu'itari kananukukweni kaneyani yunaima wahixie. 'Ayumieme yunaiti mekaniuhixiyani, hiki 'aixia mekaniutiyanekaitini Kakaiyari hepaitsita, mipai me'utiuyati:

—Hatsuaku tepikanenieriwawekai 'ipai tiyianekaku.

### **Kemitita'ini Rewi hetsiena mitiwiyaniki**

*(Mar 2:14-17 – Mat 9:9-13, Ruk 5:27-32)*

<sup>13</sup>Merikitsi tawarita harakuna tetsita Ketsutsi kaneyani. Teiteri yunaiti hetsiana mekani'axekaitini, mikita katiniwa'ikitiakaitini. <sup>14</sup>Hiki mana 'uyemietti Rewi 'Aripeu nu'aya kaniuxeyia teiteri memite'ayutituayatsie 'akaime.

Ketsutsi mipai katinitahiawe:

—Nehetsie ketinewiyani.

Hiki Rewi 'anukukeka hetsiena katiniuwiya.

<sup>15</sup>Merikitsi tikwakaku Ketsutsi Rewi kiita, yumiireti kuwiyexinu hetsiemie tewawamete, meta 'axateyuruwamete mekatenikwakaitini Ketsutsi hamatia meta teyi'ikitiwametemama wahamatia, 'ari mekaniyumiirekaitini memeweiyakai. <sup>16</sup>Hiki kepauka 'iniariki memite'ikitametetikai meta paritseutsixi memihikitikai me'ixeyika tikwakame 'axateyuruwamete wahamatia meta tewawamete wahamatia, mipai mekateniwarutahiawe teyi'ikitiwametemama:

—¿Neuxei, 'iki tewawamete meta 'axateyuruwamete wahamatia tikwa'a?

<sup>17</sup>Waru'enieka, Ketsutsi mipai katiniwarutahiawe:

—'Aixia memiteheu'erie mepikaheyehiwa tiyu'uayemawame, miki memitekukuye pita mekaniyehiaka. Ne nepikanua newata'inienike

miki heitseriemeki yamemitekahu, miki 'axamemiteyurie pita newata'inienike nekaninuani.<sup>a</sup>

**Kememite'ita'iwawiyaxi hakiya hepaitsita**

(Mar 2:18-22 – Mat 9:14-17, Ruk 5:33-38)

<sup>18</sup>Merikitsi Wani hetsia miemete teyi'ikitiwamete meta paritseutsixi mewaxeyati memuyuhakiximekaiki, hipati me'u'axiaka, Ketsutsi mipai mekatenuita'iwawiya:

—¿Titayari Wani hetsia miemete teyi'ikitiwamete meta paritseutsixi wahetsia miemete meteyuhakiwa, 'ahetsia miemeteta teyi'ikitiwamete mekatetyutihakiwa?

<sup>19</sup>Ketsutsi mipai katiniwaruta'eiya:

—¿Kemeteyiwawe memiyuhakieka neneikeme 'inierimama, mexi neneikeme wahamatia 'uyeika? Mexi neneikeme watsata 'uyeika mepikayiwawe memiyuhakieka. <sup>20</sup>Peru tukari kanaye'amiki kepauka neneikeme mitihanieni watsata, hiki 'anake mekaniyuhakikuni. <sup>21</sup>Nixewiti tewi 'ixuriki miye'i pikamanetsikitiwa 'ixuriki mihekewaki. Xika mipai tiuyurieni, 'ixuriki mihekwa xika yutatuni miye'i pitatsana, tsanimeyari matsi waikawa 'axa'aneti payeika. <sup>22</sup>Meta nixewiti tsixai miyeye'itsie pika'ikatu'a kaxie winuyari mihekwa mikwanaki. Mexika mipai tiuyurieni, winu tsixai kanititsanamiki, winu kaneuyewemiki meta tsixai. Matsi kaxie winuyari mihekwa tsixai mihehekwatsie kanikatuariwani.

**Teyi'ikitiwamete kememite'iwatihunaxia tiriku 'uxipiya tukaritsie**

(Mar 2:23-28, 3:1-6 – Mat 12:1-14, Ruk 6:1-11)

<sup>23</sup>Merikitsi 'uxipiya tukaritsie, Ketsutsi 'etsipa kaniuyeyani, teyi'ikitiwametemama, mana me'uyehuti, mekanitsutiani mewatihunati tiriku miayeyari.

<sup>24</sup>Hiki paritseutsixi mipai mekatenuitahiawe:

—Neuxei, ¿titayarikuta miki kemikareuyewetse meteyurie 'uxipiya tukaritsie?

<sup>25</sup>Ketsutsi mipai katiniwarutahiawe:

—¿Hatsuaku kekate'ititeriwawawe kemitiuyuri Rawiri kepauka memuhakakwi miki meta hamatiana memu'uwakai meta kepauka meteheuyehiati memaki?

<sup>26</sup>Iya Kakaiyari kiyata kaneutahani kepauka 'Awiyataxi mawari wewiwamete tiwa'aitiwame mihikitikai, paa Kakaiyari hixie mamaneikai kaniutikwani, mawari wewiwamete xeikia heitserie mepexeyakai memitikwaniki miki paa. Metatsiere hamatiana memu'uwakai kaniwarumini.

<sup>27</sup>Mipaia Ketsutsi katiniwarutahiawe:

—'Uxipiya tukari kaniuti'utsieni teiteri wahetsiemieme. Teiteri kememite'uwewiya, 'uxipiya tukaritsie mieme xeikia mepika'utiwewiya.

<sup>28</sup>'Ayumieme Yuri Tewi nehikititi, 'uxipiya tukari hepaitsita tsiere nekatini'aitani.

<sup>a</sup> 2:17 RV60 meta hipati mepenaniitia memitehayewaki ke'axamemiteyuriakai.

**3**<sup>1</sup>Merikitsi tawarita tukita kaneutahani, tewi mimamawakikai muwa kanayekateitini. <sup>2</sup>Hipati miki mekanihupiekaitini 'aixia 'aneme kapayeitiani 'uxi piya tukaritsie meteyikihiaweti, me'ixanetakuti. <sup>3</sup>Hiki Ketsutsi mipai katinitahiawe tewi mimamawakikai:

—Kenanukukexi, hixiapa keneutakexi.

<sup>4</sup>Mipai Ketsutsi katiniwaruta'iwawiya:

—¿'Uxi piya tukaritsie tiheitserie 'aixia mitiyurieneni, nutsuti 'axamitiyurieneni, tiheitserie mitiyutawikweitsitaniki, nutsuti mitiyumieniki?

Miki kayuwati mekaniumakaitini. <sup>5</sup>Hiki yuhaxiama waruxeyiaka, yuhiwerieti memitsetse'ikaiki yu'iyaritsie, mipai tewi katiniutahiawe:

—'Amamá keneutatsera.

Miki kanitatsera, hiki mamaya 'aixia 'aneti kanayani. <sup>6</sup>Hiki paritseutsixi mewayekineka, miki herurexitsie memitewiyakai wahamatia mekanuyu'enieni Ketsutsi kememite'imienikekai.

### **Teiteri kememiteyukuxeiri harakuna tetsita**

*(Mar 3:7-12 – Mat 12:15-16, Ruk 6:17-19)*

<sup>7</sup>Hiki Ketsutsi meta teyu'ikitiwametemama yunaiti harakuna paiti mekanekine, meta yumiiireti teiteri mekanenukuweiya Karereyatari, Kureyatari, <sup>8</sup>Kerutsaremetari, 'Irumeyatari, Kurutani 'anutaiyetari, Tiru 'aurie Tsiruni 'aurie kiekatari. Yuwaikawati me'u'enanaka naime kemitiyurienekai, hetsiana mekanu'axiani. <sup>9</sup>Hiki kaniwaruta'aitiani teyu'ikitiwamete 'ahurawa memehanaki kanuwa hetsiana mieme, kapa me'itsaipinaki, teiteri memiyumiirekaiki. <sup>10</sup>Yumiireme 'aixia metehue'eriekame kaniwarayeitiwakaitini. 'Ayumieme yunaiti kwiniya memexeyikai metsaipinetai hetsiana mekanu'axekaitini me'imayianike, 'ayumieme kanuwa kaniuta'aita. <sup>11</sup>Kakaiyarixi memika'itiyatika me'ixeyiati, hixiena mekanu'axekaitini, mipai mete'uhiwati: «'Eki Kakaiyari pekaninu'ayatini». <sup>12</sup>Matsi miki kaniwaku'imaiyakaitini yemeki memika'ikuxataniki kapa matsiikime meheyeitianiki.

### **Tamamata heimana yuhutame kemitiwaranuyexei ni'ariekate**

*(Mar 3:16-19 – Mat 10:2-4, Ruk 6:14-16, Ni'a 1:13)*

<sup>13</sup>Hiki hiritsie kaneutiyune. Mime miwaranuyexei kaniwaruta'inieni hetsiana memitewiyaniki. Me'ayekineka teiteri watsata, hetsiana mekatenuwiya. <sup>14</sup>Tamamata heimana yuhutame kaniwaranuyeteixi. 'Arike kaniwatani'axianikekaitini memitekuxataniki meta hamatiana memu'uwaniki, <sup>15</sup>heitserie kaniwapitianikekaitini 'aixia metehue'eriekame memiwarayeitiwaniki tekwikwikate, meta memiwarayeni'axianiki kakaiyarixi 'axamemi'anene. <sup>16</sup>'Iki mepihiki tamamata heimana huta muwaranayexei: Tsimuni (Ketsutsi mititeriwaxi Pekuru), <sup>17</sup>Kakuwu Tsewewu nu'aya, Wani Kakuwu 'iwaya (Ketsutsi mitiwaruteriwaxi Wuhaneriketsi, manuyine: Tirarikamete), <sup>18</sup>'Atirexi, Piriye, Wariturume, Mateu, Tumaxi, Kakuwu 'Aripeu nu'aya, Tareu, Tsimuni mikananitsitatikai, <sup>19</sup>meta Kura 'Itsikariutitanaka 'ariki Ketsutsi miyetua.

**Kemi'ane 'axa'utaiti mitsewixima 'Iyari Mitiyupata**

(Mar 3:23-27 – Mat 12:25-29, Ruk 11:14-22)

Hiki kiita mekaneutahaxiani. <sup>20</sup>Tawarita yuwaikawati teiteri me'u'axiaku miki mepiyutatexi metekwanike. <sup>21</sup>Hiki maremama me'u'enanaka, mekaniu'axiani memenuhanaki. Mipai mekatenyikihawekaitini: «Atsipikatimate kemitiyuriene».

<sup>22</sup>Miki meta 'iniariki memite'ikitametetikai, Kerutsaremetsie memeyekinekai, mipai mekaniutiyuanekaitini: «Weheritsewu pini'i. Kakaiyarixi 'axamemi'anene tiwa'aitiwame 'iparewiekaku kaniwarayeni'awani kakaiyarixi 'axamemi'anene».

<sup>23</sup>Hiki Ketsutsi yu'aurie warutakwewieka, 'ixatsiki mipai katiniwaruta'ikitiani: «¿Kauyumarie ketiyiwe mayuyeni'aniki yikimana? <sup>24</sup>Yaxeikiata, xeime kwieyaritsie kiekatari xika hixiata meyutsana, xika me'ayuka'unieka, miki wakuwiyexinu pikayiwani 'emireutewiniki. <sup>25</sup>Xeime kie miemete hixiata xika meyutsana, xika me'ayuka'unieka, mepikayiwawani 'ememiteheutewiniki. <sup>26</sup>Yaxeikiata, kauyumarie xika yuka'unarimenike, tirikariyaya hixiata xika yutsanake, 'emireutewiniki pikayiwanikeyu. Pitaxiximenikeyu pita. <sup>27</sup>Merikite, xewiti pikayiwani mitinawani tewi mitirikaiye tita yukiita mirexeiya, miki tewi katiuhiani meri, 'anake kaniyiwemiki piiniteya naimi mitiunawani. <sup>28</sup>Yuriki mipai nepixerahiawe, naimi 'axakememiteyurie teiteri, mepiyiwawe memiteheuyehiwiwarieniki naimi 'axamemitiyuane. <sup>29</sup>Matsi kemi'ane 'axamitayini Kakaiyari 'Iyarieya Mitiyupata hepaitsita, miki hatsuaku pikareuyehiwiwarieni mikiki. Hetsiana matsi katiniuhiiwani, yuheyemeki 'emuweki tita 'axamitiyuri».

<sup>30</sup>Ipai kaniutayini, miki mipai memutiyuanekaiki: «Kakaiyari mika'itiya kaninika».

**Ketsutsi 'iwamama meta maamaya**

(Mar 3:31-33 – Mat 12:46-50, Ruk 8:19-21)

<sup>31</sup>Hiki maamaya meta 'iwamama yunaiti mekaniu'axiani. Takwa mekaniti'uni mekatenitani'airieni yu'aurie me'ikwewieti. <sup>32</sup>Teiteri yumiireti mekanayetekaitini hamatiana, mipai mekatenitahiawe:

—Neuxei, 'amaama meta 'aiwama mepimatsiha'iwawa takwa paiti.

<sup>33</sup>Miki mipai katiniwarutahiawe:

—¿Kehateri nemaama meta ne'iwama?

<sup>34</sup>Waranuxeiyatiyaka 'auriena mematekai, mipai kaniutayini:

—Kami 'ena nemaama meta ne'iwama. <sup>35</sup>Kemi'ane yamitiyuriene kemitinake Kakaiyari, miki kanine'iwatini kaninemaamatini.

**'Imiari 'iwiwame 'ixatsi hepaitsita kemitimatsiiki**

(Mar 4:1-20 – Mat 13:1-15, 18-23, Ruk 8:4-15)

**4** <sup>1</sup>Merikitsi tawarita harakuna tetsita katiniuti'ikita. Hetsiana mekaniyukuxeirieni teiteri yuwaikawati, 'ayumieme kanuwatsie nakayerini hapa yewiekametsie. Yunaiti teiteri kwiepa pita mekaniti'ukaitini

hatetsita. <sup>2</sup>Mana waikawa katiniwa'ikitiakaitini 'ixatsi hepaitisa, hiki ti'ikitati mipai katiniwarutahiawe: <sup>3</sup>«Xekene'enanaka. Merikitsi, ti'iwuwame kanayeyani. <sup>4</sup>Merikitsi 'imiari 'iwienekaku, hipati huye tetsita kaniukaxirieni, wikixi me'u'axiaka mekanikuxini. <sup>5</sup>Hipatita mutetexiyatsie kaniukaxirieni waikawa mika'akukwiewyatsie. Miki kwitiwa kaniutinexiani kwie 'emikatsuikaiki, <sup>6</sup>peru, kepauka tau manatine maxirixi, kaniutiyyinare, mikahananayatikeiteki kaniutiwani. <sup>7</sup>Hipatita xuyatsata kaniukaxirieni, hiki kepauka xuya mutiwawerixi kanenukanani, takariyari pika'utixuawerixi.

<sup>8</sup>Hipatita kwie 'aixia miraku'anetsie kaniukaxirieni. 'Utinexiaka 'utiwawereka, kaniutixuawere, hipati xeitewiyari heimana tamamata kanayani, hipatita haika tewiyari, hipatita xeitsienituyari».

<sup>9</sup>Mipaita Ketsutsi kaniutayini: «Kemi'ane mu'enaxi, ke'u'ena».

<sup>10</sup>Hiki yihikiate metiteti, miki 'auriena memititekai meta tamamata heimana memiyuhuta wahamatia mekanita'iwawiya 'ixatsi hepaitisa kemiti'ikitakai. <sup>11</sup>Mipai Ketsutsi katiniwarutahiawe: «Xeme xekaniupitiarieni tita mitiuti'awietsiekai, xemitemaikaki Kakaiyari mira'aitatsie timieme, hipati takwa memititei pita, naimeki 'ixatsi hepaitisa xeikia mekanipiarieni 'utiarika manuyine hepai, <sup>12</sup>para

»“memika'ixeyaki, tsepa yemeki memitanenierenike, para 'atsimemikatehetimaniki, tsepa yemeki memi'enanakake, kapa mete'uhayewame kememiteyuriekai Kakaiyari hetsie mete'uwiyki, meta kapa meteheuyehiwiarieniki”».

<sup>13</sup>Hiki Ketsutsi mipai katiniwakihaweni: «¿Kari xeme 'iki 'ixatsi hepaitisa xepika'u'enana? ¿Ketitiri xete'enanani naime 'ixatsi hepaitisa? <sup>14</sup>Ti'iwuwame niuki kani'iwieneni. <sup>15</sup>Hipati huye tetsita miemete mekanihikitini hakewa niuki meka'iwiya. Kepauka memi'enie, kwitiwa Kauyumarie kani'axeni, niuki netikini wahetsia muka'iwiya. <sup>16</sup>Hipatita yaxekia 'imiari mekanihimetini makutetexiyatsie memuka'iwiya: Kepauka niuki memi'enie, yapauka mekanitanaki'erieneni meyutemamawieti, <sup>17</sup>yikimana mepikahananatika, matsi 'emepikateheutere. Kepauka memi'uximatiarie kepauka memutaweyarie 'iki niuki hepaitisa, yapauka mekanikuunuitarieni. <sup>18</sup>Hipatita 'imiari mekanihikitini xuyatsata memuka'iwiya: Miki niuki mekanu'eni, <sup>19</sup>peru 'iyaritarika kwiepa timiemeki, tuminitiarikaki mete'iriwiyarieti, meta hipame waikawame metehiwe'erieta 'axamiti'anene, mikiki niuki kananukanamieni, 'ayumieme pika'utixuawerixi. <sup>20</sup>Hipati 'imiari mekanihimetini kwie 'aixia miraku'anetsie memuka'iwiya: Niuki mekanu'eni, mekanuuyuwairiya me'inaki'erieta, mekanitixuxuawereni, hipati xeitewiyari heimana tamamata, hipatita haika tewiyari, hipatita xeitsienituyari mekanakine».

### Tita miti'awie kemitihekiatsieni

<sup>21</sup>Hiki mipaita katiniwakuxaxatiwakaitini: «¿Kixeme 'atiame kakuniki pika'enukanani, yatini 'utatia pikahetayeni? ¿Wapaiti pita kaneitiyemiki?»

<sup>22</sup>Kariki naiti tita miti'awietsie katinihekiarimiki, meta naiti tita 'awie mitimieme katinitamariwamiki. <sup>23</sup>Kemi'ane mu'enaxi, ke'u'ena».

<sup>24</sup>Mipaiṭa kaniutayini: «Xekeneuyu'iwiya tita xemite'enie hepaiṭsita. Keti'iniarime hipame xemitewamini, yaxeiḱiata xeme mipaiṭi'iniarime xepitemikieni, meta 'etsiwa matsi 'anatekame. <sup>25</sup>Kemi'ane tixaiti mirexeiya, tawarita matsi pitimikieni. Kemi'ane mikarexeiya, tsepa 'etsiwa mirexeiya katininawaiyariemiki».

### 'Ixatsi 'imiari hepaiṭsita kemitiutineika

<sup>26</sup>Mipaiṭa katiniwakuxaxatiwakaitini: «Ipaṭi katini'aneni Kakaiyari ti'aitametikaku, kami tewi 'imiari kwiepa kaniuta'iwiēni. <sup>27</sup>Niukahupuni nanukukekani tukariki tikariki. 'Imiari kaniutineikani kaniutiwawereni, miki 'atsikatimaikaku kemitiutineika kemitiuwawere. <sup>28</sup>Kwie yuxaita pitinenetiwa kitsunuyari meri, 'arike miayeyari, 'arike takari. <sup>29</sup>Tikwayu, 'ana tiriku xikamete kaniwaranuni'amiki, 'itsanari maye'aki».

### 'Ixatsi mutsitatsa 'imiariyari hepaiṭsita

(Mar 4:30-32 – Mat 13:31-32, Ruk 13:18-19)

<sup>30</sup>Hiki mipaiṭa kaniutayini: «ǰKete'utiyuaneni, tita hepaiṭi'ane Kakaiyari kemiti'aita? ǰKemi'ane 'ixatsi hepaiṭsita tepihekiatani? <sup>31</sup>Mutsitatsa 'imiariyari hepaiṭ kani'aneni: Kwiepa muka'iwiwa, xewiti 'imiari hepaina 'aneti pikaxuawe kwiepa 'etsipepeti. <sup>32</sup>'Uka'iwiwaka kaniutineikani, tupiriya mutineika, xewiti hepaina 'aneti pikaxuawe 'epapati, mamateya neukunexiani 'etiiti, taheima miemete wikixi mekaniyiwaweni memiyuti'ituatianiki hetsiena 'etiriyaritsie».

<sup>33</sup>Waikawa 'ixatsi hepaiṭsita, 'iniarite hepaiṭ 'anenemeki niuki kaniwakuxaxatiwakaitini, memiyiwaweniki memi'enieniki. <sup>34</sup>'Ixatsi hepaiṭsita katikuxatati pikatiwakuxaxatiwakai. Teyi'ikitiwamete xeikia me'ayeteti yihikiate, katiniwahekiatiakaitini yunaime.

### Ketsutsi kemitinia 'eka witari

(Mar 4:35-41 – Mat 8:18, 23-27, Ruk 8:22-25)

<sup>35</sup>Hiki miki tukaritsie 'ukutaikaireku mipaiṭa katiniwarutahiawe teyi'ikitiwamete:

—Hikimitsiari 'anutaiye tepanukine.

<sup>36</sup>Miki mewaruku'eirieka teiteri mana memiti'ukai, mekanekine kanuwatsie manatikateitsie. Hipatita kanuwate mekanekine hamatiana. <sup>37</sup>Hiki yapauka kaniuku'eka waikawa, hiki hamewari kanuwa kanaanutawayakaitini, yemeki kwinimieme kanikayunitiaximekaitiniri. <sup>38</sup>Ketsutsi kanuwa kitsapa kanakateitini, mu'uritaritsie 'utimu'uti kutsuti, mekanenutahitiani mipaiṭa mete'ikihaweti:

—Ti'ikitame 'aku, ǰpekareu'akweriwayurie temeuyeweximeki?

<sup>39</sup>Hiki 'anukukeka 'eka kaniutatieni, meta harakuna mipaiṭa katiniutahiawe:

—Kayuwati. Ketineuhayewa.

Hiki 'eka kaneunuani, naiti kayuwati kaniutamare.

<sup>40</sup>Mipaiṭa teyi'ikitiwamete katiniwarutahiawe:

—ǰTitayari waikawa xetemama? ǰ'Akuxi yuri xekate'erie?

<sup>41</sup> Miki kwinieme mekatenimamakaitini, mipai mekateniyutahiawekaitini:

—¿Kemi'ane pihiki 'iki, 'atsita 'eka meta harakuna meme'enie?

**Kakaiyarixi 'axamemi'anene kememite'inikai kataratanaka**

(*Mar 5:1-20 – Mat 8:28-39, Ruk 8:26-39*)

**5** <sup>1</sup> Merikitsi harakuna 'anutaiye mekaneta'axiani Kataratari wakwiepa.

<sup>2</sup> Kanuwatsie Ketsutsi 'anatiyaku, yapauka tewi kakaiyari mika'itiya minikai nenukunake mikite wateukiyapa 'ayeneka. <sup>3</sup> Miki tewi mikite wateukiyapa kanikiekaitini, teiteri mekanitexiekaitini me'ihianike tepiaki. <sup>4</sup> Miixa kanikuhiiwakaitini tepiaki yumamatetsie yi'ikatetsie, peru yumamaki tepia kananutekekaitini, yi'ikatsie mieme kanenuyeketsinakaitini, xewiti hepaina pikatirikaiyekai mimaxiutaki. <sup>5</sup> Tukariki meta tikariki teukiyapa kanikuyeikakaitini yahiritsie, kuhiwaneti, tetexiki yutitsunati.

<sup>6</sup> Hiki kepauka Ketsutsi 'uxeyaka 'ateewa, hepana kaniutanautsa, meta hixiena kaniutitunumakeni <sup>7</sup> karima 'utahiwati, mipai 'utaiti:

—¿Ketita perayexeya, Ketsutsi, Kakaiyari 'Amutewi pemunu'aya? Nepimatsiwawirie yanetihiritiati Kakaiyari, penikahirixia 'axanetsi'uyurieni.

<sup>8</sup> Mipai kaniutayini Ketsutsi mipai mititahiawixiki: «'Eki kakaiyari pemika'itiya, keneuxina miki tewi».

<sup>9</sup> Hiki Ketsutsi mipai katinita'iwawiya:

—¿Kepetitewa?

Miki mipai katinita'eiya:

—Kuyaxi Xeiwaxayari netinitewaka, temitamireki.

<sup>10</sup> Waikawa wairiyarika Ketsutsi kaniwawirikaitini mikawaranuyeni'aniki miki kwiepa.

<sup>11</sup> Merikitsi yemuritsie mekatenikwatiwekaitini tuixuri yuwaikawati, kakaiyarixi 'axamemi'anene mekanitawawirieni wairiyarika, mipai me'utiuyati:

<sup>12</sup> —Ketaneupitia tuixuri wahetsie temeutahaxianiki.

<sup>13</sup> Hiki Ketsutsi kaniwarupitiani. Kakaiyarixi memika'itiyatika me'ixinaka tewi, tuixuri wahetsie pita mekaneutahaxiani, 'etsiwatikaku huta miriyari meyupaimeme. Hiki yunaiti tuixuri mekaniutinautsa tekiata mekaneukaxirieni harakunapa, hiki mana mekaniukayunixiani.

<sup>14</sup> Hiki tuixuri wahiwemeteme mekaniuyuta'una, hiki kiekaritsie mekateniutaxata meta yeuta memuwakai wahetsia, hiki teiteri mekanekine meheunieriyuka kemituiyi. <sup>15</sup> Ketsutsi hetsia me'u'axiaka mekanixeya tewi kakaiyarixi meminikai, xeiwaxayari memiwiyakai, mekanixeya mana 'akame, heukemarimakame 'aixia re'iyarime, hiki mekaniutimamani. <sup>16</sup> Hiki kemi'ane memunenierixi mekateniwakuxaxatiwakaitini kemu'itiarie tewi, kemituiyi tuixuri wahepaitsita. <sup>17</sup> Ayumieme teiteri mekanitsutiani Ketsutsi wairiyarika me'ipitiati wakwiepa mika'uyeikaniki.

<sup>18</sup> Hiki kanuwatsie Ketsutsi kayeriximekaku, 'iya tewi kakaiyarixi meminikai wairiyarika kanipitiani hamatiana muyeikaniki. <sup>19</sup> Ketsutsi pika'ipitia, mipai pita katinitahiawe:



—'Akie kenemie 'amarema wahetsia, yaketiniwaretaxatia waikawa kemitiuyuri Ti'aitame ahetsieme, kemimatiutinenimayataxi.

<sup>20</sup> Miki kaneyani, hiki Tamamata Kiekarite mirakutewatsie kanitsutiani tikuxatati waikawa kemitiuyuri Ketsutsi hetsiena mieme. Yunaiti teiteri mekanihixiyakaitini.

**Kairu nu'aya meta 'uka mitikuyekai Ketsutsi 'ixurikieya mumayia**

*(Mar 5:22-43 – Mat 9:18-26, Ruk 8:41-56)*

<sup>21</sup> Merikitsi hutarieka 'anutaiye 'anuyaku kanuwatsie, yuwaikawati teiteri mekaniyukuxeirieni 'auriena harakuna tetsita 'uwegaku. <sup>22</sup> Merikitsi tuki mihiritiarie xewiti, Kairu titewati, mana kaninuani. Ketsutsi 'uxeyaka kaniutihiximakeni hixiena. <sup>23</sup> Wairiyarika kanipitiani mipai 'utaiti:

—Neniwe pemixime 'ukatiti. Kenemie hetsiena keneutime'i 'aixia reu'erieti mayaniki meta manutaniereki.

<sup>24</sup> Ketsutsi 'utimana kaneyani, hiki mekaniewiyakaitini teiteri yumiireti me'itsaipinati. <sup>25</sup> Hiki mana kaniuyeikakaitini watsata, 'uka mitikuyekai tamamata heimana huta wiyari miyuriekai xuriyaya kaheunuawekaku.

<sup>26</sup> Waikawa katiniuka'eniwakaitini yumiireme teyu'uayemawamete wahetsia 'axeti, tita mirexeiyakai naime katiniutixitiani tiyukutuayati, yutatexieka kwiniemieme matsi kaniiyini. <sup>27</sup> 'U'enaka Ketsutsi hepaitisita kemitikuxaxatsiwakai, 'ahurawa kaniuyani waritana teiteri watsata, Ketsutsi 'ikarieya kaniumayiani, <sup>28</sup> mipai katiniku'eriwakaitini: «'Ixurikieya xika ne'umayiani tsikere, 'aixia nereu'erieti nepayani». <sup>29</sup> Hiki yapauka xuriyaya kaneunuani, yuwaiyaritsie mipai katiniyumani miki kukuiniyaya kaneunuani.

<sup>30</sup> Hiki Ketsutsi yu'iyaritsie retimaika yitirikariyaki mi'axixiki xeime, yapauka ta'aurie 'aweka teiteri watsata mipai kaniutayini:

—ǂKemi'ane ne'ixuriki pumayia?

<sup>31</sup> Teyi'ikitawemetemama mipai mekatenitahiawe:

—Pewaxeyati teiteri naitsata mematsitsaipinakaku, “ǂkemi'ane pinetsi'umayia?”, peraine.

<sup>32</sup> Iya kananieretiyani, kemi'ane miyuri xeyake. <sup>33</sup> 'Uka 'uyiyiakati marikaki, timaiti kemitiuyi yuhetsie, hixiena kaninuani, mana 'utihiximakeka naime katiniutahekiata kemitiuyi.

<sup>34</sup> Hiki Ketsutsi mipai katinitahiawe:

—Neniwe, yuri pemiti'erieki 'aixia pereu'erieti pepatia. 'Aiyaritsie peka'uximatarieti kenemie, 'aixia pereu'erieti pekatiukakukuineta.

<sup>35</sup> Hiki mipai 'utainekaku 'akuxi, tuki mihiritiarie hetsia miemete mekanu'axiani mipai mete'itahiaweke:

—'Aniwe 'ari pemi. ǂTitayari ti'ikitame peti'uximatia 'akuxi?

<sup>36</sup> Ketsutsi waru'enieka mipai mete'ikihaweme, tuki mihiritiarie mipai katiniutahiawe:

—Pepikaheumaka, yuri ketine'erieka xeikia.

<sup>37</sup> Hiki teiteri pikawarupitia memenuweiyaki, Pekuru, Kakuwu yu'iwamakame Wani mame xeikia kaniwarupitiani. <sup>38</sup> Hiki tuki mihiritiarie

kie heta'aka teiteri meniukixiekame kaniwaruxeiya, me'utitsuaname meta me'utihiwame yumiireme. <sup>39</sup>Muwa heutahaka mipai katiniwarutahiawe:

—¿Titayari xeteyuxamurie meta xete'utitsuana? 'imari pikamiki, matsi pukutsu.

<sup>40</sup>Hiki miki mekani'atsekaitini, hiki yunaime waranuyeni'aka, 'imari muyekatsie kaniwareutawitini paapaya meta maamaya meta miki hamatiana memu'uwakai. <sup>41</sup>Hiki miki mamayatsie kawiereka, mipai katinitahiawe yuniukiki:

—*Tarita kumi* ('arameuki panuyine: 'imari 'aku, kenanukukexi nekamatinahiaweni).

<sup>42</sup>Hiki 'imari, tamamata heimana huta wiyari mexeyakai, yapauka kananukukeni meta kuyeikati kanayani. Miyamitiuyiki yunaiti mekaniutumamani yemeki. <sup>43</sup>Ketsutsi heitseriemeki yatiniwarutahiawe xewititima mikaretimaniki kemituiyi meta kaniwaruta'aitiani 'imari memiteminiki.

### **Ketsutsi Natsareti kiekariyaritsie kemituiyeikakai**

(*Mar 6:1-6 – Mat 13:54-58*)

**6** <sup>1</sup>Merikitsi mana kaneyani, yukiekaritsie kaninuani, teyi'ikitiwamete mekaneweyakaitini. <sup>2</sup>Hiki 'uxi piya tukari 'aye'aku, tukita kanitsutiani ti'ikitati. Miki memi'eniekai meyumiireti mekanihiyaxakaitini mipai me'utiyuati:

—¿'Iki meixeiya, hakewa pemieme? ¿'Iki ketiupitiarie mitimaiweniki? ¿Ketiupitiarie 'iniari mitirikawi mitiyurieneki? <sup>3</sup>¿'Iki kiyeki mireutawewiwe katihiki, Mariya nu'aya, Kakuwu, Kutse, Kura, Tsimuni wa'iwa katihiki? ¿'Ena tahetsia mekatetitei 'iwamama 'ukari?

Hiki mekanitixani'erieni. <sup>4</sup>Ketsutsi mipai katiniwarutahiawe:

—Kakaiyari niukameya naitserie 'aixia pitixeyarie, peru yukwiepa, yumarema watsata meta yukiita 'aixia pikatixeyarie.

<sup>5</sup>Mana pikayiwekai xeime mariwemeki mitiyurieniki, hipame tekwikwikate xeikia yuxexuime wahetsie 'utimeka 'aixia metehue'eriekame kaniwarayeitiani. <sup>6</sup>Yuri memikate'eriekaiki, kani'iyarixiekaitini. Hiki kiekarite 'etsimiyeyetsie katiniku'ikitanekaitini.

### **Tamamata heimana huta kemitwareutani'axia**

(*Mar 6:7-11 – Mat 10:1, 9-14, Ruk 9:1, 3-5*)

<sup>7</sup>Merikitsi tamamata heimana huta warukuxeiriekai, hiki kaniwareutani'axiani yuhutatame, heitserie warupitiaka kakaiyarixi 'axamemi'anene wahepaitsita.

<sup>8</sup>Meta kaniwaruta'imaiya tixaiti memikatehepineniki huyeta timieme, 'inia pikatixai, kitsiuri pikatixai, tumini pikatixai 'imanameta yemaneme, matsi xeikia 'itsi. <sup>9</sup>Yukakaitsie xeikia memeu'uixianiki, peru huta kamixayari memika'anakatikiniki katiniwaruta'aitiani. <sup>10</sup>Mipaia katiniwarutahiawe: «Hakewa xeme'axiani kiita, muwa xekeneyuhayewani 'atsita kepaukake xemiyeu. <sup>11</sup>Xika, xaitsie 'aixia 'anemeki xekahetanaki'eriwa, yatini

xika mekayuwairiyani memixe'enieniki, mana xe'ayekineme, tumuanari xekeneukatsixia yu'ikatetsie, mipai xeteyurieti xemitewatahekiatianiki wahetsie kemirahiiwani». <sup>b</sup>

<sup>12</sup> Hiki teyi'ikitiwamete mekaneutayeixiani, mipai metekuxatati, teiteri memitehayewaki 'axakememiteyurieki. <sup>13</sup> Yaxeikiata yuwaikawa kakaiyarixi 'axamemi'anene memiwanikai mekaniwarayeni'axiani, meta tekwikwikate yuwaikawa 'aixia mekateniwaruka'eritiani, hatseiti mewarukawiriwati.

### Ti'iyame Wani kemitiumerie

(Mar 6:14-29 – Mat 14:1-12, Ruk 9:7-9)

<sup>14</sup> Hiki Herurexi miti'aitametikai mana kwiepa kaniu'ena. Naitarie kaniutamariwa Ketsutsi kemi'ane mihikitikai. Mipai mekaniutyuanekaitini: «Wani Ti'iyame kaniyaneni, 'umika panukuke, 'ayumieme tirikariya kanexeyani mariwemeki mitiyurieneni».

<sup>15</sup> Hipatita mipai mekaniutyuanekaitini: «'Eriyaxi kanihikitini». Hipatita mekaniutyuanekaitini: «Kakaiyari niukameya kaniyaneni meripai miemete». <sup>16</sup> Herurexi matsi 'u'enaka mipai kaniutayini: «Wani kanihikitini nemita'aitaxi mu'uya manutiwitekieniki, miki kananukuketiarieni».

<sup>17</sup> Miki Herurexi meripaiti kaniwarutani'akaitini Wani memiwiwaki, katsarianata kanenutahiani. Mipai Heruriya mitinakekaiki, mipai katiniuyini Herurexi mitiwitiki yu'iwa 'iyaya, Heruriya mititewakai, Peripe 'iyaya. <sup>18</sup> Wani kawiyariweteti 'akuxi Herurexi mipai katinikihiawekaitini: «Pepikapitiarie pemewitikiniki 'a'iwa 'iyaya».

<sup>19</sup> Heruriya kani'uxiwe'eriekaitini, pitikuwaunekai Wani kehapai mitimieniki. <sup>20</sup> Herurexi Wani kanimakarikaitini, 'imaiti tewi heitseriemeki yamitikamie mihikitikaiki, mipatsiekaiki Kakaiyari hetsiemieme, kani'iwiyakaitini. 'Teniet' atsipikatimaikai keru mitiyurienikeyu, peru kaninakekaitini m'eniekaki.

<sup>21</sup> Merikitsi tukari kanaye'ani Heruriya Wani ma'iwaki, kepauka Herurexi 'ixiarari muwewi matinu'iwaxi tukariyaritsie. Te'aitamete, kuyaxi tewa'aitiwamete, Karereyataru wa'ukiyarima kaniwaruta'inieni. <sup>22</sup> Heruriya niweya 'uka heutahaka katiniutineini, hiki Herurexi kaninakire meta hamatiana memitekewakai yunaiti. Ti'aitame mipai 'iimari katiniutahiawe:

—Tita mimatinake kenetineutawawiri, ne nepimatsimini.

<sup>23</sup> Hiki yuriki kaniyihiritiani mipai rehiaweti:

—Tita peminetitawawirieni nepimatsimini, tsepa kwiepa nemira'aita hixiata 'arikame peminetiutawawiri.

<sup>24</sup> Miki 'iimari kaneyani mipai yumaama katiniuta'iwawiya:

—ǂKetita netitawawirieni?

Miki mipai katinita'eiya:

—Wani Ti'iyame mu'uya keneutawawiri.

<sup>b</sup> 6:11 Kiriyekutsie pikahenaniitia. RV60 penaniitia Yuriki mipai nepixerahiawe, Tsurumatari Kumuxatari kwini mieme mepikate'uximatiarieni, miki wahapai kepauka 'itsikame miwatakewieni miki kiekaritsie kiekatari kememite'uximatiarieni.

<sup>25</sup>Mexiima heutahaka ti'aitame hetsia, kanitawawirieni mipai 'utaiti:  
—'Ipaï kanetininakeni ne, hiki kwitiwa pepinetsiyetuirieni Wani Ti'iyame mu'uya, xakitsie yekaima.

<sup>26</sup>Hiki ti'aitame waikawa kaniyukahiwerieni, peru miyihiritiakaiki teiteri hamatiana memitekwaikai wahixie, 'ayumieme pikayuwairiyakai mita'imaiyaki. <sup>27</sup>Ti'aitame kuya kaniutani'ani kwitiwa, Wani mu'uya kaniuta'aita mi'atiirieniki. <sup>28</sup>Miki heyaka, mu'uya kananutiwiteni katsarianata. Xakitsie yekaima kani'atiirieni, 'iimari kaniyetuirieni, meta 'iimari yumaama kaniyetuirieni.

<sup>29</sup>Hiki mete'utamariaka, Wani teyi'ikitiwametemama mekanekine, kaxarieya mekanekweni, teukiyapa mekanaiteni.

### **Teiteri kemitwarumi 'auxiwime miriyari**

*(Mar 6:32-44 – Mat 14:13-21, Ruk 9:10-17, Wa 6:5-13)*

<sup>30</sup>Merikitsi ni'ariekate Ketsutsi hetsia mekaniyukuxeirieni, kememite'uyuri kememite'ikitakai mete'itaxatianike.

<sup>31</sup>Iya mipai katiniwarutahiawe:

—Kimitsi taxaita tepuhu makumawetsie, mana temeka'uxipieniki.

Hipati yuwaikawati mekania'axekaitini meta mekanekikakaitini, 'ayumieme tukari mepikahikai memitekwaniki.

<sup>32</sup>Hiki kanuwatsie mekanekine makumawetsie paiti meyuxaitame.

<sup>33</sup>Peru yuwaikawati mekaniaruxeiya mekaniwaretimani memayekitsie.

Naitsarie kiekaritsie kiekatari yuwaikawati yi'ikama mekanekine me'unautsaxiaximeti, me'anuyehaititiati mekaneta'axiani miki meri. <sup>34</sup>Hiki kepauka Ketsutsi manatitia kanuwatsie, teiteri kaniwaruxeiya yumiireme, hiki kaniwarutinenimayata, muxatsi yihiweme memikahexeiya wahepai memi'anenekaiki. Mana kanitsutiani tiwa'ikitiati waikawameki.

<sup>35</sup>Hiki tau 'akayunirimekaku, teyi'ikitiwametemama hetsiana mekaniyukuxeirieni mipai mekatenitahiawe:

—'Ena kanakumaweni, tau kanakayunirimeniri. <sup>36</sup>Keniarutateutiari teiteri 'ahurawa memitayeixianiki kiekarite 'etsimiyeuetsie meta 'emiyeyeuetsie, 'ikwai memiteyutinairieniki.

<sup>37</sup>Ketsutsi mipai katiniwaruta'eiya:

—Xeme pita xeketeniwarumikwa.

Miki mipai mekatenitahiawe:

—¿Tame tete'inanaiyu paa huta tsienituyari hetsie 'akame, temitewaminiki?

<sup>38</sup>Miki mipai katiniwarutahiawe:

—¿Kepaimeme paa xepexeiya? Xekeneuti'iwau.

Yametehetimaika, mipai mekatenitahiawe:

—Paa 'auxiwime meta tsapari yuhutame.

<sup>39</sup>Hiki kaniwaruta'aitiani yunaiti memukuyaxixianiki 'ixapa makutsiurauyetsie. <sup>40</sup>Merikite mekanekuyaxixiani xeitsienituyari meta huta tewiyari heimana tamamata meyupapaimeti. <sup>41</sup>Hiki paa 'auxiwime 'anu'ika meta tsapari yuhutame, taheima heutiniereti pamipariyutsi Kakaiyari kaniupitiani. Hiki paa 'utitaraka kaniwaru'itiani teyu'ikitiwamete

mikita teiteri memiwaminiki. Meta tsapari memiyuhuta kaniwarutimura yunaima wahetsiememe. <sup>42</sup>Yunaiti mekatenukwani mekaniutihuxani, <sup>43</sup>hiki teyü'ikitiwamete mekanikuxeirieni paa muyuhayewaxi tamamata heimana huta tsikiiwitiyari hipineme, meta tsapari memuyuhayewaxi. <sup>44</sup>Miki memite'ukwai 'ukitsi 'auxiwime miriyari mekaniyupaimekaitini.

### **Ketsutsi haa heima kemitiuyeikakai**

*(Mar 6:45-56 – Mat 14:22-36, Wa 6:15-21)*

<sup>45</sup>Hiki teyü'ikitiwamete kaniwarutamexiitiani kanuwatsie memikayaxeki miki meri memiyehuki 'anutaïye Wetsaira paiti, mexi miki teiteri wateutiánakai. <sup>46</sup>Warutateutiaka, hirtsie kanitiyune heyutanenewienike.

<sup>47</sup>Hiki 'ukuyireku, kanuwa harakuna hixiapa kaniuyewiekaitini, peru Ketsutsi kwiepa 'akuxi kaniuyeikakaitini yuxaita. <sup>48</sup>Ximeri 'etsiwatikaku kahekiaririmekaku, me'uximatariiekame kaniwaruxeiya wairiyarika kanuwa me'uwekirimeme, wahepa maye'ekakaiki. Ketsutsi wahepa kaniuyani harakuna heima 'umieti, wa'aurie kaniuyeyanikekaitini. <sup>49</sup>Miki me'ixeyaka haa heima 'amiekame, miki me'erieti mekaniutihwa, <sup>50</sup>waikawa memamati miyamemitenenierekaiki. Peru miki kaniwarutahiawe, mipai kaniutayini: «Kayuwati xeketeneuyaxi. Ne nepiyiane. Xepikamamaka».

<sup>51</sup>Hiki wahamatia kanuwatsie kayeriku, 'eka kaneunuani. Miki yemeki kwinimieme mekatenihihiyakaitini, <sup>52</sup>paa hepaitsita kemitiuyi 'atsimepikatehetimawewekai, matsi yu'iyaritsie mepiweraranikai.

<sup>53</sup>Hiki 'anutaïye me'anukineka Kenetsareti kwieyaritsie mekaniye'axiani. Mana mekanekuwieni kanuwa. <sup>54</sup>Kanuwatsie me'anatikineku, yapauka kiekatari Ketsutsi mekanetimani. <sup>55</sup>Naitsarie miki kwieyaritsie mekaneutayeixiani, hiki mekanitsutiani tekwiwkikate mewa'atiwati 'itaritsie me'aheitikaime me'imarieti hakewa meyeikakai. <sup>56</sup>Naitsarie kemitikuyeikakai, kiekarite 'etsimiyeyeutsie, 'emiyeyeutsie, yeuta, tekwiwkikate kiekari hixiapa mekanikutuariwakaitini, wairiyarika me'ipitiati tsikere 'ixurikieya tetsimeyaritsie memimayianiki, yunaiti kemi'ane memimayia 'aixia meteheu'erieti mepakikakai.

### **Tita ka'itiyakame meyeitia tewi**

*(Mar 7:1-23 – Mat 15:1-20)*

**7** <sup>1</sup>Merikitsi 'auriena mekaniyukuxeirieni paritseutsixi meta hipatita 'iniariki memite'ikitametetikai Kerutsareme memeyekinekai, <sup>2</sup>mekaniwaruxeiya teyü'ikitiwametemama hipati metekwakame wamamä ka'itiyakaku mekamaimatikaiti huriyutsixi wayeyari kemi'ane. Mekaniniukixiekaitini miki. <sup>3</sup>(Paritseutsixi meta hipati huriyutsixi teiteriyari yunaiti, xika kwinimieme meka'utimaimani, tixaiti mepikatekwaka, yututsima wayeyaritsie yametekahuti. <sup>4</sup>Tetuayamete wakiita retinaneme, pikatikwaka katihauxinietikaime. Waikawata miireti yeiyari kanixuaweni yamemitekahuniki, tekixite, xarite, katsute kememite'itie). <sup>5</sup>Hiki paritseutsixi meta 'iniariki te'ikitamete mipai mekatenita'iwawiya: —¿Titayari yututsima wayeyaritsie yamekatekahu 'ahetsia miemete teyü'ikitiwamete, wamamate ka'itiyatikaikaku metekwa'a?

<sup>6</sup>Miki mipai katiniwaruta'eiya:

—Kitsariyaxi 'aixia putayi tihekiatati xeme xehepaitsita, xemite'itawa, mipai katine'uka:

»“Iki teiteri yuteniki xeikia 'aixia meputiyuane nehepaitsita, peru wa'yari 'ateewa puyeika.

<sup>7</sup>Yaki xeikia mekanenayexeyani, tita memite'ikita, teiteri wa'aitsika pihiki xeikia”.

<sup>8</sup>Tita miti'aitakai Kakaiyari xete'uhayewaka, teiteri wayeyaritsie xeteniwiyani, tekixite harewemetete kexemitehaxina, tawarita hepaina miireme kexemiteyurie».

<sup>9</sup>Mipaita katiniwarutahiawe:

—Xeme xeikia yuyeyaritsie yaxetekahuti xekanakine, xe'ihayewaka tita Kakaiyari miti'aita. <sup>10</sup>Muitsexi mipai kanainekaitini: “Yaketinekamieni kememaitika 'apaapa meta 'amaama”. Tawarita mipai kanaineni: “Kemi'ane 'axamutaineni yupaapa meta yumaama wahepaitsita, ke'umierieni”. <sup>11</sup>Xemetsi pita mipai xekateni'ikitani: “Tewi piyiwe mipai mitikihiaweni yupaapa yatini yumaama, nepiini naime kimana nemimatsiparewienikeyu, miki *kuruwani* kanihikitini” (nepimini Kakaiyari manuyine). <sup>12</sup>Ana miki wairiyarika pikapitiarie 'atsimitiyurieniki yupaapa yatini yumaama hetsiemieme. <sup>13</sup>Xekaneyeitiani Kakaiyari niukieya, yaxetekahuti yuyeyaritsie, xemiyukuxaxatiwa. Waikawameki xepiteyurie 'iki hepai.

<sup>14</sup>Tawarita yu'aurie waruta'inieka teiteri, mipai katiniwarutahiawe:

—Xekeneneu'eni yunaiti, meta xeketenemaiwaweni: <sup>15</sup>Tewi 'aurie tixaiti pikatixuawe hetsiena heutahame miyiwe ka'itiyakame meyeitiani. Tita taitana miratineika, miki pita kanihikitini tewi ka'itiyakame mayeitiwa.

<sup>16</sup>Xewitineti mu'enaxi ke'u'ena.

<sup>17</sup>Hiki teiteri waruku'eirieku, kiita heutahaku, teyi'ikitiwametemama mekanita'iwawiya 'ixatsi hepaita kemiti'ikitakai.

<sup>18</sup>Miki mipai katiniwarutahiawe:

—¿Kari xemeta 'atsixepikatemaiwawe wahepai? ¿Xeme mipai xekatehetimaiwe, naiti tewi 'aurie mitixuawe hetsiena heutahame pikayiwe ka'itiyakame meyeitiani? <sup>19</sup>Iyarieyatsie mikahautahakeki, yuriepana pita kaneukahakeni, 'ariketa kanihiamiki.

Mipai 'utaiti, naime 'ikwai 'itiyakame kanixatakaitini. <sup>20</sup>Tawarita mipai kaniutayini:

—Tita tewi taita miratineika, miki pita kanihikitini tita ka'itiyakame meyeitia. <sup>21</sup>Kariki teiteri wa'iyaritsie katinimiemetini, 'axa'iyaritariika, kememiteyukumaiwa teiteri kemikatiheitserie, <sup>22</sup>'inawari, xeime kemitiumieni, xeime kemitiukumayiani kayi'ia kayikina, katiyupini mitihiwe'erie, 'axakememiteyurie, 'irimari, kememiteyukahiwe'erie merukuyatiweti, kememiteyukwatsirie, 'axaniuki hipame wahepaitsita, kememiteyukatawe'erie meta yaki xeikia kememiteyikihiawe.

<sup>23</sup>Miki naiti 'axamiti'ane, wataita katinimiemetini, meta tewi ka'itiyakame kanayeitiwani.

**Yuri kemiti'eriekai 'ukaratsi tsirupenitsiyatanaka**

(Mar 7:24-30 – Mat 15:21-28)

<sup>24</sup>Hiki mana yeyaka, Tiru kwieyaritsie kaneyani.<sup>c</sup> Mana kiita kaneutahani, xewiti tima pika'imariekakekai pira'eriwakai Ketsutsi, peru pikayiwekai mana miyuhayewaki kamariwati. <sup>25</sup>Merikitsi, 'ukaratsi kaniu'ena hepaitaitana, kakaiyari mika'itiya kaninikaitini miki nu'aya 'ukatime, hiki 'ukaratsi kwitiwa hetsiana nuaka, hixiena kaniutihiximakeni.

<sup>26</sup>Miki 'ukaratsi kanikiriyekutikaitini, Tsirupenitsiyatsie kaninuiwametikaitini, wairiyarika kanipitiakaitini meyen'aniki kakaiyari 'axami'ane mixinaki niweya.

<sup>27</sup>Ketsutsi mipai katinitahiawe:

—Kaneuyeweka tiiri meri memitihuxaniki, 'aixia pika'ane xika yuniwema paa warunawairieni, tsiikiri pita xika warumini.

<sup>28</sup>'Ukaratsi mipai katinita'eiya:

—Yuri peputaine Ti'aitame, peru 'atsita tsiikiri mepitikwa'a tiiri memitekuhayeikawa mexatia mikawiwiwe temixikiyari.

<sup>29</sup>Ketsutsi mipai katinitahiawe:

—'Aixia pemutayiki, kenemieri 'aixia 'iyari, kami kakaiyari 'axami'ane 'ari kanixina 'aniwe.

<sup>30</sup>Hiki yukie heta'aka kanitaxeiya yuniwe 'utatsie kakaima, kakaiyari 'axami'ane 'ixinaku.

**Ketsutsi kemirenayehia tewi mikaheu'enakai minenuriekai**

(Mar 7:31-37 – Mat 15:29-31)

<sup>31</sup>Hiki Tiru kwieyaritsie heyeyaka Tsiruni kwieyaritsie kaneyeyune. Tamamata Kiekarite mirakutewatsie 'uyeyaka, Karereya harakunayaritsie kaneta'ani. <sup>32</sup>Mana mekani'atiirieni tewi mikaheu'enakai minenuriekai, wairiyarika mekanipitiani hetsiena mutimeniki.

<sup>33</sup>Yatewa heiwitika yixaitame teiteri memika'anu'uwatsie, nakatana yu'itiwame kaneuka'uitiani, meta 'uta'aitsikawieka nenieya kaniumayiani. <sup>34</sup>Yuheima heutinierika Ketsutsi kaniuka'ietiyani, yuniukiki mipai tewi katiniutahiawe: «'Epata» (taniukiki kewatipyetikani panuyine). <sup>35</sup>Yapauka yunakata kaniwatiyepierixiani meta nenieya kaniuxinarieni, heitseriemeki 'utaniuti kanayani.

<sup>36</sup>Hiki kaniwaruhiritiani xeime memikatehekuxaxatiwaniki, peru kemitiwaruhiritia, mime matsi yemeki mekatenikuxatakaitini naitarie. <sup>37</sup>Waikawameki mekanihixiyakaitini teiteri yame'utiyuati: «Naime 'aixia katiniuyurieni, miki memikaheu'enanakai meheu'enanakame kaniwarayeitiwani, miki memikaniuwawekai menuwaweme kaniwarayeitiwani».

<sup>c</sup> 7:24 RV60 paine *Tiro y de Sidón*.

### Ketsutsi teiteri nauka miriyari kemitiwarumi

(Mar 8:1-21 – Mat 15:32-39, 16:1-12)

**8**<sup>1</sup> Merikitsi 'anapaititi tawarita yumiireti teiteri meyukuxeiriekü, 'ikwai mekahexeyakaku, Ketsutsi yu'aurie tey'i'ikitiwamete warutakwewieka, mipai katiniwarutahiawe:

<sup>2</sup>—Ne 'iki teiteri nepiwareunenimaya, haika tukariri mekaniyurieka nehetsia meta 'ikwai mepikahexeyia. <sup>3</sup>Meyehakakwitiweme xika newareutani'axiani wakie, huyeta mepe'amixiani, hipati 'ateewa paiti mekaniekataritini.

<sup>4</sup>Hiki tey'i'ikitiwamete mipai mekatenita'eiya:

—¿Hakewa tepeikaxeyia paa miyapaimeme 'ena makumawetsie temitewaminiki?

<sup>5</sup>Ketsutsi mipai katiniwaruta'iwawiya:

—¿Kepaimeme paa xepexeyia?

Miki mipai mekaniutiyuani:

—'Atahutame.

<sup>6</sup>Hiki katiniuta'aita teiteri memukuyaxixianiki kwiepa. Paa 'atahutame 'anu'ika, pamipariyutsi Kakaiyari kaniupitiani, hiki kanititara paa meta tey'i'ikitiwamete kaniwayetuirieni memiwata'itianiki teiteri, hiki miki mipai mekatenikakine. <sup>7</sup>Yapaimemeta ketsite mekaniwarexeyiakaitini 'etsimemipepe. Pamipariyutsi 'ipitiaka Kakaiyari, meta katiniuta'aita ketsite memimikienikita. <sup>8</sup>Teiteri mekateniukwani yemeki mekaniutihuxani. 'Arike tey'i'ikitiwamete mekanikuxeirieni tarimeyari muyuhayewaxi, 'atahuta tsikiiwitiyari hipineti patia. <sup>9</sup>Memite'ukwai 'etsiwatikaku nauka miriyari mekaniyupaimekaitini. Hiki warutateutiaka, <sup>10</sup>tey'i'ikitiwamete wahamatia yunaiti kanuwatsie mekanikayaxe, Rarumanuta mirakutewatsie mekanekine.

<sup>11</sup>Hiki paritseutsixi mekaniu'axiani, mekanitsutiani niuki mexiatiasi hamatiana, me'iwawirieti 'iniari memixeyaki muyuawitsie mieme, me'iniatakuti. <sup>12</sup>Miki 'uka'ietiyaka mipai kaniutayini: «¿Titayari 'iniari mamariwaweme meteku'iwawa hiki miemete? Yuriki mipai nepitixekihawe, yemeki 'iniari mepikapitarieni hiki miemete». <sup>13</sup>Waruku'eirieka hutarieka kanakayerini kanuwatsie, 'anutaieye paiti kaneyani.

### Tiyukuxanariyame paritseutsixi wahetsia mimieme

<sup>14</sup>Merikitsi tey'i'ikitiwamete 'ikwai memanu'inikekai mepitehatimai, xeime xeikia mepexeyakai paa kanuwatsie.

<sup>15</sup>Hiki Ketsutsi mipai katiniwaraye'eritiani:

—Yumarima 'aixia xekenyukweriwayurieka tiyukuxanariyame hepaitisita paritseutsixi wahetsia mieme meta Herurexi hetsia mieme hepaitisita.

<sup>16</sup>Miki mipai mekateniyutahiawekaitini: «Paa temikaheye'iiki miya kanaineni».

<sup>17</sup>Ketsutsi retimaika kememiteyitahiawekai, mipai katiniwarutahiawe:

—¿Titayari niuki xetexiatia paa tepikahexeyia xeteyikihiaweti? ¿Xekate'enana, xekatemaiwawe 'akuxi? ¿Xe'iyari 'akuxi titsetse'i? <sup>18</sup>¿Xehahixitikaititi xekateheuneniere, xe'unakatiti xekateheu'enana? ¿tixaiti xekateha'eriwa?



19'Auxiwime payari ne'utitaraku 'auxiwime miriyari wahetsieme, ¿kepaime kiriwayari hipineme xepukuxeiri muyuhayewaxi?

Miki mipai mekaniutiyuani:

—Tamamata heimana hutame.

20Tawarita mipai katiniwarutahiawe:

—Meta kepauka 'atahuta payari nemutitaraxi nauka miriyari wahetsieme ne'utitaraku, ¿kepaime kiriwayari xepukuxeiri muyuhayewaxi?

Miki mipai mekaniutiyuani:

—'Atahutame.

21Hiki mipai katiniwarutahiawe:

—¿'Akuxi xekatehetimawawe?

### **Mikaheunierikai heuniereti kemirayeitairie Wetsairatsie**

22Hiki mekaneta'axiani Wetsaira paiti. Hiki mana teiteri mekani'atirieni tewi kaheuniereme, wairiyarika me'ipitiati mimayaniki. 23Hiki mikaheunierikai mamayatsie tiwiereka, kiekari tetsita paiti kaneihana. He'aitsikamaxiaka hixitana, hetsiena 'utimeka, mipai katinita'iwawiya:

—¿Hikiri petiniere?

24Hiki 'anieretiyaka mipai kaniutayini:

—Teiteri nepiwaxeyia, meta 'iteiri muku'uwani hepai nepitiniere.

25Hiki hutarieka hixitana neumeixiani, tewi kananutaniere: 'aixia reuniereti kanayani, naime katiniuxeiya yemeki. 26Hiki Ketsutsi kanitani'ani kiena mipai titahiaweka:

—Kiekaritsie pepikaheumieni, xeime pepikaraxaxatiwani.

### **Pekuru kemitiyutahekiataxi**

(*Mar 8:27-29 – Mat 16:13-16, Ruk 9:18-20*)

27Hiki Ketsutsi tey'i'ikitwamete wahamatia yunaiti mekanekine, kiekarite 'etsimiyeyetsie mekanu'uwakaitini Tsetsareya Piripu 'aurie. Hiki huyeta me'uhuti, mipai katiniwaruta'iwawiya tey'i'ikitwamete:

—¿Teiteri keme'utiyuane kemi'ane nepihiki ne?

28Miki mipai mekatenita'eiya:

—Hipati mipai mekaniutiyuaneni, Wani Ti'iyame kename pehiki, hipatita 'Eriyaxi kename pehiki, hipatita xewiti Kaka'iyari niukameya kename pehiki.

29Hiki mipaita miki katiniwaruta'iwawiya:

—¿Xemete kexe'utiyuane, kemi'ane nepihiki ne?

Pekuru mipai katinita'eiya:

—'Eki Kiritsitu pekanihikitini.

30Hiki kaniwaruhiritiani hepaitisana nixeime memikatehaxaxatiwaniki.

### **Ketsutsi kemitihekiatakai kemitimierienikekai**

(*Mar 8:31-9:1 – Mat 16:21-28, Ruk 9:22-27*)

31Hiki kanitsutiani tiwa'ikitiati, mipai 'utaiti:

—Kaneuyeweka 'akuxi ne Yuri Tewi kenemititewa waikawa nemitikwineki, ta'ukiyarima, mawari wewiwamete tewa'aitwamete, meta 'iniariki

memite'ikitamete mekanenitixani'eriekuni. Kaneuyeweka nemimierieniki, meta hairieka tukaritsie nemanukukeniki.

<sup>32</sup>Mipai katiniwakihawekaitini hahekiakameki katiwaranukanamirieti. Hiki Pekuru yatewa heiwitika kanitsutiani 'iku'imaiyati. <sup>33</sup>Ketsutsi ta'aurie 'aweka, hipame waruxeyaka teyi'ikitiwamete, Pekuru kaniuta'imaiya mipai 'utaiti:

—Xaitsie keneuye'a Kauyumarie. 'Eki Kakaiyari hepai pepikare'iyari, teiteri wahepai xeikia pepire'iyari.

<sup>34</sup>Hiki yu'aurie warutakwewieka teiteri meta teyi'ikitiwamete, mipai katiniwarutahiawe:

—Tewi xika yuwairiyani nehamatia muyeikaniki, ketihayewani kemitinake yuhetsieme tiyurieneti, keyuwairiyani tsepa kuruxitsie mimerie, meta nehetsie ketiwiyani. <sup>35</sup>Kemi'ane yutukari miwikweitsitiamiki

kanitatimayamiki, peru kemi'ane yutukari mitatimaiya nehetsieme, niuki 'aixia manuyine hetsieme, miki kanitawikweitsitiamiki. <sup>36</sup>Tixaiti pikarayeika xika tewi kwiepa timieme naima rai'wa, yaxekia yutukari kanitatimayamiki. <sup>37</sup>Nixewiti pikayiwe mitiyutuanu yutukari hetsieme.

<sup>38</sup>Hiki miemete hipame wa'itama memiwakumaiwa 'axamemiteyuruwa watsata 'uyeikati, kemi'ane minetsitewiya mitewiya neniuki, neta Yuri Tewi kenemititewa nekanitewiyakamiki 'iya kepauka nemunuani ne'ukiyari hepai nemariweti, netupiritsixima memipatsie Kakaiyaritsie mieme wahamatia.

**9**<sup>1</sup>Hiki mipaita katiniwarutahiawe:

—Yuriki mipai nepixerahiawe, hipati 'ena memuwawa mepikakwini mexi mekanenieriwawe kemitiyini kepauka Kakaiyari munuani tirikaiyemeki ti'aitati.

### **Ketsutsi yiki 'aneti kemiratia**

*(Mar 9:2-13 – Ruk 9:28-36, Mat 17:1-13)*

<sup>2</sup>Hiki 'ataxewime tukari 'anukayaku Ketsutsi kaniwarewitini Pekuru, Kakuwu meta Wani, yemuri 'amanutitewitsie yuhikiame. Hiki mana wahixie yiki 'aneti kanayani. <sup>3</sup>Kemarieya xawatiti kanayani kwi tuxati 'iwi hepai, kwiepa muxuawe tituriyame mipai 'aneme meyeitiani pikayiwe.

<sup>4</sup>Mana 'Eriyaxi meta Muiisexi mekanuuyuhekiata, miki Ketsutsi hamatia mekatenukaxatakaitini. <sup>5</sup>Hiki Pekuru mipai Ketsutsi katiniutahiawe:

—Ti'ikitame 'aku, 'aixia kani'aneni 'ena temuwaki. Kamitsi xamaru tepitiwewieni haikame, 'ahetsieme xeime, Muiisexi hetsieme xeime meta 'Eriyaxi hetsieme xeime.

<sup>6</sup>Atsipikatiyumaiwekai kemitayini, yunaiti waikawa memumamakaiki.

<sup>7</sup>Hiki yapauka haiwitiri kaniwaranukanani, hiki miki haiwitiritsata xewiti kanetaniuni mipai 'utaiti: «'Iki kanineniwetini neminaki'erie. Xekene'enieka».

<sup>8</sup>Yapauka, mehanieretikineka naitserie, xeime mepika'uxei wa'aurie 'uweme, Ketsutsi xeikia mekanuuxeiya.

<sup>9</sup>Hiki yemuritsie me'akahuti, Ketsutsi kaniwaruhiritiani nixeime memikatehaxaxatiwaniki kememite'unenierixi, kepaukake Yuri Tewi mikite watsata manukukeni. <sup>10</sup>Kemainekai yamepittekaki mepikate'utaxa, peru miki niuki mekanixiatikaitini tita mitixatakai «mikite watsata manukukeni».

<sup>11</sup> Hiki mipai mekatenita'iwawiya:

—¿Miki 'iniariki memite'ikitamete titayari mipai mete'utiyuane kename heuyewetse 'Eriyaxi meri munuani?

<sup>12</sup> Miki mipai katiniwaruta'eiya:

—Kaniyuritini. 'Eriyaxi meri kaninuamiki, 'aixia mitiyurieni tinaime. ¿Matsi kere'uxa Yuri Tewi hepaitsita, kemireuyewetse waikawa mitikwineki mixani'eriwaniki? <sup>13</sup> Peru ne mipai nepixekihawe, 'Eriyaxi 'ari kaninuani, meta kemitwanakakai yamepiyuri, mipai kemire'uxa hepaitsitana.

**Ketsutsi 'aixia reu'eriekame temaiki kemirayeitia kakaiyari  
'axami'ane 'iwiyakaku**

*(Mar 9:14-28, 30-32 – Mat 17:14-19, 22-23, Ruk 9:37-45)*

<sup>14</sup> Merikitsi kepauka memu'axia hipati teyi'ikitiwamete mematitekaisie, yumiireme teiteri mekaniwaruxeyia wa'aurie meta 'iniariki memite'ikitametetikai niuki mexiatiakame wahamatia. <sup>15</sup> Hiki yapauka teiteri me'ixeyaka mekaniuhixiyani meta hepana mekaniutinautsa mekanitawairitiani.

<sup>16</sup> Miki mipai katiniwaruta'iwawiya miki 'iniariki memite'ikitametetikai:

—¿Titaki niuki xetexiatiakai wahamatia?

<sup>17</sup> Xewiti tewi mipai katinita'eiya:

—Neuxei ti'ikitame, neniwe 'uki nepimatsi'atiiri, kakaiyari 'axami'ane pini'i pika'ipitia mitaniuniki. <sup>18</sup> Kepauka mikuwiwiya, petihipa. Kwaimuxari putahewa, yutameteki pitiutakewe meta naraniti payeika. Ne nekaniwarutawawirieni teyi'ikitiwamete 'ahetsia miemete 'aixia reu'eriekame memayeitianiki, peru mepika'uyiwexaxia.

<sup>19</sup> Hiki Ketsutsi mipai kaniutayini:

—Xeme hiki xemimiemete yuri xepikate'erie. ¿Kepaimexia peuyewetse 'akuxi xehamatia nemuyeikani? ¿Kepaimexia 'akuxi nepitixenewiriekai? Xekenawitiki miki temaiki.

<sup>20</sup> Hiki mekani'atiirieni. Miki kakaiyari 'axami'ane Ketsutsi 'uxeyaka, yapauka temaiki kaniutanini kwiepa kanikahiani meta kanikurupenekaitini 'atakwaimuxati.

<sup>21</sup> Ketsutsi mipai katinita'iwawiya paapaya:

—¿Kepaimexiari miyapi'ane?

Miki mipai kaniutayini:

—Nunutsiyari paiti. <sup>22</sup> Heiwa taipa kanehipani meta hapa 'imienike. 'Eki xika peyiweni tixaiti pemitiyurieni, ketaneutinenimayata meta ketaneuparewi.

<sup>23</sup> Ketsutsi mipai katinitahiawe:

—¿Ketitayari peraine, xika neyiweni? Kemi'ane yuri miti'erie, hetsiena mieme naiti pitiyiwe.

<sup>24</sup> Hiki temaiki paapaya mipai katiniuhiwa:

—Huu yuri nepiti'erie. Keneneuparewi xika 'etsiwa xeikia yuri neti'erieka.

<sup>25</sup> Ketsutsi meyumiireme teiteri waruxeyaka 'ame'anautsaxiiximeme hepana meyukuxeirienike, 'iyari 'axami'ane kaniutatieni, mipai tikihiaweti:

—Keneu'ena 'iyari 'axami'ane, pemika'ipitia mitaniuniki meta meu'enaniki, ne nekamenini'aka pemixinaki meta tawarita pemika'ikuwiiyaniki.

<sup>26</sup>Iyari 'axami'ane, kaniutahiwa meta karima hau'erieti kanetihiani kanitayiyakatsitiani. Miki hepai 'aneti kanayani temaiki, 'ayumieme 'etsiwatikaku yunaiti mipai mekaniutiyuani: «Kaniuminiri».

<sup>27</sup>Peru Ketsutsi temaiki mamaya 'uwiyaka kanenukuhana, hiki temaiki 'akaniutakeni.

<sup>28</sup>Hiki kiita heutahaku, teyi'ikitiwametemama yihikiate mipai mekatenita'iwawiya:

—¿Titayari tame teteyutatexi te'eyeni'anike?

<sup>29</sup>Miki mipai katiniwarutahiawe:

—Yunenewieti xeikia kaniyiweni meyeni'aniki 'ipai 'aneme.<sup>d</sup>

<sup>30</sup>Hiki mana mekanekine, Karereya kwieyaritsie mekaniuyekine.

Pika'inakekai xewiti mititamarieniki, <sup>31</sup>teyi'ikitiwamete katiniwa'ikitiakaitini. Mipai katiniwakihawekaitini: «Yuri Tewi kenemitihiki, nekaniyetuiyamiki teiteri wahetsia. Miki mekanenimiekuni, nemierieme hairieka tukari 'anukayayu nekananukukemiki».

<sup>32</sup>Peru miki 'iki niuki mepikahetimaiwawekai, meta mekanimamakaitini me'ita'iwawiyake.

### **Kemi'ane matsi mimariwe**

*(Mar 9:33-37 – Mat 18:1-5, Ruk 9:46-48)*

<sup>33</sup>Merikitsi Kaperunaume mekaneta'axiani. Kiita meheutahaxiaku mipai katiniwaruta'iwawiya:

—¿Titaki niuki xetehexiatiakai huyeta?

<sup>34</sup>Miki kayuwati xeikia mekaniumakaitini, niuki memixiatiakaiki huyeta kemi'ane miki matsi waikawa meuyewekai.

<sup>35</sup>Hiki 'a'ayerika, tamamata heimana yuhutame waruta'inieka yu'aurie, mipai katiniwarutahiawe:

—Xewiti xika mexiakame 'ayeimikini, kaneuyeweka yunaime waparewiwame mayuyeitianiki 'imatireme mayuyeitianiki.

<sup>36</sup>Hiki nunutsi 'ahanaka wahixiapa kanitakeni. Meta 'itituka mipai katiniwarutahiawe:

<sup>37</sup>—Kemi'ane mitanaki'erieni xeime 'iki tiiri nehetsia miemeki, kemi'ane minetsitanaki'erieni, nexeikia pikanetsitanaki'erieni, matsi kemi'ane minetsiheyeni'a kanitanaki'eriemikita.

### **Kemi'ane mikatatsi'aye'unie miki tahetsie katiniwiyani**

*(Mar 9:38-40 – Ruk 9:49-50)*

<sup>38</sup>Wani mipai katinitahiawe:

—Ti'ikitame, xeime tahetsie mikatiwiya tekanexeiya warayeni'awame kakaiyarixi 'axamemi'anene, 'ahetsia waniu miemetiti. Miki tahetsie mikatiwiwaki, 'ayumieme tepikaheipitia.

<sup>d</sup> 9:29 RV60 *yunenewieti meta yuhakieti paine.*

<sup>39</sup>Ketsutsi mipai kaniutayini:

—Xepikaheiku'imaiyani. Tewi xika tirikaiyemeki 'iniari tiyurieneni, mipai 'utaiti kename nehetsia mieme, pikayiwe nehapaitsita 'axamaineniki. <sup>40</sup>Kemi'ane mikatatsi'aye'unie, tahetsie katiniwiyani. <sup>41</sup>Kemi'ane xeitekixiyari mixeharitaniani Kiritsitu hetsia miemete xemihikiki, miki yu'iwarika pikareuyehiani pitipitarieni.

### Titaki mititiketamire

<sup>42</sup>»Peru, kemi'ane yu'iwa 'axamiyurieni 'iki tiiri yuri memite'erie nehetsie, 'aixia kaniyimiki matsi matá mahete xika 'akatitiarienike kiipieyatsie meta xika haramaratsie heukahiiyanike. <sup>43</sup>Xika 'amamaki 'axapetiurieneni, kenawiteki. 'Aixia kaniyimiki matsi xika peheutahani tukari maxuawetsie pemamapuruti, keyuri hutame mamayari pehexeyati yuheyemeki mita'atsie xika peheukahiiyani. <sup>44</sup>Mana kwitsi miwakime pikamini tai pikatiweni. <sup>45</sup>Xika 'a'ikaki 'axapetiurieneni, kenawiteki. Matsi 'aixia piyini xika pe'ikapuruti peheutahani tukari maxuawetsie, keyuri hutame 'ikate pehexeyati tai yuheyemeki mita'atsie xika peheukahiiyani. <sup>46</sup>Mana kwitsi miwakime pikamini tai pikatiweni. <sup>47</sup>Meta, xika 'ahixiki 'axapetiurieneni, keniwayetu'i. Matsi 'aixia kaniyimiki tapa xeikia peheuniereti pemeutahaniki Kakaiyari mira'aitatsie, keyuri hutame hixite pehexeyati taipa peheukahiiyaniki. <sup>48</sup>Mana

»“kwitsi miwakime pikamini,  
meta tai pikatiweni”.

<sup>49</sup>Yunaiti mekani'itiyakuni taiki, naiti mawari kemiti'itiwa 'unaki.

<sup>50</sup>»'Una 'aixia kani'aneni, peru xika 'una hamuriti 'ayani, ztitaki ha'utsiwime xeteheyeitianikeyu 'una? 'Una xekenexeiyani yuhetsie 'aixia xeteyuxeiyati».

### Ketsutsi kemiti'ikitakai 'uki yi'ya muku'eiri hepaysita

(Mar 10:1-12 – Mat 19:1-9)

**10**<sup>1</sup>Merikitsi mana kaniyeyani, Kureya kwieyaritsie kaneyani, Kurutani hatuxameyaritsie 'anutaiye. Mana tawari teiteri hetsiana mekaniyukuxeirieni, kemitiyeyariyatikai, mikita katiniwaruti'ikitiatiyani.

<sup>2</sup>Hiki 'ana, paritseutsixi hetsiana mekaniu'axiani me'ita'iniatake, mipai mekatenita'iwawiya:

—ZTiyiwe tewi yi'ya muku'eirieni?

<sup>3</sup>Ketsutsi mipai katiniwaruta'eiya:

—ZKetixe'u'aitia Muitsexi?

<sup>4</sup>Miki mipai mekatenitahiawe:

—Muitsexi 'uki kaniupitiani 'eiriya xapayari mitawewirieniki hiki 'ana miku'eirieniki.

<sup>5</sup>Ketsutsi mipai katiniwaruta'eiya:

—Yu'iyaritsie xemitsetse'iki 'ayumieme 'iki 'aitiarika kanixe'uta'utiirieni.

<sup>6</sup>Peru matiaripaiti naiti mitiunetiarietsie Kakaiyari “kaniwarutiwewieni 'uki meta 'uka”. <sup>7</sup>“Ayumieme 'uki kaniyupatamiki, yupaapa yumaama wahetsia kaniyeyemiki, yi'yatsie katiniwiyamiki pita, <sup>8</sup>memiyuhutakai

xeiwaiyari mekanakinikuni meyuxewiti". 'Ayumieme mepikayuhutari, matsi mekaniyuxewini. <sup>9</sup>Ayumieme, Kakaiyari mitiutaxewiriyaxiki, tewi pikawataxiexiani.

<sup>10</sup>Hiki kiita me'ayeteti, teyi'ikitiwamete tawari mekanita'iwawiya 'iki hepaitisa kemutayi.

<sup>11</sup>Ketsutsi mipai katiniwarutahiawe:

—Kemi'ane miku'eiri yu'iya, xeime pita mutiwiti, miki xeime 'iyaya kanikumaiwani. <sup>12</sup>Meta 'uka xika yikina 'uku'eirieni, xeime pita xika 'utikinata, miki kanikumaiwani kemi'ane mikayukina.

### **Ketsutsi meta tiiri**

*(Mar 10:13-16 – Mat 19:13-15, Ruk 18:15-17)*

<sup>13</sup>Hiki hetsiana mekanywa'atiwakaitini tiiri wahetsie mutimeniki, peru teyi'ikitiwamete mekaniyarutate'akaitini memiwa'atiwakai. <sup>14</sup>Ketsutsi waruxeyaka teyi'ikitiwamete kememiteyuriekai kaniuyeha'ani, mipai katiniwarutahiawe: «Xekeniwapitiaka tiiri nehetsia memi'axeniki, wahixie xepika'u'uka, mipai memi'anene kaniwahetsiemietini Kakaiyari mira'aita. <sup>15</sup>Yuriki mipai nepixerahiawe, kemi'ane mika'itanaki'erieni Kakaiyari kemiti'aita nunutsi hepai yuri ti'erieti pikayiwe mana meutahani». <sup>16</sup>Hiki warutitikititi, wahetsie 'utimemeti 'aixia kaniwayuriekaitini.

### **'Uki mixikutikai**

*(Mar 10:17-31 – Mat 19:16-30, Ruk 18:18-30)*

<sup>17</sup>Merikitsi Ketsutsi kepauka miyemieximekairi, hiki tewi 'unautsarimeti hetsiana kaninuani, hixiena kaniutitunumakeni, mipai tiku'iwawiyati: —Ti'ikitame 'aixia pemitiuka'iyari 'aku, ŷkenetiyurieni nehetsie mitinakeki tukari mikaxiwe?

<sup>18</sup>Ketsutsi mipai katinitahiawe: ŷTitayari 'aixia netiuka'iyarime penetixata? Tewi 'aixia mitiuka'iyari 'apika'uyeika, Kakaiyari yuxewiti 'aixia pitiuka'iyari pita. <sup>19</sup>'Ekitsi 'aitsikate pekanimaika: “Pepikati'amemiwani, xeime 'iyaya kinaya pepikakumaiwani, pepikatinawayani, xeimetsie pepikarahipani peti'itawati, pepikati'akwamanani, 'apaapa meta 'amaama keniwareu'eniaka”.

<sup>20</sup>'Uki mipai katinitahiawe:

—Ti'ikitame, miki naimetsie yanepitikamie temaikiyari paiti.

<sup>21</sup>Ketsutsi kanixeiya 'inaki'erieti, hiki mipai katinitahiawe:

—Xewiti xeikia peuyewetseri yapemitiyurieni: kenemie, ketinetua naime 'apiinitiarika meta ketiniwarumikwa tixaiti memikatehexeiya, mipai petiyurieme waikawa pekaneukakemiki muyuawitsie. Hiki kenaye'a meta nehetsie ketineuwiya.

<sup>22</sup>'Iki niuki 'u'eniaka, tewi putanutuixi, hiki kaneyani yuhiwerieti waikawa mirexeiyakaiki.

<sup>23</sup>Hiki Ketsutsi yu'aurie hanieretiya mipai katiniwarutahiawe teyi'ikitiwamete:

—Pikwaniwe xikutsixi memeutahaxianiki Kakaiyari mira'aitatsie.

<sup>24</sup> Teyi'ikitiwamete mekanihixiyakaitini niukieyaki.  
Ketsutsi hutarieka mipai katiniwarutahiawe teyi'ikitiwamete:  
—Neniwema, pikwaniwe miki yuri memite'erie tuminitisie  
memeutahaxianiki Kakaiyari mira'aitatsie. <sup>25</sup> Pikakwaniwe kameyu  
'iwipame hixieyatsie manuyehaniki matsi pikwaniwe xiku meutahaniki  
Kakaiyari mira'aitatsie.

<sup>26</sup> Miki matsi waikawa mekanihixiyakaitini, mipai  
mekateniyikihawekaitini: «Kamitsi, ¿kemi'ane piyiwe mitawikweni?»

<sup>27</sup> Hiki Ketsutsi kwi waxeyati mipai katiniwarutahiawe:  
—Teiteri mepikayiwawe, peru Kakaiyari mipai pika'ane, naimeki  
Kakaiyari katiniyiweni.

<sup>28</sup> Hiki Pekuru kanitsutiani mipai tikihaweti:

—Neuxei, tame naime tepite'uku'eiri, meta 'ahetsie tepite'uwi.

<sup>29</sup> Ketsutsi mipai kaniutayini:

—Yuriki mipai nepitixekihawe, kemi'ane nehetsiemieme meta niuki 'aixia  
manuyine hetsiemieme miku'eiri yukii, yu'iwama, yumaama, yupaapa,  
yuniwema, yukwie, <sup>30</sup> xeitsienituyari matsi warexeyati kanayeimiki  
hiki (kite, 'iwamarixi 'ukitsi 'ukari, yumaamama, yuniwema, kwie, tsepa  
'uximatiarieti 'uweiyarieti 'ena), meta tukari 'umamietsie kepauka maye'ani,  
tukari mikaxiwe hexeyati kanayeimiki. <sup>31</sup> Peru yumiireti hiki miemete  
memimexiakate 'imatiremete mekanakinikuni, meta memi'imatiremete  
mexiakate mekanakinikuni.

### **Tawarita Ketsutsi kemutayi kemitimierienikekai**

*(Mar 10:32-34 – Mat 20:17-19, Ruk 18:31-33)*

<sup>32</sup> Merikitsi huyeta mekaniuhukaitini Kerutsareme meutiyune 'utia,  
hiki Ketsutsi kanaanuyeyerini. Teyi'ikitiwamete mekanihixiyakaitini,  
hipati wa'itima memuhukai mekanimamakaitini. Hiki tawarita  
yatewa kaniwarewitini tamamata heimana memiyuhuta, kanitsutiani  
tiwakuxaxatiwati kemi'itiarienikekai. <sup>33</sup> «Neuxei, Kerutsareme tepitiyune  
hiki, Yuri Tewi kenemitihihi nekaniyetuiyamiki mawari wewiwamete  
tewa'aitiwamete wahetsia, meta 'iniariki memite'ikita wahetsia. Miki  
yamekanitiyuakuni kename neke'umierieni, meta mekaneniyetuakuni  
miki memikahuriyutsixi wahetsia. <sup>34</sup> Miki mekanenitewiyatsitiakuni,  
mekaneniti'aitsikawiyakuni, mekanenikuwaxiakuni meta mekanenimiekuni.  
Peru hairieka tukari 'aye'ayu, nekananukukemiki».

### **Kakuwu meta Wani kememite'itawawiri**

*(Mar 10:35-45 – Mat 20:20-28)*

<sup>35</sup> Hiki Tsewereu niwemama Kakuwu meta Wani yuhutati 'ahurawa  
me'akineka, mipai mekatenitahiawe:

—Ti'ikitame, pitatsinakekeyu tahetsiemieme yapemitiyurieniki,  
ketemimatetawawirieni.

<sup>36</sup> Miki mipai katiniwaruta'eya:

—¿Kekutatixenake yanemitiyurieniki xehetsiemieme?

<sup>37</sup>Mipai mekatenita'eiya:

—Ketaneupitia 'atemayaxeki xewiti 'atserieta xewitita 'a'utata, kepauka 'a'uweni witsimi'anetsie pemayerini.

<sup>38</sup>Hiki Ketsutsi mipai katiniwarutahiawe:

—'Atsizepikatemate tita xemiteku'iwawa. ¿Xeteyuwairiya xemiteka'eniexiani naimeki ne kenemitika'eniexiani, nehepai xeteyiwawe xema'iwarieniki tewi kemiranukanamie hepai haki kepauka muka'iyarie?

<sup>39</sup>Miki mipai mekaniutiyuani:

—Huu, tepiyiwawe.

Ketsutsi mipai katiniwarutahiawe:

—Xemetsi nehepai xekatenikwinikuni, meta nemika'iyarieni hepai xekanika'iyariekuni, <sup>40</sup>peru heitserie nepikahexeiya nemixepitianiki netserieta meta ne'utata xemayaxeki. Matsi miki wahetsieme mukuha'aritsie xeikia, miki yamekatenipitiariekuni.

<sup>41</sup>Hipati tamamata kepauka memu'enana kememutiyuanekai, mekanitsutiani mewahekatu Kakuwu meta Wani. <sup>42</sup>Hiki Ketsutsi yu'aurie waruta'inieka, mipai katiniwarutahiawe:

—Xeme mipai xepitemate, miki nuiwarite wa'ukiyarima memuyuxata mekateniwa'uxitiaka yuteiterima, meta ti'aitame hurawa parewiwametemama mepanutikika mete'aitati kememitepituarie. <sup>43</sup>Peru mipai pikatiyini xeme xetsata. Matsi pita, xeme kemi'ane mariweti miyeimikini, miki yunaima xeparewiwame kehikitini. <sup>44</sup>Meta kemi'ane mexiakame miyeimiki xeme xewiti, yunaima xehetsieme wairiyarika ti'uximayatame kehikitini. <sup>45</sup>Metsi Yuri Tewi kenemitihiki nepikanua nemiparewiyaniki, matsi pita hipame newaparewienike nekaninuani meta netukari nemiyetuaniki, yumiireme nemiwaxinaki.

### **Kemiranutanierixi Warutimeyu mikaheunierikai**

*(Mar 10:46-52 – Mat 20:29-34, Ruk 18:35-43)*

<sup>46</sup>Merikitsi Keriku mekaneta'axiani. 'Arike, mana kanayeyani Ketsutsi teyi'ikitiwametemama yunaiti meta yumiireti teiteri hamatiana. Xewiti tewi mikaheunierikai mana kaniukateitini huye tetsita tiwauti, Warutimeyu titewati (Timeyu nu'ayatiti). <sup>47</sup>Hiki 'u'enaka kenama Ketsutsi natsaretitanaka mana 'uyemieka, kanitsutiani mipai tiuhiwati:

—Ketsutsi, Rawiri peminu'aya, keneneutinenimayata kwerieti.

<sup>48</sup>Yumiireti mekanitate'akaitini kayuwati mitikaniki, peru matsi miki karima mipai katiniuhiwakaitini:

—Rawiri peminu'aya 'aku, keneneutinenimayata kwerieti.

<sup>49</sup>Ketsutsi mana 'utakeka, mipai kaniutayini:

—Xekeneuta'ini.

Miki mehekineka mekanita'inieni mikaheunierikaiki, mipai mete'ikihiaweti:

—Pepikamaka. Kenanukukexi. Ketsutsi pimatsiha'iniwa.

<sup>50</sup>Miki yi'ikari hewiwieka, 'anukukeka, Ketsutsi hetsia kaneyani.

<sup>51</sup>Ketsutsi mipai katinitahiawe:

—¿Tita pereuyehiwa kenetiyurieni 'ahetsieme?



Mikaheunierikai mipai kaniutayini:

—Ti'ikitame, nepeunierenikeyu.

<sup>52</sup> Ketsutsi mipai katinitahiawe:

—Kenemie, yuri pemitiuta'eriki 'aixia pepu'itiarie.

Hiki yapauka heuniereti kanayani, meta huyeta Ketsutsi 'utia kaneyani.

### **Kerutsaremetsie kemireutaha**

*(Mar 11:1-10 – Mat 21:1-9, Ruk 19:29-38, Wa 12:12-15)*

**11** <sup>1</sup> Kepauka Kerutsareme mehurakairi, meta Wetipake mirakutewatsie memu'axia metatsiere Wetaniya, Huriwa Mati'u yemuriyari hetia, Ketsutsi teyi'ikitawamete yuhetsia miemete yuhutame kaniwarutani'ani, <sup>2</sup> mipai tiwarutahiaweka: «Kiekari 'anutaiye mukumatsie xekenehu. Yapauka mana xemeutahaxianitsie, puxu temaiki xekanataxiyakuni hakuwiekame, tewi hetsiena mika'anutiyeriwe 'akuxi. Xekenakuxina meta xekenahani 'ena. <sup>3</sup> Xewiti xika mipai tixeku'iwawiyani: “¿Titayari miya xeteyurie?”, mipai xeketenetahiawi: “Ti'aitame peiyehiwa, kwitiwata kaneni'amiki”». <sup>4</sup> Merikite mehekineka kaye 'utia mekanitaxeiya puxu temaiki 'akuwiekame kitenie 'aurie, hiki mekanekuxina. <sup>5</sup> Teiteri mana memiti'ukai hipati mipai mekateniwaruta'iwawiya: «¿Kexeteyurie? ¿Titayari puxu temaiki xete'akuxina?» <sup>6</sup> Hiki yamekateniwarutahiawe kemitiwarutahiawekai Ketsutsi, teiteri mepiwarupitia memekixinaki. <sup>7</sup> Puxu mekaneyehana Ketsutsi hetsia. Hikita yi'ikarite me'anuti'itaku, miki hetsiena kanaanutiyerini. <sup>8</sup> Yumiireti huyeta mekani'itiaximekaitini yi'ikarite, hipatita kiye xawari me'uhapati mekani'itiaximekaitini. <sup>9</sup> Memanuyetekai meta wa'utia memuhukai mipai mekatenuhiwakaitini:

—'Ari ketaneutawikweitsitia.

—'Aixia ke'itiarieka kemi'ane 'umamie Ti'aitame hetsia miemetiti.

<sup>10</sup> —'Aixia ke'itiarieka kemi'ane Ti'aitame mayani tatewari Rawiri miti'aitakai hepai.

—'Ari ketaneutawikweitsitia taheima pemakawe.

<sup>11</sup> Hiki Ketsutsi Kerutsareme kaneutahani meta tuki 'amipata kaneutahani. Hanieretiyaka naitsarie kaniwayeyani 'akayunirimekaku, tamamata heimana memiyuhuta wahamatia yunaiti mekanekine Wetaniya paiti.

### **Kemitiuniu 'axami'itiarieniki xapa mikatakakai**

*(Mar 11:12-18 – Mat 21:12-22, Ruk 19:45-47, Wa 2:13-16)*

<sup>12</sup> Merikitsi 'uxa'arieka, kepauka Wetaniya memayekinirimekai, Ketsutsi kaneuhakamikikaitini. <sup>13</sup> Xapa kiyevari yirakame 'uxeiyaka 'ateewa paiti, hepana kaneyani 'ixeyake, heiwati xeime 'ikwaxi minekaxei hetsiena. Mana nuaka tixaiti pikatiukaxei xawari xeikia, maxuxuawere mika'aye'awekaiki. <sup>14</sup> Ketsutsi hiki mipai katinitahiawe xapa: «Hatsuaku xewiti tima 'a'ikwaxi pikatikwani». Mekani'enieni teyi'ikitawametemama.

<sup>15</sup>Hiki Kerutsareme mekaniuta'axiani. Ketsutsi Kakaiyari tukieya kuraruyarita kaneutahani, hiki kanitsutiani waranuyeweweyati miki memitenanekai meta memitetuakai. Tumini patamete wamexate kanatixirieni meta kukuruxi watuayamete wa'iparite. <sup>16</sup>Pikawapitiakai tixaiti mete'apiti memanuyekikaniki tukita. <sup>17</sup>Meta katini'ikitakaitini mipai tiwakihaweti: «¿Ipa'i tami kare'uxa:

»“Nekii nenewieri kiyari pitiuteriwariwani  
yunaim nuiwarite wahetsieme”?

Peru xeme teri xekaneyeitiani “hakewa tenawayamete memeyu'awieta”.

<sup>18</sup>Hiki mawari wewiwamete memihiritiariekai, mime 'iniariki memite'ikitametetikai wahamatia yunaiti mekani'enieni, 'ayumieme mekatenikuwautiwekaitini kememite'imieniki, mekanimakarikaitini, teiteri yunaiti memihixiyakaiki tita miti'ikitakai hepaitsita.

<sup>19</sup>Hiki 'ukutaikaireku kiekaritsie kaniwayeyani.

### **Xapa kemitiwakikai**

*(Mar 11:20-24 – Mat 21:19-22)*

<sup>20</sup>Merikitsi ximeri mana me'uyehuti, xapa mekaniuxeiya wakime naiti nanayari paiti. <sup>21</sup>Pekuru, haye'erieka kemitiuyi, mipai katinitahiawe Ketsutsi:

—Neuxei Ti'ikitame, 'iya xapa pemaxaxataakai 'axami'itiarieniki, miki kaniutawaniri.

<sup>22</sup>Ketsutsi mipai katiniwarutahiawe:

—Kakaiyari hetsie yuri xeketene'erieka. <sup>23</sup>Yuriki mipai nepitixekihawe, kemi'ane mipai mititahiawe 'iki yemuri: “Keneu'apata, haramaratsie keneukawetsi”, xika yu'iyaritsie 'etsiwa ka'iyiriekai, matsi xika yuri ti'erieka kename mipai tiyini kemaine, mipai katiniyimiki hetsiena mieme. <sup>24</sup>'Ayumieme nepitixekihawe: Tita xemitetawauni xeyunenewieti, yuri xeketene'erieka kename 'ari yaxete'upitiarie naim tita xemite'utawau, mipai yakatiniyimiki xehetsieme. <sup>25</sup>Kepauka xemiynenewie, xika xeime hamatia 'aixia xekateyuxeyani xeketeneuyehiwiriekai, xemeta xe'ukiyari muyuawitsie makawe mitixehuyehiwiriekaki, 'axakexemiteyurie. <sup>26</sup>Mexika teiteri xekatewareuyehiwirieni, xe'ukiyari muyuawitsie makawe pikatixehuyehiwirieni xemeta 'axaxeteyurieyu.

### **Ketsutsi heitserie kemirexeyakai**

*(Mar 11:27-33 – Mat 21:23-27, Ruk 20:1-8)*

<sup>27</sup>Merikitsi tawarita mekaniu'axiani Kerutsaremetsie, mexi tuki kuraruyarita yeyeikakai, mawari wewiwamete tewa'aitiwamete, meta 'iniariki memite'ikitametetikai meta 'ukirawetsixi yunaiti 'ahurawa mekaniukine.

<sup>28</sup>Mipai mekatenita'iwawiya:

—¿Hakewa miemeki heitserie pehexeyati miyapepitiyuriene, meta kemi'ane heitserie pimatsi'upitia miyapemitiyurieneni?

<sup>29</sup>Hiki Ketsutsi mipai katiniwaruta'eiya:

—Neta nepixeta'iwawiya xeme. Xika xenetsi'uta'eiya, neta yanepitixetahiawe kemi'ane heitserie minetsi'upitia miyanemitiyurieneniki 'iki naime: <sup>30</sup>Wani kemiti'iyaneikai, ztaheima timiemetikai, nutsuti teiteri wahetsia pimiemetikai? Xekeneneuta'eiya.

<sup>31</sup>Hiki miki niuki mekaniutixiatatikine mipai meteyikihaweti: «Xika tame mipai te'utiyuani: “Taheima makawe pipitiakai”, miki mipai pitatitahiawe: “Merikite, ztityari yuri xekate'ita'eriri?” <sup>32</sup>Xikata mipai te'utiyuani: “Teiteri mepipitiakai”...» Mekaniwamakarikaitini teiteri, miki yunaiti mipai memutiyanekaiki Wani hepaitsita kename yuriki Kakaiyari niukameya hikitikai. <sup>33</sup>'Ayumieme mipai mekatenita'eiya Ketsutsi:

—'Atsitepikatemate.

Mikita mipai katiniwarutahiawe:

—Merikite, neta 'atsinepikaxetahiawe kemi'ane heitserie minetsi'upitia miyanemitiyurieneniki 'iki naime.

### Te'iwiyamete 'axamemite'u'yari

(Mar 12:1-12 – Mat 21:33-46, Ruk 20:9-19)

**12**<sup>1</sup>Hiki kanitsutiani tiwaxaxatiwati, 'ixatsi hepaitsita ti'ikitati, mipai kaniutayini: «Tewi kaxie haraweriyari kaniutawewieni. Kanikurarutiiya, kaxie piname kaniwati'inieni, tuxiyu kaniutawewieni ti'iwiyame hetsiememe. Hiki te'iwiyamete waruhiritiaka, 'ateewa kaneyani. <sup>2</sup>Hiki tukari 'aye'aku matikwaxaxetsie, xeime ti'uximayatame kaniutani'ani te'iwiyamete wahetsia, menutiniki 'ikwaxi yapaimeme kutsiyari hetsiememe. <sup>3</sup>Peru miki mekaniwiya, mekaniwaxiani, meta yumaweme mekaneni'ani. <sup>4</sup>Hiki hutarieka xeimeta ti'uximayatame kaniutani'ani wahetsia, mikita mekaniuaxa mu'uyatsie meta 'axamekatenitihawe. <sup>5</sup>Xeimeta kaniutani'ani, mikita mekaniumieni. Kaniwarutani'anita hipame yuwaikawame, miki hipame mekaniwarutiwani, hipameta mekaniwarukwini.

<sup>6</sup>»Xeime 'akuxi kanexeyakaitini, yuniwe minaki'eriekai. 'Imatirieka, miki kaniutani'ani, mipai 'utaiti: “Neniwe hirixia mekanetimakakuni”. <sup>7</sup>Peru 'iya te'iwiyamete mipai mekateniuxata: “'Iki hetsie 'arike katininakimiki kutsiyari tipiinieya. Hikimi tepimieni, tita hetsiena mitinakekekai tapiini pirayani”.

<sup>8</sup>Hiki mekaniwiya meta mekaniumieni, haraweri warie mekaneikahiani.

<sup>9</sup>»Merikite, zketiyurieni haraweri kutsiyari? Kaninuamiki, te'iwiyamete kaniwakwimiki, meta hipame kaniwahiritiamiki pita yuharaweri.

<sup>10</sup>zXekate'ekateriwawawe xeme 'iki niuki:

»“Miki teté memitixani'eri kii wewiwamete  
miki teté 'itsikina mieme kanayani,

<sup>11</sup>Ti'aitame miya katiniuyurieni,  
meta kanimariweni ketemite'ixeiya”?»

<sup>12</sup>Mipai metehetimaika miwaxatakaiki 'ixatsi hepaitsita ti'ikitati, 'ayumieme mekatenikuwautiwekaitini kememite'iwiyaki. Peru mekaniwamakarikaitini teiteri, hiki me'iku'eirieka mekanekine.

### Kuwiyexinu tuminieya

(Mar 12:13-17 – Mat 22:15-22, Ruk 20:20-26)

<sup>13</sup>Hiki hetsiana mekaniwarutani'ani paritseutsixi hipame meta Herurexi hetsie memitewiyakai meyinikame, niukieyatsie memiwiyaiki. <sup>14</sup>Mana me'u'axiaka mipai mekatenitahiawe:

—Neuxei ti'ikitame, tame tepimatsimate 'eki yuri pemutaineki, pemika'akweriwayurieki tsepa xewiti kemitiyikihiawe, yiki pemikatiwaxeyiaki teiteri, matsi Kakaiyari huyeya hepaitsita pepiti'ikita yuriki. ¿Ti'aitame Tsetsaxi tumini kemitiwawa, 'aixia ti'ane temiteyutuaka nutsuti pikatixai? <sup>15</sup>¿Teteyutuaka nutsuti hawaiki?

Ketsutsi yatimaiti yaki memutiyanekaiki, mipai katiniwarutahiawe:

—¿Titayari xenete'iniatatiwe? Xumatari watumini xekena'niiri nemixeyiaki.

<sup>16</sup>Miki xeime mekani'atiirieni, hiki mipai katiniwarutahiawe:

—¿Kemi'ane 'iki pira'ikiya, kemi'ane pira'utiarika 'iki?

Miki mipai mekatenita'eiya:

—Tsetsaxi.

<sup>17</sup>Ketsutsi mipai katiniwarutahiawe:

—Tsetsaxi xeketeneyetuirieka tita Tsetsaxi hetsia mitimieme, meta Kakaiyari xeketeneyetuirieka tita Kakaiyari hetsia mitimieme.

Hiki miki mekaniuhixiyani miyamutayiki.

### Mikite kememite'anuku'uni hepaitsita

(Mar 12:18-27 – Mat 22:23-33, Ruk 20:27-38)

<sup>18</sup>Hiki hetsiana mekani'axiani tsarutseutsixi, miki mipai meputiyanekai kename mikite meka'anuku'uwe, hiki mipai mekatenita'iwawiya:

<sup>19</sup>—Ti'ikitame, Muitsexi mipai katini'utiani tahetsiemieme, tewi xika 'umini xika 'uka 'uku'eirieni tiiri kawarayexeyaweti, mutaya kanitiwitimiki yukwe, tiiri miwarayexeya matsieya nuiwarieya memakineki. <sup>20</sup>Merikitsi 'amenititekaitini 'iwamarixi 'atahuta meyupaime. Wamatsika 'utineikeka kaniumini tiiri kawarayexeyaweti. <sup>21</sup>Hutarieka mieme yu'iwa wiuraya kaniutiwitini, peru mikita kaniumini tiiri kawarayexeyaweti. Hairieka mieme yaxeikia kaniuyini. <sup>22</sup>Yunaiti 'atahuta 'iwamarixi yaxeikia mekaniuyini, meta tiiri mepikawarayexei. 'Imatirikata, 'ukaratsi kaniumini. <sup>23</sup>Merikite, kepauka xeniu memanuku'uni, ¿'atahutati memitiwiti kemi'ane ra'iya pirayani?

<sup>24</sup>Hiki Ketsutsi mipai katiniwaruta'eiya:

—Xeme pita xekateheuyexiri, xemika'imateki 'utiarika xapayari meta Kakaiyari kemitiirikaiye. <sup>25</sup>Kepauka mikite memanuku'uni, mepikatineikixiani meta mepikatiwikitariexiani, matsi Kakaiyari niukieya tuayametemama taheima miemete wahepai mepi'eneneni. <sup>26</sup>Mikite wahepaitsita kemire'uxa kememite'anuku'uni, ¿kaukati xeka'ekateriwawawe Muitsexi xapayatsie hakewa 'itsitsie mexaxata, Kakaiyari kemitihiawixi: “Ne 'Apirahami, 'Itsahaki meta Kakuwu wakakaiyari nekanihikitini?”

<sup>27</sup>Ayumieme mikite pikawaxata kename wakakaiyari maine,

memayeyuyuri pita wakakaiyari kaniyuxatani tsepa memukwi.  
Xeme yemeki xepeuyexiri.

### 'Aitiarika miwariwe

(Mar 12:28-34 – Mat 22:34-40)

<sup>28</sup>Hiki xewiti 'iniariki miti'ikitametikai 'ahurawa 'ayaka, waru'enieka niuki mexiatiakame, katinimaikaitini 'aixia mitiwaru'eiki, mipai Ketsutsi katiniuta'iwawiya:

—Naiti 'iniari niukiyarite, ꞑkemi'ane 'aitiarika matsi peuyewetse?

<sup>29</sup>Ketsutsi mipai katinita'eiya:

—'Ipa'i kanaanuyineni 'aitiarika mimariwe: “Xekeneu'enana 'ixaheritsixi. Ti'aitame mitakakaiyari, miki Ti'aitame kaniyuxewini. <sup>30</sup>Peninaki'eriekamiki Ti'aitame mi'akakaiyari naime 'aiyariki, naime kepemiti'amateki, naime 'a'eriwameki, naime 'atirikariyaki”. <sup>31</sup>'Utimana mieme hepaina kanaanuyineni: “Ahepai tewi kenenaki'erieka kepemiti'anaki'erie 'eki”. Xewiti 'aitiarika pikaxuawe tawarita matsi mariweti, 'iki hutati xeikia.

<sup>32</sup>Hiki 'iya ti'ikitame mipai katiniutahiawe:

—'Aixia pi'ane ti'ikitame. Yuri pekaniutaineni, Kakaiyari kaniyuxewini, xewitita 'apika'uyeika hepaina 'aneti, kepemaine. <sup>33</sup>Xika tewi 'inaki'erieka naime yu'iyariki, naime kemitiyumateki naime yutirikariyaki, xika yuhepai tewi naki'erieka kemitiyunaki'erie hepai, matsi mipai 'aixia kani'aneni, keyuri mawari taiyariyari meta hipame mawarika.

<sup>34</sup>Hiki Ketsutsi 'enieka timaiweme hepai kemitita'ei mipai katinitahiawe:

—'Ateewa pepika'uyeika pemaye'aniki, Kakaiyari mira'aitatsie.

'Anatiti tawariri xewiti pikayuwairi tixaitiki mitita'iwawiyaki.

### Kiritsitu kemi'ane piraniwe kemitwaruta'iwawiyaxi

(Mar 12:35-40 – Mat 22:41-46, 23:1-7, Ruk 20:41-47)

<sup>35</sup>Ketsutsi mipai kaniutayini tukita ti'ikitati:

—ꞑTitayari mipai mete'utiyuane miki 'iniariki memite'ikitamete, kename waniu Kiritsitu Rawiri nuiwarieya hikitini? <sup>36</sup>Miki Rawiri titi mipai kaniutayini 'Iyari Mitiyupata 'ikuyuitiwakaku:

»“Ti'aitame mipai katinitahiawe kemi'ane Mineti'aitiwame:

'Netserieta kenakani,  
mexi miki memimatsi'aka'unie  
'ahetiapai newa'atiani' ”.

<sup>37</sup>Xika Rawiri titi “Neti'aitiwame” titeriwa, ꞑkehapaititi nu'aya pihikitini?

Teiteri meyutemamawieti mekanieniekaitini yuwaikawati.

<sup>38</sup>Ti'ikitati mipai katiniwarutahiawe:

—Xekenyukweriwayurieka miki 'iniariki memite'ikitamete wahepaitsita. Miki piwanake memeu'uwaniki 'etitime me'anakatiti meta kiekari hixiapa wairitsika memipitiarieniki, <sup>39</sup>teiteri wahixie memayaxeki tuki 'etsimipepeta meta kiekame 'aurie memayaxeki 'ixiararipa. <sup>40</sup>Wiuratsixi wapiini mepitewarutixitiiri meta 'amepитеheutetere meyunenewieti mikamatsiikiniki kememiteyurie. Miki wahetsie matsi waikawa katinahiyamiki.

### Wiura tumini kemiti'atiiri Kakaiyari

(Mar 12:41-44 – Ruk 21:1-4)

<sup>41</sup>Hiki tumini makaxiriwa kakuniyari hixie kaniutayerini Ketsutsi, teiteri kaniwaxeyakaitini tumini me'akaxiriwame kakunitsie. Xikutsixi yumiiireti waikawa mekaneukaxiriwakaitini. <sup>42</sup>Merikitsi xewiti wiura kaninuani tumini kahexeyati, hutame kaneukaxirieni xeitsenitawuyari miraye'atika xeikia.

<sup>43</sup>Hiki yu'aurie warutakwewieka teyi'ikitiwamete, mipai katiniwarutahiawe Ketsutsi: «Niuki kanitseiyeni kenemitixekihawe, 'iki wiura tumini kahexeyati kakunitsie kaneukaxirieni waikawa, miki yunaiti memeikaxiriwa 'etsiwa xeikia mekaneikaxirieni. <sup>44</sup>Yunaiti miki mekaneikaxirieni tita miranayuhayewa, peru 'iya yuhaweri mieme kaneukaxirieni, naime kimana mitiyumikwaka!».

### Kemitimatsiikini tukari 'aye'aximekaku

(Mar 13:1-7 – Mat 24:1-51, Ruk 21:5-36)

**13**<sup>1</sup>Hiki Ketsutsi tukita wayeyeikakaku, teyi'ikitiwametemama xewiti mipai katinitahiawe:

—Neuxei, ti'ikitame, tetexi ketimamariwawe meta kiite.

<sup>2</sup>Ketsutsi mipai katinitahiawe:

—¿'Iki kii petixeyi 'amipapa? Tete pikahayewarieni yuheima 'ateti, naiti kanika'unariemiki.

<sup>3</sup>Hiki Huriwu Mati'u yemuriyaritsie 'ukaiku, tuki 'amipa hixie, Pekuru, Kakuwu, Wani meta 'Atirexi yuxaita mipai mekatenita'iwawiya:

<sup>4</sup>—Ketatineutaxatia, ¿kepauka mipai pitiyini kepemainekai? ¿Tita ti'iniariyaritini kepauka miraye'aximeni 'iki naiti?

<sup>5</sup>Hiki Ketsutsi kanitsutiani mipai tiwakuxaxatiwati:

—Xekeneyukweriwayurieka nikati xewiti tixe'u'itaiya. <sup>6</sup>Yumiireti mepi'axiani kename ne neyiane, mipai me'utiyuati: “Neri nepihiki”, mepitewa'itaiya yumiiireme. <sup>7</sup>Kepauka mipai xemitehetimani kename xaitsie kuyaxa hexuawe, meta kepauka mipai xemite'enanani kename xaitsie kiekatari hipame wahamatia 'ari meheyutakwini, xepikamamaka. Peuyewetse mipai mitiyiniki, peru 'akuxi 'ana kwie naiti pikaheutipare.

<sup>8</sup>Nuiwarite mekaniwatakwikuni hipame nuiwarite meta xexuime kwieyaritsie kiekatari hipame kwieyaritsie kiekatari. Naitarie kwie kanitayumiki, metatsiere haka kanitawemiki. Xika mipai tiyianeni kukuiniya 'akuxi yutsutianeti pitiyianeni.

<sup>9</sup>»Peru xeme xekeneyukweriwayurieka. Miki mekanixeyetuakuni yu'itsikate wahetsia meta mepixetiواني yutukiteta. Kuwexinaruritsixi meta te'aitamete wahixie xekaniti'iwawiyariekuni nehetsia xemimiemeteki, mipai xe'itiarietiweti xekaniwatahekiatsitiiyakuni miki. <sup>10</sup>Kaneuyeweka 'iki niuki 'aixia manuyine memitaxatiarieniki yunaiti nuiwarite meri.

<sup>11</sup>Kepauka memixetiwiya memixe'anuhapani 'itsikate wahixie, xeta'ikwewati xepikayu'iyaritiaka kexemutiyuaneni. Matsi kexemitepitarieni 'ana,

mipai xeputiyaneni. Xemetsi xepikahikitini kemi'ane yamitayini, matsi 'Iyari Mitiyupata kanihikitikamiki kemi'ane mitaniuni.

<sup>12</sup>»Iwamarixi xewiti yu'iwa kaniyetuamiki mimierieniki, meta nuariekame yuniwe kaniyetuamiki. Tiiri mekaniyeha'akuni yupaapama wahepaitsita meta mekatenita'aitakuni memikwi'iwaki. <sup>13</sup>Yunaiti mekanixe'uxiwe'eriekakuni nehetsia xemimemeteki, peru kemi'ane tiuka'eniwati mikatihayewa 'atsita 'imatirieka tukaritsie, miki kanitawikweitsitariemiki.

<sup>14</sup>»Kepauka xemixeiya “axamiti'ane mikatipatsie mawariyari” hakewa 'aixia mikah'ane mewewiyaka (titeriwame ketimaweni tita mitixata), 'ana hiritisie mekeyuta'una miki Kureya kwieyaritsie memuwawani. <sup>15</sup>Kemi'ane yukii heima makakani, miki 'anakayame yukiita pikahetuhakeni yupiini tiwayepinike. <sup>16</sup>Kemi'ane yeuta meyeikani, yu'utima pika'akununuwani yi'ikari mahurimieki. <sup>17</sup>Xia'ui miki memuhukani meta memitetsitsitiwani miki tukaritsie. <sup>18</sup>Xekeneyunenewieka muhaitinitsie mipai mikatiyiniki. <sup>19</sup>Kariki miki tukaritsie 'uximatiarika kanitixuawerimiki kemikatitixuaweriwe tsutiapaiti kepauka kwie Kakaiyari munetiatsie paititi, meta tawariri pikatixuawere 'arike. <sup>20</sup>Xika Ti'aitame miki tukari 'etsika'utateriya, nixewiti pikatawikweni. Peru miki miwaranayexei waheki, tukari yaki putipaimeriya.

<sup>21</sup>Hiki, 'ana xeme xewiti xika mipai tixekihaweni: “Kami, 'ena kaniyueikani Kiritsitu”, yatini “Kami huma”, yuri xepikate'erieka. <sup>22</sup>Kariki yaki Kiritsitutsixi mekanitixuawerikuni meta Kakaiyari niukametemama meyuxatati, miki 'iniari mepitiwewieni mamariwaweme metewa'itaiyake 'atsita miki memanayexeyarie xika tiyiwenike. <sup>23</sup>Kamitsi xekeneyu'iwiyani, naima nepitixe'utaxatia yakatiyiwekaku 'akuxi.

<sup>24</sup>»Peru 'ana tukaritsie, miki 'uximatiarika heunuayu,

»“tau kaniyirimiki,

meta metseri tawariri pikahekiariwieni,

<sup>25</sup>xurawetsixi mepikaxirieni muyuawitsie,

meta tirikariya memexeiya muyuawitsie miemete mepikuyuitiarieni”.

<sup>26</sup>»Hiki 'ana Yuri Tewi kenemititewa mekanenixeyakuni haitsata ne'akamiekame, waikawa netirikaiyeti meta nexawatime. <sup>27</sup>Meta nekaniwatan'axiamiki neniuki tuayamete, miki nemiwaranayexei memiwakuxerieniki, tatserieta ta'utata tahixiata tatsutia memuwawa, naitserie kwie manuniere muyuawi hetia.

<sup>28</sup>»Piniki xeketeneyi'ikitiaka: Kepauka mikaneika xawari meta xika yirani, xeme mipai xepitemate tatsiari 'ahurakaku. <sup>29</sup>Yaxeikiata, kepauka xemineniere kenemutayi mipai tiyanekaku, mipai xeketenemaika kename hehurari, kitenie mita'aximeni hepai. <sup>30</sup>Yuriki mipai nepixerahiawe, 'iki naiti yapitiyini mexi hiki miemete mekakwiwawe. <sup>31</sup>Muyuawi meta kwie pukumawere, peru neniuki hatsuaku pikakumawere.

### Pikamatsiiki tukari meta hurayari

<sup>32</sup>»Peru, nixewiti 'atsipikatimate kepauka maye'ani miki tukari, taheima miemete niuki tuayamete 'atsimepikatimate, meta Kakaiyari

Nu'aya 'atsipikatimate, 'ukiyarieya xeikia katinimaika. <sup>33</sup>Yaxetemaiti xekeneyuhayewa, xekenayeneniereni, 'atsixemikatemateki kepauka maye'ani miki tukari. <sup>34</sup>'Ipa'i kani'aneni, tewi 'atewa paiti metia hepai, yukii muku'eiri, te'uximayatamete muwaruhiritia, yuxexuime 'uximayatsika wahiritiati, meta kitenie tihiweme katiniuta'aitiani mititahikaki.

<sup>35</sup>»Xemeta 'ayumieme xekenayeneniereni, 'atsixemikatemateki kepauka munuani kii kutsiyari, xika taikai, yati tikari hixiapa, yati wakana tahiwayu, yati kahekiareyu. <sup>36</sup>Xekenayeneniereni kapa xekutsume xe'utaxeiyaki yapauka nuame. <sup>37</sup>Kenemitixekihawe xeme, yunaime netiniwakihaweni wahetsie mitinakeki: Xekenayeneniereni».

### Witsimu'ia Ketsutsisie kemitiukawiriyarie

(Mar 14:1-11 – Mat 26:2-16, Ruk 22:1-6)

**14** <sup>1</sup>Merikitsi huta tukari kaneuyewekaitini maye'aniki Patsikwa 'ixiarariya meta paa mikakuxanariyarietika 'ixiarariyari. Mawari wewiwamete tewa'aitiwamete meta 'iniariki memite'ikitametetikai mekatenikuwautiwekaitini Ketsutsi memiwiyaki me'l'itame mipai memite'imieniki. <sup>2</sup>'Ayumieme mipai mekaniutiyuanekaitini: «Xeikia 'ixiarari xuawekaku hawaiki, teiteri me'uyeha'aniki waikawa me'uyukuxeirieniki».

<sup>3</sup>Hiki Wetaniya kiekariyaritsie, mexi miki mexatsie 'utikatei Tsimuni kiita kemi'ane meripaiti nawi kwiniyayari mexeyakai, hiki muwa 'ukaratsi kaninuani teté puteyuyari witsim'ane 'ahanati witsimu'ia 'ayemakame kwiniemieme miraye'axe naaru hikiakameki wewiyakame. Puteyu kiipieya 'anumuraka, Ketsutsi mu'uyatsie kaneitiyeurieni witsimu'ia.

<sup>4</sup>Hipati mana memitanenierekai mipai mekaniutiyuanekaitini meha'ati: —¿Titayarikuta yaki xeikia miki reuyewe witsimu'ia? <sup>5</sup>Piyiwekai miki waikawameki mutuiyanikekai,<sup>e</sup> tuminiyari memimikieniki tixaiti memikatehexeiyia.

Hiki 'ukaratsi mekaniutate'akaitini.

<sup>6</sup>Peru Ketsutsi mipai kaniutayini:

—Xekeneuhayewa, titayari xete'i'uximatia. 'Aixia katiniuyurieni nehetsiemieme. <sup>7</sup>'Uxa'atini warie 'amekaniu'uwakuni tixaiti memikatehexeiyia xehetsia. Kepauka xemi'yuwairiya xekaniyiwawekuni xemiwaparewieniki, neri xehetsia 'anepika'uyeikani 'uxa'atini warie. <sup>8</sup>'Iki ketitaki mitiyiwekai mipai katiniuyurieni. Ne'ayeyurikaku 'akuxi kaneniukawirieni witsimu'ia nemikateukieniki. <sup>9</sup>Yuriki mipai nepixekihawe, tsepaneti hakewa 'iki niuki 'aixia manuyine mekuxaxatsiwani naitсарie kwiepa, kanitaxatsiemiki kana'eriwamiki 'iki 'ukaratsi kemitiuyuri.

<sup>10</sup>Hiki Kura 'Itsikariutitanaka, tamamata heimana memiyuhuta miwanikai, kaneyani mawari wewiwamete tewa'aitiwamete wahetsia Ketsutsi yetuanike.

<sup>11</sup>Miki me'tenieka mekaniyutemamawiekaitini. Mipai mekatenitahiawe kename tumini me'l'iitianikekai. Hiki miki katinikuwaunekaitini kepauka 'aixia miyinikekai miyetuaniki.

<sup>e</sup> 14:5 RV60 mipai paine miki witsimu'ia haika tsienituyari 'iniariyariki heimana yapaimemeki.



### Ti'aitame 'ikwaiya

(Mar 14:12-26 – Mat 26:17-30, Ruk 22:7-23, 1Kur 11:23-25)

<sup>12</sup> Merikitsi mexiakame tukaritsie Paa mikakuxanariyarietika 'ixiarariyarietsie, kepauka memiwakukukuyakai muxatsi tirixi Patsikwa 'ixiarariyari hetsiemieme, teyi'ikitiwametemama mipai mekatenitahiawe:

—¿Hakewa matsihenake mana temuhuki 'aixia temitehekuyurieniki, Patsikwa 'ikwaiyari pemekwaniki?

<sup>13</sup> Hiki yuhutame teyi'ikitiwamete kaniwarutani'ani mipai tiwarutahiawe:

—Kiekaritsie xekenehu, tewi mana pixe'anukunake ye'i 'ahanati hekuanika. Miki xekenuweiya, <sup>14</sup> hakewa menuani, mipai xeketenetahiawi kiekame: “Ti'ikitame mipai paine: ¿Hakewa kii miki muwa nemiyiwe nemitiwa'ikitia wahamatia Patsikwa 'ikwaiyari nemikwani?” <sup>15</sup> Miki kii taita pixeheutiwitini pixexeitsitiani kii 'a'uyeyekame naiti 'ureyepikame 'aixia tiha'aritariiekame. Muwa 'aixia xeketeneyuri tahetsiemieme.

<sup>16</sup> Hiki mana mekanekine teyi'ikitiwamete, kiekaritsie mekaneta'axiani, kemitwarutahiawixi mekateniutaxeiya. Muwa Patsikwa 'ikwaiyari hetsiemieme 'aixia mekateniukuyurieni.

<sup>17</sup> Merikite 'ukutaikaireku, Ketsutsi, tamamata heimana yuhutame wahamatia yunaiti mekanu'axiani. <sup>18</sup> 'Ame'utitekaku metekwakaku, Ketsutsi mipai kaniutayini:

—Yuriki mipai nepitixekihawe, xewiti xeme, nehamatia mitikwa'a, pinetsiyetuanu.

<sup>19</sup> Hiki mekaniyuhiwerietikateitini, yuxexuiti mipai mekateniku'iwawiyakaitini:

—¿Ne netihiki?

<sup>20</sup> Miki mipai katiniwaruta'eiya:

—Xeme tamamata heimana yuhutati xewiti kanihikitini, kemi'ane paa manati'iwe nehamatia 'iki xakitsie. <sup>21</sup> Yuri Tewi kenemititewa, nepiyemie nemimierieniki kemire'uxa nehapaitsita, perutsi xia'ui kemi'ane minetsiyetuanu Yuri Tewi nehikitime. Matsi 'aixia kani'anenikeyu xika ka'utinuiwake miki tewi.

<sup>22</sup> Hiki metekwakaku, Ketsutsi paa kananuku'ini 'aixia 'utayika Kakaiyari hepaitsita paa hepaitsita, 'ititaraka paa, kaniwarumini, mipai 'utaiti:

—Xekenu'ii, 'iki kaninewaiyaritini.

<sup>23</sup> Tekixi 'anukuhanaka pamipariyutsi 'ipitiaka Kakaiyari kaniwaru'itiani, yunaiti mekanenuti'ixiani miki.

<sup>24</sup> Mipai katiniwarutahiawe:

—'Iki kaninexuriyatini, miki tiratu mihekwa kanihikitini yumiireme wahetsiemieme kanitayeurimiki. <sup>25</sup> Yuriki mipai nepitixekihawe,

tawarita kaxie hayari nepika'anu'ieni mexi ka'aye'awe kepauka hekwameki nemenu'ieni hakewa Kakaiyari mire'aita.

**Ketsutsi kemutayi Pekuru kemitiyuku'imawanikekai**

(Mar 14:27-31 – Mat 26:31-35)

<sup>26</sup>Hiki niawari Kakaiyari hetsia mieme me'utikwikaka, mekanekine yemuritsie Huriwu Mati'u. <sup>27</sup>Ketsutsi mipai katiniwarutahiawe:

—Xeme yunaiti xepinetsiku'eirieni, mipai mire'uxaki:

»“Nepimieni muxatsi wahiweme,

hiki muxatsi miwa'iwiyakai mekanitaxiriexiakuni”.

<sup>28</sup>Peru ne'anukukeme, ne meri nepiyemie Karereyatsie paiti».

<sup>29</sup>Hiki Pekuru mipai katinitahiawe:

—Tsepaneti yunaiti memimatsi'uku'eiri, ne hawaiki.

<sup>30</sup>Ketsutsi mipai katinitahiawe:

—Yuriki mipai nepimerahiawe, 'iki tikaritsie wakana 'ukiri hutakia katahiwawekaku 'akuxi, 'eki haikakia pepi'aku'imawani, kename pekanetsimate pe'utaiti.

<sup>31</sup>Pekuru tawarita kwinimieme matsi mipai katinita'eiya:

—Tsepaneti meuyeweka 'ahamatia nemimierieni, hatsuaku nepikaneku'imawani kename nekamatsimate ne'utaiti.

Hipatita yaxeikia mekaniutiyuani.

**Ketsutsi kemitiyutanenewi Ketitsemanitsie**

(Mar 14:32-42 – Mat 26:36-46, Ruk 22:40-46)

<sup>32</sup>Hiki mekanekine Ketitsemani reyetewakaku. Mipai katiniwarutahiawe teyi'ikitiwamete: «'Ena xekenekuteni mexi ne nepiyunenewimie». <sup>33</sup>Pekuru, Kakuwu meta Wani kaniwarewitini yatewa, hiki kanitsutiani mana haumati meta yuhiwerieti. <sup>34</sup>Hiki mipai katiniwarutahiawe: «Ne'iyaritsie kwinimieme nekaninehiwerieka, mikiki nekanimiximieni. 'Ena xekeneuyuhayewa meta xekenetanieniereni».

<sup>35</sup>Etsiwa huma 'uyaka kaniutihiximakeni kwiepa hiki kanitsutiani mipai tiyunenewieti, xika timaxia tiyiwenike mika'aye'aniki kemitiyinikekai.

<sup>36</sup>Mipai kaniutainekaitini: «Ne'ukiyari 'aku, naimeki pepiyiwe 'eki. Yanepira'eriwakaku mika'aye'aniki kenemitikwinitiarieni, peru keminetinake ne pikatixai, 'eki pita kemimatinake».

<sup>37</sup>Hiki kaninuani teyi'ikitiwamete mematitekaitisie, kaniwarutaxeiya mekutsume. Mipai Pekuru katiniutahiawe: «Tsimuni 'aku, ¿petikutsu? ¿Pekatiyiwekai pemyeniereni xeihurayari? <sup>38</sup>Xekenetanieniereni, xekeneyunenewieka kapa 'axaxete'uyurieniki xemita'iniatsienitsie. Xe'iyari kaniyuwairiyani, peru xewaiyari matsi puwerani».

<sup>39</sup>Hiki hutarieka heyaka kaniyutanenewieni yaxeikia 'utaiti. <sup>40</sup>Tawarita kepauka munua, kaniwarutaxeiyata mekutsume, memikayiwawekaiki memayeneniereni kutsiki. Mepikayiwawekai kememite'ita'eiya. <sup>41</sup>Hiki hairieka mana nuaka mipai katiniwarutahiawe: «¿Xetekutsu 'akuxi, xete'uxipie?

'Ariri. Paye'ari. Neuxei, Yuri Tewi nehikititi 'axateyuruwamete wamamatsie nepiyetuiyani. <sup>42</sup>Xekenanuku'uti, kimitikari. Kemi'ane minetsiyetuanii mana kanamieni».

### **Ketsutsi kemitiuwiyarie**

*(Mar 14:43-50 – Mat 26:14-56, Ruk 22:47-50, Wa 18:3-11)*

<sup>43</sup>Merikite 'utaniukakaku 'akuxi yapauka Kura mana kaninuani, tamamata heimana memiyuhuta miwanikai. Yuwaikawame teiteri yuhamatia kaniwarawitikiakitini 'ixiparate meta kiyexi mete'u'ikame, mawari wewiwamete tewa'aitiwamete, 'iniariki memite'ikitametetikai meta 'ukirawetsixi. <sup>44</sup>Iya miyetuanikekai 'iniari piwarutaxatiakai, mipai 'utaiti: «Kemi'ane ne nemitawairitiani 'itsiyaki, miki kanihikitikamiki, xekenuwiya, xekenuhani 'aixia rehiakame». <sup>45</sup>Hiki nuaka yapauka, Kura 'ahurawa kaniuyani Ketsutsi hetsia, mipai katinitahiawe: «Ke'aku, Ti'ikitame». Hiki kani'itseni.

<sup>46</sup>Hiki teiteri Ketsutsi mekaniuwiya. <sup>47</sup>Peru 'ahurawa memiti'ukai, xewiti kaniwatihana yu'ixipara, ti'uximayatame mawari wewiwamete tiwa'aitiwame hetsia mieme, nakaya kanawiteni.

<sup>48</sup>Ketsutsi mipai katiniwarutahiawe:

—Xeme kari xepeyeki 'ixiparate meta kiyexite xete'u'iti xenetsiyiwe, kemitiuwiwariwa tinawayame? <sup>49</sup>Miixa xetsata nekaniuweikakaitini tukariki tukita neti'ikitati, xepikanetsi'uwi. Peru paye'ani 'utiarika kemaine.

<sup>50</sup>Hiki yunaiti mekaniku'eirieni meta mekaniyuta'una.

<sup>51</sup>Xewiti temaiki kaniweiyakaitini rinu tsawanayariki yu'eimati mimawekaiki. Temaiki mekaniuwiya, <sup>52</sup>peru miki yutsawana 'uku'eirieka kaniyuta'una maweti.

### **Ketsutsi kemitiutahiawarie 'itsikate wahixie**

*(Mar 14:53-65 – Mat 26:57-68, Wa 18:12-13, 19-24, Ruk 22:67-71)*

<sup>53</sup>Hiki mawari wewiwame tiwa'aitiwame hetsia Ketsutsi mekanehana, mana mekaniyukuxeirieni mawari wewiwamete tewa'aitiwamete, 'ukirawetsixi meta 'iniariki memite'ikitametetikai yunaiti. <sup>54</sup>Pekuru kaniweiyakaitini yatewa mawari wewiwamete tiwa'aitiwame kiita takwa paiti kaninuani. Muwa tehiwemete wahamatia 'akanayerini tai 'aurie kixeti.

<sup>55</sup>Hiki mawari wewiwamete tewa'aitiwamete meta 'itsikate yunaiti mekaniwawautiwekaitini hipame memunenierixi memite'itani Ketsutsi hepaitisita, mipai hetsiena memite'ahianiki memita'aitaki mimierieniki, peru mepiyutexietiwekai. <sup>56</sup>Yumiireti mete'itawati mekanihekiatakaitini kewaniu memite'unenierixi peru waniuki pikayuxewikai. <sup>57</sup>Hiki hipati me'anuku'uka mekanitahekiata mete'itawati kememite'unenierixi waniu, mipai me'utiyuati:

<sup>58</sup>—Tame tekani'enieni 'ipai haineme: “Iki tuki mamaki muwewiya nekanika'unamiki, meta haika tukari 'anukayayu xeimeta nekanitawewimiki mamaki kawewiyakame”.

<sup>59</sup>Nimipai kememitehekiatakai, waniuki pikataxewiriwekai.

<sup>60</sup>Hiki mawari wewiwamete tiwa'aitiwame wahixiapa 'utakeka, Ketsutsi kaniuta'iwawiya mipai tikihiaweti:

—¿'Atsipekatita'ani? ¿Ketitaryari miya mete'utiyuane 'iki 'ahepaitsita?  
 61 Peru Ketsutsi 'atsipikahainekai, matsi kayuwati mana kaniuwekaitini.

Mawari wewiwamete tiwa'aitiwame hutarieka mipai katinita'iwawiya:

—¿'Eki petikirisitu? ¿'Eki 'aixia mitikuxaxatsiwa petinu'aya?

62 Ketsutsi mipai katinita'eiya:

—Huu, ne nekanihikitini. Xemeta xekanixeyakuni Yuri Tewi kenemitihiki, 'ane'akaima Naimekimitirikaiye tserieta, meta haitsata ne'akamiekame taheima.

63 Hiki mawari wewiwamete tiwa'aitiwame yukamixa heukatsanaka mipai kaniutayini:

—Tawariri tepikawareuyehiwa memunenierixi. 64 Xeme xekani'enieni Kakaiyari hepaitsita ke'axamutayi. ¿Kexeteyikihawe?

Miki yunaiti mipai mekanitiyuanekaitini kename mipai reuyewekai mimiereniki. 65 Hipati mekanitsutiani me'iti'aitsikawiyati me'inanaimati. Meheikihika hixiena, mekanitihutsutikine mipai mete'ikihaweti:

—Ketineutahekiata kemi'ane pimatsi'uhutsu.

Meta tehiwemete tsiere mekanitihutsunakaitini.

### **Pekuru kemitiyuku'imawakai nepika'imate Ketsutsi 'utaiti**

*(Mar 14:66-72 – Mat 26:69-75, Ruk 22:56-62, Wa 18:16-18, 25-27)*

66 Hiki Pekuru watipaiti 'uwekaku kii 'aurie takwa, 'ukaratsi kaninuani miti'uximayatametikai mawari wewiwamete tiwa'aitiwame hetsia mieme. 67 Pekuru 'uxeiyaka kixekame, heutaniereka, mipai kaniutayini:

—'Ekita Ketsutsi natsaretitanaka hamatia pekaniuyeikakaitini.

68 Miki kaniyuku'imawakaitini, mipai 'utaiti:

—Ne hawaiki nepika'imate, matsi 'atsinepikatimate kepemaine.

Mipai 'utayika kitenie kananuyeyani. Hiki 'ana wakana kaniutahiwa.

69 Hiki 'iya 'ukaratsi hutarieka 'ixeyaka kanitsutiani mipai tiwakihaweti miki mana memiti'ukai:

—'Ikita xewiti wa'iwa kanihikitini.

70 Miki tawarita kaniyuku'imawakaitini.

Yareutewikakuta miki mana memiti'ukai tawarita mipai Pekuru mekatenuatahiawe:

—Yuriki 'eki xewiti miki wa'iwa pekanihikitini, kami Karereya kiekame pekanihikitini.

71 Hiki kanitsutiani mipai 'utaiti:

—Kakaiyari 'axakenetiupitiani xika netiku'itawani, yemeki nepaine, tixai miki tewi nepikamate xemexaxata.

72 Kwitiwa hutarieka wakana kanetahiwa. Pekuru Ketsutsi niukieya kanaye'erieni kemitihiawixi: «Wakana hutarieka katahiwawekaku 'akuxi, 'eki haikakia pepi'aku'imawani kename pekanetsimate pe'utaiti». Hiki 'iki naime ra'eriwati kaniutatsuani.

**Ketsutsi kemitiutahiawarie Piratu hixie***(Mar 15:2-15 – Mat 27:11-26, Ruk 23:2-3, 18-25, Wa 18:29–19:16)*

**15**<sup>1</sup>Hiki 'ukatareku kwitiwa mawari wewiwamete tewa'aitiwamete, 'ukirawetsixi, meta 'iniariki memite'ikitametetikai, meta hipati 'itsikate yunaiti meyukuxeiriekka meyu'enieka, Ketsutsi mekanehana hiakame, Piratu mekaniyetuirieni.

<sup>2</sup>Piratu mipai katinita'iwawiya:

—¿Eki huriyutsixi teiteriyari tiwa'aitiwame petihiki?

Miki kayuku'imawati mipai katinita'eiya:

—'Ekitsi mipai pekanaineni.

<sup>3</sup>Mawari wewiwamete tewa'aitiwamete mekanixanetakaitini waikawa.

<sup>4</sup>Tawarita Piratu mipai katinita'iwawiya:

—¿Kamitsi pekanetita'eiya? Kami kemireupaime mepimetsixaneta.

<sup>5</sup>Ketsutsi mika'iku'eiyakaiki, 'ayumieme Piratu kaniuhixiyani.

<sup>6</sup>Merikite, miki 'ixiararitsie miki kaniyeiyarieyatikaitini memanutaxiriya xeime miwaxinirieniki, kemi'ane teiteri memiwawirieka. <sup>7</sup>Xewiti kananutahiiyakaitini Waxawaxi titewati, 'iya kuwiyexinu 'unamete wahamatia kananutahiiyakaitini meta mete'uyumieka. <sup>8</sup>Hiki yumiiireti teiteri me'u'axiaka mekanitawawirieni, yamityurieniki yaxeikia kemityurienekai xexuime witsie wahetsiemieme.

<sup>9</sup>Piratu mipai katiniwarutahiawe:

—¿Xeme tixenake nemixe'anayexinirieniki huriyutsixi tiwa'aitiwame?

<sup>10</sup>Miki mipai katinimaikaitini memiyetuaki mete'ikwatsirieti mawari wewiwamete tewa'aitiwamete.

<sup>11</sup>Mawari wewiwamete tewa'aitiwamete mekaniiwarukuyuitiani teiteri memitawauniki pita Waxawaxi manayexinarieniki.

<sup>12</sup>Piratu tawarita mipai katiniwaruta'iwawiya:

—Merikite, ¿keri ne'iyurieni 'iki huriyutsixi tixe'aitiwame xemite'iteriwa?

<sup>13</sup>Miki me'ita'eiyati mipai mekatenuhiwa:

—Kuruxitsie ke'ukawiyani.

<sup>14</sup>Piratu mipai katiniwarutahiawe:

—¿Titayarikuta? ¿Titaki 'axatiuyuri?

Peru miki kwinimieme matsi mekatenuhiwakaitini, mipai me'utiuyati:

—Kuruxitsie ke'ukawiyani.

<sup>15</sup>Hiki Piratu wanaki'aritamiti teiteri, kaniwaruxinirieni Waxawaxi, hiki Ketsutsi kaniuta'aita mikuweiyaxianiki meta kaniyetuani kuruxitsie mimierieniki.

**Kuyaxi Ketsutsi kememitenanaimakai***(Mar 15:16-20 – Mat 27:27-31)*

<sup>16</sup>Hiki kuyaxi paratsiyu taita 'upaiti Ketsutsi mekanehana (paratsiyu Pireturiu mitiuyetewatsie), meta kuyaxi yunaime mekaniiwarukuxeirieni.

<sup>17</sup>Ikari yitsikimayeme mekanenakuwirieni, meta xuya kurunayari me'utatsaka mu'uyatsie mekanenutimanirieni.

<sup>18</sup>Mekanitsutiani me'iwairitiati mipai me'utiyuati:

—Ke'aku, huriyutsixi tiwa'aitiwame.

<sup>19</sup>Hakaki mekanitiwayakaitini mu'uyatsie, meta mekaniku'aitsikawiyakaitini. Me'utitunuma'uweti yaiki nenewieri mekanipitiakaitini. <sup>20</sup>Arike miyamete'itanaimaka mekaninawairieni 'ikari, mekanitikemaritiani 'ixurikieyaki. Merikitsi mekaneihana kuruxitsie me'imienike.

### **Ketsutsi kemitiumerie kuruxitsie**

*(Mar 15:22-32 – Mat 27:33-44, Ruk 23:33-43, Wa 19:17-24)*

<sup>21</sup>Xeime mana 'uyemiekame me'uwiyaka mekanita'aitiani kuruxieya menitikirieniki, Tsimuni tsirenetanaka katinitewakaitini, Herekanituru meta Xupu kaniwa'ukiyaritakaitini, xaitsie 'anuyaka kiekaritsie kanaye'aximekaitini. <sup>22</sup>Hiki Ketsutsi mekanehana Kurukuta mirakutewatsie paiti (paniyine: Miki Mu'uya Manuka, mirakutewatsie). <sup>23</sup>Hiki kaxie winuyari mixaxi nikame matsiwi mekanenu'itianiekaitini meuyuyehiakaki, peru Ketsutsi pika'enu'i. <sup>24</sup>Merikite kuruxitsie mekanikawieni. Kuyaxi mekaniyuta'iwa kememite'itahuriexianiekai 'ixurikiteya, yamemitehetimaniki tita memite'anuhurieniekai yuxexuiti.

<sup>25</sup>Merikitsi ximeri 'atanauka hurayari 'upaukakaku kuruxitsie mekanikawieni. <sup>26</sup>Kemitiuxanetsie yakatiniu'utiarieni: «HURIYUTSIXI TIWA'AITIWAME». <sup>27</sup>Hamatiana mekaniiwarukawitiani tenawayamete yuhutame kuruxitsie, tserietana xeime meta 'utatana xeime. <sup>28</sup>'Anakanaye'ani 'utiarikayari mipai mire'uxa: «Miki memititsana 'iniari niukiyari, xewiti kani'eriwakaitini».

<sup>29</sup>Hiki mana memuyekikakai 'axamekatenikuhiawekaitini, yumu'u me'utitsiketi, mipai me'utiyuati:

—'E'e, 'eki tuki pemika'unakekai, meta haika tukari 'anukayayu hekwame pemitawewieniekai. <sup>30</sup>Kuruxitsie kenakaye'a meta keneu'atawikweitsitia.

<sup>31</sup>Yaxeikiata mawari wewiwamete tewa'aitiwamete meta 'iniariki te'ikitamete yunaiti me'inanaimati mipai mekaniiutyuanekaitini:

—Hipame kaniwarutawikweitsitiani, peru pikayawe miyutawikweitsitiani yikimana. <sup>32</sup>Miki Kiritsitu, 'ixaheritsixi tiwa'aitiwame, kuruxitsie ke'akayani, temixeyaki yuri temiteta'erieniki.

Meta 'auriena kuruxitsie memuyewikai yaxeikia 'axamekatenikihiawekaitini.

### **Ketsutsi kemitiyetua yu'iyari**

*(Mar 15:33-41 – Mat 27:45-56, Ruk 23:44-49)*

<sup>33</sup>Merikite tuka kaniukuyire naitsarie kwiepa, tau kiakamiekaku kaniukuhekiare. <sup>34</sup>Anari Ketsutsi karima mipai katiniuhiwa waniukiki:

—'Eruhi, 'Eruhi, ζrama tsawatani? (taniukiki manuyine: “Nekakaiyari, nekakaiyari, ζtitayari penetiuku'eiri?”).

<sup>35</sup>Kepauka hipati miki mana hurawa memiti'ukai memuenana mipai mekaniiutyuani:

—Neuxei, 'Eriyaxi kaniutahiawe.

<sup>36</sup>Xewiti tewi 'utanautsaka, haa 'itseweme kaniutahiniya winu matsinaki, hakatsie 'iyeka kaneititserieni mipai 'utaiti:

—Xekeneuhayewa, tepitaneniereni tsipara 'Eriyaxi kapunuani 'ekaxinake.

<sup>37</sup>Hiki Ketsutsi karima 'utahiwaka, kaniumini.

<sup>38</sup>Hiki 'ixuriki tukita meuwiekai hixiata kanisane heimana 'akayuaka.

<sup>39</sup>Xeitsienituyari kuyaxi tiwa'aitiwame Ketsutsi hixie muwekai, hiwarieya 'u'enieka mipai kaniutayini:

—Yuriki 'iki tewi Kakaiyari punu'ayatikai.

<sup>40</sup>Merikitsi 'ukari mekanitanenierekaitini yatewa meti'uti, Mariya Mararatanaka, Mariya Kakuwu 'etsimutewi meta Kutse miwamamatikai, meta Tsarume. <sup>41</sup>Miki mekanikuweiyatiwekaitini kepauka Karereyatsie muyeikakai mekatenimikwakaitini. Hipatita yuwaikawati 'ukari 'utimana memu'axiakai Kerutsaremetsie mana mekaniti'ukaitini.

### Ketsutsi kemitiukateukie

(Mar 15:42-47 – Mat 27:57-61, Ruk 23:50-56, Wa 19:38-42)

<sup>42</sup>Tukari memayukuha'aritiwakatsie, 'uxa'arieka 'uxipiya tukari maye'anikekaiki. Hiki 'akayunirimekaku <sup>43</sup>Kutse 'arimateyatanaka kaninuani, miki 'itsikate kaniwanikaitini 'aixia katinimatiwakaitini, meta kanita'ikwewakaitini Kakaiyari ti'aitametiti mayaniki. Kaniyuwairiya Piratu hetsia miye'aniki, Ketsutsi kaxarieya mitawawirieniki. <sup>44</sup>Piratu kaniuhixiyani 'ari mumiki, xeitsienituyari kuyaxi tiwa'aitiwame kaniutakwewieni yu'aurie, nuaku, Piratu kanita'iwawiya kemireutewikai Ketsutsi hemika. <sup>45</sup>Kuyaxi tiwa'aitiwame yatitahiaweku, kaxari Kutse kaniyetuiriyarieni. <sup>46</sup>Miki rinu tsawanayari hekunaneka, 'ekakweka kaxari, tsawanaki kanita'eima, teukiyapa kaneitateni 'aitia miwaye'inieriekatsie, meta tete kaneumani teukiya kitenietsie. <sup>47</sup>Mariya Mararatanaka meta Mariya Kutse mimamayatikai matia mekanixeiya hakewa meutatekie.

### 'Umerieka kemiranukuke

(Mar 16:1-8 – Mat 28:1-8, Ruk 24:1-10)

**16** <sup>1</sup>Merikitsi 'uxipiya tukari 'utaxiku, Mariya Mararatanaka meta Mariya Kakuwu maamaya meta Tsarume yunaiti, 'uaye witsimu'ia mekaniananeni, memiyehuki Ketsutsi kaxarieya mehetawirienike.

<sup>2</sup>Ximeri kwitiwa tau 'anatineku tsemana mexiakame tukaritsie, teukiyapa mekanekine. <sup>3</sup>Mipai mekateniyuku'iwawiyakaitini: «¿Kemi'ane tete pitatsiheuhiwirieni teukiyata kitenie meuma?»

<sup>4</sup>Mikitsi teté 'akaninekaitini. Peru kepauka memunenierixi mekanixeiya teté heuhiyakame. <sup>5</sup>Hiki teukiyapa mekaneutahaxiani, watserieta 'akaime temaiki mekanixeiya, mutuxa 'amitewi 'anakatikime, hiki mekanitutimamani.

<sup>6</sup>Miki mipai katiniwarutahiawe:

—Xepikamamaka. Xeme Ketsutsi xepikuwautiwe natsaretitanaka kuruxitsie mukawiya. Kananukuketarieniri, 'uwa pikayeka. Paratsi xekeneutanenieri

hakewa meutatekie. <sup>7</sup>Hiki xekenehu, mipai xeketeniwaretahiawi teyi'ikitiwametemama meta Pekuru: "Miki petiari Karereyatsie paiti. Mana xekaneixeyakuni, yemeki kemitixe'utahiawixi".

<sup>8</sup>Hiki teukiyapa mewayekineka mekaniyuta'una, me'utiyiyiakati meta memamati. Xeimetima 'atsimepikate'utahiawixi memimamakaiki.

### **Ketsutsi matsiikiti kemirayueitia meta kemiranutitia**

<sup>9</sup>Hiki tsemana mexiakame tukaritsie 'anutaniereka Ketsutsi ximeri, matsiikiti kanayueitiani meri Mariya Mararatanaka 'ixeyiakaku. Meripaiti kakaiyarixi 'axamemi'anene 'atahutati memiwiyakai, Ketsutsi miwarayeni'a, miki Mariya kanihikitikaitini mixei. <sup>10</sup>Miki heyaka, yakatiniwarutaxatiani miki hamatiana memu'uwakai, memuyuhiweriekai meta memutitsuanakai. <sup>11</sup>Peru miki me'u'enanakatiti kename 'ayenierikai, kename miki 'ixeyiakai, yuri mepikate'ita'eriri.

<sup>12</sup>'Arike matsiikiti yiki'aneti kanayueitiani, yuhutati miki yeutapai me'uyehukaku wahixie. <sup>13</sup>Miki yu'utima mekanekine, hipame teyi'ikitiwamete mekateniwarutaxatiani kemituuyi. Mikita 'akuxi yuri mepikatewaruta'eriri.

<sup>14</sup>Imatiriekata matsiikiti kanayueitiani tamamata heimana xewi teyi'ikitiwamete me'ixeyiakaku metekwakaku. Kaniwarutatieni yuri memikate'eriekaiki, yu'iyaritsie memitsetse'ikaiki, yuri memikatewaruta'eririki miki memixei 'anukukeku.

<sup>15</sup>Hiki mipai katiniwarutahiawe: «Naitsarie kwiepa xekeneutayeixia, niuki 'aixia manuyine xekeniwakuxaxatiwani yunaima keyupaimet memunetiarie. <sup>16</sup>Kemi'ane yuri mitita'erieni mika'iyarieni, miki kanitawikweitsitariemiki, kemi'ane yuri mikati'erie, 'itsikame kanitakwewimiki hetsiena mirahiiyaniki. <sup>17</sup>Ipai 'aneneti 'iniarite kanitixuawerimiki hakewa meme'uwa miki yuri memite'erie, nehetsia memimieteki mekaniwarayeni'axiakuni kakaiyarixi 'axamemi'anene, mekanitiniukuni niuki mihehekwaiki, <sup>18</sup>kuterixi xika mewaranuku'ini, mimiya xika me'anu'ieni, tixaiti 'atsipikatiwayurieni, tekwikwikate wahetsie xika me'utimeni miki 'aixia metehue'erieti mepakine».

<sup>19</sup>Merikitsi Ti'aitame Ketsutsi mipai tiwarutahiaweka, taheima kananutiwitikieni, Kakaiyari tserieta kanayerini. <sup>20</sup>Naitsarie mekaneutayeixiani miki metekuxatati, Ti'aitame waikawa kaniwaparewiewekaitini kememite'uximayakai waniuki tseiriyati 'iniri kemitiwapitakai. Mipai xeikia kani'aneni.



# Rukaxi

## Niuki 'aixia manuyine kemiraka'utia

---

### Teukiru kemitiutawairitia

**1** <sup>1</sup>Yumiireti mekaniuyuwairiya memiteti'utianiki naima hepaitisa kemitiuyi kemiraye'a tatsata, <sup>2</sup>yemeki kememitate'uxatia miki matiari paiti memunenierixi, ni'aritsixi memaki niuki 'aixia manuyine memikuxata. <sup>3</sup>Neta, naiti kemitiuyi matiari paiti nekatiniutiwauni kemitiwayaki neyukweriwayurieti. 'Ayumieme, pemimariwe Teukiru 'aku, nepinewairiya xexuime naima nemimara'utiirieniki, <sup>4</sup>mipai yuriki yapemiretimaniki kemitiyuri 'iki niuki pemuta'ikitiarie.

### Wani Ti'iyame kemitinuiwakekai

<sup>5</sup>Merikitsi kepauka Herurexi miti'aitametikai Kureya kwieyaritsie, mawari wewiwame 'akanuyeikakaitini Tsakariyaxi titewati, mawari wewiwame 'Awiyaxi teiterimama wahamatia katini'uximayakaitini. 'Yaya 'Eritaweti mikita 'Aruni nuiwarieyatsie mieme kanihikitikaitini. <sup>6</sup>Yunaiti heitseriemeki yamekateniyuriekaitini Kakaiyari hixie. Yamekatenikahukaitini Ti'aitame kemiti'aitakai naimetsie, wahetsie karahiiwakaku. <sup>7</sup>Nunutsi mepikahexeyakai 'Eritaweti mikayiwekaiki meta mekani'ukirawetsixitikaitiniri.

<sup>8</sup>Merikitsi heiwa Tsakariyaxi mawari wewiwametiti katini'uximayakaitini Kakaiyari hixie kepauka 'Awiyaxi teiterimama wahetsie mitiunakixi. <sup>9</sup>Mawari wewiwamete kemitiwayeyaritikai, hetsiena katiniunake heiwa Ti'aitame tukita meutahaniki pitsi mitaiyaki. <sup>10</sup>Kepauka maye'a pitsi mitaiyaki tukita, yunaiti teiteri takwa mekaniyunenewiekaitini. <sup>11</sup>Hiki 'ana Tsakariyaxi niuki tuayame kaniuxeiya Ti'aitame hetsia mieme mana 'utiweme mexa pitsi taiyame tserieta. <sup>12</sup>Tsakariyaxi 'ixeyati kaniyuitiarieni yu'iyaritsie, kaniutimani. <sup>13</sup>Hiki niuki tuayame mipai katinitahiawe:

—Pepikamaka, Tsakariyaxi 'aku, 'anenewieri kaniu'enierieni. 'A'iya 'Eritaweti nunutsi kanayexeyamiki 'aniwetime, Wani pekatiniteriwamiki. <sup>14</sup>Pekani'atemawiekamiki waikawa, 'aiyari kwini mieme ninaki'akamiki, yumiireti mekaniyutemamawiekakuni kepauka mitinuiwa, <sup>15</sup>kanimariwemiki Kakaiyari hixie. Kaxie winuyari yatini xeime winu pikaye'eni, 'iyari Mitiyupata kaniwiyamiki mitinuiwatsie

paititi. <sup>16</sup>Ixaheritsixi teiteriyari yumiireme ta'aurie kaniwaraxiriamiki, Ti'aitame memayexeyaniki yukakaiyari. <sup>17</sup>Miki meri kanaanuyeyerimiki, Ti'aitame hixie, 'Eriyaxi hepai tiuka'iyariti tirikariyaya hexeyati, wa'ukiyarima ta'aurie kaniwaraxiriamiki yitiriyama memiwara'eriwaniki meta miki memikaheuenana ta'aurie kaniwaraxiriamiki miki heitseriemeki yamemitekahu wahepai memiteyikihiaweniki. Mipai katiniwakuha'aritimiki teiteri, Ti'aitame memikwewiekaki.

<sup>18</sup>Hiki Tsakariyaxi mipai niuki tuayame katiniutahiawe:

—¿Ke'aneme 'iniariki yanepitimaika? Nekani'ukiratsitiniri meta ne'iya tukarieya ranutitiari.

<sup>19</sup>Hiki niuki tuayame mipai katinitahiawe:

—Ne Kirawieri nekanihikitini, Kakaiyari hixie nekaniuweni. Yanemimatitahiaweki nekaneveni'arieni, nemimatsitaxatianiki 'iki niuki 'aixia manuyine. <sup>20</sup>Peru, 'eki yuri pemikatiuta'eriki neniukitsie, kayuwati pepitiyerini, pekaniuweti pekanayeimiki mexi ka'aye'aweni. Pepika'utaniukani kepaukake tukari maye'ani naiti yamitiyini.

<sup>21</sup>Merikitsi teiteri Tsakariyaxi mekanikwewiekaitini, mekani'iyarixiekaitini 'emireutewikaiki tukita. <sup>22</sup>Hiki kepauka muwayetia kaniyutatexieni warahiaweti, hiki miki yamekatenetimani kename tixaiti tiuxei tukita, yumamaki xeikia kaniwaku'iniaritiwakaitini, 'aniukateitini kaniuweti.

<sup>23</sup>Hiki heutipareku 'uximayatsikaya, yukie kaneyani. <sup>24</sup>Hiki 'ana reutiyetana 'iyaya 'ayehukati kanayani 'Eritsaweti, hiki kaniyu'awietakaitini 'auxiwi metseri mipai 'utaiti: <sup>25</sup>«Kami, 'ipai katiniuyurieni Ti'aitame, yuwairiyati 'aixia minetsiyurieniki, teiteri memikanetsinanaimakaki».

### Mariya kemitiutahiawarie Ketsutsi kemitinuiwakekai

<sup>26</sup>Merikitsi 'ataxewirieka metsersie Kakaiyari yuniuki tuayame Kirawieri kaniutani'ani, Karereya kwieyaritsie kiekari Natsareti mirakutewatsie, <sup>27</sup>iimari miyuxewikai hetsia kanitani'ani Mariya mititewakai hetsia, kanitiwikieximekaitini, 'uki Kutse titewati kanitiwitinikekaitini, Kutse Rawiri kaninuiwarieyatikaitini. <sup>28</sup>Hiki Mariya hetsia heutahaka niuki tuayame, mipai katinitahiawe:

—Ke'aku. Ti'aitame 'aixia katiniuka'iyarini 'ahetsiemieme, 'ahamatia puyeika.

<sup>29</sup>Miki yu'iyaritsie kaniuyuitarieni, yatiniku'eriwakaitini titayari mipai mitiwairitia.

<sup>30</sup>Niuki tuayame mipai katinitahiawe:

—Pepikamaka, Mariya 'aku. Kakaiyari 'aixia pitiuka'iyari 'ahetsiemieme. <sup>31</sup>Hikiri pe'ayehukati pekanayeimiki, 'ukitime pekanitiniwemiki meta Ketsutsi pekatiniteriwamiki. <sup>32</sup>Miki mariweti kanayeimiki, 'Amutewi Nu'aya katiniuteriwariwamiki. Ti'aitame Kakaiyari kanipitiamiki Rawiri 'uweneyatsie mayeriniki, tutsieya. <sup>33</sup>Ixaheritsixi teiteriyari katiniwata'aitiamiki yuheyemeki. Kemitita'aita pikaheutipare hatsuaku.

<sup>34</sup>Hiki Mariya mipai niuki tuayame katiniutahiawe:

—Merikite, ¿kepatiti mipai pitiyini, 'uki nepikamate?

<sup>35</sup>Niuki tuayame mipai katinitahiawe:

—'Iyari Mitiyupata 'ahetsie kaninuamiki, kemi'ane 'Amutewi yutirikariyaki kamani'etiriwiyamiki. 'Ayumieme nunutsi mitinuiwa kanipatsiemiki Kakaiyaritsie mieme, Kakaiyari Nu'aya katiniuteriwariwamiki. <sup>36</sup>Kami, 'a'iwa yatewa 'Eritaweti 'ayehukati kanayani 'ukaratsitiri, 'ataxewime metseri kaniyurieka 'iya kaniweweme memixatakai. <sup>37</sup>Kakaiyari pikayutatexieni, naimeki kaniyiweni.

<sup>38</sup>Mariya mipai katinitahiawe:

—Merikite, ne Ti'aitame nekatini'uximayatameyatini. Kepemaine yaketiuyini.

Hiki niuki tuayame kaneyani.

### Mariya kemireku'iwataxi 'Eritaweti hetsia

<sup>39</sup>Hiki miixa tukari ka'anukayeiwekaku yukuha'aritiaka kaneyani Mariya, yumexiitiati kiekaritsie kaneta'ani mihiriyatsie Kureya kwieyaritsie.

<sup>40</sup>Tsakariyaxi kiita heutahaka 'Eritaweti kaniutawairitiani. <sup>41</sup>Merikitsi 'Eritaweti kepauka Mariya wairitsikaya mu'eni, nunutsi neukuyuaxiani yuriepana. Hiki 'Iyari Mitiyupata kaniwiya 'Eritaweti. <sup>42</sup>Mipai kaniutayini karima:

—Waikawa 'eki 'aixia pepi'tiarié, hipati 'ukari temika'tiarié hepai, meta 'aixia kani'tiariemiki kemi'ane pemitinuiwitiani. <sup>43</sup>¿Nehetsie ketinake neti'aitiwame warutsieya minetsi'iwatamieki? <sup>44</sup>Kami, 'awairitsika ne'u'enieku, nunutsi yutemawieti neukuyuaxiani neyuriepa. <sup>45</sup>'Aixia pekani'tiariemiki yuri pemituuta'eriki kename 'aye'ani naiti kepemituutahiawarie, Ti'aitame kemimaretahiawixi.

### Mariya kwikarieya

(Ruk 1:46-53 – 1Tsam 2:1-10)

<sup>46</sup>Hiki Mariya mipai kaniutayini:

—Ne'iyari mipai paine, Ti'aitame kanitirikaiyeni,

<sup>47</sup>ne'iyari kaniyutemawieka Kakaiyari hetsie Netsiwikweitsitiwame,

<sup>48</sup>kaneniuxeiya ti'uximayatameya kenemithihiki hetsiena mieme tsepa tixaiti nemikatihiki.

Kami, 'uxa'a warie yunaiti nuiwarite 'aixia

ne'tiariékame mekaneni'eriekakuni,

<sup>49</sup>kemi'ane mitirikaiye mariwemeki kaneniuyurieni.

Miki Patsiekame kanixatsiwani.

<sup>50</sup>Kaniwanenimayaka yunaiti memeyemakaxe,

meta waniwema kaniwanenimayaka.

<sup>51</sup>Yikimana kemitiyuriene kanimatsiikini kemitiirikaiye,

kaniwareutaweyaxiani miki memiteyukatawe'erie

yu'iyaritsie kememiteku'eriwa.

<sup>52</sup>Kwiepa te'aitamete kaniwarunawairieni tita memite'aita,

miki tixai memikatehime pita kaniwaruhiritiani waikawa.

<sup>53</sup> Memeuhakakwikukai kaniwarutihiniya 'aixia miti'aneki,  
 peru memeuka'ukai kaniwareutani'axiani memamaweme.  
<sup>54-55</sup> Kanitsutiani tatsiparewieti 'ixaheritsixi teiteriyari hetsiana  
 mieme temite'uximayatamete,  
 he'eriwati kemitiwarutahiawixi ta'ukiyarima,  
 'Apirahami kaninenimayaka,  
 meta kataninenimayaka yuheyemeki tame hetsiena temiyeki.  
<sup>56</sup> Merikitsi Mariya 'Eritasweti hetsia kaniukateitini 'etsiwatikaku haika  
 metseri, 'arike yukie kaneyani.

### Wani Ti'iyame kemitiutinuiwaxi

<sup>57</sup> Merikitsi tukari kanaye'ani 'Eritasweti mitiniweniki, 'ukitime kaniutiniweni.  
<sup>58</sup> Hiki 'ahurawatari maremama yunaiti mete'utamarieka Ti'aitame waikawa  
 kemititanenimayataxi, hamatiana mekaniyutemamawiekaitini.  
<sup>59</sup> Hiki 'atahairieka tukaritsie mekaniu'axiani me'i'iniaritianike nu'etsi  
 huriyutsixi waxitekiyaki. Tsakariyaxi mekateneriwakekaitini 'ukiyarieya  
 hepai, <sup>60</sup> ana warutsieya mipai kaniutayini:  
 —Tixaitsieti. Wani katinitewakamiki pita.  
<sup>61</sup> Miki mipai mekatentahiawe:  
 —Peru 'amare mipai titewati pumawe.  
<sup>62</sup> Yumamaki mekanitahiawe paapaya, kemitinake mipai mititeriwarieniki.  
<sup>63</sup> Xapa 'uta'iwauka, mana mipai katiniu'utiani: «Wani katinitewaka». Yunaiti  
 mekanuhixiyani. <sup>64</sup> Hiki yapauka nenieya kaniuxinarieni, kaniutaniuni,  
 hiki 'aixia 'utaiti Kakaiyari hepaitisa kanayani. <sup>65</sup> 'Ahurawatari yunaiti  
 mekanimamakaitini, meta naitсарie Kureya hiriyaritsie kemitiuyi mipai  
 katinikuxaxatsiwakaitini. <sup>66</sup> Yunaiti memi'enanakai mekaniyu'iyaritiakaitini  
 mipai meteyikihaweti: «Ke'aneti payani 'iki nunutsi?» Miki meta, Ti'aitame  
 yitirikariyaki kaniparewiekaitini.

### Tsakariyaxi kwikarieya

<sup>67</sup> Ana Kakaiyari 'Iyarieya Mitiyupata 'iwiyakaku nunutsi 'ukiyarieya  
 Tsakariyaxi kaniutaniuni Kakaiyaritsie mieme mipai 'utaiti:  
<sup>68</sup> «'Aixia ketikihawariwani Ti'aitame, kemi'ane 'ixaheritsixi mitakakaiyari.  
 Kanitsutiani yuteiterima wa'iwiyati, 'aixia 'iyurieneti memixinarieniki.  
<sup>69</sup> Tatsiwikweitsiwame tirikaiyeme kataneyeni'airieni,  
 Rawiri kie mieme, ti'uximayatsiriwame  
<sup>70</sup> (meripaiti kemutayikai yametekuxatakaku niukametemama memipatsie  
 hetsiena mieme),  
<sup>71</sup> mitatsitawikweitsitianiki miki memitatsi'aye'unie memikatatsi'a'iwaki,  
 meta miki memitatsi'uxiwe'erie memikatatsi'a'iwaki,  
<sup>72</sup> mipai mitiwatinenimayataki ta'ukiyarima  
 kemiraye'eri tiratu mipatsie kemitiuwewi.  
<sup>73</sup> Kemitiuyuhiritia yatikihaweti ta'ukiyari 'Apirahami:  
<sup>74</sup> Kename tatsipitianikekai tekamamati 'atemu'uwaniki,  
 tatsi'utawikweitsitiaka miki memitatsi'aye'unie wahetsia,

temeyexeyaniki kemitinake, <sup>75</sup>hetsiena mieme tepatsieti,  
heitseriemeki yatetekahuti,  
hixiena te'u'uwati mexi te'ayeneniereni.

<sup>76</sup> 'Eki meta, nunutsi 'aku, kemi'ane 'Amutewi niukameya  
pekatiuiteriwariwamiki.

Kariki Ti'aitame pepanukuhaitiia huyeya 'aixia pemiurieniki.

<sup>77</sup> Teiterimama wikweitsitarika pekaniwatahekiatiamiki,  
kemitwareuyehiwirieni miki 'axamemite'uyuri pehaiti.

<sup>78</sup> Mipai katiniyurieniki takakaiyari mitiyukanenimayaki.  
Mipai kemi'ane taheima mimieme kaninuamiki.

<sup>79</sup> Miwahekiariwiyaki miki yiwipa mem'u'owa,  
meta miki mekw'i'warimeti memiyiriarie niwahekiariwiyamiki,  
ta'ikate katanitseiriyamiki teme'u'waniki hake 'aixia temitetaxeyaniki  
Kakaiyari matia».

<sup>80</sup> Merikitsi nunutsi kaniwerekaitini, 'Iyarieya tirikaiyeti kanayani,  
makumawetsie kaneyeikakaitini mexi tukarieya ka'aye'awekai 'akuxi  
matsiikiti mayaniki 'ixaheritsixi wahixie.

### Ketsutsi kemitiutinuiwaxi

(Mat 1:18-25)

**2** <sup>1</sup>Merikitsi 'ana 'aitsika neutani'ariexiani Tsetsaxi 'Akutsitu hetsia mieme,  
mipai 'utaiti, yunaiti kwiepa memitama xapatsie memayuka'utianiki.

<sup>2</sup> (Miki matiari teiteri kememite'aka'utsie pituuyi kepauka Tsireniyu  
mihiritiariekai Tsiriya kwieyaritsie). <sup>3</sup>Hiki yunaiti mekaneutayeixiani  
memayuka'uti'axianiki yuxexuiti yukiekaritsie.

<sup>4</sup>Hiki Kutse Karereya kwieyaritsie Natsareti mirakutewatsie kanayeyani.  
Kureya kwieyaritsie kaninuani Rawiri kiekariena Wereni mirakutewatsie.  
Rawiri kie kanimiemetikaitini, Rawiri nuiwarieya kanihikitikaitini.

<sup>5</sup>Maka'utiarieniki kaneyeyani Mariya 'awititi miki mayehukakaiki.  
'Iyaya kanayanikekaitini. <sup>6</sup>Mana mexi me'u'uwakai, tukarieya kanaye'ani  
mitiniweniki. <sup>7</sup>Hiki yumatiari kaniutiniweni. Tuwaxateki kaniku'eima,  
wakaitsixi wakanuwatsie kanikateni mikaxuawekakaiki wahetsiemieme  
memiwa'axianikekaitsie.

### Taheima miemete niuki tuayamete kememitewarutahiawixi muxatsi wahiwemete

<sup>8</sup>Merikitsi 'ana muxatsi wahiwemete mana mekaniu'uwakaitini, yeuta  
meniwahitiwekaitini yumuxatsi yiwikita. <sup>9</sup>Hiki wahixie niutakeni niuki  
tuayame Ti'aitame hetsia mieme. Wa'aurie nakuxawatikaitini Ti'aitame  
hekiariyayaki, waikawa mekaniutimamani. <sup>10</sup>Peru niuki tuayame mipai  
katiniwarutahiawe: «Xepikamamaka. Hiki nenixetaxatiamiki niuki  
'aixia manuyine, waikawa kanixuawekamiki temawierika yunaime  
teiteri wahetsiemieme. <sup>11</sup>'Iki tikaritsie tiyuwikweitsitiwame kanetinuiwa  
xehetsiemieme, Rawiri kiekariena katineyini, Kiritsitu kanihikitini,

Ti'aitame kanihikitini. <sup>12</sup> 'Iki 'iniariki xekaneitimaikuni: Nunutsi xekanexeyiakuni tuwaxateki 'eimeme, wakaitsixi wakanuwatsie heyekaime».

<sup>13</sup> Hiki yapauka niuki tuayame 'aurie mekaniuti'uni muyuawitsie miemete yumiireti, 'aixia me'utiyuati Kakaiyari hepaitisita, mipai me'utiyuati:

<sup>14</sup> «Taheima witsikatinikihawariwani Kakaiyari,

kwiepa 'aixia mekatenixeyariekuni teiteri miki wakimana minaki'a».

<sup>15</sup> Merikitsi niuki tuayamete muyuawitsie meheutiyunixiaku, mipai mekateniyikihawekaitini muxatsi wahiwemete: «Hikimitsiari tepiyehu Wereni paiti, tepi'ixiariyu kemainekai, Ti'aitame kemitatiutahiawixi».

<sup>16</sup> Meyumexiitiati mekanekine, mewaruta'iwauka Mariya mame Kutse mekaniwarutaxeiya, nunutsi meta wakaitsixi wakanuwatsie yekaime.

<sup>17</sup> Mewaruxeyiaka mekatenikuxatakaitini kememite'utahiawarie nunutsi hepaitisita. <sup>18</sup> Yunaiti memi'enanakai mekanihixiyakaitini kememitewarutahiawixiki muxatsi wahiwemete. <sup>19</sup> Matsi Mariya ni'iwiyakaitini yu'iyaritsie 'iki naime, yu'iyaritiati hepaitisana. <sup>20</sup> Hiki mekanekine muxatsi wahiwemete 'aixia metekuxatati Kakaiyari hepaitisita naime kememite'uxeiki naime kememite'u'eniki, naiti yakatiniuyini kememite'utahiawariekai.

### Tukita kemitatiarie Ketsutsi

<sup>21</sup> Merikitsi 'atahairieka tukari mekani'iniaritiani huriyutsixi teiteriyari waxitekiyaki. 'Ana Ketsutsi katiniuteriwarieni, niuki tuayame kemititeriwaxi yumaamatsie ka'ayekaiku 'akuxi.

<sup>22</sup> Metatsiere kepauka tukari maye'a, Muitsexi kemitu'aitakai niwekame hepaitisita memiyu'tieniki, Kerutsareme mekanekine nunutsi meheyetuanike Ti'aitame hetsia. <sup>23</sup> Mipai katine'uka 'iniari xapayaritsie, Ti'aitame meripaiti kemainekai: «Yunaiti 'ukitsi matiari memitinunuiwa, miki mekanipatsiekakuni Ti'aitame hetsiemieme». <sup>24</sup> Meta mekaniwarutimawa Ti'aitame kemainekai 'iniari xapayaritsie kemire'uxa: «Kukuruxi xeiparitsi yatini weuraixi tirixi yuhutame».

<sup>25</sup> Hiki tewi Kerutsareme kaniukateitini Tsimiyuni titewati, miki heitseriemeki yatikamieti Kakaiyari kanayexeyakaitini, kanikwewiekaitini 'ixaheritsixi teiteriyari wanitiwame. 'Iyari Mitiyupataki kanihinekaitini, <sup>26</sup> mipai katiniuhekiatsitiiyariekaitini 'Iyari Mitiyupataki, kename kwiti kaminiekai, 'ixeyameke Ti'aitame hetsia mieme Kiritsitu, 'anarike kaniminiekaitini. <sup>27</sup> Hiki 'Iyari 'iniku, huriyutsixi watukita kaninuani. Kepauka Ketsutsi nunutsi paapamama memeutahaxia me'eye'atiani ke kemitwayeyaritikai, huriyutsixi kemitwayeyari, 'iniari niukiyaritsie kemire'uxa. <sup>28</sup> 'Ana Tsimiyuni kanenutuni, 'aixia kaniutayini Kakaiyari hepaitisita, mipai 'utaiti:

<sup>29</sup> «Hikirixia nekutsiyari 'aku, pepeye'atia 'aniuki,

ne'iyaritsie neka'uximatiariekame keneneuka'uxipitia

ti'a'uximayatsiriwame.

<sup>30</sup> Hikirixia nekimana nepitiuxei kepemitwawikweitsitiani teiteri,

<sup>31</sup> nepixei tita pemitih'aritia yunaime teiteri wahixie:

<sup>32</sup> Kaniwahekiariwiyamiki hipame nuiwarite

meta witsite'aneneme katanayeitiamiki 'ateiterima 'ixaheritsixi».

<sup>33</sup> Hiki paapaya meta maamaya mekaniyu'iyaritiakaitini mipai mainekaiki hepaitsitana. <sup>34</sup> 'Aixia xepi'tiariieka kaniutayinita Tsimiyuni, mipai Mariya katiniutahiawe nunutsi maamaya:

«Kami 'iki nunutsi yumiireti 'ixaheritsixi mematixirieniki meta yumiireti memanuku'uniki kani'ayumiemetini, 'iniari kaniyimiki kaniniukimariiekamiki, <sup>35</sup> 'Ekita 'a'iyaritsie pekanitsekiemiki hiwerikaki, kumu 'ixipara kemitiyutsewe. Miki kemitiyurieneni, yumiireti mematsiikiti mekanakinikuni kememiteyikihawe yu'iyaritsie».

<sup>36</sup> Xewitita 'akanuoyeikakaitini 'ukaratsititi Hana titewati, miki Kakaiyari niukameya kanihikitikaitini, Penuheri kaninu'ayatikaitini, 'Atsexi nuiwarieyatiti. Kanitseyekaitini, nauka tewiyari heimana nauka wiyari kanihikaitini, 'utiwikieka 'atahuta wiyari piteitakai yikina,

<sup>37</sup> 'umiku yuxaita 'eniukateitini. Tuki kuraruyarita pikawayeyeikakai matsi yuhakieti yunenewieti pi'ayumiemetikai tukariki tikariki.

<sup>38</sup> Hiki 'ahurawa 'uyaka pamipariyutsi kanipitiani Kakaiyari, Ketsutsi hepaitsita tiniwakuxaxatiwakaitini Kerutsaremetari memita'ikwewakai memixinarieniki yunaiti.

<sup>39</sup> Hiki meheye'atiaka naima kemire'uxa 'iniari xapayaritsie, Ti'aitame kemainekai meripaiti, Karereyatsie mekanekine, yukiekaritsie mekaneta'axiani Natsareti mirakutewatsie. <sup>40</sup> Merikitsi nunutsi kaniwerekaitini tirikaiyeti timaiweti kanayeiximekaitini, Kakaiyari 'aixia pitiuka'iyarikai hetsiena mieme.

### **Temaikiyari Ketsutsi tukita kemitiyeyeikakai**

<sup>41</sup> Merikitsi xexuime wiyaritsie paapamama Kerutsareme mekaneta'axekaitini 'ixiararipa kepauka meme'eriwakai, Kakaiyari kemitiwarayewiti yuteiterima.

<sup>42</sup> Hiki kepauka tamamata heimana huta wiyari mihikai, mana mekaneutiyune, teiteri kemitiwayeyaritikai 'ixiararipa. <sup>43</sup> Hiki heutipareku, yu'utima

mehahuximekaku, Ketsutsi Kerutsareme kaniyuhayewa, 'atsimekatemaikaku paapamama. <sup>44</sup> Teiteri watsata 'uyeikame me'erieti, xeitukari mekanihukaitini.

'Ana yu'iwama yumarema wahetsia mekanitiwautikine. <sup>45</sup> Meka'itaxeyawaweti, Kerutsareme mekanakunuxiani me'ikuwautiweti. <sup>46</sup> Hiki hairieka tukari

menitaxeyaya tuki kuraruyarita 'ayekaima, te'ikitamete wahixiapa 'ukaima.

Kaniwa'eniekaitini kaniwaku'iwawiyakaitini. <sup>47</sup> Yunaiti memi'eniekai mekanihixiyakaitini timaiwemeki kemitiwaku'eiyakai. <sup>48</sup> Hiki paapamama

me'ixeyati mekani'iyarixiekaitini, maamaya mipai katinitahiawe:

—Neniwe, titayari miya petatiuyuri. Tepimatsikuwautiwe tetahiwerieti 'apaapa matia.

<sup>49</sup> Mipai katiniwarutahiawe:

—'E'e, kari xepinetsikuwautiwekai. ¿Tami, 'atsixekatemaikai, meuyewetse ne'ukiyari kiya hepaitsita nemi'ayumiemetiniki?

<sup>50</sup> Miki 'atsimepikateheitima niukieyatsie kemainekai.

<sup>51</sup>Hiki wahamatia kaneyani, Natsareti mekaneta'axiani, kememaitikatei yakatinikamiekaitini. Maamaya yu'iyaritsie ni'iwiyakaitini 'iki naime.

<sup>52</sup>Ketsutsi timaiweti kanayeiximekaitini, kaniwerekaitini, Kakaiyari meta teiteri matsi waikawa 'aixia mekatenixeyiakaitini.

### Wani Ti'iyame kemitikuxatakai

(Ruk 3:2-10, 16-17 – Mat 3:1-12, Mar 1:3-5, 7-8)

**3**<sup>1</sup>Merikitsi 'ana Tiweriyu Tsetsaxi tamamata heimana 'auxiwi wiyari kaniyuriekaitini ti'aitati, Punitsiyu Piratu kuwexinaruri kanihikitikaitini Kureya kwieyaritsie, Herurexi kanihiritiariekaitini Karereya kwieyaritsie miti'aitaniki, Peripe Herurexi mi'wayatikai katini'aitakaitini 'Itureya kwieyaritsie meta Tirakuniti kwieyaritsie, meta Ritsaniyaxi katini'aitakaitini 'Awiriniyatsie, <sup>2</sup>Anátsi meta Kaipátsi mekanihiritiariekaitini mawari wewiwamete. 'Ana Kakaiyari yuniuki Wani kaniupitiani Tsakariyaxi nu'aya, makumawetsie 'uyeikakaku. <sup>3</sup>Wani naitсарie Kurutani hatuxameyari manuyeka kaniuyeikakaitini, mipai tikuxatati teiteri memitehayewaki 'axameteyurieti meta memika'iyarieniki mipai mitimatsiikini kename mete'uhayewaxi 'axameteyurieti. <sup>4</sup>Yakatiniyurienekaitini kemire'uxa Kitsariyaxi xapayaritsie, Kakaiyari niukieyaki kemitikuxatakai:

«Xewiti makumawetsie mipai pirehiwa:

“Xekeneukuha'aritia Ti'aitame huyeya,  
xexeurawime huyeya xekeneutiwewi.

<sup>5</sup>Naiti 'aki kananuparekutiarixiamiki,  
naiti yemuri 'emutiti 'etsimutiti 'akuweriti kanayeitiariemiki.

Tita mititutune xexeurawiti katinayeimiki,  
tita mirakutetexiya 'akuharuaniti katinayeimiki.

<sup>6</sup>Yunaiti teiteri mepixeiya kemitiyuwikweitsitiwa Kakaiyari”».

<sup>7</sup>Wani mipai katiniwakuxaxatiwakaitini teiteri memi'axekai miwaka'iyaki: —Kuterixi waniwema. ¿Kemi'ane mipai pitixe'utahiawixi xemi'yuta'unaki kapa 'uxa'atiniwarie xe'uyehekarieniki? <sup>8</sup>Miki memite'uhayewaxi kememiteyurie wahepai xeketenyurieka, kemireuyewetse. Xepika'itsutiaka yu'iyaritsie mipai xeteyikihiaweti: “Tepinaki'eriwa ta'ukiyari temexeyaki 'Apirahami”. Mipai nepitixekihawe, Kakaiyari kaniyiweni 'iki tetexi teiteri miwarayeitiani 'Apirahami niwemama. <sup>9</sup>'Ari hatsa kaniukuha'aritarieni kiyexi maxirieniki, 'ayumieme naiti kiye 'aixia 'aneneti mika'utixuxuawere kanaxiriyamiki, taipa kaneuxiriyamiki.

<sup>10</sup>Teiteri mipai mekateniku'iwawiyakaitini:

—¿Kamitsi keteteyurieka?

<sup>11</sup>Mipai katiniwarutahiawe Wani:

—Kemi'ane huta kamixayari mexeiya, kemi'ane mikaheixeiya ke'umini, kemi'ane 'ikwai mexeiya yaxeikia ketiyurieneni.

<sup>12</sup>Meta kuwiyexinu hetsiemieme tewawamete mekanu'axiani, memika'iyarieniki. Mipai mekatenita'iwawiya:

—Ti'ikitame 'aku, ¿keteteyurieka tame?



<sup>13</sup>Miki mipai katiniwarutahiawe:

—Kexemite'uaitiarie, heimana mieme xepikatewauka.

<sup>14</sup>Meta kuyaxi mipai mekatenita'iwawiya:

—Tameta, ¿keteteyurieka?

Miki mipai katiniwarutahiawe:

—Xepikatenawayani, 'itarikaki xepikawatawiwiyani. Xekenenaki'aka yu'iwariakaki.

<sup>15</sup>Merikitsi 'ana teiteri mekanita'ikwewakaitini yu'iyaritsie meyu'iyaritiati yunaiti Wani hepaitisita, xika miki Kiritsitu hikitini mexika katixaitini, me'utiyuati.

<sup>16</sup>Peru Wani mipai katiniwarutahiawe yunaima:

—Neri haki nepixe'uka'iya. Peru 'ukanamieni kemi'ane waikawa mitirikaiye, nekatirikaiyekaku ne. 'Aixia nepika'ane nehetsie mitinakeniki nemiparewiekaki ninemenakuwenirieniki kakaiya kwitaxiyari. Miki pita kanixeka'iyamiki 'Iyari Mitiyupataki meta kanixe'itimiki tai kemitiyu'itiwa.

<sup>17</sup>Kuxari 'itiwame pakwe'e, tiriku miti'tieniki kuxari manuyewiwieniki, tiriku kaniti'utamiki kaxetunitsie, peru kuxariyari pita pititaiya tai mikatiwetsie.

<sup>18</sup>Matsi waikawa kaniwatuikakaitini teiteri, niuki 'aixia manuyine kaniwakuxaxatiwakaitini. <sup>19</sup>Hiki Herurexi miki kwieyari kanihiritiariekaitini mana miti'aitaniki. Yu'iwa kaniu'iyapieni, Heruriya titewakame kaniutiwitini, waikawa katiniyurienekaitini Herurexi 'axatiyurieneti, 'ayumieme Wani kanitate'akaitini. <sup>20</sup>Hiki Herurexi nayuye'atiani 'axakemitiyurienekai, Wani kananutahiani katsariyanata.

### **Ketsutsi kemitiuka'iyarie meta nuiwarieya**

*(Ruk 3:21-38 – Mat 3:13-17, 1:1-17, Mar 1:9-11)*

<sup>21</sup>Merikitsi kepauka yunaiti teiteri memuka'iyarie, Ketsutsi kaniuka'iyarienita. Mexi yunenewiekai, taheima kanakanatenire, <sup>22</sup>'Iyari Mitiyupata heimana kanakaneni hetsiena kaninuani, kukuru hepai katiniyuxexeyakaitini. Hiki xewitita taheima mipai kanetayini: «Eki pekanineniwetini nekamaninaki'erieka, 'akimana nekaniyutemawieka».

<sup>23</sup>Merikitsi Ketsutsi xetewiyari heimana tamamata wiyari yakititi kanihikaitini kepauka mitsutia mipai tiyurieneti. Kutse kaninu'ayatikaitini, mekateniku'eriwakaitini,

mikita 'Eri kaninu'ayatikaitini, <sup>24</sup>mikita Matati kaninu'ayatikaitini,

mikita Rewi kaninu'ayatikaitini, mikita Meriki kaninu'ayatikaitini,

mikita Kanahi kaninu'ayatikaitini, mikita Kutse kaninu'ayatikaitini,

<sup>25</sup>mikita Matatiyaxi kaninu'ayatikaitini, mikita 'Amuxi kaninu'ayatikaitini,

mikita Nahumi kaninu'ayatikaitini, mikita 'Etsirie kaninu'ayatikaitini,

<sup>26</sup>mikita Nakahi kaninu'ayatikaitini, mikita Mahati kaninu'ayatikaitini,

mikita Matatiyaxi kaninu'ayatikaitini, mikita Tsemehi

kaninu'ayatikaitini,

mikita Kutse kaninu'ayatikaitini, mikita Kura kaninu'ayatikaitini,

- <sup>27</sup> mikita Kuhana kaninu'ayatikaitini, mikita Xetsa kaninu'ayatikaitini,  
 mikita Tsuruwaweri kaninu'ayatikaitini, mikita Tsaratieri  
 kaninu'ayatikaitini,  
 mikita Nerie kaninu'ayatikaitini, <sup>28</sup> mikita Meriki kaninu'ayatikaitini,  
 mikita 'Arie kaninu'ayatikaitini, mikita Kutsani kaninu'ayatikaitini,  
 mikita 'Erimurami kaninu'ayatikaitini, mikita 'Eri kaninu'ayatikaitini,  
<sup>29</sup> mikita Kutsuhe kaninu'ayatikaitini, mikita 'Eriyetsexi  
 kaninu'ayatikaitini,  
 mikita Kurimi kaninu'ayatikaitini, mikita Matati kaninu'ayatikaitini,  
 mikita Rewi kaninu'ayatikaitini, <sup>30</sup> mikita Tsimiyuni kaninu'ayatikaitini,  
 mikita Kura kaninu'ayatikaitini, mikita Kutse kaninu'ayatikaitini,  
 mikita Kunani kaninu'ayatikaitini, mikita 'Eriyakimi kaninu'ayatikaitini,  
<sup>31</sup> mikita Mereya kaninu'ayatikaitini, mikita Mainani kaninu'ayatikaitini,  
 mikita Matata kaninu'ayatikaitini, mikita Natani kaninu'ayatikaitini,  
 mikita Rawiri kaninu'ayatikaitini, <sup>32</sup> mikita Kitsahi kaninu'ayatikaitini,  
 mikita 'Uwari kaninu'ayatikaitini, mikita Wuhutsi kaninu'ayatikaitini,  
 mikita Tsarimuni kaninu'ayatikaitini, mikita Nahatsuni  
 kaninu'ayatikaitini,  
<sup>33</sup> mikita 'Aminarawi kaninu'ayatikaitini, mikita 'Aramini  
 kaninu'ayatikaitini,  
 mikita Hetsirumi kaninu'ayatikaitini, mikita Paretsi kaninu'ayatikaitini,  
 mikita Kura kaninu'ayatikaitini, <sup>34</sup> mikita Kakuwu kaninu'ayatikaitini,  
 mikita 'Itsahaki kaninu'ayatikaitini, mikita 'Apirahami  
 kaninu'ayatikaitini,  
 mikita Teraki kaninu'ayatikaitini, mikita Nakuxi kaninu'ayatikaitini,  
<sup>35</sup> mikita Tseruki kaninu'ayatikaitini, mikita Rakau kaninu'ayatikaitini,  
 mikita Pereki kaninu'ayatikaitini, mikita 'Ewexi kaninu'ayatikaitini,  
 mikita Tsara kaninu'ayatikaitini, <sup>36</sup> mikita Kainani kaninu'ayatikaitini,  
 mikita 'Aripatsari kaninu'ayatikaitini, mikita Tsemi kaninu'ayatikaitini,  
 mikita Nuhexi kaninu'ayatikaitini, mikita Rameki kaninu'ayatikaitini,  
<sup>37</sup> mikita Matutsareni kaninu'ayatikaitini, mikita 'Enuki  
 kaninu'ayatikaitini,  
 mikita Kareri kaninu'ayatikaitini, mikita Maharareri kaninu'ayatikaitini,  
 mikita Kainani kaninu'ayatikaitini, <sup>38</sup> mikita 'Enuxi kaninu'ayatikaitini,  
 mikita Tseti kaninu'ayatikaitini, mikita 'Arani kaninu'ayatikaitini,  
 mikita Kaka'yari kaninu'ayatikaitiniri.

### Ketsutsi kemitiuta'iniatsie

(Ruk 4:1-13 – Mat 4:1-11, Mar 1:12-13)

**4** <sup>1</sup> Merikitsi, Ketsutsi 'Iyari Mitiyupataki hineti mana kaneyeyani  
 Kurutani hatuxameyaritsie, meta 'Iyari Mitiyupata kaneiwitini  
 makumawetsie. <sup>2</sup> Mana huta tewiyari tukari kaniuyurieni, meta  
 kauyumarie kanita'iniata. Mipaipaimexia tukari pikatikwakai,  
 hiki 'anarike kanekahakamikatiyani.

<sup>3</sup>Hiki Kauyumarie mipai katinitahiawe:

—Kamitsi, 'eki xika Kakaiyari penu'ayatini, 'iki tete mipai ketineutahiawi, paa payuyeitiani.

<sup>4</sup>Ketsutsi mipai katinita'eiya:

—'Utiarika mipai paine: “Tewi xika paa xeikia kwaka, mikiki pika'ayeyurini”.<sup>a</sup>

<sup>5</sup>Hiki Kauyumarie wapaiti heiwitika, kwiepa memitama wakwie naime kanixeitsitiani xeinieriyariki.

<sup>6</sup>Kauyumarie mipai katinitahiawe:

—Heitserie nepimatsipitiaka 'iki naime hepaitsita, yunaiti witsimemimatekihiaweniki nepimatsipitiaka, 'iki naime nekaniyetuiyarieni, heitserie nepexeiya nemiminiki kemi'ane minetsinake. <sup>7</sup>Ayumieme 'eki nenewieri xika penetsi'upitiani, 'iki naiti 'apini pirayani.

<sup>8</sup>Hiki Ketsutsi mipai katinitahiawe:

—Kenemie Kauyumarie, 'utiarika mipai paine: “Nenewieri pepipitiani Ti'aitame 'akakaiyari, miki hikiame xeikia pepayexeyani”.

<sup>9</sup>Hiki Kauyumarie kaneiwitini Kerutsareme, watuki yekirita kanenutiwitini, mipai katinitahiawe:

—'Eki Kakaiyari xika penu'ayatini, 'ena keneukatsuna. <sup>10</sup>'Utiarika mipai paine:

»“Yuhetsia miemete niuki tuayamete pitiwa'aitiaka 'ahepaitsita memimatsi'iwiyaniki.

Yumamaki mepimatsituikani,

<sup>11</sup> kapa tetetsie pe'uti'ikamireki”».

<sup>12</sup>Ketsutsi mipai katinitahiawe:

—Mipai paineta: “Pepika'i'itsipaneni Ti'aitame mi'akakaiyari”.

<sup>13</sup>Hiki Kauyumarie naimeki 'ita'iniataka kaneyani 'ariketa 'ita'iniatake.

#### Ketsutsi kemitiuyuri Natsaretitsie

<sup>14</sup>Merikitsi Ketsutsi yu'utima kaneyeyani Karereya paiti,

Iyari 'itirikariyakaku, naitsarie kaniutamariwa hepaitsitana.

<sup>15</sup>Katiniku'ikitanekaitini tukiteta, hiki yunaiti 'aixia mekatenikuxatakaitini hepaitsitana.

<sup>16</sup>Hiki Natsareti kiekariyaritsie kaninuani, matawerixitsie, hiki kemitiyeyariyatikai, tukita kaneutahani 'uxi'piya tukaritsie. Kananukukeni tititeriwake, <sup>17</sup>hiki xapa kaniuhuritiarieni Kakaiyari niukieya maye'uxa, Kitsariyaxi kemiraka'utia. 'Itaweraka kanitaxeiya niuki hakewa mipai maine:

<sup>18</sup> «Ti'aitame 'Iyarieya kaneniuwiya,

Kanenuhiritiani niuki 'aixia manuyine nemiwaxaxatiwaniki tixaiti memikateheuxeiya.

Kaneneyeni'ani nemiwaranayexirieniki miki memiyuhiwerie yu'iyaritsie,

yanemitiwatahiaweki miki memanutaxiriya kename me'utixinarie,

meta yanemitiwatahiaweki miki memakikipe kename me'anutaneniere, nemiwaxinaki miki memiwiyarietika,

<sup>a</sup> 4:4 RV60 meta hipati mepenaniitia *Kakaiyari kemutayi, niukieya naiti peuyewetseta.*

<sup>19</sup> nemitikuxataniki kename tukari 'aye'a kepauka Ti'aitame muyuwairiya 'aixia mitatixeyaki».

<sup>20</sup> Hiki 'itakwikwieka xapa, 'iyetuirioka tiyuparewiwame, mana kanayerini ti'ikitame 'uweneyatsie. Yunaiti tukita memayetekai kwi mekanixeyakaitini, <sup>21</sup> hiki kanitsutiani mipai tiwakuxaxatiwati: «'Iki tukaritsie kanaye'ani 'iki 'utiarika kemaine, xe'leniekaku xeme».

<sup>22</sup> Yunaiti mekatenihekiatakaitini me'lenieka, mekanihixiyakaitini niuki witsimanuyine tetana mayeneikakaiki. Mipai mekaniutiyuanekaitini: «¿'Iki Kutse nu'aya katihiki?»

<sup>23</sup> Mipaita katiniwarutahiawe: «Patsi yuriki xeme 'iki niukiyari xekanenitaxatiakuni: “Tiyu'uayemawame 'aku, 'akimana keneuyu'uayema. Ketemite'u'enana Kaperunaume kepemireyuri, 'enata 'akiekaritsie yaxeikia ketineuyuri”. <sup>24</sup> Tawarita mipai kaniutayini: Yuriki mipai nepixerahiawe, nixewiti Kakaiyari niukameya pikanaki'eriwa yukiekaritsie. <sup>25</sup> Yuri nepaine, 'Ixaheri kwieyaritsie yumireti wiuraxi mekanu'uwakaitini kepauka 'Eriyaxi 'amuyeikakai, kepauka muyuawitsie mireunamie haika wiyari heimana 'ataxewi metseri, kepauka haka mutawe naitserie kwiepa. <sup>26</sup> Miki wahetsia pika'utani'arie 'Eriyaxi nixeime hetsia, Tsiruni kwieyaritsie pita kaniutani'arieni Tsarepita mirakutewatsie wiura hetsia. <sup>27</sup> Miki meta, yumireti 'amekanu'uwakaitini 'Ixaheri kwieyaritsie kwiniyaki meka'itiatikaiti kepauka 'Eritseu 'amuyeikakai Kakaiyari niukameya, nixewiti tima pika'utitiya mana kiekatari, tsiriyatanaka pita kaniu'itiyani Nahamani titewati».

<sup>28</sup> Hiki me'lenieka kemitikuxatakai, mekaniuyeha'ani yunaiti tukita memayetekai. <sup>29</sup> Me'anuku'uka, kiekaritsie mekaneyeweiya, yemuritsie mekaneihana kiekari hetsiena mawewiyakaitsie, mana tekia memekahianiki. <sup>30</sup> Peru miki wahixiata heutayuneka kaneyani.

### **Kakaiyari mika'itiya tewi kemitiwiyakai**

*(Ruk 4:31-37 – Mar 1:21-28)*

<sup>31</sup> Merikitsi kiekaritsie kaninuani Kaperunaume mirakutewatsie Karereya kwieyaritsie, mana 'uxipiya tukaritsie tiniwa'ikitiakaitini.

<sup>32</sup> Miki mekanihixiyakaitini 'ikitsikayaki, heitserie hexeyati mitaniukakaiki.

<sup>33</sup> Hiki tukita nayekateitini tewi kakaiyari mika'itiya 'iwiyakaku. <sup>34</sup> Karima kaniutahiwa mipai 'utaiti:

—'Aii, kepetati'uximatia Ketsutsi natsaretitanaka. ¿Petatsika'unake kari pepunua? Ne nepimatsimate kepemipaiki: 'Eki pepihiki Kakaiyaritsie mieme pemipatsie.

<sup>35</sup> Hiki Ketsutsi kanitatie ni mipai 'utaiti:

—Kayuwati. Keneuxina miki tewi.

'Iya kakaiyari tewi 'atihika wahixiapa, kanixina katikwinitia.

<sup>36</sup> Yunaiti mekaniutimamani, meteyukuxaxatiwati mipai mekaniutiyuanekaitini: «¿Ke'aneme niuki pexeyi? Heitserie hexeyati

kaniwarutate'ani kakaiyarixi memika'itiyatika tirikariya hexeiyati, mikita mekaniwatixinani». <sup>37</sup>Naitsarie kiekari 'aurie kanikuxaxatsiwakaitini, Ketsutsi kemitiyurienekai.

### **Ketsutsi kemirenayehia Pekuru warikaiya**

*(Ruk 4:38-43 – Mat 8:14-17, Mar 1:29-38)*

<sup>38</sup>Merikitsi tukita wayeyaka Tsimuni kie kaninuani, hiki hiiya yemeki kaniwiwakaitini Tsimuni warikaiya. Ketsutsi mekaniutawawirieni miparewieniki. <sup>39</sup>Auriena 'utakeka, hiiya kaniutatieni, hiki hiiya kanihayewa. Yapauka 'anukukeka kaniwarutiparewietiyani.

<sup>40</sup>Hiki tau 'akayuneku, yunaiti memiwarexeiyakai tekwikwikate miireme kwiniyaki memitekukuyekai hetsiana mekaniwa'atiani, yuxexuime wahetsie 'utimeka 'aixia metehue'eriekame kaniwarayeitiani. <sup>41</sup>Kakaiyarixi 'axamemi'anene kaniwaruta'aitiani memiwatixinaki yumiireme memitewakwinitiakai, miki mekaniutihwakaitini mipai me'utiyuati: «Eki Kakaiyari pekaninu'ayatini». Peru Ketsutsi warutate'ati kakaiyarixi pikawapitiakai memitiniuniki memimaikaiki kename Kiritsitu hikitikai heitserie mupitiarie.

<sup>42</sup>Hiki 'ukatareku kaneyani teiteri memikahaxuawetsie. Teiteri yumiireti mekanikuwautiwekaitini, me'itaxeyaka mepikuhanakai mikaheyeikanikiri. <sup>43</sup>Peru miki matsi mipai katiniwarutahiawe: «Kaneuyeweka hipame kiekaritetsieta niuki 'aixia manuyine nemikuxataniki, kemitiyini Kakaiyari ti'aitakaku, peuyewetse nemitikuxataniki, 'ayumieme nepeyeni'arie». <sup>44</sup>Hiki kaniyeweyakaitini tikuxataneti huriyutsixi watukiteta.

### **Kemi'ane meri muwaranayexei teyu'ikitiwamete**

*(Ruk 5:1-11 – Mat 4:18-22, Mar 1:16-20, Wa 1:40-42)*

**5** <sup>1</sup>Merikitsi Ketsutsi Kenetsareti harakunayari tetsita kaniuyeikakaitini tikuxatati, yumiireti mekanitsaipinakaitini Kakaiyari niukieya me'eniekuti. <sup>2</sup>Hiki kanuwa kaniuxeyia hutame hatetsita 'aheikame ketsiteweyiamete wakanuwa, ketsiteweyiamete me'anatikineka yuwipi mekani'ekwakaitini. <sup>3</sup>Hiki xeimetsie kayerika Tsimuni kanuwayatsie, kanitawawirieni harakunatsie 'etsiwa meutahaniki. Kanuwatsie yekaiti katiniwa'ikitiakaitini teiteri.

<sup>4</sup>Hiki yuxatsika 'unika, mipai katinitahiawe Tsimuni:  
—'Emeukatewatsie keneuyeye'a, mana wipi xeneukawiwixia tsapari xemiwaratixirieniki.

<sup>5</sup>Hiki Tsimuni mipai katinitahiawe:  
—Ti'ikitame 'aku, tikakita naime tepayekexi, tepiteta'uxitia yaki xeikia, tixai tepikate'umi. Matsi miya pemaineki, wipi nekaneukawiwixiamiki.

<sup>6</sup>Mipai mekatenuyurieni, hiki mekaniwaratixirieni ketsite kwini mieme meyupaimeme, wipi kanititsanikekaitini. <sup>7</sup>Hiki yu'iwama xeime kanuwatsie memiyetekai yumamaki mekaniwarumawiya memakineki memiwaparewieniki. Miki mekaniu'axiani, yukanuwate mekaniutihiniyaxiani hutame, 'etsiwatikaku mekaniukayunixiani.

<sup>8</sup>Hiki naime tiuxeiyaka Tsimuni Pekuru mititewakai, kaniutitunumakeni Ketsutsi hixie mipai 'utaiti:

—Ti'aitame, keneneuhayewa, ne 'axanepitiyuruwame.

<sup>9</sup>Kaniutimakaitini miki meta yunaiti hamatiana memuwakai mekaniutimamani miya yupaimeme memiwaratixiriki tsapari.

<sup>10</sup>Yaxeikiata Tsewereu niwemama mekaniutimamani Kakuwu meta Wani, Tsimuni hamatia memite'uximayakai. Hiki Ketsutsi mipai Tsimuni katiniutahiawe:

—Pepikamaka. Hikitsi 'ena mitiyehane teiteri pita pekaniwakuxeirimiki.

<sup>11</sup>Hiki kanuwa me'anatihapaka kwiepa, naime mete'uku'eirieka, Ketsutsi hetsie mekatenuwiya mekaneiveiya.

### **Tewi kwiniyaki mika'itiyakai**

*(Ruk 5:12-14 – Mat 8:2-4, Mar 1:40-44)*

<sup>12</sup>Merikitsi xeime kiekaritsie kaniuyeikakaitini Ketsutsi, tikwikame mana kaniukateitini mika'itiyakai naiti heupiniti. Hiki Ketsutsi 'uxeiyaka, kaniutihiximakeni, mipai titawawirienike:

—Ti'aitame, xika pe'awairiyani, pepiyiwe pemineksi'utitieni.

<sup>13</sup>Ketsutsi yumama 'utatseraka kanimayiani mipai 'utaiti:

—Nepinewairiya, pe'itiyati peke'uyuhayewa.

Yapauka kwiniya kanihayewa.

<sup>14</sup>Hiki Ketsutsi mipai katinita'aitiani 'atsimikatitahiawekei xeime. Mipai katinitahiawe:

—Kenemie mawari wewiwame matsixeyaki, pemu'itiyaki ketineutimawa Muiitsexi kemitu'aitaxi pemitiwatahekiatiani.

<sup>15</sup>Perutsi matsi kwini mieme katinikuxaxatsiwakaitini hepaitsitana, teiteri yumiireti mekaniyutixexeiriwakaitini memi'enieniki 'aixia memite'uka'eritariwaniki kwiniya kememitehexeyakai. <sup>16</sup>Ketsutsi matsi makumawetsie kaneyeikakaitini yutanenewienike yuxaita.

### **Ketsutsi huriekame kemiranayehia**

*(Ruk 5:18-26 – Mat 9:2-8, Mar 2:3-12)*

<sup>17</sup>Merikitsi xeime tukaritsie katin'i'ikitakaitini, mana menayetekaitini huriyutsixi teiteriyari yuyeyariki memipatsiekai paritseutsixi memiteyuteriwakai, hipatita huriyutsixi wa'iniariki memite'ikitametetikai. Naime kiekaritetsie Karereya kwieyaritsie Kureya kwieyaritsie mekaneyekinekaitini meta Kerutsaremetsie. Kakaiyari tirikariyaya kanixuawekaitini Ketsutsi 'aixia mitiwaruka'eritariwaniki. <sup>18</sup>Hiki teiteri mekanu'axiani me'ehanati huriekame 'itaritsie yekaima. Ketsutsi miwakateitsie mekani'atianekaitini hixiena me'itenike, <sup>19</sup>peru mekaniyutatexieni meheutahaxianike teiteri memiyumiirekaiki, 'ayumieme kii heima meneutimamake, tekayari meha'unaka, Ketsutsi hixie mekaneikatuanu tewi 'itari naime teiteri wahixiapa paiti.

<sup>20</sup>Hiki waruxeiyaka yuri kememite'eriekai, mipai kaniutayini:

—'Eki 'aku, 'axakepemituyuri pekatineuyehiwarieni.

<sup>21</sup> Hiki paritseutsixi meta 'iniariki memite'ikitametetikai, miki mekanitsutiani mipai meteyikihiaweti: «¿Kepipaiki 'iki 'axamutaine Kakaiyari hepaitsita? ¿Kepaiki piyiwe mitiwareuyehiwirieni 'axamete'uyurieu, Kakaiyari xeikia piyiwe?»

<sup>22</sup> Ketsutsi retimaika kememiteyikihiawekai mipai katiniwarutahiawe: —¿Titayaritsi miya xeteyikihiawe yu'iyaritsie? <sup>23</sup> ¿Tita matsi katikwaniwe, katikwaniwe mipai xika 'utayini: “Ke'axapemitiuyuri pepireuyehiwyarie”, katikwaniwe matsi mipai mutayini, “Kenanukukexi kenekuyeikani”?

<sup>24</sup> Peuyewetse mipai xemitemaikaki, Yuri Tewi kenemititewa, heitserie nekanexeyani kwiepa nemitiwareuyehiwirieniki miki 'axamemite'uyuri.

'Ana mipai katinitahiawe huriekame:

—'Eki 'aku nepimarahiawe, kenanukukexi, 'aitari kenanukwe'i, 'akie kenemie.

<sup>25</sup> Yapauka kanaanukukeni yunaime wahixie, titatsie mirakatei kaneikweni, yukie kaneyani 'aixia 'utaiti Kakaiyari hepaitsita. <sup>26</sup> Hiki yunaiti mekanihixiyakaitini, 'aixia mekanitiyuanekaitini Kakaiyari hepaitsita. Waikawameki mekanimamakaitini mipai me'utiyuati: «Mamariwaweme tepite'uxei hiki».

### **Rewi kemitiuta'ini hetsiena mitiwiwaki**

*(Ruk 5:27-32 – Mat 9:9-13, Mar 2:14-17)*

<sup>27</sup> Merikitsi kaneyani, tewi kuwiyexinutsie mieme tiwawame kaniuxeiya Rewi titewakame memite'ayutituayatsie 'akaime. Ketsutsi mipai katinitahiawe:

—Nehetsie ketineuwiya.

<sup>28</sup> Hiki Rewi 'anukukeka, naime tiuku'eirieka, hetsiena katiniuwiya.

<sup>29</sup> 'Ana Rewi 'ikwai kaniuwewieni yukiita Ketsutsi hetsiemieme, yumiiireti kuwiyexinu hetsiemieme tewawamete, meta hipati teiteri mekatenikwakaitini hamatiana. <sup>30</sup> Peru paritseutsixi meta 'iniariki memite'ikitametetikai memiyinikai, miki mekaniniukixiekaitini mipai metewakihiaweti hetsiana miemete teyi'ikitiwamete:

—¿Titayarikuta miki tewawamete meta 'axateyuruwamete wahamatia xetekwa'a meta xete'ie?

<sup>31</sup> Hiki Ketsutsi mipai katiniwarutahiawe:

—Miki 'aixia memiteheu'erie mepikaheiyehiwa tiyu'uayemawame, miki memitekukuye pita mekaneyehiaka. <sup>32</sup> Nepikanua newata'inienike miki heitseriemeki yamemitekahu, miki 'axamemiteyurie pita newata'inienike nekaninuani memitehayewaki ke'axamemiteyurie.

### **Kemitiuta'iwawiyarie hakiya hepaitsita**

*(Ruk 5:33-39 – Mat 9:14-17, Mar 2:18-22)*

<sup>33</sup> Merikitsi mipai mekatenitahiawe:

—Wani hetsia miemete teyi'ikitiwamete mepuyuhakixime meta mepiyunenewixime miixa, meta paritseutsixi wahetsia miemete yaxekia mepiteyurie. ¿Peru 'ahetsia miemete titayari yametekwa'a yamete'ie?

<sup>34</sup>Hiki Ketsutsi mipai katiniwaruta'eiya:

—¿Ketiye miwahakieka neneikeme 'inierimama mexi neneikeme wahamatia 'uyeika? <sup>35</sup>Tukari kanaye'amiki kepauka neneikeme mitihanieni watsata, miki tukaritsieke mekaniyuhakikuni.

<sup>36</sup>'Ki 'ixatsi hepaitisa tikuxatati tiniwaruti'ikitiatiyani mipai 'utaiti:

—Tewi kapitatsana 'ixuriki hekwame, mimanetsikitianiki miye'i. Xika mipai tiyurieni, hekwame pitatsanekeyu, mihekwa matia miye'i 'axapitiyuxexeyanikeyu. <sup>37</sup>Meta nixewiti tsixai miyeye'itsie pika'ikatu'a kaxie winuyari mihekwa mikwanaki. Mexika mipai tiyurieni, winu mihekwa tsixai kanititsanamiki, winu kanitayewuriweni, meta tsixai kaneuyewautseni. <sup>38</sup>Matsi kaxie winuyari mihekwa kaneuyeweka tsixai mihehekwaatsie mikatuarieni mikwanaki. <sup>39</sup>Tewi meripai mieme 'anieku 'anuti'ieme, kwaname pikaheu'imikini, mipai paineni: “Meripai mieme 'aixia kana'aneni”.

### 'Uxiyia tukaritsie tiriku kememite'utikwai teyi'ikitiwamete

(Ruk 6: 1-11 – Mat 12:1-14, Mar 2:23-3:6)

**6** <sup>1</sup>Merikitsi 'uxiypia tukaritsie Ketsutsi tiriku ma'iwiyatsie kaniuyeyani, teyi'ikitiwamete tiriku miayeyari mekananutihurukakaitini, yumamatsie me'ititiminati mekanikwakaitini. <sup>2</sup>Hiki paritseutsixi hipati mipai mekaniutiyuani:

—¿Titayarikuta xeme kemikareuyewetse xeteyurie 'uxiypia tukaritsie?

<sup>3</sup>Ketsutsi mipai katiniwarutahiawe:

—¿Kari, tima xepika'ekateriwawawe kemitiuyuri Rawiri kepauka memuhakakwi miki meta hamatiana memu'uwakai? <sup>4</sup>Kakaiyari kiyata kaneutahani, paa muwa Kakaiyari hixie mamaneikai 'anaka'ika, kanitikwani, miki heitserie pikahexeyakai mitikwaniki, mawari wewiwamete xeikia heitserie mepexeyakai. Metatsiere kaniwarumini miki 'utimana memeu'uwakai.

<sup>5</sup>Mipaia katiniwarutahiawe:

—Heitserie nekanexeyani 'uxiypia tukari hepaitisita Yuri Tewi nehikititi.

<sup>6</sup>Merikitsi tawari 'uxiypia tukaritsie tukita kaneutahani, hiki kanitsutiani ti'ikitati. Tewi muwa kanayekateitini mimamawakikai yutserieta, <sup>7</sup>miki 'iniariki memite'ikitametetikai meta paritseutsixi mekanihupiekaitini, tsiparatsi xika 'uxiypia tukaritsie 'enayehianike tima, me'utiyuati, mikiki memitaxanetaki.

<sup>8</sup>Timaiti kememiteyikihiawekai, mipai katinitahiawe tewi mimamawakikai:

—Kenanukukexi, tahixiapa keneutakexi.

'Anukukeka mana kaniutakeni. <sup>9</sup>Hiki Ketsutsi mipai katiniwarutahiawe:

—'Ipa nepitixeku'iwawiya: ¿'Uxiypia tukaritsie tiheitserie 'aixia mitiyurieneni, nutsu 'axamitiyurieneni? ¿Tiheitserie para tewi mutawikweitsitiani, nutsu mika'unaki pita?

<sup>10</sup>Yunaime waranuxeyatiyaka, mipai tewi katinutahiawe:

—'Amama keneutatsera.

Mipai tiyurieku mamaya 'aixia 'aneti kanayani. <sup>11</sup>Miki kwiniemieme mekatenuyeha'ani, hiki mekanitsutiani metekuxatati Ketsutsi kememiyurienikekai.



**Tamamata heimana huta ni'ariekate**

*(Ruk 6:13-16 – Mat 10:2-4, Mar 3:16-19, Ni'a 1:13)*

<sup>12</sup>Merikitsi 'ana hiritisie kaneutiyune yutanenewienike, xeitikari nenewieri kanipitiakaitini yukakaiyari. <sup>13</sup>Hiki 'ukatareku, yu'aurie kaniwarutahiawe yuhetsia miemete teyi'ikitiwamete, watsata kaniwaranuyeteixi tamamata heimana yuhutame, ni'ariekate katiniwaruteriwa miki: <sup>14</sup>Tsimuni ('arike Pekuru mititeriwaxi), 'Atirexi Tsimuni 'iwaya, Kakuwu, Wani, Piripe, Wariturume, <sup>15</sup>Mateu, Tumaxi, Kakuwu 'Aripeu nu'aya, Tsimuni tserutitsita mititewakai, <sup>16</sup>Kura Kakuwu nu'aya, Kura 'Itsikariutitanaka 'arikeke miyetua.

**Ketsutsi kemitiiwaruparewi yumiireme**

*(Ruk 6:20-23 – Mat 5:3-12)*

<sup>17</sup>Hiki wahamatia 'ukateka, makuweritsie kaniwakeni. Yumiireti hetsiana miemete teyi'ikitiwamete, meta yumiireti teiteri naitarie Kureyatsie Kerutsaremetisie memeyeki, hipati haramara tetsita memeyeki Tiru 'aurie Tsiruni 'aurie, <sup>18</sup>mana mekaniu'axiakaitini memi'enieniki, 'aixia metehue'rietie memayeitiarieniki kwiniya kememitehexeyiakai. Miki kakaiyarixi 'axamemi'anene memiwanikai 'aixia metehue'rietie mepayeitiarie, <sup>19</sup>teiteri yunaiti mekanimayiakukaitini tirikariya hetsiana mayenekakakiki yunaima 'aixia metehue'eriekame muwarayeitiwakai.

<sup>20</sup>Merikitsi yuhetsia miemete teyi'ikitiwamete waxeyiati mipai kaniutayini:

«'Aixia xekani'itiarieka xeme tixaiti xemikatehexeyia,

Kakaiyari xekanexeyiani tixe'aitiwametime.

<sup>21</sup>'Aixia xekani'itiarieka xeme hiki xemeuhakakwiku,

xekanitihuxaikuni.

'Aixia xekani'itiarieka xeme hiki xemutitsuaana,

xekaniutinawekuni.

<sup>22</sup>'Aixia xekani'itiarieka xeme kepauka teiteri memixe'uxiwe'erie,

kepauka memikaxenaki'erie yuhetsia, kepauka 'axamemutiyuane

xehapaitsita, kepauka memixexani'erie 'axaxemi'anene me'utiyuati,

Yuri Tewi hetsie xemitewiyaki.

<sup>23</sup>»Xekeneyutemamawieka waikawa 'iya tukaritsie, xeketeneuye'ani, waikawa taheima mieme xekana'iwakuni. Wa'ukiyarima yaxeikia mepiwaruyuri Kakaiyari niukametemama.

<sup>24</sup>»Matsi xia'ui, xeme xemixikutsixi,

'ariri yunaki'eriya xekanaye'atiani.

<sup>25</sup>Xia'ui xeme hiki xemihuxa,

xepuehakakwikuni.

Xia'ui xeme hiki xemutinawe,

xepiyuhiwerieka xeputitsuanani.

<sup>26</sup>Xia'ui xeme kepauka yunaiti teiteri witsimemutiyuane xehapaitsita.

Xe'ukiyarima yaxeikia mepiwaruyuri Kakaiyari

niukametemama memite'itawakai.

### Kemireuyewetse memitatsi'aye'unie wahepaitsita

(Ruk 6:29-30 – Mat 5:39-42)

27»Matsi mipai nepitixekihawe xeme xemi'enana: Xekeniwanaki'erieka miki memixe'aye'unie, 'aixia xekeniwayurieka miki memixe'uxiwe'erie, 28 miki 'axamemutiyuane xehepaitsita wahepaitsita 'aixia xekeneutiyuaneni xeme, xekenyunenewieka miki memixetsewixima wahetsieme. 29 Kemi'ane 'aurita mimatsiheutiwani, ta'aurie kenawetsi tapata mimatsiheutiwaniki. Kemi'ane mimatsinawairieni 'aikari, pepika'ikweririeka 'akamixata mimatsinawairieniki. 30 Kemi'ane tixaiti mimatiutawawiri, ketineupitia, kemi'ane 'apini mimatinawairieni, pepika'iwiyani. 31 Kemitixenake, teiteri yamemixeyurieniki xeme, kemitixenake xeme, miki kanixe'iniaritikamiki, yaxemiwayurieniki hipame meri.

32»Xikata xewanaki'erieka miki memixenaki'erie, ztitaki 'aixia xetekuxaxatsiwani? 'Axateyuruwamete mekaniwanaki'erieka miki memiwanaki'erie. 33 Xikata 'aixia xewayurieka miki 'aixia memixeyurie, ztitaki 'aixia xetekuxaxatsiwani? 'Axateyuruwametetiti mipai mepiteyurie. 34 Xikata xetewaniitiaka miki kemi'ane memite'ayukatuawawe xekia, ztitaki 'aixia xetekuxaxatsiwani? 'Axateyuruwameteta mepiteyuniitia tawari memite'apiniyariiekaki. 35 Matsitsi xekeniwanaki'erieka miki memixe'aye'unie, 'aixia xeketenyurieka, xeketenyuniitiaka 'atsixekateyu'iyaritiatu. Mipai xeteyurietu kwini mieme xekatenaiwakuni, kemi'ane taheima makawe niwemama xekanihikitikakuni, miki 'aixia pituuka'iyari miki pamipariyutsi memikateyupitiwa wahetsieme, miki 'axamemiteyurie wahetsieme meta. 36 Xeketenyukanenimayaka, xe'ukiyari kemitiyukanenimaya.

### Hipame wahetsie xepikate'ahipani

(Ruk 6:37-42 – Mat 7:1-5)

37»Hipame wahetsie xika xekate'ahipani, xehetsieta pikarahiiwani. Xika xekateyuxanetani, xemeta xepikaxanetsieka. Xika xekawaranutaxiriwani, xemeta xepika'anutaxiriyani. Xika xetewareuyehiwirieka, xemeta xepiteheuyehiwarieni. 38 Xika xetewarini, xemeta xepitemikieni: 'Aixia ti'iniatsiekame 'anukapinariiekame, 'anutakatsiekame, 'anakaxiriweme xepimikieni. Karikitsi hipame kexemitewaru'iniatsiri mipaita xeme xepite'iniatsiyarieni».

39 Merikitsi 'iki 'ixatsi hepaitsita tikuxatati katiniwaruta'ikitiani mipai 'utaiti: «z Makipe ketiyiwe menuhana xeime makipe? z Yuhutati mewatixawatsie mekateheukaxirieni? 40 Tiyi'ikitawame pikawe'eme keyuri ti'ikitame, peru 'aye'atiarieme kemi'ane miti'ikitia hepai timaiweti kanayeimiki.

41»z Titayari petixeiya xatsi 'aiwa hixita meutawiwi, pekahe'eriwati keuruwi 'ahixita meutawe? 42 z Kepaititi petiyiwe mipai pemititahiawekei 'aiwa: "Neuxei ne'iwa, nepiwaye'itieni xatsi 'ahixita meutawiwi", peka'ixeyati keuruwi 'ahixita meutawe? Yakitsi peputaine xekia. Keniwaye'iti meri miki keuruwi 'ahixita meutawe, 'ana 'aixia 'anemeku

peheuniereti pekanayeimiki pemiwaye'itirieniki xatsi 'a'wa  
hixita meutawiwi.

### **Kiye kemitimatsiiki yu'ikwaxiki**

(Ruk 6:43-44 – Mat 7:16, 18, 20)

43»Nixewiti kiyexi 'aixia mi'anene 'ikwaxi 'axa'aneneme pikakaxuawitiwa,  
miki meta kiye 'axami'ane 'ikwaxi 'aixia 'aneneme pikakaxuawitiwa.

44Xexuiti kiye yu'ikwaxiki kanimatsiikini. Xuyatsie pikaka'iniwa pini  
takari, witsaxatsie pikaka'iniwa kaxie. 45Tewi 'iti'utame tita 'aixia miti'ane  
yu'iyaritsie, niwayehanimiki tita 'aixia miti'ane, tewi 'axamitiyuriene pita  
'iti'utame tita 'axamiti'ane, niwayehanimiki tita 'axamiti'ane. Kariki tita  
yu'iyaritsie mitihiniyani, mipai katinikuxatamiki.

### **Tsimiyenitu 'aixia mi'ane 'axami'ane**

(Ruk 6:47-49 – Mat 7:24-27)

46»¿Titayarikuta xeme: “Ti'aitame, Ti'aitame 'aku”, xenetekihawe,  
'atsixekateyurieti kenemixekihawe? 47Yunaiti nehetsia memi'axe,  
neniuki memi'enie yametekahuti, kememi'anene nepitixetaxatiani: 48Tewi  
kii mutawewi hepai kani'aneni, heukatewame wati'ineka, tetetsiepai  
netiwewieni tsimiyenituyari. 'Ana haa kaniwayeneni, kitsie kaniukexiani,  
peru kaniuyutatexieni 'iwatayuitianike, 'aixia 'anemeki miwewiyakaiki  
pikawatayua. 49Perutsi kemi'ane minetsi'enie yakatikamieti, miki xewiti  
tewi kii mutawewi hepai kani'aneni, kwiepa 'akaime kaniutawewieni xeikia,  
tenariyari pika'utawewi. 'Ana hetsiena kaniukexiani haa, xeimieme nekaina,  
karima kaniukaweni kii».

### **Xeitsienituyari kuyaxi miwani'a keyurimiti'eriekai**

(Ruk 7:1-10 – Mat 8:5-13)

**7**<sup>1</sup>Hiki 'inika 'iki niuki naimeteiteri me'l'enieku, Kaperunaume kaneyani.  
<sup>2</sup>Merikitsi kuya mana kaniuyeikakaitini xeitsienituyari kuyaxi miwani'a,  
ti'uximayatame kanexeyakaitini minaki'eriekai, miki katinekyekaitini  
kanemiximekaitini. <sup>3</sup>Hiki kuya, 'u'enaka Ketsutsi hepaitisita, kaniwareni'ani  
huriyutsixi teiteriyari wa'ukiyarima memeita'inieniki mamieki 'aixia  
reu'eriekame ti'uximayatame mayeitianiki. <sup>4</sup>Miki Ketsutsi hetsia me'u'axiaka  
kwini mieme mekateni'iniekaitini mipai me'utiyuati:

—'Aixia kaniyimiki pemeiparewieniki, hetsiena katininakeni:

<sup>5</sup>Kataninaki'erieka tanaime tame, tuki kataniutawewirieni yikimana.

<sup>6</sup>Hiki Ketsutsi wa'utima kaneyani. Yatewa 'umiekaku, kuya yuhamikuma  
kaniwarutani'ani mipai memite'itahiaweiki:

—Ti'aitame pepikati'a'uxitiaka, ne 'aixia nepika'ane 'eki pematahaniki  
nekita. <sup>7</sup>Meta 'ayumieme matsi 'ahetsia nepikahetia nekimana, 'aixia  
neka'aneme nene'erieti 'ahetsia nemimieki. Peru 'eki xeiniukiyari xika  
yapehetayini, 'aixia pitika'erieni ti'uximayatame. <sup>8</sup>Netsi nekatini'aitiarieka  
nekuyatiti meta kuyaxi nepitiwa'aitiwame. Xika mipai netitahiawe xeime:  
“Kenemie”, miki piyemie, xeimeta xika mipai netitahiawe: “Kenaye'a”,

miki 'akanayeimiki. Xika mipai netitahiawe nehetsia mieme ti'uximayatame: "Ipa'i ketineyurieneni", mipai pitiyurieneni.

<sup>9</sup>Hiki Ketsutsi 'lenieka niukieya, kaniuhixiyani, ta'aurie 'aweka mipai katiniwarutahiawe teiteri memeweiyakai:

—Mipai nepitixekihawe, 'ixaheritsixi watsata 'iki hepai 'aneme nepikahetaxeyawe yuri ti'eriekame.

<sup>10</sup>Hiki miki memeni'arie kepauka memakunuaxia kitana me'u'axiaka, mekaneitaxeya ti'uximayatame 'aixia reu'eriekame.

### **Ketsutsi wiura nu'aya kemiranukuketia**

<sup>11</sup>Merikitsi 'arike kaneyani kiekari Nahini mirakutewatsie paiti, hetsiana miemete tey'i'ikitiwamete mekaniteitakaitini, hipatita teiteri yumiireti.

<sup>12</sup>Kiekari kitenie heutahaximekaku, miki kaniwayekweiyani, temaiki mumiikai puyuxewikai xeikia maamaya piwiuratikai, kinaya meripaiti pukumawerekai. Kiekatari yumiireti mekaniteitakaitini. <sup>13</sup>Hiki Ti'aitame 'ixeyati kanitinenimayata, mipai katinitahiawe:

—Pepika'utatsuakani.

<sup>14</sup>Hiki mana 'uyaka miki kakunieya kaniumayiani. Miki kwekwewemete mekaniti'uni. Ketsutsi mipai kaniutayini:

—Temaiki 'aku, kenanukukexi nepaine.

<sup>15</sup>Tewi mimikikai kananukuyerini kaniutiniutiyani, hiki Ketsutsi kaniyetuani maamaya hetsia. <sup>16</sup>Hiki yunaiti mekanitumamani, 'aixia mekanituyuanekaitini Kakaiyari hepaitisa mipai me'utiyuati:

—Kakaiyari niukameya mitirikaiye tatsata kaninuani, Kakaiyari kaninuani kanitsutiani tatsiparewieti yuteiterima.

<sup>17</sup>Hiki kemitiuyuri kanikuxaxatsiwakaitini naitarie Kureya kwieyaritsie meta 'auriena mamantikatsie.

### **Ketsutsi meta Wani Ti'iyame hetsia miemete**

*(Ruk 7:18-35 – Mat 11:2-19)*

<sup>18</sup>Merikitsi Wani hetsia miemete tey'i'ikitiwamete Wani mekatenuitaxatiani naima kemitiuyi hepaitisa. Hiki 'ana Wani waruta'nieka yuhutame yuhetsia miemete, <sup>19</sup>Ti'aitame hetsia kaniwareni'ani mipai memite'ita'iwawiyaki:

—'Eki petihiki kemi'ane 'umamieniekai, nutsu xeime 'akuxi tepitakwewieka?

<sup>20</sup>Hiki hetsiana me'u'axiaka miki, mipai mekatenitahiawe:

—Wani Ti'iyame 'ahetsia katanetani'ani mipai temimateta'iwawiyaki: "Eki petihiki kemi'ane 'umamiekai, nutsu xeime 'akuxi tepitakwewieka?"

<sup>21</sup>'Ana mana kwitiwa Ketsutsi yuwaikawame 'aixia katiniwaruka'eritiani, miki kakaiyarixi 'axamemi'anene memiwarexeyakai, hipame meta waikawa kwiniyaki memi'uximatiarikai, meta yuwaikawame memikaheunenierikai kaniwaranutanieritiaxiani. <sup>22</sup>Hiki memeyeni'arie mipai katiniwarutahiawe:

—Xekenehu, xeketenetaxatia Wani tita xemite'uxei tita xemite'u'eni hepaitisa: Memikaheuneniere meheuneniereti kememite'akika, huriekate kememite'anuku'uwe, miki nawi kwiniyayari memexeya me'itiyati kememite'akika, memikaheu'enana meheu'enanati kememite'akika, mikite

kememite'anuku'uitiariwa, tixaiti memikatehexeiya niuki 'aixia manuyine kememitekuxaxatiariwa. <sup>23</sup>Miki meta, 'aixia kani'itiarieka kemi'ane mikakunuani nekimana.

<sup>24</sup>Hiki Wani hetsia miemete mehekineku, Ketsutsi kanitsutiani tiwakuxaxatiwati teiteri Wani hepaitisa mipai 'utaiti: «¿Tita xetehekuxei makumawetsie? ¿Haka 'ekaki 'uyuaneme xeteheku'ixiari? Tixai xiari. <sup>25</sup>¿Kamitsi tita xeteheku'ixiari? ¿Xiku 'ixuriki miyumeni manakatiki xetehekuxei? Nekatixaitsieti. Matsi miki witsimi'anene memanakatitika xikutsixi wahepai memi'ia, miki te'aitamete wakiita mepayetei. <sup>26</sup>Kamitsi, ¿tita yemeki xeteheku'ixiari? ¿Kakaiyari niukameya xeteheku'ixiari? Huu, mipai nepitixekihawe, Kakaiyari niukameya xepekuxei, yemeki Kakaiyari niukameya keyuri hipati. <sup>27</sup>Iki kanihikitini 'utiarika mexaxata mipai 'utaiti:

»“Kami, ne neniuki tuayame nekananuni'amiki 'ahixie paiti, mikuha'aritaniki 'ahuye pekanuawekaku 'akuxi”.

<sup>28</sup>Mipai nepixerahiawe, 'akuxi pikatinuiwawe nixewiti Wani hepai timariweti, peru matsi tewi tixaiti mikatihiki Kakaiyari mira'aitatsie, Wani reuyeta katinimariweni».

<sup>29</sup>Mipai mete'u'enanaka, yunaiti teiteri, meta kuwiyexinu hetsiememe tewawamete yunaiti Wani me'u'enieka mekatenihekiatakaitini Kakaiyari hepaitisa heitserie kemirexeiya, kepauka memuka'iyarie Wani hetsia.

<sup>30</sup>Peru paritseutsixi meta hipati 'iniari niukiyari memimate, miki mekanitixani'erieni Kakaiyari kemitiyurienikekai wahetsiememe, Wani hetsia mepika'uka'iyarie.

<sup>31</sup>«Ayumieme nepaine, ¿Tita 'iniari netitaxata hiki miemete teiteri wahetsiememe? <sup>32</sup>Tiiri wahepai mekani'aneneni kiekari hixiapa memitei mipai memite'uyuhiwiwa:

»“Tepixekirautawiyakai, xemeta xepikate'ukanei.

Hiwerika kwikariyari teputakwikaxi, xemeta xepika'utitsua”.

<sup>33</sup>Wani Ti'yame kaninuani, paa kakwa'ati kaxie winuyari kaye'eti, xemeta mipai xeputiyanekai: “Kakaiyari 'axami'ane kaninika”.

<sup>34</sup>Neta Yuri Tewi nehikititi nemunua netikwa'ati meta netiye'eti, mipaita xeputiyuane: “Iki tewi 'ikwaiki xeikia piyiane, winuki xeikia piyiane, piwahamiku miki kuwiyexinu hetsiememe tewawamete meta 'axateyuruwamete”. <sup>35</sup>Peru yunaiti yuriki memitemaiwawe kememiteyurie kanimatsiikini heitserie kemirexeiya Kakaiyari timaiweti».

### 'Ukaratsi 'axatiyuruwame Ketsutsi witsimu'ia kemitiukawiri

<sup>36</sup>Merikitsi xewiti paritseau kanita'inieni hetsiana mitikwaniki, paritseau kiita heutahaka mana kanayerini. <sup>37</sup>Hiki 'uka mana mikiiekametikai mimariwakai 'axamitiyuruwametikai, tiutamariieka paritseau kiita kename Ketsutsi hayekatei, kaninuani tete puteyuyari 'ahanati witsimu'ia hineme.

<sup>38</sup> Ketateya 'aurie kaniutakeni 'utatsuati, 'ukaiya kanikaxiriwekaitini ketateyatsie kanitihawiyakaitini, meta yikipaki kanitiwatsiixa, metatsiere kaniku'itsewekaitini ketateyatsie meta witsimu'ia kanitiwiriwakaitini.

<sup>39</sup> Hiki 'iya paritseu mita'ini mipai katiniyikihiawekaitini yu'iyaritsie: «Kari 'iki xika yuriki Kakaiyari niukameyatini, pimaikakeyu 'iki 'uka mikumaiwa, kemitiyuriene pitimaikakeyu, 'axatiyuruwame kemitihihi».

<sup>40</sup> Hiki Ketsutsi mipai katinitahiawe:

—Tsimuni 'aku, 'etsiwa nepimatitaxatiani.

Miki mipai tita'ei:

—Tita 'aku, Ti'ikitame.

<sup>41</sup> Ketsutsi mipai kaniutayini:

—Merikitsi heiwa kaneuyewekaitini yuhutati memite'ipitianiki xeime, meripai kemitiwaruniitia. Xewiti 'auxiwime tsienituyari 'iniariyari kani'iitianiwekaitini, xewitita huta tewiyari heimana tamamata 'iniariyari kani'iitianiwekaitini. <sup>42</sup> Tixaiti memikatehexeyakaiki memite'ipitianiki, miki katiniwareuyehiwirieni yuhutame. Merikite, ¿kemi'ane miki matsi waikawa pinaki'erie tewi mitiwareuyehiwiri?

<sup>43</sup> Tsimuni mipai katinita'eiya:

—Xiari kemi'ane matsi waikawameki mireuyehiwiwarie, miki matsi waikawa kaninaki'eriekamiki.

Ketsutsi mipai katinitahiawe:

—Heitseriemeki pepiti'akuhiawe.

<sup>44</sup> Hiki ta'aurie 'aweka, 'ukaratsi 'uxeiyaka, mipai Tsimuni katiniutahiawe:

—¿Keneuxeiya 'iki 'ukaratsi? Ne 'ahetsia nenuaku 'akiita, 'eki haa pepikanetsi'uhanitia neketate nemitihauxiniki, miki pita yu'ukaiki kanitihawiyatiyani neketate, meta yikipateki kanitiwatsiixa. <sup>45</sup> 'Eki penetsitapati pepikanetsi'utawairitia, miki pita ne'atahaku hiki 'akuxi pikatihayewa netsiku'itseweti neketatetsie. <sup>46</sup> 'Eki pepikanetsi'ukawiri nemu'utsie, miki pita witsimu'ia pinetsi'utiwiri neketatetsie.

<sup>47</sup> Ayumieme nepimatikihiawe, kemitiyukanaki'erie kanimatsiikini waikawa kemireuyehiwiwarie 'axatiuyurieka. Kemi'ane 'etsiwa xeikia mireuyehiwiwarie, miki 'etsiwa xeikia katiniyukanaki'erieka.

<sup>48</sup> Hiki 'ukaratsi mipai katiniutahiawe:

—'Axakepemituyuri pepireuyehiwiwarieri.

<sup>49</sup> Hiki hipati 'auriena mematekai mipai yu'iyaritsie mekateniyikihiawekaitini: «¿Kemi'ane pihiki 'iki mitiwareuyehiwirie 'axakememite'uyuri?»

<sup>50</sup> Peru Ketsutsi 'ukaratsi mipai katiniutahiawe:

—Yuri pemituata'eriki peputawikweitsitarie, 'a'iyaritsie peka'uximatarieti kenemie.

### Ti'iwame niukiyari

(Ruk 8:4-15 – Mat 13:2-23, Mar 4:1-20)

**8** <sup>1</sup> Merikitsi 'ariketa, Ketsutsi kanikuyeikakaitini kiekari 'emiyeyeutsie meta 'etsimiyeyeutsie, kanikuxatanekaitini niuki 'aixia manuyine,

tiwakuxaxatiwati kemiti'ane Kakaiyari mira'aitatsie. Tamamata heimana yuhutati hamatiana mekaniu'uwakaitini, <sup>2</sup>hipatita 'ukari 'aixia metehue'rieteti memayeitiarie kakaiyarixi 'axamemiteyurie mewaruniku, meta metekukuyekaku: xewiti miki Mariya Mararatanaka katinitewakaitini, meripai muxinarie kakaiyarixi 'axamemi'anene me'inikaku 'atahutati, <sup>3</sup>xewitita Wana katinitewakaitini Tsutsa mi'iyayatikai, miki Tsutsa mihiritiariekai Herurexi mitimikwaniki, xewitita Tsutsana, hipatita yumiiireti, miki mekaniwaparewiewekaitini tita memiteheuxeiyakaiki.

<sup>4</sup>Merikitsi yumiiireti teiteri hetsiana mekaniyuxeirikaitini, miireme kiekaritetsie meheyekineka, hiki 'ixatsi hepaitisita tikuxatati katiniwaruti'ikitiatiyani mipai 'utaiti: <sup>5</sup>«Ti'iwiwame kanayeyani 'imiari ka'iwienike. Merikitsi 'imiari 'iwienekaku, hipati huye tetsita kaniukaxirieni, hiki kaniutiketsinarieni, meta wikixi mekanikuxini. <sup>6</sup>Hipatita mutetexiyatsie kaniukaxirieni, 'utineka kaniutiwani mika'akuhawirekaiki. <sup>7</sup>Hipatita xuyatsata kaniukaxirieni, hamatiana 'utinexiaka xuya kanenukanani. <sup>8</sup>Hipatita kaniukaxirieni 'aixia miraku'anetsie, 'utineka kaniutixuawere xeitsienituyari payeixia».

Mipai 'utayika karima mipai kaniutayini: «Xewiti neti mu'enaxi, ke'u'ena».

<sup>9</sup>Hiki hetsiana miemete teyi'ikitiwamete mekaniku'iwawiyakaitini keru haine miki 'ixatsi. <sup>10</sup>Mipai kaniutayini: «Xeme xekanipitiarieka xemimaikaki tita mitiuti'awietsiekai, xemitemaikaki Kakaiyari mira'aitatsie timieme, hipati pita 'ixatsiki xeikia mekanipitiarieka,

»“para meheuneniereti memika'ixeyaki,  
meheu'enanati, memika'ienieniki”.

<sup>11</sup>»'Ixatsiki 'ipai katinimatsiikini: 'Imiari, Kakaiyari niukieya kanihikitini. <sup>12</sup>Huye tetsita miemete, miki mekanihikitini memi'enana, peru kwitiwa kani'axeni Kauyumarie, wa'iyaritsie kaninawani niuki kapa me'utawikweitsiarieniki yuri mete'uta'eriekaxiame. <sup>13</sup>Makutetexiyatsie miemete, miki mekanihikitini memitanaki'eri niuki meyutemamawieti me'u'enanaka, peru miki mepikahananatika. Yatewimeki yuri mekateni'erieka, peru kepauka memita'iniatsienitsie mekatenukayahayekawani. <sup>14</sup>Xuyatsata mukaxiri, miki mekanihikitini memi'enana, peru 'iyaritarika, tuminiki, hiki mieme tukari naki'eriyayaki meyiati mekananukanaka, meta mepika'aye'axiani. <sup>15</sup>'Aixia miraku'anetsie miemete, miki mekanihikitini niukitsie memitewiya 'aixia 'iyariki meyuwairiyati me'u'enanaka. Miki mekanitixuxuawereni mete'uka'eniwati.

### Kixeme

<sup>16</sup>»Kixeme 'utaiyame pika'iti'awieta, xarita pikahekayeni, 'utatia pikaheitayeni, matsi wapaiti kaneitiyemiki, miki memiwatahaxiixime hekiariyaya memixeyaki. <sup>17</sup>Kariki naiti tita miti'awietsie katinahekiarimiki, meta naiti tita miti'awietsiekai katinitamariwamiki. <sup>18</sup>'Ayumieme, yemeki xekeneu'enana. Kemi'ane tixaiti mirexeiya, tawari matsi pitimikieni, kemi'ane mikarexeiya, tsepa 'etsiwa rexeiyame muyu'erie miki katininawaiyariemiki».

**Ketsutsi 'iwamama meta warutsieya**

(Ruk 8:19-21 – Mat 12:46-50, Mar 3:31-35)

<sup>19</sup>Merikitsi maamaya meta 'iwamama mekanieu'axiani hetsiana, mekaniyutatexieni me'tahiauweke, teiteri yuwaikawati memayetekaiki.

<sup>20</sup>Hiki mipai katiniutahiawarieni:

—'Amaama meta 'a'iwama takwa mekaneti'uka mematsixeyakuti.

<sup>21</sup>Peru miki mipai katiniwaruta'eiya:

—'Tki Kakaiyari niukieya memi'enie yamemitekahu, miki mekanihikitini nemaama meta ne'iwama.

**Ketsutsi 'eka kemireunuitia**

(Ruk 8:22-25 – Mat 8:23-27, Mar 4:36-41)

<sup>22</sup>Merikitsi heiwa kanuwatsie kanikayerini, hetsiana miemete teyu'ikitiwamete wahamatia. Mipai katiniwarutahiawe:

—Harakuna 'anutaiye tepanukine.

Hiki mekanayekine, <sup>23</sup>hapa me'uhukaku Ketsutsi kaneukuni. Hiki 'eka kaniuyutawewieni tirikaiyeti wiyerimati harakuna hetsie, hiki kanuwatsie haa kanitahinirimekaitini meta mekanikayunirimekaitini.

<sup>24</sup>Hiki mekanenutahitiani mipai me'utiyuati:

—Ti'ikitame, Ti'ikitame, tepikayunirime.

Ketsutsi 'anukukeka kanitahitiani 'eka hamewari meta, hiki kaneunuani, kayuwati kaniutamare.

<sup>25</sup>Hiki mipai katiniwarutahiawe teyu'ikitiwamete:

—¿Keri yuri xete'erie?

Meheumamati mekanihixiyakaitini mipai meteyikihaweti: «¿Ketsi pipaiki 'iki, pitiwa'aitia 'eka meta hamewari haa, yamepitekahu kemaine?»

**Kakaiyarixi kememite'iwiyakai katarenatanaka**

(Ruk 8:26-39 – Mat 8:28-34, Mar 5:1-20)

<sup>26</sup>Hiki Katarenatsixi wakwiyaritsie mekaneta'axiani kanuwatsie meyeteti, Karereya 'anutaiyetsie. <sup>27</sup>Heukakeximekaku kwiepa, tewi nenukunake mana mikiekametikai, kakaiyarixi 'axamemi'anene meminikai miixa. 'Ayumieme miki 'ixurikite pika'anakatikikai, kiita pika'ayekatei, matsi teukiyatsata kaniuyeikakaitini. <sup>28</sup>Ketsutsi 'uxeiyaka, 'utahiwaka kanatiweni hetiana mipai tiuhiwati:

—¿Kepeneti'uximatia Ketsutsi, Kakaiyari taheima makawe peminu'aya? Nepimatsiwawirie kwerieti, penikahirixia netsi'uximatiaka.

<sup>29</sup>Mipai kaniutayini miki, Ketsutsi mitita'aitiaki kakaiyari mika'itiya, mixinaki tewi. Miixa wiyari kaniwiyakaitini kakaiyari 'axami'ane, tewi nanutahiiwakaitini tepiaiki 'akuwieti yumamatsie yi'ikatsie, kanititekekaitini tepia karenayari meta kakaiyari 'axami'ane kaneiwitikikaitini makumawetsie paiti.

<sup>30</sup>Merikitsi Ketsutsi mipai katinita'iwawiya:

—¿Kepetitewa 'eki?



'Iya yumiireti kakaiyarixi meminikaiki mipai kaniutayini:

—Xeiwaxayari nekatinitewaka.

<sup>31</sup>Miki kwerietu waikawameki mekaniwawirikaitini Ketsutsi mikawatani'aniki meukatewatsie memikayehuki. <sup>32</sup>Merikitsi mana hura yumiireti tuixuri mekatenikwatiwekaitini yemuritia, mekanitawawirieni kakaiyarixi mipai mitiwapitianiki memiwatiwiyaki tuixuri. Mipai yakatiniwarupitiani. <sup>33</sup>Hiki kakaiyarixi 'axamemi'anene me'ixinaka tewi, mekaniwarutiwiya tuixuri, hiki tuixuri yunaiti mekaniutinautsa. 'Axa'ankia mekaneukanautsaxiani, harakunapa mekaneuxirieni.

<sup>34</sup>Hiki tuixuri wahiwemete me'uneniereka kemitiuyi mekaniyuta'unaxiani, kiekaritsie mekatenikuxatakaitini kiekari 'aurie meta, <sup>35</sup>mana mekaneyekine me'ixeyake kemitiuyi. Ketsutsi hetsia me'u'axiaka tewi mekaniutaxeiya kakaiyarixi memixinaxi. 'Aixia reukemariti Ketsutsi hetia kaniukateitini heuyumarieti, hiki mekaniutumamani. <sup>36</sup>Hiki memunenierixi mekateniwarutaxatiani kemitiutawikweitsitiarie tewi kakaiyarixi meminikai. <sup>37</sup>Hiki yunaiti Katarenatsixi wakwietsie memitamakai meyumiireti mekanitawawirieni mana mayeyaniki, kwiniemieme memitemamakaiki. Ketsutsi kanuwatsie kayerika kaneyani yu'utima.

<sup>38</sup>Hiki 'iya tewi kakaiyarixi memixinaxi kanitawawirieni hamatiana mikuyeikaniki, matsi Ketsutsi kanitateutiani mipai katinitahiawe:

<sup>39</sup>—'Akie kenemie, mana ketiniwaretaxatia naime Kakaiyari kemimatsi'uyuri.

Kaneyani naitсарie kiekaritsie tikuxatati kemitiutawikweitsitia Ketsutsi.

### Kairu nu'aya meta 'uka Ketsutsi 'ikarieya mumayia

(Ruk 8:40-56 – Mat 9:18-26, Mar 5:22-43)

<sup>40</sup>Merikitsi Ketsutsi 'anutaie heta'aku, yumiireti teiteri mekanitawairitiani me'ikwewieti. <sup>41</sup>Hiki tewi mana kaninuani Kairu titewati, tuki mihiritiarie kanihikitikaitini. Ketsutsi hetia 'utihiximakeka wairiyarika kanitawawirieni kiena mimieki. <sup>42</sup>Xeime xeikia kanexeyakaitini yuniwe 'ukatime, tamamata heimana huta wiyari yakititi hikame, kanemiximekaitini.

Merikitsi 'ayeyaku yumiireti teiteri mekanitsaipinakaitini. <sup>43</sup>Hiki mana kaniuyeikakaitini watsata, 'uka mitikuyekai tamamata heimana huta wiyari miyuriekai xuriyaya kaheunuawekaku, teyu'uayemawamete wahetsia yupiini katiniutixitiakaitini naime, nixewiti pikayiwekai menayehianiki. <sup>44</sup>Miki 'ahurawa kaniuyani waritana 'uyemieti kanimayiani 'ikarieya putuniyaritsie, hiki yapauka kaneunuani xuriyaya.

<sup>45</sup>Hiki Ketsutsi mipai kaniutayini:

—ǂKepaiki pinetsi'umayia?

Yunaiti meyuku'imawakaku, mipai kaniutayini Pekuru:

—Ti'ikitame, yunaiti teiteri 'aurie mepiyukuxeiri mepimatsitsaipina, ǂkepai pinetsi'umayia peraine?

<sup>46</sup>Ketsutsi mipai kaniutayini:

—Xewiti pinetsi'umayia. Tirikariya nehetsie payene yanepiretima.

<sup>47</sup>Hiki 'uka yatimaiti 'awie mikayianekaiki, 'utayiyiakati kaninuani, hetiana 'atiweka yunaima teiteri wahiripa kanitaxatiani kemitimayia meta yapauka kemiranayehiia.

<sup>48</sup>Ketsutsi mipai katinitahiawe:

—Neniwe, yuri pemit'i'erieki 'aixia pereu'erieti papatia. 'A'iyaritsie peka'uximatiarieti kenemie.

<sup>49</sup>Merikitsi mipai 'utainekaku 'akuxi, xewiti tuki mihiritiarie kie meyetia mana kaninuani mipai titahiaweke tuki mihiritiarie:

—'Ari 'aniwe kanemini yemeki. Ti'ikitame pepikati'uxitiaka.

<sup>50</sup>Hiki Ketsutsi 'u'enaka mipai katinitahiawe:

—Pepikaheumaka, yuri ketineuta'eri xeikia, kanitawikweitsitariemiki.

<sup>51</sup>Hiki Kepauka Ketsutsi Kairu kiita meutaha, hipame pikawarupitia hamatiana memeutahaxianiki miwayekateitsie, Pekuru, Wani meta Kakuwu xeikia, 'iimari paapaya meta maamaya xeikia kaniwarupitiani. <sup>52</sup>Yunaiti mekaniutitsuanakaitini mekane'eriwakaitini meyuhiwierieti. Ketsutsi mipai katiniwarutahiawe:

—Xepika'utitsuanani, pikamiki, matsi pukutsu.

<sup>53</sup>Hiki miki mekani'atsekaitini metemaiti yeme mimikikaiki. <sup>54</sup>Peru miki mamayatsie kawiereka, mipai katinitahiawe:

—'Imari 'aku, kenanukukexi.

<sup>55</sup>Hiki 'iyarieya kaninuani, yapauka kananukukeni. Ketsutsi mipai katiniuta'aita mitimikieniki. <sup>56</sup>Hiki 'ukiyarimama mekaniuhixiyani, peru Ketsutsi mipai katiniwarutahiawe, nixeime tima memikatehaxaxatiwaniki kemituyi hepaitisa.

### Tamamata heimana yuhutame kemitwareutani'axia teyi'ikitiwamete

(Ruk 9:3-5,7-9 – Mat 10:9-15, 14:1-2, Mar 6:8-11, 14-16)

**9**<sup>1</sup>Merikitsi warukuxeirieka tamamata heimana yuhutame, tirikariya kaniwarupitiani meta heitserie memexeianiki kakaiyarixi 'axamem'anene yunaima wahepaitisa meta kwiniyaki 'aixia metehue'eriekame memiwarayeitiwaniki. <sup>2</sup>Kaniwareutani'axiani memitekuxataniki kemiti'ane Kakaiyari mira'aitatsie, meta 'aixia metehue'eriekame memiwarayeitiwaniki teiteri. <sup>3</sup>Mipai katiniwarutahiawe: «Tixai xepikatehetikini huyeta mieme: mumuxi, xerai, 'inia, tumini, huta kamixayari xepika'anakatikini meta. <sup>4</sup>Hakewa kiita xemeye'axiani, muwa xekeneyuhayewani 'atsita kepaukake xemiyehu. <sup>5</sup>Hakewa xemikahetanaki'eriwa, miki kiekaritsie xe'ayekineme, tumuanari xekeneukatsixia yu'ikatetsie xemitewatahekiatianiki mana kiekatari wahetsie kemirahiiwani». <sup>6</sup>Miki meheutayeixiaka kiekaritetsie mekaniku'uwakaitini metekuxatati 'aixia metehue'eriekame mewarayeitiwati tekwikwikate naitсарie.

<sup>7</sup>Hiki Herurexi mihiritiariekai miki kwieyaritsie miti'aitaniki, miki katiniutamarieni kemituyurienekai Ketsutsi naime. 'Atsipikatimaikai kemituyurienikekai hipati mipai memaitikateiki kename waniu Wani mikite watsata 'anukuketiarie, <sup>8</sup>hipatita kename 'Eriyaxi matsiikiti 'atia, hipatita

kename xewiti 'anukuke meripai miemete Kakaiyari niukametemama.  
 9Perutsi Herurexi mipai kanainekaitini: «Wani mu'uya nanutiwitekieni yanetiuta'aitaku ne. ¿Peru kepipaiki 'iki hepaitisana miya 'anuyineme nemi'enie?» Nixeyamikikaitini Ketsutsi.

### 'Auxiwime miriyari kemitiwarumi

(Ruk 9:10-17 – Mat 14:13-21, Mar 6:32-44, Wa 6:5-13)

10Merikitsi ni'ariekate me'u'axiaka, Ketsutsi naima mekatenuutaxatiani kememiteheyuri. Hiki miki warawititi kaneyani yihikiame kiekari Wetsaira mirakutewa 'aurie makumawetsie. 11Peru teiteri yamete'utamariaka mekanenukuweiya. Miki waranunakeka katiniwakuxaxatiwakaitini Kakaiyari kemiti'aita hepaitisita. Meta 'aixia metehue'eriekame kaniwarayeitiani kemi'ane memiteheuyehiakai.

12Hiki tau 'akayunirimekaku tamamata heimana yuhutata hetsiana meyukuxeirika mipai mekatenitahiawe:

—Keniarutateutiari teiteri, 'ahurawa memiyehuki kiekarite 'emiyeu 'etsimiyeyutsie muwa memeyeheniki 'ikwai memekaxeyaki, 'ena makumawetsie tekaniu'uwani.

13'Iya mipai katiniwarutahiawe:

—Xeme pita xeketeniwarumikwa.

Miki mipai mekaniutiyuani:

—Waikawa 'ikwai tepikahexeyia, paa 'auxiwime meta tsapari yuhutame xeikia, mexika hirixia 'ikwai tenanaiyuni 'iki teiteri yunaima wahetsieme. 14'Auxiwime miriyari yakititi mekaniyupaimekaitini 'ukitsi.

Peru Ketsutsi mipai katiniwarutahiawe yuhetsia miemete teyi'ikitiwamete:  
 —Yaxeketeniwarutahiawi memikuyaxixianiki huta tewiyari heimana tamamata meyupapaimeti.

15Miki mipai mekatenuyurieni, yunaima mepiwareukuyatsaxia. 16Hiki 'enu'ika paa 'auxiwime meta tsapari yuhutame, taheima heutiniereti pamipariyutsi Kakaiyari kaniupitiani. Hiki 'ititarati kaniwata'iitiwakaitini teyi'ikitiwamete memiwamikwaniki teiteri. 17Yunaiti mekatenukwani mekaniutihuxani, tarimeyari kaniukuxeiriyani manuyuhayewaxi, tamamata heimana huta tsikiiwitiyari paimeti kanayani.

### Pekuru kemitiuyutahekiataxi Ketsutsi hetsie tiwiyati

(Ruk 9:18-20, 22-27 – Mat 16:13-16, 21-28, Mar 8:27-29, 31–9:1)

18Merikitsi Ketsutsi kaniyunenewiekaitini yuxaita, teyi'ikitiwamete mana me'u'uwakaku, mipai katiniwaruta'iwawiya:

—¿Teiteri kemetekuxata kemi'ane nepihiki ne?

19Miki mipai mekatenita'eiya:

—Hipati mipai mekaniutiyuaneni, kename Wani Ti'iyame pehiki, hipatita kename 'Eriyaxi pehiki, hipatita kename xewiti Kakaiyari niukameya meripai miemete pehiki pemanukuke.

20Hiki mipaita katiniwaruta'iwawiya:

—¿Xemete kexe'utiyuane, kemi'ane nepiyiane ne?

Pekuru mipai katinita'eiya:

—Kírítsitu Kakaiyari hetsia mieme.

<sup>21</sup> Ketsutsi kwiniemieme katiniwaruhiritiani, xeime memikatehaxaxatiwaniki 'iki hepaita. <sup>22</sup> Mipai kaniutayini:

—Kaneuyeweka 'akuxi ne Yuri Tewi kenemititewa waikawa nemitikwineki, ta'ukiyarima, mawari wewiwamete tewa'aitiwamete, meta 'iniariki memite'ikitamete mekanenitixani'eriekuni. Kaneuyeweka nemimierieni, meta nemanukukeni hairieka tukaritsie.

<sup>23</sup> Mipaita katiniwakuxaxatiwakaitini yunaima:

—Tewi xika yuwairiyani nehamatia muyeikaniki, ketihayewani kemitinake yuhetsiemieme tiyurieneti, keyuwairiyani tukariki tsepa kuruxitsie mumierie, nehetsie ketiwiyani. <sup>24</sup> Kemi'ane yutukari miwikweitsitiamiki kanitatimayamiki, peru kemi'ane yutukari mitatimaiya nehetsiemieme, miki kanitawikweitsitiamiki. <sup>25</sup> ¿Tewi naima kwiepa mitixuawe xika ra'iwake, tita ra'iwakeyu xika yutatimaiya meta xika yuka'una yuxaita? <sup>26</sup> Kemi'ane minetsitewiya mitewiya neniuki, neta Yuri Tewi kenemititewa nepitewiyani 'iya kepauka nemunuani nemariweti, ne'ukiyari hepai witsine'aneti, niuki tuayamete mipatsie Kakaiyaritsie mieme wahamatia. <sup>27</sup> Meta, yuriki mipai nepixerahiawe, hipati 'ena memu'uwa mepikakwini mexi mekanenieriwawe Kakaiyari kemit'aita.

### **Yiki tiyuxexeyati kemiratia**

*(Ruk 9:28-36 – Mat 17:1-8, Mar 9:2-8)*

<sup>28</sup> Merikitsi 'inika 'iki niuki, 'atahaika tukari yakititi 'anukayaku, yemuritsie kanitiyune yutanenewienike, Pekuru, Wani, Kakuwu warawititi. <sup>29</sup> Hiki yunenewiekaku yuhixie yiki tiyuxexeyati kanayani, 'ixurikiteya tuxati xawawatiti kanayani. <sup>30</sup> Hiki yuhutati 'ukitsi hamatiana mekatenuitixatatikine —Muitsexi meta 'Eriyaxi—mekanihikitikaitini. <sup>31</sup> Witsi meteyuxexeyati Ketsutsi hepai mekatenukuxatakaitini kemitiyemiekai, kemiraye'anikekai Kerutsareme hetsie. <sup>32</sup> Merikitsi Pekuru hipatita hamatiana memu'uwakai yunaiti mekanikutsukaitini, kwini mieme mekatenukutsikukaitini, me'anutaneniereka mekanixeyi witsi'aneme, 'ukitsi mekanitaruxeyi yuhutame 'auriena meti'ukame. <sup>33</sup> Miki Ketsutsi meku'eiriximekaku, Pekuru mipai katinitahiawe:

—Ti'ikitame 'aixia kani'aneni 'ena temu'uwaki. Hikimi haika xamaruyari tepitiwewieni, 'ahetsiemieme xeime, Muitsexi hetsiemieme xeime meta 'Eriyaxi hetsiemieme xeime.

Mipai kaniutayini 'atsikatimaiti kemainekai. <sup>34</sup> Tikuxatakaku 'akuxi yapauka haiwitiri kaniwaranukanani, mikiki mekanitumamani. <sup>35</sup> Hiki haiwitiritsata xewiti mipai kanetayini: «'Iki kanineniwetini, nemenayexei, xekene'enieka». <sup>36</sup> Niuki heunuatiyaku, Ketsutsi yuxaita kaniuyuhayewa. Hiki miki 'atsimepika'utiyua, 'ana mitiyehane nixei mepikatehaxaxatiwakai tita memite'uxei hepaita.

**Ketsutsi kemirenayehia nunutsi kakaiyari 'axami'ane miwiyakai**

*(Ruk 9:37-42, 43-45 – Mat 17:14-18, 22-23, Mar 9:14-27, 30-32)*

<sup>37</sup>Merikitsi 'uxa'arieka, kepauka yemuritsie memakanexia, yumiireti teiteri mekaniwaranunake. <sup>38</sup>Hiki xewiti tewi teiteri watsata 'uweti mipai katiniuhiwa:

—Ti'ikitame 'aku, kwerieti xia neniwe 'uki keneuxeiya, miki xeikia kanihikitini. <sup>39</sup>Kakaiyari 'axami'ane pikuwiwiya, meta yapauka 'utahiwati payeika, metatsiere hau'erieti petihpa meta kwaimuxari 'uhewame payeitiwa. Kepauka mikuwiwiya haweri mieme pikuhayeikawa.

<sup>40</sup>Nekaniwarutawawirieni 'ahetsia miemete tey'ikitiwamete memenyeni'aniki peru mepuyutatexi.

<sup>41</sup>Hiki Ketsutsi mipai kaniutayini:

—Xeme hiki xemimemete yuri xepikate'erie meta kemikatiheitserie xepiteyurie. ¿Kepaimexia peuyewetse 'akuxi xehamatia nemuyeikani meta nemixenewieka? 'Ena kenahani 'aniwe.

<sup>42</sup>Kepauka temaiki hurawa mamiekai kakaiyari 'axami'ane kaniwiya, kanetihiani meta kanitayiyiakitsitiani karima. Peru Ketsutsi kakaiyari 'axami'ane kaniutatieni, temaiki 'aixia reu'erieti kanayani, meta 'ukiyarieya kaniyetuirieni. <sup>43</sup>Yunaiti mekani'iyarixiekaitini Kakaiyari miya mititirikaiyekaiki.

Hiki yunaiti mehixiyakaku naime kemitiyurienekaiki, mipai katiniwarutahiawe yuhetsia miemete tey'ikitiwamete:

<sup>44</sup>—Xeme 'iki niuki yemeki xekeneu'eni: Yuri Tewi kenemitihiki nekaniyetuiyamiki teiteri wahetsia.

<sup>45</sup>Miki mepikahetimaiwawekai 'iki niuki. Wahetsiememe ni'awiekaitini, ya'ayumieme yamepikatehetimaiwawekai, memamati mepikayuwairiyakai memita'iwawiyakekai 'iki niuki hepaitisita.

**Kemi'ane miwe'eme**

*(Ruk 9:46-50 – Mat 18:1-5, Mar 9:33-40)*

<sup>46</sup>Merikitsi tey'ikitiwamete niuki mekaniutixiatiatikine, kemi'ane miki matsi waikawa meuyewetse mayanikekai. <sup>47</sup>Ketsutsi timaiti kememiteyikihawekai yu'iyaritsie, nunutsi 'ahanaka yu'aurie kanitakeni.

<sup>48</sup>Mipai katiniwarutahiawe:

—Kemi'ane mitanaki'erieni 'iki nunutsi nehetsia mimiemeki, mikita ne pinetsitanaki'erieni, meta kemi'ane minetsitanaki'erieni, kemi'ane minetsihenyi'a kanitanaki'erimikita. Kemi'ane yunaima xetsata matsi waikawa tixai mikatihiki, miki matsi kanimariweni.

<sup>49</sup>Hiki Wani mipai katinitahiawe:

—Ti'ikitame, xeime tepuxei 'ahetsia waniu miemetiti mitiwa'aitiakai kakaiyarixi 'axamemi'anene memiwaxinaki teiteri, peru tekanita'imaiya 'ahetsie mikatiwiyaki tahepai.

<sup>50</sup>Ketsutsi mipai katinitahiawe:

—Xepikah'eimayani, xika katatsi'aye'unieka kataniparewieka.

### Tsamariyatari Ketsutsi kememikate'utanaki'eri

<sup>51</sup>Merikitsi tukari 'aye'aximekaku manutiwitikieniki, 'ana Ketsutsi kaneyani Kerutsareme kayukunuitioniati. <sup>52</sup>Niuki tuayamete kaniwaranukuhaititiya, miki mana me'uyehuti Tsamariyatari wakiekaritsie mekanu'axiani tixaiti memitekuha'aritianiki hetsiena mieme, <sup>53</sup>kiekatari mepikaheitanaki'eri yemeki, Kerutsareme tamieti miyanekaiki. <sup>54</sup>Teyi'ikitiwamete Kakuwu, Wani matia mete'utamarieka mipai mekatentahiawe:

—Ti'aitame, Ɂkaminake temitanuniki 'Eriyaxi kemitiuyuri, tai taheima makaneniki miki miwatitaiyaki?

<sup>55</sup>Peru Ketsutsi ta'aurie 'aweka kaniwarutatieni.<sup>b</sup> <sup>56</sup>Hiki xeime kiekaritsie pita mekanekine.

### Kemiraye'axe Ketsutsi hetsie mitiwiyani

(Ruk 9:57-60 – Mat 8:19-22)

<sup>57</sup>Merikitsi huyeta me'uyehukaku, xewiti mipai katinitahiawe:

—Ti'aitame, 'ahetsie nekatiniwiyamiki, hakewa pememie, neta nekanimieni.

<sup>58</sup>Hiki Ketsutsi mipai katinitahiawe:

—Kauxaitsi yuteri mekanexeyani meta wikixi taheima miemete yu'itua metehexeya, perutsi ne Yuri Tewi netitewati tixai nepikarexeiya hakewa neminetamuritaritiani.

<sup>59</sup>Hiki xeimeta mipai katiniutahiawe:

—Nehetsie ketinewiyani.

Mikita mipai katinitahiawe:

—Keneneupitia meri nemiyemeki, ne'ukiyari nemikateukuki hemiyuke.

<sup>60</sup>Ketsutsi mipai katinita'eiya:

—Mikite keniwaruhayewa miki pita memiwakateukuki yuhetsia miemete mikite, 'eki pitatsi kenemie, ketinekuxatani kemiti'ane Kakaiyari ti'aitametikaku.

<sup>61</sup>Hiki xewitita mipai katinitahiawe:

—'Ahetsie nekatiniwiyamiki Ti'aitame, keneneupitia xeikia ne'iwama nemiwatateutianiki meri.

<sup>62</sup>Ketsutsi mipai katinitahiawe:

—'Ikumayame hararu, xika yu'utima 'ukuniere, 'aixia pikayini, Kakaiyari yaki xeikia kanexeyakamiki ti'aitiwametime.

### Kemitiwarutani'a haika tewiyari heimana tamamata heimana huta

(Ruk 10:4-15, 21-24 – Ruk 9:3-5, Mat 11:21-23, 25-27, 13:16-17)

**10**<sup>1</sup>Merikitsi 'ariki Ti'aitame hipameta waruhiritiaka haika tewiyari heimana tamamata heimana huta meyupaimeme, yuhutatame kaniwareutani'axiani memanukuhaititianiki naime kiekaritsie naime

<sup>b</sup>9:55 RV60 meta hipati mepenaniitia —ɁKari xeme 'atsixepikatemate kemi'ane 'iyaritsie xemitewiya? Yuri Tewi netitewati, kenemitinua, teiteri wa'iyari neheuyexirienike nepikanua, matsi newatawikweitsitianike pita nekaninuani.

kiepa hakewa miki meta'anikekai. <sup>2</sup>Mipai katiniwarutahiawe: «'Itsanari piwaikawa, peru 'itsanamete mepikayumiire. 'Ayumieme xekeneutawawiri 'itsanari kutsiyari, 'itsanamete miwatani'aniki yu'itsanarita. <sup>3</sup>Xekenehu xeme. Kami kenemitixetani'axiani, muxatsi tirixi wahepai xekaniyiakakuni 'irawetsixi watsata xe'u'uwati. <sup>4</sup>Tumini maname xepikahehuruwani, kitsiuri, kakai, huyeta xeime xepikawairitiaka.

<sup>5</sup>»Hakewa xeme'axiani kiita, mipai meri xekeneutiyuaneni: “Uwa kiekatari 'aixia xeketexeyarieka”. <sup>6</sup>Xika mana 'ukani kemi'ane miyuwairiya 'aixia mitixeyarieniki, hetsiena tinaketi kanayeimiki xewairitsika, mexika mipai 'aneti ka'ukani, xewairitsika kaninuamiki xehetsie. <sup>7</sup>Mana miki kiita xekeneuyahyawani xetekwati xete'ietitita memitexemikwani, ti'iwame hetsie katininakeni 'iwarikaya. Xepikayupatatitaweni hipame wakiita.

<sup>8</sup>»Hakewa kiekaritsie xeme'axiani, hakewa memixetanaki'erieni, xeketenekwaka tita xemitemikieka. <sup>9</sup>'Aixia metehue'eriekame xekeniwarayeitia tekwiwkate mana miemete, mipai xeketeniwakuxaxatiwani: “Hikixixia kanaye'aniri, Kakaiyari kanitsutiani 'ena ti'aitati”. <sup>10</sup>Peru, kepauka xeime kiekaritsie xeheutahaxiayu xemikahetanaki'eriwa, memayukuxexeiriwatsie xe'axiame mipai xekeneutiyua: <sup>11</sup>“'Atsita tumuanari xekiekaritsie mieme mitatsikwiema ta'ikatetsie, tepeikatsixiani texehekiatiati. Tsepaneti xemikatatsi'utanaki'eri, 'ipai xeketenemaika, tukari maye'aki Kakaiyari mitsutiaki ti'aitati”. <sup>12</sup>'Ipai nepixerahiawe, tukari 'aye'ayu 'etsiwa xeikia mekatenikwinitiariekuni Tsuruma kiekatari, miki kiekari waikawa matsi mekatenikwinitiariekuni».

<sup>13</sup>Mipai kaniutayini: «Xia'ui, Kuratsini kiekatari. Xia'ui Wetsaira kiekatari. Tirutsie meta Tsurunitsie xika mariwemeki tiuyinike kemitiuyi xehetsia, mana kiekatari meripaitiri mepite'uhayewake kememiteyuriekai, waikawa yemeki mepiyuheiwieriekakeyu maixa me'anakatiti heiwerika 'iniariyari, naxi meyukawiriwati. <sup>14</sup>Peru kepauka 'itsikame muwatahiawe Tiru meta Tsuruni kiekatari 'etsiwa xeikia mekatenikwinitiariekuni, xeme waikawa matsi xekatenikwinitiariekuni. <sup>15</sup>Xemeta Kaperunaumetari, ¿muyuawitsie paiti xe'anuwitikienike xeteyu'erie? Hawaiki, mikite wahetsia xepeukaxiriyani pita.

<sup>16</sup>»Kemi'ane mixe'enie, ne pinetsi'enie, kemi'ane mixexani'erie, ne pinetsixani'erie, kemi'ane ne minetsixani'erie, kemi'ane minetsiheyen'i'a pixani'erie».

<sup>17</sup>Merikitsi haika tewiyari heimana tamamata heimana huta kepauka memakunuaxia, mipai mekaniutiyuani meyutemamawieti:

—Ti'aitame 'aku, 'atsita kakaiyarixi 'axamemi'anene yamepitekahu ketemitewa'aitia 'ahetsia temimemeteki.

<sup>18</sup>Mipai katiniwarutahiawe miki:

—Netsi nekanixeiya Kauyumarie muyuawitsie 'anakahiyaku merikariya hepai. <sup>19</sup>Neuxei, heitserie nekanixe'upitiani kuterixi terikaxi xemiwatiketsinaniki, 'iya mitatsi'aye'unie tirikariyaya naime xema'iwaki heitserie nekanixe'upitiani, tixaiti 'atsipikatixeyurieni.

<sup>20</sup>Mikiki xepikayutemamawieka, kakaiyarixi yamemitekahuki

kexemitewa'aitia xeikia, matsi xekeneyutemamawieka xemaka'utiarieki taheima kexemitetewa.

<sup>21</sup> Merikitsi 'ana Ketsutsi kaniyutemawiekaitini 'Iyari Mitiyupata yatipitiakaku, mipai kaniutayini: «Ne'ukiyari, taheima pemiti'aita meta kwiepa, pamipariyutsi nepimatsipitia, pemitiuti'awietaxiki 'iki naime memikahehtimaniki miki memiteyi'ikitiawawe meta memitemaiwawe, tiiri pita wahetsiememe matsiikime pemayeitiaki. Huu, ne'ukiyari, pepi'awairiyakai mipai pemitiyurieneni.

<sup>22</sup> »Ne'ukiyari naime netiniyetuirieni. Xewiti 'atsipikatimate kemipaiki Nu'aya, 'ukiyarieya xeikia mipai katinimaika, xewiti 'atsipikatimate kemipaiki 'ukiyarieya, nu'aya xeikia mipai katinimaika, meta nu'aya xika yuwairiyani mixeitsitianiki xeime, mikita mipai katinimaikamiki».

<sup>23</sup> Hiki ta'aurie 'aweka mipai katiniwarutahiawe teyi'ikitiwamete yihikiate metitekaku: «Miki memunenierixi kexemite'unenierixi xeme, 'aixia mekani'itiarieka miki. <sup>24</sup> Mipai nepitixekihawe, yumiireti Kakaiyari niukametemama meta te'aitamete, mepixeyakukai tita xemite'uxei xeme, peru mepika'ixei, mepi'eniekukai tita xemite'u'eni, peru mepika'i'eni».

### **Tsamariyanaka 'aixia mitiuka'iyari**

*(Ruk 10:25-28 – Mat 22:34-40, Mar 12:28-31)*

<sup>25</sup> Merikitsi xewiti 'iniariki miti'ikitametikai kananukukeni 'iniatamiti, mipai kaniutayini:

—Ti'ikitame, ¿tita reuyewetse kenetiyurieni, nehetsie mitinakeki tukari mikaxiwe?

<sup>26</sup> Ketsutsi mipai rehiawe:

—¿'Iniari niukiyaritsie kere'uxa? ¿Kepetikuteriwa?

<sup>27</sup> Miki mipai katinitahiawe:

—“Pekaninaki'eriekamiki Ti'aitame mi'akakaiyari naime 'aiyariki, naime kepemiti'amateki, naime 'atirikariyaki, meta naime 'aeriwameki”, metatsiere: “ahapai tewi kenenaki'erieka 'eki kepemiti'anaki'erie”.

<sup>28</sup> Ketsutsi mipai katinita'eiya:

—Heitseriemeki peputa'a. Mipai xika petiyurieneni, pekanayeyurikamiki.

<sup>29</sup> Peru miki heitseriemeki yatikamiekame yuhekiatamiti mipai Ketsutsi katiniutahiawe:

—¿Merikite, kepipaiki nehapai tewi?

<sup>30</sup> Hiki 'ita'eiyaka, Ketsutsi mipai kaniutayini:

—Heiwa tewi Kerutsareme heyeyaka Keriku neukamiekaitini, merikitsi tenawayamete mekanenukunake. Me'itikemaripeika me'ikuwaxiaka mekanekine miximeme me'uku'eirieka. <sup>31</sup> Merikite 'atsikatimaiti kemitiuyi mana neukamiekaitini mawari wewiwame miki huyeta, 'ixeyaka mana kaniuyeyani yatewa. <sup>32</sup> Yaxeikiata Rewi nuiwarieyatsie mieme xewiti tukita mitiparewiwametikai mana kaniuyeyani yatewa kaniuyeyani.

<sup>33</sup> Perutsi xewiti tsamariyanakatiti mana 'uyemieti hetsiana kaninuani, 'ixeyaka kanitinenimayata. <sup>34</sup> Ahurawa 'uyaka 'ixuriki kaneiwerieni xuriya maneikakaitisie, hatseitiki winuki 'i'uayemaka, 'enuiti'ikataka yupuxutsie



metsuni paiti kani'atiani, mana kani'iwiyakaitini. <sup>35</sup>Hiki 'uxa'arieka xeitewiyari 'iniariyari wati'ika kani'itiani metsuni kutsiyari mipai tikihiaweti: “Kene'iwiyani, hetsiena mieme xika tixaiti petinanaimiki, xika 'akuxi heuyeweka, nepitinetuani kepauka nemayeneni”. <sup>36</sup>Hiki Ketsutsi mipai mi'iniatanekai katiniutahiawe:

—¿Merikite kepetiku'eriwa, 'iki yuhaikati kemi'ane yuhepai tewi hepai pitixei, tenawayamete memenukaxixi miki tewi?

<sup>37</sup>Miki mipai katinita'eiya:

—Kemi'ane mitinenimayataxi, miki pihikitikai.

Hiki Ketsutsi mipai katinitahiawe:

—'Ekitari kenemie, hepaina ketineyurieneni.

### Ketsutsi kemireku'iwataxi Marita meta Mariya wahetsia

<sup>38</sup>Merikitsi mana mekanu'uwakaitini, hiki Ketsutsi xeime kiekaritsie kaneutahani, mana 'uka Marita titewati kanita'inieni yukiita. <sup>39</sup>Yu'iwa 'ukatime pexeiyakai Mariya titewakame, miki Ketsutsi hetia 'ukaiti kani'eniekaitini niukieya. <sup>40</sup>Merikitsi Marita piyuxamuriekai waikawa tikumaiwati mitiwaminiki. Mana 'utakeka mipai kaniutayini:

—Ti'aitame, ¿yapekara'eriwa ne'iwa nexaita minetsi'uku'eiriki nemitixeminiki? Yaketineutahiawi pinetsiparewieni.

<sup>41</sup>Ketsutsi mipai katinitahiawe:

—Neuxei Marita, tiwaikawameki pepiti'a'iyarititia pepi'amuina,

<sup>42</sup>tixewiti xeikia peuyewetse. Mariya kanenuyexeiya tita matsi 'aixia miti'ane, pikanawaiyarieni.

### Newewieri hepaitisa kemiti'ikitakai Ketsutsi

(Ruk 11:2-4, 9-13 – Mat 6:9-13, 7:7-11)

**11** <sup>1</sup>Merikitsi heiwa 'aniukateitini yunenewieti. Yunenewieri 'uniku, hetsiana miemete teyi'ikitiwamete xewiti mipai katinitahiawe:

—Ti'aitame, ketatine'ikitiaka temitanenewiekaki, Wani kemitiwaru'ikitia yuhetsia miemete teyi'ikitiwamete.

<sup>2</sup>Miki mipai katiniwarutahiawe:

—Kepauka xemiyunenewie 'ipai xekeneutiyuaneni:

»“Ta'ukiyari taheima pemakawe,  
kepemititewa patsieti kehayeitiariwani.

'Enata keneutsutia peti'aitati.

Kwiepa yameketeyurieka kemimatinake, taheima kememiteyurie.<sup>c</sup>

<sup>3</sup>'Ikwai tukariki ketemiteheiyehiwa, tukariki yaketatinemikwani.

<sup>4</sup>'Axaketemite'uyuri ketatineuyehiwiriekaku miki 'axamemitatsiyurie yunaime. Pepikatatsipitiaka temita'iniatsieniki”.<sup>d</sup>

<sup>c</sup> 11:2 Kiriyeakutsie paine *Ta'ukiyari, kepemititewa patsieti kehayeitiariwani. 'Enata*

*keneutsutia peti'aitati.* <sup>d</sup> 11:4 RV60 meta hipati mepenaniitia *matsi ketaneutawikweitsitia 'axatemika'itarieniki.*

<sup>5</sup>»Mipaita katiniwarutahiawe: Xika xewiti xeme yuhamiku hexeyani, miki xika hetsiana nuani tikari hixiapa mipai xika titahiawe: “Nehamiku 'aku, haika payari keneneuniitia, <sup>6</sup> neuxei xewiti nehamiku nehetsia kanenuani tewa hanuyaka, tixaiti nekarexeiyakaku, tita netimini”. <sup>7</sup>Kiita mayeka xika mipai tita'eiya: “Ketinehayewa. Kitenie p̄reunama, netiriyama tanaiti tepuhe, nepikayiwe nemanukukeni nemimatiniitianiki”. <sup>8</sup>Mipai nepitixekihawe, kanihamikuyatini, peru miki 'ayumiemeyariki xeikia pika'anukukeni pika'iniitiani, 'iya mikatihayewaki matsi tiwawirieti 'ayumieme naime pitiniitiani tita mireuyehiwa.

<sup>9</sup>»Ayumieme nepitixekihawe ne: Xika xe'ita'iwauni xekatehayewati xekanimikiekuni, xika xe'ikuwauni xepitaxeiya, 'itupari xika xe'uyuitiani xepiteheuyepiyarieni. <sup>10</sup>Yunaiti memita'iwau, mepiyetuiriyariwa yu'iwaurika, yunaiti memikuwautiwe, mepitaxeiya yunaiti, 'itupari memikuyuitiwa, mepiteheuyepiyariwa.

<sup>11</sup>»¿Kemi'ane xeme yuniwe<sup>e</sup> tsapa ha'iwawakaku, kuu pimiwe pita? <sup>12</sup>Yatini tawari ha'iwawakaku, ¿kemi'ane terika pimiwe pita? <sup>13</sup>Xika xeme 'axaxeteyuruwametetiti 'aixia ti'aneme xetewamikwani yitiriyama, matsi xe'ukiyari taheima makawe matsi yemeki 'Yari Mitiyupata taheima mimieme kaniwamimiki miki memitawawiri».

### **Kememutiyuanekai Ketsutsi kename kakaiyari 'axami'ane 'inikai**

*(Ruk 11:14-15, 17-22, 24-26 – Mat 12:22, 24-29, 43-45, Mar 3:23-27)*

<sup>14</sup>Merikitsi Ketsutsi kaneyeni'ani kakaiyari 'axami'ane tewi mixinaki kaniuweme kanayeitiakaitini. Hiki kakaiyari 'axami'ane 'ayeyaku, tewi niuweti kanayani, hiki teiteri mekanihixiyakaitini. <sup>15</sup>Peru hipati miki mipai mekanituyani: «Miki kakaiyarixi 'axamemi'anene tiwa'aitiwame 'iparewiekaku kaniwarayeni'awani kakaiyarixi 'axamemi'anene». <sup>16</sup>Hipatita, me'liniatakuti 'iniari mekanitawawirieni muyuawatsie mieme.

<sup>17</sup>Miki wa'yaritirika maiti mipai katiniwarutahiawe: «Xika kiekatari hixiata meyutsana, mana pakumawere, xeime kie kiekatari xika hixiata meyutsana mekanita'unikuni. <sup>18</sup>Kauyumarie xika hixiata yutsana, ¿kereuteriwe ti'aitametiti? Xemetsi xeputiyuane kename Weheritsewutsie netiwiyati newaranuyeni'awa kakaiyarixi 'axamemi'anene. <sup>19</sup>Merikite, xika ne Weheritsewu hetsie xeniu netiwiyati newarayeni'awani kakaiyarixi 'axamemi'anene, ¿xemeta xemitewa'ikitia kemi'anetsie metewiyati mepiwaranuyeni'awa? 'Ayumieme miki xehetsie mepite'ahipani.

<sup>20</sup>Mexika Kakaiyari tirikariyayaki pita newaranuyeni'awani kakaiyarixi 'axamemi'anene, Kakaiyari 'ari kanitsutiani ti'aitati xehetsia.

<sup>21</sup>»Tewi mitirikaiye kuya tepiyaya ma'i mexi 'i'wiya yukii, kayuwati puma piiniteya. <sup>22</sup>Kemi'ane matsi yemeki mitirikaiye nuame 'e'iwame, pinawairieni kuya tepiyaya hetsiena yuri miti'eriekai, meta yu'iwama piwamini tepiateya.

<sup>23</sup>»Kemi'ane nehetsie mikatiwiya, miki pinetsi'aye'unie, kemi'ane nehamatia mikatiukuxexeriwa, miki pitaxiriwa.

<sup>e</sup> 11:11 RV60 meta hipati mepenaniitia paa ha'iwawakaku tete pituitiawe pita? Yatini.

<sup>24</sup>»Kakaiyari 'axami'ane tewi hetsie 'ayeyame, makumawetsie pikuyeikani 'uxipiya kuwauneti. Yutexieneti mipai paineni: “Nepiyemie nekita nemiwayetiatsie”. <sup>25</sup>Nuame pitaxeiya waye'itiyakame 'aixia tiuye'aneme. <sup>26</sup>'Ana piyemie hipame piwata'inieni kakaiyarixi matsi kwini mieme 'axamemi'anene 'atahutame, meheutahaxiame, muwa me'ayeteti mepakine. 'Imatiriekka miki tewi matsi yemeki 'axa'itiarieti payani, kemika'itiariekai matiari paiti».

<sup>27</sup>Merikitsi mipai tikuxatakaku, 'uka teiteri watsata muyeikakai kaniutahiwa mipai 'utaiti:

—'Aixia ke'itiariekka kemi'anetsie pemiyekatei, kemi'ane mimatsi'utsitsitia.

<sup>28</sup>Ketsutsi mipai kaniutayini:

—Matsitsi pita, 'aixia meke'itiariekka miki Kakaiyari niukieya memi'enie meta yamemitekahu.

### **Kemiti'iniari Kunatsi**

*(Ruk 11:29-32 – Mat 12:39-42)*

<sup>29</sup>Hiki teiteri meyukuxeirieximekaku mipai katiniutixatatiyani: «Hiki miemete teiteri 'axateyuruwamete mekanihikitini. Mekanikuwautiweni 'iniari, peru 'iniari mepikapitiarieni, Kunatsi 'iniarieya xeikia mekanipitiariekuni. <sup>30</sup>Kunatsi 'iniari kemiratia Niniwetari wahetsiemieme, neta Yuri Tewi kenemititewa 'iniari nekanayeimiki hiki miemete teiteri wahetsiemieme. <sup>31</sup>Metatsiere 'uka ti'aitame Tsawa mekatei, miki panukukeni titahekiatake hiki miemete teiteri wahepaitsita, wahetsie pirahiani 'ana, miki meyetiaki kwie manuniere paiti, mi'enieniki Tsarumuni kemitimaiwekai, matsi 'ena kaniuyeikani xewiti waikawa mariweti keyuri Tsarumuni. <sup>32</sup>Niniwe kiekatari mepanuku'uni metetahekiatake hiki miemete wahepaitsita, wahetsie pirahiiani, Niniwetari memite'uhayewaxiki kememiteyuriekai Kunatsi tiwarutaxatiaku, matsi 'ena kaniuyeikani xewiti waikawa mariweti keyuri Kunatsi.

### **Tawaiyari kixemeya**

*(Ruk 11:34-35 – Mat 6:22-23)*

<sup>33</sup>»Kixeme 'utaiyame pika'iti'awieta, kakuniki pika'enukanani, matsi wapai pita pekayeni, teiteri me'atahaxiiximeti memixeyiaki hekiariyaya.

<sup>34</sup>Merikite, hixite tawaiyari kixemeya kanihikitini. Xika 'ahixi 'aixia reu'erieka, 'awaiyaritsie naiti pekanihekiariwiariieka. Mexika 'axa'aneneni 'ahixite, 'awaiyaritsie naiti pekaniyiriyarieka. <sup>35</sup>'Ayumieme kene'akweriwayurieka, 'ahetsia mieme kixeme kapa 'uyireki. <sup>36</sup>Xika 'awaiyaritsie pehekiariwiariieka naimetsie, mitiyiwi xika tiumaweni, naiti kanihekiakamiki, kixeme kemimatihikiariwiya xawatiti».

### **Ketsutsi kemitiwarutahiawixi paritseutsixi meta 'iniariki te'ikitamete**

<sup>37</sup>Merikitsi tikuxatati tiutahayewaku, paritseutiti kanita'inieni hetsiana mitikwaniki, muwa heutahaka mana kanayerini. <sup>38</sup>Peru paritseu 'ixeyiaka kaniuhixiyani mika'ukamaimaki meri katikwaweweti.

<sup>39</sup>Hiki Ti'aitame mipai katinitahiawe:

—Kari xeme paritseutsixi tekixi xaki herie xepika'itiwa, peru yutaita xepihipine xetenawakuti 'axaxeteyurieti. <sup>40</sup>'Atsixepikatemate. ¿Kemi'ane mitawewi herie taitanata katitawewi? <sup>41</sup>Matsi taitana miemeki xeketenyumikwani xeteyukananimayati, mikiki naiti 'itiyati kanayeimiki xehetsiemieme.

<sup>42</sup>»Xia'ui xeme, paritseutsixi, tamamatatsie mieme xeime xepiyuwairiya xemixatianiki Kakaiyari yeruwawena, xura meta naime tupiriyate mukwaiwa, peru xepikayuwairiya heitseriemeki yaxemitekahuniki, xepikayuwairiya xeminaki'eriekaki Kakaiyari. Mipai xemitekahunikekai peuyewekai xekatehayewati 'iya kexemiteyurie.

<sup>43</sup>»Xia'ui xeme paritseutsixi. Pixenake yunaime wahixie xemayaxeki tuki 'etsimipepeta meta xemiwairitariieka kiekari hixiapa.

<sup>44</sup>»Xia'ui xeme, miki teukiyaya mikayuhekia herie xepihiki, hetsiena teiteri memu'uwa 'atsimekatemaiti».

<sup>45</sup>Merikite xewiti 'iniariki miti'ikitametikai mipai katinitahiawe:

—Ti'ikitame, miya pe'utaiti pepitatsiniukima tameta.

<sup>46</sup>Ketsutsi mipai katinita'eiya:

—Xia'ui xemeta 'iniariki xemite'ikita, 'ika mukwaniwe teiteri xepiwaruti'ikatiwa, peru wa'ika xemikumaiwani niyu'itiwameki xepikayuwairiya xemiwaparewieniki.

<sup>47</sup>»Xia'ui xeme, Kakaiyari niukametemama wateukiya 'iniariyari xemitiwewiwa, xe'ukiyarima memiwarukwi. <sup>48</sup>'Ayumieme xepiyuhekiata, xe'iyari yakani'aneneni xe'ukiyarima kememite'uyuri, miki mepiwarukwi Kakaiyari niukametemama, xemeta wa'iniari xete'utiwewi. <sup>49</sup>Kakaiyari timaiweti 'ayumieme mipai kaniutayini: “Kakaiyari niukametemama meta ni'ariekate ne nepiwaranuni'airieni, hipame miki mepiwakwini meta hipame mepiwataweiya”. <sup>50</sup>'Ayumieme hiki miemete teiteri wahetsie katinahiiyamiki yunaime Kakaiyari niukametemama waxuriyaki kwie munetiarietsie paititi mieme, <sup>51</sup>'Aweri xuriyayaki meri 'atsita Tsakariyaxi xuriyayaki mikareutewike, mumierie mirayutimawatire yeyaka tukita kaheta'aweti. Huu, yuriki mipai nepaine hiki miemete teiteri wahetsie katinahiiyamiki.

<sup>52</sup>»Xia'ui xeme 'iniariki xemite'ikitamete, xepinawa kitenie yawiyari kimana teiteri metemaiwaweti memakinekekai. Xemetiti xepikaheutahaxiawawe, meta hipame xepikawapitia memeutahaxiani».

<sup>53</sup>Merikitsi wayeyaku, miki 'iniariki memite'ikitametetikai meta paritseutsixi yunaiti mekanitixeimatikine kwini mieme, mekaniti'iwawiyatikine mitikuxataniki waikawa hepaitsita. <sup>54</sup>Me'ihupieti memiwiniyaki niukieyaki.

### Tiyukuxanariyame paritseutsixi wahetsia mieme

**12**<sup>1</sup>Merikitsi 'ana teiteri waikawa miriyari meyupaimeti meyukuxeiriekui yuketatsie me'a'uwekaku. Kanitsutiani mipai tiwakuxaxatiwati yuhetsia miemete teyi'ikitawamete: «Xekeneyukweriwayurieka matsi paritseutsixi wahetsia mieme tiyukuxanariyame hepaitsita, wa'itarika

yuri hepai memite'ikuxata hepaitisa. <sup>2</sup>Kariki naiti tita miti'awietsie katinahexiarimiki, meta naiti tita 'awie mitimieme katinitamariwamiki. <sup>3</sup>Ayumieme mipai nepaine, naime tita xemitekuxata yiwikita, hekiaripa kani'enieriemiki, meta tita kiita yu'inkai xemitekuxata, kii heima paiti kanitahexiatsiemiki hiwariki.

<sup>4</sup>»Mipai nepitixekihawe xeme, nehamikuma, xepikawamakarika miki memiyawawe tawaiyari memimieni xeikia, peru 'arike tawarita mepikayiwawe yiki memite'uyurieni. <sup>5</sup>Nepitixetaxatiani kemi'ane matsi xemimakarika: xekenemakarika kemi'ane, ramieme, heitserie mexeiyata tai yamitita'atsie mireukahiani. Huu, mipai nepitixekihawe, miki xekenemakarika. <sup>6</sup>Wikixi yu'auxiwiti huta tsenitawuyari mepite'aye'axe, peru nixewiti miki pikatimayarie Kakaiyari hixie. <sup>7</sup>Mipaita yaxekia xeme: xekipate xemu'utsie mieme naiti piti'iniatsie. Xepikaheumamaka, yumiireti wikixi kememite'aye'atika, xeme matsi waikawa xepite'aye'atika.

<sup>8</sup>»Mipai nepitixekihawe, kemi'ane miyuhekiata teiteri wahixie kename nehetsia mieme, neta Yuri Tewi kenemititewa nekaninehkiatamiki kename hetsiena netiwiya Kakaiyari hetsia miemete niuki tuayamete wahixie. <sup>9</sup>Peru kemi'ane muyuku'imawa teiteri wahixie kename nehetsia kamieme 'utaiti, mikita pikamatiwani Kakaiyari niuki tuayametemama wahixie. <sup>10</sup>Yunaiti meminiukixie Yuri Tewi hepaitisa, mekaniyawaweni memiteheuyehiwiyarieni, perutsi kemi'ane 'axamitayini 'Iyari Mitiyupata hepaitisa, miki pikayiwani mireuyehiwiyarieni.

<sup>11</sup>»Kepauka xemanuhapanieni tukiteta, kuwexinaruritsixi meta 'itsikate wahixie, xepikayu'iyaritiaka kexemutiyuaneni yuhetsiemieme meta kehapai xemutiyuaneni, <sup>12</sup>kariki 'ana 'Iyari Mitiyupata pitixeta'ikitiani kexemutiyuaneni».

### Tewi mixikutikai 'atsimikatimaikai

<sup>13</sup>Hiki teiteri watsata 'uweti xewiti mipai katinitahiawe:  
—Ti'ikitame, yaketineutahiawi ne'iwa minetsi'itiani tita nehetsie mitinake tapaapa tita mitatiuku'eiriri.

<sup>14</sup>Ketsutsi mipai katinitahiawe:  
—Neuxei, ¿kemi'ane xe'itsikame pinetsi'ayeitia xepiini hixiata nemititsananiki?

<sup>15</sup>Hiki mipai katiniwarutahiawe:  
—Xekeneyukweriwayurieka naimeki, xekeneyi'iwiyani kapa xete'ukahiwe'erieka, rapiinite ranayuhayewakaku pikatukari.  
<sup>16</sup>Hiki 'ixatsi hepaitisa tikuxatati katiniwaruti'ikitiatiyani mipai 'utaiti:  
—Tewi mixikutikai kwie kanexeyakaitini kwini mieme katiniutixuaweriyakaitini. <sup>17</sup>Hiki mipai katiniyikihawekaitini yu'iyaritsie: “¿Ketsi netiyurieni? Nepikaheixeiya hakewa nemeiti'uta netiriku”.

<sup>18</sup>Hiki mipai kaniutayini: “Tsipara 'ipai nepitiyurieni: Nepika'una nekaxetunite, 'epapame matsi nepitiwewieni, mana nepiti'uta netiriku meta hipame nepiinitiarika. <sup>19</sup>'Anari ne'iyaritsie mipai nepitinekhiaweni: Ne'iyari 'aku, waikawa piinite pekatiniuti'uta miixa wiyaritsie mieme.

Kene'uxipieka ketinekwaka ketine'ieka pe'atemawieti". <sup>20</sup>Perutsi Kakaiyari mipai katinitahiawe: "Kari 'atsipepikatitude. Hiki tikariki 'aiyari pepitawawiyarieni. ¿Tita pemituti'utaxi, kemi'ane piiniteya pirayani 'ana?"

<sup>21</sup>»Mipai katinikiyineni kemi'ane yuhetsiemeeme waikawa mitiyuti'utsiri hetsie, peru pikaxiku Kakaiyari hetsiemeeme».

### **Kemikareuyewetse miyu'iyaritiakaki**

*(Ruk 12:22-31 – Mat 6:25-33)*

<sup>22</sup>Hiki mipai katiniiwarutahiawe yuhetsia miemete teyi'ikitiwamete: —'Ayumieme mipai nepitixekihawe: Xepikayu'iyaritiaka yutukari hepaitsita, kexemitekwan, yuwaiyari hepaitsita, kexemiteyutikemaritiani. <sup>23</sup>Tukari matsi waikawa piraye'axe keyuri 'ikwai, meta xewaiyari keyuri 'ixuriki.

<sup>24</sup>Xekeneyi'iwia kwatsari wahetsie: mepika'uka'etsa mepika'uka'itsana, kaxetuni 'iki mepikahexeiya, miyatiti Kakaiyari katiniiwamikwani. Wikixi kememite'aye'axe, xeme kwini mieme matsi xekate'aye'axe. <sup>25</sup>¿Kemi'ane xeme waikawa yu'iyaritiati piyiwe 'e'utewiti mayuyeitiani xika 'etsi'utewini? <sup>26</sup>Meriki 'etsiwa xeikia xika xekayiwaweni, ¿titayari xeteyu'iyaritia naimeki?

<sup>27</sup>»Tuturi xekena'eriwani, kemikatiwita kemikatits'a, peru 'ipai nepitixekihawe, Tsarumuni kwini mieme witsikemi'aneikai, witsipikaranakatikikai wahepai nixeime hepai 'iki tuturi. <sup>28</sup>Meriki xika Kakaiyari mipai tikemariitiaka 'ixa 'itsita mieme hiki muxuawe 'uxa'a huxunuta meukaxiriyani, matsi yemeki katixekemariitiaka xeme. Kari 'etsiwa xeikia yuri xepite'erie. <sup>29</sup>'Ayumieme xeme xepikayu'iyaritiaka yu'ikwaiki meta tita xemite'ieniki, xeketeneuhayewa xe'iyarixieti. <sup>30</sup>Teiteri naitarie kwiepa miemete mipai ti'aneneme naima mepitekuwautiwe, xeme xe'ukiyari matsi mipai pitimate xemeiyehiwaki 'iki. <sup>31</sup>Xemetsi xekeneyuwairiyani Kakaiyari tixe'aitiwame mihikitiniki, mipai xeteyurieti, miki naima xepitemikienita.

<sup>32</sup>»Nemuxatsima, tsepa xemikayumiire, xepikaheumamaka, xe'ukiyari kaniyuwairiyani mitixepitianiki tita mirexeiya ti'aitametiti. <sup>33</sup>Xeketeneuaka yupiinite, xeteyuparewieti xeketeneyumikwani. Xekenanuhuri tumini maname mikaye'iriwe, taheima xekeneuti'uta tita mikatixiwe, hakewa tinawayame 'ahurawa mikaheyeika hakewa kwitsi mikaretikwitamawa. <sup>34</sup>Hakewa xemiteheti'uta yupiinite miraye'atika, manata miemeki xe'iyari yakani'anemiki.

### **Kemiti'ikwewani**

*(Ruk 12:35-36, 39-40, 42-46 – Mat 24:43-51, 25:1-13, Mar 13:33-37)*

<sup>35</sup>»Xekeneyuha'aritiaka xe'ayihiatikaiti xekixeme takaku. <sup>36</sup>Xemeta teiteri wahepai xekeneyiaka yukutsiyari memikwewie, 'atsimekatemaiti kepauka neikiya 'ixiararipa mayeyani, mekanikwewieka kwitiwa memiteheuyepieniki nuayu 'itupari heyuitiayu. <sup>37</sup>'Aixia mekani'itiariekakuni miki te'uximayatamete xika wakutsiyari nuame waretaxeiya me'ayeneniereme. Yuriki nepitixekihawe, panayihiani, mexatsie piwarutiyatsa, mana 'uyeikati pitiwamini. <sup>38</sup>Tsepa tikari hixiapa tsepa yuimuana munua, miya

meteyuriekaku xika waretaxeiya, 'aixia mekani'itiariekakuni miki. <sup>39</sup>Peru 'ipai xeketenemaika, xika kiekame yatimaikake kemi'ane hurayaritsie munuani tinawayame, pita'ikwewanikeyu mika'ipitianiki kiita meutahani. <sup>40</sup>Mipaita xeme kaneuyeweka xemi'yuha'aritiaka, kariki kepauka Yuri Tewi kanuaximeme xemi'erieka 'ana kaninuamiki».

<sup>41</sup>Hiki Pekuru mipai kaniutayini:

—Ti'aitame, ¿'iki 'ixatsi hepaitsita peti'ikitati tame petatixata, nutsu pepiwaxata yunaime?

<sup>42</sup>Ti'aitame mipai katinita'eiya:

—Ti'uximayatame yamitikamie meta mitimaiwe kanihikitini miyiwe kutsiyarieya mitihiritiani mitiwa'aitiakaki hipameta te'uximayatsiriwamete meta mitiwamikwaniki kepauka memeiyehiwa. <sup>43</sup>'Aixia ke'itiarieka miki ti'uximayatame xika kutsiyarieya nuame 'itaxeiya yatiyurieneme kemitiuta'aitiarie. <sup>44</sup>Yuriki mipai nepixerahiawe, pitihiritiani yupiinite tinaimie. <sup>45</sup>Peru mexika miki ti'uximayatame mipai tiuyihiawe: “Nekutsiyari 'epireutere kwitiwa pikanuani”, hiki xika warutiwatiyani te'uximayatamete 'ukitsi meta 'ukari, meta xika tikwaneni meta 'ieneni meta taweneni. <sup>46</sup>Miki ti'uximayatame kutsiyarieya kaninuamiki kepauka mika'ikwewietsie, meta kemi'ane hurayaritsie yemeki mika'ikwewietsie. Hiki waikawa pi'uximatiani meta yuri memikate'erie wahepai katinipitiamiki.

<sup>47</sup>»Miki ti'uximayatame yamitimaikai kemitinakekai kutsiyarieya, peru mikayukuha'aritia 'atsimikatiuyuri kemitinakekai, miki kwini mieme kanikuweiyaxiamiki. <sup>48</sup>Kemi'ane pita 'atsikatimaiti yamitiuyuri para mikuweiyaxianiki, 'etsiwa xeikia pikuweiyaxiani. Kemi'ane waikawa mitiumikie, miki waika pititawawiyarieni, kemi'ane waikawa mihiritiarie, waikawa matsi pititawawiyarieni.

### **Ketsutsi hixiata kemitiwatsana**

*(Ruk 12:51-52 – Mat 10:34-36)*

<sup>49</sup>»Ne nekaninuani tai nemeukahianiki kwiepa, yanepira'eriwakaku 'ari xika takake. <sup>50</sup>Peuyewetse nema'iwarieniki nemimierieniki, tewi kemiranukanamiepai haki kepauka muka'iyarie, haweri mieme nepitiuka'eniwa mexi ka'aye'awe. <sup>51</sup>¿Xeme mipai xeteku'eriwa kename nenua newapitianike kwiepa memitama 'aixia memiteyuxeianiki? Hawaiki, hixiata nemiwatsanaki pita nepunua. <sup>52</sup>Hiki 'uxa'atini yu'auxiwiti xeikiyarita miemete hixiata mepiyutsanani yuhaikati yuhutame mewaraye'unieti, yuhutati yuhaikame mewaraye'unieti. <sup>53</sup>Mepikayuxewini nuariekame yuniwe paye'unieka meta nu'aya yupaapa paye'unieka, niwekame yuniwe 'uka paye'unieka meta 'uka yumaama paye'unieka, niwekame yumu'e paye'unieka meta wikiekame yumu'e paye'unieka».

### **'Iniari 'iki tukaritsie mieme**

<sup>54</sup>Hiki mipai katiniiwarutahiawe teiteri:

—Kepauka hai xemixeiya tau makayuyuipe hepatsie hatineikame, kwiti 'ana mipai xeputyuane: pikawiye, mipaita pitikiyine. <sup>55</sup>Meta kepauka 'eka tatsutia

hepatsie mieme mu'eka, mipai xeputyuane: pukixire, mipaita pitikiyine.

<sup>56</sup>Xemite'itawamete. Xepi'iniatawawe kwie kemitiyuxexeiya muyuawi meta. ¿Titayari xekate'iniatawawe 'iki tukaritsie mieme?

<sup>57</sup>»¿Titayarita yikimana xekateheitimaiwawe tita mitiheitserie?

<sup>58</sup>Kepauka 'itsikame hetsia pemanuhanieni, huyeta xe'uhuti keneunitia 'axanetame matsixinaki, kapa 'itsikame hixie matsihe'atianiki, 'itsikame kapa matsiyetuaniki tupiri hetsia, tupiri kapa matsi'anutahiani katsariyanata. <sup>59</sup>Mipai nepimatikihiawe, muwa pepikawayeyani kepaukake naimeki pemitituani».

### Xika xekate'uhayewa kexemiteyurie xekanikwikuni

**13**<sup>1</sup>Merikitsi hipati 'ana me'u'axiaka mekatenitaxatiani karereyatari wahepaitsita, Piratu mitiuta'aitaxi memikwi'iwaki mexi metemawatiwekai. <sup>2</sup>Ketsutsi mipai katiniwarutahiawe: «¿Kexeteku'eriwa, miya memite'ukwinixiki kemetematsiiki, kename miki matsi yemeki 'axameteyuriekai, hipati karereyatari yunaiti 'axakememikate'uyuri? <sup>3</sup>Pikatixai. Matsi mipai nepitixekihiawe, xika xekate'uhayewa kexemiteyurie xeme, wahepai xekanikwi'iwakuni yunaiti. <sup>4</sup>¿Miki meta tamamata heimana 'atahaika memiyupaimekai wahetsie mukawe Tsiruhe tuxiyuyari miwarukwi, kexeteku'eriwa miki wahepaitsita, kemetematsiiki kename matsi kwinimieme wahetsie rahiiwakai, hipati teiteri Kerutsareme memitama yunaima wahetsie kemikarahiiwakai? <sup>5</sup>Pikatixai. Matsi mipai nepitixekihiawe, xika xekate'uhayewa kexemiteyurie, yaxeikia xekanikwi'iwakuni yunaiti».

<sup>6</sup>Hiki 'iki 'ixatsi hepaitsita tikuxatati katini'ikitakaitini: «Tewi 'aniukateitini kiye muka'iteiritaxi yuharawerita, mana kani'axekaitini 'ikwaxi kuwauneti kiyetsie mieme, kakanitaxexeyakaitini. <sup>7</sup>Hiki harawerita mihiritiariekai mipai katiniutahiawe: “Neuxei haika wiyari nepeukuyeixia 'ikwaxi nekuwauneti 'iki kiyetsie mieme, nepika'itaxeiyawe. Kenahiwa, ¿titayari kwie titsewixima xeikia?” <sup>8</sup>Peru tihweme mipai katinitahiawe: “Nekutsiyari, 'iki witsie keneuhayewa xeikia, ne hetiana nepa'inetiyani, meta kwie 'aixia mi'ane nepawiwietiyani. <sup>9</sup>Heiwati mipai 'utixuawere, mexika katixaitini, tepewiteni kepemaine”».

### Ketsutsi 'uka kemiranayehia 'uxiipiya tukariyaritsie

<sup>10</sup>Merikitsi 'uxiipiya tukaritsie katini'ikitakaitini heiwa xeime tukita, <sup>11</sup>'uka muwa kanayekateitini kakaiyari 'axami'ane miwiyakai tamamata heimana 'atahaika wiyari 'iweranariyati. Nanakatutsikaitini, pikayiwekai miyutatseiriyaki naime. <sup>12</sup>Hiki Ketsutsi 'ixeyaka yu'aurie 'itahiaweke mipai katinitahiawe: —'Uka pepuxinarie kepemituweranikai.

<sup>13</sup>Hetsiena 'utimeku yapauka kaniutatseire, 'aixia nainekaitini Kakaiyari hepaitsita. <sup>14</sup>Hiki tuki mihiritiarie ha'ati Ketsutsi menayehiaki 'uxiipiya tukaritsie, mipai katiniwarutahiawe teiteri:

—'Ataxewi tukari puxuawe kepauka meuyewetse yamiti'uximayakaki, miki tukaritsie 'ayumieme xekene'axeni 'aixia xemite'uka'eritariwaniki, peru 'uxiipiya tukaritsie pikatixai.



<sup>15</sup>Hiki Ti'aitame mipai katinita'eiya:

—Xemite'itawamete. ¿Yuxexuiti xeme 'uxi'piya tukariyarisie xekatewaxina yutuuru'xixi kwietsanamete yupuxurima hakewa memakuwi, xekatewarehapana xekatewaharitiwa? <sup>16</sup>Tiki 'uka 'Apirahami kaninu'ayatini, peru Kauyumarie kanekuwi'ekaitini tamamata heimana 'atahaika wiyari, ¿kareuyewetse 'uxi'piya tukarisie mixinarieniki 'akuwieti?

<sup>17</sup>Mipai 'utayiku mekaniyutitetewiya yunaiti memeye'uniekai, peru hipati teiteri yunaiti mekaniyutemamawiekaitini waikawa mariweme mitiyuri'nekaiki.

### Mutsitatsa 'imiariyari hepaitsita

(Ruk 13:18-21 – Mat 13:31-33, Mar 4:30-32)

<sup>18</sup>Hiki mipai kaniutayini:

—¿Tita hepai ti'ane Kakaiyari kemiti'aita? ¿Ke'aneme 'ikitsikayari nexatati nepihekiatani? <sup>19</sup>Mutsitatsa 'imiariyari hepai kani'aneni tewi xei 'imiariyari 'anutika yuharawerita meika'e. 'Utawereka kiye kanayani, wikixi taheima miemete mekaniyuti'ituatiatikine mamateyatsie.

<sup>20</sup>Hiki tawari mipai kaniutayini:

—¿Ke'aneme 'ikitsikayari'iki nepihekiatani Kakaiyari kemiti'aita? <sup>21</sup>Paa kuxanariyame hepai kani'aneni, 'uka 'iwatituka kanitimuina paa mitixiyarisie waikawametsie, 'arikeke naiti kaniutikuxanare.

### Kitenie 'etsimayewa

<sup>22</sup>Hiki kiekarite 'emiyeu'etsie 'etsimiyeyeu'etsie kaniye'axekaitini ti'ikitati, Kerutsareme tamieti.

<sup>23</sup>Merikitsi xewiti mipai katinita'iwawiya:

—Ti'aitame, ¿yaki yupaimeti xeikia metetawikweitsitarieni?

Ketsutsi mipai katinita'eiya:

<sup>24</sup>—Wairi'arika xekene'yupitiaka xemeutahaxianiki kitenie 'etsimayewatsie, mipai nepixerahiawe, kariki yumireti mepihakuni peru mepiyutatexieni.

<sup>25</sup>Kepauka kiekame 'anukukeme mireunani kitenie, xeme takwa xemu'uwa, 'itupari xekaniyuitiakuni, mipai xe'utiyuati: “Ti'aitame 'aku, ketatineuyepiri”.

Peru miki mipai katinixeta'eiyamiki: “Ne nepikaxemate meta nepikatimate hakewa xemeyeki”.

<sup>26</sup>Hiki 'ana xekanitsutiakuni mipai xe'utiyuati: “Tame tepite'ukwai meta tepite'u'i 'ahamatia, meta 'eki takaye 'utia pepiti'ikitakai”.

<sup>27</sup>Peru miki mipai katinixeta'eiyamiki: “Nepikaxemateriki meta nepikatimate hakewa xemeyeki. Xekene'yupata nehetsia xepika'u'uwani, xeme xeyunaiti kemikatiheitserie xemiteyurie”.

<sup>28</sup>»Mana xekaniutitsuanakuni xekaniyutakewekuni, kepauka xemiwaxeiya 'Apirahami, 'Itsahaki, Kakuwu meta texaxatamete yunaime mana me'u'uwame hakewa Kakaiyari mire'aita, xeme pita xe'anuyexiriyayu. <sup>29</sup>Tau matineikatsie miemete makayuyupikatsie miemete mekani'axiakuni, tatserieta miemete meta ta'utata miemete, mexa 'aurie mekanayaxikuni hakewa Kakaiyari mire'aita.

<sup>30</sup>Mana, hiki miemete 'imatiremete 'ana hipati mexiakate mekanakinikuni, hiki miemete mexiakate meta hipati miki 'imatiremete mekanakinikuni».

**Ketsutsi yuhiwerieti kemutayi Kerutsareme kiekatari wahepaitsita**

(Ruk 13:34-35 – Mat 23:37-39)

<sup>31</sup>Merikitsi 'ana paritseutsixi hipati hetsiana mekanu'axiani mipai mete'ikihiaweti:

—Xaitsie pita kenemie, Herurexi pimatsimiemiki.

<sup>32</sup>'Iya mipai katiniwarutahiawe:

—Mipai xeketenetahiawi netsimariutame: “Neuxe, ne hiki 'uxa'a nepiwaranuyeni'awani kakaiyarixi 'axamemi'anene memiwatixinaki teiteri, nepiwaranayexirieni tekwikwikate, 'ayeimana nepaye'atiarientiti”. <sup>33</sup>Miki xeikia neuyeweka hiki, 'uxa'a meta warie nemikuyeikaniki, peuyewetse yemeki yunaiti texaxatamete memikwi'iwaki Kerutsaremetsie, xaitsie pikatixai.

<sup>34</sup>»Kerutsareme, Kerutsareme 'aku, 'ahetsia kiekatari mekaniwatakukuyani Kakaiyari niukametemama meta mekaniwatituaxani Kakaiyari ni'arimama 'ahetsia memi'axe. Miixa nepinewairiyakai nemiwakuxeirieniki 'atiriyama, wakana yuniwema kemitiwakuxexeiriwa yu'angatia hepai, peru mepikayuwairi. <sup>35</sup>Neuxe, xekii 'uyemaweti piyuhayewa. Mipai nepitixetahiawe, tawari xepikanetsixeiya mexi tukari ka'aye'awe kepauka mipai xemutiyuaneni: “Aixia ke'itiarieka kemi'ane 'umamie Ti'aitame hetsia miemetiti”».

**Ketsutsi kemirenayehia tewi meuhatikatei**

**14** <sup>1</sup>Merikitsi Ketsutsi xeime hetsia kaninuani 'uxipiya tukaritsie tikwanike. Mita'ini xewiti teiteri wa'ukiyarima kanihikitikaitini meta paritseutiti, miki mekanihupiekaitini. <sup>2</sup>Hiki tewi meuhatikatei hixiena kanakateitini. <sup>3</sup>Ketsutsi mipai katiniwaruta'iwawiya 'iniariki memite'ikitametetikai meta paritseutsixi:

—ǂTiyiwe nutsu pikayiwe 'uxipiya tukaritsie tewi 'aixia muyurieniki?

<sup>4</sup>Peru miki kayuwati mekaniumakaitini. Hiki tikwikame 'umayiaka 'aixia reu'eriekame hayeitiaka kaneini'ani.

<sup>5</sup>Meta mipai katiniwarutahiawe:

—Xewiti xeme xika niweya heukaweni muwatixawatsie yatini tuuruya, ǂkwitiwa katiwatihana tsepa 'uxipiya tukaritsie?

<sup>6</sup>Mepikayiwawekai tixai memutiyuaneniki 'iki hepaitisita.

<sup>7</sup>Hiki waruxeiyaka kememitehenuyexeyakakai hakewa matsi 'aixia mi'anenekai memayaxeki, 'ixatsi hepaitisita tikuxatati katiniwaruti'ikitiatiyani miki memuta'inierie, mipai katiniwarutahiawe:

<sup>8</sup>—Kepauka tewi mixeta'inieni neikiya 'ixiararipa, hakewa matsi 'aixia mi'ane mana xepika'ayahikeni, kapa xeime matsi we'eme 'uta'inieni, 'eki 'etsiwa pewe'emetikaku xeikia. <sup>9</sup>'Ahetsia nuame kemi'ane mixe'uta'ini mipai pimatikihiaweni: “Keneupitia 'iki pita 'ena mayeriniki”. Ana 'eki pe'atewiyati 'imatireme 'iparieyatsie pe'akaiti pepayani. <sup>10</sup>Matsi kepauka pemita'inierieni, mana kenayexi

'imatireme 'iparitsie, kepauka munuani kemi'ane mimatsi'uta'ini, mipai pimatitahiawe: “Nehamiku, huma pita kenayexi 'ahurawa”. 'Ana witsipiraniuwani 'ahepaitsita yunaime 'ahamatia memuta'inierie wahixie. <sup>11</sup> Yunaiti yuxaita mariweme memayuyeitiwa tixaiti mekatehikititi mekanayeitiarikuni, peru kemi'ane tixaiti katihikitime mayuyeitiwa miki mariweme kanayeitiariemiki.

<sup>12</sup> Meta kemi'ane mita'ini mipai katiniutahiawe:

—Kepauka 'ikwai pemiwewieka tuka ya taikai, pepikawa'nieka 'ahamikuma, 'aiwama, 'amarema, 'aurawatari memeuka'u xeikia, mikita kapa mematsi'uta'inieniki, kapa mipai perakapitiarieniki. <sup>13</sup> Matsi kepauka 'ikwai pemiwewieka, keniwa'nieka miki tixaiti memikatehexeiya, memimamawawaki, memihurietika meta memakikipe. <sup>14</sup> Miki tixaiti mepikatehexeiya kimana tawarita memimate'apinirikaki, mipai petiyurieneti 'aixia pekani'itiarikamiki, tawari pepirapiniyarieka kepauka memanuku'uni miki heitseriemeki yamemitekahu.

### 'Ikwai 'ixiarariyari mimariwe niukiyari

<sup>15</sup> Hiki memuta'inierie xewiti, 'iki 'u'enieka, mipai katinitahiawe:

—'Aixia kani'itiarieka kemi'ane mirekwani hakewa Kakaiyari mire'aita.

<sup>16</sup> Ketsutsi mipai katinitahiawe:

—Xewiti tewi 'ikwai 'ixiarariyari kaniuwewieni mariweme, yumiireme kaniwaruta'inieni. <sup>17</sup> Hiki tukari 'aye'aku memitekwaniki, yuhetsia mieme ti'uximayatame kaniutani'ani mipai mitiwatahiawekei memuta'inierie: “Xekenakiniri, 'ari naiti pirekuha'aritsie”. <sup>18</sup> Hiki yuxexuiti yunaiti mekaniuyuti'imatikine. Xewiti meri mipai katinitahiawe: “Kwie nepenanai, peuyewetse nemixeyamiaki, nepikayiwe nemimiaki, kenetineuyehiwiri”. <sup>19</sup> Xewitita mipai titahiawixi: “Tuurutsixi kwietsanamete nepiwaretinanai 'auxiwime paritsiyari, newareta'iniatake nepimie, kenetineuyehiwiri”. <sup>20</sup> Xewitita mipai titahiawixi: “Uka nepuwititiarie, 'ayumieme nepikayiwe nemimiaki”. <sup>21</sup> Hiki ti'uximayatame nuaka mipai katinitahiawe yukutsiyari. Hiki kiekame 'uyeha'aka mipai katinitahiawe yuhetsia mieme ti'uximayatame: “Kwiti kiekaritsie kenemie kaye'utia huyeta, tixaiti memikatehexeiya, memimamawawaki, memakikipe meta memihurietika keniwarawitiki 'uwa”. <sup>22</sup> Ariketa mipai kaniutayini ti'uximayatame: “Nekutsiyari, kepemitiuta'aitaxi yanepitiuyuri, peru mepikahine 'akuxi”. <sup>23</sup> Hiki kutsiyarieya mipai katinitahiawe yuhetsia mieme ti'uximayatame: “Huyeta kenemie tetsariya kemitiukumane, wairiyarika keniwarepitia memahuki nekita memitahineki. <sup>24</sup> 'Ipai nepitixekihawe, miki memuta'inierie, nixewiti miki pikahine'iniata ne'ikwai”.

### Kemiraye'axe xika Kiritsitutsie tiwiyani

<sup>25</sup> Merikitsi yumiireti teiteri 'utimana mekaniuhukaitini, ta'aurie 'aweka mipai katiniwarutahiawe: <sup>26</sup> «Xika xewiti nehetsia nuani, xika kawa'uxiwe'erieka yupaapa meta yumaama, yi'iya, yitiriyama, yu'iwama, meta xika ka'luxiwe'erieka yutukari, pikayiwe nehetsia mieme tiyi'ikitiwame

mayuyeitiwaniki. <sup>27</sup>Kemi'ane mikayuwairiya kuruxitsie mimierieni, tsepa nehamatia muyeika nehetsie tiwiyati, miki pikayiwe nehetsia mieme tiyi'ikitiwame muhikitiniki.

<sup>28</sup>»Xewiti xeme xika tuxiyu tawewimikini, ¿mana karayerini meri titi'iniatake kemiraye'aka, xika heixeyani kimana minini, mexika katixaitini? <sup>29</sup>Tenariyari xika 'utawewieni, xika yutatexieni mininiki, 'aixia pikayini, yunaiti mekanitanaimatikinikuni memineniere <sup>30</sup>mipai me'utiyuati: «Iki tewi kii kaniutsutiani, piyutatexi pika'ini».

<sup>31</sup>»Yatini xewiti kwiepa ti'aitame xika yemieximeni xeime ti'aitame matia memiyutakwiniki. ¿Mana meri karayerini, mipai tiyikihiaweti tamamata miriyari warawititi xika 'aku yiweni menukunakeki 'iya xeitewiyari miriyari warawititi hepana mamie? <sup>32</sup>Mexika katixaitini, 'ateewa heyeikakaku 'akuxi meye'unie, ni'ariekate penuni'airieni, pitawawirieni 'aixia memiteyuxeiyani. <sup>33</sup>Yaxeikiatari yunaiti xeme xika yupiinite nai xekate'uku'eirieni, xepikayiwawe nehetsia miemete teyi'ikitiwamete xemayuyeitiwaniki.

<sup>34</sup>»'Una 'aixia kani'aneni, xikate 'una hamuriti 'ayanike, ¿titaki ra'utsiirekeyu 'unatiti? <sup>35</sup>'Aixia pika'ane kwie hetsiememe meta 'iteirite wahetsiememe, tewa paiti xeikia kanewiwiyamiki.

»Xewiti neti mu'enaxi, ke'u'ena».

### Muxa meuyewe niukiyari

(Ruk 15:4-7 – Mat 18:12-14)

**15**<sup>1</sup>Merikitsi yuwaikawati kuwiyexinu hetsiememe tewawamete meta 'axateyuruwamete hetsiana mekani'axekaitini yunaiti me'l'enienike kemitikuxatakaiki. <sup>2</sup>Hiki paritseutsixi meta miki 'iniariki memite'ikitametetikai, mekaniniukixiekaitini mipai me'utiyuati: «Iki 'axateyuruwamete kaniwanaki'erieka, wahamatia katinikwaka».

<sup>3</sup>Hiki miki 'ixatsi hepaitsita tikuxatati katiniwaruta'ikiti'iani mipai 'utaiti: <sup>4</sup>«Xewiti xeme xika xeitsienituyari warexeyani yumuxatsi, xewiti miki xika heuyeweni, ¿mana 'ixapa katiwaku'eirieni nauka tewiyari heimana tamamata heimana 'atanauka memiyupaime, katiwaumie meuyewe, 'itaxeyameke xeikia katihayewa? <sup>5</sup>Hiki, kepauka meitaxeyiwa, waikawa yutemawieti yunaiparitetsie neikutemiki. <sup>6</sup>Yukie nuame kaniwakuxeirimiki yumarema 'ahurawatari yunaima mipai tiwakihaweti: «Xemeta xekeneyutemamawieka nehapai, nemeitaxeiki nemuxa meuyewekai». <sup>7</sup>Mipai nepixerahiawe, mipaita katine'aneni muyuawisie: kwini mieme mekateniyutemamawieka taheima kepauka xewiti mitihayewa 'axatiyurieneti, keyuri nauka tewiyari heimana tamamata heimana 'atanauka memiyupaime heitseriemeki yamemitekahu memikaheiyehiwa memitehayewaki 'axametyurieti.

### Tumini meuyewe niukiyari

<sup>8</sup>»'Uka xika tamamata tuminiyari hexeyani pirata tuminiyari, xeituminiyari xika heuyehiani. ¿Katitaiya kixeme, katiuye'itieni yukiita,

'aixia 'anemeki katikuwauni 'itaxeiyameke katihayewa? <sup>9</sup>Itaxeiyame kaniwakuxeirimiki yumarema 'ahurawatari yunaime mipai 'utaiti: “Xemeta xekeneiyutemamawieka nehapai, netumini nemutaxeiki nemeiyehiakai”. <sup>10</sup>Mipai nepitixekihawe, yaxekia Kakaiyari hetsia miemete niuki tuayamete temawierika mekanexeyani, kepauka xewiti mitihayewa 'axatiyurieneti».

### Xewiti nu'aya meuyewe niukiyari

<sup>11</sup>Mipai kaniutayinita: »Tewi yuhutame kaniwarexeyakaitini yuniwema. <sup>12</sup>Hiki mutaya mipai katinitahiawe yu'ukiyari: “Ne'ukiyari, 'apiinitiarikatsie timieme miki kenetineyuturi nehetsiemieme mayaniki kepaimeiti nehetsie mitinake miti'apinitikai”. 'Ana yupiinitiarika katiniwayetuirieni yuhutame yuniwema. <sup>13</sup>Hiki yapaimexia 'anukayaku mutaya naimetiu kuxekieka tewa kaneyani xeime kwieyaritsie, yupiini katineuyehiani mana yaki xekia.

<sup>14</sup>»Merikitsi naimetiu tiutixitiaku, haka kaniutaweni kwini mieme miki kwieyaritsie, hiki 'ana reuyehiati kanayani. <sup>15</sup>Hiki mana kiekame hetsia nuaka hetsiena katiniwuiya, miki kaneini'ani tuixuri mitiwaremikwaniki kwiepana. <sup>16</sup>Huxaimiti kanihiwe'eriekaitini ketita memitekewakai tuixuri, peru nixewiti pikatimi. <sup>17</sup>Merikitsi 'uka'iyariti kanayani, mipai kaniutayini: “Ne'ukiyari hetsia miemete te'iwamete paa mepexeya 'anayuhayewakame, ne matsi 'uwa nepimixime hakaki. <sup>18</sup>Nepiyemie mekuxi ne'ukiyari hetsia, mipai nepireitahiawe: Ne'ukiyari, 'axanepitiuyuri, taheima makawe yamikahainetsie, 'ekita yapemikahainetsie nepitiuyuri. <sup>19</sup>'Aixia nepikatiuka'iyari, heitserie nepikahexeya para hutarieka 'aniwe nemayaniki, 'ahetsia miemete te'iwamete wahapai xekia kenetiepitiaka neminehayewaki”. <sup>20</sup>Hiki yukuha'aritiaka yupaapa hetsia kaneyani.

»Ateewa 'akuxi 'amiekaku paapaya kanixeya, kanitinenimayata, 'utanautsaka 'enukunakeka 'enakawiyatikaiti kani'itseni. <sup>21</sup>Hiki nu'aya mipai katinitahiawe: “Nepaapa, 'axanepitiuyuri, taheima makawe kemikatinaketsie, 'ekita kepemikahainetsie nepitiuyuri. 'Aixia nepikatiuka'iyari, heitserie nepikahexeya para hutarieka 'aniwe nemayaniki”. <sup>22</sup>Paapaya matsi mipai katiniwarutahiawe te'uximayatamete: “Xeiyi 'aixia, 'ixuriki matsi 'aixia mi'ane xekenanakatitia, hanira xekenekamaniri mamayatsie, meta xekeneukakaitiaxia. <sup>23</sup>Xekenehanuyu tsikeru miwaiya 'aixia mi'ane, xekeneumi'a, tetekwati tepitatemamawieka. <sup>24</sup>'Iki neniwe 'umime nekani'eriekaitini peru kanaanutaniere, kaneuyewekaitini peru kaniutaxeyarieni”. Hiki 'ana meyutemamawieti mekanakine yunaiti.

<sup>25</sup>»Merikitsi matsikaya xaitsie kaneyeikakaitini. 'Akunuaka, kii 'aurie 'ayemieti, yuitiarika kaniu'enieni meta neiya. <sup>26</sup>Yu'aurie 'itahiaweka ti'uximayatame xeime, kanita'iwawiya kemireyanekai. <sup>27</sup>Miki mipai katinitahiawe: “'A'wa kaninuani, 'apaapa kanimieni tsikeru miwaiya 'aixia mi'ane mitanaki'eriki 'aixia reu'eriekame”. <sup>28</sup>Hiki matsikaya kaniuyeha'ani, pikayuwairiyakai meutahaniki. Paapaya wayeyaka kanikunitiwakaitini. <sup>29</sup>Mipai yupaapa katiniutahiawe: “Neuxei, miixa wiyari nekatini'uximayaka 'ahetsia, ne hatsuaku nepikamatsiku'imaiyakai, yanepitikamiekai, peru ne hatsuaku kapira nunutsi pepikanetsimiwe, nemarema wahamatia

neminetemawiekaki. <sup>30</sup>Hikiri 'iki 'aniwe kaninuani 'atumini naime hetixitiaka 'ukarawetsixi wahetsie, ¿kari tsikeru miwaiya pepumi hetsiena mieme?"

<sup>31</sup>»Hiki paapaya mipai katinitahiawe: "Neniwe, 'aheyemeki nehetsia pekaniukani, nepiini naiti katini'apinitini. <sup>32</sup>Kaneuyewekaitini temitatemawiekaki, kariki 'iki 'a'iwa 'umime nekani'eriekaitini, peru 'ari panutanierixi punua, meuyewekai kaniutaxeiyarieni"».

### Ti'uximayatame yamikatikamiekai niukiyari

**16** <sup>1</sup>Mipaita katiniwarutahiawe teyi'ikitiwamete: «Tewi mixikutikai kaneixeyakaitini ti'uximayatame naime mitihiritiakai yupiinitiarika, mipai katiniutahiawarieni kename ti'uximayatame piinite reuyehiaximekali. <sup>2</sup>Hiki yu'aurie 'tahiaweke mipai katinitahiawe: "¿Titayari niuki neti'enie 'ahepaitsita? 'Iniari keneneutawewiri 'ahiritiarika hepaitsita mieme, nepikamatsipitiani tawari pemihiritiariekaki". <sup>3</sup>Hiki yu'iyaritsie mipai katiniyikihawekaitini ti'uximayatame: "¿Kenetiyyurieneni, nekutsiyari nehiritiarika 'ari minetsinawarieni? Nepikarikaiey nemit'i'iwäneniki ne'ineneti, meta nepinetewiya 'ikwewariki. <sup>4</sup>Hikirixia nepiretima kenemitiyyurieneni kepauka nemipatsieni kepauka nemikatihiritiarieka para hipame wakiita neminaki'eriwaniki".

<sup>5</sup>»Hiki yuxexuime kaniwarutakwewieni miki memite'apitikatei kutsiyarieya hetsia. Mexiakame mipai katiniutahiawe: "¿Kepaimeme pepirapine nekutsiyari hetsia?" <sup>6</sup>Miki mipai katinitahiawe: "Xeitsienituyari kixauriyari hatseiti". Hiki mipai katinitahiawe: "Ka'i 'axapa kenanuhuri kepaimemeki pemaye'uxa, kwiti mana kenayexi, xeime pita kenaka'utia huta tewiyari heimana tamamata maine". <sup>7</sup>Mipaita katinitahiawe xeime: "Ekita, ¿kepaimeti peuyewetse pemirapikaki?" 'Iya rehiawe: "Xeitsienituyari nekayari tiriku". Mipai katinitahiawe: "Ka'i 'axapa kenanuhuri kepaimemeki pemaye'uxa maine, xeime pita kenaka'utia nauka tewiyari maine".

<sup>8</sup>»Hiki kutsiyarieya 'aixia kanainekaitini ti'uximayatame hepaitsita tsepa heitseriemeki mikayianekai, timaiti miyianekaiki. Hiki miemete matsi metemaiti mekaniyiaka yuteiterima wahepaitsita, hekiaripa miemete yamekayiakaku wahepai. <sup>9</sup>Neta mipai nekatnix'e'utahiawe xeme, teiteri yupiniki yamekateniyurieka kemikatiheitserie, peru xeme yupiniki hipame xekeniwatemawieritiaka, mipai xeteyurieti, kepauka pini mireutipare, xemeta xekanetanaki'eriwakuni hakewa kii mikahexiwetsie.

<sup>10</sup>»Kemi'ane yamitikamie 'etsitipaimeme tihiritiarieti, miki yakatinikamiemiki xika waikawa hiritiarieka, kemi'ane heitseriemeki yamikatikamie 'etsitipaimeme tihiritiarieti, mikita yapikatikamieni xika waikawa tihiritiarieka. <sup>11</sup>Hipati pinitiarika yamekateniyurieka kemikatiheitserie, xeme xika yaxekatekahuni mipai 'aneme piinite hepaitsita xetehiritiarieti, ¿kepaiki pitixehiritiani tita yuriki mitipiinite hepaitsita, yaxetekahume'eriet? Hakewatsi. <sup>12</sup>Xika yaxekatekahuni xeime piiniteya hepaitsita xetehiritiarieti, ¿kemi'ane tita mitixepini pitixemini? Hakewatsi.

<sup>13</sup>»Ti'uximayatame pikayiwe yuhutame yukutsiyarima wahetsiemieme miti'uximayakaki. Xeime kani'uxiwe'eriekamiki xeimeta naki'eriet,

yaxeimetsie katiniwiyamiki xeimeta xani'erieti. Xepikayiwawe xemite'uximayakaki Kakaiyari hetsiemieme yupiinitetsieta xetewiyati».

<sup>14</sup>Merikitsi paritseutsixi 'iki naime mekatenu'enieni, miki tumini memihiwe'eriekaiki mekanitawe'eriekaitini. <sup>15</sup>Hiki Ketsutsi mipai katiniwarutahiawe: «Xeme yuri xekateniwa'eritiaka teiteri kename heitserie xeyia xe'utiyuati, peru Kakaiyari pimata xe'yari. Tita teiteri mamariwaweme memitexeya, miki pitixani'eriwa, Kakaiyari kemitixeya.

### Hipatita 'ikitiarika

<sup>16</sup>»Iniari niukiyari meta texaxatamete waniuki mekani'eniekaitini teiteri 'atsita Wani munuatsie. 'Ana mitiyehane niuki 'aixia manuyine pita kanikuxaxatsiwani Kakaiyari kemit'aitatsie mieme, hiki yunaiti kwini mieme mekaniyuwairiyani hetsiena memitewiyaniki. <sup>17</sup>Matsi pikakwaniwe muyuawi meta kwie meutipareki, peru kwini mieme pikwaniwe xe'utiarikayari xeihixiyari mika'aye'aniki 'iniari niukiyari kemaine.

<sup>18</sup>»Kemi'ane 'iku'eirieme yi'ya, xeime pita mitiwitini, miki xeime pita kanikumaiwani, meta kemi'ane mitiwitini 'uka muku'eiriwaxi, mikita kanikumaiwani xeime 'iyaya.

### Xiku meta Ratsaru

<sup>19</sup>»Merikitsi tewi 'aniuyeikakaitini xikutiti, tatairawime kananakatikikaitini, rinu 'ixurikiyari meta tukariki 'aixia ti'anemeki katinikwakaitini. <sup>20</sup>Xewiti tixaiti mikarexeiya Ratsaru titewati mana kani'atariwakaitini xiku kitenie, kaneku'etsakaitini. <sup>21</sup>Kanihuxaimikikaitini, tikwaimiti tita miranakawiwewekai xiku mexayatsie. Tsiikiri 'ahurawa me'akikati mekanikatsenakaitini 'etsaya.

<sup>22</sup>»Merikitsi tixaiti mikarexeiya kaniumini, Kakaiyari hetsia miemete niuki tuayamete mekanenuwitini 'Apirahami 'aurie. Metatsiere xiku tiumi tiukateukie. <sup>23</sup>Mikite watsata 'ukaiti xiku kananukuniere 'uximatiarieti, 'atewa paiti kanixeya 'Apirahami meta Ratsaru 'auriena 'utikaime. <sup>24</sup>Hiki mipai katiniuhiwa: "Nepaapa 'Apirahami, kenenenenimayaka, Ratsaru kenani'a yu'itiwame kitsimeyari tahawiyame minetsixeriyaki nenenitsie, nemituika'eniwaki 'ena taipa". <sup>25</sup>Hiki 'Apirahami mipai kaniutayini: "Neniwe, kena'eriwani 'aixia 'anemeki pepuyeikakai kepauka pemayeyurikai, peru Ratsaru 'aixia 'anemeki pika'uyeikakai, hikiri miki 'uwa kaninitiarieka, 'eki pita pepi'uximatiarie. <sup>26</sup>Miki meta, xeme tame tahixiata 'aki 'emeukatewa putseiriyarie, para 'ena memikayiwaweniki tsepa memanukiniku xehetsia paiti, meta para muwa memiye'uwa tahetsia paiti memika'anakiniki".

<sup>27</sup>»Hiki xiku mipai kaniutayini: "Nepaapa, nepimatsiwawirie Ratsaru pemanuni'aniki nepaapa hetsia, <sup>28</sup>yu'auxiwime nepiwarexeiya ne'iwama, miwaraye'eritianiki, kapa mikita 'uwa me'u'axianiki 'uximatiarika maxuawe". <sup>29</sup>Peru 'Apirahami mipai katinita'eiya: "Muitsexi xapaya mekanexeyani, texaxatamete waxapa, mekewa'enieka miki kememutiyuane". <sup>30</sup>Xiku mipai katinitahiawe: "Tixai nepaapa 'Apirahami, matsi xika xewiti mikite watsata mieme wahetsia henuani,

mepitehahayewa kememiteheyurie”. <sup>31</sup> Apirahami mipai katinitahiawe: “Xika mekawa'enieka Muitsexi meta texaxatamete, tsepa xewiti manukukenike mikite watsata, mepikayuwairiyanikeyu”».

### 'Axaxikatiuyurieni, yuri kemiti'erieka meta kemireuyewetse

**17** <sup>1</sup> Mipaita katiniwarutahiawe yuhetsia miemete teyi'ikitiwamete: —Peuyewetse teiteri memikunuitiarieniki, peru xia'ui kemi'ane miwakunuitiani. <sup>2</sup> Hetsiena mieme matsi 'aixia piyini xika matá 'akatitiarieme yukiipitia, xika haramaratsie heukahiiyanike, kapa 'ikunuitianiki xeime 'iki tsepa waikawa memikamamariwawe. <sup>3</sup> Xekeneyi'iwiyani xeme.

»Xika 'a'wa 'axatiuyurieni, keneutati'a, xika tiuhayewa kemitiyurienekai, ketineuyehiwiri. <sup>4</sup> Tsepa xeitukaritsie miixa 'axamatsi'uyurieni 'atahutamexia, tawarita xika 'atahutamexia nuanike 'ahetsia, mipai 'utaiti: “Nepitihayewa kenetineuyehiwiri”, 'ekita ketineuyehiwiri».

<sup>5</sup> Hiki ni'ariekate Ti'aitame mipai mekatenitahiawe:

—Ketanepitiaka matsi waikawa yuri temite'eriekaki.

<sup>6</sup> Ti'aitame mipai katiniwarutahiawe:

—Xika xeme mutsitatsa 'imiariyari hepai 'etsipemeki yuri xete'eriekake, xepiyiwawenike mipai xemite'itahiawe 'iki xapa mana muwe: “Keniwatihuni, haramaratsie pita keneuka'iteitsie”, yapitikamienikeyu kexemutiyuane.

<sup>7</sup> »Xewiti xeme xika ti'uximayatame hexeiyani mukwietsanane, yamuxatsi miwahine, xika nuani ti'uximayatame retahayewame, ¿mipai titahiawe: “Kenaye'a xeiya, ketinekwaka”? <sup>8</sup> Pikatixai, ¿mipai matsi kutsiyari katitahiawe: “Aixia ketineuyuri para nemitikwaniki ne, kene'atikemaritia kena'ahia kenetineumikwa mexi netikwa'a mexi neti'ie, hiki 'ariketa pepitikwani pepiti'ieni 'ekitari? <sup>9</sup> ¿Pamipariyutsi tipitiani ti'uximayatame yatiyurienekaku kemitiu'aitiari? Tixai xiari. <sup>10</sup> Xemetari yaxeikia, kepauka yaxemiteyurieka naime kexemite'u'aitiari, mipai xekeneutiyaneni: “Te'uximayatamete tekanihikitini xeikia, tixaiti tahetsie pikatinake, kemireuyewekai xeikia tepite'uyuri”».

### Tamamata kememite'u'itiya kwiniyaki

<sup>11</sup> Merikitsi Kerutsareme tamieti, Tsamariya kwieyari Karereya kwieyari mayunakekatsie kaniuyemiekaitini. <sup>12</sup> Xeime kiekaritsie ta'aximekaku tamamata teiteri menenukunake kwiniyaki memika'itiyatikatei. Tewa meti'uti <sup>13</sup> mekaniutihwakaitini mipai me'utiyaui:

—Ketsutsi 'aku, Ti'ikitame 'aku, ketaneutinenimayata.

<sup>14</sup> Waruxeyaka mipai katiniwarutahiawe:

—Xekenehu mawari wewiwamete memixexeyaki.

Hiki me'uhuti me'itiyatikaiti mekanakine.

<sup>15</sup> Hiki xewiti miki 'uniereka kemiranayehiia, pukunua 'aixia 'utaiti Kakaiyari hepaitisa, karima 'utaniuti. <sup>16</sup> Kaniutihiximakeni Ketsutsi hetia pamipariyutsi 'ipitiati, miki Tsamariya kaniekemetikaitini.



<sup>17</sup>Hiki Ketsutsi mipai kaniutayini:

—¿Tamamata mekate'u'itiya? ¿'Atanaukati kemeteheuyunixi? <sup>18</sup> ¿Xewiti tawari katiukunua para 'aixia mitayiniki Kakaiyari hepaitisita, 'iki xeikia xaitsie kiekametiti?

<sup>19</sup>Hiki mipai katinitahiawe:

—Kenanukukexi kenemie, yuri pemituata'eriki 'ayumieme peputawikweitsitarie.

### **Kepauka tukari maye'ani Kakaiyari mitsutiani ti'aitati**

*(Ruk 17:26-27 – Mat 24:37-39)*

<sup>20</sup>Merikitsi paritseutsixi mekaniku'iwawiyakaitini kepauka maye'anikekai tukari para Kakaiyari mitsutianiki ti'aitati. Mipai katiniwarutahiawe:

—Taniereti xeikia 'atsipikaretimani kepauka mitsutiani ti'aitati Kakaiyari.

<sup>21</sup>Pikayiwani mipai mitayini: “Kami 'ena. Kami huma”. Kemiti'ane Kakaiyari ti'aitametikaku, 'ari xetsata kanitsutiani ti'aitati.

<sup>22</sup>Hiki mipai katiniwarutahiawe tey'i'ikitiwamete:

—Tukari kanaye'amiki kepauka mipai xemutiyuaneni: “Xika tima 'aye'anike Yuri Tewi tukarieya tsikere xewiti”. Peru xepika'ixeiya miki tukari. <sup>23</sup>Mipai mepitexetahiawe: “Kami huma peyeika. Kami 'ena”. Muwa xepikaheuhuni,

xepikawareweweyani. <sup>24</sup>Merikariya muyuawitsie naitarie kemitihekariwie 'umerikati tatserieta ta'utata paiti, mipaita yaxeikia nepitamsiikire

naitarie netukari 'aye'ayu ne Yuri Tewi. <sup>25</sup>Perutsi kaneuyeweka meri waikawa nemitikwineki, meminetsitixani'erieniki hiki miemete teiteri.

<sup>26</sup>Kemitiuyi kepauka Nuhexi 'amuyeikakaitsie, mipaita yaxeikia katiniyimiki kepauka Yuri Tewi munuani. <sup>27</sup>Ana mepitekwatiwekai, mepi'ietiwekai, mepineiketiwekai meta mepitewikitiatiwekai, kepauka Nuhexi meutaha kanuwatsie, 'ana haa tiyaka yunaime katiniwareuyehiani.

<sup>28</sup>»Mipairita kemitiuyi kepauka Ruti 'amuyeikakai yapitiyini: 'Ana mepitekwatiwekai meta mepi'ietiwekai, mepitenanekai meta mepitetuakai, mepuka'etsakai meta mepikitiwekai. <sup>29</sup>Tukari 'aye'aku kepauka Ruti meyeta Tsurumatsie, 'ana muyuawitsie tai 'atsupireyari kaniukawiye, yunaime kaniwareuyehiani.

<sup>30</sup>»Mipaita katiniyimiki kepauka nematsiikiti nemayani, Yuri Tewi kenemititewa. <sup>31</sup>'Iya tukaritsie, kemi'ane yukii heima makakani, yupiinite yukiita xika tiyepika, miki 'anakayame pikatiwayepineni. Yaxeikiata kemi'ane yuwaxata meyeika yu'utima pikahakununuwani. <sup>32</sup>Xekena'eriwani Ruti 'iyaya kemu'itarie. <sup>33</sup>Kemi'ane yutukari yemeki miwikweitsitiamiki kanitatimaiyamiki, kemi'ane mitatimaiya, miki kanitawikweitsitariemiki.

<sup>34</sup>Mipai nepixerahiawe, 'iya tikaritsie yuhutati mepikahini xei'utayaritsie: xewiti kananutiwitikiemiki, xewitita kaniku'eiriwamiki. <sup>35</sup>Yuhutati 'ukari mepitixini 'axeikia: xewiti panutiwitikieni xewitita kaniku'eiriwamiki.

<sup>36</sup>Yuhutati waxata mepe'uwani: xewiti panutiwitikieni, xewitita piku'eiriwa».

<sup>37</sup>Mipai mekatenitahiawe:

—Ti'aitame, ¿hakewa mipai pireyini?

Mipai katiniwarutahiawe:

—Kanimatsiikini kaxari tsepa hakewa meka, mana mekaniyukuxeirikuni wirikixi.

### Wiura meta 'itsikame niukiyari

**18**<sup>1</sup>Merikitsi 'iki 'ixatsi hepaitsita tikuxatati mipai katiniwaruta'ikitiani kename heuyewetse yuheyemeki miyunenewiekaki, kawairipieti. <sup>2</sup>Mipai kaniutayini: «Itsikame xeime kiekaritsie kanekateitini, Kakaiyari pikamakarikai, pikawa'eniekai teiteri. <sup>3</sup>Merikitsi 'uka kinaya mumi mana kanekateitini miki kiekaritsie, 'itsikame hetsia kani'axekaitini mipai 'utaiti: “Heitserie keneneupitia minetsi'aye'unie yamikatiyurieneni”. <sup>4</sup>Miixa pikayuwaitiyakai 'itsikame, peru 'arike mipai katiniyikihiawekaitini: “Tsepa nemika'imakaxe Kakaiyari, tsepa nemikawa'enie teiteri, <sup>5</sup>'iki 'ukaratsi kinaya mumi kanetini'uxitiaka, mekuxi heitserie nekanipitiamiki, tawariri mikanetsi'uximatiakaki”».

<sup>6</sup>Merikitsi Ti'aitame mipai kaniutayini: «Xekani'enieni niukieya kemutayi miki 'itsikame heitseriemeki yamikatiyurienekai. <sup>7</sup>¿Kakaiyari matsi heitserie katiwapitiani miki miwaranayexei tukariki tikariki memihiwie? ¿Areutere kawapawewimiti? <sup>8</sup>Yanepitixekihawe, kwiti heitserie kaniwapitiamiki. Matsi, kepauka nemunuani Yuri Tewi nehikititi, ¿yuri mete'eriekame netiwataxeiya kwiepa 'aku?»

### Paritseau meta tiwawame niukiyari

<sup>9</sup>Ipaita katini'ikitakaitini 'ixatsi hepaitsita tikuxatati, hipati yuhetsie yuri memite'eriekaiki kename heitseriemeki yametekahukai, mewaxani'erieti hipame, miki mipai katiniwarutahiawe: <sup>10</sup>«Teiteri tukipa mekanutiyune meyutanenewienike yuhutati, xewiti paritseau pihikitikai, xewitita tewi kuwiyxinu hetsiemieme tiwawame pihikitikai. <sup>11</sup>Merikitsi paritseau mana 'utakeka nenewieri kaniyupitiakaitini mipai 'utaiti: “Kakaiyari, pamipariyutsi nekamanipitiaka hipame teiteri wahepai nemika'aneke ne —miki mepitenawaya, heitseriemeki yamepikatekahu, hipame wa'itama mewiwakumaiwa— meta nitsikere 'iki tiwawame hepai nepika'ane.

<sup>12</sup>Ne matsi hutakia nepunetihakiwa xexuime tsemanatsie, ne'iwatika tamamatatsie mieme xeime nepiyetuaya tukita”. <sup>13</sup>Hiki tiwawame yatewa 'uweti pikayuwaitiyakai tsikere yuheima meutiniereki, matsi yutawitsie yukuhutsunati hiwerikaki mipai kaniutainekaitini: “Kakaiyari 'aku, kene'awairiya 'aixia peminetixeyaki, 'axanetiyyuruwametime”.

<sup>14</sup>»Mipai nepitixekihawe, miki matsi yukie kaneyani heitserie hexeyati, paritseau pikatixai. Yunaiti yuxaita mariweme memayuyeyitiwa tixaiti mekatehikititi mekanayeitiariekuni, peru kemi'ane tixaiti katihikitime mayuyeyitiwa miki mariweme kanayeitiariemiki».

### Ketsutsi kemitiuyuri tiiri wahetsie

(Ruk 18:15-17 – Mat 19:13-15, Mar 10:13-16)

<sup>15</sup>Merikitsita tiiri mekaniwa'atiwakaitini hetsiana wahetsie mutimeniki.

Mewaruxeyaka, teyi'ikitawamete mekaniwarutate'akaitini memiwa'atiwakai.

<sup>16</sup>Peru Ketsutsi yu'aurie kaniwarutahiawe tiiri mipai 'utaiti: «Xekeniwapitiaka

tiiri nehetsia memi'axeniki, wahixie xepika'u'uka, mipai memi'anene kaniwahetsiememetini Kakaiyari mira'aita. <sup>17</sup>Yuriki mipai nepixerahiawe, kemi'ane mika'itanaki'erieni Kakaiyari kemiti'aita nunutsi hepai yuri ti'erieti, pikayiwe mana meutahani».

### 'Uki mixikutikai

(Ruk 18:18-30 – Mat 19:16-29, Mar 10:17-30)

<sup>18</sup>Merikitsi xewiti teiteri watsata mexiakemetiti mipai katinita'iwawiya:  
—Ti'ikitame 'aixia pemituuka'iyari, ζtita reuyewetse kenetiyurieni, nehetsie mitinakeki tukari mikaxiwe?

<sup>19</sup>Ketsutsi mipai katinita'eiya: ζTitayari 'aixia netiuka'iyarime penetixata? Tewi 'aixia mitiuka'iyari 'apika'uyeika, Kakaiyari yuxewiti 'aixia pitiuka'iyari pita. <sup>20</sup>Ekitsi 'aitsikate pepimate: “Xeime 'iyaya kinaya pepikakumaiwani, pepikati'amemiwani, pepikatinawayani, xeimetsie pepikarahipani peti'tawati, 'apaapa meta 'amaama keniwareu'enieka”.

<sup>21</sup>Iya mipai katinitahiawe:

—Miki naimetsie yanepitikamie temaikiyari paiti.

<sup>22</sup>Ketsutsi 'u'enaka mipai katinitahiawe:

—'Akuxi xewiti xeikia peuyewetse yapemitiyurieni: ketinetua 'apiinitiarika naime, ketiniwarutamikwa haweri memi'anene, mipai petiyurieme waikawa perexeyati pepayani taheima. 'Ana kenaye'a nehetsie ketineuwiya.

<sup>23</sup>Kepauka tewi 'iki niuki mu'eni, waikawa kaniyukahiwerieni waikawa mirexeyakaiki. <sup>24</sup>Hiki Ketsutsi 'ixeyaka waikawa yuheiweriekame, mipai kaniutayini:

—Kanikwaniweni xikutsixi memeutahaxianiki Kakaiyari mira'aitatsie.

<sup>25</sup>Yuriki matsi, pikakwaniwe kameyu 'iwipame hixieyatsie manuyehaniki matsi pikwaniwe xiku meutahaniki Kakaiyari mira'aitatsie.

<sup>26</sup>Memi'enanakai mipai mekaniutiyuani:

—Kamitsi, ζkemi'ane piyiwe mitawikweni?

<sup>27</sup>Ketsutsi mipai kaniutayini:

—Teiteri titatsie memikateyiwawe, Kakaiyari hetsiemieme katiniyiwani.

<sup>28</sup>Hiki Pekuru mipai kaniutayini:

—Neuxei, tame tapiini tepite'uku'eiri naime 'ahetsie temitewiyaki.

<sup>29</sup>Ketsutsi mipai katiniwarutahiawe:

—Yuriki mipai nepixerahiawe, kemi'ane mitiuku'eiri Kakaiyari kemiti'aita hetsiemieme yukii, yi'iya, yu'iwama, yupaapama yatini yitiriyama, <sup>30</sup>miki kwini mieme matsi waikawa warexeyati kanayeimiki hiki, meta tukari 'umamietsie kepauka maye'ani, tukari mikaxiwe hexeyati kanayeimiki.

### Tawari Ketsutsi kemutayi kemitimierienikekai

(Ruk 18:31-33 – Mat 20:17-19, Mar 10:32-34)

<sup>31</sup>Hiki tamamata heimana memiyuhuta yatewa warewitika mipai katiniwarutahiawe: «Neuxei, Kerutsareme tekanitahuni hiki, naiti kemire'uxa Kakaiyari niukametemama waxapatsie Yuri Tewi hepaitisa,

naiti katinaye'amiki. <sup>32</sup>Nekaniyetuiyamiki miki memikahuriyutsixi wahetsia. Nekanitewiyatsitariemiki, 'axanekatinitahiawariemiki, <sup>33</sup>mekaneniti'aitsikawiyakuni meha'ati, hiki menetsikuwaxiame mekanenimiekuni. Peru hairieka tukari 'aye'ayu nekananukuketariemiki». <sup>34</sup>Miki 'atsimepikatemaakai tita mitixatakai. Niukieya matsi pi'awietsiekai wahetsiemieme, 'atsimepikatehetima kemitikuxatakai.

### **Makipekai kemiranutanierixi kerikutanaka**

*(Ruk 18:35-43 – Mat 20:29-34, Mar 10:46-52)*

<sup>35</sup>Merikitsi Keriku kiekariyaritsie 'aye'aximekaku Ketsutsi, xewiti tewi mikaheuniere mana huye tetsita kaniukateitini tiwauti. <sup>36</sup>Hiki waru'enieka yumiireme teiteri me'anuyekikame kaniuta'iwauni kemitiyanekai. <sup>37</sup>Mipai mekatenitahiawe kename Ketsutsi natsaretitanaka mana 'uyemieikai.

<sup>38</sup>Hiki mikaheuniere karima kaniutahiwa mipai 'utaiti:

—Ketsutsi, Rawiri peminu'aya, keneneutinenimayata kwerieti.

<sup>39</sup>Memanuyetekai mekanitate'akaitini kayuwati mitikaniki, peru matsi miki karima mipai katiniuhiwakaitini:

—Rawiri peminu'aya 'aku, keneneutinenimayata kwerieti.

<sup>40</sup>Hiki Ketsutsi mana 'utakeka kanita'aita mahanieniki hetsiana. Nuaku 'auriena mipai katinitahiawe:

<sup>41</sup>—{Tita pereuyehiwa kenetiyurieni 'ahetsiemieme?

Miki rehiawe:

—Ti'aitame, nepeunierenikeyu.

<sup>42</sup>Hiki Ketsutsi mipai katinitahiawe:

—Peheuniereti kenaye'a. Yuri pemit'erieki 'aixia pe'aneti pepatia.

<sup>43</sup>Yapauka heuniereti kanayani. Hiki 'aixia 'utaiti Kakaiyari hepaitsita, Ketsutsi 'utia kaneyani, meta yunaiti teiteri memixei witsimekaniutiyuanekaitini Kakaiyari hepaitsita.

### **Tsakeu kuwiyexinu hetsiemieme tiwawame**

**19** <sup>1</sup>Hiki heutahaka Kerikutsie hixiata kaniuyemiekaitini. <sup>2</sup>Merikitsi tewi mana kaniukateitini Tsakeu titewati, miki tewawamete katiniwa'aitiwametikaitini kuwiyexinu hetsiemieme, pixikutikai.

<sup>3</sup>Kanixeyamikikaitini Ketsutsi kemipaikitikai, peru 'etsimutewikaiki puyutatexi teiteri memiyumiiurekaiki. <sup>4</sup>Wahixie 'utanautsaka wapaiti kanitimake xapatsie mixeyaki, mana muyeyanikekaiki.

<sup>5</sup>Hiki Ketsutsi mana 'uyemieti kaneutiniere, mipai katinitahiawe:

—Tsakeu, kenakamaki xeiya. Peuyewetse 'akita nemenuaniki hiki.

<sup>6</sup>Kwitiwa kanakamake, yutemawieti kanitanaki'erieni yukiita.

<sup>7</sup>Me'ixeyaka yunaiti mekaniniukixiekaitini hepaitsitana mipai me'utiyuati: «Tewi 'axatiyuruwame hetsia punua».

<sup>8</sup>Peru Tsakeu mana 'uweti mipai katinitahiawe Ti'aitame:

—Neuxei, Ti'aitame: Nepiinite hixiata 'arikame nepitiwamini tixaiti memikatehexeiya, 'itarikaki kenemitiwakwamanakai hipame, naukameki nepirapika.

<sup>9</sup>Hiki Ketsutsi mipai katinitahiawe:

—Kami, 'iki kie kiekatari meputawikweitsitiarie hiki, 'ikita 'Apirahami kanixiiyarieyatini. <sup>10</sup>Yuri Tewi kenemititewa, nekaninuani nemiwakuwauneniki miki memeuexirie nemiwatawikweitsitianiki.

### Tumini niukiyari

<sup>11</sup>Merikitsi 'iki me'eniekaku tawari 'ixatsi hepaitsita tikuxatati katiniwaruta'ikitiani, Kerutsareme mehurakaiki, meta teiteri mipai memitek'eriwakaiki kename kwiti 'itsutianiekai ti'aitati Kakaiyari matsiikiti 'ayame. <sup>12</sup>Mipai kaniutayini: «Tewi we'eme minu'ayatikai tewa kaniyemiekaitini xeime kwieyaritsie, mana ti'aitame mayeitiarieniki, 'arikeke kaninuaniekaitini. <sup>13</sup>Hiki tamamata yuhetsia miemete te'uximayatamete warutakwewieka yuhixie, tumini kaniwaru'iitiani xeitsienituyari yuxexuime. Mipai katiniwarutahiawe: “Xekenemiiriyani 'iki tumini mexi nekanuawe”. <sup>14</sup>Merikitsi hetsiana miemete kiekatari mekani'uxiwe'eriekaitini, niukamete mekaniwareni'ani 'utimana mipai me'utiyuati: “Tame tepika'inaki'erie 'iki mitati'aitiakaki”.

<sup>15</sup>»Peru miyatiti, ti'aitame kanayeitiarieni. Kepauka makunua yukwieyaritsie, katiniuta'aita hetsiana memi'axianiki te'uximayatamete tumini miwaru'iitiakai, yamiretimaniki yuxexuiti kememite'itimiriayaxia. <sup>16</sup>Merikitsi mexiakame kaninuani mipai 'utaiti: “Neti'aitiwame, 'atumini xeitsienituyariki, tamamata tsienituyari nepana'iwaxi”. <sup>17</sup>Ti'aitame mipai katinitahiawe: “Aixia pepitiuyuri, ti'uximayatame 'aixia pemituuka'iyari pekanihikitini, 'etsitipaimeme petiuhiritiarieka yapemitikatiaki, heitserie nekamenipitiamiki tamamata kiekariyaritsie kuwexinaruri pewayaniki”. <sup>18</sup>Hiki xewiti kaninuani mipai 'utaiti: “Neti'aitiwame, 'atumini xeitsienituyariki, 'auxiwi tsienituyari nepana'iwaxi”. <sup>19</sup>Ti'aitame mipai katinitahiawe: “Ekita nekamanihiritiamiki 'auxiwime kiekariyari”.

<sup>20</sup>»Hiki xewitita kaninuani mipai 'utaiti: “Neti'aitiwame, kami 'atumini, nepi'utakai tuwaxaki 'eimeme. <sup>21</sup>Nematsimakati tewi pemitu'akawawiriemiki pemihikiki: pemenu'iwé tita pemikatituetua meta pemika'itsana tita pemikatiuka'e”. <sup>22</sup>Ti'aitame mipai katinita'eiya: “Ti'uximayatame 'axapemituuka'iyari, 'ahetsie pepirahipa 'akimana kepemutayi. 'Ekitsi mipai pepitimaikai kenemitiyukawawiriemiki, nemenu'iwé tita nemikatituetua meta nemuka'itsana tita nemikatiuka'e. <sup>23</sup>Kamitsi, ¿titayari tsikere netumini pekatiyetua tumini hiwemete wahetsia, ne nenuame nemiwaye'inikekai mena'iwaxi?” <sup>24</sup>Hiki mipai katiniwarutahiawe mana memitanenierekai: “Miki tumini xekeneunawairi, meta xekeneu'iitia 'iya tamamata tsienituyari mexeiya”. <sup>25</sup>Mipai mekatenitahiawe: “Ti'aitame, tamamata kanexeianiri miki”. <sup>26</sup>Mipai katiniwarutahiawe ti'aitame: “Mipai nepixerahiawe, kemi'ane tixaiti mirexeiya, tawari matsi pitimikieni, peru kemi'ane mikarexeiya, tsepa 'etsiwa mirexeiya katininawaiyariemiki. <sup>27</sup>Miki meta

meminetsi'aye'uniekai memikanetsinaki'eriekai netiwa'aitiwame nemayaniki, xekeniwarahapaka, nehixie xekeniwarukuya”».

### **Kerutsareme kiekariyaritsie kemireutaha**

*(Ruk 19:29-38 – Mat 21:1-9, Mar 11:1-10, Wa 12:12-15)*

<sup>28</sup>Merikitsi mipai 'utayika kaneyani Kerutsareme tiyuneke. <sup>29</sup>Kepauka Wetipake meta Wetaniya kiekariyaritetsie mita'aximekai, yemuri Huriwa Mati'u mirakutewatsie hetia, teyi'ikitiwamete yuhetsia miemete yuhutame kaniwarutani'ani, <sup>30</sup>mipai haiti: «Kiekari 'anutaiye mukumatsie xekenehu, meta mana xemeutahaxianitsie, xepeitaxeiya puxu temaiki hakuwiekame, tewi hetsiena mika'anutiyeriwe 'akuxi. Xekenakuxina meta xekenahani 'ena. <sup>31</sup>Xewiti xika mipai tixeku'iwawiyani: “¿Titayari xete'ekuxina?”, mipai xeketenetahiawi: “Ti'aitame peiyehiwa”».

<sup>32</sup>Hiki memutani'arie mekanekine, mekaneitaxeiya kemitiwarutahiawixi. <sup>33</sup>Puxu temaiki me'akuxinakaku, kutsiyarimama mipai mekateniwarutahiawe:

—¿Titayari xete'ekixina puxu temaiki?

<sup>34</sup>Miki mipai mekateniwarutahiawe:

—Ti'aitame peiyehiwa.

<sup>35</sup>Hiki Ketsutsi hetsia mekaneihana. Hikita yi'ikarite me'anuti'itaka puxu temaiki hetsie, Ketsutsi mekananutiyeni. <sup>36</sup>Kepauka mumiekai, teiteri mekaniti'itaximekaitini yi'ikarite huyeta.

<sup>37</sup>Hiki Huriwa Maku'u yemuriyari hetia wiyeta me'ukahuti, yunaiti teyi'ikitiwamete meyumiireti meyutemamawiet i mekanitsutiani karima 'aixia me'utiyuati Kakaiyari hepaitisita, naima kememite'uxei tirikaiyemeki kemitiuyi hepaitisita, mipai me'utiyuati:

<sup>38</sup>—'Aixia ke'itiarieka Ti'aitame 'umamie Tati'aitiwame hetsia miemetiti.

—Taheima 'aixia meketeyuxeyani, wapaiti witsimeke'utiyaneni.

<sup>39</sup>Hiki paritseutsixi hipati memuwakai teiteri watsata mipai mekatenitahiawe:

—Ti'ikitame, 'ahetsia miemete keniwarutati'a teyi'ikitiwamete.

<sup>40</sup>Mipai miki katiniwarutahiawe:

—Mipai nepixerahiawe, 'iki xika kayuwati me'umakake, tetexi pita mepitihwakeyu.

### **Ketsutsi tukita**

*(Ruk 19:45-46 – Mat 21:12-16, Mar 11:15-18, Wa 2:13-16)*

<sup>41</sup>Merikitsi 'ahurawa 'umieti 'ixeyaka kiekari, kaniutatsuani he'eriwati, <sup>42</sup>mipai 'utaiti:

—'Ekititi tsikere 'iki tukaritsie xika tima peheitimanike tita mireuyewetse para 'aixia pemitixeyariekaki. Matsi kaniuti'awietsieni hiki 'ahixiki pemika'ixeyaki. <sup>43</sup>Tukari kanaye'amiki, 'ana miki memimatsi'aye'unie kuya tetsariyari mekaniti'uitiakuni 'a'aurie, 'ana 'a'aurie mekaniti'uikuni,

para teiteri memikawayekineki. <sup>44</sup>Mekamanatihiakuni kwiepa 'eki meta 'ateiterima 'ahetsie memiyetei mepatixiriyani kwiepa. 'Ahetsie tete xewiti pikaku'eiriwa yuheima 'ateti, mipai katiniyimiki 'eki yuri pemikatiuta'eriki kepauka Kakaiyari munua matsitawikweitsitanike.

<sup>45</sup>Meta Kakaiyari tukieya kuraruyarita kaneutahani hiki kanitsutiani waranuyeweweyati muwa memitetuakai, <sup>46</sup>mipai katiniwarutahiawe: «Ipa katine'uka: “Nekii nenewieri kiyari pihikitini”. Peru xeme teri xekanayeitiani “hakewa tenawayamete memeyu'awieta”».

<sup>47</sup>Merikitsi tukariki katini'ikitakaitini tuki kuraruyarita, mawari wewiwamete tewa'aitiwamete, meta 'iniariki memite'ikitametetikai, meta teiteri wa'ukiyarima yunaiti mekanikuwautiwekaitini me'imienike. <sup>48</sup>Peru miki mekaniyutatexieni mipai meteyurienike, yunaiti teiteri memi'eniekaiki me'ihawe'erieti niukieya.

### **Ketsutsi heitserie kemirexeiyakai**

*(Ruk 20:1-8 – Mat 21:23-27, Mar 11:27-33)*

**20**<sup>1</sup>Merikitsi heiwa teiteri tiwa'ikitiakaku tuki 'amipa kuraruyarita, niuki 'aixia manuyine wakuxaxatiwakaku, mawari wewiwamete tewa'aitiwamete meta 'iniariki memite'ikitametetikai meta 'ukirawetsixi hurawa mekaniukine. <sup>2</sup>Mipai mekatenita'iwawiya:

—Ketatineutaxatia, ¿Hakewa miemekai heitserie pehexeyati miya pepitiyuriene? ¿Kemi'ane miki heitserie pimatsi'upitia?

<sup>3</sup>Ketsutsi mipai katiniwaruta'eiya:

—Netatsiere nepixeta'iwawiya xeme. Yaxekeneteneutahiawi: <sup>4</sup>Wani kemiti'iyaneikai, ¿taheima timiemetikai, nutsu teiteri wahetsia pimiemetikai?

<sup>5</sup>Miki, mipai mekateniyutahiawekaitini: «Xika tame mipai te'utiyuani: “Taheima makawe pipitiakai”, miki mipai pitatitahiawe: “Merikite, titayari yuri xekate'ita'eriri”. <sup>6</sup>Xikata mipai te'utiyuani: “Teiteri mepipitiakai”, yunaiti teiteri teteki mepitatsitituaxa, yuri memite'erieki kename Wani Kakaiyari niukameya hikitikai».

<sup>7</sup>Hiki mipai mekatenita'eiya:

—'Aatsipikatemate hakewa mieme mepitiariekai.

<sup>8</sup>Mikita mipai katiniwarutahiawe:

—Merikite, neta 'atsinepikatixetahiawe kemi'ane heitserie minetsi'upitia yanemitiyurieneniki 'iki naime.

### **Te'iwiyamete 'axamemite'u'iyari niukiyari**

*(Ruk 20:9-19 – Mat 21:33-46, Mar 12:1-12)*

<sup>9</sup>Merikitsita kaniwarutaxatiani teiteri 'iki 'ixatsi 'iniariki mitikuxata mipai 'utaiti:

—Tewi kaxie haraweriyari kaniutawewieni, te'iwiyamete kaniwaruhiritiani wakwetatiati, hiki 'ateewa paiti kaneyani miixa heuyehunike. <sup>10</sup>Hiki tukari 'aye'aku matikwakwaxetsie, xeime ti'uximayatame kaniutani'ani te'iwiyamete wahetsia memiyetuירieniki harawerita timieme yapaimeme kutsiyari hetsiemieme. Peru te'iwiyamete mekanitiwaxiani meta yumaweme

mekaneniani. <sup>11</sup> Hiki tawarita xeime ti'uximayatame kaniutani'ani, peru mikita mekaneitiwaxiani, mekanititieni meta yumaweme mekaneiani'ani.

<sup>12</sup> Tawari hairieka xeime kaniutani'ani, mikita mekanixuritiani meta mekaneyeweiya.

<sup>13</sup> »Hiki kaxie haraweriyari kutsiyari mipai kaniutayini: «¿Keri netiyurieni? Neniwe nepanuni'ani neminaki'erie, yuriki miki hirixia mekanetimakakuni».

<sup>14</sup> Peru, kepauka te'iwiyamete memixei, niuki mekaniutixiatatikine mipai me'utiyuati: «Iki hetsie 'arika katininakimiki kutsiyari tipiinieya. Hikimi tepimieni, tita hetsiena mitinakekekai tapiini pirayani». <sup>15</sup> Hiki haraweri warie mekaneikahiani meta mekanimieni.

»¿Kewayurieni haraweri kutsiyari? <sup>16</sup> Kaninuamiki, kaniwakwimiki miki te'iwiyamete, hipame pita kaniwahiritiamiki yuharaweri».

Miki memi'enanakai mipai mekaniutiyuani:

—Mipai mikatiniuyinike.

<sup>17</sup> Iya waxeyati mipai kaniutayini:

—Merikite, xika mipai katiuyini, ¿titayari 'ipai raine 'utiarika:

»“Miki teté memitixani'eri kii wewiwamete,  
miki teté 'itsikina mieme kanayani”?

<sup>18</sup> Yunaiti miki tetetsie memikaxirieni mepitanexiani, xika miki teté xeime hetsie 'ukaweni, kwauni xeikia pitanexiani».

<sup>19</sup> Merikitsi 'ana miki 'iniariki memite'ikitametetikai meta mawari wewiwamete tewa'aitiwamete mekatenikuwautiwekaitini kememite'iwiwaki, mipai metehetimaika miki miwaxatakaiki miki 'ixatsi hepaitsita ti'ikitati, peru mekaniwamakarikaitini teiteri.

### Kuwiyexinu tuminieya

(Ruk 20:20-26 – Mat 22:15-22, Mar 12:13-17)

<sup>20</sup> Hiki me'tihupienike mekaniwarutani'ani 'awie nenieremete teiteri heitseriemeki yamemitekahu wahepai meteyumaikame. Me'iwiyame niukieyaki mekaniyetuaniekaitini, kuwexinaruri mita'iwawiyaki 'itsikame.

<sup>21</sup> Hiki miki mekaniku'iwawiyakaitini mipai me'utiyuati:

—Ti'ikitame, tame tepitemate 'eki heitseriemeki pepitikuxata, heitseriemeki pepiti'ikita. Yiki pepikatiwaxeyia teiteri, matsi Kakaiyari huyeya hepaitsita pepiti'ikita yuriki. <sup>22</sup> ¿Ti'aitame Tsetsaxi tumini kemitiwawa, 'aixia ti'ane temiteyutuaka nutsu pikatixai?

<sup>23</sup> Timaiti kememite'i'iriwiyakai, mipai katiniwarutahiawe:

—Titayari xenete'iniatiawe. <sup>24</sup> Tumini xekeneneuxeitsitia. ¿Kepai ramu'u pira'uxa, kepai pira'utiarika?

Miki mipai mekatenitahiawe:

—Tsetsaxi mu'uya kanihikitini meta pi'utiarikaya.

<sup>25</sup> Mipai katiniwarutahiawe:

—Kamitsi xeketeneyetua Tsetsaxi hetsia tita Tsetsaxi hetsia mitimieme, meta xeketeneyetua Kakaiyari hetsia tita Kakaiyari hetsia mitimieme.

<sup>26</sup> Mepiyutatexi niukieyatsie me'iwiyakuti teiteri wahixie, mehixiyati miya mitiwarutahiawixiki, kayuwati mekaniutamare.



**Mikite kememite'anuku'uni hepaisita**

*(Ruk 20:27-40 – Mat 22:23-33, Mar 12:18-27)*

<sup>27</sup>Merikitsi hipati tsarutseutsixi mekanu'axiani, mipai memutiyanekai kename mikite meka'anuku'uwe, hiki mipai mekatenita'iwawiya:

<sup>28</sup>—Ti'ikitame, Muitsexi mipai katiniu'utiani tahetsieme, tewi xika 'umini xika 'uka 'uku'eirieni tiiri kawarayexeyaweti, mutaya kanitiwitimiki yukwe, tiiri miwarayexeyi matsieya nuiwarieya memakineki. <sup>29</sup>Merikitsi 'amenititekaitini 'iwamarixi 'atahuta meyupaimeti. Wamatsika 'utineikeka kaniumini tiiri kawarayexeyaweti. <sup>30</sup>Hiki hutarieka mieme <sup>31</sup>meta hairieka mieme mekanitiwitini miki 'uka, mipai yaxekia 'atahutati yunaiti mekaniukwini tiiri mekawayexeyaka. <sup>32</sup>'Imatirieka, kaniuminita 'uka. <sup>33</sup>Merikite, kepauka xeniu memanuku'uni, 'atahutati memitiwiti, ¿kemi'ane ra'ya pirayani?

<sup>34</sup>Hiki Ketsutsi mipai katiniwarutahiawe:

—Hiki miemete teiteri mepineneike mepiwikie. <sup>35</sup>Miki wahetsie mitinake miki kwie mihekwasie memaye'axianiki, wahetsie mitinake memanuku'uniki mikite watsata, miki mepikatineikixiani meta mepikatiwikitiariexiani. <sup>36</sup>Miki meta, 'ana mepikayiwaweni tawari memikwiniki, Kakaiyari niukieya tuayametemama wahepai mepi'aneneni. Matsi Kakaiyari niwemama mekanihikitini, miki memanuku'uiki. <sup>37</sup>Mikite kememite'anuku'uni, mipaita Muitsexi katiniu'ikita, yuxapatsie hakewa 'itsi maxaxata, mana Ti'aitame mipai pirahiawe: “Apirahami, 'Itsahaki meta Kakuwu wakakaiyari”. <sup>38</sup>'Ayumieme mikite pikawaxata kename wakakaiyari maine, memayeyuyuri pita wakakaiyari kaniyuxatani, tsepa memukwi, yunaiti miki mepayeneniere hepaisitana.

<sup>39</sup>Hiki miki 'iniariki memite'ikitametetikai hipati mipai mekatenitahiawe: —Ti'ikitame, 'aixia pepaine.

<sup>40</sup>Hiki tawariri mepikayuwairi tixaitiki memite'ita'iwawiyaki.

**Kiritsitu kemi'ane piranuiwari**

*(Ruk 20:41-47 – Mat 22:41-23:7, Mar 12:35-40)*

<sup>41</sup>Hiki mipai katiniwarutahiawe Ketsutsi:

—¿Titayari mipai mete'utiyanekai kename Kiritsitu Rawiri nuiwarieya hiki?

<sup>42</sup>Miki Rawiri titi kwikari xapayaritsie mipai kanaineni:

»“Ti'aitame mipai katiniutahiawe Neti'aitiwame:

‘Netserieta kenakani,

<sup>43</sup> ne nekaniwaka'unamiki memimatsi'aye'unie,  
'ahixie nekaniwa'atiamiki’”.

<sup>44</sup>Rawiri “Neti'aitiwame” Kiritsitu katiniuteriwani, ¿kehapaítiti nu'aya pihikitini?»

<sup>45</sup>Merikitsi yunaiti teiteri me'ieniekaku mipai katiniwarutahiawe teyi'ikitiwamete:

<sup>46</sup>—Xekeneyukweriwayurieka miki 'iniariki memite'ikitamete wahepaita. Miki piwanake 'etitame me'anakatiti memeu'uwaniki, meta yemeki

piwanake wairitsika memipitarieniki kiekari hixiapa meta teiteri wahixie memayaxeki tuki 'etsimipepeta, meta kiekame 'aurie memayaxeki 'ixiararipa. <sup>47</sup>Miki wiuratsixi wapiini mepitewarutixitiiri, meta 'emepiteheutetere meyunenewieti mikamatsiikini kememiteyurie. Miki wahetsie matsi waikawa katinahiayamiki.

### Wiura Kakaiyari tumini kemiti'atiiri

(Ruk 21:1-4 – Mar 12:41-44)

**21** <sup>1</sup>Merikitsi heutaniereka kaniwaruxeiya xikutsixi tumini mawariyari me'akaxiriwame tumini kakuniyaritsie tukita. <sup>2</sup>Meta 'uka tiuxei kinaya mumi tuminiki mimawekai mana heikaxiriwame huta tsenitawuyari.

<sup>3</sup>Mipai kaniutayini:

—Yuriki mipai nepixerahiawe, 'iki wiura tuminiki maweti kakunitsie kaneikaxirieni waikawa, miki yunaiti 'etsiwa xeikia mekaneikaxirieni. <sup>4</sup>Miki yunaiti manayuhayewa mekaneukaxirieni Kakaiyari hetsiemieme 'imikieri. 'Iki 'uka yuhaweri mieme pita neukaxirieni kimana mitiyumikwakai naima.

### Ketsutsi kemutayi tuki kemitika'unarienikekai

(Ruk 21:5-36, 12-17 – Mat 24:1-51, 10:17-22, Mar 13:1-37)

<sup>5</sup>Merikitsi hipati teyi'ikitiwametemama tuki 'amipa hepaitsita mekatenikuxatakaitini, kemitikemaritariiekai tete witsi'ananemeki mawari witsi'ananemeki. Peru mipai kaniutayini Ketsutsi:

<sup>6</sup>—Xepixeyia 'iki, tukari kanaye'amiki kepauka mikahayewarieni tete yuheima 'ateti, naiti kanika'unariemiki.

<sup>7</sup>Miki mipai mekatenita'iwawiya:

—Ti'ikitame, ¿kepauka mipai pitiyini kepemaine, tita ti'iniariyaritini maye'aximenitsie mipai mitiyinitsie?

<sup>8</sup>Hiki mipai kaniutayini:

—Xekeneyukweriwayurieka nika xete'u'itaiyarieni. Yumiireti mepi'axiani kenama ne neyiane, mipai me'utiyuati: “Neri nepihiki. Tukari kanaye'aniri”. Wa'utima xepikahekikani. <sup>9</sup>Kepauka mipai xemite'enanani kenama xaitsie kuyaxa hexuawe, meta kepauka xemitetamarieni kenama hipati me'anuku'uixime kuyaki, xepikamamaka. Peuyewetse mipai mitiyiniki meri, peru 'akuxi 'ana kwiti kwie pikaheutipare.

<sup>10</sup>Ana mipai katiniwarutahiawe:

—Nuiwarite mekaniwatakwikuni hipame nuiwarite meta xexuime kwieyaritsie kiekatari hipame kwieyaritsie kiekatari. <sup>11</sup>Kwie karima kanitayumiki, haka kanitawemiki meta waikawa kwiniya naitarie mitiyehane, muyuawitsie 'iniari mamariwaweti kanitixuawerimiki kimana xekanimamakakuni.

<sup>12</sup>»Peru 'iki yakatiyiwekaku 'akuxi, mepixetiwiya xeme meta mepixe'anuyeweiyia. Mepixeyetuanu tukiteta meta katsariyanata xemanutaxiriyani, meta nehetsia xemimemeteki xepanuhapanieni te'aitamete meta kuwexinaruritsixi wahixie. <sup>13</sup>Mipai xe'itarieme xeme xekaniyiwawekuni xemitetahekiataki miki wahixie. <sup>14</sup>'Ayumieme yu'yari

xekenetseiriyani, xetiwiyarime xepikayu'iyaritiaka kexemutiyuaneni, <sup>15</sup> ne pita temaiwawemete nekanixe'ayeitiamiki, xemitiniuniki, 'ayumieme yunaiti memixe'aye'unie mekaniyutatexikuni mexe'a'iwakuti mexeniukimakuti.

<sup>16</sup>Atsita xe'ukiyarima, xe'iwama, xemarema, xehamikuma mekanixeyetuakuni, meta hipati xeme xekanikwi'iwakuni. <sup>17</sup>Yunaiti mekanixe'uxiwe'eriekakuni nehetsia xemimieteki. <sup>18</sup>Peru nixei kipayari pikaheuyeweni xemu'utsie mieme. <sup>19</sup>Xika xeme heitseriemeki xe'uhuni, xekaniyutawikweitsitiakuni.

<sup>20</sup>»Kepauka xemiwaxeiya kuyaxi Kerutsareme 'aurie meyukuxeirieximekaku, 'ana mipai xekatenimaikakuni kename 'ari hehura kepauka 'akumaweti mayani. <sup>21</sup>Hiki 'ana miki Kureya kwieyaritsie memu'uwani meke'uyuta'una hiritsie, kemi'ane kiekaritsie memititeni mekewayekine, meta kemi'ane yeuta memu'uwani mepikahakununuwani kiekaritsie. <sup>22</sup>Miki tukaritsie heitseriemeki mepite'apiniyarieni kiekatari, 'ana katinaye'amiki naiti kemire'uxa. <sup>23</sup>Xia'ui miki memuhukani meta memitetsitsitiwani miki tukaritsie. Kariki 'uximatiarika waikawa kanitawemiki kwiepa, meta haxia kanitixuawerimiki 'iki teiteri wahapaitsita. <sup>24</sup>Ixiparaki mekanitakwi'iwakuni, yunaima nuiwarite wahetsia mekananuhapaniekuni wairiyarika. Nuiwarite memikatateiterima mepika'una Kerutsareme mexi mikita watukari kataparawe.

<sup>25</sup>»Iniarite pitixuawere, tautsie, metsatsie meta xurawetsixi wahetsie. Kwiepa, nuiwarite mepiyuhiwerieka meta mekanimamakakuni haramara yuarikaya me'enieti meta hamewari. <sup>26</sup>Marikaki teiteri mepi'amixiani metemaiti kwiepa memitama kememi'itiarieni, kariki tirikariya memexeiya muyuawitsie miemete mepikuyuitiarieni. <sup>27</sup>Hiki 'ana Yuri Tewi kenemititewa mekanenixeyakuni haitsata ne'akamieme netirikaiyeme meta waikawa nexawatime. <sup>28</sup>Yatitsutiarieximekaku xekeneutineniereni 'aixia xeketenyumaika, 'ana paye'aximeni kepauka xemitixinarieni».

<sup>29</sup>Hiki 'ixatsi hepaitsita tikuxatati katiniwaruta'ikitiani mipai 'utaiti: —Xekeneu'ixiari pini meta hipame kiyexi. <sup>30</sup>Kepauka mitixawata, xe'l'ixiarieti yikimana xepitemaika tatsiari 'ahurakaku. <sup>31</sup>Yaxeikiata 'iki, kepauka xemeniere kenemutayi tiyaneme, mipai xeketenemaika Kakaiyari kemitita'aita 'ari kanehuraniri.

<sup>32</sup>»Yuriki mipai nepixerahiawe, 'iki naiti yapitiyini mexi hiki miemete mekakwiwawe. <sup>33</sup>Muyuawi meta kwie pukumawere, peru neniuki pikakumawere.

<sup>34</sup>»Xekeneyi'iwiyani kapa xe'iyari 'u'itutupereki xeku'ixiaratiwekaku xetariwekaku kwiepa mieme tukariki xeyu'iyaritiakaku. Xika mipai xeteyuriekake, 'iya tukari yapauka puxe'axe, <sup>35</sup>winiyari hepai, miki tukaritsie mekanita'axiyariekuni yunaiti kwiepa memitama naitarie. <sup>36</sup>Xekenayeneniereni 'aixia, yuheyemeki xeyunenewieti para xemi'iyaweniki, Yuri Tewi hixie xemaye'axianiki xetawikweme 'uximatiarikatsata 'umiramie».

<sup>37</sup>Merikitsi tukariki tuki 'amipa kuraruyarita kaniuyeikakaitini ti'ikitati, tikariki wayeyeikati Huriwa Maku'u yemuriyaritsie nehupukaitini.

<sup>38</sup>Yunaiti teiteri ximeri yuimuana mekani'axekaitini hetsiana me'l'enienike tukipa.

### Kura Ketsutsi kemitiyetuanikekai

(Ruk 22:1-2 – Mat 26:2-5, Mar 14:1-2, 10-11)

**22**<sup>1</sup>Merikitsi Paa mikakuxanariyarietika 'ixiarariyari kanahurakaitini, Patsikwa 'ixiarariyari mititewakai. <sup>2</sup>Hiki mawari wewiwamete tewa'aitiwamete meta 'iniariki memite'ikitametetikai tixaiti mekatenikuwautiwekaitini Ketsutsi kememitemienikekai, teiteri mewamakati. <sup>3</sup>Hiki Kauyumarie Kura 'Itsikariutitanaka hetsie kaneutahani, miki tamamata heimana memiyuhuta miwanikai. <sup>4</sup>Heyaka mawari wewiwamete tewa'aitiwamete meta wakuyaxima wahetsia, katiniwarutaxatiani Ketsutsi kemitiwayetuirienikekai. <sup>5</sup>Miki mekaniyutemamawiekaitini, mekaniyu'enieni kename tumini me'i'itianiikekai. <sup>6</sup>Mikita yakatiniutanaki'erieni, hiki katinikuwaunekaitini kepauka 'aixia miyinikekai miwayetuirieniki teiteri me'umawekaku.

### Ti'aitame 'ikwaiya

(Ruk 22:7-34 – Mat 26:17-35, Mar 14:12-31, 14:18-21,  
1Kur 11:23-25, Wa 13:21-30, 37-38)

<sup>7</sup>Merikitsi kepauka Paa mikakuxanariyarietika 'ixiarariyari maye'a, kepauka muxa nunutsi mutimemeriwa Patsikwa 'ikwaiyari hetsiemieme. <sup>8</sup>Hiki Ketsutsi kaniwarutani'ani Pekuru meta Wani mipai tiwarahiaweti:

—Xekenehu 'aixia xeketenekuyuri Patsikwa 'ikwaiyari temekwaniki.

<sup>9</sup>Miki mipai mekatenitahiawe:

—Hakewa pimatsihenake 'aixia temitehekuyurieniki.

<sup>10</sup>Mipai katiniwarutahiawe:

—Xeme xeheutahaxiamekaku kiekaritsie tewi mana pixe'anukunake ye'i 'ahanati hekuhanika. Miki xekenanuweiya kiita hakewa meutahani.

<sup>11</sup>Mipai xeketenetahiawi kiekame: “Ti'ikitame mipai paine: ¿Hakewa kii miki muwa nemitawa'ikitia wahamatia Patsikwa 'ikwaiyari nemukwani?” <sup>12</sup>Miki kii taita xeheutiwitime kanixexeitsitiamiki hipame kii 'amuyeyewa naiti 'ureyepikame. Muwa 'aixia xeketeneyuri.

<sup>13</sup>Hiki mekanekine, mekaneitaxeiya kemitiwarutahiawixi. Muwa Patsikwa 'ikwaiyari hetsiemieme 'aixia mekateniukuyurieni.

<sup>14</sup>Hiki 'aye'aku, mexatsie kaniutiyerini meta ni'arimama yaxeikia. <sup>15</sup>Hiki mipai katiniwarutahiawe:

—Kwinimieme nepihiwe'eriekai xehamatia 'iki 'ixiarari 'ikwaiyari nemikwaniki nekatikwiniweti 'akuxi. <sup>16</sup>Yanepitixekihawe, tawari 'iki nepikakwani mexi ka'aye'awe tita 'ixiarari miti'iniariyari Kakaiyari ti'aitametikaku.

<sup>17</sup>Hiki tekixi 'anuhanaka pamipariyutsi 'ipitiaka Kakaiyari mipai kaniutayini:

—Xekenanuhani 'iki, yuxexuiti xekenanuti'iniataxia. <sup>18</sup>Mipai nepixerahiawe, tawari kaxie hayari nepika'anu'ieni mexi ka'aye'awe Kakaiyari mitsutiani ti'aitati.

<sup>19</sup>Hiki paa 'anu'ika pamipariyutsi 'ipitiaka Kakaiyari 'ititaraka kaniwarumini mipai 'utaiti:

—'Tki kaninewaiyaritini xehetsiemieme miyetuiyani, 'ipai xeketenyurieka xeminetsiha'eriwaniki.

<sup>20</sup> Yaxeikiata katiniuyurieni tekixi hepaitisa mete'ukwaku, mipai kaniutayini:

—'Tki tekixita mieme tiratu mihekwa kanihikitini nexuriyaki 'aixia mi'itarieni, xehetsiemieme kemititayeuriyani. <sup>21</sup> Perutsi kemi'ane minetsiyetuanu 'ena paka, mamaya mexatsie pama hakewa nemaka. <sup>22</sup> Yuri Tewi kenemititewa, nekaniyemieni nemimierieniki, kemititaitse yamitiyini, perutsi xia'ui kemi'ane minetsiyetuanu.

<sup>23</sup> Miki mekanisutiani niuki mexiatia kemi'ane miki mixatakai kename miya tiyurienikekai 'utaiti.

<sup>24</sup> Metatsiereta meyuniukimati mekanakine kemi'ane miki matsi waikawa meyewetse mayanikekai. <sup>25</sup> Ketsutsi mipai katiniwarutahiawe:

—Nuiwarite tewa'aitiwamete mekateniwa'uxitiaka yuteiterima, meta miki wahetsie 'itsikate memihiki yuhetsiemieme mipai mekanituyuaneni kename 'aixia meteyuruwamete. <sup>26</sup> Xeme pita mipai xepikayia. 'Apita, kemi'ane xeme mimariwe miki kemi'ane tixaiti mikatihiki hepai keyianeni, meta kemi'ane mitixe'aitia miki kemi'ane xehetsiemieme miti'uximaya hepai keyianeni. <sup>27</sup> Kexeteku'eriwa, ʔkemi'ane matsi pumariwe, kemi'ane kiekametiti mitikwa'a, kemi'ane miparewie timikwati, miki nutsu pumariwe? Xiari kiekame matsi pumariwe. Perutsi ne xetsata nepuyeika xehetsiemieme neti'uximayati pita. <sup>28</sup> Xeme nehetsie xekateniwiyakaitini xekatehayewati ne'iniatsienekaku. <sup>29</sup> Ne'ukiyari keminerayeitia ti'aitame, neta yaxeikia te'aitamete nekanixe'ayeitiamiki. <sup>30</sup> Nehamatia xekatenikwaikuni xekateni'ikuni mexa 'aurie ne'akaima neti'aitametikaku, 'itsikate xekanakinikuni, 'uwenitsie xe'ayaheme xekateniwa'aitiakakuni teiteri tamamata heimana huta 'Ixaheri nuiwarimama.

<sup>31</sup> »Neuxei, Tsimuni, yumarima 'aixia, Kauyumarie pixe'uta'iwau, pixeta'iniata, pixetikatse tiriku hepai. <sup>32</sup> Ne matsi nepinetanenewi 'ahetsiemieme pemikatihayewaki yuri peti'erieti. 'Ekita kepauka pemitihayewa peheuyewautseti keniwatuikani 'a'iwama».

<sup>33</sup> Miki mipai katinitahiawe:

—Ti'aitame, nepinewairiya 'ahetsie nemitiwiyani tsepa nemanutahiya tsepa nemumierie.

<sup>34</sup> Ketsutsi mipai katinitahiawe:

—Pekuru 'aku, mipai nepimatikihawe, wakana katahiwawekaku 'akuxi hiki, 'eki haikakia pekani'aku'imawamiki, kename pekanetsimate pe'utaiti.

<sup>35</sup> Hiki mipaita katiniwarutahiawe:

—Kepauka nemixehutani'axia kitsiuri, xerai, kakai xekate'upikame, ʔtixai xeteheuyehiakai 'aku?

Miki mipai mekatentahiawe:

—Tixai.

<sup>36</sup> Mipai katiniwarutahiawe:

—Hikitsi pita mipai pikatiyini, kemi'ane kitsiuri mexeiya keheihurieni, xerai meta yaxeikia. Kemi'ane mikaheixeya kuya kutsiraya yi'ikari ke'utuanu

ke'inaneni. <sup>37</sup>Yanepitixekihawe, peuyewetse nehetsie maye'atiarieniki mipai kemire'uxa: “Iniari niukiyari tsanamete wahepai kaniu'itiarieni”. Naiti nehepaitsita kemire'uxa kanaye'atiarieximeni.

<sup>38</sup>Hiki miki mipai mekaniutiyuani:

—Ti'aitame, neuxe'i 'ena kutsirate hutati.

Ketsutsi mipai katiniwarutahiawe:

—Neuxe'i 'ariri.

### **Ketsutsi kemitiyutanenewi Ketitsemanitsie**

*(Ruk 22:40-46 – Mat 26:36-46, Mar 14:32-42)*

<sup>39</sup>Merikitsi wayeyaka kaneyani hakewa me'axekai Huriwa Maku'u yemuriyaritsie, teyi'ikitiwamete mekaniweiyakaitini. <sup>40</sup>Hiki muwa heta'aka mipai katiniwarutahiawe: «Xekeneyunenewieka, kapa 'axaxete'uyurieniki xemita'iniatsienitsie». <sup>41</sup>Hiki yuxaita kananayeyani memakutekatsie yatewa kaniuyani tete kemirehiwa yakititi, 'utitunumakeka kaniyutanenewieni, <sup>42</sup>mipai 'utaiti: «Ne'ukiyari, xika pe'awairiyani, yanepira'eriwakaku mika'aye'aniki kenemitikwinitiarieni, matsi keminetinake ne pikatixai, kemimatinake 'eki pita yaketiuyini». <sup>43</sup>Hiki niuki tuayame matsikiti kanayuyetiani hixiena taheima mieme 'itirikariyati. <sup>44</sup>Hiki kwiyianeti hiwerikaki, matsi kwini mieme yutatuati kaniyunenewiekaitini, kwaxiyaya xuriya tsuniriyari hepai kani'anenekaitini kwiepa kaxiriweti.

<sup>45</sup>Kepauka mitiutahayewaxi yunenewieti 'anukukeka teyi'ikitiwamete wahetsia nuaka mana kaniwarutaxeiya mekutsu mieme hiwerikaki. <sup>46</sup>Mipai katiniwarutahiawe:

—¿Titayari xeteksutsu? Xekenanuku'uti xekeneyunenewieka kapa 'axaxete'uyurieniki xemita'iniatsienitsie.

### **Ketsutsi kemitiuwiyarie**

*(Ruk 22:47-53 – Mat 26:47-56, Mar 14:43-50, Wa 18:3-11)*

<sup>47</sup>Merikite 'utaniukakaku 'akuxi yumireti teiteri mekaniu'axiani, xewiti kaniwarawitikikaitini tamamata heimana memiyuhuta miwanikai Kura titewati. Ketsutsi 'aurie kaniutakeni 'i'itsenike. <sup>48</sup>Peru Ketsutsi mipai katinitahiawe:

—Kura, ¿penetsi'itseme penetiyetuani Yuri Tewi kenemititewa?

<sup>49</sup>Teiterimama metemarieti kemitiyianekai mipai mekaniutiyuani:

—Ti'aitame, ¿takutsirateki tetewatakwini?

<sup>50</sup>Xewiti miki tewi mawari wewiwamete tiwa'aitiwame hetsia mieme ti'uximayatame nakaya kanawiteni tserietana mieme. <sup>51</sup>Peru Ketsutsi mipai kaniutayini:

—'Ari xeketeneuhayewa.

Hiki 'imayiaka nakaya 'aixia kaniuyurieni. <sup>52</sup>Hiki Ketsutsi mipai katiniwarutahiawe mawari wewiwamete tewa'aitiwamete, kuyaxi tukipa miemete, meta 'ukirawetsixi memeyeki me'iwiyake:

—¿Kari xepeyeki 'ixiparate meta kiyexite xete'u'iti xenetsiwiyake, kemitiwiwiyariwa tinawayame? <sup>53</sup>Tukariki xehetsia ne'uyeikakaku tukipa

xepikanetsi'umayia. Peru hiki xetukari kanihikitini yamitiyini,  
Yiwikame heitserie pexeiya hiki.

### **Pekuru kemitiyuku'imawakai**

*(Ruk 22:55-62 – Mat 26:69-75, Mar 14:66-72, Wa 18:16-18, 25-27)*

<sup>54</sup>Merikite me'iwiyaka mekaneihana mawari wewiwamete tiwa'aitiwame  
kiita mekani'atiani. Pekuru kaniweiyakaitini yatewa. <sup>55</sup>Hiki takwa hixiapa  
metinaika mana mekaniutiyaxe meta Pekuru wahamatia kaniutiyerini.

<sup>56</sup>Hiki xewiti 'imari mana miti'uximayakai 'ixeiya hekiaripa 'ukaime  
'ixeiya mipai kaniutayini:

—Tkita hamatiana kaniuyeikakaitini.

<sup>57</sup>Miki kaniyuku'imawakaitini mipai 'utaiti:

—'Uka 'aku, ne nepika'imate.

<sup>58</sup>Yareutewikakuta xewiti 'ixeiya mipai kaniutayini:

—'Ekitsi xewiti miki wa'iwa pekanihikitini.

Pekuru mipai kaniutayini:

—Tewi, ne nepikahiki.

<sup>59</sup>Hiki xehurayari 'aye'aku yakitiniketi xewitita heitseriemeki  
mipai kaniutayini:

—Yuriki 'iki hamatiana kaniuyeikakaitini, neuxe Karereya  
kiekame kanihikitini.

<sup>60</sup>Pekuru mipai kaniutayini:

—Tewi, ne 'atsinepikimate kepemaine.

Yapauka haniukakaku 'akuxi, wakana kenetahiwa. <sup>61</sup>Ti'aitame ta'aurie  
'aweka kanautaniere Pekuru kaniuxeiya. Hiki Pekuru Ti'aitame niukieya  
kanaye'erieni kemititahiawixi: «Wakana katahiwawekaku 'akuxi hiki, 'eki  
haikakia pepi'aku'imawani kename pekanetsimate pe'utaiti». <sup>62</sup>Wayeyaka  
kaniutatsuani kwini mieme tiyuhiwieri.

### **Ketsutsi kemitinanaimariekai kemitikuweiwakai**

*(Ruk 22:63-65 – Mat 26:67-68, Mar 14:65, Wa 18:22-23)*

<sup>63</sup>Hiki teiteri Ketsutsi memi'iwiyakai mekanitsutiani me'inanaimati meta  
mekanikuwayakaitini. <sup>64</sup>Hixiena meheikihiaka, mekanikuwayakaitini,  
meta mipai mekateniku'iwawiyakaitini:

—Ketatineutahekiatia, kemi'ane pimatsi'uwa.

<sup>65</sup>Waikawa matsi mipai mekatenikihiawekaitini 'axame'utiyuati.

### **Ketsutsi kemitutahiawarie 'itsikate wahixie**

*(Ruk 22:67-71, 23:2-3, 18-25 – Mat 26:63-66, 27:11-26,  
Mar 14:61-63, 15:2-15, Wa 18:19-21, 29-37, 39-19:16)*

<sup>66</sup>Merikitsi 'ukatareku mekaniyukuxerieni teiteri wa'ukiyarima  
meta mawari wewiwamete tewa'aitiwamete, meta 'iniariki  
memite'ikitametetikai, miki mekani'atiani memayuxeriekaisie. <sup>67</sup>Mipai  
mekatenitahiawe:

—Ketatineutaxatia, xika 'eki Kiritsitu pehikitini.

Mipai katiniwaruta'eiya:

—Xika yanetixe'utahiawe, yuri xepikaneteta'eririeni. <sup>68</sup>Xika nexeku'iwawiyanike xepikanetsita'eiyakeyu, meta xepikanetsixinakeyu. <sup>69</sup>Peru hikiti Yuri Tewi kenemititewa Kakaiyari Naimekimitirikaiye tserieta nepakani.

<sup>70</sup>Yunaiti mipai mekatenitahiawe:

—'Aa, ¿eki xeniu Kakaiyari petinu'aya?

Miki mipai katiniwarutahiawe:

—Xemetsi mipai xekaniutiyuani kename nehiki.

<sup>71</sup>Hiki miki mipai mekaniutiyuani:

—¿Ketiyari 'akuxi tetewareuyehiwa tehekiatamete? tametsieti tepi'eni tetana mieme.

**23** <sup>1</sup>Hiki yunaiti mekananuku'uni mekaneihana mita'iwawiyarieniki Piratu hetsia. <sup>2</sup>'Ana menitsutiani me'ixanetati mipai me'utiyuati:

—Te'iku'iwawiyati 'ipai tekatenimaika, kwamanarika wewieti tiniwa'ikitiaka tateiterima, pikawapitia memiteyukutuayaniki Tsetsaxi kuwiyexinuya hetsiememe, mipai kanaineni kename heitserie 'upitiarie Kiritsituti, ti'aitame yuxatati.

<sup>3</sup>Hiki Piratu mipai katinita'iwawiya:

—¿Eki huriyutsixi teiteriyari tiwa'aitiwame petihiki?

Miki mipai katinita'eiya:

—'Ekitsi mipai pekanaineni.

<sup>4</sup>Hiki Piratu mipai katiniwarutahiawe mawari wewiwamete tewa'aitiwamete meta teiteri memiyukuxeiri:

—Kenemitimate, tixai pikareuyewetse 'iki tewi mixanetsiekaki.

<sup>5</sup>Miki matsi kwini mieme meniku'imawakaitini yame'utiyuati:

—Kaniwaxamurienei teiteri, ti'ikitati naitarie Kureya kwieyaritsie, Karereya kwieyaritsie heitsutiaka 'uwapaitita.

### Ketsutsi kemitiutahiawarie Herurexi hixie

<sup>6</sup>Merikitsi Piratu 'u'enaka kaniku'iwawakaitini xika karereyanaka hikitikaitini tewi. <sup>7</sup>Tiutamarieka Herurexi mehiritiariakaitsie mikiekametikaiki, hetsiana neini'ani, Herurexi Kerutsareme muyeikakaiki 'ana.

<sup>8</sup>Merikitsi Herurexi Ketsutsi xeyati kaniyutemawiekaitini waikawa, miixa kanixeyamikikaitini me'enakaiki hepaitisitana, mipai katiniku'eriwakaitini, Ketsutsi tixaiti mitiyurienikekaiki 'iniari, 'ixeyamiti.

<sup>9</sup>Waikawa kaniku'iwawiyakaitini, peru Ketsutsi 'atsipikatita'ei. <sup>10</sup>Manata mekaniku'ukaitini mawari wewiwamete tewa'aitiwamete meta 'iniariki memite'ikitametetikai, miki mepikatehayewakai me'ixanetati. <sup>11</sup>Hiki Herurexi yukuyaxima wahamatia tixaiti mekate'eyetiati me'inanimati, 'ixuriki witsi'aneme me'enakuwirieka tawari mekaneini'ani Piratu hetsia. <sup>12</sup>Miki tukaritsie Herurexi meta Piratu mekaniyutemawiekaitini, mepayuka'uniekai miixa, 'anake 'aixia mepiteyuxeyakai.

<sup>13</sup>Hiki Piratu warukuxeirieka mawari wewiwamete tewa'aitiwamete, 'itsikate meta teiteri yunaime, <sup>14</sup>mipai katiniwarutahiawe:



—Nehetsia xepi'atia 'iki tewi, kename kwamanarika wewieti tiwa'ikitia teiteri xe'utiyuati, kami, xehixie ne'ita'iwawiyaka ne, kenemitimate, tixai pikareuyewetse 'iki tewi hetsie mirahiiyaniki kexemite'ixaneta.

<sup>15</sup>Herurexi meta yaxeikia kaniutayini, nex'eutani'aku hetsiana, tawari nehetsia kaneiyeni'ani. 'Atsipikatiuyuri hetsiena mitinakeniki mimierieniki.

<sup>16</sup>'Ayumieme nepitita'aita mikuweiyaxianiki, 'arike nepixina.

<sup>17</sup>Merikitsi 'ixiararipa kaneuyewekaitini xeime miwaxinirieniki 'anutahiiyakame. <sup>18</sup>'Ana yunaiti yaxeikia mekateniuhiwa mipai me'utiyuati: —Keneumi'a miki, ketaneuxiniri Waxawaxi.

<sup>19</sup>Miki miyumieneaiki kiekaritsie, meta xeime mumiki katsariyanata kananutahiiyakaitini. <sup>20</sup>Piratu tawari kaniwarutahiawe, Ketsutsi xinamiti.

<sup>21</sup>Miki matsi mekaniutihwakaitini mipai me'utiyuati:

—Kuruxitsie keneukawi, Kuruxitsie keneukawi.

<sup>22</sup>Hairieka mipai katiniwarutahiawe:

—¿Titaki 'axatiuyuri 'iki tewi? Kenemitimate ne, tixaiti 'atsipikatiuyuri pikaheuyewetse mimierieniki, 'ayumieme kuweiyaxiayu nepixina.

<sup>23</sup>Miki matsi karima mekaniwawirikaitini kuruxitsie mimierieniki. Teiteri meta mawari wewiwamete memihiritiariekai hiwariki mekane'iwa.

<sup>24</sup>Hiki Piratu mipai katiniuta'aita yamitiyini kememite'iwawirikiekai miki.

<sup>25</sup>Kanixina kemi'ane memiwaukai, kemi'ane manutahiiyakai katsariyanata miyumieneaiki meta xeime mumiki, meta Ketsutsi kaniyetuani wahetsia kemitiwanakekai.

### Ketsutsi kemitiukawiya kuruxitsie

(Ruk 23:33-43 – Mat 27:33-44, Mar 15:22-32, Wa 19:17-24)

<sup>26</sup>Merikitsi kepauka memiwitiximekai meheimienike, xeime mekaniuwiya Tsimuni titewakame Tsirenetanaka, miki xaitsie hanuyaka kiekaritsie kanaye'aximekaitini, hiki mekanitititiani kuruxi Ketsutsi 'utima menutiniki.

<sup>27</sup>'Ana yumireti teiteri meniweiyakaitini, 'ukari meta me'utitsuatii me'itsuariwiyati. <sup>28</sup>Hiki ta'aurie 'aweka mipai Ketsutsi tiniwarutahiawe:

—Xeme 'ukari Kerutsaremetari xepika'utitsuanani nehapaitsita, yuhepaitsita pita meta yuniwema wahapaitsita xekeneutitsuanani. <sup>29</sup>Tukari kanaye'amiki kepauka mipai memutiyuaneni: “Miki memikayiwawe tiiri memiwarexeiyani, miki 'aixia mepi'itiarie, miki memikatiniwewawe miki memikatetsitsitiawawe 'aixia mepi'itiarie”. <sup>30</sup>'Anari mekanitsutiakuni:

»“Mipai meteniwatahiawikuni hirite: ‘Taheima kenanakaxiri’, yemurite meta mipai meteniwatahiawikuni: ‘Xeketaneuti'awieta’ ”.

<sup>31</sup>Hiki mipai xika mete'uyurieni kiye yurikaku, ¿ketsi tiyini tawayu?»

<sup>32</sup>Hipatita yuhutati mepehapanie 'axateyuruwamete memikwi'iwaki hepaina. <sup>33</sup>Merikite kepauka memu'axia Miki Mu'uya Manuka mirakutewatsie, mana kuruxitsie mekanikawieni meta tenawayamete wahamatia, tserietana xeime meta 'utatana xeime.

<sup>34</sup>Hiki Ketsutsi mipai kaniutayini:

—Ne'ukiyari, ketiniwareuyehiwiriekai, 'atsimemikatemateki kememiteyurie. 'Ana kuyaxi mekaniyuta'iwa 'ixurikiteya meyutahuritianike.

<sup>35</sup>Teiteri mana mekaniti'ukaitini metaneniereti, 'itsikate mekanitawe'eriekaitini mipai me'utiyuati:

—Hipame waniu kaniwatawikweitsitiwakaitini, yikimana keyutawikweitsitiani xika 'aku Kiritsitu hikiti Kakaiyari hetsia mieme, kemi'ane manayexeiyarie.

<sup>36</sup>Meta kuyaxi yaxeikia mekaninanaimakaitini hurawa me'ukineka, matsina mekanixatiakaitini menu'ieniki, <sup>37</sup>mipai me'utiyuati:

—'Eki huriyutsixi tiwa'aitiwame xika pehikiti, keneu'atawikweitsitia.

<sup>38</sup>Meta mu'uya heima mekaneimani 'utiarika, mipai pire'ukai: «IKI HURIYUTSIXI TIWA'AITIWAME KANIHHKITINI».

<sup>39</sup>Hiki teyukwikate mana memutiwikai xewiti 'axakatinikihiawekaitini, mipai 'utaiti:

—'Eki pekatihiki Kiritsitu? Merikite, kene'atawikweitsitia, meta tame ketaneutawikweitsitia.

<sup>40</sup>Xewiti pita tapa mutiwiekai nitatieni mipai 'utaiti:

—'Kari 'eki Kakaiyari pepikamakaxe tsepa hepaina pemi'tiariene yaxeikia petiutahiawarieka? <sup>41</sup>Peru kaniheitserietini tahetsie kemitiunakixi, kemireuyewetse xeikia tepi'tiarietiwe yatemiteryiekaiki. 'Iki matsi tixai 'atsipikatiyuriewe.

<sup>42</sup>Mipai meta kaniutayini:

—Ketsutsi 'aku, kenena'eriwani kepauka pemunuani ti'aitame pehikititi.

<sup>43</sup>Hiki Ketsutsi mipai katinitahiawe:

—Yuriki mipai nepimarahiawe, hikiti nehetsia pepeyekani witsimiraku'anetsie.

### **Ketsutsi kemitiyetua yu'yari**

*(Ruk 23:44-49 – Mat 27:45-56, Mar 15:33-41)*

<sup>44</sup>Merikite tuka kaniukuyire yemeki naitserie kwiepa tau kia kawiekakuke kaniukuhekiare. <sup>45</sup>Tau 'uyireku 'ixuriki meuwiekai tuki 'amipata hixiata kanitsane. <sup>46</sup>Hiki Ketsutsi karima 'utahiwaka mipai kaniutayini:

—Ne'ukiyari, ne'yari nepimatsihiritia.

Mipai 'utayika kaniumini.

<sup>47</sup>Xeitsienituyari kuyaxi tiwa'aitiwame 'uniereka kemitiuyi 'aixia kaniutayini Kakaiyari hepaitsita, mipai 'utaiti:

—Yuriki 'iki tewi heitserie pexeiyakai.

<sup>48</sup>Yunaiti teiteri meneniereke memiyukuxeiri, me'uneniereka kemitiuyi, yu'utima mekanekine yutawitsie meyukuhutsunati hiwerikaki. <sup>49</sup>Peru yunaiti memimatekai mana mekaniti'ukaitini yatewa, meta 'ukari hamatiana memeyeki Karereyatsie, miki mana mekaniti'ukaitinita meneniereti.

### **Ketsutsi kemitiuteukie**

*(Ruk 23:50-56 – Mat 27:57-61, Mar 15:42-47, Wa 19:38-42)*

<sup>50-51</sup>Merikitsi tewi 'akaniuyeikakaitini Kutse titewati, 'itsikate muwani'i kanihikititikaitini, 'aixia pitiuka'iyarikai heitseriemeki yapitikamiekai,

miki yapikara'eriwakai kememiteyu'eni kememite'uyuri. 'Arimateya kaniekemetikaitini Kureya kwieyaritsie, yuri katini'eriekaitini ta'ikwewati Kakaiyari mitsutianiki ti'aitati. <sup>52</sup>Miki Piratu hetsia nuaka kanitawawirieni Ketsutsi kaxarieya. <sup>53</sup>Hekakweka kanita'eima rinu tsawanayariki, kaneikuteuku teukiyapa 'aitia muwaye'inieriekaitisie hakewa tewi hatsuaku mikaheutatekiewekaitisie. <sup>54</sup>Merikitsi pipienixitikai 'ana, 'uxipiya tukari pitsutiarieximekai.

<sup>55</sup>Mekaneiweiya 'ukari Karereyatsie memeyeki 'utimana, mekanixeiya teukiya, meta kaxarieya mekanixeiya kemitiutekie. <sup>56</sup>Yu'utima mehekineka 'aixia meniyurieni witsimu'ia mixaxi nikame 'uaye.

Merikitsi 'uxipiya tukaritsie mekani'uxipiekaitini 'aitsika kemaine.

### Kemiranutanierixi 'umierieka

(Ruk 24:1-10 – Mat 28:1-8, Mar 16:1-8, Wa 20:1-8)

**24** <sup>1</sup>Tsemana mexiakame tukaritsie ximeri kwitiwa, teukiyapa mekanekine 'ukarawetsixi witsimu'ia me'ahapati memikuha'aritakai.

<sup>2</sup>Hiki teté mekanixeiya heuhiiyakame kitenie meukatei.

<sup>3</sup>Meheutahaxiaka teukiyapa, mepika'itaxei Ti'aitame Ketsutsi kaxarieya.

<sup>4</sup>'Atsimepikatemaikai kememiteyurieniekai mipai mitiuyiki, hiki 'ukitsi yuhutati wa'aurie mekaniti'uni merikawime me'anakatiti. <sup>5</sup>Memamati kwiepa mekanikahixima'uni, peru miki mipai mekateniwarutahiawe:

—¿Titayari mikite watsata xete'iwautiwe miki mayeniere? <sup>6</sup>'Uwa pikayeka, kananukuketiarieni. Xekena'eriwani kemitixe'utahiawixi Karereyatsie 'uyeikati 'akuxi, <sup>7</sup>kexemite'utahiawarie: “Yuri Tewi hepaitsita, kemireuyewekai miyetuiyaniki 'axateyuruwamete memiwiwiyaki, kuruxitsie mimierieniki, hairieka tukaritsie manukukeniki kemireuyewekai”.

<sup>8</sup>Hiki 'ana Ketsutsi niukieya menaye'erien. <sup>9</sup>Hiki teukiyapa mewayekineka mekanekine, 'iki naima mekateniwarutaxatiani tamamata heimana xeime, meta hipame yunaima. <sup>10</sup>'Ukari Mariya Mararatanaka, Wana, Mariya Kakuwu miwarutsiyetikai metenitetewakaitini meta hipatita wahamatia memu'uwakai 'ukari yunaiti yamekateniwarutaxatiani ni'ariekate. <sup>11</sup>Peru miki yaki me'utiyaneme mekani'eriekaitini metekuxatakaku, yuri mepikatewaruta'eriri. <sup>12</sup>Perutsi Pekuru kaneyani teukiyapa 'unautsarimeti. 'Anahuka nixeiya 'ixuriki mana 'akateme 'uyemaweme. Yukie kaneyani waika 'iyarixieti kemitiunierixi hepaitsita.

### Kememite'ixei 'Emahu huyeyari 'utia me'uhuti

<sup>13</sup>Merikitsi miki tukaritsie yuhutati miki huyeta menekine, kiekaritsie meneta'axianiekaitini 'Emahu mirakutewatsie, Kerutsareme nehurakaitini, yanetewakaitini tamamata heimana huta kirumetiruyari xeikia. <sup>14</sup>Metenikuxatakaitini naiti kemitiuyi hepaitsita. <sup>15</sup>Merikitsi metekuxatakaku niuki mexiatiakaku Ketsutsititi niwaranuku'axe me'uhukaku, wahamatia niemiekaitini, <sup>16</sup>peru mepikapitiariekai memeitimaniki. <sup>17</sup>Mipai katiniwarutahiawe:

—¿Ketitita 'iki niuki xemixiatia xe'uhuti, titayari xeteyuhiwerie?

Miki mana meniti'uni me'ayexixiniti yihixie, <sup>18</sup>xewiti miki Kireupaxi mititewakai mipai katinitahiawe:

—¿Kari 'eki 'atsipepikatimate Kerutsareme kemireyi takai 'atu, 'atsita kikamete mipai mepitemate?

<sup>19</sup>Iya mipai katiniwarutahiawe:

—¿Kereyikuta?

Miki mipai mekatenitahiawe:

—Ketsutsi Natsaretitanaka, kemiranayetia pekatimate. Miki tewi Kakaiyari hetsiemieme katinixaxatametikaitini, kemitiyurienekai kemitikuxatakai, kanitirikaiyekaitini Kakaiyari hixie yunaimete teiteri wahixie. <sup>20</sup>Mawari wewiwamete tewa'aitiwamete ta'itsikate meta mekaniyetuani hetsiena mirahiiyaniki mimierieniki, 'arike kuruxitsie mepeimi. <sup>21</sup>Tametsieti tekanita'ikwewakaitini yuri tete'erieti 'iya mihikitikaiki kemi'ane mitatsitixinakakai 'ixaheritsixi teiteriyari. Miki meta, haika tukari kaniyuriekari hiki, miya reyiku. <sup>22</sup>Matsi meta 'ukari tatsata miemete mepitatsi'ihixiyatsitia hiki, ximeri waniu menekukinixiani teukiyapa, <sup>23</sup>peru kaxarieya mepikahexei. Mekaniu'axiani mipai me'utiyuati kename niuki tuayamete mewarexei metehenime meyu'erieti, miki waniu kename Ketsutsi 'ayenieme mekateniwaretahiawe. <sup>24</sup>Ana hipatita tahamatia mem'uwa teukiyapa mekanekine, 'ukari kememaitikatei, mipai 'aneme mepetaxei, peru Ketsutsi mepikahexei.

<sup>25</sup>Hiki Ketsutsi mipai katiniwarutahiawe:

—Kari 'atsixepikatimate, yu'iyaritsie xepu'itutupe, 'akuxi yuri xepikateta'eriwawe texaxatamete kememitekuxatakaisie naime.

<sup>26</sup>¿Kareuyewekai Kiritsitu mipai mitikwineki, 'arike mikake witsi'aneti karayanikekai?

<sup>27</sup>Ana Muiťsexi xapaya xatati meri yunaimete texaxatamete waxapa xatati, kanitsutiani tiwahekiatsitiiyati kemire'ukai hepaitsitana naime 'utiarikatsie.

<sup>28</sup>Merikitsi kiekaritsie hakewa memeta'axianikekai mekaneta'axiani, 'iya matsi 'atewa kaniumiekaitini. <sup>29</sup>Miki kwiniemieme mekani'iniekaitini mipai me'utiyuati:

—Tahamatia kene'ahayewa, 'etsiwatikaku putaikai pakayunirime.

Hiki muwa kaneutahani wahamatia miyuhayewaki. <sup>30</sup>Hiki wahamatia 'ayerika mexa 'aurie, 'enu'ika paa, 'aixia kaniutayini Kakaiyari hepaitsita paa hepaitsita, 'ititaraka kaniwarumini. <sup>31</sup>Ana wahixie katineukuyepiere hiki mekaneitimani, peru miki kamatsiikiti kanayuyeitiani tawari mepika'ixei.

<sup>32</sup>Hiki mipai mekateniyikihiawekaitini:

—'E'e, 'ayumieme ta'iyaritsie kwini mieme tepitayetuakai mexi tatikuxaxatiwakai huyeta te'uhukaku, mexi tatsihekiatsitiiyakai 'utiarika kemaine.

<sup>33</sup>Hiki me'anuku'uka kwiti, Kerutsareme mekanekine yu'utima. Tamamata heimana xeime hipameta mekaniwaretaxeiya meyuxeirikame. <sup>34</sup>Miki mipai mekaniutyuanekaitini: «Kaniyuritini, Ti'aitame panukuke. Matsiikiti kanayuyeitiani Tsimuni 'ixeyakaku».

<sup>35</sup>Miki meta mekateniwarutaxatiani huyeta kemireyi, kememiteheitima paa 'utitaraku.

### **Ketsutsi matsiikiti kemirayueitia teyi'ikitiwamete wahixie**

<sup>36</sup>Merikitsi metekuxatakaku 'akuxi, 'iya wahixiata kaniutakeni, mipai kaniutayini: —'Aixia 'aku.

<sup>37</sup>Miki mekaniutimamani, miki mexeyame meyu'erieti.

<sup>38</sup>Mikitsi mipai katiniwarutahiawe:

—¿Titayari xeteyuxamurie? ¿Titayari xete'itsutia niuki xexiatiati yu'iyaritsie?

<sup>39</sup>Xekeneu'ixiari nemamate ne'ikate, ne nekanihikitini, xekeneneumayia xekeneneuxeiya, 'iyari 'ume pikahexeiya wai pikahexeiya nehapai.

<sup>40</sup>Mipai 'utayika yumamate yi'ikate kaniwaruxeitsitiani. <sup>41</sup>Meyutemamawieti mehixiyati, kayuritime mepi'eriekai 'akuxi, hiki mipai katiniwarutahiawe:

—¿Tixai xekatehexeiya 'ena tikwawame?

<sup>42</sup>Tsaapa waiyari yayekame mekanimini warikime. <sup>43</sup>'Enu'ika kanitakwani wahixie. <sup>44</sup>Merikitsi mipai katiniwarutahiawe:

—'Iki niuki nekanixekuxaxatiwakaitini xehamatia ne'uyeikati 'akuxi, mipai ne'utaiti kename heuyewekai maye'atiarieniki naiti nehapaitsita kemire'uxa Muitsexi 'inarieya niukiyaritsie, texaxatamete waxapatsie meta kwikari xapayaritsie ne'utaiti.

<sup>45</sup>Ana wa'yari kaniwatiyepieni memeitimaniki tita 'utiarika xapayari mitixatakai.

<sup>46</sup>Mipaita katiniwarutahiawe:

—Mipai pire'uxa, kemireuyewekai Kiritsitu nehikititi miya nekatiniqwinekekaitini, hairieka tukaritsie nekananukukenekekaitini mikite watsata. <sup>47</sup>Miki meta, yunaiti nuiwarite mipai mekatenitahiawariekuni, xika xete'uhayewa kexemiteyuriekai, xika pita xenetsihahiaweni kemi'ane nemihiki, xepiteheuyehiwyarieni 'axaxemite'uyuriki, Kerutsareme meri, 'ariketa xaitsie yakatinikuxaxatsiwamiki. <sup>48</sup>Xeme xekanihikitini xemunenierixi xemihekiata 'iki kemituyi hepaitisita. <sup>49</sup>Ne meta nepitixehani'airieni tita ne'ukiyari mirainekai mitixeminikekaiki, xeme kiekaritsie xekeneyuhayewani tukari 'aye'ayuke kepauka tirikariya xemipitarieni taheima mieme, 'anake xepayekine.

### **Kemiranutitia**

<sup>50</sup>Hiki kaniwarayewitini Wetaniya 'aurie, yumamá teiki hetserati kaniutaniuni 'aixia memi'itarieniki. <sup>51</sup>Mexi 'utaniukakai wahetsia kanayeyani, muyuawitsie kananutiwitikieni. <sup>52</sup>Miki nenewieri me'ipitiaka Kerutsareme mekanekine kwini mieme meyutemamawieti. <sup>53</sup>Tukariki tuki kuraruyarita mekaniu'uwakaitini 'aixia me'utiyuati Kaka'yari hepaitisita. Mipai xeikia kani'aneni.

# Wani

## Niuki 'aixia manuyine kemiraka'utia

---

### Niukititi tewi kemiratia

- 1** <sup>1</sup> Tsutiapai Niuki kaniyianekaitini,  
Niuki Kakaiyari hetsia kaniuyeikakaitini,  
Niukititi Kakaiyari kanihikitikaitini.
- <sup>2</sup> Mikititi niuki tsutiapai Kakaiyari hamatia kaniuyeikakaitini.
- <sup>3</sup> Naiti katinuuneni miki 'inetiaku,  
xika miki ka'inetianike, pikanenikeyu nixewiti.
- <sup>4</sup> Miki hetsie tukari kanixuawekaitini,  
tukari teiteri wahekiariwiyame kanihikitikaitini.
- <sup>5</sup> Hekiariya yiwipa kanihekiariwieka,  
yiriya pikahe'iwawe.
- <sup>6</sup> Merikitsi tewi Kakaiyari meiyeni'a 'aniuyeikakaitini Wani titewati. <sup>7</sup> Miki mititahekiataki, hekiariya hepaitsita, yunaiti yuri memiteta'erieniki miki tihekiatakaku. <sup>8</sup> Wani hekiariya pikahikitikai, titahekiatake hekiariya hepaitsita xeikia kaninuani. <sup>9</sup> Tita yuriki mitihekiariya, tita mitiwahekiatia yunaime teiteri, miki kwiepa kaninuaximekaitini.
- <sup>10</sup> Kwiepa kaniuyeikakaitini, kwie kaniuneni miki 'inetiaku, matsi kwiepa memitama mepikahehitima. <sup>11</sup> Yukie kaninuani, teiterimama mepika'itanaki'eri. <sup>12</sup> Matsi keyupaimeti memitanaki'eri, miki yuri memite'erie kemi'ane mihikitsie, miki heitserie kaniwarupitiani Kakaiyari niwemama memakineki. <sup>13</sup> Teiteri kememite'ununuiwatsie mepikayeki, wapaapama meyuhiwe'eriekaku teiteri kememiteyurie, mana mepikayeki, 'uki tiiri wawewimikikaku, mana mepikayeki, Kakaiyaritsie pita mepiyeki.
- <sup>14</sup> Miki niukititi tewi kanayani, tatsata 'ukaiti ratia. Tame tekanixeyia witsikemi'aneikai, 'ukiyarieya witsikemitipitia yuniwe muyuxewi, kanaye'ani 'aixia tiuka'iyariti yuri tikuxatati.
- <sup>15</sup> Wani katinihekiatakaitini hepaitsitana, kanahiwakaitini mipai 'utaiti: «Iki kanihikitini nemikuxatakai mipai ne'utaiti: “Miki ne'utia 'umamie kanimariweni ne hepaina neka'aneakaku meripaiti mimiemeki, ne meripaiti nekamiemetikaku»».
- <sup>16</sup> Miki tinaike kemirexeiya, 'aixia tiuka'iyariti teyunaike tame waikawa katatiniumini. <sup>17</sup> Iniyari niukiyari tekaniupitiarieni Muiitsexi tatsi'upitiaku. Peru matsi tepupitiarie naki'eriya meta tita yuri miraine temitehexeyianiki,

Ketsutsi Kiritsitu 'aixia tiuka'iyariti yatatiupitiaku. <sup>18</sup>Xewiti hatsuaku pika'ixeyawe Kakaiyari, Nu'aya muyuxewi, Kakaiyari mihiki kemi'ane yu'ukiyaritsie mitiwiya, miki katanihekiatsitiiyani.

### Wani Ti'iyame kemitiutahekiataxi

<sup>19</sup>Tiki kanihikitini Wani kemitiutahekiataxi kepauka huriyutsixi hetsiana memiwareyeni'a mawari wewiwamete meta rewitsixi Kerutsareme memeyeki memita'iwawiyaki kemi'ane miyianekai. <sup>20</sup>Miki puyutahekiataxi, pikayuku'imawakai, matsi puyutahekiataxi mipai 'utaiti:

—Neri Kiritsitu nepikahiki.

<sup>21</sup>Hiki mipai mekatenita'iwawiya:

—¿Kamitsi kemi'ane pepiyiane? ¿Kamitsi 'Eriyaxi petiyiane?

Miki mipai kaniutayini:

—Ne miki nepikahiki.

—¿Kakaiyari niukameya petiyiane?

Miki tiwaruta'ei:

—Hawaiki.

<sup>22</sup>Miki 'ayumieme mipai mekatenitahiawe:

—¿Kamitsi kepaiki pepiyiane? Xatsuniki yatemitewaretahiaweke miki memitatsiheyeni'a. ¿Kepetayini 'ahepaitsita?

<sup>23</sup>Miki mipai kaniutayini, Kitsariyaxi Kakaiyari niukameya kemutayi hepai:

—Netsi nekanihikitini kemi'ane mahiwa makumawetsie:

“Xeuraiyeme xekeneutawewi Ti'aitame huyeya”.

<sup>24</sup>Miki memeyeni'arie paritseutsixi wahetsia mekanimietetikaitini.

<sup>25</sup>Hiki miki mipai mekatenita'iwawiya:

—Merikite, xika Kiritsitu pekahikitini, xika 'Eriyaxi pekahikitini, xika Kakaiyari niukameya pekahikitini, ¿titayari peti'iyane?

<sup>26</sup>Wani mipai katiniiwarutahiawe:

—Neri nekatini'yaneni haki, peru xetsata 'akaniuweni xewiti, xemika'imate xeme, <sup>27</sup>miki ne'utima 'ukanamieniri, ne 'aixia nepikatiuka'iyari nehetsie mitinakeniki yatini nemixinirieniki kakaiya kwitaxiyari.

<sup>28</sup>Mipai katiniuyini Wetaniyatsie Kurutani hatuxame 'anutaiye, mana katini'yanekaitini Wani.

### Muxa Nunutsi Kakaiyari hetsia mimieme

<sup>29</sup>Merikitsi 'uxa'arieka Wani kanixeiya Ketsutsi 'a'amiekame hepana, mipai kaniutayini: «Kami muxa nunutsi Kakaiyari hetsia mieme, kwiepa memitama tita 'axamemiteyurie kaniwakunawairiwani miki. <sup>30</sup>Miki kanihikitini kemi'ane hepaitisa mipai nemanekai: “Xewiti tewi ne'utima 'ukanamieni kanimariweni ne hepaina neka'anekaku meripaiti mimiemeki, ne meripaiti nekamiemetikaku”. <sup>31</sup>Netsiari nepikaheitimaitiyeikakai, peru mimatsiikiniki 'ixaheritsixi wahixie, 'ayumieme nekaninuani haki netiuka'iyati».

<sup>32</sup>Hiki Wani katiniutahekiata mipai 'utaiti: «Ne nekanixeiya 'Iyari taheima 'akamieme kukuru 'amakamieni hepai tiyuxexeyame meta hetsiana kaniyuhayewa. <sup>33</sup>Ne nepika'imatekai 'akuxi, matsi kemi'ane minetsiheyeni'a

nemitiuka'iyani haki, mikititi mipai pinetiutahiawixi: “Kemi'ane heima pemixeiya 'Iyari 'a'akamieme hetsiena yuhayewame, miki kanihikitini kemi'ane mitiuka'iya 'Iyari Mitiyupata rapitiati”. <sup>34</sup> Netsi nekaniuniere, nekatiniutahekiata 'iki Kakaiyari Nu'aya kanihikitini».

**Matiari teyi'ikitiwamete memaki**

(*Wa 1:40-42 – Mat 4:18-22, Mar 1:16-20, Ruk 5:2-11*)

<sup>35</sup> Hiki 'uxa'arieka tawarita mana kaniutiwekaitini Wani, teyi'ikitiwametemama yuhutata mana meteti'ukaita. <sup>36</sup> 'Ixeiyaka Ketsutsi mana 'uyemiekaku, mipai kaniutayini:

—Kami muxa nunutsi Kakaiyari hetsia mieme.

<sup>37</sup> Yuhutata teyi'ikitiwametemama me'lenieka mipai haineme, Ketsutsi mekaneweiya. <sup>38</sup> Hiki Ketsutsi ta'aurie 'aweka, waruxeyaka 'utiana me'uhukaku, mipai katiniwarutahiawe:

—¿Tita xetekuwautiwe?

Miki mipai mekatenitahiawe:

—¿Xawi, hakewa pepeka? (Xawi taniukiki Ti'ikitame panuyine).

<sup>39</sup> Miki mipai katiniwarutahiawe:

—Xekenakini xepineniere.

Hiki mana mekaniu'axiani, mekaniuuneniere hakewa mekatei. Miki tukaritsie hamatiana mekanuuyuhayewa, memenuweiyaki tau kia heuwiekaku.

<sup>40</sup> Merikitsi yuhutata memu'enana Wani kemainekai, Ketsutsi memewei, xewiti 'Atirexi katinitewakaitini Tsimuni Pekuru mi'wayatikai. <sup>41</sup> 'Atirexi yu'iwa Tsimuni kanetaxeiya meri, mipai katinitahiawe:

—Tekaneitaxeiya Metsiyaxi (taniukiki Kiritsitu heitserie mupitairie maine).

<sup>42</sup> Ketsutsi hetsia kaneiwitini, Ketsutsi 'ixeyaka mipai kaniutayini:

—'Eki Tsimuni pekanihikitini, Wani peminu'aya. Tsepaxi pepititeriwarieni (taniukiki Pekuru Tete manuyine).

**Ketsutsi kemitwaruta'ini Peripe meta Natanaheri**

<sup>43</sup> Hiki Ketsutsi 'uxa'arieka Karereya paiti kaniyeimikikaitini. Kanitaxeiya Peripe, mipai katinitahiawe:

—Kenenanuweiya.

<sup>44</sup> Peripe Wetsaira kaniekemetikaitini 'Atirexi meta Pekuru wakiekaritsie.

<sup>45</sup> Hiki Peripe Natanaheri hetaxeiyaka, mipai katinitahiawe:

—Kemi'ane xatati Muietsexi mitiuta'utia 'iniari niukiyaritsie, meta Kakaiyari niukametemama memite'uti'utia me'ixatati, miki tekanetaxeiya, Ketsutsi kanihikitini Kutse nu'aya natsaretitanaka.

<sup>46</sup> Natanaheri mipai katinitahiawe:

—¿Ketiyeiwe Natsareti hetsie 'aixia ti'aneti mirayeneni?

Peripe mipai katinitahiawe:

—Patsi kenenierimie.

<sup>47</sup> Kepauka Ketsutsi Natanaheri muxei 'a'amiekame hetsiana, mipai kaniutayini hepaitsitana:



—Kami, 'iki yuriki 'ixaheri tewiyari kanihikitini, hetsiena 'irimari pumawe.

<sup>48</sup>Natanaheri mipai katinitahiawe:

—¿Hakewa pepinetsihetima 'eki?

Ketsutsi mipai katinitahiawe:

—Peripe kamatitaxatiawekaku 'akuxi, kepauka pini hetia pe'ukaiku, 'ana nepimatsi'uxei.

<sup>49</sup>Natanaheri mipai katinitahiawe:

—Ti'ikitame, 'eki Kakaiyari pekaninu'ayatini, 'ixaheritsixi tati'aitiwame pekanihikitini.

<sup>50</sup>Ketsutsi mipai katinitahiawe:

—¿Pini hetia pe'ukaime nepimatsi'uxei, nemutayiki yuri pepitiuta'eri? 'Ipai 'aneneme matsi waikawa mamariwaweme pekatnixeyamiki.

Mipaita katinitahiawe:

<sup>51</sup>—Yuriki mipai nekanaineni, xekanixeyakuni muyuawitsie reuyepiyakame, Niuki tuayamete Kakaiyari hetsia miemete xetewaxeyata me'anutikikame meta me'anakakikame Yuri Tewi hetsie.

### Neikiya kememite'uwewi Kanaha kiekariyaritsie

**2**<sup>1</sup>Merikitsi hairieka tukari 'aye'aku mekaneitineikitiani xeime, miki 'ixiarari mepewewiekai Kanaha kiekariyaritsie Karereya kwieyaritsie, Ketsutsi maamaya mana kaniyueikakaitini. <sup>2</sup>Ketsutsi neikiyapa kaniuta'inierieni, teyi'ikitiwamete meta mete'uta'inierie. <sup>3</sup>Hiki kaxie winuyari 'uyexixiaku Ketsutsi maamaya mipai katinitahiawe:

—Kaxie winuyari mepikahexeyari.

<sup>4</sup>Ketsutsi mipai katinitahiawe:

—Nemaama, ¿ketita mikiki tetehexeiya? Netukari 'akuxi pika'aye'awe.

<sup>5</sup>Hiki maamaya mipai katiniwarutahiawe teparewiwamete:

—Miki kemitixetahiawe yaxeketenekahuni.

<sup>6</sup>Merikitsi mana pitetekai tete ye'iriteyarite 'ataxewi paimeti huriyutsixi memukamaimawa memi'itinyaniki. Xexuimetsie katinakananakekaitini nauka tewiyari yatini xeitsienituyari rituruyari.

<sup>7</sup>Hiki Ketsutsi mipai katiniwarutahiawe:

—Haa xekeneutihiniya tete ye'iriteyariteta.

Hiki kitsitana paiti mekanitihiniya.

<sup>8</sup>Mipaita katiniwarutahiawe Ketsutsi:

—Hikitari xekeniwatihapani, 'ixiarari mihiritiarie hetsia xekenanuhapani.

Hiki miki mekaneihapanirieni. <sup>9</sup>Mihiritiarie kepauka menuti'iniataxi haa kaxie winuyari matia, 'atsikatimaiti hakewa memiemetikai, tsepa teparewiwamete yamemitemaikai haa memiwatihanakaikiri, 'ixiarari mihiritiariekai neneikeme kaniutahiawe. <sup>10</sup>Mipai katinitahiawe:

—Yunaiti teiteri kaxie winuyari 'aixia ma'ane mekaniwa'itiaka meri, kepauka memititariweni 'axami'ane 'ana mepiwa'itia. 'Ekitsi pita pekanitikwerieni kaxie winuyari 'aixia ma'ane hikikeri temenu'ieniki.

<sup>11</sup> 'Ipaɪ matiarɪ katiniuyurieni Ketsutsi Kanahatsie Karereya kwieyaritsie 'itsutiati 'iniari kemitiyurienekai. Matsiikiɪi kanayuyeitiani kemitimariwekai, teyi'ikitiwamete yuri mekateniuta'erienɪ hetsiena.

<sup>12</sup> Merikitsi 'arikeke Kaperunaume miki kaneuyeyune, maamaya, 'iwamama, meta teyi'ikitiwametemama, mana miixa mepika'uyuri.

### **Ketsutsi tukita kemitiwarayeweyaxia**

*(Wa 2:14-16 – Mat 21:12-13, Mar 11:15-17, Ruk 19:45-46)*

<sup>13</sup> Merikitsi huriyutsixi wa'ixiarari Patsikwa mititewa kanahurakaitini, Ketsutsi Kerutsareme kaneutiyune. <sup>14</sup> Mana tuki kuraruyarita kaniwaretaxeiyɪ tuurutsixi memiwatuakai, muxatsi, kukuruxi meta tumini patamete tiwaretaxei muwa me'ayeteme. <sup>15</sup> Kaunari tiyawayame 'utawewieka tuki kuraruyarita meyunaimɪ kaniwaranuyeweyiya, muxatsi meta tuurutsixi wahamatia. Tumini patamete watumini kananakaxirieni, wamexate kanatixirixiani. <sup>16</sup> Kukuruxi memiwatuakai mipai katiniwarutahiawe:

—'Iki xekenanuye'ii takwa paiti. Ne'ukiyari kiiya tetuayamete wakii xepika'ayeitiwani.

<sup>17</sup> Teyi'ikitiwamete mekaneye'erienɪ niuki mipai mire'uxa: «'Akiɪ nemikwerieki netaita nepitaxitsitariexime». <sup>18</sup> Hiki huriyutsixi mipai mekateniuta'eiya:

—ǂKetita 'iniariyari petatixeyatsitiani miyapemitiyurienekɪ?

<sup>19</sup> Ketsutsi mipai katiniwaruta'eiya:

—'Iki tuki xekeneuka'una, ne hairieka tukari 'anukayayu nekanenukuketiamiki hutarieka.

<sup>20</sup> Ayumieme huriyutsixi mipai mekaniutyuani:

—'Iki tuki wewiyaneti huta tewiyari heimana 'ataxewime wiyari mekaniuyurieni. 'Ekiri haika tukari perenukuketiani.

<sup>21</sup> Matsi miki yuwaiyari kanixatakaitini tukitime. <sup>22</sup> Kepaukari mikite watsata manukuketiarie, teyi'ikitiwametemama mekane'eriwakaitini mipai mutayiki. 'Ana 'utiarika yuri mekateniuta'eririeni, meta Ketsutsi niukieya yuri mete'uta'eriri.

### **Ketsutsi kemitiwamaikai yunaime teiteri**

<sup>23</sup> Merikitsi Kerutsareme 'uyeikakaku Patsikwa 'ixiararipa, yumiireti yuri mekateniuta'erienɪ hetsiena me'ixeyaka 'iniarite miki kemitiyurienekai.

<sup>24</sup> Matsi Ketsutsi yuri pikatiwa'eririekai, miki yunaime miwamaikaiki,

<sup>25</sup> xewiti tewi hepaitisita mititahekiatiyaniki pikaheuyehiakai, miki yikimana mitimaikaiki tita tewi 'iyarieyatsie mitiyeka.

### **Ketsutsi Nikuremu hamatia kememitekuxataki**

**3** <sup>1</sup> Merikitsi tewi 'aniyeikakaitini paritseu mihikitikai Nikuremu titewati, huriyutsixi tiwa'aitiwamete mihikitikai. <sup>2</sup> Miki Ketsutsi hetsia kaninuani yiwikita, mipai katinitahiawe:

—Ti'ikitame, tame mipai tekatenimaika, 'eki Kakaiyari hetsia pemiemetiti pemunuaki peti'ikitametiti, xewiti pikayiwe 'iki 'iniarite mitiwewieniki kepemitiyuriene hepai xika Kakaiyari hamatiana ka'uyeikanike.

<sup>3</sup>Ketsutsi mipai katinita'eiya:

—Yuriki mipai nekanaineni, xika hutarieka ka'utinuiwa tewi, pikayiwe mixeiya tita Kakaiyari mira'aita.

<sup>4</sup>Nikuremu mipai katinitahiawe:

—¿Tewi kehepai tiyiwe mutinuiwaki 'ukiratsititiri? ¿Tiyiwe hutarieka yumaama hetsie meutahani mutinuiwaki?

<sup>5</sup>Ketsutsi mipai katinita'eiya:

—Yuriki mipai nekanaineni, hatsie meta 'iyaritsie xika ka'utinuiwa, pikayiwe meutahani Kakaiyari mira'aitatsie. <sup>6</sup>Tita tewitsie mitiyenuiwa kanitewitini, tita 'iyaritsie mitiyenuiwa kani'iyaritini. <sup>7</sup>Pepikahixiyaka miyanemetikihiaweki: "Peuyewetse xeme hutarieka xemitinunuiwa". <sup>8</sup>Kemitinake kaniu'ekani, pekani'enieka yuariyaya, perutsi 'atsipepikatomate kemiraneika meta kemireumie. Mipai mekani'aneneni yunaiti 'iyaritsie memiyenunuiwa.

<sup>9</sup>Nikuremu mipai katinita'eiya:

—¿Ketiyiwe kuta mipai mitiyiniki?

<sup>10</sup>Ketsutsi mipai katinita'eiya:

—'Eki 'ixaheritsixi pekatiniwa'ikitiwametini, ¿kari 'iki pepikatomate?

<sup>11</sup>Yuriki mipai nekanaineni, tekatenikuxatani tita temitemate hepaitsita, tekatenihekiatani tita temite'uxei hepaitsita. Xemetsi xepika'inaki'erie tita temitehekiata. <sup>12</sup>Xika yuri xekate'erieka tita kwiepa mitimieme netixekuxaxatiwakaku, ¿kehepai yuri xepite'uta'eriwawe xika netixekuxaxatiwani tita taheima mitimimeki? <sup>13</sup>Xewiti taheima pika'anutiyeiwe, miki taheima makane Yuri Tewititi xeikia pamarie.

<sup>14</sup>»Muitsexi makumawetsie 'uyeikati kuu muyete hepai, mipairita kaneuyewekani Yuri Tewi muyetekieniki <sup>15</sup>yunaiti yuri memite'erie hetsiena tukari mikaxiwe memexeianiki.

### **Kakaiyari kemitiwanaki'erie kwiepa memitama**

<sup>16</sup>»Kakaiyari 'ipai katiniwanaki'erieka kwiepa memitama. Yuniwe muyuxewi kaniyetuani memikatatimayarieniki, yunaiti yuri memite'erie hetsiena, tukari mikaxiwe memexeianiki pita. <sup>17</sup>Kakaiyari kwiepa kemireiyeni'a yuniwe, mipai pikatiuyuri miwaranutaxirieniki kwiepa memitama. Matsi kwiepa memitama memitawikweitsitarieniki kimana, 'ayumieme pita kaneiyeni'ani. <sup>18</sup>Kemi'ane yuri miti'erie hetsiena, pika'anutahiiyani. Kemi'ane yuri mikati'erie 'ari kananutahiiyaniri, yuri mikatita'eriweki kemi'ane Kakaiyari Nu'aya muyuxewi mihikitsie. <sup>19</sup>'Ipai katiniwaranutaxiriwani 'itsikame: Hekiariya kwiepa kaninuaniri, teiteri yiriya mekaninaki'eriekaitini, hekiariya mekanaki'erieti, 'axamemiteyuriekaiki. <sup>20</sup>Yunaiti 'axamemiteyurie mekani'uxieka hekiariya, hekiaripa mepikakiniku kapa me'utahekiatsieniki kememiteyurie. <sup>21</sup>Kemi'ane yamitiyuriene tita yuri mirainetsie, hekiaripa paye'axe mimatsiikiniki kemitiyuriene Kakaiyari hetsie tiwiyati».

### **Neneikeme teitameya kemitiyutemawie**

<sup>22</sup>Merikitsi mipai tiyuku Ketsutsi meta teyi'ikitiwametemama mekanekine Kureya kwieyaritsie. Mana wahamatia 'ekatineutere ti'yaneti. <sup>23</sup>Wani meta

katini'ianekaitini 'Enunitsie Tsarimi 'aurie, haa mana waikawa muhanekaiki. Mekaniu'axekaitini mekaniuka'iyariwakaitini. <sup>24</sup>(Wani katsariyanata pika'anutahi yawekai 'akuxi).

<sup>25</sup>Ayumieme Wani hetsia miemete teyi'ikitiwamete hipati huriyutsixi wahamatia niuki mekanixiatiakaitini 'itiya hepaitsita. <sup>26</sup>Wani hetsia me'u'axiaka mipai mekatenitahiawe:

—Ti'ikitame, 'iya 'ahamatia meyeikakai hatuxame Kurutani 'anutaieye, kemi'ane hepaitsita pemitihekiatakai, katine'yaneni hiki, meta yunaiti hetsiana mekani'axeni.

<sup>27</sup>Wani mipai katiniwarutahiawe:

—Tewi pikayiwe tixaiti mitiutanaki'erieni, xika taheima miemeki yatipitarieka xeikia piyiwe. <sup>28</sup>Xemetiti xekatenihekiati nehepaitsita kenemainekai: “Ne Kiritsitu nepikahiki, matsi hixiena nemetani'arie nepihiki”. <sup>29</sup>Kemi'ane 'uka wikiwame yuhetsiemieme mexeiya, 'uki neneikeme kanihikitini. Neneikeme teitameya 'auriena mutiwe mi'enie, miki kaniyutemawieka neneikeme 'enieti. 'Ayumieme 'iki netemawierika kanaye'aniri. <sup>30</sup>Kaneuyeweka miki mariwati mayeiximeniki, ne pita nekamariwati nemayaniki.

### Kemi'ane taheima makane

<sup>31</sup>»Kemi'ane taheima makane kanimariweni, kemi'ane kwiepa mutine kwiepa kanimiemetini, katinikuxatani tita kwiepa mitimieme. Kemi'ane muyuawitsie makane kanimariweni. <sup>32</sup>Tita mitiuxei, tita mitiu'eni, miki hepaitsita katinihekiati. Xewiti pika'itanaki'eri tita mitiutahekiatixi. <sup>33</sup>Kemi'ane mitanaki'eri tita mitiutahekiatixi, mikiri matsiikime kanayeitiani mipai 'utaiti Kakaiyari yuri maineki. <sup>34</sup>Kemi'ane Kakaiyari meiyeni'a, miki Kakaiyari niukieyaki katinikuxatani, Kakaiyari kanipitiani yu'iyari, kemireupaime kati'iniatati. <sup>35</sup>'Ukiyarieya yuniwe kaninaki'erieka, naima katiniyetuirieni mamayatsie. <sup>36</sup>Kemi'ane nu'ayatsie yuri miti'erie tukari mikaxiwe kanexeyani, kemi'ane yamikatikamie nu'aya kemaine, pikaheitimani tukari, matsi Kakaiyari 'ihkakaku piyuhayewa».

### Ketsutsi meta 'ukaratsi tsamariyatanaka

**4** <sup>1</sup>Merikitsi Ti'aitame katiniutamarieni paritseutsixi memu'enanaki kename Ketsutsi yumiireme teyi'ikitiwamete warayeitiwakai meta wa'ianekai, Wani yaki meyipaimeme xeikia wa'ianekaku. <sup>2</sup>(Ketsutsi yikimana pikawaruka'iyakai, teyi'ikitiwametemama pita mepiwaruka'iyakai).

<sup>3</sup>Mipai tiumarieka Kureya kanayeyani, hutarieka Karereya kaninuani.

<sup>4</sup>Kaneuyewekaitini Tsamariya kwieyaritsie meutayunek. <sup>5</sup>Hiki kiekaritsie kaninuani Tsamariya kwieyaritsie Tsikari mitiuyetewatsie, mana kanehurakaitini kwie Kakuwu yuniwe Kutse miyetuiritsie. <sup>6</sup>Putsu Kakuwu miwati'inixi mana kanitinierekaitini. Merikitsi Ketsutsi 'uxeti yeiyaki mana kanayerini putsu 'aurie tuka. Tuka 'ayeiximekaku. <sup>7-8</sup>Teyi'ikitiwametemama kiekari hixiapa mekane'uwakaitini 'ikwai meheunanaiyuka.

Merikitsi 'ukaratsi mana kaninuani Tsamariya kiekame kuhanineti, hiki Ketsutsi mipai katinitahiawe:

—'Etsiwa keneneuharitia.

<sup>9</sup>Huriyutsixi tsamariyatari wahamatia 'aixia memikateyuxeyikaiki. 'Ayumieme 'ukaratsi tsamariyatanaka mipai katinitahiawe:

—¿Kehepaititiri 'eki pehuriyutiti, neta 'ukaratsi nemitsamariyatanaka, haa pepinetsiwawirie?

<sup>10</sup>Hiki Ketsutsi mipai katinita'eiya:

—Xika pe'imatenike tita Kakaiyari mitiyumikwa, meta xika pe'imaikake kepaiki haa mimetsiwawirie, 'ekitsi pita pepinetsitawawirienikeyu, nepimatsiharitianikeyu haa muhanetsie mieme.

<sup>11</sup>'Ukaratsi mipai katinitahiawe:

—Neuxei, haniweme pepikahexeiya, putsu 'apeukatewa, ¿hakewa pepeixeiya miki haa tukari mitiyupitiwa? <sup>12</sup>Tapaapa Kakuwu kanimariwekaitini 'iki putsu mitatsi'umi, 'ena kanitiharewekaitini miki meta niwemama meta tewamama. ¿'Eki matsi kepetimariwe keyuri miki?

<sup>13</sup>Ketsutsi mipai katinita'eiya:

—Yunaiti 'iki haa memitihareni tawarita mepeuharikuni, <sup>14</sup>peru kemi'ane manuhareni ne ne'iharitiayu tawariri hatsuaku pikaheuharimikini, matsi miki haa nemiharitiani, miki haixa kanayeimiki hetsiena 'atineikati tukari mikaxiwe 'ipitiati.

<sup>15</sup>'Ukaratsi mipai katinitahiawe:

—Ti'aitame, miki haa keneneuharitia tawari nemikaheuharimikiniki, 'uwa paiti nemikahanineniki.

<sup>16</sup>Ketsutsi mipai katinitahiawe:

—Merikite, 'akina kene'inimie, 'ena xekenakini.

<sup>17</sup>'Ukaratsi mipai katinita'eiya:

—Nepikarekakina.

Ketsutsi mipai katinitahiawe:

—Herite, 'aixia pekanaineni nepikarekakina pemaine. <sup>18</sup>Yu'auxiwime pepiwarexeyikai 'akinama. Miki meta, hiki peimeixeiya, miki pika'akina. 'Ayumieme yuriki peputaine.

<sup>19</sup>'Ukaratsi mipai katinitahiawe:

—Ti'aitame, nekamenetimaniri 'eki Kakaiyari niukameya pekanihikitini. <sup>20</sup>Tame tatutsima 'iki yemuritsie mekaniyutinenewiwakaitini. Peru xeme huriyutsixi xekaniutyuaneni kename heuyewetse Kerutsareme temuyutinenewiwaniki.

<sup>21</sup>Ketsutsi mipai katinita'eiya:

—Neuxei 'ukaratsi, yuri kenetine'eririeka, tukari kanaye'amiki kepaukari nenewieri xemika'ipitiaka yu'ukiyari 'iki yemuritsie meta Kerutsareme.

<sup>22</sup>Xeme nenewieri xepipitia kemi'ane xemikamate. Tame pita nenewieri tekanipitiaka kemi'ane temimate, wikweitsitarika mayeneikaki huriyutsixi tahetsie. <sup>23</sup>Matsi tukari kanaye'amiki, hiki kanaye'aniri, kepauka miki yuriki memiyutinenewiwa nenewieri memipitiani yu'ukiyari yu'iyariki yuri me'utiyuati. Miki meta, ne'ukiyari miya me'aneneme kaniwakuwauneni nenewieri memipitianiki. <sup>24</sup>Kakaiyari kani'iyaritini, kaneuyeweka miki nenewieri memipitia yu'iyariki memipitianiki yuri me'utiyuati.

<sup>25</sup> 'Ukaratsi mipai katinitahiawe:

—Ne nekatiniamaika kename 'uhamie Metsiyaxi, Kiritsitu mititewa. Kepauka miki munuani, naime katatinatahekiatiamiki.

<sup>26</sup> Ketsutsi mipai katinita'eiya:

—Netsi nekanihikitini 'ahamatia nemitikuxata.

<sup>27</sup> Hiki teyi'ikitiwamete mekanu'axiani, mekanuhixiyani 'ukaratsi hamatia mitikuxatakaiki. Nixewiti mipai pikatitahiawixi: «¿Ketitaki petiku'iwawiya?» yatini «¿Ketitaki petikuxata hamatiana?»

<sup>28</sup> Hiki 'ukaratsi yuye'i 'uku'eirieka kiekaritsie kaneyani, teiteri mipai katiniwaretahiawe:

<sup>29</sup> —Xekenakini xekenexeyayu tewi mineretahekiatia naime kenemitiuyuri. ¿Katikiritsitu 'iki?

<sup>30</sup> Teiteri kiekaritsie mekanayekine, hepana mekanahukaitini. <sup>31</sup> Merikitsi mexi 'ame'ahukai, teyi'ikitiwamete mekanita'inieni mipai me'utiyuati:

—Ti'ikitame, ketineukwakari.

<sup>32</sup> Ketsutsi mipai katiniwarutahiawe:

—Ne 'ikwai nekanexeyani xemika'imate xeme.

<sup>33</sup> 'Ayumieme mipai mekatenyikihiawekaitini teyi'ikitiwamete: «Xewiti kati'atiiri katiukwairi».

<sup>34</sup> Ketsutsi mipai katiniwarutahiawe:

—Kenemitikamie tita mitinake 'iya minetsiheyeni'a, 'uximayatsikaya kenemitinixime, miki kanine'ikwaitini. <sup>35</sup> ¿Xeme mipai xekate'utiyuane: “Nauka metseri tixiyu 'itsanaxa kanaye'amiki”? Kami mipai nepitixekihawe: Xekeneutanierixia, waxa xekeneuxeiya. Kaniwawakiniri xemika'itsanaki.

<sup>36</sup> Hiki 'itsaname katini'iwaneniri, kanikuxeirieni tita mitiutixuawerixi, tukari mikaxiwe memexeyaniki, 'etsame 'itsaname hamatia yaxeikia memiyutemamawiekaki. <sup>37</sup> 'Iki hepaitisa niuki yuri paine: “Xewiti kani'etsametini, xewitita ti'itsaname”. <sup>38</sup> Ne nepixeheutani'axia xemika'itsanaki xemikateha'uximayakaitisie. Hipati mekateni'uximayakaitini. Wa'uximayatsika xehetsie katiniunake.

<sup>39</sup> Merikitsi yumiireti mana kiekatari Tsamariyatari yuri mekateniuta'erieni hetsiana 'ukaratsi tiutahekiataku yuniukiki mipai 'utaiti: «Naime kenemitiuyuri kanetiniutahekiatiani». <sup>40</sup> 'Ayumieme Tsamariyatari hetsiana me'u'axiaka mekanita'inieni wahetsia muyuhayewaki. Mana huta tukari kaniyuhayewa. <sup>41</sup> Hipatita yumiireti yuri mekateniuta'erieni niukieyaki.

<sup>42</sup> Mipai 'ukaratsi mekateniutahiawe:

—Hikirixia 'aniukiki xeikia yuri tepikate'erie, tameri tekani'enieni, tekateniamaika 'iki yuriki kwiepa memitama wawikweitsitiwame mihikiki.

### Ketsutsi kemirenyehia ti'aitame parewiwameya nu'aya

<sup>43</sup> Merikitsi huta tukari 'anukayaku mana kaniyeyani, Karereya kaninuani. <sup>44</sup> (Ketsutsi yikimana katiniutahekiata kename nixewiti Kakaiyari niukameya yukwiepa 'aixia katixeyarie). <sup>45</sup> Peru kepauka Karereya munua Karereyatari mekanitanaki'erieni naime mete'uxeiyaka kemireyurienekai Kerutsareme 'ixiararipa. Mikita memeku'ixiarakaiki.

<sup>46</sup>Merikitsi hutarieka Kanahatsie kaninuani Karereya kwieyaritsie haa kaxie winuyari mayeitiatsie. Xewiti kwiepa ti'aitame miparewiwameyatikai mana kaniuyeikakaitini, nu'aya katinekuyekaitini Kaperunaumetsie. <sup>47</sup>Tiutamarioka kename Ketsutsi Kureya heyeyaka Karereya nuakai, hetsiana kaneyani, kanitawawirieni meukayaniki nu'aya 'aixia reu'eriekame mayeitaniki. Miki kanemiximekaitini. <sup>48</sup>Ketsutsi 'ayumieme mipai katinitahiawe:

—Xika 'iniarite xeka'uxeiya, mamariwaweme, yuri xepikateta'erieni.

<sup>49</sup>Miki ti'aitame parewiwameya mipai katinitahiawe:

—Ti'aitame, mana kenukayuni neniwe mexi 'akuxi kahemiwe.

<sup>50</sup>Ketsutsi mipai katinitahiawe:

—Kenemie, 'aniwe kanayeniereniri.

Hiki miki tewi yuri katiniuta'erieni niukieyatsie Ketsutsi kemititahiawixi. Kaneyani. <sup>51</sup>Mana heukamiekaku te'uximayatametemama mekanenukunake mipai mekatenitahiawe kename nu'aya 'ayenierekairi. <sup>52</sup>Miki kaniuta'iwauni ya'utaiti ke'upaukakaku 'aixia reu'erieti matia. Miki mipai mekatenitahiawe:

—Takai tau 'etsiwa kia heuwiekaku kahiiyati kanayani.

<sup>53</sup>Hiki paapaya katinetimani 'ana miya'upaukakaku Ketsutsi mipai mireitahiawixi: «'Aniwe kanayeniereniri». Hiki miki yuri katiniuta'erieni, meta yunaiti kiena kiekatari.

<sup>54</sup>Ipa'i hutarieka 'iniari katiniuwewieni Ketsutsi Kureya heyeyaka Karereya nuaka.

### Tikwikame Wetetsita mayekatei

**5** <sup>1</sup>Merikitsi 'arike miyatiuyiku huriyutsixi wa'ixiarari kanaye'ani, Ketsutsi Kerutsareme kanetiuyune. <sup>2</sup>Kerutsareme haa mana kaniyemakaitini Muxatsi Wakitenie hehurakaku, hepirayutsixi waniukiki Wetetsita katiniuyetewakaitini haa mayemakai, 'auxiwiti kitenie waritana pawetikatei 'etipiwari hexeyatikaiti. <sup>3</sup>Miki kiteniete 'etipiwariyari hetia mekanayeheteitini yumiireti tekwiwkikate, memikaheuneniere, memihurietika, memimamawawaki, meta'ikwewati haa mikuyuitiarieniki. <sup>4</sup>Heiwa mana kaniuta'axekaitini niuki tuayame, haa kanikuyuitiwakaitini, kemi'ane meri mana meuweni haa kuyuitiarieyu yukuiniya kaniku'itiyariwakaitini tsepa ketitaki mitikuyekai. <sup>5</sup>Merikitsi xewiti tewi mana kanayekateitini xeitewiyari heimana tamamata heimana 'atahaika wiyari mitikuyekai. <sup>6</sup>Ketsutsi 'ixeyaka mana 'ukaikame, heitimaika miixa miyuriekaiki, mipai katinitahiawe:

—¿Peti'awairiya 'aixia pereu'erieti pemayaniki?

<sup>7</sup>Tikwikame mipai katinita'eiya:

—Neuxei Ti'aitame, netsiparewiwame nepikahexeyia hapa minetsiheukahianiki kepauka haa mukuyuitiarienitsie, mana ne'ukamiekaku xewiti meri mana kaneuwautseni.

<sup>8</sup>Ketsutsi mipai katinitahiawe:

—Kenanukukexi, 'a'itari kenanukukwe'i, kenekuyeikani.

<sup>9</sup>Yapauka tewi 'aixia reu'erieti kanayani, hiki yu'itari kananukukweni, kuyeikati kanayani.

Merikitsi 'ana tukaritsie 'uxi piya tukari kanihikitikaitini. <sup>10</sup>Ayumieme huriyutsixi mipai mekatenitahiawe 'aixia reu'erieti mayeitiarie:

—Hiki 'uxi piya tukari kanihikitini, heitserie pepikahexeiya 'a'itari pemanukukweniki.

<sup>11</sup>Miki mipai katiniwaruta'eiya:

—Kemi'ane 'aixia nereu'eriekame minetsi'ayeitia, miki mipai kanetinetahiawe: “'A'itari kenanukukwe'i, kenekuyeikani”.

<sup>12</sup>Miki mipai mekatenita'iwawiya:

—¿Kepaiki pihiki miki tewi miya mimetiutahiawixi: “'A'itari kenanukukwe'i, kenekuyeikani”?

<sup>13</sup>'Aixia reu'erieti mayeitiarie 'atsipikatimaikai kemi'ane mihikitikai, Ketsutsi metiaki yumiireti mana me'u'uwakaku watsata.

<sup>14</sup>Hiki 'arikeke Ketsutsi kanitaxeiya tuki kuraruyarita, mipai katinitahiawe:

—Kami, 'aixia pereu'erieti pekanayaniri. Tawariri 'axapepikareyurieneni kapa waikawa pe'u'itarieniki matsi.

<sup>15</sup>Tewi kaneyani, mipai katiniwarutahiawe huriyutsixi kename Ketsutsi hikitikai kemi'ane 'aixia reu'eriekame meyeitia.

<sup>16</sup>Ayumieme huriyutsixi mekaniweiyakaitini Ketsutsi mipai mitiyurienekaiki 'uxi piya tukaritsie. <sup>17</sup>Peru Ketsutsi mipai katiniwakihawekaitini:

—Ne'ukiyari hiki miyakatini'uximayaka, neta 'ayumieme yanekatini'uximayaka.

<sup>18</sup>Ayumieme matsi kwinimieme mekanikuwautiwekaitini huriyutsixi me'imienike, 'uxi piya tukari 'iniariyari mititsanakaiki xeikia hawaiki, matsitsi 'akuxi Kakaiyari mixatakaiki yu'ukiyaritime, Kakaiyari hepai 'aneti 'ayuyeitiwati.

### Kakaiyari Nu'aya heitserie kemirexeiya

<sup>19</sup>Hiki 'ayumieme Ketsutsi heitseriemeki mipai katiniwarutahiawe:

—Yuriki mipai nekanaineni, nu'aya 'atsimitiuyurieni pikayiwe yikimana, kemitixeiya yu'ukiyari yatiyurieneme xeikia piyiwe. Tita 'ukiyarieya mitiyurienne, mipaita katiniyurieneni nu'aya. <sup>20</sup>Ne'ukiyari yuniwe pinaki'erie. Naime katinixeyatsitiani kemitiyurienne miki. 'Iki kemitiyurienne 'etsiwa mariwemeki xeikia, matsi yemeki kanixeyatsitiamiki waikawa mamariwawemeki, xemihixiyaniki xeme. <sup>21</sup>Ne'ukiyari mikite mitiwaranuku'uitiwa hepai, tukari mitiwarupitiwa hepai nu'ayata mipai tukari pitiwakupitiwa kemi'ane miki miwareupitiamiki. <sup>22</sup>Miki meta, ne'ukiyari xeime heitserie pikapitiani 'itsikame hepai, matsi heitserie kanipitiani yuniwe 'itsikame hepai naime 'aixia mitiyurieniki, <sup>23</sup>yunaiti 'aixia memitehahiaweniki nu'aya, yaxekia 'aixia kememitehahiawe hepai 'ukiyarieya yuniwe meyen'i'a. Kemi'ane nu'aya 'aixia mikarahiawe, miki 'ukiyarieyata 'aixia pikarahiawe meyen'i'a.

<sup>24</sup>»Yuriki mipai nekanaineni, kemi'ane neniuki m'enie, yuri ti'eririeti 'iya minetsihyen'i'a, miki tukari mikaxiwe kanexeyani. 'Itsikame hixie pikatakewiyaniri, matsi kaniuyupatari, kemitimikikai, 'ayenieretiri



pita kanayani. <sup>25</sup>Yuriki mipai nekanaineni, tukari kanaye'amiki, hiki kanaye'aniri, kepauka mikite memi'enieni Kakaiyari Nu'aya 'utaniukame. Miki memi'enanani mekanayenenierkakuni. <sup>26</sup>Ne'ukiyari yikimana tukari kemirexeiya, mipai yaxeikia katinipitiani yuniwe tukari mexeianiki yikimana. <sup>27</sup>Heitserie kanipitianita 'itsikame hepai 'aixia mitiyurieniki Yuri Tewi mihikiki.

<sup>28</sup>»Xepikahixiyaka 'ikiki, tukari kanaye'amiki kepauka yunaiti memukateukie memi'enieni 'iya 'utaniukame, <sup>29</sup>meta mepiwatikine. Miki 'aixia memiteyuriekai mekananuku'uikuni tukari memipitarieniki, peru 'axamemiteyuriekaita mete'anuku'uni memanutaxiriyani. <sup>30</sup>Ne nekimana 'atsinepikatiyiwe, kenemiti'ena, mipai heitserie nepitiyuriene 'itsikame hepai neyianeti, kemitiheitserieki nepiwayuriene nemika'ikuwauneki tita minetinake ne, tita mitinake 'iya minetsiheyeni'a pita nemikuwauneki.

### Kememite'ihekiata Kiritsitu

<sup>31</sup>»Ne xika nehapaitsita netihekiatanike, yuriki nepikatihekiatanikeyu. <sup>32</sup>Xewiti 'akaniuyeikani mitihekiata nehapaitsita, nekatini maika miki yuri mitihekiataki nehapaitsita kemitihekiata.

<sup>33</sup>»Xeme Wani hetsia xekaniwareni'ani memita'iwawiyaki, miki tita yuri miraine hepapaitsita katiniutahekiata. <sup>34</sup>Ne matsi nepika'itanaki'eri tita teiteri memitehekiata nehapaitsita, perutsi 'ipai nekaniutaineni xemitawikweitsitarieniki xeme. <sup>35</sup>Wani kixeme kanihikitikaitini tati hekiariwieti. Xeme xekaniyuwairiyakaitini xemiyutemamawiekaki miki yatixehekiariwiyakaku yapaimexia.

<sup>36</sup>»Ne matsi waikawa nekatinihekiati Wani 'etsiwa xeikia tihekiatakaku. Tita nemitiyuriene, ne'ukiyari keminetiupitia nemeye'atianiki, 'iki 'uximayatsika kenemitiyuriene, 'iki nehapaitsita katinihekiati kename ne'ukiyari netsiheyeni'a. <sup>37</sup>Mikirita ne'ukiyari minetsiheyeni'a, mikititi nehapaitsita katinihekiati. Xeme hatsuaku xepika'ieniewawe 'utaniukame, meta xepika'ixeyawawe kemitiyuxexeya. <sup>38</sup>Niukieya xepikahexeya yuhetsie yuri xemikate'l'erierieki kemi'ane miki meyen'atsie. <sup>39</sup>Xeme 'utiarikatsie xepitekuwautiwe xeyukweriwayurieti, mipai xemiteku'eriwaki kename mikiki tukari mikaxiwe xehexeyati xe'akine. Mikititi kanihikitini tita nehapaitsita mitihekiata. <sup>40</sup>Peru xepikayuwairiya nehapa xemakineki tukari xemexeianiki.

<sup>41</sup>»Tita teiteri memitexata witsimenetexeyati, miki nepikanaki'erie. <sup>42</sup>Matsi nepixehetima xeme, Kakaiyari heitseriekameki xemikanaki'erieki. <sup>43</sup>Ne nekaninuani ne'ukiyari hetsia nemiemetiti. Xemeri xepikanetsi'utanaki'eri. Xika xewiti pita nuani yuhetsia mieme tikuxatati, miki xekanitanaki'erikuni. <sup>44</sup>»Kexeteyiwawe yuri xemiteta'erieniki xika xe'itanaki'erieni tita xemitexata witsixeteyuxeyati, xikarita xekatekuwautiweni 'iya muyuxewi Kakaiyarititi witsimitixexeyaniki xeme?

<sup>45</sup>»Mipai xepikateku'eriwani kename nexetaxaneta ne'ukiyari hixie. Xewiti 'akaniuyeikani mixexaneta. Muiťsexi kanihikitini, kemi'ane hetsie yuri xemite'erie. <sup>46</sup>Xikatsi yuri xete'eriekake Muiťsexi hetsie, nehetsieta yuri

xepite'eriekake, miki nehapaitsita miraka'utiaki. <sup>47</sup>Xika miki 'utiarikayatsie yuri xekate'erieka, ¿keri yuri xeteta'erieni tita nemitikuxatatsie?»

### **Kemitiwarumi 'auxiwime miriyari**

(*Wa 6:1-13 – Mat 14:13-21, Mar 6:32-44, Ruk 9:10-17*)

**6**<sup>1</sup> Merikitsi yapaimexia 'anukayaku Ketsutsi kaneyani, Karereya harakunayaritsie Tiweriya mirakutewatsie 'anutaiye kaneta'ani.

<sup>2</sup> Yumiireti mekanikuweiyatiwekaitini teiteri 'iniarite memixeyakaiki kemitiyurienekai tekwikwikate wahatsie. <sup>3</sup> Hiki Ketsutsi hiritsie kaneutiyune, mana kanetayerini, teyi'ikitiwametemamata hamatiana mekanititekaitini.

<sup>4</sup> Merikitsi huriyutsixi wa'ixiarari Patsikwa mititewa kanahurakaitini.

<sup>5</sup> Hiki kepauka Ketsutsi munierixi, meta yumiireme muwaruxei hepana me'ahume, mipai Peripe katiniutahiawe:

—¿Hakewa tepeinanaiyu paa 'iki memitekwaniki?

<sup>6</sup> Mipai kaniutayini 'iniataneti, miki tsieti katinimaikaitiniri kemitiyurienekakai.

<sup>7</sup> Hiki Peripe mipai katinita'eiya:

—Paa huta tsienituyari 'iniariyaritsie 'ati pikatinake wahatsiemieme yuxexuiti 'etsiwa xeikia memita'ixianiki.

<sup>8</sup> Xewiti teyi'ikitiwametemama 'Atirexi mititewakai Tsimuni Pekuru 'iwaya mipai katinitahiawe:

<sup>9</sup> —'Ena puyeika xewiti temaiki tsewara payari 'auxiwime hexeyati meta tsapari yuhutame. ¿Perutsi 'iki tixaiti pikatihiki yumiiireme wahatsiemieme?

<sup>10</sup> Hiki Ketsutsi mipai kaniutayini:

—Xekeniwaranukayatsa teiteri.

Mana waikawa kanaku'ixayakaitini. Hiki 'ukitsi mekananukayaxe 'auxiwime miriyari meyupaimeti 'etsiwatikaku. <sup>11</sup> Hiki Ketsutsi kanenu'ini paa, pamipariyutsi 'ipitiaka Kakaiyari katiniwarumini mana memititekai. Yaxeikiata tsapari kaniwarumini kememitewareukwaikukai.

<sup>12</sup> Hiki me'utihuxaku mipai katiniwarutahiawe teyi'ikitiwamete:

—Xekeneukuxeiri tarimeyari muyuhayewaxi kapa reuyeweniki.

<sup>13</sup> Ayumieme mekanikuxeirieni, tamamata heimana huta tsikiiwitiyari mekanitihiniya tarimeyari tekwa'amete memiku'eiri 'auxiwime tsewara payaritsie mieme.

<sup>14</sup> Merikitsi teiteri me'ixeyaka 'iniariki kemitiuyuri mipai mekanitiyuanekaitini: «Kaniyuritini 'iki kanihikitini Kakaiyari niukameya kwiepa 'umamiekai». <sup>15</sup> Hiki retimaika Ketsutsi kename me'axianiekakai me'iwiyake tiwa'aitiwame memayeitianiki, tawarita yuxaita mana hiritsie kaneutiyune.

### **Ketsutsi kemitiuyeikakai harakunatsie**

(*Wa 6:16-21 – Mat 14:22-33, Mar 6:47-51*)

<sup>16</sup> Merikitsi kepauka tau makayunixi teyi'ikitiwamete mana mekanikanexiani harakuna mayema paiti. <sup>17</sup> Kanuwatsie mekayaxeka harakunatsie me'uhukaku 'anutaiye mekanikineke Kaperunaume paiti

meye'axianike. Hiki kaniukuyirekaitiniri Ketsutsi 'akuxi wahetsia pikanuawekai. <sup>18</sup>Karima mu'ekakaiki harakunatsie hamewari waikawa kanixuawekaitini. <sup>19</sup>Hiki yateewa 'auxiwi yatini 'ataxewi kirumeturuyari me'uhuti kanuwa me'uwekirimeti mekanixeyia Ketsutsi harakunatsie 'umiekame kanuwatsie 'aye'aximeme, hiki mekanitumamani. <sup>20</sup>Peru miki mipai katiniwarutahiawe: «Ne nepiyane. Xepikamamaka». <sup>21</sup>Hiki mekanipitiani kanuwatsie mikayeriniki. Yapauka kanuwa kaneutaneni kwiepa hakewa memeukineikai.

### Teiteri kememite'ikuwautiwekai Ketsutsi

<sup>22</sup>Merikitsi 'uxa'arieka teiteri harakuna 'anutaiye memiti'ukai mekanuneniere mana mukateiki xewiti kanuwa xeikia. Mepunenierixi Ketsutsi mika'akayeriwekai miki kanuwatsie teyi'ikitiwamete wahamatia, matsi teyi'ikitiwamete yuxaitame memekinekaiki. <sup>23</sup>Hipatita kanuwate mekaneyekine Tiweriya. Mana 'ahurawa mekanu'axiani hakewa paa memetikwaitsie Ti'aitame pamipariyutsi 'ipitiaku Kakaiyari. <sup>24</sup>Me'uneniereka teiteri Ketsutsi mana mika'uyeikakaiki, meta teyi'ikitiwametemama mana memika'u'uwakaiki, mikitari kanuwatetsie mekayaxeka mekanekine Kaperunaume paiti Ketsutsi mekuwautiweti.

### Ketsutsi paa tukari tiyupitiwame pihiki

<sup>25</sup>Harakuna 'anutaiye meheitaxeyiaka mipai mekatenitahiawe:

—Ti'ikitame, ¿kepauka pepunua 'uwapaiti?

<sup>26</sup>Ketsutsi mipai katiniwaruta'eiya:

—Yuriki mipai nekanaineni, xepikanetsikuwautiwe 'iniarite xemuxeiki. Paa xemetikwaiki xemetihuxaiki pita xepinetsikuwautiwe. <sup>27</sup>Xepikate'uximayaka 'ikwai mitipiniwe xema'iwaki xeikia. Xeketene'uximayaka pita xeme'iwaki 'ikwai 'amititeriwe tukari mikaxiwe mixepitiatsie Yuri Tewi mitixemini. 'Ukiyarieya Kakaiyarititi miki kaniu'iniaritiani.

<sup>28</sup>Ayumieme mipai mekatenita'iwawiya:

—¿Keri teteyurieka Kakaiyari 'uximayatsikayatsie temite'uximayakaki?

<sup>29</sup>Ketsutsi mipai katiniwaruta'eiya:

—'Iki kanihikitini Kakaiyari 'uximayatsikaya: yuri xemite'eriekaki miki meiyeni'atsie.

<sup>30</sup>Miki mipai mekatenitahiawe:

—Merikite, tita 'iniari petiyuriene, temixeyiaki, yuri temimeteta'eririeniki. Kepemitiu'uximayata. <sup>31</sup>Tame tatutsima manana payari mekanikwakaitini makumawetsie, kemire'uxa: “Hatsi muyuawitsie mieme kaniwarumini”.

<sup>32</sup>Hiki Ketsutsi mipai katiniwarutahiawe:

—Yuriki mipai nekanaineni, Muitsexi pikahikitikai kemi'ane mixe'umi miki paa taheima mieme. Ne'ukiyari pita katinixemikwani tita yuriki paa mitihiki taheima mieme. <sup>33</sup>Kemi'ane taheima makaneika, tukari miwamikwa kwiepa memitama, mikititi paa kanihikitini Kakaiyari hetsia mieme.

<sup>34</sup>Miki mipai mekatenitawawirieni:

—Ti'aitame, 'aheyemeki yaketatineumikwani miki paa.

<sup>35</sup> Ketsutsi mipai katiniwarutahiawe:

—Ne nekanihikitini paa tukari tiyupitiwame. Kemi'ane nehetsia miye'ani pikaheuhakamikini meta kemi'ane nehetsie yuri miti'erie hawaiki pikaheuharimikini hatsuaku. <sup>36</sup> Matsi yanepitixekihawekai, xepinetsixeyia peru yuri xepikate'erie. <sup>37</sup> Naime ne'ukiyari minetipitia nehetsia piye'ani. Kemi'ane nehetsia miye'ani, takwa nepika'enuehiani. <sup>38</sup> Ne taheima nepika'akane tita minetinake yanemityurieneniki, matsi tita mitinake 'iya minetsihenyi'a pita yanemityurieneniki. <sup>39</sup> 'Ipa katininakeni 'iya minetsihenyi'a, naime minetiupitia nixeme nemikaheuehianiki, matsi nemenukuketianiki tukari 'aye'ayu kepauka mitapare. <sup>40</sup> 'Ipairita katininakeni ne'ukiyari, yunaiti memixeyia nu'aya, yuri memite'erie hetsiena, tukari mikaxiwe memexeyaniki. Ne nepiwaranuku'uitiani tukari 'aye'ayu kepauka mitapare.

<sup>41</sup> Hiki huriyutsixi mekaniniukixiekaitini hepaitsitana mipai mutayiki: «Ne paa nekanihikitini taheima makane». <sup>42</sup> Mipai mekanitiyuanekaitini: «¿'Iki Ketsutsi katihiki Kutse nu'aya? Tame paapaya meta maamaya tepiwamate. ¿Ketiti putaine: “Ne taheima nepakane”?»

<sup>43</sup> Ketsutsi mipai katiniwaruta'eiya:

—Xepikaniukixieka yutsata. <sup>44</sup> Xewiti pikayawe nehetsia miye'ani, xika ne'ukiyari minetsihenyi'a 'enayexeyia xeikia piyiwe. Ne tukari 'aye'ayu kepauka mitapare nekanenukuketiamiki. <sup>45</sup> Kakaiyari niukametema waxapatsie mipai katine'uka: “Kakaiyari katiniwa'ikitiaka yunaime”. Yunaiti memi'enana ne'ukiyari kemaine, memiteyi'ikitia, miki nehetsia mekaniye'axiakuni. <sup>46</sup> Perutsi xewiti pika'ixeyawe ne'ukiyari. Kemi'ane Kakaiyari hetsia miemetiti 'amuyeika, miki xeikia kanixeyaweni ne'ukiyari. <sup>47</sup> Yuriki mipai nekanineni, kemi'ane nehetsie yuri miti'erie, tukari mikaxiwe kanexeyani. <sup>48</sup> Ne paa tukari tiyupitiwame nekanihikitini. <sup>49</sup> Xetutsima manana payari mekanikwakaitini makumawetsie, peru miki mekanikwini. <sup>50</sup> Peru 'iki kanihikitini paa mayeniere taheima makane tewi mitikwaniki mikaminiki. <sup>51</sup> Ne nekanihikitini paa mayeniere taheima makane. Xika tewi 'iki paa 'utikwani, yuheyemeki payeniereni. 'Iki paa nemiyetواني ne, newaiyari kanihikitini, kwiepa memitama watukari mihikitiniki.

<sup>52</sup> Hiki huriyutsixi mekaniyuxamurietiwekaitini yameteyikihaweti: «¿Ketiye'we 'iki yuwaiyari mitatsiminiki temitikwaniki?»

<sup>53</sup> Ketsutsi 'ayumieme mipai katiniwarutahiawe:

—Yuriki mipai nekanineni, xika xeka'itikwani Yuri Tewi waiyarieya, xika xuriyaya xeka'anu'ieni, tukari yuhetsie xepikahexeyia. <sup>54</sup> Kemi'ane newaiyari mikwa'a nexuriya mi'ie, tukari mikaxiwe kanexeyani. Tukari 'aye'ayu kepauka mitapare, nekanenukuketiamiki. <sup>55</sup> Ne newaiyari yuriki kani'ikwaitini, nexuriya yuriki kananu'iwani. <sup>56</sup> Kemi'ane newaiyari mikwa'a nexuriya mi'ie, miki nehetsie tiwiyati kaniyuhayewamiki, neta hetsiena netiwiyati netinehayewa. <sup>57</sup> Ne'ukiyari mayeniere kwiepa keminereniyeni'a hepai, ne kenemirayeniere ne'ukiyariki, mipairita yaxexikia kemi'ane minetsikwa'a, mikita kanayenierekamiki nekimana. <sup>58</sup> 'Iki kanihikitini paa

taheima makane. Xetutsima manana me'utikwaka memukwi, mipai pika'ane. Kemi'ane 'iki paa mikwa'a yuheyemeki kanayenierekamiki.

<sup>59</sup>Mipai kaniutayini Kaperunaumetsie ti'ikitati tukita.

### Niuki tukari mikaxiwe hepaitsita

<sup>60</sup>Hiki 'ayumieme teyi'ikitiwametemama yumiireti me'u'enanaka mipai mekaniutiyuani: «Tki niuki kanikwaniweni. Kepaiki piyiwe mi'enieniki».

<sup>61</sup>Ketsutsi yu'iyaritsie retimaika meminiukixiekaiki teyi'ikitiwametemama 'iki hepaitsita, mipai katiniwarutahiawe:

—¿'Ikiki xetetiketamirike? <sup>62</sup>¿Ketiiywetsi xika xe'ixeiyanike Yuri Tewi mana 'utimiekame hakewa meripaiti mekateitsie? <sup>63</sup>'Yari kanihikitini tukari tiyupitiwame, waiyari 'atsipikatiuyuriwe. Tita nemitixekuxaxatiwa ne, miki kani'iyaritini kanitukaritini. <sup>64</sup>Peru hipati xeme yuri xepikate'erie.

Ketsutsi matiari paiti kaniwamaikaitini kehate miki yuri memikate'eriekai, meta katimaikaitini kemi'ane miyetuanikekai.

<sup>65</sup>'Ayumieme tawarita mipai kaniutayini:

—'Ayumieme nepitixekihawe, xewiti mikaxiwe nehetsia miye'ani xika ne'ukiyari mipai katipitiaka.

<sup>66</sup>Mikiki yumiireti teyi'ikitiwametemama yukutama mekanitakine, hamatiana mepika'u'uwakairi. <sup>67</sup>'Ayumieme Ketsutsi mipai katiniwarutahiawe tamamata heimana memiyuhuta:

—¿Xemerita xeteyuwairiya xemiyehu?

<sup>68</sup>Tsimuni Pekuru mipai katinita'eiya yuku'imawati:

—Ti'aitame, ¿kepaiki rahetsia tepiteyehu? 'Ekitsi tukari mikaxiwe niukiyari pekanexeyani. <sup>69</sup>Tameri yuri tekateniuta'erieni, tekamenetimani 'eki Mipatsie pekanihikitini Kakaiyari hetsia mieme.

<sup>70</sup>Ketsutsi mipai katiniwaruta'eiya:

—Xeme nekanixe'anayexei tamamata heimana yuhutame. Perutsi xewiti xeme kauyumarie hepai kani'aneni.

<sup>71</sup>Miki Kura Tsimuni nu'aya 'Itsikariutitanaka kanixatakaitini, miki kaniyetuanikekaitini tamamata heimana memuyuhuta miwanikai.

### Ketsutsi 'iwamama yuri kememikate'eriekai hetsiena 'akuxi

**7**<sup>1</sup>Merikitsi 'arikeke Ketsutsi Karereya kaniyueikakaitini. Pikayuwairiyakai Kureya muyeikani huriyutsixi memikuwautiwekaiki me'imienike. <sup>2</sup>Hiki huriyutsixi wa'ixiarari kanahurakaitini kepauka xamaru memutiwewiwatsie. <sup>3</sup>'Iwamama 'ayumieme mipai mekatenitahiawe:

—'Uwa peyeyame Kureya kenemie, 'ahetsia miemete teyi'ikitiwamete memixeyaki kepemitiyuriene. <sup>4</sup>Xewiti tewi kemi'ane mitikuwaine yunaima wahiripa muyuhekiataki 'awie yapikatiyuriene. Xika mipai petiyuriene, pematsiikime kene'ayeitia kwiepa memitama wahixie.

<sup>5</sup>Peru yuriki 'iwamama yuri mepikate'eriekai hetsiena. <sup>6</sup>'Ayumieme Ketsutsi mipai katiniwarutahiawe:

—Ne netukari pika'aye'awe 'akuxi, xeme xehetsiemieme tsepa ke'aneme tukaritsie 'aixia pi'ane. <sup>7</sup>Kwiepa memitama mepikaxiwe

memixe'uxiwe'erieka, nepita mekaneni'uxiwe'erieka wahepaitsita nemitihekiataki, tita kememiteyurie 'axapi'ane nemutaineki. <sup>8</sup>Xemeri xekene'ixiarayu. Ne 'akuxi nepika'ixiaramie 'ikitsie, netukari mika'aye'aweki 'akuxi.

<sup>9</sup>Mipai tiwarutahiaweke Karereya kaniyuhayewa. <sup>10</sup>Hiki 'iwamama meheu'ixiarayukaku mikita kaneyani 'arikeke, 'awie xeikia kayuhekiatati. <sup>11</sup>Hiki huriyutsixi mekanikuwautiwekaitini 'ixiararipa mipai me'utiyuati: «¿Hakewari peyeika 'iya?»

<sup>12</sup>Teiteri waikawa mepitekuxatakai hepaitsitana, 'awie xeikia. Hipatita mipai mekaniutyuanekaitini: «Matsi 'aixia pitiuka'iyari». Hipatita mete'utiyuanekai: «Tixaitsieti, piwareuyexiriwa matsi teiteri». <sup>13</sup>Matsi xewiti teiteri wahiripa pikatikuxatakai hepaitsitana yunaiti memiwamakaxekai ki huriyutsixi.

### Ketsutsi kemitiuyuri 'ixiararipa kepauka xamaru memutiwewiwa

<sup>14</sup>Hiki 'ixiarari hixiapariekake Ketsutsi tukipa kaneutiyune, mana katini'ikitakaitini. <sup>15</sup>Huriyutsixi mehixiyati mipai mekaniutyuanekaitini: «Keri 'utiarika 'iki retimaika putaine. Pikatiyuti'ikitawe».

<sup>16</sup>Ketsutsi 'ayumieme mipai katinivarutahiawe:

—Tita nemiti'ikita nehetsia pikamieme. Kemi'ane minetsiheyeni'a hetsia pita kanimiemetini. <sup>17</sup>Xika tewi yuwairiyani yamitikamieniki tita mitinake Kakaiyari, katinimaikamiki tita nemiti'ikita hepaitsita, xika Kakaiyari hetsia miemetini, yanutsutini nekimana ne'utaineni xeikia. <sup>18</sup>Kemi'ane yikimana mutaine katinikuwauneni witsimitikihiawariwaniki. Kemi'ane mitikuwauneni witsimitikihiawariwaniki pita 'iya meiyeni'a, miki yuri paine, tita mikatiheitserie pumawe hetsiena. <sup>19</sup>¿Tami Mui sexi katixe'upitia 'iniari niukiyari xemeixeyaniki? Perutsi nixewiti xeme yapikatikamie 'iniari niukiyaritsie. ¿Kamitsi titayari xenetekuwautiwe xenetsimienike?

<sup>20</sup>Teiteri mipai mekatenita'eiya:

—Kakaiyari 'axami'ane kameninika. ¿Kepaiki metsikuwaune metsimienike?

<sup>21</sup>Ketsutsi mipai katinivaruta'eiya:

—Ne 'uxipiya tukaritsie heiwa xeikia tixaiti nepitiuyuri, peru yunaiti xekanihixiyaka. <sup>22</sup>'Ayumieme meta Mui sexi kanixe'upitiani xitekiya 'iniariyari. Mui sexi hetsia pikamieme, tatutsima wahetsia pita kanimiemetini, peru 'uxipiya tukaritsie xeime 'uki nunutsi xepi'iniaritia. <sup>23</sup>Xika 'uki 'uxitekieni 'uxipiya tukaritsie Mui sexi hetsia mieme 'iniari niukiyari maye'atiarieniki, ¿ketitayari xeneteheka ne naima 'aixia reu'eriekame nemayeitiaki xeime tewi 'uxipiya tukaritsie? <sup>24</sup>Kemitiyuxexeyaki xeikia niuki xepikawewieka, kemitiheitserieki pita niuki xekenewewieka.

### ¿Iki Kiritsitu katihiki?

<sup>25</sup>Hiki Kerutsaremetari hipati 'ayumieme mipai mekaniutyuanekaitini: «¿Iki katihiki memikuwautiwe me'imienike? <sup>26</sup>Kami yunaima wahiripa katinikuxatani, 'atsimepikatehehiawe. Tahetsia miemete memanuyetei

xiari yuriki 'ikiri Kiritsitu mepi'erie. <sup>27</sup>Perutsi tame tekatenimaika 'iki hakewa memieme. Peru kepauka munuani Kiritsitu, xewiti 'atsipikatimaika hakewa memieme».

<sup>28</sup>Hiki 'ayumieme Ketsutsi mipai katiniuhiwa tuki kuraruyarita ti'ikitati: —Xeme xenetemate 'aku, hakewa nememieme xetemate. Ne nekimana nepikanua. Matsi yuri kanaineni 'iya minetsiheyeni'a. Xeme xepika'imate. <sup>29</sup>Peru ne nekanimaika hetsiana nemimiemeki, minetsiheyeni'aki.

<sup>30</sup>Hiki mekanikuwautiwekaitini me'iwiyake. Xewiti pika'iwi tukarinya mika'aye'awekaiki 'akuxi. <sup>31</sup>Teiteri yumiireti yuri mekatenuita'erieni hetsiana, mipai mekanutiyanekaitini: «Kepauka munuani Kiritsitu, ¿kamitsi matsi waikawa tiyurieni 'iniarite, 'e'iwati 'iki kemitiyuriene?»

<sup>32</sup>Hiki paritseutsixi teiteri mekaniwa'eniekaitini hepaitisana waikawa metekuxatame. Mawari wewiwamete tewa'aitiwamete meta paritseutsixi mekaniwaretani'ani tukita tehiwemete memiwiyaki.

<sup>33</sup>Hiki Ketsutsi mipai kaniutayini: —Yapai mexia 'akuxi xehamatia nekaniuyeikamiki. 'Arikeke 'iya minetsiheyeni hetsia nepiyemie. <sup>34</sup>Xepinetsikuwautiweni peru xepikanetsitaxeiya. Miki meta, hakewa nemeyeikani xepikayiwawe xemeta'axiani.

<sup>35</sup>Huriyutsixi mipai mekatenyikihawekaitini: —Ketiyune 'iki temika'itaxeiyaki. Kiriyekutsixi watsata memeutayeixia wahetsia katiyemie, kiriyekutsixi tiwaret'i'ikitianike. <sup>36</sup>¿Kehepaititiri 'iki paine miya mutaine “xepinetsikuwautiweni, xepikanetsitaxeiya”, “hakewa nemeyeikani xepikayiwawe xemeta'axiani”, maine?»

### Ketsutsi 'ixiararipa 'imatirieka tukaritsie

<sup>37</sup>Hiki patsiekameki memuyukuxexeiriwa tukariyaritsie 'ixiarari heutiparirimekaku, Ketsutsi mana 'utakeka, kanahiwakaitini mipai 'utaiti:

—Xika tewi heuharimikini, nehetsia kenuani, ke'anuhareni. <sup>38</sup>Kemi'ane nehetsie yuri miti'erie, 'utiarika manuyine hepai, hatia hepai 'aneneti kaniuhanekamiki taitana haa muhanetsie mieme hepai 'aneneti.

<sup>39</sup>Mipai kaniutayini 'Iyari xatati memitanaki'erienikekai miki yuri memiteta'erienikekai hetsiana. Miki 'Iyari mepikatanaki'eriwawekai 'akuxi Ketsutsi 'akuxi witsi'aneti mika'ayeitiariewekaiki.

### Teiteri hixiata kememite'uyutsanaxi

<sup>40</sup>Hiki teiteri hipati 'iki niukite me'u'enieka mipai mekanutiyanekaitini: «Yuriki 'iki Kakaiyari niukameya kanihikitini». <sup>41</sup>Hipatita mete'utiyanekai: «'Iki Kiritsitu kanihikitini». Hipatita mete'utiyanekai: «Matsi Kiritsitu Karereya kiekame pika'ayani. <sup>42</sup>Tami 'utiarika mipai karanuyine, Kiritsitu Rawiri pixiiyarieyatini, kiekaritsie Rawiri manukateitsie pitinuiwa Werenitsie». <sup>43</sup>'Ayumieme teiteri hixiata mekaniyutsana Ketsutsi hetsiemieme. <sup>44</sup>Hipatita miki mekaniwiyakukaitini, perutsi xewiti pika'iwi.

**Tewi hatsuaku pikatikuxataakai 'iki mitikuxata hepai**

<sup>45</sup>Hiki tukita tehiwemete mekaniu'axiani mawari wewiwamete tew'aaitiwamete wahetsia meta paritseutsixi wahetsia. Mikiri mipai mekateniwaruta'iwawiya:

—¿Titayari xekate'i'atia?

<sup>46</sup>Tukita tehiwemete mipai mekateniwaruta'eiya:

—Tewi xewiti hatsuaku mipai pikarekuxatani 'iki tewi mitikuxata hepai.

<sup>47</sup>Hiki paritseutsixi mipai mekateniwaruta'eiya:

—¿Kari xemeta xepuyexiriya? <sup>48</sup>¿Kamitsi kuwexinaruritsixi meta paritseutsixi miki hetsie xewiti yuri tiuta'eri? <sup>49</sup>Hawaiki. Peru 'iki teiteri 'iniari niukiyari memikamate 'axamepitekihiawariwa.

<sup>50</sup>Hiki 'iya meripaiti Ketsutsi hetsia munua yiwikita Nikuremu mipai katiniwarutahiawe miki wahetsia mimiemetikaiki:

<sup>51</sup>—Ta'iniari niukiyariki tepika'enutahiani tewi xika meri teka'eni enieni kemutaine, xika teka'imaika kemitiyuriene.

<sup>52</sup>Miki mipai mekatenita'eiya:

—¿Kamitsi 'ekitari petikarereyanaka? Ketinekuwawa, yapekatinetimaimiki Karereyatsie nixewiti mika'ayeneweki Kakaiyari niukameya.

<sup>53</sup>Hiki yuxexuiti yukie mekaneutayeixiani.

**'Uka muwiyarie xeime kinaya hamatia meyukumaiwakaku**

**8** <sup>1</sup>Hiki Ketsutsi yemuritsie kaneyani Huriwa Mati'u mirakutewatsie. <sup>2</sup>Ximerita tawari tukipa kaninuani. Yunaiti teiteri hetsiana mekani'axekaitini, mana 'ayerika katiniwa'ikitiakaitini. <sup>3</sup>Hiki 'iniariki te'ikitamete meta paritseutsixi mekani'atiirieni 'ukaratsi muwiyarie xeime kinaya hamatia meyukumaiwakaku, hixiapa me'itakeka <sup>4</sup>mipai mekatenitahiawe:

—Ti'ikitame, 'iki 'ukaratsi kaniuwiyarieni xeime kinaya hamatia meyukumaiwati. <sup>5</sup>'Iniari niukiyaritsie Muitsexi mipai katatinu'aitiani tetexiki temiwatituaxaniki miki 'ukarawetsixi miya memiyia. ¿Kamitsi kepetayini 'eki?

<sup>6</sup>Mipai mekaniutiyuani me'l'iniatatiwetiti memitaxanetaki. Peru Ketsutsi 'anakatutsireka, kwiepa katiniuta'utiani yu'itiwameki. <sup>7</sup>Miki 'ameteheutewiti me'iku'iwawiyati, Ketsutsi kananukukeni, mipai katiniwarutahiawe:

—Kemi'ane xeme 'axamikatiyuriwe, miki meri pitatuaxa teteki.

<sup>8</sup>Tawari 'anakatutsireka, kwiepa katiniuta'utiani. <sup>9</sup>Hiki miki memu'enana, wa'yari warutate'akaku, mekaneutayeixiani yuxexuiti me'ayekikati, 'ukirawetsixi meri. Ketsutsi yuxaitame kaniuuyahayewa, 'ukaratsi hixiapa muwekai kaniuuyahayewata hamatiana. <sup>10</sup>Hiki 'anukukeka Ketsutsi, 'ukaratsi mipai katiniuta'iwawiya:

—Neuxei, 'ukaratsi, ¿hakewari miki metsixanetamete? ¿Xewiti 'ahetsie karahia?

<sup>11</sup>Miki mipai kaniutayini:

—Ti'aitame, hawaiki.

Ketsutsi mipaita katinitahiawe:

—Neta 'ahetsie nepikatiuhiani. Kenemie, tawari 'axapepikareyuri enieni.



### Ketsutsi kwiepa memitama wahekiariwame mihiki

<sup>12</sup>Merikitsi Ketsutsi tawari teiteri katiniwarutixatiani mipai 'utaiti:  
—Ne kwiepa memitama wahekiariwame nekanihikitini.

Kemi'ane minetsi'anuweiya yiwipa pika'uyeikani, matsi hekiariya kanexeyakamiki tukaritime.

<sup>13</sup>Paritseutsixi 'ayumieme mipai mekatenitahiawe:

—'Eki 'ahepaitsita xeikia pekatinihekiatani. Tita pemitihekiata pikayuri.

<sup>14</sup>Ketsutsi mipai katiniwaruta'eiya:

—Tsepatsi nehapaitsita nemitihekiata, tita nemitihekiata puyuri nemitimateki hakewa nemeyetia meta hakewa nemeyemie. Peru xeme 'atsixepikatamate hakewa nemeyetia meta hakewa nemeyemie. <sup>15</sup>Xeme teiteri wahapai xepiteyu'iniata. Nepita tewi nepika'iniata. <sup>16</sup>Matsitsi xika ne'ita'iniatake, nepihekiatianikeyu tita yuriki miti'iniari nehexeyati, nexaita nemika'uyeikaki, 'iya minetsiheyeni'a nehamatia muyeikaki.

<sup>17</sup>Miki meta, xe'iniari niukiyaritsie mipai katine'uxani: Yuhutati teiteri tita memitetahekiata puyuri. <sup>18</sup>Merikite, ne nekanihikitini kemi'ane nehapaitsita nemitihekiata, ne'ukiyari minetsiheyeni'a nehapaitsita katinihekiatanita.

<sup>19</sup>Miki mipai mekatenitahiawe:

—¿Hakewari 'a'ukiyari?

Ketsutsi mipai katiniwaruta'eiya:

—Xeme xepikanetsimate, ne'ukiyari meta xepikamate. Xika xenetsimatenike, ne'ukiyarita xepimatenikeyu.

<sup>20</sup>'Iki niukiki katinikuxatakaitini Ketsutsi tumini makamanariwatsie tuki kuraruyarita ti'ikitati. Xewiti pika'iwi tukarieya mika'aye'awekaiki 'akuxi.

### Kenemireumie xepikayiwawe xemeta'axiani

<sup>21</sup>Hiki tawari mipai katiniwarutahiawe:

—Netsi nepiyemie, xeme xepinetsikuwautiweni, tita 'axaxemiteyurietsie xetewiyati xekanikwikuni. Hakewa ne nemeyemie xeme xepikayiwawe mana xemiyehuki.

<sup>22</sup>Huriyutsixi 'ayumieme mipai mekatenikuxatakaitini: «¿Yikimana katiyumieni?, mipai mutayiki: “Hakewa ne nemeyemie xeme xepikayiwawe mana xemiyehuki”».

<sup>23</sup>Ketsutsi mipai katiniwarutahiawe:

—Xeme 'ena xepimietete. Nepita taheima nekanimietetini. Xeme 'ena kwiepa xepimietete. Ne 'ena kwiepa nepikamieme. <sup>24</sup>'Ayumieme yanepitixe'utahiawixi xemikwiniki tita 'axaxemiteyurietsie xetewiyati. Xika yuri xekate'uta'erieni kename ne nehiki, xekanikwikuni tita 'axaxemiteyurietsie xetewiyati.

<sup>25</sup>Miki mipai mekatenita'iwawiya:

—¿'Eki kemi'ane pepiyiane?

Ketsutsi mipai katiniwaruta'eiya:

—Yemeki nepihiki tita tsutiapai nemitixekuxaxatiwa. <sup>26</sup>Waikawa nekatineyeyani xehapaitsita nemitikuxataniki, xehetsie nemitihapaniki.

'Iya minetsiheyeni'a matsi yuri kanaineni. Tita nemitiu'eni 'iya yahainekaku, miki nepitiwataxatiani kwiepa memitama.

<sup>27</sup>Miki 'atsimepikatehetima yu'ukiyari miwakuxaxatiwakaiki. <sup>28</sup>Hiki Ketsutsi 'ayumieme mipai kaniutayini:

—Kepauka xemenutihana Yuri Tewi, 'anari xepitehetimani ne nemihikiki, nekimana 'atsinemikatiyurieneki. Ne'ukiyari minetiu'ikitia hepai, mipai xeikia nepitikuxata. <sup>29</sup>Miki meta, 'iya minetsiheyeni'a nehamatia kaniuyeikani. Pikanetsi'uku'eiri nexaitame, neheyemeki yanemitiyurieneki tita mitinake.

<sup>30</sup>'Ipa'i tikuxatakaku yumiireti yuri mekateniuta'erieni hetsiena.

### 'Apirahami xiiyarimama

<sup>31</sup>Ketsutsi 'ayumieme mipai katiniwarutahiawe miki yuri memite'ita'eriri huriyutsixi:

—Xeme neniukitsie xetewiyati xika xeyuhayewa, yuriki nehetsia miemete teyi'ikitiwamete xekanakinikuni. <sup>32</sup>Tita yuri miraine xekanetimaikuni. Miki yuri maine kanixetixinamiki.

<sup>33</sup>Miki mipai mekateni'ta'eiya:

—Tame 'Apirahami tekanixiiyarimamatini. Xeimetsie mieme wairiyarika tepikate'uti'uximayataxi hatsuaku. ¿Kehepaititi pehaine, xexixiniti xepakine pemaine?

<sup>34</sup>Ketsutsi mipai katiniwaruta'eiya:

—Yuriki mipai nekanaineni, yunaiti 'axamemiteyurie wairiyarika mekateni'uximayaka tita 'axamiti'anetsie mieme. <sup>35</sup>Merikite, wairiyarika miti'uximaya yuheyemeki 'apika'uka kiekame hepai. Kiekame nu'aya pita 'apuka yuheyemeki. <sup>36</sup>'Ayumieme xika nu'aya xe'utixina, xeme yuriki xexixiniti xekanakinikuni. <sup>37</sup>Ne nepitimate 'Apirahami xemixiiyarimama. Peru xekanenikuwautiweni xenetsimienike neniuki yuhetsie xemikapitiaki. <sup>38</sup>Tita nemitiuxei ne'ukiyari hetsia yanepitikuxata. Xemetsiari tita xemite'u'eni yu'ukiyari hetsia yaxepitekahu.

<sup>39</sup>Miki mipai mekateni'ta'eiya:

—Tame ta'ukiyari 'Apirahami kanihikitini.

Ketsutsi mipai katiniwarutahiawe:

—'Apirahami xika xexiiyarimamatini, 'Apirahami kemitiyurienekai mipai xepiteyuriekakeyu. <sup>40</sup>Matsi hiki xepinetsikuwautiwe xenetsimienike. Ne tewititi tita yuri miraine nemixekuxaxatiwa kenemitiu'enaxi Kakaiyari hetsia. 'Apirahami mipai pikatiuyuri. <sup>41</sup>Xeme xepaapa kemitiyuriene mipai xekateniyurieka.

Miki mipai mekateni'tahiawe:

—Tame tamaama kemi'ane mikakinayatikai, miki pikatapaapa. Xeime ta'ukiyari xeikia tekanexeyani Kakaiyaritime.

### Kauyumarie hetsia miemete

<sup>42</sup>Ketsutsi mipai katiniwarutahiawe:

—Xika Kakaiyari xe'ukiyaritinike, ne xekaneninaki'eriekakeyu. Ne Kakaiyari hetsia nekaneyeyani nekaninuaniri. Miki meta, nekimana nepikanua. 'Iya pita kaneneyeni'ani. <sup>43</sup>¿Titayari xekateheitimaiwawe tita

nenitixata? Xemikeyuwairiyaki neniuki xemi'enieni. <sup>44</sup>Xeme yu'ukiyari hetsia xekanimiemetetini Kauyumarie hetsia. Xekaniyuwairiyani yaxemiteyuriekaki tita mitiheiw'eerie xe'ukiyari. Miki meripaiti katiniumemiwani. Tita yuri mirainetsie tiwiyati 'apika'uwe, tita yuri miraine mumaweki hetsiena. Kepauka 'itarikaki mitikuxata, yikimana katinikuxatani miti'itawaki, memite'itawa miwa'ukiyariki. <sup>45</sup>Ne pita yuri nemaineki, yuri xepikanete'eririe. <sup>46</sup>¿Kemi'ane xeme nehetsie pirahiani, kename 'axanetiuyuri 'utaiti? Mexika yuri nehaineni, ¿titayari yuri xekanete'eririe? <sup>47</sup>Kemi'ane Kakaiyari hetsia mimieme kani'enani tita Kakaiyari mitikuxata. 'Ayumieme xepikaheu'enana, Kakaiyari hetsia xemikamiemeteki.

### Ketsutsi kemutayi yuhetsiemieme

<sup>48</sup>Huriyutsixi mipai mekatenita'eiya:

—'Aixia tekaniutiyaneni kename 'eki tsamariyanaka pehiki, kename kakaiyari 'axami'ane metsini'i.

<sup>49</sup>Ketsutsi mipai katiniiwaruta'eiya:

—Ne kakaiyari 'axami'ane pikanetsini'i. Matsi ne'ukiyari 'aixia mirahiawariwaniki neputaine, xemetsi pita 'axanemirahiawariwaniki xeputyuane. <sup>50</sup>Ne tixaiti nepikatikuwaune witsinemitikihiawariwaniki. Xewiti pita 'akaniuyeikani mitikuwaune witsinemitikihiawariwaniki, kemi'ane 'itsikame hepai miwa'iniata, miki xeikia kanihikitini. <sup>51</sup>Yuriki mipai nekanaineni, xika tewi neniukitsie yatikamieni, hatsuaku pikamini.

<sup>52</sup>Huriyutsixi mipai mekatenitahiawe:

—Hikirixia tepetehetima kakaiyari 'axami'ane mimetsini'i. Kami 'Apirahami kaniumini, meta Kakaiyari niukametemama mekaniukwini. 'Ekitsi mipai pekanaineni, xika tewi neniukitsie yatikamieni, hatsuaku pikamini.

<sup>53</sup>¿Kamitsi 'eki matsi waikawa petimariwe keyuri tapaapa 'Apirahami? Miki kaniumini, meta Kakaiyari niukametemama mekaniukwini. ¿Ketita 'eki peti'aerie?

<sup>54</sup>Ketsutsi mipai katiniiwaruta'eiya:

—Xika ne witsinehainenike nehapaitsita, tixaiti pikatihikitinikeyu witsinetikihiawariwati. Ne'ukiyari kanihikitini kemi'ane witsimaine nehapaitsita. Xeme yaxemutyuane kename xekakaiyari. <sup>55</sup>Matsi xepikaheitimaiwawe. Netsi pita nekanimaika. Xika nehainenike kename neka'imate, xehepai neti'itawati nepayanikeyu. Peru matsi nekanimaika, niukieyatsie yanepitikamie. <sup>56</sup>Xepaapa 'Apirahami kwinimieme katiniyutemawiekaitini netukari ha'eriwati mixeyaki. 'Ixeiyaka, kaniyukatemawieni.

<sup>57</sup>Huriyutsixi 'ayumieme mipai mekatenitahiawe:

—'Eki huta tewiyari heimana tamamata wiyari 'akuxi pepikahexeyia. ¿Kepetixei 'Apirahami?

<sup>58</sup>Ketsutsi mipai katiniiwarutahiawe:

—Yuriki mipai nekanaineni, 'Apirahami katinuiwawekaku 'akuxi, 'anekaniuyeikani ne.

<sup>59</sup>Hiki 'ayumieme tetexi mekaniutitiki me'ituaxake. Ketsutsi kaniyuti'awieta, tuki kuraruyarita kaniwayeyani watsata 'umieti.

### Ketsutsi kemirenayehia tewi 'akipeti mutinuiwaxi

**9**<sup>1</sup>Hiki mana 'uyemieti tewi kaniuxeiya kaheuniereti mutinuiwaxi.

<sup>2</sup>Teyi'ikitiwametemama mipai mekatenita'iwawiya:

—Ti'ikitame, ꞑkepaiki 'axapitiuyuri, 'iki 'axatiuyuri, paapamama nutsu 'axamepite'uyuri, kaheuniereti mutinuiwaxiki?

<sup>3</sup>Ketsutsi mipai katiniwaruta'eiya:

—'Tki 'axamitiuyuriki pika'ane, meta paapamama 'axamemite'uyuriki pika'ane. Matsi Kakaiyari kemitiyurieni hetsiena mimatsiikireki pita kani'aneni. <sup>4</sup>Kaneuyeweka 'iya minetsihye'ni'a kemiti'uximaya, yanemitiyurieneniki ne 'uhekiakaku 'akuxi. Yiriya 'ukanamieni kepauka xewiti mikayiwe miti'uximayaka. <sup>5</sup>Mexi kwiepa ne'uyeikani, nekanihekiariyatini kwiepa memitama wahetsieme. <sup>6</sup>Mipai 'utayika kaniuta'aitsikawieni kwiepa, haxu 'uhawiyaka yu'airikaki, hixitana haxu kanewiriexiani, <sup>7</sup>mipai katinitahiawe:

—Kenemie, kene'itaimamie haa mayema Tsiruhe mirakutewatsie (taniukiki Mutani'arie mirakutewatsie).

Hiki mana kaneyani, kananaka'itaima, heuniereti 'ayaka, kanakunuani.

<sup>8</sup>Hiki 'aurawatari, mikiri meripaiti memixeyakai rimutsinawieneme, mipai mekaniutiyanekaitini: «ꞑ'Iki katihiki mana mutiyeixakai mitiku'iwawakai?» <sup>9</sup>Hipatita mete'utiyanekai: «Huu, miki pihiki». Hipatita mete'utiyanekai: «Hawaiki, hepaina pitiyuxexeiya xeikia». Peru miki mipai putainekai: «Ne nepihiki».

<sup>10</sup>Hiki mipai mekatenita'iwawiya:

—ꞑKehepai petiunieritarie?

<sup>11</sup>Miki mipai katiniwaruta'eiya:

—Miki tewi Ketsutsi mititewa haxu 'uhawiyaka nehixita kanenawiriexiani, hiki mipai kanetiniutahiawe: “Tsiruhe kenemie kene'itaimamie”. Neheyaka ne'anaka'itaimaka nepanutanierixi.

<sup>12</sup>Miki mipai mekatenita'iwawiya:

—ꞑHakewari miki?

Miki mipai katiniwaruta'eiya:

—'Atsinepikatimate.

### Paritseutsixi kememite'ita'iwawiyaxi mikaheunierikai

<sup>13</sup>Merikitsi paritseutsixi wahetsia mekaneiwitini mikaheunierikai.

<sup>14</sup>Uxipiya tukari kanihikitikaitini kepauka Ketsutsi haxu muhawiyaxi menutanieritia. <sup>15</sup>'Ayumieme tawari paritseutsixi mekanita'iwawiya kehepai ranutanieritariiekai, miki mipai katiniwarutahiawe:

—Haxu pinetsi'awiriexia nehixita, nepanaka'itaimaxi, hiki nepeuniere.

<sup>16</sup>Paritseutsixi hipati 'ayumieme mipai mekaniutiyanekaitini: «Xiari 'iya tewi Kakaiyari hetsia pikamieme, 'uxipiya 'iniariyaritsie yamikatikamieki».

Hipatita mete'utiyuanekai: «¿Kehepai tiyiwe tewi 'axatiyurieneti 'iniari 'ipai 'aneneme miwewieneniki?». Hixiata mepuyutsanaxi.

<sup>17</sup>Ayumieme tawari mikaheunierikai mipai mekateniuta'iwawiya:

—¿Kepe'utaine 'eki miki hepaitsita mimatsi'anutanieritia?

Miki mipai katiniwaruta'eiya:

—Kakaiyari niukameya kanihikitini.

<sup>18</sup>Peru huriyutsixi yuri mepikate'eriekai kename kaheuniereti 'anutanieritariiekai, hikiri meunierekaiki, 'arিকেke yuri mepite'uta'eri manutanierixi paapamama mewarutahiawekake, <sup>19</sup>mipai mekateniwaruta'iwawiya:

—¿'Iki tixeniwe, xeme hepaitsitana mipai xemutiyuane kename kaheuniereti 'utinuiwaxi? ¿Keyianeti hiki peuniere?

<sup>20</sup>Paapamama mipai mekateniwaruta'eiya:

—Tame tepitemate 'iki taniwe pihiki kaheuniereti mutinuiwaxi. <sup>21</sup>Matsi hiki keyianeti meuniere 'atsitepikatemate, kepaiki menutanieritia 'atsitepikatemate. Miki xekeneuta'iwawiya, 'ekaniyumaikari, yikimana kaniyutaxatamiki.

<sup>22</sup>Paapamama mipai mekaniutiyuanekaitini huriyutsixi memiwamakarikaiki. Huriyutsixi meyu'enieka mipai mekateniyikihawekaitini, kename xika xewiti yutahekiatake Kiritsitsie tiwiyati, tukita kapitarieniekai. <sup>23</sup>Ayumieme paapamama mekaniutiyuani: «'Ekaniyumaikari, xekeneuta'iwawiya miki».

<sup>24</sup>Hiki hutarieka mekanitahiawe tewi mikaheunierikai, mipai mekatenitahiawe:

—'Aixia keneutayiki Kakaiyari hepaitsita. Tame tepitemate miki tewi 'axakatiniyuruwametini.

<sup>25</sup>Miki mipai katiniwaruta'eiya:

—'Atsinepikatimate xika 'axatiyurieneni. 'Iki xeikia ne nekatinimaika. Nepikaheunierikai, hikirixia nepeuniere.

<sup>26</sup>Hiki mipai mekatenitahiawe:

—¿Kemetsi'uyuri, kemetiunieritia?

<sup>27</sup>Mipai katiniwaruta'eiya:

—Meripaitiri yanepitixe'utahiawixi, xepikanetsihanu'eni. ¿Ke'akuxi tawari xete'enaku? ¿Xemeta teyi'ikitiwametemama xete'akiniku?

<sup>28</sup>Hiki miki 'axamepite'itahiawixi mipai mete'ikihaweti:

—'Ekitsi hetsiana mieme tiyi'ikitiwame pepihiki. Tame pita Muitsexi hetsia miemete teyi'ikitiwamete tepihiki. <sup>29</sup>Tame tekatenimaika Kakaiyari Muitsexi mutahiawixiki. Matsi 'iki hepaitsita 'atsitepikatemate hakewa memieme.

<sup>30</sup>Tewi mipai katiniwaruta'eiya:

—Kami, 'iki pimariwe. Xeme 'atsixepikatemate hakewa memieme, peru pinetsi'anutanieritia ne. <sup>31</sup>Tepitemate Kakaiyari mikawa'enie 'axamemiteyurie. Matsi xika tewi Kakaiyari 'ayexeyani, xika yatikamieni tita mitinake Kakaiyari, miki kani'eniekamiki. <sup>32</sup>Tsutia paiti meta hikike pikahaxaxatsiwa kename xewiti tewi 'anutanieritia kemi'ane kaheuniereti mutinuiwaxi. <sup>33</sup>Xika 'iki Kakaiyari hetsia kamiemetinike, pikayiwanikeyu 'atsimitiyurieni.

<sup>34</sup>Miki mete'ita'ei:

—'Eki 'axapetiyurieneti pemutinuwiwaxi yemeki. ¿'Ekita tame petatita'ikitiani? Hiki takwa mekanenuyehiani.

### 'Iyariki memikaheuneniere

<sup>35</sup>Merikitsi kaniu'ena Ketsutsi kename takwa mehenuyehiakai. 'Itaxeiyaka mipai katinita'iwawiya:

—'Eki yuri peti'erie kemi'ane Yuri Tewi mihikitsie.

<sup>36</sup>Miki mipai katinita'eiya:

—Ti'aitame, ¿kemi'ane pihiki yuri nemitita'erieniki hetsiena?

<sup>37</sup>Ketsutsi mipai katinitahiawe:

—Pepixeiri, kemi'ane 'ahamatia mitikuxata, miki kanihikitini.

<sup>38</sup>Miki mipai kaniutayini:

—Yuri nepiti'erie, Ti'aitame 'aku.

Hiki 'ukatunumakeka nenewieri kanipitiani.

<sup>39</sup>Hiki Ketsutsi mipai kaniutayini:

—Ne nekaninuani 'ena kwiepa nemiwapataki, memikaheuneniere memanutaneniereniki, memeuneniere mekaheuneniereti memakineki.

<sup>40</sup>Merikitsi paritsetsixi hipati hamatiana memuwakai mekanu'enanani. Mipai mekatinitahiawe:

—¿Tamerita tekateheuneniere?

<sup>41</sup>Ketsutsi mipai katiniwaruta'eiya:

—Xika xekaheunenierenike, mikiki xehetsie pikarahiiwanikeyu. Matsi hiki mipai xeputiyuane kename xeheuneniere. 'Ayumieme' apuwe xehetsie kemirahiiwa.

### Muxatsi wakuraru hepaitsita

**10**<sup>1</sup>»Yuriki mipai nekanaineni, kemi'ane kitenie mikaheutahani muxatsi wakuraruta, huteiki pita meutimake, miki tinawayame kanihikitini katininawamiki. <sup>2</sup>Kemi'ane kitenie meutahani, muxatsi kaniwahiwemetini. <sup>3</sup>Kitenie tihiweme katineiyepiriwani. Muxatsi niukieya mekani'enieka, yuxexuime piwarahiawe yumuxatsi kememitetetewa, kaniwaranuyewitini wakuraruta. <sup>4</sup>Kepauka yumuxatsima yunaimi miwaranuyewitini, miki 'anuyekaiti kaniumieni. Muxatsi 'utimana mekaniweiyani niukieyatsie memimateki. <sup>5</sup>Peru kuyeikame mepika'anukuweiya, mekaniyuta'unakuni pita ku'uwamete waniukitsie memikawamateki».

<sup>6</sup>Ketsutsi 'iki 'ikitsika xatati mipai katiniwakuxaxatiwakaitini, miki 'atsimepikatehetima tita mitihikitikai mitiwakuxaxatiwakai.

<sup>7</sup>'Ayumieme tawarita mipai kaniutayini Ketsutsi: «Yuriki mipai nekanaineni, ne muxatsi nekaniwakitenietini. <sup>8</sup>Yunaiti memu'axia nekanuawekaku 'akuxi ne, tenawayamete mekanihikitini, mekaniwanawatiweni. Peru muxatsi mepikawaru'eni.

<sup>9</sup>Ne nekanikitenietini, nekimana xika tewi heutahani, kanitawikweitsitariemiki. Kaneutahamiki kaniwayeyeikamiki,

makutsiiraiye kanetamariekaxiamiki. <sup>10</sup>Tinawayame wanawamiti wakwimiti wata'unamiti xeikia kani'axeni. Ne pita nekaninuani tukari memexeianiki, 'anayuhayewame memexeianiki.

<sup>11</sup>»Ne muxatsi wahiweme 'aixia nemituuka'iyari nekanihikitini. Muxatsi wahiweme 'aixia mituuka'iyari yutukari kaniyetuani muxatsi wahetsiememe. <sup>12</sup>Ti'iwame, kemi'ane muxatsi mikawahiweme, muxatsi mikawakutsiyari, miki kepauka 'irawe mixeiya 'a'amiekame, miki muxatsi kaniwaruku'e'eiwani kaniyuta'unani. 'Irawe kaniwatiwiyamiki kaniwataxiexiamiki. <sup>13</sup>Miki miti'iwameki xeikia muxatsi waheki pikayu'iyaritia, puyuta'una.

<sup>14</sup>»Ne muxatsi wahiweme 'aixia nemituuka'iyari nekanihikitini, nemuxatsima nepiwamate, mikita menetemate, <sup>15</sup>yaxeikia ne'ukiyari minetimate hepai, neta ne'ukiyari kenemitimate hepai. Netukari nekaniyetuani muxatsi wahetsiememe. <sup>16</sup>Hipameta muxatsi nepiwarexeiya 'iki xeikuraruyarita memikamietete. Kaneuyeweka mikita nemiwa'atianiki. Neniuki mekani'eniekuni, xeikuraruyari mehexeiyati mekanakinikuni meta muxatsi wahiweme xeime xeikia mehexeiyati. <sup>17</sup>Ayumieme ne'ukiyari kaneninaki'erieka netukari nemiyetuaki tawari nemitanaki'erieniki. <sup>18</sup>Xewiti pikanetsinawairieni, nekimana pita nekaniyetuamiki. Heitserie nekanexeyani nemiyetuaniki, heitserie nerexeyata tawari nemitanaki'erieniki. 'Ipai ne'ukiyari kanetiniu'aitiani».

<sup>19</sup>Merikitsi tawari hixiata mekaniyutsana huriyutsixi 'iki niukieyaki. <sup>20</sup>Yumiireti miki mipai mekaniyutanekaitini: «Kari kakaiyari 'axami'ane kaninika, pikayumate. ¿Titayari xete'l'enie?» <sup>21</sup>Hipatita mete'utiyanekai: «'Iki niukieya, kakaiyari 'axami'ane mini'i kapiniukieya. ¿Kakaiyari 'axami'ane ketiyiwe miwaranutanieritiani memikaheuneniere?»

### Huriyutsixi kememite'ixani'eri Ketsutsi

<sup>22</sup>Merikitsi 'ana 'ixiarari kanaye'ani kepauka tuki mu'itiyatsie Kerutsareme. 'Ana kaniuhaitikaitini, <sup>23</sup>Ketsutsi tuki kuraruyarita kaniyeyekakaitini Tsarumuni kiiya hetsie meukuwewiyakai hetia. <sup>24</sup>Hiki huriyutsixi 'auriena mekaniyukuxerieni, mipai mekatenitahiawe:

—¿Kepaimexia pepitatsi'iyarimitsitiaka? 'Eki xika Kiritsitu pehikitini, heitseriemeki ketatineutaxatia.

<sup>25</sup>Ketsutsi mipai katiniiwaruta'eiya:

—Yanepitixe'utahiawixiri, yuri xepikate'erie. 'Iki tita nemitiyuriene ne'ukiyari hetsia nemiemetiti, miki nehapaitsita katinihematikani. <sup>26</sup>Matsi xeme yuri xepikate'erie, nemuxatsi wahetsie xemikamieteteki. <sup>27</sup>Nemuxatsi mepinetsi'enie, neta nepiwamate, mekaneniuweiyani. <sup>28</sup>Tukari mikaxiwe nekaniwapitiaka. Hatsuakuri mepikata'unarieni. Xewiti pikawatiwiya netsinawairienike nemamatsie. <sup>29</sup>Ne'ukiyari miki minetsiyetuiri, miki yemeki kanitirikaiyeni, hipati yunaiti mekatirikawikaku. Xewiti pikayiwe miwatiwiya 'inawairienike ne'ukiyari mamayatsie. <sup>30</sup>Ne ne'ukiyari hamatia tekanitaxewini.

<sup>31</sup>Hiki huriyutsixi tawari tetexi mekaniyutitiki me'ituaxake. <sup>32</sup>Ketsutsi mipai katiniiwarutahiawe:

—Kami waikawa nepixe'uxeitsitia 'uximayatsika 'aixia mi'anene ne'ukiyari hetsia mimieme. ¿Ke'aneme 'uximayatsikaki xepinetsituaxa?

<sup>33</sup>Huriyutsixi mipai mekatenita'eiya:

—'Uximayatsika 'aixia mi'anekei tepikamatsituaxa, 'axapemutaineki pita tepimatsituaxa. 'Eki tewi pehikititi Kakaiyari peme'ayeitiwaki.

<sup>34</sup>Ketsutsi mipai katiniwaruta'eiya:

—Tami mipai kare'uxa xe'iniari niukiyaritsie: “Ne mipai nepitixekihawe: Xeme xepimamariwawe”. <sup>35</sup>Xikari memimamariwawe tiwaruteriwa miki wahetsia munua Kakaiyari niukieya, miki 'utiarika xika kayiwani mayeyetiarieniki, <sup>36</sup>'iya ne'ukiyari mipataxi yuhetsiememe, meta kwiepa meiyeni'a, xeme hepaitsitana mieme xeputyuane kename 'axa'utaine mipai nemutayiki: “Kakaiyari nu'aya nekanihikitini”. <sup>37</sup>Xika yanekatiyuriene ne'ukiyari kemitiyuriene, yuri xepikanete'erierika. <sup>38</sup>Peru xika yanetiuriene, tsepa yuri xemikanete'erierie, tita nemitiyuriensie pita yuri xeketene'erierika mipai xemitehetimaniki kename ne'ukiyari nehetsie tiwiya, neta ne'ukiyari hetsie netiwiya.

<sup>39</sup>Hiki tawari mekanikuwautiwekaitini me'iwiwake, miki kaneyani meka'iwiyawekaku.

<sup>40</sup>Merikitsi Ketsutsi kaneyani tawari Kurutani 'anutaiye hakewa Wani meripaiti mire'yanekai, mana kaniyuhayewa. <sup>41</sup>Yumiireti hetsiana mekania'axekaitini, mipai mekanutyuanekaitini: «Wani 'iniari pika'uwewi, peru naime kemitikuxatakai Wani 'iki tewi hepaitsita, yuri kanainekaitini».

<sup>42</sup>Mana yumiireti yuri mekateniuta'erieni hetsiana.

### Ratsaru kemitiumi

**11** <sup>1</sup>Merikitsi tewi katinekuyekaitini Ratsaru titewati, Wetaniya mekatei, Mariya kiekariena meta Marita mi'iwayatikai. <sup>2</sup>Mariya kanihikitikaitini kemi'ane Ti'aitame witsimu'ia mukawiri, ketateya mukawatsiixaxi yikipaki. 'Iwaya Ratsaru katinekuyekaitini. <sup>3</sup>Hiki 'iwamama 'ukari niuki Ketsutsi mekaneni'airieni mipai me'utiyuati: «Ti'aitame neuxei, 'iya kemi'ane peminaki'erie katinikuyeni».

<sup>4</sup>Ketsutsi 'u'enaka mipai kaniutayini: «'Iki kwiniya miminiki pika'ayumieme, matsi Kakaiyari witsi'aneti mayetiarieniki pihiki, Kakaiyari Nu'aya witsi'aneti mayetiarieniki miki kwiniyaki».

<sup>5</sup>Ketsutsi kaniwanaki'eriekaitini Marita, 'iwayata Mariya meta Ratsaru. <sup>6</sup>Miyatiti kepauka mu'enaxi kename Ratsaru rekuyekai, mana kaniyuhayewa huta tukari 'akuxi hakewa meyeikakai. <sup>7</sup>Arikeke mipai katiniwarutahiawe tey'i'ikitiwamete:

—Kimi tawari Kureya tepuhu.

<sup>8</sup>Teyi'ikitiwamete mipai mekatenitahiawe:

—Ti'ikitame, xike huriyutsixi mepimetsikuwautiwekai memetsituaxake. ¿Tawari petimie mana?

<sup>9</sup>Ketsutsi mipai katiniwaruta'eiya:

—¿Tami tamamata heimana huta hurayari karexeiya xeutukari? Xika hekiaripa 'uyeikani tewi, pikati'ikamire, 'ena kwiepa mieme hekiariya mixeyiyaki. <sup>10</sup>Xika yiwipa 'uyeikani pitiketamire hekiariya mimaweki hetsiana.



<sup>11</sup> Mipai 'utayika, tawarita mipai katiniwarutahiawe:

—Teminaki'erie Ratsaru kanekutsuni, peru ne nepimie nemenutahitianiki.

<sup>12</sup> Teyi'ikitiwamete mipai mekatenitahiawe:

—Ti'aitame, xika hekutsuni 'aixia reka'erietiyani.

<sup>13</sup> Ketsutsi mipai putayi Ratsaru memikaikiri, peru miki kuti pe'uxipie haineme mepi'eriekai. <sup>14</sup> Hiki 'ayumieme Ketsutsi mipai katiniwarutahiawe heitseriemeki:

—Ratsaru kanemikini, <sup>15</sup> mana nemikaheyeikakaiki ne'iyari 'aixia puyi xehetsiemieme, yuri xemiteta'erieniki. Peru matsi tepuhu hetsiana.

<sup>16</sup> Hiki Tumaxi Kwate mititewakai mipai katiniwarutahiawe hipame teyi'ikitiwamete:

—Hikimitika tepuhu tameta, hamatiana temekwiniki.

### Ketsutsi kemitiiwarunitia Ratsaru 'iwamama

<sup>17</sup> Merikitsi Ketsutsi henuaka mipai katiniuarieni kename Ratsaru nauka tukari yuriekairi teukiyapa yekaiti. <sup>18</sup> Wetaniya Kerutsareme kanehurakaitini, haika kirumeturuyari xeikia petewakai. <sup>19</sup> Huriyutsixi yumiireti mekanu'axiani Marita, Mariya wahetsia memiwanitiani wa'iwa hepaitisa. <sup>20</sup> Hiki Marita kepauka mitiutamari kename Ketsutsi nuaximekai, kaneikunake, peru Mariya kiita kaniyuhayewa.

<sup>21</sup> Hiki Marita Ketsutsi mipai katiniutahiawe:

—Ti'aitame, xika 'ena pe'uyeikanike, ne'iwa pikaminikekai. <sup>22</sup> Peru hiki mipai nepitimate naime kepemititawawirieni Kakaiyari pimetiipitiani.

<sup>23</sup> Ketsutsi mipai katinitahiawe:

—'A'iwa kananukukemiki.

<sup>24</sup> Marita mipai katinita'eiya:

—Ne nepitimate manukukeni tukari 'aye'ayu kepauka mitapare, kepauka memanuku'unitsie.

<sup>25</sup> Ketsutsi mipai katinitahiawe:

—Ne nekanihikitini wa'uitiwame, tukari netihikita. Kemi'ane nehetsie yuri miti'erie, tsepa mimiki, kanayenierekamiki. <sup>26</sup> Yunaiti memayeneniere, nehetsie yuri memite'erie, hatsuakuri mepikakwini. ¿'Ipa yuri peti'erie 'eki?

<sup>27</sup> Mipai katinitahiawe:

—Huu, Ti'aitame. Ne yuri nekatini'erieka 'eki Kiritsitu pepihiki, 'eki Kakaiyari Nu'aya kwiepa 'umamiekai pepihiki.

<sup>28</sup> Mipai 'utayika kaneyani, yihikiate me'ayetekaku kanitahiawe yu'iwa Mariya, mipai katinitahiawe 'awie:

—Ti'ikitame kaninuani, pimatsitahiawe.

<sup>29</sup> Miki 'u'enaka kwitiwa kananukukeni, hetsiana kaneyani. <sup>30</sup> Ketsutsi kiekaritsie pikanuawekai 'akuxi, mana 'akuxi kaniutiwekaitini Marita menukunakixitsie. <sup>31</sup> Hiki huriyutsixi Mariya hamatia memayetekai kiita, meminitiakai, me'ixeyaka Mariya kwitiwa 'anukukeka metiaki, mekaneiwaiya, teukiyapa petia mana tatsuanike meteku'eriwati.

<sup>32</sup> Hiki Mariya kepauka munua Ketsutsi manutiwekatsie, 'ixeyaka, hetiana kaniititunumakeni mipai tikihaweti:

—Ti'aitame, xika 'ena pe'uyeikanike ne'iwa pikaminikekai.

<sup>33</sup> Ketsutsi kepauka mixei Mariya 'utatsuakame huriyutsixi hamatiana memu'axia me'utitsuaname, yu'iyaritsie kaniyumuinanekaitini, kaniyu'uximatiakaitini.

<sup>34</sup> Mipai kaniutayini:

—¿Hakewa xepeikateukixi?

Mipai mekatenitahiawe:

—Ti'aitame kenaye'a keneuxeiya.

<sup>35</sup> Ketsutsi kaniutatsuani.

<sup>36</sup> Huriyutsixi 'ayumieme mipai mekaniutiyuanekaitini:

—Neuxei ketinaki'eriekai.

<sup>37</sup> Hipati miki mipai mekaniutiyuanekaitini:

—'Iki makipe manutanieritia, ¿katiyiwekaita Ratsaru miminiki mikapitnianikekaiki?

### Ratsaru kemiranukuketiarie

<sup>38</sup> Hiki Ketsutsi tawarita yumuinati yu'iyaritsie teukiyapa kaninuani, miki teri kanihikitikaitini, teteki katineunakaitini kitenie.

<sup>39</sup> Ketsutsi mipai kaniutayini:

—Xekeneuhiwa tete.

Miki 'iwaya Marita mipai katinitahiawe:

—Ti'aitame, xiari pukuri'iarie, nauka tukari panukamie.

<sup>40</sup> Ketsutsi mipai katinitahiawe:

—¿Mipai nekametiutahiawixi, xika yuri peti'erieka pekanixeyamiki kemitimariwe Kakaiyari?

<sup>41</sup> Hiki tete mekaneuhiani. Ketsutsi yuheima heutinierieka mipai kaniutayini:

—Ne'ukiyari, pamipariyutsi nekamanipitiaka peminetsi'u'eniki.

<sup>42</sup> Netsi nepitimaikai 'aheyemeki peminetsi'enie, matsi teiteri ne'aurie memiti'u wahetsiemieme, mipai neputayi, yuri memiteta'erieniki kename penetsiheyeni'a 'eki.

<sup>43</sup> Mipai 'utayika karima kaniutahiwa:

—Ratsaru, kenewayeye'a.

<sup>44</sup> Hiki mimikikai kaniwayeyani 'ixurikiteki 'eimeti ketateyatsie mamateyatsie. Yuhixie tuwaxaki panakihiaikai.

Ketsutsi mipai katiniwarutahiawe:

—Xekeneuxina. Xekeneupitia miyemieki.

### Ketsutsi kememitemienikekai

<sup>45</sup> Hiki huriyutsixi yumiireti Mariya hetsia memu'axia memunenierixi kemituyuri, yuri mekateniuta'erieni hetsiena. <sup>46</sup> Matsi hipati miki paritseutsixi wahetsia mekanekine, mekateniwaretaxatiani kemituyuri Ketsutsi. <sup>47</sup> Ayumieme mawari wewiwamete tewa'aitiwamete paritseutsixi wahamatia mekaniyukuxeirieni meyu'enienike, mipai mekateniyutahiawe: —¿Keteteyurieni? 'Iki tewi waikawa 'iniari katiniyurieneni. <sup>48</sup> Xika te'ipitiaka mipai mitiyurieneni, yunaiti yuri mekatenita'erikuni hetsiena.

'Anari Xumatari mekani'axiakuni, mepitatsinawairieni tuki mipatsie, meta tateiterima mepitatsinawairieni.

<sup>49</sup>Xewiti miki Kaipatsi mititewakai, mawari wewiwamete tiwa'aitiwame mihikitikai miki wiyaritsie, mipai katiniwarutahiawe:

—Xeme 'atsixepikatemate. <sup>50</sup>Mipai xepikatehetimaiwawe matsi 'aixia miyini tahetsiemieme, xewiti tewi miminiki teiteri wahetsiemieme, kapa meheuyeweniki tateiterima.

<sup>51</sup>Mipai pika'utayi yikimana, miki wiyaritsie mawari wewiwamete tiwa'aitiwame mihikitikaiki yakatinikuxatakaitini kename Ketsutsi wateiterima wahetsiemieme minikekai. <sup>52</sup>Miki wateiterima wahetsiemieme xeikia pikaminikekai, matsi piminikekai miwakuxeirieniki Kakaiyari niwemama memeutaxiriexia memiyutaxewireki. <sup>53</sup>Hiki miki tukaritsie mekanitsutiani meyu'enieti memimieniki.

<sup>54</sup>'Ayumieme Ketsutsi teiteri wahixie pika'uyeikakairi huriyutsixi watsata. Xeime kwieyaritsie pita makumawe 'aurie kaneyani, kiekari 'Epiraini mirakutewatsie. Mana kaniyuhayewa tey'i'ikitwamete wahamatia.

<sup>55</sup>Merikitsi huriyutsixi wa'ixiarari Patsikwa mititewa kanahurakaitini. Yumiireti 'etsimiyeyeutsie kiekatari mekanekine Kerutsareme 'ixiarari katsutiariewekaku 'akuxi memiyu'itieniki. <sup>56</sup>Ketsutsi mekanikuwautiwekaitini. Tuki kuraruyarita me'aye'uti mipai mekateniyikihawekaitini: «¿Kexeteku'eriwa, xika miki ha'ixiaramieni?»

<sup>57</sup>Mawari wewiwamete tewa'aitiwamete meta paritseutsixi mipai mekateniuta'aita, xika xewiti tewi retimanike hakewa meyeika, ketiutaxatake memiwiyaiki.

### Wetaniyatsie Mariya witsimu'ia Ketsutsi kemitiukawiri

**12** <sup>1</sup>Hiki 'ataxewi tukari heuyewekaku Patsikwa maye'aniki, Ketsutsi Wetaniya kaninuani hakewa Ratsaru manukatei, Ketsutsi menukuketia mikite watsata. <sup>2</sup>Hiki mana mekaniiwarukuxeirieni hamatiana memitekwaniki. Marita kaniwaparewiewekaitini, hamatiana mematekai, xewiti Ratsaru kanihikitikaitini. <sup>3</sup>Hiki Mariya naaru witsimu'ia hikiamе waikawa miraye'axe kane'ini, meriyu kiruyari hepai paime, Ketsutsi ketateyatsie kanikawirieni. Ketateya kaniukawatsiixa yikipaki. Naitsarie kiita witsikatiniuye'iakaitini naaruki.

<sup>4</sup>Hiki tey'i'ikitwametemama xewiti, Kura 'Itsikariutitanaka, miyetuanikekai, mipai kaniutayini:

<sup>5</sup>—¿Titayariri katiutuyiwa 'iki witsimu'ia haika tsienituyari 'iniariyariki, temiwa'itianiki tixaiti memikatehexeiya?

<sup>6</sup>Mipai kaniutayini tixaiti memikatehexeiya miwara'eriwakaiki pikatixai, matsi mitinawayametikaiki pita mipai kaniutayini. Miki watumini maname mahananiki mihiritiariekaiki, kaniwati'iwekaitini muwa memeikamanakai.

<sup>7</sup>Ketsutsi mipai kaniutayini:

—Keneuhayewa. Miki mipai katiniuyurieni neteukiya tukaritsie mieme maye'aximeki. <sup>8</sup>Yuheyemeki yuhetsia xekaniwarexeiyani tixaiti memikatehexeiya. Matsi ne xepikanetsihexeiya yuheyemeki.

<sup>9</sup>Hiki huriyutsixi yumiiireti mekatenuutamarieni kename muwa Ketsutsi hayekatei, Ketsutsi xeikia mepikahekuxe, Ratsaru mexeyakutita mikite watsata menukuketiaki mekani'axekaitini. <sup>10</sup>Hiki mawari wewiwamete tewa'aitiwamete meyu'enieka 'axeikia mipai mekaniutiuyani kename Ratsaruta memienikekai <sup>11</sup>yumiireti huriyutsixi kimana memekiki, Ketsutsi hetsie yuri memite'uta'eriki.

### **Kemireutaha Kerutsaremetsie**

*(Wa 12:12-15 – Mat 21:4-9, Mar 11:7-10, Ruk 19:35-38)*

<sup>12</sup>Merikitsi 'uxa'arieka yumiiireti teiteri 'ixiaramete mekaniu'enanani kename Ketsutsi 'uhamiekai Kerutsareme. <sup>13</sup>Parapa mamateya me'uhapati mekanekine meheinakiyuka, mipai mete'uhiwati:

—Ketaneutawikweitsitia 'aixia.

—'Aixia ketikihiawariwani kemi'ane Ti'aitame hetsia miemetiti 'umamie hepaitsita.

—'Aixia ketikihiawariwani 'Ixaheritsie Ti'aitame hepaitsita.

<sup>14</sup>Hiki Ketsutsi puxu 'utaxeiyaka hetsiena kananutiyerini, kemire'uxa:

<sup>15</sup> «Pepikaheumaka, neniwe 'uka Tsiyuni,  
neuxei, 'ena kaniumieni meti'aitiwame,  
puxu temaiki hetsie 'anakaiti».

<sup>16</sup>Teyi'ikitwametemama 'iki mepikahetimaiwawekai meripaiti. Kepaukake witsi'aneti mayetiari Ketsutsi, 'anake mekanaye'erieni mipai mire'uxakai hepaitsitana, mipai mireye'atiakaiki.

<sup>17</sup>Miki teiteri hamatiana meme'uwakai kepauka Ratsaru mutahiwixitsie miwayeyaniki teukiyata, kepauka menukuketi mikite watsata, mikita mekanihekiatakaitini. <sup>18</sup>'Ayumieme teiteri mekaneikunake memu'enanaki kename 'iki 'iniari tiuyuri. <sup>19</sup>Hiki paritseutsixi mipai mekateniyikihiawekaitini: «Xepineniere 'atsitepikateyurieni. Kami yunaiti kwiepa memitama 'utimana mekanekine».

### **Kiriyekutsixi Ketsutsi kememitekuwautiwakai**

<sup>20</sup>Merikitsi teiteri memu'axia 'ixiararipa meyutanenewienike, hipati miki mekanikiriyekutsixitikaitini. <sup>21</sup>Miki Peripe hetsia mekaniu'axiani Wetsairatsie Karereya kwieyaritsie mekatei hetsia, mipai mekatenita'iwawiya:

—Neuxei, Ketsutsi tepeuxeyaku.

<sup>22</sup>Peripe kaneyani, 'Atirexi mipai katiniutahiawe, hiki 'Atirexi Peripe hamatia mekanekine, miki Ketsutsi mipai mekateniutahiawe. <sup>23</sup>Ketsutsi mipai katiniwaruta'eiya:

—Tukari kanaye'aniri Yuri Tewi nehikititi witsine'aneti nemayaniki.

<sup>24</sup>Yuriki mipai nekanaineni, xika tiriku 'imiariyari ka'anukateukieni kwiepa 'ukaweka, yuxaita kaniyuhayewa xeikia, mexika 'anukateukieni, waikawa kanititakaimiki. <sup>25</sup>Kemi'ane yutukari minaki'erie kanitatimaiyamiki, matsi

kemi'ane 'ena kwiepa yutukari mi'uxiwe'erie, kanitawikweitsitiamiki, tukari mikaxiwe hexeyati kanayeimiki. <sup>26</sup> Xika tewi neti'uximayatsiriwame 'ayeimikini, kenetsiheweyia. Hakewa nemeyeikani, manarita kaniuyeikamiki neti'uximayatsiriwame. Xika tewi neti'uximayatsiriwame hikitini, ne'ukiyari 'aixia pitixeyani.

<sup>27</sup> »Hikiri ne'yari kaniyumunaneni, çkeri ne'utaineni: «Ne'ukiyari, keneneutawikweitsitia 'iki tukaritsie nerainenikeyu»? Matsi hiki 'ayumieme nekaninuani 'ena kwiepa. <sup>28</sup> Ne'ukiyari, witsipetikihiawariwati kene'ayeitia».

Hiki xewiti kaniutaniuni taheima mipai 'utaiti: «Neri witsinetikihiawariwati nepaneyeitia, tawarita mipai nekatiniyurimiki». <sup>29</sup> Teiteri yumiireti mana memiti'ukai memu'enana mipai mekaniutiyuanekaitini, kename tiranari heyi, hipatita mete'utiyanekai, kename niuki tuayame 'itahiawixi.

<sup>30</sup> Hiki Ketsutsi mipai katiniwaruta'eiya:

—Miki nehetsiemieme pika'utaniu, xehetsiemieme pita putaniu. <sup>31</sup> Hikirixia 'ena kwiepa memitama kaniwatahiawimiki 'itsikame, hikirixia kwiepa memitama mitiwa'aitia takwa kananuyehiiyamikiri. <sup>32</sup> Peru ne xika kwie heima ne'anukuhanieni, yunaime nekaniwarahapamiki nehewa.

<sup>33</sup> Mipai kaniutainekaitini tihekiatati kemitimierienikekai.

<sup>34</sup> Teiteri 'ayumieme mipai mekatenita'eiya:

—Tame 'inari niukiyari tekaniu'enieni kename Kiritsitu yuheyemeki yuhayewa, çketitayari petiutaine kename heuyewetse Yuri Tewi manukuhanieniki pe'utaiti? Çkemi'ane pihiki Yuri Tewi mititewa?

<sup>35</sup> Ketsutsi 'ayumieme mipai katiniwarutahiawe:

—Yapaimexia xeikia hekiariya xetsata kaniuyeikamiki. Mexi hekiariya xehexeyia xekeneu'uwani, yiriya kapa xeha'iwaki. Kemi'ane yiwipa muyeika 'atsipikatimate kemitimie. <sup>36</sup> Mexi hekiariya xehexeyia, yuri xeketene'erieka hekiariyatsie, hekiaripa miemete xemakineki.

Mipai katinikuxatakaitini Ketsutsi, 'arika heyaka kaniyuti'awieta memikaheitaxeyaki.

### Huriyutsixi yuri kememikate'eriekai

<sup>37</sup> Tsepaneti waikawa 'iniarite mitiyurienekai wahixie, yuri mepikate'uta'eri hetsiena. <sup>38</sup> Mipai katinaye'ani Kitsariyaxi Kaka'yari niukameya niukieya mipai mutayiki:

«Ti'aitame, çkemi'ane taniukitsie yuri pitiuta'eri,  
kemi'ane Ti'aitame tirikariyaya puxeyatsitiarie?»

<sup>39</sup> 'Ayumieme mepikayiwawekai yuri memiteta'erieniki, tawarita mipai mutayiki Kitsariyaxi:

<sup>40</sup> «Kaniwarakipiriya wahixita,  
meta wa'yari kaniutse'iriyaya,  
kapa yuhixiki me'uneniereki,  
meta yu'iyariki meheitimaixianiki,  
kapa mete'uhayewayu 'aixia metehu'eriekame newarayeitianiki».

<sup>41</sup> Mipai kaniutayini Kitsariyaxi kepauka mixei witsikemi'aneikai, kepauka hepaitsitana mitikuxatakai.

<sup>42</sup>Peru miyatiti, hipati teiteri wa'ukiyarima yumiireti yuri mekatenuita'erieni hetsiena, paritseutsixi mewamakati mepikayuhekiatakai kapa tukita me'anuyeweyarieniki. <sup>43</sup>Waikawa kaniwanakekaitini teiteri 'aixia memitewakihaweniki, 'etsiwa xeikia wanakekaku Kakaiyari pita 'aixia mitiwakihaweniki.

<sup>44</sup>Hiki Ketsutsi mipai katiniuhiwa:

—Kemi'ane nehetsie yuri miti'erie, nehetsie xeikia yuri pikati'erie, matsi kemi'ane minetsiheyeni'a hetsie yuri katini'erieka. <sup>45</sup>Kemi'ane minetsixeyia, minetsiheyeni'ata kanixeyiani. <sup>46</sup>Ne hekiariya nehikititi kwiepa nekaninuani, yunaiti yuri memite'erie nehetsie yiwipa memikayuhayewaniki.

<sup>47</sup>»Xika tewi kenemitikuxata 'u'enieme, xika yakatikayani, ne nepika'ixaneta, kwiepa memitama newataxanetake nemikanuaki, kwiepa memitama newatawikweitsitanike pita nemunuaki. <sup>48</sup>Kemi'ane minetsixani'erie, neniuki mika'utanaki'eri, kaneixeyaniri kemi'ane mitaxaneta. Miki neniuki kenemutayi, miki kanitaxanetamiki, tukari 'aye'ayu kepauka mitapare. <sup>49</sup>Ne nekimana 'atsinepikatikuxata, matsi minetsiheyeni'a ne'ukiyarititi, kanetiniuta'aitiani kenemutaineni kenemitikuxatani. <sup>50</sup>Ne nekatiniimaika tita miti'aita, tukari mikaxiwe mihikiki. Tita nemitikuxata ne, ne'ukiyari keminetiutahawixi, mipai nekatiniukuxatani».

#### Ketsutsi kemitiwaruhaxina teyi'ikitiwamete waketatetsie

**13**<sup>1</sup>Merikitsi Patsikwa 'ixiarariyari pikatsutiariewekai 'akuxi. Ketsutsi katinimaikaitini tukarieya maye'akaikiri miyupataki 'ena kwiepa miyemieki yu'ukiyari hetsia. Yuhetsia miemete kwiepa memu'uwa kemitiwanaki'eriekai, 'aye'arikameki kaniwanaki'eriekaitini.

<sup>2</sup>Hikitsiari mekatenukwakaitini. Kauyumarie 'ari mipai Kura 'Itsikariutitanaka Tsimuni nu'aya katiniu'iyaritiakaitini Ketsutsi miyetuaniki. <sup>3</sup>Merikitsi Ketsutsi mipai katinimaikaitini 'ukiyarieya naime mitiyetuiri mamayatsie. Kakaiyari hetsia meyetiaki timaiti, meta Kakaiyari hetsia miyemieki timaiti, <sup>4</sup>kananukukeni mexa 'aurie makatei. Herie mieme yu'ixuriki 'anutihinaka watsiixame 'anuhurieka kanayihiani. <sup>5</sup>Haa 'akatuaka pateyutsie, kanitsutiani wahauxinati teyi'ikitiwamete waketatetsie, wakawatsiixati watsiixameki kimana mayihiakaiki.

<sup>6</sup>Hiki Tsimuni Pekuru manukatei kepauka munua, miki mipai katinitahiawe:

—ǂTi'aitame, 'eki neketate petitihaxini?

<sup>7</sup>Ketsutsi mipai katinita'eiya:

—Ne tita nemitiyuriene 'atsipepikatimate hiki, peru 'arিকে pekaneitimaimiki.

<sup>8</sup>Pekuru mipai katinitahiawe:

—Hatsuaku pepikanetsihauxinani neketatetsie.

Ketsutsi mipai tita'e'i:

—Xika nekametsihauxinani, nehetsia mieme pepika'ayani.

<sup>9</sup>Tsimuni Pekuru mipai katinitahiawe:

—Ti'aitame, neketatetsie xeikia pepikanetsihauxinani, matsi nemamatetsieta meta nemu'utsieta.

<sup>10</sup>Ketsutsi mipai katinitahiawe:

—Kemi'ane meku'iwaxi pikaheiyehiwa hauxinarika, yuketatsie xeikia. Matsi naiti kaneu'itiyaka. Xemerita xekani'itiyatikani, peru yunaiti pikatixai.

<sup>11</sup>Mikiri kanimaikaitini kepaiki miyetuanikekai, 'ayumieme yunaiti xemika'itiyatika kaniutayini.

<sup>12</sup>Waketatsie waruhaukika, yu'ixuriki herie mieme 'anakatika, mana 'ayerika, hutarieka mipai katiniwarutahiawe:

—¿Xetemate tita nemituyuri xehetsiemieme? <sup>13</sup>Xeme Ti'ikitame Ti'aitame xepinete'uteriwa. 'Aixia xepaitika ne mihikiki. <sup>14</sup>Merikite, ne Ti'ikitame

Ti'aitame nehikiti xika xeketatsie nexe'uhaxini, kaneuyeweka xemeta yunaiti xemiyutihaxinani yuketatatsie. <sup>15</sup>Xeminetsi'ikeniki 'iniari nekanixe'upitiani xemeta mipai xemiteyuriekaki nemixe'uyuri hepai. <sup>16</sup>Yuriki, mipai nekanaineni, nixewiti wairiyarika ti'uximayatame pikamariwe keyuri kutsiyarieya, meta nixewiti ni'ariekame pikamariwe keyuri meini'a. <sup>17</sup>Xika 'ipai xetemaika, xekaniyutemamawiekakuni xika yaxetekahuni.

### Ketsutsi kemutayi Kura kemitiyuetani

<sup>18</sup>»Yunaima xehepaitsita nepikatikuxata. Ne nepixemate kehate nemixe'anuyexei. Matsi mipai nekatiniuyurieni 'utiarika maye'aniki mipai maine: “Iya ne'ikwai mikwakai yukeputsaki pinetsi'uketsi”.

<sup>19</sup>»Hikiri nekatinxetaxatiamiki yakatiyiwekaku 'akuxi, yuri xemiteta'erieniki kename ne nehiki kepauka mipai mitiyinitsie. <sup>20</sup>Yuriki, yuriki mipai nekanaineni, kemi'ane mitanaki'erieni kemi'ane nemanuni'ani, miki ne kanenitanaki'erimiki, kemi'ane ne minetsi'utanaki'eri, kemi'ane minetsiheyeni'a kaniutanaki'erienita».

<sup>21</sup>Mipai 'utayika Ketsutsi kaniuyukahiwieri ni yu'iyaritsie, katiniutahekiata, mipai kaniutayini:

—Yuriki mipai mekanaineni, xewiti xeme kaneniyetuamiki.

<sup>22</sup>Teyi'ikitawamete mekaniuyuxexeyakaitini me'iyarixieti 'atsimekatemaiti kemi'ane miraxata. <sup>23</sup>Xewiti tiyi'ikitawame Ketsutsi 'aurie kaniukateitini Ketsutsi minaki'eriekai. <sup>24</sup>Tsimuni Pekuru 'ayumieme kanimawiya, mipai katinitahiawe:

—Kepai pepiraxata ketineutahiawi.

<sup>25</sup>Miki Ketsutsi 'aurie 'ukaiti ta'aurie 'aweka mipai katinitahiawe:

—Ti'aitame, ¿kepaiki pihiki?

<sup>26</sup>Ketsutsi mipai katinita'eiya:

—'Iya kanihikiti paa tarimeyari nemi'itiani ne'itihawiyame xakitsie.

Hiki paa 'utihawiyaka kanenuku'ini, Kura 'Itsikariutitanaka Tsimuni nu'aya kaniu'itiani. <sup>27</sup>Miki paa 'anu'iku, 'ana Kauyumarie kaniwiya.

Ketsutsi mipai katinitahiawe:

—Kepemitiyurieni, xeiya yaketineuyuri.

<sup>28</sup>Miki mana mematekai nixewiti 'atsipikatimaikai titayari mirehiawekai. <sup>29</sup>Kura watumini maname mahanakaiki, hipati mipai mekateniku'eriwakaitini Ketsutsi mipai rehiaweme mekani'eriekaitini: Tita temiteuyehiwa 'ixiararipa ketinenanaimie, yatini tumini

miwa'iitianiki tixaiti memikatehexeiyi meteku'eriwati. <sup>30</sup>Kura paa 'anu'ika kaneyani. Kaniiyiwikaitiniri.

### Hekwameki kemitiu'aita

<sup>31</sup>Merikitsi kepauka metia, Ketsutsi mipai kaniutayini:

—Hikirixia Yuri Tewi witsi'aneti kanayeitarieni, Kakaiyarita witsi'aneti kanayeitarieni hetsiena tiwiyati. <sup>32</sup>Xika Kakaiyarita witsi'aneti 'ayeitarieni hetsiena tiwiyati, Kakaiyarita yikimana witsi'aneme kaneyeitiamiki Yuri Tewi, kwitiwa witsi'aneme kaneyeitiamiki.

<sup>33</sup>»Neniwema, yapaimexia xeikia xehamatia nekaniuyeikamiki. Xekanenikuwautiwekuni. Kenemitiwakihawekai huriyutsixi, hakewa nemeyemie xepikayiwawe xemeta'axianiki ne'utaiti, yaxeikiata nekatnixehahiaweni xeme hiki.

<sup>34</sup>»Hekwameki nekatnixe'aitiaka, xekeneyunaki'erieka. Ne kenemitixenaki'eriekai hepai, xekeneyunaki'erieka yunaiti. <sup>35</sup>'Ikiki yunaiti mekatenimaikakuni nehetsia miemete teyi'ikitiwamete xemihikiki, xika xeyunaki'erieka yunaiti».

<sup>36</sup>Tsimuni Pekuru mipai katinitahiawe:

—Ti'aitame, ¿hakewa pepeyemie?

Ketsutsi mipai katinita'eiya:

—Hakewa nemeyemie pepikayiwe peminetsi'anuweiya hiki, 'arikeke pepinetsi'anuweiya.

<sup>37</sup>Pekuru mipai katinitahiawe:

—Ti'aitame, ¿titayari nekatiyiwe nemimatsi'anuweiyaki hiki? Netukari nepiyetuani 'ahetsiemieme.

<sup>38</sup>Ketsutsi mipai katinita'eiya:

—¿'Atukari nehetsiemieme petiyetuani? Yuriki mipai nekanaineni, wakana 'akuxi katahiwawekaku, 'eki haikakia pepi'aku'imawani, kename pekanetsimate pe'utaiti.

### Ketsutsi huye ta'ukiyari hetsia meutiyune kanihikitini

**14** <sup>1</sup>»Yuiyaritsie xepikayumuinani. Kakaiyarita hetsie yuri xeketene'erieka, meta nehetsie yuri xeketene'erieka. <sup>2</sup>Ne'ukiyari kiekariena waikawa kanexuaweni kii, xika mipai kare'anenike, mipai nepikatixekihawenikeyu. Nepiyemie xehetsiemieme 'aixia nemireyurieniki mana. <sup>3</sup>Xika neheyani, xika xehetsiemieme 'aixia nereyurieniki mana, tawarita nekaninuamiki, nehetsia nekanixe'anuwitimiki, hakewa nemeyeikani xemeta mana xeme'uwani. <sup>4</sup>Hakewa nemeyemie xekatenimaikari, huye xetemateta».

<sup>5</sup>Hiki Tumaxi mipai katinitahiawe:

—Ti'aitame, tame 'atsitepikatemate hakewa pemeyemie, ¿ketete'imani huye?

<sup>6</sup>Ketsutsi mipai katinita'eiya:

—Ne nekanihikitini huye, tita yuriki miraine netihikita, tukari netihikita. Xewiti ne'ukiyari hetsia pika'aye'awe yuxaitame, nekimana xeikia paye'awe. <sup>7</sup>Xika xenetsihetimanike, ne'ukiyarita xepimatenikeyu. Hikirixia xekaneitimani xekanixeiya.



<sup>8</sup>Peripe mipai katinitahiawe:

—Ti'aitame, ketaneuxeiyatsitia 'a'ukiyari, mikiki tepinaki'aka.

<sup>9</sup>Ketsutsi mipai katinitahiawe:

—Miixa xehamatia ne'uyeikakaku pekaneretimaiwe 'akuxi, Peripe 'aku. Kemi'ane minetsixeiya, ne'ukiyarita kanixeyiani. ¿Kehepaititi peputaine: “Ketaneuxeiyatsitia 'a'ukiyari” pehaiti? <sup>10</sup>¿Yuri pekatierie kename ne ne'ukiyaritsie netiwiya, ne'ukiyarita nehetsie mitiwiya? Kenemitixekuxaxatiwa, nekimana nepikatikuxata, ne'ukiyari nehetsie mitiwiya, miki yakatiniyuriene. <sup>11</sup>Yuri xekenetene'erierieka ne'ukiyaritsie nemitiwiyaki, ne'ukiyarita nehetsie mitiwiyaki. Mexika mipai yuri xekate'erieka, yanemitiyurieneki pita yuri xeketene'erieka. <sup>12</sup>Yuriki mipai nekanaineni, kemi'ane nehetsie yuri miti'erie yakatiniyuriemiki kenemitiyuriene ne. Kanena'iwamiki yatiyuriene, ne ne'ukiyari hetsia nemiyemeki. <sup>13</sup>Tsepaneti ketita xeminetawawirieni nehetsia xemiemetetiti, ne mipai nekatiniyuriemiki, ne'ukiyari witsi'aneti mayetiarieniki yuniwetsie tiwiyati. <sup>14</sup>Xikari tixaiti xenete'utawawirieni nehetsia xemiemetetiti, ne mipai nekatiniyuriemiki.

### **'Iyari Mitiyupata kemitiwarani'airienikekai**

<sup>15</sup>»Xika xenetsinaki'erieka, yaxeketenekahuni kenemiti'aita. <sup>16</sup>Neta nepitawawirieni ne'ukiyari, miki xeime kanixeyeturiemiki Tiyuparewiwame xehamatia muyeikaniki yuheyemeki. <sup>17</sup>Iyari yuri maine nekanixatani, kwiepa memitama mepikayiwawe memitanaki'erieneni memika'ixeyawaweki memika'imateki. Xemeri xekanimaikatiti, xehetsie kaniyuhayewani, xehetsie katiniwiyani. <sup>18</sup>Ne nepikaxeku'eirieni nepikaxenutuita, xehetsia nekaninuamiki. <sup>19</sup>Yapaimexia 'anukayayu kwiepa memitama tawariri mepikanetsixeiya, xeme pita xepinetsixeiya. Ne nemayeniereki, xemerita xekanayenenierekakuni. <sup>20</sup>Iya tukari 'aye'ayu, mipai xekatenimaikakuni ne ne'ukiyaritsie nemitiwiyaki, xemeta nehetsie xemitewiyaki, neta xehetsie nemitiwiyaki. <sup>21</sup>Kemi'ane tita nemit'i'aita mumate, meta yamitikamie, miki kanihikitini kemi'ane minetsinaki'erie. Kemi'ane minetsinaki'erie, ne'ukiyarita kaninaki'eriekamiki. Neta nepinaki'erieka, nematsiikime nepaneyeitiani hetsiena».

<sup>22</sup>Xewiti Kura (mika'itsikariutitanakatikai) mipai katinitahiawe:

—¿Ti'aitame, titayari pematsiikiti pere'ayeitiani tame tahetsia, kwiepa memitama wahixieta hawaiki?

<sup>23</sup>Ketsutsi mipai katinita'eiya:

—Xika tewi netsinaki'erieka, neniukitsie yakatinikamiemiki, ne'ukiyari miki kaninaki'eriekamikita, hetsiana tekani'axekuni, hetsiana tekanitakikuni.

<sup>24</sup>Kemi'ane mikanetsinaki'erie, neniukitsie yapikatikamie. 'Iki niuki xemi'enie, nehetsia pikamieme. Ne'ukiyari minetsiheye'ni'a hetsia kaniemietini pita.

<sup>25</sup>»Iki nekatini'utaxatiani xehetsia ne'uyeikati. <sup>26</sup>Tiyuparewiwame xehamatia muyeikani, 'Iyari Mitiyupata ne'ukiyari meni'ani nehetsia miemetime, miki tiname katinixeta'ikitiamiki. Katinixehaye'eritiamiki

naime kenemitixekuxaxatiwakai ne. <sup>27</sup>Mipai nepitixe'uhayewi, yu'iyaritsie xemika'uximatiariekaki, nehepai yu'iyaritsie xemika'uximatiariekaki nepixepitia. Kwiepa memitama kememiteyupitiwa mipai nepikatixepitia, xe'iyari pikayumuinaneni, meta pikamamaka.

<sup>28</sup>»Xekaneniu'enieni mipai nexerahiaweme: “Nekaniyemieni, peru xehetsiata nekanayenemiki kenemitixe'utahiawixi”. Xika xenetsinaki'erieka, xekaniyutemamawiekakuni ne'ukiyari hetsia nemiyemieki. Ne'ukiyari yemeki kanimariweni, ne hepaina nekamariwekaku. <sup>29</sup>Hiki yanepitixe'utahiawixi yakatiyiwekaku 'akuxi, yuri xemiteta'erieniki kepauka mipai mitiyinitsie. <sup>30</sup>Hiki xehamatia waikawa nepikatikuxataniri. Kemi'ane mitiwa'aitia kwiepa memitama 'ukanamieni. Tixaaiti pikarexeiya nehetsie timieme, <sup>31</sup>matsi kwiepa memitama memitehetimaniki ne'ukiyari neminaki'erie, ne'ukiyari keminetiu'aitia, mipai nekatiniyurieneni.  
»Xekenanuku'uti, kimi tepiyehuri.

### Ketsutsi tita yuriki mitinanayari mihiki

**15**<sup>1</sup>»Ne nana nekanihikitini, tita yuriki mitinanayari, ne'ukiyari katini'iwiyametini. <sup>2</sup>Yunaiti nana mamateya nehetsie memitewiya xika meka'utixuxuawereni, kaniwaranuyexirimiki. Yunaiti memutixuxuawere, kaniwati'itimiki matsi waikawa memikaxuawereki. <sup>3</sup>Hikiri xeme xekaniu'itiyani neniukiki nemitixekuxaxatiwakaiki. <sup>4</sup>Nehetsie xetewiyati xekeneyuhayewani, neta xehetsie netiwiyati nepuyuhayewa. Mamateya pikayawe yikimana mitixuawere xika nanayaritsie tiwiyati kayuhayewani. Yaxeikia xemerita xepikayiwawe xemitixuawere xika nehetsie xetewiyati xekayuhayewani.

<sup>5</sup>»Ne nanayari nekanihikitini, xeme mamateya xetehiki. Kemi'ane nehetsie tiwiyati miyuhayewa, neta hetsiena netiwiyakaku, miki waikawa kanitixuawerimiki, nehetsie xekatewiyati 'atsixepikateyiwawe xeme. <sup>6</sup>Xika tewi nehetsie tiwiyati kayuhayewa, nana mamayari hepai kananuyehiiyamiki, kanitawamiki. Kuxeiriyame taipa kaneuxiriyamiki, kanitaiyariemiki. <sup>7</sup>Xika nehetsie xetewiyati xeyuhayewa, xikari tita nemitikuxata xehetsie tiwiyati yuhayewa, tita mitixenake xeketeneuta'iwau, mipai katiniyimiki xehetsiemieme. <sup>8</sup>Ne'ukiyari witsi'aneti kanayeitiariwani kepauka waikawa xemutixuxuawere, kepauka nehetsia miemete teyi'ikitiwamete xemakika.

<sup>9</sup>»Ne'ukiyari minetinaki'eriekai hepai, mipaita nekatinxenaki'eriekaitini. Xekeneyuhayewa nehetsie xetewiyati, ne nexenaki'eriekaku. <sup>10</sup>Xika yaxetekahuni kenemiti'aita, xekaniyuhayewakuni nehetsie xetewiyati, nexenaki'eriekaku ne, ne'ukiyari 'aitsikayatsie yanemitikamie hepai, meta naki'eriyaya hetsie netiwiyati. <sup>11</sup>Ipai nekatinxekuxaxatiwakaitini netemawierika xehetsie miyuhayewaniki, xetemawierika maye'atiarineniki. <sup>12</sup>Ipai nekatini'aitani, xekeneyunaki'erieka kenemitixenaki'eriekai ne. <sup>13</sup>Tewi kemikatiyukanaki'erie hepai, waikawa matsi pitiyukanaki'erie yutukari yetuati miki miwanaki'erie wahetsiemieme. <sup>14</sup>Xeme nenaki'erima xekanihikitini xika yaxetekahuni kenemitixe'aitia. <sup>15</sup>Te'uximayatameteri

nepikatixe'uteriwa. Ti'uximayatame 'atsipikatimate kemitiyuriene kutsiyarieya. Ne matsi nenaki'erima nepitixe'uteriwa, naime ketita nemitiu'eni ne'ukiyari hetsia nepitixe'uta'ikitia. <sup>16</sup>Xeme xepikanetsi'anayexei. Nepita nekanixe'anayexeiya. Nepixe'uhiritia xemiye'huki, xemutixuxuawereniki, xehetsia mieme 'ikwaxi yuheyemeki miyuhayewaniki, tsepaneti ketita xemite'itawawirieni ne'ukiyari nehetsia xemiemetetiti katinixepitiamiki. <sup>17</sup>Ipa'i nekatnix'e'aitiaka: xekeneyunaki'erieka yunaiti.

### **Kwiepa memitama kememitexe'uxiwe'erieka**

<sup>18</sup>»Xika kwiepa memitama mexe'uxiwe'erieka, yaxeketenemaika, meminetsi'uta'uxiki ne meri. <sup>19</sup>Xika kwiepa xemiemetetinike xeme, kwiepa memitama mekanixenaki'eriekakeyu yuteiterima wahepai. Xemeri kwiepa xepikamietete, ne matsi nekanixe'anayexeiya kwiepa memitama watsata. 'Ayumieme kwiepa memitama mekanixe'uxiwe'erieka. <sup>20</sup>Neniuki xekena'eriwani kenemitixe'utahiawixi: "Nixewiti wairiyarika ti'uximayatame pikamariwe keyuri kutsiyarieya". Kememinete'ayeweweyakai ne, xemeta mekanixetaweyiakuni. Xika neniuki me'u'eni yametekakine, yaxeikia xeniuki mepi'eni yamepitekakine. <sup>21</sup>Matsi mipai naimeki katiniyimiki xehetsiemieme nehetsia xemiemiemeteki, memika'imateki kemi'ane minetsiheyeni'a. <sup>22</sup>Xika nekanuanike, xika nekawarutaxatianike, tita 'axamiti'ane mepikatehexeiyanikeyu. Hikiri tixaiti mepikatehexeiya memiti'awietaki tita 'axamemiteyurie. <sup>23</sup>Kemi'ane ne'ukiyari mi'uxiwe'erie, netari kaneni'uxiwe'erieka. <sup>24</sup>Watsata xika yanekatiuyurienike xewiti kemikatiyuriwe hepai, miki tita 'axamiti'ane mepikatehexeiyanikeyu. Hikiri mekanioneniere, mekatani'uxiwe'erieka ne meta ne'ukiyari. <sup>25</sup>Matsi niuki kanaye'atiarieni 'iniari niukiyaritsie mipai mire'uxa: "Tsepa 'atsinemikatiyuri, mekaneni'uxiwe'eriekaitini".

<sup>26</sup>»Kepauka munuani Tiyuparewiwame xehamatia muyeikaniki nemixehani'airieni ne'ukiyari hetsia mieme, 'iyari yuri maine ne'ukiyaritsia mayeneika kepauka munuani, miki nehapaitsita katinitahekiatamiki.

<sup>27</sup>Xemetari xekatenitahekiatakuni nehamatia xemu'uwaki matiari paiti.

**16** <sup>1</sup>»Ipa'i nepitixekuxaxatiwakai xemikatiketamireki. <sup>2</sup>Miki mepikaxepitiani tukita, metatsiere tukari kanaye'amiki kepauka yunaiti memixekwini Kaka'iyari me'ayexeyakame mepiyu'erieka. <sup>3</sup>Mipai mekatenyurikuni memika'imateki ne'ukiyari, meta memikanetsimateki ne. <sup>4</sup>Matsi 'ipai nekatnixekuxaxatiwakaitini, xeme'eriwani neniuki kepauka maye'ani tukariyari, mipai nemitixe'utahiawixi xeha'eriwati. Matiari paiti 'ipai nepikatixe'utahiawixi xehamatia nemuyeikakaiki.

### **'Iyari Mitiyupata kemitiyuriene**

<sup>5</sup>»Hikiri nekaniyemieni kemi'ane minetsiheyeni'a hetsia, xewiti xeme pikanetsita'iwawiyawe: "¿Hakewa pepeyemie?" utaiti. <sup>6</sup>Mipai nemitixekuxaxatiwakaiki xe'iyari kanihipinene hiwerikaki. <sup>7</sup>Ne nepitixekuxaxatiwa tita yuri miraine, matsi 'aixia kaniyimiki xehetsiemieme

nemiyemieki, mexika nekaheyani, Tiyuparewiwame xehamatia muyeikani pikanuani xehetsia, matsitsi xika neheyani, nekanixehani'airiemiki. <sup>8</sup>Iya nuame kaniwatatiemiki kwiepa memitama tita 'axamemiteyurie hepaitisita, tita mitiheitserie hepaitisita, titaki miranutahiiyani hepaitisita. <sup>9</sup>Tita 'axamemiteyurie hepaitisita piwatatienu yuri memikate'erieki nehetsie. <sup>10</sup>Tita mitiheitserie hepaitisita kaniwatatiemikita ne'ukiyari hetsia nemiyemieki, tawariri xekanetsixeyakaku. <sup>11</sup>Titaki miranutahiiyani hepaitisita tiwatatienu, kwiepa memitama tiwa'aitiwame kemiranutahiiyaki.

<sup>12</sup>»Waikawa 'akuxi nekaneixeyani nemitixetaxatiani, peru xepikayiwawe 'akuxi xemi'enieni hiki. <sup>13</sup>Kepauka munuani 'Iyari yuri maine, miki kanixehekiatiamiki xemeitimaniki naiti yuri maine. Yikimana pikatikuxatani, tita miti'enie katinitaxatamiki, tita 'umiramie katinixetaxatiamiki. <sup>14</sup>Miki witsine'aneme kanenayeitiamiki. Tita nehetsia mitimieme katinanupimiki katinixetaxatiamiki. <sup>15</sup>Ketipaimeme mirexeiya ne'ukiyari, naiti katininepiinitini. 'Ayumieme neputayi, tita nehetsia mitimieme katinanupimiki katinixetaxatiamiki.

<sup>16</sup>»Yapaimexia 'anukayayu xepikanetsixeyia, tawarita yapaimexia 'anukayayu xekanenixeyiakuni».

### Xeyutihwerieme matsi kexemiteyutemamawieka

<sup>17</sup>'Ayumieme teyi'ikitiwamete hipati mipai mekateniyikihawekaitini: «¿Titayari yatatikihawe, “yapaimexia 'anukayayu xepikanetsixeyia”, tawarita “yapaimexia 'anukayayu xepinetsixeyia” mutaine, meta “ne'ukiyari hetsia nepiyemie”? <sup>18</sup>Meta mete'utiyanekai, «¿Tita 'iki tixata “yapaimexia” maine? 'Atsitepikatemate ketiti mutaine».

<sup>19</sup>Ketsutsi mipai katinetimani memi'iwawiyakukaiki, 'ayumieme mipai katiniiwarutahawe:

—¿'Ikiki niuki xetexiatia, miya nemutayiki: “Yapaimexia 'anukayayu xepikanetsixeyia”, tawarita “yapaimexia 'anukayayu xepinetsixeyia” nemainekaiki? <sup>20</sup>Yuriki mipai nekanaineni, xekaniutitsuanakuni xekaniyuhiwieriekakuni. Kwiepa memitama pita mekaniyutemamawiekakuni. Xeme xekaniyuhiwieriekakuni, peru xeyutihwerieme matsi xeyutemamawieti xekanakinikuni. <sup>21</sup>'Uka tiniwerimeti kaniyuhiwieriekamiki tukarieya maye'aki, peru nunutsi tinuiwayu 'uximatiarika pikaha'eriwa miyutemawieki tewi mutinuiwitiaki kwiepa. <sup>22</sup>'Ayumieme xemeta hiwerika xekanexeyiani hiki: tawarita nekanixexeyiamiki, 'ana xe'iyari kaniyutemamawiekamiki, xewiti pikaxenawairieni xetemawierika. <sup>23</sup>'Iya tukaritsie tixaitikiri xepikaneteku'iwawiyani. Yuriki mipai nekanaineni, tsepa kemititita xemite'itawawirieni ne'ukiyari nehetsia xemiemetetiti, yakatinixepitiamiki. <sup>24</sup>Hikike tixaiti xepikate'itawawiriewawe nehetsia xemiemetetiti. Xekeneutawawiriri, xekanitanaki'erikuni xetemawierika maye'aniki.

<sup>25</sup>»'Iki ha'awiekameki nekatixetaxatiani, peru tukari kanaye'amiki kepauka nemikatixetaxatiani ha'awiekameki, matsi heitseriemeki nekatixetaxatiamiki ne'ukiyari hepaitisita. <sup>26</sup>'Iya tukaritsie xekanitawawiriekuni nehetsia xemiemetetiti. Ne mipai nepikahaine keneme

xehetsiemieme ne'itawawirieni ne'ukiyari. <sup>27</sup>Ne'ukiyarititi kanixenaki'erieka, xeme xeminetsinaki'eriekaiki, yuri xemite'uta'eriki kename Kakaiyari hetsia neheyetia. <sup>28</sup>Ne ne'ukiyari hetsia nemiemetiti nekaneyeyani, kwiepa nekaninuani, hikirita kwie nekaniku'eirimiki, ne'ukiyari hetsia nekaniyemieni».

<sup>29</sup>Teyi'ikitiwamete mipai mekaniutyuani:

—Kami hikirixia heitseriemeki pekatinaaxatani, ha'awiekameki pepikatikuxata. <sup>30</sup>Hiki mipai tepitemate naime pemitimate, tixaiti pikareuyewetse xewiti mimatsiku'iwawiyani. 'Ayumieme mipai yuri tekateni'erieka Kakaiyari hetsia pemeyetiaki.

<sup>31</sup>Ketsutsi mipai katiniwaruta'eiya:

—¿Yuri xete'erie hiki 'aku? <sup>32</sup>Neuxei tukari kanaye'amiki, kanaye'aniri, kepauka xemitaxiriyaxiani yuxexuiti yukie. Xepinetsiku'eirieni nexaitame. Matsi nexaitame nepika'uyeika, ne'ukiyari nehamatia puyeika. <sup>33</sup>Ipai nekatnixekuxaxatiwakaitini yu'iyaritsie xemika'uximatiariekaki nehetsie xetewiyati. Kwiepa 'uximatiarika xekanexeyakakuni, yu'iyari xekeneukayetsa matsi, ne nekane'iwa tita kwiepa mitimieme.

#### Ketsutsi kemitiyutanenewi yuhetsiemieme

**17** <sup>1</sup>Merikitsi mipai katinikuxatakaitini Ketsutsi, yuheima heutinierika mipai kaniutayini:

«Ne'ukiyari, tukariri kanaye'ani. Witsi'aneme kenayeitia 'aniwe, mikita 'aniwe witsipe'aneme mimatsi'ayeitianiki, <sup>2</sup>heitserie pemipitia hepai yunaime teiteri wahepaitsita, miki tukari mikaxiwe miwapitiakaki yunaime pemiyetuirie 'eki. <sup>3</sup>Iki tukari mikaxiwe kanihikitini, memimatsimaikaki 'eki pe'axewiti yuri pemikakaiyari, meminetsimaikaki neta Ketsutsi Kiritsitu peminetsiheyeni'a. <sup>4</sup>Ne kwiepa witsipe'aneme nekamenayeitiani. Kepeminetiuhiritia yanemitiyurieneni, nekatinye'atianiri. <sup>5</sup>Hikiri ne'ukiyari, 'ahetsia witsine'aneme kenenayeitia, witsinemi'aneikai hepai kwie kaxuawekaku 'akuxi.

#### Ketsutsi kemitiyutanenewi teyi'ikitiwamete wahetsiemieme

<sup>6</sup>»Ne nepimatsi'utahekiataxi 'eki kepemi'ane miki teiteri wahixie, kwiepa memitama watsata miemete peminetsiyetuiri wahixie, mepi'ateiterimatikai, pepinetsiyetuiri miki, 'aniukitsie yamekatenekahuni. <sup>7</sup>Hikirixia mipai mekatenetimani kename 'ahetsia timieme, tinaime peminetiyetuiri. <sup>8</sup>Niuki peminetsiyetuiri nekaniwayetuiri, mikirita mekanitanaki'erieni. Mipai mekatenetimani, yuriki 'ahetsia nemeyetiaki. Yuri mekateniuta'erieni kename penetsiheyeni'a. <sup>9</sup>Wahetsiemieme nepimatsiwawirie. Kwiepa memitama wahetsiemieme nepikamatsiwawirie, miki peminetsiyetuiri wahetsiemieme pita nepimatsiwawirie, 'ateiterima memihikiki. <sup>10</sup>Naiti nepiini 'apiini katinihikitini, 'apiini nepiini tihikita. Wahetsie netiwiyati witsine'aneti nekanyetiariwani. <sup>11</sup>'Ari kwiepa nepika'uyeika, 'iki matsi kwiepa mekaniuwani, ne 'ahetsia nekaniyemieni.

»Ne'ukiyari pemipatsie, keniwa'iwiyani miki peminetsiyetui 'ahetsia memimiemeteki, memiyutaxewireki ketemitetaxewi tame. <sup>12</sup> Mexi wahamatia ne'uyeikakai nekaniwa'iwiyakaitini miki peminetsiyetui 'ahetsia memimiemetetikaiki. Nekaniwakweriekaitini, xewiti miki pika'uta'unarie, 'iya xeikia 'unarikaki m'ayumiemetikai kaniuta'unarieni 'utiarika maye'aniki.

<sup>13</sup>»Hiki 'ahetsia nekaniyemieni, 'ipai nekatini kuxatani kwiepa, yuhetsie netemawierika memexeyaniki 'aye'arikame. <sup>14</sup> Ne 'aniuki nekaniwayetui ri eni, kwiepa memitama mekaniwaruti'uxiwe'erietikine kwiepa memikamiemeteki, ne kwiepa nemikamieme hepai.

<sup>15</sup> Nepikamatsiwawirie pemiwaranuwitiniki kwiepa memika'uwaniki, matsi nepimatsiwawirie pemiwa'iwiyaniki tita 'axamiti'ane hepaitita.

<sup>16</sup> Kwiepa mepikamiemete ne kwiepa nemikamieme hepai. <sup>17</sup> Tita yuri miraineki keniwapatani 'ahetsiemieme, 'aniuki kanihikitini tita yuri miraine. <sup>18</sup> Kwiepa peminetsiheyeni'a hepai, neta nepiwareutani'axia kwiepa. <sup>19</sup> Wahetsiemieme nepatsieti nepiyane, mikirita 'ahetsiemieme memipatsieniki tita yuri mirainetsie metewiyati.

### **Ketsutsi kemitiyutanenewi yunaime yuri memite'erie wahetsiemieme**

<sup>20</sup>»Iki xeikia wahetsiemieme nepikamatsiwawirie. Matsi miki nehetsie yuri memiteta'erieni waniukiki, miki wahetsiemieme nepimatsiwawirieta, <sup>21</sup> yunaiti memiyuxewiniki, ne'ukiyari 'aku, 'eki nehetsie pemitwiya hepai, neta 'ahetsie nemitiwiya hepai, mikirita tahetsie memitewiyaniki, kwiepa memitama yuri memiteta'erieniki kename 'eki penetsiheyeni'a.

<sup>22</sup> Witsine'aneme peminetsi'ayeitia hepai, neta mipai me'aneneme nekaniwarayeitiani memiyuxewiniki tame temitetaxewi hepai, <sup>23</sup> ne wahetsie netiwiyakaku, 'ekita nehetsie petiwiyakaku, me'aye'ati memiyutaxewireki, kwiepa memitama memitemaikaki kename penetsiheyeni'a, kename mipai petiwarutanaki'eri ne peminetiutanaki'eri hepai.

<sup>24</sup>»Ne'ukiyari, keyupaimeme peminetsiyetui, mipai pinetinake, hakewa nemeyeikani, mikita nehamatia meme'uwaniki, meminetsixeyaki witsine'aneme kepeminerayeitia. Kariki 'eki pekaneninaki'eriekaitini kwie 'akuxi kanewekaku.

<sup>25</sup>»Ne'ukiyari yapemitiyuriene kemitiheitserie, tsepa kwiepa memitama memikamatsihetimaiwawe, ne hirixia nepimatsimate. 'Iki mipai mekatenetimani kename penetsiheyeni'a. <sup>26</sup> Ne nekaniwarutahekiati tiani memimatsimaikaki 'eki kepem'ane, yaxeixia nekatiniwatahekiati miki, pemi'ahayewaki 'eki pewanaki'erieti kepeminetinaki'eriekai ne, neta wahetsie nemitiwiyaniki».

### **Ketsutsi kememite'uwi**

*(Wa 18:3-11 – Mat 26:47-56, Mar 14:43-50, Ruk 22:47-53)*

**18** <sup>1</sup> Mipai 'utayika kaneyani Ketsutsi teyi'ikitwamete wahamatia, Kiruni 'akiyaritsie mekaniukine haraweri muyemakaitisie paiti, mana kaneutahani teyi'ikitwamete wahamatia.

<sup>2</sup>Kura miyetuanikekai muwa kanemariiekaitini, miixa Ketsutsi teyi'ikitiwamete wahamatia muwa memiyukuxexeiriwakaiki. <sup>3</sup>Kura kuyaxi warawititi, tukita tehiwemete mawari wewiwamete tewa'aitiwamete wahetsia miemete meta paritseutsixi wahetsia miemete warawititi, mana kaninuani 'utsiki me'ukixeti, meta tekixiteta watitaweme me'utikiti meta kutsirate mete'u'iti.

<sup>4</sup>Ketsutsi naime timaiti kemitiwiyarienikekai, wahepa kaneyani. Mipai katiniwarutahiawe:

—¿Kepaiki xepitehakuwautiwe?

<sup>5</sup>Miki mipai mekatenita'eiya:

—Ketsutsi natsaretitanaka.

Miki mipai katiniwarutahiawe:

—Netsi nepihiki.

Kura miyetuanikekai mana kaniuwekaitini wahamatia. <sup>6</sup>Hiki «ne nepihiki» tiwarutahiaweku yukutama mekaniyekine, mekanatixirieni kwiepa.

<sup>7</sup>Ayumieme tawarita Ketsutsi mipai katiniwaruta'iwawiya:

—¿Kepaiki xepitehakuwautiwe?

Miki tawarita mipai mekaniutiyuani:

—Ketsutsi natsaretitanaka.

<sup>8</sup>Ketsutsi mipai katiniwaruta'eiya:

—Yanepitixehahiawe, ne nepihiki. Xikari xenetsikuwautiweni ne, xekeniwaruhayewa 'iki memiyehuki.

<sup>9</sup>Maye'aniki nuiekya kemainekai: «Miki peminetsiyetuiri nixeime nepikaheuyehia».

<sup>10</sup>Hiki Tsimuni Pekuru 'ixipara watihanaka, mawari wewiwamete tiwa'aitiwame ti'uximayatameya katiniukwinitiani, tserietana mieme nakaya kanawiteni. (Ti'uximayatame Maruku katinitewakaitini).

<sup>11</sup>Hiki Ketsutsi mipai Pekuru katiniutahiawe:

—'A'ixipara keneuka'uta huyeritana. ¿Kamitsi ne nekarenu'ieni tekixita mieme ne'ukiyari minetsi'itiani yanemiranayeyaniki?

### **Mawari wewiwamete tiwa'aitiwame hetsia kemiti'atiarie Ketsutsi**

*(Wa 18:12-13 – Mat 26:57)*

<sup>12</sup>Hiki kuyaxi meta kuyaxi tiwa'aitiwame meta huriyutsixi watukita tehiwemete Ketsutsi mekaniuwiya. Mekanihiani, <sup>13</sup>'Anatsi hetsia meri mekani'atiani, miki Kaipatsi munieya kanihikitikaitini, Kaipatsi mawari wewiwamete tiwa'aitiwame kanihikitikaitini miki wiyaritsie. <sup>14</sup>Kaipatsi kanihikitikaitini kemi'ane miwaruti'imaiyaxi huriyutsixi matsi 'aixia miyiniki xewiti tewi miminiki teiteri wahetsiememe, 'utaiti.

### **Pekuru kemitiyuku'imawakai kename Ketsutsi kamatekai**

*(Wa 18:16-18 – Mat 26:69-70, Mar 14:66-68, Ruk 22:55-57)*

<sup>15</sup>Merikitsi Tsimuni Pekuru Ketsutsi kaniuweiyakaitini, xewitita tiyi'ikitiwame tiweiyakai, mawari wewiwamete tiwa'aitiwame miki

tiyi'ikitiwame kanimatekaitini, Ketsutsi hamatia kaneutahani mawari wewiwamete tiwa'aitiwame kururutana paiti. <sup>16</sup> Matsi Pekuru mana kaniutiwekaitini takwa kitenie 'aurie. Hiki miki tiyi'ikitiwame mawari wewiwamete tiwa'aitiwame mimatekai mana kaneyani, kitenie tihiweme kaniutahiawe, hiki kururuta paiti Pekuru kani'atiani. <sup>17</sup> Timari kitenie mitihiwemetikai mipai Pekuru katiniutahiawe:

—¿Ekita 'iki tewi teyi'ikitiwametemama wahetsia mieme pekatihiki? Pekuru mipai kaniutayini:  
—Ne nepikahiki.

<sup>18</sup> Hiki te'uximayatamete tukita tehiwemete wahamatia mana mekaniuti'ukaitini mekiixeti me'atinaika, muhaitikaiki. Pekuru wahamatiata kaniutiwekaitini kiixeti.

### **'Anatsi Ketsutsi kemitiuta'iwawiyaxi**

*(Wa 18:19-24 – Mat 26:59-68, Mar 14:55-65, Ruk 22:63-71)*

<sup>19</sup> Merikitsi mawari wewiwamete tiwa'aitiwame Ketsutsi kaniuta'iwawiya teyi'ikitiwametemama wahepaitsita, tita miti'ikitakai hepaitsita.

<sup>20</sup> Ketsutsi mipai katinita'eiya:

—Ne teiteri wahixie nekatinikuxatakaitini kwiepa, ne neheyemeki nekatini'ikitakaitini tukiteta, tuki 'amipata, hakewa yunaiti huriyutsixi memiyutixexeiriwa. Ne tixaiti nepikatikuxatakai 'awie.

<sup>21</sup> ¿Ketitayari penetiku'iwawiya ne? Keniwaruta'iwawiya miki meminetsi'eniekai pita tsiparatsi kenemitiwakuxaxatiwakai. Miki mekatenimaika kenemutayi.

<sup>22</sup> Mipai 'utayiku, xewiti tukita tihiweme mana mutiwekai Ketsutsi 'aurita kaneukuwani mipai 'utaiti:

—¿Mipai petiku'eiya mawari wewiwamete tiwa'aitiwame?

<sup>23</sup> Ketsutsi mipai katinita'eiya:

—Xikatsi 'axane'utayini, ketineutahekiata ketitaki 'axanemitiutayi. Mexika 'aixia ne'utaineni, ¿ketitayari penetikuwaya?

<sup>24</sup> Hiki 'Anatsi kaneini'ani hiakame Kaipatsi hetsia mawari wewiwamete tiwa'aitiwame hetsia.

### **Pekuru tawarita kemitiyuku'imawakai kename Ketsutsi kamate**

*(Wa 18:25-27 – Mat 26:71-75, Mar 14:69-72, Ruk 22:58-62)*

<sup>25</sup> Merikitsi Tsimuni Pekuru mana kaniutiwekaitini kiixeti.

Hiki mipai katiniuta'iwawiyarieni:

—¿Eki teyi'ikitiwametemama wahetsia mieme pekatihiki?

Miki kaniyuta'imani, mipai kaniutayini:

—Ne nepikahiki.

<sup>26</sup> Xewiti mawari wewiwamete tiwa'aitiwame te'uximayatametemama, Pekuru nakaya meukuwitekai kanimarieyatikaitini, miki mipai katinitahiawe:

—¿Tami ne nekamerexei harawerita hamatiana peheyeikame?

<sup>27</sup> Tawarita kaniuyuta'imani Pekuru, hiki yapauka kaniutahiwa wakana.



**Piratu hetsia kemiti'atiarie Ketsutsi**

(*Wa 18:29-40 – Mat 27:11-18, 20-23, Mar 15:2-15, Ruk 23:2-3, 18-25*)

<sup>28</sup> Hiki Kaipatsi hetsia meheyekineka Ketsutsi mekani'atiani 'itsikame kie, kaniyuuiumuanatikaitiniri. Mikiri mepikaheutahaxia 'itsikame kiita kapa meka'itiyati me'akineki, matsi Patsikwa 'ikwaiyari memitekwaniki.

<sup>29</sup> Ayumieme Piratu takwa kaniwayeyani wahixie, mipai kaniutayini:

—¿Ketitaki 'iki tewi xetexaneta?

<sup>30</sup> Miki mipai mekatenita'eiya:

—Xika 'iki 'axakatiyurienenike, tepikamatsiyetuirienikeyu.

<sup>31</sup> Hiki Piratu mipai katiniwarutahiawe:

—Xekenanuwitiki, sekeneuta'iniata xe'iniari niukiyari kemaine.

Huriyutsixi mipai mekatenitahiawe:

—Tame heitserie tepikahexeiya tewi temumieniki.

<sup>32</sup> Mikiki mipai katinaye'ani Ketsutsi niukieya, kemutainekai kemitiminekai tikuxatati.

<sup>33</sup> Hiki tawarita Piratu 'itsikame kiita kaneutahani, hiki Ketsutsi kaniutahiawe, mipai katinitahiawe:

—¿'Eki huriyutsixi petiwa'aitiwame?

<sup>34</sup> Ketsutsi mipai katinita'eiya:

—¿'Akimana mipai petiutaine, hipati nutsu mipai memete'utahiwixi nehapaitsita?

<sup>35</sup> Piratu mipai katinita'eiya:

—¿Ne netihuriyu? Ateiterima, mawari wewiwamete tewa'aitiwamete mepimatsiyetua nehetsia. ¿Kepetiyuri?

<sup>36</sup> Ketsutsi mipai katinita'eiya:

—'Ena kwiepa pikamieme kenemiti'aita. Xika 'ena kwiepa miemetinike kenemiti'aita, nehetsia miemete tehiwemete mekaniyukwitwenikeyu nemikayetuiyaniki huriyutsixi wahetsia. Matsi hiki kenemiti'aita 'ena pikamieme.

<sup>37</sup> Piratu mipai katinitahiawe:

—Kaukatsi peti'aitame 'eki.

Ketsutsi mipai katinita'eiya:

—'Ekitsi mipai pekaniutaineni kename ne ti'aitame nehiki. Ne 'ayumieme nekaniutinuiwa, 'ayumieme kwiepa nekaninuani, nemititahekiataki tita yuri miraine hepaita. Yunaiti yuri miraine hetsiememete mekaneni'enieka ne'utaniukame.

<sup>38</sup> Piratu mipai katinitahiawe:

—¿Ketita tihiki yuri miraine?

Hiki mipai 'utayika tawari kaniwayeyani huriyutsixi wahixie, mipai katiniwarutahiawe:

—Ne tixaiti nepikatiukaxei hetsiena nemitiuhipaniki. <sup>39</sup> Ipai kani'aneni xeyeyari, xeime nemixexinirieniki Patsikwa 'ixiararipa. Merikite, ¿xekateyuwairiya nemixexinirieni “huriyutsixi tixe'aitiwame”?

<sup>40</sup>Hiki yunaiti mekaniutihiwa mipai me'utiyuati:  
—Miki pikatixai, Waxawaxi pita.  
'Iya Waxawaxi katininawayametikaitini.

### Ketsutsi kemitiutaxanetsie

(*Wa 19:1-16 – Mat 27:27-31, Mar 15:16-20*)

**19**<sup>1</sup>Hiki Piratu Ketsutsi kanewitini, katiniuta'aita mikuweiyaxianiki.  
<sup>2</sup>Kuyaxi xuya kurunayari me'utatsaka mu'uyatsie mekanenutimanirieni,  
meta herie mieme 'ixuriki mitairaiyekei mekanenakuwirieni.

<sup>3</sup>Hixiena mekani'axekaitini mipai me'utiyuati:  
—Ke'aku huriyutsixi tiwa'aitiwame.

Mipai mete'ikihiaweti mekanenutawayakaitini.

<sup>4</sup>Hiki tawarita takwa kaniwayeyani Piratu, mipai katiniwarutahiawe:  
—Kami 'ena takwa paiti nepixe'atiirieni xemitemaikaki tixaiti  
nemikatiukaxeiki hetsiena nemitiuhipaniki.

<sup>5</sup>Hiki Ketsutsi kaniwayeyani xuya kurunayari 'anamati,  
herie mieme 'ixuriki mitairaiye 'anakuwieti.

Piratu mipai katiniwarutahiawe:  
—Kami tewi.

<sup>6</sup>Hiki mawari wewiwamete tewa'aitiwamete meta tehiwemete kepauka  
memixei mekaniutihiwa mipai me'utiyuati:

—Kuruxitsie keneumi'a, kuruxitsie keneumi'a.

Piratu mipai katiniwarutahiawe:  
—Xemetsi sekenanuwitiki, kuruxitsie sekenemi'a. Neri tixaiti  
nepikatiukaxeiki hetsiena nemitiuhipaniki.

<sup>7</sup>Huriyutsixi mipai mekatenita'eiya:  
—Tame 'iniari niukiyari tekanexeyani, miki 'iniari kemaine,  
kaneuyeweka 'iki miminiki Kakaiyari nu'aya mayuyeitiaki.

<sup>8</sup>Piratu 'iki niuki 'u'enieka matsi waikawa kanimakaitini. <sup>9</sup>Tawari 'itsikame  
kiita heutahaka mipai Ketsutsi katiniutahiawe:

—Hakewa pepemieme 'eki.

Ketsutsi pika'ita'ei: <sup>10</sup>Piraturi mipai katinitahiawe:  
—¿Pekanteta'eiya? Pekatimate ne heitserie nemexeiya nemimatsixinaki,  
heitserie nerexeyata kuruxitsie nemimatsimieniki.

<sup>11</sup>Ketsutsi mipai katinita'eiya:  
—'Eki heitserie pepikahexeyanikeyu nehapaitsita taheima miemekiki xika  
pekaptiariekake. 'Ayumieme kemi'ane minetsiyetua 'ahetsia,  
miki matsi waikawa 'axakatiniuyurieni.

<sup>12</sup>Piratu 'ayumiemeriki katinikuwaunekaitini kemitixinaki. Peru huriyutsixi  
mekaniutihiwa mipai me'utiyuati:

—Xika 'iki pe'uxina, Ti'aitame Tsetsaxi pepikanaki'erie. Yunaiti te'aitamete  
memayuyeitiwa Tsetsaxi mekanaye'unieka.

<sup>13</sup>Hiki Piratu 'iki waniuki 'u'enieka Ketsutsi kaniwayehana. Mana  
kaniukayerini Piratu yu'uwenitsie Makutenutsariya mirakutewatsie

(hepirayutsixi waniukiki Kawata mirakutewatsie). <sup>14</sup>Iya tukaritsie mekanih'aritiakaitini Patsikwa 'ixiarariyari. 'Etsiwatikaku tuka kanayeiximekaitiniri, mipai katiniwarutahiawe huriyutsixi:

—Kami tixe'aitiwame.

<sup>15</sup>Miki matsi mipai mekatenuhiwa:

—Kenanuwitiki, kenanuwitiki, kuruxitsie kenemi'a.

Piratu mipai katiniwarutahiawe:

—¿Kamitsi kuruxitsie netimieni tixe'aitiwame?

Mawari wewiwamete tewa'aitiwamete mipai mekatenita'eiya:

—Tame xeime tepikahexeiya tati'aitiwame, Tsetsaxi xeikia pitati'aitiwame.

<sup>16</sup>Hiki kaniwayetuirieni kuruxitsie mimierieniki. Hiki Ketsutsi mekanehana.

### Ketsutsi kemitiumerie kuruxitsie

(*Wa 19:17-24 – Mat 27:33-44, Mar 15:22-32, Ruk 23:33-43*)

<sup>17</sup>Yukuruxi 'atiti mana kaneyani Miki Mu'uya Manuka mirakutewatsie (hepirayutsixi waniukiki Kurukuta mirakutewatsie). <sup>18</sup>Mana kuruxitsie mekanitiwieni, meta yuhutame hamatiana mekaniwarutiwitiani tapa xeime tapata xeime, Ketsutsi wahixiata.

<sup>19</sup>Meta Piratu 'iniari kaniuta'utiani, kuruxitsie kaneimani, mipai katine'ukaitini: «KETSUTSI NATSARETITANAKA, HURIYUTSIXI TIWA'AITIWAME».

<sup>20</sup>Huriyutsixi yumiireti 'utiarika mekanakateriwa, kiekari mehurakaiki Ketsutsi mamierietsie. Hepirayutsixi, xumatar, kiriyekutsixi waniukiteki piraye'uxakaita.

<sup>21</sup>Hiki huriyutsixi mawari wewiwamete tewa'aitiwamete mipai Piratu mekatenuutahiawe:

—“Huriyutsixi tiwa'aitiwame” pepikatiku'utiwani, matsi pita ketineu'utia “Huriyutsixi tiwa'aitiwame muyuxataka!”.

<sup>22</sup>Piratu mipai katiniwaruta'eiya:

—Kenemitu'utia nekatiniuta'utianiri.

<sup>23</sup>Hiki kuyaxi Ketsutsi kuruxitsie me'utiwiwaka, 'ixurikiteya mekaneutahuriexiani. Naukame mekanayeitiani, yuxexuiti kuyaxi xei'ixurikiyari memexeyaniki. Tetiata mieme 'ixurikieya pikawipekai, 'ayexewimeki xeikia pi'itsekai naiti.

<sup>24</sup>Hiki mipai mekatenuyutahiawe:

—Tepika'ititsanani, matsi tepitata'iwa, tsiparatsi kemi'ane pe'iwa.

Merikitsi mipai mekatenuyurieni kuyaxi. Mipai katinaye'atiarieni 'utiarika mipai maine:

«Ne'ixurikite mepiyutahuritia,  
meta mekaniyuta'iwa ne'ixirikiki».

<sup>25</sup>Ketsutsi kuruxieya 'aurie Ketsutsi maamaya mekaniti'ukaitinita, maamaya 'iwaya, Mariya Kireupa 'iyaya, Mariya Mararatanaka yunaiti.

<sup>26</sup>Kepauka Ketsutsi yumaama muxei meta tiyi'ikitwame minaki'eriekai 'auriena 'uweme, yumaama mipai katiniutahiawe:

—'Ukaratsi 'aku, mana 'aniwe kaniuweni.

<sup>27</sup>Meta tiyi'ikitiwame mipai katiniuhiritiani:

—Kami 'amaama.

Miki tukaritsietiti tiyi'ikitiwame yukie kanitanaki'erieni.

### **Ketsutsi yu'iyari kemitiyetua**

(*Wa 19:29-30 – Mat 27:48, 50, Mar 15:36-37, Ruk 23:36*)

<sup>28</sup>'Anari Ketsutsi mipai timaiti naiti 'ari maye'atiarieki, 'utiarika maye'atiarieniki mipai kaniutayini:

—Nepeuharimiki.

<sup>29</sup>Xari mana kaniukateitini winu matsina hineti, hiki haa 'itseweme mukuxani me'utahiniyaka winu matsinaki, hitsupu kiyeyaritsie me'iyeka, teniena mekaneititserieni. <sup>30</sup>Ketsutsi he'iniataka winu matsina mipai kaniutayini:

—Kanaye'aniri.

Yumu'utsie 'anakatutsireka yu'iyari kaniyetuani.

<sup>31</sup>Merikitsi 'iya tukaritsie 'ixiarari mekaniha'aritiakaitini. 'Ayumieme huriyutsixi Piratu mekaniutawawirieni wawatute memititaraki memiwaraka'iniki, kaxarite memikayuhayewaki kuruxitsie me'uyewiti 'uxipiya tukaritsie. 'Iya 'uxipiya tukaritsie yemeki patsiekameki memuyukuxexeiriwakaiki. <sup>32</sup>'Ayumieme kuyaxi mana mekaniu'axiani, kuruxitsie memuyewikai hamatiana xeime watuteya mekaniutitara, xeimetatsiere watuteya mete'utitaraxi. <sup>33</sup>Ketsutsi hetsia me'u'axiaka watuteya mepika'utitaraxi memixeiki mikime. <sup>34</sup>Matsi xewiti kuya pitsikaki 'akitana kaneititseni, hiki yapauka kananeni xuriya meta haa. <sup>35</sup>Kem'ane munierixi katiniutahekiata, tita mititahekiata kaniyuritini. Mikita katinimaika yuri mutaineki, yuri xemite'eriekaki xemeta. <sup>36</sup>Mipai katiniuyini 'utiarika maye'atiarieniki mipai mutaine: «'Umeyarieya pika'akamurarieni». <sup>37</sup>Tawarita xewiti 'utiarika 'ipai kanaineni: «Mekanixeyakuni kem'ane memutse».

### **Teukiyapa kememiteheitate Ketsutsi**

(*Wa 19:38-42 – Mat 27:57-61, Mar 15:42-47, Ruk 23:50-56*)

<sup>38</sup>Merikitsi 'arike Kutse 'Arimateya kiekame Piratu kaniutawawirieni

menukweniki Ketsutsi kaxarieya. Kutse Ketsutsi hetsia mieme

katiniyi'ikitiwametikaitini 'awie, miwamakaxekaiki huriyutsixi. Piraturi

kanipitiani, hiki kaneyani, kaxarieya kanekweni. <sup>39</sup>Nikuremu manata kaninuani meripaiti hetsiana munua yiwikita. Miki mixaxi meta 'aruhe witsimu'ia yunikame

kani'atiani merieneka hepai paime. <sup>40</sup>Hiki Ketsutsi kaxarieya mekanekweni, mekaniku'eima 'ixurikiteki witsimu'ia me'ikawirieka. Mipai kani'aneni huriyutsixi

wayeyari teukiyaki. <sup>41</sup>Mana kuruxitsie mamierietsie haraweri kaniyemakaitini. Harawerita teukiyapa hekwameki miwaye'inierie kanikumakaitini. Xewiti 'akuxi

miki teukiyapa pikakateukiewekai. <sup>42</sup>Muwa 'ayumieme Ketsutsi mekaneutateni, huriyutsixi memiyuha'aritiakaiki 'iya tukaritsie, teukiyapa mehurakaiki.

### **Ketsutsi kemiranukuke mikite watsata**

(*Wa 20:1-8 – Mat 28:1-18, Mar 16:1-8, Ruk 24:1-10*)

**20** <sup>1</sup>Merikitsi mexiakame tukariyaritsie tsemanayaritsie Mariya Mararatanaka teukiyapa kaninuani yuimuana 'uyiwikaku 'akuxi,

tete teukiyapa heuhiiyakame kaniuxeiya hixiena meukatei. <sup>2</sup>Hiki 'unautsarimeti kaneyani, Tsimuni Pekuru hetsia kaninuani meta xeime hetsia tiyi'ikitiwame Ketsutsi minaki'eriekai hetsia, mipai katiniwarutahiawe:

—Ti'aitame teukiyapa mekaniwayekweni, 'atsitepikatemate hakewa memeite.

<sup>3</sup>Hiki Pekuru kaneyani xewiti tiyi'ikitiwame hamatia, teukiyapa mekanekine. <sup>4</sup>Yu'aurie me'uhuti mekaniunautsaxiaximekaitini. Xewiti tiyi'ikitiwame matsi waikawa kaniutanautsa, Pekuru kananuku'iwa, kanaye'ani mikimeri teukiyapa. <sup>5</sup>Anahuka kanixeiya 'ixurikite mana 'akateme, peru muwa pikaheutaha. <sup>6</sup>Hiki Tsimuni Pekuru 'utimanake kaninuani, teukiyata kaneutahani. 'Ixurikite kaniuxeiya mana 'akateme. <sup>7</sup>Tuwaxata kaniuxeiya mu'uya mi'eimekai 'ixurikite 'aurie pikatikatei, yateewa pita pitikatei tuniti. <sup>8</sup>Anaketa kaneutahani tiyi'ikitiwame 'umexiati munua teukiyapa, hiki 'ixeyaka, yuri katiniuta'erieni. <sup>9</sup>Miki 'akuxi mepikaheitimaiwawekai 'utiarika meuyewekaiki mikite watsata manukukeni maine.

### Matsiikiti kemirayueitia Ketsutsi Mariya Mararatanaka hixie

<sup>10</sup>Hiki teyi'ikitiwamete yukie mekanekine, <sup>11</sup>merikitsi Mariya teukiya hixie kaniutiwekaitini takwa 'utatsuati. Hiki 'utatsuati kanannahuni teukiyata kaneutaniere, <sup>12</sup>mana kaniwaruxeiya niuki tuayamete yuhutame me'anakatuxame. Xewiti Ketsutsi mu'uya manukatei kanakateitini, xewitita manuka'ikakai rakatei hakewa Ketsutsi kaxarieya manutekiekai.

<sup>13</sup>Miki mipai mekatenitahiawe:

—¿Neuxei, 'ukaratsi, titayari petiutatsuaka?

Miki mipai katiniwaruta'eiya:

—Neti'aitiwame mepekwei, 'atsinepikatemate hakewa memeite.

<sup>14</sup>Mipai 'utayika ta'aurie kanaweni, hiki Ketsutsi kaniuxeiya mana 'utiweme, matsi 'atsipikatiimaikai xika Ketsutsi hikitikaitini. <sup>15</sup>Ketsutsi mipai katinitahiawe:

—¿Neuxei, 'ukaratsi, titayari petiutatsuaka? ¿Kepaiki pepirakuwaune?

Miki harawerikame 'erieti mipai katinitahiawe:

—Neuxei, 'uki, xika 'eki peheikweni, kenetineutaxatia hakewa pepeihia. Neri nekanenukweimiki.

<sup>16</sup>Ketsutsi mipai katinitahiawe:

—Mariya 'aku.

Miki hepana 'anierika mipai katinitahiawe 'arameu niukiyariki:

—Xawuni (taniukiki Ti'ikitame manuyine).

<sup>17</sup>Ketsutsi mipai katinitahiawe:

—Pepikanetsikuwiwiyani, ne'ukiyari hetsia nepika'anutiyeiwe 'akuxi.

Matsi ne'iwama wahetsia kenemie. Mipai ketiniwaretahiawi: “Ne'ukiyari hetsia mixe'ukiyari hetsia nekananutiyemiki, nekakaiyari hetsia mixekakaiyari hetsia neranutiyanita”.

<sup>18</sup>Hiki Mariya Mararatanaka mana kaninuani teyi'ikitiwamete mipai tiwakuxaxatiwati: «Ti'aitame muxei», mipai mirehiawekaiki.

### Matsiikiti kemirayuyeitia Ketsutsi teyi'ikitiwamete wahixie

<sup>19</sup>Merikitsi 'akayuneku miki mexiakame tukariyari tsemanayaritsie, teyi'ikitiwamete meyuxeirikaku kiteniete reumatikaikaku memiwamakaxekaiiki huriyutsixi, Ketsutsi kaninuani. Wahixiapa kaniutakeni, mipai katiniwarutahiawe:

—Xika xeka'uximatarietika yu'iyaritsie.

<sup>20</sup>Mipai 'utayika kaniwaruxeitsitiani yumamate meta yu'aki. Teyi'ikitiwamete mekaniyutemamawiekaitini Ti'aitame mexeyati.

<sup>21</sup>Hiki Ketsutsi tawarita mipai katiniwarutahiawe:

—Xika xeka'uximatarietika yu'iyaritsie. Ne'ukiyari minereyeni'a hepai, neta mipai nekatnixeheutani'axiani.

<sup>22</sup>Mipai 'utayika kaniwaruhitsieni, mipai katiniwarutahiawe:

—Xekeneutanaki'eri 'Iyari Mitiyupata. <sup>23</sup>Tsepa kemi'ane xemitewareuyehiwirieni tita 'axamemiteyurie, mekateneuyehiwiarietuni. Tsepa kemi'ane xemikateheuyehiwiri tita 'axamemiteyurie, mepikateheuyehiwiarieni.

### Tumaxi yuri kemikati'eriekai

<sup>24</sup>Merikitsi Tumaxi Kwate mititewakai tamamata heimana yuhutame wahetsia mieme kanihikitikaitini. Miki wahamatia pika'uyeikakai kepauka Ketsutsi munua. <sup>25</sup>Hiki hipati teyi'ikitiwamete mipai mekatenikuxaxatiwakaitini:

—Ti'aitame tekaniuxeiya.

Tumaxi mipai katiniwarutahiawe:

—Xika mamayatsie neka'ixeyani kirapuxi 'uxayari, xika ne'itiwameki neka'imayiani kirapuxi 'uxayari, meta 'akieya xika nemamaki neka'umayiani, yuri nepikatita'erieniri.

<sup>26</sup>Merikitsi 'atahairieka tukari 'anukayaku tawarita teyi'ikitiwametemama kiita mekanayetekaitini, Tumaxi wahamatia kanayekateitini. Hiki kiteniete reumatikaikaku Ketsutsi kaninuani, wahixiapa kaniutakeni, mipai katiniwarutahiawe:

—Xika xeka'uximatarietika yu'iyaritsie.

<sup>27</sup>Hiki mipai Tumaxi katiniutahiawe:

—Kenaye'a, 'a'itiwameki keneneumayia nemamatetsie, 'amamaki keneneumayiani ne'akita. Yuri pekati'erieti pepika'ayuyeitiwani, matsi pita yuri peti'erieti kenaye'a.

<sup>28</sup>Tumaxi mipai katinita'eiya:

—Neti'aitiwame meta nekakaiyari 'aku.

<sup>29</sup>Ketsutsi mipai katinitahiawe:

—Yuri pepitiuta'eri peminetsi'uxeiki. Miki memikanetsixeyawawe peru yuri memite'erie, miki mekaniyutemamawieka.

<sup>30</sup>Merikite, 'iniari yiki 'aneneme miireme yakatiniyurienekaitini Ketsutsi teyi'ikitiwamete wahixie, kemikare'utiarie 'iki xapatsie. <sup>31</sup>Peru 'iki kanaka'utiarieni yuri xemite'eriekaki kename Ketsutsi Kiritsitu hiki,

Kakaiyari Nu'aya, yuri xete'erietu tukari xemexeyaniki  
hetsiana xememetetiti.

**Matsiikiti kemirayuyeyitia Ketsutsi teyi'ikitiwamete 'atahutame wahixie**

**21** <sup>1</sup>Merikitsi 'arika tawarita Ketsutsi matsiikiti kanayuyeyitiani  
teyi'ikitiwamete wahixie Tiweriya harakunayaritsie. 'Ipa'i matsiikiti  
katinayuyeyitiani: <sup>2</sup>'Axeikia mekanu'uwakaitini Tsimuni Pekuru, Tumaxi  
Kwate mititewakai, Natanaheri Kanaha kiekame Karereya kwieyaritsie  
mieme, Tsewereu niwemama, meta hipati teyi'ikitiwametemama yuhutati.

<sup>3</sup>Tsimuni Pekuru mipai katiniwarutahiawe:

—Ne nepiketsiweiyamie.

Hipatita mipai mekatenitahiawe:

—Tameta 'ahamatia tepuhu teyunaiti.

Mana mekanekine, kanuwatsie mekanikayaxe, miki tikaritsie tixaiti  
mepikate'u'axixi.

<sup>4</sup>Merikitsi 'etsiwa 'uhekiakaku mana kaniutakeni Ketsutsi harakuna tetsita,  
peru teyi'ikitiwamete mepika'imatekai Ketsutsi mepika'eriekai.

<sup>5</sup>Hiki Ketsutsi mipai katiniwarutahiawe:

—Neuxei, temari, ¿'ikwai xekatehexeiyaya?

Mipai mekatenita'eiyaya:

—Hawaiki.

<sup>6</sup>Hiki mipai katiniwarutahiawe:

—Wipi kanuwa tserieta xekeneukawiwi, mana xekaniwakaxeyakuni.

Hiki mana mekaneikawiwieni, mepiyutatexi me'ihanati  
memiyuwaikawakaiki tsapari.

<sup>7</sup>Hiki tiyi'ikitiwame Ketsutsi minaki'eriekai mipai Pekuru katiniutahiawe:

—Ti'aitame piyiane.

Hiki Tsimuni Pekuru 'u'enaka kenama Ti'aitame hikitikai, yu'ixuriki herie  
mieme 'ewakuwieka muyutikemaripekaiki, hapa kaneukatsuna. <sup>8</sup>Hipati

teyi'ikitiwamete kanuwatsie meyeteti mekanu'axiani wipi me'uhaximeti  
tsapari mehineme. Hatetsita pikahetewakai, xeitsienituyari meturuyari

xeikia petewakai. <sup>9</sup>Kwiepa me'u'axiaka tii mekanu'axiye taticame, tsaapa  
tiipa 'akaikame mete'uxei meta paa. <sup>10</sup>Ketsutsi mipai katiniwarutahiawe:

—Tsapari xike xemiyarutiwi xekeniwaraii.

<sup>11</sup>Tsimuni Pekuru mana kaneutimake, wipi kaniuhana kwiepa. Tsapari  
'amepapati mekanihinekaitini, xeitsienituyari heimana huta tewiyari

heimana tamamata heimana yuhaikati mekaniyupaimekaitini. Tsepaneti  
memiyuwaikawakai, pika'utatsanixi wipi.

<sup>12</sup>Ketsutsi mipai katiniwarutahiawe:

—Xekanakini xeketeneukwakari.

Teyi'ikitiwamete nixewiti pikayuwairiyakai «¿'eki kepaiki pepiyane?»  
mititahiawe, memitemaikaiki Ti'aitame mihikitikai. <sup>13</sup>Hiki Ketsutsi mana  
kaninuani, paa kananuku'ini kaniwarumini, yaxeiakata tsaapa kaniwarumini.

<sup>14</sup>'Ana hairieka matsiikiti kanayuyeyitiani Ketsutsi teyi'ikitiwamete wahixie  
mikite watsata 'anukukeka.

### Nemuxatsi tiirixi ketiniwarumikwa

<sup>15</sup>Merikitsi mete'ukwaku Ketsutsi mipai Tsimuni Pekuru katiniutahiawe:  
—Tsimuni 'aku, Wani nu'aya, ζwaikawa penetinaki'erie, miki 'etsiwa  
xeikia menetsinaki'eriekaku?

Pekuru mipai katinita'eiya:

—Huu, Ti'aitame. 'Eki pepitimate nemimatsinaki'erie.

Hiki Ketsutsi mipai katinitahiawe:

—Merikite, nemuxatsima tiirixi ketiniwarumikwa.

<sup>16</sup>Hiki hutarieka mipai katinitahiawe:

—Tsimuni 'aku, Wani nu'aya, ζpenetinaki'erie?

Miki mipai katinita'eiya:

—Huu, Ti'aitame. 'Eki pepitimate nepimatsinaki'erie.

Ketsutsi mipai katinitahiawe:

—Nemuxatsima keniwa'iwiyani.

<sup>17</sup>Hairiekari Ketsutsi mipai katinitahiawe:

—Tsimuni 'aku, Wani nu'aya, ζpenetinaki'erie?

Pekuru kaniyuhieriekaitini hairieka «ζPenetinaki'erie?» mititahiawixiki.  
Ayumieme mipai katinitahiawe:

—Ti'aitame, 'eki naimpe pekatinimaika, pepitimate nemimatsinaki'erieki.

Ketsutsi mipai katinitahiawe:

—Nemuxatsima ketiniwarumikwa. <sup>18</sup>Yuriki mipai nekanaineni, kepauka  
pemitemaikitikaitsie 'akimana pekane'ahiayakaitini petikuyeikakaita hakewa  
pemeuyeimikikai. Kepauka 'ukiratsi pemayanitsie, xewiti kamenanahiamiki  
meranuhanata hakewa pemikaheuyeimikitsie, 'amamá pekanitatseraxiamiki.

<sup>19</sup>Mipai kaniutayini tihekiatati Pekuru kemitiminikekai witsi'aneme  
Kakaiyari 'ayeitianike. Mipai 'utayika mipai katinitahiawe:

—Kenenanuweiya ne'utima.

<sup>20</sup>Pekuru ta'aurie 'aweka tiyi'ikitiwame Ketsutsi minaki'eriekai  
kaniuxeiya waruweiyakame, miki memite'ukwaitsie 'auriena mukatei  
mipai mititahiawixi: «Ti'aitame, ζkepaiki pimatsiyetuan?» <sup>21</sup>Pekuru miki  
'uxeiyaka, mipai Ketsutsi katiniutahiawe:

—Ti'aitame, ζ'ikita ketiyurieni?

<sup>22</sup>Ketsutsi mipai katinitahiawe:

—Xika netsi'unakire 'iki miyuhayewaki nemunuanitsieke,  
ζketsi pe'anenikeyu 'eki? 'Ekitsi ne'utima keneumieni.

<sup>23</sup>Ayumieme ta'iwama watsata 'iki niuki kanixatsiwakaitini,  
kename 'iya tiyi'ikitiwame kaminikekai. Matsi Ketsutsi mipai pikatitahiawixi  
mikaminikekaiki, pita pititahiawixi: «Xika netsi'unakire miyuhayewaki  
nemunuanitsieke, ζketsi pe'anenikeyu 'eki?»

<sup>24</sup>Miki tiyi'ikitiwame kanihikitini kemi'ane mitihekiata 'iki hepaitisita,  
kemi'ane 'iki mitiuti'utia. Tepitemate tita mitihekiata yuri maine.

<sup>25</sup>Waikawa 'akuxi yiki 'aneneti kanixuaweni kemituyuri Ketsutsi,  
xika xexuiti tiuti'utiarienike, mipai nepitiku'eriwa, 'ena kwiepa  
pikatinakenike xapate miti'utiarieni. Mipai xeikia kani'aneni.



# Ni'ariekate kememite'uyuri

## Kememite'utahiawarie 'Iyari Mitiyupata memexeiyaniki

**1** <sup>1</sup>Neuxei Teukiru, matiari paiti xapa neputawewi naiti kemitiuyi hepaitsita tikuxatame, Ketsutsi kemititsutia yatiyurieneti meta ti'ikitati, <sup>2</sup>mipai tiuyurieka 'ana kananutiwitikieni, 'aitsika warupitiaka ni'ariekate miwaranayexei, 'Iyari Mitiyupata yati'aitakaku. <sup>3</sup>Hikita tiukwineka miki, wahetsia 'uyeikati puyuhekiatakai kemirayenierekai mamariwawemeki tiyurieneti. Huta tewiyari tukari mepixeyakai. Tiwakuxaxatiwame kemireuyewetse Kakaiyari ti'aitametikaku.

<sup>4</sup>Hiki wahamatia tikwati mipai katiniwaruta'aitiani:

—Kerutsaremetsie xepika'ayekikani, matsi xekeneta'ikwewani tita ne'ukiyari mitixatakai kename tixehani'airieni, ketita xemite'u'eni netikuxatakaku: <sup>5</sup>Wani haki xeikia katini'iyanekaitini, xeme matsi 'Iyari Mitiyupataki xepika'iyarieni yapaimexia tukari 'anukayayu.

<sup>6</sup>Hiki miki hamatiana memuyukuxeiri mipai mekateniku'iwawiyakaitini:

—Ti'aitame, ¿hikiri petihekwatiani 'Ixaheri mira'aitakaitsie?

<sup>7</sup>Ketsutsi mipai katiniwarutahiawe:

—Xeme xehetsie pikatinake xemitemaikaki kepauka tukari mitinake. Ne'ukiyari xeikia yakatini'aitani. <sup>8</sup>Matsi xekanitirikariyariekuni 'Iyari Mitiyupata yuhetsie xehexeyati. Xemunenierixi xepihikitini xetehekiatati nehapaitsita Kerutsareme, naitsarie Kureyatsie, Tsamariyatsie meta naitsarie kwie manuniere paiti.

<sup>9</sup>Mipai tikuxatakaku, miki me'ixeyakaku, kananutiwitikieni, hai kaniukuyani memika'ixeyaki. <sup>10</sup>Hiki yuheima mehautinenierekaku mexi 'a'utimiekai, yapauka 'ukitsi yuhutati wa'aurie mekaniti'uni mehautuxati. <sup>11</sup>Miki mipai mekateniwarutahiawe:

—Karereyutari, ¿titayari mana xeteti'u muyuawitsie xeheutineniereti? Miki Ketsutsi xetsata 'uweti manutiwitikie, kexemite'ixei muyuawitsie heutimieme, yaxekiata tiyuxexeyati kaninuamiki.

## Matiyaxi kemiranayexeyarie Kura hetsiemieme

<sup>12</sup>Hiki Kerutsareme mekanu'axiani yemuri Huriwu mati'u mirakutewatsie meheyekineka, 'uxipiya tukaritsie tewi kemipitiarie mana muyeikaniki, xeikirumeturuyari petewakai Kerutsareme. <sup>13</sup>Hiki me'u'axiaka, kiita mekaneutihaxiani wapaiti memayukuxexeriwatsie. Muwa mepayetekai

Pekuru, Kakuwu, Wani, 'Atirexi, Peripe, Tumaxi, Waxiturume, Mateu, Kakuwu 'Aripeu nu'aya, Tsimuni Tseruti kiekame meta Kura Kakuwu nu'aya. <sup>14</sup>Miki yunaiti xe'iyariyari mepexeyakai, meyuxewiti nenewieriki mepi'ayumiemetetikai, 'ukarawetsixi yunaiti, Mariya Ketsutsi maamaya meta 'iwamama.

<sup>15</sup>Hiki miki tukaritsie Pekuru yu'iwama wahixiapa kaniutakeni, teiteri memuyuxeirikai xeitsienituyari heimana xeitewiyari mekaniyupaimekaitini, <sup>16</sup>mipai Pekuru katiniwarutahiawe: «Ne'iwama, kaneuyewekaitini 'utiarika maye'aniki, meripaiti kemutayi 'Iyari Mitiyupata, Rawiri mipai 'utayiku Kura hepaitisita, miki kemi'ane miwarewiti Ketsutsi miwiyarieniki. <sup>17</sup>Kura tahamatia puyeikakai, meta tahamatia piti'uximayakai. <sup>18</sup>(Hiki tumini mu'itiarieki kwie kaniunaneni, mana 'atiweka yumu'uki kaniukaweni kaniutatsane, kwiniurieya naiti kanawiwieni. <sup>19</sup>Kerutsareme memitama yunaiti mepite'utamari, 'ayumieme mana kwiepa 'Atserirama katinakutewaka waniukiki, maniyine “Xuriya Mataxiri” katinakutewaka).

<sup>20</sup>»Kariki Niawari xapayari puta'utiarie mipai 'anuyiti:

»“Kiiya 'uyemaweti ke'ayani,  
muwa nixewiti pika'ayekani”.

Metatsiere mipai pire'uxa:

»“Kemitihiritiariekai xewiti pita hetsiena mieme kerayani”.

<sup>21</sup>'Ayumieme, kaneuyeweka xeime temanayexeyi munierixi tahamatia memu'uwakai tukariki kepauka Ti'aitame Ketsutsi tahetsia muyeikakaitisie, <sup>22</sup>miki tukaritsie Wani meka'iyaxitsie, meta kepauka tatsata manutiwitikietsie, peuyewetse miki xewiti memunenierixi tahamatia tihekiatati mayaniki kemiranukuke».

<sup>23</sup>Hiki yuhutame mekaniiwanayexeyi Kutse Waritsawaxi mititewakai meta Kutsitu mitimatiwakai, metatsiere Matiyaxi panayexeyarie. <sup>24</sup>Hiki mipai mekateniyutanenewieni: «'Eki Ti'aitame yunaima wa'iyari pemimate. Ketaneuxeitsitia kemi'ane pamanuyexeyi 'iki yuhutame wahetsie, <sup>25</sup>hetsiena mitinakeniki 'iki hepaitisita mihiritiarieniki mitani'arieniki, Kura mitiuhayewaxiki yu'itima metiaki». <sup>26</sup>Iniari mepuwewi kemi'ane rahetsie mitinakekekai. Matiyaxi hetsie katiniunake. Miki ni'ariekate wahamatia matiawati patia tamamata heimana xewi.

### 'Iyari Mitiyupata kemitinua

**2** <sup>1</sup>Hiki 'atahutarieka Tsemana 'ixiarariyari 'aye'aku, yunaiti mepiyuxeirikai yameteyurienike 'auxeikia. <sup>2</sup>Yapauka taheima mieme 'eka hepai 'aneti kaniukuyani tirikaiyeti yemieti, miki yuariya kiita putahinixi memuwayetekaitsie. <sup>3</sup>Hiki tai hepai 'aneneti puyuhekiarixi yuxexuime wahetsie. <sup>4</sup>Yunaiti 'Iyari Mitiyupataki meputihinixi, meta mepitsutia me'utiniuti hipame niukiyariki, 'Iyari kemitiwapitiakai memitiniuniki.

<sup>5</sup>Hiki Kerutsareme mepititekai huriyutsixi Kaka'iyari memayexeyi, yunaima nuiwarite watsata memi'ayumiemetetikai naitсарie muyuawitia. <sup>6</sup>Kepauka yuariya memu'eni yunaiti mepuyuxeiri, mepiyuxamuriekai yuxexuiti yuniukiki memiwa'eniekaiki me'utiniukame. <sup>7</sup>Mepi'iyarixiekai

meta mepihixiyakai mipai me'utiyuati: «¿Neuxei, 'iki yunaiti memutiniuka mekatekarereyutari? <sup>8</sup> ¿Ketitiri 'iki tetewa'enie taxexuiti taniukiki meputiniuka ketemite'ununuiwaxi? <sup>9</sup> Parutiyatari, meriyatari, 'eramitatari, Metsuputamia kiekatari, Kureyatsie, Kaparutsiyatsie, Punitutsie meta 'Atsiyatsie, <sup>10</sup> Pirikiyatsie, Pamipiriyatsie, 'Ekipitutsie, Riwiya 'aurie mukumatsie Tsirene temitama, xumatarari memi'iwatatiwe, <sup>11</sup> huriyutsixi, hipati huriyutsixi memayuyeitia, kiretatari, 'arawiyatari, tanaiti tepiwa'enie taniukiki memutiniuka, Kakaiyari kemitimariwe mekuxatame».

<sup>12</sup> Yunaiti mekani'iyarixiekaitini, 'atsimekatemaiti ketiti mitiyianekai, yuxexuiti mipai meteyikihaweti: «¿Ketiti 'iki pitiyiane?» <sup>13</sup> Hipati mewananaimati xeikia mipai mekaniutiyuanekaitini: «Winu makakaki xeikia mepuhuxa».

### Pekuru yumiireme wahixie kemitikuxatakai

<sup>14</sup> Hiki Pekuru 'anukukeka tamamata heimana xewi wahamatia, karima kaniutaniuni, mipai katiniwarutahiawe: «Neuxei huriyutsixi, yunaiti Kerutsareme xemitama, xeketenemaika ketiti mitiyiane, hiki xekeneneu'eni kenemitayini. <sup>15</sup> 'Iki mepikatarawe xeme xemiteku'eriwa hepai, matsi puximeri 'akuxi 'etsiwa xeikia puxika. <sup>16</sup> 'Ikitsi kanihikitini tita mitixatsiwakai, tixaxatame Kuheri ya'utainekaku:

<sup>17</sup> »Mipai paine Kakaiyari: “Tukari 'aye'ayu kepauka mitaparirimeni mipai pitiyini,

ne'iyari nepitatuani teiteri yunaima wahatsie.

Xeniwema 'ukitsi meta 'ukari mepitetaxata,  
meta temari heinitsi hepai 'anekame mepitexetsitarieni,  
'ukirawetsixi mepiteheinini.

<sup>18</sup> Miki tukaritsie ne'iyari nepitatuani,  
miki nete'uximayatsiriwamete 'ukitsi meta 'ukari wahatsie,  
mepitetaxata nehetsiemieme.

<sup>19</sup> Nepiwahixiyatsitiani waheima muyuawitsie meta kwiepa  
'iniari nepituyurieni,  
xuriyaki, taiki meta haiwitiri kitsiyariki.

<sup>20</sup> Tau kaniyirimiki,  
meta metseri xuriya hepai 'aneti kanayeimiki  
mexi 'akuxi Ti'aitame kanuaweni,  
kepauka mariwemeki mitiyurienitsie.

<sup>21</sup> Yunaiti kemi'ane Ti'aitame memahiawe,  
miki mekanitawikweitsitiariekuni”.

<sup>22</sup> »'Ixaheri teiteriyari, 'iki niuki xekene'enieka: Kakaiyari xetsata pitahekiataxi Ketsutsi natsaretitanaka mariwemeki tiyurieneti tirikaiyemeki, wahixiyatsitiatu meta 'iniariki tiyurieneti miki hetsiemieme, Kakaiyari kemituyuri xeme xekatenimaika. <sup>23</sup> 'Iki kaniyetuyani yamiraye'aniki Kakaiyari mipai timaiti, matiaripaiti, kaniyeni'ani miyetuyani, teiteri 'axateyuruwamete xetewaruta'aitiaka xekaniwiya, kuruxitsie xe'ikawieka xekanimieni. <sup>24</sup> Matsi Kakaiyari kanenukuketiani, 'ixinaka kemirehiyakai

mikiti, miki pikayiwekai mikiti muyuhayewaki. <sup>25</sup>Rawiri mipai paine hepaitsitana:

»“Ti'aitame yuheyemeki nehixie nepixeyakai,  
miki netserieta mutiweki  
ne nepikahatiweni.

<sup>26</sup> 'Ayumieme ne'yari puyutemawie, nenetemawieti neputakwika,  
yaxeikiata newaiyari 'apuyeikani ta'ikwewati.

<sup>27</sup> Eki pepikanetsiku'eirieni mikite wateukiyapa muyuhayewaki,  
'eki pepika'ipitiani 'iyari mipatsie mikatiuka'eniwaniki.

<sup>28</sup> Pepinetsi'uxeiyatsitia huye tukariyari nemexeiyanski,  
waikawa pepinetsihetemawieritiani kepauka 'ahixie nemeta'ani”.

<sup>29</sup>»Neuxei 'iwamarixi, 'aixia kani'aneni heitseriemeki mitixekuxaxatiwaniki tatewari Rawiri hepaitsita, kaniumini meta tiukateukie, makateukietsie mana kaniukani tatsata hiki 'akuxi. <sup>30</sup>Tixaxatame pihikitikai meta katinimaikaitini kename Kakaiyari 'iyihiritia heitseriemeki mipai 'utaiti, xewiti Rawiri hetsie miyeyanikekai heitserie pipitiarienikekai Kiritsituti, pikayenikekai 'uwenieya mira'aitatsie. <sup>31</sup>Matiaripaiti 'ixeyati mipai kaniutayini, Kiritsitu kemiranukuke tikuxatati, mipai 'utaiti:

»“Tukarieya mikiti pika'uku'eiriwaxi,  
waiyarieya pika'utapinixi”.

<sup>32</sup> Hiki Kakaiyari Ketsutsi panukuketia, tame tanaiti temunenierixi tepihiki.

<sup>33</sup> Anutiwitikieka mariweti patia, Kakaiyari tserieta, kanitanaki'erieni tita 'ukiyarieya mitiyetuirienikekai, 'iyari Mitiyupata hikitime. Miki kaniutatuanii hiki kexemite'ixeiya meta kexemite'l'enie. <sup>34</sup>Rawiri muyuawitsie pika'anutitia, matsi yaputayi:

»“Ti'aitame mipai katiniutahiawe neti'aitiwame:  
Netserieta kenayexi,

<sup>35</sup> miki memimetsi'aye'unie  
'ahixie nekaniwa'atiamiki”.

<sup>36</sup>»'Ayumieme heitseriemeki mipai xeketenemaika yunaiti 'Ixaheri xemitama, kemi'ane xeme kuruxitsie xemukawi, Kakaiyari Ti'aitame meta Kiritsitu<sup>a</sup> peyeitia».

<sup>37</sup> Kepauka 'iki niuki memu'eni yunaiti yu'iyaritsie mepuhiweritariie, Pekuru meta hipame ni'ariekate mipai mekateniwarutahiawe:

—'Iwamarixi, žkeri teteyurieka?

<sup>38</sup> Pekuru mipai katiniwaruta'eiya:

—Xeketeneuhayewa 'axakexemiteyurie, meta yuxexuiti xepika'iyarieni Ketsutsi Kiritsitu hetsie, tita 'axaxemite'uyuri, xemiteheuyehiwiyarieni, meta 'iyari Mitiyupata xehexeyati xepakine. <sup>39</sup> Iki kemutayi xehetsie pimieme, xetiriyama wahetsie meta yunaiti teewa kikamete, tatsiari, miki yunaiti Ti'aitame takakaiyari miwaranayexeiya.

<sup>40</sup> Hipame miireme niukiki kaniwawawiriekaitini mipai tiwakihaweti:

—Xekeneyutawikweitsitia hiki miemete 'axamemite'u'iyari watsata.

<sup>a</sup> 2:36 Kiritsitu panuyine Manayexeyarie.

### Yuri memite'erie memakuteitsie

<sup>41</sup>Hiki miki niukieya memutanaki'eri mekaniuka'iyarieni, miki tukaritsie mepiwarutini teiteri haika miriyari meyupameti. <sup>42</sup>Yamepi'ayumiemetetikai ní'ariekate kememite'ikitakai, meyuxewiti meyuparewieti paa metitarati meta meyunenewieti. <sup>43</sup>Yunaiti yu'iyaritsie meheumamati mekanakine, waikawa mamariwawemeki meta 'iniariki memiteyuriekaiki ní'ariekate. <sup>44</sup>Yunaiti yuri memite'erie 'axeikia mekanikutekaitini yunaiti meyuxewiti, 'axeikia naime mepitehexeyikai: <sup>45</sup>yukwie meta yupiinite mepitetuakai, mepitewayetuiriwakai yuxexuiti memiteheuyehiwa. <sup>46</sup>Tukariki tukita meyukuxexeiriwati mepikatehayewakai. Paa kii meuti'uta mepitekewakai meyutemamawieti, meta 'aixia mete'u'iyariti, <sup>47</sup>Kakaiyari hepaitsita 'aixia meputiyuanekai meta yunaiti teiteri 'aixia mepiteku'eriwakai wahepaitsita. Tukariki Ti'aitame waxewiriyati miki piwaxeiriekaiki memitawikweitsitariwakai.

### Pekuru tiwawame huriekame 'aixia kaniuyurieni

**3** <sup>1</sup>Hiki Pekuru meta Wani tuki manuwe mekanekine tau kia kawiekaku, nenewieri hurayari 'aye'aku. <sup>2</sup>Uki hurieti mutinuiwaxi mana kani'atiariwakaitini, tukariki tuki kitenie Witsimi'ane mirakutewatsie mekanitiyetsakaitini parewiya miwaukaki, mana tukita memeutahakekai. <sup>3</sup>Kepauka Pekuru meta Wani miwaruxei tukita meheutahaxiiximekaku, parewiya piwawawiriekaiki. <sup>4</sup>Pekuru meta Wani me'ixeyati, Pekuru mipai katinitahiawe:

—Ketaneuxeiya.

<sup>5</sup>Miki kaniwaruxeiya tixai mete'iminike 'erieti.

<sup>6</sup>Pekuru mipai kaniutayini:

—Pirata meta huru nepikahexeiya, matsi ketita nemirexeiya, miki nepimatiyetuirieni. Ketsutsi Kiritsitu natsaretitanaka hetsia nemimiemeki mipai nepaine, kenanukukexi meta kenekuyeikani.

<sup>7</sup>Tserietana mamayatsie tiwiereka kanenukuhana. Yapauka 'ikateya meta turuteya kaniutitirikaxiani. <sup>8</sup>Anukutsunaka kaniutakeni, kuyeikati kanayani. Wahamatia kaneutahani tukita 'utitsukwakati 'aixia 'utaiti Kakaiyari hepaitsita. <sup>9</sup>Kepauka yunaiti teiteri memixei kuyeikame Kakaiyari hepaitsita 'aixia 'utaineme, <sup>10</sup>mekaneitimani kename miki hikitikai tuki kitenie Witsimi'ane mirakutewatsie mutiyeixakai parewiya wauti, waikawa mepihixiyakai miyamemitenenierekaiki.

### Pekuru Tsarumuni 'etipiwariyatia kemitikuxatakai

<sup>11</sup>Hiki miki tewi Pekuru meta Wani pikawataunekai, yunaiti teiteri me'unautsaxiiximeti mehixiyati wahetsia mepu'axia, Tsarumuni 'Etipiwariyaya meukuwewiya hetia. <sup>12</sup>Pekuru waruxeiyaka mipai teiteri katiniwarutahiawe: «Ixaheri teiteriyari, ¿titayari xetehixiya miyamitiuyiki? ¿titayari xetatexiya mipai xeteku'eriwati, tatirikariyaki temite'uyurieni hepai 'iki tewi 'uyeiweme temayeitiaki? <sup>13</sup>Apirahami, 'Itsahaki meta

Kakuwu tatutsima wakakaiyari, mariweme yuniwe Ketsutsi mayeitia. Xeme xepiyetua meta xepitixani'eri Piratu hixie kepauka miki mixinakekai. <sup>14</sup> Xeme Mipatsie meta Heitserie mexeiyia xepitixani'eri, xepitawawiri tiyumemiwame pita mixinarieniki. <sup>15</sup> Tukari tiyupitiwame xepumi, matsi Kakaiyari kanenukuketiani mikite watsata, mikiki tame temunenierixi tepihiki. <sup>16</sup> Yuri mitiuta'eriki Ketsutsi hetsie, miki 'ayumieme pitatseiriyaxi 'iki xemixeiyia meta xemimate. 'Iki tewi yuri kemiti'erie Ketsutsi 'iparewiekaku, mipai naima 'aixia reu'eriekame kaneyeitiani yunaima xehixie.

<sup>17</sup>»Hiki ne'iwama, ne nepitimate xeme meta te'aitame memanuyetei mipai xepite'uyuri 'atsixekatemaiti. <sup>18</sup> Kakaiyari meripaiti mipai putayikai yunaiti Kakaiyari niukametemama mipai me'utiyuanekaku: kename Kiritsitu<sup>b</sup> tikwinekekai, mipai katinaye'atiarieni. <sup>19</sup> Ayumieme xeketeneuhayewa kexemiteyurie, ta'aurie xekenaxiriekia manuyeiarieni tita 'axaxemite'uyuri, xehetsia 'uxipiya maye'aniki Ti'aitame hetsia mieme, <sup>20</sup> meni'aniki miki Kiritsitu kemi'ane xehetsiemieme mukayerie, Ketsutsi heitserie mupitiarie. <sup>21</sup> Peuyewetse mitanaki'eriwa, taheima mexi tukari ka'aye'awe kepauka 'aixia mitiyurieni naima, kememitekuxatakai Kakaiyari niukametemama hetsiena mieme memupatsie meripaiti miemete yame'utiyuanekaku. <sup>22</sup> Muitsexi yuriki mipai kaniutayini: "Ti'aitame xekakaiyari tixexaxatiwame payeitiani xeime xe'iwama watsata mieme nehepai 'anekame. Xeme xepi'enieka naima kemixetaxatiani. <sup>23</sup> Kemi'ane miki tixaxatame mika'enieka, yuteiterima watsata kanikumaweriyariemiki".

<sup>24</sup>»Kamitsi yunaiti texaxatamete, Tsamueri pitiukatsutia meri, 'arike yunaiti memitekuxatakai, 'iki tukari hepaitsita mekatenihekiatakaitini. <sup>25</sup> Xeme texaxatamete xepiwaniwema, xehetsie katiniunake miki tiratu Kakaiyari mitawewi xetutsima wahamatia, Kakaiyari 'Apirahami mipai katiniutahiawe: "Kemi'ane 'ahetsie miyeyani 'aixia mepi'itiariekia yunaiti nuiwarite kwiepa memitama". <sup>26</sup> Kepauka, Kakaiyari yuniwe 'anukuketiaka, xehetsia meri kaneini'ani 'aixia mixeyurieniki, yuxexuiti ta'aurie xemaxirieniki tita 'axaxemiteyurie xeteku'eirieme».

#### Pekuru meta Wani 'itsikate wahixie kememite'utahiawarie

**4** <sup>1</sup> Mexi'akuxi Pekuru meta Wani teiteri metewakuxaxatiwakai, yapauka mawari wewiwamete wahetsia mekanu'axiani, tuki mihiritiarie meta Tsarutseutsixi wahamatia. <sup>2</sup> Waikawa mepiha'akai teiteri memitewa'ikitiakaiki, memitewakuxaxatiwakaiki kemiranukuketiarie mikite watsata, me'utiyuati Ketsutsi mexatati. <sup>3</sup> Pekuru meta Wani meputiwiyarie mikiyiririmekaikiri, mepiwaranutaxiri muwa me'ayeteti mepukatariyarie. <sup>4</sup> Yumiireti niuki memu'eni yuri mepite'uta'eri, 'ukitsi xeikia me'iniariti 'auxiwime miriyari mepihikitikai.

<sup>5</sup> Hiki 'uxa'arieka Kerutsaremetsie mepiyukuxeiri wa'ukiyarima, 'ukirawetsixi meta 'iniari niukiyariki memite'ikitametetikai. <sup>6</sup> Mana

<sup>b</sup> 3:18 *Kiritsitu* panuyine *Manayexeyarie*.

'Anatsi mawari wewiwamete tiwa'aitiwame meta Kaipatsi, Wani, 'Arekanituru meta yunaiti 'iwamama. <sup>7</sup>Mana yuhixiapa mewati'uitiaka mekaniwaku'iwawiyakaitini mipai mekateniwaku'iwawiyakaitini:

—¿Ke'ane kame tirikariya xehexeyati, kemi'ane hetsia xemiemetiti miya xepiteyurie xeme?

<sup>8</sup>Hiki Pekuru 'Iyari Mitiyupataki hineti mipai katiniiwarutahiawe:

—Neuxei teiteri wa'ukiyarima meta 'ukirawetsixi: <sup>9</sup>Hiki xemitatsiku'iwawiya 'aixia temiyuriki tewi huriekame, miki 'aixiareu'erietu matiaki. <sup>10</sup>Mipai xeketenemaika yunaiti xeme meta yunaiti 'Ixaheri teiteriyari yameketemaika Ketsutsi Kiritsitu natsaretitanaka hetsia mimiemeki, mikitsie tiwiyati 'ena puwe xehixie 'aixia reu'erietu, xeme kuruxitsie xemikawi Ketsutsi, peru Kakaiyari nenukuketiani mikite watsata. <sup>11</sup>'Iki Ketsutsi Kiritsitu kanihikitini:

»“Xeme kii wewiwamete tete xemutixani'eri,  
matsi miki tete 'itsikina mieme kanayani”.

<sup>12</sup>Nixewiti tawarita 'apika'uyeika tatsitawikweitsitianike. Xewiti mumaweki muyuawitia tame teiteri tatsata kimana temitawikweitsitieniki, miki xeikia pukayerie».

<sup>13</sup>Hiki wa'ukiyarima mewaxeyati kememitekuxatakai Pekuru meta Wani mekamamakame, mipai metehetimaika hatsuaku memikateyi'ikitiakaiki meta tixaiti memikatehimetikaiki, mekanihixiyakaitini, mekaniwaretimani Ketsutsi hamatia memu'u'uwakaiki. <sup>14</sup>Me'ixeyati miki tewi 'aixiamu'itiariekai wa'aurie 'uweme, mepikayiwawekairi memiwaniukimakaki. <sup>15</sup>Hiki mekaniwarutani'ani memanuyekineki 'itsikate wahixie, miki mekaniuyu'enieni mipai me'utiuyuati: <sup>16</sup>«¿Keteteyurieni 'iki teiteri wahepaitsita? Yuriki wakimana 'iniari pireyi, yunaiti kememitemate, kemitimatsiki yunaiti Kerutsareme memitama wahixie. Tame tepikayiwawe tema'imawani. <sup>17</sup>Matsi tawariri mukakuxaxatsiwaniki teiteri watsata, kimi tepiwata'imaiya miki hepaitsita xeime memikatekuxaxatiwaniki».

<sup>18</sup>Yuhetsia mewarutakwewieka mipai mekateniwaruta'imaiya memikatekuxatanikiri meta memikate'ikitaniki Ketsutsi hetsiememe.

<sup>19</sup>Peru Pekuru meta Wani mipai mekateniwaruta'eiya:

—¿'Aixia ti'ane Kakaiyari hixie xeme pita temixe'enieka miki teka'enietu? Xekeneutimaixia kemi'ane heitserie mexeiya. <sup>20</sup>Tame tepikayiwawe temitehayewa tetekuxatati tita temite'uxei meta tita temite'u'eni hepaitsita.

<sup>21</sup>Miki tawarita yametewaruta'imaiyaku mekaniwarutatuanu memiyehuki. Teiteri wahetsie tixaiti mepikate'ukaxei memiwa'uximatiakaki, yunaiti 'aixia Kakaiyari hepaitsita memutiyanekaiki mete'utamarieka kemitiuyi. <sup>22</sup>Miki tewi huta tewiyari heimana yapa'imeme wiyari pexeyakai 'iniariki 'aixia mu'itiarie.

### Yuri memite'erie kememiteyunenewiekai

<sup>23</sup>Hiki Pekuru meta Wani me'utatuiyaka yuteiterima wahetsia mekaniu'axiani, mekateniwarutaxatiani naime kememitewarekihiawekai mawari wewiwameteiki memihiritiarie meta 'ukirawetsixi. <sup>24</sup>Kepauka mewaru'enieka 'axeikia meyuxewiti Kakaiyari nenewieri mekaniupitiani: «Ti'aitame Naitarie pemit'aita, muyuawi meta kwie pemutawewi, haramara

meta naime wahetsie mitixuawe, <sup>25</sup>'eki 'Iyari Mitiyupata heki, Rawiri tatutsi mipai petitaxatiaku, ti'auximayatsiriwame mipai putayi:

»“¿Titayari nuiwarite meteyuti'ire,  
meta titayari teiteri yaki xeikia metekuxata?

<sup>26</sup> Kwiepa te'aitamete mekaney'e'unieka,  
meta kuwexinaruritsixi

Ti'aitame mepikaha'eriwa,  
meta kemi'ane manayexeyarie mepikaha'eriwa”.

<sup>27</sup>Yuriki 'iki kiekaritsie mekaniyukuxeurieni Herurexi meta Punitsiyu Piratu, teiteri memikahuriyutsixiri meta 'Ixaheri teiteriyari, 'aniwe mipatsie 'ahetsiemieme Ketsutsi me'aye'unieti, kemi'ane pemanayexei, <sup>28</sup>mekaniyukuxeurieni yameteyurienike tita pemitiyurienikekai meripaiti yapitiyinikekai. <sup>29</sup>Hiki Ti'aitame keniwaru'eni 'axakememutiyuane, ketaneparewieka tame te'auximayatsiriwamete tixaiti tekateheumakati 'aniuki temukuxataniki. <sup>30</sup>'Ayumieme 'ekita 'amamaki keniwaparewieka teiteri memanayexiriyani meta 'iniariki mamariwaweme petiyurieneti 'aniwe Ketsutsi mipatsie hetsiemieme».

<sup>31</sup>Hiki me'uyutanenewieku mana memayuxeirietsie kaniutayuani, yunaiti 'Iyari Mitiyupataki mekanitutihine, Kakaiyari niukieya mekanikuxatakaitini tixaiti mekateheumakati.

### Yuri memite'erie yupiiniteki kememiteyuparewiekai

<sup>32</sup>Yunaiti yuri memite'erie xe'i'yariyari mekanexeyakaitini meta yaxeikia mepiteku'eriwakai. Nixewiti piinitiarika yupiini pikarayeitiwakai, matsi 'axeikia naime mekatenezeyakaitini. <sup>33</sup>Ni'ariekate tirikaiyemeki mekatenehikiatakaitini Ti'aitame Ketsutsi kemiranukuke hepaitisita. Kakaiyari 'aixia katiniyuriekaitini yunaime miki wahetsie, <sup>34</sup>xewiti reuyehiati mana pika'ukatei. Kemi'ane kwie meta kii, memexeyakai mekanikutuayakaitini, kememite'ituani tuminiyari mekan'atiwakaitini, <sup>35</sup>ni'ariekate wahetia mekanitimanakaitini, miki yuxexuime kememiteheuyehiwa memitewayetuiriwani.

<sup>36</sup>Hiki Kutse, rewitewiyari pihikitikai, Tsipiretsie kiekame, ni'ariekate Werunawe mekateneriwa (taniukiki Tiyinitiwame panuyine), <sup>37</sup>miki kwie mexeyakai kaneituani, tuminiyari ni'ariekate wahetsia kani'atiani.

### 'Ananiyaxi meta Tsapira 'axakememite'uyuri

**5** <sup>1</sup>Xewitita tewi 'Ananiyaxi titewati yi'itati Tsapira hamatia yukwie mekanituwani, <sup>2</sup>'iyayata yatimaikaku, 'etsiwa kaniyuhayewieni kemireituwakai, yapaimeme xeikia, ni'ariekate wahetsia kani'atiani.

<sup>3</sup>Hiki Pekuru mipai katinitahiawe:

—Neuxei, 'Ananiyaxi, ¿titayari kauyumarie 'aiyari tini'i, 'Iyari Mitiyupata pemitiu'itaiki, yapaimeme pemauku'iiki kwie pemetua hetsiemieme?

<sup>4</sup>Kepauka mi'akwietikai katini'apiinitikaitini. Peheituaka 'akuxi heitserie pepexeyakai hepaitisana. ¿Ketitayari 'aiyaritsie miyapetiu'ahiawixi? 'Eki teiteri pepikatiwaru'itai, matsi pita Kakaiyari pekatiniu'itaiya.



<sup>5</sup>Iki niuki 'u'enieka, 'Ananiyaxi 'atiweka pumi. Mepimamakai yemeki yunaiti me'u'enanaka. <sup>6</sup>Hiki temari me'anuku'uka hipati me'iku'eimaka mekaneikweni me'ikateukuke.

<sup>7</sup>Hiki haika hurayari 'aye'aku 'iyaya kaninuani 'atsikatimaiti kemitiuyikai.

<sup>8</sup>Pekuru mipai katinita'iwawiya:

—¿Yakenetineutahiawi, yukwie miyapaimemeki xeikia xetehetua?

Miki mipai katinita'eiya:

—Huu, mipai kanipaimekaitini.

<sup>9</sup>Pekuru mipai katinitahiawe:

—¿Titayari xeteyu'eni xemita'iniatiki Ti'aitame 'Iyarieya? Neuxei 'akina teukumete mana kitenie mekaniuti'uka, 'ekita mekamenanukweikuni.

<sup>10</sup>Yapauka miki kanatiweni Pekuru hixie kaniumini. Hiki temari meheutahaxiaka mikime mekaniutaxeiya. Meheikweka kinaya 'aurie mekaneikateuku. <sup>11</sup>Waikawa mepimamakai mana memiyutixexeiriwakai, yunaiti metehetimaika 'iki kemitiuyi.

### Nī'ariekate 'iniari mariwemeki kememite'uyuri

<sup>12</sup>Nī'ariekate wamamaki waikawa 'iniariki meta mamariwaweme katiniuyini teiteri wahixie, yunaiti yurimemite'erie 'axeikia mekaniu'uwakaitini Tsarumuni 'Etipiwarieya meukuwewiya hetia.

<sup>13</sup>Hipati teiteri mewamakati wahamatia mepika'u'uwakai, tsepaiti yemeki 'aixia memutiyanekai wahepaitsita. <sup>14</sup>Yumiireti mepakinirimekai yuri memite'uta'eriwakaiki Ti'aitame hetsie. <sup>15</sup>Mepiyuwaikawakairi 'ukitsi meta 'ukarawetsixi yaxeikiata tekwikwikate huyeta meputuarieximekai 'utatsie meta 'itsitsie me'aheiti, Pekuru tsikeretsi 'etirieya mana wahetsie tiunakeke. <sup>16</sup>Yumiiretita Kerutsareme 'aurie kiekatari tekwikwikate mekaniwa'atiwakaitini, meta kakaiyarixi 'axamemi'anene memiwa'uximatiakai, yunaiti 'aixia meteheuerieteti mepaki.

### Pekuru meta Wani kememite'utaweyarie

<sup>17</sup>Hiki mawari wewiwame tiwa'aitiwame meta mana memihiritarie me'anuku'uka, yunaiti miki memitsarutseutsixitkai, mekaniwaruti'uxiwe'erieni. <sup>18</sup>Hiki nī'ariekate mekaniutiwiyarieni, katsariyanata mepiwaranutaxiri. <sup>19</sup>Matsi tikariki niuki tuayame Yawe hetsia mieme katsariyanata pireuyepiexia, piwaranuyewiti. <sup>20</sup>Mipai tiwakihaweti: «Xekenehu, tuki manuwe muwa xeketeniwakuxaxatiwani teiteri naimete wewi tukari kemirexeiyani hepaitsita».

<sup>21</sup>Miki me'u'enanaka kememite'utahiawarie, tukita ximeripaiti mekaneutahaxiani, muwa mekateni'ikitakaitini.

Kepauka mawari wewiwame tiwa'aitiwame meta mana memihiritarie, meta wahamatia memi'uwakai me'u'axiaka, 'itsikate yunaimete 'Ixaheri xiiyarimama 'ukirawetsixi mekaniwarutaxatiani. Tupiritsixi mekaniwarutani'ani katsariyanata paiti memiwahapayuki. <sup>22</sup>Tupiritsixi me'u'axiaka mepikawarutaxeiki katsariyanata. Yu'utia me'akunuaxiaka, mipai mekateniwarutaxatiani: <sup>23</sup>«Neuxei katsariyana tepetaxeiki 'aixia

rekunakame, tehiwemete kitenie mepeti'ukai, perutsi teteheuyepieka nixeime tepikahetaxei kiita».

<sup>24</sup>Tupiritsixi tiwa'aitiwame tukita tihiweme, meta mawari wewiwamete tewa'atiwamete me'u'enanaka mekanihixiyani, 'atsimepikatemalaiki wahepaitsita kemitiuyi. <sup>25</sup>'Ana xewiti nuaka katiniwarutahekiatiani mipai 'utaiti: «Neuxei miki 'ukitsi xemiwaranutaxiri, miki tuki kuraruyarita mepitehekuxata teiteri meteware'ikitiati».

<sup>26</sup>Hiki tehiwemete tiwa'aitiwame kaneyani meta 'iparewuwametemama, hau'erieti mekawahapatani mekanihixiyani, teiteri memiwamakariakiki teteki mewarutituaxaki. <sup>27</sup>Hiki mewa'atiaka 'itsikate wahixie mekaniwati'uitiani, mawari wewiwame mihiritiarie <sup>28</sup>mipai katiniwarutatieni:

—Tame tami tepitexe'uta'imaiyakai xemikate'ikitaniki miki kemitiwewa hetsiememe. Matsi pita, xeme Kerutsareme yi'ikitiarikaki xepite'utihiniyaxi, xeme tahetsie xepite'ahipa miki tewi xuriyayaki.

<sup>29</sup>Pekuru meta ni'ariekate mipai mekateniwaruta'eiya:

—Peuyewetse matsi Kakaiyari temi'eniekaki, keyuri teiteri memitate'aitiakaki. <sup>30</sup>Tattutsima wakakaiyari Ketsutsi kananukuketiani, xeme xekanimieni kiyetsie xe'ikuwieka. <sup>31</sup>Kakaiyari yitirikariyaki kanenutiwitini yutserieta kaneyeni Ti'aitame meta Tiyuwikweitsitiwame, mixepitianiki 'ixaheritsixi xemitehayewaniki kexemiteyurie, xemiteheuyehiwiyarieniki. <sup>32</sup>Tame tekanihikitini temunenierixi temitehekiata 'iki kemitiuyi hepaitisa, mipaita katinihekiatani 'Iyari Mitiyupata Kakaiyari miwarupitia miki memi'enie.

<sup>33</sup>Miki me'u'enanaka mekanihixiyani mekaniwakwikukaitini. <sup>34</sup>Peru xewiti 'anukukeka memayuxeirietsie paritseu mihikitikai, Kamarieri mititewakai, 'iniari niukiyariki ti'ikitame mihikitikai, mariweme memi'eriekai yunaiti teiteri, katiniuta'aita memiwaranuyen'aniki takwa paiti miki teiteri, <sup>35</sup>mipai katiniwarutahiawe: «Neuxei 'ixaheritsixi, yumarima 'aixia kexemiteyurieni 'iki teiteri wahepaitsita. <sup>36</sup>Meripaiti panukuke Teuraxi, ya'utaiti kename yiwemetikai, nauka tsienituyari 'ukitsi yakititi hetsiena mekateniwiyakaitini. Peru miki pumierie, yunaiti memi'eniekai mepeutaxiriexia, tixai mepikate'aki. <sup>37</sup>Arikeketa kananukukeni Kura karereyatanaka kepauka memaka'utsie, teiteri yumiireme kaniwarewitini yu'utima. Mikita pumierie, yunaiti memi'eniekai mepeutayeixia. <sup>38</sup>Hikiri mipai nepaine, xekeniwaruhayewa 'iki teiteri, xekeniwarutixina. Kememiteku'eriwa meta kememiteyurie xika teiteri wahetsia miemetini mekatenihayewakeyu. <sup>39</sup>Mexika Kakaiyari hetsia miemetini, xepikayiwawe xemiwata'imaiya, tietitsi Kakaiyari xe'aye'unieka».

Merikitsi mekanienieni. <sup>40</sup>Yuhetsia mewarutahiaweke ni'ariekate mewarutiwaka mipai mekateniwaruta'aitiani memikatiniuniki Ketsutsi hetsia miemetetiti. Mekanigarutixina. <sup>41</sup>'Itsikate wahetsia mekanihixiyani meyutemamawieti, Kakaiyari meyiawaweme miwa'eriekaiki memitawe'eriwaniki hetsiana memimemetetikaiki. <sup>42</sup>Tukariki tukita yukiteta mepikatehayewakai mete'ikitati metekuxatati niuki 'aixia manuyine kename Ketsutsi heitserie hexeiya Kiritsituti me'utiyuati.

## 'Atahuta teparewiwamete kememite'anayexeiyarie

6<sup>1</sup> Hiki 'ana mepitētamiiriyarimekai teyī'ikitiwamete. Miki kiriyekutsixi waniukiki memutiniukakai mepiniukixiekai miki hepirayutsixi waniukiki memutiniukakai wahepaitsita, wiuratsixi wahetsia miemete memiwaratimayakaiki tukariki kepauka memiwaparewiekai.

2<sup>2</sup> Tamamata heimana yuhutati mewarukuxeiriekai teyī'ikitiwamete mipai mekateniwarutahiawe: «'Aixia pika'anenikeyu tame Kakaiyari niukieya xika tehayewake mexatsie xeikia temite'apineniki. 3<sup>3</sup> Hiki ta'iwama, xekeniwakuwawa yutsata 'ukitsi 'atahutame 'aixia memitehekiatsie 'Iyariki memihipine memitemaiwawe, miki tepiwahiritiani 'iki hepaitsita kemireuyewetse. 4<sup>4</sup> Tametsi tetanenewieti niukiki texeparewieti tepi'ayumiemetetini».

5<sup>5</sup> Hiki 'iki niuki piwarunakixi yunaiti memiyuxeiriekai. Mepiwaranuyexei 'Etsitewani, 'uki yuri miti'eriekai 'Iyari Mitiyupataki mihinekai, Peripe, Purukuru, Nikanuxi, Timuni, Parumenaxi, Nikuraxi huriyu mayuyeitia 'Anutiyukiya kiekame. 6<sup>6</sup> Nī'ariekate wahixie mekaniwati'uitiani, miki meyunenewieti yamekateniwaruhiritiani waheima me'utimeti.

7<sup>7</sup> Hiki Kakaiyari niukieya kanikuxaxatsiwakaitini: Teyī'ikitiwamete mepitētamiiriyarimekai waikawa Kerutsaremetsie meta mawari wewiwamete yumiireti me'u'enanaka yuri mekateniuta'erieni.

## 'Etsitewani kemitiuwiyarie

8<sup>8</sup> Hiki 'Etsitewani 'aixia tiuka'iyariti tirikaiyemeki tiyurieneti waikawa katiniyurienekaitini teiteri watsata, 'iniari mamariwaweme tiyurieneti.

9<sup>9</sup> Hiki tuki 'epuwekai Xinariekate titewati, miki tsirenetari, 'arekanitiriya kiekatari, Tsiritsiya meta 'Atsiya miemete hamatia mepanuku'ui mehe'iwarimeti niuki mexiatiaiti 'Etsitewani matia. 10<sup>10</sup> Mepitexiekai kemitikuxatakai mitimaiwekaiki, 'Iyari miparewiekaiki. 11<sup>11</sup> Mepitewa'aitiakai hipame teiteri memitekuxataniki 'itarikaki: «Tame tepi'enie 'axa'utaineme Muiisexi hepaitsita Kakaiyari hepaitsita».

12<sup>12</sup> Mepiwaxamuriekai teiteri, 'ukirawetsixi, miki 'iniari niukiyariki memite'ikitakai. Yapauka me'u'axiaka mekaniwia, mekanewitini 'itsikate wahetsia. 13<sup>13</sup> Mana mepiwaruti'uitia hipame memitehekiataniki mete'itawati yame'utiyuati: «'Iki tewi pikatihayewa 'axa'utaiti 'iki 'ena Kakaiyari hetsiememe mipatsie hepaitsita, ta'iniari niukiyari hepaitsita. 14<sup>14</sup> Tepi'enie mipai 'utaineme kename 'iki Ketsutsi natsaretitanaka 'iki tuki ka'una, kename 'ipata tayeiyari Muiisexi mitatsi'upitia».

15<sup>15</sup> Me'i'ixiarieti yunaiti mana memititekai memayuxeirietsie, mekanixeiya nierikaya taheima mieme niuki tuayame nierikaya hepai 'anekame.

## 'Etsitewani yuhetsiememe kemitiutaniu

7<sup>1</sup> Hiki mawari wewiwamete tiwa'aitiwame mipai katinita'iwawia:  
—¿Mipai ti'ane 'iki?

<sup>2</sup>Miki mipai kaniutayini:

—Neuxe'i iwamarixi meta ne'ukiyarima, xekeneu'enana. Tatutsi 'Apirahami 'ixeyiakaku Kakaiyari witsimi'ane matsiikiti kanayuyeitiani Metsuputamiya 'akuxi 'uyeikakaku Haranitsie kaheyeiwekaku, <sup>3</sup>Kakaiyari mipai katinitahiawe: “Keneuku'eiri 'akwie, 'amarema meta 'apaapa kie, kenemie kemi'ane kwie nemimetsixeitsitianitsie”.

<sup>4</sup>»Hiki Kariteyutsixi wakwietsie heyeyaka Haranitsie kaniutayerini. Manata paapaya 'umiku Kakaiyari nipata 'iki kwiepa hakewa xeme'uwa hiki. <sup>5</sup>Kakaiyari pika'imi 'ena mitinakeni niyi'ikaki mikatakeniki, matsi Kakaiyari mipai katinitahiawe kename 'ipitianekakai miki, piinieya mirayaniki, 'arike hetsiena memiyekinekekaita wapiini mirayaniki, tsepa yuniwe mikahexeyakai 'akuxi. <sup>6</sup>Kakaiyari mipai katinitahiawe: “Anuiwarima xeime kwieyaritsie mepititeni yapaimexia, mana wairiyarika mepiteta'aitiarieka meta 'aixia mekatexeyarieti, nauka tsienituyari wiyari mepuyurieni. <sup>7</sup>Nekaniwataxanetamiki 'iya nuiwari wairiyarika mepitewata'uximayatsitiani. 'Arikemikake mekanayekinikuni, ne'uximayatsika mekanexeyakakuni 'ena”. <sup>8</sup>Xitekiya 'iniariyari 'ipitiati kanitawewirieni tiratu. Hiki kepauka 'Apirahami 'Itsahaki memayexei, 'atahairieka tukaritsie pi'iniaritaxi 'ixiteti, 'Itsahaki meta Kakuwu pu'iniaritia, Kakuwu meta mipai tiwaruyuri tamamata heimana yuhutame tatewarima.

<sup>9</sup>»Miki tatewarima me'ita'uxieka Kutse mekaniutuani 'Ekipitutsie manuwitikieniki, peru Kakaiyari hamatiana puyeikakai. <sup>10</sup>Nitawikweitsitiani naima kemiti'uximatiariekai, pipitia 'aixia mitixeyarieniki mitimaiweniki Parahuni hixie 'ekipitutari mitiwa'aitiwametikai hixie. Mikiri 'itsikame kaneyeitiani Kutse 'Ekipitu kwieyari hepaitisita naima yukiita mieme hepaitisita 'ihiritiati.

<sup>11</sup>»Hiki pihakaxatikai naitсарie 'Ekipitutsie Kananitsie, me'uximatiariximekaku waikawa. 'Ikwai mepika'ukaxexeyakai tatewarima. <sup>12</sup>'U'enaka Kakuwu kename 'ikwai hexuawekai tiriku 'Ekipitutsie, kaniwareni'ani tatewarima heiwa. <sup>13</sup>Hutarieka me'u'axiaku Kutse puyuhekiataxi yu'iwama wahixie. Meta Parahuni kaniwaretimani Kutse maremama. <sup>14</sup>Kutse tiutani'aka kaniwaruta'inieni yupaapa Kakuwu yunaima yumarema haika tewiyari heimana tamamata heimana 'auxiwi meyupaimeme teiteri. <sup>15</sup>Miki Kakuwu kaneyani 'Ekipitutsie, mana kanemini, tatewarima manata mekanekwini. <sup>16</sup>Mana Tsikenitsie paiti mepewitiki, mepukateukiexia teukiyapa 'Apirahami minanai pirata tuminiyariki 'Emuri niwemama tsikenitari me'ituirieku.

<sup>17</sup>»Hiki 'ayehurakaku miki tukari maye'atiarieniki tita Kakaiyari yihiritiati 'Apirahami mitiutahiawixi kemitiyinikekai, miki teiteri mepitetimiiyarimekai 'Ekipitutsie. <sup>18</sup>'Anari panukuke xewiti 'ekipitutari tiwa'aitiwametiti, miki pika'imaikai Kutse. <sup>19</sup>Miki kwiepa ti'aitame tateiterima pitwa'itaiyakai. Wairiyarika piwarupitia tatutsima 'itsita memiwareku'eirieniki tiiri memutinunuiwaxi, memikwiniki.

<sup>20</sup>»Hiki 'ana Muitsexi kaniutinuiwa. Witsipi'aneikai nunutsi Kakaiyari hixie, miki haika metseri puwerekai yupaapa kie. <sup>21</sup>Kepauka muku'eiriwaxi,

ti'aitame Parahuni niweya kanitaxeiya, munu'ayatini hepai pitiweriyaxi.  
 22 Pitiuti'ikitiarie Muitsexi naimememitemaiwawekai 'ekipitutari.  
 Kemitixata yapituyurienekai piyiwemetikai.

23 »Hiki huta tewiyari wiyari hexeyati puyuwairi miwa'iwatamieki  
 yu'iwama 'ixaheritsixi. 24 Xeime 'uxeiyaka mierieneme, heimana  
 kaniutanuani, 'aixia pitiuyuri hetsiena mieme, 'ekipitutanaka kaniumieni.  
 25 Mipai katiniku'eriwakaitini kename 'iwamama metemaikakekai  
 Kakaiyari kemitiwatawikkeweitsitanikekai 'iya waparewiekaku, mikitsi  
 mipai mepikatemakai. 26 Hiki 'uxa'ariekata kaniwaruxeiya meyukwitiweme  
 yuhutame 'ixaheritsixi. Niwanitiamikikaitini 'aixia memiteyuxeiyani  
 mipai 'utaiti: “Neuxei, xeme xekaniyu'iwamaka. ¿Titayari 'axaxeteyuyurie?”

27 »Kemi'ane yu'iwama 'axamiyurienekai Muitsexi petaimaxi mipai 'utaiti:  
 “¿Kemi'ane kuta 'eki metsi'utahiawixi 'itsikameki tahetsie pemiti'aitaniki?  
 28 Kaukatsita ne penetsimiemi pe'utaine, takai 'ekipitutanaka pemiti  
 hepai”. 29 Hiki 'ienieka miki niuki Muitsexi kaniyuta'una. Kuyeikame  
 kanayani Mariyani kwieyaritsie. Mana mekaniutinunuiwa niwemama  
 yuhutati.

30 »Hiki huta tewiyari wiyari 'aye'aku, makumawetsie kanixeiya  
 niuki tuayame taipa 'uweme tupiriya matitatawekaitsie yemuri  
 'aurie Tsinahi mirakutewatsie. 31 Miki Muitsexi 'ixeyaka  
 heinitsika hepai 'anekame kanihixiyakaitini. 'Ahurawa 'ayaku  
 miretimaniki kemitiyianekai, Ti'aitame putaniu mipai 'utaiti:  
 32 “Ne 'atutsima nekaniwakakaiyaritini, 'Apirahami, 'Itsahaki  
 meta Kakuwu”. Miki Muitsexi 'uyiyiakati pikayuwairiyakai  
 miniereniki.

33 »Ti'aitame mipai katinitahiawe: “Akakai kenanuyexinxia  
 'a'ikatetsie, mana pemanuwe kwiepa kanakupatsieka. 34 Yemeki  
 nekaniwaxeiyani neteiterima kememite'uximatiarie 'Ekipitutsie.  
 Wa'aiwari nekani'enieka, nekaniyuhekiata mana nemiwarayewitini.  
 Hikitsiari nepimatsi'anuni'ani 'a'utima 'Ekipitutsie”.

35 »Miki Muitsexi memutixani'eri mipai me'utiyuati: “¿Kepai  
 tati'aitiwame ta'itsikame pimatsi'ayeitia?”, mikitime Kakaiyari  
 kaneyeni'ani tiwa'aitiwame wawikkeweitsitiwame, niuki  
 tuayame muxei tupiriyatsie 'uweme 'iparewiekaku yutirikariyaki.  
 36 Mikiri kaniwarayewitini 'iniari tiuyurieka mamariwaweme  
 tiuyurieka 'Ekipitu kwieyaritsie, Haramara Mixetatsie,  
 makumawetsieta yatiyurieneti huta tewiyari wiyari.

37 »Iki Muitsexi kanihikitini kemi'ane mipai mitiwarutahiawixi  
 'ixaheritsixi: “Ti'aitame mixekakaiyari tixexaxatiwame  
 nanukuketiamiki xe'iwama watsata nehapai 'anekame,  
 miki hirixia xepi'enieka”. 38 Iki Muitsexi kanihikitini  
 kemi'ane meyeikakai memiyuyexexeriwakai wahetsia  
 makumawetsie, niuki tuayame matia meyeikakai mitahiawixi  
 yemuritsie Tsinahi mirakutewatsie, tatutsima wahamatia  
 meyeikakai. Mikita niuki mayeyuri putanaki'eri tatsipitianeke.

39 »Miki tatewarima mepika'ieniekukai, matsi mepenyehiakukai.  
 Yu'iyaritsie ta'aurie mepaxirikukai 'Ekipitutsie, 40 mipai 'Aruni  
 metekihaweti: “Peuyewetse kakaiyarixi temutatiwewirieni  
 memitatsi'uwitiximeniki, Muitsexi 'Ekipitu mitatsi'ayewiti,  
 'atsitepikatemate kemeyi kemireyunixi”.

41 »'Ana kakaiyari tsikeru 'ikiyari meputawewi, mawari  
 mepiwewiri. Mekaniyutemamawiekaitini tita yumamaki  
 memite'utawewi me'ayexeyati.

<sup>42</sup>Hiki Kakaiyari piwaruku'eiri, piwayetua muyuawitsie memiteheukatei memitewarayexeyaniki. Mipai kemiraka'utiarie Kakaiyari niukametemama waxapayaritsie mipai 'anuyiti:

»“Teiteri 'ixaheritsixi, mawari xepikanetsi'uwewiri meta 'imikieri, makumawetsie xe'uhuti huta tewiyari wiyari.

<sup>43</sup>Matsi xepeyexeyakai Muruki xirikieya, Xemipani yukakaiyari xuraweyari, wahepai tiyuxexeyame xepiyuwewiriekai nenewieri xemiwapitianiki. 'Ayumieme nekanixe'anuni'amiki xemanuhapanieniki” Wawiruniya yeta paiti.

<sup>44</sup>»Hiki 'ixuriki tukiyari hakewa hekiatsika mayekatei mana kaniuwekaitini tatutsima wahetsia makumawetsie, kemitiu'aitaxi miki mitahiwixi Muitsexi kename hepaina 'anekame ta'aitakekai 'ixuriki tukiyari, 'iniari muxei hepai 'anekame. <sup>45</sup>Miki tuki meputanaki'eri tatewarima. Kutsuhexi matia mekani'atiani kepauka memiwareutaweiyaxia 'ena memititekai hipame nuiwarite. 'Arikeketa 'aniuyeikakaitini Rawiri. <sup>46</sup>Kakaiyari 'aixia katiniuka'iyarikaitini hetsiena mieme. Miki Kakaiyari putawawiri tuki mitawewieniki hake Kakuwu Kakaiyarieya mayekaniki. <sup>47</sup>Peru Tsarumuni pita kii pitawewiri.

<sup>48</sup>»Tsepaneti miki 'Amutewi kiita mikahayeka mamaki miwewiyata. Kemaine tixaxatame:

<sup>49</sup>»“Muyuawi kanine'uwenitini, kwie meta hetsiena neminewetika kanihikitini. ¿Keri 'anekame kii xepinetsitawewirieni?

—Ti'aitame kanaineni—.

¿Hakewa nemeka'uxipieniki?

<sup>50</sup>¿Kamitsi, ne nemamaki 'iki naime nemitiutiwewi katihiki?”

<sup>51</sup>»Xeme xekiipi pitsetse'i, yu'iyaritsie yunakata xepika'iniaritariewawe Kakaiyari 'iniarieyaki, xeme yuheyemeki xepeye'unie 'Iyari Mitiyupata yututsima wahepai. <sup>52</sup>¿Kemi'ane Kakaiyari niukameya xetutsima memika'ayewei 'atiuyeika? Mepiwarukwi miki meripai memitahekiataxi 'iya Heitserie Mexeiya 'umamienikekai. Mikiri xepiyetua, teyukukuyamete xepaki hiki. <sup>53</sup>'Iniari niukiyari xeputanaki'eri niuki tuayamete metexe'aitiakaku, yaxepikatekahu».

### 'Etsitewani kemitiumierie

<sup>54</sup>Hiki me'l'enieka 'iki, yu'iyaritsie mepuyeha'a. Mepiyutakewekai me'l'hekati. <sup>55</sup>Peru 'Etsitewani hineti 'Iyari Mitiyupataki, yuheima heutiniereti, Kakaiyari kaniuxeiya witsi'anekame, meta Ketsutsi tiuxei Kakaiyari tserieta 'utiweme.

<sup>56</sup>Mipai kaniutayini:

—Kami, muyuawi nepixeyia 'anakayepiekame, Yuri Tewi Kakaiyari tserieta 'utiweme netixeyia.

<sup>57</sup>Karima me'utihiwati yunakateta mekaneuyukanaxiani. Mekaniwiya 'axeikia. <sup>58</sup>Kiekaritsie mekanenuyehiani, mekaneitituaxixiani teteki. Memixanetakai yu'ixuriki temaiki Tsauru hetia mekaniuku'eirieni.

<sup>59</sup>Mexi'akuxi me'itituaxakai, 'Etsitewani kaniyunenewiekaitini.

Mipai 'utaiti:

—Ti'aitame Ketsutsi 'aku, ne'iyari keneutanaki'eri.

<sup>60</sup>'Utitunumakeka karima kaniutahiwa:

—Ti'aitame 'aku, 'iki 'axakememiteyurieki wahetsie pepikarahipani.

Mipai 'utayika kaniumini.

**8** <sup>1</sup>Hiki Tsauru 'iyarieya 'aixia pi'anekai 'Etsitewani mumierieki.

### **Tsauru memiyutixexeiriwa kemitiwataweweyakai**

Hiki 'ana Kerutsaremetsie memiyutixexeiriwakai waikawameki mekaneutaweyariexiani memu'uximatiariekaiki, yunaiti mekaneutayeixiani naitсарie kiekari mukumanetsie Kureyatsie meta Tsamariyatsie, ni'ariekate xeikia mekaniuyuhayewa. <sup>2</sup>Hipati teiteri Kakaiyari memayexeyakai 'Etsitewani mekanekuteuku, waikawameki meyuhiwarieti hetsiena mieme. <sup>3</sup>Tsauru kwini mieme piwa'uximatiakai memiyutixexeiriwakai: wakiita peutahakekai, warayehapanati 'ukitsi 'ukari kaniwaranutaxiriwakaitini.

### **Niuki 'aixia manuyine Tsamariyatsie kemitikuxaxatsiwakai**

<sup>4</sup>Hiki memeutaxiriexia naitсарie mekaneutayeixiani niuki 'aixia manuyine mekuxatati. <sup>5</sup>Hiki Peripe nuaka Tsamariya kiekaritsie katiniwahekiatiakaitini Kiritsitu heitserie mupitiarie hepaitsita. <sup>6</sup>Mekani'enieni yunaiti kemutainekai Peripe 'axeikia me'i'enieta me'ixeyati 'iniari kemitiyurienekai. <sup>7</sup>Kakaiyarixi 'axamemi'anene karima me'utihiwati mepiwarutixinaxi yumireme memiwawiyakai. Yuwaikawati waikate mitutunikai meta memihurietikatei 'aixia me'aneneti mekanakine. <sup>8</sup>Miki kiekaritsie yemeki mekaniyutemamawiekaitini.

### **Tsimuni tiyukewaiyame**

<sup>9</sup>Hiki xewiti tewi Tsimuni mititewakai mana puyeikakai miki kiekaritsie meripaiti wakewaiyati tsamariyatari tiwa'iriyati mipai putainekai kename tirikaiyekai. <sup>10</sup>Yunaiti 'ukirawetsixi tiiri meta mepi'eniekai mipai me'utiyuati: «Iki Kakaiyari tirikariyaya kanihikitini, Mimariwe mititewa».

<sup>11</sup>Mepi'eniekai miixa mitiwa'iriyakaiki wakewaiyati. <sup>12</sup>Kepauka yuri memite'ita'eriri Peripe tiwakuxaxatiwame niuki 'aixia manuyine, kemitiane Kakaiyari ti'aitametikaku tikuxatati, kemi'ane Ketsutsi Kiritsitu mihiki kuxatati, 'ukitsi 'ukari mepuka'iyarie. <sup>13</sup>Mikita Tsimuni yuri katiniuta'erieni, 'uka'iyarieka Peripe piparewiekai. 'Ixeiyati 'iniari tirikaiyemeki waikawameki kemitiyurienekai pi'iyarixiekai.

<sup>14</sup>Hiki me'u'enanaka ni'ariekate Kerutsareme meme'uwakai kename tsamariyatari me'itanaki'eri Kakaiyari niukieya, wahetsia mepiwareni'a Pekuru Wani hamatia. <sup>15</sup>Miki meheta'axiaka mekaniyutanenewieni wahetsiemieme 'iyari Mitiyupata mehexeiyati memakineki. <sup>16</sup>'Akuxi 'iyari miki nixewiti pikahexeyakai. Mepuka'iyariekai xeikia Kiritsitu hetsia memimiemetetini. <sup>17</sup>Hiki Pekuru meta Wani wahetsie mekaneutimeni, miki 'iyari Mitiyupata mehexeiyati mekanakine.

<sup>18</sup>Hiki Tsimuni kaniwaruxeiya 'Iyari kememite'upitiarie ni'ariekate waheima me'utimeku. Tumini kaniwaranu'iirienikekaitini, <sup>19</sup>mipai 'utaiti:

—Xekeneneupitia neta 'iki tirikariya, kemi'ane heima nemutimeni 'Iyari Mitiyupata hexeyati mayaniki.

<sup>20</sup>Pekuru mipai katinitahiawe:

—'Atumini 'ahamatia ke'ukumawere, tuminiki Kakaiyari 'imikierieya peminanaimikikaiki. <sup>21</sup>'Iki hepaitsita 'eki heitserie pepikahexeyia, 'ahetsie pikatinakeni. 'Aiyari mikaheitserieki Kakaiyari hixie.

<sup>22</sup>Ketineuhayewa kepemitiyuriene, pe'iku'eirieme 'iki tita 'axapemitiyuriene, Ti'aitame keneutawawiri tsiparatsi xika pereuyehiwiyariemiki mipai pemit'i'akihaweki. <sup>23</sup>Ne nepimatsixeyia tsiirika hepai pehatsiwime, tita mikatiheitserieki penikame.

<sup>24</sup>Hiki Tsimuni mipai katinita'eiya:

—Xemetsi Ti'aitame xekeneutawawiri nehetsiememe, 'atsinemika'itiarieniki kexemutiyuane.

<sup>25</sup>Hiki mikiri mewartahekiatiaka me'itaxataka Ti'aitame niukieya, ta'aurie mepaxiri, Kerutsareme mekanekine. Niuki 'aixia manuyine mekanikuxatakaitini naitarie tsamariyatari wakiekaritetsie.

### Peripe 'etihupiyatanaka hamatia kememitekuxataki

<sup>26</sup>Hiki Ti'aitame niukieya tuayame Peripe mipai katinitahiawe: «Kenanukuxexi, tatsierieta kenemie huyeta Kerutsareme mayehane 'utima kiekari Kahatsa mirakutewatsie miye'axe, hakewa makumawe».

<sup>27</sup>Peripe 'anukukeka kaneyani. Tewi 'etihupiyatanaka ti'uximayatame ti'aitame hetsiememe mikaneike kananukunake, waikawameki mihiritiariakai 'uka ti'aitame Kanaratse mititewakai hetsiememe. Katinihiritiariekaitini naimie piiniteya hepaitsita. Miki tewi Kerutsareme kanekuyeixiakaitini heyukunenewieka, <sup>28</sup>yukaxetatsie hatikaiti, titeriwati tixaxatame Kitsariyaxi xapaya. <sup>29</sup>Kakaiyari 'Iyarieya Peripe mipai katinitahiawe: «Mana kenemie, 'ahurawa keneuye'a miki kaxeta 'aurie».

<sup>30</sup>Peripe 'unautsarimeti, kani'enieni tixaxatame Kitsariyaxi xapaya teriwakame. Mipai katinita'iwawiya:

—¿Pereiti'enietieyeka 'aku tita pemititeriwa?

<sup>31</sup>Miki mipai katinita'eiya:

—¿Ketsinereitimani, xika xewiti kanetsi'utahekiatiani?

Hiki Peripe kaniuta'inieni manutimakeki, 'auriena mayeriniki. <sup>32</sup>Mipai panuyine 'utiarika pemitieriwakai:

«Muxa hepai kanehanieni mimierieniki,  
muxe kaxiriwati mika'utatsuaka hepai  
mipaita yaxeikia pika'utatsua.

<sup>33</sup>Tixai mikaratiaki, heitserie pika'upitiarie kemireuyewekai kepauka muta'iniatsie.

¿Kepaiki piwamaika nuiwarimama?  
Tukarieya munawaiyarieki kwiepa».



<sup>34</sup>Hiki tewi mihiritiarie Peripe mipai katiniutahiawe:  
—Yakenetineutaxatia 'eki ximixi, ħkepaiki piraxata tixaxatame,  
piyuxata, nutsu xeime pita pixata?

<sup>35</sup>Hiki Peripe, kanitsutiani miki 'utiarikatsie tihekiatiati tikuxaxatiwati  
niuki 'aixia manuyine Ketsutsi hepaitisa. <sup>36</sup>Huyeta me'uhuti haa maxuawe  
mekaniu'axiani, mipai tewi mihiritiarie kaniutayini:

—Neuxei kami haa 'ena. ħTitari reuyewetse nemika'iyarieniki?

<sup>37</sup>Mipai Peripe katinita'eiya:

—Xika 'a'iyarisie yemeki yuri peti'erieka, 'aixia kaniyimiki.

Mikita mipai katinita'eiya:

—Ne yuri nekatini'erieka Kakaiyari Nu'aya Ketsutsi Kiritsitu mihiki.

<sup>38</sup>Katiniuta'aita kaxeta mana mitakerieniki. Yuhutati mekaneukakine  
haapa Peripe miki tewi mihiritiarie kaniuka'ia. <sup>39</sup>Haapa me'angatikineku  
Ti'aitame 'iyarieya Peripe kanitihana. Tewi mihiritiarie tawariri pika'ixei,  
yutemawieti yuhuyeta kaniumiekaitini. <sup>40</sup>Matsi Peripe 'Atsutu paiti  
kaniuyeikakaitini, niuki 'aixia manuyine kanikuxatakaitini naitsarie  
kuyeikati kiekaritetsie, 'arike peta'a Tsatsareya paiti.

### Tsauru kemitiuhayewaxi

(Ni'a 9:1-19 – Ni'a 23:3-16, 26:9-18)

**9**<sup>1</sup>Hiki Tsauru 'uxiwa'ati 'akuxi mipai 'utaiti miwakwinikekai Ti'aitame  
teyi'ikitiwametemama, kaninuani mawari wewiwamete tiwa'aitiwame  
hetsia, <sup>2</sup>kanitawawirieni xapate mitiwati'utiirieniki tukita miemete  
Ramatsikutsie, mipai 'utaineme: «Xikatsi 'iki waretaxeyia hipame miki  
huyeta miemete 'ukitsi 'ukari, kaniwarahapamiki mehiatikaime Kerutsareme  
paiti». <sup>3</sup>Hiki huyeta 'uyemiekaku, Ramatsiku 'aye'aximekaku, 'auriena  
kaniukumerika taheima miemeki. <sup>4</sup>Kwiepa 'ukaweka kani'enieni xeime  
mipai haineme:

—Tsauru 'aku, Tsauru, ħtitayari penetikuweiyane 'eki?

<sup>5</sup>Miki rehiawe:

—ħ'Eki Ti'aitame kemi'ane pepetaine?

Miki mipai kaniutayini:

—Netsi Ketsutsi nekanihikitini peminetsikuweiyane. Pimatsi'ukukuine  
pemika'awairiyaki, pemitia'aketsinaki pe'angatseiwati titsewemeki.

<sup>6</sup>Tsauru 'uyiyiakati mati mipai kaniutayini:

—Ti'aitame, tita matinake yanemitiyurieni.

Ti'aitame rehiawe:

—Hiki kenanukukexi, kiekaritsie keneutahaki. Manari  
yapepiretahiawarieni kemireuyewetse yapemitiyurieneni.

<sup>7</sup>Teiteri hamatiana memuhukai mehixiyati 'ameniti'uni me'ienieti kemi'ane  
mutaniu, peru meka'ixeyati. <sup>8</sup>Hiki Tsauru kwiepa kanaanukukeni, yuhixita  
'anutaniereka tixai pikatiuxei, mamayatsie metiwiti mepeiha, Ramatsiku  
paiti mekani'atiani. <sup>9</sup>Haika tukari puyuri kaheuniereti katikwati kahareti.

<sup>10</sup>Hiki xewiti mana kaniuyeikakaitini Ramatsikutsie tiyi'ikitiwame  
'Ananiyaxi titewati, tikariki heinitsita Ti'aitame mipai katinitahiawe:

—'Ananiyaxi.

Miki mipai kaniutayini:

—Ti'aitame, ne nekanihikitini.

<sup>11</sup> Ti'aitame mipai rehiawe:

—Kenanukukexi, kenemie kaye Mixeuraiye mititewa 'utia, Kura kiita keneta'iwau tarutsutanaka Tsauru mititewa. Mana peyunenewie. <sup>12</sup> Mikita heinitsita kanixeiya tewi 'Ananiyaxi titewakame mana ye'arikame heimana 'utimekame manutaniereki.

<sup>13</sup> 'Ananiyaxi mipai katinita'eiya:

—Ti'aitame, nepiwaru'eni yumiireme metekuxatame 'iki tewi hepaitisa, naima 'axakemiwurienekai miki 'ateiterima Kerutsaremetsie.

<sup>14</sup> 'Enata heitserie mekanipitiani mawari wewiwamete tiwa'aitiwame miwaranutaxiriwaniki yunaima memimatsi'ayexeiya.

<sup>15</sup> Ti'aitame mipai katinitahiawe:

—Kenemietsi. Ne 'iki nepenayexei, mitihekiataniki nehapaitsita nuiwarite wahixie, kwiepa te'aitamete meta 'ixaheritsixi wahixie.

<sup>16</sup> Nekatinita'ikitiamiki kemireuyewetse mitikwineki nehetsiemie.

<sup>17</sup> Hiki 'Ananiyaxi kaneyani, kiita kaneutahani. Heimana 'utimeka mipai kaniutayini: «Ne'iwa Tsauru, Ti'aitame ne kaneneyeni'ani, miki Ketsutsi pemuxei huyeta pe'aye'aximeti, miki kaneneyeni'ani peheuniereti pemayaniki, 'Iyari Mitiyupataki pemihineniki». <sup>18</sup> Yapauka panayexiri hixitana kunieri hepai 'aneneti, heuniereti kanayani. 'Anukukeka kaniuka'iyarieni, <sup>19</sup> tiukwakari tirikaiyeti kanayani. Hiki Ramatsikutsie puyeikakai yapaimexia tukari teyi'ikitiwamete wahamatia.

### **Tsauru Ramatsikutsie meta Kerutsaremetsie kemitikuxatakai**

<sup>20</sup> Kwitiwa huriyutsixi watukiteta katinihekiatakaitini Ketsutsi hepaitisa: «'Iya Kakaiyari kaninu'ayatini» 'utaiti. <sup>21</sup> Mekanihixiyakaitini yunaiti memi'eniekai, mipai mekanutiyuanekaitini: «'Iki kanihikitini kemi'ane miwaraye'uniekai miki memehiawe miki kemi'ane mihiki Kerutsareme kiekatari, 'uwata 'ayumieme kaninuani, miwaranuwitniki mehiatikaime mawari wewiwamete memihiritiarie wahetsia». <sup>22</sup> Tsauru yemeki kanitirikariyarieximekaitini. Kaniwa'iyarixitiakaitini huriyutsixi Ramatsikutsie memitamakai, kaniwarutahekiatiani kenama Ketsusi Metsiyaxi<sup>c</sup> hiki.

<sup>23</sup> Hiki miixa tukari 'utixiku huriyutsixi mekaniyu'enieni me'imienike.

<sup>24</sup> Tsauru katinetimani kememiteyurienikekai. Kiekari kitenitetsie tukariki meta tikariki mekanihupiekaitini me'imienike. <sup>25</sup> Teyi'ikitiwamete yiwikita kiriwatsie me'ikayeka tetsariya warie mekaneikatuanu.

<sup>26</sup> Hiki Kerutsareme nuaka pitiwiyamikikai teyi'ikitiwamete wahetsie. Yunaiti mepimakarikai yuri mekate'erietu kenama tiyi'ikitiwametikai.

<sup>27</sup> Werunawe heiwitika kani'atiani ni'ariekate wahetsia. Kaniwarutahekiatiani ya'utaiti kenama huyeta Ti'aitame 'uxei, meta 'itahiawixi, kenama

<sup>c</sup> 9:22 Metsiyaxi. Kiritsitu kiriyekuki panuyine.

Ramatsikutsie kamati tikuxataakai Ketsutsi hetsia miemetiti kemitixinakai. <sup>28</sup>Hiki wahetsia kaniuyuhayewa Kerutsaremetsie naitсарie kuyeikati, hekiakameki tikuxatati Ti'aitame hetsiemieme. <sup>29</sup>Pikamakai mitaniuniki Ti'aitame hetsia mimiemetikaiki. Niuki kanixiatiakaitini kiriyekutsixi waniukiki memutiniukakai wahamatia. Mimentsi mekanimiekukaitini. <sup>30</sup>Iwamama yametehetimaika mekaneiwitini Tsetsareyatsie paiti, Tarutsu paiti mekaneitani'ani.

<sup>31</sup>Hiki memiyutixexeiriwakai naitсарie Kureyatsie, Karereyatsie, Tsamariyatsie mepika'uximatiariekai. Mepitirikariyariekai, Ti'aitame me'ayemakati 'amekaniu'uwakaitini, 'yari Mitiyupata miiremeki kaniwatuikakaitini.

### 'Eneyaxi 'aixia reu'erieti kemiratia meta Rurukaxi

<sup>32</sup>Hiki Pekuru naitсарie pukuyeikakai, manata penua Kakaiyari teiterimama wahetsia Riratsie memitamakai. <sup>33</sup>Mana kanikaxeiya xeime tewi 'Eneyaxi mititewakai 'atahaika wiyari miyurieikai yu'utatsie kakaiti mihuriekaiki. <sup>34</sup>Mipai Pekuru katinitahiawe: «'Eneyaxi 'aku, Ketsutsi Kiritsitu 'aixia pimatsi'uyuri. Kenanukukexi, 'a'itsi keneutatuna». Yapauka kananukukeni. <sup>35</sup>Yunaiti Riratsie Tsarunitsie memitamakai mekanixeyiakaitini, mikita mete'uhayewaka ke'axamemiteyurieikai Ti'aitametsie mekatenuwiya.

<sup>36</sup>Hiki tiyi'ikitiwame 'uka Kupetsie nekateitini Tawita titewati (taniukiki Rurukaxi titewati, Maxama titewati). Miki 'aixia ti'aneneme katiniyurienekaitini kwini mieme, katiniyukanenimayakaitini. <sup>37</sup>Hiki 'ana tiutakwineka kaniumini. Me'itahauxika kii taita mekaneitatani. <sup>38</sup>Hiki Riratsie pehurakai Kupe, teyi'ikitiwamete me'u'enanaka kename Pekuru mana heyeikakai, hetsiana mekaniwari'ani 'ukitsi yuhutame mipai mete'itawawirienike: «Penikahirixia 'areutewini tahetsia peminuaniki».

<sup>39</sup>Pekuru 'anukukeka wahamatia petia, nuaku kii taita mekaneitiwitini. 'Auriena mekanu'axiani yunaiti 'ukari wakinama memukwi, me'utitsuati me'ixeitsitiati 'ixurikite tetiata miemete herie miemete miwewiekai Maxama wahetsia 'uyeikati.

<sup>40</sup>Yunaima Pekuru kaniwaranuyen'ani, 'utitunumakeka kaniyutanenewieni. Ta'aurie 'aweka kaxari manukatei mipai kaniutayini: «Tawita 'aku, kenanukukexi». Miki kananutaniere. Pekuru 'uxeiyaka 'aniutayerini. <sup>41</sup>'Iya mamayatsie tiwiereka kanenukuhana. Yuhetsia kaniwarutahiawe Kakaiyari teiterimama 'ukari meta wakinama memukwi wahamatia, kaniyetuani 'ayeniereme. <sup>42</sup>Naitсарie Kupetsie kaniutamariwa, yuwaikawati yuri mekatenuita'erieni Ti'aitame hetsie. <sup>43</sup>Miixa tukari Kupetsie pekatei Tsimuni hetsia nawi 'uayame hetsia.

### Kuxineriyu Pekuru kemitiutani'airi

**10** <sup>1</sup>Hiki tewi Tsetsareyatsie pukatei Kuxineriyu titewati xeitsienituyari kuyaxi tiwa'aitiati. Miki kuyaxi 'Itariyatsie mepikiekataritikai. <sup>2</sup>Miki Kakaiyari 'ayemakati yakatinikamiekaitini, meta yunaiti kiena kiekatari. Waikawa katiniyurienekaitini teiteri wahetsiemieme wanenimayati, Kakaiyari nenewieri pipitiakai yuheyemeki. <sup>3</sup>Hiki xeitukaritsie tau kia

kakaiku heinitsi hepai 'aneme kaniuxeiya. Kakaiyari niukieya tuayame hepana 'amiekame kaniuxeiya, mipai tikihiaweme:

—Kuxineriyu 'aku.

<sup>4</sup>Kuxineriyu 'ixeiyaati waikameki kanimakaitini mipai katinita'iwawiya:

—¿Ketita 'aku neti'aitiwame?

Niuki tuayame mipai katinita'eiya:

—Kakaiyari 'anenewieri kaniu'enieni 'anemayatsika meta 'a'uximayatsikatsie kepemitiyuriene mawari pewewieti. <sup>5</sup>Hiki teiteri Kupe paiti keniwaranuni'a Tsimuni Pekuru mititewa memiwitiyuki. <sup>6</sup>Miki Tsimuni nawi 'uayame hetsia kanekani, kiya haramara tetsita kaneweni. Miki kamatinitaxatiamiki kemireuyewetse yapemitiyurieneniki.

<sup>7</sup>Hiki niuki tuayame tiutaxataka heyaku, Kuxineriyu yuhutame yuni'arima yu'aurie piwarutahiawixi meta kuya Kakaiyari mayexeyikai, memiparewiekai yuheyemeki. <sup>8</sup>Naime tiwarutahekiatiaka kemitiuyikai, Kupe paiti kaniwareni'ani.

### Pekuru tita mitiuxei

<sup>9</sup>Uxa'arieka mexi'akuxi huyeta me'uhukaku kiekari 'aurie me'aye'axi'aximekaku Pekuru kii heima manawerikaitsie kanautiyani tuka yutanenewienike. <sup>10</sup>Kanekahakamikatiyani, mexi'akuxi 'ikwai wewiyakai, katiniuheinini. <sup>11</sup>Muyuwawi 'anakayepiekame kaniuxeiya meta tsawana hepai ti'aneame katiniuxeiya 'arakamieme, tetsitana naukaki tiwiewetikai kwiepa paiti kanakatuiyani. <sup>12</sup>Mikitsie mekanati'ukaitini yunaiti kwiepa memite'u'ua nauka 'ikayari memexeyatika, kuterixi meta memite'awiwawe.

<sup>13</sup>Xewiti mipai katinitahiawe:

—Pekuru kenanukukexi, keniwarukwika meta keniwarutikwa'i.

<sup>14</sup>Pekuru mipai katinita'eiya:

—Ti'aitame pikatixaixuari. Hatsuaku nepikatitikwaiwe 'axamiti'anene mikati'itiyatika.

<sup>15</sup>Hutarieka miki mipai katinitahiawe:

—Tita Kakaiyari miti'itie 'axati'anenekame pepikati'erieka.

<sup>16</sup>Haikakia mipai katiniuyini, hikita kwitiwa tsawana panutihanie taheima.

<sup>17</sup>Pekuru 'atsipikaretimaitiyeikakai titaki miti'ayumiemetikai heinitsi. Hiki mexi'akuxi teiteri Kuxineriyu miwareyeni'akai, kitenie me'u'axiaka Tsimuni kiya hepaitisita mekanitu'awauni. <sup>18</sup>Meku'iwawati mekanituniere xika Tsimuni Pekuru mititewa muwa 'ayekateitini.

<sup>19</sup>Mexi'akuxi Pekuru yu'iyaritiakai kemitiunierikai hepaitisita, 'Iyari mipai katinitahiawe: «Neuxei Tsimuni, teiteri yuhaikati mepimatsiwautiwe.

<sup>20</sup>Mexuima, mana keneukaye'a, wahamatia kenemie peka'a'iyaritiati, netsi nepiwareyeni'a».

<sup>21</sup>Pekuru 'anakayaka hake memeti'ukai teiteri mipai katiniwarutahiawe:

—Ne nekanihikitini, xeme xeminetsiwautiwe. ¿Tita xetehayexeyati xetekiyia?

<sup>22</sup>Miki mipai mekatinita'eiya:

—Kuxineriyu xeitsienituyari kuyaxi mitiwa'aitiwame tatsiheyeni'aku tepeyeki, miki heitseriemeki yapitiyuriene meta Kakaiyari kanayemakaxeni,

yunaiti huriyutsixi mekaneyemakaxekaitini. Kakaiyari niukieya tuayame mipai katinita'aitiani 'eki kiena pemimieki, mimatsi'enieniki niuki 'eki pemitaxatianiki.

<sup>23</sup>Hiki Pekuru kiita kaniwareuta'inieni, muwa memayeheniki.

### Pekuru Kuxineriyu kemireku'iwataxi

'Uxa'arieka 'anukukeka wahamatia kaneyani. Hipatita 'iwamarixi Kupetsie kiekatari wahamatia mekanekine. <sup>24</sup>'Uxa'ariekake Tsetsareya paiti mekaneta'axiani. Kuxineriyu kaniwakwewiekaitini yumarema meta yuhamikuma miwanaki'eriekai wahamatia. <sup>25</sup>Pekuru 'aye'aximekaku kiena, Kuxineriyu kanayeyani 'enunakeke. Hetiana 'ukatunumakeka nenewieri kanipitiani. <sup>26</sup>Matsi Pekuru kanenukuketiani mipai tikihiaweti:

—Kenanukukexi. Netsi 'ahapai nekanitewitini.

<sup>27</sup>Pekuru hamatiana tikuxatati kitana kaneutahani, kaniwaretaxeiya yuwaikawa meyuxeirikame.

<sup>28</sup>Mipai katiniwarutahiawe:

—Xeme mipai xepitemate, kemi'ane huriyu tewiyari mihiki pikatauniwa mitiwiyaniki xeime nuiwaritsie, wa'aurie mamieniki. Perutsi Kakaiyari mipai pinetiutahekiatia tewi mikayiwe mipai mitayini kename tewi 'axa'ane kename ka'itiya. <sup>29</sup>'Ayumieme nekaneku'imawati nekaninuani kepauka nemeyewitike. Hiki nekanixeku'iwawiyanikeyu ʔitayari xenete'utani'airi?

<sup>30</sup>Kuxineriyu mipai katinitahiawe:

—Ranuka'atu nepinehakeikai 'epauka. Tau kia kakaiku ne ninenenewiekaitini nekiita. Yapauka xewiti nehixie putake 'ixuriki merikaiyeme 'anakatiti

<sup>31</sup>mipai kanetiniutahiawe: “Kuxineriyu 'aku, Kakaiyari 'anenewieri pu'eni

meta yapiretima kepemit'uximaya peti'akanenimayati. <sup>32</sup>'Ayumieme, ketineutani'a Kupe paiti. Tsimuni Pekuru mititewa munuaniki. Miki Tsimuni nawi 'uayame kie kanekani haramara tetsita. Nuame pimatitaxatiani”.

<sup>33</sup>Hiki kwitiwa nekatiniutani'ani. 'Ekitsi 'aixia pekatiniuyurieni pemunuaki. Hikitsiari tanaiti 'uwa tepitaxeirie Kakaiyari hixie, temi'enieniki naime Ti'aitame kemimat'aitia yapemitatitaxatianiki.

<sup>34</sup>Hiki Pekuru mipai kaniutayini:

—Yuriki hikirixia mipai nepiretima, Kakaiyari teiteri yiki pikatiwaxeiya,

<sup>35</sup>matsi yuxexuime nuiwarite watsata kemi'ane me'eyemakati meta kemi'ane

heitseriemeki yameteyurieti mem'uwa miki piwaxeiya. <sup>36</sup>Kakaiyari yuniuki

'aixia manyiwe kaneyeni'ani 'ixaheritsixi wahetsiemieme, mipai hainekame

kename Ketsutsi Kiritsitu yu'iyaritsie memika'uximatiariekaki wapitiani.

Miki Ketsutsi yunaime tiwa'aitiwame mihiki. <sup>37</sup>Xemeri xepitemate naitarie

Kureyatsie kemitiuyi, Karereyatsie tiutsutiarieku kepauka Wani mitihekiatakai

kememiteka'iyarienikekai. <sup>38</sup>Ketsutsi natsaretitanaka kanihikitini,

kemi'ane Kakaiyari mikawiri 'Iyari Mitiyupata meta 'itirikariyati. Miki

'aniuyeikakaitini 'aixia tiyurieneti, yunaime Kauyumarie miwa'uximatiakai

'aixia metehue'eriekame kaniwarayeitiwakaitini, Kakaiyari hamatiana

muyeikakaiki. <sup>39</sup>Tame tepihiki temunenierixi temitehekiata naime hepaitisita

kemitiuyuri huriyutsixi wakwiepa Kerutsaremetsie. Miki mekanimieni kiyetsie

me'ikawiwati. <sup>40</sup>Kakaiyari kanenukuketiani hairieka tukaritsie, kanipitiani matsiikiti mayaniki, <sup>41</sup>yunaiti teiteri meka'ixeyakaku, tehekiatamete xeikia Kakaiyari miwaranuyexei matiari paiti mekanixeiya, tame hamatiana tekateniukwani meta tekateniu'ieni mikite watsata 'anukukeku. <sup>42</sup>Miki pitatiuta'aitia teiteri temitewakuxaxatiwaniki, temitehekiataniki kename 'iki hiki kemi'ane Kakaiyari mikaye memayeneniere meta mikite wa'itsikame mayaniki. <sup>43</sup>Hepaitsitanata yunaiti Kakaiyari niukametemama mekatenihekiatani mipai me'utiyuati, miki hetsiana yuri memite'erie katiniwareuyehiwirieni tita 'axamemite'uyuriki hetsiana memimietetiniki.

<sup>44</sup>Hiki Pekuru mexi'akuxi niuki kuxatakaku, 'Yari Mitiyupata wahetsie katiniuwiya, yunaiti niukieya memu'eni wahetsie. <sup>45</sup>Yuri memite'eriekai Pekuru hamatia memu'axia memihuriyutsixitikai mekanihixiyakaitini memikahuriyutsixi mipai memite'umikieki, 'Yari Mitiyupata wahetsie mutatuiyaki. <sup>46</sup>Mepiwa'eniekai niukiteki metekuxatame, 'aixia me'utiyuaneme Kakaiyari hepaitsita.

<sup>47</sup>Hiki Pekuru mipai katiniwarutahiawe:

—¿Kepaitsi haa piwatikweririeni, 'iki memika'iyarieneniki? 'Yari Mitiyupata meputanaki'eriexia tahepai.

<sup>48</sup>Katiniuta'aita memika'iyarieneniki Ketsutsi Kiritsitu hetsiememe. Hiki mekaniwarutawawirieni wahetsia 'akuxi yapaimexa tukari memuyuhayewaniki.

### Pekuru kemitiwarutahekiatia memiyutixexeiriwa Kerutsaremetsie

**11** <sup>1</sup>Hiki ni'ariekate meta 'iwamarixi Kureyatsie memu'uwakai mekatenuutamarieni kename miki memikahuriyutsixi Kakaiyari niukieya me'utanaki'eriekai. <sup>2</sup>Kepauka Pekuru Kerutsaremetsie meutiyunixi, miki xitekiya 'iniariyaritsie miemeki mekaniniukimakaitini <sup>3</sup>mipai me'utiyuati:

—¿Titayari 'eki teiteri xitekiya 'iniariyari memikahexeiya wahetsia petinua meta wahamatia perekwakai?

<sup>4</sup>Pekuru katiniwarutixatitayani xexuime kemireyikai hepaitsita:

<sup>5</sup>—Ne kiekari Kupe mirakutewatsie nehekaiti. Nekaneyunenewiekaitini, heinitsi hepai 'anekame nekanexeiya, taheima 'akamieme tetsitana naukakia hawiwietikaima tsawana 'amiyewa hepai tiyuxexeyame, nemanukateitsie 'aurie kaniuteni. <sup>6</sup>Nekaniwaxeyakaitini mana memite'atitekai,

nauka 'ikateyari memexeiya kwiepa miemete, yeutari, kuterixi meta memite'awiwawe nekaniwaruxeiya. <sup>7</sup>Hiki xeime nekaniu'enieni mipai netikihiaweme: “Pekuru kenanukukexi, keniwarukwika keniwarutikwa'i”.

<sup>8</sup>Ne mipai nekaniutayini: “Ti'aitame pikatixai, tita 'axamiti'anene mikati'itiyatika hatsuaku neteta pikareutahawe”. <sup>9</sup>Hutarieka mipai kanetiniuta'eiya kemi'ane taheima mutaniukakai: “Tita Kakaiyari miti'itie 'eki 'axati'anekame pepikati'erieka”. <sup>10</sup>Haikakia mipai katiniuyini, hikita naiti taheima kanaanuthanieni.

<sup>11</sup>»Hiki 'ana yuhaikati teiteri nekie nemiwayekateitsie mekaniu'axiani, nehetsia memeyeni'arie Tsetsareyatsie meheyekineka. <sup>12</sup>'Yari mipai

pinetiutahiwixi: “Wahamatia kenemie tixaitiki pekati'a'iyaritiati”. Meta ta'iwama 'ataxewiti nehamatia mekanekine, miki tewi kiita tekaneutahaxiani. <sup>13</sup>Miki katatiniutahekiatiani niuki tuayame kemitiuxei yukiita mipai tikihiaweme: “Xeime keneutani'a Kupe paiti Tsimuni Pekuru mititewa miwitikiemeki. <sup>14</sup>Miki niuki pimatsitaxatiani kimana 'eki meta 'akie kiekatari yunaiti xemitawikweitsitarieniki”.

<sup>15</sup>»Kepauka netiutsutiaku netikuxatati, 'Iyari Mitiyupata wahetsie pituwiyaxi tahepai tsutiapai tahetsie mituwiyaxi hepai. <sup>16</sup>Hiki ne nepaye'eri Ti'aitame niukieya kemainekai: “Wani haki pituuka'iyakai, xeme pita 'Iyari Mitiyupataki xepika'iyarieni”. <sup>17</sup>Ayumieme, xika Kakaiyari wayetuiriene miki 'imikieri yaxeikia tame kemitatiupitia Ti'aitame Ketsutsi Kiritsitu hetsie yuri tete'uta'erieku, ¿Ne ketsi netiyiwekai Kakaiyari nema'imaiyaniki?

<sup>18</sup>Hiki 'iki me'u'enieka, kayuwati mekaniutamare, 'aixia mekaniutyuanekaitini Kakaiyari hepaitsita mipai me'utiyuati:  
—Mikita Kakaiyari katiniwarupitiani memikahuriyutsixi memitehayewaniki kememiteyuriekai matsi tukari memexeianiki.

### 'Anutiyukiyatsie memuyutixexeiriwa

<sup>19</sup>Hiki miki memeutaweyariexiakai 'umierieku 'Etsitewani, Penitsiyatsie, Tsipiretsie meta 'Anutiyukiyatsie mekaneta'axiani, hipame niuki mepikawakuxaxatiwakai, huriyutsixi xeikia. <sup>20</sup>Hipati miki Tsipire meta Tsirene mekaniekataritikaitini, miki 'Anutiyukiya me'u'axiaka niuki 'aixia manuyine mekaniwakuxaxatiwakaitini kiriyekutsixi Ti'aitame Ketsutsi hepaitsita. <sup>21</sup>Miki Ti'aitame tirikariyaya kaniwaparewiekaitini, yuwaikawati yuri mekatenuuta'erieni, Ti'aitame hetsie mekatenuwiya.

<sup>22</sup>Hiki wahepaitsita mepu'enana miki Kerutsaremetisie memiyutixexeiriwakai, Werunawe 'Anutiyukiya paiti mekaneni'ani. <sup>23</sup>Nuaka, niereti Kakaiyari 'aixia kemitiuka'iyarikai, kaniyutemawiekaitini. Yunaima kaniwatukakaitini Ti'aitame hetsie memitewiyaniki, wa'iyari ya'aneakaku. <sup>24</sup>Miki tewi 'aixia pitiyurienekai, 'Iyari Mitiyupataki pihinekai, meta yuri piti'eriekai. Yumiireti teiteri Ti'aitame hetsie mekatenuwiya.

<sup>25</sup>Manata Werunawe Tarutsu paiti kaneyani Tsauru kuwauneti, kepauka mitaxei 'Anutiyukiya paiti kaneiwitini. <sup>26</sup>Mana xeiwiwari mepuyuri memiyutixexeiriwakai wahamatia meyukuxexeiriwati. Yumiireme mekatenuwa'ikitiakaitini, 'Anutiyukiyatsie teyi'ikitiwamete “Kiritsitiyanutsixi” mepite'utateriwarie matiari.

<sup>27</sup>Hiki 'ana Kakaiyari niukametemama kerutsaremetari 'Anutiyukiya paiti mekanakanexiani. <sup>28</sup>Miki xewiti 'anukukeka 'Akawu mititewakai katiniutahekiata, 'Iyari mipai titahekiatiaku kenama hakaxa 'ayanikekai waikawa naitsarie teiteri mematitekaisie, mipai pituyi kepauka Kirauriyu miti'aitametikai miki kwieyaritsie. <sup>29</sup>Yuxexuiti teyi'ikitiwamete kememiteheixeyakai, mekaniyuwairiyakaitini tixaiti memite'anuni'aniki memiwaparewieniki yu'iwama Kureyatsie memitamakai. <sup>30</sup>Mipaitsi mepite'uyuri, 'imikieri mawariyari mepukuxeiri, Werunawe meta Tsauru mekaniwaru'itiani 'ukirawetsixi memiwareyetuirieneiki.

**Kakuwu 'umierieku meta Pekuru kemiranutahiya**

**12**<sup>1</sup>Hiki 'ana Herurexi miti'aitametikai miki kwiepa, kanitsutiani memiyutixexeiriwakai 'aixia katiwaxeiyati. <sup>2</sup>Kakuwu Wani 'iwaya, kaniuta'aita 'ixiparaki mimierieniki. <sup>3</sup>Retimaika kememiteyutemamawiekai huriyutsixi, mipaita 'arike Pekuru kaniuwiya. 'Tki pitiuyi paa mikakuxaxani 'ixiarariyari mewewiekaku. <sup>4</sup>Hiki Pekuru 'uwiyaka kanenutahiani, kuyaxi kaniwaruhiritiani tamamata heimana 'ataxewime yunanaukakati memi'iwiyaniki. Patsikwa 'ixiarariyari 'aye'ayu teiteri wahixie mekani'atiarienikekaitini Pekuru mimierieniki. <sup>5</sup>Miki ni'iwiariekaitini katsarianata. Memiyutixexeiriwakai mekatehayewati nenewieri mepipitiakai Kakaiyari hetsiena mieme.

<sup>6</sup>Hiki kepauka Herurexi Pekuru miwayehanakekaitsie teiteri wahixie mimierieniki, miki tikaritsie Pekuru kanikutsukaitini yuhutati kuyaxi naitsata me'uti'ukaku, meta huta tepiyariki 'akuwieti. Hipatita tehiwemete katsariyana kitenie hixie mekanihikaitini. <sup>7</sup>Yapauka Ti'aitame niukieya tuayame mana kaniutakeni. Kiita paiti pukumerikaxi. 'Akitana 'iwaka Pekuru kananutahitiani mipai rehiaweti: «Xeiya kenanukukexi». Tepia puxinixia Pekuru mamateyatsie. <sup>8</sup>Mipaita niuki tuayame katinitahiawe: «Kene'atikemaritia meta 'akakaitsie keneukexia». Mipai pitiuyuri. Mipaita katinitahiawe: «A'ikariki kenanayuku'eimaka kenenanuweiya».

<sup>9</sup>Pekuru 'utimana kaneyani, 'atsikatimaiti xika yuritikaitini niuki tuayame kemitiyurienekai. Heinitsika xeikia 'erieti. <sup>10</sup>Xeimetsie meri mekanuuyekine, hutariekata tehiwemete wa'aurie, tepia 'itupariyaritsie meuwetsie mekanie'axiani kiekari muyenenatsie. 'Itupari yikimana kaneyepiere wahetsiememe. Mana xeime kayetsie me'anuyenexiaka. Yapauka niuki tuayame kaneyani yuxaitame 'iku'eirieka.

<sup>11</sup>Hiki Pekuru yutamaixiaka mipai kaniutayini: «Hikirixia yuriki nepiretima Ti'aitame yuniuki tuayame meyen'a minetsitawikweitsitaniki, Herurexi mikanetsimieniki meta huriyutsixi yunaiti kememiteta'ikwewakai».

<sup>12</sup>Hiki kepauka mipai miretima, Mariya kie kaninuani Wani Marikuxi mititewa maamaya. Muwa yumiireti mekanuyexeriekaitini meyunenewieti.

<sup>13</sup>Takwa 'utiweti 'itupari kaneyuitiani. 'imari Xute mititewakai kaneyani hei'enimieka. <sup>14</sup>Pekuru miniukieyatikaiki heitimaika, waikawa kaniyukatemawieni kareuyepieka kaniutanautsa yu'utima pita.

Mipai katiniwarutaxatiani:

—Pekuru kitenie petiwe.

<sup>15</sup>Miki mipai mekatenitahiawe:

—Yaki pekaniutaineni.

Matsi miki pehiki, miki katiniwakihawekaitini. Mikita mipai mekaniutyuanekaitini:

—Niuki tuayameya kaneyianeni.

<sup>16</sup>Matsi Pekuru pikatihayewakai 'itupari heuyuitiwati. Kepaukake memiteheuyepi mekanixeiya, mekanihixiyani. <sup>17</sup>Pekuru yumamaki



kaniwaru'iniaritiai kayuwati memitamareki, katiniwarutahekiatiani Ti'aitame katsariyanata kemitiwayewiti. Mipai katiniwarutahiawe:  
—Kakuwu meta ta'iwamarixi xeketeniwaretahekiatia kemitiuyi hepaitsita.  
'Anuyeyaka xaitsie kaneyani.

<sup>18</sup>Hiki 'ukatareku kuyaxi yemeki mekaniyuxamurietiwekaitini kerituyunixi Pekuru me'utiyaui. <sup>19</sup>Herurexi heikuwauka pikaheitaxei. 'Ayumieme kaniwaruta'iwawiya tehiwemete, katin'i'aitakaitini memikwi'iwaki. Hiki Herurexi Kureya heyeyaka Tsetsareyatsie yapaimexia mana kaniukateitini.

### Herurexi kemitiumi

<sup>20</sup>Hiki Herurexi Tiru kiekatari meta Tsiruni kiekatari wahetsiemieme piha'akai, miki matsi mete'utaxataka hetsiana mekanu'axiani, Puratsitu me'itihamikutaka kemi'ane kwiepa ti'aitame kiita mihiritiariakai, 'aixia memiteyuxeianiki mekanitawawirieni, wakwieyari mira'aitatsie mirawiyakaiki yu'ikwaite memitehexeianiki.

<sup>21</sup>Tukari ma'iniaritakatsie Herurexi ti'aitame 'aixia tiyukemaritiaka, yu'uweniesie kanayerini, teiteri wahixie katiniutaxata. <sup>22</sup>Teiteri mipai mekatenuhiwakaitini: «Tewi pika'utaine, kakaiyari putaine». <sup>23</sup>'Ana yapauka Ti'aitame niukieya tuayame katinikwinitiani, Kakaiyari hepaitsita 'aixia mika'utainekaiki, hiki Herurexi 'utakwitsieka kaniumini.

<sup>24</sup>Peru Ti'aitame niukieya naitсарie pi'enieriekai mepitamiirimekai.

<sup>25</sup>Kepauka Werunawe meta Tsauru yu'uximayatsika memaye'atia, Kerutsareme mekanakunuaxiani, Wani me'awititi Marikuxi mititewakai.

### Werunawe meta Tsauru kememite'utateutiari

**13** <sup>1</sup>Hiki 'Anutiuyukiyatsie memiyutixexeiriwakai hipati Kakaiyari niukametemama mekanihikitikaitini meta mekateni'ikitametetikaitini Werunawe, Tsimuni Nikeri mititewakai, Rutsiyu tsirenetanaka, Manaheni ti'aitame Herurexi hamatia memutiwawerixi meta Tsauru.

<sup>2</sup>Mexi'akuxi miki mana me'u'uwakai meyuhakieti meta Ti'aitame 'uximayatsikayatsie yametyurieti, 'Iyari Mitiyupata mipai kaniutayini: «Nehetsiemieme xekeniwarupata Werunawe meta Tsauru, mipai memite'uximayakaki kenemitiwatahiawe».

<sup>3</sup>Hiki me'uyuhakieka mekaniyutanenewieni waheima me'utimetii, mekaniwarutateutiani.

### Nī'ariekate Tsipiretsie kememitekuxataki

<sup>4</sup>Hiki Werunawe meta Tsauru 'Iyari Mitiyupata kaniwarewitini, Tsereutsiyatsie mekaniye'axiani, manata Tsipire paiti kanuwa 'amipatsie mekanekine. <sup>5</sup>Tsaramina me'u'axiaka Kakaiyari niukieya mekanikuxatakaitini huriyutsixi watukiteta. Meta Wani mepa'iniekai miwaparewiekaki.

<sup>6</sup>Hapa kwie miyematsie Papuxi paiti mekaniuyekine. Mana xeime huriyu mitiyukewaiya mekaniutaxeiya, ti'itawati mitixaxatametikai, Waxiketsutsi

mutitewakai, <sup>7</sup>miki Tserikiyu Pauru mititewakai hetsia kaniukateitini. Kuwexinaruri mirakumate, Werunawe meta Tsauru katiniwarutani'airieni, Kakaiyari niukieya kani'enimikikaitini. <sup>8</sup>Peru miki tiyukewaiyame 'Erimatsi (kiriyekeutsixi waniukiki panuyine) wahepaitsita kani'uxiwa'akaitini kanikununuitiwakaitini kemi'ane kwiepa mihiritiariekai yuri mikatita'erieniki. <sup>9</sup>Hiki Tsauru, Papuru mititewa meta, 'Yari Mitiyupataki hineti, 'ixeyati mipai katinitahiawe: <sup>10</sup>«Kari 'eki pepihine naime 'irimariki meta 'axamiti'aneki. Kauyumarie nu'aya pekanihikitini, naime mitiheitserie pekanaye'unieka, ꞌpekatihayewa 'eki pe'itunati Ti'aitame huyeya mixexeurawi? <sup>11</sup>Hiki Ti'aitame yumamaki 'axapimetsiyurieni. Pekaheuniereti pekanayeimiki tau hekiariyaya pekaxeyati yapaimexia».

Yapauka puku'etirixi meta pukuyirixi hetsiena. Kumeneti xeime kanikuwaunekaitini menuhanaki. <sup>12</sup>Mipai tiuniereka kuwexinaruri yuri katiniuta'erieni, Ti'aitame 'ikitsikaya hepaitsita kanihixiyakaitini.

### **Papuru meta Werunawe 'Anutiyukiya Pitsiriya kwieyaritsie kememitekuxataki**

<sup>13</sup>Hiki Papuru meta hamatiana memu'uwakai Papuxitsie mekanekine, Perike Pamipiriya kwieyaritsie mekaniye'axiani. Wani mana kananayeyani wahamatia 'uyeikati, yu'itima pita Kerutsareme kaneyani. <sup>14</sup>Mikitsi Perike mekaniyekine, 'Anutiyukiyatsie Pitsiriya kwieyaritsie mekaniu'axiani. 'Uxipiya tukaritsie huriyutsixi watukita meheutahaxiaka muwa mekanayaxe. <sup>15</sup>'Utiteriwarieku 'iniari xapayari meta Kakaiyari niukametemama waxapayari, tukita te'aitamete niuki mekaneni'ani wahetsia mipai me'utiyuati: «Ta'iwama xika niuki xehexeyani teiteri xemiwaparewieniki, xeketeneutaxata».

<sup>16</sup>Papuru 'anukukeka yumamaki waru'iniaritiaka mipai kaniutayini: «Neuxei xekeneu'enana 'ixaheritsixi, xeme meta xemikahuriyutsixi Kakaiyari xemayemakaxe: <sup>17</sup>'Iki 'Ixaheritsixi teiteriyari wakakaiyari kaniwaranuyeteixi tatutsima. Teiteri wahetsiemieme 'aixia pitiuyuri kepauka ku'uwamete 'Ekipitu kwieyaritsie. Yitirikariyaki kaniwarayewitini miki kwieyaritsie. <sup>18</sup>Huta tewiyari wiyari yakititi katiniwamikwakaitini makumawetsie me'u'uwakaku. <sup>19</sup>Manata 'atahutame nuiwariyari waruka'unaka Kanani kwieyaritsie kaniwayetuirieni wakwie mihikitiniki. <sup>20</sup>'Iki naiti nauka tsienituyari heimana huta tewiyari heimana tamamata wiyari katineutere.

»Manaketa 'itsikate kaniwarupitiani Tsamuheri tixaxatame hikitikaku. <sup>21</sup>Hiki 'ana kwiepa ti'aitame mekanitawawirieni. Kakaiyari kaniwayetuirieni Tsauri Tsixi nu'aya Wenikamini nuiwarieyatsie mieme. Huta tewiyari wiyari 'anukayaku <sup>22</sup>Kakaiyari kanipata. Rawiri pita kananukakeni, kwiepa ti'aitame mayaniki wahetsiemieme. Mipai katiniutahekiata hepaitsitana: “Rawiri Kitsahi nu'aya nekaniutaxeiya, tewi kenemire 'iyari hepai yatikamieme. Naime keminetinake yakatiniyuriemiki”.

<sup>23</sup>»'Iki nuiwarieyatsie, Kakaiyari kemainekai 'ixaheritsixi wawikweitsitiwame Ketsutsi kaneyeni'ani. <sup>24</sup>Meripaiti miki 'akuxi kanuawekaku, Wani katiniwahekiatiakaitini yunaime 'ixaheritsixi teiteriyari metehayewati

'axakemiteyurie memika'iyarieniki. <sup>25</sup>Kepauka Wani yu'uximayatsika niximeti, mipai kaniutainekaitini: “¿Kexeteku'eriwa kemi'ane nepihiki? Netsi nepikahiki. Kami xewiti ne'utima 'upamie. Ne 'aixia nepikatiuka'iyari nehetsie mitinakeniki meta kakaiteya nemenuehunierieixianiki”.

<sup>26</sup>»Neuxei 'iwamarixi, 'Apirahami xemixiyarimama, meta xeme xemikahuriyutsixi Kakaiyari xehayemakati xemu'uwa, xehetsiemieme peyeni'arie 'iki niuki kexemitetawikweitsitarieni manuyine. <sup>27</sup>Kerutsareme memitama meta wakuwexinarurima Ketsutsi mepikahetima, 'ayumieme mepikaheye'atia Kakaiyari niukametemama waniuki 'uxipiya tukaritsie mutiteriwariwakai, matsi mepeye'atia miki niuki me'enutahiati.

<sup>28</sup>Tsepaneti tixaiti memikate'ukaxei hetsiena, Piratu mekaniutawawirieni mimierieniki. <sup>29</sup>Mete'aye'atiaka naimie hepaitsitana kemire'ukai, kuruxitsie me'ekaxinaka teukiyapa mekaneikateuku. <sup>30</sup>Peru Kakaiyari mikite watsata kanenukuketiani. <sup>31</sup>Miixa tukari miki hamatiana Karereyatsie memiyeki Kerutsareme paiti mepiye'axia, miki mekanihikitini. Memunenierixi hiki mekanihekiatani teiteri wahixie.

<sup>32</sup>»Tameta niuki 'aixia manuyine xeme tepixekuxaxatiwa, mipai mitiuyiki tatutsima kemitiwarutahiawekai. <sup>33</sup>Kakaiyari Ketsutsi 'anukuketiaka mipai piraye'atia tame teminuiwarimama. Mipaita hutarieka mieme Niawari Xapayaritsie mipai pire'uxa:

»“Eki neniwe pekanihikitini,  
hiki nekameniutinuiwitiani”.

<sup>34</sup>Kakaiyari penukuketia mikite watsata, hatsuakuri tawarita mikatapineki. Mipai katinaye'ani 'iki niuki:

»“Ne 'aixia nekanixeyurimiki xemipatsiekaki yuriki Rawiri  
kenemitiutahiawixi”.

<sup>35</sup>'Ayumieme xeime kwikaritsie mipai paine:

»“Kemi'ane 'ahetsiemieme pemipataxi, miki pepikapitiani mitapineki”.

<sup>36</sup>»Hiki Rawiri yatuyurieka yunuiwarima wahetsiemieme, Kakaiyari kemitinake kemitiyikihiawekai, Rawiri kaniumini, yututsima wahamatia kaniukateukieni, waiyarieya kaniutapine. <sup>37</sup>Peru miki matsi kemi'ane Kakaiyari menukuketia, miki yuwaiyaritsie pika'utapinixi.

<sup>38</sup>»'Ayumieme mipai xeketenemaika xeme ne'iwama, Ketsutsi hetsiemieme mipai tepitexehekiatia, tita 'axaxemiteyurie xemiteheuyehiwyarieniki,

<sup>39</sup>'aitsika Muiťsexi hetsia mieme pika'iyiwekaxia 'aixia mixeyurieniki 'axaxeteyuriekaku, peru yunaiti Ketsutsi hetsie yuri memite'erie 'aixia mekani'itiarieka. <sup>40</sup>Yumarima 'aixia Kakaiyari niukametemama kememaitikatei mipai tiuyini:

<sup>41</sup>»“Neuxei teyukatawe'eriekate.  
Xekenemamaka meta xekenekwi'ini.  
Kenemitiyurieni ne mexixe'u'uwa,  
xeme hatsuaku yuri xepikateta'erieni,  
tsepaneti xewiti mitixe'utahekiatia”».

<sup>42</sup>Hiki huriyutsixi watukiiteta me'ayenexiaka, miki mekaniwarutawawirieni 'iki niuki memikuxataniki tawarita 'uxipiya tukaritsie. <sup>43</sup>Mete'utahayewaku

xeiripa, yumiireti huriyutsixi meta waikawa memite'ayexeyiakai Papuru meta Werunawe mekaniwareweiya, miki mekaniwatuikakaitini yuri mete'erieti memuyuhayewaniki Kakaiyari 'aixia tiuka'iyarikaku wahetsiemieme.

<sup>44</sup>Hiki tawarita 'uxipiya tukaritsie yunaiti kiekatari mekaniyukuxerieni Kakaiyari niukieya memi'enieniki. <sup>45</sup>Huriyutsixi mewaruxeyiaka miki memiyukuxeiri yimiireme, mekaniwaruti'uxiwe'erieni. Papuru niukieya hepaitsita 'axamekaniutiyanekaitini.

<sup>46</sup>Papuru meta Werunawe mipai mekateniwaruta'eiya mekamamati: «Peuyewekai xeme meri Kakaiyari niukieya temixetaxatianiki. Xeme xepika'itanaki'eri, tukari mikaxiwe xehetsie mitinakeniki. 'Ayumiemeri 'iki, memikatanuiwari wahetsia tekaniyehuni. <sup>47</sup>Mipai Ti'aitame pitatiuta'aita:

»“Ne hekiariwiwame nepimatsi'ayeitia nuiwarite wahetsiemieme, Pemiwatawikweitsitaniki naitarie kwie manunieretsie paiti'».

<sup>48</sup>Hiki memikahuriyutsixi me'l'enieka mekaniyutemamawiekaitini. 'Aixia mekaniutiyanekaitini Kakaiyari niukieya hepaitsita. Yunaiti tukari mikaxiwe memupitarieki yuri mete'uta'erieka.

<sup>49</sup>Miki kwiepa naitarie Ti'aitame niukieya pi'enieriekai. <sup>50</sup>Huriyutsixi mepiwarutaxamuri 'ukari memitehayexeyiakai memimariwakai, kiekatari memanuyetei yukwiepa Papuru meta Werunawe mekaniwarayeweiya.

<sup>51</sup>Miki mekaneikatsixiani tumuanari yu'ikatetsie 'iniari meyurieti wahepaitsita, 'Ikuniyu pita mekanekine. <sup>52</sup>Teyi'ikitiwamete waikawa mekaniyutemamawiekaitini, 'Yari Mitiyupataki mekanihipinekaitini.

### Papuru meta Werunawe 'Ikuniyutsie kememite'uyuri

**14** <sup>1</sup>Hiki 'Ikuniyutsie Papuru meta Werunawe mekaneutahaxiani huriyutsixi watukita kememite'iyamakai, muwa mekatenikuxatakaitini, 'ayumieme yuri mekateniuta'erieni yumiireti huriyutsixi meta kiriyekutsixi. <sup>2</sup>Huriyutsixi yuri memikate'eriekai mepiwarukunuitia mepiwahaxiatiakai miki memikahuriyutsixitikai ta'iwama wahepaitsita. <sup>3</sup>Miki matsi miixa 'amepititekai mekamamati Ti'aitame hetsia memimiemetetikaiki. 'Iya katinihekiatakaitini niuki 'aixia kemitiuka'iyari manuyine hepaitsita. Piiwarupitiaxia yumamaki 'iniari mamariwaweme memiteyurieniki. <sup>4</sup>Hiki kiekatari hixiata mepiyutsanaxi: hipati huriyutsixi wahetsie mekateniwiyakaitini, hipatita ni'ariekate wahetsie mepitewiyakai. <sup>5</sup>Miki memikahuriyutsixitikai huriyutsixi wahamatia wa'ukiyarima wahamatia mekanitsutiani 'axamewayuriekuti mewatuaxikuti. <sup>6</sup>Ni'ariekate yametehetimaika, mekaniyuta'una kiekaritetsie Ritsitiratsie meta Reriwetsie mana hurawa Rikahuniya kwieyaritsie. <sup>7</sup>Mana mepu'uwakai niuki 'aixia manuyine mekuxatati.

### Papuru Ritsitiratsie kemireutituaxiexia

<sup>8</sup>Hiki tewi Ritsitiratsie pekatei nunutsiyari paiti ka'uyeiweti mutinuiwaxi. Muwa kaniutikateitini, <sup>9</sup>Papuru tikuxatame kani'eniekaitini. Miki 'ixeyati, yatimaiti yuri miti'eriekaiki 'aixia tiuyeikati mayaniki, <sup>10</sup>karima mipai katinitahiawe:

—Kenanukukexi, 'a'ikate keneutixutsera.

Miki kaniutitsuna, kuyeikati kanayani. <sup>11</sup>Teiteri me'ixeyaka Papuru kemitiuyuri, me'utihiwati rikahuniyatari waniukiki, mipai mekaniutiyuani: —Kakaiyarixi tahetsia mepu'axia teiteri wahapai meteyuxexeyati.

<sup>12</sup>Werunawe Tsehuxi mepute'uteriwaxi, meta Papuru 'Eximetsi mikimeri niuki mukuxatakaiki. <sup>13</sup>Kupiteri tukieya kiekari 'aurie manuwe, mawari wewiwameya turutsixi kaniwa'atiani wa'awate xuturiyatikaime kitenietsie kaniuku'uitiani. Teiteri yumiireme wahixie, miki mawari kaniwaweriemikikaitini.

<sup>14</sup>Me'u'enanaka nī'ariekate Werunawe meta Papuru, yu'ixuriki metitsanati me'unautsaxiaximeti mekaniu'axiani teiteri wahetsia me'utihiwati, mipai me'utiyaati:

<sup>15</sup>—Xeme teiteri 'aku ʔitayari mipai xeteyurie? Tame xehapai tekaniteiteritini, xehapai tekateniuyarini. Niuki 'aixia manuyine temixekuxaxatiwa xemitehayewaki yaki xeikia xemiteyurie, Kakaiyari mayeyuritsie xemitewiyaniki. Miki muyuawi, kwie meta haramara putiwewi, meta naima wahetsie memitexuawetika. <sup>16</sup>Meripaiti xeteiterima mepiwarupitia nuiwarite yuhuye memanukuweiyaki.

<sup>17</sup>Tsiere pikayuhayewakai kaheixeyati kemi'ane mitahekiatake. 'Aixia katiniyurienekaitini, wiyeri muyuawitsie mieme pitatsipitiakai, meta 'ikwaxi puxuaweriyakai. Xe'iyari muyutemawiekaki xetekwakaku.

<sup>18</sup>Mipai me'utiyaaka hawerimimete xeikia mekaniwarukunuitiani, teiteri mawari memikawawewirieniki.

<sup>19</sup>Hiki huriyutsixi mana mekaniu'axiani 'Anutiyukiyatsie meta 'Ikuniyutsie meheyekineka. Teiteri mekaniwarukunuitiani. Papuru mekaniutituaxixiani. Mekaneihana kiekari tetsie mikime me'erieti. <sup>20</sup>Teyi'ikitiwamete 'auriena mehaketikineku, kananukukeni. Kiekaritsie kaneyani. 'Uxa'ariekata Werunawe hamatia Reriwe mekanekine.

### 'Anutiyukiya Tsiriya kwieyaritsie kememite'u'axia

<sup>21</sup>Mana niuki 'aixia manuyine mekaniwakuxaxatiwakaitini kiekatari, yuwaikawame mekateniwa'ikitiakaitini. 'Ariketa me'akunuaxiaka, Ritsitiratsie, 'Ikuniyutsie meta 'Anutiyukiyatsie meniuyekine.

<sup>22</sup>Teyi'ikitiwamete wa'iyari mekaniutuikaxiani metewakuxaxatiwati para yuri mete'erieti memiyuhayewaniki, mipai me'utiyaati: «Peuyewetse waikawa te'uximatiarieme temeutahaxianiki Kakaiyari mira'aitatsie».

<sup>23</sup>Naitsarie memiyutixexeiriwatsie wa'ukiyarima mekananayexeyarieni. Meyutanenewieka me'uyuhakieka mepihiritia Ti'aitame, miki yuri memite'uta'eriki hetsiena.

<sup>24</sup>Hiki Pitsiriya kwieyaritsie me'uyekineka, Pamipiriya kwieyaritsie paiti mekaniu'axiani. <sup>25</sup>Mete'utahayewaka niuki me'utaxataka Periketsie, 'Atahariyatsie mekaneukayune.

<sup>26</sup>Mana kanuwa 'amipatsie mekanekine 'Anutiyukiyatsie paiti hakewa memayeni'arie Kakaiyari 'aixia mitiuka'iyariniki wahetsieme, memite'uximayakaki kememiteheye'atia. <sup>27</sup>Me'u'axiaka mekaniwarukuxeiriwani memiyutixexeiriwa. Mekateniwarutaxatiani kehepai

mireyuriekai Kakaiyari wahamatia 'uyeikati, mipaita yuri mekateneta'erieni nuiwarite memikahuriyutsixi. <sup>28</sup>Miki tey'i'ikitiwamete wahetsia miixa tukari mana mekaneyuhayewa.

### Kerutsaremetsie kememite'uyu'eni

**15** <sup>1</sup>Hiki hipati Kureya meheyekineka mekateniwa'ikitiakaitini ta'iwama mipai me'utiyuati: «Xeme xika xitekiyaki xeka'u'iniaritarieni kemaine Muiťsexi yeiyarieya, xepikayiwawe xemitawikweitsitarieniki».

<sup>2</sup>Papuru meta Werunawe yemeki mekaniniukixiekaitini miiremeki wahepaitsita. 'Aixia mekaniyurieni Papuru Werunawe hamatia meta hipati yuri memite'erie miki yunaiti Kerutsareme mekanekine, ni'ariekate meta 'ukirawetsixi wahetsia 'iki niuki hepaitsita memitehetixataki. <sup>3</sup>Mana memiyutixexeiriwakai mepiwareni'a. Penitsiyatsie meta Tsamariyatsie mepuyeki metekuxatati memikahuriyutsixi wahepaitsita kename yuri mete'uta'eriwakai. Miki niuki me'enieti yuri memite'erie 'iwamarixi waikawameki mekaniyutemamawiekaitini. <sup>4</sup>Kerutsareme me'uta'axiaku, mana memiyutixexeiriwakai, ni'ariekate meta 'ukirawetsixi yunaiti mekaniwarutanaki'erieni. Memitewarutaxatiaki naime Kakaiyari kemitiyurienekai wahamatia 'uyeikati.

<sup>5</sup>Hiki hipati paritseutsixi wahepai memiteku'eriwakai mekananuku'uni mipai me'utiyuati:

—Peuyewetse memikahuriyutsixi temiwata'aitianiki memi'iniaritarieniki xitekiyaki, 'iniari niukiyari Muiťsexi 'aitsikayatsie yamemitekahuniki.

<sup>6</sup>Hiki ni'ariekate meta 'ukirawetsixi mekaniyukuxeirieni 'aixia meteyurienike 'iki niuki hepaitsita. <sup>7</sup>Waikawa niuki mexiatiakaku, Pekuru 'anukukeka mipai katiniwarutahiawe:

—Neuxei 'iwamarixi, xeme mipai xepitemate, Kakaiyari meripaiti pinetsi'anayexei xetsata, miki memikahuriyutsixi niuki 'aixia manuyine memi'enieniki ne ne'utaniukakaku, mikiki memitawikweitsitarieniki.

<sup>8</sup>Kakaiyari ta'yari mimateki katiniwarutahekiatiani wapitiati 'iyari Mitiyupata tame tahepai. <sup>9</sup>Yiki katatixeyati miki meta tame. Yuri mete'uta'erieku wa'iyaritsie kaniwaru'itieni. <sup>10</sup>Hiki kamitsi, ŕketiyari Kakaiyari xete'iniatatiwe, yuyeyari xetewaranuyetekirie tey'i'ikitiwamete turutsixi kwietsanamete wahepai? Tatutsima meta tameta tepitatexiekai yuku temanuyeteniki. <sup>11</sup>Matsi Ti'aitame Ketsutsi 'aixia tiuka'iyarikaku tame yuri tepite'erie temitawikweitsitarieniki.

<sup>12</sup>Hiki yunaiti muwa memuyuxeiriekai kayuwati meputamarixi, memiwa'enieniki Werunawe meta Papuru metehekiatame 'iniari mamariwaweme Kakaiyari kemitiyurienekai memikahuriyutsixi watsata miki metekuxatakaku. <sup>13</sup>Mete'utahayewaka metekuxatati, Kakuwu mipai katiniwaruta'eiya:

—Ne'iwamarixi xekeneneu'eni. <sup>14</sup>Tsimuni katiniutahekiata Kakaiyari meripaiti kemitiyuwairi menyexeyaki memikahuriyutsixi watsata hetsiana memimemetetini. <sup>15</sup>Yaxeikia paine Kakaiyari niukametemama waniuki, mipai kemire'utiarie hepai:

- 16 »“Arike mana nepinuani,  
Rawiri kiiya nepitawewieni mu'unikai.  
Kiyexiyari mana meutihe naime nepanuku'uitiani,  
nepitseiriya,  
17 teiteri memiyuhayewa Ti'aitame memukuwauniki,  
yunaiti nuiwarite nemiwaranayexei nehetsia memimietetiniki.  
18 Ti'aitame mipai paine”  
matsikime meyeitia 'iki matiari paiti.

19 »Ayumieme ne mipai nepitiku'eriwa, tepikawa'uximatiaka miki memikahuriyutsixi Kakaiyaritsie yuri memite'uta'eriki. 20 Matsi 'aixia piyini temitewata'utiirieniki memiyukweriwayuriekaki, tita kakaiyarixi memitemawiyarie miki hepaitsita, memikawakumaiwaniki mikayi'ia mikayikina, 'ukawiyayu waiyarieya hepaitsita memiyukweriwayuriekaki meta xuriya memikakwa'aniki. 21 'Iya Muietsexi meripaiti hikike piwarexeiya miki memitahekiata kiekari mukumanetsie watukiteta yamemite'ititeriwa 'uxipiya tukaritsie.

### Memiyutixexeiriwa metehaka'utiaka mekaneini'ani

22 Hiki ni'ariekate meta 'ukirawetsixi wahamatia yunaiti memiyutixexeiriwakai wahamatia 'aixia 'anekame mekani'eriekaitini yutsata memiwaranuyexeyaki hipame, memiwaranuni'aniki 'Anutyukiya paiti Papuru meta Werunawe wahamatia. Mekaniwaranuyexeyia Kura Waritsawaxi mititewakai, meta Tsiraxi. Miki mepite'aitametetikai yu'iwama watsata. 23 Mipai mete'u'utiaka xapatsie mekaneini'ani:

Ni'ariekate meta 'ukirawetsixi 'iwamarixi,  
Tekanixewairitiaka,  
meta ta'iwamarixi xemikahuriyutsixi 'Anutyukiyatsie,  
Tsiriyatsie meta Tsiritsiyatsie xemitama.

24 Tepu'enana kename hipati tahetsia miemete mexexamurietiwekali yuniukiki xe'iyari meyuitiatiweti mexe'aitiati xemiyu'iniaritianiki xitekiyaki, 'iniari niukiyaritsie yaxemitekahuniki. Tame tepikatewa'aitia. 25 Hiki, 'axeikia te'uta'enieka temiwaranayexeyaki hipame 'iwamarixi xehetsia temiwaranuni'aniki Werunawe meta Papuru temiwanaki'erie wahamatia. 26 Miki yutukari mekaniyetuakaitini Ketsutsi Kiritsitu Tati'aitiwame hetsia memimieteteki. 27 Ayumieme, tepiwareni'a Kura meta Tsiraxi. Mikita yuniukiki yaxeikia mepitexehekiatiani. 28 'Aixia pitiyurie, 'Iyari Mitiyupata, meta tame waiyarika temikaxepitiakaki, 'iki hepaitsita kemireuyewetse: 29 xemika'ikwakaki tita kakaiyarixi memitemawiyarie, xuriya, mukawiya waiyarieya, kemi'ane mikaxe'ia mikaxekina xemikawakumaiwaniki. Xeme xika miki xeka'umayiani, 'aixia xepiyiaka.

Mipai xeikia kani'aneni.

<sup>30</sup> Hiki miki memeyeni'arie 'Anutiyukiyatsie mekanu'axiani. Yunaimewarukuxeirieka xapa mekaniyetuani. <sup>31</sup> 'Iwamarixi me'itateriwaka mekaniyutemamawiekaitini memituikariekaiki. <sup>32</sup> Kura meta Tsiraxi Kakaiyari niukametemama mekanihikitikaitini, waikawa metekuxatati mekaniwatuikakaitini yu'iwama, mekaniwatseiriyakaitini. <sup>33-34</sup> Yapaimexia tukari me'uyurieka, yu'iwama wahetsia mekanekine 'aixia metewaxeyati. Miki memiwareyeni'a wahetsia mekanu'axiani.<sup>d</sup> <sup>35</sup> Papuru meta Werunawe 'Anutiyukiyatsie mekaniyuhayewa mete'ikitati, Ti'aitame niukieya 'aixia manuyine mekuxatati meta hipame yumiireme wahamatia.

#### **Papuru meta Werunawe kememikateyu'eniexia**

<sup>36</sup> Hiki yapaimexia tukari 'anukayaku, Papuru Werunawe mipai katiniutahiawe: «Kimitsiari hutarieka tepiyehu, ta'iwamarixi tepiwaiwatayu naimie kiekaritetsie hakewa Ti'aitame niukieya temetaxatsie, kemetehe'uwa tepiwaxeyayu». <sup>37</sup> Werunawe Wani Marikuxi mititewakai kani'inekaitini. <sup>38</sup> Papuru hepaitisita 'aixia pika'aneikai memenuwitiniki miwareku'eiriekaiki Pamipiriyatsie, wahamatia mikahetiaki miti'uximayakaki. <sup>39</sup> Ayumieme mepika'uyu'eniexia, mepautayeixia yuxexuiti. Werunawe Marikuxi hawititi kanuwa 'amipatsie Tsipire paiti mekanekine. <sup>40</sup> Matsi Papuru Tsiraxi 'anayexeyaka kaneyani. Ta'iwamaxi Ti'aitame mekaniuhiritiani 'aixia mitiuka'iyariniki miki hetsiemieme. <sup>41</sup> Tsiriyatsie meta Tsiritsiyatsie puyetia watuikati mana memiyutixexeiriwakai.

#### **Timuteu Papuru meta Tsiraxi kemitwarutini**

**16** <sup>1</sup> Hiki Papuru Reriwe kaniye'ani meta Ritsitiratsie, mana tiyi'ikitiwame Timuteu titewakame pukaxei. Maamaya huriyu yuri miti'erie kanihikitikaitini, paapaya kiriyeku tihikitikai. <sup>2</sup> 'Iwamarixi ritsitirataru meta 'ikuniyutari Timuteu 'aixia mekatenihekiatakaitini. <sup>3</sup> Papuru kanita'inieni hamatiana miyemieki. 'Iniari xitekiyari kaniwewirieni huriyutsixi wayeyari kemaine, yunaiti memimaikaiki paapaya kiriyeku mihikitikaiki. <sup>4</sup> Meku'uwati kiekaritetsie mekaniwahiritiakaitini yamemitekahuniki, 'aitsikatsie kememite'aitakai ni'ariekate 'ukirawetsixi kerutsaremetari. <sup>5</sup> Memiyutixexeiriwakai mekanitirikariyariekaitini yuri mete'erietu. Tukariki mekanitamiirimekaitini.

#### **Papuru yuheinitsita matseruniyatanaka kemituixei**

<sup>6</sup> Hiki Pirikiyatsie meta Karatsiya kwieyaritsie mekaniyuekine. 'Iyari Mitiyupata piwaruta'imaiyakai 'Atsiyatsie niuki memikakuxataniki. <sup>7</sup> Mitsiya kwieyari tetsita me'u'axiaka Witiniyatsie mekaneuyeyunekekaitini. Ketsutsi 'Iyarieya pikawarupitia. <sup>8</sup> Mitsiya kwieyari tetsita me'uyekineka Tiruhatsi paiti mekaneukakine. <sup>9</sup> Yiwikita Papuru yuheinitsita tewi kaniuxeyia matseruniyatanaka, muwa 'utiwekame 'iwawiriekame mipai 'utaiti:

<sup>d</sup> 15:33-34 RV60 meta hipati mepenaniitia *Matsi Tsiraxi kaniyuwairiyakaitini mana muyuhayewaki.*



«Kenanaye'a 'anataiye Matseroniya paiti, ketaneparewieka». <sup>10</sup> Yuheinitsita tiuxeyaka kwitiwa tekaniyukuha'aritiai ketemite'anukineki 'anutaie Matseroniya paiti, mipai tetehetimaika Kakaiyari mitatsi'uta'ini niuki 'aixia manuyine temiwaretaxatiani.

### Kememite'anutaxiriya Piriputsie

<sup>11</sup> Hiki Tiruhatsi tehekineka heitseriemeki tekaneta'axiani Tsamutiratsiyatsie, 'uxa'arieka Kiekari mihekwatsie paiti tekaneta'axiani, <sup>12</sup> manaketa Piriputsie paiti tekanekine. Miki kiekari 'amiyewa kanihikitikaitini 'etsimiyeyu hetsiena mitiwiya Matseroniya kwieyaritsie. Xumatari kaniwakuruniyatikaitini. Yapaimexia tukari tekaniuyurieni miki kiekaritsie.

<sup>13</sup> 'Uxiyiya tukaritsie kiekari tetsita paiti tepanuyeki. Mana hatia tetsita mirayutinenewitire puwekai. Mana tetiyaxeka 'ukarawetsixi tekateniwarutaxatiani mana memiyuxeirikai. <sup>14</sup> Miki xewiti Ririya mititewakai, Kakaiyari kanayexeyakaitini. Tiyatira kiekariyaritsie kanikiekametikaitini meta 'ixuriki miyitsikimawi kanituakaitini. Ti'aitame kanenutiyepeini 'iyarieya mexi miki ta'enakai, m'enieniki Papuru kemitikuxataki. <sup>15</sup> Miki puka'iyarie meta kiena kiekatari. Hiki kataniuta'inieni mipai 'utaiti: «Xeme xika Ti'aitame hetsie yuri neti'eriekame xenetsihayeitiani, hikimi nekiita, xemayeheniki». Mipai 'utaiti wairiyarika kataniupitiani.

### Papuru meta Tsiraxi memanutaxiriya

<sup>16</sup> Hiki mirayutinenewitire teheukineka, 'imari wairiyarika miti'uximayatame katananukunake, 'iyari 'axami'ane minikai kimana mitimaiwekai. Miki tikuxatati kemitiyinikekai waikawa piti'iwakai yukutsiyarima wahetsieme.

<sup>17</sup> Miki pitatsi'uweiyakai Papuru meta tame. Putahiwakai mipai 'utaiti:

—'Iki teiteri Kakaiyari 'Amutewi te'uximayatsiriwamete mepihiki, miki wikweitsitarika huyeyari xeme mepixekuxaxatiwa.

<sup>18</sup> Mipai miixa tukari katiniyurienekaitini. Hiki Papuru 'uxiwa'ati, ta'aurie 'aweka mipai katinitahiawe 'iyari 'axami'ane kaniutatieni:

—Ketsutsi Kiritsitutsie netiwiya nepimetsi'aitia, hetsiena pemayeyaniki.

Hiki 'ana kwitiwa 'iyari 'axami'ane kanihayewa.

<sup>19</sup> Kepauka kutsiyarimama mipai memitehetima miwaruku'eiriekai kimana memite'iwakai, 'ayumieme Papuru meta Tsiraxi mekaniutiwiyarieni, meta kiekari hixiapa mepiwarehapa hakewa 'itsikate memiteha'aitatsie.

<sup>20</sup> Itsikate wahixie mewa'atiaka, mipai mekaniutiyuani:

—'Iki teiteri mekanihuriyutsixitini, mepiwaxamurietiwe tahetsia kiekatari.

<sup>21</sup> Yeyari mekani'ikitani tame xumatari temukunamiyarie temitanaki'erieni yatini yatemiteyuriekaki.

<sup>22</sup> Yunaiti mekaniyukuxeirieni wahepaitsita. 'Itsikate mekatenuita'aita wa'ixuriki memanutihiniyariexianiki, meta kiyeki memitiweiyani.

<sup>23</sup> Waikawameki mewarutiwaka, katsariyanata mekaniwaranutaxirieni, meta tihiweme mekaniuhiritiani 'aixia mitiwa'iwiyaniki. <sup>24</sup> Miki mipai tiuta'aitiarieka, mutanieretsie paiti kaniwaranutaxirieni. Wa'ikate tiyixiriwametsie kaniyue'uitiani.

<sup>25</sup> Hiki tikari hixiapa yakititi Papuru meta Tsiraxi meyunenewieti Kakaiyari mekaniniawakaitini. Wahamatia memanutaxiriyakai mekanywa'eniekaitini.

<sup>26</sup> Yapauka kwie karima kaniutayuani, katsariyana tenariyari kaniutayuani. Naiti kiteniete pireuyepierixia. Yunaiti piretsutsixi watepiate kanakaxinixiani wamamatetsie wa'ikatetsie. <sup>27</sup> Tihiweme 'anutaniereka, katsariyana kitenie heuyepiekame 'uxeiyaka, yunawaxa kaniwatihana yumienike, memanutaxiriyakai meyuta'unaxiame 'erieti. Papuru karima kanitahiwiene mipai rehiaweti:

<sup>28</sup> —Penikahixixia peti'akwinitiani. Tame tanaiti 'uwa tekanayeteni.

<sup>29</sup> Hiki tihiweme kixeme kaniuta'iwauni, yumexuitiati kiita kaneutaweni 'uyiyiakati. Papuru meta Tsiraxi wahetia kaniukaweni. <sup>30</sup> Takwa waranuyewitika mipai katiniwaruta'iwawiya:

—Neuxei, ɟititari reyewetse yanemitiyurieniki nemitawikweitsitarieniki?

<sup>31</sup> Miki mipai mekatenita'eiya:

—Ti'aitame Ketsutsi hetsie, yuri ketineuta'eri mikiki pekanitawikweitsitariemiki 'eki meta 'akie kiekatari.

<sup>32</sup> Kakaiyari niukieya mekanitaxatiani miki, meta yunaima kitana memiye'uwakai hamatiana. <sup>33</sup> Miki yiwikita warewitika, kaniwarahauxixiani memaweyatikateitsie. Kwitiwata puka'iyarie miki, meta yunaiti kiena kiekatari. <sup>34</sup> Tihiweme yukie warewitika katiniwaremini, meta yunaiti yuri memite'uta'eri Kakaiyari hetsie 'axeikia yunaiti mekaniyutemamawiekaitini.

<sup>35</sup> Hiki 'ukatareku 'itsikate yutupiritsixi mekaniwaren'ani tihiweme mipai memiteta'aitianiki: «Keniiwarutixina miki teiteri». <sup>36</sup> Hiki tihiweme Papuru mipai katiniutaxatiani:

—'Itsikate mipai mekateneta'aita xemitixinarieniki. Hikitsiari xekenehu, xeka'uximatiarieti.

<sup>37</sup> Papuru tehiwemete mipai katiniwaruta'eiya:

—Miki mepitatsi'utiwa yunaima wahixie tsepaneti 'itsikame mikatatsi'uta'iwawiyaxi, tsepaneti temixumanutsixi. Mepitatsi'anutaxiri. Kaukatsiari hiki 'awie metatsi'anuyeni'ani. Pikatixaitsieti, 'uwa me'u'axiame, miki meketatsi'anuyewitini.

<sup>38</sup> Tupiritsixi 'itsikate mekateniwarutaxatiani kememetiyua. Kepauka miki memu'enana kenama Papuru meta Tsiraxi Xumanutsixi mehikitikai mekaniiutimamani. <sup>39</sup> Me'u'axiaka mekaniiwanitiakaitini, mewaranuyewitika mekaniiwarutawawirieni memiyehuki miki kiekaritsie. <sup>40</sup> Hiki katsariyanata mewayekineka Ririya hetsia mekanii'axiani. Mewaruxeiyaka 'iwamarixi mekaniiwatuikakaitini. 'Arikeketa mekanekine.

### Tetsarunikatari kememiteyuxamuriekai

**17** <sup>1</sup> Hiki 'Amipipuritsie meta 'Apuruniyatsie me'uyekineka Papuru meta Tsiraxi Tetsarunikatsie paiti mekaneta'axiani, huriyutsixi watuki mana kaniuwekaitini. <sup>2</sup> Papuru kemitiyeyariyatikai, muwa tukita kaneutahani, haikakia 'uxipiya tukaritsie katiniwakuxaxatiwakaitini <sup>3</sup> utiariakatsie mieme wahekiatiati watuikati kenama heuyewekai miki Kiritsitu heitserie mupitiarie mitikwineki mikite watsata manukukeniki, mipai 'utaiti: «Iki

nemixehekiatia, 'iki kemi'ane heitserie mupitiarie Kiritsitu kanihikitini».

<sup>4</sup>Hipati huriyutsixi yuri mekatenuuta'erieni, Papuru meta Tsiraxi mekaniwarutinini, yumiireti 'ukarawetsixi waikawa memeuyewetse meta kiriyekutsixi Kakaiyari memayexeyakai.

<sup>5</sup>Huriyutsixi yuri memikate'eriekai mewa'uxieti, hipame 'axamemiteyurie kiekari hixiapa memu'uwa mekaniwaruta'inieni, mewaruxeirieka yumiireme kiekatari mekaniwareutaxamuriexiani. Katsuni kiita mekatenuunawani Papuru meta Tsiraxi mewawautiweti memiwaranuhapaniki yumiireme wahixie. <sup>6</sup>Memikawarutaxeiki, Katsuni meta hipame 'iwamama mepiwarehapa 'itsikate wahixie mipai mete'uhiwati: «'Iki naitsarie teiteri mekaniwaxamurietiweni, 'uwata mekanu'axiani. <sup>7</sup>Katsuni yukiita kaniwarupitiani. Miki yunaiti yamepikatekahu Tsetsaxi kemit'i'aita, mipai me'utiyuati kename xewiti ti'aitame 'a'uyeika Ketsutsititi».

<sup>8</sup>Mipai mete'u'enanaka, teiteri memiyumiire meta 'itsikate kiekatari mekaniuyeha'ani, <sup>9</sup>Katsuni meta hipati mekaniukwetatiarieni 'uxa'atini warie 'atsimemikatiyuaniki, mekaniutixinarieni.

#### **Papuru meta Tsiraxi Wereyatsie kememitekuxatakai**

<sup>10</sup>Hiki kwitiwa 'ukuyireku tey'i'kitiwamete Papuru meta Tsiraxi mepiwareni'a Wereyatsie paiti. Mana me'u'axiaka huriyutsixi watukita mekanetuhaxiani. <sup>11</sup>Mana memitamakai huriyutsixi yemeki 'aixia mepite'u'iyarikai, tetsarunikatari yamekate'u'iyarikaku. Mekanitanaki'erieni niuki waikawa meyuwairiyati. Tukariki mekatenuwautiwekaitini 'utiarika xapayaritsie, yamemitehetimaniki xika'aku yuritini kememitekuxatakai.

<sup>12</sup>Yumiireti huriyutsixi yuri mekatenuuta'erieni, meta yuwaikawati kiriyekutsixi, 'Ukarawetsixi waikawa memeuyewetse, meta 'ukitsi yuwaikawati yuri mepite'uta'eri.

<sup>13</sup>Hiki kepauka memite'utamari huriyutsixi tetsarunikatari, kename Papuru Wereyatsie Kakaiyari niukieya hekuxatakai. Mana mekanekine mewaxamurienike teiteri yumiireme. <sup>14</sup>Kwitiwata 'iwamarixi Papuru haramara tetsita mekanitani'ani miyemieki. Tsiraxi meta Timuteu Wereyatsie mekaniyuhayewa. <sup>15</sup>Miki Papuru memaweyakai 'Atenaxi paiti mekaneiwitini. Mana mekanitnuaxiani miki mipai tiwaruta'aitiaku, Tsiraxi meta Timuteu hetsiana memi'axianiki mexiima xika tiyiwenike memiyehuki.

#### **Papuru 'Atenaxitsie kemituieyikakai**

<sup>16</sup>Hiki Papuru wakwewieti 'Atenaxitsie, yu'iyaritsie kaniyihawekaitini waxeyati kiekaritsie kakaiyarixi waikawa memayexeyariekaiki. <sup>17</sup>Tukita niuki kanixiatiakaitini huriyutsixi wahamatia, meta kiriyekutsixi Kakaiyari memayexeyakai wahamatia. Kiekari hixiapata tukariki niuki kanikuxatakaitini mana memu'uwakai wahamatia. <sup>18</sup>Hipati 'Epikureyutsixi meta 'Etsituikutsixi temaiwawemete mekaniti'eyarimekaitini. Hipati mipai mekaniutiyuanekaitini: «¿Titakuta tixatanikeyu 'iki niukiwiwame?» Hipatita mipai mete'utiyanekai: «Wa'atiti kakaiyarixi xaitsie miemete puwakuxata». Mipai mekaniutiyuanekaitini Papuru Ketsutsi niukieya 'aixia maniyine mukuxatakaiki, meta mikite

kememite'anuku'uni. <sup>19</sup>Hiki mekaneiwitini 'itsikate 'Arexi yemuriyaritsie memiyutixexeiriwakai wahiripa, mipai mete'iku'iwawiyati:

—¿Tsipara 'iki 'ikitsika mihekwa pemukuxata tihiki, tame tepeitimani?  
<sup>20</sup>Ketemikateheye'enakare pepitikuxata. 'Ayumieme tekatenetimaikuni ketiti maniyune.

<sup>21</sup>'Atenaxitari yunaiti, meta ku'uwamete mana memi'iwatatiwe 'atsimepikateyuriekai, tixaiti mitihekwa mepitexatakukai meta mepite'eniekukai xeikia.

<sup>22</sup>Hiki Papuru 'itsikate wahixiapa 'utakeka mipai kaniutayini:

—Neuxei 'atenaxitari. Nekanixexeiyani xeme waikawameki xekateniwarayexeiyani. <sup>23</sup>Mana ne'uyemieti nekatiniuxeiya tita xemitewarayexeiya, xeime nekaniutaxeiya mirayutimawatire, hetsiena mipai re'uxame: KAKAIYARI MHKAMATIWATSIE 'IKI PIMIEME. Hiki, kemi'ane xemayexeiya xeka'imaiti, ne miki hepaitisa nekatiniyekuxaxatiwani.

<sup>24</sup>»Miki Kakaiyari kwie mutawewi, meta naiti hetsiena mitixuawe, miki Ti'aitame muyuawi meta kwie pitipiinieya. Miki tuki mamaki miwewiyata pika'ayeka, <sup>25</sup>teiteri yumamaki mepika'eyexeiya, tixaiti mikareuyehiwaki. Miki yunaima tukari piwapitia, wa'ia meta naiti mitixuawe. <sup>26</sup>Xeime tewi wapaapa 'ayeitiaka, piwarutiwewi yunaima nuiwarite naitisarie kwie manuniere memitamakaki. Wakwie 'iniariyari tiukaye meta memeixeianiki hakewa meuye'atika. <sup>27</sup>Iki Kakaiyari miyakatiniuyurieni yunaiti memikuwauniki, tsikeretsi mekumetiwetit memitaxeiyaki. Yuriki, miki 'ateewa pika'uyeika tame taxexuime tahetsia. <sup>28</sup>«Mikitsie tetewiyati tekanayeneniereni, tekaniyuaneni meta tekaniu'uwani». Mipai kememutiyuane hepai hipati teyininiawamete xehetsia miemete: «Miki tame nuiwarimama tepihiki, me'utiyuati».

<sup>29</sup>»Hiki, xika Kakaiyari hetsie teyekine, 'aixia pika'ane para mipai temite'ixeiyani huru hepai, pirata hepai yatini tete hepai 'anekame: tewi wewiyaya hepai 'anekame, tita tewi mitiyikihawe hepai 'anekame.

<sup>30</sup>Hiki Kakaiyari 'axapikatixeyakai tita memiteyuriekai kepauka 'atsimemikatemalaikai, peru hikiri piwahekiatsitia yunaima teiteri naitisarie memitama memitehayewaniki kememiteyurie. <sup>31</sup>Xeime tukari pukaye miwa'iniataniki kwiepa memitama heitseriemeki yianeti, 'iya 'uki manuyexei yatiyurienekaku. Kakaiyari yuriki niwarutahekiatiani yunaima, 'enukuketiaka miki mikite watsata».

<sup>32</sup>Hiki me'u'enanaka mikite kememite'anuku'uni, hipati mekaninanaimakaitini, hipatita mipai mekatenikihawekaitini:

—Hutarieka 'arieketa tepimats'enieni 'iki hepaitisa petikuxatame.

<sup>33</sup>Hiki Papuru tiutahayewaka xeiripa, kanewayeyani. <sup>34</sup>Hipati Papuru mekaniutinini meta yuri mekateniuta'erieni. Riyunitsiyu mi'itsikametikai 'Arexi yemuriyaritsie miemetitiri, meta xewiti 'ukaratsi Ramaritsi mititewakai, metatsiere hipati yuri memite'eriekai.

### Papuru Kurinitutsie kemitiuyeikakai

**18** <sup>1</sup>Manaketa 'Atenaxi yeyaka Kurinitutsie kaniye'ani. <sup>2</sup>Mana xeime huriyu 'Akira titewakame kananukunake, Punitutsie metinuiwaxi

meta 'iyaya Pirtsira mititewa. 'Apikareutewikai 'akuxi 'Itariya kwieyaritsie heyeyaka, Kirauriyu pitiuta'aitakai yunaiti huriyutsixi Xumatsie memititekai memitaweiyarieniki. Papuru miki wahetsia kaninuani, <sup>3</sup> mikita wahepai 'ixuriki kiyari piwewiwametikai, wahamatia kaniuyuhayewa memiteta'uximayataki yunaiti. <sup>4</sup> Xexuime 'uxipiya tukaritsie tukita katinikuxatakaitini, huriyutsixi meta kiriyekutsixi yuri katiniwa'eritiamikikaitini.

<sup>5</sup> Hiki Tsiraxi meta Timuteu Matseruniyatsie meheyekineku, me'u'axiaku, Papuru niukiki 'ayumiemetiti kanayani xeikia, tiwahekiatiati huriyutsixi kename Ketsutsi hiki kemi'ane heitserie mupitiarie Kiritsituti. <sup>6</sup> Kepauka huriyutsixi Papuru memiti'uxiwe'eri meta 'axamekatenikihiawekaitini, Papuru yu'ixuriki 'utakatseka 'iniari 'ayeitiaka, mipai katiniwarutahiawe: «Xeme yuhetsie xepitehahipa xika xe'ukwini. Ne pita nepi'tiya. Hikiri 'ena nemiyeyani memikahuriyutsixi wahetsia nepiyemie».

<sup>7</sup> Hiki Papuru tukita wayeyaka xeime kie kaninuani Kutsitu mititewakai hetsia. Kakaiyari miki kanayexeyakaitini, meta kiena pehurakai tuki manuwekai. <sup>8</sup> Kiritsipu tukita miti'aitakai yuri katiniuta'erieni Ti'aitametsie, meta yunaiti kiena kiekatari. Yumiireti kurinitutari me'u'enanaka Papuru kemitikuxataakai yuri mekatenuita'erieni meta mekaniuka'iyarieni.

<sup>9</sup> Xeitkaritsie Ti'aitame Papuru heinitsitana mipai katinitahiawe: «Pepikaheumaka, matsi ketinekuxatani pekatihayewati, <sup>10</sup> ne 'ahamatia nepuyeika, nixewiti 'axapikamatsiyurieni. 'Iki kiekaritsie yuwaikawame teiteri nekaniwarexeiyani». <sup>11</sup> Ayumieme Papuru xeiwiyari heimana 'ataxewime metseri mana kaniuyurieni, Kakaiyari niukieya wa'ikitiati.

<sup>12</sup> Hiki, Kareuni kuwexinaruri, 'Akaiya kwieyaritsie mihiritiariekai, huriyutsixi 'axeikia me'uyukuxerieka Papuru me'iniukimati, mekaneiwitini 'itsikame mirewa'aitatsie.

<sup>13</sup> Mipai me'utiyuati:

—'Iki tewi yuri katiniwa'eritiaka teiteri Kakaiyari memayexeyaniki 'iniari niukiyari kemikahaine.

<sup>14</sup> Papuru 'ari taniuximekaku, Kareuni mipai katiniwarutahiawe:

—Neuxei huriyutsixi, 'iki xika kwinimieme 'axareyurienike, yuriki nepixe'enienikeyu. <sup>15</sup> Mexika yaki xeikia xe'utiyuaneni yuhetsiemieme, niuki hepaitsita xe'iniari hepaitsita xeikia, 'aixia xeketeneuyuri xemetiti. 'Itsikame nepikahiki mipai ti'aneameki.

<sup>16</sup> Hiki katiniuta'aita memiwayeweyarieni mirowayutixanetsiwatsie.

<sup>17</sup> Miki yunaiti Tsutsitenexi tukita ti'aitame mihikitikai mekaniuwia, meta mekaneikuwaxiani 'itsikame 'uwenieya hixie. Kareuni 'atsipikahainekai miki hepaitsita.

### Pirtsira, 'Akira meta 'Apuruxi 'Epetsutsie mepu'uwakai

<sup>18</sup> Hiki Papuru miixa tukari mana puyuhayewaxi. Manaketa yu'iwama warutateutiaka Tsiriya kwieyaritsie kaneyani kanuwa 'amipatsie.

Pirtsira meta 'Akira hamatiana mekanekine. Meripaiti miyihiritiakaiki, 'ayumieme Tsenikireyatsie paiti pukaxiriekai yumu'utsie. <sup>19</sup> Hiki 'Epetsutsie

me'uta'axiaka, mana Papuru memeweyakai kaniwareku'eirieni, miki tukita kaneutahani muwa niuki kaniutaxata huriyutsixi wahamatia. <sup>20</sup>Miki mekanitawawirieni yapaimexia tukari miyurieniki wahetsia 'akuxi, miki pikayuwairiyakai. <sup>21</sup>Matsi wateutiati mipai pituiyihiritia: «Xika Kakaiyari mipai tinakeni nepayeneni». Hiki 'Epetsutsie kaneyani. <sup>22</sup>Hiki Tsetsareya paiti nuaka, Kerusareme neutiyune memiyutixexeiriwa watahiaweke, manaketa 'Anutiuyukiyatsie kanakayune.

<sup>23</sup>Yapaimexia tukari mana 'uyurieka Papuru kaneyani, wareu'iwatamieka memayutixexeiriwatikatsie Karatsiya kwieyaritsie meta Pirikiyatsie yunaimete'iki'itiwamete watuikati.

<sup>24</sup>Hiki huriyu tewiyari kaniyeikakaitini 'Apuruxi titewati 'Arekanitiriya metinuiwaxi. 'Epetsutsie kaninuani. 'Aixia p'ane'akai niukameki. 'Utiarika xapayaritsie waikawa pirayemaikai. <sup>25</sup>Miki Ti'aitame huyeya hepaitisita katiniuti'ikitiariekaitini. 'Aixia 'iyariki yuwairiyati, katinikuxatakaitini ti'ikitati heitseriemeki Ketsutsi hepaitisita, tsepaneti mitimaikai Wani kemitiu'iyakai xeikia. <sup>26</sup>Tukita kanitsutiani tikuxatati kaheumati. Me't'enieka Piritsira meta 'Akira mekanita'inieni, heitseriemeki matsi mekateni'ikitiakaitini Kakaiyari huyeya hepaitisita.

<sup>27</sup>Miki kaniyeimikikaitini 'Akaiya kwieyaritsie. 'Iwamarixi me'ituikati mekateniwaruta'utiirieni teyi'ikitiwamete memitanaki'erieniki. Henuaka waikawa kaniwaparewiekaitini miki yuri memite'uta'eri Kakaiyari 'aixia tiuka'iyarikaku. <sup>28</sup>Yunaimete huriyutsixi wahixie tirikaiyemeki katinikuxatakaitini, 'utiarika xapayaritsie tiwahekiatiati kemi'ane heitserie mupitiarie Ketsutsi metsiyaxi mihiki.

### Papuru 'Epetsutsie kemitiu'eikakai

**19** <sup>1</sup>Hiki 'Apuruxi Kurinitutsie 'akuxi 'uyeikakaku, Papuru hiri 'utia 'uyeyaka 'Epetsutsie kaneta'ani. Hipame teyi'ikitiwamete mana kaniwaretaxeiya.

<sup>2</sup>Mipai katiniwaruta'iwawiya:

—Xeme 'Iyari Mitiyupata xete'utanaki'eri yuri xemite'uta'eritsie?

Miki mipai mekateni'eiya:

—Hawaiki matsi 'Iyari Mitiyupata hepaitisita tepika'enanawawe.

<sup>3</sup>Hiki mipai katiniwaruta'iwawiya:

—Xitatsie xetewiyati xete'uka'iyarie?

Miki mipai mekateni'eiya:

—Wani kemitiuka'iyakai xeikia teniuka'iyarieni tame.

<sup>4</sup>Papuru mipai katiniwarutahiawe:

—Wani kaniwaruka'iyakaitini metehayewakaku ke'axamemiteyurie'ikai, mipai tiwakuxaxatiwati teiteri yuri memiteta'erieniki kemi'ane 'utimana 'umamiekatsie. Miki Ketsutsi kanixatakaitini Kiritsitu.

<sup>5</sup>Me'u'enanaka mekanika'iyarieni Ti'aitame Ketsutsi hetsiemieme.

<sup>6</sup>Papuru waheima kaniutimemi, 'ana 'Iyari Mitiyupata mehexeiyati mekanakine, hipame niukiteki me'utiniuti mekanakine meta Kakaiyari niukieya mekanikuxatakaitini. <sup>7</sup>Yunaiti teiteri tamamata heimana huta mepiyupaimikai.

<sup>8</sup>Hiki Papuru huriyutsixi watukita kani'axekaitini tikuxatati kamati haika metseri puyuri. Niuki kanikuxatakaitini, yuri memiteta'erieniki, Kakaiyari ti'aitametikaku tikuxatati. <sup>9</sup>Hipati mekanitsetse'ikaitini, yuri mepikate'uta'eri, 'axame'utiyuati miki huye hepaitsita yumiireme wahixie. Papuru waruku'eirieka teyi'ikitiwamete kaniwaranuyewitini. Tukariki Tiranu miti'ikitakaisie niuki kanikuxatakaitini. <sup>10</sup>Mipai huta wiyari katiniyurienekaitini, yunaiti 'Atsiyatsie memitamakai huriyutsixi meta kiriyekutsixi Ti'aitame niukieya mekanu'enieni.

<sup>11</sup>Hiki Kakaiyari 'iniari tirikawime katiniyurienekaitini Papuru yatiyurienekaku. <sup>12</sup>Tekwikwikate watuwaxate meta wapetserate mepiwarehuririwakai Papuru mimayuaniki, mikiki yukwiniyaki 'aixiameteheuerietu mepakikakai, meta kakaiyarixi 'axamemi'anene wahetsie mepayekikakai.

<sup>13</sup>Hipati ku'uwamete huriyutsixi kakaiyarixi memiwaranuyeni'awakai, miki Ti'aitame Ketsutsi mekanitixatitakine, kakaiyarixi 'axamemi'anene memiwanikai teiteri wahepaitsita, mipai me'utiyuati: «Ne nepixe'aitia Ketsutsi hetsiemieme Papuru mikuxata hetsia, nepixewawirie xemayekineki». <sup>14</sup>Iki huriyu 'Itsikewa mititewakai mawari wewiwamete tiwa'aitiwame, miki 'atahutame yuniwema kaniwarexeyakaitini mipai meteyuriekame.

<sup>15</sup>Hiki 'iyari 'axami'ane mipai katiniwaruta'eiya, Ketsutsi nepimate: «Meta Papuru nepetima, peru xeme, ʔkemi'ane xepiyia?» <sup>16</sup>Miki tewi 'iyari 'axami'ane miwiyakai waheima kaniutiweni, kaniwara'iwa yunaime tirikaiyeti. Mikitsi memamaweti meheuxitekietikaiti mekaniyuta'una kiita.

<sup>17</sup>Kepauka memite'utamari kemitiuyi yunaiti huriyutsixi meta kiriyekutsixi 'Epetsutsie memitamakai. Waikawa yunaiti mekanimamakaitini. Kemi'ane Ti'aitame Ketsutsi mihiki 'aixia tikuxaxatsiwati kanayani. <sup>18</sup>Yumiireti yuri memite'uta'eri mekanu'axiani meyuhekiatati 'axakememiteyuriekai. <sup>19</sup>Yumiireti miki memiteyukewaiyakai, yuxapate me'ukuxeirieka yunaime wahixie mekanitaiya. Hiki mekaniti'iniata 'axeikia kepaimehetsie naiti mi'akai xapayari, huta tewiyari heimana tamamata miriyari pirata tuminiyari kanayani. <sup>20</sup>Mipai tiuyiku, Ti'aitame niukieya tirikaiyemeki kaniutimiire, kaniutirikare.

<sup>21</sup>Hiki miya tiuyiku, Papuru yu'iyaritsie kaniyuwairiya Matseruniyatsie meta 'Akaiyatsie 'uyeyame Kerutsaremetsie meta'aniki, mipai 'utaiti: «Mana neheta'ame, peuyewetse Xumatsie nemeumieki». <sup>22</sup>Hiki yuhutame yuparewiwamete Timuteu meta 'Eratsitu Matseruniyatsie kaniwareni'ani, mexi'akuxi 'Atsiyatsie yapaimexia tukari 'ukatei.

### 'Epetsutari kememiteyuxamuriikai

<sup>23</sup>Hiki 'ana waikawameki mepiyumuinakai teiteri miki huye hepaitsita. <sup>24</sup>Xewiti Remetiriyu mititewakai pirata wewiwame mihikitikai, pirata kakaiyarixiyari piwawewiekai Riyana hepai tiyuxexeyame. Miki mipai tiyurieneti waikawa 'iwarika kaniwapitiakaitini tewewiwamete. <sup>25</sup>Hiki warukuxeirieka miki, wahepai te'uximayatamete wahamame, mipai kaniutayini: —Neuxei, xeme xekatenimaika tame temite'iwa 'iki ta'uximayatsikaki. <sup>26</sup>Mipai xepitexeiya, mipai xepite'enana, Papuru yuri kemitiwa'eritia

kemitiwarukunuitia yumiireme teiteri, 'ena 'Epetsutsie xeikia pikatixai, matsi naitсарie 'Atsiyatsie. Mipai katinikuxatani, miki mamaki memiwewiyatika kakaiyarixi mepikahiki 'utaiti. <sup>27</sup>Miki meta, tita temitehexeiya tame pikweriwa'ane kapa yaki'ayaniki. Matsi meta, 'iki kakaiyari mitirikaiye Riyana tukieya, tixai katihikitime teiteri me'erieti. Yunaiti 'atsiyatari, naitсарie kwiepa memitamata, kemi'ane memayexeiya, 'iki tirikariyaya pika'unariexime.

<sup>28</sup>Hiki me'u'enanaka mepuyeha'a. Mekaniutihwakaitini mipai me'utiyuati: —Kanitirikaiyeni 'epetsutari takakaiyari Riyana.

<sup>29</sup>Naitсарie kiekaritsie mepuyuxamurietiwekai. 'Axeikia mepeki me'unautsaxiiximeti xeiripa, mewarutiwiwaka Kayu meta 'Aritsitariku matsерuniyatari Papuru teitametemama memihikitikai. <sup>30</sup>Papuru kanihamikikaitini yumiireti teiteri memayuxeirie wahixie, peru teyi'ikitiwamete mepika'ipitia. <sup>31</sup>Hipati 'Atsiya kwieyaritsie kiekatari 'itsikate, hamikumama memihikitikai, xapa mekaneini'airieni waikameki me'iwawirietu xeiripa mikamieki.

<sup>32</sup>Hiki hipati yiki mete'uhiwati hipatita yiki pita mekatenuhiwakaitini. Mana xeikia mekaniyukuxeirieni yunaiti, yumiireti 'atsimepikate maikai titayari muwa memite'u'axiakai. <sup>33</sup>'Amemu'uwakai watsata mekanenuyexeiya 'Arekanituru, huriyutsixi me'itakeku wahixie. 'Arekanituru yumamaki waru'iniaritiaka kaniniumikikaitini yuhetsiemieme memiyukuxeiri wahixie. <sup>34</sup>Meheiti maika Huriyu mihikitikaiki, karima mekaniutihwakaitini 'axeikia yunaiti huta hurayari mepuyuri mipai mete'uhiwati:

—Kanitirikaiyeni 'epetsutari takakaiyari Riyana.

<sup>35</sup>Hiki kiekaritsie ti'aitame ti'utiwame waku'imaiyati mipai katiniwarutahiawe memuyuxeirie kai:

—Neuxei 'epetsutari, ḡhakewatsi tewi 'atsimikatiimate kename 'Epetsu kiekatari Riyana mitirikaiye tukita temite'aita, Kupiteritsia makane tete kakaiyariyari hiwemetemama? <sup>36</sup>Hiki, xika mipai 'aneni, xika kayuxamurieka 'iki niuki, kaneuyeweka kayuwati xemitamareki 'axaxemikateyu'eniwaniki. <sup>37</sup>Xekaniwa'atiani 'iki teiteri, tsepa 'axamemikate'uyuri tuki hepaitsita, tsepa 'axamemikatekuxata xekakaiyari hepaitsita. <sup>38</sup>'Ayumieme Remetiriyu, tewewiwamete hamatiana memu'uwa xika tixai metehexeiya xeime hepaitsita, tukari puxuawe kepauka 'itsikate 'amemititeni, miki kwiepa memihiritiarie 'amekaniu'uwani. Mana yuxanetsika mekehe'atiani. <sup>39</sup>Xikatsi matsi 'akuxi xetekuwauni, 'aixia piyini kepauka kiekatari memiyuxeirie, 'iniani niukiyari kemaine. <sup>40</sup>Hikimitsiari tepikweriwa'aka kapa tahetsie rahiiyaniki 'axatemitewakihaweki hiki, tsepa mikareuyewekai. Tame tepikayiwawe yiki temaitikani tahetsiemieme 'iki xamurikaki.

<sup>41</sup>Mipai 'utayika memayuxeirietsie kaniwaranuyeni'ani memiyehuki.

### Papuru Matsерuniyatsie meta Kiretsiyatsie kemiretia

**20** <sup>1</sup>Hiki xamurika kayuwati 'utamareku, Papuru teyi'ikitiwamete yu'aurie katiniwarutani'airieni, waruparewieka memikatehayewaniki 'imatiriekai warutateutiaka Matsерuniya paiti kaneyani. <sup>2</sup>Mana 'uyeikati



wahetsia, kaniwatuikakaitini waikawa niukiki. 'Ariketa Kiretsiya kwieyaritsie kaneta'ani. <sup>3</sup>Haika metseri yuriekaku, huriyutsixi mekaniyu'enieni me'imienike kepauka Tsiriya paiti miyemiekaiki. 'Ayumieme mipai katiniyumaikaitini Matseruniya pita muyeyuneki. <sup>4</sup>'Atsiyapaiti hamatia mekaniyu'uwakaitini Tsupateri wereyatanaka, 'Aritsitariku meta Tsekunitu memitetsarunikataritikai, Kayu reriwetanaka, Timuteu, Tikiku meta Tirupimu memi'atsiyataritikai. <sup>5</sup>Miki meripaiti mehekineka Tiruhatsi paiti mekatanekwewiekaitini. <sup>6</sup>Tametsi Piriputsie kanuwa 'amipatsie tekaneyekine, paa mikakuxanariyarie 'ixiarariyari 'anutiyaku. Wahetsia tekaneta'axiani Tiruhatsi paiti 'auxiwime tukari 'anukayaku. Mana 'atahuta tukari tepuyuri.

### **Papuru kemitiwaruteutia Tiruhatsi kiekatari wareku'iwataka**

<sup>7</sup>Hiki mexiakame tukari tsemanatsie tekanitakuxeirieni paa temititaraki. Papuru katiniwaxaxatiwakaitini, 'uxa'arieka miyemiekaiki, 'ayumieme 'apireuterixi tikuxatati tikari hixiapake. <sup>8</sup>Waikawa kixemete piti'ukai kii taita haikakia heutitewakaku temiwayuxeirikaitisie. <sup>9</sup>Xewiti temaiki 'Eutiku titewati 'etsimayewa miranenieritiretsie kanayekateitini. Miki kanekakumikatiyani. Papuru waikawa tikuxatakaku, kepauka yemeki waikawa meuku, haikati kii yuheima 'a'ukametsie kaneukaweni, mikiti kaniutikweiyani. <sup>10</sup>Papuru 'anukayaka, temaiki hepa heyaka 'itapati, mipai kaniutayini: «Kayuwati xepikayumuinani. 'Iyarieya 'upiyeka». <sup>11</sup>Hikita Papuru kaneutiyani. Paa 'utitaraka, tiukwaka, mana katinikuxatakaitini waikawa. Tau 'anatinekuke kaneyani. <sup>12</sup>Temaiki 'ayeniereme mekanewitini kiena, waikawameki yunaiti mekaniunitiarieni.

### **Kememiteheta'axia Miretu Tiruhatsi meheyekineka**

<sup>13</sup>Hiki tame kanuwatsie tepeki te'anuhaititiati, 'Atsunitsie tekaniye'axiani. Papuru hamatia mipai temite'uxatakaiki. Miki yu'ikama kaneta'anikekaitini. <sup>14</sup>Kepauka mitatsi'anukunakixi 'Atsunitsie, kanuwatsie tekaneitini, Mitirene paiti tekanekine. <sup>15</sup>Manata 'uxa'arieka tekanekine teheta'axianike Kiuxi hixie, 'uxa'ariekaketa Tsamutsie tepeta'axia, 'arika Turukiriyu teheta'axiaka 'uxa'arieka Miretu paiti tekaneta'axiani. <sup>16</sup>Papuru yapitiu'eriekairi, 'Epetsu 'aurie xekia temuyekinekekai, muixa tukari mikayurienikekaiki 'Atsiya kwieyaritsie. Kaniyumexiitiakaitini xika yiwenike Kerutsareme meyeikaniki 'ixiarari 'atahutarieka tsemanatsie mieme 'aye'ayu.

<sup>17</sup>Hiki Papuru Miretutsie 'uyeikati, 'ukirawetsixi 'Epetsutsie memuyutixexeiriwa, katiniwarutani'airieni. <sup>18</sup>Kepauka memu'axia mipai katiniwarutahiawe: «Xeme xepitemate kenemitiuyeikakai xehamatia ne'uyeikati, matiari paiti nenuaka 'Atsiya kwieyaritsie.

<sup>19</sup>Ti'aitame hetsiemieme nekatini'uximayaka tixaiti nekarayuyeitiati, ne'utatsuati, ne'iniatsieneti, huriyutsixi kememiteyu'eniekai nehepaitsita.

<sup>20</sup>Nepikaneku'imawakai, nepinewairiyakai nemitixetahekiatianiki tita mireuyewekai, teiteri wahixie meta xekiiteta nekatini'ixekitiakaitini.

<sup>21</sup>Huriyutsixi meta kiriyekutsixi mipai nepitixehekiatiakakai xetehayewame

kexemiteyurie Kakaiyaritsie xemitewiyani, yuri xemiteta'erieniki Tati'aitiwame Ketsutsi hetsie.

<sup>22</sup>»Hiki ne Kerutsareme nepiyemie 'Iyari wairiyarika netsipitiakaku. 'Aksinekatimaiti mana keneme'itiarieni. <sup>23</sup>Mipai xeikia nekatiniimaika, 'Iyari Mitiyupata mipai netihekiatiakaku naimie kiekaritetsie, kename kaunarite meta 'uximatiarika mana netsihetakwewie. <sup>24</sup>Matsi, netukari raye'akame nepika'erie nehetsiemieme. Nepinini xeikia nehiritiarika nenetemawieti, 'uximayatsikatsie yanepityurieni Ti'aitame Ketsutsi keminetiuhiritia, nemitihekiataniki niuki 'aixia manuyine hepaitisa Kakaiyari 'aixia kemitiuka'yari.

<sup>25</sup>»Hiki ne nepitimate yunaiti xeme hatsuakuri nenierika xepikaxeyia, Kakaiyari ti'aitametikaku nehekiatati kenemutiuyeikakai xetsata. <sup>26</sup>'Ayumieme 'iki tukaritsie nekatiniuxe'utahekiatiani kename ne ne'itiya, nixeime xuriyayaki nehetsie karahiiwa. <sup>27</sup>Hatsuaku nepikaneku'imawakai, nepinewairiyakai nemitixetaxatiani naimie Kakaiyari mitiutsutia. <sup>28</sup>Xekeneyukweriwayurieka xeme, xekeniwakweriwayurieka mikita muxatsi wakimana 'Iyari Mitiyupata xehiritiariekame mixe'ayeitia, xemiwa'iwiyani miki yunaimie Ti'aitame hetsia miemete memiyutixexeyiwa, miki miwarunanai yuxuriyaki. <sup>29</sup>Netsi nekatiniimaika neyemiyu 'arika 'irawetsixi xetsata mekaneutahaxiakuni teyu'uximatiwamete. Muxatsi mekaniwatixitiakuni. <sup>30</sup>Xetsatititi mekananuku'uikuni hipati tutunimeki me'utiniuti, yu'utima memiwaranuhapaniki teyi'ikitiwamete. <sup>31</sup>'Ayumieme xekenayeneniereni, xekena'eriwani haika wiyari tukariki tikariki kenemikatihayewakai nexeku'imaiyati yuxexuime, ne'utatsuati.

<sup>32</sup>»Hiki xehepaitisa Kakaiyari nekanihiritiaka, niukiyarita. Miki niuki 'aixia mitiuka'yari manuyine, miki kaniyiweni mixetseyiriani, mixepitiani xehetsie mitinakeniki yunaimie Kakaiyari miwarupataxi yuhetsiemieme, miki wahetsie kemitinakeni. <sup>33</sup>Ne xeime tuminieya pirataya, huruya meta 'ixurikieya nepika'ihewe'eririkai. <sup>34</sup>Matsi xeme xekatenimaika 'iki nemamaki nepitinepitiakai tita ne nemireuyehiakai, meta nehamatia memuwakai tita memiteheuyehiakai nepitiwapitiakai. <sup>35</sup>Ne 'ikitsika ne'ayueitiati nekatiniuxehekiatiakaitini mipai xete'uximayati xemiwaparewieniki miki memikatiirikawi, xeme xeme'eriwaniki Ti'aitame Ketsutsi niukieya kemutayi: "Kemi'ane ti'uximayati mitiyetua kaniyutemawieka, kemi'ane mitimikie 'etsiwa xeikia kaniyutemawieka"».

<sup>36</sup>Hiki mipai 'utayika, Papuru 'utitunumakeka, yunaimie wahamatia kaniyutanenewieni. <sup>37</sup>Yunaiti waikawa mekaniutitsuanakaitini me'ikutapati meta me'iku'itseweti <sup>38</sup>meyuhiwerietikaiti yemeki niukieya kemainekaiki, kename nierikaya mekaxeyianiekai tawariri. Kanuwa 'amipatsie paiti mekaneikutuani.

### Papuru Kerutsaremetsie kemiretia

**21** <sup>1</sup>Hiki tewarutateutiaka tekanekine, heitserie te'erietu kanuwa 'amipatsie Kuhutsi paiti tekaneta'axiani, 'uxa'arieka Ruraxitsie paiti, manaketa Pataratsie paiti tekaneta'axiani. <sup>2</sup>Mana kanuwa 'amipa

'ayeyeiximekame tekaniuxeiya Penitsiyatsie heyaka. Te'akayaxeka tenekine. <sup>3</sup>Tsipire kwieyari haramara hixiapa miyeka te'uxeiyaka ta'utata te'uku'eirieka, Tsiriyatsie tekaneta'axiani. Mana Tirutsie tekaniuyekine kanuwa 'amipa mana miti'ikapiyanikekaiki. <sup>4</sup>Mana teyi'ikitiwamete tekaniwaretaxeiya, 'atahuta tukari tekaniuyurieni miki wahamatia. Miki mipai Papuru mekateneye'eritiani 'Iyari mipai tiwa'ikitiakaku Kerutsareme paiti mikaye'axeniki. <sup>5</sup>Yapaimexia tukari te'uyurieka wahamatia, tekanekine ketemitehukai. Yunaiti teyu'ikitiwamete, 'ukarawetsixi meta tiiri mepitatsi'uweiyakai kiekari manu'axe paiti, mana haramara tetsita te'titunuma'uka, tekaniyutanenewieni, <sup>6</sup>hikita tetatateuti'axiaka, tame kanuwa 'amipatsie tekanatixaxe, mikita yukie mekaneutayeixiani.

<sup>7</sup>Tirutsie teheyekineka miki kanuwa 'amipatsie, tawarita tekanekine, Turemaira tekaneta'axiani. Mana tewartawairitiaka 'iwamarixi, xeitukari tepuyuri wahamatia. <sup>8</sup>Tehayekineka Papuru hamatia, 'uxa'arieka Tsetsareya tekaneta'axiani. Peripe niuki 'aixia manuyine mukuxata hetsia tekaniu'axiani, miki xewiti kanihikitikaitini 'atahuta meyupaimeti memite'uximayakai.

<sup>9</sup>Miki yunaukame yuniwema piwarexeiyakai 'imarixi texaxatamete.

<sup>10</sup>Hiki yapaimexia tukari teyuriekaku, xewiti Kureyatsie heyeyaka mana kaninuani, Kakaiyari niukameya 'Akawu titewati. <sup>11</sup>Tahetsia nuaka, Papuru hiiyameya 'utihurieka, yi'ikate meta yumamate kaniuhiaxiani mipai 'utaiti:

—'Iyari Mitiyupata mipai kanaineni: “Iki hiiyame kutsiyarieya, huriyutsixi Kerutsarementsie mipai mekatenihiakuni, miki memikahuriyutsixi mekaniwayetuiriekuni”.

<sup>12</sup>Miyatete'u'enanaka, tame meta mana kiekatari wahamatia Papuru tekaniwawiriekaitini Kerutsareme mika'uyeyeikaniki.

<sup>13</sup>Papuru mipai katatiniuta'eiya:

—¿Titayari xe'utitsuati ne'iyari xeteweranariya? Ne nepiha'aritsie Kerutsarementsie nemihiiyaniki meta nemiminiki Ti'aitame Ketsutsi hetsieme.

<sup>14</sup>Yamikatinaki'eriekaiki temikununuitiwani, tekateniuhayewa mipai tete'ikihaweti:

—Kamitsi yaketiuyini Ti'aitame kemitinake.

<sup>15</sup>Hiki yapaimexia tukari 'utixiku tetakuha'aritiaka Kerutsarementsie tekaneutiyune. <sup>16</sup>Hipati teyu'ikitiwamete Tsetsareya kiekatari tahamatia mepeki, miki mekatanewitini Minatsuni kie mana temukuheniki, tsipiretanaka miki tiyi'ikitiwame kanihikitikaitini matiari mieme.

### Papuru Kerutsarementsie kemitinua

<sup>17</sup>Kepauka Kerutsarementsie temu'axia, 'iwamarixi mekataniutanaki'erieni meyutemamawieti. <sup>18</sup>'Uxa'arieka Papuru tahamatia kaneyani Kakuwu metahiaweki, meta yunaiti 'ukirawetsixi mana mekaniyuxeiriekaitini.

<sup>19</sup>Hiki warutawairitiaka, katiniwahekiatiakaitini naime kemitihiiritiariekai hepaitisita Kakaiyari kemitiuyuri memikahuriyutsixi watsata.

<sup>20</sup>Miki me'u'enanaka 'aixia Kakaiyari hepaitisita mekaniutiyuanekaitini. Papuru mipai mekataniutahiawe: «Neuxei ta'iwama, pekaniwaxeyiani

keyupaimeti miriyari huriyutsixi yuri memite'erie, miki yunaiti yemeki 'iniari niukiyaritsie mepitewiya. <sup>21</sup>Hikitsiari, mipai mekateni'enanaka 'ahepaitsita, kename mipai peti'ikita Muitsexi 'iniarieya yunaiti huriyutsixi meke'iku'eirieni memikahuruyutsixi watsata memu'uwa. Yapetiwakihaweti memika'iniaritarieniki tiiri xitekiyaki, yuyeyaritsie yamemikatekahunikiri. <sup>22</sup>Jeriteteyurieka? Yumiireti xiari mepiyukuxeirieni. Mepi'enanani pemunuaki. <sup>23</sup>'Ayumieme, mipai ketineuyuri ketemimetetahiawe. 'Uwa tatsata 'ukitsi yunaukati mepiye'uwa, paye'axime memeye'atianiki kememiteyihiritiakai. <sup>24</sup>Keniwaranuwitiki, keneu'a'itieka wahamatia, ketineuyutua wakipa mikaxirieniki 'iniari mayaniki hiritiarika maye'aki. Mipai petiyurieyu yunaiti mepitehetimani kename katiyuri kememitekihiawariwa 'ahepaitsita, matsi 'iniari niukiyaritsie yapetikamieti 'apemuyeika. <sup>25</sup>Mikitsi memikahuruyutsixi yuri memite'uta'eri, niuki tepiwaren'i'airi tewa'aitiati mipai 'anenemetsie yamemikatekahuniki, matsi memika'ikwakaki tita tetexi memitexatiarie, xuriya, tewa yukawieyu waiyarieya meta kemi'ane mikay'i'ya mikayikina memikawakumaiwaniki». <sup>26</sup>Hiki 'uxa'arieka Papuru miki 'ukitsi kaniwarewitini, mikita wahamatia yu'itieka tukita kaneutahani, mipai tihekiatati kename tukari 'aye'a memuyutienitsie, meta miki yuxexuiti wamawari piyetuiyani.

### Papuru kemituwiyarie

<sup>27</sup>Kepaukari 'atahuta tukari 'aye'aximekaku, huriyutsixi 'Atsiya kiekatari Papuru tukita mekaniuxeiya. Mekaniwaruxamurieni yunaime mana memu'uwakai meta mekaniwiya, <sup>28</sup>mipai mete'uhiwati: «Ixaheritsixi xeketaneuparewi. 'Iki tewi kanihikitini kemi'ane yunaime teiteri naitsarie 'axamitiwa'ikitia, 'iniari niukiyari hepaitisita meta 'ena takiekaritsie. Matsi 'akuxi kiriyekutsixi 'uwa tukita kaniwaratahatiwani, 'iki 'ena ka'akupatsiekame kanayeitiani».

<sup>29</sup>Meripaitiri Tirupimu Papuru hamatia 'uyeikame kiekaritsie mepuxeyakai 'epetsutanaka, tukita Papuru hetawitime mepi'eriekai.

<sup>30</sup>Yunaiti kiekatari mepuyuxamuri. Teiteri me'unautsaxi aximeti mekaniu'axiani, Papuru mekaniwiya, mekanenuyehana tuki takwa, yapauka 'itupari meuwitsie kaneunarixiani. <sup>31</sup>Hiki 'ari me'imieximekaku, kepauka niuki munua xeimiriari kuyaxi tiwa'aitiwame hetsia kename yunaiti Kerutsareme kiekatari meyuxamuriekai. <sup>32</sup>Kwitiwa kuyaxi xeitsienituyari tewa'aitiwamete yukuyaxima mewaruwitikime piwarewiti, meta miki mana kaniutanautsa wahetsia. Kuyaxi tiwa'aitiwame me'uxeyaka meta kuyaximama, Papuru metiwayati mekatenuhayewa.

<sup>33</sup>Ahurawa 'ayaka kuyaxi tiwa'aitiwame, kaniwiya meta katiniuta'aita memihianiki huta tepiyariki. Manata kaniwaruta'iwawiyawa kemi'ane mihikitikai meta kemituuyuriekai. <sup>34</sup>Hipati yiki mekatenuhiwakaitini, hipatita yiki me'utiyuati. 'Atsimikaretimaiwekaiki meyuxamurieti kememutiyuanekai kemi'ane yuri mutainenikeyu, 'ayumieme katiniuta'aita kuyaxi wakie memenuhanaki. <sup>35</sup>Kepauka Papuru 'imumuitia miye'a, peuyewekai kuyaxi me'enuyewieti memenuhanaki waiyarika, teiteri

memitsaipinekaiki. <sup>36</sup>Yumiireti mekaniweiyakaitini mipai mete'uhiwati: «Ke'umierieni».

**Papuru yuhetsiemieme teiteri wahixie kemitiutaniu**

(Nī'a 22:3-16 – Nī'a 9:1-22, 26:9-18)

<sup>37</sup>Hiki kepauka kuyaxi wakiita meheitahatiaximekaku, Papuru kuyaxi tiwa'aitiwame mipai katiniuta'iwawiya:

—Pekantipitia nemimetitaxatianiki.

Miki mipai katinita'eiya:

—'Eki kuta kiriyekutsixi waniukiki petiniuwe. <sup>38</sup>¿Miki 'ekipitutanaka pekatihiki meripaiti kuya pematia, meta makumawetsie nauka miiriyari yukukuyamete pemiwarewiti?

<sup>39</sup>Papuru mipai katinita'eiya:

—Netsi nekanihuriyutini, Tarutsu nepinuiwakame Tsiritsiya kwieyaritsie nemiemetiti, kiekari 'amiyewatsie nekaniekametini. Hiki nepimatsiwawirie, keneneupitia teiteri nemitiwataxatianiki.

<sup>40</sup>Kuyaxi tiwa'aitiwame 'ipitiaku, Papuru 'imumuitsie 'utiweti teiteri yumamaki kaniwaru'iniaritiani. Kepauka yunaiti kayuwati me'utamareku, 'arameu niukiyariki kaniutaniuni, mipai 'utaiti:

**22** <sup>1</sup>«Neuxe'i iwamarixi meta ta'ukiyarima. Xekeneneu'eni nehetsiemieme hiki xehixie kenemititaniuni».

<sup>2</sup>Hiki me'ienieka 'arameu niukiyariki tikuxatame, matsi waikawa kayuwati mepumakai.

Mipai kaniutayini: <sup>3</sup>«Ne nekanihuriyutini, Tarutsutsie Tsiritsiya kwieyaritsie nekanetiniuiwa. Matsi 'iki kiekaritsie nekaniutawere, Kamarieri hetsia netininetaitiani heitseriemeki tatutsima wa'iniari niukiyari hepaitsita, ne yemeki Kakaiyari hepaitsita nepi'itetsakai, hiki xeme hipati xemutiyuane hepai. <sup>4</sup>'Iki huye memuweiyakai newaranukuweiyati nepiwatakukuyakai, newatihiyati 'ukitsi meta 'ukari katsariyanata nepiwaranutaxuriwakai, <sup>5</sup>mawari wewiwamete tiwa'aitiwame, meta naime 'ukirawetsixi kememitehekiata. Miki menetsi'uhuritiaku xapa ta'iwama wahetsiemieme, Ramatsikutsie nekaneyani newarahapanike Kerutsaremetsie mehiatikaimie kemi'ane nemiwaretaxeiyi, memanutaxiriyani».

<sup>6</sup>»Hiki tuka mana ne'uyemiekkaku, kepauka Ramatsiku ne'aye'aximekkaku, taheima mieme hekiariya ne'aurie waikawa kaniukuxawatire. <sup>7</sup>Kwiepa nekaniukaweni. Meta xeime nekaniu'eni mipai netikihaweme: "Tsauru, Tsauru titayari penetiuweiya". <sup>8</sup>Netsi mipai nekatinita'iwawiya: "¿Ti'aitame kemi'ane pepihiki?" Miki mipai kanetiniuta'eiya: "Netsi Ketsutsi natsaretitanaka nekanihikiti peminetsi'uweiya". <sup>9</sup>Nehamatia memuwakai hekiariya me'uxeiyaka mekaniutimamani. Matsi mepika'i'eni kemi'ane minetsikihawekai. <sup>10</sup>Ne mipai nekatinita'iwawiya: "¿Ti'aitame kereuyewetse yanemitiyurieniki?" Ti'aitame mipai kanetiniutahiawe: "Kenanukukexi, Ramatsikutsie kenemie. Manari yapepitahiawarieni naime kemi'aitisie yapemitikayaniki". <sup>11</sup>Nepitauruxiekai xawatiriyaki. Miki nehamatia memuhukai menetsi'ahanati, Ramatsikutsie mekaneni'atiani.

<sup>12</sup>»Hiki xewiti 'Ananiyaxi mititewa mana peyeikakai, tewi 'aixia mitikamie 'iniari niukiyarisie. Yunaiti huriyutsixi mana memitamakai 'aixia mepite'imaikai. <sup>13</sup>Hiki nehetsia nuaka, ne'aurie 'utikeka, mipai kanetiniutahiawe: “Ne'iwa Tsauru, kenanutanieri”. 'Anari kwitiwa nekananutaniere meta nehauniereti nepatia. <sup>14</sup>Miki mipaita kaniutayini: “Tatutsima wakakaiyari matiari paiti kamenanayexeiya yapemiretimaniki ketita mitinake, miki Heitserie mexeiya pemixeiyaiki meta niukieya pemi'enieniki 'utaniukame. <sup>15</sup>'Eki kepemitiunierixi meta kepemitiu'enaxi yunaima teiteri pekatiniwatahekiatiamiki. <sup>16</sup>Hikitsiari, ζtita 'akuxi petitakwewie? Kenanukukexi, keneuka'iwa, meta 'axapemitiuyuriki keneu'ahauxina pehehiaweti kemi'ane mihiki”.

<sup>17</sup>»Hiki Kerutsareme nenuaka, mexi'akuxi tuki kuraruyarita neyunenewiekai, heinitsi hepai 'anekame nekaniuxeiya, <sup>18</sup>meta Ti'aitame nekaniuxeiya mipai netikihiaweme: “Kene'akumexiitia, Kerutsareme kenayeye'a, 'aniuki mepikatanaki'erieni nehapaitsita kepemitihekiata”. <sup>19</sup>Netsi mipai nekatinita'eiya: “Ti'aitame, miki mekatenumaika tukiteta ne kenemititahakekai newaranutaxiriwati newatiwayati miki yuri memite'eriekai 'ahetsie, <sup>20</sup>meta kepauka 'Etsitewani xuriyaya mutaxiri 'ahapaitsita mitihekiatakai, ne mana nepuwekai ne'iyari ya'ane'akaku meta wa'ixurikite ne'ihiti miki memimieniekai”. <sup>21</sup>Matsi Ti'aitame mipai kanetiniutahiawe: “Kenemie, ne 'atewa paiti nekamenanuni'amiki memikahuriyutsixi wahetsia”».

### Papuru Xumatsie kiekame

<sup>22</sup>Hiki teiteri yumireti Papuru mekani'eniekaitini kepaukari miki niuki mutaxa, 'ana karima meputihiwaxi mipai me'utiuyuati: «Kwiepa ke'umaweni. 'Aixia pika'ane miki tewi 'ayeniereti muyeikani».

<sup>23</sup>Me'utihwati yu'ixuriki teiki mehewiwiwati meta tumuanari teiki mehewiwiwati, <sup>24</sup>kuyaxi tiwa'aitiwame katiniuta'aita Papuru kuyaxi wakiita manuhanieniki.

—Tepita'iniata 'ariwatsini 'ikuwaxiayu, yanemiretimaniki titayari miya memite'uhiwakai hepaitsitana.

<sup>25</sup>Kepauka me'ikuhaiyakaku karena kaunariyariki, Papuru xeitsienituyari kuyaxi tiwa'aitiwame mipai katiniutahiawe mana 'utiwekaku:

—ζXeme 'aitsikatsie xetepitiarie tewi Xumatsie kiekame xemukuwaxiani 'itsikame ka'ita'iwawiyawekaku?

<sup>26</sup>Kuyaxi xeitsienituyari tiwa'aitiwame 'u'enaka kuyaxi tiwa'aitiwame hetsia kaneyani, mipai katinitahekiatiani:

—ζ'Eki kepetiyurieni? 'Iki tewi Xumatsie kaniekemetini.

<sup>27</sup>Kuyaxi tiwa'aitiwame Papuru hetsia kaniye'ani, mipai katinitahiawe:

—Yakenetineutahiawi, ζ'eki Xumatsie petikiekame?

Papuru mipai kaniutayini:

—Huu, miki nepihiki.

<sup>28</sup>Kuyaxi tiwa'aitiwame mipai katinita'eiya:

—Kariki ne waikawa netininetuani kiekame nemayaniki.

Papuru mipai katinitahiawe:

—Ne, matsi mana nuiwakame nekanihikitini.

<sup>29</sup>Ayumieme hetsiana memu'axiakai me'ita'iwawiyake yapauka mekaneutayeixiani. Kuyaxi tiwa'aitiwame yaretimaika Papuru Xumatsie mikiekametikaiki, kanimakaitini mihiakaiki.

### 'Itsikate Papuru kememite'ita'iwawiyaxi

<sup>30</sup>Hiki 'uxa'arieka, kuyaxi tiwa'aitiwame heitseriemeki katinimaimikikaitini ketitayari huriyutsixi memiteniukixiekai Papuru hepaitsita. Kanixina meta katiniuta'aita memiyukuxeirieniki mawari wewiwamete memitewa'aitia meta 'itsikate yunaiti. Hiki mana wahixie Papuru kani'atiani.

**23** <sup>1</sup>Hiki Papuru 'itsikate waxeyati, mipai kaniutayini: —Ne'iwamarixi, ne'yari 'aixia 'anekaku kanetsi'utate'akaku Kakaiyari hixie nekaniuyeikani meripaiti hiki 'akuxi.

<sup>2</sup>Hiki 'Ananiyaxi mawari wewiwamete tiwa'aitiwame miki 'auriena 'ahurawa memiti'ukai katiniwaruta'aitiani teniena memitawaniki.

<sup>3</sup>Hiki Papuru mipai katinitahiawe:

—Kakaiyari 'ekita pimatsiwani, yaki xeikia pepiti'aitame. 'Eki 'apekanakani 'aitsika kemikahaine peti'aitati nemukuweiyaxianiki.

<sup>4</sup>Papuru 'aurie memuti'ukai mipai mekaniutiyuani:

—Peti'awairi 'aku 'eki Kakaiyari mawari wewiwamete tiwa'aitiwame pemitatieniki.

<sup>5</sup>Papuru mipai kaniutayini:

—Ne'iwama, 'atsinepikatimaikai mawari wewiwamete tiwa'aitiwame hikitime nepika'eriekai. 'Ayumieme mipai pire'uxa: «Axapepikarenutahiaweni teiteri wahetsiemieme manuyeka».

<sup>6</sup>Hiki Papuru timaiti hixiata me'ati tsarutseutsixi memihikitikai meta hixiata me'ati paritseutsixi memihikitikai, 'itsikate wahixie mipai katiniuhiwa:

—Ne'iwamarixi ne paritseu nekanihikitini. Xepinetsixaneta nemita'ikwewaki yuri nemiti'erieki mikite kememite'anuku'uitarieni hepaitsita.

<sup>7</sup>Mexi 'akuxi 'utaniuka, paritseutsixi meta tsarutseutsixi mekaniyutiniukimatikine, mana memuyuxeiriekai hixiata mekaniyutsana.

<sup>8</sup>(Tsarutseutsixi mipai meputiyuane kename mikite meka'anuku'uni, niuki tuayamete meta 'iyarite tixaiti mekatehiki, matsi paritseutsixi mipai mekatenimaika 'iki naimeki).

<sup>9</sup>Hiki waikawameki mekaniuyuxamirieni, hiki hipati 'iniariki memite'ikitametetikai paritseutsixi me'anuku'uka, mipai mekaniutiyuani: «Tame tixaiti tepikate'ukaxei 'axati'anekame 'iki tewi hepaitsita. Xiaritsi 'iyari kanitahiawe yanutsutini niuki tuayame». <sup>10</sup>Waikawari meha'akaku, kuyaxi tiwa'aitiwame kanimakaitini kapa Papuru me'umieniki. Hiki kuyaxi katiniwaruta'aitiani wairiyarika me'ipitiati memenuhanaki, kuyaxi wakiita.

<sup>11</sup>'Uxa'arieka yiwikita Ti'aitame Papuru 'auriena kaniuyuhekiata mipai katinitahiawe: «Pepikamaka. Kerutsaremetsie kepeminetihekiatakai, kaneuyewekata Xumatsie mipai peminetihekiataniki».

### Papuru kememitemienikekai

<sup>12</sup>Hiki tau 'anatineku, huriyutsixi hipati mekaniyu'enieni. Mekaniyuhiritiani mipai me'utiyuati: «Tepikatekwani meta tepika'anuhareni kepaukake Papuru temimieni». <sup>13</sup>Huta tewiyari meyupaimeti mipai mekatenyihiritiakaitini. <sup>14</sup>Mawari wewiwamete memihiritiariekai wahetsia meta 'ukirawetsixi wahetsia me'u'axiaka mipai mekateniwarutahiawe:  
—Tame mipai tepitetahiritia, tixaiti tepikatekwaka Papuru temiemeke. <sup>15</sup>Hiki 'ayumieme xeme 'itsikate wahamatia yaxeketeneutahiawi kuyaxi tiwa'aitiwame xehetsia mewitiniki, 'aixia 'anemeki matsi xemitehetimaniki hepaitisitana. Tame kanuawekaku 'akuxi tekaniyuha'aritiaka huyeta temeimieniki.

<sup>16</sup>Hiki Papuru matsuya kaniu'ena kememite'imienikekai. Mana nuaka kuyaxi wakiita heutahaka, Papuru katiniutaxatiani. <sup>17</sup>Papuru yu'aurie xeime 'utakwewieka xeitsienituyari kuyaxi tewa'aitiwamete, mipai katinitahiawe:

—'Iki temaiki kuyaxi tiwa'aitiwame hetsia kenanuwitiki. Miki pirayexeiya mireitaxatianiki.

<sup>18</sup>Miki kuyaxi tiwa'aitiwame hetsia kaneiwitini. Mipaita katinitahiawe:

—Papuru manutahiya yu'aurie netsi'utahiaweka pinetsi'utawawiri 'ahixie 'iki temaiki nemi'atianiki. Pirayexeiya 'ahamatia.

<sup>19</sup>Kuyaxi tiwa'aitiwame temaiki mamayatsie tiwiereka, yihikiate yatewawa mehekineka mipai katinita'iwawiya:

—¿Ketita kuta perayexeiya?

<sup>20</sup>Miki mipai kaniutayini:

—Huriyutsixi mepitehekuxata, memetsitawawirienike 'uxa'a Papuru pemanuwitiniki 'itsikate wahetsia, yemeki memitemaikaki hepaitisitana. <sup>21</sup>'Eki miki pepikawa'enieka, huta tewiyari meyupaimeti teiteri wahetsia miemete mepikwewie, mipai meteyihiritiati memikatekwakaki meta memikaharekaki me'imiemeke. Hiki mekaniyuha'aritiaka mematsikwewietu pemi'awairiyaki.

<sup>22</sup>Hiki kuyaxi tiwa'aitiwame temaiki kaneni'ani mipai re'imaiyati:

—Xeime tima pepikaraxaxatiwani 'iki hepaitisita kepeminetiutaxatia.

### Papuru Perixi kuwexinaruri hetsia kemireni'arie

<sup>23</sup>Hiki kuyaxi tiwa'aitiwame xeitsienituyari kuyaxi tewa'aitiwamete yuhutame yu'aurie warutahiaweka, mipai katiniwaruta'aitiani:

—Huta tsienituyari kuyaxi xekeniwarukuha'aritia, kawayutsixi wahetsie memautayaxiwawe haika tewiyari heimana tamamata, meta huta tsienituyari tepiaki memiteheutamiiwawe Tsetsareyatsie memiyehuki tikariki 'atanauka hurayari 'aye'ayu. <sup>24</sup>Kawayutsixi xekeniwaranuhapani, Papuru manutiyerini 'aixia reu'erietu meta'aniki Perixi kuwexinaruri hetsia.

<sup>25</sup>Meta xapatsie mipai katineka'utiirieni:

<sup>26</sup>Ne Kirauriyu Ritsiyaxi,

kuwexinaruri pemitirikaiye Perixi:

Nepimatsiwairitia.



<sup>27</sup>'Iki tewi huriyutsixi mekaniwiya, 'ari mekanimienikekaitini, ne nekuyaxima wahamatia hetsiena nekaniutanuani, mipai nemiretimaikaiki Xumatsie mikiekameki. <sup>28</sup>Ne nepitimaikikikai titayari memiteniukixiekai hepaitsitana, nekaneiwitini huriyutsixi wa'itsikate wahetsia. <sup>29</sup>Nepiwaretaxei meniukixiekame kemaine wa'aitsika hepaitsita. Tixaiti 'atsipikati'aneikai hetsiena mirahiiwani mimierieniki meta manutahiiyaniki. <sup>30</sup>Mipai netiutahiawarieka 'iki tewi memimienikekaiki, kwitiwa nekaneini'ani 'ahetsia. Nepitiwaruta'aitia miki hepaitsitana meminiukixie 'ahixie memitahiaweki. Mipai xeikia. <sup>31</sup>Hiki kuyaxi kememite'uta'aitiariekai, Papuru yiwikita mekanewitini 'Anutipatiritsie paiti. <sup>32</sup>'Uxa'arieka kawayutsixi wahetsie memutei mekaniwaruku'eirieni miki hamatiana memiyehuki, kuyaxi yī'kama memuhukai yukiita mekanakunuaxiani. <sup>33</sup>Kepauka Tssetsareya paiti memuta'axia, kuwexinaruri xapa mekaniyetuirieni meta Papuru mekaniyetuani. <sup>34</sup>Perixi xapa 'akateriwaka, Papuru kaniuta'iwawiya kemi'ane kwieyaritsie mimiemetikai. Retimaika Tsiritsiyatsie mikiekametikaiki, <sup>35</sup>mipai katinitahiawe: «Kamitsi, nepimatsi'enieni me'axiayu miki 'ahepaitsita meminiukixie». Katiniuta'aita Herurexi paratsiyuyata me'iwiyariekaki.

#### Papuru Perixi hixie yuhetsieme kemitiutaniu

**24** <sup>1</sup>Hiki 'auxiwi tukari 'anukamiekaku, mawari wewiwamete tiwa'aitiwame 'Ananiyaxi mititewa mana kaninuani, hipame 'ukirawetsixi wahamatia meta xewiti Terituru titewati miniukametikai mekaniu'axiani. Kuwexinaruri hetsia memitetaxataki Papuru hepaitsita. <sup>2</sup>Kepauka mixanetsie wahetsia mi'atarie, Terituru kanitsutiani 'ixanetati Perixi hixie, mipai 'utaiti:

—'Eki Pemimariwe pekatanipitiaka, timaiweme pemihikiki waikawa pekataniheitseritiaka tateiterima tahetsieme. <sup>3</sup>Neuxei Perixi pemitirikaiye, naitarie kwiepa pekanimariwani naime 'aixia kepemitiyuriene. <sup>4</sup>Matsi pemikawairipiekaki waikawa niukiki, 'ayumieme nepimetsiwawirie pemitatsi'enieniki 'etsiwa tepimatetaxatiani 'aixia kepemitiuka'iyariki. <sup>5</sup>'Iki tewi tekanetaxeiya yunaime huriyutsixi waxamurieneme naitarie kwiepa. Natsaretitanaka hetsie memitewiya katiniwa'aitiwametini. <sup>6</sup>Meta tukita kaneutahakekaitini ka'itiyakame 'ayeitiati, 'ayumieme tekaniwiya. <sup>7</sup>Matsi Ritsiyaxi nuaka kuyaxi tiwa'aitiwame mihiki, wairiyarika kataniunawairieni. <sup>8</sup>Katatineta'aitiani tame hepaitsitana teminiukixie 'ahetsia temahuki. 'Ekita pe'ita'iwawiyame pekaniyiweni pemiretimani naime ketemiteniukixie hepaitsitana.

<sup>9</sup>Meta huriyutsixi mekaniniukimakaitini, mipai me'utiyuati kename naiti tiyuritikai. <sup>10</sup>Kepauka kuwexinaruri yumu'uki 'i'iniaritiaku mitaniuniki, Papuru mipai kaniutayini:

—Yanetimaiti 'eki miixa wiyari kepemitiuyuri 'ena 'iki teiteri wakuwexinaruri pehikititi, 'ayumieme 'aixia 'iyariki nehetsieme nepitaniuni kemitikuxaxatsiwa nehpaitsita. <sup>11</sup>'Eki pekaniyiweni

pemitimaikaki, tamamata heimana huta tukari pika'anukayeive 'akuxi kepauka Kerutsaremetsie nemeutiyunixi neyutanenewienike. <sup>12</sup>Netsixanetamete tukita mepikanetsi'utaxei 'axanetikusatame, tukite 'etsimipepeta meta xaitsie kiekaritsie. <sup>13</sup>Mepikayiwawe memitseiiriyani yuniuki kememiteniukixie nehapaitsita hiki. <sup>14</sup>Mipai nepimatitahekiatianikeyu: ne 'iki huye ne'uweiyati nepiti'uximaya tatutsima wakakayari hetsiemieme, tsepaneti netsixanetamete 'iki huye xaitsie tiwiyakame memixata, yanepira'eriwa 'iniari niukiyari kemiti'ikita meta yuri nepiti'erie naiti kemiraka'utiarie Kakaiyari niukametemama waxapayaritsie. <sup>15</sup>Kakaiyari hetsie nepita'ikwewa 'iki teiteri kememiteta'ikwewa wahepai, kename me'anuku'uitiarieni yamemitekahu meta yamemikatekahu. <sup>16</sup>'Iki naima hepaitsita yanekatiniyurieneni ne'yari kanetsi'utate'akaku, Kakaiyari hixie meta teiteri wahepaitsita.

<sup>17</sup>»Hiki ne tumini nekaniuxeirieni neteiterima Kerutsareme kiekatari wahetsiemieme, yapaimexia wiyari mipai nekatiniyurienekaitini. Manaketa 'imikieri ne'a'iti nekaninuani. <sup>18</sup>'Itiya mawariyari newewiekaku hipati huriyutsixi 'atsiyatari mekanenetaxeiya tukita. Yumiireti teiteri 'amepika'u'uwakai ne'aurie, nepikawaxamuriekai. <sup>19</sup>Meminetsi'uxei hipati huriyutsixi 'Atsiya kiekatari mepiyiakai, neuyeweka miki memi'axiani 'ahixie, meta peuyewetse yamemitiyuaniki kememinetexaneta, xikatsi nehetsiemieme mete'ayexeyani. <sup>20</sup>Hikitsi, 'ena yameke'utiyaneni tita memite'ukaxei nehetsie mikatiheitserie kepauka ne 'itsikate wahixie nemuwekai, <sup>21</sup>tita memite'ukaxei xeime neniukitsie karima ne'utaniuku miki wahixie mipai ne'utaiti: «Mikite memanuku'uni mipai yuri nemit'erieki, 'ayumieme mikiki hiki xehixie nekanixeiriyaka»».

<sup>22</sup>Hiki Perixi heitseriemeki katinimaikaitini miki huye hepaitsita. 'Ayumieme mipai katiniiwaruta'eiya:

—Ritsiyaxi kuyaxi tiwa'aitiwame nuayuke, xeniuki hepaitsita yanepitixetahiawe.

<sup>23</sup>Xeitsienituyari kuyaxi tiwa'aitiwame kaniuhiritiani mi'iwiyaniki, matsisiere kanihiritiani mipitiakaki yu'iwama wahamatia muyeikaniki meta miki memiparewiekaki tita mireuyehiwaki.

<sup>24</sup>Hiki yapaimexia tukari 'anukayaku, Perixi yi'iya hamatia Rutsira huriyu tewiyari mihikitikai mana nuaka. Papuru yu'aurie kaniutakwewieni, meta kani'enieni tikusatame yuri kemiti'erie Kiritsitu Ketsutsi hetsie. <sup>25</sup>Tikuxatakaku tita mitiheitserie hepaitsita, tewi kemitiyini'a hepaitsita meta tewi kemitita'iwawiyarieni 'uxa'atiniwarie, Perixi kaniutimani, mipai katinitahiawe: «Hikiri mipai xeikia kenemie. Kepaukaketa tukari nemihika nepimatitani'airieni». <sup>26</sup>Perixi kanita'ikwewakaitini Papuru tumini 'iitianike 'erieti. 'Ayumieme miixa yu'aurie pitakwekwewiwakai, tikuxatati hamatiana.

<sup>27</sup>Huta wiyari 'anuyeyaku Perixi kaniuyupata, Purutsiyu Petsitu kuwexinaruri kanayani. Perixi huriyutsixi wanaki'atsitiamiti, 'ayumieme Papuru katsariyanata kananutahiani.

**Papuru Tsetsaxi hamatia kemitiutaxa**

**25** <sup>1</sup>Hiki Petsitu nuaka hakewa mehiritiariakai, hairieka tukari 'aye'aku, Tsetsareya heyeyaka Kerutsaremetsie kaninuani. <sup>2</sup>Mawari wewiwamete tewa'aitiwamete meta huriyutsixi wa'ukiyarima hixiena mekaniu'axiani metehekiatati Papuru hepaitsita. <sup>3</sup>Mekanitawawirieni mipai me'utiyuati: «'Aixia petiuka'iyariti Kerutsaremetsie Papuru kenanuni'a». Mikiri yamepite'uxatakai huyeta kememite'imienikekai. <sup>4</sup>Petsitu mipai katiniuta'ani: «Papuru Tsetsareya paiti kananutahiiyaka, ne yareutewiti mana nepiyemie. <sup>5</sup>Xetsata miemete memanuyetei nehamatia mekehekine, miki yamekehetiyuani hepaitsitana, xikatsi kwiniemieme 'axatiuyurieni». <sup>6</sup>Miixa pika'uyuri huriyutsixi watsata 'uyeikati, 'atahaika tukari yatini tamamata tukari xeikia puyuri. Manaketa Tsetsareyatsie kaneyani. 'Uxa'arieka mirewa'aitatsie, Papuru mi'atiarieniki katiniuta'aita. <sup>7</sup>Mana miki nuaku 'auriena mekaniyukuxerieni huriyutsixi, Kerutsaremetsie memakanexia, waikawa tirikawimeki 'axamekaniutiyuanekaitini meminiukixieniki hepaitsitana. Mepiyutatexi tixai mepikate'ukaxei yuniukiki.

<sup>8</sup>Papuru yuhetsie nuati mipai kaniutayini:

—'Atsinepikatiuyuri 'axati'anemekī huriyutsixi wa'iniari niukiyari hepaitsita, watuki meta Tsetsaxi hepaitsita.

<sup>9</sup>Petsitu wanaki'aritamiti huriyutsixi Papuru mipai katiniuta'eiya:

—¿Peti'awairiya Kerutsareme pemiyemie mana pemita'iwawiyarieniki nehixie 'iki xanetsika hepaitsita?

<sup>10</sup>Papuru mipai kaniutayini:

—Ne Tsetsaxi 'uwenieya hixie nekaniuweni nemita'iwawiyarieniki. Mana xeikia temita'iwawiyarieniki xika 'axanetiuyurieni. 'Axanepikawaruyuri huriyutsixi, heitseriemeki 'eki kepemitimate. <sup>11</sup>'Axa xika netiuyurienike, tixai xika netiuyurienike kemireuyewetse nemiminiki, nepikaneku'imawa nemiminiki. Metsi xika katiyuritini 'iki kememiteniukixie nehapaitsita, xewiti pikayiwe miki wahetsia minetsiyetuaniki wanaki'aritamiti. Tsetsaxi hixie nekanitaniumiki.

<sup>12</sup>Hiki Petsitu 'imawamete wahamatia tiutaxataka meri mipai katinita'eiya:

—Tsetsaxi hetsia 'aku petimie. Hiki, Tsetsaxi hetsia pekaniyemieni.

**Papuru 'Akiripa meta Werenitse wahixie kemiti'atiarie**

<sup>13</sup>Hiki miixa tukari 'anukayaku, kwiepa ti'aitame 'Akiripa mititewa meta Werenitse hamatia Petsitu Tsetsareya paiti mekaneiku'iwata. <sup>14</sup>Yapaimexia tukari mana mepuyuri. Petsitu ti'aitame katinikuxaxatiwakaitini Papuru hepaitsita, mipai 'utaiti:

—Xewiti tewi 'uwa puku'eiriwaxi Perixi menutahia. <sup>15</sup>Kerutsaremetsie neheta'aku, hepaitsitana mekateniutahekiata mawari wewiwamete memihiritiarie, huriyutsixi wa'ukiyarima, menetsiwawirieti manutahiiyaniki.

<sup>16</sup>Netsi mipai nekatiniwaruta'eiya, xumatarī tayeiyari mipai pika'ane, tewi tepika'iyetuanī, hixiena meka'axiawawekaku 'akuxi miki hepaitsitana meminiukixie, kayiwekaku 'akuxi yuhetsiemieme mitaniuni waniukixiya

hepaitsita. <sup>17</sup>Uwa me'u'axiaku, 'ayumieme 'anepikareuterixi. 'Uxa'arieka 'itsikame 'uwenieyatsie nemira'aitatsie ne'ayerika, nekatiniuta'aita miki tewi mi'atiarieniki. <sup>18</sup>Me'anuku'uka memitiniuniki, 'ixanetamete tixaiti 'axati'ane kame mepikate'ukaxei hetsiena, ne kenemitita'ikwewakai. <sup>19</sup>Matsi xeikia niuki mekanixiatiakaitini tita memite'ayexeiya hepaitsita xeime Ketsutsi mimikikai hepaitsita, Papuru 'ayeniereme mixataakai, mikiki pita mekaniniukixiekaitini hepaitsitana. <sup>20</sup>Netsi 'atsinepikatimaikai 'iki niuki hepaitsita. 'Ayumieme mipai nekatinitahiawe, ¿peti'awairiya Kerutsaremetsie pemiyemie mana pemeta'iwawiyarieniki 'iki hepaitsita? <sup>21</sup>Papuru kaneniutawawirieni nemi'iwiyani, ti'aitame 'Aukutsitu m'enenike. 'Ayumieme nekatiniwaruta'aitiani memi'iwiyani Tsetsaxi hetsia Xumatsie ne'enuni'ayuke.

<sup>22</sup>'Akiripa Petsitu mipai katiniutahiawe:

—Netatsiere miki tewi nekani'eniemi.

Petsitu mipai kaniutayini:

—Kariki 'eki 'uxa'a pekani'eniemi.

### Papuru yuhetsieme 'Akiripa hixie kemitiutaniu

(Ni'a 26:12-18 – Ni'a 9:3-8, 22:6-11)

<sup>23</sup>'Uxa'arieka 'Akiripa Werenitse hamatia mekanu'axiani 'aixia mete'uyukemariatika mariwemeki. Mana mirayutixexeiritire mekaneutahaxiani xeimiriari kuyaxi tewa'aitiwamete wahamatia, meta kiekatari memimatiwa wahamatia. Petsitu katiniuta'aita Papuru mawitikieniki. <sup>24</sup>Hiki Petsitu mipai kaniutayini:

—Ti'aitame 'Akiripa, meta xeme yunaiti tahamatia xemuyuxeirie, manari 'iki tewi xekanixeiyani kemi'ane hepaitsita wairiyarika xemine'tsi'upitia yunaiti teiteri huriyutsixi Kerutsaremetsie, mipai mete'uhiwati kename 'aixia ka'ane mayeniereni. <sup>25</sup>Ne tixaiti nepikatiukaxei kemitiuyuri kemireuyewetse mimierieniki. Mikitsi 'Aukutsitu yamitiutahiwixiki, ne yanepitimaikai Xuma nemenuni'aniki.

<sup>26</sup>Niuki miheitserie nepikahexeiya ti'aitame nemititi'utirieniki. 'Ayumieme nekani'atiani xehetsia, meta 'ahetsia ti'aitame 'Akiripa, pe'ita'iwawiyame tixaiti nemirexeiyani nemititi'utianiki. <sup>27</sup>Timaiweme hepai nepikayinikeyu xika xeime neheni'anike hiakame, nekatihiekatati ketitaki mitiniukimarie.

**26** <sup>1</sup>Hiki 'Akiripa Papuru mipai katiniutahiawe:

—Pekanipitariieka 'ahetsieme pemitanuniki.

Papuru yumamaki waru'iniaritiaka mipai kaniutayini:

<sup>2</sup>—Neuxei ti'aitame 'Akiripa, nepinetemawie 'ahixie nemitanuniki hiki naime huriyutsixi kememineteniukima hepaitsita. <sup>3</sup>Huriyutsixi naime wayeyari meta miki niuki kememitexiatia pekatinimaika. 'Ayumieme nepimatsiwawirie pemine'tsi'eneniki petinewieti.

<sup>4</sup>»Yunaiti huriyutsixi mekatenimaika kenemitiyueikakai nunutsiyari, neteiterima watsata temaikiyari paiti meta Kerutsaremetsie. <sup>5</sup>Miki matiari paiti memine'tsimaikai xika metehiekatanike, miki mipai mekanitiyuanenike ne kenemitikuyekakai paritseutsixi wahetsie

netiwiyati. Paritseutsixi tita temitehayexeyiatsie yemeki yamepitekahu. <sup>6</sup>Hiki nepixanetsie yuri neti'erieti kenemitita'ikwewa meta Kakaiyari tatutsima kemitiwarutahiawekai meye'atianiki. <sup>7</sup>Yunaiti tateiterima tamamata heimana huta nuiwarite temihiki tukariki meta tikariki 'uximayatsikaya te'eyexeyati kwini mieme tenitakwewieka Kakaiyari. Neuxei ti'aitame, ne yuri kenemiti'erie mipai netita'ikwewati, 'ayumieme huriyutsixi nehepaitsita mepiniukixie. <sup>8</sup>¿Ketiayari xeme xekateyiwawe yuri xemite'erieka kename Kakaiyari mikite waranuku'uitiani?

<sup>9</sup>»Neri heuyewekame nepi'eriekai waikawa 'axanemiyurieniki kemi'ane Ketsutsi natsaretitanaka mihiki. <sup>10</sup>Mipai yaxekia nekatiniyurienekaitini Kerutsaremetsie. Yumiireme Kakaiyari teiterimama katsariyanata nepiwaranutaxiriwakai, mawari wewiwamete memihiritiarie heitserie menetsi'upitiaku. Ne yanera'eriwakaku mepitakwikwiwakai. <sup>11</sup>Naime tukiteta miixa nepiwaranutaxiriwakai, wairiyarika nepiwapitiakai 'axamemitiyuaniki Ketsutsi hepaitsita. Waikawa newahekati nekaniwataweweyakaitini hipame kiekaritetsie.

<sup>12</sup>»Hiki mawari wewiwamete tewa'aitiwamete heitserie menetsi'upitiaku kememitehirtiariekai Ramatsikutsie nekaneyani. <sup>13</sup>Hiki tuka mana ne'uyemiekaku, neuxei ti'aitame, mexi'akuxi huyeta ne'uyemieti nekanixeyia hekiariya taheima mieme, tau ruoyeta tixawatime ne'aurie kaniukuhekiare meta nehamatia memuhukai. <sup>14</sup>Tanaiti kwiepa tepatixiri, meta ne xeime nepi'eni mipai netikihiaweme 'arameutsixi waniukiki: "Tsauru, Tsauru, ¿ketiayari penetiueyia?" Pepitiuka'eniwa pemika'awairiyaki, pemiti'amemiwaki pe'anatseiwati titsewemeki. <sup>15</sup>Netsi mipai nekatinita'iwawiya: "¿Ti'aitame kepepipaiki?" Ti'aitame mipai katinita'eiya: "Netsi Ketsutsi nekanihikitini peminetsi'uweyia. <sup>16</sup>Hikiri kenanukukexi, meta keneneu'eni. 'Ayumieme hiki nepinehekiatixi 'ahixie, pemanayexeyariexi ti'uximayatame pemayaniki, meta pemitihekiataniki nehetsiemieme kepeminetiuxei meta kenemimatitahekiatiani 'akuxi. <sup>17</sup>Ateiterima watsata nepimatsixina meta memikahuriyutsixi watsata, nekamenanuni'amiki <sup>18</sup>meheuneniereti memakineki, yiriya meku'eirieme hekiariyatsie memitewiyani, kauyumarie tirikariyaya meku'eirieme Kakaiyari hetsie memitewiyani, tita 'axamemiteyurie memiteheuyehiwiyarieniki nehetsie yuri mete'erieti, wahetsie mitinakeniki tita memitetanaki'erieni miki nemiwarupataxi nehetsiemieme".

<sup>19</sup>»Neuxeitsi ti'aitame 'Akiripa, yanetikamieti nepatia kenemitixei taheima mieme. <sup>20</sup>Nekanitsutiani Ramatsiku kiekatari wahetsia meri, kwitiwa Kerutsareme meta naitserie Kureya kwieyaritsie, yaxekiaata memikahuriyutsi watsata nekatiniwahekiatiakaitini memitehayewaniki 'axakememiteyurie Kakaiyari hetsie memitewiyani, yameteyurieti kememite'uhayewaxi wahetsie mimatsiikiniki. <sup>21</sup>'Ayumieme mikiki huriyutsixi tukita menetsi'uwiyaka meta mekanenimiekukaitini. <sup>22</sup>Matsi Kakaiyari kaneniparewieka hiki 'akuxi, mipai nekatiniyuwairiyani netiwahekiatiati teiteri 'ukirawetsixi meta tiiri yunaime. Kakaiyari niukametemama meta Muietsexi kememutiyua yamitiyinikekaiki: <sup>23</sup>Kiritsitu mitikwineki heuyewekai,

kename miki meri 'anukukeka mikite watsata, watahekiatianikekai yuteiterima meta memikahuriyutsixi hekiariya hepaitisa».

<sup>24</sup>Merikitsi Papuru mipai 'utayiku yuhetsie nuati, Petsitu karima mipai katinitahiawe:

—Papuru pepika'uka'iyariri. Waikawa 'ikitiarikaki pimatsiheuehia.

<sup>25</sup>Papuru mipai katinita'eiya:

—Matsi ne 'aixia nepitinekahiawe Petsitu pemimariwe. Kenemitikuxata kaniyuritini meta timaiweme niukieya pihiki. <sup>26</sup>Ti'aitame 'iki naime pitimate, 'ayumieme nekamati yanekatinikuxatani. 'Iki kenemitikuxata hikike pikamieme, 'awie pikatiuxatsie. <sup>27</sup>Neuxei ti'aitame 'Akiripa, 'eki yuri peti'erie Kakaiyari niukametemama waniukitsie? Ne nekatini maika yuri pekatini'erieka.

<sup>28</sup>'Akiripa Papuru mipai katiniutahiawe:

—'Ariri Kiritsitiyanu penerayeitianikeyu.

<sup>29</sup>Papuru mipai katinitahiawe:

—Kakaiyari nenewieri nepupitia, tsepa 'etsimitipaime yatini mitiwaikawa, 'ekiri meta yunaiti xeminetsi'enie hiki, xikatima nehapai xe'aneneti xehakineke, 'iki tepia xeikia xekahexeyati kimana nemihia.

<sup>30</sup>Hiki mipai 'utayiku, ti'aitame kananukekeni meta kuwexinaruri, Werenitse meta wahamatia mematekai mekananuku'uni. <sup>31</sup>Me'anuyekineka yunaiti yamekateniyikihawekaitini mipai me'utiyuati:

—'Iki tewi 'atsipikatiuyuri pikaheuyewetse mimieriniki meta manutahiyaniki.

<sup>32</sup>'Akiripa Petsitu mipai katiniutahiawe:

—'Iki tewi piyiwenikeyu mixinarieni, xika Tsetsaxi ka'utahiaweke xeikia.

### Papuru Xumatsie kemiren'arie

**27** <sup>1</sup>Merikitsi kepauka Petsitu yamitiuyuma temiye huki kanuwa 'amipa 'Itariya paiti, Papuru meta hipati piretsutsixi wahamatia mekaniyetuiyani. Xeitsienituyari kuyaxi tiwa'aitiwame Kuriyu mititewakai hetsia, 'Aukutsitu kuyaximama miwara'inekai. <sup>2</sup>Kanuwa 'amipa 'Aruramitiyu pimiemetikai. 'Atsiya kwieyaritsie tetsita kaniuyeyeikakaitini. Mana te'akayaxeka tekanekine. Tahamatiata kaneyani 'Aritsitariku tetsarunika kiekame Matseruniya kwieyaritsie mimiemetikai.

<sup>3</sup>'Uxa'arieka Tsiruni tekaneta'axiani. Kuriyu Papuru waikawa naki'erieti. Kanipitiani yuhamikuma wahetsia meta'aniki miki memiparewiekaki.

<sup>4</sup>Tsiruni temiyeke, Tsipire warita tekaniuyekine tahepa meuye'ekakaiki.

<sup>5</sup>Haramara 'utia tekaniuyekine Tsiritsiya meta Pamipiriya. Mana tekaneta'axiani Mira Ritsiya kwieyaritsie. <sup>6</sup>Xeitsienituyari kuyaxi tiwa'aitiwame kanuwa 'amipa mana kaniuxeyia 'Arekanitiriya mieme 'Itariyatsie miyemie kai, mikitsie tekaneutiyaxe. <sup>7</sup>Miixa tukari mana tepuhukai tepika'ayekiniwawekai. Haweri mieme tekaneta'axiani Kiniru hixie. 'Eka mikatatsipitiakaiki, mana teyekineka. Kireta hetia tekaniuyehukaitini, hiri manukaniere Tsarimuna mirakutewa 'aurie tekaniuyekine. <sup>8</sup>Mana haweri mieme xeikia tekananuyenexiani, 'ariketa hatetsita 'Aixia Mitiuku'ane mirakutewatsie tekaneta'axiani. Mana Ratseya kiekariyari kanehurakaitini.

<sup>9</sup>Hiki miixa tukari tekaneuyehiani, kanuwa 'amipa kanikweriwa'anekaitini, manutiyakaiki huriyutsixi wahakiya. Papuru mipai katiwaraye'eritiani, mipai tiwakihiaweti: <sup>10</sup>«Neuxei, mipai nepitimate, xika te'uhuni kanuwa 'amipatsie meta xe'ikate pireuyeweni, meta tame tepitatimaiyarieni». <sup>11</sup>Xeitsienituyari tiwa'aitiwame Papuru kemainekai pika'u'eni, matsi pita kanuwa 'amipa mikuyuitiwa meta kanuwa kutsiyarieya kaniwaru'eni. <sup>12</sup>Mirati'ikapiwa pikuhahautirekai. 'Ayumieme yumiireti mepuyu'eni memiyehuki, Penitse paiti memiye'axianiki, mana memititeniki muhaititsie. Penitsi katinakutewaka hake mirati'ikapiwa Kiretatsie, tatsutia meta ta'utata paye'eka tahepa.

### Wiyeri mitirikaiye haramaratsie kemitiwarutayuitiwakai

<sup>13</sup>Hiki tatsutia hepatsie 'eka kanatineni ketemitehu, kememiteku'eriwakai tiu'ekame mepi'eriekai. Kanuwa mukuhana me'anatihanaka mekanekine, Kireta 'aurie mekanuyekine. <sup>14</sup>Yareutewikaku karima 'eka pitsutia tirikaiyeti, Tayeta Mieme titewati, kwie 'esimiyewatsie paiti mayene. <sup>15</sup>Hiki kanuwa 'amipa pikayiwekai 'ekaki, tepikayiwawekai temuhuniki tahepa maye'ekakaiki, te'ihayewaku 'eka mitirikaiye katane'enitsitiani. <sup>16</sup>Kwie hapa miyema hetia Kiraura mirakutewa tekanakunexiani, haweri mieme xeikia kanuwa 'etsimipe temiwiwaki tepiyiwawekai. <sup>17</sup>Me'anatihanaka mekanenakahixiani kaunariki mitatseireki. Mekanimamakaitini Tsirite xiekariyatsie mete'utawaxianiki, mitikuhapatika mekaxirieka, mipai me'aneti kanuwa 'amipatsie mekanu'enixiximekaitini. <sup>18</sup>Witari yemeki pitatsi'utayuitiwakai. 'Uxa'arieka yu'ika kanuwatsie mekananatixirieni. <sup>19</sup>Hairieka tukaritsie tamamaki kanuwa 'amipa piiniteya tekatenanatixirieni. <sup>20</sup>Miixa tukari tau meta xurawetsixi tepikawaruxei, witari tirikaiyeti pikatihayewakai, kataneuyexirieni ketemiteta'ikwewakai temitawikweniki. <sup>21</sup>Hiki miixa tukariri tekatekwakaku, 'ana Papuru wahixiapa 'utakeka mipai kaniutayini: «Neuxei, xika xenetsi'u'enienike yanemainekaitsie Kiretatsie temikaheyekineki, mipai hiki tepikateheuyehianikekai meta tepikate'uka'eniwanikekai. <sup>22</sup>Hikitsiari nekaxenaye'eritiwani xemuyuwairiyani, xewiti xeme yutukari pikatatimaiya, kanuwa 'amipa xeikia tepitatimaiya. <sup>23</sup>Tikariki Kakaiyari niukieya tuayame kaneyuhekiata nehixie kemi'ane hetsie nemitwiya meta nemit'uximayatsirie, <sup>24</sup>mipai kanetiniutahiawe: “Papuru, pepikamaka. Kaneuyeweka Tsetsaxi hixie pemitakeniki, meta Kakaiyari pimatsi'upitia watukari yunaime 'ahamatia memuhu kanuwa 'amipatsie”. <sup>25</sup>'Ayumieme nepaine, xekeneyuwairiyani. Kakaiyari hetsie ne yuri nepiti'erie mipai mitiyiniki kenemitiutahiawarie. <sup>26</sup>Matsi xeikia tame kwie hapa miyematsie tepitixiriyani».

### Kanuwa 'amipa kemitiuta'unixi

<sup>27</sup>Hiki tamamata heimana nauka tikariyari 'anukamiekaku 'eka mitirikaiye, haramara 'Aruriyatiku mirakutewa hepa katane'enitsitiani, tikari hixiapa kanuwa ni'awamete kwiepa heukahurame mepi'eriekai. <sup>28</sup>Kaunari hapa mekaneukawiwieni, mekaniti'iniata xetewiyari heimana

tamamata heimana 'atahuta meturuyari kaneukatewakaitini. Yame'ahuti hutariekata mekaneikawiwieni, xeitewiyari heimana 'atahuta meturuyari kaneukatewakaitini. <sup>29</sup>Mekanimamakaitini tetetsie me'anutatenike me'erieti. Naukame mekaneukaxirieni tiyuhapaname kitsapana mehewitiaka, meta mekaniyutanenewieni mikahekiareki. <sup>30</sup>Kanuwa 'amipa ni'awamete mekatenikuwautiwekaitini kememiteyuta'unaki kanuwatsie, teni'awamete kanuwa 'etsimipepe mekaneukatvani haramaratsie miwatawikweitsitianiki, mitikuhapatika kanuwa hixie memeukaxiriwani hepai mekateniyuriekaitini. <sup>31</sup>Papuru mipai katiniwaraye'eritiani xeitsienituyari kuyaxi tiwa'aitiwame meta kuyaxi: «Iki xika kanuwatsie mekayuhayewa, xeme xepikatawikweni». <sup>32</sup>'Ayumieme kuyaxi kanuwa 'etsimipepe kaunariyari mekanaxitexiani, hapa paiti kaneukaxirieni.

<sup>33</sup>Kahekiaririmekakuri, kepauka Papuru yunaime kaniwatuikakaitini memitekwaniki: «Hikiri tamamata heimana nauka tukari xepuyurie xekatekwati. <sup>34</sup>'Ayumieme nepixewawirie, xemitekwaniki, kaneuyeweka xemayeneniereniki, nixewiti xeme xeikipayari yumu'utsie pikatataimaiya». <sup>35</sup>Mipai 'utayika paa 'uti'ika Kakaiyari pamipariyutsi kaniupitiani yunaime wahixie. Kanititara, kanitsutiani 'ikwati. <sup>36</sup>Yunaiti mikita mekaniyuwairiya, memitikwaniki. <sup>37</sup>Kanuwa 'amipatsie temiyetekai huta tsienituyari heimana haika tewiyari heimana tamamata heimana 'ataxewi teiteri tekanitapaimekaitini. <sup>38</sup>Te'utihuxakari 'ikwaiki, kanuwa tekana'exanariya tiriku haramaratsie teheukaxirieka.

<sup>39</sup>Hiki kepauka mukuhekiarixi, kwie mepikamaiwawekai, matsi kwie mekaniuxeyia 'ahakuyekame, hakewa kanuwa memeye'atianikekai xika meyiawawenike. <sup>40</sup>Mitikuhapatika mekanaxitexiani, haramaratsie mekaneikaxirieni, 'ini'awame kaunariyari mekaniuxina. Karipa 'etsimiyewa metixiraka, kwiepa mekaniuyenexiamekaitini. <sup>41</sup>Matsi kanuwa xiekaripa kanaanutateni. Muwa kwiepa mekanatinexiani. Tsurieya kwiepa kaneuhani, mana kaniyuhayewa kaniutseni, kitsapana kanita'unikekaitini tirikariyaki. <sup>42</sup>Hiki kuyaxi mekaniwakwikukaitini hipame piresutsixi, xewiti 'uhaximetu mikatawikweniki. <sup>43</sup>Matsi xeitsienituyari kuyaxi tiwa'aitiwame Papuru piwikweitsitiamikikai, 'ayumieme kaniwaruta'imaiya mipai memikateyuriekaki. Katiniwaruta'aitiani mana memekatsunaxianiki meri memahauwawekai, kwiepa memitinxianiki, <sup>44</sup>hipatita kiyexitetsie hipatita kanuwa tarimeyaritsie mehawiti mekaneutanexiani. Mipai tete'uhauxiaka teyunaiti 'aixia tetehe'erieti teputawikwei kwiepa paiti.

### Papuru Maritatsie kemitiuyeikakai

**28** <sup>1</sup>Merikitsi te'utawikweka, 'anake tekatenetimani kwie hapa miyemakai Marita katinitewakaitini. <sup>2</sup>Teiteri mana kiekatari yemeki 'aixia mekateniu'iyarikaitini tahepaitsita. Me'atinaika, mekatani'iniekaitini 'ahurawa temukineki, miwiyekaiki meta muhaitikaiki. <sup>3</sup>Hiki Papuru nekuki'eni, taipa menutixirieniki. Kuu tai makati yuta'unake, mamayatsie kanitakeni. <sup>4</sup>Teiteri mana kiekatari me'ixeyati kuu mamayatsie hawiekame, mipai mekateniyukihawekaitini yunaiti: «Xiari 'iki tewi



tiyumiekame pihiki, tsepaneti haramaratsie mutawikwei, heitserie pikapitiarie 'ayeniereti miyuhayewaniki». <sup>5</sup> Matsi Papuru yumama kaniutatsike, kuu taipa kaneuweni, miki 'atsipika'uyi pikatiukwinixi. <sup>6</sup> Miki teiteri mepikwewiekai mipai meteku'eriwati: «Tietitsi tahaimiki, yatini yapauka mimiki». Yamekateneutere me'itaxeiyati 'atsipika'uyi, 'ayumieme yiki pita mekatenuiyihawe, mipai mekaniutyuani: «Xiari 'iki kanikakaiyaritini». <sup>7</sup> Hiki mana hurawa kwie kanikumakaitini, Pupiriyu naiti kwie haramara hixiapa miyema katinipinieyatikaitini. Miki yukie 'aixia tatixeyati kataniutanaki'erieni hiki haika tukari mana tekaniukutekaitini hetsiana. <sup>8</sup> Pupiriyu paapaya hiyaki meta hakwitsiki tikuyeti yu'itaritsie kanikakateitini. Papuru kaneikuxeiya, meta kaniyutanenewieni heimana 'utimeti 'ana miki 'aixia reu'erieti kanayani. <sup>9</sup> Miyatiuyiku, hipatita tekwikwikate haramara hixiapa kwie miyematsie memitamakai mekani'axekaitini, mikita 'aixia metehue'erieti mepakikakai. <sup>10</sup> Miki waikawa 'aixia metatexeyati metatenimikwakaitini, meta teyehuximekaku mepitateyetuiri ketita temiteheuyehiakai.

#### Papuru Xumatsie kemireta'a

<sup>11</sup> Hiki haika metseri te'uyurieka haramara hixiapa kwie miyematsie, kanuwa 'amipatsie teyetekaku kaniukuhaitire. 'Arekanitiriya miemetsie, kakaiyarixi memuyuhuta wa'ikiyari mamakai. <sup>12</sup> Tsirakutsa tehetaxiaka, haika tukari mana tekaniuyurieni. <sup>13</sup> Manata temiyeki, Rekiyu tekaniye'axiani. Xeitukari 'anukayaku, tatsitia 'eka kanatineni, meta hutarieka tukaritsie Putehuri tekaneta'axiani. <sup>14</sup> Mana ta'iwamarixi tekaniwaretaxeiya, miki mepitatsi'uta'ini 'atahuta tukari temiyurieniki wahetsia. 'Imatirieka Xumatsie tekaniuta'axiani. <sup>15</sup> Ta'iwamarixi Xuma kiekatari, mete'utamarieka tahepaitsita ketemeyikai, mirayutixexeritire paiti 'Apiyu huyeyari 'utima meta Haikati miti'u mitiuyehipitiresie me'ayenexiaka mekatananunake. Papuru waruxeiyaka, Kakaiyari pamipariyutsi kaniupitiani, meta waikawa kaniyuwairiyakaitini. <sup>16</sup> Kepauka Xumatsie temu'axia, Papuru kaniupitiarieni yuxaitame kiita mayekaniki, xeime kuya hamatia mi'iwiyaniki.

#### Papuru Xumatsie kemitikuxataki

<sup>17</sup> Merikitsi hairieka tukaritsie Papuru huriyutsixi wa'ukiyarima yuhetsia kaniwaruta'inieni. Me'u'axiaku mipai katiniwarutahiawe:  
 —Neuxei 'iwamarixi, tsepaneti 'atsinemikatiuyuri teiteri wahepaitsita, tatutsima wayeyari hepaitsita neka'uxiwa'ati, Kerutsaremetsie nehiati nepiyetuiya xumataru wahetsia. <sup>18</sup> Miki menetsi'uta'iwawiyaka mekanenixinakukaitini, ne 'axanemikatiuyuriekaiki nemimierieniki. <sup>19</sup> Huriyutsixi neniuki hepaitsita meminiukixiekai, 'ayumieme wairiyarika Tsetsaxi hetsia nekaniye'ani, tsepaneti neteiterima wahepaitsita tixaiti nemikarayexeyakai. <sup>20</sup> Hiki 'ayumieme nekanixe'uta'inieni temitaxeyaxianiki meta xehamatia nemititaxataki. Mipai yuri nemiti'erieki 'Ixaheri teiteriyari kememiteta'ikwewa 'ayumieme tepiaki hiki nekanihia.

<sup>21</sup> Miki mipai mekatenita'eiya:

—Tame xapate tepika'anuhuriwawe Kureyatsie mieme 'ahepaitsita tikuxatame, meta xewiti ta'iwa pikanuawe 'axatatihekiatiati yanitsitini 'axatikuxatati 'ahepaitsita. <sup>22</sup> Matsi tekani'eniekuni kepemitiku'eriwa, mikitsie memitewiya wahepaitsita 'iki xeikia tepitemate, naitarie 'axamekatenikuxaxatsiwani.

<sup>23</sup> Hiki xeitukari mekananayexeiya Papuru hetsia memiyukuxeirieniki, 'ana yumiireti mekanu'axiani kiitana miwayekatsie. Ximeripaiti 'itsutiaka taikaike katiniutahayewa, tiwakuxaxatiwati meta tiwahekiatiati kemireuyewetse Kakaiyari ti'aitametikaku hepaitsita, yuri tiwa'eritiamiti Ketsutsi hetsie, Muitsexi 'iniarieyaki, meta Kakaiyari niukametemama waxapayaritsie mikiki yuniuki tseiriyati. <sup>24</sup> Hipati yuri mekatenita'eririeni kemitikuxataakai, hipatita yuri mepikate'uta'eri. <sup>25</sup> Yunaiti yaxeikia meteyikihaweti mepikaheutayeixia, mekanitikakaitini kepauka 'imatirieka Papuru mipai mutayi: «Yuriki 'Iyari Mitiyupata 'aixia kaniutayini, Kitsariyaxi Kakaiyari niukameya mipai tatutsima tiwarutahiaweku:

<sup>26</sup> »“Iki teiteri wahetsia kenemie, mipai ketiniwaretahiawi:

‘Tsepaneti waikawa xemi'enana, matsi xepikaheitimaitikine,  
tsepaneti waikawa xemeuneniere, matsi tixaiti xepikatexeiya’.

<sup>27</sup> Iki teiteri wa'iyari mitsetse'iki,  
yunakata mepeukanatika,  
meta yuhixita mepakikipe.

Xika mipai meka'anenenike, mepeunenierenikeyu,  
mepeu'enanakakeyu,  
yu'iyaritsie mepitemaiwawenikeyu,  
meta nehetsia mepi'axianikeyu, ne 'aixia metehu'eriekame  
nepiwarayeitiawe”.

<sup>28</sup> »Ayumieme xeme yaxeketenemaika, Kakaiyari 'iki wikweitsitiarika kaneyeni'ani memikahuriyutsixi wahetsia, miki hirixia mekani'eniekuni».

<sup>29</sup> Hiki mipai 'utayiku huriyutsixi mekanekine niuki waikawa mexiatati.

<sup>30</sup> Hiki huta wiyari kaniuyurieni muwa 'ayekaiti yikimana tiyutuati. Yunaiti hetsiana memi'axekai 'aixia katiniwaxeyakaitini. <sup>31</sup> Kamati katinikuxatakaitini kemireuyewetse Kakaiyari ti'aitametikaku, meta katini'ikitakaitini Ti'aitame Ketsutsi Kiritsitu hepaitsita, xewiti ka'iku'imaiyakaku meta xeime kaheumakati.

# Xumatari

## Kemitiwaruni'airi Papuru

---

**1** <sup>1</sup>Ne, Papuru, nekanixewairitiaka Kiritsitu Ketsutsi hetsiemieme nemiti'uximayatame, nemuta'inierie ni'ariekame nemayaniki, nemupatsie Kakaiyari niukieya 'aixia manuyine nemukuxataniki. <sup>2</sup>Meripaiti Kakaiyari mipai kaniutayikaitini temeixeyanikekaiki, Kakaiyari niukametemama yametekuxatakaku niuki mipatsietsie, <sup>3</sup>yuniwe xatati, tewi hikiti, nu'aya kaniutinuiwa Rawiri hetsie miyetia. <sup>4</sup>Mikite watsata manukukeki, tirikariyaki kaniukayerieni Kakaiyari Nu'ayatiti, 'Yari Kakaiyaritsie mieme mitatsipata kemitikaye. Ketsutsi Kiritsitu kanixatakaitini mitati'aitiwame. <sup>5</sup>Mikiki 'aixia tepi'tiarie miki 'aixia tiuka'iyarikaku, teputani'ariexiata para yunaiti nuiwarite yuri mete'erieti yamemitekahuniki, kemititewaki me'eyexeyati. <sup>6</sup>Xemeta nuiwarite xekanihikiti xemuta'inierie Ketsutsi Kiritsitu teiterimama xemakineki.

<sup>7</sup>Nekatinixe'uta'utiirieni yunaima Xumatsie xemitama Kakaiyari mixenaki'erie, xemuta'inierie hetsiena mieme xemipatsieniki.

Kakaiyari mita'ukiyari meta Ti'aitame Ketsutsi Kiritsitu, 'aixia mekete'u'iyarini xehetsiemieme, mekexepitiaka yu'iyaritsie xemika'uximatiariekaki.

### Papuru kemiti'iwatamikikai Xumatsie

<sup>8</sup>Merikitsi Ketsutsi Kiritsitu netsiparewiewakaku pamipariyutsi nekanipitiaka nekakaiyari meri yunaima xehetsiemieme, naitсарie kwiepa mikuxaxatsiwaki yuri kexemite'erie. <sup>9</sup>Ne'iyariki Kakaiyari hetsiemieme nepiti'uximaya, niuki nu'aya hetsiemieme 'aixia manuyine nekuxatati. Miki Kakaiyari mipai pitihekiata, kenemitixeha'eriwa nekatihayewati kepauka neminenenewie neheyemeki, <sup>10</sup>ne'iwawirieti nehuye 'aixia ke'uyurieni 'uxa'atini xehetsia nemumieki, xika mipai tinakekani Kakaiyari.

<sup>11</sup>Waikawa nepinewairiya nexexeyamiti, 'Iyaritsie mieme nemitixeminiki xemituikariekaki, <sup>12</sup>neta yakititi xehamatia neminewairiyani yuri xemite'erieki xeme, neta yuri nemiti'erieki. <sup>13</sup>Ne'iwama mipai pinetinakenikeyu mipai xemitemaikaki miixa kenemitinekuha'aritiwakai xehetsia nemimieki, tsepa nemikapitiariekai hikike. 'Ikwaxi nemikaxeyaki xehetsia, hipame nuiwarite wahetsia nemeixeya hepai.

<sup>14</sup>Kaneuyeweka nemitiwataxatianiki kiriyekutsixi yatini memikakiriyekutsixi, temaiwawemete yatini memikatemaiwawe. <sup>15</sup>'Ayumieme ne'yari yapiane nemixetaxatianiki niuki 'aixia manuyine xemeta Xuma xemitama.

<sup>16</sup>Nepika'itewiya niuki 'aixia manuyine, tirikariya kanihikitini Kakaiyari hetsia mieme, yunaiti yuri memite'erie memitawikweitsitarieniki kani'ayumiemetini, huriyutsixi meri, kiriyekutsixi meta. <sup>17</sup>Xika yuri ti'erieka, miki niukitsie kanimatsiikikamiki Kakaiyari heitserie kemitiyupitiwa, para yuri miti'eriekaki, kemire'uxa: «Kemi'ane heitseriemeki yamitikamie, miki kanayenierekamiki yuri miti'erieki».

### Teiteri wahetsie kemirahiiwa

<sup>18</sup>Matsi haxia kanimatsiikini, Kakaiyari taheima makawe kemitiheka naime teiteri kememiteyurie mekaheyexeyati heitseriemeki yamekatekahuti, miki memika'ihekiata tita yuri miraine heitseriemeki yamekatekahuti.

<sup>19</sup>Tita mitiyiwe mitimaika Kakaiyari hepaitsita, miki kanimatsiikini wahetsia, Kakaiyari yakatiniwaruxeyatsitiani. <sup>20</sup>Kwie munetiarietsie paiti hikike, tita mikatixeyariewe hepaitsitana, yuhayemeki kemiti'irikaiye kemitikakaiyari, miki katinihekiaka metimatiwaki tita mitiutiwewi hepaitsita. 'Ayumieme 'atsimepikateyiwawe yuhetsiemieme memitiniuniki.

<sup>21</sup>Kakaiyari mehetimaika, 'aixia mepika'utiyuanekai hepaitsitana Kakaiyari hepaitsita temutiyuane hepai. Pamipariyutsi mepika'ipitiakai, matsi yaki metekuxatati mekanakine mexi niuki mexiatiakai, wa'yari 'atsikatimaiwewaku, kaniukuyire wa'iyaritsie. <sup>22</sup>Temaiwawemete meyuxatati 'atsimekatemaiwaweti mekanakine. <sup>23</sup>Kakaiyari mikapiniwe witsimi'ane, mekanipata tewi mipiniwe hepai tiyuxexeyame memayexeyaniki pita, wikixi wahepai, yeutari wahepai meta kuterixi wahepai tiyuxexeyame.

<sup>24</sup>'Ayumieme Kakaiyari kaniwayetuani yu'iyaritsie mete'ukahiwe'eriekaku, para meka'itiyati memakineki, memitsewiximaniki yuwaiyari hipame wahamatia. <sup>25</sup>Kakaiyari yuri kemaine, miki mekanipata 'itarika memexeyaniki pita. Tita mitiwewiya mepayexeyakai, hetsiena mieme mepite'uximayataakai, mekaheyexeyati kemi'ane mitiwewi. 'Aixia yemeki ketikihiawariwani miki yuhayemeki, mipai xeikia kani'aneni.

<sup>26</sup>'Ayumieme Kakaiyari kaniwayetuani memihiwe'eriekaki tita mititewiyiki. 'Ukariri me'iku'eirieka tita 'ukari memiteyuruwa, 'uka hepai mekateyurieti mepaki. <sup>27</sup>'Ukitsi meta yaxekia me'iku'eirieka 'ukari memiwakumaiwaniki, mepiyutaiyakai meyuihwe'erieti, 'ukitsi 'ukitsi wahamatia yamepityuriekai kemiti'ewiyiki. Yuwaiyaritsie mieme mepite'akapitiarie kemireuyewekai miyamete'uyurieka.

<sup>28</sup>Mipai memikateku'eriwakaiki kename 'aixia 'ane Kakaiyari ma'eriwaniki, 'ayumieme Kakaiyari kaniwayetuani kemikatinake yamemiteku'eriwaniki, kemikatinake memiteyuriekaki. <sup>29</sup>Mekanaye'axiani kemikatiheitserie meyiati, mewakumaiwati kemi'ane mikayi'iya meta mikayikina, 'axametekuyuruwati, naime metehiwe'erieti, 'axamete'u'iyariti. Mekanhipinekaitini me'itetsati, meyukwiti, meha'ati, meteyu'iriyati, niuki peraxi memihikitikaiki. <sup>30</sup>'Awie niuki mekaniwewieka,

mekananiukixieka, Kakaiyari mekani'uxieka, mekatenitawe'erieka naime, mekananuyehaitiriweni, mekateniyukatawe'erieka, mekatenikuwautiweni 'axakemitiuyurieniki, yupaapama mepikawa'enie. <sup>31</sup> Yu'yari mepika'enie warutate'akaku, yamepikatekahu kememutiyuane, mepitsetse'i, mepikayunitiarinia, mepikateyukananimaya. <sup>32</sup> Miki metehetimaika tita Kakaiyari mitixata tiheitserietime, kename yunaiti miya memiteyurie wahetsie tinake memikwiniki 'utaiti, miki matsi miya mekateniyurieka, matsipaiti mekaninaki'aka hipati mipai meteyuriekaku.

### Kakaiyari heitseriemeki kemitiwaranutaxiriwa

**2** <sup>1</sup> Ayumieme, 'eki tsepa kepemipaiki peminiukixie, 'ahetsiemieme pepikataniuni. Xeime kepemitiniukima, mikiki pepi'aniukima, kariki yaxei kiata 'eki pekatiniyurieneni kepemitiniukixie heki. <sup>2</sup> Tame mipai tepitemate, Kakaiyari yuri haiti miwaranutaxiriwaki miki miya memiteyurie. <sup>3</sup> ¿Kamitsi 'eki pemiwaniukima miki miya memiteyurie, wahepai petiyurieneti keru petiku'eriwa 'eki pemitawikweniki kepauka Kakaiyari matsi'anutahianitsie? <sup>4</sup> ¿Kauka pe'ixani'erie kwini mieme 'aixia kemitiuka'yari, kemitita'ikwewa, kemikatiyumexiitia. Kauka 'atsipekatimate Kakaiyari 'aixia mitiuka'iyariki para pemitihayewaniki kepemitiyuriene? <sup>5</sup> 'Ekitsi 'a'yari mitse'iki pemika'awairiyaki pemitihayewaniki kepemitiyuriene, 'ahetsiemieme haxia pepu'utane, 'iya tukaritsieke kepauka pemiyehekarienitsie, kepauka matsiikiti mayani heitseriemeki kemitiwaranutaxiriwa Kakaiyari. <sup>6</sup> Kariki Kakaiyari «miki kememiteyurie katiniwarakapitiamiki yuxexuime». <sup>7</sup> Miki mete'uka'eniwati 'aixia meteyurieti memitekuwautiwe witsime'ananeti kememite'akineki, 'aixia memitexeyariekaki meta kememikatetipineki, miki kaniwapitiamiki yuheyemeki memayeneniereniki. <sup>8</sup> Mikitsi yuhetsiemieme xeikia memi'ayumiemete, yamemikatekahu tita yuri miraine hetsie, yamemitekahu tita mikatiheitserietsie pita, miki haxia kaniwapitiamiki wahekati. <sup>9</sup> Kaniwahiweritiamiki meta kaniwa'uximatiamiki yunaime teiteri yu'iyaritsie 'axamemiteyurie, huriyutsixi meri, kiriyekutsixi meta. <sup>10</sup> Kaniwapitiamiki witsime'ananeti memakineki, 'aixia memitexeyariekaki meta yu'iyaritsie memika'uximatiariekaki katiniwapitiamiki yunaime 'aixia memiteyurie, huriyutsixi meri, kiriyekutsixi meta. <sup>11</sup> Kakaiyari yiki pikatiwaxeyia teiteri. <sup>12</sup> Keyupaimetu 'iniari niukiyari mekahexeyati 'axamemite'uyuri, miki mepikwini 'iniari niukiyari mekahexeyati. Keyupaimetu 'iniari niukiyari mehaxeyati 'axamemiteyurie, miki 'iniari niukiyari manuyine hepai mepanutaxiriyani. <sup>13</sup> Miki memi'enie xeikia 'iniari niukiyari, miki heitserie mepikahexeyia Kakaiyari hixie. Miki yamemitekahu 'iniari niukiyari kemaine, miki pita heitserie mekanipitiariekuni. <sup>14</sup> Miki memikahuriyutsixi 'iniari niukiyari memikahexeyia, kepauka yikimana yamemiteyurie kemaine 'iniari niukiyari, tsepa 'iniari niukiyari memikahexeyia, 'iniari niukiyari mehaxeyati mepakine yikimana. <sup>15</sup> Mikiri mepiyuhekiata tita 'iniari niukiyariki yamitiyuriene metehaxeyati yu'iyaritsie miraye'uxa. Wa'yari kememiteyumate katinihekiatani wahepaitsita. Yukimana

yatiku'eriwati, yuhetsie katinahipani, yatini yuhetsie mitanuaniki. <sup>16</sup> Mipai katiniyimiki 'iya tukaritsie kepauka Kakaiyari miwata'iwawiyatsie teiteri tita memite'uti'awietaxi hepaitsita Kiritsitu Ketsutsi warahiawekaku, neniuki 'aixia manuyine kemaine.

### Huriyutsixi 'iniari niukiyari kememitehexeiya

<sup>17</sup> Merikite 'eki huriyu pemituuteriwarie, yuri pemitu'erie 'iniari niukiyaritsie, pemi'ata'ire Kakaiyari hetsie petiwiyati, <sup>18</sup> pemimate tita mitinake, pemitimaiwe tita 'aixia miti'ane pemituuta'ikitarieki 'iniari niukiyari hetsiemiemeki, <sup>19</sup> pewaranukuhapame memakikipe pemi'a'erie, hekiariwame pemi'a'erie, yiwipa memu'uwa wahetsiemieme, <sup>20</sup> ti'ikitame pemi'a'erie 'atsimemikatemate wahetsiemieme, tiiri tiwa'ikitiwame pemi'a'erie, 'iniari niukiyari pehexeiyati pemituyemate meta tita yuri miraine, <sup>21</sup> kamitsi 'eki xeime pemitu'ikitia, ¿pekati'a'ikitiata 'eki? 'Eki mipai pepitukuxata kename 'aixia ka'ane xika tinawayani, merikite ¿petinawaya 'eki? <sup>22</sup> 'Eki mipai pemitukuxata kename 'aixia ka'ane xeime 'iyaya mukumaiwaniki meta xeime kinaya, merikite, ¿petikumaiwa 'eki? 'Eki mipai pemaine kename pewaxani'erie tetexi kakaiyarixiyari, merikite, ¿watukiteta petiunawa? <sup>23</sup> 'Eki pemi'ata'ire 'iniari niukiyari pemexeyaki, merikite, ¿pe'ititsanati 'iniari niukiyari Kakaiyari mariweme pekarayeitia? <sup>24</sup> Kamitsi, kemire'uxa: «Kemi'ane Kakaiyari mihiki 'axakatinikuxaxatsiwani nuiwarite watsata xekimana».

<sup>25</sup> Xitekiya 'iniariyari kamaniparewieka xika 'iniari niukiyaritsie yapetikamieni, matsi xika 'iniari niukiyari petitsanati peyaneni, tsepa xitekiya 'iniariyari pemexeyia, peka'iniaritariiekame pepa'ayeitia. <sup>26</sup> Matsitsi xika kemi'ane 'iniari mikahexeyia yatikamieni kemitiheitserie 'iniari niukiyari kemainetsie, 'iniari tsepa mikahexeyia, ¿'iniaritariiekame kati'eriwani miki? <sup>27</sup> Kemi'ane yuwaiyaritsie xitekiyaki mika'iniatsie, peru meye'atiwa 'iniari niukiyari kemaine, miki 'ahetsie pirahipani 'iniari niukiyari pemititsanaki, tsepa 'utiarikayari pemexeyia yatini tsepa 'iniariyari pemexeyia.

<sup>28</sup> Kemi'ane herie xeikia huriyu tewiyari mihiki, miki huriyu pikahiki, kemi'ane herie xeikia yuwaiyaritsie mi'iniaritariarie xitekiyaki, miki pika'iniaritariarie. <sup>29</sup> Matsi kemi'ane yutaíta mihuriyu, miki pita huriyu kanihikitini, kemi'ane yu'iyaritsie mi'iniaritariarie, miki 'iyari maine hepai pita pi'iniaritariarie, tsepa mika'iniaritariarie 'utiarika miti'eniiriiki hepai. Kemi'ane mipai mi'ane, teiteri witsimepika'utiyuaneni hepaitsitana, Kakaiyari pita witsipaineni hepaitsitana.

### Tita rexeiya huriyu hipati memikaheixeyia

**3** <sup>1</sup> Merikite, ¿tita rexeiya huriyu hipati memikaheixeyia? ¿Ketiparewie xitekiya 'iniariyari? <sup>2</sup> Waikawameki piparewie, naimeki. Kamitsi meri, huriyutsixi niuki Kakaiyari hetsia mimieme hepaitsita mepuhiritiariarie.

<sup>3</sup> Kete'aneni xika hipati yamekatekahukaitini. ¿Kakaiyari yakatikamieti rayeitiarieni miki yamemikatekahukaiki? <sup>4</sup> Pikatixaitsieti. Matsi

Kakaiyari tita yuri mirainetsie yaketikamieni, tsepa yunaiti teiteri memite'itawa, kemire'uxa:

«Para 'aniukiki pemimatsiikiniki heitserie kepemirexeiya,  
para pemire'a'iwaki kepauka pemitaxanetsienitsie».

<sup>5</sup> Merikitsi tame heitseriemeki yatekatekahukaku xika matsiikiti 'ayani Kakaiyari heitseriemeki kemitikamie, ¿kete'utiyanenitsiari tame? ¿Kakaiyari kemikatiheitserie tiyiane haxiaki tarapinirienike? (Tewi hepai nepitikuxata). <sup>6</sup> Pikatixaitsieti. Xika mipai 'anenike, ¿Kakaiyari kehepai tiwata'iwawiyakeyu kwiepa memitama 'itsikame hepai? <sup>7</sup> Perutsi neti'itawakaku xika matsiikini Kakaiyari kemitikamie tita yuri mirainetsie, matsi yeme witsi'aneti mayaniki Kakaiyari, ¿titayari neranutahiiyani ne 'axatiyuruwame hepai? <sup>8</sup> Mipai kati'anenikeyu matsi: 'axatemitekihiawariwa hepai, hipati memutiyanne hepai kename mipai tehaitika tame: «Kimi 'axatepityurieni 'aixia 'aneti mayaniki te'utiyaati waniu». Heitseriemeki mekanixani'eriwani miki mipai memutiyanne.

### Pumawe kemi'ane heitseriemeki yamitikamie

<sup>9</sup> ¿Merikite keti'ane? ¿Tame matsi 'aixia tete'anene? Tixai yemeki. Tekateniutahekiata huriyutsixi kiriyekutsixi meta yunaiti tita 'axamiti'anetsie kememitewiya, <sup>10</sup> kemire'uxa:

«Kemi'ane heitseriemeki yamitikamie 'apika'uyeika, nixewiti tima,  
<sup>11</sup> kemi'ane mitimaiwe 'apika'uyeika,  
kemi'ane Kakaiyari mikuwaune 'apika'uyeika.

<sup>12</sup> Yunaiti mepeuyexiri,  
'axameteyurieti mepaki.

Kemi'ane 'aixia ti'aneme mitiyuriene 'apika'uyeika,  
xewiti tima pumawe».

<sup>13</sup> «Waxiriwame miki teriya kanihikitini reuteniti,  
mepite'irima yuneniki».

«Xaye 'uayeya wateta payeka».

<sup>14</sup> «Wateta pihine 'axa'anuyiti hatsiwiti».

<sup>15</sup> «Yi'ikateki mepiyumexiitia xuriya memitayeurieniki,

<sup>16</sup> yuhuyeta mepite'uka'una mepiteyuiheritia,

<sup>17</sup> huye hakewa mikatiyu'uximatia mepikahemariie».

<sup>18</sup> «Kakaiyari mepikahayemakaxe yuhetsia».

<sup>19</sup> Hiki tame mipai tepitemate, naime 'iniari niukiyari kemaine, pitiharutaxatia miki 'iniari niukiyaritsie memitewiya, yunaime wateni muwaranunamirieniki, Kakaiyari miwataxanetaki yunaime kwiepa memitama. <sup>20</sup> Kakaiyari hixie 'iniari niukiyari kemaine yamitiuyuriki, mikiki nixewiti tewi heitserie pikapitarieni. Matsi 'iniari niukiyariki tita 'axamiti'ane temitehetimaniki pi'ayumieme.

### Heitserie kemitipitariwa yuri miti'erieki

<sup>21</sup> Hikiri matsi, matsiikiti kanayani Kakaiyari heitserie kemitiyupitiwa, tsepa 'iniari niukiyari mumawenike. 'Iniari niukiyari, Kakaiyari

niukametemama waxapayari meta yakatinihekiatani. <sup>22</sup> Kakaiyari heitserie kemitiyupitiwa yuri ti'eriekaku Ketsutsi Kiritsitu hetsie, miki kanimatsiikini, heitserie kemitiwapitia yunaime yuri memite'erie, yiki pikatiwaxeiya.

<sup>23</sup> Axamepite'uyuri yunaiti, yunaiti mepika'aye'axiawawe Kakaiyari witsimitiwaxeiyaki, <sup>24</sup> heitserie mepupitiarie mekate'utawawiyarieka 'aixia mitiuka'iyariki miki, Kiritsitu Ketsutsi miwatixinaki. <sup>25</sup> Kakaiyari kanikayeni 'itiya mawariyari mayaniki xuriyayaki temiteheuyehiwyarieniki xika yuri tete'erieka. Mipai tiyurieka matsiikime kanayeitiani heitserie kemirexeiya, wahetsie pikatihia tita meripaiti 'axamemite'uyuri hepaitisa, Kakaiyari mitinewiekaiki. <sup>26</sup> Kanikayeni matsiikime mayeitianiki hiki, heitserie kemirexeiya. 'Ayumieme miki heitserie kanexeyani, heitserie kanipitianita kemi'ane 'amuyeika yuri ti'erieti Ketsutsi hetsie.

<sup>27</sup> ¿Hikiri kehepai tiyuta'ireni yuhepaitsita? Hawaiki pikayiwe. ¿Merikite ke'aneme 'iniariyariki piyiwe xeikia? ¿Kemitiyurieneki, miki ti'iniariyari? Pikatixaitsieti. Yuri kemiti'erie, miki kani'iniariyaritini pita. <sup>28</sup> Tame 'ipai tekatenitamaika, teiteri heitserie mekaniupitiarieni yuri memite'erieki, tsepa yamemikate'uyurienike 'iniari niukiyari kemaine. <sup>29</sup> ¿Kamitsi Kakaiyari huriyutsixi xeikia tiwakakaiyari? ¿Memikahuriyutsixita katiwakakaiyari? Huu, memikahuriyutsixita kaniwakakaiyaritini. <sup>30</sup> Merikite, Kakaiyari kaniyuxewini. Heitserie kaniwapitiamiki miki xitekiya 'iniariyari memexeiya, miki yuri memite'erieki. Heitserie kaniwapitiamikita miki xitekiyaki memika'iniaritariarie, miki yuri memite'erieki. <sup>31</sup> Ayumieme nepaine, ¿Tixaiti katihikitime tetehayeitia 'iniari niukiyari xika yuri tete'erieka? Pikatixaitsieti. Tepitseiriya pita 'iniari niukiyari.

### 'Apirahami kemitiuyuri

**4** <sup>1</sup> Merikite, ¿kete'utiyaneniri tita 'Apirahami mitiukaxei hepaitisa? Miki yateewa kanitapaapatini hetsiena temiyeki. <sup>2</sup> 'Ipaí teputiyuane, xika 'Apirahami heitserie 'upitiarienike tixaiti mitiuyuriki, kaniyiwenikeyu muyuta'ireniki yuhepaitsita. Matsi Kakaiyari hixie pikayiwe. <sup>3</sup> ¿Kehaine 'utiarika xapayari? «'Apirahami Kakaiyari yuri katiniuta'eririeni, 'ayumieme Kakaiyari heitserie hexeyakame kanayeitiani» paine.

<sup>4</sup> Kemi'ane mitiuta'uximayataxi, tita miti'iwa 'imikieri pika'eriwa, peuyewetse matsi mitipitiarieniki. <sup>5</sup> Kemi'ane pita 'atsikatiyurieneti yuri miti'erie 'iyatsie, heitserie muwapitiatsie kemi'ane Kakaiyari memikahayexeiya, miki heitserie hexeyati kanimariwani yuri miti'erieki.

<sup>6</sup> Rawirita mipai kanaineni tewi kemitiyutemawie hepaitisa, kepauka Kakaiyari heitserie hexeyame mayeitia, tsepa tixaiti mikatiuyurienike:

<sup>7</sup> «Mekaniyutemamawieka kemi'ane  
memiteheuyehiwyarieni 'iniari kememite'utitsanaxiki,  
meta kepauka tita 'axamemite'uyuri miranukanamieni.

<sup>8</sup> Kaniyutemawieka miki tewi,  
Ti'aitame xika 'axatiyurieneme ka'erieka».

<sup>9</sup> Merikite, ¿'ipai meteyutemamawie miki xitekiya 'iniariyari memexeiya xeikia? ¿Miki memika'iniaritarieta, mipai mekateyutemamawie?



Mipai teputiyuane, 'Apirahami yuri miti'eriekaiki, 'ayumieme heitserie hexeyiati kanimariwakaitini. <sup>10</sup> ¿Ketiurieneti mipai pitimatiwakai? ¿Xitekiya 'iniariyari rexeiyakai 'ana, pikaheixeyiakai nutsu? Xitekiya 'iniariyari pikahexeyiakai, matsi pika'iniaritariewekai 'akuxi. <sup>11</sup> Xitekiya kaniutanaki'erieni 'iniari mihikitiniki. Kaniutseyumarieni heitserie mupitiarieki yuri tiuta'erieka mexi xitekiya 'iniariyari kahexeyiakai. 'Ayumieme yunaiti yuri memite'erie xitekiya 'iniariyari mekahexeyiati, miki wapaapa kanayani, miki heitserie mehexeyiati memimariwaniki. <sup>12</sup> Mikita xitekiya 'iniariyari memexeyia wapaapa kanayani, miki xitekiya 'iniariyari memexeyia xekia pikatixai, matsi miki yamemitekahuta tapaapa 'Apirahami huyetana yuri kemiti'eriekai xitekiya 'iniariyari kahexeyiati.

<sup>13</sup> Kepauka 'Apirahami mipai mitiutahiawarie, niwemamata, kename wahetsie tinakekekai naiti kwie, 'iniari niukiyari hexeyiati mipai pikatiutahiawarie. Heitserie 'upitiarieka pita yuri mitiuta'eriki, mipai pitiutahiawarie. <sup>14</sup> Xikari miki 'iniari niukiyaritsie memitewiya wahetsie tinakenike, xianaki xekia yuri tepite'eriekakeyu, yaki xekia mipai pitiutahiawarienikeyu miki. <sup>15</sup> 'Iniari niukiyari haxia pitiyupitiwa. 'Iniari niukiyari kaxuawekaku, pikatitsanariwa.

<sup>16</sup> 'Ayumieme yuri ti'eriekaku mipai kani'aneni, para mipai mitiyiniki miki 'aixia tiuka'iyarikaku, tita mititaxatia mitseiriyarieniki yunaima niwemama wahetsiememe, miki 'iniari niukiyaritsie memitewiya wahetsiememe xekia pikatixai, matsita miki 'Apirahami hepai yuri memite'erie wahetsiememe, miki tanaima kanitapaapatini, <sup>17</sup> kemire'uxa: «Ne yumiireme nuiwarite wapaapa nepimatsi'ayeitia». Kakaiyari hixie yuri pemitiuta'eriki, kemi'ane mikite miwaranutanieritiwa, meta kemi'ane mitititeriwa tita 'emikatiuwe mitineniki, miki hetsie.

<sup>18</sup> Miki kemikatiyiwekai yuri miti'eriekaki ta'ikwewati, ta'ikwewati yuri katini'eriekaitini. 'Ayumieme yumiireme nuiwarite wapaapa kanayani, mipai kemitiutahiawariekai: «Mipai meyupaimeti mekanakinikuni 'aniwema». <sup>19</sup> Pika'utaweranaxia yuri ti'erieti, tsepa me'eriwakai yuwaiyari kemitimiximekai 'etsiwatikaku xeitsienituyari wiyari mexeyakaiki, yatini tsepa me'eriwakai Tsara mikayiwekai mitiniweniki. <sup>20</sup> Pika'u'iyiri yiki tiku'eriwati tita Kakaiyari mititaxatia hetsiena mitinakekekaiki, miki hepaitisita, yuri kati'erieti pikahatia. Matsi yuri kemiti'eriekai pitirikariyariekai, Kakaiyari mariweme 'ayeitiati. <sup>21</sup> Mipai pitiyumaikai, Kakaiyari miyiwekaiki kemitiutahiawixi yamitiyurienikekaiki. <sup>22</sup> 'Ayumieme heitserie pitiariekame kani'eriwakaitini, yuri miti'eriekaiki. <sup>23</sup> Kemiti'eriwakaiki 'Apirahami, hetsiena mieme xekia pikaraka'utiarie, <sup>24</sup> matsi tahetsiememeta mipai pitiu'utiarie. Mipaita tame tepitematiwa yuri temite'erie kemi'ane mikite watsata menukuketia Tati'aitiwame Ketsutsi, miki hetsie. <sup>25</sup> Miki piyetuyiwa mumierieniki tita 'axatemite'uyuriki meta panukuketiarie heitserie temipitiarieniki.

#### Tita temitehexeyia heitserie temupitiarieki

**5** <sup>1</sup> Merikite heitserie temupitiarieki yuri tete'erieti, 'ayumieme 'aixia tekatenitaxeyani Kakaiyari hamatia, Tati'aitiwame Ketsutsi Kiritsitu

yatatipitiakaku. <sup>2</sup>Miki yatatipitiakakuta, yuri tete'erietī mipai tekani'itīarieka, Kakaiyari 'aixia katiniuka'yarini tahetsiemieme. 'Atepitī'u 'iya 'aixia tiuka'yarikaku. 'Aixia tepitetakīhiawe yuri temite'erieki teta'ikwewati Kakaiyari witsimitatixeyaniki. <sup>3</sup>Miki meta, 'aixia tepitetakīhiawe temi'uximatiarieki mipai tetemaiti, xika te'uximatiarieka, tete'uka'eniwati tepitseiiriarieka.

<sup>4</sup>Xika tete'uka'eniwati tetseiiriarieka, te'iniatsieti tepakine. Xika te'iniatsieka, teyiwweweti tepakine yuri temite'eriekaki teta'ikwewati. <sup>5</sup>Mipai teteta'ikwewati xika yuri tete'erieka, tepikatewiyatsitarieni, Kakaiyari ta'iyaritsie mitihiniyaki tatsinaki'erietī, 'Yari Mitiyupata temupitīarie yatiyurienekaku.

<sup>6</sup>Kiritsitu, kepauka tame temuweraranikai 'akuxi, kaniumini tame Kakaiyari temika'ayexeiya tahetsiemieme, tukari 'aixia mi'ane 'anuyeyaku.

<sup>7</sup>Kanikwaniweni haweri mieme xeikia xewiti miminiki tewi heitseriemeki yamitikamie hetsiemieme. Pīkari yuwairiyanikeyu 'atsita muminiki tewi 'aixia mitiuka'yari hetsiemieme. <sup>8</sup>Matsi Kakaiyari 'ipai tiuyurieka matsiikime kanayeitiani kemitatīnaki'erie, Kiritsitu tahetsiemieme mumiki tame 'axateteyuriekaku 'akuxi.

<sup>9</sup>Xuriyayaki heitserie temupitīarieki hiki, matsi waikawa miki pitatsitawikweitsitiani temikahekariekaki. <sup>10</sup>Te'eye'uniekaku Kakaiyari nu'aya mumiki, tepupatsie 'aixia temitetaxeyaniki Kakaiyari hamatia. 'Ayumieme 'aixia tetetaxeyati, matsi waikawa tepitawikweitsitarieni miki mayeniereki. <sup>11</sup>Miki meta, 'aixia tepitetakīhiawe Kakaiyari teha'eriwati Tati'aitiwame Ketsutsi Kiritsitu yamitiuyuriki. Miki kanihikitini kemi'ane mitatsi'upataxi 'aixia temitetaxeyaniki.

### 'Arani Kiritsitu hepai kemi'ane

<sup>12</sup>Merikitsi tita 'axamiti'ane katiniuneni kwiepa tewi miyuxewikai 'axamitiuyuriki, 'axamitiuyuriki kaniumini, mipairita 'ayumieme yunaiti te'iteri mekwī'iti mekanakine, yunaiti 'axamemite'uyuriki. <sup>13</sup>'Iniari niukiyari kaxuawekaku 'akuxi, kwiepa memitama 'axamepitēyuriekai. Peru 'iniari niukiyari kaxuawekaku, tewitsie pikarahiwa 'axaxikatiuyurieni. <sup>14</sup>Matsi 'Arani 'amuyeikakaitisie paiti meta Muiťsexi, yunaiti yamete'upitīarieka mepukwi, tsepa hepaina 'aitsika memika'utitsanaxiakai 'Arani hepai. Miki 'Arani kemi'ane 'umamienikekai kani'iniariyatīkaitini.

<sup>15</sup>Peru 'axamitiuyuriki, mipaita yaxeikia tepikate'umikie. Miki miyuxewikai 'axamitiuyuriki, hipati mepukwi, peru matsi waikawa 'aixia pitiuka'yari Kakaiyari, matsi waikawa mepite'umikie, xewiti tewi Ketsutsi Kiritsitititi 'aixia tiuka'yariti kemitiimiiriyaxi 'imikieri hipame wahetsiemieme. <sup>16</sup>Tita mitiwarumi, miki mipai pika'ane kemitiuyi kepauka miki miyuxewikai 'axamitiuyuri. Yuxewiti 'axamitiuyuriki, kanaanutahiiani hetsiena rahiiyaku. Matsi kemitiwarumi miixa 'axamete'uyurieu, heitserie mekanupitīarieni pita. <sup>17</sup>Yuxewiti 'axamitiuyuriki, yunaiti mepuyuitīarie memikwi'iniki xeimeki. Matsi waikawa miki memiyuwairiya memitanaki'erieniki kwinimieme 'aixia kemitiuka'yari 'iya, kemitiimiiriyaxi yu'imikieri heitserie wapitiatī, miki me'ayeneniereti mepite'aitani tewi miyuxewi Ketsutsi Kiritsitititi mipai mitiuyuriki.

<sup>18</sup>'Ayumieme, xewiti 'axamitiuyuriki kememite'anutaxiriya yunaiti teiteri, mipairita yaxeikia yunaiti teiteri heitserie mekaniupitarieni memayeneniereniki, xewiti heitseriemeki yamitiuyuriki. <sup>19</sup>Xewiti tewi yakatikamieti, hipame 'axateyuruwamete kemitiwarayeitia, mipairita yaxeikia xewiti yamitikatiaki hipame heitserie mehexeyame kaniwarayeitiamiki.

<sup>20</sup>'Iniari niukiyariri punua matsi yemeki mitamiireki tita 'axamiti'ane. Peru matsi yemeki tiutamiriayaku tita 'axamiti'ane, 'anata Kakaiyari matsi kwinimieme 'akuxi 'aixia pitiuka'iyarikai, <sup>21</sup>tita 'axamiti'ane kemitiwakuyuitiwakai wakwiti, mipairita yaxeikia Kakaiyari 'aixia tiuka'iyariti kaniwayuitiamiki heitserie wapitiati, tukari mikaxiwe wapitiati, Tati'aitiwame Ketsutsi Kiritsitu yatiwapitiakaku.

**Ketemite'ukwi 'axatemikateyuriekaki,  
ketemite'ayeneniere Kiritsitutsie tetewiyati**

**6** <sup>1</sup>¿Merikite kete'utiyuaneniri? ¿Mipai 'axateteyurieti tetetahayewani, 'iya matsi kwinimieme 'aixia mitiuka'iyariniki? <sup>2</sup>Pikatixaitseti. Tameri temukwi para 'axatemikateyuriekaki, ¿keri tete'ayeneniereni mipai teteyurieti? <sup>3</sup>¿Kari 'atsixepikatemate, tame ketapaimeti temuka'iyarie Kiritsitu Ketsutsi hetsie temitewiyani, tame tekate'uka'iyarie hepaina temikwiniki? <sup>4</sup>'Ayumieme hamatiana tepukateukiexia mipai tete'uka'iyarieka temikwiniki, para yaxeikia hepaina temu'uwaniki te'utihekwariyarieme ketemiteyurie te'ayeneniereti tameta, mipaita Kiritsitu manukuke hepai mikite watsata ta'ukiari witsimi'ane 'enukuketiaka.

<sup>5</sup>Kepauka hepaina temukwi hamatianata tekaniyutaxewire. 'Ayumieme matsita hepaina tekananuku'uikuni. <sup>6</sup>'Ipai tepitemate, ketemi'anenekai matiari paiti, tekaniukwi'iwa hamatiana kuruxitsie, mika'unarieniki tita 'axatemite'uyuri tawaiyaritsie, tawari waiyarika temikate'uximayakaki tita 'axamiti'anetsie mieme. <sup>7</sup>Kemi'ane mimiki, miki heitserie pexeyia 'axamikatiyurieneniki.

<sup>8</sup>Tame Kiritsitu hamatia temukwiki, 'ayumieme yuri tekateni'erieka hamatiana temayeneniereniki. <sup>9</sup>Mipai tepitemate, Kiritsitu mikite watsata 'anukukeka hutarieka pikamini. Pikayiwe mikuyuitarieniki mumini. <sup>10</sup>Kemitiumi, tita naime 'axamiti'ane hepaitsita kaniumini xeimieme. Kemirayenieme, Kakaiyari hetsiememe kanayenenieni.

<sup>11</sup>Xemeta yaxeikia mikite xekeneyu'erieka 'axaxemikateyuriekaki, xe'ayeneniereti pita xekeneyu'erieka Kakaiyari hetsiememe, Tati'aitiwame Kiritsitu Ketsutsie xetewiyati. <sup>12</sup>'Ayumieme xewaiyari mumiximetsie xe'u'uwati, xepikakuyuitarieni 'axaxemiteyuriekaki yaxemitekahuniki kemitiukahiwe'erie xewaiyari. <sup>13</sup>Xepika'iyetuaniri yuwaiyari para kimana 'axaxemiteyuriekaki heitseriemeki yaxekatekahuti. Matsitsi miki memanutanenierixi mikite watsata wahapai xeyiati, xekeneyuyetuaka Kakaiyari mixekuyuitarieniki xewaiyari, heitseriemeki yatiyurieneti. <sup>14</sup>Xepikayiwaweni xemikuyuitarieniki 'axaxemiteyuriekaki, 'iniari niukiyari mitixe'aitiaki xepikayia. Kemi'ane 'aixia mitiuka'iyari mitixe'aitiaki pita xekaniyiaka.

### Ketemite'uximaya tita mitiheitserietsie mieme

<sup>15</sup> ¿Kamitsi ke'aneni? ¿'Iniari niukiyari mikatati'aitiaki, kemi'ane 'aixia mitiuka'yari pita mitati'aitiaki, 'ayumieme 'axateteyurieka? Pikatixaitsieti. <sup>16</sup> ¿Kari 'atsixepikatemate, kemi'ane hetsia xemiyuyetua xemite'uximayakaki 'iyatsie mieme yaxemitekahuniki kemaine, waiyiarika te'uximayatamete xepihiki kemi'anetsie mieme yaxemitekahu kemaine? Xika tita 'axamiti'anetsie mieme xete'uximayaka, xekanikwikuni, mexika xete'uximayaka yaxetekahuti Kakaiyari kemaine, heitserie xehexeyati xekanakinikuni. <sup>17</sup>Pamipariyutsi nepipitia Kakaiyari, tsepa tita 'axamiti'anetsie mieme xemite'uximayakai, yu'yariki yaxetekahuti xekanakine kexemiteyutiriarie yaxete'ikitiarieti. <sup>18</sup>Xe'utixinarieka 'axaxemikateyuriekaki, tita mitiheitserie hetsiemieme xete'uximayati xekanakine.

<sup>19</sup>Tewi hepai nepitixuxata xemiweraraniki teiteri wahepai xete'u'iyariti. Xepiyuyetukai xewaiyari miti'uximayakaki tita mikati'tiyatsie mieme tita 'iniari mitititsanatsie mieme, 'iniari xemititsananiki. Hikirita yaxeikia xekeneyuyetua xewaiyari miti'uximayakaki tita mitiheitserietsie mieme, Kakaiyari hetsiemieme xemipatsieniki. <sup>20</sup>Kepauka tita 'axamiti'anetsie mieme xemite'uximayakai, xepuxixinikai tita mitiheitserie hepaitisita. <sup>21</sup>¿Kexete'utixuxuawerekai 'ana? Hiki xepiyutetewiya miki hepaitisita, kemi'ane mipai mitiyuriene, miki mikiti kanayeimiki. <sup>22</sup>Hiki pita xe'utixinarieka 'axaxemikateyuriekaki, Kakaiyaritsie mieme xete'uximayati, 'ayumieme xeputixuxuawere xemipatsieniki 'iyatsie mieme. Kemi'ane mipai mitiyuriene, miki tukari mikaxiwe hexeyati kanayeimiki. <sup>23</sup>Kamitsi, kemi'ane 'axamitiuyuri, miki miyaki 'apirapiniyarieni, peru 'imikieri Kakaiyari mitatsiyetuirie, tukari mikaxiwe kanihikitini Tati'aitiwame Kiritsitu Ketsutsi hetsie tetewiyakaku.

### Memineike wahetsie kemitimatsiiki 'ikitsika

**7** <sup>1</sup>Ne'iwamarixi, xeme xemitemate kemititita 'iniari niukiyari, nepitixetaxatianikeyu. ¿Kari 'atsixepikatemate, 'iniari niukiyari piti'aitia tewi mexi 'ayeniere xeikia? <sup>2</sup>'Iniari niukiyari kemaine, peuyewetse 'uka mirekakina yikinatsie mitiwiyaniki mexi 'ayeniere kinaya, peru xika kinaya 'umini, pixine, 'iniari niukiyari rakina mixata 'atsipikahaine hepaitisana. <sup>3</sup>Merikite, xika xeime 'uki hetsie tiwiyani mexi kinaya 'ayeniere, “uka mikumaiwa kemi'ane mikayikina” katinitateriwariemiki. Peru xika 'umini kinaya, puxinarie, 'iniari niukiyari 'atsipikahaineri hepaitisana, 'ana xika xeime 'uki 'utiwitini, 'uka mikumaiwa kemi'ane mikayikina pikahikitiniri.

<sup>4</sup>Mipaita yaxeikia, xeme ne'iwama, Kiritsitu yuwayaritsie mumierieki, xemeta xekaniukwi'iwa 'iniari niukiyari 'atsimikahaineniki xehepaitisita. 'Ayumieme xeimetsie xepitewiya, kemi'ane mikite watsata manukuketsie, Kakaiyari hetsiemieme temutixuxuawereniki. <sup>5</sup>Kepauka teiteri wahepai temite'u'iyarikai, 'axaketemiteyuriekai tetetakahiw'erieteti, tawaiyari kaniukuyuitiariwakaitini, 'iniari niukiyari yatatikuyuitiwakaku, mipai

teyurieti temikwiniki tekateniyuriekaitini. <sup>6</sup>Hikiri tekanixixini, 'iniari niukiyari 'atsipikahaine tahepaitsita temukwiki tita mitatiwiyakai mikatatsiwiyakiri. 'Ayumieme hekwameki 'Iyari kemaine tekateni'uximayaka, 'utiarika ye'imeki kemiti'eniiriiki pita tepikate'uximaya.

### Tita 'axamiti'ane nehetsie kemitiyeka

<sup>7</sup>¿Kamitsi keru te'utiyaneni? ¿'Iniari niukiyari 'axamiti'ane tihiki? Pikatixaitsieti. Matsi xika 'iniari niukiyari kaxuawenike, ne nepikaretimanikeyu 'axakenemitiyuriene. Hiwe'erika nepikahetimanikeyu xika 'iniari niukiyari mipai ka'anuyinenike: «Pepikati'akahiwe'erieka».

<sup>8</sup>'Aitsikayari muxuawekaiki, tita 'axanemitiuyuri kanitsutiani netsikuyuitiwati para naimeki nemitinekahiwe'eriekaki. Xika 'iniari niukiyari 'umawenike, tita 'axamiti'ane pimikinikeyu. <sup>9</sup>Netsi heiwa 'iniari niukiyari nekahexeyati 'anepuyeikakai. Kepauka 'aitsika minetsi'uaxixi, tita 'axanemitiyurienekai kananutanierere. Neri nekaniumini.

<sup>10</sup>Miki 'aitsika minetsi'anutanieritanikekai, kenemititaxei, miki kaneniumieni pita. <sup>11</sup>Peru 'aitsika muxuawekaiki, tita 'axanemitiuyuri kanitsutiani neti'iriyati, miki 'aitsikaki kaneniumieni.

<sup>12</sup>'Ayumieme 'iniari niukiyari Kakaiyari hetsia kanimiemetini, 'aitsikata hetsiana pimieme, piheitserie, 'aixia pi'ane. <sup>13</sup>Kamitsi, ¿miki tita 'aixia miti'ane nehetsiememe nemiminiki 'ayumiemyari ratia? Pikatixaitsieti. Matsi, para mimatsiikiniki 'axakemiti'ane, tita 'axanemitiuyuri kaneniumieni, 'ikuyuitiwati tita 'aixia miti'ane. 'Ayumieme 'aitsika muxuawekaiki, kwinimieme 'axa'aneti kanayani tita 'axanemitiuyuri.

<sup>14</sup>Tame tepitemate, 'iniari niukiyari 'iyaritsie pimieme. Ne pita teiteri wahepai nepitiuka'iyari xeikia. Tita 'axamiti'ane pinetsi'unanai. <sup>15</sup>Nepika'imate tita nemitiyuriene. Tita minetinake yanepikatiyuriene, matsi tita pita nemiti'uxie yanepitiyuriene. <sup>16</sup>Hiki meriki, xika tita mikanetinake yanetiurieneni, 'ayumieme 'aixia nepitixeyi 'iniari niukiyari, kename 'aixia'ane ne'utaiti. <sup>17</sup>Hiki neri nepikahiki kemi'ane mipai mitiyuriene, matsi tita 'axamiti'ane nehetsie mitiyeka, miki yapitiyuriene.

<sup>18</sup>Ne nepitimate, nehetsie tita 'aixia miti'ane mikatiyeka, teiteri wahepai kenemitiuka'iyari. 'Aixia nepitiyurienenikeyu peru nepinetexie 'aixia kenemitiyurienenikeyu. <sup>19</sup>'Aixia kenemitiyurienenikeyu, mipai nepikatiyuriene. Matsi 'axakenemikatiyurienenikeyu, mipai pita nepitiyuriene. <sup>20</sup>Merikite xika yanetiurieneni kemikanetinake, neri mipai nepikatiyuriene, tita 'axamiti'ane nehetsie mitiyeka pita yapitiyuriene.

<sup>21</sup>'Ipa nepiretima 'iniari hepaitsita: kepauka neminewairiya 'aixia nemitiyurieniki, tita 'axamiti'ane nehetsie 'apuwe. <sup>22</sup>Kenemitinemate ne'iyaritsie, nepinetemawie Kakaiyari 'iniari niukiyarieya hepaitsita, <sup>23</sup>peru 'iniari yiki 'aneme nepixeyi newaiyaritsie tiwiyame. Miki 'iniari, kenemitinemate 'iniariyari hamatia mepuyukwitawe. Miki 'iniari 'axami'ane newaiyaritsie mitiwiya pinetsi'uwi. <sup>24</sup>Ne xia'ui nepi'uximatiarie. ¿Kemi'ane pinetsitawikweitsitiani 'iki kaxari kemitiumi? <sup>25</sup>Pamipariyutsi nepipitia Kakaiyari, Ketsutsi Kiritsitu mitati'aitiwame netsiparewiekaku.

'Ayumiemeri, kenemiti nemate, nepiti'uximaya Kakaiyari 'iniarieyatsie miemeki, teiteri wahepai kenemitiuka'iyari pita, nepiti'uximaya 'iniari 'axami'anetsie mieme.

### Ketemite'ayeneniere 'Iyaritsie tetewiyati

8<sup>1</sup> 'Ayumieme hikirixia miki Kiritsitu Ketsutsi hetsie memitewiya mepika'anutaxiriyani, miki 'amemika'u'ua teiteri wahepai mete'u'iyariti, 'Yari pita kemaine 'amemu'uwa. <sup>2</sup> Miki 'iniari kimana 'Yari tukari mipitia kemi'ane Kiritsitu Ketsutsi hetsie mitiwiya, miki pinetsi'uxinaxi, mikanetsikuyuitiwaniki miki 'iniari kimana 'axanemitiyurienekai, kimana nemumi. <sup>3</sup> 'Iniari niukiyari kemikatiyiwekai, kemitiweranikai temiteiteriki, Kakaiyari pita kanenutahiani tita 'axamiti'ane kememiteyurie teiteri wahepai mete'u'iyariti. Kanenutahiani yuniwe heyeni'aka teiteri 'axamemiteyuruwa wahepai 'aneme, heiyeni'aka tita 'axamiti'ane hepaitisa. <sup>4</sup> Mipai katiniuyurieni, tita mitiheitserie 'iniari niukiyari kemaine maye'atiarieniki tahetsie, tame 'atemika'u'ua teiteri wahepai tete'u'iyariti, 'Yari pita kemaine 'atemu'uwa tahetsie.

<sup>5</sup> Miki teiteri wahepai mete'u'iyariti 'amemu'uwa, miki teiteri wahepai mepiteyumate. Miki 'Yari pita kemaine 'amemu'uwa, miki 'Yari hepai mepiteyumate. <sup>6</sup> Xika teiteri wahepai tiyumaika, kanimimiki. Xika 'Yari hepai tiyumaika, kanayenierekamiki, yu'iyaritsie pika'uximatiarieka. <sup>7</sup> Kemi'ane teiteri wahepai mitiyumate, miki Kakaiyari kani'uxieka. Yapikatikamie Kakaiyari 'iniarieyatsie, meta mipai pikayiwe. <sup>8</sup> Miki teiteri wahepai memite'u'iyari, miki Kakaiyari meminaki'atsitianiki mepikayiwawe.

<sup>9</sup> Xemeri teiteri wahepai xepikate'u'iyari. 'Iyaritsie pita xepitewiya, xikate Kakaiyari 'Iyarieya xehetsie yekani. Xika xewiti Kiritsitu 'Iyarieya kahexeiyani, miki Kiritsitu hetsia pikamieme. <sup>10</sup> Xika Kiritsitu xehetsie tiwiyani, xewaiyari kanimikini 'axaxemite'uyuriki, xe'iyari matsi kanayeniereni heitserie xemupitiarieki. <sup>11</sup> Kemi'ane menukuketia Ketsutsi mikite watsata, miki 'Iyarieya xika xehetsie yekani, kemi'ane menukuketia Kiritsitu Ketsutsi mikite watsata, mikititi kanenutanieritiamiki xewaiyari kwikwi'ime, 'Iyarieya xehetsie miyeka yatiyurienekaku.

<sup>12</sup> 'Ayumieme ne'iwama, tixaiti pireuyewetse yatemiteyuriekaki. Peru pikaheuyewetse teiteri wahepai temi'yakaki kememite'u'iyari, 'ate'u'uwati teiteri kememite'u'iyari. <sup>13</sup> Xika 'axe'u'uwani teiteri kememite'u'iyari, xepikwini. 'Yari xeparewiekaku xika xe'imieni tita yuwaiyaritsie mitiyuriene tewi, xekanayenienierekakuni. <sup>14</sup> Keyupaimeme Kakaiyari 'Iyarieya miwarawitiki, miki Kakaiyari niwemama mekanihikitini. <sup>15</sup> Xeme 'iyari xepika'utanaki'eri wairiyarika xemite'uximayakaki hetsiena mieme, tawari xemimamakaki. Xekanitanaki'erieni 'Yari Kakaiyari niwemama mixe'ayeitia pita. Mikitsie tetewiyati mipai tepite'uhiwa: «Nepaapa». <sup>16</sup> Miki 'Yari ta'iyari hamatia 'axeikia mepitehekiata kename Kakaiyari tiiriyamama tehiki. <sup>17</sup> Xika teniwemamatini, tixaiti tahetsie pitinakeni. Tita Kakaiyari mitatimini tahetsie pitinakeni, Kiritsitutsie kemitinakenita, xikate hamatiana tete'ukwine, hamatianatari witsite'ananeti temayeitiarieniki.

### Witsimiti'ane 'uxa'atini timieme

<sup>18</sup> 'Ipa'i nepitiku'eriwa, ketemitekwine hiki, miki tixaiti katihikitime tepi'erieka kepauka temixeitsitarieni witsimiti'ane 'uxa'atini timieme. <sup>19</sup> Naiti mitiunetiarie pita'ikwewa Kakaiyari niwemama mematsiikiti memakineki, kwiwaxeyamiti. <sup>20</sup> Tita mitiunetiarie witsikemi'ane kai kaneuyehiani, miki mipai mitiyuwairiyakaiki mipai pikatiuyi. Kemi'ane mipai 'aneme meyeitia yamitiuyuriki pita putiuyi. Ta'ikwewati xeikia yuri katini'erieka. <sup>21</sup> Tita mitiunetiarie 'ayumieme pixinarieni, tita mitipiniwe mikati'aitiakakiri, matsi Kakaiyari niwemama witsimemi'anene wahapai xiniti mayeitiarieniki.

<sup>22</sup> Mipai tepitemate tinaiti mitiunetiarie yaxeikia yunaiti mepa'aiwatika, hukame mitiukakukuine hepai tiniwerimeti. <sup>23</sup> Miki xeikia hawaiki, matsi tameta 'Iyari temexeya tita 'umiramietsie miemetime, tsiere tataita tekana'aiwatikani teta'ikwewati Kakaiyari niwemama temakineki kepauka tawaiyari mixinarieni. <sup>24</sup> Mipai yuri tete'rietiteta'ikwewati teputawikweitsitarie. Peru xika 'ixeya tita mititakwewie, matsi pika'itakwewieri. ¿Keri titakwewieka tita mitixeya? <sup>25</sup> Peru xika te'itakwewieka tita temikatexeya, tekanita'ikwewani tete'uka'eniwati.

<sup>26</sup> Mipairita yaxeikia 'Iyari pitatsiparewie ketemite'werarani. 'Atsitepikatemate tita temite'itawawiriwani kemireuyewetse. Miki 'Iyari matsi tahetsieme kanitawawiriwani Kakaiyari, ha'aiwati niukiyari kemikatixuawe. <sup>27</sup> Kemi'ane ta'iyari mita'iniata, miki katinimaika kemitiku'eriwa 'Iyari, miki 'Iyari mititawawiriwaki Kakaiyari kemitinake, Kakaiyari hetsieme memupatsie wahetsieme.

### Yemeki ketemitehe'iwa naime

<sup>28</sup> Tame mipai tekatenimaika, kemi'ane Kakaiyari meminaki'erie, miki kaniwaparewieka, naime tikuyuitiwati para 'aixia memi'itarieniki miki memuta'inierie, miki kemitiyurimikikaiki meripaiti. <sup>29</sup> Miki meripaiti miwamaikai, miki nu'aya hepai me'aneneme piwarayeitiamikikai meripaiti, 'iya yumireme 'iwamarixi wamatsika mayaniki. <sup>30</sup> Miki meripaiti miya me'aneneme miwarayeitiamikikai, miki kaniwaruta'inieni. Miki miwaruta'ini, heitserie kaniwarupitiani. Miki heitserie miwarupitia, witsime'aneneme kaniwarayeitiani.

<sup>31</sup> ¿Keri te'utiyuaneni xika mipai 'aneni? Xika Kakaiyari tatsinaki'erieka, ¿kapaiki pitatsi'uxiwe'erieka? <sup>32</sup> Kemi'ane yuniwe mika'utawikweitsitia, miyetua pita tanaimetahetsieme, miki hamatiata naime pitatimini. <sup>33</sup> ¿Kapaiki piwaxanetani miki Kakaiyari miwaranuyexei? Kakaiyari kanihikitini kemi'ane heitserie miwarupitia. <sup>34</sup> ¿Kepaiki piwaranutaxirieni? Kiritsitu Ketsutsi kanihikitini kemi'ane mumi, kemi'ane matsi manukuke, kemi'ane Kakaiyari tserieta makaka, kemi'aneta tahetsieme mitawawiriwa. <sup>35</sup> ¿Kapaiki pitatsipata Kiritsitu mikatatsinaki'eriekaki? Xika te'uximatiarieka, xika tete'uka'eniwani, xika te'utaweyarieni, xika teheuhaakawikuni, xika teka'ukemarini, xika teyekweriwa'itiarietiwani meta xika tekwi'iwariwani, miki naiti pikayiwe. <sup>36</sup> Kemire'uxa:

«'Ahetsie temitewiyaki tepitakwikwiwa yuheyemeki,  
muxatsi memikwaiya wahepai tepite'anuyehu  
memehapawa mehekwi'iwake».

<sup>37</sup>Miyatiti naime, kwini mieme tekatene'iwani 'iki tinaime 'iya mitatsinaki'erie yatatipitiakaku. <sup>38</sup>Ne mipai nepitinemate, tsepa temikwi, tsepa temayenenieme, tsepa niuki tuayamete, tsepa te'aitamete memiyiaka, tsepa tita hiki mitimieme, tsepa tita 'uxa'atini mitimieme, tsepa memitirikawi, <sup>39</sup>tsepa 'amautitewa, tsepa 'amaukatewa, tsepa kemititita mitiunetiarie, miki pikayiwani mitatsipataki Kakaiyari mikatatsinaki'eriekaki, Kiritsitu Ketsutsi mitati'aitiwame kemitatinaki'erie.

### 'Ixaheritsixi kememite'anayexeiyarie

**9**<sup>1</sup>Yuri nepaine Kiritsitu hetsie netiwiyati. Nepikati'itawa, ne'yari nehamatia yakatinihekiatani 'Yari Mitiyupata hetsie netiwiyakaku.

<sup>2</sup>Mipai nepaine, yemeki nepinehiwerie, ne'iyaritsie nepitikwine nekatihayewati. <sup>3</sup>Axanemi'itiarieniki Kiritsitu hetsie nekatiwiyati nemayaniki, ne'iwama wahetsiemieme, miki meminemarema kememite'utinunuiwa, miki wahetsiemieme. <sup>4</sup>Miki mekani'ixaheritsixitini. Miki Kakaiyari niwemama mepayetiari, witsiti'aneme mepite'upitiarie, tiratute mepupitiarie, 'iniari niukiyari mepupitiarie, Kakaiyaritsie mieme 'uximayatsika mepexeiya, yamepite'utahiawarie kememitemikienikekai.

<sup>5</sup>Tapaapama mepiwa'ukiyarima, watsatata kanimiemetini kemi'ane heitserie mupitiarie Kiritsitu hikititi, kemitunuiwaxi. Miki naime ti'aitame Kakaiyari kanihikitini. 'Aixia ketikuxaxatsiwani yuheyemeki. Mipai xeikia pi'ane.

<sup>6</sup>Perutsi Kakaiyari niukieya pikayutexie. Yunaiti 'Ixaheritsie memiyeki, miki mepika'ixaheritsixi. <sup>7</sup>Apirahami hetsie memiyekiki xeikia, yunaiti mepikatiiriyamama. Matsi mipai paine: «'Itsahaki hetsie memiyekine, miki 'aniwema mekanitateriwariekuni».

<sup>8</sup>Ipai kani'aneni, tiiri waiyarieyatsie memiyeki, miki Kakaiyari niwemama mepikahiki, matsi pita memutinunuiwaxi Kakaiyari kemititahiawixi mitiminikekatsie, mikititi niwemama mepite'uteriwarie. <sup>9</sup>Kemitiminikekai mipai katinitahiawe: «Hepaina pauka nepayeneni, 'ana Tsara yuniwe pexeyaniri».

<sup>10</sup>Yaxeikiata 'ana Xewekatsie yamepite'iniarikai tiiri, tapaapa 'Itsahaki muyuxewikai wapaapatikaku. <sup>11</sup>Mekatinunuiwawekaku 'akuxi, tita 'aixia miti'ane yatini 'axamiti'ane yamepikateyuriewawekai 'akuxi para mitseiriyarieniki tita Kakaiyari mitiyuriemikikai yatiwaranuyeteixika, <sup>12</sup>kemi'ane miwaruta'ini yatiyurienekaku, tewi kemitiyuruwaki pikatixai. 'Ana Xeweka mipai pitiutahiawarie: «Matsikaya katini'uximayakamiki yumutatsie mieme».

<sup>13</sup>Kemire'uxa: «Nepinaki'eriekai Kakuwu, 'Etsahu pita nepu'uxiekai».

<sup>14</sup>Merikite, ¿kete'utiyaneni? ¿Kakaiyari kemikatihetserie tiyuriene? Matsi pikatixai. <sup>15</sup>Mipairi Muiťsexi pitiutahiawixi:

«Nepinenimaya kemi'ane neminenimayatamiki,

nepi'iwia kemi'ane nemi'iwiyamiki».

<sup>16</sup>Ayumieme tsepa xewiti yamitiyuwairiyaki yatini yamitiunanautsaki pika'ayumieme, Kakaiyari mitiyukanenimayaki kanihikitini kemi'ane mipai



mitiyuriene. <sup>17</sup>Utiarika niukiyari Parahuni mipai pitikihiawe: «Ayumieme nepimats'anukuketia, 'ahetsie nemitihekiataniki kenemititirikaiye, naitsarie kwiepa nemikuxaxatsiwaniki kemi'ane nemihiki». <sup>18</sup>Ayumieme kaninenimayaka kemi'ane minenimayatamiki, tse'ime kanayeitiani kemi'ane tse'ime mayeitiamiki.

<sup>19</sup>Peru 'eki mipai pepinetikihiaweni: «Merikite, ¿titayarikuta tahetsie rahipa 'akuxi? ¿Kepaiki pi'uxiwe'erieka tita miki mitiyuriemiki?» <sup>20</sup>Neuxei: ¿'Ekitsiari kepaiki pepihiki pemitaeiyaki Kakaiyari? «¿Tita mitiutawewiya ketitahiawiwe kemi'ane mita'iwewaxi: “¿Titayari miyane'aneme penetiutawewi?” 'utaiti?» <sup>21</sup> ¿Tami 'iwewame heitserie karexeiya haxu hepaitisa, xeitapuriyariki mititiwewieniki xeime xari witsimitixeyariekaki, xeimeta 'axamitixeyariekaki?

<sup>22</sup>Yaxeikiatatsiere, Kakaiyari matsiikime 'ayeitiamiti kemitiha', meta tihekiatamiti kemitiitirikaiyeki, pituunewi waikawa tiuka'eniwati mihekarieniki mi'ayumiemetikai hetsiemieme meta mika'unarieniki miha'aritsiekai hetsiemieme. <sup>23</sup>Mipai pituuyuri mitihekiataniki waikawameki witsikemiti'ane, witsi'aneme 'ayeitiati minenimaya, meripai mikuha'aritia witsi'aneti mayaniki. <sup>24</sup>Tametsi tekanihikitini. Pitatsi'uta'ini, huriyutsixi watsata xeikia pikatixai, matsi memikahuriyutsixi watsatata pitatsi'uta'ini.

<sup>25</sup>Kemaine 'Utseyaxi xapayaritsie:

«Miki memikaneteiterimatikai, “neteiterima” nepitiwateriwa.

Iya mikanaki'eriwakai, “minaki'eriwa” nepititeriwa».

<sup>26</sup>«Hakewa mipai memite'utahiawarie:

“Xeme xepikaneteiterima”,

mana “Kakaiyari mayenieme niwemama” mepiteteriwarieni».

<sup>27</sup>Kitsariyaxi mipaita katiniuhiwa 'Ixaheri hepaitisa:

«Tsepaneti 'Ixaheri xiyyarimama memiyumiire

haramaratsie mieme xiekari hepai memiyupaima,

yayupaimeti xeikia mekanitawikweitsitiariekuni.

<sup>28</sup>Heye'atiati kemitiwataxanetakekaiki, meta 'imexiitiati

Ti'aitame yakatiniyurimiki kwiepa».

<sup>29</sup>Meripaita kemainekai Kitsariyaxi:

«Ti'aitame Naimekimitirikaiye

hipame taxiiyarima kawaruhayewake,

hiki xiari Tsuruma hepai piraku'anenike,

meta xiari Kumuxa hepai tepeuyewenike».

### Huriyutsixi teiteriyari kememiteheiyehiwa niuki 'aixia manuyine

<sup>30</sup> ¿Merikite, kete'utiyaneni? Miki memikahuriyutsixi memikayumexiitiakaiki heitserie memexeyaniki me'ikuwaitiweti, miki heitserie mekanipitiarieni.

Heitserie mupitiarieniki yuri ti'erieti nekanixatani. <sup>31</sup>Ixaheritsixi pita memiyumexiitiakai heitserie memexeyaniki 'iniari niukiyaritsie metewiyati, miki mepika'l'axixi. <sup>32</sup> ¿Titayari? Yuri mepikate'eriekai,

matsi kememiteyuriekaiki mepiyumexiitiakai, 'ayumieme mepika'l'axixi.

Mepetiketamirixia «tete miwati'ikamiratsie», <sup>33</sup>kemire'uxa:

«Neuxei Tsiyuni hetsie nepikaye tete miwati'ikamira,  
tete kimana memekaxiriwe,  
peru kemi'ane yuri miti'erie hetsiena pikayutewiyani».

**10** <sup>1</sup>Ne'iwama, ne'iyariki 'ipai nepireixeyanikeyu, 'ipai nepitiwawirie  
Kakaiyari miki 'ixaheritsixi wahetsiemieme, memitawikweitsitarieniki.  
<sup>2</sup>Nekatinihekiati kwinimieme Kakaiyari hetsiemieme kememiteyumexiitia,  
matsi 'aixia metemaiti mepikayumexiitia. <sup>3</sup>Atsimepikatemate heitserie  
kemitiyupitiwa Kakaiyari, yikimana pita mepitekuwautiwe heitserie  
kememiteyupitianiki. 'Ayumieme yamepikatekahu Kakaiyari kemaine,  
heitserie miwapitianiki. <sup>4</sup>Kiritsitu kanitaparitiani 'iniari niukiyari,  
yunaiti yuri memite'erie heitserie memipitarieniki.

<sup>5</sup>Muitsexiri mipai katiniu'utiani, 'iniari niukiyariki heitserie  
kemirexeiya xatati, mipai 'utaiti: «Kemi'ane tewi mipai mitiyurieni, miki  
kanayenierekamiki kimana». <sup>6</sup>Peru yuri ti'erieti heitserie kemirexeiya,  
'ipai pita paine: «'Aiyaritsie mipai pepikati'akihiaweni: “¿Kepaiki taheima  
panutiyeiwe?” (Kiritsitu manakawitiniki petiku'eriwati), <sup>7</sup>yatini “¿Kepaiki  
meukatewatsie peukayeiwe?”» (Kiritsitu manatiwitiniki mikite watsata  
petiku'eriwati). <sup>8</sup>¿Matsi kehaine? «Niukiyari kanehuraniri 'atenitsie meta  
'aiyaritsie». Tita temitekuxata yuri kemit'erie hepaitisa, miki kanihikitini.  
<sup>9</sup>Mipai paine: xika 'ateniki peti'ahekiatiaka Ketsutsi hetsie petiwiayati Ti'aitame  
kemitihiki, xika 'aiyariki yuri peti'erieka kename Kakaiyari henukuketia  
mikite watsata, pekanitawikweitsitariemiki. <sup>10</sup>Yu'iyariki tewi yuri piti'erie  
heitserie mipitarieniki. Yuteniki pitiyuhekiatia mitawikweitsitarieniki.

<sup>11</sup>'Ipai paine 'utiarika xapayari: «Yunaiti hetsiena yuri memite'erie  
mepikayutetewiyani». <sup>12</sup>Huriyutsixi meta kiriyekutsixi yiki mepika'anene.  
Yunaime Tiwa'aitiwame kaniyuxewini, waikawa pitiwamikwa yunaiti  
memitahiawe. <sup>13</sup>Kariki «yunaiti memitahiawe Ti'aitame mepitawikweitsitarieni».

<sup>14</sup>Merikite, ¿kemi'anetsie yuri memikate'uta'eri kerimete'itahiaweni?  
¿Kehepairi yuri meteta'erieni kemi'anetsie 'atsimemikatehetimaiwawe  
hepaitisana? ¿Kehepairi meteheitimani xika 'umaweni kemi'ane  
mitiwakuxaxatiwani? <sup>15</sup>¿Kehepai metekuxatani xika mekaheutani'ariexiani?  
Kemire'uxa: «Miki memitekuxata kemikati'uximatiarieka yu'iyaritsie, niuki  
'aixia manuyine memukuxata, witsike'aneneni wa'ikate».

<sup>16</sup>Matsi yunaiti yamepikatekaki niuki 'aixia manuyine kemaine. Kitsariyaxi  
mipai paine: «Ti'aitame, ¿kapaiki yuri pitita'eriri tita mitiu'eni yatetekuxatakaku  
tame?» <sup>17</sup>Tita mitiu'eni mi'axixiki, 'ayumieme tewi yuri pitituta'eri, mipai  
katini'enani, tita mitikuxaxatsiwa Kiritsitu hepaitisa mi'axixiki. <sup>18</sup>Matsitsi  
mipai nepaine: ¿Kamitsi mekate'utaxatiarie? Huu mepite'utaxatiarie.

«Naitsarie kwiepa peutayeixia waniuki,  
kwie manuniere paiti kaneta'axiani waxatsika».

<sup>19</sup>Merikite, mipai nepaineta: ¿Kamitsi 'ixaheritsixi yamekatehetima?  
Merikitsi Muitsexi meri 'ipai paine:

«Xe'itetsakame nepixe'ayeitiani miki nuiwari memikahiki  
xemiwa'itetsaiyaniki,  
xewahekame teiteri 'atsimemikatemaiwawe nepixe'ayeitiani».

<sup>20</sup>Arike Kitsariyaxi kamati 'ipai paine:

«Miki memikanetsikuwautiwekai mepinetsi'utaxei,  
miki nehepaitsita memikaku'iwawakai wahixie  
nematsiikiti nekanayuyeitiani».

<sup>21</sup>Matsi mipaita paine 'ixaheritsixi wahepaitsita:

«Tukariki nemamá nepeutatserakai  
teiteri yamemikatekahu memi'uxiwa'a wahepa».

### Hipati 'ixaheritsixi kememiteyuhayewani

**11** <sup>1</sup>Merikitsi 'ayumieme 'ipai nepaine: ¿Kakaiyari tiwarutixani'eri  
yuteiterima? Pikatixaitsieti. Netiti 'ixaheritsixi nekanihikitini.

'Apirahami hetsie nepiyetia, Wenikamini nuiwarieyatsie nepimieme.

<sup>2</sup>Kakaiyari pikawarutixani'eri yuteiterima meripaiti miwamaikai.

Kamitsi ¿'atsixekatemate kemaine 'utiarika xapayari 'Eriyaxi xatati?

Miki kanitawawirieni Kakaiyari 'ixaheritsixi wahepaitsita, mipai 'utaiti:

<sup>3</sup>«Ti'aitame, 'ahetsia miemete 'aniukamete mekaniwarukwini meta mawari  
taiyame 'ahetsia mieme mekaniuti'una. Ne xeikiari nekaniuyeikani

nexaitame, hikita ne mekaneniwautiweni menetsimienike». <sup>4</sup>¿Peru Kakaiyari

ketita'ei? Mipai pitita'ei: «Nehetsiemieme 'atahuta miriyari nepuwatiyatsa

teiteri, memikakatunuma'uiwawe Wahari hixie». <sup>5</sup>Mipairi yaxeikia hikita  
mepiyuhayewaxi hipati memanayexeyarie Kakaiyari 'aixia kemitiuka'iyariki.

<sup>6</sup>Xika 'aixia mitiuka'iyariki mehanayexeyarieni, tixaiti memite'uyuriki

mepika'anayexeyarie. Metsi, 'aixia kemitiuka'iyari, xika tixaiti  
mete'uyurieka me'anayexeyarienike, miki pita 'aixia pikatiuka'iyarinikeyu.

Xikate me'anayexeyarienike tixaiti memite'uyuriki, 'aixia tiuka'iyariti

pikawaranayexeyakeyu. Metsi, kememite'uyuriki, xika 'aixia tiuka'iyariti

waranayexeyake, miki pita tixaiti mepikateyurienikeyu.

<sup>7</sup>¿Keti'aneniri? 'Ixaheritsixi mepika'itaxei tita memitekuwautiwekai.

Miki memanayexeyarie pita mekanitaxeia. Hipati miki metsetse'iti  
mekanakine, <sup>8</sup>kemire'uxa:

«Kakaiyari 'iyari miyi'iraxie kaniwarupitiani,

hixi tiwarupitiata kimana memikaheuneniereniki,

naka tiwarupitiata kimana memikaheu'enanakaki,

hikita yaxeikia».

<sup>9</sup>Meta Rawiri mipai paine:

«Mexatsie kepauka memite'apika, 'ipari ke'ayani,

winiyari ke'ayani wahetsiemieme,

Meke'utiketamirixiani muwa, 'amemite'apine hepai mekete'epinirieni.

<sup>10</sup>Wahixi ke'akipire memikaheuneniereniki,

me'anakatututsiti meke'akine yuheyemeki».

### Memikahuriyutsixi kememitetawikweitsitarieni

<sup>11</sup>Merikitsi mipai nepaine, ¿Kamitsi mehetiketamirixiaka mehekaxirieka  
yuheyemeki mekate'anuku'uiwawe? Pikatixaitsieti. Matsi miki

'axamemite'uyuriki, miki memikahuriyutsixi mepitawikweitsitarieni,

huriyutsixi memi'itetsaniki. <sup>12</sup>'Axamemite'uyuriki, kwiepa memitama waikawa kememite'upitiarie, miki memika'uyiwekaxiaki memikahuriyutsixi waikawa kememite'upitiarie, matsi waikawa mekatnipitiariekuni 'akuxi kepauka memaye'axiani huriyutsixi.

<sup>13</sup>Ne mipai nepitixekihiawe xeme xemikahuriyutsixi, ne kenemireni'arie memikahuriyutsixi wahetsia, 'aixia nepaine nehiritiarika hepaitisita, <sup>14</sup>tsiparatsi xika neyiweni nemiwa'itetsatianiki ne'iwamarixi, para mipai nemitiwatawikweitsitianiki hipame miki. <sup>15</sup>Miki memixani'eriwaki, kwiepa memitama mekaniupatsieni 'aixia memitexeyarieniki. ¿Matsi waikawa 'akuxi katiyini kepauka memitanaki'eriwatsie? kwiepa memitama mepanutaneniere mikite watsata. <sup>16</sup>Xika mexiakame paa Kakaiyaritsie mieme 'upatsieni, yaxeikiata naiti paa yakatinipatsiemiki. Nanayari xika Kakaiyaritsie mieme 'upatsieni, mamateyata kanipatsiemiki.

<sup>17</sup>Hiki hipati mamateya mekaneukumurixiani, 'eki huriwa yeuta mieme pehikiti, watsata pekaneukuyerieneni, hikiri huriwa kiyeyari nanayaritsie mieme hayari kemirakaka pe'ieti pekanayani wahepai. <sup>18</sup>'Ayumieme mamateya pepikawatawe'erieka. Xikari pewatawe'erieka, yaketinemaika 'eki nanayari pepika'ayenieritia, nanayari pita pimetsi'ayenieritia 'eki. <sup>19</sup>'Ekiri mipai pepitayini: «Mamateya peukumurariexia nemeukuyerieneni ne». <sup>20</sup>Merikite. Peru miki yuri memikate'eriekaiki, 'ayumieme mepeukumurariexia. 'Ekitsi yuri pemitit'erieki pepeukuyerie. Pepikayuta'ireni kepemiti'amate, matsi keneumaka. <sup>21</sup>Kakaiyari xikari mamateya yikimana mekunexia kawaruhayewa nanayaritsie memitewiyaniki, tietita 'eki mikamenuhayewaxi miki nanayaritsie pemitiwiyaniki.

<sup>22</sup>'Ayumieme kene'a'iwiya Kakaiyari 'aixia kemitituka'iyariki meta kemititse'iki: Kanitse'ikaitini memakaxiri wahepaitsita, 'aixia katiniuka'iyarini 'ahepaitsita xika pe'ahayewani 'aixia tiuka'iyarikaku Kakaiyari. Me xika katixaitini, pekananuwitekiemiki 'ekita. <sup>23</sup>Mikirita xika yuri mekate'erieti mekayuhayewani, miki mepeukuyatsarieni. Kakaiyari tirikariya kanexeyani tawari miwareukuyatsaki. <sup>24</sup>'Ekiri huriwa yeuta mieme mutinuiwaxitsie pemiemetiti pekananuwitekieni, harawerita mieme huriwa hetsie pekaneukuyerieneni kepemikatiunuiwaxi. Matsi yemeki miki mamateya miki huriwatsie memimiemete mekaneukuyatsarienkuni yikiyeyaritsie.

### 'Imatiriekia kememitetawikweitsitarieni 'ixaheritsixi

<sup>25</sup>Ne'iwama, yaki xeikia kapa temaiwawemete xeyu'eriekaki, pikanetsinakenikeyu xika xekaheitimanike 'iki niuki muti'awietsiekai. Hipati xeikia 'ixaheritsixi metsetse'iti mekanakine, mexi yunaiti memikahuriyutsixi meka'aye'axiawawe. <sup>26</sup>Mipai tiyiyu, yunaiti 'ixaheritsixi mekanitawikweitsitarienkuni, kemire'uxa:

«Tiyuwikweitsitiwame Tsiyunitsie kaniyeyemiki,

Kakuwu 'axamitiyurieneki kanipatamiki.

<sup>27</sup>'Ipa nekatinuwawewiriamiki tiratu

kepauka nemiwanawairieni tita 'axamemite'uyuri».

<sup>28</sup>Niuki 'aixia manuyine kemitikuxaxatsiwa, miki mekanu'uxiwa'ani, xeme 'aixia xemi'tiarieniki. Peru kememite'anayexeiyarie, Kakaiyari piwanaki'erie wapaapama miwanaki'eriekaiki. <sup>29</sup>Kakaiyari pikayupata kemitiwamikwa meta kemitwiwa'inie. <sup>30</sup>Xemetsi meripaiti keyaxemikatekahukai Kakaiyari hetsie, peru hiki kexemitenenimayatsie mexi miki yamekatekahu, <sup>31</sup>yaxeikia miki hiki yamepikatekahu mexi xenenimayatsie xeme, mikirita hikirixia meminenimayatsiekaki. <sup>32</sup>Kakaiyari yunaime kaniwayetuani yamemikatekahuniki, yunaimeta miwanenimayakaki.

### Kakaiyari pumariwe

<sup>33</sup>Ketimariwe, Kakaiyari waikawa kemirexeiya,  
kemitimaiwe, waikawa kemitimate.

Ketiyutexie tewi 'l'iniatati kemitiyikihiawe yamitiyurieniki Kakaiyari,  
yatini huyeteya metimani pikayiwe.

<sup>34</sup>«¿Kepaiki pitimate Ti'aitame kemitiyumate,  
yatini kepaiki 'l'ixatsitiwameya payeiwe?»

<sup>35</sup>«¿Kepaiki Kakaiyari pitimikwa meri,  
Kakaiyari mirekapitianiakita?»

<sup>36</sup>Naiti hetsiana katinayeneikani,  
'akatiniuwani miki tikuyuitiwakaku, meta hetsiana katinimimemetini.  
Miki 'aixia ketikuxaxatsiwani yuheymeki. Mipai xeikia kani'aneni.

### Kemireuyewetse yamitiyurieneni Kakaiyari hetsiememe patsieti

**12**<sup>1</sup>Ayumieme, ne'iwama, Kakaiyari mitiyukanenimayaki,  
mipai nekatnixewawirieka, xemiyetuaniki yuwaiyari mawari  
mayaniki mayeniere, mipatsie, minake Kakaiyari. Miki 'uximayatsikaki  
xekaneyexeyakakuni 'iyaritsie mimiemeki. <sup>2</sup>Miki hiki kwiepa memitama  
xepikawa'ikeni, matsi yiki xe'aneneti xekenakini xetihehekwareme  
kexemiteku'eriwa. Mipai xeteyurieti heitseriemeki xekaneitimaikuni tita  
mitinake Kakaiyari, tita 'aixia miti'ane, titaki mitinaki'a meta naimeki 'aye'ati.

<sup>3</sup>Kakaiyari 'aixia mitiuka'iyariki nehetsiememe, 'ayumieme mipai  
nepitixekihawe yuxexuiti yuhetsia xemetitei, xepika'anuyehaitiriweni  
yaxeteyikihiaweti yuhapaitsita kemikareuyewetse yaxemiteyikihiaweniki.

Matsi yaxeketenyikihiaweni para 'aixia xemiteyumaikaki pita,  
yuxexuiti Kakaiyari kemitixe'u'iniatsiri yuri xemite'eriekaki. <sup>4</sup>Tawaiyari  
kaniyuxewiriyani, peru hetsiana mitimieme katinimiireni. Xexuiti  
yiki piti'ayumiemete. <sup>5</sup>Tameta temitamiiere, xeiwaiyari tekanihikitini

Kiritsitu hetsie tetewiyati. 'Axeikia taxexuiti hetsiena tekateniwiyani.

<sup>6</sup>Yiki tekateniumikiwani, Kakaiyari 'aixia kemituuka'iyariki taxexuime  
tahetsiememe. Xika mipai tete'umikieni texaxatamete temakineki,  
kepaimemeki yuri ketemite'erie yatepitekuxata. <sup>7</sup>Xika teteparewiwametetini,

'aixia tepitewaparewieka, xika tete'ikitametetini, 'aixia tepite'ikitani,  
<sup>8</sup>xika tetetutuikametetini, tepiwatuikani. Kemi'ane mitiwamikwa,  
'aixia 'iyariki ketiwamikwani, kemi'ane miti'aita, yapitiyumexiitia,

kemi'ane miwanenimaya hipame, yutemawieti yaketiurieneni.

### Kiritsitu teiterimama keyamemitekahuni

<sup>9</sup>Yaki xeikia xekayiati xeketenyukanaki'erieka. Xe'ixeimati tita 'axamiti'ane, tita 'aixia miti'anetsie xeketenewiyani. <sup>10</sup>Kexemitewanaki'erie yu'iwamarixi, yu'iyariki xekeniwahiwe'erieka. Yuxexuiti matsi 'aixia xeketenyuxeiyani meta 'aixia xeketenyahiaweni. <sup>11</sup>Xepikayi'iraraxieka kexemiteyumexiitia. 'Aixia 'iyariki xekeneyuwairiyani.

Xeketene'uximayaka Ti'aitame hetsiemieme. <sup>12</sup>Yuri kexemite'erie xeta'ikwewati, xekeneyutemamawieka. Kexemite'uximatiarie, xeketeneuka'eniwani. Kexemiteyunenewie, xepikatehayewani.

<sup>13</sup>Kakaiyari teiterimama kememiteheiyehiwa, xekeniwaparewieka.

'Aixia 'anemeki xekeniwapitiaka memixe'iwata. <sup>14</sup>'Aixia xekeneutiyuaneni

miki memixe'uweiya wahepaitsita 'aixia memi'itarieniki. 'Aixia

xekeneutiyuaneni, tixai para 'axamemi'itarieniki. <sup>15</sup>Memiyutemamawie

wahamatia xekeneyutemamawieka. Memutitsuana wahamatia

xekeneutitsuanani. <sup>16</sup>Yaxeikia xeketenyikihaweni yuhepaitsita

yuxexuiti. Xepika'anuyehaitiriwani kexemiteyumate, matsi tixaiti

memikatehiki wahamatia xekeneu'uwani. Yaki xeikia xeteku'eriwati,

xetemaiwawemete xepikayu'erieka.

<sup>17</sup>Nixeime 'axaxepikate'apinirieka miki 'axaxe'uyurieku. Xeketenekuwawa

'aixia xemiteyuriekaki yunaimete teiteri wahixie. <sup>18</sup>Xika xeyiwaweni,

kexemiteyurie xeme, kayuwati xeketeneteni yunaimete teiteri wahamatia.

<sup>19</sup>Nenaki'erima, yuhetsiemieme xepikayukwitiwani, matsi xeketenehayewani

Kakaiyari pita miwahaniki. Mipai pire'uxa: «Ne xehetsiemieme

nepinemeneni, 'anepirapika ne,» kanaineni Ti'aitame. <sup>20</sup>Matsitsi,

«Kemi'ane mimatsi'aye'unie xika heuhaakamikini, ketineumikwa,

xika heuharimikini, keneuharitia.

Mipai petiyurieneti pekanihiweritiamiki mipai mitiyumaikaki kemi'ane mutewiyatsitairie hepai».

<sup>21</sup>Xepika'ipitiaka tita 'axamiti'ane mixeha'iwaniki, matsi tita 'axamiti'ane

xekena'iwani, 'aixia xeteyurietu pita.

**13** <sup>1</sup>Yunaiti yameketekahuni kememite'aita miki heitserie memexeiya

memite'aitaniki, miki waheima memukayatsarie. Tewi heitserie

pikahexeyanikeyu miti'aitaniki, xika Kakaiyari ka'ipitianike. Miki

heitserie memexeiya hiki memite'aitaniki mekateni'aitarieka, Kakaiyari

tiwa'aitiakaku. <sup>2</sup>'Ayumieme kemi'ane meye'unie kwiepa ti'aitame,

miki kaneye'unieka tita Kakaiyari mitiuta'aitaxi. Miki memeye'unie

yikimana mekananuyutaxirikuni. <sup>3</sup>Itsikate mepikahiki kemi'ane 'aixia

mitiyuriene memimariutaniki, matsi kemi'ane 'axamitiyuriene pita

memimariutaniki mepi'ayumiemete. ¿Pereuyeimiki peka'imakati kemi'ane

heitserie mexeiya ti'aitakaku? Merikite, 'aixia ketineyurieneni. Mikiri

'aixia paineni 'ahepaitsita. <sup>4</sup>Kakaiyari parewiwameya kanihikitini 'aixia

pemi'itarieniki. Mexika 'axapetiyurieneni, keneumaka. Yaki pikahekwe'e

'ixipara. Kakaiyari parewiwameya kanihikitini haxiaki mirepinirieniki

kemi'ane 'axamitiyuriene. <sup>5</sup>'Ayumieme peuyewetse yamitikamieniki miki

kemiti'aita, pemikatiuka'eniwaniki xeikia pikatixai, matsi yu'iyaritsie 'aixia mitiyumaikakita pita.

<sup>6</sup>'Ayumiemerita xepiteyutua xemixixininiki. Miki Kakaiyari parewiwametemama mekanihikitini, mikiki mekani'ayumiemetetini. <sup>7</sup>Xeketeneyutuaka xexuime hetsiemieme kemiti'ayumiemek. Xekene'itia kemi'ane meuyewetse xemi'itianiki xemixixininiki. Xekene'itia kemi'ane meuyewetse kuwiyexinu tuminieya xemi'itianiki. 'Aixia xeketenexeyani kemi'ane meuyewetse 'aixia xemite'ixeyaniki. 'Aixia xeketenahiaweni kemi'ane meuyewetse 'aixia xemitehehiaweniki.

### Kemitikamieni yu'iwa hepaita

<sup>8</sup>Xeime xepikate'apinirieka. Peuyewetse xeikia xemiyunaki'eriekaki pita. Kemi'ane minaki'erie xeime, miki kaneye'atianiri 'iniari niukiyari. <sup>9</sup>Miki niuki: «Xeime 'iyaya pepikakumaiwani», «Pepikati'amemiwani», «Pepikatinawayani», «Peti'itawati pepikatihekiatani», «Pepikati'akahiwe'erieka», xewiti 'aitsika xika xuawenita, miki naiti kaniyutaxewireni 'iki niukiki: «Ahepai tewi kenenaki'erieka kepemiti'anaki'erie 'eki». <sup>10</sup>Xika 'inaki'erieka yuhepai tewi, pika'luximatia. 'Ayumieme naki'eriya kaneye'atiwani 'iniari niukiyari.

<sup>11</sup>Miki meta, xekanimaikari 'iki tukari. Hikirixia kanaye'aniri xemanutaneniereki xekutsuti. Hiki kanehuraniri temitawikweitsitarieni, kepauka yuri temite'uta'eri pikahehurakai hiki hepai. <sup>12</sup>Tikari pitixixime, tukari kanehuraniri. Hiki 'ayumieme teke'iku'eirieni tita teiteri memiteyurie yiwipa timieme. Kuya kemarieya teke'anakatikini hekiaripa mieme. <sup>13</sup>'Aixia 'anemekiki teke'u'uwani hekiaripa memu'uwa wahepai teyiati, teka'ixiaratiweti, tekatariweti, hipame tekawakumaiwati, tekarakutsixititi, tekaheta'eririyati meta teka'itetsati. <sup>14</sup>Matsi xekenanakatikini kemi'ane Ti'aitame Ketsutsi Kiritsitu mihiki. Xepikayuha'aritiaka yaxemiteyuriekaki kememite'ukahiwe'erie teiteri wahepai xete'u'iyariti.

### Miki memiwerarani yuri kememite'erie

**14** <sup>1</sup>Xekeneutanaki'erie kemi'ane miwerani yuri kemiti'erie, peru niuki xemixiatiaakaki kemitiku'eriwa hepaita pikatixai. <sup>2</sup>Xewiti yuri katinierieka kename yiwe naime mitikwakaki, xewitita miwerani titsitsiirawime xeikia pitikwa'a. <sup>3</sup>Kemi'ane naime mitikwa'a pika'itawe'erieka kemi'ane naime mikatikwa'a. Kemi'aneta naime mikatikwa'a pika'iniukimaka kemi'ane naime mitikwa'a, Kakaiyari yunaime miwarutanaki'eriki. <sup>4</sup>¿'Ekitsi kemi'ane pepihiki peminiukimaniki kemi'ane xeimetsie mieme miti'uximaya? Yukutsiyari hiripa 'axika'uweni yatini xika'atiwani. Matsi 'apuwenikeyu. Kutsiyarieya tirikariya mexeiya 'amitaketianiki.

<sup>5</sup>Miki meta, xewiti tukarite yiki 'aneneme kani'erieka, xewitita naiti tukari yaxekia 'aneneme kani'erieka. Yuxexuiti yu'iyaritsie heitseriemeki mipai meketeyumaika. <sup>6</sup>Kemi'ane tukari waikawa meuyewetse ma'eriwa, Ti'aitame hetsiemieme yianeti kana'eriwani. Kemi'ane mitikwa'a, Ti'aitame hetsiemieme yianeti katinikwaka, pamipariyutsi Kakaiyari kanipitiaka.

Kemi'ane mikatikwa'a, mikita Ti'aitame hetsiemieme yianeti pikatikwa'a, pamipariyutsi Kakaiyari kanipitiaka.

<sup>7</sup>Xewiti tame yuhetsiemieme xeikia pika'ayeniere, yuhetsiemieme xeikia pikamini. <sup>8</sup>Xika te'ayeneniereni, Ti'aitame hetsiemieme tekanayeneniereni. Xika te'ukwini, Ti'aitame hetsiemieme tekanikwikuni. 'Ayumieme tsepa temayeniere yatini tsepa temukwi, Ti'aitame hetsia tekanimiemetetini.

<sup>9</sup>Ayumiemeta Kiritsitu kaniumini meta kanaanutaniere, miki memukwi meta memayeniere tiwa'aitiwame mayaniki.

<sup>10</sup>¿'Ekiri titayari petiniukima 'a'iwa? ¿'Ekitari, titayari petitawe'erie 'a'iwa? Tanaiti Kakaiyari 'uwenieya hixie tekaniuti'uikuni. <sup>11</sup>Mipai pire'uxa:

«Ne nekanayeniereni —kanaineni Ti'aitame—,  
nehixie yunaiti mepikatunuma'uni,

meta yunaiti yutetaki 'aixia Kakaiyari mekatenihekiatakakuni».

<sup>12</sup>Hiki 'ayumieme taxexuiti tahetsiemieme tepitiniuni Kakaiyari hixie.

<sup>13</sup>'Ayumieme tepikataniukimatiweni. Matsi 'ipai pita xeketeneyumaika, xemikaheikahianiki titatsie mititiketamire xe'iwa, meta titaki miratiweni.

<sup>14</sup>'Ipa nepitimate, Ti'aitame Ketsutsi hetsie netiwiyati 'ipai yuri nepiti'erie, tixaiti xika kati'itiyaka, yikimana mipai pika'ane. Matsi xeikia, kemi'ane ka'itiyakame mi'erie, miki hetsiemieme pika'itiya. <sup>15</sup>Xika 'a'iwa 'uheiwertiarieni 'a'ikwaiki, 'eki pe'inaki'erieti pepikayiane. 'A'ikwaiki pepika'ika'unani kemi'ane hetsiemieme Kiritsitu mumi. <sup>16</sup>Tita xehetsiemieme 'aixia miti'ane, xepika'ipitiaka 'axamitikuxaxatsiwaniki. <sup>17</sup>Kakaiyari 'aitiakaku xika tewi 'a'uyeikani, tsepa mitikwa'a tsepa miranuye'e, heitserie kaniupitiarieni, yu'iyaritsie pika'uximatiarie, kaniyutemawieka 'Iyari Mitiyupata hetsie tiwiyati. <sup>18</sup>Kemi'ane mipai tiyurieneti miti'uximaya Kiritsitu hetsiemieme, Kakaiyari kaninaki'akamiki miki hepaitisita, teiterita mekanaitimaikuni 'aixia kemitiyuriene.

<sup>19</sup>'Ayumieme tame tekanitamexiitiaka kimana ta'iyaritsie temika'uximatiariekaki, kimana 'axeikia temitatseiriyani tanaiti.

<sup>20</sup>'Ikwaiki pepika'ika'unani tita Kakaiyari mitiuyuri. Naitiri katini'itiyaka, peru 'axapiyini xika tewi tikwati 'itiketamira xeime. <sup>21</sup>'Aixia piyinikeyu matsi xika wai pekakwa'anike xika winu peka'anuye'enike, xika tixaiti pekatiyurienenike kimana 'a'iwa matiwauteseniki mitiketamireki mitaweranareki.

<sup>22</sup>Yuri kepemiti'erie, 'akimana yaketineku'eriwani Kakaiyari hixie. Kaniyutemawieka kemi'ane yuhetsie mikarahipa mipai 'aixia 'aneme 'erieti.

<sup>23</sup>Kemi'ane muyuxamurie yiki tiku'eriwati, miki tita mitikwa'a hepaitisita kanaanutahiyamiki, yuri ti'erieti mikayianeki. Naime mitiyurieneki yuri kemikati'erie, 'axakatiniyurieneni.

**15** <sup>1</sup>Kaneuyewekani tame temiyiwawemete teminewieniki titaki memikateyiwawe miki memiwerarani. Taxaitame xeikia teminaki'akaki tepikayiaka. <sup>2</sup>Taxexuiti tekeyiaka tahepai tewi pita minaki'akaki, 'aixia mi'itiarieniki mitseiriyarieniki. <sup>3</sup>Kiritsitu yuxaitame xeikia minaki'akaki pikayianekai, matsi kemire'uxa: «Nehetsie xeikia katininakeni memimatsi'aye'unie watierika». <sup>4</sup>Naiti meripaiti mitiuti'utiarie,



temiteti'ikitiarieniki katiniuti'utiarieni, para tete'uka'eniwati 'utiarika xapayari tatsinitiakaku yuri temite'eriekaki teta'ikwewati.

<sup>5</sup>Miki Kakaiyari mipai mitatikupitiwa temite'uka'eniwaniki teminitiarieniki, miki kexepitiaka yaxeikia xemiteyumaikaki yunaiti, Kiritsitu Ketsutsi xe'iketi, <sup>6</sup>'axeikia xeitetayariki xe'utiniuti 'aixia xemutiyuaneniki kemi'ane Tati'aitiwame Ketsutsi Kiritsitu mikakaiyarieya mi'ukiyarieya hepaitsita.

<sup>7</sup>Ayumieme xekeneyutanaki'eri yunaiti, Kiritsitu mixe'utanaki'eri hepai, Kakaiyari 'aixia mitikihawariwaniki. <sup>8</sup>'Ipa nepaine, Kiritsitu miki xitekiya 'iniariyari memexeiya waparewiwame kanayani, matsikime meyeitianiki yuri kemaine Kakaiyari, mitatseiriyakita meripaiti tatutsima kemitiwarutahiawixi kename metemikienikekai, <sup>9</sup>mikita memikahuriyutsixi 'aixia memutiyuaneniki Kakaiyari hepaitsita muwanenimayaki, kemire'uxa:

«Ayumieme ne 'aixia nepaine 'ahepaitsita nuiwarite watsata,  
meta niawari 'ahetsiemieme nepitikwika kepemititewaki».

<sup>10</sup>Tawari mipai paine:

«Nuiwarite xekeneyutemamawieka Kakaiyari teiterimama wahamatia».

<sup>11</sup>Tawarita:

«Nuiwarite yunaiti kwiepa xemitama, Ti'aitame 'aixia xeketenahiaweni.  
Yunaiti teiteri kwikari hetsiena mieme xekeneutikwikani».

<sup>12</sup>Tawari Kitsariyaxi mipai paine:

«Itsahi nanarieya kanetiyiramiki,  
miki kananukukemiki nuiwarite mitiwata'aitianiki,  
hetsiena teiteri meta'ikwewati mekanakinikuni».

<sup>13</sup>Kakaiyari mitiyupitiwa tita xemitetakwewie yuri xete'erieti, miki kexehiniyani naimeki xemiyutemamawiekaki yu'iyaritsie xemika'uximatiariekaki mexi yuri xete'erie, matsi waikawa yuri xemite'eriekaki xeta'ikwewati, 'Iyari Mitiyupata xetirikariyakaku.

### Papuru, memikahuriyutsixi tiwaxaxatiwame

<sup>14</sup>Neri yuri nepiti'erie ne'iwama xehepaitsita, kename yikimana xehipine 'aixia xeteyurieti, kename naime xetemate, kename xeyiwawe xemiyu'imaiyaniki. <sup>15</sup>Hipame xapayaritetsie nekweriwa'aneti nepitixe'uta'utiiri, tawari nexehaye'eritiwati hepaitsitana, Kakaiyari 'aixia tiuka'iyariti mipai minetiumiki, <sup>16</sup>Kiritsitu Ketsutsi parewiwameya nemayaniki memikahuriyutsixi wahetsiemieme, mawari wewiwame hepai neti'uximayati Kakaiyari niukieya 'aixia manuyine hetsiemieme, miki memikahuriyutsixi mawari memakineki memitanaki'eriwaki, Kakaiyari hetsiemieme memipatsieniki 'Iyari Mitiyupata yatiwapatakaku.

<sup>17</sup>Hikitsiri Kiritsitu Ketsutsi hetsie netiwiyati nekaniyiweni 'aixia nemitinekihiaweniki nehapaitsita, tita Kakaiyari mitiyuriene nexatati.

<sup>18</sup>Nepima tixaiti nemitikuxataniki, tita Kiritsitu mitiyuri yanetiyurienekaku ne miki xeikia nepikuxatani. Yanetiyurienekaku, miki memikahuriyutsixi yametekahuti mekanakine, ne'utaniukakaku meta neti'uximayakaku,

<sup>19</sup>tirikariya nehexeiyakaku 'iniarite mamariwawemeki mitiyiniki, tirikariya nehexeiyakaku Kakaiyari 'Iyarieya hetsia miemeki. Kerutsareme neheyeyaka

'Iririku paiti neheuyeyuneka nekanaye'ani yemeki netikuxatati niuki 'aixia manuyine Kiritsitu hepaitsita, <sup>20</sup>'ipai netinemexiitiati, niuki 'aixia manuyine nemukuxataniki hakewa kemi'ane Kiritsitu mihiki mikahetaxatsiewetsie xeikia, kapa ne xeime tenarieya heima ne'anukiiniki. <sup>21</sup>Matsi mipai kemire'uxa:

«Miki 'atsimemikate'utahiawarie hepaitsitana, miki mekanixeyiakuni, hepaitsitana memika'u'enana mekaneitimaikuni».

<sup>22</sup>'Ayumieme miixa nepukunuitiarie nemikaxe'iwatamiaki.

### Papuru kemireuyeimikikai Xuma paiti

<sup>23</sup>Hikiri 'uwa pumaweri hakewa nemire'uximayaka. Miixa wiyari waikawa nepeuyeimiki nemixe'iwatamiaki <sup>24</sup>kepauka 'Itsipaniya nemimietsie. Ne'uyemieti nepixexeyamiekaku. Xemeta mana xeminetsiparewieniki nemeta'aniki, yapaimexia 'etsiwa xehetsia netemawieritariyeu. <sup>25</sup>Matsi hiki Kerutsareme nepiyemie parewiya newayetuiriienike Kakaiyari teiterimama. <sup>26</sup>Matseruniyatari 'akaiyatari mekaniyuwairiya 'axeikia tixaiti memitewaminiki miki tixaiti memikateheuxeiya Kakaiyari teiterimama Kerutsareme memetitei. <sup>27</sup>Mipai mekatenyuwairiyani, kaneuyewekata mipai memitewarapinirieniki. Memikahuriyutsixi miki wahepai meheixeyati memakiki 'Iyaritsie timieme. Peuyewetse mikitari memiwaparewieniki wawaiyarisie timieme hepaitsita. <sup>28</sup>'Ayumieme 'iki ne'aye'atiame, 'iki wa'imikieri newayetuirieme, nekanayeyeimiki, xehetsia nekanekuyeimiki 'Itsipaniya nemeta'aniki. <sup>29</sup>Xehetsia kepauka nemeta'ani, nepitimate nemunuani nehineti niuki Kiritsitu hepaitsita 'aixia manuyine hetsie timiemeki 'aixia xemi'itarieniki.

<sup>30</sup>Ketsutsi Kiritsitu mitati'aitiwameki, 'Iyari mitatsipitiaki temitetakanaki'eriekaki, mipai nekatnixewawirieka ne'iwama, xeminetsiparewiekaki nenewieri xe'ipitiati Kakaiyari nehetsieme <sup>31</sup>nemitawikweitsitarieniki, Kureya memitama yamemikatekahu 'axamemikanetsiyurieniki, 'aixia 'anemeki memenunakeki Kakaiyari teiterimama, kenemitwaparewieni Kerutsareme hetsie, <sup>32</sup>para xehamatia nemi'uxipiekaki kepauka nenetemawieti nemeta'ani xehetsia, kemitinake Kakaiyari. <sup>33</sup>Miki Kakaiyari mitatsipitia ta'iyarisie temika'uximatariiekaki, miki ke'uyeikani yunaima xehamatia. Mipai xeikia nepaine.

### Kemitiwawairitiakai

**16** <sup>1</sup>Nekanixehekiatiaka ta'iwa 'uka Pewe mititewa, miki tiparewiwame kanihikitini Tsenikireyatsie memiyutixexeiriwa wahetsia.

<sup>2</sup>Xekeneutanaki'eri Ti'aitame hetsie xetewiyati, kemireuyewetse Kakaiyari teiterimama memiyutanaki'erieniki. Xekeneuparewi xika tixaiti reuyehiaka xehetsia. Miki tiparewiwametiti kaniwaparewieka yumiireme, neta kaneniuparewieni.

<sup>3</sup>Xekeniwawairitiaka Piritsira meta 'Akira mame. Nehamatia mepite'uximaya Kiritsitu Ketsutsi hetsie tetewiti. <sup>4</sup>Nemayeniereniki

ne, mekaniukweriwa'itiarieni mekaniukwi'iwatima. Ne nexaitame pamipariyutsi nepikawapitia, matsi yunaiti memiyutixexeiriwa memikahuriyutsixi pamipariyutsi mepiwapitiata nehamatia.

<sup>5</sup> Wakiita memiyutixexeiriwata xekenewawairitiaka.

Xekenewairitiaka 'Epainetu neminaki'erie. Miki meri 'atsiyatari watsata peu'itsanarie Kiritsitu hetsiemieme.

<sup>6</sup> Xekenewairitiaka Mariya, waikawa miti'uximayakai xehetsiemieme.

<sup>7</sup> Xekenewawairitiaka 'Anituruniku meta Kuniyaxi mame, nenuiwari hetsie memimiemete nehamatia memanutaxiriya. Miki 'aixia mepitematiwakai ni'ariekate watsata. Kiritsitu hetsie mepitewiyakai ne hetsiena nekatiwiyawekaku 'akuxi.

<sup>8</sup> Xekenewairitiaka 'Amupiriyatu neminaki'erie Ti'aitame hetsie netiwiyati.

<sup>9</sup> Xekenewawairitiaka 'Uruwanu, tahamatia miti'uximaya Kiritsitu hetsie tetewiyakaku, 'Itsitaki mame neminaki'erie.

<sup>10</sup> Xekenewairitiaka 'Aperexi, waikawa mi'iniatsie Kiritsitu hetsie tiwiyati. Xekeniwawairitiaka 'Aritsitupuru kie miemete.

<sup>11</sup> Xekenewairitiaka Heruriyuni, nenuiwaritsie mimieme.

Xekeniwawairitiaka Narutsitsu kie miemete, keyupaimeti Ti'aitame hetsie memitewiya.

<sup>12</sup> Xekeniwawairitiaka Tiripina meta Tiriputsa, mame Ti'aitame hetsie metewiyati memite'uximaya.

Xekenewairitiaka Peritsira minaki'eriwa, waikawa miti'uximayakai Ti'aitame hetsie tiwiyati.

<sup>13</sup> Xekeniwawairitiaka Xupu, manayexeyarie Ti'aitame hetsie tiwiyati, maamaya mame nemaama hepai minetixeyakai.

<sup>14</sup> Xekeniwawairitiaka 'Atnikiritu, Pirekuni, Herimexi, Patiruwa, Herima meta hipame 'iwamarixi wahamatia memu'uwa.

<sup>15</sup> Xekeniwawairitiaka Pirurukuxi, Kuriya, Nereya meta 'iwaya 'uka, 'Urimipa meta yunaiti Kakaiyari teiterimama wahamatia memu'uwa.

<sup>16</sup> Xekenyuwairitiaka Kakaiyari hetsia kexemitemiemete.

Yunaiti Kiritsitu hetsia miemete naitсарie memiyutixexeiriwa mepixewairitia.

<sup>17</sup> Ne'iwama, mipai nekatnixewawirieka, xekeniwaxeyani miki hixiata memixetsana memixeti'ikamira, miki keyaxemikate'uta'ikitiarie meteyurieti. Xekenyupata miki wahepaitsita. <sup>18</sup> Tati'aitiwame Kiritsitu hetsiemieme mepikate'uximaya miya memi'anene, yuhuriepa mieme pita mepite'uximaya. 'Aixia me'utiyuati peru yaki xeikia, witsimete'uniuti mepitewa'iriwiya miki tita 'axamiti'ane memikateku'eriwa wa'yari. <sup>19</sup> Xeme kexemitekahu mekatenetimaniri yunaiti. 'Ayumieme xehepaitsita nepinetemawie. Mipai pinetinake, xemitemaiwaweniki 'aixia xeteyurieti, xemika'inikaki tita 'axamiti'ane.

<sup>20</sup> Miki Kakaiyari mitatsipitia ta'iyaritsie temika'uximatiariekaki, miki Kauyumarie xe'ikatia kanitaketsimiki kwitiwa.

Tati'aitiwame Ketsutsi 'aixia ketiuka'iyarini xehetsiemieme.

<sup>21</sup> Timuteu, nehamatia miti'uximaya kanixewairitiaka, meta Rutsiyu, Katsuni, Tsutsipateri, nenuiwaritsie memimiemete.

<sup>22</sup> Ne, Teritiyu, 'iki xapa nemaka'utia, nepixewairitia Ti'aitame hetsie netiwiyati.

<sup>23</sup> Kayu kanixewairitiaka, kemi'ane hetsia ne nemi'axe meta yunaiti memiyutixexeiriwa hetsiana.

'Eratsitu meta kanixewairitiaka, kiekatari watumini hiweme, ta'iwa Kwarutumati kanixewairitiaka.

<sup>24</sup> Yunaima xehetsiemieme Tati'aitiwame Ketsutsi Kiritsitu 'aixia ketiuka'iyarini.

<sup>25</sup> Miki kaniyiwani mixetuikaniki, kemaine niuki 'aixia manuyine nemikuxata, xatsika Ketsutsi Kiritsitu hepaitsita kemaine.

Katinikuxaxatsiwani kemaine niuki 'iya mitahekiataxi. Miki niuki miixa kaniuti'awietsiekaitini, <sup>26</sup> hikirixia matsiikiti kanayani. Kakaiyari niukametemama wa'utiarika ya'utainekaku, kemitiuta'aitaxi miki Kakaiyari yuheyemeki 'amuyeika, kaniwarutahekiatiani yunaima nuiwarite para yamemitekahuniki yuri mete'erieti. <sup>27</sup> Miki Kakaiyari muyuxewi mitimaiwe, witsiketikihiawariwani Ketsutsi Kiritsitu hetsiemieme yuheyemeki. Mipai xeikia kani'aneni.

# Mexiakame xapayari kemitwaruni'airi Papuru Kurinitutari

---

## Wairitsika

**1** <sup>1</sup>Ne Papuru, ta'iwa Tsutsitenexi hamatia, tekanixewairitiaka kurinitutari. Kiritsitu Ketsutsi kaneniuta'inieni ni'ariekame nemayaniki, mipai Kakaiyari mitinakekaiki.

<sup>2</sup>Kurinitutari xemeyutixexeiriwa Kakaiyaritsia xemiemetetiti, tekanixewairitiaka. Kiritsitu Ketsutsisie xetewiyati, xekaniupatsieni Kakaiyaritsie mieme. Xekaniuta'inierieni yaxemitepatsieniki, kememite'uta'inierie yunaiti naitarie memehiawe kemi'ane Tati'aitiwame Ketsutsi Kiritsitu mihiki, kemi'ane miki tiwa'aitiwame mihiki tameta tati'aitiwame mihiki.

<sup>3</sup>Kakaiyari mita'ukiyari, Ketsutsi Kiritsitu mitati'aitiwame, 'aixia mekete'u'iyarini xehetsieme, mekexepitiaka xemika'uximatariakaki yu'iyaritsie.

## **Pamipariyutsi kemitipitiakai, 'iyaritsie timieme memitekumikiwakaiki**

<sup>4</sup>Neheyemeki pamipariyutsi nekanipitiaka Kakaiyari xehepaitsita, 'aixia tiuka'iyariti mitixe'umiki Kiritsitu Ketsutsisie xetewiyakaku. <sup>5</sup>Naime katinitimiiriyarimeni xehetsieme, hetsiena xetewiyakaku. Naimeki xekaniywaweni xemitiniuniki, meta naime xekatenimaika, <sup>6</sup>xehetsie kemitutseiriyarie miki niuki mitihekiata Kiritsitu hepaitsita. <sup>7</sup>Ayumieme naime xekatenikumikiwani, tixaiti pikareuyewetse mexi xe'ikwewie Tati'aitiwame Ketsutsi Kiritsitu, matsiikiti mayeitiarienike. <sup>8</sup>Miki xeme kanixetseiriyamiki, tapareyuke, xehetsie mikarahiiwaniki 'iya tukaritsie kepauka munuani Tati'aitiwame Ketsutsi Kiritsitu. <sup>9</sup>Kakaiyari kemaine yakatinikamieni. Miki kanihikitini kemi'ane mixe'uta'ini xemiyutaxewireki nu'aya hamatia Ketsutsi Kiritsitu mitati'aitiwame.

## **Kiritsitu ketitsaniwe**

<sup>10</sup>Perutsi ne'iwama, wairiyarika tsiepire nekanixepitianikeyu, Tati'aitiwame Ketsutsi Kiritsitutsia temiemetetiti 'ipai ne'utaiti, xeniuki yuxewikaku

yaxeikia xeketenuku'eriwani, hixiata xepikayutsanani. Matsi xekenitiarieka yaxeikia xeteyumaiti, yaxeikia xeteku'eriwati. <sup>11</sup> Hipati Kuruhe hetsia miemete mipai mekanetenuhekiatiani xehapaitsita ne'iwama, kename waniu, hipati xeme xeyukwitiwe. <sup>12</sup> 'Ipa nepaine, xeme yuxexuiti 'ipai xeputiyuane: «Ne Papuru hetsie nekatiniwiyani», xewitita: «Netsi 'Apuruxi hetsie pita nekatiniwiyani», xewitita: «Netsi Tsepaxi hetsie pita nekatiniwiyani», xewitita: «Netsi Kiritsitu hetsie pita nekatiniwiyani».

<sup>13</sup> ¿Kamitsi Kiritsitu titsaniwe? ¿Ne Papuru kamitsi xehetsiemieme netiumierie kuruxitsie? ¿Papuru hetsia xemiemetetiti kexete'uka'iwaxi? <sup>14</sup> Pamipariyutsi Kakaiyari nepipitia, xeime tima nemika'uka'iyaxiki xeme, Kiritsipu xeikia, meta Kayu, <sup>15</sup> kapa 'uxa'atini warie xewiti mipai haineniki, kename xeme xe'uka'iyarie nehetsia xemiemetetiti. <sup>16</sup> Metsi nekaniwaruka'iyata 'Esitepanaxi kie kiekatari, miki xeikia, nepikaha'eriwa tawari xika hipame newaruka'iya. <sup>17</sup> Kiritsitu keminereyeni'a, pikanetsiheyeni'a nemiti'iyaneniki xeikia. Niuki 'aixia manuyine nemikuxataniki kaneneyeni'ani pita, peru nemitikuxataniki tewi kemitimaiwe hepai nekati'enierieti yaki xeikia netikuxatati. Mexika mipai netiuniukanike, yaki xeikia katinikuxaxatsiwanikeyu kemitiumierie Kiritsitu kuruxitsie.

### **Tirikariya kemitatipitia, temaiwawemete kemitarayeitia Kiritsitu, Kakaiyari yatipitiakaku**

<sup>18</sup> 'Iki niuki kemitiumierie kuruxitsie manuyine, yaki haineme mekani'erieka miki memeyewexime. Tameri pita temitawikweitsitariexime ketemite'l'enie, miki niuki tirikariya kanihikitini Kakaiyari hetsia mimieme. <sup>19</sup> 'Ipa katine'uka:

«Tita memitemate temaiwawemete, miki nekanika'unamiki,  
tita memite'akumate yiwemete, miki nekanixani'eriekamiki».

<sup>20</sup> ¿Hakewari timaiweme peyeika? ¿Hakewari 'iniariki miti'ikita peyeika? ¿Hakewari niuki xixiatiwamete hiki miemetexi? ¿Kamitsi, tita memitemaiwawe kwiepa memitama, yaki xeikia haineme karayeitia Kakaiyari? <sup>21</sup> Waikawa timaiweti, mipai katiniuta'aita Kakaiyari, kwiepa memitama kememitemaiwawe memiyutatexieniki meheitimanike Kakaiyari. Matsi Kakaiyari kaniyuwairiya niuki mikuxaxatsiwaki miwatawikweitsitaniki miki yuri memite'erie, tsepa miki niuki yaki xeikia haineme memi'erie hipati. <sup>22</sup> Huriyutsixi teiteriyari 'iniarite mekaniwauka, kiriyekutsixi timaiweme niukieya mekanikuwautiweni. <sup>23</sup> Tame Kiritsitu pita tekanikuxatani, kemi'ane kuruxitsie mumierie kemitihiki. Mikiki huriyutsixi mekaniutiketamirixiani, yaki xeikia tikuxaxatsiwame mekani'erieka hipati memikahuriyutsixi. <sup>24</sup> Tame pita temuta'inierie, tsepa huriyutsixi tsepa kiriyekutsixi, mipai tekatenitamaika, Kiritsitu kanihikitini kemi'ane tirikariya mitatsipitia Kakaiyari hetsia miemetiti, kemi'ane temaiwawemete mitatsi'ayeitia Kakaiyari kemitimaiwe. <sup>25</sup> Tsepaneti xika Kakaiyari yaki xeikia hainenike, mikitsiere matsi yemeki katinimaiwenikeyu, teiteri hepaina 'atsimekatemaiwawekaku. Tsepa xika Kakaiyari katirikaiyenike, matsi yemeki kanitirikaiyenikeyu, teiteri hepaina mekatirikawikaku.

<sup>26</sup> Xeketena'eriwani kexe'aneneti xemuta'inierie ne'iwama. Kamitsi, hipati xeikia xeme xekatenimaiwawemetetini, teiteri kememiteku'eriwa. Hipati xeikia xepitirikawi, hipati xeikia mamariwawemete xepiwaniwema, kexemite'uta'inierie. <sup>27</sup> Matsi 'ena kwiepa miemete tita yaki haineme memite'erie kananuyeteixi Kakaiyari, para miwatewiyatsitianiki temaiwawemete. Tita mikatitirikawi 'ena kwiepa kananuyeteixi, miwatewiyatsitianiki miki memitirikawi. <sup>28</sup> Kakaiyari tita tixaiti mikatihiki kananuyeteixi, tita mitixani'eriwa, tita meta 'amikatiuwe, para tixaiti katihikitime xeikia meyeitianiki tita mitixuawe, <sup>29</sup> kapa xewiti tewi mariweme yuxataniki Kakaiyari hixie. <sup>30</sup> Matsi Kakaiyari mixe'unetiaki, 'ayumieme 'axekaniu'uwani, Kiritsitu Ketsutsi hetsie kexemitewiya. Kiritsitu kanihikitini kemi'ane Kakaiyari mikaye, temaiwawemete mitatsi'ayeitianiki, tatsipitiati heitseriemeki yatemitakahuniki, tatsipatati Kakaiyari hetsiememe, tatsixinati. <sup>31</sup> 'Ayumieme mipai kani'aneni kemire'uxa: «Kemi'ane mariweme muyuxatamiki, Ti'aitame kexatani mariwemetime».

### Kemitikuxataki Kiritsitu hepaitisa, kuruxitsie kemitiumierie

**2**<sup>1</sup> Yaxeikia neta ne'iwama, kepauka xehetsia nemunua, waikawa nereutaxataweti nepikayianekai kenemitiuniukakai, kenemitimaiwekai, kepauka nemitixekuxaxatiwakai ne'ihematikati Kakaiyari kemi'ane. <sup>2</sup> 'Ipa nekatininemaikaitini pita, tixaiti nepikara'eriwanikekai xehetsia ne'uyeikati, Ketsutsi Kiritsitu xeikia nekana'eriwanikekaitini, kemi'ane kuruxitsie mumierie kemitihiki. <sup>3</sup> Netsiari nekatirikaiyeti matsi nekaninuani xehetsia, neheumati waikawa, ne'uyiyiakati. <sup>4</sup> Kenemitiuniukakai, tita nemitikuxataki, timaiweme hepai nemiti'enierieniki xeikia nepikayianekai, witsinetiuniuti xeikia yuri nemitixeta'eritianiki nepikayianekai. Matsi nekanixehekiatiakaitini 'Iyari kemi'ane, Kakaiyari kemititirikaiye, <sup>5</sup> kapa heuyewekaki tita teiteri memitemaiwaweki yuri xemite'eriekaki xeme, matsi Kakaiyari tirikariyatsie pita yuri xemite'eriekaki.

### Tita Kakaiyari 'Iyarieya matsiikime mirayeitia

<sup>6</sup> Tetemaiwaweti matsi tekatenikuxatani miki memitsetseiyewatsata. Peru ketemitemaiwawe, hiki miemetexi mipai mepikatemaiwawe. Hiki miemetexi tewa'aitiwameteta mipai mepikatemaiwawe, miki memamariwaweti mepika'akine. <sup>7</sup> Matsi ketemitekuxata tame, tekanihematikani tita miti'awietsiekai, kemitimaiwe Kakaiyari tetekuxatati. Timaiweti kemitiyurienikekai 'arikeke, witsite'aneneme kemitarayeitiani, miki 'ana pikamatsiikikai hikike, tsepa Kakaiyari mipai mitiyumaikai kwie kanetiariewekaku 'akuxi. <sup>8</sup> Hiki miemetexi tewa'aitiwamete hatsuaku nixewiti mipai mepikatehetimaiwawekai. Xika mipai metehetimanike, kuruxitsie mepika'imienikekai Ti'aitame witsimi'ane. <sup>9</sup> Matsi kemire'uxa:  
 «Tita tewi mikatixeyawe yihixiki,  
 mikati'eniewe yunakaki,  
 titaki mikatiyu'iyaritiawe tewi,

miya'aneneme Kakaiyari kaniwarukuha'aritiirieni miki  
meminaki'erie».

<sup>10</sup>Matsi hiki miya'aneneme Kakaiyari matsiikime kanayeitiani, 'Iyari yatatixeitsitiakaku. Miki 'Iyari katinimaika naitarie kemiti'ane, naiti kemitiyumate Kakaiyari. <sup>11</sup>Tewi, ketita tihiki tewitsie mieme yamitimate tewi kemitiyumate. Tewi 'iyarieya hetsiena miyeka kanihikitini tita mipai mitimate. Yaxeikiata tewi 'atsipikatimate Kakaiyari kemitiyumate. Kakaiyari 'Iyarieya xeikia mipai katinimaika. <sup>12</sup>Tame kwiepa mieme 'iyari tepika'utanaki'eri. 'Iyari Kakaiyari hetsia mimieme pita tekaniutanaki'erieni, temitemaikaki tita Kakaiyari mitatiumi. <sup>13</sup>Tita 'Iyaritsie mitimieme tekateniwahekiatsitiiyani miki 'Iyari memexeiya. 'Ayumieme kepauka temikuxata tita Kakaiyari mitatiumi, tepikatekuxata ketemite'u'ikitiarie tewa'enieti miki teiteri wahepai xeikia memitemaiwawe. Yatekatenikuxatani 'Iyari kemitati'ikitia pita.

<sup>14</sup>Tewi miki 'Iyari mika'uyeyetsa pikayuwairiya mitanaki'erieniki tita Kakaiyari 'Iyarieyatsie mitimieme. Yaki xeikia haineme kani'eriekamiki. Pikayiwe yamiretimaniki, metsi 'Iyari 'iparewiekaku xeikia kaniyiwemiki mita'iniatiki kemiti'ane tita 'Iyaritsie mitimieme. <sup>15</sup>Kemi'ane miki 'Iyari mexeiya pita, naime katinita'iniatamiki, peru xewiti 'Iyari mikahexeiya hepaina pika'ita'iniata kemi'ane meixeiya, kemire'uxa:

<sup>16</sup> «¿Kemi'ane pitimate kemitiku'eriwa Ti'aitame,  
kemi'ane pitita'ikitiani?»

Peru tame Kiritsitu hepai tekateniku'eriwani.

### Kakaiyari hamatia ketemite'uximaya

**3** <sup>1</sup>Neri ne'iwama, 'ana nepikayiwekai nemitixekuxaxatiwaniki kenemitiwakuxaxatiwa miki 'Iyari memexeiya. Miki wai xeikia memihiki, tiiri Kiritsitu hetsie memitewiya kenemitiwakuxaxatiwa, mipai pita nekatnixekuxaxatiwakaitini xeme. <sup>2</sup>Retsi nekanixe'itiakaitini, 'ikwai nepikaxe'umi, xemika'ikemakaiki. Peru hiki 'akuxi xepika'ikema, <sup>3</sup>waitsie xemitewiyaki 'akuxi. Mexi xeyumexiitia hipame wahepaitsita, mexi xeyukwitiwe 'akuxi. ¿Kamitsi waitsie xekatewiya xeikia, teiteri wahepai xekateyia? <sup>4</sup>Xewiti kepauka mipai maine: «Netsi Papuru hetsie nekatiniwiyani», xewitita: «Netsi 'Apuruxi hetsie nekatiniwiyani», ¿tami teiteri xeikia xekatehiki?

<sup>5</sup>Merikite, ¿'Apuruxi ketita tihiki? ¿Ne Papuru ketita netihiki? Kakaiyari parewiwametemama tekanihikitini, takimana yuri xekateniuta'erieni. Ti'aitame kemitatiumi taxexuime, <sup>6</sup>ne nekaniuka'eni, 'Apuruxi kani'ipanekaitini. Peru Kakaiyari kanihikitini mitinetia. <sup>7</sup>'Ayumieme 'etsame tixaiti pikatihiki, 'ipawame tixaiti pikatihiki. Mitinetia xeikia tixaiti katinihikitini Kakaiyarititi. <sup>8</sup>'Etsame meta 'ipawame hamatia mekaneuyuyehiaka. Yuxexuiti yu'iwarikatsie mekateni'iwakakuni kememitekumaiwakaiki. <sup>9</sup>Kakaiyari hetsia tekateni'uximayaka. Xemeri waxa Kakaiyari hetsia mieme xekanihikitini, meta kii Kakaiyari miwewiene xekanihikitini.

<sup>10</sup>Kakaiyari 'aixia tiuka'iyariti keminetiumi, mipai nepititawewi tenari kiitia mieme, kii wewiwamete tiwa'aitiwame mitimaiwe hepai neyianeti. Xewiti kii pitawewieni heimana. Yuxexuiti mekeyukweriwayurieka



kememite'iwewiwa. <sup>11</sup>Tenari kiitia mimieme 'apukuma yuxewiti. Xewitiri pikayiwe tawari mitawewieni xeime. Ketsutsi Kiritsitu kanihikitini tenari 'amukuma. <sup>12</sup>Huruki, pirataki, tetexi witsimi'aneneki xika 'utakini heimana, yatini kiyexiki, 'ixaki, miaxaki, <sup>13</sup>yuxexuiti wawewiya kanihekiakamiki. Tukari 'aye'ayu hekiati kanayeimiki, tukari matsiikiti kemirayani tai xuawekaku. Tai kanita'iniatamiki yuxexuime wawewiya, 'aixia kemiti'anene. <sup>14</sup>Tita mitiutawewi xika yuhayewa, 'iwewiwame katinipitiariemiki. <sup>15</sup>Mexika 'utitani, 'iwewiwame katinitatimayamiki. 'Iwewiwame xeikia kanitawikweimiki, peru kemi'ane taipa mutawikweni hepai.

<sup>16</sup>¿Kamitsi xeme mipai xekatemate, Kakaiyari tukieya xemihikiki hakewa Kakaiyari 'Iyarieya meyeka? <sup>17</sup>Tewi xika 'ika'una Kakaiyari tukieya, Kakaiyari mikita kanika'unamiki. Kakaiyari tukieya kanipatsieka hetsiena mieme. Xemeri xepihiki tuki.

<sup>18</sup>Xepikateyu'iriwiyani. Xika xewiti xeme timaiweme yu'erieka, temaiwawemete kememiteyu'erie hiki miemetexi, 'atsikatimaiti pita ke'ayani, yuri timaiweti mayaniki. <sup>19</sup>Kwiepa memitama kememitemaiwawe, Kakaiyari hixie memika'u'iyarini hepai mekani'aneneni. Mipai katine'uka: «Memitemaiwawe Kakaiyari yakatiniwakupitiwani kememiteku'eriwakaitsie memuyukaxirieniki». <sup>20</sup>Tawarita mipai katine'uka: «Ti'aitame, memitemaiwawe kememiteyikihawe kaniwamaika, mipai katinimaika kename tixaiti mekatehiki». <sup>21</sup>'Ayumieme 'aixia pika'ane memamariwaweme miwaxataniki teiteri. Matsi naiti xehetsia katinimiemetini. <sup>22</sup>Tsepa Papuru, tsepa 'Apuruxi, tsepa Tsepaxi, tsepa kwie, tsepa xemayeneniere, tsepa xemukwi, tsepa hiki mieme xemitehexeiya, tsepa 'uxa'atini warie mieme xemitehexeiya, naiti xehetsia katinimiemetini. <sup>23</sup>Xemeta Kiritsitu hetsia xekanimiemetetini, Kiritsitu meta Kakaiyari hetsia kanimiemetini.

### Ni'ariekate kememitehiritiariekai

**4** <sup>1</sup>Ipaita tekete'eriwani tame, Kiritsitu te'uximayatsiriwamete ketemitehiki, ketemite'uhiritiarie temihekiataniki tita miti'awietsiekai Kakaiyari hepaitisa. <sup>2</sup>Kamitsi kemi'ane 'ena mitiuhiritiarie, kaneyeweka yamitikamieniki. <sup>3</sup>Peru xika xeme xenetsixanetanike 'itsikate wahepai, xika 'itsikate memiteiteri xeikia menetsiku'iwawiyanike, matsi nepikane'iyaritiakakeyu mikiki. Ninekimana nepikayiwe nemiyuku'iwawiyaniki. <sup>4</sup>Ne mipai nepitiku'eriwa nehetsie pikarahiwa, mikiki xeikia heitserie nepikapitiarie. Ti'aitame pita kanihikitini kemi'ane 'itsikametiti minetsiku'iwawiyani. <sup>5</sup>'Ayumieme xepika'i'iniatani tukariyari ka'aye'awekaku 'akuxi, Ti'aitame 'akuxi kanuawekaku. Miki katinihekiatamiki tita mitiuti'awietsie yiwipa. Matsiikime kaneyeitiamiki kememiteyurieki teiteri yu'iyaritsie. 'Anakeri yuxexuiti 'aixia mekatenikihawariwakuni, Kakaiyari yatiwayetuiriakaku ketita mitiwahetsiemietikai.

<sup>6</sup>Yanemitixehekiatianiki ne'iwama, 'ayumieme nekaninexatakaitini, 'Apuruxi nekanixatakaitinina, para xetatsiha'eriwati xemeitimaniki 'iki 'iniari, kemire'uxa: «pika'anuyehaitiriwani, manuyine». Kapa xewiti 'uyuta'ireki, xeimeki naki'ati, xeime pita xani'eriet. <sup>7</sup>¿Kamitsi kepaiki pe'anuyehaitiriweme

pitatsi'ayeitia? ¿Tita perexeiya pekatimikieweti? Merikite, xika petiumikieni, ¿ketitayariri pemariweme peti'axata, pekatikumikiwame pe'axatati?

<sup>8</sup>Xemeri xiari xeputihuxai, naime xetehexeyati xepaki. Xekanaye'axiani te'aitamete xemakineki, tame xetatsitawe'erieti. Xika yuriki te'aitamete xe'akineke tima, tametari xehamatia tete'aitati temakineki. <sup>9</sup>Ipai nekatiniku'eriwani, Kakaiyari pitatsi'ukayatsaxi tame ni'ariekate, 'imatiremete temihikitiniki, miki memanutaxiriya mekwi'iwake wahepai temi'aneneniki. Tetaxeyarieti tekanakine kwiepa memitama wahixie, Kakaiyari niuki tuayametemama meta teiteri wahixie. <sup>10</sup>Tame 'atsitemikatemate tekani'eriwani Kiritsitu hetsiemieme, matsi xeme pita xekatenimaiwaweni Kiritsitutsie xetewiyati. Tameri tepikaturikawi, matsi xeme xekanitirikawini. 'Aixia xekatenikuxaxatsiwani xeme, tame pita tekanixani'eriwani. <sup>11</sup>Hikike tekaneuhakakwikuni, tekaneuharikuni, takemarite tepiteheuyehiwa, tekaniutiweiyani, tepikaheixeya hakewa temekuyaxe. <sup>12</sup>Tekatenita'uxitiaka tamamaki tete'uximayati. 'Axatetekihawariwati, 'aixia teputiyuane wahepaitsita. Te'uweiyarieti tepite'ukanenewie. <sup>13</sup>'Axame'utiyanekaku tahepaitsita, tepiwaniatia. Xatsi kwiepa mieme hepai tekani'aneneni, naime temixikiyari hepai tekani'aneneni hikike.

<sup>14</sup>Iki nepikatixe'utiirie nemixetewiyatsitianiki, matsi nepixenitiamiki neniwema xemihikiki nemixenaki'erieki. <sup>15</sup>Tsepa tamamata miriyari xemiwarexeiyanike texe'ikitiwamete Kiritsitutsie xetewiyakaku, yumiireme xepikawarexeiya yupaapama. Kiritsitu Ketsutsi hetsie netiwiyati, niuki 'aixia manuyine nekuxatati, nekanixe'utinuiwitiani. <sup>16</sup>'Ayumieme wairiyarika nekanixepitiaka, xenetsi'iketi xemakineki. <sup>17</sup>Mipai xemitekahuniki, 'ayumieme xehetsia nepeitani'a Timuteu. Mikita kanineniwetini, nekaninaki'erieka, yakatinikamieni Ti'aitame hetsie tiwiyati. Miki kanixe'aye'eritiamiki kenemitiuyeika Kiritsitu Ketsutsi hetsie netiwiyati, yaxeikia kenemiti'ikita naitarie memeyutixexeiriwa wahetsia.

<sup>18</sup>Hipati waniu mekanuyuti'ireni, xehetsia nekamieme me'erieti. <sup>19</sup>Neri kwitiwa nekanimieni xehetsia, xika mipai tinakeni Ti'aitame. 'Anari nepiretimani miki kememitekuxata, meta kememitetirikawi miki memuyuti'ire. <sup>20</sup>Kakaiyari ti'aitametikaku, pikaheuyewetse waikawa xeikia mitikuxataniki. Miki ti'aitametikaku, tirikariya puxuawe pita. <sup>21</sup>¿Ketixenake? ¿Xehetsia netita'ani nexetawayati? ¿Nepeta'ani nutsu nexenaki'erieti neka'ayu'eriyati?

### Kemitiuta'iniatsie xewiti mirukuyanekai

**5** <sup>1</sup>Mipai katinikuniuwani, kename xeniu, xewiti xeme 'ikumaiwa kemi'ane mikayi'iya. Kememikateyurie nuiwarite, yakatiniyurieneni miki 'ikumaiwati. Yupaapa 'iyaya xeniu kaniutiwitini. <sup>2</sup>Kari xeme xepuyuti'ire. Kaneuyeweka matsi xemutitsuananiki, yutsata xemenuyen'aniki miyamitiyuriene. <sup>3</sup>Netsi tsepa newaiyaritsie 'ateewa nemuyeika, ne'iyariki xehetsia nemuyeikani hepai nekatininemaika, 'ariri nepitaxanetaxi xehetsia nemuyeikani hepai, kemi'ane miyamitiyuri. <sup>4</sup>Ipai xeketeneuyuri Ti'aitame Ketsutsi xehahiaweti. Xekeneuyukuxeiri, neta xehamatia ne'uyeikakaku

ne'iyariki yakititi. Tati'aitiwame Ketsutsi xetirikariyakaku, <sup>5</sup>xekeneyetua kemi'ane miyami'ane, Kauyumarie mika'unaki waiyarieya, 'iyarieya pita mitawikweitsitarieniki 'iya tukaritsie kepauka munuani Ti'aitame.

<sup>6</sup>Xemamariwaweme kexemiteyuxata, miki 'aixia pika'ane. ¿Mipai xekatemate, 'etsipemeki paa naiti kaniutakuxaniriyarieni tikuxanariyameki? <sup>7</sup>Xekeneuyu'iti tikuxanariyame miye'i mumaweniki, tixi mihekwa xemakineki, paa mikakuxanariyarietika, hiki kexemi'anene. Kariki Kiritsitu, muxa patsikwa mawariyari 'ari kaniumierieni tahetsiememe. <sup>8</sup>'Ayumieme tame temi'ixiaramete yakititi, ye'imeki kuxaxanimeki tepikayiaka, 'axa'aneneme tehexeyati 'axateteyurieti. Matsi paa kakuxaxaniti kemitikwaiwa 'ixiararipa, tameta 'aixia teketehekiatsieka, yuri teke'utiyuaneni.

<sup>9</sup>Mipai nekatnixe'u'utiirieni xeime xapatsie, xemikawanikaki rukutsixi ne'utaiti. <sup>10</sup>Netsi nepikawaxatakai 'ena kwiepa memirukutsixi, miki naime memitehiwe'erie yuhetsiememe, memiteyukwamana tuminiki, miki meta tetexi memiwarayexeiya. Miki yemeki xika xekawanikake, kaneuyewekakeyu matsi kwiepa xemikayuhayewaki, xemanuyekineki pita. <sup>11</sup>Peru hiki 'ipai nekanaineni, kenemitixe'u'utiiri 'ana, ta'iwa yuxatati xika rukuyaneni, xika naime tihwe'erieka yuhetsiememe, xika tetexi warayexeiyani, xika 'axa'utaineni hipame wahepaitsita, xika taweneni, xika tinawayani, mipai nepaine, mipai 'aneme xepikanika, nihamatiana xepikatekwaka.

<sup>12</sup>Ne nemiwataxaneta nepikayiwe yuri memikate'erie. Xeme xekanihikitini xemiwataxaneta muwa memuyutixexeiriwa. <sup>13</sup>Kakaiyari pita mi'itsikameki miwaku'iwawiyaki yuri memikate'erie. «Yutsata xekenanuyeni'a xeme kemi'ane 'axamityuriene».

### Kememiteyuxanetakai 'itsikate yuri memikate'erie wahixie

**6** <sup>1</sup>Xewiti xeme xika 'ixanetamikini yu'iwatime, ¿kari pika'ukama menuhanaki 'itsikate yuri memikate'erie wahixie, Kakaiyari teiterimama wahixie pita kayuwairiyati? <sup>2</sup>Mipai xekatemate, Kakaiyari teiterimama 'itsikate tekanakinikuni kwiepa memitama temiwataxanetaki. Xikatsi xeme xehikitini xemiwataxaneta kwiepa memitama, ¿titayari xekateyiwawe xemitexanetaniki 'etsitipeme hepaitsita? <sup>3</sup>Mipai xekatemate, tame tepiwataxaneta Kakaiyari niuki tuayametemama. Piini hepaitsita titayari xekateyiwawe matsi yemeki. <sup>4</sup>Mexikari piini hepaitsita xeyuxanetani, ¿ketitayari 'aixia xeteyuriku 'itsikate yuri memikate'erie wahetsia tixaiti memikatehiki memiyutixexeiriwa watsata? <sup>5</sup>Nexetewiyatsitianike 'ipai nekatinkuxatani. ¿Nixewiti 'akatiuyeika xetsata waikawa timaiweti, yiweti miwaxanetaniki 'iwamama kememiteyuxaneta? <sup>6</sup>Matsitsi yu'iwamati xepiyuxaneta, miyaxeteyurieti miki yuri memikate'erie wahixie.

<sup>7</sup>Matsiri mexi xeyuxaneta, yemeki xehetsie waikawa pirahiwa. ¿Titayari matsi xekatewapitiaka hipame, 'axamemixeyurieniki? ¿Titayari matsi xekateyutaunie xemitenawaiyariereniki? <sup>8</sup>Peru xeme pita 'axaxekaniyuyurieni. Xekaniyunawatiweni yu'iwamati.

<sup>9</sup>Mipai xekatemate, miki 'axamemiteyurie wahetsie pikatinakeni memaye'axianiki Kakaiyari tiwa'aitiwame mayaniki. Xepikateyu'iriwiyaniri.

Xika 'ikumaiwani kemi'ane mikayi'iya mikayikina, tetexi xika warayexeyani, xika 'ikumaiwani xeime 'iyaya, kinaya, xika 'ukititi 'ukari wahepai yianeni, 'ukititi xika 'ikumaiwani xeime 'uki, <sup>10</sup>xika tinawayani, xika naima tihiwe'erieka yuhetsiemieme, xika taweneniri, xika 'axa'utaineni hipame wahepaitsita, xika tiyukwamanani tuminiki, hetsiena pikatinakeni maye'aniki, Kakaiyari ti'aitiwame mayaniki. <sup>11</sup>Mipai xe'aneneti xekanihikitikaitini hipati xeme. Perutsi hikirixia xekaniu'itiyani matsi. Xekaniupatsieni Kakaiyaritsie mieme. Heitserie xekaniupitarieni, Ti'aitame Ketsutsi Kiritsitu hetsia xemiemetetiti, takakaiyari 'iyarieyatsie xetewiyati.

### **Yuwaiyaritsie xe'u'uwati, Kakaiyari witsitikuxaxatsiwame xekenayeitia**

<sup>12</sup>Heitserie nekanexeyani naima nemitiyurieneniki, kepemaine. Xatsuniki, peru naima netiyurieneti nepikaparewiyani. Kepemaine, heitserie nepexeyia naima nemitiyurieneniki, peru nepikanewairiya tixaiti heitserie mexeyaniki nehepaitsita. <sup>13</sup>'Ikwai rayuriepa kani'ayumiemetini, rayuriepa 'ikwaitsie kani'ayumiemetinita, kepemaine. Huu, peru Kakaiyari 'uxa'atini warie kanitaxitiamiki rayuriepa 'ikwaimame. Peru rawaiyari para mikumaiwaniki kemi'ane mikayi'iya, mikayikina, mikiki pika'ayumieme. Ti'aitametsie mieme pita katin'ayumiemetini, Ti'aitame tawaiyaritsie mieme kani'ayumiemetinita. <sup>14</sup>Kakaiyari kanenukuketiani Ti'aitame. Katananuku'uitiamiki tameta yitirikariyaki. <sup>15</sup>¿Mipai xekatemate, xewaiyari Kiritsitu waiyarieya hetsie kaniumiemetini? ¿Merikite, tita Kiritsitu waiyarieyatsie mitimieme, ne kenetinawairieni Kiritsitu, para 'uka tuminiki muyuwitini tipiinieya mirayaniki? Pikayiwe yemeki. <sup>16</sup>¿Mipai xekatemate, kemi'ane 'uka tuminiki muyuwitiniatsie mitiwiya, yuhamatia xeiwaiyari mekanakikani meyuxewiti? Kemaine 'utiariyari: «Yuhutati xeiwaiyari mekanakinikuni meyuxewiti». <sup>17</sup>Matsi kemi'ane Ti'aitametsie mitiwiya, yuhamatia xei'yariyari mekanakikani meyuxewiti.

<sup>18</sup>Xekeneyuta'una kapa xe'imayianiki kemi'ane mikayi'iya mikayikina. Naima 'axakemitiyuriene tewi, pikayutsewixima yuwaiyaritsie, peraine. Pikatixai, matsi kemi'ane mikumaiwa kemi'ane mikayi'iya, mikayikina, miki piyutsewixima yuwaiyaritsie. <sup>19</sup>¿Mipai xekatemate, xewaiyari tuki mihikiki 'Iyari Mitiyupata hetsiemieme, xehetsie miyekaki? Kakaiyari kanixepitiaka miki 'Iyari. Xeme yikimana xepikayukutsiyarima. <sup>20</sup>Xewiti pita 'uyutuaku xepunanaiya. 'Ayumieme yuwaiyaritsie witsitikuxaxatsiwame Kakaiyari xekenayeitia, meta yu'iyaritsie, Kakaiyari mukutsiyarieyaki.

### **Miki memineneike memiwikie wahepaitsita**

**7** <sup>1</sup>Nepitixetaxatianikeyu yuxapatsie kexeminete'uta'iwawiyaxi: «Aixia kani'aneni xika 'uki 'uka kakumaiwani». <sup>2</sup>Peru rukutsixi memiyumiireki, 'ukitsi yuxexuiti yi'itama mekewarexeyani, 'ukarita yuxexuiti yikinama mekewarexeyani. <sup>3</sup>'Uki ke'ipitiaka yi'iya kemireuyewetse, yaxeikiata 'uka ke'ipitiaka yikina. <sup>4</sup>'Uka heitserie pikahexeyia yuwaiyari hepaitsita, kinaya pita heitserie kanexeyani. Yaxeikiata 'uki heitserie pikahexeyia yuwaiyari hepaitsita, 'iyaya pita

heitserie kanexeyani. <sup>5</sup>Xepikatekuhayekawani xeyukumaiwati, xeyu'enieti xekeneiyaka 'etsiwa xika yaxeteheuterikuni, xemuyunenewiekaki xemi'ayumiemetetiniki, miixa xepikayurika tawari xeyuxewiti xe'akineke, kapa Kauyumarie xe'uta'iniataki, xekayiwawekaku xemiyukumaiwaniki.

<sup>6</sup>Ipai nepaine xemitemaikaki kexemite'upitiarie. Netixe'aitiati nepikahaine.

<sup>7</sup>Mipai pinetinakenikeyu, xika yunaiti teiteri nehapai me'anenenike. Matsitsi Kakaiyari 'aixia tiuka'iyariti yiki katiniwapitiaka yuxexuime, xeime 'ipai, xeimeta mipai.

<sup>8</sup>Ipai nekatiniwarutahiawe miki memikaneneike memikawikie, meta wiuratsixi. 'Aixia kaniyimiki xika nehapai me'aneneti meyhayewa. <sup>9</sup>Mexika mipai mekayiwaweni, meke'utineneike meke'utiwikieni. Matsi 'aixia kani'aneni mitineikeki, mitiwikiyeniki, kapa 'utatani.

<sup>10</sup>Peru miki memineneike memiwikie, mipai nekatiniwa'aitiaka, matsi ne pikatixai, Ti'aitame pita mipai katiniwaruta'aitiani, 'uka yikina pikaku'eirieni.

<sup>11</sup>Mexika 'iku'eirieni, kaneuyeweka kawikieti miyuhayewaki, yatini kaneuyeweka hutarika munuaniki yikina hetsia. 'Ukita yi'ya pikaku'eirieni.

<sup>12</sup>Hipameri mipai nekatiniwarutahiawe, Ti'aitame 'atsimika'utayiki 'iki hepatsita, xewiti ta'iwatiti yi'ya xika 'awitikini yuri kati'eriekame, xika 'iyaya yuwairiyani hamatiana mukaniki, miki pika'iku'eirieni yi'ya. <sup>13</sup>Uka meta yikina xika hexeyani yuri kati'eriekame, xika kinaya yuwairiyani hamatiana mukaniki, miki pika'iku'eirieni yikina. <sup>14</sup>Uki yuri mikati'erie kanipatsieka yi'iyatsie tiwiyati. 'Uka yuri mikati'erieta kanipatsieka yikinatsie tiwiyati. Metsi xika mipai ka'anenike, xeniwema mepika'itiatikanikeyu, peru mipai mi'aneki, mekanipatsieka Kakaiyaritsie miemeki.

<sup>15</sup>Peru kemi'ane yuri mikati'erie xika 'i'irimikini yuri ti'eriekame, ke'iku'eirieni. Pikaheuyewetse yuri miti'erie 'ukititi 'ukatiti hetsiena tiwiyati miyuhayewaki xika mipai 'aneni. Kakaiyari kemitatiuta'ini, kataniuta'inieni hetsiena temitewiyani teka'uximatiarieti ta'iyaritsie.

<sup>16</sup>Uka ¿keripetimate, xika pe'itawikweitsitiani 'akina. 'Ukita kepetimate xika pe'itawikweitsitiani 'aiya?

<sup>17</sup>Miki xeikiari, Ti'aitame kemitwarupitia yuxexuime, keme'aneneti 'amemu'uwakai yuxexuiti kepauka Kakaiyari miwaruta'initsie, mipai me'aneneti meke'u'uwani. 'Ipai nekatiniwa'aitiaka yunaiti memeyutixexeiriwa naitarie. <sup>18</sup>¿Huriyutsixi waxitekiya 'iniariyariki 'iniatsieti xika 'uta'inierieni, pikaheyeti'wani wa'iniari? Ka'iniatsieti waxitekiyaki xika 'uta'inierieni, pikayu'aitani mi'iniaritarieniki. <sup>19</sup>Tsepa mu'iniatsie, tsepa mika'u'iniatsie, xika yatikamieni kemit'aita Kakaiyari, miki xeikia kaneuyeweka. <sup>20</sup>Yuxexuiti keme'aneneti memuta'inierie, mipai meteyurieti mekeyuhayewa. <sup>21</sup>¿Wairiyarika peti'uximayakai kepauka pemuta'inierietsie? Tsepatsi pepika'a'iyaritiaka mikiki. Mexika peyiweni pemixineki, 'aixia kaniyimiki matsi. <sup>22</sup>Kemi'ane muta'inierie Ti'aitametsie mitiwiyaniki, wairiyarika ti'uximayatame hikititi, xinariekame kanayani Ti'aitame hetsiememe. Mipaita yaxeikia, kemi'ane muta'inierie xiniti, miki Kiritsitu hetsiememe katini'uximayatametini. <sup>23</sup>Xewiti 'uyutuaku xepunanaiya. Teiteri wahetsiememe te'uximayatamete xepikahayueiti'wani. <sup>24</sup>Yuxexuiti

keme'aneneti memuta'inierie, mipai meteyurieti mekeyuhayewa Kakaiyari hetsie metewiyati. Mipai nepaine ne'iwama.

<sup>25</sup>Miki 'iimarixi wahepaitsita tixaiti nepikarexeiya Ti'aitame yatiu'aitaku. Peru kenemitiku'eriwa nekatnixetaxatiamiki mipai netimaiti, Ti'aitame kaneninenimayaka neniuki 'aixia m'aneniki. <sup>26</sup>'Ayumieme 'ipai 'aixia 'aneme nekani'erieka hiki temu'uximatiarieki, 'aixia kani'aneni xika tewi yuhayewa kemi'ane. <sup>27</sup>¿Petineike 'aku? Merikite, pepikatuwauneneni pemi'axinaki. ¿Pekatineike 'aku? 'Uka pepikakuwauneneni. <sup>28</sup>Mexika pe'utineike, 'aixia kani'aneni, 'axapetiuyurieme pepika'a'erieka. 'imari xika 'utiwikieni, 'aixia kani'aneni, 'axatiuyurieme pikayu'erieka. Matsi miki, memutineneikixi memutiwiki mekani'uximatiariekuni mexi yuwaiyaritsie me'u'uwa. Ne matsi nepinaki'akakeyu xika xeka'uximatiariekake.

<sup>29</sup>'Ipai nepaine ne'iwama, tukari kanaye'aximeniri. Mexikuxi, miki memiwarawitiki yi'itama, yaxeikia miki memikawarawitiki wahepai meke'aneneni, <sup>30</sup>mikita memutitsuana miki memika'utitsuana wahepai meke'aneneni, mikita memuyutemamawie miki memikayutemamawie wahepai meke'aneneni, miki memitenanetiwe, miki memika'atiiyariewawe wahepai meke'aneneni, <sup>31</sup>miki 'ena kwiepa timieme memite'ayexeiya, yaxeikia miki memikate'ayexeiyani wahepai meke'aneneni. 'Iki kwie kemi'ane 'epikareutere.

<sup>32</sup>Pinetsinake xemikayu'iyaritiakaki waikawa xeteha'eriwati. Kemi'ane mikareka'iya, Ti'aitametsie timiemeki kaniyu'iyaritiaka, kemitinaki'atsitianiki Ti'aitame. <sup>33</sup>Kemi'ane mireka'iya kwiepa timiemeki kaniyu'iyaritiaka, kemitinaki'atsitianiki yi'iya. <sup>34</sup>Hutameki mipai katinimaika. 'Uka 'imari meta kaniyu'iyaritiaka Ti'aitame hetsie timiemeki, hetsiena mieme mipatsieniki yuwaiyaritsie yu'iyaritsieta. Kemi'ane mirekakina kaniyu'iyaritiaka kwiepa timiemeki, kemitinaki'atsitianiki yikina. <sup>35</sup>'Ipai nekatinkuxatani xemiparewiyani. Nexeha'imaiyati nepika'utaine. 'Aixia 'anemeku xemimatsiikiniki kemireuyewetse neputaine, Ti'aitame hetsiemieme xemiyumiemetetini.

<sup>36</sup>Mexika yutuxeri<sup>a</sup> 'iimaritime hexeiyani, 'aixia kemikati'aneke 'iyurieneme xika yu'erieka, xika 'ayumaikari, xika yuwairiyani mitineikeki, kemitinake yaketiuyurieni. 'Aixia kaniyimiki, 'axamete'uyurieme mepikayu'erieka. <sup>37</sup>Peru kemi'ane mikaheneikimiki 'imari hamatia, xika yu'iyaritsie mipai tiyumaika miyi'iwiyani, 'aixia katiniyuriemiki. <sup>38</sup>'Ayumieme kemi'ane mitiwiti 'imari yutuxeri, miki 'aixia katiniyuriemiki, kemi'ane mika'itiwiti matsi waikawa 'aixia katiniyuriemiki.

<sup>39</sup>Kaneuyeweka 'uka yikinatsie mitiwiyani mexi 'ayeniere 'uki. Xika kinaya 'umini, kanixinariemiki. Kaniyiwemiki mitiwikieniki kemitinake, peru Ti'aitame hetsie tiwiyati xeikia kanitiwitimiki. <sup>40</sup>Ne kenemitiku'eriwa, kaniyutemawiekamiki matsi xika mipai 'aneti yuhayewa. Mipaita nekatniku'eriwani, neta Kakaiyari 'Iyarieya nepexeiya.

<sup>a</sup>7:36-38 Yatini naiti 'iki miraka'utiarie paapaya hetsiemieme miraxaxatani piyiwe niweya mikatiwikieniki.

### Tita tetexi memitemawiyarie hepaitisita

8<sup>1</sup> Tita kakaiyarixi memitemawiyarie hepaitisita nekatnixetaxatiankeyu. Mipai tekatenimaika, kename tanaiti tetemate ketemiteku'eriwa. Peru yatetemaiti ketemiteku'eriwa, mikiki tekateniyukatawe'erieka xeikia. Tetetakanaki'erieti pita tekanitseiriyariekuni matsi. <sup>2</sup>Tixaiti timaiweme xika yu'erieka, 'akuxi 'atsipikatimaiwe kemireuyewetse yamitimaikaki. <sup>3</sup>Matsi xika Kakaiyari naki'erieka, Kakaiyari kanimatemkamiki miyami'ane.

<sup>4</sup>Merikite, 'ikwai hepaitisita kakaiyarixi kememitemawiyarie, mipai tepitemate, tete pikaxuawe kwiepa yuri mikakaiyari, xewiti pikaxuawe kakaiyarititi. Kakaiyari yuxewiti 'akaniuweni xeikia. <sup>5</sup>Peru tsepa 'amemu'uwa miki kakaiyarixi memite'uteriwariwa taheima meta kwiepa (kakaiyarixi kememiteyumiire, te'aitamete kememiteyumiire), <sup>6</sup>matsi tame ketemitemate, Kakaiyari kaniyuxewini ta'ukiyarititi. Naiti hetsiena katinayeneikani, tame hetsiena mieme tekani'ayumiemetetini. Ti'aitameta kaniyuxewini Ketsutsi Kiritsitu hikititi. Naiti katiniunetiarieni miki 'inetiaku, tameta tekanayeneniereni miki tatsi'unetiaku.

<sup>7</sup>Peru yunaiti 'ipai mepikatemate. Hipati 'akuxi mepikawaratimayawawe, kakaiyarixi 'akuxi mepiwarayexeiya. Miki kepauka memikwa'a tete mawarieya, miki kakaiyarixi mekana'eriwani. Mipai meteku'eriwati mekaniyutsewiximaka yu'iyaritsie, memikatsetseyeki kememiteyumate.

<sup>8</sup>Merikite, ta'ikwai pikatatsi'aye'atiani Kakaiyari hetsia. Tsepa temika'ikwa'a, yaxeikia tixaiti tepikateheuyehiwa. Meta tsepa temikwa'a, mikiki tepikaparewiya.

<sup>9</sup>Xekeneyukweriwayurieka, kapa xewarutiketamiraki miki memikatsetseye, xetekwati heitserie kexemitehexeiya. <sup>10</sup>Eki mipai pemitimate, xika xewiti katseyeti metsixeyani mana petikwakame xeime kakaiyari tukieyatsie, ¿miki kemiteyumate katiyutawairiyawe mitikwaniki tita memitemawiyarie kakaiyarixi? <sup>11</sup>Hiki miki ta'iwa mikatseye Kiritsitu hetsiena mieme mumi, kanitatimaiyariemiki 'eki mipai pemitimateki. <sup>12</sup>Mipai 'axaxewayurieti yu'iwama, xewatawayati miki kememiteyumateki, 'axaxekaniyurieka Kiritsitu. <sup>13</sup>'Ayumieme xika 'ikwaiki 'utiketamire ne'iwa, nepika'itikwani wai neheyemeki, kapa ne'itiketamiraki ne'iwa.

### Ni'ariekametiti heitserie kemirexeiyakai

9<sup>1</sup> ¿Kamitsi nekatixini? ¿Nekatini'ariekame? ¿Ketsutsi nekatiuxei Tati'aitiwame? ¿Xeme xekatehiki tita mitiutixuawerixi netikumaiwakaku ne, Ti'aitame hetsie netiwiyati? <sup>2</sup>Tsepa hipati ni'ariekame memikanets'erie, xeme xekanimateni ni'ariekame kenemitihiki. Ne'iniari xekanihikitini, xekimana kanimatsiikini ni'ariekame kenemitihiki Ti'aitametsie netiwiyati.

<sup>3</sup>Ipai nepaine ne'utaniuti nehetsiememe, newaku'eiyati miki meminetsixaneta: <sup>4</sup>¿Kamitsi, heitserie tekatehexeiya temitemikieniki para temitekwaniki meta temite'ieniki? <sup>5</sup>¿Heitserie tekatehexeiya ta'itama temiwarawitikiniki tahamatia, 'iwamarixi mehikitime, kememiteyurie hipati ni'ariekate, Ti'aitame 'iwamama kememitewarawitiki, meta Tsepxi

kemitiyuriene? <sup>6</sup> ¿Ne xeikia meta Werunawe xiari mipai tepikatepitiarie, temitehayewaki tete'iwati?

<sup>7</sup>Kamitsi, ¿kepaiki kuya payani yuxaitame tiyupitiati? ¿Kepaiki haraweri 'uka'iteitame 'ikwaxiyari pikatikwani? ¿Kepaiki wa'iwiyati muxatsi, waretsiyari pika'anu'ieni? <sup>8</sup>Tewi hepai xeikia nepitikuxata, 'ipai ne'utaiti. ¿'Iniari niukiyari yaxeikia karaine? <sup>9</sup>Kariki mipai katine'uka Muitsexi 'iniari niukiyaritsie: «Tuuru kwietsaname xepikatsurihiaka kepauka tiriku mu'utspiene». ¿Tuurutsixi wahiti xeikia tikuxata Kakaiyari, <sup>10</sup>matsi tahetsiemieme katikuxata? Tahetsiemieme yemeki mipai piraka'utiarie, meuyewetseki kwietsaname mikwetsananeniki yuri ti'erieti mexi ta'ikwewa, 'uwameta miti'uniki yuri ti'erieti kename 'ikwaxiyari hexeiyati 'ayani. <sup>11</sup>Tame 'iyaritsie timieme tekaniuka'eni xehetsia. ¿'Aixia katiyini waitsie timieme xika te'uka'itsanani yaxetatemikwakaku? <sup>12</sup>Hipame xekaniwapitiaka heitserie memexeyaniki xehepaitsita. ¿Tame matsi yemeki heitserie tekatehexeiya temitemikieniki?

Peru tsepa heitserie temexeya mikiki, mipai tepikayia. Naime tepitenewie matsi, te'ixamurieniki niuki 'aixia manuyine Kiritsitu hepaitisita. <sup>13</sup>¿Mipai xekatemate, miki tukita memite'uximaya, miki tukita timieme mekatnikwaka, miki mawari taiyametsie memi'ayumiemete, mawari taiyametsie timieme mekatekwa'a? <sup>14</sup>Ti'aitame yaxeikia katiniwaruta'aitiani miki niuki 'aixia manuyine memukuxata, miki memite'iwani yametekuxatati.

<sup>15</sup>Ne xeikia nepikanewairiya mipai nemitiyurieneniki. Kenemitiu'utia meta, mipai nepika'utaine yanemitimikieniki. Nepuyuta'ire niuki 'aixia manuyine nekuxatati nekati'iwati, xika miki ne'unawaiyarieni nepiminikeyu. <sup>16</sup>Tsepa niuki 'aixia manuyine nemikuxata, matsi mikiki nepikayiwe 'aixia nemitikuxataniki nehapaitsita. Wairiyarika matsi nepitiarieti nekatinkuxatani. Xia'ui, nehetsiemieme 'aixia pika'anenikeyu, xika niuki 'aixia manuyine nekakuxatanike. <sup>17</sup>Xika nenewairiyati mipai neti'uximayaka, peuyewetse nemi'iwani. Matsi wairiyarika nekanipitiarieka hiritiarika xeikia nemaye'atianiki nepiyane. <sup>18</sup>¿Ketita neti'iwanikeyu? Niuki 'aixia manuyine xika nekuxatani nekatiwawarieti, miki kanine'iwarikatani. Tsepa heitserie nemexeya nemitiwaukaki.

<sup>19</sup>Tsepa nemixini, yunaime wahetsiemieme wairiyarika ti'uximayatame nepaneyetiwa, yumiireme matsi nemiwarahapaniki Kiritsitu hetsiemieme. <sup>20</sup>Huriyutsixi netiwakuxaxatiwati, huriyu nepaneyetiwa, nemiwata'inieniki huriyutsixi. Miki 'iniari niukiyaritsie mepitewiya, 'ayumieme wahepai ne'aneti nepaneyetiwa nemiwarahapaniki miki 'iniari niukiyaritsie memitewiya (tsepa wa'iniari niukiyaritsie nemikatiwiya ne). <sup>21</sup>Miki 'iniari niukiyari memikahexeiya newakuxaxatiwati, wahepai ne'aneti nepaneyetiwa, nemiwata'inieniki miki 'iniari niukiyari memikahexeiya (tsepa Kakaiyari hixie 'iniari niukiyari hetsie nemiwiya, Kiritsitu 'iniarieya hetsie yanepitihiritia). <sup>22</sup>Miki memikatsetseye newakuxaxatiwati, nekatseyeti nepayuyetiwa, nemiwata'inieniki miki memikatsetseye. Yunaime newakuxaxatiwati, naime nekanayuyetiwani xika 'aku naimeki newatawikweitsitiamiki hipame. <sup>23</sup>Ipai naime yanekatiniyurieneni niuki



'aixia manuyinetsie mieme, neta nehetsie mitinakeniki kemaine miki niukiyari 'aixia nemi'itiarieniki.

<sup>24</sup> ¿Mipai xekatemate, miki pareku memite'unanautsa, yunaiti metinautsame, xewiti xeikia heixeyati karayani 'iwarikatsie mieme? Yaxeikiata xeme, xeketeneunanautsani para xeheixeyati xemakineki. <sup>25</sup> Yunaiti waikamete mekateniyi'ikitiaka naimeki meyi'iwiyati. Mipai mekateniyurieka miki kuruna mixainiwe memi'itiarieniki. Tame matsi kuruna mikaxainiwe tekani'itiarienkuni. <sup>26</sup> Netsi kenemitiunanautsa, 'aixia nekatininemaika kenemitimie. Kenemitinemiene, 'eka nepikakuwaxiame. <sup>27</sup> Matsi newaiyari nepikuwaya. Nepinemaxiuta kapa ne'utixani'eriwaki ne, netiwarutaxatiaku hipame.

### Kemitiwaku'imaiyakai kapa tetexi mewarayexeyaniki

**10** <sup>1</sup> Yaxeikia ne'iwama, kaneuyeweka mipai xemitemaikaki, tatewarima yunaiti miki haiwitiritia kepauka memu'uwakai, yunaiti mana haramaratsie kepauka memanuki, <sup>2</sup> yunaiti miki Muiťsexi hetsie metewiyati mekaniuka'iyarieni haiwitiritsie meta haramaratsie. <sup>3</sup> Yunaiti 'axeikia 'iyaritsie mieme mekatenikwakaitini, <sup>4</sup> yunaiti 'axeikia 'iyaritsie mieme mekaniharekaitini. 'Iyaritsie mieme tete miwaruweiyakai, miki kaniwaharitiakaitini. Miki tete Kiritsitu kanihikitikaitini. <sup>5</sup> Tsepaneti, Kakaiyari pikanaki'akai yumiireme wahepaitsita, makumawetsie kaniutixiriyani wakaxarite.

<sup>6</sup> Merikitsi, miki 'iniari katiniuyini tahetsiemieme, kapa tetehiwe'eriekaki tita 'axamiti'anene, miki memitehiwe'eriekai hepai. <sup>7</sup> Yaxeikia tetexi xewarayexeyati xepika'akikani, miki hipati kememite'uyuri wahepai. Mipai katine'uka: «Teiteri yunaiti mekananukayaxe mekateniukwani mekaniuti'ieni, kemitiwanake memiteneitiweniki». <sup>8</sup> Yaxeikiata, kemi'ane mikata'ia mikaxekina tepikawakumaiwani, hipati miki kememite'uyuri. Mewarukumayiaka, mekaniukwini xeitukaritsie, xeitewiyari heimana haika miriyari meyupaimeti. <sup>9</sup> Miki meta, tepikate'i'uxitiaka Ti'aitame te'l'iniatatiweti, hipati miki kememite'uyuri. Miki me'l'iniatatiweti, kuuterixi mewarutikeku mekaniukwini. <sup>10</sup> Miki meta, xepikaniukixieka, yaxeikia hipati miki kememite'uyuri, me'uniukixieku, ti'uname kaniwaruka'una.

<sup>11</sup> Merikite, kememu'itiarie miki, 'iniari katiniuyini. Yakatinaka'utiarieni kemitiuyi, temaye'eritiarieniki tame, tahetsie mitinakeniki tukari 'aye'aximekaku. <sup>12</sup> Ayumieme kemi'ane 'a'uweme muyu'erie, miki keyi'iwiyani kapa 'atiweniki. <sup>13</sup> Teiteri kememite'iniatsie xeikia xekateni'iniatsieka xeme. Kakaiyari matsi yakatinikamieni kemaine. Miki pikaxepitiani xemi'iniatsiekaki kexemikateyiwawe. Xe'iniatsiekaku matsi kanixepitiamikita kexemitewikwekaki, xepitiati xemi'iwaweniki xete'uka'eniwati.

### Ti'aitame 'ikwaiya meta kakaiyarixi wa'ixiarari

<sup>14</sup> Ayumieme nenaki'erima, xekeneyuta'una kapa tetexi xewarayexeyaniki. <sup>15</sup> Temaiwawemete nemitiwaxaxatiwa hepai, mipai nekatnixekuxaxatiwani xeme. Yikimana xekeneu'iniata tita nemitikuxata.

<sup>16</sup> Tekixi hepaitsita kepauka 'aixia temutiyuane Kakaiyari hepaitsita, ¿miki tekixiki tekatetaxewi Kiritsitu hamatia yuxuriya kemitiutayeuri? Paa kepauka temititara, ¿miki paki tekatetaxewi Kiritsitu hamatia, yuwaiyaritsie kemitiumierie? <sup>17</sup> Miki paa kemitiyuxewi, tameta tamiireti xeiwaiyari tekanihikitini. Teyunaiti 'axeikia xeipayaritsie tekenikwaka.

<sup>18</sup> Miki meta 'Ixaheri nuiwarieyatsie memitinunuiwa xekeniwara'eriwani. ¿Miki mawari taiyametsie mieme mawari memikwa'a, mekatexewi hamatiana? <sup>19</sup> ¿Merikite, kehepaititiri nehaine? ¿Tita tete mitimawiyarie tixaiti mitihikiki neraine, tete kakaiyariyari tixaiti mitihikiki neraine?

<sup>20</sup> Matsitsiari 'ipai nekanaineni, tita memitemawa nuiwarite, kakaiyarixi 'axamemi'anene wahetsiemieme mekatanimawani, kemi'ane yuri kakaiyari mikahiki hetsiemieme. Pikanetsinake xemiyutaxewireki kakaiyarixi 'axamemi'anene wahamatia. <sup>21</sup> Xepikayiwawe Ti'aitame tekixeyata mieme xemanu'ieni, mexi xe'enuye'e kakaiyarixi 'axamemi'anene watekixita mieme. Xepikayiwawe Ti'aitame 'ikwaiya xemitekwanani, mexi xetekwa'a kakaiyarixi 'axamemi'anene wa'ikwai. <sup>22</sup> ¿Nutsi Ti'aitame tepiyehaxiatiani? ¿Kamitsi tame waikawa tetetirikawi, Ti'aitame tahepai katitirikaiyekaku?

### **Naime xeketenehuriaka Kakaiyari witsimitikuxaxatsiwaniki**

<sup>23</sup> Xeme mipai xeputiyuane: «Heitserie tekanexeyani naime temiteyuriekaki», peru naime teteyurieti tepikaparewiyani. «Heitserie tekanexeyani naime temiteyurieniki», peru naime teteyurieti tepikatseiriyarieni. <sup>24</sup> Xewiti yuhetsiemieme pikatikuwaineni 'aixia mi'itiarieniki. Matsi hipati pita 'aixia memi'itiarieniki.

<sup>25</sup> Wai muwatuiyatsie timieme xeketenekwaka, tixaitiki xekateyu'iyaritiati kexemiteyumate. <sup>26</sup> «Kwie Ti'aitame tipiinieya katinihikitini, naiti kwiepa mitixuawe katinipiinieyatinita».

<sup>27</sup> Peru xewiti yuri kati'erieti xika xe'uta'inieni xemitekwaniki kiena, xika xeyuwairiyani xemuhuki, naime kexemitemikieni xeketeneutikwa'i, tixaitiki xekateyu'iyaritiati kexemiteyumate. <sup>28</sup> Peru xewiti xika mipai tixe'utahiawe: «Iki tete mawarieya kanihikitini», matsi xepika'ikwaka, xehe'eriwati kemi'ane yamitixe'utahekiatia, xehe'eriwati kemitiyumate, kapa yuti'iyaritaniki. <sup>29</sup> Xeme kexemiteyumate, nepikahaine. Matsi xewiti pita kemitiyumate hetsiemieme nepaine. Xewiti xehetsie mitiuhiani pikayawe xika 'aixia xeteyurieka yatini pitikatixai.

<sup>30</sup> Xika ne'itikwani pamipariyutsi ne'ipitiati Kakaiyari, titayariri 'axanetikihawariwa ne'ikwati, Kakaiyari hepaitsitana pamipariyutsi nemipitiaki.

<sup>31</sup> Merikitsi, tsepa xemitekwa'a, tsepa xemite'ie, tsepa tita xemiteyurie, naime xeketenehuriaka Kakaiyari witsimitikuxaxatsiwaniki.

<sup>32</sup> Xepikawatiketamirani huriyutsixi, meta miki memikahuriyutsixi, yaxekiata miki memuyutixexeriwa Kakaiyari hetsia miemete. <sup>33</sup> Naimeki nekatiniyurieneni memiparewiyani yunaiti. 'Aixia nemi'itiarieniki ne, mikiki nepikayiane. Yumiireti 'aixia memi'itiarieniki pita nekaniyaneni, miki memitawikweitsitiarieniki.

**11** <sup>1</sup>Xenetsi'iketi sekenakini, neta Kiritsitu kenemiti'ike.

**'Ukari kememite'umukuretsi**

<sup>2</sup>'Aixia nepaine xehepaitsita naimeki xeminetsiha'eriwaki, yaxemitekahuki yeyiaritsie kenemitixeyetuiri. <sup>3</sup>Peru kaneuyeweka mipai xemitemaikaki, Kiritsitu yunaime 'ukitsi kaniwamu'utini, 'uki meta 'uka kanimu'uyatini, meta Kakaiyari Kiritsitu kanimu'uyatini. <sup>4</sup>'Uki xika yutanenewieni, xika tikuxatani, yukumu'ututi, kaniyutewiyatsitiaka yumu'uki. <sup>5</sup>'Uka pita xika yutanenewieni, xika tikuxatani, kayukumu'ututi, kaniyutewiyatsitiaka yumu'uki. Yumu'utsie mumu'uxirieka hepai kani'aneni. <sup>6</sup>Xika 'uka kayukumu'utuka, keyukaxikani. Kamitsi 'uka xika yutewiyani mu'uxirieti, mu'umetseti, keyukumu'utuka matsi. <sup>7</sup>Pikaheuyewetse 'uki miyukumu'utukaki, Kakaiyari hepai mi'aneki, hetsiena mimatsiikiki kemi'ane Kakaiyari. 'Ukatsie matsi kanimatsiikini kemi'ane 'uki. <sup>8</sup>Tsutiapai 'uki 'ukatsie pika'ayene, 'uka 'ukitsie payene pita. <sup>9</sup>Miki meta, 'uki pika'unetiari 'uka hetsiememe, 'uka 'uki hetsiememe kaniunetiarieni pita. <sup>10</sup>'Ayumieme kaneuyeweka 'uka yumu'utsie, kimana mimatsiikiniki heitserie kemirexeiya, Kakaiyari niuki tuayametemama wara'eriwati.

<sup>11</sup>Peru Ti'aitame hetsie metewiyati kememite'u'ua, 'uka 'apika'uyeika 'uki kaheuyehiati, 'ukita 'apika'uyeika 'uka kaheuyehiati. <sup>12</sup>'Uka 'uki hetsie mayeneki, 'ayumieme 'ukita 'uka hetsie kaniyenuiwamiki. Naiti matsi Kakaiyaritsie katinayenexiani. <sup>13</sup>Yikimana sekeneuyu'iniata kexemiteyumate. Xika 'aku 'aixia 'aneni 'uka nenewieri mipitiani Kakaiyari kayukumu'ututi. <sup>14</sup>¿Ketem'anene kanitewiwani 'uki xika kipateya 'atitini, <sup>15</sup>'uka pita witsikatiniyuxexeyani xika kipateya 'atitini? Yikipa kaniyumikieni manuyukanakaki. <sup>16</sup>Mexika xewiti niukixiemikini, mipai ketimaika, tame tepikaheixeiya yeyari mipai 'aneme, Kakaiyari hetsia miemete memuyutixexeiwi, mikita miki yeyari mepikahexeiya.

**Ti'aitame 'ikwaiya**

*(1Kur 11:23-25 – Mat 26:26-28, Mar 14:22-24, Ruk 22:17-20)*

<sup>17</sup>'Ipai kenemitixe'aitia, nepikayiwe 'aixia nemutaineniki xehepaitsita, kexemiteyutixexeiwi. 'Aixia xepika'itariarie yaxeteyutiyexexeiwati, 'axaxekani'itariieka pita. <sup>18</sup>Miki meri, kemiraniuwa, 'axeikia kepauka xemiyuxeiarietsie, yuhixiata xekaniyutsanani. Yapai memeki mipai yuri nepiti'erie kemiraniuwa. <sup>19</sup>Tsiriki kaneuyeweka yuxexuime wahetsie xemitewiyani, xetsata mimatsiikiniki miki kemi'ane memi'iniatsie. <sup>20</sup>'Axeikia kepauka xemiyuxeiarietsie kexemitekwa'a, Ti'aitame 'ikwaiya pikahiki. <sup>21</sup>Kariki yuxexuiti xekaniyumexiitiaka yu'ikwai xemitikwaniki kepauka xemitekwa'a. Hipati mekaneuhakawikuni, mexi hipati metariwewa. <sup>22</sup>¿Kamitsi kiite xekatehexeiya hakewa xemitehekwaniki meta xemitehe'ieniki? Nutsi xepuwatewiyatsitiaku miki tixaiti memikatehexeiya, xewaxani'erieti miki memiyutixexeiwi Kakaiyari hetsia miemete. ¿Keri netixetahiawe? ¿'Aixia netiutaineni xehepaitsita? 'Ipai kexemiteyurie, matsi 'aixia nepika'utaineni xehepaitsita.

<sup>23</sup>Kenemitixeyetuiri, neta nekaniyetuiriarieni Ti'aitame hetsia mieme. Mipai katiniuyini. Miki tikaritsie kepauka miyetuiyanikekai,

Ti'aitame Ketsutsi paa kananuku'ini. <sup>24</sup>Pamipariyutsi 'ipitiaka Kakaiyari, paa kaniutitara, mipai 'utaiti: «Iki newaiyari kanihikitini, xehetsie kaniamiemini. 'Ipai xeketenyurieka xeminetsiha'eriwaniki ne». <sup>25</sup>Yaxeikiata katiniuyurieni tekixi 'anukuhanaka mete'ukwaku, mipai 'utaiti: «Iki tekixita mieme tiratu mihekwa kanihikitini, nexuriyaki 'aixia kani'itiarimiki. Kepauka xemi'ieka, 'ipai xeketenyurieka xeminetsiha'eriwaniki». <sup>26</sup>Kepauka 'iki paa xemutikwa'ani, 'iki tekixi kepauka xemanuye'eni, xekatenihekiaatakakuni kemitiumi Ti'aitame, mexi kanuawe.

<sup>27</sup>Ayumieme kemi'ane 'iki paa mitikwani 'iki tekixi manu'eni, hetsiena katinakekaku 'iyarieya yaka'aneakaku, hetsiena pirahiiyani mitsewiximaki Ti'aitame waiyarieya meta xuriyaya. <sup>28</sup>Tewi keyu'iniatani. Mipai tiyurieneti, 'iki paa kehekwa, 'iki tekixita mieme ke'anuye'eni. <sup>29</sup>Kariki kemi'ane mitikwa'a meta menuye'e xika heitseriemeki katimaika tita waiyarieya mitihiki, yuhetsie rahipati katinikwakamiki kani'iekamiki. <sup>30</sup>Mipai xemiteyurieki, 'ayumieme xekaneuweraranini yumiireti xeme, xekatenikukuyeni, yuwaikawatiri mekaneukutsu. <sup>31</sup>Xika takimana teta'iniatake, tahetsie pikatinakenikeyu 'uximatiarika. <sup>32</sup>Peru Ti'aitame kepauka mitatsita'iniata, tekateni'ikitiarieka 'uximatiarikaki, kapa te'anutaxiriyani kwiepa memitama wahamatia.

<sup>33</sup>Ayumieme ne'iwama, kepauka xemiyuxeirie xetekwanike, xekeneyukwewieka. <sup>34</sup>Xika heuhakamikini, yukiita ketiukwani, kapa xete'uka'enieniki xeyukuxerieme.

Hipati miraneniere 'aixia nekatineyuriemiki kepauka nemumietsie.

### Iyaritsie timieme ketemite'umikiwa

**12** <sup>1</sup>Ne'iwama, kaneuyeweka 'ipai xemitemaikaki tita 'Iyaritsie mitimieme hepaitisa. <sup>2</sup>Xeme mipai xekatenimaika kemiti'ane kai kepauka Ti'aitame xemika'ayexeyakaisie. Xekanikuhapanietiwekaitini tetexi memikaniuwawe wahetsia, kexemitekiihiawariwakai. <sup>3</sup>Ayumieme 'ipai nekatnixetahekiatianikeyu, tewi xika mipai 'utayini: «Ketsutsi 'axaketikuxaxatsiwani», 'utaiti, miki Kakaiyari 'Iyarieyatsie tiwiyati pika'utaine. Miki meta, tewi xika mipai 'utayini: «Ketsutsi katini'aitametini», 'utaiti, 'Iyari Mitiyupatsie tiwiyati xeikia kaniyiweni mipai mutayini.

<sup>4</sup>Yiki tepite'umikiwa, 'Iyari yuxewikaku. <sup>5</sup>Yiki tepite'uhiritariwa, Ti'aitame yuxewikaku. <sup>6</sup>Yiki tepitekuyuitariwa, Kakaiyari yuxewikaku. Miki kanihikitini kemi'ane yunaime miwakuyuitiwa naimeki. <sup>7</sup>Taxexuime tahetsie, 'Iyari matsiikiti kanayeitariwani, 'aixia temi'itiarieniki tanaiti. <sup>8</sup>Xewiti kanipitiarieka mitaniuniki timaiweme hepai, 'Iyari yatipitiakaku. Xewitita kanipitiarieka waikawa mirakumaikaki, mikititi 'Iyari yuxewiti kemitipitia. <sup>9</sup>Xewitita kanipitiarieka yuri miti'eriekaki, miki 'Iyaritsie tiwiyati. Xewitita kanipitiarieka 'aixia metehue'eriekame muwarayeitianiki tekwikwikate, miki 'Iyari muyuxewitsie tiwiyati. <sup>10</sup>Xewitita kanipitiarieka mariwemeki yamitiyurieneni, xewitita mitikuxataniki, xewitita 'iyarite mi'iniataniki, xika 'aixia 'aneneni yatini xika 'axa'aneneni. Xewitita hipame niukiyariki mitaniuniki kanipitiarieka, xewitita hipame niukiyarite

kemitikuxaxatsiwa mihekiataniki. <sup>11</sup> Miki 'Iyari yuxewiti kanihikitini kemi'ane miwakuyuitiwa yunaime. Yiki katiniwapitiaka yuxexuime, kemitiyuwairiya.

### Xeiwaiyari tekanakine teyunaiti

<sup>12</sup> Yaxeikia tawaiyari kaniyuxewini, tamamate, ta'ikate, tateni naiti timiirekaku. Naiti tawaiyarisie timieme timiirekaku muyuxewi hepai waiyari, mipaita kani'aneni Kiritsitu. <sup>13</sup> 'Iyari muyuxewi kemitatiutaxewiriyaxi, xeiwaiyari tekanakine kepauka temuka'iyarie, tsepa Huriyutsixi Kiriyekutsixi temihiki, tsepa wairiyarika temite'uximaya, tsepa temixixini. Teyunaiti tekaniuharitarieni, 'Iyari yuxewikaku.

<sup>14</sup> Miki meta, rawaiyari xeimamayari xei'ikayari pikahiki. Pimiire pita. <sup>15</sup> Ra'ika xika mipai hainenike: «Ne ramama nemikahikiki, 'ayumieme rawaiyaritsie nepikamieme», mipai 'utayika xekia rawaiyaritsie kamiemetiti pika'ayanikeyu. <sup>16</sup> Ranaka xika mipai hainenike: «Ne rahixite nemikahikiki, 'ayumieme rawaiyaritsie nepikamieme», rawaiyaritsie kamiemetiti pika'ayanikeyu, mipai 'utayika xekia. <sup>17</sup> Rawaiyari naiti xika hixitetinike, ¿keti'enanikeyu? Naiti xika nakatinike, ¿keri reu'ikwenikeyu? <sup>18</sup> Peru hiki Kakaiyari rawaiyaritsie kanikayatsa xexuime kemitinake. <sup>19</sup> Xika naiti xeipairiyaritinike, ¿keri tihikitinikeyu rawaiyari? <sup>20</sup> Matsi pimiire, peru rawaiyari kaniyuxewini.

<sup>21</sup> Rahixi pikayiwe mipai mititahiawe ramama: «Nepikamatsiheuyehiwa», 'utaiti. Yaxeikiata ramu'u pikayiwe mipai mititahiawe ra'ikate: «Nepikaxehueyehiwa», 'utaiti. <sup>22</sup> Matsi tita katitirikawime temite'erie, miki yemeki tepeuyehiwa. <sup>23</sup> Tawaiyaritsie timieme, tita 'aixia kati'ananeme temixata, miki tekanikemaritiaka matsi. Tawaiyaritsie tita witsimikataxeiyarie, witsi'ananeti matsi kanayeitiariwani, <sup>24</sup> tita witsimitixeyarie mipai mikareuyewetseki. Matsi Kakaiyari kanitaxewiriyani tawaiyari, 'aixia 'iyurieneti matsi tita tixaiti mireuyehiwa, <sup>25</sup> tawaiyari kapa hixiata tsaniniki, matsi tita tawaiyaritsie mitimieme yaxeikia mitiyi'iwianiki naiti. <sup>26</sup> Xeipairiyari xika tikuyeni, naiti hamatiana katinikuyekamiki. Xeipairiyari xika witsi'uitiarieni, naiti hamatiana kaniyutemawiekamiki.

<sup>27</sup> Xemeru Kiritsitu waiyarieya xekanihikitini. Yuxexuiti waiyarieyatsie timieme xeipairiyari xekanihikitini, kexemite'upitiarie. <sup>28</sup> Miki memeyutixexewiriyatsie, Kakaiyari hipame meri kaniwarukayatsa ni'arikate, 'ariketa Kakaiyari niukametemama, 'ariketa te'ikitamete, 'anariketa miki mariwemeki memiteyurie, 'ariketa miki memite'umikie 'aixia metehue'eriekame tekwikwikate memiwarayeitiwaniki, teparewiwamete meta te'aitamete, mikita hipame niukiteki memutiniuka. <sup>29</sup> ¿Yunaiti ni'arikate kemetehiki? ¿Yunaiti Kakaiyari niukametemama kemetehiki? ¿Yunaiti te'ikitamete kemetehiki? ¿Yunaiti mariwemeki kemeteyurie? <sup>30</sup> ¿Yunaiti kemetemikiwa 'aixia metehue'eriekame memiwarayeitiwaniki tekwikwikate? ¿Yunaiti hipame niukiyariteki kemetemutiniuka? ¿Yunaiti kemetemihikiata tita mitikuxaxatsiwa hipame niukiyariki metekuxatakaku?

<sup>31</sup>Xekeneyuwairiyani 'aixia 'aneneme matsi xemitemikieniki. 'Akuxi huye yemeki 'aixia mi'ane nekanixetahekiatiamiki.

### Kwini mieme kemireuyewetse mitiyukanaki'eriekaki

**13** <sup>1</sup>Xika hipame niukiyariki ne'utaniukanike teiteri kememiteniuwawe meta Kakaiyari niuki tuayametemama, peru xika nekatinekanaki'eriekake, tepia mukuyuane hepai nekani'anenikeyu, tirinari mutatiriurika hepai. <sup>2</sup>Xika netiumikienike Kakaiyari niukieya nemikuxataniki, xika netimaikake naime kemiti'awie, naime kenemitimateki, naimeki yuri neti'erieti xika neyiwenike yemurite nemiwatayuitianiki, peru xika nekatinekanaki'eriekake, tixaiti nepikatihikitinikeyu. <sup>3</sup>Xika tixaiti memikatehexeiya nepiinite naime netiwaruminike, xika neneyetuanike newaiyari mitataiyarieniki, peru xika nekatinekanaki'eriekake, tixaiti nepikara'iwakeyu.

<sup>4</sup>Tiyukanaki'erieti 'akatineutewini kaha'ati. 'Aixia katiniuka'iyarini tiyukanaki'erieti, pikayumexiitia hipame wahepaitsita wara'iwamiti. Tiyukanaki'erieti mariweti pikahayuyeitiwa, meta pikayuta'ire.

<sup>5</sup>Yapikatiyuriene kemitiyutewiyatsitia. Pikatikuwaune tita yuhetsie mitimieme xeikia, pikayuhaxiatia, 'axamiti'anene pikara'eriuwa.

<sup>6</sup>Pikayutemawie yameteyuriekaku hipati kemikatiheitserie, matsi tita yuri miraine hepaitisita kaniyutemawieka. <sup>7</sup>Naime katininewieka, naimeki yuri katini'erieka, naimeki kanita'ikwewani yuri ti'erieti, naimeki katiniuka'eniwani.

<sup>8</sup>Kemitiyukanaki'erie, hatsuaku pikatapare. Ketemitekuxata, miki kanitaparimiki. Hipame niukiyariteki ketemite'utiniuka, miki katineuyewemiki. Ketemitemaiwawe, mikita kanitaparimiki.

<sup>9</sup>Yapaimemeki xeikia tekatenimaika, yapaimemeki xeikia tekatenikuxatani.

<sup>10</sup>Kepauka munuani kemi'ane tixaiti mikareuyehiwa, tita yapaimeme hetsie mitimieme katinitaparimiki.

<sup>11</sup>Kepauka neminunutsitikaitsie, nunutsi hepai nekatinkuxatakaitini, nunutsi hepai nekatininemaikaitini, nunutsi hepai nekatiniku'eriwakaitini. Kepauka 'aneyumaiti nematia, nekatiniuhayewa nunutsi hepai neyaneti.

<sup>12</sup>Hiki kahekiakameki tekanineniereni, kemi'ane xikiri mayeyiwitsie mikaniere hepai. 'Anari tahixie tekaniutinenierikuni pita. Yapaimemeki nekatinimaika hiki, 'anari pita nekatinetimaimiki, yaxeikia 'iya minetimate hepai. <sup>13</sup>Merikitsi, yuri ketemite'erie, ketemitetakikwewa, ketemitetakanaki'erie, miki haikati 'ekatineuterimiki. Ketemitetakanaki'erie, miki matsi kaneuyeweka.

### Hipame niukiyariteki ketemite'utiniuka

**14** <sup>1</sup>Xekeneyumexiitiaka xemiteyukanaki'eriekaki. Miki meta, xekeneyuwairiyani 'Iyaritsie timieme xemitehexeiyaniki, peru matsi yemeki xekeneyuwairiyani Kakaiyari niukieya xemukuxataniki. <sup>2</sup>Kemi'ane hipame niukiyariteki mutaniuka, miki teiteri pikawatahiawe. Kakaiyari pita kaniutahiaweni. Tewi pika'enie, katinikuxatani tita miti'awie 'Iyari

'ikuyuitiwakaku. <sup>3</sup>Kemi'ane kakaiyari niukieya mukuxata, miki matsi teiteri kaniwarutahiaweni, watseiriyati, watuikati meta wanitiati. <sup>4</sup>Kemi'ane hipame niukiyariteki mutaniuuka, miki kaniyutseiriyani yuxaitame, peru kemi'ane Kakaiyari niukieya mukuxata, miki kaniwatseiriyani memiyutixexeiriwa.

<sup>5</sup>Kaneninakeni yunaiti hipame niukiyariteki xemutiniukaniki, peru pinetsinakenikeyu matsitsi xika Kakaiyari niukieya xekuxatanike. Kemi'ane Kakaiyari niukieya mukuxata 'aixia kaniyaneni, kemi'ane hipame niukiyariteki mutaniuuka 'aixia kayianekaku hepaina, mexika xewiti tihekiatani kemutaine xeikia, 'aixia kaniyaneni, miki memiyutixexeiriwa memitseiriyarieniki. <sup>6</sup>Hikiri ne'iwama, xika xehetsia neheyanike hipame niukiyariteki ne'utaniuti, ζtita netixepitianikeyu, xika nekaxehetahiaweke netihekiatati tita miti'awietsiekai hepaitisa, xika kenemitiuyemateki nekarekuxatanike, xika kakaiyari niukieya nekahekuxatanike yatini nekare'ikitanike? <sup>7</sup>Kamitsi, tita mikarayeniene kaniniuweni kirautati, kanaritati. ζXika 'aixia karekipinarieka, ketimatsiikiniri tita mitikirautatsieka tita mitikanaritsieka? <sup>8</sup>Kuxineta xika hitsierieka 'aixia karekuyuaneni, ζkuya kepaiki puyukuha'aritaniki? <sup>9</sup>Xemerita yaxeikia, yuneniki xika niuki 'aixia tihekiakameki xeka'utiniukaniki, ζketimatsiikini kexemutiyuane? 'Eka xeikia xemitekiahaweni hepai kani'aneni. <sup>10</sup>Xiari teiteri waniuki kaniimireni 'ena kwiepa. Yuxexuiti yuniukiki me'utiniuti mekani'enierieka. <sup>11</sup>Matsi xika 'atsinekatimaika kemutaine niukame, yeikame nemika'enie hepai katini'eniuriikini niukame, mikita yaxeikia kanetini'eniekamiki ne. <sup>12</sup>Xemeta xemuyuwairiyaki xemitehexeiyani tita 'Iyaritsie mitimieme, xeketenukewawa kwini mieme xemiwatseiriyani miki memiyutixexeiriwa. <sup>13</sup>Ayumieme kemi'ane hipame niukiyariteki mitikuxata, keyutanenewieni miyiweniki mihekiataniki kemutaine. <sup>14</sup>Xika nenetanenewieni hipame niukiyariteki, ne'iyariki nepinenenewie, peru tixaiti pikatitixuxuawere kenemitinemat hetsiemieme. <sup>15</sup>ζKamitsi kenetiyurieni? Ne'iyariki nepinenenewieka, peru yanetinematita kenemutaine, mipaita nekatinenenewiekamiki. Ne'iyariki nekanitakwikamiki, peru yanetinematitatsiere kenemutaine. <sup>16</sup>Kamitsi xika 'aiyariki xeikia 'aixia pehaineni Kakaiyari hepaitisa, 'iya mana muka 'enakaremete mematiteitsie, ζkepaikiri mipai pitayini, «Niuki kaniyuritini», utaiti, kepauka 'eki pamipariyutsi pemitayinitsie? 'Atsipikatimate kepemutaine. <sup>17</sup>'Eki 'aixia 'anemekiki pamipariyutsi pe'ipitiakaku Kakaiyari, 'iya pita pikatseiriyarie mikiki. <sup>18</sup>Ne pamipariyutsi nekanipitiaka Kakaiyari, kwiniemieme nemiyiweki hipame niukiyariki ne'utaniuti, nexeha'iwati xeme yunaime. <sup>19</sup>Peru xeripa nekaninewairiyani matsi 'auxiwime niukiyari nemitanianiki yanetinemaiti kenemutaine, yanemitiwa'ikitianiki hipame, tsepa tamamata miriyari niukiyari nemikataniuniki hipame niukiyariki ne'utaniuti.

<sup>20</sup>Ne'iwama, tiiri wahepai xepikateyumaika. 'Aixia kani'aneni xika tiiri wahepai 'atsixekatemalaika tita 'axamiti'ane hepaitisa, peru xetsetseyeti pita kexemiteyumate. <sup>21</sup>Iniari niukiyaritsie mipai katine'uka:

«Miki waniuki yiki mi'anene, wateniki nekanitayimiki,  
hipati yiki memite'uniuka yametewakuxaxatiwakaku,

nekaniwatahiawimiki 'iki teiteri,  
tsepa mipai nemitiyurieni mepikayuwairiyani meminetsi'enieniki»,  
kanaineni Ti'aitame.

<sup>22</sup> 'Ayumieme hipame niukiyariteki 'utaniuti 'iniari pikahiki miki yuri memite'erie wahetsieme. Miki yuri memikate'erie pita wahetsieme kani'iniaritini. Kakaiyari niukieya mukuxata niukieya 'iniari pikahiki miki yuri memikate'erie wahetsieme. Miki yuri memite'erie pita wahetsieme kani'ayumiemetini. <sup>23</sup> Hiki 'axeikia xika meyukuxeirieni yunaiti memiyutixexeriwa, yunaiti hipame niukiyariteki me'utaniuti, xika mana meheutahaxiani hipati 'enakaremete yatini yuri memikate'erie, 'ana miki mipai mekanitiyuakuni, kename xekayumate xeme. <sup>24</sup> Mexika yunaiti Kakaiyari niukieya mekuxatani pita, xika mana heutahani xewiti 'enakareme yatini yuri kati'erieti, yunaiti mekanitahekiatakuni kemitiuyuri, yunaiti mekaniniatakuni. <sup>25</sup> Tita miti'awietsiekai 'iyarieyatsie matsikiti kanayeimiki. Mipai ti'ename, tihiximakeme, nenewieri Kakaiyari kanipitiamiki, mipai 'utaiti: «Yuriki Kakaiyari xetsata kaniuyeikani».

### Naiti heitseriemeki ketiyuni

<sup>26</sup> ¿Ne 'iwama kamitsi kerianeni? Kepauka xemiyukuxexeriwatsie, yuxexuiti matsi kwikari xekanexeyani, yatini 'ikitiarika, yatini xekaniha'aritsieka xemitehekiataniki tita xemite'uxeiyatsitarie, yatini hipame niukiyariteki xemitiniuniki, yatini xemitehekiataniki tita mitikuxaxatsiwa hipame niukiyariteki tikuxaxatsiwakaku. <sup>27</sup> Naiti matsi ketiyuni xemitseiriyarieniki. Xika hipame niukiyariteki xetiniukuni, yuhutati xeikia yatini yuhaikati, xewiti meri, xewitita 'arika, mipai meketeyurieka. Xewitita ke'ihekiataniki waniuki. <sup>28</sup> Mexika ka'ayekani kemi'ane mitihekiataniki hipame niukiyariteki xetekuxatakaku, niukame kayuwati ke'umaka xeripa. Matsi keyutaxatiani yikimana, Kakaiyari ketiutaxatiani. <sup>29</sup> Kakaiyari niukametemama yuhutati yatini yuhaikati meketekuxatani, hipatita meke'iniatani tita memite'utaxa. <sup>30</sup> Xika xewiti mana 'akaiti tixaiti tiuhekiatsitiiyarieni mitihekiataniki, kemi'ane mitikuxata ketiuhayewa. <sup>31</sup> Xekaniyiwaweni xemitekuxataniki yuxexuiti, xewiti meri, xewitita 'arika, yunaiti memiteta'ikitiariereniki, meta yunaiti memituikariereniki. <sup>32</sup> Kakaiyari niukametemama yu'iyari mekateni'aitiaka, <sup>33</sup> Kakaiyari tiyuxamuriekame mikahikiki, kayuwati tiyupitiwame mihikiki pita.

Kememiteyurie naitarie hakewa Kakaiyari teiterimama memiyutixexeriwa, <sup>34</sup> kayuwati meke'umaka 'ukari xeripa, mepikapitarie memitiniuniki. Mekete'aitarieka matsi, yaxeikia 'iniari niukiyari kemaine hepai. <sup>35</sup> Xika tixaiti metheumaikuni, yikinama mekewaku'iwawiyani yukiita. 'Aixia pika'ane xika 'uka 'utaniuni xeripa.

<sup>36</sup> ¿Kamitsi xehetsia xeikia rayene Kakaiyari niukieya? ¿Xehetsia xeikia tinua? <sup>37</sup> Xika xewiti Kakaiyari niukameya yu'erieka, 'Iyari hexeyame xika yu'erieka, mipai ketimaika, tita nemitixe'utiirie, miki Ti'aitame 'aitiarikaya kanihikiti. <sup>38</sup> Mexika tewi xika mipai katimaika, mikita pikamatiwani.



<sup>39</sup>'Ayumieme ne'iwama, xekenyumexiitiaka xemitehekiataniki, peru xepikawakunamirieka hipame niukiyariteki memutiniuka. <sup>40</sup>Naiti heitseriemeki ketiuyini, xewiti meri, xewitita 'arike.

### Kiritsitu kemiranukuketiarié 'umierieka

**15**<sup>1</sup>Ne'iwama, nekanixetahekiatsitiiyamiki niuki 'aixia manuyine, kenemitixekuxaxatiwakai. Xekanitanaki'erieni miki niuki, hetsiena xetewiyati xekaniuti'uni. <sup>2</sup>Xika kwi xe'eyexeyani tita nemitixekuxaxatiwakai, miki niukiki xekanitawikweitsitarieximeni, mexika yaki xeikia yuri xete'uta'erieni.

<sup>3</sup>Ne nekanixeyetuiriéni tita matsi mireuyewetse, kenemitiyetuiriarié neta, kename Kiritsitu 'umi tame 'axatemite'uyuriki, 'utiarikate maine hepai, <sup>4</sup>kename 'ukateukie, kename 'anukuketiarié hairieka tukari 'aye'aku, 'utiarikate maine hepai, <sup>5</sup>kename Tsepaxi 'ixei, 'arike tamamata heimana yuhutati me'ixei. <sup>6</sup>'Arike 'auxiwime tsienituyari heimana yameyupaimeti mekanixeiya 'axeikia 'iwamarixi. Yumiireti miki 'amekanu'uwani hiki 'akuxi, hipatiri mekaneukutsu. <sup>7</sup>'Arike Kakuwu kanixeiya, 'ariketa ni'ariekate yunaiti mekanixeiya. <sup>8</sup>'Imatiriekate neta nekanixeiya, kemi'ane nunutsi yiriti mutinuiwaxi hepai ne'aneti.

<sup>9</sup>Ni'ariekate watsata nekani'imatiremetini, 'aixia nepikatiuka'iyari nehetsie mitinakeniki ni'ariekame nemitateriwariéniki, nemiwareutaweyaxiakaiki miki memeyutixexeiwiwa Kakaiyari hetsia miemete. <sup>10</sup>Peru Kakaiyari 'aixia mitiuka'iyariki, 'ayumieme mipai nekani'aneni kenemi'ane. Yaki xeikia pika'uyi, 'aixia kemitiuka'iyarikai nehetsiememe. Ne matsi kwinimieme nekatini'uximayaka, miki yunaiti kememikate'uximayatawawe. Peru ne nepikahiki kemi'ane mipai mitiyuriéne. Kakaiyari pita 'aixia tiuka'iyariti nehamatia yakatini'uximayaka. <sup>11</sup>Merikite, tsepa ne, yatini miki, mipai tekatenihekiatani, xemeta mipai yuri xekateniuta'erieni.

### Mikite kememite'anuku'uni

<sup>12</sup>Kiritsitu xika kuxaxatsiwani mikite watsata manukuketiarié, keme'utiyuane xeme hipati, kename waniu, mikite meka'anuku'uni. <sup>13</sup>Mikite xika meka'anuku'uni, meta Kiritsitu pika'anukuketiariénikeyu. <sup>14</sup>Merikite, xika Kiritsitu ka'anukuketiariéni, yakixeikia kanayani tita temitehekiata, yakixeikia yuri xekateniuta'erieni. <sup>15</sup>Xika mikite meka'anuku'uni, kanimatsiikini ketemite'itawa tameta, 'axatemitehekiataki Kakaiyari hepaitisita, kename henukuketia Kiritsitu te'utiyuati, miki kahenukuketiaku, xika mipai 'aneni. <sup>16</sup>Merikitsi, mikite xika meka'anuku'uni, Kiritsitu pika'anukuketiariéweta. <sup>17</sup>Xika Kiritsitu ka'anukuketiariéni, yakixeikia yuri xekateniuta'erieni, tita 'axaxemiteyuriekaitisie xekateniwiyani 'akuxi. <sup>18</sup>Miki meta, miki memekutsixia Kiritsitutsie metewiyati, miki mekaniutatimaiyariéniri. <sup>19</sup>Hiki mexi te'ayeneniére, xika yuri tete'eriekake Kiritsitu hetsie teta'ikwewati xeikia, yunaimé teiteri watsata tame matsi kaneuyewekakeyu teminenimayatsiekaki.

<sup>20</sup>Peru mipai pika'ane. Kiritsitu kananukuketiariéniri mikite watsata, miki memekutsixia wamatiari hikiti. <sup>21</sup>Tewi kemitiuyuri, tame

tekanitakukuweni. Yaxeikiata xewiti tewi kemitiuyuri, mekananuku'uikuni mikite. <sup>22</sup>'Arani hetsie metewiyati yunaiti kememitetakukuwe, mipairita Kiritsitu hetsie metewiyati yunaiti mekananutanieritariiekuni, <sup>23</sup>yuxexuiti wahetsiemieme kemireuyewetse. Kiritsitu wamatiarititi kananukukeniri. 'Ariketa miki Kiritsitu hetsia memimiemete mekananuku'uikuni kepauka munuani. <sup>24</sup>'Arike naiti katinitaparimiki, kepauka Kiritsitu kemiti'aita miyetuanitsie, 'ukiyarieya miti'aitaniki Kakaiyarititi. Yakatiniyetuiriemiki waka'uname yunaiti memite'aita, yunaiti heitserie memexeiya tirikariya memexeiya. <sup>25</sup>Kaneuyeweka Kiritsitu miti'aitaniki mexi wara'iwa yunaime memi'uxie. <sup>26</sup>'Imatirieka kemirayu'iwa, katanixinamiki temikatakukuwenikiri. <sup>27</sup>Kakaiyari naime katiniyetuirieni miti'aitaniki, kemaine 'utiarika. Kepauka mipai maine, naime katiniyetuirieni 'utaiti, kanihekiaka Kakaiyari mikaxataki kemi'ane naime mitiukayatsaxi, Kiritsitu miti'aitaniki. <sup>28</sup>Kepauka miki naime miti'aitani, 'anari mikita yikimana kaniyuyetuamiki, 'ukiyarieya pita miti'aitiakaki, 'ukiyarieya naime mukayatsaxiki nu'aya miti'aitaniki. 'Anari Kakaiyari naiti hetsiena mieme katinayeimiki.

<sup>29</sup>Xika meka'anuku'uitiariwani, ¿kemetyurieni miki memuka'iyarie mikite wahetsiemieme? Xika yemeki mikite meka'anuku'uitiarieni, ¿titayari wahetsiemieme mete'uka'iyarie? <sup>30</sup>Tameta, ¿titayari kweriwa'anekea tete'u'uwa tukariki? <sup>31</sup>Tukariki 'etsiwatikaku nekanikimimikini tima. 'Ipai nepaine 'aixia nemutaineki xehepaitsita ne'iwama, kenemitinetemawie nexeha'eriwati Kiritsitu Ketsutsi mitati'aitiwame hetsie. <sup>32</sup>¿Teiteri kememiteniniuki, 'Epetsutsie xika ne yeutari wahamatia neyumienenike, ketitatsikuta nera'iwakekai? Xika mikite meka'anuku'uitiarieni,

«tepitek-waka meta tepite'ieka,  
'uxa'a temikwiniki».

<sup>33</sup>Xepikate'iriwiyarieka: «'Axamemite'u'iyari wahamatia 'uyeikati, huye 'aixia mi'ane kaneuyehiamiki». <sup>34</sup>Xekeneyuta'eriwani heitseriemeki kemireuyewetse, 'axaxepikateyurieka. Hipati xeme 'atsixepikatehetimawawe Kakaiyari hepaitsita. 'Ipai nepaine nexetewiyatsitianike.

### Kehepai me'aneneti mepanuku'uni

<sup>35</sup>Matsi xewiti kanita'iwaumiki: «¿Kehepai mikite mete'anuku'uitiarieni? ¿Kehepai wawayari 'aneneni?» <sup>36</sup>Kari 'atsipepikatismate mipai pehaiti. Tita pemituuka'e, miki xika ka'umini, pika'anutanieritarieni. <sup>37</sup>Miki meta, tita pemituuka'e, tita mititineika hepai 'aneme pepika'uka'e. 'Imiari mimawe xeikia pekaniuka'eni, tiriku 'imiariyari yatini xeime 'imiariyari. <sup>38</sup>Kakaiyari kanikemaritiaka kemitinake, meta xexuime 'imiari kemi'anene yiki tikemaritiati. <sup>39</sup>Naiti waiyari yaxeikia pika'anene. Teiteri wawayari pixewiti, meta yeutari wawayari yiki pi'anene, ketsite wawayari yiki pi'anene, meta wikixi wawayari yiki pi'anene. <sup>40</sup>Taheima miemete, kwiepa miemete, yunaiti yiki mekani'aneneni. Taheima mieme witsipi'anene, kwiepa mieme witsi'aneneti yiki pi'anene. <sup>41</sup>Tau witsikani'aneni, metsa witsipi'ane yiki 'aneti, meta xurawetsixi witsimepi'anene yiki me'aneneti. Yuxexuiti xurawetsixi yiki 'aneneme yuxawatiriya mekanexeyani.

<sup>42</sup>Mipairita katiniyimiki kepauka mikite memanuku'uitiarieni. Tita titipinirimetri mitiuka'etsie, miki katipiniweti katinanukuketiariemiki, <sup>43</sup>tita 'axatikihawariwati mitiuka'etsie, miki witsi'aneti kananukuketiariemiki, tita katirikaiyeti mitiuka'etsie, miki tirikaiyeti kananukuketiariemiki.

<sup>44</sup>Waititi tita mitiuka'etsie, miki 'iyaritsie miemetiti kananukuketiariemiki.

Xika rawaiyari xuaweni wai xeikia hikiti, meta rawaiyari kanixuaweni 'iyaritsie miemetiti. <sup>45</sup>Mipai katine'uka: «Mexiakame tewi, 'Arani mititewakai, 'ayeniereti kanayani». Miki 'imatireme 'Arani pita, 'iyari tukari tiyupitiwame kanayani. <sup>46</sup>Peru tewi 'iyaritsie mieme meri pikahexeiya.

Wai xeikia meri kanexeiyani, 'arike 'iyaritsie mieme kanexeiyakamiki.

<sup>47</sup>Mexiakame tewi kwiepa kanimiemetikaitini, kwieki mutawewiyaki, hutarieka mieme tewi taheima pita kanimiemetini. <sup>48</sup>Kemi'ane miki kwieki mutawewiya, mipaita mekani'eneneni kwiepa miemete. Kemi'ane miki taheima mimieme, mipaita mekani'eneneni taheima miemete.

<sup>49</sup>Ketemite'u'uwakai miki kwieki mutawewiya hepai tekemariarieti, yaxeikia 'atekaniu'uwakuni miki taheima mimieme hepai tekemariarieti.

<sup>50</sup>Ipai nepaine ne'iwama, tita mitiwai mitixuriya, miki pikayiweni heixeiya mayaniki tita Kakaiyari mira'aita. Tita mitipiniwe pikayiwe mikatipiniwe heixeiya mayaniki. <sup>51</sup>Kamitsi netinixetahekiatiamiki tita miti'awietsiekai. Tanaiti tepikaheukutsu, peru tanaiti tekanipatsiekuni <sup>52</sup>yapauka, xeikipiariki, 'imatiriekua kuxineta tahitsierieyu.

Kanitahitsieriemiki, mikite mekananuku'uitiariiekuni mekatipiniwaweti, tameta tekanipatsiekuni. <sup>53</sup>Kaneuyeweka 'iki mitipiniwe menakatini tita mikatipiniwe, 'iki mumixime menakatini tita mikatimiwe. <sup>54</sup>'Anari, kepauka 'iki mitipiniwe menakatini tita mikatipiniwe, kepauka 'iki mumixime menakatini tita mikatimiwe, 'ana kanaye'amiki miki niuki mipai mire'uxa: «Miiya kaniukumaweriyarieni 'aiwarieka».

<sup>55</sup> «¿Hakewa 'aku pepirayu'iwawa, 'eki pemitatsikwikai?

¿Hakewa 'aku pepitatsihetseni, 'eki pemitatsikwikai?»

<sup>56</sup>'Axatemiteyurieki tekanikutseiwaniki tekwi'iti. Iniari niukiyari kanitirikariyani tita 'axatemiteyurie. <sup>57</sup>Peru pamipariyutsi Kakaiyari tekanipitiaka, miki mitatsipitiaki temite'ayu'iwawani, Tati'aitiwame Ketsutsi Kiritsitu tatsiparewiekaku.

<sup>58</sup>'Ayumieme ne'iwama nemixenaki'erie, xetseiriyarieti xekenakini, xepikayuyuitiarieni. Kwini mieme xeketene'uximayaka Ti'aitame hetsiemieme yuheyemeki, mipai xetemaiti, Ti'aitame hetsie xetewiyati tsepa xemiteyu'uxitia, yaki xeikia pikarayani.

**Tumini kememitekuxexeiriwani Kakaiyari teiterimama wahetsiemieme**

**16** <sup>1</sup>Tumini hepaitisita nepitixetaxatiani, kexemite'ikuxexeiriwani Kakaiyari teiterimama wahetsiemieme. Kenemitiwaruta'aitia Karatsiya kwieyaritsie memeyutixexeiriwa, xemeta yaxeikia xeketenyurieka. <sup>2</sup>Mexiakame tukaritsie xexuime tsemanatsie, yuxexuiti xeme xekeneuti'uta yuhetsia, xe'ixeirieti 'aixia kexemu'itiarie, 'ana xemika'ikuxexeiriwaniki kepauka neminuani. <sup>3</sup>Manata kepauka nemeta'ani, miki memi'iniatsie kemi'ane xemiwaranuyexei, miki xapa newahuritiame

nekaniwaranuni'amiki, meta xe'imikieri memanu'iniki Kerutsareme paiti.

<sup>4</sup>Aixia pi'ane neta nemiyemieki, teyunaiti tekaniyehuni.

### Papuru kemitiwahiritiakai

<sup>5</sup>Manata Matseruniya neyeyame, xehetsia nekaneta'amiki, nemixe'iwatamieki. <sup>6</sup>Aixia piyini yapaimexia xehetsia neminehayewaki, mukuhahaitiretsie mana nepinehayewani. Manaketa xeme xekanenanuni'akuni hakewa nemeyemie. <sup>7</sup>Hiki yanetimiekameki xeikia nepikaxeta'iwata, matsi yapaumexia nekanaka'iyuniemiki xehamatia, xika Ti'aitame mipai netiupitianike. <sup>8</sup>Peru 'Epetsutsie nepinehayewa 'ixiarari 'ayehurakaku 'atahutarieka tsemanatsie mieme 'aye'ayuke, <sup>9</sup>kitenie katineuyepiyani 'amuyeyewatsie nemiti'uximayakaki 'aixia 'anemeki, tsepanetita yumiireti me'uxiwa'akaku.

<sup>10</sup>Timuteu xika henuani, xekeneyumexiitiaka 'aixia xemiteheixeyaki mikita 'aixia 'iyariki xehetsia muyeikaniki, miki katini'uximayaka Kakaiyari hetsieme nehepai. <sup>11</sup>Ayumieme xewiti pikahaitawe'erieka. Xekeneparewi nehetsia mita'aniki 'aixia 'anemeki, ne nekanikwewieka 'iwamarixi wahamatia.

<sup>12</sup>Ta'iwa 'Apuruxi hepaitisita nepitixetaxatiani, wairiyarika nekanipitiakaitini xehetsia miyemieki 'iwamarixi wahamatia. Miki pika'uyuwairi miyemieki, peru kepaukake mipitiarieni piyiwani mana meyeikaniki.

<sup>13</sup>Xekenayeneniereni. Yuri xete'erietu xekeneti'uka, xepikamamaka meta xekenetirikawini. <sup>14</sup>Naime yaxeketenyurieka xeteyukanaki'erietu.

<sup>15</sup>Xepitemate 'Esitepanaxi kie kiekatari miki meri yuri memite'uta'eri 'Akaiya kwieyaritsie, 'ayumieme yuri memite'erie waparewiwamete mekanayuyeitiaka. Ne'iwama nekanixewawirieka, <sup>16</sup>miki wahepai xemiteyuriekaki, meta naimeki xete'uximayati. <sup>17</sup>Nekaniyukatemawieni 'Esitepanaxi, Purutunatu meta 'Akahiku me'u'axiaku, miki mepinetsi'uparewi xeme xekanetsiparewiwawekaku, tsepaneti memikayiwawekai yunaiti memahuki, <sup>18</sup>ne'iyaritsie 'aixia netiku'eriwame mekanenayeitiaka, yaxekiata xeme xe'iyaritsie. 'Ayumieme 'aixia xeketenewaxeyani miki miyamemite'uximaya.

### 'Imatirieka wairitsika kemitiwaruni'airiexia

<sup>19</sup>Atsiya memeyutixexeriwa mekanixewairitiaka. 'Akira meta Piritsira Ti'aitame hetsie metewiyati mekanixewairitiaka, meta miki wakiita memiyutixexeriwa wahamatia. <sup>20</sup>Yunaiti 'iwamarixi mekanixewairitiaka. Xekeneyuwairitiaka xemeta xepatsieti.

<sup>21</sup>Ne Papuru, mipai nekanixewairitiaka nemamaki neti'utiati.

<sup>22</sup>Xika xewiti Ti'aitame kanaki'erieka, 'axake'u'itiarieni. *Marana ta.*<sup>b</sup>

<sup>23</sup>'Aixia ketiuka'iyarini Ti'aitame Ketsutsi xehetsieme. <sup>24</sup>Yunaime nekanixenaki'erieka, Kiritsitu Ketsutsi hetsie netiwiyati. Mipai xeikia keni'aneni.

<sup>b</sup> 16:22 *Marana ta.* 'Arameuki panuyine Ti'aitame kenaye'a yatini Ti'aitame 'ukanamieni.

# Hutariëka mieme xapa kemitivaruni'airi Papuru Kurinitutari

---

## Wairitsika

**1** <sup>1</sup>Ne, Papuru, nekanixewairitiaka. Kiritsitu Ketsutsi ni'ariekame pinetsi'ayeitia, kaneneyeni'ani mipai mitinakeki Kakaiyari, ta'iwa Timuteu hamatia,

tekanixewairitiaka Kurinitutsie xemitama xemiyutixexeiriwa, Kakaiyari teiterimama xemihiki. Yunaiti xemupatsie hetsiena mieme naitсарie 'Akaya kwieyaritsie xemitama tekanixewairitiaka:

<sup>2</sup>Kakaiyari mita'ukiyari Ti'aitame Ketsutsi Kiritsitu hamatia, 'aixia mekete'u'iyarini xehetsiemieme, mekexepitiaka xemika'uximatiariekaki yu'iyaritsie.

## Papuru kemitu'uximatiariekai

<sup>3</sup>Kemi'ane Tati'aitiwame Ketsutsi Kiritsitu mikakaiyarieya mu'ukiyarieya, miki hepaitsita 'aixia ketikuxaxatsiwani. Miki ta'ukiyari katiniyukananimayaka, meta naimeki katiniyunitiwametini. <sup>4</sup>Miki taheyemeki kataniparewieka te'uximatiariekaku, tameta temiyiwaweniki naimeki temiwaparewiekaki hipame tsepa kememite'uximatiarie, Kakaiyari kemitatiparewie hepai. <sup>5</sup>Mipai yemeki ketemitekwine Kiritsitu mitiukwinixi hepai, mipaita yemeki tekateninitiarieka Kiritsitu yatatipitiakaku. <sup>6</sup>Tsepa temi'uximatiarie, mikiki xeme xekaninitiariekuni, meta xekanitawikweitsitariekuni. Meta xika tenitiarieka, mikikita xeme xekaninitiariekakuni kepauka xemite'uka'eniwa xete'ukakukuineti ketemite'uka'eniwa tame. <sup>7</sup>Yuri ketemite'erie xehepaitsita, tepitirikariyarie. Mipai tepitemate, xeme tahamatia ketemitetaxewi yaxeikia tete'ukakukuineti, mipaita xeme tame tekatenitaxewini tanaiti teparewiyati.

<sup>8</sup>Ta'iwama peuyewetse mipai xemitemaikaki, waikawa tepe'uximatiariekai 'Atsiya kwieyaritsie te'u'uwati. Kwini mieme pitihetekai yemeki, tepika'ikemakai. 'Atsitepikatemalaikai xika tetawikwenikekaitini yati tepitekwinikekai: <sup>9</sup>'atsita ta'iyaritsie mipai tepitetakihawekai, tepikwinikekai.

Peru mipai katiniuyini tahetsie yuri temikate'eriekaki, Kakaiyari hetsie pita, yuri temite'eriekaki putiuyi mikite miwaranuku'uitiwa. <sup>10</sup>Miki kataniutawikweitsitiani kapa mipai tete'ukwiniki. Meta 'uxa'atini warie pitatsitawikweitsitiani, kemi'anetsie yuri temite'erie. Tawarita katanitawikweitsitiamiki, <sup>11</sup>xeme xetatsiparewiekaku xe'iwawirieti Kakaiyari tahetsieme. Mipai xeteyurieu, yumiireti pamipariyutsi mekanipitiakakuni tahapaitsita, yametemaiti ketemitemikie yumiireti memiyunenewieki.

### Papuru kemutayi pipataxi

<sup>12</sup>'Aixia temutiyaneniki mipai tepaitika tahapaitsita, ta'iyaritsie 'aixia tepitetamate ketemiya 'ena kwiepa. Mipai tepitemate, Kakaiyari hetsieme tepatsieti tepiya, 'aixia tetehekiatsieti Kakaiyari kemitatipitia. Teiteri wahepai kememitemaiwawe tepikaya, matsi Kakaiyari yatatipitiakaku 'aixia kemitiuka'yari, mipai 'ayumieme tekaniyaika kwiepa memitama wahetsia, xehetsia matsi yemeki mipai tekaniyaika. <sup>13</sup>Taxapa kemiti'eniiriiki xeikia, kexemitemate, mipai xeikia te'utiyaati tepitexe'utiirie. Tsikeretsi xepitatsihetima peru 'etsiwa xeikia, <sup>14</sup>'aixia piyinikeyu xika naimeki pita xetatsihetimanike, mipai xetemaiti, miki tukaritsie kepauka munuani Tati'aitiwame Ketsutsi, 'ana xepiyiwaweni 'aixia xemutiyaneniki xetatsiha'eriwati, yaxeikia 'aixia temutiyaneniki tame texeha'eriwati.

<sup>15</sup>Mipai yuri nemi'teriekaiki xehapaitsita, 'ayumieme mipai nepitinemaikai, hutakia xehetsia nepunuanikekai xaitsie nekaye'aweti meri, waikawameki 'aixia nemixeyurieniki. <sup>16</sup>Xehetsia neheta'ame Matseruniya kwieyaritsie nepiyemie, tawarita Matseruniya neheyeyame xehetsia nepunuaniki xeminets'anuni'aniki Kureya kwieyaritsie paiti. <sup>17</sup>Kexeteku'eriwa, ¿mipai netinemaiti yaki xeikia netinepatakai? ¿Teiteri wahepai neyaneti mipai netinemaiti, huu ne'utaiti, kenetinepata tixai ne'utaiti?

<sup>18</sup>Yapitikamie Kakaiyari kemaine. Yaxeikia tame ketemixetehiawe, taniuki pikahuta, piyuxewi. Xika mipai reuyeweka «huu» temutiyaneniki, «tixai» tepika'utiyaane, yatini «tixai» xika reuyeweka temutiyaneniki, «huu» tepika'utiyaane. <sup>19</sup>Kakaiyari nu'aya Kiritsitu Ketsutsi xehetsia kanikuxaxatsiwakaitini tetekuxatakaku ne, Tsiriwanu meta Timuteu. Niuki miki hepaitsita manuyine pikahuta, piyuxewi mipai 'aneti mihikiki Kiritsitu. <sup>20</sup>Naime kemutayi Kakaiyari kename yatiyurieni, mikita niuki pikahuta, piyuxewi Kiritsitu meye'atiaki. 'Ayumieme kepauka 'aixia temutiyaane Kakaiyari hepaitsita, tepiyawawe mipai temutiyaneniki, «mipai kani'aneni», te'utiyaati, Kiritsitu mipai mitiuyuriki. <sup>21</sup>Miki Kakaiyari kanihikitini kemi'ane mitatsitseiriya xeme tame Kiritsitutsie temitewiyani. Miki heitserie pitatsi'upitia, <sup>22</sup>yuhetsieme pitatsi'u'iniarititai, ta'iyaritsie yu'iyari pitatsi'upitia 'iniaritime mimatsiikiniki tita tahetsie mitinake.

<sup>23</sup>Ne nepitahiawe Kakaiyari netukari minetsinawairieniki xika neti'itawani kenemaine. Nepakunua 'axanemikaxeretahiaweki. 'Ayumieme Kurinitu nepikahetia tawarita. <sup>24</sup>Mipai tepikahaitika tetexe'aitiakuti yuri kexemite'erie. 'Aixia xekeneti'uka yuri xete'eriet. Matsi mipai tepaitika xehamatia tete'uximayati xemi'yutemamawiekaki.

**2**<sup>1</sup>Mipai nepitinewairi 'ana, 'aixia pikayinikeyu xika tawarita nenuanike xehetsia nexeheweritiati, xemite'uka'eniwaniki. <sup>2</sup>Xika nexeheweritiakake xeme, ¿kepaiki pinetsitemawieritianikeyu ne nexeheweritiakaku kexenetetemawieritianikeyu? <sup>3</sup>'Ayumieme xapa mipai nepitiu'utia, kapa nenuayu menetsi'uheiwertianiki miki meuyewetse matsi meminetsitemawieritiani pita. 'Ipa'i yuri nepiti'erie yunaima xehapaitsita, xika nenetemawieka ne xemeta xepiyutemamawieka. <sup>4</sup>Kwinimieme ne'uximatiarieti 'ana, netsaipinarieti ne'iyaritsie mipai netinixeu'utiirieni waikawa ne'utatsuati. Peru xemiheiwertiariekaki yanepikatiu'utia, matsi mipai xemitemaikaki waikawa kenemitixenaki'erie yanepitiu'utia.

### **Papuru kemireiyehiwiri tewi 'axamitiyurienekai**

<sup>5</sup>Xewiti xika heiwertiarika heutiwiwiexiani, ne xeikia pikanetsiheiwertiani, matsi neka'anuhaitiamiti nepaine xeme yunaima pixe'uheiwertia. <sup>6</sup>Mikitsie katiniunake kexemite'iyetua mu'uximatiarieniki xe'uyu'enieka. <sup>7</sup>'Ayumieme xepiyiwawe matsi xemiteheiyehiwirieniki hiki, xepiyiwawe xeminitianiki miki tewi, kapa 'utaxitiarieniki yuheiwertieti 'anayuhayewameki. <sup>8</sup>'Ayumieme nekanixewawirieka xemihekiatsitiyaniki kexemite'inaki'erie. <sup>9</sup>'Ayumieme mipai nepitixeu'utiiri, yanemitimaikaki nexe'iniatake xika naime hepaitisita yaxetekahuni. <sup>10</sup>Kemi'ane xemiteheuyehiwiri, neta yaxekia nepireiyehiwiri. Kenemireiyehiwiri, tsepa hetsiena nemikatiuhipakai ne, nexeha'eriwati yanepireiyehiwiri Kiritsitu netsixeyiakaku, <sup>11</sup>kapa Kauyumarie tatiu'itaiyaki. Mipai temitemateki kemitiyuruwa miki.

### **Kemitiyu'iyaritiakai Papuru, Tiruhatsitsie 'uyeikati**

<sup>12</sup>Merikitsi, Tiruhatsi nekaninuani niuki 'aixia manuyine Kiritsitu hepaitisita para nemitikuxataniki, peru kitenie tsepa mireuyepiyakai nehetsiemieme Ti'aitame hetsie kenemitiwiya nemitikuxataniki, <sup>13</sup>nepika'uxipiekai ne'iyaritsie, ne'iwa Titu nemikahetaxeyawekaiki. Newarutateutiaka matsi nekaneyeyani Matseruniya kwieyaritsie paiti.

### **Kemitatihekiatia Kiritsitu hetsie tetewiyakaku**

<sup>14</sup>Matsi Kakaiyari pamipariyutsi kepitariieka. Miki yuheyemeki pitatsihekiatia Kiritsitsie ketemitwiya, teiteri wahixie tatsikuwitineti yu'utima. Takimana naitarie mipai katinihekiatani witsikemi'itiarie xika Kiritsitu maika. <sup>15</sup>Tame 'iniari tekanihikitini 'ikwa witsimu'ia hepai Kakaiyari kemitatixeyia, temiwaraye'eritiwaki Kiritsitu kemi'ane. Miki memitawikweitsitariexime kememitatexeyia, meta memikwixime kememitatexeyia tekani'iniaritini. <sup>16</sup>Memikwixime waheki tepumiki'ia temiwaraye'eritiwaki kememitekwinini, peru miki memitawikweitsitariexime waheki teputukari'ia temiwaraye'eritiwaki kememite'ayeneniereni. ¿Merikite, kepaiki pikema 'iki naime? <sup>17</sup>Tame yumiireme wahepai tepika'anene. Harerutsixi wahepai tepikateta'itaiya Kakaiyari niukieya tekuxatati. Matsi 'aixia tetehekiatsieti, Kakaiyari kemitareyeni'a, Kakaiyari tatsixeyiakaku teyiati, Kiritsitutsie tetewiyati mipai tetenikuxatani.

### Ketemite'uhiritiarie tiratu mihekwa hepaitsita

**3**<sup>1</sup>Mipai te'utiyuati tawarita tepika'itsutia para temitatahekiataki xemitatsimaikaki 'aku. Hipame wahepai keteteheiyehiwa xapa mitatsihekiatiakaki temimariwaniki, yaxemite'utiiyarieniki yaxemiteti'utianiki nutsu. <sup>2</sup>Xeme taxapa xekanihikitini ta'iyaritsie mira'utiarie. Yunaiti teiteri mepiyiwawe memititeriwaniki mipai memitehetimaniki mexexeyati. <sup>3</sup>Xekanimatsiikini xeme Kiritsitu xapaya xehikititi yatetehiritiariekaku tame. Miki xapa tauxiki pika'utiarie, Kakaiyari mayeniere 'iyarieyaki pita kani'utiarieka. Tetetsie pikara'uxa, tewi mayeniere 'iyarieyatsie katina'uka.

<sup>4</sup>Kiritsitu yatatipitiakaku, mipai tetetamaiti, yuri tekateni'erieka Kakaiyari hetsie. <sup>5</sup>Mipai tepikateku'eriwa kename takimana teyiwawe tixaiti temitetsutiani. Matsi Kakaiyari yatatipitiakaku tepiyiwawe. <sup>6</sup>Mikiri kemitatiupitia, pitatsi'uhiritia tiratu hekwame hepaitsita, peru 'utiarika hepaitsita xeikia pikatatsi'uhiritia, matsi 'iyaritsie mieme pita pitatsi'uhiritia. 'Utiarika hexeyati xeikia kanimimiki, peru yu'iyaritsie heixeyati tukari kanipitiariekamiki.

### Waikawa witsikemi'ane tiratu mihekwa

<sup>7</sup>Miki tiratu kimana mumini witsi'aneti kaninuani tetetsie mira'uxakai Muiťsexi kemituhiritiarie. 'Ixaheritsixi teiteriyari mepikayiwawekai Muiťsexi nierikaya memixeyaki, witsimirayexawatikaiki tsepa mayeyetitirimekai. <sup>8</sup>Merikite, ¿matsi waikawa witsikati'aneni tiratu 'iyaritsie mimieme xika hepaitsitana hiritiarieka? <sup>9</sup>Xika witsi'utiiarieni yatihiritiariekaku tiratu hepaitsita kimana teiteri memitixani'eriwa, matsi waikawameki 'anayuhayewameki witsipitiiyini yatihiritiariekaku tiratu hepaitsita kimana heitserie memipitiarieka. <sup>10</sup>Miki meta, tita witsimiti'ane kai witsipikatiyuxexeya hiki, miki pita kwinimieme witsi'aneti me'iwaki. <sup>11</sup>Tita mirayeyetitirimekai witsip'ane kai, peru matsi waikawa witsikani'aneni tita mikatixiwe.

<sup>12</sup>Mipai yuri temite'erieki, 'ayumieme kwiteyuyetuati tepitekuxata. <sup>13</sup>Muiťsexi hepai tepikayia, 'ixurikiki kemireuyukunakai 'ixaheritsixi teiteriyari yuheyemeke memika'ixeyaki, kemirayeyetitirimekai. <sup>14</sup>Miki teiteri me'u'itutupeti mekanakine kememiteyu'iyaritiakai. Hikike yaxeyika mikiki 'ixurikiki heuyukunati kaniyuhayewa kepauka mutiteriwariwa tiratu meripaiti mieme xapayari. Pikaheukuyepiwa, Kiritsitu hetsie tiwiyakaku xeikia pika'unariwa. <sup>15</sup>Matsi hikike Muiťsexi xapaya 'akateriwariwakaku, miki 'ixurikiki wa'yari kaneukunaka. <sup>16</sup>Peru kepauka kemi'ane Ti'aitame hetsia munuani, 'ana kaneukuyepiyamiki. <sup>17</sup>Matsi Ti'aitame kani'iyaritini, hakewa Ti'aitame 'iyarieya meyeika, tewi mana kaniyini'aka. <sup>18</sup>Tame tanaiti tahixie kaheukunakaku tepihekiata Ti'aitame witsikemi'ane, tsepa yixaiyemeke, xikiritsie tewi kemitihekiata. 'Ayumieme tepikupatsiwa, witsite'aneneti tepakinirime, hepaina teteyuxexeyati tete'akinirime. Ti'aitame 'iyarititi mipai katiniyurieneni.



## Ketemite'ayeneniere yuri tete'erieti

4<sup>1</sup> 'Ayumieme mipai tetehiritarieti tepikawairipie, matsi ketemitenenimayatsie tepiyia. <sup>2</sup>Peuyewetse hipati memiyutetewiyaniki 'awie kememiteyurie, peru tame tekateniutixanierieni miki naime. 'Atepika'u'uwa teteta'iriyati, haa tepika'iniitia Kakaiyari niukieya, 'aixia 'anemeki pita tekatenikuxatani. Matsiikime tepeyeitia tita yuri miraine, Kakaiyari tatsixeyakaku tepitahekiata, yunaiti teiteri yu'iyaritsie mipai memitemaikaki kename yuri. <sup>3</sup>Taniuki 'aixia manuyine tsepa meukuname, memitatimaiyariexime kememite'lenie xeikia wahetsiememe kaneukunaka. <sup>4</sup>Hiki miemete wakakaiyari kaniwarakipiriyaxiani miki yuri memikate'erie kememiteyumate yu'iyaritsie, kapa hekiariya me'uxeiyaki, niuki 'aixia manuyine Kiritsitu kemitimariwe kemitwahekiariwiyakeyu. Miki Kiritsitu Kakaiyari kani'inariyatini, hepaina pitiyuxexeya. <sup>5</sup>Miki meta, tame tepikatekuxata tahepaitsita, matsi mipai pita tepitekuxata, Kiritsitu Ketsutsi ti'aitame kemitihiki te'utiyuati, tame xeparewiwamete tepihiki Kiritsitu hetsia mieme. <sup>6</sup>Matsi Kakaiyari mipai mutayi: «Hekiariya yiwipa ke'uneni», 'utaiti, miki katanihekiariwiyani ta'iyaritsie. 'Ayumieme yatetemaiti Kakaiyari kemitimariwe, Kiritsitu hetsie kemitimatsiiki, tekanihekiariwiyarieka.

<sup>7</sup>Iki waikawa miraye'axe, haxu xariyarita tekaneixeyani 'iki tirikariya, mimatsiikiniki Kakaiyari hetsia mimiemeki, tahetsia mikamiemeki. <sup>8</sup>Tsepa naimeki temu'uximatiarie, tepikaha'iwari. Tsepa 'atsitemikatemate ketemiteyurieni, tepikawairipie. <sup>9</sup>Tsepa temeutaweyariexia, tepikaku'eriwa. Tsepa tematixiriya, tepika'utatimaiyarie. <sup>10</sup>Taheyemeki tepikwixime tawaiyaritsie, Ketsutsi kemitiumi. 'Ayumieme tukari kanimatsiikini tawaiyaritsie, Ketsutsi kemirayeniere kanimatsiikini. <sup>11</sup>Tame temayeneniere taheyemeki tekaniyetuiyani temikwiniki Ketsutsi hetsia temimemeteki, mimatsiikiniki tawaiyaritsie kemirayeniere Ketsutsi, tsepa temikwixime. <sup>12</sup>'Ayumieme tekwiximeti tekaniyiaka, xemetsi xe'ayenenereti xepiyia.

<sup>13</sup>Kemire'uxa: «Yuri nepitiuta'eri, 'ayumieme neputaniu». Tameta yaxeikia tepite'u'iyari. Yuri tepite'erie, 'ayumieme teputiniuka, <sup>14</sup>mipai tetemaiti, kemi'ane menukuketia Ti'aitame Ketsutsi, miki katananuku'uitiamiki tameta Ketsutsi hepai, xehamatia meta katanaye'atiamiki yuhetsia. <sup>15</sup>Mipai naiti katiniyimiki xehetsiememe. 'Ayumieme miki yemeki 'aixia tiuka'iyariti yumiiere wahetsiememe, pamipariyutsi kanipitiariekamiki. Mikiki Kakaiyari witsikemi'ane kanikuxaxatsiwamiki.

<sup>16</sup>'Ayumieme tepikawairipie. Tsepa herie temitipinirime, tataita tekanihekwariyarieka tukariki. <sup>17</sup>Pikahahete, ketemite'uximatiarie hiki, 'epikareutere. Peru yatete'uximatiarieme, taheyemeki witsi'anemeki tep'ikatariieka mikaxiweki. <sup>18</sup>Peru tepikatekuwautiwe tita temitexeya, tita temikatexeyawawe pita tekanikuwautiweni. Tita temitexeya 'apikatiteriwe, tita temikatexeyawawe pita yuheyemeki 'apititeriwe.

### Kii tekanexeyani Kakaiyari mitatsipitia

**5** <sup>1</sup>Mipai tekatenimaika, xika 'uka'unarieni 'iki xamaru hakewa temayetei 'ena kwiepa, kii tekanexeyani Kakaiyari mitatsipitia mamaki mikawewiya yuheyemeki 'amuwe muyuawitsie. <sup>2</sup>Miki meta, mipai te'aneneti tekaniuti'aiwani temenakatiniki hakewa temayeteni taheima mieme. <sup>3</sup>Mipai tete'enakatime yemeki tepikamamaweni. <sup>4</sup>Hiki xamarutia te'ayeteti tekaniuti'aiwani tetsaipineti. Tatsiari tekaheutakemaripekuti, matsi tepenakatikini, tita mirayeniere yuhetsie mixewiriyani tita mitimixime. <sup>5</sup>Merikite, Kakaiyari kanihikiti keme'ane mitatsi'utiwewi mipai mitiyiniki. Mikita yu'yari kataniupitiani 'iniaritime mimatsiikiniki tita tahetsie mitinake.

<sup>6</sup>Ayumieme ta'yari tepukayetsa taheyemeki. Mipai tepitemate, mexi tawaiyaritsie te'u'ua, Ti'aitame hetsia tepika'u'ua. <sup>7</sup>Yuri tete'erieteki tekani'u'uwani, te'ixeyati tepika'u'ua. <sup>8</sup>Ayumieme ta'yari tepukayetsa, tepitawairiya matsi temiku'eirieniki tawaiyari, Ti'aitame hetsia pita teme'uwaniki. <sup>9</sup>Ayumieme tekanitamexiitiaka teminaki'aritaniki tsepa 'ena temu'uwa tsepa hetsiana teme'uwa. <sup>10</sup>Kaneuyewekani tanaiti tematsiikiti temayeitiarieniki Kiritsitu 'uwenieya hixie hakewa mitatsiheta'iwawiya, taxexuiti temite'apiniyarieniki 'aixia ketemite'uyuri meta 'axaketemite'uyuri, tawaiyaritsie te'u'uwati.

### Ketemitehiritiari, temitekuxataniki, teiteri Kakaiyari hamatia 'aixia memiteyuxeyaniki

<sup>11</sup>Ayumieme mipai tetemaiti, mipai kemireuyewetse Ti'aitame te'ayemakati, yuri teiteri tekateniwa'eritiaka. Tekanimatsiikini Kakaiyari kemitatixeyia. Yuri tepite'erie kename tematsiiki xemeta kexemitatexeyia, kexemiteyumate yu'iyaritsie. <sup>12</sup>Mipai te'utiyuati tawarita tepika'itsutia tetahekiatati xemitatsimaikaki. Matsi mipai te'utiyuati tekanixepitiaka 'aixia xemutiyuaneniki xetatsiha'eriwati, niuki xemexeyaniki kimana xemiwata'eiyaki miki herie mieme xeikia meha'eriwati 'aixia memutiyuane yuhepaitsita, 'iyaritsie mieme memikaha'eriwa 'aixia me'utiyuati yuhepaitsita. <sup>13</sup>Tsepa 'atsitemikatemate, Kakaiyaritsie mieme tekaniyiaka. Meta tsepa temitemaiwawe, xehetsiemieme tepiyia. <sup>14</sup>Kiritsitu mitatsinaki'erieki, 'ayumieme tinakemeki tepiyia, tepikayiwawe yiki temiteyuriekaki. Mipai matsi tepitehetima, xewiti yunaima wahetsiemieme kaniumini, 'ayumieme yunaiti mepukwi. <sup>15</sup>Miki meta, yunaima wahetsiemieme kaniumini, miki memayeneniere yuhetsiemieme memika'ayeneniereniki, keme'ane wahetsiemieme mumi manukuketiarie, mikitsie miemeki pita memiyiakaki.

<sup>16</sup>Ayumieme hiki xeime tepikamate teiteri kememite'imate. Tsepa temimaikai Kiritsitu teiteri kememitehe'eriwa, hiki mipai tetehe'eriwati tepika'imate. <sup>17</sup>Ayumieme xika Kiritsitsie tiwiyani, yiki 'aneti katiniunetiarieni. Tita meripaiti mitimieme kanaanuyeyani. Kami, naiti hekwati

katinayani. <sup>18</sup> Iki naine Kakaiyari katiniutsutiani. Miki pitatsi'upitia 'aixia temitetaxeianiki hamatiana, Kiritsitu mipai mitiuyuriki. Kataniuhiritiani temitekuxataniki, hipatita hamatiana 'aixia memiteyuxeianiki: <sup>19</sup> mipai te'utiyuati, Kakaiyari Kiritsitu hetsie tiwiyati mipai pitiwapitia kwiepa memitama hamatiana 'aixia memiteyuxeianiki, wahetsie pikatiuhipa 'axamemite'uyuriki, matsi pitatsiyetui miki niuki 'aixia ketemitetaxeiya wahamatia manuyine, te'utiyuati. <sup>20</sup> Ayumieme Kiritsitu ni'arimama tekanihikitini, hetsiena mieme tekaniutiniukani, mipai tetemaiti, Kakaiyari kanixetuikani mipai te'utiyuanekaku: «Kiritsitu hetsiemieme te'utiniuti wairiyarika tekanixepitiaka, Kakaiyari hamatia 'aixia xemiteyuxeianiki». <sup>21</sup> Kemi'ane 'axamikatiyuriwekai Kakaiyari 'axatiyuruwame hepai pitixei, tame miki hetsie tetewiyati Kakaiyari heitserie kataniupitiani.

**6** <sup>1</sup> Tame Kakaiyari te'uximayatsiriwamete, tekaniwawiriekame xeme, xe'itanaki'erieme tita Kakaiyari mitixemikwa 'aixia tiuka'iyariti, yakixekia xemika'itanaki'erieniki. <sup>2</sup> Miki mipai maineki:

«Yemeki kepauka yanemira'eriwakai 'ana nepimetsi'u'eni,  
kepauka newikweitsitarika maye'a 'ana nepimetsi'uparewi».

Kami hiki tukari 'aixia mi'ane kanihikitini, kami hiki tukari kanaye'ani xemitawikweitsitarieniki.

<sup>3</sup> Nixeime tepika'ukununuitiwa tixaiti hepaitisita, 'iki hiritiarika kapa 'axatikuxaxatsiwaniki ketemitehiritiarie. <sup>4</sup> Matsi Kakaiyari te'uximayatsiriwamete tehikititi naimeki tepitahekiata: waikawa tete'uka'eniwati, teteheuyehiati, tetatexietiweti, <sup>5</sup> tetiweiwati, te'anutaxiriwati meta teiteri meyuxamurietiwekaku, waikawameki tete'uximayati, tetahitiati meta teyehakakwitiweti. <sup>6</sup> 'Aixia 'anemeki tekateni'uximayaka, tetemaiti kemireuyewetse, tete'ukanenewieti meta 'aixia tete'u'iyariti, 'Iyari Mitiyupata tehexeyati meta yuriki teteyukanaki'erieti, <sup>7</sup> yuriki tetekuxatati meta Kakaiyari tirikariyaya tehexeyati, heitserie temupitiarie kuya tepiyaki, naitisata miemeki kimana temitakwitiweniki. <sup>8</sup> Witsitetexeyarieti meta 'axatetexeyarieti, 'axatetekuxaxatsiwati meta 'aixia tetekuxaxatsiwati. Tete'itawamete tepixatsiwa peru yuri tepitekuxata, <sup>9</sup> kename tekamatiwa meputiyuane peru yunaiti mepitatsimate, kename tekwxime meputiyuane peru tepayenenieme, tepitiweiwa peru mepikatatsikwiwawe, <sup>10</sup> tsepa temunututuixie, peru taheyemeki tepiyutemamawie, tixaiti tekatehexeyati, peru xikutsixi tepiwarayetiwa yumireme, tixaiti tepikatehexeyiya, peru naiti pititapiini.

<sup>11</sup> Ta'iwama kurinitutari, ta'iyari ya'ane'kaku 'aixia 'anemeki tepitekuxaxatiwa xexuimeki. <sup>12</sup> Ketemitehexeyiya, ta'iyaritsie 'aixia tepiteku'eriwa, peru xeme 'aixia xepikatatehexeyiya yuhetsie. <sup>13</sup> Merikite, netiiriyama xemihikitini hepai nekatnixekihaweni, yaxekiaata xeme xeketenyurieka, xe'iyari 'aixia 'ane'kaku xexuimeki.

### Kakaiyari mayenieme tukieya ketemitehiki

<sup>14</sup> Yuri memikate'erie wahamatia xepikayuxewiriyani. ¿Titari rexeiya mitiheitserie meta tita 'aitsika mitititsana hamatia? ¿Ketiuyuxewi hekariya

yiriya hamatia? <sup>15</sup> ¿Kemeteyu'enie Kiritsitu meta tsatanaxi hamatia?  
¿Kemeteyuxewi tewi yuri miti'erie meta yuri mikati'erie hamatia?

<sup>16</sup> ¿Kakaiyari tukitana kemetenake tetexi kakaiyarixi? Pikayiwetsieti. Tame Kakaiyari mayeniere tukieya tekanihikitini, kemutayi Kakaiyari: «Wahetsia nekaniukaimiki, watsata nekaniuyeikamiki. Wakakaiyari nepihikitini, mikita neteiterima mepihikitini». 'Ayumieme mipaita putayi:

<sup>17</sup> «Watsata xekenayekineka,  
xekeneuyupata.

Ketita mikati'itiya xepikatekumaiwani,  
ne 'ana nekanixetanaki'erimiki».

<sup>18</sup> «Ne xe'ukiyari nekanihikitikamiki,  
xemeta neniwema 'ukitsi 'ukari xepihikitini,  
mipai kanineni Ti'aitame Naimekimitirikaiye».

**7** <sup>1</sup> Merikite ne'iwama nenaki'erima, mipai temite'utahiwarieki kename mipai tiyurieni, tepita'itieka naimeki tita tawaiyaritsie 'axamitiyurie meta ta'iyaritsie, tepaye'axiaximeni Kakaiyari te'ayemakati tete'uximayati tepatsieti hepaina.

### **Papuru kemitiyutemawiekai, kurinitutari mete'uhayewaku kememiteyuriekai**

<sup>2</sup> Yu'iyariki xeketaneutanaki'eri tame. Nixeime 'axatepika'uyuri, tixaiti xeime tepikate'unawairi, nixeime tepikate'u'itaiyaxi. <sup>3</sup> Mipai kenemaine, xehetsie nemitiuhipaniki nepika'utaine. Meripaiti mipai nepitixekihawekai kename ta'iyaritsie texeha'eriwa, kename 'axeikia tetaxewi tsepa temikwini tsepa temayeneniereni. <sup>4</sup> Waikawamekiri nepikane'iyarititia xehepaitsita, yemeki 'aixia nepitikuxata xehepaitsita. Waikawa xepinetsitirikariya, tsepa naimeki kenemiti'uximatiariekai, nepinitiarie, hiki netemawierika panayuhayewa.

<sup>5</sup> Kepauka Matseruniya kwieyaritsie temu'axia tepikaka'uxipiwawekai tawaiyaritsie, naimeki matsi tekani'uximatiariekaitini. Ta'aurie pitiyukwinekai, tataita tepimamakai. <sup>6</sup> Peru kemi'ane Kakaiyarititi miwanitia miki memiyuheiwerie, tameta miki kataniunitiani, Titu munuaki, <sup>7</sup> munuaki xeikia pikatixai, matsi miki munitiarieki xehepaitsita tepunitiarie tameta, tatikuxaxatiwakaku Titu kexemitatexeyakukai, kexemiteyuiweriekai, kexemiteyumexiitia nehetsiemieme. 'Ayumieme ne matsi yemeki nepinetemawiekai.

<sup>8</sup> Nexapaki tsepa nemixe'uheiweritia, yiki nepikatinekihawe. Tsepa yiki nemitinekihiawekai 'ana, mipai netimaiti miki xapa tsikeretsi yapaimexia mixe'uheiweritiaki, <sup>9</sup> peru hiki matsi nepinetemawie. Xemuheiweritarieki, mikiki nepikanetemawie. Matsi yaxete'uheiweritarieka xemite'uhayewaxiki kexemiteyuriekai, 'ayumieme nepinetemawie. Kakaiyari yatixepitiakaku xekaniuheiwertiarieni, 'ayumieme tixaitiki tepikatexe'ukwinitia mipai temite'uyuriki. <sup>10</sup> Xika yuheiwerieka Kakaiyari yatipitiakaku, pitihayewa kemitiyurienekai, meta pitawikweitsitiarieni. Tihayewame kemitiyurienekai, tawarita 'axapikatiyikihaweni mitiuhayewaxiki. Mexika yuheiwerieka

kwiepa memitama wahepai xeikia, pipitarieni muminiki. <sup>11</sup>Neuxei kemitiuyi kepauka Kakaiyari mixe'upitia xemyuheiwerekaki. Mikiki xepuyuwairi, miki meta, xepiyutahekiataxi yuniukiki, xepiyuyehexaxia, xeputimama. 'Ana xepinetsixeyakukai, xepiyumexiitiakai, 'aixia xepiyuri naime. Naimeki xekaniyuhekiataxi xemi'itiyaki miki kemitiuyiki. <sup>12</sup>Merikite, mipai nepitixe'u'utiiri, peru kemi'ane yu'iwa 'axamuyuri meta 'axamu'itiarie neha'eriwati xeikia nepikatiu'utia. Xeme yikimana mipai xemitemaikaki kexemiteyuwairiya tahetsiememe Kakaiyari xexeyakaku, 'ayumieme yanepitiu'utia. <sup>13</sup>Mipai mitiuyiki, 'ayumieme tepunitiarie tame.

Miki meta, tame mipai tete'unitiarieka, matsi waikawa tekanitatemamawiekaitini Titu miyutemawiekaiki, yunaiti kayuwati xemipitiaki 'iyariefatsie. <sup>14</sup>'Aixia kenemititaxatia xehepaitsita, nepika'utewiyatsitiarie neniuki hepaitsita. Matsi yaxeikia yuri ketemitekuxaxatiwakai naimeki, mipaita kaniyuritikaitini Titu 'aixia ketemite'itaxatia. <sup>15</sup>Mikita kwinimieme matsi kanixenaki'erieka xeha'eriwati yaxemitekahuki yunaiti, xeha'eriwati kexemite'itanaki'eri xeheumamati meta xe'utiyiyakati. <sup>16</sup>Neta nepinetemawie nemiyiweki neminenitianiki xehepaitsita naimeki.

### Tumini kememite'ukuxeiri Kakaiyari teiterimama wahetsiememe

**8** <sup>1</sup>Hiki ta'iwama tepitexetaxatiankeyu, Kakaiyari 'aixia tiuka'iyariti kemitiwarupitia miki memeyutixexeiriwa Matseruniya kwieyaritsie.

<sup>2</sup>Waikawa mepi'iniatsietawe me'uximatarieti, peru watemawierika panayuhayewa. Tsepa yemeki tixaiti memikatehexeyakakai, mepitimiiriyaxi 'aixia 'iyariki kememitewamikwakai. <sup>3</sup>Kenemitiunierixi yanepitihekiata. Kememiteywawekai xeikia nepikahaine, matsi yemeki mepika'uyutikweri kememitewamikwakai hipame. Yikimana <sup>4</sup>wairiyarika metatsipitiati mekataniutawawirieni mipai temitewataunieniki, mewaparewieti memiyuxewiniki Kakaiyari teiterimama wahamatia. <sup>5</sup>Ketemiteku'eriwakai mipai memiteyurienikekaiki yamepikate'uyuri. Matsi mekaniyuyetuan meri Ti'aitame mitiwata'aitianiki, tameta temitewata'aitianiki Kakaiyari mipai mitinakeki. <sup>6</sup>'Ayumieme Titu tekaniutawawirieni 'iki 'imikieriki miraye'atianiki xeme xehetsia miki meripaiti mitsutiaki 'ixeirieti. <sup>7</sup>Waikawa naiti katinitimiiririmeni xehetsiememe kexemiteyurie, yuri xete'erieti, xetekuxatati, xetemaiti tita mireuyewetse, naimeki xeyuwairiyati texenaki'eriekaku. Merikite, yaxeikiata 'iki 'imikieri sekeneutimiiriya.

<sup>8</sup>Netixe'aitiati hiki nepikatiyekihawe. Matsi hipati mipai memiteyuwairiyaki, nexe'iniatati nepaine, xika xehekiatsieka xemeta miki wahepai kename xeteyukanaki'erie. <sup>9</sup>Xeme mipai xepitehetima 'aixia kemitiuka'iyari Tati'aitiwame Ketsutsi Kiritsitu. Miki tsepa mixikutikai, xehetsiememe tixaiti karexeiyati payuyeitia, xeme xikutsixi xemakineki, miki tixaiti karexeiyati matiaki.

<sup>10</sup>'Iki hepaitsita kenemitiku'eriwa mipai nekatini'xetaxatiani. 'Aiki xepuyuwairi xemitsutianiki mipai xeteyurieti. Merikite, hiki 'aixia kaniyimiki xehetsiememe xika mipai xete'uyurieni, <sup>11</sup>xika

mipai xete'aye'atiani kexemiteyurie. Xe'iyari kemi'anekakai mipai xemiteyuwairiyani, mipaita xeketenaye'atiaka, kexemiteywawe. <sup>12</sup> Xika xewiti yatiyurieneni 'iyarieya ya'anekaku, tita mirexeiya mitiyetuaniki miki pinaki'eriyarieka, tita mikarexeiya pikatixai.

<sup>13</sup> Perutsi ne mipaititi nepikahaine hipame xewaparewieti xemihakakwiniki nepika'utaine, <sup>14</sup> matsi waikawa xemitehxeiyaki hiki nepaine. Tita hiki xehetsia miranuyuhayewa, mikiki xekeniwaparewieka memiteheuyehiwa, mikita 'uxa'atini warie wahetsia ranayuhayewakaku memixeparewieniki xeme kepauka xemiteheuyehiaka mipai 'ana yunaiti tepitehxeiyani, <sup>15</sup> yaxeikia kemire'uxa: «Kemi'ane waikawa mitiukuxeiri, pika'anayuhayewaxi. Kemi'ane 'etsiwa mitiukuxeiri, tixaiti pikareuyehiakai».

### Titu

<sup>16</sup> Pamipariyutsi Kakaiyari nekanipitiaka Titu mupitiaki nehapai mitiku'erivaniki ne xehetsiemieme kenemitiku'eriva. <sup>17</sup> Kataniu'enieni ketemite'iwawirikai xehetsia mimieki, miki matsi yemeki kaniyuwairiyakaitini, yikimana miyemie. <sup>18</sup> Hamatianata tekananini'akuni ta'iwa mimatiwa niuki 'aixia manuyine mikuxata, yunaiti naitsarie memiyutixexeiriwa memeitima. <sup>19</sup> Miki meta, memiyutixexeiriwa mekanenayexeya tahamatia miyemieki 'iki 'imikieri temani'initsie ketemitehiritiari, T'aitame hepaitsita 'aixia mitikuxaxatsiwaniki, temimatsiikiniki tameta ketemitetawairiya. <sup>20</sup> Mipai tepitetakweriwayurie, xewiti kapa niukixiekaki 'iki 'imikieri hepaitsita kemitiwaikawa kimana temihiritiari. <sup>21</sup> Tita 'aixia miti'ane, mikiki tepitamexiitia T'aitame kemitatixeya, meta teiteri kememitatexeya.

<sup>22</sup> Wahamatia ta'iwa tekananuni'akuni. Miixamexia te'ita'iniataka, tepeitima kemitiyuwairiya. Hiki matsi waikawa piyuwairiya, waikawameki yuri mitixe'eririekaki xeme. <sup>23</sup> Titu hepaitsita, mipai nepitexekihawe ne'iwa pihiki meta ti'uximayatame xehetsia, ta'iwamata hipame wahepaitsita, miki memiyutixexeiriwa wani'arima mepihiki, wakimana Kiritsitu mariwemeki mikuxaxatsiwaki. <sup>24</sup> 'Iki xekeniwahekiatsitiiyani kename yuriki kexemiteyukanaki'erie, kename yuri 'aixia ketemitewakihawe xehepaitsita, xaitsie memeyutixexeiriwa mexexeyakaku.

### Tuminiki kememitewaparewienikekai 'iwamarixi

**9** <sup>1</sup> Merikitsi, mipai kexemite'ikuxeiri Kakaiyari teiterimama wahetsiemieme, tawarita niuki pikaheuyewetse miki hepaitsita para nemitixe'utiirikaki. <sup>2</sup> Ne mipai nepitimate kexemiteyuwairiya, 'ayumieme 'aixia nepitiwakuxaxatiwa matseruniyatari xehepaitsita. Mipai nepitiwakihawe, 'akaiyatari 'aiki mepiha'aritsiekai mipai memiteyuriekaki. Mipai meteyuwairiyati mikita yuwaikawati mipai memiteyumexiitiaki. <sup>3</sup> Nekaniwaranuni'amiki ta'iwama nikati yakixeikia rayaniki tita 'aixia nemitiwakuxaxatiwa xehepaitsita, tita xemite'ukuxeiri, miki nexatati. Peuyewetse matsi xemiyuha'aritiakaki yaxeikia kenemitiwakihawekai xehepaitsita. <sup>4</sup> Matseruniyatari ne'utima xika me'u'axianike, miki xika

mexe'utaxeyake xekaha'aritsiekame, xepitatsitewiyatsitianikeyu tame 'atsitekatexe'utahiaweyu xehetsiemieme ketemitehekiata. <sup>5</sup>Ayumieme mipai netiu'erieka meuyewetseki 'iwamarixi nekaniwarutawawirieni miki meri memiyehuki xehetsia, memixekuha'aritsitianiki mipai 'aixia kexemiteyuriekukai meripaiti xemitewamikwaniki hipame. Peuyewetse mikuha'aritsieniki xe'iyari ya'ane'kaku, yuhetsiemieme xe'ikweriekaku pikatixai.

### Kemi'ane waikawa mika'eni

<sup>6</sup>'Iki xekena'eriwani: Kemi'ane 'etsipaimeme muka'e yu'imiyari 'ikwerieti, 'etsiwa xeikia kanika'itsanamiki meta kemi'ane waikawa mika'eni, miki 'anayuhayewame kanika'itsanamiki. <sup>7</sup>Yuxexuiti matiaripaiti yikimana kememiteyihawixi yu'iyaritsie, mipai meketehayurieka, mekayuheiwerieti mewiyariekame mekayu'erieti, mipai pita meketewamikwani. Kakaiyari kaninaki'erieka kemi'ane yutemawieti mitiyetuaya. <sup>8</sup>Kakaiyari kaniyiweni mitimiiriya tita mitixepitia 'aixia tiuka'iyariti, manayuhayewaniki. Xika mipai 'aneni, yuheyemeki naiti mireuyewetse xepitehexeyani, xepiyiwaweni 'aixia xemiteyuriekaki naimetsie. <sup>9</sup>Kemire'uxa:

«Naitsarie katiniwayetuirieni yupiinite, katiniwarumini tixaiti memikatehexeya,

heitseriemeki yatikamieti tita mitiuyuri yuheyemeki 'epititeriwe».

<sup>10</sup>Kemi'ane 'imiari mimikwa 'etsame, 'ikwai mitatsimikwa mitikwaiyaniki, mikita xeme pixemikwani, pitimiiriyani tita xemite'uka'etsa pititixuawitiani tita mitiutixuxuawere heitseriemeki yaxemitekahuki.

<sup>11</sup>Naime hepaitsita xikutsixi xepayeitiarieni yemeki 'aixia 'iyariki xemitewamikwaniki hipame. Ketemiteyurie, mipai xetewamikwakaku, Kakaiyari pamipariyutsi kanipitariiekamiki. <sup>12</sup>Mipai xetewaparewiekaku yu'uximayatsikaki kememiteheuyehiwa xeikia Kakaiyari teiterimama xepikatewamikwa, matsita waikawameki meyutemamawieti Kakaiyari hepaitsita 'aixia mepaitikani. <sup>13</sup>Xeme xepimatsiiki kexemite'u'iniatsie mipai xemitewaparewieki. 'Ayumieme 'aixia mekanituyuaneni Kakaiyari hepaitsita yaxemitekahuki, yaxeikia kexemiteyuhekiata niuki 'aixia maniyine hetsie xetewiyati Kiritsitu hepaitsita mitikuxata, 'aixia 'iyariki xemiwarumiki miki hipameta yunaima. <sup>14</sup>Yaxeikiata xehetsiemieme kepauka memiyutinenewiwa mekanixehiwe'eriekakuni, Kakaiyari kwinimieme 'aixia mitiuka'iyariki xehetsiemieme. <sup>15</sup>Pamipariyutsi Kakaiyari kepitariieka, mipai mitatiumiki ketemikateyiwawe yatemitehekiataniki.

### Papuru yuhetsie kemitiutaniu, kemireye'atia yihiritiarika

**10** <sup>1</sup>Hiki ne Papuru nekanixewawirieka, kemitiyukanaki'erie meta 'aixia kemitiuka'iyariki Kiritsitu, mipai nepaine. Tahixie te'utinierekaku tixaiti nepikatihiki xeniu xehetsia ne'uyeikati, 'atewa ne'uyeikati pita nepinewairiya kenemitixe'utahiawe. <sup>2</sup>Merikite, nepixewawirie mikahuyewekaniki nemixetahiaweki ne'ane'eriyati xehetsia nenuame, tsepa mipai nemitimate, xika 'aixia 'anekame ne'erieka nemiyiweki nemane'eriyanihi hipame wahapaitsita, waitsie tetewiyati

te'u'uwame memitatsi'erie, miki wahepaitsita. <sup>3</sup>Tsepa 'atemu'uwa kwiepa, waitsie tetewiyati tepikatakwitiwe. <sup>4</sup>Waitsie pikamieme kuya tepiaya kimana temitakwitiwe, matsi pita pitirikawi Kakaiyari hetsiemieme, temika'unaxianiki kuyaxi waki. <sup>5</sup>Iyaritiarika tekanika'unarimeni teiteri kememiteyikihiawe, tsepa kemititita Kakaiyari miraye'unie memikamaikaki, miki tekanika'unarimeni. Naime 'iyaritiarika tepanutahiwa yamitikamieniki Kiritsitu kemaine. <sup>6</sup>Taheyemeki tepiha'aritsie temiwa'uximatianiki yunaime memikayuwaiya yamemitekahuniki, xe'aye'atariyeu xeme yaxetekahuti.

<sup>7</sup>Xekeneuyi'wiya tita xehixie mitixuawe. Xewiti xika yu'iyaritsie Kiritsitu hetsia mieme yu'erieka, mipaita matsi yu'iyaritsie ketiyikihiaweni, miki Kiritsitu hetsia kemitimieme, tameta hetsiana temimiemeteki.

<sup>8</sup>'Iki heitserie temexeiya tame, Ti'aitame mipai pinetiupitia nemixetirikariyaniki, nemixeka'unaxianiki nepika'utaine. Merikite, xika 'etsiwa ne'anuyehaitiriweni mariweme nexatati 'iki heitserie temexeiyaki, nepikanetewiya mipai ne'utaiti. <sup>9</sup>Aixia pikayini xika nexemariutame ne'eriwani xapaki. <sup>10</sup>Mipai piraniuwa: «Xapaki kemaine pahete pitirikawi, peru yuwaiyaritsie 'uwa 'uyeikati pikayiwe, yuniukitsie pixani'eriwa». <sup>11</sup>Mipai ketiyikihiaweni kemi'ane miya maine, ketemi'anene taniukitsie xapa tewewieti 'ateewa te'u'uwati, mipai yaxeikia tepiteyurieni 'ate'u'uwati.

<sup>12</sup>Miki meta, tame tepikatawaiya temanuyukayayatsaniki wa'aurie, temita'iniataniki wahepai te'aneneti, miki yuhetsiemieme memiyuhekiata memimariwaniki. Miki matsi memiyuti'iniataki yu'iniariki, yikimana memiyuxeyaki meyu'iniatatiweti, 'atsimepikatemaiwawe. <sup>13</sup>Tame pita mariwemeki ketemitetaxata, kemireyi hakewa temikahe'aitiarie 'atsitepikahaitika. Matsi Kakaiyari kemitare'iniatsiri, mana kemireyi tepitekuxata tetaxatati. 'Atsita xehetsia paiti tepu'iniatsiyarie. <sup>14</sup>Xika xehetsia tekahiritiariekake, tepanuyehaitiriwenikeyu mipai te'utiyuati, peru tame meri tepu'axia xehetsia niuki Kiritsitu hepaitsita 'aixia manuyine tekuxatati. <sup>15</sup>Ayumieme tahetsiemieme ketemitekuxata, kemireyi hakewa temikahe'aitiarie 'atsitepikatekuxata. Hipati kememite'uximaya hepaitsita, 'atsitepikahaitika kename tame pita mipai tete'uyuri te'utiyuati. Miki meta, mipai yuri tekateni'erieka xehepaitsita, kepauka xemutixuxuawereni yuri xete'erieteti, 'ana tepikatsaipineni xehetsia xeikia temite'uximayakaki. Naitarie pita hakewa teme'iniatsiyarie, mana tepite'uximayaka. <sup>16</sup>Hiki xe'aurie paiti niuki 'aixia manuyine tepikuxatani. Hakewa xewiti mikara'uximayatsie, mipai 'anari xewiti mipai pikara'eriwani kename mira'uximayatsie teteyurie. <sup>17</sup>Matsitsi niuki kemaine, «Kemi'ane mariweme mixatamiki, Ti'aitame mariweme kexatani». <sup>18</sup>Kemi'ane yikimana miyuhekiata, miki pikamatsiiki kemitiu'iniatsie, matsi kemi'ane Ti'aitame hetsiemieme mitiyuriene, miki pita pimatsiiki kemitiu'iniatsie.

### Papuru meta ni'ariekate yaki memitekuxata

**11** <sup>1</sup>Xika xete'unewienike tewi 'atsimikatimate hepai nemitikuxata. <sup>2</sup>Hiki kenemiti'itetsa xeme xehetsiemieme, miki Kakaiyari hetsia kanimiemetini. Nepixeyetua xeime



hetsia, Kiritsitu hamatia xemiyuxewiniki, yaxeikia 'imari kemitiwikitiariwa 'uki yuxewiti xeikia mitiwitiniki. <sup>3</sup>Peru nepeuma kapa xete'u'itaiyarieniki kexemiteyikihiawe yu'iyaritsie, yaxeikia miki kuu 'Ewa kemitiu'itaiyaxi. Mexika mipai tiuyinike, xe'iyari pikayuxewinikeyu, Kiritsitu hetsie xeikia xepikatewiyanikeyu, xepika'itiyakakeyu. <sup>4</sup>Kari 'aixia 'anemeki xekanitanewieni xika xewiti nuani xeime Ketsutsi yiki mi'ane kuxatati tame ketemikatexe'uxatia, mexika xekuxaxatiwani xeime 'iyari yiki mi'ane xeheixeyati xemakineki xemika'itanaki'eriwawe, mexika niuki 'aixia manuyine yiki mi'ane xekuxaxatiwani xemika'itanaki'eriwawekai. Xiari xepiwanewie miya memitekuxata. <sup>5</sup>Ne mipai nepitiku'erowa, miki kwinimieme waniu memini'ariekate, miki tixaiti mepikatehexeiya neta kenemikareixeiya. <sup>6</sup>Tsepa kemi'ane mikaniuwe hepai nemitikuxata, tewi 'atsimikatimate hepai nepika'ane kenemitimaiwe. Matsi naimeki, ketemi'anene yatepitemehikiatsitiiya, yunaiti kememitatexeiya.

<sup>7</sup>Ne kerixanetiuyuri kepauka tixaiti nekatihikititi nemaneyeitia xeme pita tixaiti xetehikititi xemayetiarieniki, kerixanetiuyuri nekatixewawirieti nemixekuxaxatiwaniki Kakaiyari niukieya 'aixia manuyine? <sup>8</sup>Xaitsie memeyutixexeriwa nekaniwanawanekaitini yakititi, watumini nenaki'erieti, xehetsiemieme nemitu'uximayakaki. <sup>9</sup>Xehetsia ne'uyeikati kepauka nemireuyehiakai, nepikaxe'uximatiakai xeme. Kenemireuyehiakai mepinetemikwakai ta'iwama Matseruniyatsie memeyeki. Mipai netiyurieneti naimeki nepikanetauniekai nemixe'uximatianiki, mipaita yaxeikia nepitiyurieneni. <sup>10</sup>Yuri kemaine Kiritsitu, neta yuri nepaine. 'Ayumieme mipai nepaine, yemeki mipai nepitihekuatsieka naitсарie 'Akaiya kwieyaritsie. <sup>11</sup>Titayari mipai netinemat? Nemixenaki'erieki 'ayumieme mipai nepitinemat. Kakaiyari mipai pitimate kenemitixenaki'erie.

<sup>12</sup>Kenemitiyuriene, yaxeikia mipai nepitiyurieneni. Miki memitsutianikeyu tahapai metexeyarieti, mamariwawemete kememiteyuxatanikeyu, mipai netiyurieneti nekaniwatewiyatsitiamiki. <sup>13</sup>Miya memi'anene yaki xeikia ni'ariekate mekanihikitini. Te'uximayatamete memiteyu'itaiya, tsepa memuyupata Kiritsitu ni'arimama wahapai memiteyuxexeyaniki. <sup>14</sup>Mikiki tepikahixiyaka. 'Atsita Tsatanaxi puyupata hekiaripa mieme niuki tuayame hepai mitiyuxexeyaniki. <sup>15</sup>'Ayumieme mariweme tepika'erie xika miki hetsiena mieme memite'uximaya me'uyupata, miki tita mitiheitserietsie mieme memite'uximaya wahapai memiteyuxexeyaniki. Mipai mepite'aye'axiani, kememite'uximaya mipai mepite'akapitiarieni.

### Papuru kemitiukwinixi ni'ari mihikitikaiki

<sup>16</sup>Tawarita mipai nepitayini, kapa xewiti 'atsinekatimaikame netsi'eriekaki. Mexika mipai 'aneme xenetsi'erieka, tsepa 'atsinemikatimate, tsikeretsi xekeneneutanaki'eri, mariweme neminexataniki 'etsiwa yakititi.

<sup>17</sup>Kenemitikuxata hiki, Ti'aitame kemitikuxata 'atsinepikahaine, matsi kemi'ane 'atsimikatimate hepai, kemi'ane mimariwe miyuxata hepai mipai yuri ti'erieti yuhepaitsita, mipai pita nepaine. <sup>18</sup>Yumiireti mamariwawemete mepiyuxata tita yuwaiyaritsie mitimieme meteha'eriwati

xeikia. Merikite neta xiari wahepai yakititi mariweme nepinexatani. <sup>19</sup>Kari xeme xepitemaiwawe, 'ayumieme xeyutemamawieti xepiwanewie miki 'atsimemikatemate. <sup>20</sup>Xepinewie tsepa xewiti mixewiya xemite'uximayakaki wairiyarika, tsepa xepiini mitixe'utixitiiri, tsepa mixe'anawiwiya, tsepa mixetawe'erie, tsepa mixetawaya xehixie. <sup>21</sup>Tame xeikia mipai temikaxeyuriekai ki xiari xeniu tepiwerranikai, 'ayumieme xiari xeniu peuyewetse nenetewiyati nemitaniuni.

Merikite, tewi 'atsimikatimate hepai netikuxatati 'akuxi mipai nepaine, xewiti kemitiyuwairiya tsepa kweriwa'anemeki, neta mipai nepiyiwe tsepa kweriwa'anemeki. <sup>22</sup>¿Hepirayutsixi teiteriyari metehiki? Neta miki nepihiki. ¿Ixaheritsixi teiteriyari metehiki? Neta miki nepihiki. ¿'Apirahami metenuiwarimama? Neta miki nepihiki. <sup>23</sup>¿Kiritsitu hetsiememe mete'uximaya? 'Atsimikatimate hepai nepaine, ne matsi waikawa yanepiti'uximaya. Ne nepiwarai'wa miixa neti'uximayati, miixa ne'anutahiiwati, waikawa nekuweiwati, miixa nekweriwa'itarieneti nemiminiki. <sup>24</sup>Auxiwimexia nepitiukwinixi huriyutsixi mete'aitakaku, xeitewiyari heimana tamamata heimana 'atanauka paimexia nepaukuweiyaxia. <sup>25</sup>Haikakia kiyeki nepeukuweiyaxia. Heiwa mieme nepeutituaxiexia tetexiki. Haikakia haramaratsie ne'uyeikakaku kanuwa 'amipa pukayunixi. Xeitukari meta xeitikari nepuhauximekai 'amatiyewatsie. <sup>26</sup>Miixa nekuyeikati huyeta nepinekweriwayuriekai, hatuxametsie neyukweriwayurieti, tenawayamete waheki neyukweriwayurieti, neteiterima waheki neyukweriwayurieti, teiteri memikahuriyutsixi waheki neyukweriwayurieti, kiekaritsie neyukweriwayurieti, makumawetsie neyukweriwayurieti, haramaratsie neyukweriwayurieti, miki 'iwamarixi memiteyuteriwa mete'itawati wahepaitsita neyukweriwayurieti. <sup>27</sup>Neti'uximayati meta waikawameki ne'uxeti, miixa tukari nekakuti, neheuhakamiti meta neheuharimiti, miixa tukari nekatikwati, neyexerimineti meta nekaheukemariti nepiyiane.

<sup>28</sup>Miki pikanaiti, peru manata tukariki nepuyihiaewe yunaimeme memeyutixexeiriwa wahetsiememe. <sup>29</sup>Xewiti xika weranini, neta neweraniti nepaneyetiwa. Xika xewiti 'ukunuitiarieni, mukunuitiarieki nepiha'a neta. <sup>30</sup>Merikite xika xeniu heuyeweka mariweme miyuxataniki, ne xiari mariweme nepinexatani, kenemitiwerani netikuxatati. <sup>31</sup>Kemi'ane Ti'aitame Ketsutsi mikakaiyarieya mi'ukiyarieya, kemi'ane hepaitisita 'aixia mitikuxaxatsiwa, miki mipai pitimate nemikati'itawaki kenemaine. <sup>32</sup>Ramatsiku kiekaritsie 'Aretaxi kepauka miti'aitametikai, hetsiana mieme 'itsikame kuyaximama mepitehikai ramatsikutari wakiekari kitenie meminetsiwiwaki. <sup>33</sup>Ne nepineta'unaxi memikanetsiwiwaki, tetsariya teneyatsie neheukatuiyaka kiriwatsie neyekaiti tetsariya warita.

### Kemitiupitiarie yuwaiyaritsie mukutseiwaniki

**12** <sup>1</sup>Merikite, xiari peuyewetse mariweme neminexataniki, 'aixia kapiyini tsiepire. Peru heinitsipai kenemitiunierixi, tita Ti'aitame matsiikime mirayeitia, miki hepaitisita nepitikuxatani. <sup>2</sup>Ne nepimate tewi Kiritsitu hetsie

mitiwiya. Tamamata heimana nauka wiyari 'anuyeyaku, kananutiwitikieni miki muyuawitsie Kakaiyari hetsia yemeki. ('Atsinepikatimate xika 'iyarieya xeikia 'anutiwitikieni, mexika waiyarieya naiti 'anutihanieni, Kakaiyari mipai pitimate). <sup>3</sup>Merikitsi, miya 'aneme tewi nepimate (xika 'iyarieya xeikia 'utihanieni, mexika waiyarieya naiti 'utihanieni 'atsinepikatimate, Kakaiyari mipai pitimate) <sup>4</sup>panutiwitikie witsimiraku'ane tsiepaíti. Niuki kane'enieni mipatsie tewi mipai mikatayiniki, tewi heitserie mikahexeyaki mipai maineniki. <sup>5</sup>Merikite miya 'aneme hepaitisa netikuxatati mariweme nepixatani, peru nekimana mariweme nepikanexatani, mexika nenexatani kenemitiwerani nehaiti xeikia. <sup>6</sup>Tsirikite xika nenewairyanike mariweme neminexataniki, tewi 'atsimikatimate hepai nepikatayinikeyu, yuri nepainenikeyu pita. Perutsi nepikanewairiya mariweme neminexataniki, kapa xewiti mipai tiku'eriwaniki kename yiki ne'ane, keminetixeyia kemineti'enie, mipai neka'aneme kapa 'eriekaki.

<sup>7</sup>Kapa ne'anuyehaitiriweniki temawierika nera'eriwati ne'iyaritsie, nera'eriwati mariwemeki matsiikiti kemirayeitiarie nehetsiememe, 'ayumieme nepupitiarie newaiyaritsie nemikutseiwani. Tsatanaxi tupirieya nepanayeni'aiyarie minetsikuwayaniki, kapa ne'anuyehaitiriweniki temawierika nera'eriwati. <sup>8</sup>Haikakia Ti'aitame nekaniwawirikaitini, nehetsie mayeyaniki. <sup>9</sup>Peru miki mipai pinetiutahiawixi: «Aixia netiuka'iyariti kenemimatsiyuriene, tawarita tixaiti pepikareuyehiaka. Peweraniaku netirikariya paye'atariwa». 'Ayumieme nenetemawieti matsi nepinexatani kenemitiwerani, Kiritsitu tirikariyaya nehetsie muyuhayewaniki. <sup>10</sup>'Ayumieme nepeunaki'a neweraniti, 'axanetikihawariwati, nereuyehiati, netaweyarieti, nenetexieneti, Kiritsitu hetsia nemimiemeki. Mipai nepitimate, kepauka nemiwerani, 'anari nekanitirikaiyeni.

### **Papuru kemitiyu'iyaritiakai kurinitutari memiyutixexeiriwakai wahepaitsita**

<sup>11</sup>Merikitsi tewi 'atsimikatimate hepai netikuxatati nekanayani. Xeme xekimana peuyewekai mipai nemitiyurieniki. Peuyewekai matsi xeminetsihekiataniki xeme pita kenemitimariwa. Hakewari miki kwini mieme waniu memini'ariekate tixaiti mepikatehexeyia, neta kenemikareixeyia, tsepa tixaiti nemikatihiki. <sup>12</sup>Tsikeretsi 'iniari kimana Kakaiyari n'arieya mimatsiiki puyi xehetsia, naimeki netiuka'eniwakaku, naimetsie 'iniari newewiekaku mamariwawemeki tirikaiyemeki. <sup>13</sup>Ne nekimana nepikaxe'uximatia tumini hepaitisa. Mipai netiyurieneti nepikaxe'uximatiakai, 'axanepixe'uyuri, yanetiawawirietí hipame xaitsie memeyutixexeiriwa, 'axanepikawaruyuri. Xekeneteneuyehiwiri xika 'axanexe'uyurieni.

<sup>14</sup>Kamitsi hiki hairieka nepiha'aritsie xehetsia nemiyemieki, tawarita nepikaxe'uximatiani. Nepikatiheiw'e'erie xepiini, tukari xemexeyaniki pita nepitihiw'e'erie. Wairiyarika pikaheuyewetse tiiri memi'utaniki yupaapama wahetsiememe, wapaapama pita yutiriyama wahetsiememe

memi'utaniki peuyewetse. <sup>15</sup>Netsi nenetemawieti nepititixitiani naime nemirexeiya, meta nepunetaxitiani xehetsieme, xeme xe'iyari 'aixia mi'itarieniki. Perutsi xika waikawa nexenaki'erieka, ¿xeme 'etsiwa xeikia xepinetsinaki'erie? <sup>16</sup>Merikite kwini mieme nepikaxewiyakai. Perutsi xeniu ti'itawame nemihikiki nekanixetawiniyani netixe'itaiyati. <sup>17</sup>¿Meriki miki nemiwareutani'axia xehetsia, keru ne nexera'iwaxi wakimana? Pikatixaitseti. <sup>18</sup>Ne Titu nekaniutawawirieni, hamatiana xeime ta'wa nekaneni'ani. ¿Merikite, nitsiti Titu 'axapiretiyuriexia xehetsia? Hawaiki. ¿Matsi tame yaxeikia tekateniku'eriwani meta huye yaxeikia 'anekame tekaniuweiyani? <sup>19</sup>Xiari mipai xepiteku'eriwa kename 'iki niukiki naimeki tahetsieme te'utiniuka xemitatsi'enieniki xeme. Pikatixairi. Matsi Kakaiyari tatsixeyiakaku, Kiritsitu hetsie tetewiyati, mipai pita tepitekuxata. Tanaki'erima naime ketemiteyurie, xemitirikariyarieniki pi'ayumieme. <sup>20</sup>Nepima xeikia kapa nenuame nexe'ukaxeyaki kemikanetinake xe'aneneme, xemerita kapa xenetsi'ukaxeyaki kemikatixenake ne'anekame. Nepima kapa xeyukwitiweniki, xeyi'itetsaiyaniki, xeyuhekatweniki, xetekuwaitweniki hipame xemiwara'iwani, xewaruniukimaniki hipame, yunakata xeyuniukimaniki, xeteyukatawe'eriekaki, xeyuxamurieakaki. <sup>21</sup>Nepima nenuayu tawarita nekakaiyari tixaiti nekatihikitime netsi'ayeitianiki xehetsia ne'uyeikakaku, neneheiweriekaki newara'eriwati yumireme 'ana meripai 'axamemiteyuriekai memikate'uhayewaxi 'axameteyurieti meka'itiatikaiti, mewakumaiwati kemi'ane mikay'iya mikayikina, meyutatuati memirukuyatiweniki kememiteyukahiwe'erie.

### Teutiarika

**13** <sup>1</sup>Hairiekari nekaniyemieximieni xehetsia hiki. «Yuhutati yatini yuhaikati memunenierixi waniukiki naiti 'aixia katiniiyimi».  
<sup>2</sup>Meripaiti mipai nepitiwarutahiawixi miki 'ana 'axamemiteyuriekai xehetsia ne'uyeikakaku hutarieka nemunua, hikita xehetsia neka'uyeikati yaxeikia mipai nepitiwakihiawe hipameta yunaime, tawarita xika nenuani nepikawahayewa. <sup>3</sup>Iniari xepiwawa kename Kiritsitu 'u'iniatsie maniuka netikuxatakaku ne, 'ayumieme nepikawahayewa. Mikiri pikawerani kemixeyuriene, matsi kanitirikaiyeni xehetsie tiwiyati. <sup>4</sup>Tsepa kuruxitsie mumierie miweranikaiki, Kakaiyari mitirikaiyeki kanayeniereni matsi. Tameta tsepa hetsiena temitewiya tepiwerarani, matsi Kakaiyari mitirikaiyeki hetsiena tetewiyati tepayeneniereni texeparewienike.

<sup>5</sup>Xekeneuyu'iniata xika 'aku 'axe'u'uwani yuri xete'erieti mexika katixaitini. Xekeneuyu'iyaritiaka xika 'aku mipai xete'u'iniatsieni. ¿Yuxexuiti yu'iyaritsieti mipai xemikatenetimaiwawe kexemi'anene, Ketsutsi Kiritsitu xehetsie mitiwiyaki? Xika Kiritsitu hetsie yuriki xekatewiyani, mipai katinimatsiikini xehetsie pikayeka. <sup>6</sup>Neri nepita'ikwewa yuri neti'erieti kename mipai xetehetimani, kename tame tekaxani'eriwa. <sup>7</sup>Nenewieri tepipitia Kakaiyari, xeme 'axaxemikateyuriekaki. Mipai tepikate'iwawirie teiteri memi'iniatsie wahepai temitetaxexeyaniki xeikia, matsi xeme 'aixia xemiteyuriekaki pita mipai tepite'iwawirie, tsepa tame xani'eriwamete temi'eriwa. <sup>8</sup>Tame

tirikariya tepikahexeiya temeye'uniekaki tita yuri miraine, tita yuri miraine hetsiememe temite'uximayakaki xeikia tirikariya tepexeiya. <sup>9</sup>Ayumieme tepitatemamawie kepauka temiwerarani tame, xeme pita xetirikawikaku. Mipaita tepitetanenewiwa, xemaye'atiarieniki xeme. <sup>10</sup>Ayumieme mipai nepitiuti'utia xehetsia neka'uyeikati, xehetsia nenuame tirikaiyemeki nemikatiyurieneniki, tsepa heitserie nemexeiya mipai nemitiyurieneniki. Ti'aitame miki heitserie pinetsi'upitia nemixetirikariyaniki, nemixeka'unaki mipai pikanetiupitia.

### **'Imatirieka wairitsika kemitiwaruni'airiexia**

<sup>11</sup>Merikite ne'iwama, xekeneyutemamawieka. Xekenaye'axiaka xemimanetsikitiarieniki. Xekenene'enieka kenemitixetuika. Xekeneyuxewini kexemiteyikihiawe yu'iyaritsie. 'Aixia xeketenyuxeyiani. Mipai xika xeteyurieka, Kakaiyari mitatsipitia temitetakanaki'eriekaki temika'uximatiariekaki ta'iyaritsie, miki xehamatia kaniuyeikamiki.

<sup>12</sup>Xekeneyuwairitiaka xeyuwiwati Kakaiyari teiterimama xemihikiki.

<sup>13</sup>Kakaiyari teiterimama yunaiti mekanixewairitiaka.

<sup>14</sup>Ti'aitame Ketsutsi Kiritsitu 'aixia ketiuka'iyarini yunaime xehetsiememe, Kakaiyari kexenaki'erieka, 'Iyari Mitiyupata kexe'utaxewiriya yunaime.

# Karatsiyatari

## Kemitwaruni'airi Papuru

---

### Wairitsika

**1** <sup>1</sup>Ne, Papuru, ni'ariekame nekanixewairitiaka. Kenemitiuhiritiarie, teiteri mepikanetsihenyeni'a, tewi pikanetsi'anayexei. Ketsutsi Kiritsitu pita kanenanayexeiya ni'ariekame nemayaniki. Kemi'ane 'umierieku menutanieritia, Kakaiyari mita'ukiyari, miki mipai kanetiniuhiritiani. <sup>2</sup>Ta'iwama nehamatia memu'uwa teyunaiti tekanixewairitiaka,

xeme Karatsiya kwieyaritsie xemeyutixexeiriwa:

<sup>3</sup>Kemi'ane mita'ukiyari Kakaiyari meta kemi'ane miti'aitame Ketsutsi Kiritsitu, 'aixia mekete'u'iyarini xehetsiemieme, mekexepitiaka xemika'uximatiariekaki yu'iyaritsie. <sup>4</sup>Miki Ketsutsi kanihikitini kemi'ane miyuyetua, tame 'axatemiteyurie temixinarieniki. 'Ayumieme pitatsitawikweitsitiani, hiki miemetexi 'axamemiteyurie watsata te'u'uwakaku. Mipai katininakeni takakaiyari ta'ukiyari. <sup>5</sup>Witsiketikuxaxatsiwani miki hepaitisita yuheyemeki. Mipai xeikia kani'aneni.

### Xewiti niuki pumawe 'aixia manuyine

<sup>6</sup>Nepi'iyarixie yanetimaiti yapauka xemiyupatarimeki. Xekaniku'eirieni kemi'ane mixe'uta'ini, Kiritsitu 'aixia tiuka'iyarikaku. Niuki yiki manuyinetsie pita xekateniuwiya. <sup>7</sup>Iya niuki pikahiki 'aixia manuyine. Matsi hipati 'amepu'uwa mexexamurieti me'ipatakuti niuki 'aixia manuyine Kiritsitu hepaitisita. <sup>8</sup>Tsepaneti tame, tsepa taheima mieme tupiri, xika xekuxaxatiwanike niuki 'aixia waniu manuyine, xika niuki temixekuxaxatiwakai hepai ka'anuyinenike, miki 'axake'u'itiarienike. <sup>9</sup>Ketemutiyanekai meripaiti, tawarita hiki kenemaine, xika xewiti xekuxaxatiwani, xika niukieya xemitanaki'eri hepai ka'anuyineni, kexani'eriwani.

<sup>10</sup>¿Merikite, 'ipai netikuxatati, keru netikuwaune teiteri meminetsinaki'eriekaki? Kakaiyari pita minetsinaki'eriekaki nepitikuwaune. ¿Kenetiwanaki'atsitiamiki teiteri? Xika newarunaki'atsitianike teiteri hiki, Kiritsitu hetsiemieme ti'uximayatame nepikahikitinikeyu.

### Papuru kemiti'uximayakai

<sup>11</sup> Ne'iwama, mipai nepitixetahekiatianikeyu 'iki niuki 'aixia manuyine nemikuxata hepaitisa. Miki niuki tewi pikawewiyaya. <sup>12</sup> Neri kepauka nemitanaki'eri, tewi pikanetsiyetuiri. Nepeitima tewi kaneti'ikitiakaku. Ketsutsi Kiritsitu matsiikiti 'ayaku pita nekanitanaki'erieni.

<sup>13</sup> Kamitsi, xemeri xepu'enana kenemitiuka'iyarikai meripaiti, huriyutsixi wayeyaritsie netiwiyati. Ne kwini mieme nepiwataweweyakai Kakaiyari teiterimama memiyutixexeiriwakai. Nepiwaruka'unakai. <sup>14</sup> Huriyutsixi wayeyaritsie netiwiyati nepanuyehaitiriwekai yumiireme ne'iwama wahixie nehepai paime wiyari memihitikatei nenuiwaritsie miemete, matsi yemeki nenewairiyati netutsima wayeyariki. <sup>15</sup> Matsi kemi'ane minetsi'upataxi nekatiniuwawekaku 'akuxi, kemi'ane 'aixia tiuka'iyariti minetsi'uta'ini, miki Kakaiyari, 'ana kaninakekaitini <sup>16</sup> yuniwe matsiikime mayeitianiki yanetimaikaku, hepaitisana nemitikuxataniki nuiwarite memikahuriyutsixi watsata. 'Ana teiteri memiwaite memixuriyate xeikia 'atsinepikatiwarahiawekai. <sup>17</sup> Miki ni'ariekate memihikitikai yanekatihiritiariewekaku 'akuxi, miki wahetsia nepikahetia Kerutsaremetsie. Matsi 'Arawiya kwieyaritsie nekaneyani kwitiwa. 'Arike tawarita Ramatsiku nekaninuani.

<sup>18</sup> 'Arike haika wiyari 'utixiku, Kerutsareme nekaneyani, nemeitimaniki Tsepaxi. Tamamata heimana 'auxiwime tukari nepuyuri hetsiana. <sup>19</sup> Hipame ni'ariekate nepikawarexei, Kakuwu xeikia Ti'aitame 'iwaya nepexei. <sup>20</sup> Kami, Kakaiyari hixie, nepikati'itawa kenemitixe'u'utiiri. <sup>21</sup> 'Arike nepetia Tsiriya kwieyaritsie meta Tsiritsiya kwieyaritsie. <sup>22</sup> Miki Kiritsitu hetsie metewiyati memiyutixexeiriwakai Kureya kwieyaritsie, miki mepikanetsihetimaiwawekai 'akuxi. <sup>23</sup> Mipai mepite'enanakai xeikia kename waniu: «Kemi'ane mitatsitaweweyakai meripaiti, miki tikuxata hiki niuki 'aixia manuyine tita yuri temite'erie hepaitisa, kename waniu tikuxata tita 'anapai mitika'unamikikai hepaitisa». <sup>24</sup> 'Aixia mekaniutiyanekaitini Kakaiyari hepaitisa nekimana.

### Hipati ni'ariekate Papuru kememite'utanaki'eri

**2** <sup>1</sup> 'Arike tamamata heimana nauka wiyari 'utixiku, tawarita nekaneyani Kerutsareme Werunawe hamatia, meta Titu ne'awititi. <sup>2</sup> Mana nepetia Kakaiyari matsiikime mayeitiaki mana nemimieki. Wa'ukiyarima memimatiwakai wahamatia tepitakuxeiri taxaitame, meta niuki 'aixia manuyine nekaniwarutahekiatsitiya, kenemitikuxata nuiwarite memikahuriyutsixi watsata, yakixeixeikia mikarayaniki ne'uximayatsika kenemitimie. <sup>3</sup> Matsi Titu, tsepa nehamatia muyeikakai, tsepa kiriyeku mihikitikai, pikaheuyewekai miki mi'iniaritarieniki huriyutsixi waxitekiyaki, <sup>4</sup> tsepa memi'iniaritiakukai hipati yaki 'iwamarixi tahepai memiteyukemariwa. Miki mekanatahaxiani tatsata kememitatehupieniki tame ketemitetani'a Kiritsitu Ketsutsi hetsie tetewiyati. Mepitatsiwiyakukai wayeyaritsie mieme temite'uximayakaki.

<sup>5</sup>Tame miki xika tewaru'enienike kememitate'aitiakukai, xeme xeheixeyati xepikayuhayewakekai niuki 'aixia manuyine.

<sup>6</sup>Peru wa'ukiyarima, Kakaiyari yiki mikatiwaxeyaki teiteri, 'ayumieme neta 'atsinepikatine'iyaritia kememi'anenekai meripaiti. Miki wa'ukiyarima tixaitiki neniuki hetsie mepikate'ihia. <sup>7</sup>Matsitsi mipai mekatenaikaitini nemuhiritiarieki niuki 'aixia manuyine nemiwataxatianiki miki xitekiyaki memika'iniatsie, yaxeikia Pekuru kemitiuhiritiarie mitiwataxatianiki hiriyutsixi xitekiya 'iniariyari memexeiya. <sup>8</sup>Mipai mekatenaikaitini, kemi'ane mikuyuitiwa Pekuru mitani'arieniki miki memixitekie wahetsia, mikita kanenikuyuitiwani ne, nuiwarite memikahuriyutsixi wahetsiememe. <sup>9</sup>Mipai metemaiti kenemitiumikiwa Kakaiyari 'aixia tiuka'iyarikaku, Kakuwu, Tsepaxi meta Wani, memitetuika mekanihikitikaitini, miki tahetsie meputimei ne meta Werunawe, tepitaxewini me'utiyuati, xeme nuiwarite memikahuriyutsixi wahetsia xemiyehuki, tameri huriyutsixi memixitekie wahetsia temiyehukita me'utiyuati, <sup>10</sup>xemiwara'eriwaniki xeikia tixaiti memikatehexeiyi me'utiyuati. Netsieti 'aixia 'iyariki mipai nemitiyurieneniki nepinewairiya.

### **Papuru Pekuru kemiretati 'Anutiyukiyatsie**

<sup>11</sup>Matsi kepauka Pekuru munua 'Anutiyukiyatsie, peuyewekai hixiena ne'utiniereti yanemititahiaweki, kemitiuhiritiariekai yamikatiyurienekaiki. <sup>12</sup>Hipati Kakuwu hetsia miemete meka'axiawawekaku 'akuxi, nuiwarite memikahuriyutsixi wahamatia pititukwa'akai. Matsi me'u'axiaku miki, kaniyuti'imatiyani. Piyupatanekai waniukixiya makati miki xitekiya 'iniariyarisie memitewiyakaiki. <sup>13</sup>Hipati huriyutsixi yakixeikia mepite'uyuri hepaina. Yaxeikia Werunawe pitituitaiyarie yakixeikia meteyuriekaku. <sup>14</sup>Perutsi kepauka ne mipai nemitiwaxeyi, mete'uhayewaku, heitseriemeki meka'u'uwakaku niuki 'aixia manuyine hepaitisita, mipai Pekuru yunaime wahixie nepititahiawixi: «Eki huriyu pehikititi, xika pe'uyeikani nuiwarite memikahuriyutsixi wahepai peyaneti, huriyu hepai pekayaneti 'eki, ¿titayarikuta wairiyarika petiwapitia nuiwarite memikahuriyutsixi, huriyutsixi wahepai memiyakaki?»

### **Yunaime wahepai, huriyutsixi teiteriyari yuri mete'erieti xeikia mepitawikweitsitarieni**

<sup>15</sup>»Tame nunuiwakate, huriyutsixi tekanihikitini, tame “axateyuruwamete kakaiyarixi temiwaxeyeiyi tepikahiki”. <sup>16</sup>Peru tame mipai tepitehetima, tewi xika yatiyurieneni 'iniari niukiyari kemiti'aita, mikiki heitserie pikapitarieni. Matsi xeikia xika yuri ti'erieka Kiritsitu Ketsutsi hetsie, mikiki pita heitserie kanipitariemiki. 'Ayumieme tameta yuri tepite'uta'eri Kiritsitu Ketsutsi hetsie. Xika yatete'uyurienike 'iniari niukiyari kemiti'aita, mikiki matsi heitserie tepikapitarienikeyu.

<sup>17</sup>»Tameri mipai tepitetawairiya, heitserie temipitarieniki. 'Ayumieme Kiritsitu hetsie tekateniwiyani. Merikite, xika mipai tetetawairiyani, ketsiyini xika wahepai tematsiikini yatemikateyurieki, 'iniari niukiyari kemiti'aita. ¿Kiritsitu 'axateyuruwamete tarayeitia? Pikatixaitsieti. <sup>18</sup>Xika



tawarita ne'enukitianike tita nemitiuka'unakai, 'axatiyuruwame hepai matsi nepitinehekiatanikeyu. <sup>19</sup>Neri yanetiuyurieka kemiti'aita 'iniari niukiyari, ne'iku'eirieka, nekaniumini. 'Ayumieme 'iniari niukiyari tawarita pikametita'aitianiri Kakaiyari hetsiemieme pita nemayeniereniki. <sup>20</sup>Kiritsitu hamatia kuruxitsie nekaniumierieni. Hikiri ne nekimana nepika'ayenieme, matsi Kiritsitu nehetsie payenieme. Hikiri newaiyaritsie kenemirayenieme, nepayenieme yuri neti'erieti Kakaiyari nu'ayatsie, kemi'ane minetsinaki'erie, meta muyuyetua nehetsiemieme. <sup>21</sup>Nepika'ixani'erie Kakaiyari 'aixia kemitiuka'iyari. Xika heitserie 'upitiarianike yatiyurieneti 'iniari niukiyari kemaine, Kiritsitu yakixeikia kaniminikeyu».

### Kakaiyari 'Iyarieya kaniutanaki'eriwa yuri miti'eriekaki

**3** <sup>1</sup>Karatsiyatari kari 'atsixepikatemate. ¿Kemi'ane pixe'ukewaiyaxi xeme? Meripaitiri netixe'utaxatiaku, Ketsutsi Kiritsitu kuruxitsie kemitiiumierie. <sup>2</sup>Kariki, 'ipai xeikia nepitixeta'iwawiyakeyu: ¿Iyari xete'utanaki'eri yaxemite'uyuriki 'iniari niukiyari kemiti'aita, nutsiti xepitanaki'eri yuri xemite'uta'eriki niuki xe'u'enieka? <sup>3</sup> ¿'Atsixemikatemate xepihiki? 'Iyaritsie xetewiyati, xepitsutia yuri xete'erieti. ¿Hikita waitsie pita xetewiyati, kexete'aye'axiani? <sup>4</sup> ¿Kamitsi waikawameki kexemite'ukwinixi, yaki xeikia ratia? Xiari xehetsiemieme tixaiti pikaratia. <sup>5</sup>Hikimitsiari, 'iya kemi'ane 'Iyari mixemikwa, kemi'ane tirikaiyemeki mixekuyuitiwa, ¿mipai tiyuriene 'iniari niukiyari kemiti'aita, nutsiti xepitanaki'eri yuri xemite'uta'eriki niuki xe'u'enieka? <sup>6</sup>Yaxeikiata 'Apirahami hetsie katiniuyuni: «Kakaiyari hetsie yuri katiniuta'erieni, 'ayumieme heitserie hexeiame kani'eriwakaitini». <sup>7</sup>'Ayumieme mipai xeketenemaika, 'amemu'uwa yuri mete'erieti, miki 'Apirahami mekanixiiyarimamatini. <sup>8</sup>'Utiarikayaritsie meripaiti mipai katinimatsiikikaitini, nuiwarite memikahuriyutsixi yuri mekatenita'erienikekaitini, mikiki Kakaiyari heitserie kaniwapitianikekaitini. 'Ayumieme niuki 'aixia manuyine 'Apirahami meripaiti mipai katiniutahiawarieni: «'Akimana yunaiti nuiwarite mepitemawieritiarieni». <sup>9</sup>'Ayumieme 'amemu'uwa yuri mete'erieti, miki mepitemawieritiarie, 'Apirahami hamatia, miki yuri miti'erieki. <sup>10</sup>Miki pita 'amemu'uwa yameteyurieti kemiti'aita 'iniari niukiyari, mikitsie metewiyati, miki mekanixani'eriwani. Mipai katine'uka: «Mekanixani'eriwani yunaiti yamemikatekahu, naiti kemire'uxa 'iniari xapayaritsie». <sup>11</sup>Mipai katinihekiaka, Kakaiyari hixie nixewiti heitserie pikapitiarie 'iniari niukiyaritsie tiwiyati. Mipai pita panuyine: «Kemi'ane heitserie yamitikamie yuri ti'erieti kanayenieriekamiki». <sup>12</sup>Peru kemi'ane 'iniari niukiyaritsie mitiwiya, miki 'apika'uyeika yuri ti'erieti. Mipai panuyine matsi: «Kemi'ane yamitiyuriene kemaine, miki kanayenieriekamiki xika yatiyurieneni». <sup>13</sup>Kiritsitu 'ari kataniunaneni, kataniuxina temikaxani'eriwaniki 'iniari niukiyari kemaine hepai. Miki pita kaniutixani'eriwa tahetsiemieme, kemire'uxa: «Yunaiti kiyetsie memikawitiarieni mekanixani'eriwani». <sup>14</sup>Mipai katiniuyurieni, nuiwarite memikahuriyutsixi 'aixia memi'itiarieniki hepaina, 'Apirahami

kemitiutahiawarie, mikita meyutemamawieti memakineki, Ketsutsi Kiritsitu hetsie metewiyati. Mipaita katiniuyurieni temitanaki'erieniki 'Iyari yuri tete'erieti, ketemite'utahiawarie temeixeiyaniki.

### **'Iniari niukiyari meta Kakaiyari kemutayi**

<sup>15</sup>Ne'iwama nepitixetaxatiani, kememiteyurie teiteri netikuxatati: tewi xika tiyuta'utiirieni, tita tiriyamama wahetsie mitinakeni 'utaiti, xika 'aixia 'aneni kemaine, xewiti matsi pikayiwe menyexirieniki meta menutiysaksi tiratu, hetsiena pikatiuhpani. <sup>16</sup>Merikite, 'Apirahami, meta kemi'ane hetsiena miyeyanikekai, kemaine 'utiarikayari, miki mipai mepite'utahiawarie tita wahetsie mitinakenikekai. Miki yumiireme pikawaxatakai hetsiena memiyekinekekai. Yuxewime pita kanixatakaitini hetsiena miyeyanikekai, Kiritsitu xatati. <sup>17</sup>Merikitsi kenemaine: Kakaiyari tiratu kaniutawewieni Kiritsitu hepaitisa. 'Iniari 'arikeke kaninuani, nauka tsienituyari heimana xeitewiyari heimana tamamata wiyari 'anuyeyaku. 'Ayumieme pikayiwe yakixekia meyeitianiki niuki, Kakaiyari kemititahiawixi hetsiena mitinakenikekaiki. <sup>18</sup>Xika hetsiena tinakenike 'iniari niukiyaritsie tiwiyakaku, yaxekia pititahiawekeyu kename 'iminikekai. Perutsi Kakaiyari 'aixia tiuka'iyariti katiniunakitsitiani 'Apirahami hetsie, mipai titahiaweka hetsiena mitinakenikekaiki.

<sup>19</sup>Merikitsi, ¿ketitayari tixuawe 'iniari niukiyari? Miki kaniutiniitiarieni niukitsie, mimatsiikiniki teiteri keyamemikatekahu. Niukitsie katiniuhiiyani mexi kanuawekai kemi'ane 'Apirahami hetsie miyeyanikekai, kemi'ane mipai mitiutahiawarie kemitimikienikekai. Kakaiyari tupiritsiximama mepuhiritiarie memiyetuaniki 'iniari. Niukameta kaniyetuiriyarieni teiteri wahetsiememe, miki meheixeiyati memakineki. <sup>20</sup>Hiki tewi xika yikimana yianeni, pikaheiyehiwa niukame, matsi Kakaiyari kaniyuxewini.

### **Ketitayari 'iniari niukiyari tixuawe**

<sup>21</sup>Merikite, ¿'iniari niukiyari meta Kakaiyari kemititahiawixi miki hamatia mekateheyuye'unie? Pikatixaitsieti. Xika 'iniari niukiyari te'upitiarienike, miyiwe tukari mitatsipitianiki, heitseriemeki tepexeyanikeyu 'iniari niukiyaritsie tetewiyati. <sup>22</sup>'Utiarikayari matsi kaniwaranutaxiriwani yunaime, wahekiatiati kememitexani'eriwa 'axamemite'uyuriki. Mipai mitiwaranutaxiriwaki, 'ayumieme kaneuyeweka yuri memiteta'erieniki Ketsutsi Kiritsitu hetsie, para miki yuri temite'erie mipai memitepitiarieniki, Kakaiyari kemutayi kemitiwaminikekaiki.

<sup>23</sup>Titatsie yuri temite'erie 'akuxi kanuawekaku, tekananutaxiriyakaitini, 'iniari niukiyari tatsi'iwiyakaku. Tepanutanamiekai yuri temiteta'erieniki 'arike, matsiikiti mirayanikekaiki titatsie yuri temiteta'erienikekai.

<sup>24</sup>'Ayumieme 'iniari niukiyari ti'uximayatame hepai kani'anekaitini, tahepaitsita mihiritiariekai mexi'akuxi tetiritikai, Kiritsitu hetsie tetewiyati temakineki, heitserie temipitiarieniki yuri tete'erieti.

<sup>25</sup>Hikixixia kaninuani titatsie yuri temite'erie. 'Ayumieme ti'uximayatame 'ari pikahiritiarie tahepaitsita.

### Kakaiyari niwemama

<sup>26</sup> Yuri xekateni'erieka, 'ayumieme Kakaiyari niwemama xekanihikitini, Kiritsitu Ketsutsi hetsie xekateniwiyani. <sup>27</sup>Keyupaïmeti xemuka'iyarie Kiritsitu hetsie xetewiyati, xeme xekaniyupata, Kiritsitu hepai xe'aneneti xemakineki. <sup>28</sup>Hikirixia tsepa muhuriyu, mikiriyeku, ti'uximayatame, muyini'a, 'uki meta 'uka, yunaiti xekaniyuxewini Kiritsitu Ketsutsi hetsie xetewiyati. <sup>29</sup>Hikiri, Kiritsitu hetsia xekanimiemetetini. 'Ayumieme kemi'ane 'Apirahami hetsie miyeyanikekai, xeme xekanihikitini. Xehetsie pitunakixi miki kemitiutahiawarie.

**4** <sup>1</sup>Ipai nepaine, kiekame nu'aya mexi'akuxi nunutsitini, ti'uximayatame hepai kani'aneni, tsepa naiti mitipinieya, hetsiena mitiunakixi. <sup>2</sup>Hipati matsi mekan'aitiaka mexi'akuxi, heitserie mekanexeyiani piiniteya hepaitisa. 'Arike tukarieya kanaye'amiki, 'ukiyarieya kemutayi. <sup>3</sup>Tameta yaxeikia, kepauka temitiritikai, wairiyarika tekateniyuriekaitini kemitatiu'aitiwakai 'ikitiarika kwiepa mieme, hekwamete kememite'ikitiarie. <sup>4</sup>Peru kepauka tukari 'aixia mi'ane maye'a, 'ana Kakaiyari yuniwe kaneyeni'ani, 'uka hetsie miyenuiwaxi, miti'aitiariekai 'iniari niukiyari kemiti'aita. <sup>5</sup>Kaneyeni'ani miwananeniki miki memite'aitiarie 'iniari niukiyari kemiti'aita, waxinake, meta kaneyeni'ani, tame niwemama temakineki. <sup>6</sup>Miki meta, Kakaiyari yuniwe 'iyarieya kaneyeni'ani, ta'iyaritsie miyekaniki mipai tiuhiwati, «Nepaapa, ne'ukiyari». Mikiki kanimatsiikini xeminiwemamaki. <sup>7</sup>Meriki hikirixia ti'uximayatame pepikahiki. Pekaninu'ayatini pita. Xika penu'ayatini, tita Kakaiyari hetsia mitimieme katiniunake 'ahetsie, mipai pe'aneme Kiritsitu mimatsi'ayeitiaki.

### Ta'aurie xepika'axirieni tawari xemiteta'aitiarieni

<sup>8</sup>Anapaiti xemika'imaikaiki kemi'ane mikakaiyari, wairiyarika xekateniyuriekaitini kememite'aitiakai miki memikayurikakaiyarixi. <sup>9</sup>Hikirixia xekaneitimani kemi'ane miyuri Kakaiyari, matsitsi pita, Kakaiyari kanixehetimani xeme. Merikite, ketitayari xetehayewaku, tawarita miki 'ikitiarikatsie xetewiyakuti, hekwamete kememite'ikitiarie, miwerani, tixaiti mikarexeiya. Titayari xeteyuwairiya, tawarita wairiyarika xemiteyuriekaki kemitixe'aitia miki 'ikitiarika. <sup>10</sup>Kari 'akuxi tukari xepayexeiya, tsemanatsie, metseritsie, 'ixiarari matineikatsie, wiyaritsie. <sup>11</sup>Nekanimaka, mipai netiku'eriwati, xiari yakixeikia kanayani kenemitiune'uxitia xehetsia.

<sup>12</sup>Ne'iwama, 'ipai nepitixetawawirienikeyu. Nehapai xeteyurieti xekenayuyeitia, ne xehepai netiyurieneti nemaneyeitiaki. Xeme tixaitiki 'axaxepikanetsi'uyuri. <sup>13</sup>Matsi mipai xepitemate, kepauka matiaripaiti nemixe'utaxatia niuki 'aixia manuyine, mipai nepitiuyuri nemitikuyekaiki newaiyaritsie. <sup>14</sup>Tsepa nemixe'u'uximatia mipai ne'aneti newaiyaritsie, xeme xepikanetsi'utitawe'eri xepikanetsi'utixani'eri, matsi pita xepinetsi'utanaki'eri, Kakaiyari tupirieya hepai, Kiritsitu Ketsutsi nemiyianeni hepai. <sup>15</sup>Xeyutemamawiekame xekaniyu'eriekaitini 'ana.

¿Keri 'uyi? Ne nepitihekiata kexemiteyumaikai kexemiteyuwairiyakai. 'Atsita xiari xepiyuwairiyakai, yuhixi xemiwatituniki 'ana, xeminetsiminiki. <sup>16</sup>Hikiri xeneikixiwi neratia, tita yuri miraine nemitixe'utahekiatiaki. <sup>17</sup>Miki mekaniyumexiitiaka mexehiwe'erieti, peru mipai kememiteyurieki, 'aixia xepika'itarieni. Matsi miki xeikia mekaniyiaka tahamatia xemikayuxewiniki xeminetsihatimaiyaki, miki xeikia xemiwahiwe'eriekaki. <sup>18</sup>Merikitsi 'aixia kani'aneni yuheyemeki xika hiwe'eriewani para 'aixia mi'itarieniki, tsepa xehetsia nemikaheyeikanike ne. <sup>19</sup>Xeme xepineniwema, peru xehetsiemieme tawarita nekatnikwineni 'ukaratsi mitiniwerime hepai, mexi'akuxi Kiritsitu hepai xe'aneneti xetiweririme. <sup>20</sup>Xika tima xehetsia ne'uyeikanike hiki. Xiari yiki nepiti'eniiriikinikeyu kenemitikuxata. 'Atsinepikatimate kenemitiyurieni xehepaitsita.

### Tsara meta Hakari 'ikitsika kememite'aki

<sup>21</sup>Merikite, yaxekeneteneutahiawi, xeme xemiyuwairiya xemite'aitiariekaki 'iniari niukiyari hepaitsita. Xekateheitimawawe 'iniari niukiyari kemaine. <sup>22</sup>Mipai katine'uka, 'Apirahami yuhutame kaniwarexeyakaitini yuniwema. Xewiti ti'uximayatameya hetsie kaniyenuiwa, xewitita muyini'atsie tiyenuiwaxi. <sup>23</sup>Kemi'ane ti'uximayatame hetsie miyenuiwaxi, miki kaniutinuiwa tewi kemitiyuni'a xeikia. Kemi'ane muyini'atsie miyenuiwaxi, miki Kakaiyari kemutayi maye'aniki kaniutinuiwa. <sup>24</sup>Merikitsi, miki naiti kemitiyui, 'ikitsika kanayani. 'Iki 'ukarawetsixi kemitiwaxata, tiratute kanixatani hutame. Xewiti, Hakari yemuritsie katiniutaxatarieni, Tsinahi mititewatsie. Miki tiratutsie memiyenunuiwa, wairiyarika te'uximayatamete mekanakinikuni. 'Ukaratsi Hakari mititewakai kanixatani. <sup>25</sup>Meta Hakari, yemuri kanihikitini 'Arawiya kwieyaritsie, Tsinahi mititewa. Yaxeikiata Kerutsareme kanihikitini, miki kiekari hiki 'emuwe. Wairiyarika katini'uximayaka, niwemamata wairiyarika mekateni'uximayaka. <sup>26</sup>Xewiti pita Kerutsareme taheima mieme, miki muyini'a kanihikitini, tame kanitamaamatini. <sup>27</sup>Mipai katine'uka:

«Kene'atemawieka 'ukaratsi pemikaniwewe, tiiri pemikawarexeiya, keneutakwika.

Keneutahiwa 'ukaratsi pemikatiukwinixi,

kemi'ane tiiri mikawarexeiya,

miki matsi yumireme piwarexeiyani yuniwema,

kemi'ane mirekakina, hipame xeikia piwarexeiyani».

<sup>28</sup>Xeme ta'iwama, Kakaiyari mipai mutayiki 'ayumieme xeniutinunuiwa, yaxeikia 'Itsahaki kemitiutinuiwaxi. <sup>29</sup>Merikitsi, 'anapaiti kemi'ane mutinuiwaxi teiteri kememiteyini'a xeikia, miki kaniweiyakaitini kemi'ane mutinuiwaxi 'Iyari kemutayi. Hikita yaxeikia kani'aneni. <sup>30</sup>Peru, ¿kehaine 'utiarikayari? Mipai paine: «Keniwarayeni'a ti'uximayatame meta nu'aya hamatia. Ti'uximayatame nu'ayatsie tixaiti pikatinake. Muyini'a nu'ayatsie pita katininakimiki naiti». <sup>31</sup>'Ayumieme ne'iwama, ti'uximayatame tepikaniwemama. Muyini'a pita tekaniniwemamatini.

### Kiritsitu kemitatiuxinaxi

5<sup>1</sup> Kiritsitu kataniuxina, texixiniti temu'uwaniki. 'Ayumieme xekeneti'uka, tawariri kiye xepika'anuyetekiyarieka, wairiyarika xemite'aitiariekaki.

<sup>2</sup>Yemeki xekeneneu'eni, ne Papuru mipai nepitixetahiawe, xika xitekiya 'iniariyari xe'uyuwewierieni, Kiritsitu tixaitiki pikatixeparewieni.

<sup>3</sup>Tawarita nepiwahekiatia yunaime teiteri memiyu'aita xitekiya 'iniariyari memiwewiyarieniki, kaneuyeweka yamemitekahuniki naime kemiti'aita 'iniari niukiyari.

<sup>4</sup>Xeme mixenake heitserie xemipitiarieniki 'iniari niukiyaritsie xetewiyati, xekaniupatsieni, Kiritsitu hetsie xepikatewiya.

Kakaiyari 'aixia kemitiuka'yari xekaneuyehiani. <sup>5</sup>Tame pita teta'ikwewati mipai yuri teteni'erieka, tepaye'axiani heitserie temipitiarieniki xika yuri tete'erieka, 'Iyari tatsiparewiekaku.

<sup>6</sup>Kiritsitu Ketsutsi hetsie xika tiwiyani, yatini xitekiya 'iniariyari tsepa mexeiya, matsi pita kaneuyeweka yuri miti'erieka xeikia, tiyukanaki'erieti muyeikaniki.

<sup>7</sup>Xeme 'aixia xepite'unanautsakai. ¿Kapaiki pixe'utiketamiraxi, kemi'ane pixe'ukunuitia yaxemikatekahuniki tita yuri mirainetsie? <sup>8</sup>Mipai yuri kexemite'uta'eritiarie, miki kemi'ane mixe'inietsie pikamieme.

<sup>9</sup>«Tikuxanariyame 'etsipemeki kaniutakuxanariyarieni paa naiti». <sup>10</sup>Ne mipai yuri nekatini'erieka Ti'aitame hetsie xehepaitsita, kename xekayupata, yaxeikia xemiteyumaikaki meripaiti hepai. Matsi kemi'ane mixexamurie, 'uximatiarika ke'upitiarieni, tsepa kemi'ane mihiki.

<sup>11</sup>Ne'iwama, xika mipai kuxi netikuxatanike, kename heuyewetse xitekiya 'iniariyari, ketitayari netitaweyarieni 'akuxi. Xika Niuki Kiritsitu kemitiiumierie kuruxitsie kemanuyine nekuxatani, miki 'ari teiteri pikawarukununuitiwani. <sup>12</sup>Xika tiyiwenike miki memixe'uximatia miki pita yukimana meyuxitekenike 'aixia piyinikeyu.

<sup>13</sup>Xeme ne'iwama, xekaniuta'inierieni xemiyuni'akaki. Perutsi xeikia, kexemiteyuni'a, xepika'ipitiani yuwaiyari mitsutianiki xekuyuitiwati. Matsi xeteyukanaki'erieti xeketene'uximayaka yuxexuiti, yunaime wahetsiemieme.

<sup>14</sup>Kaneye'atiamiki 'iniari niukiyari naime, xika xeiniukiyaritsie yatikamieni. Miki niuki mipai panuyine: «Ahepai tewi kenenaki'erieka 'eki kepemiti'anaki'erie». <sup>15</sup>Matsi xika xeyukimieni, xika xeyutikwaiximieni, yumarima 'aixia xeyutixitiani.

### Kemitiyurieneni yuwaiyaritsie tiwiyati, kemitiutixuxuawereni 'Iyari 'ikuyuitiwakaku

<sup>16</sup>'Ipai nepitixekihawe, xekeneu'uwani 'Iyari xekuyuitiwakaku. Mipai xika xete'u'uwani, xepikaheye'atiani tita xewaiyari mitihiwe'erie. <sup>17</sup>Tawaiyari katiniyukahiwe'erieka miki 'Iyari kemikatiyukahiwe'erie. Meta 'Iyari katiniyukahiwe'erieka tawaiyari kemikatiyukahiwe'erie. Mekanayuye'unieka, yaxemikateyurieniki kexemiteyuwairiya. <sup>18</sup>Perutsi xika 'Iyari xekuwitineni, xepikate'aitarieka 'iniari niukiyari kemiti'aita.

<sup>19</sup>Katinimatsiikini kemitiyurieneni yuwaiyaritsie tiwiyati. Tewi 'ipai katiniyurienemiki: kemi'ane mikayi'iya mikayikina kaniwakumaiwamiki,

kemikati'itiya katiniyuriennemiki, kemitiyukahiwe'erie meta kanirukuyanemiki, <sup>20</sup>tetexi kaniwarayexeyiakamiki, katiniyukewaiyamiki, katinayuye'uniekamiki, kaniyumienemiki, kani'itetsakamiki, kaniyuhaxiatiakamiki, yuhetsieme xekia kaniyanemiki, kaniyuxamuriemiki, yuxexuime wahetsie katiniwiyakamiki, <sup>21</sup>katinayu'iwakamiki, katiniyumemiwamiki, kanitawenemiki, kaniku'ixiaranemiki, mipai 'aneneme katiniyuriennemiki. Miki hepaitsita, kenemitixeku'imaikakai, yaxekia nekatnixeku'imaiani, miki mipai memiteyurie, wahetsie pikatinakeni Kakaiyari tiwa'aitiwame mihikitiniki.

<sup>22</sup>Matsita 'Iyari kemitixuaweriya, 'ipai pita tewi katiniyuriennemiki. Katiniyukanaki'eriekamiki, kaniyutemawiekamiki, yu'iyaritsie pika'uximatiariekai, katiniuka'eniwamiki, 'aixia katiniuka'iyarikamiki, 'aixia kaniwayuriennemiki hipame, yakatinikamiemiki kemaine, <sup>23</sup>yu'iyaritsie tixaiti pikareuyehiaka, kanitseiyekamiki tiyu'aitiati. 'Iniari pikaxuawe mixan'erie, xika mipai tiyuriene. <sup>24</sup>Miki Kiritsitu Ketsutsi hetsia memimemetete, kuruxitsie mekanimieni yuwaiyari, mete'uhayewaka kememiteyumaikai yuwaiyaritsie metewiyati. <sup>25</sup>Xika 'Iyari tukari tatsipitiaka, 'Iyari tatsikuwitnekaku teke'u'uwani. <sup>26</sup>Yakixekia tetetamaiti tepikahakine, meta tetahaxiatiati ttehata'iwakuti tepikahakine.

### Xekeneyuparewieka

**6** <sup>1</sup>Peru ne'iwama, xika xewiti 'axatiuyurieme 'utaxeyarieni, xeme 'axemu'uwa 'Iyaritsie xetewiyati, xekeneheitseritiaka kemi'ane mipai mitiuyuri, tixaiti xekate'ayuyeiati yu'iyaritsie. Matsi xeyukweriwayurieti, kapa xemeta xe'uta'inierieniki 'axaxemiteyurieniki. <sup>2</sup>Yuxexuiti xekeneyuparewieka yu'ikaki, mipai xeteyurieti Kiritsitu 'iniarieya xekanaye'atiakuni. <sup>3</sup>Xika xewiti tixaiti tihikitime yu'erieka, matsi xika tixaiti katihikitini, yikimana katiniyu'itaiyamiki. <sup>4</sup>Yuxexuiti mekeyu'iniatani kememiteyurie, mikiki kaniyutemawiekamiki yuhepaitsita, yuta'iniatame kemitiuyuri yuxaitame, hipati kememite'uyuri yakara'eriwati. <sup>5</sup>Yuxexuiti yu'ikaki kememite'uhiritiarie meke'etikini.

<sup>6</sup>Kemi'ane miti'ikitiarie niuki hepaitsita, miki keyuxewini kemi'ane miti'ikitia hamatia, naime 'aixia miti'aneke 'iparewieti.

<sup>7</sup>Xepikateyu'itaiyani, Kakaiyari pikayunanaimarinia. Tewi kemitiuka'e, mipai pitu'itsana. <sup>8</sup>Kemi'ane yuwaiyaritsie xekia mitiuka'e, waiyarieya pitixuawitiirieni piniya, 'ika'itsanayu. Kemi'ane 'Iyaritsie mitiuka'e, 'Iyari pitixuawitiirieni tukari mikaxiwe, 'ika'itsanayu. <sup>9</sup>Tepika'u'uxeni 'aixia teteyurieti, tukari 'aye'ayu tep'i'itsanani xika tekate'uhayewa mexi'akuxi ka'aye'awe. <sup>10</sup>'Ayumieme, ketemiteywawe 'aixia tekewayuriekai yunaime, matsi yemeki miki Kakaiyari niwemaama yuri memite'erie.

### Papuru kemitiyutemawiekai he'eriwati kemitiumerie Kiritsitu kuruxitsie

<sup>11</sup>Neuxei, nepitixeu'tuuriememamaki 'utiarika 'apapameki. <sup>12</sup>Miki 'aixia memitexeyarieniki xekia memiyia, miki mekanihikitini wairiyarika

memixepitia xitekiya 'iniariyari xemiwewiyarieniki. Peru mipai xeikia mekatenyurieka, memikataweiyariexianiki Kiritsitu Ketsutsi kuruxieya hepaitisa. <sup>13</sup>Miki memiyu'aita xitekiya 'iniariyari memiwewiyarieniki, yamepikatekahu 'iniari niukiyari kemiti'aita. Kaniwanakeni xeikia xeme xemi'iniaritarieniki, mikiki memiyutemamawiekaki, meha'eriwati herie kexemite'u'iniaritariarie. <sup>14</sup>Perutsi ne pikatixai, yemeki nepikanetemawieka hipame waikawame nera'eriwati, Tati'aitiwame Ketsutsi Kiritsitu kemitiu mierie kuruxitsie nehe'eriwati, mikiki xeikia nepinetemawieka. Neta nepumierie 'anemika'uyeikaniki tita kwiepa mitimieme hetsie netiwiyati. <sup>15</sup>Tsepa xitekiya 'iniariyari muwewiyarie, yatini tsepa mika'uwewiyarie, matsi pita kaneuyeweka hekwareki xeikia mitinuiwa. <sup>16</sup>Keyupaimeti 'amemu'uwa 'iki 'iniariki, xika meka'uximatiarieka yu'iyaritsie, xika menenimayatsieka, miki Kakaiyari 'Ixaheritsixi mitiwaruteriwa.

<sup>17</sup>Uxa'atini warie xewiti pikanetsi'uximatiaka. Newaiyaritsie 'iwaiyi 'iniariyari nepexeiya Ketsutsi hepai.

<sup>18</sup>Ne'iwama, Tati'aitiwame Ketsutsi Kiritsitu 'aixia kemitiuka'iyari yuxexuime xe'iyaritsie keyekani. Mipai xeikia kani'aneni.

# 'Epetsutari

## Papuru kemitiwaruni'airi

---

### Wairitsika

**1** <sup>1</sup>Ne Papuru, Kakaiyari kemitinakeki nekananayexeyarieni, ni'ariekame nemayaniki Kiritsitu Ketsutsi hetsiememe. Kakaiyari teiterimama nekanixewairitiaka 'Epetsutsie xemitama yuri xemite'erie Kiritsitu Ketsutsi hetsie. <sup>2</sup>Kakaiyari mita'ukiyari, meta Ketsutsi Kiritsitu miti'aitame 'aixia mekete'u'iyarini xehetsiememe, mekexepitiaka yu'iyaritsie xemika'uximatiariekaki.

### 'Aixia 'aneneme ketemite'upitiarie Kiritsitu hetsie tetewiyati, 'iyaritsie mieme

<sup>3</sup>'Aixia ketikuxaxatsiwani Kakaiyari, kemi'ane Tati'aitiwame Ketsutsi Kiritsitu mu'ukiyarieya. Kiritsitu hetsie tetewiyakaku miki 'aixia kataniuyurieni tatsi'upitiaka naime 'aixia mi'ane 'iyaritsie mieme, meta muyuawi hetsiememe. <sup>4</sup>Kwie kanetiariewekaku 'akuxi, Kiritsitu ha'eriwati 'aixia kataniuyurieni tatsi'anayexeyaka hetsiena mieme temipatsiekaki, tahetsie mikarahiiwaniki tatsixeyakaku. <sup>5</sup>Tatsinaki'erieti, meripaiti yatiyihaweka, yuniwema pitatsi'ayeitia, Ketsutsi Kiritsitu hetsiememe. Kemiki mitatsiyurimikikai. <sup>6</sup>Kataniupitiani 'aixia temutiyuaneniki hepaitisana, witsikemitatimikwa. Mipai pitatiumi, kemi'ane minaki'eriwatsie temitewiyaki. <sup>7</sup>Miki xuriyaya mutayeuriyaki, hetsiena tetewiyati tekaniuxinarieni. Tekateneuyehiwarieni 'axaketemite'uyuri. Mipai katatineuyehiwirieni kwinimieme 'aixia tiuka'iyariti. <sup>8</sup>Tinimiiriyakaitini tita mitiyurienekai tahetsiememe 'aixia tiuka'iyariti. Naimeki temaiwawemete katanayeitiani katanipitiaka 'aixia temiteku'eriwaniki naime hepaitisita, <sup>9</sup>katatinihekiatsitiaka tita mitinake. Meripai pikatimatsiikikai tita mitinake, peru Kiritsitu ha'eriwati yapitiyuwairiya mitatihikiatsitiani. <sup>10</sup>Mipai katinaye'atanikekaitini kepauka tukari 'aixia mi'ane maye'anikekai, nitaxewiriyakekaitini naime Kiritsitu hetsie tiwiyakame, naime taheima mieme kwiepa mieme.

<sup>11</sup>Miki meta, mikitsie tetewiyati tekananayexeyarieni. Mipai tepite'ukayatsarie teiterimama temakineki, mipai katiniyuriemikikaitini meripai, mipai tiniyikihawekaitini kemi'ane naime mitikuyuitiwa yatiyikihaweti kemitinake. <sup>12</sup>Tame meri yuri temite'uta'eri Kiritsitu



hetsie, tame tekananayexeyarieni 'aixia temutiyuaneniki 'iya hepaitisita witsikemi'ane. <sup>13</sup>Xemeta xekani'enieni niuki yuri maine, miki niuki kexemitetawikweitsitarieni maine. Hetsiena yuri xeteniuta'erieni. 'Ana xepu'iniaritariarie, 'Yari Mitiyupataki xeputseyumarie. Kakaiyari mipai putayi xemeixeyanikekaiki miki 'Yari, <sup>14</sup>mikita kanihikitini tita temitepitariarie hiki mieme, mimatsiikiniki tita tahetsie mitinake kepauka mitatsitaxina yuteiterima. 'Ana 'aixia tekaniutiyuanekuni 'iya hepaitisita witsikemi'ane.

### Ketemite'upitariarie ta'iyaritsie temitemaiwaweniki

<sup>15</sup>'Ayumieme ne neretimaika yuri kexemite'erie Ti'aitame Ketsutsi hetsie, ne'u'enaka kexemitewanaki'erie yunaima Kakaiyari teiterimama, <sup>16</sup>nepikatihayewa pamipariyutsi ne'ipitiati Kakaiyari xehetsiememe. Nenenenewieti nepehiawe xehetsiememe, <sup>17</sup>mipai netinenenewieti, Tati'aitiwame Ketsutsi Kiritsitu Kakaiyarieya, ta'ukiyari witsimi'ane, mipai ketixepitiaka yu'iyaritsie xemitemaiwaweniki, naiti mitimatsiikiniki xehetsiememe xe'imaikaku. <sup>18</sup>Mipaita nepitiyunenewie, yu'iyaritsie xeke'uhekiariwiyarieni xe'imaite tita temitekewewie miki tatsi'uta'inieku, xemitemaikaki tita mitatipitiani, waikawa kemitipaima witsikemiti'ane tita tahetsie mitinake Kakaiyari teiterimama wahamatia, <sup>19</sup>xemitemaikaki meta mariwemeki kemititirikaiye tatsiparewienike tame yuri temite'erie. Yitirikariyaki mipai kaniyiweni, yemeki tirikaiyeti, <sup>20</sup>yaxeikia kemituyuri Kiritsitu hetsiememe 'enukuketiati mikite watsata, yutserieta 'ikayeti muyuawitsie. <sup>21</sup>Mana yunaima waheima nakaweni tewa, miki memite'aita heitserie memexeiya memitirikawi memiwa'ukiyarima, tsepa kememitetetewa, yunaima waheima nakaweni, hiki miemete waheima, tukari 'umamietsie miemete waheima. <sup>22</sup>Mipaita pituyuri naime ra'iwati mitita'aitaki, mipai tinipitiani naime mitikuyuitianiki memiyutixexeiriwa wahetsiememe, tewi mu'uya mikuyuitiwa hepai yuwaiyari. <sup>23</sup>Memiyutixexeiriwa waiyarieya mekanihikitini, miki mekaniutihiniyarieni, wahiniyakaku kemi'ane nai mitihiniya naitserie.

### Ketemite'utawikweitsitariarie Kakaiyari 'aixia mitiuka'iyariki

**2** <sup>1</sup>Xemeta hepaina kanixe'anutanieritiani tsepa xemimikitetikai xeheuyexirieti 'axaxeteyurieti. <sup>2</sup>'Anapaiti xeniu'uwakaitini mipai xeteyurieti kememiteyurie hiki miemete kwiepa memitama, kemitiyuriene kemi'ane mitiwa'aitia miki heitserie memexeiya 'ekapa memanukunenieme. Kemitiyuriene miki kakaiyari hiki miwakuyuitiwa miki memikayuwairiya yamemitekahuniki, mipai xekateniyuriekaitini xeme. <sup>3</sup>Miki tewaniti 'anapai tekaniu'uwakaitini tanaiti ketemite'ukahiwe'eriekai waitisie tetewiyati. Kemitinakekai tawaiyari, ketemitetakihawekai, yatekateniyuriekaitini. Ketemi'anenekai takimana, tahetsie katininakekekaitini temihekarieniki, yaxeikia hipame wahepai. <sup>4</sup>Matsi Kakaiyari waikawa kataninaki'eriekaitini, niyutatuakaitini tatsinenimayati. <sup>5</sup>'Ayumieme tsepa temimikitetikai teheuyexirieti, miki Kiritsitu mame katananutanieritiani. 'Aixia mitiuka'iyariki xeputawikweitsitariarie. <sup>6</sup>Hamatiana katananuku'uitiani, kataniukayatsa muyuawitsie Kiritsitu Ketsutsi hetsie

tetewiyakaku. <sup>7</sup>Tukari 'umamietsie mitihekiataniki kemitiyutua 'aixia tiuka'iyariti, 'ayumieme mipai katiniuyurieni. Yatinihekiatamikikaitini 'aixia tatsiyurieneti Kiritsitu Ketsutsi hetsie temitewiyaki. <sup>8</sup>Mipai 'aixia mitiuka'iyariki, 'ayumieme xeputawikweitsitiarie yuri xete'erieteti. Peru kexemite'utawikweitsitiarie, yikimana xepika'utawikweitsitiarie. Kakaiyari pita yakatinixe'upitiani. <sup>9</sup>Tixaiti xemite'uyuriki xepika'utawikweitsitiarie. 'Ipai nepaine kapa xewiti naki'akaki yikimana. <sup>10</sup>Miki 'iwewarimama tekanihikitini. Kiritsitu Ketsutsi hetsie tetewiyati tekaniunetiarieni 'aixia temiteyuriekaki, Kakaiyari meripaiti kemitikaye mipai teteyurieteti temu'uwaniki.

### **Kuruxitsie 'umierieka, 'aixia kemitiuyuri, 'aixia temitexeyariekaki**

<sup>11</sup>'Ayumieme xeketena'eriwani xeme 'anapai kexemi'anenekai. Xepikahuriyutsixitikai herie kexemi'anenekai. Miki 'iniatsiekate memite'uyuteriwa, miki mekanixetawe'eriekaitini mipai me'utiyuati kename xeme wahapai xeka'iniatsiewawe, miki yuwaiyaritsie memeixeyakaiki huriyutsixi wa'iniari, mamaki kemitiuxiteke. <sup>12</sup>'Anapai xepikaheixeyakaki Kiritsitu. Xepiyupataakai 'ixaheritsixi teiteriyari wahapai heitserie xekahexeyati. Kiekame heitserie kemirexeiya, xeme xaitsie miemete wahapai xepi'anenekai. 'Atsixepikatemaikai tiratute hepaitisita, Kakaiyari kemainekai kemitiwapitianikekai. Tixai xepikatekwewiekai, Kakaiyari xepikahexeyakaki 'ena kwiepa. <sup>13</sup>Hikirixia Kiritsitu Ketsutsi hetsie xetewiyati 'ahura xekanakine xeme tewa xemu'uwakai 'ana, Kiritsitu xuriyaya mutayeuriki.

<sup>14</sup>Miki kanihikitini kemi'ane mitatsipitia 'aixia temitetaxeyaniki. Huriyutsixi, meta memikahuriyutsixi, niwarutaxewiriya yunaime. Kepauka temataka'uniekai, tetsariya warita temuti'uka hepai tekani'anenekaitini, peru Kiritsitu nenuta'una tetsariya. <sup>15</sup>Ketemite'ataka'uniekai, katanianunitiani kepauka mumierie. 'Iniari niukiyari kanaanuyetiani ketemite'aitiariekai xexuime 'aitsikaki. Mipai katiniuyurieni nuiwari yiki mi'ane minetianiki, tatsi'utaxewiriyaka tame meta xeme hetsiena tetewiyakaku, kemitatipitia 'aixia temitetaxeyaniki. <sup>16</sup>Mipai katiniuyurieni meta Kakaiyari hamatia 'aixia temitetaxeyaniki xeiwaiyari tehikititi. Mipai katinaye'atiani kuruxitsie 'umierieka, tatsinitiati temataka'uniekaiki. <sup>17</sup>'Ana nuaka niuki 'aixia manuyine kanixekuxaxatiwakaitini, xeme tewapai xemu'uwakai 'aixia kexemitexeyarie tameta 'ahurawa temu'uwakai katanikuxaxatiwakaitini 'aixia ketemitexeyarie. <sup>18</sup>Mipai mitiuyuriki, tanaiti heitserie tekanexeyani temaye'axianiki ta'ukiyari hetsia xei'yariyaritsie tetewiyati.

<sup>19</sup>Hikirixia 'ayumieme xaitsie xepikakiekatari, kikamete xepikahiki. Matsi Kakaiyari teiterimama wahamatia heitserie xepexeyia, Kakaiyari kie xepikiekatari. <sup>20</sup>Ni'aritsixi texaxatamete kememitekuxataakai, tetsariya kitia mieme hepai 'aneme mekanitawewieni. Wahetsie xetewiyati xekanakine, kii kemitiwewiwa tetsariya heima. Kiritsitu Ketsutsititi kanihikitini tsikurita mieme tete 'aminena. <sup>21</sup>Mikitsie tiwiyati kanixewiriyarieka naiti miwewiya, Ti'aitame hetsie kemitiwiya tuki payeika Kakaiyari hetsiemieme mipatsie. <sup>22</sup>Xemeta hetsiena xetewiyati xekaniti'uitiariximeni xeikiyari xemakineki 'axeikia, Kakaiyari xetaita mayekaniki yu'iyariki.

**Papuru kemithiritiariekai teiteri memikahuriyutsixi wahetsiememe**

**3** <sup>1</sup>Ayumieme nenewieri Kakaiyari nekaniupitiani. Ne Papuru nekanihikitini kemi'ane Kiritsitu Ketsutsi hetsiememe nemanutahiya xeme memikahuriyutsixi xehetsiememe. <sup>2</sup>Xiari xepu'enana kenemitiuhiritiarie, Kakaiyari 'aixia tiuka'iyarikaku. Mipai nepitiupitiarie xehetsiememe. <sup>3</sup>Xepu'enana kemitiuyi kepauka nemitiuta'ikitiarie tita miti'awietsiekai hepaitsita. Kakaiyari yikimana matsikime kanayeitiani. Mipai ne'utaiti 'etsiwa nepitixe'uta'utiiri. <sup>4</sup>Kenemainekai, xe'iteriwati xekaniywaweni xemitemaikaki kenemitimaiwe 'iki niuki mi'awietsiekai Kiritsitu mukuxata hepaitsita. <sup>5</sup>Meripai teiteri memanutiki wa'utima miemete, 'ana mipai mepikate'ikitiariekai teiteri, hiki matsi ni'ariekate memupatsie, meta Kakaiyari niukametemama, miki mipai mepite'ikitiarie 'Iyari yatiwahekiatiakaku. <sup>6</sup>Mipai mepitehetima, teiteri memikahuriyutsixi huriyutsixi wahamatia yaxeikia wahetsie pitinake, xeiwaiyari mepaki huriyutsixi wahamatia, 'axeikia mepeixeiya tita huriyutsixi memite'utahiawarie kename meheixeyanikekai miki. Kiritsitu Ketsutsi hetsie metewiyati mipai mepu'itiarie niuki 'aixia manuyineki.

<sup>7</sup>Neri miki niuki hepaitsita nepuhiritiarie Kakaiyari keminetiumi 'aixia tiuka'iyariti, yitirikariyaki keminetiuyuitia. <sup>8</sup>Meriki tsepa yunaime Kakaiyari teiterimama wahepai nemikamariwe, 'aixia tiuka'iyarikaku mipai nepitiumikie, niuki 'aixia manuyine nemiwakuxaxatiwaniki hipame nuiwarite mipai ne'utaiti, Kiritsitu waikawa kemirexeiya, katiyu'iniatsiniakame. <sup>9</sup>Mipaia nepitiumikie, nemitiwahekiatsitiyaniki yunaime tita Kakaiyari mitiyurienikekai. Mipai pikatimatsiikikai, katinin'awietsiekaitini matsi matiaripaiti. Kakaiyari naime mutiunetia, miki xeikia mipai katinimaikaitini kemitiyurienikekai, yakatinin'awietakaitini <sup>10</sup>matsiikiti mayaniki hiki, memiyutixexeiriwa yametehekiatakaku, miki muyuawitsie memite'aita heitserie memexeiya yamemitehetimaniki, miiremeki kemitimaiwe Kakaiyari, tahetsie yatimatsiikikaku. <sup>11</sup>Mipai tiyurienike, yapitiyikihawekai meripaiti, mipaia katinaye'atiani Tati'aitiwame Kiritsitu Ketsutsi yatiyurienekaku. <sup>12</sup>Mikitsie tetewiyati heitserie tekanexeiyani temitahiaweki teyutatuati, 'aixia 'iyariki temaye'axianiki hixiena, yuri temite'erieki hetsiena. <sup>13</sup>Ayumieme nepixewawirie xemikawairipiekaki ne'uximatiariekaku xehetsiememe. Mipai nemi'itiarieki, 'ayumieme xepaye'axiani witsixe'aneneti xemakineki.

**Nenewieri 'epetsutari wahetsiememe**

<sup>14</sup>Ayumieme nekaniutitunumakeni nenewieri ne'ipitianike Tati'aitiwame Ketsutsi Kiritsitu 'ukiyarieya. <sup>15</sup>Miki meha'eriwati yunaiti nuiwarite yamekatenitetewaka kwiepa memitama meta muyuawitsie memitama. <sup>16</sup>Nepinenewiya, miki waikawa kemirexeiya witsiti'ananeme, mixepitianiki yemeki xemitirikariyarieniki yuhetsie 'Iyarieya yatixetirikariyakaku, <sup>17</sup>miki meta, kexepitiaka Kiritsitu xe'iyaritsie miyekaniki yuri xete'eriekaku. Xeteyukanaki'eriet i xekenetseiriyarieka, kiye kemititse'i hananati, kii kemititse'i

tetsariyatsie weti. <sup>18</sup> Mipai xeteyukanaki'erieti 'axeikia xekaniyiwawekuni xemitehetimaniki, yunaime Kakaiyari teiterimama wahamatia, kemakuyewa, kemeutatewa, kemeutitewa meta kemeukatewa, Kiritsitu kemitiyukanaki'erie, <sup>19</sup> xemimaikaki Kiritsitu naki'eriyya, tsepa tewi mikayiwe yamiretihaniki. Xeke'utihiniyarieni, hepaina xemi'aneneniki, Kakaiyari kemi'ane.

<sup>20</sup> Kemi'ane miyiwe matsi kwinimieme mitiyurieneni tsepa kemititita, tame matsi ketemikate'iwawiriewawe ketemikateta'iyaritiawawe, tirikariyaya kemitatikuyuitiwa, <sup>21</sup> miki hepaitisita 'aixia meke'utiyuaneni metatsiha'eriwati tame temitatixexeiwa Kiritsitu Ketsutsi meha'eriwati, yunaiti teiteri mexi me'anutikika tsepaneti xeitsienituyari wiyari manuyekika. Mipai xeikia kani'aneni.

### Kiritsitu hetsie metewiyati kememiteyuxewi

**4** <sup>1</sup> Ayumieme neri Ti'aitame hetsie netiwiyati nekananutahiiyaka, wairiyarika nekanixepitiaka, 'aixia 'anemeki xemu'uwaniki, kemireuyewetse yamitikamieniki kemi'ane muta'inierie kexemite'uta'inierie xeme. <sup>2</sup> Tixaiti xekatehikititi xekeneyu'erieka naimeki, xepika'ayu'eririyani, 'axeketeneutewini xekaha'ati, xekeneyunewieka matsi xeyunaki'erieti. <sup>3</sup> 'Iyari kemitatixewiriya, xekeneyumexiitiaka xemiyuhayewaki xeyuxewiti 'aixia xeteyuxeyati. <sup>4</sup> Xeiwaiyari tekanihikitini, meta 'Iyari kaniyuxewini. Yaxeikia xeme kepauka xemuta'inierie, tita xetekwewieti xemite'aki, mikita kaniyuxewini. <sup>5</sup> Ti'aitame kaniyuxewini, xeimetsie yuri tekateni'erieka, xeime hetsie tetewiyati tekaniuka'iyarieni. <sup>6</sup> Kakaiyari yunaime miwa'ukiya mikita kaniyuxewini, miki yunaime katiniwa'aitiaka, yunaime kaniwakuyuitiwani, yunaime wahetsie katiniwiyani.

<sup>7</sup> Matsitsi taxexuiti yatepitemikie ketemite'iniatsiyarie, Kiritsitu kemitatimikwa. <sup>8</sup> Ayumieme mipai paine 'utiarika:

«Wapaiti 'anutiyaka,  
me'anutaxiriyakame kaniwarehapani yumiireme,  
meta teiteri 'imikieri kaniwarumini».

<sup>9</sup> (¿Merikite ketita tixata «wapaiti 'anutiyaka» maine, mipai xiari paine, peukayune meri 'emeukatewatsie kwiepa paiti? <sup>10</sup> Kemi'ane meukayunixi, miki kanihikitinita kemi'ane muyuawi heima manutitia 'atewa, naime mihiniyaniki). <sup>11</sup> Miki mipai pitivarumi, hipati ni'ariekate memakineki, hipatita texaxatamete, hipati tehekiatamete, hipatita te'iwiyamete meta te'ikitamete. <sup>12</sup> Yakatiniwarumini waraye'atianike yuteiterima yamemite'uximayakaki kememite'uhiritiari. Wakimana Kiritsitu waiyarieya kaniweriyariekamiki. <sup>13</sup> Mipai tekatenipitiarieka mexi te'aye'axiaxime tanaiti temitaxewiniki yuri ketemite'erie Kakaiyari nu'ayatsie, ketemiteheitima. Mipai tekatenipitiarieka tewi maye'awe temakineki, temitsetseyeniki Kiritsitu kemiraye'awe hepai, miki Kiritsitu ta'iniaritakaku.

<sup>14</sup> Ana tepitehayewani tiiri wahepai teyiati. Tepikakuyuitiariwani naime 'ikitsikaki, hamewari kemitiyuane 'ekaki, teiteri kememiteyukwamana, kememiteyu'iyaritita mete'irimati memeuyexirieniki. <sup>15</sup> Matsi yuri te'utiyuati tetetakanaki'erieti, tekanitiwerikuni 'iya hepai te'aneneti temakineki

naimeki. 'Iya kanitamu'utini Kiritsituti. <sup>16</sup>Tanaiti hetsiena tetewiyati tekanitaweririmeni, tewi waiyarieya yumu'utsie tiwiyati kemitiwere naiti. Waiyarieya nawitiarieni kaniutaxewiriyarieni, turuyari naiti 'ixewiriyakaku, xexuiti waiyariteya yatiyurienekaku kemireuyewetse. Yaxeikia tewi waiyarieya kemitiyuweriya yikimana, tameta tetetakanaki'erieti tekanitirikariyarieka waiyarieya tehikititi.

### Yiki 'anemeki kemirayeniereni Kiritsitu hetsie tiwiyati

<sup>17</sup>Ayumieme 'ipai nepaine, Ti'aitame hetsie netiwiyati 'ipai nepitihekiata. Xepika'u'uwani hipati kememiya memikatateiterima. Yaki xeikia mekateniku'eriwani miki, <sup>18</sup>mekaniuyiriyarieni kememiteyumate yu'iyaritsie, heitserie mepikahexeiya Kakaiyari tukari miwapitianiki, miki 'atsimemikatemateki wa'iyari mitsetse'iki. <sup>19</sup>Kememi'anene, miki yu'iyaritsie mekaniximimianini, mepiyuwairiya memirukuyatiweniki kememiteyukahiwe'erie, yamemiteyuriekaki naime tita mikati'itiya yuhetsieme metehiwe'erieti.

<sup>20</sup>Peru xeme mipai xepikate'u'ikitiarie Kiritsitu hepaitsita. <sup>21</sup>Xiari hepaitsitana xepi'enana, hetsiena xetewiyati xepite'uta'ikitiarie tita yuri miraine, Ketsutsi hetsie kemitimatsiki. <sup>22</sup>'Ayumieme kexemite'u'ikitiarie, xekenanutihina tita mitiye'i, xeketeneuhayewa kexemiyaikai meripaiti. Kemi'ane mipai mitiyuriene, miki kanitapinirimeni 'irimari kemitihiwe'eritia. <sup>23</sup>Xehekwariyarieti xekanakini, yu'iyaritsie 'aixia xeteyikihaweti. <sup>24</sup>Xekenanakatiki tita 'aixia miti'ane, tita mitiunetiarie Kakaiyari hepai 'aneti. Miki tita yuri mirainetsie memimiemete wahapai heitseriemeki yaxeketenekahuni, Kakaiyari xe'ayexeyati xekeneyiaka.

<sup>25</sup>'Ayumieme xeketeneuhayewa xete'itawati, yuxexuiti yuri xeketeneuyutahiwi, tanaiti 'axeikia temitaxewiniki xeiwaiyaritsie temimiemeki. <sup>26</sup>Xika xeha'aka, perutsi 'axaxepikateyurieni, xepika'ipitiaka xeitukari xemiha'akaki. <sup>27</sup>Meta, Kauyumarie xepikapitiaka xehetsie muyuhayewaniki. <sup>28</sup>Kemi'ane mitinawayakai ketiuhayewa tinawaneti, ketikumaiwani matsi yumamaki 'aixia tiyurieneti, mirexeiyaniki miki memiteheuyehiwa mitiwayetuirwaniki.

<sup>29</sup>Niuki 'axamaniyine xika xeteta 'atineni, 'aixia pikayini, matsi pita xika 'aixia 'anemeki xe'utiniukani watseiriyati kemi'ane meiyehiwa, mipai xekeneutiyaneni pita, 'aixia xemiwayurieniki 'enakaremete. <sup>30</sup>Xepika'ihiwiritiaka Kakaiyari 'Iyarieya Mitiyupata. Miki kanixetseyutini kimana xemu'iniatsie mexi tukari ka'aye'awe kepauka temixinarieni. <sup>31</sup>Xeketeneuhayewa xehayutsiiriyati xeteyuka'uxiwe'erieti xeyuhaxiawiyati xe'utihiwati 'axaxe'utiyuati. Miki naiti ketixani'eriwani xehetsia, meta naiti 'axamiti'ane. <sup>32</sup>'Aixia xete'u'iyariti xekanakini, xekeneyunenimayaka, xeketeneuyehiwiriekaka, xeme Kakaiyari kemitixeheuyehiwiri Kiritsitu hetsie xetewiyakaku.

### Hekiaripa miemete wahapai xekeneyiaka

**5** <sup>1</sup>'Ayumieme Kakaiyari xe'iketi xekanakini. Kemi'ane mixenaki'erie niwemama wahapai xekeneyiaka. <sup>2</sup>Xeteyukanaki'erieti xekeneu'uwani,

yaxeikia Kiritsitu kemitatinaki'erie, kemitiyuyetua tahetsiemieme mimierieniki. Mawarititi kaniyuyetuani 'ixatiati Kakaiyari, 'inaki'atsitiati.

<sup>3</sup>Hipati mekaniwakumaiwani kemi'ane mikawa'ia mikawakina, mepika'itiatika, yuhetsiemieme mekatenihiwe'erieka naime. Matsi kememiteyurie, miki xepikakuxatani xeme, meuyewetseki miki Kakaiyari hetsiemieme memupatsie mipai memikateyuriekaki. <sup>4</sup>Hipati mipai mekatenyurieka, ketemitetewiniarienikekai xika wahepai teteyuriekake. Yaki xeikia mekaniutiyuaneni, mekaniyunanaimaka 'axami'aneiki. 'Aixia pika'ane mipai xemiteyuriekaki, matsi peuyewetse Kakaiyari pamipariyutsi xemipitiakaki. <sup>5</sup>Teiteri mepiwakumaiwa kemi'ane mikawa'ia mikawakina, mepika'itiatika, naime mepitehiwe'erie yuhetsiemieme. Tita mitihiwe'erie, miki payexeiya yukakaiyaritime. 'Ipaï xeketenemaika, yunaiti miya memiteyurie, miki wahetsie pikatinake memaye'axianiki Kiritsitu tiwa'aitiwame mayaniki, meta Kakaiyari. <sup>6</sup>Nikati xewiti tixe'u'itaiya 'eka niuki wewieti. Miya memiteyuriekaki, 'ayumieme Kakaiyari piwaheka miki memikayuwairiya yamemitekahuniki. <sup>7</sup>Merikite, xepikayuxewiriyani wahamatia kememiteyurie.

<sup>8</sup>Meripaiti yiwipa xepimiemetetikai, hikiri matsi hekiaripa miemete xekanakine Ti'aitame hetsie xetewiyati. Hekiaripa miemete wahepai xekeneyiaka. <sup>9</sup>(Hekiaripa kemitixuaweriya, 'ipaï katiniyurienemiki tewi. Naimeki 'aixia katiniyurienemiki, heitseriemeki yakatinikamiemiki, yuri kaniutainemiki). <sup>10</sup>Xekeneyi'iwia yaxemitehetimaniki tita Ti'aitame mitinake. <sup>11</sup>Xepikayuxewiriyani miki yiwipa timieme kememiteyurie wahamatia. Tixaiti pikatitixuawere kememiteyurie. Matsi xekeniwahekiatani kememiteyurie. <sup>12</sup>'Awie kememiteyurie miki, putewiuyikire miwakuxataniki. <sup>13</sup>Peru miki naiti hekiatsieti, matsiikiti kanayeitiariwani hekiaripa. Hekiaripa kanihikitini tita matsiikime mirayeitia naime. <sup>14</sup>'Ayumieme mipai paine:

«'Eki pemikutsu, kenanutanieri,  
mikite watsata kenanukukexi,  
meta Kiritsitu kamanihakiariyamiki».

<sup>15</sup>'Ayumieme xekeneyukweriwayurieka 'aixia kexemite'u'uwa. 'Atsimemikatamate wahepai xepikayiaka, memitemaiwawe wahepai pita xekeneyiaka, <sup>16</sup>xekeneyukumexuitiaka 'aixia xemiteyurieniki, mexi tukari xepitiarie hipati tukari 'axami'aneneki. <sup>17</sup>'Ayumieme 'atsimemikatamate wahepai xepikayiaka, matsi pita xekenemaika tita Ti'aitame mitinake. <sup>18</sup>Xepikatariwetiweni winuki. Mipai tiyurieneti pirukuyaneni xeikia. Matsi 'Iyariki pita xekenehipineni. <sup>19</sup>Yuxexuiti xekeneyutuikani, niawari hepaitsita meta Kakaiyari kwikariyaki, kwikari 'Iyaritsie timieme hepaitsita manuyine xekeneutikwika, xe'iniawati Ti'aitame yu'iyaritsie. <sup>20</sup>Yuheyemeki naimeki pamipariyutsi xekenepitiaka Kakaiyari mita'ukiyari, Tati'aitiwame Ketsutsi Kiritsitu hetsia xemimiemeteki.

### Xeyuxewiti yaxeketenekahuni

<sup>21</sup>Xeyuxewiti yaxeketenekahuni Kiritsitu xe'ayemakati. <sup>22</sup>'Ukari yaxeketenekahuni xekinama kememaitika, yaxeikia kexemitekahu Ti'aitame ti'aitakaku. <sup>23</sup>'Uki 'uka mu'uya kanihikitini, yaxeikiata Kiritsitu

memiyutixexeiriwa wamu'u kanihikitini, miki kanihikitini kemi'ane yuwaiyari mutawikweitsitia. <sup>24</sup> Memiyutixexeiriwa yamekatenikahuni kemiti'aita Kiritsitu, yaxeikiata 'ukari yameketekahuni kememaitika wakinama naimeki.

<sup>25</sup> Xeme 'ukitsi xekeniwanaki'erieka yi'itama, Kiritsitu mitiwanaki'erie hepai memiyutixexeiriwa, miyuyetua hepai mimierieniki wahetsiemieme. <sup>26</sup> Yuhetsiemieme miwapataki mipai katiniuyurieni, wa'itieti haki niukiki. <sup>27</sup> Mipai pitiuyuri yikimana, yihixie miwati'uitianiki memiyutixexeiriwa witsime'aneneme, mekaheukuyiyiwime, mekaheuwirawime, tsepa tixaiti mipai miti'ane, matsi memipatsiekaki pita wahetsie mikarahiiwaniki. <sup>28</sup> Yaxeikia kaneuyeweka 'ukitsi memiwanaki'eriekaki yi'itama, yuwaiyari memitenaki'erie hepai. Kemi'ane yi'ia minaki'erie, miki kaniyunaki'erieka. <sup>29</sup> Tewi hatsuaku yuwaiyari pika'uxie, matsi piweriya pikemaritia. Kiritsitu yaxeikia piwayurie memiyutixexeiriwa, <sup>30</sup> waiyarieya temihikiki. Waiyarieya 'umeyarieya tepihiki tame. <sup>31</sup> Kemaine: «Ayumieme 'uki kaniyupatamiki, yupaapa yumaama wahetsia kanayeyemiki, yi'iyatsie pita katiniwiyamiki, memiyuhutakai xeiwaiyari mekanakinikuni meyuxewiti». <sup>32</sup> Iki niuki matsi kanitirikaïyeni, tsepa m'awietsiekai, Kiritsitu hetsiemieme memiyutixexeiriwa wahepaitsita nepaine. <sup>33</sup> Merikite xemeta yuxexuiti yunaiti yi'itama xekeniwanaki'erieka kexemiteyunaki'erie hepai, meta 'ukari yikinama 'aixia meketewaxeyiani.

### Tiiri meta wa'ukiyarima

**6** <sup>1</sup> Tiiri xekeniwa'enieka yupaapama Ti'aitame hetsie xetewiyati, mipai xika xeteyurieka piheitserie. <sup>2</sup> «Apaapa meta 'amaama keniwareu'enieka —kemaine, miki 'aitsika mexiakame kanihikitini, mipaita paine kename tixaiti tiupitiarieni— <sup>3</sup> mipai petiyurieneti 'aixia pepi'tiarieni 'apepireutere kwiepa, pe'uyeikati».

<sup>4</sup> Xemeta xemiwapaapama xepikawahaxiatiaka yutiiriyama. Matsi xekeniwawaweriyani xewakuwayati meta xetewa'ikitiati yamitikamieniki Ti'aitame hetsie tiwiyati.

### Te'uximayatamete meta wakutsiyarima

<sup>5</sup> Te'uximayatamete, xekeniwa'enieka miki memixekutsiyarima kwiepa, xeheumamati xe'utiyyiakati, 'aixia 'iyariki xete'uximayati, Kiritsitu hetsiemieme matsi xekateni'uximayakakuni. <sup>6</sup> Wahixie xeikia xepikate'uximayaka teiteri xewanaki'aritanike, matsi Kiritsitu hetsia miemete te'uximayatamete xemihikiki, yu'iyariki yaxeketenyurieka tita Kakaïyari mitinake. <sup>7</sup> Xeyuwairiyati xeketene'uximayaka, kemi'ane Ti'aitame hetsiemieme miti'uximaya hepai xeyiati, teiteri wahetsiemieme pikatixai. <sup>8</sup> Mipai xeketenemaika, yuxexuiti 'aixia kememiteyurie, mipai mekatenipitiariekuni Ti'aitame yatiwapitiakaku, tsepa te'uximayatamete memihiki, tsepa memiyuni'a.

<sup>9</sup> Xemeta, xemiwakutsiyarima, yaxeikia xekeniwayurieka, xeketeneuhayewa xewamariutati. Mipai xetemaiti, kemi'ane miwakutsiyari mixekutsiyari xemeta, miki Ti'aitame taheima pakawe, yiki teiteri pikatiwaxeyia.

### Kakaiyari kemitiwa'ixiparatia yukuyaxima

<sup>10</sup>Imatirieka ne'iwama, Ti'aitame hetsie xetewiyati xekenetirikariyarieka, kemi'ane mitirikaiye xetirikariyakaku. <sup>11</sup>Kakaiyari kemitiwa'ixiparatia yukuyaxima, mikiki xekeneyukuha'aritiaka kuyaki, xemiwiwaweniki xemiti'ukaki xekakuyuitarieti Kauyumarie 'irimarieyatsata. <sup>12</sup>Tameri teiteri tewaraye'unieti tepikatakwiwe. Matsi te'aitamete, heitserie hexeyamete, miki memite'aita 'ena yiwipa naitarie kwiepa, 'iyarite memiyukwiwe tita 'axamiti'anetsie mieme muyuawitsie memuxuawe, miki tewaraye'unieti pita tepitakwiwe. <sup>13</sup>Ayumieme xekenanu'ii Kakaiyari kuyaximama watepia naime. Mikiki xekaniywaweni xemeye'uniekaki tsepa tukari 'axami'ane, xekaniywawekuni xemiti'uniki xekakuyuitariwati, naime xe'aye'atiame. <sup>14</sup>Ayumieme 'axekeneti'uka 'aixia. Kuya kemirayuhia, xemeta tita yuri miraine xekenekuxatani. Kuya tepia kemiranakatiki yutawie kapa 'u'axieniki, xemeta heitseriemeki yaxeketenekahuni. <sup>15</sup>Yukakaitsie kemireukexia, xemeta xekeneyukuha'aritiaka niuki 'aixia manuyinetsie xetewiyati, 'aixia ketemitexeyarie manuyinetsie. <sup>16</sup>Miki meta, 'eyeume kemirakaxu'u kimana miyukunarima, xemeta yuri xeketene'erieka. Mipai xepiyiwaweni xemitiniki naime 'axamitiuka'iyari 'iriteya mitaiwawe. <sup>17</sup>Kuya yumu'utsie tepia kemiranaketsa, xemeta mipai xeketenemaika, xemutawikweitsitarieki. 'Ixipara kemirakwe'e, Kakaiyari niukieya xehexeyati xekeneyukwiweni, 'Iyari kemitiyumiene mikiki.

<sup>18</sup>Naimeki xekeneyunenewieka xekenewawirieka. Yuheyemeki nenewieri xekenepitiaka 'Iyaritsie xetewiyati. Mipai xemiteyuriekaki, xekeneyihitiaka, yemeki xepikatehayewani xe'iwawirieti Kakaiyari yunaime teiterimama wahetsiememe.

<sup>19</sup>Nehetsiememeta xekeneyunenewieka, niuki nemipitariiekaki kepauka nemitanioni, nenetatuati nemihekiataniki tita miti'awietsiekai niuki 'aixia manuyine hepaita. <sup>20</sup>Mikitsie mieme nekaniniukametini tsepa tepiaki nemanutahiya. Xekeneyunenewieka neminetatuaniki niukitsie mieme, kemireuyewetse nemitanioniki.

### Wairitsika kemitiwareutani'airiexia

<sup>21</sup>Yaxemitemaikaki xemeta kenemiranayemie kenemitiyuriene, naime yakatinixetaxatiamiki Tikiku. Miki kanita'iwatini teminaki'erie. Tiparewiwame yamitikamie kanihikitini Ti'aitametsie mitiwiya.

<sup>22</sup>Ayumieme xehetsia nepenuni'ani yaxemitemaikaki ketemite'anayeki, xe'iyari mituikariekaki.

<sup>23</sup>Kakaiyari mita'ukiyari meta Ti'aitame Ketsutsi Kiritsitu mekewapitiaka 'iwamarixi memika'uximatiariekaki yu'iyaritsie, meta mekewapitiaka memiyunaki'eriekaki yuri mete'erieti. <sup>24</sup>Kakaiyari 'aixia ketiuka'iyarini kemi'ane yuheyemeki Tati'aitiwame Ketsutsi Kiritsitu meminaki'erie wahetsiememe.



# Piriputari

## Kemitiwaruni'airi Papuru

---

### Wairitsika

**1** <sup>1</sup>Papuru Timuteu hamatia, temite'uximayatamete Kiritsitu Ketsutsi hetsiememe,

yunaiti xemupatsie Kiritsitu Ketsutsi hetsie xetewiyati Piriputsie xemitama, te'iwiyamete meta teparewiwamete yunaime tekanixewairitiaka:

<sup>2</sup>Kakaiyari mita'ukiyari, meta Ti'aitame Ketsutsi Kiritsitu 'aixia mekete'u'iyarini xehetsiememe, meta yu'iyaritsie mekexepitiaka xemika'uximatariakaki.

### Papuru yunenewieti yuri memite'erie wahetsie kemitiwaukai

<sup>3</sup>Ne nekakaiyari pamipariyutsi nekanipitiaka kepauka nemixeha'eriwa.

<sup>4</sup>Kepauka nemiwawirie yunaime xehetsiememe, neyutemawieti nekaniyunenewieka neheyemeki, <sup>5</sup>pamipariyutsi nekanipitiaka temitaxewiki 'iki niuki tekuxatati 'aixia manuyine matiari hepai hikita yaxeixia. <sup>6</sup>Mipai yuri nekatini'erieka: kemi'ane mitsutia xekuyuitiwati 'aixia 'anemeki ti'uximayati xehetsie, miki katinaye'atiakamiki kepaukake Kiritsitu Ketsutsi munuani. <sup>7</sup>Miki kaniheitserietini mipai nemitiku'eriwaniki xehetsiememe, ne'iyaritsie nemixeku'eriwaki, tsepa nemanutahiiya yatini nehetsiememe nehaniukakaku, meta niuki 'aixia manuyine nehekiatakaku, xeme yunaiti nehamatia xepite'uximaya Kakaiyari 'aixia tiuka'iyarikaku nehetsiememe. <sup>8</sup>Kakaiyari katinimaika kenemitixenaki'erie yunaime, nexeku'eriwati Kiritsitu Ketsutsi hetsiememe.

<sup>9</sup>Mipai nepitiwawirie neyunenewieti: xeme yemeki xenaki'eriya ketimiiririmeni heitseriemeki xetemaiwaweti, naimeki kemireuyewetse yaxemiteyuriekaki, <sup>10</sup>xemiyiwaweniki xemipataniki 'aixia miti'ane meta 'axamiti'ane kexemite'imate. Mipai xeteyuriekaku, kepauka Kiritsitu munuani kanimatsiikikamiki kexemikatetsewiximarieka, xehetsie karahiiwakaku, <sup>11</sup>'aixia miti'aneki xekenehipinene Ketsutsi Kiritsitu xepitiakaku, 'aixia mitikuxaxatsiwaniki meta Kakaiyari niawarieyaki.

### Xika ne'ayeniereni Kiritsitu 'aixia ketikuxaxatsiwani

<sup>12</sup>Ne'iwamarixi, nepitixetaxatiani kenemiranayetia hepaitsita, mipai xemitemaikaki, matsi waikawa 'aixia puyi niuki 'aixia manuyine mi'enierieniki. <sup>13</sup>Uwa yunaiti paratsiyuta tehiwemete meta hipati yunaiti mipai mepitehetima Kiritsitu hetsiemieme nepanutahiiya hiki. <sup>14</sup>Iwamarixi yumiireti menetsiha'eriwati kenemiranutahiiya, Ti'aitame hetsie metewiyati mekaniyuwairiyani hiki matsi waikawa Kakaiyari niukieya memikuxataniki mekaheumamati.

<sup>15</sup>Kaniyuritini hipati mekatenikuxatani Kiritsitu hepaitsita meniukixieti meta metehayu'iwakuti, matsi hipatita 'aixia 'anemeki mekatenikuxatani. <sup>16</sup>Miki 'imatirieka yuriki mekatenikuxatani menetsinaki'erieti, mipai metemaiti nemanayexeyarieki niuki 'aixia manuyine hetsiemieme nemutaniukaniki. <sup>17</sup>Hipati pita mepitehekiata Kiritsitu hepaitsita mewara'iwakuti hipame, wa'iyari kayuxewikaku, mipai mepiteku'eriwa, matsi waikawa nemi'uximatiariekaki ne'anutahiiyati.

<sup>18</sup>Tsepaneti kememiteyurie Kiritsitu kanikuxaxatsiwani, ne 'ayumieme nepinetemawie, tsepa yaki memitekuxata, tsepa yuriki meyuwairiyati memiyia. Matsi neyutemawieti nepikatihayewani. <sup>19</sup>Mipai nepitimate, 'aixia pitiyini pamipariyutsi xeme nehetsiemieme xeyunenewiekaku, meta Ketsutsi Kiritsitu 'Iyarieya netsiparewiekaku, 'iki naiti 'aixia pitiyini nepixine. <sup>20</sup>Mipai yemeki yuri nekatini'erieka meta mipai netita'ikwewati 'uxa'atini warie nepikatewiyatsitarieni, tsepa nemayeniere tsepa nemumi, matsi Kiritsitu kemitimariwe kanimatsiikikamiki yaxeikia meripai hepai. <sup>21</sup>Ne nehetsiemieme nepika'ayeniere, Kiritsitu kanihikitini mayeniere, mexika ne'umini matsi nekatina'iwamiki. <sup>22</sup>Hiki 'akuxi, xika newaiyaritsie ne'uyeikati neyuhayewani 'ena kwiepa tixaiti nemitiyurieniki neti'uximayati, ke'aneame nepanukuweiya. 'Atsinepikatimate kemi'ane matsi 'aixia miyinikeyu. <sup>23</sup>Hutameki nenehiaweti nepi'iyarixie. Nepinewairiya nemiyemieki Kiritsitu hamatia mana nemeyeikaniki, mipai matsi waikawameki 'aixia pi'aneakaku. <sup>24</sup>Perutsi xehetsiemieme kaneuyeweka matsi 'ena neminehayewaki newaiyaritsie netiwiyati. <sup>25</sup>Hikirixia nepiretima kenemitiyurieni, mipai nekatinimaika neminehayewaniki. Yunaima xehetsia nekaninehayewamiki nexeparewieti matsi waikawa xemiyiwaweniki, xemiyutemamawiekaki yuri xete'erieti. <sup>26</sup>Xika tawarita xehetsia nehenuani, xeme waikawa xepuyutemamawieka Kiritsitu Ketsutsi hetsie xetewiyati, nehetsiemieme miki waikawa 'aixia kemitiyurieni.

<sup>27</sup>Tsepa xemu'uximatiarie, yaxeikia xeketeneyurieka, kemireuyewetse yamitiyurieneni heixeyati niuki 'aixia manuyine Kiritsitu hepaitsita, mipai xeketeneu'uwani. Xika mipai xeteyurieka, tsepa xehetsia nemeyeika nexexeyati, tsepa 'ateewa paiti nemeyeika ne'enati xehepaitsita, mipai nekatinimaikamiki xemiyutseiriyaki 'iyari xehexeyati miyuxewi, yaxeikia xeteku'eriwati yunaiti xemiyukwitiweki kapa xe'unawaiyarieniki titatsie yuri xemite'erie niuki 'aixia manuyine kemaine, <sup>28</sup>memixe'aye'unie xepikawarayemakaxeni kepauka miki memixemariutani. Mipai xeteyurieti

'iniari xenakinikuni wahepaitsita, kememiteheuyehiiyani. Xemeta yuhetsiemieme 'iniari xepakine Kakaiyari kemitixe'utawikweitsitia.

<sup>29</sup>Kiritsitu hetsia xemimimeteki xepupitiarie yuri xemite'eriekaki, matsitsi 'akuxi xepipitiarieni xemitekwineki hetsiena mieme, <sup>30</sup>yaxeikia nehepai xeketenyukwitiweni hiki, meripaiti kexeminetexeyakai yanetinemiene, hikita kexemite'enana kename yanetinemiene.

**Kiritsitu tixaiti katihikititi kemirayuyeitia, 'ariketa mariweti kemiratia**

**2** <sup>1</sup>Ayumieme, xika 'aixia xeteyumaika yuhetsie Kiritsitu hetsie xetewiyati, xika tenitiarieka ketemiteyukanaki'erie, xika 'Iyari hamatia xeyuxewini yunaiti, xika xeteyukanenimayaka kexemite'u'iyari, <sup>2</sup>xikatsi mipai 'aneni, neyutemawiekame xekenenaye'atia, yaxeikia xeteku'eriwati, yaxeikia xeketenyukanaki'erieti, yuhepai xeteyukihaweti, xekeneyuwairiyani yu'iyaritsie xemiyuxewiniki. <sup>3</sup>Hipame xewara'iwakuti xepikayiaaka, teiteri xehapaitsita 'aixia memutiyaneniki xeikia xepikayiaaka, mamariwawemete xekeniwa'erieka hipame, xeme pita tixaiti xekatehikitime xekeneyu'erieka yikimana. <sup>4</sup>Yuxexuuti xeme xepikatekuwautiweni tita xehetsie mitimieme xeikia, tita hipame wahetsie mitimieme pita xeketenukwautiweni.

<sup>5</sup>Kexemite'u'uwa Kiritsitu Ketsutsi hepai xeketenyumaika,

<sup>6</sup>Tsepa mikakaiyaritikai Kakaiyari hepai 'aneti pika'ayuyeitia, peru mipai pikatiku'eriwakai kename 'aixia yinikeyu xika Kakaiyari hepai mariweti 'ayuyeitianike, tsepa miyiwekai.

<sup>7</sup>Katiniuhayewa heitserie hexeyiati, kemi'ane wairiyarika miti'uximaya hepai 'aneti kanayuyeitiani, Teiteri wahepai 'aneti kanayani.

<sup>8</sup>Merikitsi xeyarieti tewi hepai 'aneti, tixaiti katihikititi kanayuyeitiani, Yakatinikamiekaitini tsepa mumi, kuruxitsie kaniemierieni.

<sup>9</sup>Ayumieme Kakaiyari mariweme kaneyeitiani, kanipitiani witsimitimariwaniki kemi'ane mihiki, hipati kememikatamariwa hepai.

<sup>10</sup>Uxa'atini warie kepauka Ketsutsi mitahiawarieni kemi'ane mihiki, mipai kemitimariwa, 'ana yunaiti mekanikatunuma'uikuni nenewieri mekanipitiakuni, taheima memitama, kwiepa memitama, meta kwie hetia memitama,

<sup>11</sup>Yunaiti mekaniyutahekiatakuni, kememiteheitima Ketsutsi Kiritsitu kename Ti'aitame hiki, me'utiyuati, 'ana 'aixia katinikuxaxatsiwamiki Kakaiyari mita'ukiyari.

**Teiteri ketemitewahekiatia**

<sup>12</sup>Xemeta nenaki'erima, mipai nepitixetahiawe, yuheyemeki yaxekatenikahukaitini xehetsia neheyeikakaku. Hiki 'ateewa paiti neheyeikakaku matsi waikawa peuyewetse yaxemitekahuniki Kiritsitu

hepai. Yaxeketenyurieka kemireuyewetse yaxemiteyuriekaki mexi xetawikweitsitariexime, peru xeheumamati xe'utiyiyiakati. <sup>13</sup>Kakaiyari kanihikitini kemi'ane yamitiyuriene xetsata, xekuyuitiwati xemiyuwairiyani, 'arike meta yaxemiteyuriekaki, kemitixekuyuitiwa yakatiniyimiki kemitinake.

<sup>14</sup>Mipai naimeki yaxeketenekahuni, xekaniukixieti niuki xekaxiatiati.

<sup>15</sup>Mipai xeteyuriekaku, xehetsie pikarahiiwani, xepika'inika tita 'axamiti'ane. Matsi Kakaiyari niwemama xekanakinikuni, xepikatsewiximarieka teiteri watsata xe'u'uwati wa'iyari mututuni memeyexirie. Watsata xe'u'uwati xekaniwahekiariwiyani, kwiepa xurawetsixi kememitehekiariwie wahepai. <sup>16</sup>Niuki xekanexeyiani waranutanieritiwame. 'Ayumieme 'aixia nekatiniyumaikamiki nexeha'eriwati kepauka tukari maye'anitsie, kepauka Kiritsitu munuanitsie. Xehetsie katinimatsiikikamiki 'ana, yaki xeikia nepika'utananautsakai meta kenemiti'uximayakai yaki pikarayani. <sup>17</sup>Tsepaneti netukari mawari mayeitiarie, hetsiena mieme xekateni'uximayaka, xika ne'umierieni mipai yuri xemite'eriekaki, nexuriyaki xika xemawari 'uxurimarieni, mikiki nekaninaki'akamiki, xeme yunaiti kexemiteyutemamawie, neta xehapai nekaninetemawieka. <sup>18</sup>Merikite xemerita yaxeikia xekeneyutemamawieka, 'axeikia temitatemamawiekaki.

#### Timuteu meta 'Epapiruritu kememiteyurienikekai

<sup>19</sup>Ti'aitame Ketsutsi hetsie netiwiyati mipai nepitiku'eriwa, kwitiwa xehetsia nepenuni'ani Timuteu, ne'iyaritsie nemitirikariyarieniki neretimame xehepaitsita. <sup>20</sup>Xeime nepikahexeiya hepaina tiuka'iyarime, miki xeikia 'aixia 'iyariki kaniyu'iyaritiaka xehetsieme. <sup>21</sup>Hipati yunaiti tita wahetsie mitimieme xeikia metenikuwautiweni, tita Kiritsitu Ketsutsi hetsie mitimieme mepikatekuwautiwe. <sup>22</sup>Xeme xepimate 'iya, kemitiniatsie kemitimatsiiki, xepitemate nehamatia kemitini'uximaya niuki 'aixia manuyine tekuxatakaku, raniwe yupaapa hamatia miti'uximaya hepai. <sup>23</sup>'Ayumieme mipai nepitiku'eriwa, nepenuni'ani kwiti neretimame kemitiyini nehepaitsita. <sup>24</sup>Ti'aitame hetsie netiwiyati yuri nepiti'erie kwitiwa neta nemiyemieki.

<sup>25</sup>Mipaita nekatini'eriwani, peuyewetse ta'iwa nemanuni'aniki xehetsia 'Epapiruritu, miki nehamatia katini'uximayaka, tahamatia tekanikuyaxitini. Xeme xekaneiyeni'ani nehetsia minetsiparewiekaki kemireuyewekai.

<sup>26</sup>Yunaime kanixexeyamikini, kaniyuhieriekaitini xemu'enanaki kemitikuyekai. <sup>27</sup>Kaniyuritini katinikuyekaitini, 'etsiwatikaku kaniumini. Matsi Kakaiyari kanitinenimayata, yaxeikia neta netsinenimayati, kapa nenetihiwerieme tawarita nenutuixiekaki. <sup>28</sup>'Ayumieme nekaninewairiyani nemanuni'aniki xemiyutemamawiekaki xeme tawarita xe'ixeyati, neta nekanehiwerieti nemayaniki. <sup>29</sup>Hikiri xekeneutanaki'eri Ti'aitame hetsie xemitewiyaki, waikawa xekeneyutemamawieka xehe'eriwati. Miya memi'anene mamariwawemete xekeniwa'erieka. <sup>30</sup>Kiritsitu hetsieme ti'uximayati kaniumini tima. Yikimana kaniyukweriwayuriekaitini meye'atianiki kemireuyewekai xeminetsiparewienikekaiki.

### Heitserie nepexeya waikawameki

**3**<sup>1</sup> Miki meta, ne'iwama, xekeneyutemamawieka Ti'aitame hetsie xetewiyati. Tawarita mipai netixe'utiirieti, nepinewairiya, niukiki nepika'uxiwe, 'aixia kaniyimiki matsi xehetsiememe xekweriwa'anekeku.

<sup>2</sup> Xekeneyukweriwayurieka miki nemiwaxatakai 'axamemiteyurie wahepaitsita, miki tsiikiri wahepai memika'itiatika, miki wahepaitsita, xekeneyukweriwayurieka kememitexe'iniaritiaku xitekiyaki. <sup>3</sup> Tame pita Kakaiyari 'iniarieya tepexeya, tame pita tepihiki Kakaiyari temayexeya 'Iyari kemaine, tame taheyemeki tekaninaki'aka Kiritsitu Ketsutsi hetsie temitewiyaki, miki meta, yuri tepikate'erie herie miemetsie.

<sup>4</sup> Miki kememi'anene herie mieme hetsie yuri memite'erie, neta mipai nekani'aneni. Xika xewiti mipai tiku'eriwani kename yiwe herie miemetsie yuri miti'eriekaki, ne matsi waikawa nekaniyiwenikeyu. <sup>5</sup> Ne'utinuiwaka 'atahairieka tukaritsie nekaniu'iniaritarieni huriyutsixi waxitekiyaki, 'ixaheri teiteriyari wahetsie Wenikamini nuiwariyari hetsie nekaniyeyani, hepirayu tewiyari nekanihikitini hepirayutsixi wahetsie nemiyetia, 'iniari niukiyaritsie kenemitiwiwakai, paritseu nekanihikitikaitini. <sup>6</sup> Kenemitinewairiyakai yanetikamieti, nekaniwataweweyakaitini memiyutixexeiriwakai, heitserie kenemirexeyakai 'iniari niukiyaritsie yanetikamieti, nehetsie pikarahiiwakai yemeki.

<sup>7</sup> Perutsi Kiritsitu hetsie nemitiwiwakai mipai nepitinemate, miki naime nekatiniutatimaiya, naime kimana 'aixia nemi'itiarienikekai. <sup>8</sup> Miki meta, tsepa kemititita, naiti katiniutatimaiyarieni kenemitixeya, mipai nemitinemateki, matsi yemeki 'aixia nekani'itiariemiki ne'imaite neti'aitiwame Kiritsitu Ketsutsi. Mikitsie nemimiemeki 'ari naime nekatiniutatimaiya, tsepaneti, miki naiti xatsi xeikia kanihikitini kenemitixeya. Nekaninewairiyani matsi Kiritsitu nehexeyati nemayaniki, <sup>9</sup> hetsiena netiwiyati yanepitexeyarieakeyu xeikia. Nekimana heitserie nepikahexeya, 'iniari niukiyaritsie yanetikamieti heitserie nepikanepitia nekimana. Matsi heitserie kenemirexeya, Kiritsitu hetsie yuri nemiti'erieki pita heitserie nekanexeyani, Kakaiyari heitserie keminetipitia yuri nemiti'erieki. <sup>10</sup> Mipai xeikia nepitinewairiya, nemimaikaki Kiritsitu, nehetsie nemimaikaki tirikariyaya kimana manukuketiarie, ne hamatiana temitaxewiniki kemitiukwinixi netimaiti, hepaina ne'aneti nemayaniki miki ke'aneti matia 'umierieka. <sup>11</sup> Nekanaye'anikeyu xeikia nemanukuketiarieniki mikite watsata.

### Kemitiunanautsakai, he'iwake

<sup>12</sup> 'Akuxi mipai nepika'ane, 'akuxi nepika'aye'awe. Kiritsitu Ketsutsi pinetsi'u'axixi, neta nemi'axeniki tita minetimini. 'Ayumieme nepinemexiitia, yanemiraye'aniki. <sup>13</sup> Ne'iwama, ne'aye'ame nepikane'erie 'akuxi. Peru tsikeretsi mipai nekatiniyurienei, nekanetimaiya netsutia mieme, nekaninetatuani matsi hiki nemi'axeniki neyeta mieme. <sup>14</sup> Yanetiunanautsati nepinemexiitia neme'iwaki, Kakaiyari keminetiuta'ini taheima miemeki nemi'ayumiemetiniki Kiritsitu Ketsutsi hetsie netiwiyati.

<sup>15</sup> Ketapaimeti temitsetseiyē mipai teketeku'eriwani. Xika yiki xeteku'eriwani, Kakaiyari yakatinixehekiatiamiki. <sup>16</sup> Ketemite'aye'axiawawe, mipai yateketekahuni.

<sup>17</sup> Ne'iwama, yaxeikia xekenene'ikeni ne kenemitiyuriene, tame 'iniari tekanihikitini, miki tahepai memite'u'uwa, miki xekeniwaxeyani. <sup>18</sup> Yumiireti kememite'u'uwa, mekaneye'unieka Kiritsitu kemitiumierie kuruxitsie. Wahepaitsita miixa netinixekuxaxatiwakaitini, hikita yaxeikia nepaine ne'utatsuati. <sup>19</sup> Miki mekanika'unariekuni xeikia, yuhuka mekanayexeyani yukakaiyari hepai. Witsime'ananeme mekaniyuxatani kepauka mipai memiyia ketemitetewiyatsitariē. Kwiepa timiemeki xeikia mekatena'eriwani. <sup>20</sup> Tame pita muyuawitsie tekanikekataritini, 'ayumieme tekanikwewieka tatsiwikweitsitiwame Ti'aitame Ketsutsi Kiritsitu 'umamiēki. <sup>21</sup> Miki yiki 'anekame tawaiyari kaneyetiamiki, hiki tixaiti tekatehikititi 'iki tawaiyarisie tekaniu'uwani, peru 'ana yuwaiyari hepai 'anekame kaneyetiamiki, witsi'aneti kemitiuyeika miki, mipai katiniyuriemiki yitirikariyaki, mipai titirikaiyeti kaniyiweni naime yatikamieme mayeitianiki, miki kemiti'aita.

**4** <sup>1</sup> Ayumieme, ne'iwama nenaki'erima, nexexeyamiti nemixenaki'erie mipai nepitixekihawe, xeme xeminetsitemawieritia xepihiki meta nekuruna, Ti'aitame hetsie xetewiyati xekakuyuitariwati xekeneuti'uti.

#### **Yuheyemeki xekeneyutemamawieka Ti'aitame hetsie xetewiyati**

<sup>2</sup> Neuxei 'Ehuriya, neuxei Tsinitike, wairiyarika nekanixepitianikeyu yaxeikia xemiteyumaikaki Ti'aitame hetsie xetewiyati. <sup>3</sup> Eki meta nehamatia yuriki pemitu'ximayatame, nepimatsiwawirie 'eki pemiwaparewiekaki miki 'ukarawetsixi, nehamatia 'axeikia tepitakwitiwewekai niuki 'aixia manuyine tekuxatati, Kiremeniti hamatia hipameta wahamatia nehapai te'uximayatamete, miki mepaka'utiarie xapatsie tukari memexeiya manuyinetsie.

<sup>4</sup> Merikite, yuheyemeki xekeneyutemamawieka Ti'aitame hetsie xetewiyati. Tawarita nepaine: Xekeneyutemamawieka. <sup>5</sup> Yunaiti teiteri mekexexeyani xeka'ayu'eririyakaku. Ti'aitame 'ahurawa kaniuyeikani. <sup>6</sup> Xepikayu'iyaritiaka tixaiti hepaitsita, matsi naimeki xeyunenewieti xe'iwawirieti pamipariyutsi xe'ipitiati, yaxeketeneutahiawi Kakaiyari tita xemite'iwawirie. <sup>7</sup> Ana Kakaiyari kanixepitiakamiki yu'iyarisie xemika'uximatariēkaki, mipai tixepitiati xe'iyari kani'iwiyakamiki, tsepa xeme 'atsixemikatamate kemitiyiweni mi'iwiyaniki, kexemiteyikihawetsie kanixe'iwiyakamiki Kiritsitu Ketsutsi hetsie xetewiyakaku.

<sup>8</sup> Imatirieka ne'iwama, naiti yuri miraine, naiti mireuyehiwyarie, naiti mitiheitserie, naiti miti'itiya, naiti witsim'ane, naiti 'aixiamaine, tsepa kemtitita xika 'aixia 'aneni, xika 'aixia tikuxaxatsiwani, miki hepaitsita yaxeketeneyikihaweni xeme. <sup>9</sup> Kexemite'u'ikitiarie, kexemiteyuturiyarie, kexeminete'u'eni, kexeminete'uxei yanetiuriēnekaku, mipai yaxeketeneyurieka, kemi'ane mixepitia yu'iyarisie xemika'uximatariēkaki, miki Kakaiyari xehamatia kaniuyeikamiki.

### Piriputari kememite'iparewiekai

<sup>10</sup> Ti'aitame hetsie netiwiyati waikawa nepinetemawie, tawarita xemitsutiaki xenetsiha'eriwati. Tsiriki xepinetsiha'eriwakai, matsi pumawekai xewiti xeme miyiwekai tixaiti mitiyurieniki. <sup>11</sup> Ne nereuehiati nepikahaine, nep'iyamate ne'iyari 'aixia miyinihi nekimana, tsepaneti kenemiranayemie. <sup>12</sup> Nep'iyamate tixaiti nekarexeiyati, meta waikawa nerexeiyati. Naimeki yanepitimate nemitahuxaniki meta nemihakaminiki waikawa nemirexeiyanihi tixaiti nemikarexeiyanihi nep'iyamate. <sup>13</sup> Naime nekatinikemaka Kiritsitutsie netiwiyati, miki netsitirikariyakaku.

<sup>14</sup> Matsi 'aixia xepite'uyuri nehamatia xeyuxewiti kenemiti'uximatariiekai. <sup>15</sup> Xeme, piriputari, mipai xepitemate kemitiuyi kepauka niuki 'aixia manuyine mutsutiarihi kuxaxatsiwati, Matseruniya kepauka nemeyetia, mana memiyutixexeiriwakai mepikanetsiparewiekai tuminiki, nemitinetuakaki meta nemitinanehaki, xeme xeikia xepinetemikwakai. <sup>16</sup> Tetsarunika paiti neheyeikakaku tita nemireuehiakai xepineteheni'airi heiwa meta hutarieka. <sup>17</sup> Netikuwauneti tawarita yaxemineteminiki nepikahaine, matsi nepitikuwaune tita mitixe'imikieri timiireti mirayaniki. <sup>18</sup> Nekanitanaki'erieniri xe'imikieri naime, kananuyuhayewani, katinaye'ani tita nemireuehiakai, 'Epapiruritu netsi'u'itiaku tita xemiteheye'ani. Kexemite'uyuri, miki 'imikieri witsimu'ia hepai kaninaki'eriwani, miki mawarika Kakaiyari kaninaki'erieka. <sup>19</sup> 'Ayumieme, nekakaiyari katinixeyetuiemiki tita naime xemiteheuehiaka hepaitisita, waikawa mirexeiyaki witsiti'anenekame, mipai kemitimatsiiki Kiritsitu Ketsutsitsie.

<sup>20</sup> Kakaiyari mita'ukiyari witsiketikuxaxatsiwani yuheyemeki, tsepaneti xeitsienituyari wiyari manuyekika yaxeikia ketikuxaxatsiwani. Mipai xeikia kani'aneni.

### Wairitsika 'imatirieka mieme

<sup>21</sup> Xekeniwawairitiaka teiteri memipatsie yunaime, Kiritsitu Ketsutsi hetsie memitewiya. Nehamatia memu'uwa ta'iwama mekanixewairitiaka. <sup>22</sup> Yunaiti xekaniwairitariieka xemipatsie, meta matsi yemeki Tsetsaxi hetsia miemete te'uximayatamete.

<sup>23</sup> Ti'aitame Ketsutsi Kiritsitu 'aixia ketiyurieka yu'iyariki. Mipai xeikia kani'aneni.

# Kurutsetari

## Kemitwaruni'airi Papuru

---

### Wairitsika

**1** <sup>1</sup>Ne Papuru, ta'iwa Timuteu matia, tekanixewairitiaka, ni'ariekame nekanihikitini Kiritsitu Ketsutsi hetsiemieme, mipai mitinakeki Kakaiyari,

<sup>2</sup>tekanixewairitiaka ta'iwama yuri xemite'erie kurutsetari, Kakaiyari teiterimama xemihiki Kiritsitu hetsie xetewiyati, 'ipai teputiyuane:

Kakaiyari mita'ukiyari Tati'aitiwame Ketsutsi Kiritsitu matia 'aixia mekete'u'iyarini xehetsiemieme, mekexepitiaka yu'iyaritsie xemika'uximatiariekaki.

### Kemitawawiri Kakaiyari, miwapitianiki memitemaikaki 'Iyaritsie timieme

<sup>3</sup>Tetanenewieti, taheyemeki xehapaitsita pamipariyutsi tekanipitiaka Kakaiyari, Tati'aitiwame Ketsutsi Kiritsitu 'ukiyarieya, <sup>4</sup>tekatanimarieka yuri kexemite'erie Kiritsitu Ketsutsi hetsie, kexemitewanaki'erie Kakaiyari teiterimama yunaima, <sup>5</sup>mipai xekateniyurieka 'amuweki tita xehetsiemieme miti'iwiyarie taheima, yaxete'ikwewieti. Xeme meripai xekaniu'enanani kemiti'iwiyarie, kuxaxatsiwakaku niuki 'aixia manuyine kemitiyuri, <sup>6</sup>miki niuki xehetsiapaiti kaninuani. Naitsarie kwiepa katinitixuaweririmeni, kanitaweririmeni yaxaieka kemitiuyi xehetsia, niuki kaniutsutiarieni 'iya tukaritsie kepauka xemu'enana, kepauka xemitehetima yuriki 'aixia kemitiuka'iyari Kakaiyari. <sup>7</sup>Epapiraxi kemitixe'uta'ikitia, miki tahepai katini'uximayatametini, tekaninaki'erieka, yakatinikamieni Kiritsitu parewiwameya hikititi xehetsiemieme. <sup>8</sup>Miki katatiniutaxatiani kexemiteyukanaki'erie 'Iyaritsie xetewiyati.

<sup>9</sup>Yatetetimaika 'anapaiti hikike, tame 'ayumieme tepikatehayewa tetanenewieti xehetsiemieme, mipai tete'iwawirieti Kakaiyari, xemihipineniki yaxetemaiti tita mitinake Kakaiyari, naimeki xetemaiwaweti, 'Iyaritsie timieme xetemaiti naimeki, <sup>10</sup>'axemu'uwaniki meta kemireuyewetse Ti'aitame hetsia miemete kememite'u'uwa, xe'inaki'atsitiati naimeki. Tepiwawirie mitiutixuxuawereniki 'aixia xeteyuriekaku naimeki, xemitiwaweririmeniki kexemite'imate Kakaiyari. <sup>11</sup>Tepiwawirie xemitirikariyarieniki, naimeki xetirikawiti, 'iya kemitiirikaiye mariweti, para xemiwiwaweniki xemite'uka'eniwaniki, xemite'ukanenewiekaki naime hepaitisita,



<sup>12</sup>xeyutemamawieti pamipariyutsi xemipitiakaki ta'ukiyari. Miki yiwemete katanayeitiani, tahetsie mitinakeniki tita Kakaiyari teiterimama wahetsie mitinakeni hekiaripa memu'uwa. <sup>13</sup>Kataniutawikweitsitiani Kakaiyari, yiriya heitserie mikahexeyaniki tahepaitsita. Kataniupata, kemi'ane minaki'erie tati'aitiwame mayaniki, nu'ayatiti. <sup>14</sup>Mikitsie tetewiyati tekaniuxinarieni, kemitareuyehiwiri 'axatemitu'uyuriki.

**Kiritsitu mumiki, ketemite'upitiarie 'aixia temitexeyarieniki**

<sup>15</sup> Tepikayiwawe temixeyiyaki Kakaiyari, peru miki kani'ikitsikayatini, kanimeixiakametini heitserie hexeyiyati tita mitiunetiariie hepaitisita.

<sup>16</sup> Hetsiena tiwiyati, naiti katiniunetiarieni, tita taheima mitimieme, tita kwiepa mitimieme, tita temitexeyia, tita temikatexeyia, meta mamariwawemete, miki memitirikawi, te'aitamete, miki heitserie memexeyia:

miki naiti katiniunetiarieni

'iya 'inetiaku, hetsiena mieme tiniunetiarienita.

<sup>17</sup> Miki 'akaniuyeikakaitini tixaiti katinetiariewekaku 'akuxi, naiti katiniyuxewini mikitsie tiwiyati.

<sup>18</sup> Miki kanitamutini, tewi waiyarieya hepai te'anenekaku, tame temitatixexeiriwa.

Titsutiwame hikititi,

miki mikite memanuku'uni wamexiakame kanihikitini, naimeki mexiakame mayaniki.

<sup>19</sup> Kakaiyari kemitiyuwairiya, naiti ke'aneti mihiki Kakaiyari, miki Kiritsitu hetsie 'akaniuweni.

<sup>20</sup> Mipaita katiniyuwairiya, naime 'aixia mitiyurieniki Kiritsitu yatiyurienekaku, para naiti 'aixia mitixeyarieniki miki kemitixeyia,

kuruxitsie yuxuriya kemitiutayeyuri,

pipitia tita kwiepa mitimieme tita taheima mitimieme hamatiana 'aixia memiteyuxeianiki.

<sup>21</sup> Xemeta 'ana paiti xepiyupatakai xaitsie miemete xe'ayuyeyitiati, kexemiteyikihiawekai, xekani'uxiwe'eriekaitini mexi 'axaxeteyuriekai.

<sup>22</sup> Hikirixia 'aixia xetexeyarieti xekanayeitarieni, miki tewititi yuwaiyaritsie mumiki, mipai katiniuyurieni mixe'aye'atianiki Kakaiyari hixie, hetsiena mieme xepatsiekaku, 'aixia xe'anenekaku, xehetsie karahiiwakaku. <sup>23</sup> Mipai katiniyimiki xikate xeyuhayewa yuri xete'erieta, xetetsariya tirikaiyekaku xehetia, xetseiriyarieti xekakuyaximeti, matsi xe'ikwewieti tita mitixata niuki 'aixia manuyine. Xekani'enieni miki niuki, kanihekiatsieka naitisarie kemiranetiariie muyuawi hetia, ne Papuru nekaniuhiritiarieni hepaitisitana.

**Papuru kemitiuhiritiariie nuiwarite wahetsiememe**

<sup>24</sup> Hikitsiari ne nekaninetemawieka tsepa nemu'uximatiariie xehetsiememe, nekaneye'atiani tita mireuyewetse nemu'uximatiariiekaki,

Kiritsitu kemitu'uximatiarie, newaiyaritsie mipai nekatiniyurieneni miki waiyarieyatsie mieme, memiyutixexeiriwa mehikitikaku. <sup>25</sup> Ne waparewiwame nekanayani, Kakaiyari keminetihiritia xehetsiemieme, 'aye'arikameki nemikuxataniki Kakaiyari niukieya, <sup>26</sup> miki niuki kani'awietsiekaitini, tukari manukatiatsie pikamatsiikikai, teiteri kepauka memanutiki mipai mepikatemaikai, matsi hiki matsiikiti kanayani, Kakaiyari teiterimama mipai memitemaikaki. <sup>27</sup> Kakaiyari kaniyuwairiya mipai mitiwa'ikitianiki miki, waikawameki witsikemiti'ane 'iki niuki mi'awietsiekai, kemitimariwe nuiwarite watsata. Kiritsitu xehetsie katiniwiyani, 'ayumieme xekanikwewieka witsimiti'ane, miki kanihikitini niuki mi'awietsiekai.

<sup>28</sup> Tame tekanihekiatani Kiritsitu, ketemitewaku'imaiya yunaime teiteri, ketemitewa'ikitia yunaime teiteri tetemaiwaweti naimeki, temiwaraye'atianiki yunaime teiteri me'aye'arikame Kiritsitu hetsie metewiyame. <sup>29</sup> Ayumieme netinine'uxitiaka, yemeki neti'uximayati, 'iya tirikaiyemeki keminetikuyuitiwa.

**2** <sup>1</sup> Kaneuyeweka xemitemaikaki waikawa kenemitine'uxitia xehetsiemieme, rautitseyatari wahetsiemieme meta, hipameta keyupaimeti memikanetsixeyawawe wahetsiemieme. <sup>2</sup> Wa'yari mituikarieniki, memiyutaxewireki meyunaki'erieti, memeuka'uniki yemeki yametemaiti kemitihaitserie, memeitimaniki tita Kakaiyari miti'awietakai, miki Kiritsitu kanihikitiniri, <sup>3</sup> hetsiena miti'awietsieki naiti kemireukawe Kakaiyari, mitimaiweniki mi'ayumieme meta mitiuyemaikaki. <sup>4</sup> Ipai nepaine, xewiti mikatixe'iriyawani witsituniuti xeikia. <sup>5</sup> Tsepa newaiyaritsie xehetsia nemika'uyeika, ne'iyaritsie pita xehetsia nekaniuyeikani nenetemawieti, nexexeyati 'aixia xete'aitiariekame, xetsetse'ime yuri xete'erieti Kiritsitu hetsie.

### Kiritsitu hetsie kemituixinarieni

<sup>6</sup> Ayumieme, Ketsutsi kexemite'utanaki'eri Kiritsitu Ti'aitame time, yaxeikia hetsiena xetewiyati 'axekenu'uwani. <sup>7</sup> Hetsiena xeketenewiyani kiye kemitwiya yunanayaritsie, kii kemitwiya tetsariyatsie, heitseriemeki xekenetseiriyarieka yuri xete'erieti, xemite'u'ikitiarie hepai, pamipariyutsi xekenepitiaka Kakaiyari.

<sup>8</sup> Xekeneyukweriwayurieka kapa xewiti xe'unawaniki, timaiweme hepai tikuxatati, yaki xeikia tixe'iriyawani teiteri wayeyariki, hekwareki kwiepa memitama kememite'ikitiarie, peru Kiritsitu kemaine katikuxatati.

<sup>9</sup> Miki waiyarieyatsie 'akanuweni naiti ke'aneti mihiki Kakaiyari. <sup>10</sup> Xemeta hetsiena xetewiyati xekanaye'atiarieni, yunaiti memite'aita heitserie memexeiya kaniwamu'utini. <sup>11</sup> Hetsiena xetewiyati xekaniu'iniaritarieni miyatniketi, peru mama kemituyuxiteke pikatixai, Kiritsitu pita kemitixe'u'iniaritia, kanixe'upitiani xemitohayewaki yaxeteyurieti teiteri wawaiyari kemitiwakuyuitiwa. <sup>12</sup> Xeme xepu'iniaritarieni kepauka xemuka'iyarie hamatiana xemukateukie. Miki meta, kepauka xemuka'iyarie, xekananuku'uitarieni yuri xete'erieti Kakaiyari tirikariyayatsie, yaxeikia kemirenukuketia Kiritsitu mikite watsata.

<sup>13</sup>Tsepa xemimikitetikai xeheuyexiriweti xeka'iniaritariewaweti kexemiteiteri, miki kanixe'anutanieritiani Kiritsitu mame, katatineuyehiwirieni naime ketemiteheuyexiriwekai. <sup>14</sup>Ketemite'ataka'utia yakititi 'aitiarikatsie yatemitekahuniki, miki 'utiarika hixiapa 'uweti kemitatika'unakekai, Kiritsitu kaneyeitiani heihurieka yakititi, yukuruxitsie 'ikirapuximaka. <sup>15</sup>'Ixuriki miye'i hepai kaniwarewiwieni miki memite'aita heitserie memexeiya, wahekiatiati yunaime wahixie, kuruxitsie 'uyewieti, kaniwarehapani yu'utima, wara'iwaka.

<sup>16</sup>Xewiti 'ayumieme pikaxexanetani tita xemitekwa'aki meta tita xemite'ieki, xemiwewieki 'ixiarari, yatini metsa mihekwa 'ixiarariyari, yatini 'uxipiya tukari kexemikate'iwewieki. <sup>17</sup>Miki tita 'umiramie 'etiriyaya katinihikitini, peru kemi'ane 'umamie, Kiritsitu kanihikitini. <sup>18</sup>Xewiti pikaxetawe'erieka, tsepa 'iya miyuwaiiya tixaiti karayuyeitiati, tsepa miyuwaiiya miwarayexeyaniki Kakaiyari niuki tuayametemama, tsepa waikawa miyuyaritia yuheinitsi hepaitisa. Kemi'ane miya mi'ane kaniyuta'reni, tita waiyarieyatsie mitimieme xeikia kana'eriwani, <sup>19</sup>tamu'utsie katiwiyati. Peru miki tamu'utiti kanihikitini kemi'ane mitimikwa yuwaiyari, turuyariki tatayariki kanitaxewiriyani yuwaiyari mitawereki, Kakaiyari kemitiweriya.

<sup>20</sup>Merikite, Kiritsitu matia xika xe'ukwini, para tawari xemikakuyuitiarieniki hehekwamete kwiepa memitama kememite'ikitiarie, gtitayari 'aumi 'axete'u'ua kwiepa memitama kememite'aitia: <sup>21</sup>«Tixai pepika'ikumaiwani 'iki, pepika'ikwaka 'iya, pepika'imayiani 'iki»? <sup>22</sup>Miki 'aitsikate naiti teiteri kememite'aita kememite'ikita kanihikitini, miki naiti katinitiximiki tikumayiwati. <sup>23</sup>Kememiteyurie, timaiweme niukieya hepai katini'eniiriikini, kememiteyumaiwe'erie, tiku'itawati tixaiti mikarayuyeitia, karima kememiyurie yuwaiyari. Peru kememiteyurie, tixaiti pikatiyunaki'erie wai tita mireuhiwe'erie hepaitisa.

### 'Aitsikate patsieti muyeikaniki

**3** <sup>1</sup>Xika Kiritsitu matia xe'anuku'uitiarieni, taheima timiemeki xekeneyuwaiyari, hakewa meka Kiritsitu, Kakaiyari tserieta 'akaiti.

<sup>2</sup>Taheima timiemeki xekeneyuyaritiaka, kwiepa timiemeki pikatixai.

<sup>3</sup>Xeme xekaniukwiniri, kexemite'ayeneniere, xekani'awietsieka Kiritsitu hamatia, Kakaiyari hetsie xemitewiya. <sup>4</sup>Kiritsitu kanitaturaritini, kepauka matsiikiti mayani, 'anata xeme hamatiana xematsiikiti xekanakinikuni witsimiraku'anetsie.

<sup>5</sup>'Ayumieme mikite xekenayuyeitiaka kexemitekumaiwakai yuwaiyaritsie kwiepa timiemeki: xepika'ikumaiwani kemi'ane mikaxe'iya mikaxekina, xepikateyukahiwe'erieka, xepikatehiwe'erieka tita 'aixia mikati'anene, tita mikatixepini, kemi'ane mitihiwe'erie tita mikatipinieya tetexi muwarayexeiya hepai kaniyanemiki. <sup>6</sup>Mipai memiteyurieki, 'ayumieme Kakaiyari haxia kaniwapitiamiki miki yamemikatekahu. <sup>7</sup>Xemeri kepauka mipai xeteyurieti 'axemu'uwakai 'anapaiti, yaxekia xekateniyuriekaitini kememite'u'ua.

<sup>8</sup>Peru hiki matsi xeketeneuhayewa 'ikita naime: kexemiteyuka'uxiwe'eriekai,

kexemiteyuhaxiatiakai, 'axakexemiteyuriekukai, 'axakexemutiyuanekai hipame wahepaitsita, niuki 'axamanuyine kexemitexiatiakai yutetaki. <sup>9</sup>Xepikateyu'itaiyani, xekenehiwa miki tewi miye'i, xekaheriwati kexemiteyuriekai meripaiti. <sup>10</sup>Mihakwa pita xekenanakatiki, xehekwariyariximeti yemeki kexemiteyurie hiki, xemimaikaki Kakaiyari, mixe'utawewi hepai xe'aneneti xemakineki. <sup>11</sup>'Iyatsie tiwiyati tsepaneti mikiriyeku, mihuriyu, tsepa mu'iniatsie huriyutsixi waxitekiyaki, tsepa mika'u'iniatsie, tsepa 'ateewa kiekatari, tsepa wairiyarika miti'uximaya, tsepa miyuni'a, Kiritsitu naiti kanihikitini, yunaime wahetsie katiniwiyani.

<sup>12</sup>'Ayumieme nepaine, Kakaiyari mixe'anuyexeiki, teiterimama xemihikiki, xeminaki'eriwaki, xeteyukanenimayati xekanakini yu'iyaritsie, mihekwa xe'anakatiti, 'aixia xeketeneu'iyarini, xepikateyukatawe'erieka, xeketeneuyukanaki'erieka meta 'axeketeneutewini xekaha'ati.

<sup>13</sup>Xekeneyunewieka, xeketeneuyuehiwirieka xika xewiti 'taniukimani xeime. Ti'aitame kemitixehueyehiwiri, xemeta hepaina xekeneyiaka.

<sup>14</sup>Xe'ixewiriyati naime, xeketeneuyukanaki'erieka, miki kanihikitini xemuyuxewiriyani mi'ayumieme.

<sup>15</sup>Kiritsitu kemitixepitia yu'iyaritsie xemika'uximatariiekaki, ketixe'aitiaka xe'iyaritsie, xekaniuta'inierieni yu'iyaritsie xemika'uximatariiekaki, xeiwaiyari xemihikiki. Miki meta, pamipariyutsi teyupitiwamete xekanakini. <sup>16</sup>Kiritsitu niukieya xehetsie keheyekani waikawa, naimeki xetemaiwawekaku: Mikiki xeketeneyi'ikitiaka meta xekeneyutuikani, Kakaiyari kwikariyaki, niawari Kakaiyari hepaitisita manuyineki, kwikari 'Iyaritsie timieme hepaitisita manuyineki xeteyikihiaweti, xekeneutikwikani, yu'iyaritsie xe'iniawati Kakaiyari, pamipariyutsi xe'ipitiati. <sup>17</sup>Naime tsepa tita xemiteyurie, tsepa xemutiniuka tsepa xemitekumaiwa, naime xeketeneyurieka Ti'aitame Ketsutsi hetsia xemiemetetiti, miki xeparewiewekaku, pamipariyutsi xekenepitiaka Kakaiyari mita'ukiyari.

### 'Aitsikate yuri memite'erie wahetsiememe

<sup>18</sup>'Ukari xekeniwareu'enieka yikinama, kemireuyewetse Ti'aitame hetsie xetewiyati. <sup>19</sup>'Ukitsi meta, xekeniwanaki'erieka yi'itama, 'axaxepikatewakihaweni. <sup>20</sup>Tiiri meta, yaxeketenekahuni naime kememitekexihiawe xepaapama, mipai pireuyewetse, mipai xeteyuriekaku kaninaki'aka Ti'aitame.

<sup>21</sup>Xeme meta xemiwapaapama, xepikawahaxiatiaka yuniwema, kapa me'utiwairipieniki. <sup>22</sup>Xeme wairiyarika te'uximayatamete, yaxeketenekahuni naime kememite'aitia xekutsiyarima kwiepa memitama. Wahixie xeikia yaxepikateyurieka xewanaki'atsitianike teiteri, 'aixia 'iyariki pita xeketene'uximayaka Ti'aitame xe'ayemakati. <sup>23</sup>Tsepa tita xemiteyurie, yu'iyariki yaxeketeneyurieka Ti'aitame hetsiememe, teiteri wahetsiememe pikatixai, <sup>24</sup>mipai xetemaiti Ti'aitame pixetipitiani tita xehetsie mitinakeniki. Xeme Kiritsitu hetsiememe xekateni'uximayaka Ti'aitame. <sup>25</sup>Kemi'ane 'axamitiuyuri miki 'axamiti'aneki katinakapitiriemiki kemituyuri, Kakaiyari yiki pikatiwaxeiya yunaime teiteri.

**4** <sup>1</sup>Xemeta xemiwakutsiyarima, kemitiheitserie xeketeniwapitiaka te'uximayatamete, yaxeikia xewayurieti, mipai xetemaiti, xemeta taheima xemeixeyaki yukutsiyari.

### Hipati tawarita 'aitsikate

<sup>2</sup>Xepikatehayewani xeyunenewieti: nenewieriki xekenayeneniereni, pamipariyutsi xe'ipitiati. <sup>3</sup>Kepauka xemiyunenewie, tahetsiemiemeta xekenyunenewieka, Kakaiyari kitenie mireuyepieniki tahetsiemieme, niuki temikuxataniki, tita miti'awietsiekai Kiritsitu hepaitisa temitekuxataniki, mipai nemitiyurieneki nepanutahiiya hiki. <sup>4</sup>Xekenyunenewieka nemihegiataniki tita miti'awietsiekai, kemireuyewetse yanemitikuxataniki.

<sup>5</sup>Xetemaiwaweti xekeneyiaka yuri memikate'erie xewakihaweti, kepauka xemiwawawe 'aixia xemiteyurieniki, yemeki mipai xeketeneuyuri.

<sup>6</sup>Kexemitekuxata, 'aixia xete'u'iyariti xeketenekuxatani 'aixia ha'anemeki, xeniuki kahamurimeki. 'Ana mipai xepiyawaweni kehepai 'aixia miyini xemiwata'eiyaki yuxexuime.

### Wairitsika kemitiwaruni'airiexia

<sup>7</sup>Naime kenemitiuyuri katinixetaxatiamiki Tikiku, miki kanita'iwatini teminaki'erie, tiparewiwame yamitikamie kanihikitini, tahepai katini'uximayaka Ti'aitame hetsiemieme. <sup>8</sup>Xemitemaikaki tahepaitsita, xe'iyari mutuikarieniki, 'ayumieme nekanenuni'amiki xehetsia, <sup>9</sup>Unetsimu mame, mikita kanita'iwatini teminaki'erie, yakatinikamieni, xehetsia miemetiti. 'Ena kemitiyane naima mekatenixetaxatiakuni.

<sup>10</sup>Kanixewairitiaka 'Aritsitariku nehapai muwiyarie, Marikuxi Werunawe 'iwaya yatewa pixewairitia. Xepite'aitarie hepaitisana, xika xehetsia nuani, xekeneutanaki'eri. <sup>11</sup>Ketsutsi meta Kutsitu mititewa kanixewairitiaka, huriyutsixi watsata 'iki xeikia nehamatia mekateni'uximayaka Kakaiyari 'ena ti'aitati mayaniki, mekaneninitiaka neminewairiyani miki. <sup>12</sup>'Epapiraxi xehetsia mimieme kanixewairitiaka, Kiritsitu Ketsutsi hetsiemieme ti'uximayati, yuheyemeki xehetsiemieme katiniyu'uxitiaka yunenewieti, mipai 'utaiti, xemikakuyuitarieniki xe'aye'ati, yemeki xeyuwairiyati naimeki kemitinake Kakaiyari. <sup>13</sup>Nekanihegiatanikeyu ka'uxeti kemiti'uximaya xehetsiemieme, rautitseyatari wahetsiemieme meta hierapuritari wahetsiemieme. <sup>14</sup>Rukaxi kanixewairitiaka tiyu'uayemawame neminaki'erie, Remaxi meta pixewairitia. <sup>15</sup>Xekeniwawairitiaka 'iwamarixi rautitseyatari, metatsiere Nimipatsi meta miki memiyutixexeiriwa kiitana yunaime.

<sup>16</sup>Kepauka 'iki xapa mititeriwarieni xehixie, xekeniwaruhuritia rautitseyatari memiyutixexeiriwa mikita memititeriwaniki, meta xeme Rautitseyaya mieme xapa xekeneutiteriwa.

<sup>17</sup>'Ipai xeketeneutahiawi 'Arukupu, kene'akweriwayurieka pemeye'atianiki 'ahiritiariaka, kepemitiuhiritiari Ti'aitame hetsie petiwiyati.

<sup>18</sup>Ne Papuru nemamaki neti'utiati nekanixewairitiaka. Xekena'eriwani kenemiranutahiiya. 'Aixia ketiuka'iyarini xehetsiemieme.

# Mexiakame xapayari kemitwaruni'airi Papuru Tetsarunikatari

---

## Wairitsika

**1** <sup>1</sup>Papuru, Tsiriwanu meta Timuteu,

tekanixewairitiaka xemiyutixexeiriwa tetsarunikatari Kakaiyari mita'ukiyaritsie xetewiyati, Ti'aitame Ketsutsi Kiritsitu hetsieta xetewiyati:

'Aixia mekete'u'iyarini xehetsiemieme, mekexepitiaka yu'iyaritsie xemika'uximatiariekaki.

## Tetsarunikatari 'ikitsika kememite'aki

<sup>2</sup>Taheyemeki pamipariyutsi tekanipitiaka Kakaiyari yunaime xehetsiemieme, texehaxaxatati kepauka temitatinenewiwa. <sup>3</sup>Tekatehayewati yatetena'eriwani kexemiteyurie yuri xete'erieti, kexemite'uximaya xeteyukanaki'erieti, kexemite'uka'eniwa xe'ikwewieti Tati'aitiwame Ketsutsi Kiritsitu, takakaiyari ta'ukiyari hixie.

<sup>4</sup>Neuxei ne'iwama Kakaiyari mixenaki'erie, tepitemate miki puxe'anayexei, <sup>5</sup>mipai tepitemate taniuki 'aixia manuyine xehetsia pikanua niukiki xeikia, matsi meta tirikariyaki punua, 'Iyari Mitiyupataki punua, yuriki tetetamaikaku punua. Xeme xepitemate xetsata ketemi'anenekai xehetsiemieme. <sup>6</sup>Xeme xetatsi'iketi xenakine, Ti'aitame meta xe'iketi xepaki, xepitanaki'eri niuki waikawa xe'uximatiarietiweti, xeyutemamawieti tsiepire 'Iyari Mitiyupata kemitixetemawieriya. <sup>7</sup>Mipai xeyiati 'ikitsika xekanakine yunaime yuri memite'erie Matseruniya meta 'Akaiya kiekatari wahetsiemieme. <sup>8</sup>Xehetsia putiraurika Ti'aitame niukieya, Kakaiyari hetsie yuri kexemite'erie xeme, Matseruniyatsie 'Akaiyatsie xeikia pikatikuxaxatsiwa, matsi naitarie katinikuxaxatsiwani, 'ayumieme tixairi pikareuyewetse tame temitiniuniki. <sup>9</sup>Mikititi tahepaitsita mekatenikuxatani ketiti reyi kepauka tame xehetsia temeta'axia, kereyi kepauka xemite'uhayewaxi, kepauka Kakaiyari hetsie xemite'uwiya kakaiyarixi xewaruku'eirieka, xemite'uximayakaki Kakaiyari mayeyuri yuriki 'amuyeika hetsiemieme, <sup>10</sup>xemikwewiekaki Nu'aya taheima makaneni, Kakaiyari

yuniwe manukuketia mikite watsata, Ketsutsi kanihikitini kemi'ane mitatsi'utawikweitsitia haxia maye'axime mikatatsi'axeki.

### Papuru kemitiwaparewiekai tetsarunikatari

**2**<sup>1</sup>Neuxei 'iwamarixi, xeme mipai xepitemate xianakia tepika'anuki kepauka xehetsia temu'axia. <sup>2</sup>Meta xepitemate, tsepa temite'ukwinixi xehetsia tekata'axiawaweti 'akuxi, tsepa 'axatemitekhiawariwakai Piriputsie, takakaiyari hetsie tetewiyati tepikamamakai, 'ayumieme tekanixe'utaxatiani Kakaiyari niukieya 'aixia manuyine waikawa te'uximatiarieti.

<sup>3</sup>Ketemitexetuika, temeuyexiriweki temika'itiatikaki tepikatekuxata meta xeime tete'itaiyakuti hawaiki. <sup>4</sup>Matsi, Kakaiyari kemitatiuta'iniataxi temihiritiarietakaki niuki 'aixia manuyine hepaitisa, mipai pita tekatenikuxatani. Teiteri tewatemawieritiakuti tepikatekuxata, kemi'ane ta'yari makumate tetemawieritiakuti tekatenikuxatani pita Kakaiyari.

<sup>5</sup>Tame hatsuaku witsitete'uniuti 'irimariki tepikayiakai, kexemitemate xeme, tixai tepikatehiwe'eriekai 'awie, Kakaiyari munierixi yakatinihekiatani.

<sup>6</sup>Tepikatekuwautiwekai teiteri tahepaitisa 'aixia memutiyuaneniki, nixeme nihipati. <sup>7</sup>Tsepa temiyiwawekai wairiyarika temixepitianiki Kiritsitu ni'arimama temihikiki, matsitsiari xetsata tepiyiakai karima tekateyurieti, tsitsiwame yuniwema miwaweriya hepai tekaniyakaitini. <sup>8</sup>Tame yaxeikia texehiwe'erieti tenitawairiyakaitini temixeyetuirieniki Kakaiyari niukieya 'aixia manuyine, matsitsi 'akuxi tenitawairiyakaitini temixeyetuirienikita ta'yari, waikawa texenaki'erieti tekanakine. <sup>9</sup>Iwamarixi, sekana'eriwani ketemite'uximayakai, tukariki tikariki ketemite'uximayakai nixeime temikate'uxitiakaki, mipai tetenixekuxaxatiwakaitini Kakaiyari niukieya 'aixia manuyine.

<sup>10</sup>Xeme meta Kakaiyari xemunenierixi xekatenihekiatani ketemiyiakai xeme yuri xemite'erie xehetsiemieme, Kakaiyari hetsiemieme yatetekahuti, heitsieriemeki teteyurieti, tahetsie karahiiwakaku. <sup>11</sup>Mipaita yaxeikia xekatenimaika ketemitexetuikakai, nuariekame yuniwema miwatuika hepai, texetuikati texe'imaiyati yuxexuime, <sup>12</sup>texehiritiati 'axemu'uwaniki kemireuyewetse 'amuyeikaniki Kakaiyari hetsiemieme, miki kanixe'inieka 'axemu'uwaniki 'iya tixe'aitiakaku, mixe'inie witsixe'aneneti xemayeitarieniki hepaina.

<sup>13</sup>'Ayumieme tameta tekatehayewati pamipariyutsi tekanipitiaka Kakaiyari 'ikiki, kepauka xemitanaki'eri Kakaiyari niukieya xetatsi'u'enieka, teiteri waniuki xe'erieti xemika'itanaki'eriki, yuriki Kakaiyari niukieya kemitihiki pita xemitanaki'eriki, miki kanixekuyuitiwani xeme yuri xemite'erie. <sup>14</sup>Xeme 'iwamarixi, te'ikemete xenakine xewa'iketi miki Kakaiyari hetsiemieme memiyutixexeiriwa Kureya kwieyaritsie Ketsutsi Kiritsitu hetsie memitewiya, xekateniukwine xeteiterima mexe'uximatiakaku, yaxeikia huriyutsixi memiwa'uximatiakai hepai miki 'iwamarixi. <sup>15</sup>Huriyutsixi Ti'aitame mekaniumieni Ketsutsi meta mekaniwarukwini Kakaiyari niukametemama, meta tame mepitatsi'ayewei. Kakaiyari mepikanaki'aritia mepiwaraye'unie yunaime teiteri, <sup>16</sup>mepikatatsitaunie temitewakuxaxatiwani miki

memikahuriyutsixi memitawikweitsitarieniki. Mipai mekatenuiyurieni yuheyemeki memeye'atianiki tita 'axamemiteyurie. Peru 'imatirieka haxia niwaru'axixiani miki.

### **Papuru kemitiwaxeiyamikikai Tetsarunika memiyutixexeiriwa**

<sup>17</sup>Iwamarixi, tame tsepa yapaimexia temixenutuita xehamatia temika'u'ua, peru ta'iyaritsie tepixeha'eriwa, matsi kwini mieme tenitamexiitakaitini temixeyaki xenierika, waikawa texehiwe'erieti. <sup>18</sup>Ayumieme xehetsia tepeukinikukai —ne Papuru heiwari tawarita nepeuyeimikikai—, peru Kauyumarie pikatatsi'upitia. <sup>19</sup>¿Tita tetekwewie, titaki teteyutemamawie, kuruna kimana temutati'ire Tati'aitiwame Ketsutsi hixie kepauka munuani? ¿Xemeri xekatehiki? <sup>20</sup>Xeme xekimana witsitekatenixeyarieka, xeme xekatanitemawieritiaka.

**3** <sup>1</sup>Ayumieme, kepauka temikayiwawekairi texexeyakuti, 'aixia tetenitamaikaitini 'Atenaxi temiku'eiriwaki taxaita. <sup>2</sup>Timuteu tekanetani'ani, miki kanita'iwatini, Kakaiyari kaniparewiwameyatini, tahamatia katini'uximayaka niuki Kiritsitu hepaita 'aixia manuyine kuxatati, tekaneini'ani mixetseiriyani mixewairiyani yuri xemite'eriekaki 'aixia, <sup>3</sup>nixewiti mikakunuitarieniki xe'uximatiariekaku hiki. Xemetiti mipai xepitemate, tepukayatsarie 'uximatiarikaki, <sup>4</sup>xehetsia te'u'uwati yakatiyiwekaku 'akuxi, mipai tetenixe'utahiawe kename te'uximatiariekakekai. Mipai katiniuyini, mipai xekatenimaika xeme. <sup>5</sup>Netsi 'ayumieme, nekayiwetiri nepiretani'a yanemiretimaniki yuri kexemite'erie, kapa tiyu'itsipawame xehehapani 'axaxemiteyurieniki netiku'eriwati, nika yaki xeikia 'ayani tete'uta'uxitiaku netiku'eriwati.

### **Timuteu ke'aixia tikuxatati makunua**

<sup>6</sup>Hikirixia Timuteu xehetsia heyeyaka tahetsia kaninuani, 'aixia katatiniutahekiatiani yuri kexemite'erie, kexemiteyukanaki'erie, 'aixia kexemitateku'eriwa yuheyemeki xetatsixeyakuti tame temixexeyaku hepai. <sup>7</sup>Ayumieme tekaniutuikarieni xehepaita yuri xemite'erieki 'iwamarixi, tsepa temiteheuyehiwa temi'uximatiarie naimeki. <sup>8</sup>Hikitsiari tekanayeneniereneni, yatetehitimaika kename xeme Ti'aitame hetsie xetewiyati 'axeti'u. <sup>9</sup>¿Keri teteyiwawe temitehepinirieni Kakaiyari pamipariyutsi te'ipitiati xehepaita, temawierika xemitatsi'upitiaki waikawame takakaiyari hixie? <sup>10</sup>Tukariki tikariki panuyuhayewa ta'iwaurika, te'iawuriekaku temixeyaki xenierika, temixe'aye'atiirieniki tita mireuyewetse yuri xete'eriekaku.

<sup>11</sup>Mikititi Kakaiyari mita'ukiyari, Ketsutsi mitati'aitiwame, 'aixia ke'iyurieni tahuye xehetsia temeta'axianiki. <sup>12</sup>Xemeta xika Ti'aitame xeheweriyani xeteyukanaki'eriekaku, xenaki'eriya manuyuhayewaniki xeyunaki'eriekaku yunaiti, xewanaki'eriekaku yunaime, yaxeikia ketemitexenaki'erie. <sup>13</sup>Mipai xeyiakaku xe'iyari kanitirikariyariemiki, xehetsie karahiiwakaku, xemeta Kakaiyari hetsieme xepatsieyu Kakaiyari mita'ukiyari hixie, kepauka munuani Tati'aitiwame Ketsutsi yunaime Kakaiyari hetsia miemete wahamatia.



### Kemitiuyeikani Kakaiyari minaki'akaki

**4** <sup>1</sup>Imatirieka ta'iwama tepixewawirie, Tati'aitiwame Ketsutsi hetsia temiemetetiti tepixetuika 'axemu'uwaniki kexemitehetima tame tetexekuxaxatiwakaku kemireuyewetse 'axemu'uwaniki xeminaki'aritaniki Kakaiyari, mipaititi kwini mieme yaxemite'u'uwaniki, yaxemite'u'uwa hepai. <sup>2</sup>Xeme xepitemate ketemitexe'uta'aitia Ti'aitame Ketsutsi tatsiparewiewakaku. <sup>3</sup>Ipai pitinake Kakaiyari hetsiena mieme xemipatsieniki, 'ayumieme xepikawakumaiwani kemi'ane mikayi'iya mikayikina, <sup>4</sup>xeme yuxexuiti xeketenemaika xemiwarawitikiniki yu'itama, Kakaiyari hetsiememe xepatsieti, we'eme xe'erieti, <sup>5</sup>xekateyukahiwe'erieti kemitixenake xeikia, nuiwarite Kakaiyari memikamate wahepai. <sup>6</sup>Xepika'anuyehaitiriweni, xepika'ikwamana yu'iwa kexemiteyurie. Ti'aitame 'apirapika miki naimeki, meripai ketemitexe'utahiwixi, ketemitexekuhekiatsitiya. <sup>7</sup>Kakaiyari pikatatsi'uta'ini teka'itiatikaiti temakiniki, hetsiena mieme temipatsieniki pita pitatsi'uta'ini. <sup>8</sup>'Ayumieme, kemi'ane mixani'erie 'iki tewi pikaxani'erie, matsi Kakaiyari pita pixani'erie, kemi'ane mitatimikwa Yu'iyari Mitiyupata. <sup>9</sup>Xeme tixai xepikateheuyehiwa nemitixeta'utiirieniki tewi kemitiwanaki'erie yu'iwama ne'utaiti, Kakaiyari katinixe'ikitiaka xeme xemiynaki'eriekaki. <sup>10</sup>Mipai xekateniwanaki'erieka yunaime yu'iwama naitarie Matseruniyatsie memitama. Peru 'iwamarixi, tekanixewawirieka mipai xemiteyunaki'eriekaki 'akuxi matsi waikawa, <sup>11</sup>waikawa xemitekuwauniki kayuwati xemexeianiki, yuxexuiti yu'uximayatsikaki xemiyaikaki, yumamaki xemite'uximayakaki ketemitexe'uta'aitia, <sup>12</sup>mipai xeteyurieti 'aixia xetenu'uwakuni kemireuyewetse miki wanamemiku'u wahepaitsita, tixai xepikateheuyehiaka.

### Ti'aitame kemitinuani

<sup>13</sup>Iwamarixi, pikatatsinake 'atsixemikatemaika miki memikutsu wahepaitsita, pikatatsinake xemiynuheiwerieka hipati yuri memikate'erie memikata'ikwewa wahepai. <sup>14</sup>Tame yuri tekatani'erieka Ketsutsi mumi peru manukuke. 'Ayumieme Kakaiyari yaxekia kaniwa'atiamiki Ketsutsi mame miki memeukutsixia Ketsutsi hetsie metewiyati. <sup>15</sup>Ipai tetenixekihaweni Ti'aitame niukieya mihikiki, tame temitahayewa te'ayeyuyuriti 'akuxi Ti'aitame munuanike, tame tepikawaranuyehaitiixiani miki memeukutsixia. <sup>16</sup>Miki Ti'aitame taheima pakaneni 'utaniuti ti'aitati, niuki tuayamete tiwa'aitiwame 'utaniukakaku, Kakaiyari kuxinetaya hitsiriekaku, miki memeukutsixia Kiritsitu hetsie metewiyati mekananuku'uikuni meri. <sup>17</sup>Hiki tameta temayeyuyuri, temitahayewatiweni, 'ana kwiti tekananutiwitikiekuni wahamatia 'axeikia haitsata, Ti'aitame temanunakeki taheima, mipai tiyiyu, taheyemeki 'ateniu'uwakuni Ti'aitame matia. <sup>18</sup>'Ayumieme xekeneyunitiaka yuxexuiti 'iki niukiki.

**5** <sup>1</sup>Iwamarixi, witarite tukarite hepaitisa tixai xepikateheuyehiwa xemiteta'utiaryeniki, <sup>2</sup>xeme heitseriemeki mipai xepitemate, Ti'aitame tukarieya mipai katinaye'amiki tinawayame tikakita mi'axe hepai. <sup>3</sup>Kepauka

mipai memutiyuaneni: «Kayuwati tepexeiya, tepikakweriwa'a», 'ana mekanika'unariekuni, yapauka piwa'axe 'uka mitiniwerime kwiniyaya mi'axe hepai. Mepikatawikweni.

<sup>4</sup>Xeme pita ta'iwama, yiwipa xepika'u'uwa, 'iya tukari pikaxe'axe tinawayame hepai. <sup>5</sup>Xeme yunaiti hekiaripa xekanimiemetetini, tukaritsie xepimiemete kexemite'ununuiwa. Tikakita tepikamietete, yiwipa tepikamietete.

<sup>6</sup>Merikite, 'ayumieme tepika'u'itutupeni hipame wahepai, tepayeneniereni pita, tepitamaika. <sup>7</sup>Kukutsumete tikakita mekanikutsuni, tariwekarixi tikakita mekanitariweka. <sup>8</sup>Tame tukaritsie pita temimietete tenitamaikakuni, yuri ketemite'erie, ketemitetakanaki'erie, mipai tetenenakatikikuni kuya kamixaya hepai temitakwerieniki tatawitsie, tamu'utsie kuya xupureruya hepai tepenakeni ketemiteta'ikwewaki temitawikweitsitarieniki, <sup>9</sup>Kakaiyari 'ena pikatatsi'ukaye temihekarieniki, pitatsi'ukaye temaye'axianiki pita ketemitetawikweitsitarieni, Tati'aitiwame Ketsutsi Kiritsitu yatatipitiakaku. <sup>10</sup>Miki tahetsiemieme pumi, tame 'axeikia temayeyuuriniki hamatiana, tsepa temayeneniere tsepa temukwi. <sup>11</sup>'Ayumieme xekeneyuwairiyani, xekeneyutseiriyani xemi'yutaxewireki, yaxeikia kexemiteyurie.

### Papuru kemitiwatuikakai 'iwamarixi

<sup>12</sup>Iwamarixi, 'ipai tetenixewawirieka, xemiwamateniki miki memite'uximaya xetsata, miki memixe'ukiyarima Ti'aitame hetsie metewiyati, miki memixe'imaiya. <sup>13</sup>Waikawa memimamariwawe xekeniwa'erieka xewanaki'erieti mipai memite'uximayaki. 'Aixia xeketenyuxeiyani yunaiti.

<sup>14</sup>Iwamarixi, 'ipaita tetenixetawawirienikeyu, xekeniwaruta'imaiya miki memi'iraxie 'aitsika, xekeniwawairiyani miki memikaturikawi yu'iyaritsie, xekeniwatuikani miki memi'werarani, miixa xeketeneukanenewieka yunaime wahetsiemieme. <sup>15</sup>Xekeneyukweriwayurieka kapa xewiti 'axarekapitiani xeime 'iya 'axamiyuriki, matsi yuheyemeki xeketenekuwawa 'aixia xemi'yuyuriekaki yuxexuiti, 'aixia xemiwayuriekaki yunaime.

<sup>16</sup>Xekeneyutemamawieka yuheyeme. <sup>17</sup>Xekatehayewati xekeneyunenewieka. <sup>18</sup>Pamipariyutsi xekenepitiaka Kakaiyari naime hepaitisa, mipai katininakeni Kakaiyari yaxemiteyuriekaki Kiritsitu Ketsutsi hetsie xetewiyati.

<sup>19</sup>Iyari xepikakutitsani, <sup>20</sup>xepika'itawe'erieka Kakaiyari niukametemama waniuki, <sup>21</sup>matsi xeketeneuta'iniata naime, tita 'aixia miti'anetsie xeketenewiyani, <sup>22</sup>tinaime 'axamiti'anene tsepa kemi'ane xeketeneuhayewa.

<sup>23</sup>Mikititi Kakaiyari mitatsipitia ta'iyaritsie temika'uximatiarikaki, miki kexe'aye'atiani xepatati naime yuhetsiemieme —xe'iyaritsie, kexemiteyumate meta xewaiyari— xehetsie karahiwakaku kepauka Tati'aitiwame Ketsutsi Kiritsitu munuani. <sup>24</sup>Kemi'ane mixe'uta'ini yakatinikamieni, mipai katiniyuriemiki.

<sup>25</sup>Iwamarixi, tahetsiemiemeta xekeneyunenewieka. <sup>26</sup>Xekeniwawairitiaka yunaime 'iwamarixi patsiekate kememiteyuwairitia. <sup>27</sup>Ne nepixehiritia Ti'aitame netsi'eniekaku, yunaiti 'iwamarixi memakateriwiyarieniki 'iki xapa.

<sup>28</sup>Tati'aitiwame Ketsutsi Kiritsitu 'aixia ketiuka'iyarini xehetsiemieme. Mipai xeikia kani'aneni.

# Xapa hutarieka mieme Papuru kemitivaruni'airi Tetsarunikatari

---

## Wairitsika

**1** <sup>1</sup>Papuru, Tsiriwanu meta Timuteu,

tekanixewairitiaka tetsarunikatari xemiyutixexeiriwa Kakaiyari mita'ukiyari hetsie xetewiyati, Ti'aitame Ketsutsi Kiritsitu hetsie xetewiyati.

<sup>2</sup>Kakaiyari mita'ukiyari, Ketsutsi Kiritsitu miti'aitame, 'aixia mekete'u'iyarini xehetsieme, mekexepitiaka yu'iyaritsie xemika'uximatiariekaki.

## Pamipariyutsi kememite'ipitiaka meta nenewieri

<sup>3</sup>Neuxei 'iwamarixi, kaneuyeweka tame taheyemeki pamipariyutsi tempitiakaki Kakaiyari xehepaitsita, kemireuyewetse yatemiteyuriekaki xeme keyuri xemite'erie xemitaweriyarimeki, meta yuxexuiti yunaiti xemitetamiiriyarimeki xeteyukanaki'erieti. <sup>4</sup>'Ayumieme tameri 'aixia te'utiyuati xehepaitsita yatekateniwakuxaxatiwani miki memiyutixexeiriwa Kakaiyari hetsie metewiyati, mipai teteniwakihaweni, kexemite'uka'eniwa, yuri kexemite'erie mexi xetaweweyariwa, mexi xe'uximatiarie, meta naimexemite'itarietawe. <sup>5</sup>Yaxe'itariiekaku kanimatsiikini Kakaiyari heitseriemeki kemitiniata 'itsikametiti, mipai xeteta'iniatsieme xemeta xekanimariwakakuni, xehetsie kemitinakeni 'axemu'uwaniki Kakaiyari tixe'aitiwametikaku, mipai mitiyiniki xetenikwineni xemeta.

<sup>6</sup>Kamitsi, Kakaiyari heitseriemeki katiniyurimiki kemitiwapinirieni wa'uximatiati miki memixe'uximatia, <sup>7</sup>kemitixepinirieni xemeta xe'uxipitiati xeme xemi'uximatiarie, yatati'uxipitiati tameta, kepauka matsiikiti mayani Ti'aitame Ketsutsi taheima 'akamieti, yuniuki tuayamete memitirikawi wahamatia 'akamieti, taipai merikaiyeti.

<sup>8</sup>Heitseriemeki kaniwaranutaxiriemiki miki memika'imate Kakaiyari, miki yamemikatekahu Tati'aitiwame Ketsutsi niukieya 'aixia manuyine hetsie. <sup>9</sup>Miki mipai memi'anene kememite'anutaxiriyani, wahetsie tininakimiki memika'unarieniki yuheyemeki, Ti'aitame hixieya mekaxeyati meta tirikaiyeti kemitimariwe meka'ixeyati <sup>10</sup>kepauka munuani,

kaninuamikitsi witsimitixeyarieniki yuteiterima wahetsie tiwiyati, yunaiti yuri memite'uta'eri memihixiyani me'ixiarieti 'iya tukaritsie, mipai katiniyimiki yuri xemite'ita'eririki tita temitehekiatakai xehetsia.

<sup>11</sup> Mipai mitiyiniki, xehetsieme tekatanenewieka taheyemeki, takakaiyari mipai mitixemaikaki xeme xe'u'uwame kemireuyewetse 'amuyeikaniki Kakaiyari 'ita'inieyu, tepitanenewieta takakaiyari yitirikariyaki meye'atianiki naime kexemiteyuwairiya 'aixia xeteyuriekuti, naime kexemiteyurie yuri xete'erieti. <sup>12</sup> Mipai tiyiyu, kemi'ane Tati'aitiwame Ketsutsi mihiki witsikatinixeyariemiki xehetsie tiwiyati, xemeta witsixekatenixeyariiekuni hetsiena xetewiyati, takakaiyari Tati'aitiwame Ketsutsi Kiritsitu 'aixia mitiuka'iyariki.

### Matsiikiti kemirayani 'iya tewi yamitiyurieneni kemikatiheitserie

**2** <sup>1</sup> Hiki 'iwamarixi, Tati'aitiwame Ketsutsi Kiritsitu kemitinuani hepaitisita meta hetsiana ketemitekuxeiriyani, mipai tepitexewawirie, <sup>2</sup> yapauka xepikaheuyuyexiriwani yumu'utsie meta xepikamamaka hipame kemitiyini niukiyariki, yatini xewiti mipai tikuxatakaku, yatini xapa tahetsia kename miemeki, mipai 'ayetaineme: «Ti'aitame tukarieya paye'ari». <sup>3</sup> Xepikatepitiaka nikahirixia xewiti xe'ukwamana, kariki meri hipati Kakaiyari me'aye'unieti mekanakinikuni meta matsiikime kanayueitiamiki miki tewi 'axamitiyuruwame, kemi'ane mika'unarieni. <sup>4</sup> Miki neye'uniekamiki kanitawe'eriekamiki naime Kakaiyari mititewa meta naime mirayexeyarie, yikimana kanayerimiki Kakaiyari tukieyata meta Kakaiyari puyuxatani.

<sup>5</sup> Xekateha'eriwa mipai nemitixe'utaxatiakairi kepauka xehetsia nemeyeikakai 'akuxi? <sup>6</sup> Hikiri xekatenimaika ketita mikatipitia miki tewi, matsiikiti mayaniki tukarieya 'aye'ayuke. <sup>7</sup> Tita 'axamiti'ane 'awie 'ari kanitsutiaka yutirikariya, kaneuyeweka xeikiari kemi'ane mika'ipitia manukuyani. <sup>8</sup> Anakeri, matsiikiti kanayeimiki 'iya 'axamitiyuruwame, miki Ti'aitame Ketsutsi kanimiemiki yu'iyaki yuteta miemeki meta kanika'unamiki matsiikiti mayueitiansie kepauka munuanitsie. <sup>9</sup> Miki 'axatiyuruwame kaninuamiki, Kauyumarie 'iparewiekaku, naimeki pitirikaiyeni, mariweme pitiyurieneni meta 'iniarite pitiwewieni tiyu'itaiyameki. <sup>10</sup> Naime ketita 'axamiti'aneki piwakwamana miki memeyexirie memikayuwairiki tita yuri miraine memitanaki'erieniki meta mipai miki niukiki memitetawikweitsitarienikekai.

<sup>11</sup> Ayumieme Kakaiyari piwapitia memite'iriwiyarieniki, yuri memiteta'erieniki 'itarikatsie, <sup>12</sup> mipai mekatenikwinitiariekuni yunaiti yuri memikate'ita'eriri tita yuri miraine, matsi meminakai'akai kemikatiheitseriesie.

### Kememite'anayexeyarie memitawikweitsitarieniki

<sup>13</sup> Meta tame, kaneuyeweka taheyemeki pamipariyutsi tempitiakaki Kakaiyari xehepaitisita, 'iwamarixi Ti'aitame mixenaki'erie, tsutiapai Kakaiyari kanixe'anayexeya xemitawikweitsitarieniki, hetsiena mieme xepatsieti 'Iyari kemitixepata meta yuri xete'erieti tita yuri

mirainetsie. <sup>14</sup>'Ayumieme kanixe'uta'inieni tame niuki 'aixia manuyine texekuxaxatiwakaku, Tati'aitiwame Ketsutsi Kiritsitu hepai witsixe'aneneti xemakineki. <sup>15</sup>Hikitsiari, 'iwamarixi, xekeneti'uka 'aixia meta xepika'iku'e'eriwani tita xemiteyeturiyarie xemite'uta'ikitiarie niukiki meta xapaki.

<sup>16</sup>Tati'aitiwame Ketsutsi Kiritsitutiti meta Kakaiyari mita'ukiyari, kemi'ane mitats'utanaki'eri meta 'aixia mitiuka'iyariki mitatsinitia yuheyeme meta mitatsipitia 'aixiati'aneme temitetakwewiekaki, <sup>17</sup>mekexetuikani meta tirikariya mekexepitiaka xe'iyaritsie, 'aixia xemutiyuaneniki meta 'aixia xemiteyuriekaki.

### Newewieri Kakaiyari niukieya mukuxaxatsiwaniki

**3** <sup>1</sup>Merikite 'iwamarixi, xekeneyunenewieka tahetsiemieme, Ti'aitame niukieya kwitiwa mi'enierieniki naitserie, mikuxaxatsiwaniki kemitiuyi xehetsia, <sup>2</sup>tameta temitawikweitsitarieniki miki teiteri yamemiteyurie kemikareuyewetse, 'axamemite'u'yari 'atsimemikatatsiyurieniki, yunaititsieti yuri mepikate'erie. <sup>3</sup>Matsi Ti'aitame kemaine yakatinikamieni, miki kanixetseiriyamiki, kanixe'iwiyakamiki kemi'ane 'axamitiuka'iyari 'atsimikaxeyurieniki. <sup>4</sup>Ti'aitame hetsie tetewiyati 'ipai yuri teteni'erieka xehepaitsita, mipai xeteniuyurieni ketemite'aita, mipai xeteniuyuriekakunita. <sup>5</sup>Ti'aitame 'aixia ke'iyurieni xe'iyari Kakaiyari hepai xemiteyukanaki'eriekaki meta Kiritsitu hepai xemite'uka'eniwaniki.

### Kemireuyewetse miti'uximayakaki

<sup>6</sup>'Iwamarixi, Tati'aitiwame Ketsutsi Kiritsitu hetsia temimieteki 'ipai tetenixe'aitiaka, xemiwahayewaki yunaima ta'iwama 'amemu'uwa meyi'iraxieti yamekatekahuti ketemitexe'ikitia. <sup>7</sup>Xeme yikimana xekatenimaika kemireuyewetse xemitatsi'ikeniki tame. Xehetsia te'uuwati tepikata'iraxiekai. <sup>8</sup>Nixeime hetsia paa tepikatekwakai tekatetatuati. Matsi tete'uximayati teteta'uxitiati tukariki tikariki tekateni'uximayakaitini xeme temikatexe'uxitiakaki nixeime. <sup>9</sup>Heitserie tekahexeyati tepikayiakai, heitserie tekanexeyanititi temitexe'uxitianiki, peru mipai tekateni'uximayakaitini matsi 'ikitsika tematayeitianiki, xemitatsi'ikeniki. <sup>10</sup>Miki meta, kepauka xehetsia teme'uwakai mipai tetenixe'aitiakaitini: «Xika xewiti kayuwairiyani miti'uximayakaki, mekuxi miki tixai mikatikwani».

<sup>11</sup>Tepi'enana kenama hipati 'ame'uwa xetsata meyu'iraxieti, mekate'uximayati, yaki xeikia meniukixieti pita. <sup>12</sup>Mipai tepitewa'aitia miki mipai memi'anene, Ti'aitame Ketsutsi Kiritsitu hetsia temimieteki mipai tepitewatuika, kayuwati metiteti mete'uximayati yu'ikwai memitekwaniki. <sup>13</sup>Xemeta ta'iwama, xepika'u'uxeni 'aixia xeteyurieti.

<sup>14</sup>Xewiti xika ka'lenieni tita temite'utiyuane 'iki xapatsie tete'utiati, xekenetimati 'iya, hamatiana xepikayinika, 'iya mitewiyatsitarieniki. <sup>15</sup>Xepikateku'eriwani hepaitisana xemiteku'eriwa hepai kemi'ane mixe'aye'unie hepaitisita, matsi xekene'imaiyani xemi'imaiya hepai yu'iwa pita.

**'Aixia memi'itarieniki**

<sup>16</sup>Matsi kemi'ane yu'iyaritsie mika'uximatiarie Ti'aitametiti, yuheyemeki kexepitiaka yu'iyaritsie xemika'uximatiariekaki tsepa naimeki. Ti'aitame yunaime xehamatia ke'uyeikani.

<sup>17</sup>Ne Papuru nekanixewairitiaka nemamaki neti'utiati. 'Iki kanine'iniaritini naime xapatsie, 'ipai nepitiu'utia.

<sup>18</sup>Tati'aitiwame Ketsutsi Kĩritsitu 'aixia ketiuka'iyarini yunaime xehetsiemieme. Mipai xeikia kani'aneni.

# Mexiakame xapayari kemitini'airi Papuru Timuteu

---

## Wairitsika

**1** <sup>1</sup>Ne Papuru Kiritsitu Ketsutsi ni'arieya nekanihikitini mipai mitiu'aitaxiki tatsiwikweitsitiwame Kakaiyari, meta kemi'anetsie yuri temite'erie mexi teta'ikwewa Kiritsitu Ketsutsi mipai mitiu'aitaxiki,

<sup>2</sup>nekamaniwairitiaka Timuteu, yuriki neniwe pekanihikitini yuri temite'erieki:

Kakaiyari mita'ukiyari meta Kiritsitu Ketsutsi mitati'aitiwame 'aixia mekete'u'iyarini 'ahetsiemieme, mekematsinenimayaka, meta mekematsipitiaka 'aiyaritsie pemika'uximatiariekaki.

## 'Hkitsika 'axami'ane hepaihsita kemitita'imaiyaxi

<sup>3</sup>Matseruniya kwieyaritsie kepauka nemiyemieximekai, mipai nepimatiuhiritia 'Epetsutsie pemi'ahayewaki, pemitiwata'aitianiki hipame kapa yiki mete'ikitaniki <sup>4</sup>meta kapa mewaru'enieniki yaki xeikia kememite'u'ixatsita meta niuki mikapariweki xeime ramare hepaihsita. Kemi'ane mipai miti'ikita niuki xiatiarika piwewie xeikia, pikaheye'atia tita Kakaiyari mitihiritia para yuri ti'erietu yamitiyurieneniki. <sup>5</sup>Iki 'ayumieme pukuyiane xatsika mitiyukanaki'eriekaki 'iyarieya 'itiyakaku, ka'itate'akaku meta yuri ti'erietu peru huta 'iyariyari kahexeyati.

<sup>6</sup>Hipati xaitsie meheukuyuneka miki hepaihsita ta'aurie mekanaxirieni, 'ayumieme yaki xeikia mekatenikuxatani. <sup>7</sup>Piwanake 'iniari niukiyari hepaihsita memite'ikitaniki, peru 'atsimepikatemate tita memitekuxata meta mepikaheitimaiwawe tita memitekuxata tsepa tirikaiyemeki mipai memitekuxata.

<sup>8</sup>Tsirikite mipai tepitemate, 'iniari niukiyari 'aixia kani'aneni, tewi xika yatikamieni he'eriwati 'iniari mihikiki. <sup>9</sup>Mipai timaiti, 'iniari pikaheuyewetse xika tewi heitseriemeki yatikamieni hetsiena, miki 'iniari memititsana wahepaitsita pita pikuxaxatsiwa, miki memika'enana wahepaitsita meta miki Kakaiyari memika'ayexeyia 'axamemiteyurie wahepaitsita, miki 'axamemi'anene Kakaiyari memixani'erie wahepaitsita, miki memiwakuya yupaapama meta memiteyumemiwa wahepaitsita,

<sup>10</sup> memiwakumaiwa kemi'ane mikawa'ia mikawakina meta 'ukitsi hipame 'ukitsi memiwakumaiwa wahepaitsita, miki memiwanawatiwe teiteri wahepaitsita, miki memiteyu'itaiya meta memiyihiritia mete'itawati miki wahepaitsita. Hipati yunaiti memeye'unie 'ikitsika 'aixia mi'ane, miki wahepaitsita pikuxaxatsiwa 'iniari, <sup>11</sup> kemaine miki niuki mipai manuyine witsikemitimariwa Kakaiyari yutemawieti, kenemitiuhiritiarie yanemitikuxataniki ne.

### Papuru kemitiuhiritiarie

<sup>12</sup> Pamipariyutsi nekanipitiaka kemi'ane minetsirikariya Ketsutsi Kiritsitu mitati'aitiwame, miki yanetikamieme minetsi'erieki, minetsi'anayexeiki mipai nemiti'uximayakaki, <sup>13</sup> tsepa ne meripaiti 'axanemutainekai hepaitsitana, tsepa nemitaweyaxi, tsepa nemitawe'eriekai, neputinenimayatsie matsi mipai nemitiyurienekaiki 'atsinekatimaiti kepauka yuri nemikati'eriekai. <sup>14</sup> Tati'aitiwame kwinimieme 'aixia pituika'iyarikai nehetsiemieme, pinetsi'upitia yuri nemiti'eriekaki nemitinekanaki'eriekaki Kiritsitu Ketsutsi hetsie netiwiyati.

<sup>15</sup> Iki niuki yuriki paine meta kaneuyeweka minaki'eriwaniki yemeki: kename Kiritsitu Ketsutsi kwiepa nua 'axateyuruwamete watawikweitsitanike, ne miki 'axateyuruwamete watsata mexiakame nepihiki. <sup>16</sup> Peru 'ayumieme neputinenimayatsie, Ketsutsi Kiritsitu matsi waikawameki matsiikime mayeitianiki nehetsie, naimeki kemireuteriwe tiuka'eniwati, 'iniari nemayaniki mexiakame nehikititi, meminetsiha'eriwaniki miki 'arika hetsiena yuri memiteta'erieni yuheyemeki tukari mikaxiwe memexeyaniki. <sup>17</sup> Kemi'ane kwiepa naime miti'aitame yuheyemeki, kemi'ane mikapiniwe, mikaxeyariewe, yuxewiti timaiweti Kakaiyari, miki mariweme kexatsiwani meta witsiketixeyarieka yuheyemeki tsepaneti xeitsienituyari wiyari manuyekika. Mipai xeikia kani'aneni.

<sup>18</sup> Neuxei neniwe Timuteu, 'ipai nepimati'aitia, nepimatsihiritia yaxekia niuki 'ahepaitsita kemitiutaxatsie meripaiti kename mipai petiyurienikekai. Kepemitihekiatsiekai, kuya hepai keneyianeni, 'aixia 'anemeki kene'amieneni yuri peti'erietu 'a'iyari kamatsi'utate'akaku. <sup>19</sup> Hipati memitixani'eriki wa'iyari warutate'akaku, yuri kememite'eriekai mepukayunixi. <sup>20</sup> Mipai mekani'aneneni Himeneu meta 'Arekanituru, miki nepiwayetua Kauyumarie hetsia, mikiki mipai memiteta'ikitiarieniki 'axamemikatekuxataniki.

### Nenewieri hepaitsita kemiti'ikitia

**2** <sup>1</sup> Ayumieme mipai nepimatituika mipai yemeki mireuyewetseki, xekenewawirieka Kakaiyari, nenewieri xekenepitiaka, xeketenewawirieka meta pamipariyutsi xekenepitiaka yunaime teiteri wahetsiemieme, <sup>2</sup> kwiepa te'aitamete wahetsiemieme meta yunaime 'itsikate wahetsiemieme, tame kayuwati te'umati teka'uximatiarieti 'atemu'uwaniki, naimeki Kakaiyari te'ayexeyati 'aixia tetekahuti. <sup>3</sup> Xika mipai 'aneni 'aixia kaniyimiki meta mipai katininakeni tatsiwikweitsitiwame Kakaiyari. <sup>4</sup> Mipai pitinake yunaiti teiteri memitawikweitsitiarieniki meta tita yuri miraine metemaiti



memakineki. <sup>5</sup>Kakaiyari kaniyuxewini meta niukame puyuxewi kemi'ane Kakaiyari mikihiawe meta teiteri, tewititi Kiritsitu Ketsutsi, <sup>6</sup>miki piyuyetua yunaima wahetsieme waxinake. Mipai pituhekiatsie tukaritsie yemeki meuyewekaitsie 'aye'aku, <sup>7</sup>neta 'ayumieme nepukerie tixaxatame n'ari. Yuri nepaine, nepikati'itawa: Nepukerie memikahuriyutsixi nemitiwata'ikitianiki tita yuri temite'erie hepaitsita tita yuri miraine hepaitsita.

<sup>8</sup>'Ayumieme mipai pinetinake, hakewa memeyutixexeiriwa 'ukitsi mekeyunenewieka yumamate muyuawitsie meheutitseratikaiti mepatsieti, tixai mekaha'ati meta niuki mekaxiatiaiti yu'iyaritsie.

<sup>9</sup>'Ukari meta, mekeyukemariatiaka kemitiheitserie, memixeyariekaki mekayiaiti meta meyumaiwaweti, kwinimieme mepikateyukutsatsaweni, huru, perira meta 'ixuriki kwinie miraye'atikaki xeikia mepikayukemariatiaka. <sup>10</sup>Aixia kememite'u'iyariki pita mekeyukemariatiaka, 'aixia kaniyimiki mipai memiteyurieka 'ukari mipai memutiyuane kename Kakaiyari me'ayexeya.

<sup>11</sup>'Uka kayuwati 'umati ketiyi'ikitiaka, keyuwairiyani miti'aitiariekaki. <sup>12</sup>Nepika'ipitia 'uka miti'ikitaniki 'uki miti'aitiakaki, matsi peuyewetse kayuwati mumakaki pita. <sup>13</sup>'Arani meri putawewiya, 'arike 'Ewa. <sup>14</sup>'Arani meta pikatiu'iriyarie, peru 'uka tiu'iriyarieka 'aitsika tsaname patia. <sup>15</sup>Kanitawikweitsitariemiki kepauka mitiniwani, yuri mete'eriet, meteyukanaki'eriet meta mepatsieti xika meyuhayewani meyumaiwaweti.

### Kemireuyewetse te'iwiyamete mipai memi'aneneniki

**3** <sup>1</sup>'Iki niuki yuriki paine, kemi'ane ti'iwiyame mayeimiki, miki 'uximayatsika 'aixia mi'ane pihawe'erie. <sup>2</sup>'Ayumieme kaneuyeweka ti'iwiyame hetsie tixaiti mikarahiiwaniki tsepa mutaxanetsie, xeime hikia 'ukaratsi pawitikini, piyumaika, pitimaiwani, 'aixia pitixeyarieka, piwanaki'erieka tewanarixi, piti'ikitaweni, <sup>3</sup>tawekame pikahikitini meta pikawatiwayani, tumini pikahiwe'erieka, matsi pika'ayu'eriyani, pikayumieneni, <sup>4</sup>'aixia 'anemeki pitiwa'aitiaka yukie kiekatari meta yitiriyama piwarexeiyani tiwa'aitiati naimeki meta 'aixia 'anemeki mepei'enieka, <sup>5</sup>kemi'ane 'atsimikatimate yukie kiekatari mitiwa'aitiakaki, ǂkeri tiwa'iwiyani memiyutixexeiriwa Kakaiyari hetsia miemete? <sup>6</sup>Xike yuri mitiuta'eri pikahikitini, kapa 'uyuta'ireme kauyumarie hepai 'uximatariaka 'upitarieni. <sup>7</sup>Kaneuyeweka yuri memikate'erie 'aixia memite'ihekiataniki kapa 'axatiuxeyarieme kauyumarie winiyarieyatsie 'uyukahiani.

<sup>8</sup>Yaxeikiata teparewiwamete, peuyewetse mipai memi'aneneniki, 'aixia mepitekahuni, yuriki mepitekuxatani, mepikatariwetiweni, tumini mepikahiwe'erieka meteyukwamanakuti, <sup>9</sup>wa'iyari 'itiyatikaikaku kawatate'akaku mepi'iwiyani niuki matsiikiti mayeitarie titatsie yuri temite'erie. <sup>10</sup>Mikita yaxeikia wahapai meke'uta'iniatsieni meri xika meyiawani, 'arike teparewiwamete meke'akine xika wahetsie karahiiwani. <sup>11</sup>Yaxeikiata wa'itama 'aixia mepitekahuni, niuki peraixi mepikayiaika, mepiyukemaka meta heitseriemeki yamepitekahuni naimeki. <sup>12</sup>Tiparewiwame xeime hikia yi'ya pawitikini, meta 'aixia 'anemeki yitiriyama ketiwa'aitiaka meta yukie kiekatari. <sup>13</sup>Kemi'ane tiparewiwameki

yemeki memeye'atia yihiritiarika, miki mepite'iwa 'aixia memite'xeyarieniki, meta meyuyetuati yuri memite'erieki Kiritsitu Ketsutsi hetsie.

<sup>14</sup>Tsepaneti kwitiwa 'ahetsia nemeyeikani, 'ipai nepimati'utiirie, <sup>15</sup>mexika nekahenuaweni, ketinemaika kemireuyewetse kehepai mitiuyeyikani Kakaiyari kie kiekatari watsata, miki mekanihikitini memiyutixexeiriwa Kakaiyari mayeniere hetsia miemete, muka'utika meta tsutimeyari tita yuri miraine. <sup>16</sup>Mipai katinihekiaka, pimariwe miki niuki matsiikiti matia, ketemiteheyexeya Kakaiyari manuyine:

Miki matsiikiti kanayani yuwaiyaritsie 'uyeikati,  
heitserie pupitiarie 'Iyari hexeyati,  
niuki tuayamete mepixei,  
pikuxaxatsiwakai nuiwarite watsata,  
yuri mepite'uta'eri hetsiena kwiepa memitama,  
witsi'aneti panutiwitikie.

#### Timuteu kemitiuta'ikitiarie

**4** <sup>1</sup>Yakatinihikiaka 'Iyari kemaine, 'imatiriekia 'aye'aximekaku, hipati mekatenihiyawakuni yuri mete'erieti, 'iyarite memite'itawa mepiwa'enieni meta kakaiyarixi yakixeiakia kememite'ikita, <sup>2</sup>mete'ikitati yaki xeikia metekuxatati, Kauyumarie 'iniariyaki mepitepiatiarieni yu'iyaritsie, 'ayumieme pikawarutate'ani wa'iyari. <sup>3</sup>Mipai mepite'aitani memikaneneikeniki memikawikiekaki meta memitehayewaniki hipame 'ikwaite metekwati, tsepa Kakaiyari minetia 'ikwaite memenu'iniki pamipariyutsi me'ipitiati miki yuri memite'erie, miki tita yuri miraine memitehetima. <sup>4</sup>Naime Kakaiyari mitiunetia 'aixia katini'aneni, tixaiti pikatixani'eriwa xika ranupini pamipariyutsi 'ipitiati Kakaiyari, <sup>5</sup>Kakaiyari niukieyaki meta nenewieriki kanitipatsiwani.

<sup>6</sup>Mipai xika petiwaruta'ikitiani 'iwamarixi, Kiritsitu Ketsutsi parewiwameya 'aixia mi'ane pekaniyanemiki, peweretu niuki yuri ketemite'erie pe'enieti, 'ikitsika mitseye pe'enieti kepemitiweiya 'iniaritime. <sup>7</sup>Kememite'u'ixatsita Kakaiyari meka'ayexeyati 'ixatsi meripaimieme, miki kenexani'erieka. Matsi ketine'a'ikitiaka pemi'yamakaki Kakaiyari pemayexeyaniki tirikayemeki. <sup>8</sup>Xika tiyi'ikitiaka waiyari mi'yamakaki miki 'etsiwa pitiyunaki'erie, peru xika Kakaiyari 'ayexeyani, naimeki pitiyunaki'erie, tukari mexeyaki ketemite'utahiawarie temeixeyaniki hiki meta tukari 'umamietsieta. <sup>9</sup>Miki niuki yuriki paine meta kaneuyeweka minaki'eriwaniki yemeki. <sup>10</sup>Mipai mi'aneki, 'ayumieme tepite'uximaya meta 'axatepitekhiawariwa, yuri temite'uta'eriki Kakaiyari mayenieretsie teta'ikwewati, miki yunaime teiteri kaniwawikweitsitawametini, matsi yemeki yuri memite'erie.

<sup>11</sup>Mipai ketiniwahiritiaka meta mipai ketine'ikitani. <sup>12</sup>Xewiti pikamatsitawe'erieka temaiki 'akuxi pemihikiki. Matsi miki yuri memite'erie mipai memi'aneneniki 'iniari kena'ayeitiwani kepemitiutaniuka, kepemitiuyeika, kepemiti'akanaki'erie, keyapemitikamie 'aniukiki meta kepemiti'itiya. <sup>13</sup>Mexi nekahenuawe, kene'ayumiemetini petiteriwati niuki memi'enieniki, pewatuikati meta peti'ikitati. <sup>14</sup>Ketineuhayewa pe'itimaiyati

tita pemitiupitariarie 'iyaritsie timieme, mipai pepitiupitariarie tixaxatame tikuxatakaku, kepauka 'ukirawetsixi 'axeikia 'ahetsie memutimeixia.

<sup>15</sup> Mikiki kene'ayumiemetini, mikitsie keneuyeikani yunaiti memimatsixeyaki kepemiraye'axime. <sup>16</sup> Kene'a'iwiyani meta kene'iwiyani 'ikitsika. Mipai petiyurieneti kene'ahayewa, mikiki pepi'atawikweitsitiani meta pepiwatawikweitsitiani miki memimatsi'enie.

### Kemireuyewetse mipai miwayurieniki hipame

**5** <sup>1</sup>Ukiratsi pepikatatieni, matsi pepinitiani 'apaapa hepai. Temari 'a'iwama wahepai ketiniwakihaweni. <sup>2</sup>Ukarawetsixi 'amemuyumate 'amaama hepai ketiniwaxeyani, 'iimarixi 'a'iwama wahepai ketiniwakihaweni, naimeki pe'itiyati.

<sup>3</sup>Aixia ketiniwaxeyani wiuraxi xika yemeki meyuxewini. <sup>4</sup>Kemi'ane wiura yuniwema meta yuteukarima miwarexeiya, matsi yemeki kaneuyeweka miki mipai memitehetimaniki 'aixia memitewaxeyaniki yukie kiekatari, 'amemite'apikaki mewaparewieti yupaapama, mipai Kakaiyari mitinakeki. <sup>5</sup>Kemi'ane wiura yuxaita 'amuka yemeki, miki kemitita'ikwewa Kakaiyari hetsie, 'iwawirieti meta nenewieri 'ipitiati tukariki tikariki. <sup>6</sup>Peru wiura kemi'ane kemitiyikihawe xeikia 'amuyeika hiwe'erikaki, miki mikiti 'apuyeika tsepa mayeni. <sup>7</sup>Mipai ketiniwa'aitiaka tixaiti wahetsie mikarahiiwaniki. <sup>8</sup>Kemi'ane mikatiwamikwa yuniwema, meta yukie kiekatari, miki puyuku'imawa yuri ti'eriet, kwiniemieme matsi 'axapiyane keyuri yuri mikati'erie.

<sup>9</sup>Wiura xika haika tewiyari wiyari hexeyani ke'aka'utuarieni, xika yikina xeimetsie xeikia tiwiyakaitini, <sup>10</sup>xika 'aixia timariwani 'aixia mitiyurieneki, xika tiiri waweriyaweni, xika tewanarixi wanaki'erieka, xika Kakaiyari teiterimama wa'ikate hauxinaweni, xika waparewiwani miki memi'uximatiarie meta xika yatikamiekaitini naimeki 'aixia tiyurieneti.

<sup>11-12</sup>Wiuraxi yaki memuyumate pepikawaraka'utiani, 'uxa'atini warie mepiwikiekuni, yunaki'eriyaki mepikunuaxiani. Mikiki yuhetsie mepite'ahipani yamemikatekahuki kememite'uyuhiritia Kiritsitu hetsiememe. <sup>13</sup>Miki meta mipai mepiteyu'iyamatiani meyi'iraxietti kieta meku'u'uwati xeikia. Mepikayu'iraxie xeikia matsi niukiperaxi mepakika meta tita 'aixia mikati'ane metekuxatati. <sup>14</sup>Ayumieme mipai nepitiwaraye'eritiwa, peuyewetse miki yaki memiyumate wiuraxi memitiwikieniki, yukiita memite'aitaniki, xika mipai meteyurieka tixaiti mepikatepitiani, kemi'ane mitatsi'aye'unie 'axapikatiyurieka. <sup>15</sup>Matsi hipatiri mepite'uhayewaxi Kauyumarie pita me'anuweiyake.

<sup>16</sup>Xika xewiti yuri ti'eriet 'ukititi 'ukaratsititi xika yumarema warexeiyani wiuraxi, miki kewaparewieka, pikawa'uximatiaka memiyutixexeiriwa, miki pita wiuraxi yemeki yuxaita memu'uwa mepiwaparewieka.

<sup>17</sup>Ukirawetsixi 'aixia 'anemeki memite'uximaya miki matsi waikawa 'aixia mekete'uxeiyarieni, yemeki matsi miki naimeki meyutatuati memitekuxata meta memite'ikita. <sup>18</sup>'Utirika xapayari mipai paine: «Pepika'itsurihiaka

túuru kepauka tiriku miketsinane mitihenarieniki», mipai meta paine «Ti'uximayamete heitserie kanexeyani mitipitarieniki».

<sup>19</sup>Yuri'utaineme pepika'erieka xika 'ixanetani mihiritiarie, mexika yuhutati yuhaikati memunenierixi metehekiatani xeikia pepuwa'enieka. <sup>20</sup>Miki 'axamemiteyurie keniwarutati'a yunaiti memats'eniekaku hipatita marika memexeyaniki.

<sup>21</sup>Nekamenihiritiaka Kakaiyari hixie meta Kiritsitu Ketsutsi hixie niuki tuayamete memanayexeyarie mematsixeyakaku, mipai yaketinekamieni, kwitiwa pepika'itahiawe tewi petimarieti xeikia peru peka'eniaweti, 'atsipepikatiyurienehi xeime xeikia 'aixia petixeyati.

<sup>22</sup>Kwitiwa xeimetsie pepika'utimemehi, miki meta 'axakememiteyurie hipati 'ahetsieta rahiiwaniki. Pe'itiyati kene'a'iwiyani.

<sup>23</sup>Peru ketineuhayewa haa xeikia pehareti, matsi 'etsiwata winu kenanuyehi 'ayuriepa pemitikuyeki miixa.

<sup>24</sup>'Axamemiteyurie hipati mepanuyehaitiriwe, kwitiwa mepimatsiiki tsepa 'itsikame mikawatahiawiwe, hipati 'axakememiteyurie mepu'imati mepikawiyariawawe kwitiwa. <sup>25</sup>Yaxeikia miki 'aixia memiteyurie kwitiwa mepimatsiiki, meta tsepa memikamatsiiki, mepikayiwawe memi'awietsiekaki yuheyemeki.

**6** <sup>1</sup>Wairiyarika te'uximayamete kiye memanuyetekiyarie, yemeki wawemete mekewa'erieka yukutsiyarima, xika mipai meteyurieka 'axapikatikuxaxatsiwani kemi'ane Kakaiyari mihiki meta 'ikitsika 'axapikatikuxaxatsiwani. <sup>2</sup>Memiwakutsiyarima xika yuri mete'erieka, mepikawatawe'erieka yu'iwama mewaxeyati, matsi 'aixia 'iyariki mekete'uximayaka wahetsiemehi yuri memite'erieki meminaki'eriwaki miki 'aixia memi'tiarie mete'uximayakaku. Mipai ketine'ikitani mipai ketiniwatuikani.

### Tumini xika naki'erieka

<sup>3</sup>Xika yiki ti'ikitani xewiti, xika yaka'aneni, 'ikitsika 'aixia mi'ane ka'eniemehi Tati'aitiwame Ketsutsi Kiritsitu miniukieya ka'eniemehi 'iki 'ikitsika kimana Kakaiyari temayexeya, <sup>4</sup>miki pihitsierie, 'atsipikatimate. Katinikuyehi niuki xiatiarika kuwaunehi xeikia, niuki hepaitisa yumiehi, mikitsie payeneika kememite'itetsa, kememiteyueka, kememitewatsewixima hipame 'axame'utiyuati wahepaitisa, 'axakememiteyikihawe,

<sup>5</sup>kememikatehayewa meniukixieti, mipai mepiteyurie teiteri memitipinirime kememiteyumate memehiwiwi tita yuri miraine. Mipai mekatenuk'eriwani, kemi'ane mirayexeya 'iwarika pexeya. <sup>6</sup>Tsiepire xika Kakaiyari 'ayexeyani tixaiti kareuyehiati, yemeki piti'iwa. <sup>7</sup>Tixaiti tepikate'atikikai kwiepa temu'axia, 'ayumehi tepikayiwawe tixaiti temite'anutini temiyehu.

<sup>8</sup>'Ayumehi, 'ikwai meta kemari xika tehexeyani, mikiki tekenaki'aka.

<sup>9</sup>Miki memehi'uni xikia memiyia, miki mepekaxirieni me'iniatsieti, winiyariki mepiwiyarieni, waikawa mepiteyukahawe'erieka 'atsimekatemehi, meteyukwinitati. Miki hiwe'erieka teiteri piwakatuika memika'unarieniki memitatimarieniki. <sup>10</sup>Teiteri kememite'ihawe'erie tumini, miki nanaritsie

kaniutineikani naiti 'axamiti'anene, hipati me'ihwi'erietī, mepeuyexiri yuri mekate'erietī mepaki, meta mepite'uka'eniexia waikawa hiwerikaki.

### Yuri ti'erietī kemitiunanautsani yutatuati

<sup>11</sup>Ekitsi, Kakaiyari tewiyari pekanihikitini, kene'ata'una mikiki, mipai pita ketine'amexiitiaka, heitseriameki yapemitikamieniki, Kakaiyari pemayexeyaniki, yuri pemiti'eriekaki, pemiti'akanaki'eriekaki, pemitiuka'eniwaniki meta pemikahayu'eriyani. <sup>12</sup>'Aixia 'anemeki pe'atatuati keneutananautsani yuri peti'erietī, keneuwiya tukari mikaxiwe, miki 'ayumieme peputa'inierie meta yumiireti tehekiatamete mematsixeyakaku 'aixia 'anemeki pepi'ahekiatakai yape'aneti. <sup>13</sup>Kakaiyari naime mirayenieritia matsixeyakaku, Kiritsitu Ketsutsi 'aixia 'anemeki muyuhekiata ya'aneti Punitsiyu Piratu hixie, mikita matsixeyakaku, mipai nepimati'aitia <sup>14</sup>yaketinekamieni kepemitiu'aitiarie, peka'itsewiximati 'aitsika, hetsiena pekarahipati, Tati'aitiwame Ketsutsi Kiritsitu matsiikiti mayanike. <sup>15</sup>Tukari 'aixia mi'ane 'aye'ayu, matsiikime kanayeitiamiki.

Kemi'ane yutemawieti yuxewiti Ti'aitame mihiki,

kemi'ane te'aitamete mitiwa'aitiwame, kutsiyarima miwakutsiyari,

<sup>16</sup>kemi'ane yuxewiti mikamiwe,

hekiaripa meka hakewa mikayiwe 'ahurawa mayaniki xewiti,

kemi'ane tewi mika'ixeyawe mikayiwe mixeyaki,

miki mariweme kexatsiwani, kehetirikaiyeni yuheyemeki. Mipai xeikia kani'aneni.

<sup>17</sup>Mipai ketiniwa'aitiaka miki memeuka'u hiki kwiepa, mepikateyukatawe'erieka, yuri mepikate'erieka yupinitsie, 'atsimikatimatsiikiki xika xuawekamiki, matsi yuri mekete'erieka Kakaiyari hetsie pita, miki naime pitatipitia yemeki matsi temitatemamawiekaki.

<sup>18</sup>Mipai ketiniwa'aitiaka meta 'aixia memite'uximayakaki, memeuka'uniki 'aixia meteyurietī, 'aixia memite'u'iyariniki, hipame wahamatia memiyuxewiniki. <sup>19</sup>Mipai meteyurietī mepiyutatataritiani 'aixia 'aneme 'uxa'a warie maye'anitsie mieme, tita yuriki mititukari metehexeyati mepakine.

<sup>20</sup>Neuxei Timuteu, kene'iwiyani 'ahiritiarika. Ta'aurie kenawetsi pemikawa'enieniki yaki xeikia kememutiyuane mekate'ayexeyati, waniukitsie pepikatiwiyani metatsi'aye'unietī kememutiyuane miki temaiwawemete memiyuxata mete'itawati. <sup>21</sup>Hipati mikitsie mete'uwiyaka xaitsie mekaneukuyunixiani yuri kememite'eriekai.

'Aixia ketiuka'iyarini xehetsiemieme.

# Xapa hutarieka mieme Papuru kemitini'airi Timuteu

---

## Wairitsika

**1** <sup>1</sup>Ne Papuru Kiritsitu Ketsutsi ni'arieya nekanihikitini mipai mitinakeki Kakaiyari, mipai mutayiki meripaiti kename tukari xuaweni Kiritsitu Ketsutsi hetsie tiwiyakaku,

<sup>2</sup>nekamaniwairitiaka Timuteu pemineniwe nemimatsinaki'erie:

Kakaiyari mita'ukiyari meta Kiritsitu Ketsutsi mitati'aitiwame 'aixia mekete'u'iyarini 'ahetsiemieme, mekematsinenimayaka meta mekematsipitiaka 'aiyaritsie pemika'uximatiariekaki.

## Kemitihekiatani Kiritsitu hepaitsita

<sup>3</sup>Miki Kakaiyari nepayexeiya ne'iyari 'itiyakaku, ne'ukiyarimata kememiteheyexeyakai. Miki pamipariyutsi nekanipitiaka nematsiha'eriwati nekatihayewati tukariki tikariki kepauka neminenenewie. <sup>4</sup>Yuheyemeki nepimatsiheuxeiyamiki nematsiha'eriwati kepemitiutatsiakakai pe'ahiwerieti, xika nematsi'uxeiyake nepinetemawiekakeyu yemeki. <sup>5</sup>Nepimatsiha'eriwa yuri kepemiti'erie yaki pekatikuxatati, mipai yuri tiuta'erieka meri 'apukatei 'akutsi Ruhira meta 'awarutsi 'Eunitsi. Yuri nepiti'erie 'ekita wahepai yuri pemiti'erieki.

<sup>6</sup>'Ayumieme mipai nepimaraye'eritiwa pemikaratitimaiyaniki, pe'atatuati yaketineyurieneni Kakaiyari kemimatiupitia 'ahetsie ne'utimeku.

<sup>7</sup>Kakaiyari kemitatiumi pikatatsi'upitia ta'iyaritsie temimamakaki, matsi pita 'iyari pitatsi'umi mitirikaiye, tatsipitiati temitetakanaki'eriekaki meta temitsetseyeniki.

<sup>8</sup>'Ayumieme pepika'atewiyani petihekiatati Tati'aitiwame hepaitsita, meta ne pepikanetsitewiyani, tsepa nemanutahiya hetsiana nemimiemeki. 'Apita, 'ekita niuki 'aixia manuyinetsie mieme matsi ketinekwineni, petinewieti Kakaiyari matsitirikariyakaku. <sup>9</sup>Miki kanihikitini kemi'ane mitatsi'utawikweitsitia, mitatsi'uta'ini temipatsiekaki hetsiana miemeki, tita temiteyuriekai tame mikiki 'atsipikatiuyuri, matsi mipai mitiyuwairiyakaiki yikimana meta 'aixia mitiuka'iyariki. Mipai katiniuka'iyarikaitini tahetsiemieme tukari kaxuawekaku 'akuxi, tatsiha'eriwati Kiritsitu

Ketsutsi hetsie ketemitewiyanikekaiki. <sup>10</sup>Hikiri matsikime kanayeitiani 'aixia kemitiuka'iyari, munuaki tatsiwikweitsitiwame Kiritsitu Ketsutsi, miki kemitiuyuri, taheyemeki temikakwi'iniki yakatiniuyurieni meta katiniutahekiata ketemite'ayeyuyurini ketemikatetipine niuki 'aixia manuyineki. <sup>11</sup>Ne nepukayerie miki niuki hepaitsita nemitikuxataniki, ni'ariekame meta nuiwarite tiwa'ikitiwame nemayaniki. <sup>12</sup>Mipai nemi'ane, 'ayumieme miya nepitiuka'eniwa, peru nepikanetewiya nemimateki kemi'anetsie yuri nemitiuta'eri, yuri nekatini'erieka miki miyiweki mi'iwiyaniki tita minetiyetui 'iya tukari mexi ka'aye'awe.

<sup>13</sup>Para pemimaikaki 'ikitsika 'aixia mi'ane, pemi'eni yanetikuxatakaku kenexeyani 'ainiaritime, yuri peti'erietu peti'akanaki'erietu Kiritsitu Ketsutsi hetsie tiwiyati kemitiyiwani. <sup>14</sup>Kene'iwiyan tita 'aixia miti'ane pemiyetuiriyarie, 'iyari Mitiyupata tahetsie miyeka matsiparewiekaku.

<sup>15</sup>Mipai pepitimate, yunaiti 'Atsia kwieyaritsie miemete mepinetsi'uku'eirie, me'aye'uti Pikeru meta Herumukenexi.

<sup>16</sup>Ti'aitame kewanenimayaka 'Unetsipuru kie kiekatari, miki miixa pinetiutaxatia nemika'ukawautseniki, pikanetsitewiyakai tsepa nemanutahiiyakai, <sup>17</sup>matsi Xumatsie 'uyeikati piyumexiitakai netsikuwauneti 'atsita pinetsi'utaxe. <sup>18</sup>Ti'aitame ke'ipitiaka minenimayatsiekaki 'iya tukari 'aye'ayu Ti'aitame kemitixeyani. Naime kemitatiparewiekai 'Epetsutsie heyeikati, 'eki matsi yapepitimate.

**2**<sup>1</sup>Merikite neniwe, kenetirika'yeni Kiritsitu Ketsutsi yamatipitiakaku 'aixia mitiuka'iyariki. <sup>2</sup>Tita pemitu'eni netikuxatakaku tehekiatamete yumiireme wahixie, miki keniwayetui teiteri yamemitekahu, mikita memiyiwaweniki mipai memitewati'ikitianiki hipame. <sup>3</sup>Ketinekwineni 'ekita pe'amieneti Kiritsitu Ketsutsi hetsiememe, kuya 'aixia mitiuka'iyari hepai peyaneti. <sup>4</sup>Kemi'ane mikuya pikayuwiyania yu'uximayatsika kuwewieneti yikimana, matsi ninaki'aritamikini kemi'ane mitahiawixi kuya mayaniki. <sup>5</sup>Yaxeikia nanautsame, kuruna pika'anutiketsiyarieni xika 'iniari kemitiupitiarie xika mipai katiunautsa. <sup>6</sup>Miki meta, kemi'ane mi'etsame miti'uximaya, kaneuyeweka miki meri mitipitiarieniki tita mititixuawere. <sup>7</sup>Yaketine'akihaweni kenemaine miki hepaitsita, Ti'aitame pimatsipitiaka pemitimaiweniki naime hepaitsita.

<sup>8</sup>Kena'eriwani Ketsutsi Kiritsitu, miki mikite watsata nanukuketiarieni, Rawiri nuiwarieya. Mipai paine niuki 'aixia manuyine kenemitikuxata ne. <sup>9</sup>Mipai nemitikuxataki 'axanepi'itiarixime, 'atsita nepanutahiiya 'axatiyuruwame hepai. Peru Kakaiyari niukieya tixai pika'anutahiiwa. <sup>10</sup>Ayumieme ne naime nepitinewie memanayexeyarie wahetsiememeki, mikita memaye'axianiki memitawikweitsitiarieniki Kiritsitu Ketsutsi hetsie metewiyati, mipai memitepitariiekaki meta yuheyemeki witsime'aneneti memakineki.

<sup>11</sup>'Iki niuki yuriki paine:

Xika hamatiana te'ukwini,  
hamatianata tepayeyuyurini,

<sup>12</sup>xika tete'uka'eniwani,

hamatianata tepite'aitametetini.

Xika tetaku'imawani kename teka'imate te'utiuyati,  
mikirita piyuku'imawani kename katatsimate 'utaiti.

<sup>13</sup> Xika tetehayewani yatetekahuti,  
miki yatikamieti 'apuwe kayupatasi,  
pikayiwe yamitiyurieneniki kemikatiuka'iyari.

### **Ti'uximayatame mimatsiiki kemiti'iniatsie**

<sup>14</sup> Tki hepaitisita keniwaraye'eritiwani, keniwahiritiaka Kakaiyari hixie memikayukwitiweniki niuki hepaitisita, mipai tiyurieneti 'atsipikayini 'aixia mi'aneki, piwaka'unaxiani memi'enana xeikia. <sup>15</sup> Kene'amexiitiaka Kakaiyari hixie pemimatsiikiniki kepemiti'iniatsie, ti'uximayatame hepai peyianeti mikaheuyewetse miyutewiyani 'aixia miti'uximayaki meta heitseriemeki peti'ikitati niuki yuri maine hepaitisita. <sup>16</sup> Yaki xeikia kememitekuxata mekate'ayexeyati, miki hepaitisita kene'akweriwayurieka, mipai metekuxatati matsi yemeki Kakaiyari metimaiyati mepayuyeiti aximeni xeikia. <sup>17</sup> Waniuki piyemie piniya hepai. Mipai mepi'anene Himeneu meta Piretu, <sup>18</sup> miki mipai memiyia xaitsie meneukuyunixiani tita yuri miraine hepaitisita, mipai memutiyaneki kename 'ari te'anuku'ui, hipame mepiwamuina 'aixia mi'aneki yuri memikate'eriekaki. <sup>19</sup> Tsepatsi mipai memiteyurie, Kakaiyari yutetsariya kaniutawewieni kii tutuikame, 'apuwe tse'iti 'uxaya matsiikikaku mipai manuyine: «Ti'aitame piwamate yuteiterima,» ipai meta manuyine: «Yunaiti memehiawe Ti'aitame mekyukweriwayurieka tita mikatiheitserie hepaitisita».

<sup>20</sup> Kii 'amupata huru pirata xakiriteyari puxuawe, peru kiye haxu xakiriteyari puxuaweta, hipati witsimi'aneki pi'ayumieme, hipatita 'axami'aneki pi'ayumieme. <sup>21</sup> Merikitsi xika 'uyutieni mipai memi'anene wahetsie mikatiwiyaniki, xaki witsimi'aneki mi'ayumieme payani patsieti, 'aixia tinaki'eriwati kutsiyari kepauka meiyehiwa, ha'aritsieti 'aixia mitiyurieneniki naimeki tsepa kemitiita.

<sup>22</sup> Kene'ata'una pemikati'akahiwe'eriekaki temari wahepai, mipai pita ketine'amexiitiaka, heitseriemeki yapemitikamieniki, kepemaine yapemitiyurieneniki, pemiti'akanaki'eriekaki, miki memehiawe Ti'aitame wa'iyari 'itiyatikaikaku, miki wahamatia 'axeikia yaxeketenyurieka 'aixia xemiteyuxeyaniki. <sup>23</sup> Memikatemaiwawe niuki kememitekixatia 'atsimekatemaiti, miki kenexani'erieka mipai petimaiti, niuki metixiatiami mepiyutakwini xeikia. <sup>24</sup> Kaneuyeweka kemi'ane Ti'aitame hetsiemieme miti'uximayatame mikayumieneni, matsi 'aixia pitiuka'iyarini yunaime wahamatia, piti'ikitaweniki meta mitiukanewie pihikitini, <sup>25</sup> 'iyarieya 'aixia 'anekaku piwatiheitseriyani miki memeye'unie, mipai ra'eriwati Kakaiyari miwapitianiki memitehayewaki kememiteyuriekai, tita yuri miraine memetimaniki, <sup>26</sup> memanutahitarieniki memitawikweniki Kauyumarie winiyarieyatsie kimana memuwiyarie yamemitekahuniki kemitinake 'iya.

### **Teiteri kememite'u'iyarini taparirimekaku**

**3** <sup>1</sup> Ipai ketinamaika, tukari taparirimekaku 'ana kwaniwemeki mepiyiaka. <sup>2</sup> Teiteri yuhetsiemieme mepitenaki'erieka xeikia,



tumini mepihiwe'erieka, mepiyuxeimakani, mepiyuxani'erieka, mepiwatsewiximani hipame 'axame'utiyuati wahepaitsita, mepikawa'enieni yu'ukiyarima, pamipariyutsi mepika'ipitiani xeime, 'axamepi'aneneni, <sup>3</sup>mepikayunaki'erieka, mepikayuhaxiapitiaka, mepiyuniukimani, mepikateyu'aitiaka, mepayu'eririyani, mepihekali tita 'aixia miti'ane, <sup>4</sup>mepiwayetuani hipame, mepuyuti'reni meta meka'itimamateketi yamepityurieka, mepinaki'erieka tita mitiwanake peru mepika'inaki'erieka Kakaiyari. <sup>5</sup>Kakaiyari mayexeya hepai mepiteyuehikiaka, peru mepiyuehikiatani katirikaiyeme memi'erieki tita memite'ayexeya. Ta'aurie kenawetsi miya memi'anene wahetsia pemika'uyeikaniki.

<sup>6</sup>Mipai mekani'aneneni miki teiteri kieta memeuhatika, metewa'iriyiyati 'ukarawetsixi 'atsimemikatemate 'axamemiteyurie, memikayiwawe wawaiyari kemitiyukahiwe'erie meminewieni. <sup>7</sup>'Ukarawetsixi mipai memi'anene yuheyemeki mepiteyi'ikitiatiwe, peru hatsuaku mepikayiwawe memeitimaniki tita yuri miraine. <sup>8</sup>Yaxeikia Kanetsi meta Kamipiretsi kememiteheye'uniekai Muiťsexi, 'ikita mekaneye'unieka tita yuri miraine. 'Iki teiteri mekanitipinirimeni kememiteyumate, mepixani'eriwa yuri kememite'erie, matsi yuri memikate'erieki. <sup>9</sup>Perutsi matsi waikawameki 'atsimepikateyurieni, 'atsimemikatemateki mematsiikiti mekanayuyeitiakuni yunaime wahixie, meripaiti miemetexi metematsiikiti memaki wahepai.

### Papuru Timuteu kemitiuhiritia

<sup>10</sup>Eki pita peniweiyani ne'iniari tita nemiti'ikitatsie petiwiyati, kenemitikuyeika yapetiyurieneti, kenemitiyuriemiki, keyanemitikamie, kenemireuteriwe netiuka'eniwati, kenemitinekanaki'erie, kenemitiuka'eniwa, <sup>11</sup>kenemitiuweiari, kenemitiukwinixi naima kenemu'itiarie 'Anutiyyukiyatsie, 'Ikuniyutsie meta Ritsitiratsie, tsepa kenemitiukwinixi ne'uweiarieti, Ti'aitame kaneniutawikweitsitiani naimeki. <sup>12</sup>Metatsiere mekanitaweyariexiakuni yunaiti memiyuwairiya Kakaiyari me'ayexeyati memu'uwaniki Kiritsitu Ketsutsi hetsie metewiyati. <sup>13</sup>Matsi teiteri 'axamemiteyuriku memiteyukwamana, waikawa 'axame'aneneti mepakinirimeni mete'irimati mete'iriyarieti meta. <sup>14</sup>Peru 'eki titatsie pemitia'ikitia tita pemiretima mitiyuriki, mikitsie petiwiyati kene'ahayewani. Pepiwamate kehate mipai memate'ikitiakaku mipai pemiretima. <sup>15</sup>Mipai pepitimate nunutsiyari paiti pemitimaikaiki kemaine 'utiarika xapayari mipatsie, miki piyiwe petimaiweme mimatsi'ayeitianiki pemitawikweitsitarieniki yuri peti'erietai, mipai kemitiyiwe Kiritsitu Ketsutsi hetsie tiwiyati. <sup>16</sup>Naiti 'utiarika xapayaritsie maye'uxa Kakaiyari 'inetiaku pira'uxa, miki peuyewetse miti'ikitaniki, mitatieriwani, mitaheitseriyarieniki ti'ikitiarieti mayaniki kepai heitseriemeki yamitikamieni. <sup>17</sup>Miki 'utiarikaki Kakaiyari tewiyari paye'ani piha'aritsieka 'aixia mitiyurieneniki naimeki tsepa kemititita.

### Niuki kenekuxatani

**4** <sup>1</sup>Kakaiyari hixie, Kiritsitu Ketsutsi hixie kemi'ane 'itsikametiti miwatahiawe memayeyuyuri mikite yunaime, miki munuaximeki

ti'aitametiti, mipai nematinihiritiaka: <sup>2</sup>Niuki kenekuxatani. Mikiki kene'ayumiemetini penaki'eriwati pekanaki'eriwati. Keniwarutati'a keniwaku'imaiyani keniwatuikani. Naimeki 'eketineutewini petiuka'eniwati, naimeki ketine'ikitani. <sup>3</sup>Tukari kanaye'amiki kepauka memikahe'eniekuni 'ikitsika 'aixia mi'ane, matsi kemitiwanake mepiwarukuxexeriwani te'ikitamete, tita memiteheu'eniku xeikia memitewakuxaxatiwaniki.

<sup>4</sup>Ta'aurie mepaxirieni meka'eniekuti tita yuri miraine, xaitsie mepeukuyunixiani yi'ixatsitsie memitewiyani. <sup>5</sup>Ekitsi naimeki kene'amaika. Ketineukanewieka tsepa 'axapemi'itariene. Ketine'uximayaka petikuxatati niuki 'aixia manuyineki, 'ahiritiarika kenaye'atia yemeki.

<sup>6</sup>Neri mawari nepayeitiariexime, tukari kanahuraniri nemiyemieki. <sup>7</sup>'Aixia 'anemeku nenetatuati nepinemenekai, kenemitiunautsarimekai nepeta'a, nepikatiuhayewaxi yanetikamieti. <sup>8</sup>Hiki nepe'utsiyarie kuruna nemimariwaki heitseriemeki yanemitikatiaki, ti'aitame 'itsikame kanihikitini heitseriemeki yamitikamie, miki mipai pinetipitiani 'iya tukari 'aye'ayu, ne xeikia mipai pikanetipitiani, matsi yunaiti meminaki'a munuaximeki mipai pitiwapitiani miki.

### Kemiti'aitia

<sup>9</sup>Kene'amexiitiaka kwiti nehetsia peminuaniki. <sup>10</sup>Remaxi pinetsi'uku'eiri kwiepa timieme tinaki'erieti, Tetsarunika paiti kaneyani. Kiretseniti Karatsiya kwieyaritsie petia, Titu Tarimatsiyatsie paiti retia. <sup>11</sup>Rukaxi yuxaita nehamatia puyeika. Kenawitiki Marikuxi, 'a'utima kene'atia, miki 'aixia pi'ane minetsiparewiekaki. <sup>12</sup>Tikiku nepeni'a 'Epetsu paiti. <sup>13</sup>Miki 'ikari Tiruhatsi paiti nemeiku'eiri Karipu hetsia, kenahuri pemamieki, xapate kenahuri nawitsie miraye'utika matsi.

<sup>14</sup>Herekanituru tepiaki tiwewiwame 'axapinetsi'uyuri waikawa. Ti'aitame 'epirepinirieni mipai 'axaminetsi'uyuriki. <sup>15</sup>Ekita kene'akweriwayurieka hepaitsitana, yemeki peye'uniekai taniuki.

<sup>16</sup>Matiari nehetsiemieme nemutaniutsie, nixewiti neheima pika'utanua, yunaiti mepinetsi'uku'eiri. Merikite wahetsie pikatiuhiiwani mikiki. <sup>17</sup>Ti'aitame matsi ne'aurie puwekai netsitirikariyati 'iki xatsikaya yemeki mikuxaxatsiwaniki yanetikuxatakaku, yunaiti nuiwarite memi'enieniki. Neputawikweitsitarie maye pikanetsi'utakwai. <sup>18</sup>Ti'aitame pinetsitawikweitsitiani tsepa kememiteyurie 'axamenetsiyurieki. 'Atsineka'itariewekaku pinetsi'aye'atiani hakewa mire'aita muyuawitsie, mana nemaye'aniki. Hepaitsitana 'aixia ketikuxaxatsiwani yuheyemeki. Mipai ketiuyini.

### Wairitsika 'imatirieka mieme

<sup>19</sup>Keniwawairitiaka Piritsira 'Akira mame, 'Unetsipuru kie kiekatari meta. <sup>20</sup>Eratsitu mana peyuhayewaxi Kurinitu kiekariyaritsie, Tirupimu nepeku'eiri Miretutsie tikuyekaku. <sup>21</sup>Kene'amexiitiaka peminuaniki ka'uhaaitakaku 'akuxi. 'Eupuruxi, Purenitsi, Rinu, Kirauriya meta yunaiti ta'iwama mepimatsiwairitiani. <sup>22</sup>Ti'aitame 'aiyari keteitani. 'Aixia ketiuka'iyarini xehetsiemieme.

# Xapa Papuru kemitini'airi Titu

---

## Wairitsika

**1** <sup>1</sup>Ne Papuru ti'uximayatame nekanihikitini Kakaiyari hetsiememe, Ketsutsi Kiritsitu ni'arieya nekanihikitini, yuri neti'erieti yaxeikia yuri kememite'erie miki Kakaiyari miwaranayexei, mipaita netimaiti tita yuri miraine, kemireuyewetse yamitimaikaki Kakaiyari xika 'ayexeiyani. <sup>2</sup>Mipai nekatiniyurieneni nemitakwewieki tukari mikaxiwe nemexeyaniki, Kakaiyari pikati'itawa, meripaiti tukari kaxuawekaku 'akuxi mipai putayi tukari mitatsipitianikekaiki. <sup>3</sup>Hikirixia tukari 'aixia mi'ane 'aye'aku, matsiikime kanayeitiani yuniuki, teiteri yametekuxatakaku, nekaniuhiritiarieni mipai nemitikuxataniki ne, mipai mitiuta'aiki tatsiwikweitsitiwame Kakaiyari.

<sup>4</sup>Ne nekaniwairitiaka Titu, yuriki pekanineniwetini, yuri ketemite'erie tanaiti:

Kakaiyari mita'ukiyari, Kiritsitu Ketsutsi mitatsiwikweitsitiwame, 'aixia mekete'u'iyarini 'ahetsiememe, 'aiyaritsie mekematsipitiaka pemika'uximatiariekaki.

## 'Ukirawetsixi te'iwiyamete kemireuyewetse mipai memi'aneneniki

<sup>5</sup>Mikiki nekameneku'eirieni Kiretatsie, tita mireuyewekai pemireniniki, pemiwakuyatsaxianiki 'ukirawetsixi xexuime kiekaritsie, yaxeikia kenemimatiutahiawixi, <sup>6</sup>kemi'ane mikaniukimarie, kemi'ane xeihikiame mi'ia, kemi'ane yitiriyama miwarexeiya yuri mete'eriekame wahetsie karahiiwakaku, kename merukuyatiwe kename mekahei'enie mipai karaniuwakaku. <sup>7</sup>Kakaiyari hetsiememe mihiritiarieki, kaneyeweka kemi'ane ti'iwiyame mihiki mikaniukimariekaki, yuhetsiememe xeikia pikayianeni, mayu'eriya pikahikitini, tawekame pikahikitini, pikawatiwayani, tumini pikahiwe'erieka kwamanarikaki. <sup>8</sup>Matsi peuyewetse yukie miwatanaki'erieniki 'iwatamete, pinaki'erieka tita 'aixia miti'ane, pitimaiweni, heitseriemeki yapitikamieni, Kakaiyari payexeyani kwinimieme, pitseyeni yu'iyaritsie kemitiyu'aitia. <sup>9</sup>Peuyewetse mitiwiyaniki niuki yuri mainetsie, 'ikitsika kemituuta'ikitiarie hepai, miyiweniki

miwatuikani ti'ikitati 'ikitsika 'aixia mi'aneki yemeki, meta piyiweni miwatahekiataki meminiukixie.

<sup>10</sup> Yumiireti 'ameniu'uwani mekaheu'enanati, yaki xeikia metekuxatati, meteyukwamanati, miki xitekiya 'iniariyarisie memitewiya matsi yemeki miya mepi'anene. <sup>11</sup> Peuyewetse memanunamiyarieniki kememitekuxata, mepiwamuina 'atsita xeime kie kiekatari yunaima, mepite'ikita tita 'aixia mikati'ane, mete'iwakuti xeikia 'axamiti'aneki. <sup>12</sup> Wahetsia mieme tixaxatame xewiti mipai kaniutayini: «Kiretatari yuheyemeki mekateni'itawani, yeutari memayu'eririya mekanihikitini, mekaniyu'iraraxieka yuyuriepa metewiyati xeikia». <sup>13</sup> Miki yemeki yuriki kaniutayini. 'Ayumieme keniwarutati'a tirikaiyemeki, miki memitsetseyeniki, yuri mete'erietu 'aixia 'anemeki, <sup>14</sup> mekawa'enietu huriyutsixi yaki xeikia kememite'ixatsita meta tita memite'aita teiteri memixani'erie tita yuriki miraine.

<sup>15</sup> Kememite'ixeiya miki memi'itiatika, naiti katini'itiyaka, peru miki memika'itiatika yuri memikate'erie kememite'ixeiya, tixai pikatixuawe miti'itiatika, matsi mekanitsewiximarieka kememiteyumate meta yu'iyarisie. <sup>16</sup> Mekaniyuhekiatani kenama waniu me'imate Kakaiyari me'utiuyati, peru kememiteyurie mepiyuhekiata matsi kenama meka'imate, mekanixani'eriwani, yamepikatekahu, meta mepikayiwawe 'aixia memite'uyurieni.

### 'Ikitsika meuyewetse

**2** <sup>1</sup> Eki matsi pita mipai ketinekuxatani kemireuyewetse, 'ikitsika 'aixia mi'aneki. <sup>2</sup> Ukirawetsixi mekeyumateni, 'aixia meketehekahuni, meketehemaiwaweni kemireuyewetse yamitiyurieneniki, meketsetseyeni yuri kememite'erie, kememiteyukanaki'erie, kememite'uka'eniwa.

<sup>3</sup> Yaxeikia 'ukarawetsixi kememite'u'ua, mipai meketeyurieka kemireuyewetse yamitiyurieneniki Kakaiyari hetsia miemetiti, mepikatehayuye'unieka, winuki mepika'u'uwani xeikia. Tita 'aixia miti'aneki xeikia mekete'ikitani, <sup>4</sup> mipai metewa'ikitiati 'ukari memiwanaki'eriekaki yikinama meta yitiiriyama, <sup>5</sup> memitemaiwaweniki kemireuyewetse yamitiyurieni meta yikinama wahetsie memitewiyani me'itiatikaiti, yukie memite'uximayakaki, 'aixia memite'u'iyariniki, memiteyu'aitiariinikaki wakinama kememaitika, xika mipai me'aneneni, Kakaiyari niukieya 'axapikatikuxaxatsiwani.

<sup>6</sup> Mipai yaxeikia ketiniwatuikani 'ukitsi memitemaiwaweniki kemireuyewetse yamitiyurieneniki. <sup>7</sup> Naime hepaitisita 'iniari kena'ayeitiwani 'aixia petiyurieneti. Kepemiti'ikita, 'aiyarisie 'aixia peti'akihaweti ketine'ikitani 'aixia petikamietu. <sup>8</sup> Mipai ketinekuxatani 'aniuki 'aixia 'anemeki meta xewiti mikayiweniki mitawe'eriekaki, kemi'ane mixe'aye'unie mitewiyatsitarieniki matsi, kayiweti mayaniki 'axamaineniki xehepaitisita.

<sup>9</sup> Miki wairiyarika memite'uximaya meketeyu'aitiariinika wakutsiyarima kememaitika naimeki, mekewanaki'aritiaka matsi, mepikayu'ariwawieka. <sup>10</sup> Mepikatewanawatsirieka, matsi mekewahekiatsitiiyani yamemitekahuki, tatsiwikweitsitiwame Kakaiyari 'ikitsikaya witsimitixeyariekaki naimeki.

<sup>11</sup> 'Ari matsiikiti kanayani 'aixia kemitiuka'iyari Kakaiyari, mipai mi'aneki, yunaiti teiteri mekaniywaweni memitawikweitsitarieniki, <sup>12</sup> 'ayumieme mipai tekateni'ikitiarieka temitahekiataniki kename miki Kakaiyari memika'ayexeiya wahetsia tekamiemete, kename tame teka'hiwe'erie tita kwiepa memitama memitehiwe'erie. Matsi yeme 'ipai pita tepite'ikitiarie ketemite'u'waniki, tetemaiwaweti kemireuyewetse yatemiteyuriekaki, heitseriemeki yatetekahuti, Kakaiyari te'ayexeiyati hiki temu'uwaniki 'ena kwiepa, <sup>13</sup> meta temikwewiekaki kemi'ane yemeki mitatsitemawieritiani. Hiki tepikwewie, matsiikiti mayaniki witsi'aneti kemi'ane Kakaiyari mihiki mimariwe tatsiwikweitsiwame Kiritsitu Ketsutsi hikititi. <sup>14</sup> Miki kaniyuyetuanani tahetsiemieme, mitatsixinaki 'iniari temeutitsanaxiaku, meta mitatsi'tieniki yuhetsiemieme teiterimama temanayexeiyarie temakineki, tetawairiyati 'aixia temiteyuriekaki.

<sup>15</sup> Mipai ketinekuxatani meta wairiyarika keniwapitiaka, keniwahekiatiaka heitserie petiwa'aitiati, xewiti mikamatsitawe'eriekaki.

### Yuri miti'erie kemitikamieni

**3** <sup>1</sup> Keniwaraye'eritiwani yamemitekahuniki te'aitamete heitserie memexeiya kememaitika, memiteyu'aitiariniakaki, memiyuwairiyaniki 'aixia memiteyuriekaki tsepa kemititita 'aixia miti'ane: <sup>2</sup> hipame wahepaitsita 'axamemika'utiyuaneniki, memikayukwitiweniki, memika'ayu'eririyaniki, mimatsiikiniki kename tixaiti mekatehiki kememitewaxeiya yunaima teiteri.

<sup>3</sup> Tameri tanaiti meripaiti 'atsitekatemaiti tekaniu'uwakaitini meta yatepikatekahukai. Tepeuyexiriekai wairiyarika tepite'uximayakai tita temitehiwe'eriekaitsie mieme xeikia, miiremeki teminaki'akaki xeikia tepiyiakai. 'Atepu'uwakai 'axateteyuriekuti meta te'itetsati. Tepixani'eriwakai, tepita'uxiwe'eriekai tanaiti. <sup>4</sup> Peru kepauka matsiikiti matia 'aixia kemitiuka'iyari meta Kakaiyari naki'eriyaya tatsiwikweitsiwame, <sup>5</sup> miki kataniutawikweitsitiani, tame heitseriemeki yatemitekahukaiki pikatiuyuri, matsi miki mitatsinenimayakaiki pita. Pitatsi'utawikweitsitia tatsi'tieteti hutarieka tatsi'utinuiwitiaka, 'Iyari Mitiyupataki tatsihekwariyati. <sup>6</sup> Miki 'Iyari kaniutatuanani tahetsie waikawameki temeixeiyaniki, tatsiwikweitsiwame Ketsutsi Kiritsitu yatatiumiku. <sup>7</sup> Heitserie tepupitairie miki 'aixia mitiuka'iyariki, 'ayumieme tahetsie katininakeni tukari mikaxiwe temexeiyaniki, mipai yuri tete'erieteti tepita'ikwewa. <sup>8</sup> Miki niuki yuriki paine, mipai nepitiku'eriwa, peuyewetse tirikaiyemeki mipai pemitiwatahiaweki, peuyewetse miki yuri memite'uta'eriwa Kakaiyaritsie memiyu'iyaritiakaki kehepai 'aixia memiteyurieka. 'Aixia kani'anemiki kaniwaparewiekamiki teiteri, mipai memiteyuriekaki.

<sup>9</sup> Peru niuki kememiteixiatia 'atsimekatemaiti, kememitekuwautiwe yunuiwari hepaitsita, kememiteyuhaka, 'iniari niukiyari hepaitsita kememiteyukwitiwe, miki hepaitsita kene'akweriwayurieka, 'axa'aneti payeika kememiteyurie meta xianakia payeika. <sup>10</sup> Kemi'ane yuhetsie mitiwawiyatsitia 'iwamarixi, miki hutakia pe'ita'imaiyame, kenanuyehiwa. <sup>11</sup> Mipai petimaiti, kemi'ane mipai mitiyuriene kaneutunini, 'axakatiniyurieneni, yikimana yuhetsie katinihpani.

### Kemitiwaruta'aitia

<sup>12</sup>'Ahetsia kepauka menuani 'Aritema yatini Tikiku nehenuni'ayu, kene'amexiitia nehetsia pemimieki Nikupuri paiti, mipai nepitiku'eriwa, mana nepekani muhaitinitsie. <sup>13</sup>Tsenaxi 'iniariki miti'ikitame meta 'Apuruxi keniwareparewieka naimeki, 'aixia 'iyariki pe'atatuati, huyeta tixaiti memikateheuyehiakaki. <sup>14</sup>Tateiterima mipai meketeyi'ikitiaka 'aixia memiteyuriekaki memeixeiyaniki tita mireuyewetse, kapa meka'utixuxuawereti me'akineki.

<sup>15</sup>Yunaiti nehetsia memu'uwa mekamaniwairitiaka. 'Ekita keniwawairitiaka miki memitatsinaki'erie yuri mete'erietu.

'Aixia ketiuka'iyarini yunaime xehetsieme takakaiyari. Mipai xeikia.

# Xapa Papuru kemitini'airi Kirimuni

## Wairitsika

<sup>1</sup>Ne Papuru, ne'anutahiyati Kiritsitu Ketsutsi hetsiemieme, ta'iwa Timuteu hamatia tekanixewairitiaka,

'eki Kirimuni temimatsinaki'erie tahamatia pemitu'uximaya, <sup>2</sup>meta ta'iwa 'Apiya mititewa teminaki'erie, meta 'Arukupu ta'iwa tahepai miti'uximayatame, yaxekiata yuri memite'erie 'akiita memuyutixexeiriwa.

<sup>3</sup>Kakaiyari mita'ukiari meta Tati'aitiwame Ketsutsi Kiritsitu, miki 'aixia 'anemek mekexepitiaka yu'iyaritsie xemika'uximatiariekaki.

## Kirimuni kemitiyurienekai meta yuri kemit'eriekai

<sup>4</sup>Yuheyemeki pamipariyutsi nekakaiyari nekanipitiaka, kepauka nemuyunenewie nemetsiha'eriwati, <sup>5</sup>'ahetsiemieme nemitimarieki kepemitiwanaki'erie Kakaiyari teiterimama yunaime, Ti'aitame Ketsutsi hetsie yuri peti'erieti. <sup>6</sup>Mipai Kakaiyari nekatiniwawirieka, yaxekiata temipitatiekaki matsi yemeki mihekiakaki Kiritsitu hetsie tetewiyati temakineki, teyunaiti temitaxewiki yuri tete'erieti, xika 'aixia teteyurieka tita temitehexeiyia 'aixia miti'aneki naime. <sup>7</sup>Ne'iwa nepinetemawie 'ahetsiemieme 'eki kepemiti'akanaki'erieki meta nepinitiarie waikawa, Kakaiyari teiterimama memipatsie mekanitseiriyarieka yu'iyaritsie, 'eki kepemitiyuriene.

## Papuru kemititawawiri 'Unetsimu hepaitisa

<sup>8</sup>Ayumieme, Kiritsitu hetsie netiwiyati tsepaneti heitserie nemexeyia nekamati nemimati'aitiakaki kemireuyewetse, <sup>9</sup>matsi temitetakanaki'erieki, 'ayumieme wairiyarika nekamenipitiaka. Ne Papuru hikiri, ne'ukiratsititi, nepanutahiyia Kiritsitu Ketsutsi hetsiemieme, <sup>10</sup>nekameniwawirieka neniwe 'Unetsimu hetsiemieme, kemi'ane neniwe matia mexi'akuxi ne'anutahiyikai.

<sup>11</sup>Meripaiti pikatyunaki'eriekai 'ahetsiemieme, matsi hiki tekaneiyehiaka waikawa ne meta 'eki teyunaiti. <sup>12</sup>Tawarita 'ahetsia nekanenuni'amiki, 'aixia 'anekameki kenetanaki'eri ne nemeyaneni hepai. <sup>13</sup>Nehetsia puyuhayewanikeyu, 'ahetsiemieme minetsiparewieniki mexi'akuxi

ne'anutahiiyaka niuki 'aixia manuyine hetsiemieme. <sup>14</sup>Matsi 'eki 'atsipekatimaikaku, nepikanewairi nemikunuitianiki, 'aixia kepemitiyuriene wairiyarika pemikayianeniki, matsi pita waikawameki pe'awairiyati.

<sup>15</sup>Xiari 'ayumieme 'Unetsimu yapaimexia 'ahamatia pika'uyeikakai, hikirixia yuheyemeki pepitanaki'erieni, <sup>16</sup>wairiyarika miti'aitiarieri pikahikitini, matsi pita waikawa meuyewetse: ta'iwa minaki'eriwa, ne yemeki nehetsiemieme pitiyunaki'erie, 'eki matsi waikawameki pekaneiyehiaka, tewitime meta 'aiwatime Ti'aitame hetsiemieme.

<sup>17</sup>Ayumieme xika tetaxewini tete'uximayati, kenetanaki'eri ne nemiyianeni hepai. <sup>18</sup>Xika 'axatiuyurieni, yatini xika merapinirieka, yakenetineutahiawi ne nepirayukatuani. <sup>19</sup>Ne Papuru nemamaki mipai nepitiu'utia: ne nepirayukatuani, ne yanepikametitahiawe 'eki peminerapinirieki 'atukariki.

<sup>20</sup>Huu ne'iwa, nepimetsiwawirie yapemitiyurieniki Ti'aitame hetsie 'iki hepaitisita, ne'iyari kenitiarieka Kiritsitu hetsiemieme. <sup>21</sup>Nepimeti'utiirie nemitimateki yapemitikamieki, mipai netimaiti, kenemikametiawawirie matsi 'eki waikawa pekatiniyurimiki. <sup>22</sup>Matsi 'ayumieme, kenenetiawawiri hakewa nemayekani, mipai nepitita'ikwewa Kakaiyaritsie yuri neti'erieti, xeyunenewiekaku nemipitiarineniki xehetsia hutarieka nemuyeikaniki.

<sup>23</sup>Eparaxi kameniwairitiaka, nehapai manutahiiya Kiritsitu Ketsutsi hetsiemieme, <sup>24</sup>meta Marikuxi, 'Aritsitariku, Remaxi meta Rukaxi, nehamatia te'uximayatamete.

<sup>25</sup>Ti'aitame Ketsutsi Kiritsitu 'aixia ketiuka'iyarini yuxexuime xe'iyaritsie. Mipai xeikia kani'aneni.



# Xapa kememite'u'utiitarie Hepirayutsixi

---

## Kakaiyari pitatiutaxatia nu'aya yatikuxatakaku

**1** <sup>1</sup>Kakaiyari, meripaiti katiniwakuxaxatiwakaitini tapaapama, Kakaiyari niukametemama yametekuxatakaku, yuxexuiti kememite'upitiarie niuki yiki mi'anene hepaitsita. <sup>2</sup>Hiki tukari taparirimekaku pitatiutaxatia tame, kemi'ane nu'aya mihiki pita yatikuxatakaku. Miki yuniwe kaniukayeni hetsiena mitinakeniki naiti, miki hetsie Kakaiyari tita 'amitikuma katiniunetiani. <sup>3</sup>Miki hetsie Kakaiyari kemitixawati kanimatsiikini meta kemitimariwe, Kakaiyari kani'iniarieyatini kaniyuritini. Naime meta piratikuni yuniuki mitirikaiyeki, miki yikimana 'aixia 'iyurieka tita 'axatemite'uyuri hepaitsita mitatsi'itieniki, 'ana kemi'ane mimariwe tserieta kanayerini muyuawitsie.

## Nu'aya pumariwe, niuki tuayamete taheima miemete hepaina mekamamariwawekaku

<sup>4</sup>Miki kaniupitiarieni yemeki mimariwaniki kemi'ane mihiki, peru taheima miemete niuki tuayamete hepaina mepikate'upitiarie, yaxeikiata mariweti kanayani, miki hepaina mekamamariwawekaku.

<sup>5</sup> ¿Kakaiyari kemi'ane mipai pitiutahiawixi niuki tuayamete xeime heiwa:

«Eki pepineniwe,  
hikiri nekamaniutinuiwitiani»,

'utaiti, nutsu keru 'utayi:

«Ne 'ukiyarieya nepayani,  
miki neniwe payani?»

<sup>6</sup>Matsi tukari hepaitsita tikuxatati kepauka kwiepa mi'atiani yumatiari mipai pita kanaineni:

«Yunaiti Kakaiyari hetsia miemete niuki tuayamete meke'eyexeiyani».

<sup>7</sup>Niuki tuayamete wahepaitsita mipai paine:

«Yuniuki tuayamete 'eka kaniwarayeitiwani,  
te'l'uximayatsiriwamete meta tai nerikwari kaniwarayeitiwani».

<sup>8</sup>Yuniwe pita xatati mipai paine:

«Eki, Kakaiyari, 'auweni hakewa pemira'aita yuheyemeki 'apuwe,  
kanixeuraiyeni 'aitsi pemakwe'e pemitit'aitameki 'iniari kanihikitini  
heitseriemeki kepemitikamie 'eki.

<sup>9</sup> Pepinaki'erie tita mitiheitserie, pepi'uxiwe'erie tita 'aitsika mitititsana, Kakaiyari 'aku kemi'ane mi'akakaiyari pimatsi'anayexei, temawierika metsipitiati, 'iniaritime 'ahamikuma kawaranayexeyaka».

<sup>10</sup> Mipai paineta:

«Eki, Ti'aitame, tsutiapai kwie pepukama, muyuawi peputawewi 'amamaki.

<sup>11</sup> Miki pukumawere, 'eki pita 'apeniuwemiki. 'Ixuriki hepai miki naiti kanitaye'irimiki.

<sup>12</sup> Muyuawi pepitatuna 'ikari hepai, kamixa hepai pipatsieni, matsi 'eki yaxeikia pe'aneti pepi'ahayewa, 'atukari pikatixini».

<sup>13</sup> ¿Keri hatsuaku titahiawiwe niuki tuayamete xeime mipai tikihiaweti: «Netserieta kenayexi, ne nekaniwaka'unamiki memimetsi'aye'unie, 'ahixie nekaniwa'atiamiki»?

<sup>14</sup> ¿Kamitsi niuki tuayamete yunaiti 'iyarite mekatehiki, Kakaiyari memite'uximayatsiriwamete, memitani'ariwa memiwaparewieniki kemi'ane wahetsie mitinakirime memitawikweitsitarieniki?

### **'Iki wikweitsitarika waikawa pitirikaiye**

**2** <sup>1</sup> Mipai mi'aneki, 'ayumieme kaneuyeweka matsi waikawa teme'erivaniki tita temite'u'eni kapa yaki xeikia teyiati 'ateewa te'u'uwani. <sup>2</sup> Kami miki niuki mutaxatsie niuki tuayamete taheima miemete yametekuxatakaku, miki kaniyuritikaitini, yunaiti memititsanaxia meta yunaiti memika'i'enieikai mekatenskapitarieni, wahetsie kemitinakekai, kemireuyewekai. <sup>3</sup> ¿Merikite, xika mipai 'aneni, ketsi tetetawikweni tame xika te'itawe'erieka 'iki wikweitsitarika miya mititirikaiye? Miki kaniutsutarieni Ti'aitame yatikuxatakaku ketemitetawikweitsitarieni haiti, niukieya meputseiriyaxi mikita memi'enieikai mipai temitemaikaki tame. <sup>4</sup> Kakaiyari meta 'axeikia wahamatia mipai katinihekiatakaitini 'iniari wewieti mamariwaweme, tirikaiyemeki tiyurieneti miiremeki, 'Iyari Mitiyupata yatiwapitiakaku yuxexuime, kemitinakekai Kakaiyari.

### **Kemi'ane mitsutia temitawikweitsitarieniki**

<sup>5</sup> Kemituu'aitaxi miki kwie 'umamie hepaitisa, niuki tuayamete memite'aitaniki muwa 'atsipika'utayi, miki kwie kanihikitini tita hepaitisa temitekuxata. <sup>6</sup> Hekiatsika kanixuaweni xapatsie mipai manuyine:

«¿Teiteri ketita metehiki pemiwara'erivaniki?

¿Teiteri waniwema ketita metehiki pemi'awairiki wahetsieme?

<sup>7</sup> Pekaniwarukayatsa niuki tuayamete wahepai memikatirikawiniki, kuruna pekaniwaranutimanirieni witsime'aneneti memakineki 'aixia memitexeyariekaki,

<sup>8</sup> naime pepitiyeturi mitiwata'aitianiki, xika Kakaiyari naime hetiana titipini».

Merikitsi, tixaiti pikaranuyuhayewa hetsiena mikati'aitaniki. Peru hiki 'akuxi ketemitewaxeya teiteri, naiti 'akuxi pikaha'iwariewe miki miti'aitaniki. <sup>9</sup>Ketsutsi xeikia ketemite'ixeya, miki yapaimexia kaniukayerieni niuki tuayamete wahepai mikatirikaiyeni, miki mitiukwinixiki kepauka mumi, kananutikurunatiarieni witsi'aneti mayaniki meta 'aixia mitixeyariekaki. Kakaiyari 'aixia mitiuka'iyariki mipai katiniuyini, muminiki tanaima tahetsieme.

<sup>10</sup>Miki naime katiniutsutiani, 'inetiaku katiniuneni naiti, 'aixia katiniuyurieni Kakaiyari, warawititi yumiireme yuniwema witsime'aneneti memakineki, meye'atiaki kemi'ane mitsutia memitawikweitsitarieniki, yatipitiati mitikwineki para maye'aniki. <sup>11</sup>Kemi'ane miwapata, meta memupatsie, xeimetsie mekaniyekine yunaiti, 'ayumieme pikayutewiya yu'iwama tiwaruteriwati <sup>12</sup>mipai 'utaiti:

«Ne'iwama nepitiwataxatiani kepemitiuka'iyari,  
'ahetsia miemete memayuxeirie wahixiapa ne'uweti  
nepimetsitaniawa».

<sup>13</sup>Mipai paine meta:

«Ne yuri nepiti'erieka hetsiena».

Mipai meta paine:

«'Ena xepinetsixeya, neniwema Kakaiyari minetsiyeturi».

<sup>14</sup>Merikitsi, raniwema 'axeikia mekaniyuxewini xeixuriyayari meta xeiwaiyari mehitititi, 'ayumieme mikita yaxeikia tahamatia yuxewiti kanayani, tahepai yemeki, mipai mitiuyuriki mumiki meta piyiwekai mika'unaniki kemi'ane tirikariya mexeya yemeki mitatsikwiniki Kauyumarietiti. <sup>15</sup>Piyiwekai meta miwaxinaki miki mexi me'ayenenierikai meuyewekai wairiyarika memite'uximayakaki mehe'eriwati kememitekwinekekai. <sup>16</sup>Kanimatsiikini niuki tuayamete miwaparewieniki pikanua, matsi 'Apirahami xiiyarimama pita miwaparewieniki. <sup>17</sup>'Ayumieme peuyewekai yu'iwama wahepai 'aneti mayeitarieniki naime hepaitisita, mipai 'aneti kaniyiwekaitini mawari wewiwamete tiwa'aitiwame mayaniki yatikamieti meta tiyukananimayati, Kakaiyaritsie mieme hiritarieti, 'itiya miwewieniki tita teiteri 'axamemite'uyuri hepaitisita. <sup>18</sup>Miki mitiukwinixiki mu'iniatsieki, kaniyiweni miwaparewieniki hipame mexi me'iniatsie.

### Ketsutsi pimariwe, Muiťsexi hepaina kamariwekaku

**3** <sup>1</sup>Merikite, ne'iwama xemupatsie Kakaiyaritsie mieme, 'axeikia xemuta'inierie kemi'ane taheima makawe xehahiawekaku, mipai mi'aneki 'ayumieme mipai nepaine, xekena'eriwani Ketsutsi, miki ni'ariekame kanayani meta mawari wewiwamete tiwa'aitiwame kwinimieme mitiuhiritiari, miki kanihikitini hetsiena tetewiyati temitahekiata. <sup>2</sup>Miki yakatinikamieni kemaine kemi'ane mihiritia, yaxeikia kemitikamiekai Muiťsexi, Kakaiyari kie kiekatari wahepaitsita hiritarieti. <sup>3</sup>Peru 'ikitsie pitunakixi matsi yemeki mariwemeki

mixeyarieniki, Muitsexi hepaina katixeyariewekaku, yaxeikia kii wewiwame waikawa mariweti kemitikuxaxatsiwa, wewiyaya hepaina katikuxaxatsiwakaku. <sup>4</sup>Kii naiti tewi pitiwewiyaya, peru kemi'ane tinai me mitiutiwewi, miki Kakaiyari kanihikitini. <sup>5</sup>Merikitsi, Muitsexi yapitikamiekai Kakaiyari kie kiekatari yunai me wahepaitsita kemitiuhiritiarie, peru tiparewiwame kanihikitikaitini xeikia mukayerie mitihekiataniki tita 'ariki mitikuxaxatsiwanikekai hepaitsita. <sup>6</sup>Kiritsitu pita yapitikamie kiekame nu'aya hikiti, Kakaiyari kiya hepaitsita kemitiuhiritiarie. Merikitsi tame kii tepihiki xika tetahayewa tekamamati 'aixia te'utiyuati tita temitekewie hepaitsita tekakuyuitariwati kepauka mitapareke.

### Kakaiyari teiterimama kememite'uxipitarieka

<sup>7</sup>Ayumieme kemaine 'Iyari Mitiyupata:

«Hiki xika xe'l'eni eni 'utaniukakaku,

<sup>8</sup>yu'iyari xepikatse'iriyani,

kememite'aki miki 'ana kepauka memiyukwitiwekai nehamatia

kememite'uyuri miki tukaritsie kepauka meminetsi'uta'iniataxi, makumawetsie me'u'uwati.

<sup>9</sup>Hakewa xetutsima meminetsihe'iniatatiwekai,

tsepaneti ne'uximayatsika memixeyakai huta tewiyari wiyari.

<sup>10</sup>'Ayumieme nepuyeha'a 'ana miemetexi wahepaitsita,

mipai neputayi: “Yuheyemeki yu'iyaritsie mekaneuyexiriweni, nehuye, 'atsimepikatehetimaiwawe”.

<sup>11</sup>'Ayumieme mipai nepitinehiritia neha'ati, mipai ne'utaiti:

“Yemeki mepika'aye'axiani hakewa nemiwareka'uxipitiani”.

<sup>12</sup>Xekeneyukweriwayurieka, xeme ne'iwama, kapa xewiti xeme 'iyarieya 'axa'aneniki, kapa yuri kati'eriekaki 'ihayewamiti Kakaiyari mayeni. <sup>13</sup>Matsitsi xexuime tukaritsie xekeneyutuikani mexi 'akuxi hiki tukari xuawe, kapa xewiti xeme yu'iyari 'utse'iriyaki, tita 'axamiti'ane xekwamanakaku. <sup>14</sup>'Axeikia tepitaxewi Kiritsitu hamatia xika yuri tete'eriet tetahayewa, matiaripai yuri ketemite'uta'eri, tekakuyuitariwati kepauka mitapareke, <sup>15</sup>mipai kemanuyine:

«Hiki xika xe'l'eni eni 'utaniukakaku,

yu'iyari xepikatse'iriyani

kememite'aki miki 'ana kepauka memiyukwitiwekai nehamatia».

<sup>16</sup>¿Kehate mepiyukwitiwekai hamatiana tsepa memi'enieikai? Miki mekanihikitikaitini yunaiti 'Ekipitu kwieyaritsie memeyeki Muitsexi warawitikikaku. <sup>17</sup>¿Merikite, kehate wahepaitsita piha'akai huta tewiyari wiyari? Miki mekanihikitikaitini 'axamemite'uyuri 'ana, miki wakaxari makumawetsie puyuhayewaxi me'ukwiku. <sup>18</sup>¿Merikite, kehate tiwarahiaweti puyuhiritia, mipai 'utaiti kename meka'aye'axianikekai yemeki hakewa miwareka'uxipietianikekai? Miki mekanihikitikaitini yuri memikate'eriekai. <sup>19</sup>Merikite 'ayumieme mipai tepitemate, mepuyutatexi me'aye'axianike yuri memikate'eriekaiki miki.

### Kakaiyari teiterimama wa'uxipiya

**4** <sup>1</sup>Merikitsi niukieya puxuawe 'akuxi kemutayi kename tewi yiwe maye'aniki hakewa meika'uxipitiani, 'ayumieme tekemamaka kapa xewiti xeme ka'aye'aweme hepai tixeyariekaki. <sup>2</sup>Tametsieti niuki 'aixia manuyineki tepite'utaxatarie yaxeikia miki wahepai, peru miki niuki memu'eni 'atsipikawaruyuri, memikayutaxewiriyaxiki miki memi'enieka wahamatia yuri memikate'uta'eriki. <sup>3</sup>Tame pita yuri temite'uta'eri tepaye'axiixime hakewa mitatsiheka'uxipitiani, mipai kemutayi:

«Hiki neha'ati, mipai neputayi:

“Hatsuaku nehetsia mepikaye'axiani

hakewa nemiwareka'uxipitiani kekaitsie”».

Mipai putayi tsepaneti 'uximayatsikaya miniriekai kwie munetiarietsie paiti, <sup>4</sup>xapatsie niuki puxuawe miki 'atahutarieka mieme tukari mixata mipai 'anuyiti: «Kakaiyari 'atahutarieka tukaritsie kaniuka'uxipieni 'inika yu'uximayatsika naime». <sup>5</sup>Mipai paine meta: «Yemeki mepika'aye'axiani miki hakewa nemiwareka'uxipitiansie».

<sup>6</sup>Merikitsi 'uxipiya 'akuxi puxuawe hipati yamemite'aye'axianiki, peru miki matiari niuki 'aixia manuyineki mipai memitekihiawariwakai mepika'aye'axia yuri memikate'eriekaiki. <sup>7</sup>Tawarita xeime tukari kaniupata: «Hiki miteriwarie», Rawiri xapayatsie mipai putayi miixa wiyari 'anuyeyaku, yaxeikia meripai kemutayi mipai 'utaiti:

«Xika xeme hiki niukieya xe'l'enieni,

yu'iyari xepikatse'iriyani».

<sup>8</sup>Xika miki Kutsuhexi wareka'uxipitiani ke 'ana, Kakaiyari 'atsipikahainenikeyu xeime tukari hepaitisita 'arike maye'anikekaiki.

<sup>9</sup>Ayumieme 'uxipiya tukari puxuawe 'akuxi Kakaiyari teiterimama wahetsiemieme. <sup>10</sup>Kemi'ane maye'a hakewa meika'uxipitia, miki pu'uxipie yu'uximayatsika 'unika, yaxeikia Kakaiyari kemitiuka'uxipi yu'uximayatsika 'unika. <sup>11</sup>Ayumieme teketamexiitiaka temaye'axianiki hakewa mitatsiheka'uxipitiani, xewiti kapa 'atiweniki kapa matsiikiniki hetsiena yuri kemikati'erie yaxeikia miki wahepai.

<sup>12</sup>Kakaiyari niukieya payenieme meta pitirikaiye, 'aixia pireutikekema, hepaina kareutikekemakaku 'ixipara tsepa naitisata meutixikakauni. Pitixiteke 'ipatati ratukari meta ra'iyari, raturuyari meta ratutanayari naime, pi'iniata tewi kemitiyumate kemitiyu'iyaritia yu'iyaritsie. <sup>13</sup>Tsepa kemitiitita munetiarietie pikayiwe mi'awietsiekaki miki kemitixeyia, naitiri matsi pimatsiiki panutiyepiya kemi'ane mitatsitahiawe 'ixeyiakaku.

### Ketsutsi mawari wewiwamete tiwa'aitiwame kanihikitini kwi mihiritiarietie mimariwe

<sup>14</sup>Merikitsi tepeixeyia mawari wewiwamete tiwa'aitiwame kwiniemieme mihiritiarietie mimariwe muyuawi heima manutitia Ketsutsititi Kakaiyari minu'aya, 'ayumieme tekeyuhayewani yatetetahekiatati hetsiena ketemitewiya. <sup>15</sup>Mawari wewiwamete tiwa'aitiwame ketemite'ayexeyia,

tepikaheixeiya kemi'ane mikayiwe tahepai mitiyumaikaki ketemitewerarani tame, tepeixeiya pita kemi'ane naime hepaitsita mu'iniatsie yaxeiika tahepai, peru 'axakatiyurieweti. <sup>16</sup>Ayumieme tekamamati 'ahurawa teke'akine kemi'ane 'aixia mitiuka'iyari 'uwenieya manuwe 'aurie, teminenimayatsiekaki, temiparewiyaniiki kepauka mipai temiteheuyehiwa, miki 'aixia tiuka'iyarikaku.

**5** <sup>1</sup>Mawari wewiwamete tewa'aitiwamete teiteri watsata mekananuyexexeyariwani yunaiti, mekaniukayatsarieni Kakaiyari hetsiemieme memihiritiariekaki, teiteri wahetsiemieme memixatianiki 'imikieri mawariyari, meta mawarite tita 'axamemiteyurie hepaitsita. <sup>2</sup>Kaniyiweni 'atsimemikatemate meta memeuyexiriwe wanenimayati miwatahiaweki, mikita weraniti 'amuyeikaki wahepai. <sup>3</sup>Mipai mi'aneki 'ayumieme kaneuyeweka mawari Kakaiyari mixatianiki teiteri tita 'axamemiteyurie hepaitsita, mipaita pireuyewetse mawari miwewieniki yikimana tita 'axamitiuyuri hepaitsita 'aixia miyurieniki.

<sup>4</sup>Miki meta, tewi yikimana pika'uyukaye 'ipai mitihiritiariekaki, matsi Kakaiyari yarenayexeyaku xeikia pukayerie 'Aruni hepai. <sup>5</sup>Yaxeikiata Kiritsitu witsi'aneti pika'ayueitia yikimana mawari wewiwamete tiwa'aitiwame mayaniki, matsitsi mipai pitipitia kemi'ane mipai mititahiawixi:

«'Eki pepineniwe.

Hikiri nekamaniutinuiwitiani».

<sup>6</sup>Kemaine xeime xapatsieta:

«'Eki mawari wewiwame pekanihikitini yuheyemeki mieme, Merikitsereki hepai».

<sup>7</sup>Kiritsitu mexi tewititi 'a'uyeikakai karima kaniyutanenewieni hahiwati 'utatsuati, kanitawawirieni kemi'ane miyiwekai mitawikweitsitianiki kapa 'uminiki, pu'enierie Kakaiyari mariweme mayeitiaki. <sup>8</sup>Tsepa nu'aya mihikitikai, tiukwineka yapiretima yamitikamieniki, <sup>9</sup>mipai raye'atariieka, yuheyemeki memitawikweitsitarieniki wapitiati kanayani, yunaiti yamemitekahu kemaine, <sup>10</sup>Kakaiyari kanenayexeiya mawari wewiwamete tiwa'aitiwame mayaniki Merikitsereki kemitiuhiritiarie hepai.

### **Kemitiwaku'imaiyakai memikatehayewaniki yuri mete'erieti**

<sup>11</sup>Miki Merikitsereki hepaitsita waikawame niuki mikwaniwe tepeixeiya yatemitexehikiatsitiiyaniki, xeme xemi'u'iraraxieki kexemite'u'enana.

<sup>12</sup>Kamitsi, mipai pireuyewetse matsi te'ikitamete xemihikitiniki, miixa manuyetiakiri yuri xemite'uta'eri, peru xekaneiyehiaka kemi'ane hutarieka mitsutiani tixe'ikitiati tsutiapai mieme 'ikitsika Kakaiyari kemaine, hekwamete kememite'ikitiarie. Retsi xeheuyehiati xekanakine, 'ikwai mitirikaiye xekemati xepika'akiniwawe. <sup>13</sup>Yunaiti retsi memitsitse mepika'iyamatika niuki miheitserie hepaitsita, mepitiiri 'akuxi. <sup>14</sup>'Ikwai mitirikaiye 'amemuyumate wahetsie kanimiemetini, miki memi'iyamatikaki yu'iyaritsie memiteyi'ikitiawaweki para memipataniki tita 'aixia miti'ane tita 'axamiti'ane, miki wahetsie pimieme.

**6**<sup>1</sup> Merikitsi peuyewetse temitehayewaniki hiki tetekuxatati tsutia mieme niuki hepaitsita Kiritsitu hepaitsita manuyine xeikia, tepuhuni pita temaye'axianiki. Tawari tenari tepikatawewieni kitia mieme, mipai tepikatekuxatani kemireuyewetse tewi mitihayewaniki kemitiyurienekai kimana miminikekai, kemireuyewetse yuri mitita'erieniki Kakaiyari hetsie. <sup>2</sup>Mipai tepikate'ikitani hiki 'iyarika hepaitsita, tewitsie kememite'utimeme hepaitsita, mikite kememite'anuku'uni hepaitsita, yuheyemeki 'itsikame kemitiwaranutaxirieni hepaitsita. <sup>3</sup>Merikite, temaye'axianiki tepuhuni, xika Kakaiyari mipai tatitaunieka.

<sup>4</sup>Miki heiwiame me muhekiariyarie, yuhetsiemieme memetima miki 'imikieri taheima mimieme, 'Iyari Mitiyupata mehexeiyati memaki 'axeikia tahepai, <sup>5</sup>yikimana mipai memitehetima 'aixia kemiti'ane Kakaiyari niukieyatsie meta tirikariya memetima tukari 'umamietsie mieme, <sup>6</sup>miki xika mete'uhayewa 'axakememiteyuriekai, mepikayiwawe tawari memihewariyarieniki para memitehayewaniki kememiteyuriekai. Miki matsi kuruxitsie mepimi Kakaiyari nu'aya yikimana, matsiikime mepeyeitiwa minanaimarieniki.

<sup>7</sup>Kamitsi, kwie xika wiyeri yatihareka hetsiena mukawiwie, xika 'itinetiani tupiriya 'aixia mi'anene 'etsamete wahetsiemieme, Kakaiyari 'aixia pitipitia.

<sup>8</sup>Mexika kwie xika xuya witsaxa 'utinetiani pixani'eriwa pita, pikweriwa'ane hepaitsitana mitikuxaxatsiwaniki para 'axami'ititarieniki, mitataiyarieniki pi'ayumieme xeikia.

<sup>9</sup>Perutsi tsepa mipai temaitika, matsi 'aixia 'anemeki kename xeteyurie yuri tepite'erie xehapaitsita tanaki'erima, kename xetawikweitsitariexime.

<sup>10</sup>Kakaiyariri mipai pikayiane kemi'ane heitseriemeki yamikatikamie hepai, pikaxetimaiya kexemite'uximayakai kexemiteyuhekiataakai xeteyukanaki'erieti xeme'eriwakaiki, kexemiteyukanaki'eriekai pimatsiikikai xemiwaparewiekaiki teiterimama, hikita kexemitewaparewie. <sup>11</sup>Mipai pitatinake, yuxexuiti xeme xemiyuhekiataniki yaxeikia xeyumexiitiati yemeki yuri kexemite'erie, xeta'ikwewati kepauka mitapareke. <sup>12</sup>Peuyewetse xemikayu'iraraxiekaki, matsi peuyewetse xemiwa'ikeniki miki yuri mete'eriekaku 'emetewewikaku mekawairipieti, miki wahetsie mitinakirime tita memitehahiawariwakai kename meheixeyanikekai.

### **Kemitiyuritikai Kakaiyari kemitiwarutahiawekai**

<sup>13</sup>Kakaiyari kepauka mipai 'Apirahami mitiutahiawixi tita mirexeianikekai hepaitsita, xewiti matsi waikawa mitirikaiyekai 'apika'uyeikakai Kakaiyari mixataniki yihiritiati, 'ayumieme yuxatati yikimana puyihiritia mipai 'utaiti: <sup>14</sup>«Yemeki 'aixia nekameniyuriekamiki, 'anuiwarima yumiireme nekaniwarayeitiamiki». <sup>15</sup>Mipai 'ereutereka ta'ikwewati kawairipieti 'Apirahami, kemitiutahiawarie, heixeyati kanayani.

<sup>16</sup>Teiteri kepauka memiyihiritia, mepixata kemi'ane matsi waikawa mitirikaiye, naimeki xika yuhiritiani, mikiki pitseiriyarie niuki, mikiki pinirie niuki xiatarika. <sup>17</sup>Ayumieme Kakaiyari yaxeikia pituyuri kepauka muyuwairi matsi heitseriemeki miwahekiatsitiiyaniki miki wahetsie

mitinakenikekai tita memitehahiawaruwakai, mipai memitemaikaki kemikatipatsiewe tita mitiyurimiki, 'ayumieme pitaxewiriyaxi yuniuki yihiritiati. <sup>18</sup>Tame 'ayumieme tita mikatipatsiewe tepexeiya hutame, miki hepaitisita Kakaiyari pikayiwe mitati'itaiyaniki, mikiki 'ayumieme tirikaiyemeki tekanituikarieka, tame temitata'unaxi te'iwiyati tita temitekwewie. <sup>19</sup>Mipai xika teteta'ikwewani yuri tete'erieti, tepeixeiya tiyuhaname tatukaritsie mieme mitatsitseiryaniki, pikahateke pitse'i, Kakaiyari manuwetsie pitiwiya, tukieyatsie mieme 'ixuriki reunakame warie peutahawe, <sup>20</sup>hakewa tahetsiememe meutaha Ketsutsi tatsi'anuyehaitiyati, mawari wewiwamete tiwa'aitiwame 'ayaka yuheyemeki, Merikitsereki hepai mitiuhiritiarie.

### Merikitsereki kemitiuhiritiarie mawari wewiwametiti

**7** <sup>1</sup>Miki Merikitsereki, tsaremetari pitiwa'aitiwametikai, Kakaiyari 'Amutewi mawari wewiwameya pihikitikai. Kepauka 'Apirahami 'akunuaku te'aitamete wara'iwaka, miki manukunakixi, 'aixia putayi hepaitisana para 'aixia mi'itiarieniki. <sup>2</sup>Miki 'Apirahami tita mitiwarunawairi naimetsie mieme yapaimeme tamamatatsie mieme xeime pitimi. Merikitsereki taniukiki «ti'aitame heitseriemeki yamitikamie» kananuyiyeni, «tsaremetari tiwa'aitiwame» kananuyineni meta, «ti'aitame 'aixia memiteyuxeiyani mitiwapitia» kananuyineni. <sup>3</sup>Yupaapa yumaama yumarema pikawarexeiya, pumawe niuki kemititsutia 'ayeniereti, kemitiutixi tukarieya hepaitisita, Kakaiyari nu'aya hepai kani'aneni, mawari wewiwame hikiti 'akaniuweni katihayewati yuheyemeki.

<sup>4</sup>Merikite, xekena'eriwani mawari wewiwame kemitiuhikitikai miki, 'atsita kemi'ane mitatutsitikai 'Apirahamititi tamamatatsie timieme xeime pitimi tita kuyaxi mitiwarunawairitsie timieme. <sup>5</sup>Merikitsi, hipati Rewi xiyarimama mawari wewiwameki memihiritiarie, miki 'aitiarika mekanexeyani tamamatatsie mieme xeime memiwawawirikaki teiteri yu'iwama 'iniari niukiyari kemaine, tsepa mikita yu'iwama wahepai 'Apirahami hetsie memiyeki yunaiti. <sup>6</sup>Merikitsereki matsi 'atsipikatiwamaretikai, peru 'Apirahami tamamatatsie mieme xeime pitimi, mikita 'aixia putayi hepaitisana para 'aixia mi'itiarieniki, kemi'ane mitiutahiawarie tita mitipitiarienikekai, miki hepaitisita mipai putayi. <sup>7</sup>Niuki pikayu'uxinia, kemi'ane matsi mitirikaiye kanihikitini 'aixia maine kemi'ane hepaina mikatirikaiye hepaitisita, miki 'aixia mi'itiarieniki. <sup>8</sup>Miki meta, 'iki teiteri memikwiwawe mepitanaki'eri tamamatatsie mieme xeime, miki pita mipai xeikia pitihekiatsie kename 'ayeniere. <sup>9</sup>Piyiwe mipai mitayini, Rewi xiyarimama kemi'ane hiki tamamatatsie mieme xeime memiki'itiriwa, mikita yakatinayukatuanu 'Apirahami hetsiememe. <sup>10</sup>Rewi yupaapatsie pikayeyiwekai 'akuxi kepauka Merikitsereki menunakixi.

### Ketsutsi, Merikitsereki hepai mi'ane

<sup>11</sup>Merikitsi teiteri 'iniari niukiyari memupitiarie Rewi xiyarimama mawari wewiwamete memihikitikai, xika tewi yiwenike maye'aniki mawari



wewiwamete mehikitikaku miki, ¿titayari reuyewekakeyu xewiti mawari wewiwame yiki 'aneti manukukeniki Merikitsereki hepai tihiritarieti, 'Aruni hepai katihiritarieti mitahiawarieniki? <sup>12</sup>Mawari wewiwamete wa'iniari xika 'upatsieni, peuyewetseta 'iniari niukiyari mipatsieniki. <sup>13</sup>Kemi'ane hepaitisa mipai mitikuniuwa, miki xeime nuiwaritsie kaniemetikaitini, miki nuiwaritsie mieme xewiti mawari pikawewiwe hatsuaku. <sup>14</sup>Kanimatsiikini Tati'aitiwame Kuratsie miyetiaki, tsepa miki nuiwari hepaitisa Muisexi 'atsimikahainekai kename memawari wewiwametetinkeyu.

<sup>15</sup>Miki meta, matsi 'akuxi mipai katinimatsiikini xika mawari wewiwame 'anukukeni yiki mi'ane Merikitsereki hepai 'aneti. <sup>16</sup>Miki pika'ukerie 'iniari mipai mitiuta'aitaxiki kename raniwetiti heitserie hexeyani, matsi pukerie mitirikaiyeki tukarieya mikaxiweki. <sup>17</sup>Mipai pitihekiatsie:

«'Eki mawari wewiwame pekanihikitini yuheyemeki mieme, Merikitsereki hepai».

<sup>18</sup>Aitsika meripaiti mimieme payeyetiari miweranikaiki tixaiti mikatiyunaki'eriekaiki, <sup>19</sup>'iniari niukiyari hatsuaku tewi 'aixia pika'uyuri. 'Utixani'eriwaku tepupitairie tita matsi 'aixia miti'ane mipai pita temiteta'ikwewaniki. Mipai teteta'ikwewati 'ahurawa tepakika Kakaiyari hetsia.

<sup>20</sup>Miki Kakaiyari mipai pitiyuhiritia kename xeime mawari wewiwame tehexeyanikekai yiki'aneme. Hipati mawari wewiwamete mepukayatsarie Kakaiyari yakatiwahiritiakaku, <sup>21</sup>peru miki kemitiukayerie, kemi'ane mitahiawixi kaniyihiritiani mipai 'utaiti:

«Ti'aitame yaputayi kename yatikayani, miki pikatihayewa meta pika'ipata:

“Eki yuheyemeki pekanimawari wewiwametini”».

<sup>22</sup>Ayumieme yaxekia Ketsutsi kanitatseiriya xeime tiratu matsi mitirikaiye.

<sup>23</sup>Ana miemete mawari wewiwamete mekaniumiirekaitini, peru mekwikwi'iti mepikapitiariekai memiyuhayewaniki. <sup>24</sup>Peru Ketsutsi miki yuheyemeki 'amuyeikaki kanimawari wewiwametini, hiritiarikaya mikayupataki. <sup>25</sup>Ayumieme kaniyiwani miwatawikweitsitaniki yuheyemeki miki 'ahurawa memakika Kakaiyari hetsia miki waparewiekaku, yuheyemeki 'ayeniereti piyiwe yamitiwawiriekaki wahetsiemieme.

<sup>26</sup>'Aixia kaniuyinita temeixeyaki mawari wewiwame mipai mi'ane. Patsieti, 'axakatiyurieneti, katsewiximarieti, 'axateyuruwamete wahamatia kayuxewiriyati, muyuawi heima hanutiyeikati. <sup>27</sup>Miki mawari wewiwamete tewa'aitiwamete wahepai pika'ane, pikahauyewetse tukariki mawari mitiwewieniki yuhetsiemieme meri 'axamitiuyuriki, 'ariketa teiteri 'axamemite'uyuriki. Matsi xeimieme 'aixia piyuri kepauka mawari mayuyeitia yikimana. <sup>28</sup>'Iniari niukiyariki mekaniukayatsarieni mawari wewiwamete tewa'aitiwamete peru memiwerarani. Miki niuki kimana muyuhiritia, 'iniari niukiyari tsepa mutaxatsie meri, mikiki pita kaniukayerieni nu'ayatiti maye'atariewe yuheyemeki 'amuwe.

**Tiratu kemitiyetuiriyarie kemiti'atia hekwame**

- 8<sup>1</sup> Merikitsi matsi 'akuxi kaneuyeweka yamitayiniki, mipaita mi'ane tekanexeyiani mawari wewiwamete tiwa'aitiwame, miki mana paya muyuawitsie, hakewa mire'aita kemi'ane mimariwe, miki tserieta paya.
- 2 Hakewa miemekie mepatsie, piti'uximaya mana, kemi'ane yuriki tuki mihikita, kemi'ane Ti'aitame mitawewi, tewi pika'itawewi, mana pita piti'uximaya miki.
- 3 Merikitsi yunaiti mawari wewiwamete mekanuuti'uitiarieni mawari memiyetuayaniki, 'ayumieme kaneuyeweka mikita tixaiti mirexeiyani mitixatianiki.
- 4 Matsi xika kwiepa 'uyeikanike, mawari wewiwame pikahikitinikyeu, 'amemu'uwaki hipati pita mawari memiwewieniki kemaine 'iniari niukiyari.
- 5 Peru miki hakewa memitehetimawa, miki pi'ike xeikia tita taheima mitimieme, peru pikahiki, 'etiriyaya hepai xeikia pi'ane, yaxeikia pi'ane hiki, kemitiutahiawarie Muisexi kepauka mitaketianikekai 'ixuriki tukiyari, yatikihiawekaku: «Kene'akweriwayurieka pemitiwewieniki naime yaxeikia peti'iketi 'iniari kepemitiuta'ikitiarie yemuritsie pe'uweti».
- 6 Hiki matsi Kiritsitu tiratu 'aixia mi'ane kaniyetuiriyarieni kani'atiani, tiratu meripaiti mieme 'aixia mika'aneakaiki hepaina. 'Ayumieme mawari wewiwame kemitihiiki, witsipitihiritiari, meripaiti miemete witsimemikatehiritiariakaiki hepaina, tiratuya meta niuki mits'e'itsie pitiwiya, Kakaiyari tirikaiyemekii mipai mutayiki kemitiyurieni, peru meripai mieme tiratu hepaina pikatse'ikai.
- 7 Miki tiratu meripaiti mieme xika 'aixia 'anenike, xika kareuyewekake miniukimariakaki, tawari pikahauyewekakeyu xewiti.
- 8 Tsiepire kaniwaniukimaka teiteri mipai maineki:
- «Kami tukari kanaye'amiki —mipai kanaineni Ti'aitame—,  
'ana tiratu mihekwa nepiwapitiani  
'Ixaheri xiiyarimama  
meta Kura xiiyarimama.
- 9 Miki tiratu wapaapama nemiwarutawewiri hepai pika'aneni meripaiti kenemititawewi kepauka wamamatsie nemiwaruwiwaxia newareyewitinike 'Ekipitu kwieyaritsie, miki netiratutsie yamepikatekahukai, 'ayumieme neta nepiwaratimayaxi
- mipai paine Ti'aitame—.
- 10 Peru mipai paineta Ti'aitame:
- «Tiratu kenemitiwatawewirieni 'Ixaheri xiiyarimama:  
Miki tukari 'aye'ayu ne'iniari niukiyari wa'eriwametsie nepiwapitiani,  
meta wa'iyaritsie nekanika'utiamiki.  
Ne wakakaiyari nekanihikitikamiki,  
mikita neteiterima mepihikitini.
- 11 Pikayiweniri xewiti yuhepai tewi miti'ikitiakaki, meta yu'iwa mipai haiti: “Ti'aitame kenetimati”.
- Kariki yunaiti, 'etsimemuyumate meta 'amemuyumate mekanenimatekakuni.

<sup>12</sup> Ne nepitiwareuyehiwirieni 'axakememite'uyuriki,  
tawari nepikaheye'erieni ke'axamemite'uyuriki».

<sup>13</sup> Merikite «tiratu yiki mi'ane» xatati, meripaiti mieme putayeitia, tita mititaye'itire mitiwerani meripaiti mitimieme, miki kwiti pitaxini.

### Tuki kwiepa mieme meta tuki taheima mieme

**9**<sup>1</sup> Miki tiratu meripaiti miemetsie metewiyati, mepeixeyakai 'iniari kememite'eyexeianiki manuyinekai, tukita mepexeiyakai mipatsiekai 'ena kwiepa. <sup>2</sup> Miki 'ixuriki tukiyarita, Muyepatsieta muwa puwekai kixeme 'uitiwame, 'akatsiya mexayari meta paa mipatsietika. <sup>3</sup> 'Ixuriki hutarieka meuwiekai warita, Waikawa Muyepatsie katiniuyetewakaitini. <sup>4</sup> Muwa putiwekai 'ikwa witsimu'ia mexayari huruki wewiyati, kakuni meta tiratu mi'iniariyaritikai huruki heuwetsitarieti herie. Kakunitsieta mana piyekatei huru xariyari manana payari muyemanekai, 'Aruni 'itsiya mutaxutui kakunitsie piyekateita, tete 'etsimitsuye mana piyekatei tiratuki miraye'uxakai. <sup>5</sup> Kakunitsie mepa'ukai Kakaiyari teitamete Kakaiyari xawatiriyaya mehexeyati, miki mekani'etiriwiyakaitini 'iniari kimana mixinarieniki. Pikayiwe naimeki hiki temitekuxataniki miki hepaitisita.

<sup>6</sup> Miki naiti mipai tiuniriekua, mawari wewiwamete 'ixuriki tukiyarita matiari 'ixuriki meuwieta tukariki mekaneutahakeni yametekahuti yu'uximayatsiksatie. <sup>7</sup> Peru 'ixuriki hutarieka meuwieta xeiwiyari 'aye'axekaku xeikia kaneutahakeni yuxaitame mawari wewiwamete tiwa'aitiwame, kepauka mana meutahake, xuriya 'a'iti xeikia piyiwe, pitimawa meri 'aixia miyurieniki yuhetsiemieme, 'ariketa pitimawa 'aixia mitiyurieniki teiteri wahetsiemieme 'axamemite'uyuriki 'atsimekatemaiti, 'anarike tiutimawaka mana peutahake. <sup>8</sup> 'Iyari Mitiyupata mipai katinihekiatani, huye 'akuxi pikamatsiiki tewi maye'aniki hakewa Waikawa Muyepatsieta mexi 'a'uwe miki tuki. <sup>9</sup> Miki tuki 'iniari patia, tita hiki mitimieme, miki pitihekiata, miki tuki kemi'ane, 'imikieri mawariyari yapitiuxatiariwa, tsepa mikayiwe kemi'ane mitiutimawa 'aixia muyurieniki, 'iyarieya mika'itiate'aniki. <sup>10</sup> Kememite'ayexeiya, yamepitekahu kemitiu'aitsie rawaiyari hepaitisita, mepe'eriwa kememite'utikwa'a, kememite'utiye'e, kememiteyukananaima, kemitiuka'iwa xeikia, 'aitsika mipai miti'aita putaxatsie mexi tukari ka'aye'awekai naiti mitihekwareki.

### Kiritsitu xuriyaya

<sup>11</sup> Peru Kiritsitu kaninuani, mawari wewiwamete tiwa'aitiwame hikititi, kani'atiani tita 'umiramiekai 'aixia miti'ane, tukita peutaha, peru tukieya 'aixia pi'ane matsi, paye'axe, mamaki pikawewiya ('ena kwiepa pikamieme), <sup>12</sup> miki tukita kepauka meutaha, tsipuri tsikerutsixi waxuriya 'a'iti pikayianekai, yuxuriya pita 'a'iti xeimieme xeikia mana kaneutahani Waikawa Mipatsieta. Mipai tiuyurieka pitatsi'utixinaxi taheyemeki temixixininiki. <sup>13</sup> Meripaiti tsipuri tuurutsixi waxuriyaki, tsikeru mumierie mutataiyarie naxiyari kwamariyariki, mikiki mepiki'iyariwakai teiteri, kemi'ane mika'itiya, mikiki mepipatsiekai, yuwaiyaritsie memi'itiyatikani. <sup>14</sup> Merikitsi xika mipai 'anekaitini, matsi waikawameki katati'itieni Kiritsitu

xuriyaya, miki mawari 'aixia mi'ane kanayuyeitiani mixatianiki Kakaiyari, 'Iyari yuheyemeki 'amuyeika mipai tipitiakaku, miki xuriyaya katani'itieka ta'iyari mikatatsi'utate'aniki kemitatiutate'akai kepauka mipai temiteyuriekai kimana temitekwinekekai, te'uitiyaka, Kakaiyari mayenieretsie mieme tete'uximayati tepaki.

<sup>15</sup>Ayumieme miki kanihikitini kemi'ane mi'atia tiratu hekwame, miki memuta'inierie meheixeyati memakineki tita yuheyemeki wahetsie mitinake kememite'utahiawarie, mipai katiniuyurieni kepauka mumi, piwarunanai miwaxinaki teiteri memititsanaxiki 'iniari mexi 'a'uwekai meripai mieme tiratu.

<sup>16</sup>Tewi xika tiratu 'utawewieni yupiinite hepaitisa, keyupaimeme mitiwamini kepauka muminitsie, kaneyeweka mihekiareki kename 'umi, 'arikeke kanitseirimiki miki tiratuya. <sup>17</sup>Tiratu mipai mi'ane 'aixia miyiniiki, peuyewetse tewi miminiki meri, miki niukieya 'atsipikayiwe mexi 'akuxi 'ayeniere kemi'ane mitawewi. <sup>18</sup>Atsita miki tiratu meripai mieme kepauka mutawewiya, xuriya putayeuria. <sup>19</sup>Muitsexi 'ana katiniwarutaxatiani yunaime teiteri naime 'aitsika kemitu'aitsie 'iniari niukiyariki, 'arike tsikerutsixi tsipuri waxuriya haa kaniuniitiani, hitsupu xawari 'anahiaka wita mitairaiyeki, miki xuriyaki kaniwaru'iya teiteri yunaime, meta 'iniari niukiyari xapayari, <sup>20</sup>mipai 'utaiti: «'Iki xuriya tiratu 'iniariyari kanihikitini, kemitixe'utawewiri Kakaiyari». <sup>21</sup>Yaxeikia xuriyaki 'ixuriki tukiyari kaniu'ya, xakirite meta naime, mikitsie mitiutimawariwa. <sup>22</sup>'Iniari niukiyari kemaine, naiti xuriyaki katiniti'itiwani, xika xuriya katayeuriwani pikareuyehiwyarieni.

<sup>23</sup>Merikitsi, kaneyewekakaitini mi'itivaniki tita miti'ikitsika, mi'ikeki tita taheima mitimieme, peru tita taheima mitimieme, miki mawari matsi yemeki 'aixia mi'ane kaniu'itiani pita. <sup>24</sup>Kiritsitu Tuki Mipatsieta pikahautaha mamaki miwewiyata, yuri tuki 'ikiyarita, miki 'ikitsikayarita pikahautaha, matsi muyuawitsie miemeta pita kaneutahani, hiki Kakaiyari hixie kaniuyeikani, tahetsiemieme mitaniuniki. <sup>25</sup>Miki meta, kepauka mana meutaha miixa mawari 'ayuyeitiwati pikayianekai, mawari wewiwamete tiwa'aitiwame kemireutahake Tuki Waikawa Muyepatsieta xeiwiyari 'anuyeyeikakaku, xeime xuriyaya 'a'iti. <sup>26</sup>Xika 'aku mipai 'anenike, miixa piminikeyu kwie munetiarietsie paiti. Hiki matsi xeimieme xeikia matsiikiti kanayani tukari taxiximekaku, mitayeitianiki tita 'axamiti'ane, mawari mayuyeitiaki. <sup>27</sup>Teiteri wahetsie katininamikiki xeimieme memikwiniki, 'ariketa 'itsikame kaniwatahiawimiki. <sup>28</sup>Yaxeikiata Kiritsitu mekanixeyakuni miki memikwewie, kaniwatawikweitsitiamiki. Kemi'ane xeimieme mawari mayeitiarie hetsiena mitiuhiiwaniki tita 'axamemite'uyuri yuwaikawati, miki 'arike mekanixeyakuni tita 'axamiti'ane kaxuawekaku.

### **Kiritsitu kemititayeitia tita 'axamiti'ane, mawari mayuyeitiaki**

**10** <sup>1</sup>Miki 'iniari niukiyaritsie kanimatsiikini tita 'aixia ti'aneti 'umiramie, peru 'etiriyari hepai katinimatsiikini xeikia, yemeki hepaina pika'ane ke'aixia mi'ane. Miki mawari yuheyemeki mukuxatiariwa

xeiwiari 'anuyeyeikakaku, miki hatsuaku pikayiwe miwaraye'atianiki miki 'ahurawa memakika. <sup>2</sup>Mexika waraye'atianike, ¿mekatehayewakeyu memitemawatiwekai? Wa'iyari puwarutate'anikeyu tita 'axamemite'uyuri hepaitisita, xika xeimieme me'uitiyanike miki miya memite'ayexeiya.

<sup>3</sup>Matsi miki mawariki xexuime wiyaritsie mepaye'eritariwa 'axamemite'uyuriki. <sup>4</sup>Tuurutsixi meta tsipuri waxuriya pikayiwe tewi tita 'axamitiuyuri menuyeitiirieniki.

<sup>5</sup>Ayumieme kepauka kwiepa munuanikekai mipai kaniutayini:

«Mawari pepikanaki'erie kepemitixatiarie,  
matsi, pepinetsi'ukuha'aritiiri newaiyari.

<sup>6</sup>Mawari taiyariyariiki pepikanaki'a,  
meta mawari menuyeitianiki tita tewi 'axamitiuyuri,  
miki pikamatsinake.

<sup>7</sup>Ana mipai neputayi: “Kamitsi ne

—kemire'uxa xapa mikwikwiyatsie nehapaitsita—.

Nekaninuani yanemitiyurieneniki kemimatinake 'eki Kakaiyari”».

<sup>8</sup>Merikitsi matiari mipai paine: «Mawari meta 'imikieri pepikanaki'erie kepemitixatiarie, mawari taiyariyari, meta mawari tita tewi 'axamitiuyuri miranuyeitiani, mawari mixatiarie kemaine 'iniari, mikiki pepikanaki'a».

<sup>9</sup>Ana kwitita mipai kaniutayini: «Kamitsi ne nekaninuani yanemitiyurieneniki kemimatinake». Kaniyayitiani matiari mieme, mitatseiriyaki hutarieka mieme. <sup>10</sup>Mipai mitinakeki, 'ayumieme tepupatsie tame, mawari mayeitiarieki xeimieme Ketsutsi Kiritsitu yuwaiyaritsie 'uyeikati.

<sup>11</sup>Yunaiti mawari wewiwamete tukariki mana mekaniuti'uka mete'uximayati, mawari yaxeikia 'aneme me'ixatiati, miki mawari hatsuaku mikayiwe mitatsi'anuyeitiirieniki tita 'axatemite'uyuri. <sup>12</sup>Peru Kiritsitu, mawari 'uwewieka xeimieme mita'anuyeitiirieniki tita 'axatemite'uyuri, mawarieya yuheyemeki 'aixia miyuriki, 'ayumieme miki Kakaiyari tserieta kanayerini. <sup>13</sup>Hiki xeikiari pita'ikwewa mexi me'a'iwarieixime miki memeye'unie, mexi me'ahapawa hixiena. <sup>14</sup>Xeimieme mawari mayeitiarieki, yuheyemeki piwaraye'atia miki memikupatsiwa yuxexuiti.

<sup>15</sup>Iyari Mitiyupata pitatsihekiatia yaxeikia 'utaiti. Mipai kanaineni:

<sup>16</sup>«Tiratu mipai 'aneme nekaniwatawewiriemiki,  
miki tukari 'aye'ayu 'arike —mipai paineta Ti'aitame—:

Ne'iniari niukiyari wa'iyaritsie nepiwapitiani,  
meta wa'eriwametsie nepita'utiani».

<sup>17</sup>Mipaitatsiere paine:

«Axakememite'uyuri, 'Iniari kememite'utitsanaxia,  
miki nepikara'erivaniri».

<sup>18</sup>Merikite miki hepaitisita xika reuyehiwiarieni, tawari mawari pikaxatiarieni, menuyeitianiki tita 'axamitiuyuri.

### **'Ahurawa teke'akikani**

<sup>19</sup>Ayumieme nepaine ne'iwama, Ketsutsi xuriyaya mutaxiriyaki, heitserie tepexeiya tekamamati temeutahakeniki Waikawa Muyepatsieta. <sup>20</sup>Huye

hikike mimieme mikiki temayeneniereniki, miki tekanexeyani, miki mutahuyetaxiki tahetsiemieme, kemu'itiarie yuwaiyaritsie, tahuye patia, temeutahakeniki tame hakewa mireunamekai miki 'ixurikiki. <sup>21</sup>Miki meta, tekaneixeyani mawari wewiwame mitirikaiye Kakaiyari kiiyi mihiritiarie. <sup>22</sup>Merikitsi mipai mi'aneki 'ahurawa teke'akikani, ta'yari yemeki yuxewikaku, yemeki yuri tete'erietí, ta'yari 'itiyakaku 'axatekateyurietí kapa ta'yari tatsi'utatieniki tita 'axatemite'uyuri hepaitisita, tawaiyari meta hauxinariekaku haa 'aixia mi'aneki. <sup>23</sup>Yateketekahuni, mipai tetetahekiatati ketemite'ikwewie tekatehayewati, mipai tetemaiti, kemi'ane mipai mitatiutahiawixi tita mitatimini, miki yakatinikamiemi kemaine. <sup>24</sup>Tekehetata'eritiwani tanaiti, temitawairiyani temitetakanaki'eriekaki 'aixia temiteyuriekaki. <sup>25</sup>Tepikatehayewani tepitakuxexewani, hipame wahepai tepikatehayewani, tepitatuikani matsi, kexemite'imate miki tukari maye'aximeki.

<sup>26</sup>Ta'yari ya'anekaku xika tetawairiyani 'axatemiteyuriekaki teheitimaima tita yuri miraine, mawari pikaxuawe tawari menuyeitianiki tita 'axatemite'uyuri. <sup>27</sup>Xikari mipai 'aneni temamati tepita'ikwewa temita'iwawiyarieniki xeikia, yuhaxiaki kepauka miwataxitsitiani miki memeye'unie, yumexiitiati taiki. <sup>28</sup>Xika 'itixani'erieni 'iniari niukiyari Muiťsexi mi'atia, mekanitakwikwiwakitini mekanenimayatsieti, yuhututi yatini yuhaikati mipai metetahekiatayu. <sup>29</sup>¿Kexeteku'eriwa, matsi yemeki hetsiena katinake mu'uximatiarieniki, kemi'ane Kakaiyari nu'aya minanaima, kemi'ane tsewiximariékame mi'erie miki xuriyaya tiratu mutatseiriyarie kimana, mipatsie kimana, kemi'ane mitawe'erie 'Iyari 'aixia mitatipitia? <sup>30</sup>Tame tepimate kemi'ane mipai mutayi: «Nekimana nepinemiemi, 'anepirapika ne», tawari mipai putayi: «Ti'aitame yuteiterima piwa'uximatiani». <sup>31</sup>Pimariweni kepauka Kakaiyari mayenieme miwiyani.

<sup>32</sup>Xekena'eriwani matsi meripai kemituyi, 'ana kwiti xe'uhekiariyariéka, kwinimieme xepite'ukakukuinekai peru xepitenewiekai. <sup>33</sup>Tsepa yunaime wahixie xemitewinariékai 'axaxetekihawariwati xe'uximatiarieti, tsepata hipame xemiwaparewiekai kepauka mipai memu'itiarie, xeme xepitenewiekai. <sup>34</sup>Memanutaxiriyakai kememite'ukwinitiarie, xemeta wahepai xepiteyumaikai. Xeyutemamawietí xepiwanewiekai kepauka memixete'unawari xepiinite, mipai xetemaiti, yupiinite matsi 'aixia miti'anene 'emititeriwe xemitehexeyaki xeme muyuawitsie.

<sup>35</sup>Ayumieme nepaine, xepikaheiwiiwani tita xemitehexeyia, heitserie xepexeyia xekamamati xemiyaakaki, mikiki waikawa xepite'iwa.

<sup>36</sup>Kaneuyeweka xemite'ukanenewiekaki, xeheixeyati xemakineki kexemite'utahiawarie kenama mipai tixepitiani, yaxeteyurieyu kemitinake Kakaiyari. <sup>37</sup>Etsiwa yareutewikaku 'akuxi,

«kemi'ane 'umamie kaninuamiki, 'epikareutere.

<sup>38</sup>Miki heitserie mexeyia nehetsia miemetiti miki kanayenierkamiki yuri miti'erieki.

Xika wairipieka,

ne'iyaritsie nepikanaki'aka kenemitixeyia».

<sup>39</sup>Peru tame mipai tepika'anene, tepikawairipietika, tepikatatimaiyarieni, matsi yuri tepite'erie tatukari temikatatimaiyaki.

### Kemi'ane yuri miti'erie

**11** <sup>1</sup>Kemi'ane yuri miti'erie mipai pitimate, peixeyani tita mitikwewie, mipaita katiniyumaika, 'apuwe tita mikatixeyariewe. <sup>2</sup>Mipai yuri memite'eriekaiki mekanimariwakaitini tatutsima meripaiti miemete 'aixia memiteyuriekaiki.

<sup>3</sup>Yuri temite'erieki mipai tepitemate, kwie munetiarieki Kakaiyari mipai 'utayiku. Tita mitixeyariewe kemituwewiya, tita mikarahekiaki katiniutiwewiyani.

<sup>4</sup>Yuri miti'eriekaiki 'Aweri mawari 'aixia mi'ane Kakaiyari puxatia, Kaini mawarieya 'aixia ka'anekaku hepaina, mipai mitiutimawaxiki putahekiatsie kename heitserie hexeyakai, Kakaiyari mipai tihekiatakaku 'imikierieya hepaitsita. 'Ayumieme tsepa mimiki, 'iniarieya pitikuxata 'akuxi.

<sup>5</sup>Yuri miti'eriekaiki, 'Enuki pewitikie miki mika'yaniki, pumawekai Kakaiyari heiwitiku. Kahewitikieweti 'akuxi, mipai pitihekiatsiekai Kakaiyari minaki'aritiakaiki. <sup>6</sup>Tewi yuri xika kati'erieka, pikayiwe minaki'aritianiki, kaneuyeweka mipai yuri miti'eriekaki kemi'ane Kakaiyari 'aurie maye'amiki, kename 'a'uyeika, kename tiwa'iwitsitia miki memikuwautiwe.

<sup>7</sup>Yuri miti'eriekaiki, Nuhexi yukweriwayurieti, kanuwa kaniutawewieni miwatawikweitsitaniki yukie kiekatari, mipai tiutahiawarieka tita teiteri 'akuxi memikatexeyawawekai hepaitsita. Mipai mitiuyuriki, kwiepa memitama wahetsie pitihiiya, mikitsie pita pitunakixi heitserie mexeyaniki yuri ti'erieti.

<sup>8</sup>Yuri miti'eriekaiki, 'Apirahami kepauka muta'inierie, yatikamieti mana paiti kaneyani hakewa hetsiena mirenakenikekai, kaneyani 'atsikatimaiti hakewa menuanikekai. <sup>9</sup>Yuri ti'erieti mana kaniuyupata miki kwieyaritsie paiti kemitiutahiawarie hetsiena mitinakenikekaiki, peru xeime kwieya hepai pitimaikai. 'Ixuriki kiiyarita mekanayetekaitini miki 'Itsahaki hamatia meta Kakuwu hamatia, mikita wahetsie mitinakenikekai kememite'utahiawarie, yaxeixia 'Apirahami hepai. <sup>10</sup>Kiekari kanikwewiekaitini miki kii hetia mieme tenari mitse'i mexeiyi, Kakaiyari kii 'ininiatame meta 'iwewiwame mihiki.

<sup>11</sup>'Apirahami yuri miti'eriekaikita, Tsara hamatia tirikariya mepupitiarie nunutsi mehexeyati memakineki, tsepa tukarieya manutitia tsepa mi'ukaratsitikai, mipai pituiyi yatikamiekame mi'eriekaiki kemi'ane mipai mititahiawixi kename mipai tipitianikekai. <sup>12</sup>'Ayumieme xeimetsie xeikia mekaniyekine, tsepa miki mumiximekai, taheima miemete xurawetsixi wahepai meyupaimeti mekanakine, meta xiekari haramara tetsita mieme hepai meyupaimeti mekanakine mikayu'iniatsinia hepai.

<sup>13</sup>Yuri mete'erieti mekaneutakwixiani miki yunaiti, meheixeyati mepika'aki kememite'utahiawariekai, matsi 'ateewa paiti mepixei yuri mete'erieti, mepitawairitia, mipai mepiteyuekiatakai kename xaitsie miemete kikamete mehikitikai xeikia 'ena kwiepa me'u'uwati. <sup>14</sup>Mipai me'utiyuati, miki

piyuekiata kename kwie mekuwautiwekai. <sup>15</sup>Xika me'iku'eriwanike miki kwie hakewa memeyekitsie, mepiyiwawenikekai memikunuaxianiki mana. <sup>16</sup>Matsi mepihiwe'eriekai kwie 'aixia mi'ane taheima mieme. Kakaiyari 'ayumieme pikayutewiya miki wakakaiyari miramamatiwaniki, kiekari puwarukuha'aritsitiiri.

<sup>17</sup>Yuri miti'eriekaiki 'Apirahami kepauka muta'iniatsie, 'Itsahaki mawari payeitia tima, kemi'ane mipai mitiutahiawarie kemirexeiyanikekaiki, miki mawari peyeitianikekai yuniwe muyuxewikai. <sup>18</sup>'Apirahami mipai tsepa mitiutahiawariekai meripaiti: «'Itsahaki xiiyarimama mepite'uteriwariwani miki 'ahetsie memiyekine». <sup>19</sup>'Apirahami mipai katiniiyikihiawekaitini, Kakaiyari miyiwekaiki tawari menukuketianiki mikite watsata, 'ayumieme hutarieka heixeyati kemiratia, 'iniari kanayani.

<sup>20</sup>Yuri miti'eriekaiki 'Itsahaki 'aixia kaniutayini Kakuwu meta 'Etsahu wahepaitsita, 'aixia memi'itiarieniki tita 'umiramiekaiki wahetsiemieme.

<sup>21</sup>Yuri miti'eriekaiki Kakuwu kepauka mimiximekai 'aixia kaniutayini yuxexuime Kutse niwemama wahepaitsita, miki 'aixia memi'itiarieniki, puyutanenewi yutuikati yu'itsiki. <sup>22</sup>Yuri miti'eriekaiki Kutse miximeti mipai putayi 'Ekipitu kwieyaritsie memiyekinekekaiki 'Ixaheri xiiyarimama, puyuta'aitaxi 'umeteya manutikieniki.

<sup>23</sup>'Utinuiwaku Muiisexi yuri memite'eriekaiki paapaya mekaniti'awieta haika metseriyari nunutsi witsimemite'ixeyakaiki, mepika'utimama kwiepa ti'aitame kemitiuta'aitakai.

<sup>24</sup>Yuri miti'eriekaiki Muiisexi 'e'utewiti, miki kwiepa ti'aitame tewarieya mitiuteriwariwani pika'inakirixi, pika'uyuwairi Parahuni niweya nu'aya mixatsiwaniki. <sup>25</sup>Puyuwairi matsi 'axami'itiarieniki Kakaiyari teiterimama wahamatia, kayuwairiyati minaki'akaki 'axatiyurieneti yapaimexia wiyari. <sup>26</sup>He'eriwati tita mira'iwakekai xeikia, mipai pitiku'eriwakai, kename matsi waikawa rexeiyanikekai 'axatikihawariwati Kiritsitu hepai, kenameta tixaiti karexeiyanikekai piinite xika rexeiyanike 'Ekipitutsie timieme waikawa. <sup>27</sup>Yuri miti'eriekaiki 'Ekipitu kwieyaritsie kaneyeyani ka'imakati kwiepa ti'aitame tsepa miha'akai. Pitiukanewiekai, kemi'ane Kakaiyari mixeiyia hepai piyianekai, tsepa miki mikaxeiyariewe hatsuaku.

<sup>28</sup>Yuri miti'eriekaiki Patsikwa 'ixiarariyari putsutia meta kitenie pu'iyaxia xuriyaki, kemi'ane wamatiarima miwaka'unakai mikawamayianiki 'Ixaheritsixi wamatiarima.

<sup>29</sup>Yuri memite'eriekaiki Haramara Mixetatsie mekananukine makuwaki hepai 'anekaku, peru 'ekipitutari mipaita meyinke mekanehauxiani haramaratsie.

<sup>30</sup>Yuri memite'eriekaiki, kerikutari watetsariya kananaka'une 'atahutamexia 'auriena me'akineku.

<sup>31</sup>Yuri miti'eriekaiki Xahawi pika'utatimaiyarie teiteri yuri memikate'eriekai wahamatia, miki 'uka tuminiki miyuwitiniakai kanihikitikaitini, kuyaxi 'awie nenieremete yukiita 'aixia 'anemeki muwarutanaki'eriki.

<sup>32</sup>Merikite, ¿tita 'akuxi netitaxata? Kerehuni, Waraki, Tsanitsuni, Ketexi, Rawiri, Tsamuheri, meta Kakaiyari niukametemama yunaime



xika miki newarutaxata, tukari peuyewekayeyu nehetsiememe.

<sup>33</sup>Miki yuri memite'eriekaiki mepiwara'iwaxi kwiepa te'aitamete, heitseriemeki mepite'aitakai, meheixeyati mepaki kememite'utahiawarie, mekaniwaruta'imaiya mayetsi memikawatikwaniki, <sup>34</sup>mekanitini tai tsepa mitirikaiyekai, mekaniutawikweni kutsiraki memikakwi'iwaki, tsepa memuwaranikai meputirikariyarie, kuyaki memiyiwawe mekanakine, mekaniwaranukuweiya kuyaxi xaitsie miemete. <sup>35</sup>'Ukari tawari mekaniwarutanaki'erieni yuhetsia miemete, me'ukwiku me'anuku'uku.

Hipati mekanitiweiwakaitini mekayuwairiyati memixinarieniki, mipai mepiteyuriekai memipitarieniki matsi 'aixia 'anemeki memanuku'uniki. <sup>36</sup>Hipatita kememite'upitariarie, mekaninanaimariiekaitini mekanitiweiwakaitini, meta mepitihiiwakai mepanutaxiriyakai.

<sup>37</sup>Mepitituaxiwakai tetexiki, tsexutsuki mepitixitewakai, mepi'iniatsietiwekai, mepikwi'iwakai kutsiraki, mekaniku'uwakaitini muxa nawiyari meta tsipu nawiyari me'anakatitikaiti me'ikuteixiteweti, metehueyehiati, me'uximatiarieti, 'axame'itarietiweti. <sup>38</sup>Kwiepa memitama 'aixia mepikate'u'iyarikai watsata memixuaweniki teiteri miya memi'anenekai. Makumawetsie, hiritsie, mekaniku'uwakaitini meheuyexirieti, terita meta meukatewatsie meyetetikaiti.

<sup>39</sup>Miki yunaiti tsepa memihekiatsiekai yuri memite'eriekaiki, 'akuxi tita memite'utaxatiarie metehexeyati mepika'aki. <sup>40</sup>Kakaiyari meripaiti tixaiti pitiutawewi matsi 'aixia miti'ane tahetsiememe, miki memaye'axianiki 'ate'u'uwakaku tame xeikia.

### Ketsutsi xeikia tepa'eriwani

**12**<sup>1</sup>Ayumieme, tameta hiki ta'aurie meyuxeirikaku tehekiatamete meyuwaikawati, tepeihiani naime mirahete, naime 'axamiti'ane mitatsikuhapana. Tekawairipietikaiti tepuhuni, tepitanautsaxiani temeta'axianiki hakewa temekwewiya, <sup>2</sup>kwinimieme Ketsutsi teha'eriwati, kemi'ane mitsutia meta meye'atia titatsie yuri temite'erie. Miki mipai ra'eriwati kemitiyutemawiekakekai 'arikeke, kuruxi punewi tsepa mutewiniarie. Hiki mana kanakani Kakaiyari 'uwenieya tserieta. <sup>3</sup>Xekena'eriwani miki kemitiukanewiekai 'axateyuruwamete kwinimieme meheye'uniekaku. Kapa xe'u'uxeniki xeme, yu'iyaritsie kapa xewairipiekaki.

<sup>4</sup>Xeme kexemiteyukwitiwe tita 'axamiti'ane hamatia, 'akuxi xexuriya pika'uhane. <sup>5</sup>Xiari xepetimai kemitixetuika tewi yuniwe mitikuxaxatiwa hepai, mipai 'utaiti:

«Neuxei neniwe, pepikatiukatawe'erieka ti'aitame mati'ikitiakaku  
kwinimieme 'uximatiarikaki,  
pepikawairipieka miki matsi'utate'akaku.

<sup>6</sup>Ti'aitame 'uximatiarikaki piti'ikitia kemi'ane minaki'erie,  
yunaima piwakuwaya yuniwema miwarutanaki'eri».

<sup>7</sup>Kepauka xemite'uka'eniwa, xete'ikitiarieti xemakineki 'uximatiarikaki xepiyia, Kakaiyari pixeyuriene kemiwayurie yuniwema. ¿Kepaiki raniwetikaku, miki paapaya pikati'ikitia 'uximatiarikaki? <sup>8</sup>Mexika

'uximatiarikaki xekate'uta'ikitiarieni yunaiti 'axeikia kememitepitariie, kari 'awienuari xepiniwemama, Kakaiyari xepikaniwemama. <sup>9</sup>Miki meta, tepiwarexeiyakai tapaapama memiteiteritikai, miki metate'ikitiakaku 'uximatiarikaki tepiwareu'eniekai. Hiki matsi yemeki peuyewetse temi'enieka 'iyarite wa'ukiari para temayeneniereniki. <sup>10</sup>Miki yapaimexia tukari mepitate'ikitiakai kemitivanakakai 'uximatiarikaki, matsi Kakaiyari 'aixia temi'itiariekaki pitati'ikitia 'uximatiarikaki, hepaina tepatsieti temakineki. <sup>11</sup>'Uximatiarikaki mexi tete'ikitiarie, tetatemamawiekame tepikata'erie, matsi tetahiweriekame tepita'erie, 'arikeke miki mipai memi'itiarie mekanipitiarieka heitseriemeki yamemitekahuniki, yu'iyaritsie meka'uximatiarieti.

<sup>12</sup>'Ayumieme yumamá xekeneutseiriyaxia miweraraniki, yutunuteta mikatirikawiki xekeneutitseiriya mititirikaxianiki. <sup>13</sup>«Huye mixexeurawi xekeneutiwewi yi'ikatsie mieme,» mi'ikatuni mikahekawaitseniki meta mikatikukukuineniki.

<sup>14</sup>'Aixia xemitewaxeyaniki yunaima xekenyumexiitiaka, meta xemipatsiekaki Kakaiyari hetsiemiemeki. Xika mipai katipatsieka, hatsuaku Ti'aitame pika'uxeiya. <sup>15</sup>Xekenyi'iwiyani xewiti ka'aye'aweti mika'ayaniki, Kakaiyari 'aixia tiuka'iyariti kemitiminikeyu, xekenyi'iwiyani xewiti kapa xemuinaneniki, nana kwiepa mutineika hatsiwimeki mutixuxuawere hepai yianeti, mipai xika tiyurieneni, yumiireti mekanitsewiximariekakuni.

<sup>16</sup>Xekenyi'iwiyani kapa xewiti 'ikumaiwaniki kemi'ane mikayi'iya meta mikayikina, kapa Kakaiyari ka'ayexeyati yianeniki 'Etsahu hepai, miki xe'ikwaiyariki kanipata heitserie mexeyakaiki mimatiaritikaiki. <sup>17</sup>Mipai xepitemate, 'arike kepauka heixeyati mayeimikikai tita hetsiena mitiutaxatsie 'aixia mi'itiarieniki, pixani'eriwakai. Mipai pikatiupitiarie muyupataniki tawari, tsepa 'utatsuati mipai mitiwaukai.

<sup>18</sup>Hakewa xeme'axia xeme, mana xepika'u'axia meripaiti miemetexi wahepai hakewa tewi miyiwe mimayianiki yemuri, hakewa tai mita'a, hakewa meyiwi, teika hakewa meyeika, <sup>19</sup>kuxineta hakewa mehitsierie, hakewa xewiti me'enierie 'utaniukakaku, miki kepauka memi'eni mepitawawiri tawari xeime niukiki memikatahiawarieniki.

<sup>20</sup>Mepika'ikemakai tita memite'uta'aitarie mipai metekihawariwati: «Tsepa yeutanaka mimayia yemuri, tetexiki pimierieni tituaxiwati».

<sup>21</sup>Yemeki mariweti mitiyuxexeyakaiki, 'atsita Muiťsexi mipai kaniutayini: «Ne marikaki nepuyiyiaka».

<sup>22</sup>Xeme matsi xepu'axia Tsiyuni yemuriyari hakewa mewe, Kakaiyari mayeniere kiekariena, Kerutsareme taheima mieme hakewa maniere, yumiireme wahetsia xepu'axia, taheima miemete niuki tuayamete wa'ixiararipa, <sup>23</sup>mana matiarixi memutinunuiwa muyuawitsie memaka'utiarie hakewa memeyutixexeiwi, mana xepu'axia. Kemi'ane 'itsikametiti yunaima miwata'iwawiya Kakaiyarititi, miki hetsia xekaniu'axiani, miki heitseriemeki yamemitekahukai memaye'axiawawe yu'iyaritsie memu'uwa, miki wahetsia xekaniu'axiani, <sup>24</sup>kemi'ane tiratu hekwame mi'atia Ketsutsititi, miki hetsia xekaniu'axiani, hakewa xuriyaki

mire'iyarie kimana tewi mi'itinyaniki mana xekaniu'axiani. Miki xuriya matsi 'aixia 'anemeki katiniekiatani, 'Aweri xuriyaya hepaina katihekiatakaku.

<sup>25</sup>Xekeneyukweriwayurieka xemika'ixani'eriekaki kemi'ane maniuka. Miki mepika'utawikwei me'itixani'erieka kemi'ane 'ena kwiepa mipai mitiwarutahiawixi kememi'itiariniekai, tame matsi yemeki tepikatawikweni xika ta'aurie te'axirieni temika'lenieniki kemi'ane taheima maniuka. <sup>26</sup>Miki 'utaniukakaku 'ana kwie kaniutayuani, hikita kemitiyurieni mipai paine ya'utaiti: «Xeimieme 'akuxi kwie hikiame nepikatayuitiani, matsi muyuwita nepitayuitiani naime». <sup>27</sup>«Xeimieme 'akuxi» 'utaiti, mipai pitihikiata, tita mititayuitiariewe pititayeitiarieni, tita mitiutiwewiya xatati, peru pitiyuhayewa tita mikatitayuitiarieni.

<sup>28</sup>'Ayumieme pamipariyutsi teke'ipitiaka mikatayuitiarieni tati'aitiwame temupitiarieki, hakewa mire'aita miki, mana pikatayuitiarieni, mipai tekete'uximayaka Kakaiyari hetsiemieme pamipariyutsi te'ipitiati. 'Aixia 'anemeki kemitinake, teheyexiyati meta teheyemakati. <sup>29</sup>Metsi «Takakaiyari tai naime mititixitsitiwa hepai kani'aneni».

#### Kemireuyewetse yamitiyurieneni Kirititsu hetsie tiwiyati

**13**<sup>1</sup>Xepikatehayewani xewanaki'erieti 'iwamarixi. <sup>2</sup>Xepikatehatitimaiyani xemiwatanaki'erieniki 'atewa kiekatari, mipai meteyurieti hipati mepiwarutanaki'eri niuki tuayamete 'atsimekatemaiti.

<sup>3</sup>Xekeniwara'eriwani kemi'ane memanutaxiriya, wahamatia xemanutaxiriya hepai xeteyumaiti, xekeniwara'eriwani miki 'axamemi'itiarietiwe mipai xetemaiti, xemeta yuwaiyaritsie wahapai xemi'itiarietiweni hepai.

<sup>4</sup>Teiteri xika meneneikeni, 'aixia meketexeyarieka naime hepaitisita, peru yi'iya meta yikina hamatia xeikia mepiyukumaiwani, metsi, Kakaiyari 'uximatiarika kaniwapitiamiki miki memikumaiwa kemi'ane mikawa'iya meta mikawakina. <sup>5</sup>Mipai xeketeneu'uwani tumini xekahiwe'erieti, xekenenaki'aka xeheixiyati tita xemitehexeiya. Miki kanihikitini kemi'ane mipai mutayi:

«Ne yemeki 'axaitame nepikamatsihayewani,  
nepikamatsiku'erieni hatsuaku».

<sup>6</sup>'Ayumieme tekamamati mipai teputiyuane:

«Ti'aitame kanihikitini kemi'ane minetsiparewie, nepikamaka.  
¿Kekuta netsi'uyuriwe tewi?»

<sup>7</sup>Xekeniwara'eriwati miki memanuyetekai, kememi'anenekai, Kakaiyari niukieyaki mepitexe'utaxatia. Xewara'eriwati mipai kememite'u'uwakai, xekeniwa'ikeni yuri kememite'eriekai. <sup>8</sup>Ketsutsi Kirititsu meripaiti hikita yaxeikia kani'aneni, tsepaneti xeitsienitu wiyari manuyekika.

<sup>9</sup>Xepikayuwairiyani xemeuyexiriyani, 'ikitsika yiki 'aneneme xepika'enietiweni hipame wayeyaritsie mieme. 'Aixia kaniyimiki yu'iyaritsie mitseiriyarieniki 'iya 'aixia tiuka'iyarikaku, peru 'ikwaiki hatsuaku pikatseiriyarieni, miki 'ikwaitsie metewiyati memu'uwa hawaiki mepika'uparewiya.

<sup>10</sup>Tame mawari taiyame tekanexeyani, mana mieme memitekwa-kaki heitserie mepikahexeyi miki mawari wewiwamete 'ixuriki tukiyarita memite'uximayatamete. <sup>11</sup>Mawari wewiwamete tiwa'aitiwame Waikawa Muyepatsieta kepauka mi'atiwa watewama waxuriya 'aixia miyurieniki tita 'axamemite'uyuri, wakaxarite kiekari tetsita pititaiyariwa. <sup>12</sup>Ayumiemeta Ketsutsi kitenie 'aurie pitukwinixi takwa, Kakaiyari hetsiememe miwapatani teiteri yuxuriyaki. <sup>13</sup>Hikimi hetsiana tepiyehu kiekari tetsita paiti, niukimarika tenewieti hepaina. <sup>14</sup>'Ena kwiepa tepikaheixeyi kiekari 'amititeriwe. Tepitakwewie pita kiekari xewiti 'umamie.

<sup>15</sup>Ayumieme miki tatsiparewiekaku, tamawari teke'iwewirika Kakaiyari taheyemeki, 'aixia te'utiyaati hepaitsitana, tateta mayeneikaki teketahekiatani hetsiana temiemetiti kemi'ane mihiki, miki kanihikitini tamawari. <sup>16</sup>Miki meta, xepikatehatitimaiyani 'aixia xemiteyuriekaki xemiteyumikwaniki, mawari mipai mi'ane pinake Kakaiyari.

<sup>17</sup>Yaxeketenekahuni kememutiyuane miki memitexe'aitia, xewa'enietii. Miki mepi'iwia xeyari mipai metemaiti, yihiritiarika hepaitsita memita'iwawiyarieniki. Mipai xeketeniwa'enieka, miki mipai memite'uximayakaki meyutemamawieti, me'uti'aiwati memikayiakaki, mexika xewahiweritiaka, xeme matsi xepikaparewiyani.

<sup>18</sup>Tahetsiememe xekeneyunenewieka, tame mipai tepitetamate, ta'yari 'aixia pi'ane 'atsipikahaine, naimeki temitawairiyaki 'aixia 'anemeki temeu'uwaniki. <sup>19</sup>Nepixetuika mipai xemiteyuriekaki matsi yemeki, kwitiwa xemipitiiareniki tahixie temutineniereki.

<sup>20</sup>Kemi'ane Kakaiyarititi mitatsipitia ta'iyaritsie temika'uximatiiarekaki, kemi'ane mikite watsata menayewiti muxatsi wahiweme mimariwe Tati'aitiwame Ketsutsi, miki 'itaseiriyaka tiratu yuheyemeki 'amuwe miki xuriyayaki, <sup>21</sup>miki xika xeyatiani kemitinake yaxemiteyuriekaki naimeki 'aixia xeteyurieti, miki xika xeyuitiani xeminaki'aritaniki kemitixexeyi, Ketsutsi Kiritsitu xeparewiekaku. Miki hepaitsita 'aixia ketikuxaxatsiwani yuheyemeki. Mipai xeikia kani'aneni.

<sup>22</sup>Ne'iwama nepixetuika, xekeneuyuwairiya xemi'enieniki neniuki kenemitixetuika, yapaimemeki nepitixe'uta'utiiri.

<sup>23</sup>Mipai xeketenemaika, ta'iwa Timuteu 'anutahiyaka muxinarieki. Kwitiwa xika nuani tepixexeyayu tanaiti.

<sup>24</sup>Xekeniwawairitiaka yunaime memitexe'aitia, yunaime Kakaiyari teiterimama. 'Itariya kwieyaritsie miemete mepixewairitia.

<sup>25</sup>'Aixia ketiuka'iyarini yunaime xehetsiememe. Mipai xeikia.

# Tsatiyaku

## Meitani'axia

---

### Wairitsika

**1** <sup>1</sup>Ne, Tsatiyaku, Kakaiyari ti'uximayatsiriwame meta Ti'aitame Ketsutsi Kiritsitu hetsiemieme.

Nuiwarite tamamata heimana huta xemeutayeixia naitсарie:

Nekanixewairitiaka.

### Kakaiyari kemitatipitia temitemaiwaweniki

<sup>2</sup>Ne'iwama nemixenaki'erie, xekeneyutemamawieka kepauka xemita'iniatsieni 'iniari yiki mi'aneneki, <sup>3</sup>mipai xetemaiti, mipai xete'iniatsieme yuri xika xete'erieka yemeki, mikiki xeyiwaweti xepakine. <sup>4</sup>Xekeneyuwairiyani xete'uka'eniwati mipai xemitematsiikiniki, mikiki 'aixia miti'ane mititixuwawereki, tixai mikareuyewekaki. <sup>5</sup>Mexika xeme xewiti mitimaiweniki reiyehiaka, Kakaiyari ke'utawawirieni, miki katinayetuiriemiki, matsi Kakaiyari yunaime katiniwamikwani 'aixia 'anekameki nixeime tima 'axakatixeyati. <sup>6</sup>Mipai ketitawawirieni yuri ti'erieti xeikia, tixai kayu'iyaritiati, matsi kemi'ane muyu'iyaritia miki haramara hamewarieya hepai kaniuyineni, 'ekaki mukuyuitiariwa. <sup>7</sup>Kemi'ane mipai mi'ane mipai pikatiku'eriwani kename Ti'aitame tixaiti tietuirieni, <sup>8</sup>huta 'iyariyari mexeyaki, meu'eriene naimeki kemitiyuriene.

<sup>9</sup>Ta'iwa tixaiti mikarexeiya waikawa rexeiyame keyu'erieka, mipai ra'eriwati Kakaiyari mariweme kemireyeitiani, <sup>10</sup>meta xiku tixaiti karexeiyame keyu'erieka mipai timaiti. Miki xiku tuturi 'itsita mieme hepai kanitayinarimiki. <sup>11</sup>Tau, kepauka manatineika xikati, 'iteiri pitiwatsiixa. Xuturiyari pikawiwike, witsimitiyuxexeyakai putiyinarixi. Mipaita yaxeikia tewi mixiku pitayinare naimeki tsepa kemirexeiya.

<sup>12</sup>'Aixia kani'itarietika kemi'ane tiuka'eniwati mumie, miki mipai tita'iniatsieme, tukari kurunayari kaniyetuiriariemiki Kakaiyari kemutayi kemi'ane meminaki'erie wahetsiemieme. <sup>13</sup>Xewiti kepauka mi'iniatsiene mipai pikahaineni: «Kakaiyari kaniyaneni minetsi'iniatane». Kakaiyari pikayiwe 'axamitiyurieneniki, yaxeikiata miki tewi mita'iniata 'axamitiyurieneniki pikayiwe. <sup>14</sup>Matsi pita, yuxexuiti yikimana

kemitiwanake 'axamemiteyurieniki mepiyia. Meteyukahiwe'erieti mepiyuwiyania mepiyuhapaninia yikimana. <sup>15</sup>Miya meteku'eriwati 'axamekateniyurieka, kepauka mipai xeikia memiteyurie, 'axamiti'ane mirayu'iwaxiki miya kaniwapitiamiki.

<sup>16</sup>Ne'iwama nenaki'erima xepikate'iriwiyarieka. <sup>17</sup>Naiti 'imikieri 'aixia mi'ane, meta naime temite'umikie miraye'axe miki taheima kanimiemetini, hakewa makawe wa'ukiyari taheima miemete hekiariwiwamete miwarutiwewi, miki pikayupata, 'etiriya hepai, tau 'akayunirimekaku. <sup>18</sup>Yikimana mipai tiuyihiaweka pitatsi'utinuiwitia niuki yuri mainetsie, 'imikieri matiari mieme hepai witsitemitexeyarieniki, meta 'ikwaxi 'aixia mi'anene mikaxuawitianiki.

### Kemireuyewetse yamitiyurieneni niuki kemaine

<sup>19</sup>Ipa'i xeketenemaika ne'iwama nenaki'erima: Yunaiti teiteri mekeyumexiitiaka memi'enanani, 'emeketeheutewini memitiniuniki meta memiyeha'aniki, <sup>20</sup>tewi ha'ati yapikatiyuriene heitseriemeki, Kakaiyari kemitinake. <sup>21</sup>Ayumieme, xekenewiwi naime tita mikati'itiya meta tita 'axamiti'ane, naitsarie manayuhayewa, xemiwiwaweniki Kakaiyari niukieya xehetsie muka'iteitsie xemitanaki'erieniki tixaiti xekatehikititi, miki kaniyiweni xe'iyari mitawikweitsitiani.

<sup>22</sup>Niuki xe'enieti xeikia xepikayuwairiyani, mipai xeyiati kapa xeteyu'iriwiyaki yikimana. Mipai xeketenyurieka kemaine. <sup>23</sup>Kemi'ane niuki 'enieti xeikia miyiane, mipai yakatikamieti, tewi xikiritsie muyuxeyane hepai kaniyanemiki kemiraka'eriekai, <sup>24</sup>yu'ixarieme kaniyemieni, meta yapauka piratimaiya kemitiyuxexeyakai. <sup>25</sup>Matsi kemi'ane yemeki mi'enieni 'aitsika miraye'axe mitatsixinatsie, mikitsie mi'ayumieme, kemiti'ena mikaratitimaiya, matsi mipai tiyurieneti, miki 'aixia kani'itiariekamiki yatikamieti.

<sup>26</sup>Tewi xika rayexeyame yu'erieka, matsi xika yuneni kapirenutiaka, miki matsi yikimana katiniyu'itaiyaneni, yaki xeikia katinayexeyani. <sup>27</sup>Matsi xika rayexeyani 'itiyati meta hetsiena karahiiwakaku Kakaiyari mita'ukiyari kemitixeyi, mipai pita kaniyanemiki: nutuite kaniwanenimayakamiki meta wiuraxi kememite'uximatiarie kaniwaparewiekamiki, meta yukweriwayurieti tita kwiepa mitimieme hepaitita.

### Kemitiwaruta'imaiyaxi teiteri hipame xeikia memikawanaki'eriekaki

**2**<sup>1</sup>Ne'iwama nemixenaki'erie, Ketsutsi Kiritsitu Tati'aitiwame witsimi'anetsie yuri kexemite'erie, xeketeneuhayewa hipame xeikia teiteri 'aixia xetewaxeyati. <sup>2</sup>Ipa'ititi 'iki katini'iniarini xika tewi mana heutahani xemi'yutixexeiwatsie huru hanirayari heumanatikaiti yumamatsie meta witsirekamariti, xikarita muwa heutahani xewiti 'aixia karekamariti heutsaniti. <sup>3</sup>Xika witsimirekemari 'aixia xete'uxeiya, mipai xete'ikihiaweti: «Eki 'enapaiti kenayexi 'aixia mi'anetsie», xikata tewi 'aixia mikarekemari mipai xetekihaweni: «Eki mana paiti keneuweni» yatini «Mana keneukani kwiepa», <sup>4</sup>Ɂkari xeme hipame xeikia 'aixia xepitewaxeyi, hipameta pikatixai, peru 'axaxeteyikihiaweti?

<sup>5</sup> Xekeneu'enana ne'iwama nenaki'erima: ¿Kakaiyari tami katiwaranuyexei tixai memikatehexeiyi 'ena kwiepa, miki matsi metehexeyiakame miwarayeitianiki yuri mete'erieti, para wahetsie mitinakeniki miki tiwa'aitiwame mayaniki, kemutayi kemi'ane miki meminaki'erie wahetsiememe? <sup>6</sup> Xeme pita tixai mikarexeiya xekaniutixani'erieni. ¿Miki xikutsixi mekatehiki memitexe'uxitia, meta miki mekatehiki memixe'ehapana 'itsikate wahixie? <sup>7</sup> ¿Tamitsi miki mekatehiki 'axamemutiyuane Ketsutsi hepaitisita xeme hetsiena xemitewiya?

<sup>8</sup> 'Aixia xekateniyurieka xika 'aku yuheyemeki 'aitsika xe'aye'atiaka, 'utiarika kemaine: «Ahepai tewi kenenaki'erieka kepemiti'anaki'erie 'eki», <sup>9</sup> matsi xika teiteri hipame xeikia 'aixia xetewaxeyani, 'axaxekateniyurieka meta xehetsie pirahiiwani, 'iniari niukiyari pixehekiata kexemite'ititsana. <sup>10</sup> Kemi'ane naimetsie yamitikamie 'iniari niukiyari kemaine, matsi xika xeiniukiyaritsie yakatikayani, naime hetsie 'axakatinuyurimiki. <sup>11</sup> Matsi kemi'ane mipai maine: «Xeime 'iyaya pepikakumaiwani», mipaita kaniutayini: «Pepikati'amemiwani». Xika tsepa xeime 'iyaya pemika'ukumayia, matsi xika peti'amemiwani, 'iniari niukiyari pekaneutitsanaxiani.

<sup>12</sup> Kexemutiyuane, kexemiteyurie, mipai xeketenemaika, 'itsikame kanixeta'iwawiyamiki 'iniari niukiyari mitatsixina kemaine. <sup>13</sup> Kemi'ane mikatiyukanenimaya, 'itsikame ka'inenimayati pitahiawe. Matsi kemi'ane mitiyukanenimaya, Kakaiyari 'inenimayati kanitahiawimiki.

### **Yuri kemiti'erie meta yatiyurieneti, yuri kemiti'erie xika yakatiyurieneni kanimikini**

<sup>14</sup> Ne'iwama nemixenaki'erie, ¿tewi xika yuri ti'eriekame yuxatani, matsi tixaiti 'atsikatiyurieneti? ¿Keri tiyiweni mitawikweitsitarieniki yuri ti'erieti xeikia? <sup>15</sup> Xika ta'iwana 'uki meta 'uka yu'ixuriki kahexeyani miranakatiniki, meta 'ikwaite xika reuyehiaka mirexeiyaniki, <sup>16</sup> xika xewiti xeme mipai tikihiaweni: «'Aixia pekereumieni, 'aixia pereyukemaritati, meta ketineukwaka 'utahuxame», matsi xika katimini tita mireuyehiawa waiyarieya hetsie timieme, miki ketsikuta 'uyini, yaki xeikia mirehiaweki. <sup>17</sup> Mipai yaxekiata xika yuhetsie yuri ti'erieka, peru xika tixaiti 'atsikatiyurieneni, yuri kemiti'erie kanimikini.

<sup>18</sup> Matsi xewiti xiari mipai kanitayimiki: «'Eki yuri pekatini'erieka, neta yanekatinuyurieneni».

Kamitsi kene'ahekiata yuri kepemiti'erie tixaiti 'atsipekatiyurieneti, neta nekamenixeitsitiamiki keyuri nemiti'erie 'aixia netiyurieneti. <sup>19</sup> ¿'Eki yuri peti'erie Kakaiyari yuxewiti xeikia muyeika? 'Aixia pepaine. Yaxekiata kakaiyarixi yuri mepite'erie, 'ayumieme mepuyiyiakatika marikaki.

<sup>20</sup> Kari pemika'akihawe pepihiki. ¿Tietitsi pe'awairiyani mipai pemiretimaniki, tewi 'atsimikayiweki xika yuri ti'erieka tixai 'atsikatiyurieneti? <sup>21</sup> Merikite tapaapa 'Apirahami heitserie pupitiarie yamitiuyuriki kepauka yuniwe 'Itsahaki miyetua mawari taiyariyaritsie. <sup>22</sup> Mipai pekatinetimaniri, yuri ti'erieti miki, meta kemitiyurienekai 'axeikia, yuri kemiti'eriekai, yuheyemeki hekiakameki yapitiuyuri.

<sup>23</sup> Mipai tiuyurieku 'utiarika kanaye'ani mipai manuyine: «Apirahami Kakaiyari yuri katiniuta'eririeni, 'ayumieme heitserie hexeyame kani'eriwakaitini». Kakaiyari hamikuya katiniuteriwarieni.

<sup>24</sup> Mipai xiari xepitemate, yatiyurieneti tewi xeikia heitserie pipitarieni, yuri ti'erieti xeikia pikatixai. <sup>25</sup> Yaxeikiata pituyuri Xahawi 'uka tuminiki muyuwitania, tixaiti mituyuriki heitserie kaniupitarieni, kepauka kuyaxi miwarutanaki'eri 'awie nenieremete, kepauka xaitsie miwareni'a xeime huyeyari 'utia. <sup>26</sup> Mipai rawaiyari ka'uye'iyariti kanimikini. Yaxeikiata yuri ti'erieti, matsi yakatiyurieneti, kanimikini yuri kemiti'erie.

### Taneni tepimaxiutani

**3** <sup>1</sup> Ne'iwama nemixenaki'erie, te'ikitamete xepika'akine yunaiti, hipati xeikia, mipai xetemaiti, tame temite'ikitamete tahetsie matsi waikawa pirahiiwani. <sup>2</sup> Tanaiti waikawameki tepekaxiriwe. Xika xewiti niukitsie kahekawautseni, miki tewi kanaye'aweni, yaxeikiata kaniyiwemiki yuwaiyaritsie naime miyupirenutianiki.

<sup>3</sup> Kepauka kawayutsixi pirenu temiwarutakeitsitiwa memitatsi'anuenieniki, mikiki wawaiyari naime tepukuhana. <sup>4</sup> Xekeneuxeiya kanuwa 'amipapa. Tsepa memu'eketika 'eka mitirikaiyeki, ta'aurie mepaxiriwa titunitsitiwame 'etsimiyewaki, kemitiyuwairiya ta'aurie mehianiki 'ini'awame. <sup>5</sup> Yaxeikiata tawaiyaritsie taneni piyuxewi 'etsipeti, matsi mariweme mituyurieni kaniyiweni. Xika makukiyexiyatsie 'utinaini tai 'etsipemeki, miki kaniyiweni 'ahakuyekame mutataiya. <sup>6</sup> Yaxeikiata taneni tai hepai kani'aneni, kwiepa timieme tikuxatati 'apiyeka tawaiyaritsie, tita mikatiheitserie naime tixatati, tawaiyari naime kanitsewiximaka, pitatsixirimitsitia tatukari naime, xatsi taiyariaritsie mieme panunetiarie mitakaki.

<sup>7</sup> Tewititi yunaime katiniwamaxiutiaweni, yeutari memayu'eririya, wikixi, kuuterixi, haramaratsie kiekatari, yunaiti mekanimaxiutsiewaweni, <sup>8</sup> matsi tewi pikayawe yuneni mimaxiutani. 'Axakaniutaineni xeikia 'uaye mimiyaki kanihineni.

<sup>9</sup> Taneniki 'aixia teputiyuane Ti'aitame mita'ukiyari hepaitisita, meta taneniki teiteri tepiwaruxaxata 'axamemi'tiarieniki, tsepa Kakaiyari hepai me'aneneti memutiwewiya. <sup>10</sup> Xeitetarita piwayeneika niuki 'aixia mi'tiarieniki meta 'axami'tiarieniki. Ne'iwama nemixenaki'erie, mipai pikareuyewetse.

<sup>11</sup> ¿Kamitsi kuta tiyiwe haixa maneikani 'axeikia, haa 'akakati meta hatsiwiti? <sup>12</sup> Ne'iwama nemixenaki'erie, ¿xapatsie ketiyiwe huriwa takariyari mikaxuawere, meta kaxie nanayaritsie ketiyiwe xapa takari mikaxuawere? Yaxeikiata haixa ha'utswiti maneikatsie haa 'akakati maneni pikayawe.

### Yuriki kemitimaiweniki taheima miemeki

<sup>13</sup> Kemi'ane xeme mitimaiwe, xika waikawa timaika, 'aixia 'anemeki tiyurieneti keyuhekiatani, tixaiti karayueitiati, kemireuyewetse mipai mitiyurieneniki timaiweti. <sup>14</sup> Mexika hatsiwimeki xeyu'uxiwe'erieti xeyiaka meta yu'iyaritsie xehayue'unieti, xeketeneuhayewa xete'itawati meta xeheye'unieti tita yuri miraine. <sup>15</sup> Miki mitimaiweniki pikahiki taheima



makaneika, kwiepa pita kanimiemetini tewi kemitimaiwe meta kakaiyarixi 'axamemi'anene wahetsie mayeneika. <sup>16</sup> Hakewa memeyu'uxiwe'erie meta mehayuye'unieti memexuawe, manata mekaniyuxamurieka meta 'axamiti'aneki xeikia mepiyia.

<sup>17</sup> Matsi taheima miemeki mitimaiweniki mi'ayumieme naimeki kani'itiyaka, meta 'aixia pitixeyarie, pitiyukanaki'erie, pitiyu'aitiarinia, yuheyemeki pitiyukanenimaya, 'aixia pitiyuriene, 'uximayatsika kemireuyewetse, huta 'iyariyari pikahexeiya, meta yaki xeikia pikayiane. <sup>18</sup> Miki teiteri 'aixia memitewaxeyatsitia, yu'uximayatsikaki kememite'u'etsa yu'iyaritsie kayuwati mehexeiyati, keminitixuawere mikiki heitserie mekanipitiariekuni.

### Kakaiyari hetsie yaxeketenekahuni

**4** <sup>1</sup> ¿Hakewa kuyaxa peyukutsutsutiwa meta 'imieri miki hakewa pemieme? Kari yuhetsiemieme xeikia xepiyia, 'ayumieme mipai xepiteyurie, miki naki'eriya miyumieneki xewaiyaritsie. <sup>2</sup> Tixaiti xepitehiwe'erie peru xepika'ikaxeiya. 'Ayumieme xepiteyumemiwa, meta xepiyumexiitia hipame xewara'iwakuti, xepikayiwawe tixaiti xetehexeyati xemakineki, 'ayumieme xepiyukwitiwe xepiyukuyatatiwe. Xepikatehexeiya xemikateku'iwawaki. <sup>3</sup> Meta kepauka memiteku'iwawa, tixaiti mepikateyetuiriyariwa, 'axa'anemeki memitewawaki, yuhetsiemieme xenaki'akuti xeikia xemiyaiki.

<sup>4</sup> Neuxei teiteri hipame wa'itama xemiwakumaiwa. ¿Kari mipai xepikatemate, xika tinaki'erieka tita kwiepa mitimieme, Kakaiyari kani'uxiwe'eriekamiki? 'Ayumieme kemi'ane miyuwairiya tita kwiepa mitimieme mitinaki'eriekaki, miki Kakaiyari 'aye'unieti payuyeitiwa.

<sup>5</sup> ¿Nutsuti 'utiarika yaki haineme xepi'erie, Kakaiyari 'itetsati kaninaki'erieka miki 'iyari mitatsiyetui taita miyekaniki? <sup>6</sup> Peru miki waikawameki matsi 'aixia tiuka'iyariti pitatsiparewie. 'Ayumieme 'utiarikaya mipai kanaineni:

«Kakaiyari kaniwaraye'unieka miki memiyuti'ire,  
matsi tixaiti memikatehayuyetia 'aixia katiniuka'iyarini  
wahetsiemieme».

<sup>7</sup> 'Ayumieme xekenyuwairiyani Kakaiyari mitixe'aitiakaki. Xekenaye'unieka kauyumarie, miki piyuta'una xehetsia. <sup>8</sup> Kakaiyari hetsia 'ahurawa xekeneukini, mikita xehetsia 'ahurawa payani. 'Axateyuruwamete yumamatetsie xekeneuyu'itiexia. Xekenyu'itiekia yu'iyaritsie huta 'iyariyari xemexeyatika. <sup>9</sup> Mipai xeketenemaika kexemite'uximatiarie, xekeneutitsuanani meta xekenyuhiwerieka. Xenanai hiwerika ke'ayani, meta xetemawierika nutuixiya kehikitini. <sup>10</sup> Ti'aitame hixie, tixaiti xekatehikititi xekenayuyetiaka, miki mamariwawemete pixe'ayeitiani.

<sup>11</sup> Ne'iwama, hipame xepikawaniukimaka. Kemi'ane yu'iwa hetsie mitiuhipa, mipai tiyurieneti piniukima 'iniari niukiyari, meta 'iniari niukiyari pi'uxiwe'erieka, meriki xika 'iniari niukiyaritsie petiuhpani, kemi'ane 'iniari niukiyaritsie yamikatikamie hepai pepiyiane, 'itsikame hepai xeikia pepiyiane. <sup>12</sup> Xewiti tawarita pimawe 'iniari niukiyari munetia, meta kemi'ane mi'itsikame, miki kaniyiweni mitatsitawikweitsitaniki meta mitiyuka'unaniki. ¿Ketita 'eki peti'a'erie 'ahapai tewi hetsie pemitiuhpaniki?

### 'Atsixepikatemate 'uxa'a kemitiyini

<sup>13</sup>Neuxei hiki xeme xekeneu'enana mipai xemutiyuane: «Hikiri yati 'uxa'a tepiyehu miki kiekaritsie yanutsu muwa tepe'uwani, xeiwiyari tepeyurieni, mana tepeyuharerutani meta tepitehe'iwatiweni». <sup>14</sup>Xeme 'atsixepikatemate 'uxa'a kemitiyini. ¿Tita kuta yutukari xete'erie? 'Aixi xeikia xekanihikitini. Miki 'epikareutere xeyarieti, kwitiwa kaniukumamawereni. <sup>15</sup>Matsi peuyewetse mipai pita xemutiyaneni: «Xika Ti'aitame mipai tinakeni, tekaniu'uwakuni meta mipai tekateniyuriekakuni». <sup>16</sup>Hiki matsi xepitekuxata xeikia kexemite'uyuti'ire. Naime mipai kexemutiyuane yuhepaitsita, 'axaxepiteyurie. <sup>17</sup>Kemi'ane yamikatiyuriene timaitititi, miki 'axakatiniyurieneni.

### Mari'itiarika xikutsixi wahetsiememe

**5** <sup>1</sup>Hikitsi xekeneu'enana, xeme xikutsixi: xekeneutitsuanani xekeneutihiwani mipai xeteha'eriwati 'uximatiarika mixe'axirimeki. <sup>2</sup>Ketita xemitehexeiyi katiniutipine, xe'ixurikite tepaxi mekaniutikime. <sup>3</sup>Xehuru meta xepirata tepiyari pitixaxainiri. Xainimeyari pitihekiata xehepaitsita, tai hepai xewaiyari kanitixitsitiamiki. Tsepa waikawa xemite'ukuxeiri xemitehexeiyani, miki kanixeka'unamiki tukari tapareyu. <sup>4</sup>Xekeniwaru'eni memutihiwa xehepaitsita, xewaxata mete'uta'uximayataku xemikatewarupitia. Te'uximayatamete wahiwari Ti'aitame Naimekimitirikaiye kaniu'enieni. <sup>5</sup>Xemeri xete'ukahiwe'erieti xeikia kwiepa xepu'uwakai, kemixetinake xeikia xepiteyuriekai. Xepiyuwaiyatiakai xeikia xemikwi'iwaki. <sup>6</sup>Xepiwaxanetakai meta xepiwakwikai kemi'ane heitseriemeki memu'uwakai, miki mepikayiwawekai yuhetsie memitanuaniki.

### Xepikawairipieka xete'uka'eniwati

<sup>7</sup>Ayumieme ne'iwama, xete'uka'eniwati xepikawairipietikani, mexi Ti'aitame xetakwewieka. Kami kwiepa muka'etsa xekeneuxeiya, miki 'ikwaxi takwewieti pikawairipie kepaukake mitikaxuawere, kawairipieti pita'ikwewa kepauka mukawiwiyetsie. <sup>8</sup>Xemeta yaxeikia xekene'uka xeta'ikwewati, xepikawairipietikani Ti'aitame munuanitsie kanaye'aximeniri. <sup>9</sup>Neuxei ne'iwama, niuki xepikaxiatiaka yu'iwama wahepaitsita, kapa xe'anutaxiriyani. Miki 'itsikame kitenie kaniutiweniri.

<sup>10</sup>Ne'iwama Kakaiyari niukametemama xekeniwa'ikeni, mete'uka'eniwati meta mekawairipieti, Ti'aitame hetsiememe kememitekuxatakai. <sup>11</sup>Yuriki 'aixia mepi'itiarie kemi'ane mete'uka'eniwati memu'uwa. Xepu'enana Kuwi kemitiu'eniwakai, mipaita xepitehetima 'arika Ti'aitame kemitiyetuiri, Ti'aitame kwini mieme mitiyukanenimaya meta mireuyehiwirieni kanihikitini.

<sup>12</sup>Tsepa naimeki ne'iwama, xepikayihiritiaka, taheima miemeki, kwiepa miemeki, tsepa kemitititaki xexatati. Xika xeyuwairiyani, «huu» xekeneutiyuaneni xeikia. Mexika xekayuwairiyani «hawaiki» xekeneutiyuaneni xeikia, kapa xehetsie tiuhiiwati 'ayaniki.

<sup>13</sup>Xika xeme xewiti tiuka'eniwani, keyutanenewieni. Mexika xewiti yutemawieka, ke'utakwikani. <sup>14</sup>Xikata xeme xewiti tikuyeni, 'ukirawetsixi memuyutixexeiriwa kewarutakwewieni memuyutanenewieniki hetsiena mieme, hatseiti meke'itawirieni Ti'aitame me'ahiaweti.

<sup>15</sup>Kememiteyunenewie yuri mete'erieti, tikwikame 'aixia reu'erieti kanayeimiki, meta Ti'aitame kanenukuketiamiki. Yaxeikiata, xika 'axatiuyurieni, mikiki pireuyehiwiyarieni. <sup>16</sup>Ayumieme hipati mexe'eniekaku xekeneyuhekiatani xika 'axaxete'uyurieni, xemiyunenewiekaki yuxexuiti yuhetsiemieme yunaiti, mipai 'aixia xeteheu'erieti xemakineki. Kemi'ane heitseriemeki yamitikamie, miki nenewierieya waikawa katinikemaka meta kani'enierieka.

<sup>17</sup>Eriyaxi tahepai tewi hikiti. Matsi kepauka, waikawameki yuwairiyati puyutanenewi mikakawiyeki, meta 'ana kwiepa pika'ukawiyexi haika wiyari heimana 'ataxewi metseri. <sup>18</sup>Tawarita 'uyutanenewieku 'ana kaniukawiye, meta kwiepa 'ikwaxite katiniutixuawere.

<sup>19</sup>Ne'iwama nemixenaki'erie, xika xewiti xeme niuki yuri maine hetsie tiwiyati tiuhayewa, meta xewiti xika hutarieka 'atiani, <sup>20</sup>mipai xeketenemaika, kemi'ane hutarieka mi'atia 'axatiyuruwame kemitiuhayewakai, miki tukarieya kaniutawikweitsitiani mikaminiki, meta waikawameki 'axakemitiuyuriekai hetsiena kaniutanuani.

# Pekuru

## Meitani'axia mexiakame xapayari

---

### Wairitsika

**1** <sup>1</sup>Ne Pekuru ni'ariekame, Ketsutsi Kiritsitu hetsia mieme.

Nekanixewairitiaka xeme xemanayexeyarie xemeukuyaxixia teiteri watsata, punitutari, karatsiyatari, kaparutsiyatari, 'atsiyatari meta witiniyatari watsata xemetitei hiki. <sup>2</sup>Xekananayexeyarieni Kakaiyari mita'ukiyari kemitimaikai meripaiti, 'Iyarieya xepatakaku xekaniyiaka, Ketsutsi Kiritsitu mumierieki, xemeta xekaniu'itiyani xuriyayaki, xemiyuwairiyani xaxemitekahuniki kemaine:

Kwinimieme 'aixia ketiuka'iyarini xehetsiemieme, kexepitiaka yu'iyaritsie xemika'uximatariiekaki.

### Tukari ketemitepitari mexi teta'ikwewa yuri tete'eriet

<sup>3</sup>'Aixia ketikuxaxatsiwani Kakaiyari, Tati'aitiwame Ketsutsi Kiritsitu mu'ukiyarieya, waikawameki kemituyukanenimaya, hutarieka kataniutinuiwitiani Ketsutsi Kiritsitu mikite watsata manukuketiarieki, tukari temexeyaniki mexiteta'ikwewa yuri tete'eriet, yuniwema katanayeitiani, <sup>4</sup>'ayumieme tahetsie katininakimiki tita 'asimikatiyiwe, mikatipiniwe meta mikatiyeiwe, tita muyuawitsie mire'iwiyarie xehetsiemieme. <sup>5</sup>Xemetsi yuri xete'eriet xekani'iwiyarieka Kakaiyari tirikariyayaki. 'Ayumieme xekanitawikweitsitariiekuni, kemitimatsiikini xewikweitsitiati tukari 'aye'ayu kepauka mitapare. <sup>6</sup>Mipai xetemaiti xekaniyutemamawieka, tsepaneti hiki 'ayewaikawameki xemite'ukakukwine xe'iniatsietiweti yapaimexia. <sup>7</sup>Huru, tsepaneti mixiwe, taiki kwaxiyarieti waikawa kanixawatuni. Xemeta yuri kexemite'erie mipai pi'ane, huru kemikaraye'axe matsi miki waikawa katinaye'aka, mipai xete'iniatsiet i matsi xeyiwaweti xekananikuni, Kakaiyari 'aixia pitayini xehapaitsita, meta witsipitixexeya kepauka Ketsutsi Kiritsitu matsiikiti mayani. <sup>8</sup>Xeme xepinaki'erie tsepa hatsuaku xemika'ixeyawawe, tsepaneti hiki xemika'ixeya, hetsiena yuri xemite'erie, 'ayumieme xepiyutemamawie 'anayuhayewakameki meta witsi'aneme kexemitepitari, <sup>9</sup>'ayumieme yuri xekateni'erieka, mipai xe'itarieti xekaniutawikweitsitarieni.

<sup>10</sup> Kakaiyari niukametemama, miki wikweitsitiarika hepaitsita mepite'utiwau meyukweriwayurieti kepauka memitekuxatakai kexemitemikienikekai hepaitsita. <sup>11</sup> Mepitewautiwekai kepauka mixatakai, kemi'ane tukari mihekiatakai Kiritsitu 'Iyarieya wahetsie mitiwiyakai, yakatiyiwekaku 'akuxi 'Iyari pitihekiatakai Kiritsitu kemitikwinekekai, 'arike witsi'aneti kemirayanikekai. <sup>12</sup> Mikiri mipai mepite'u'ikitiarie, yuhetsiemieme mipai mepikayiakai kememitehiritiariekai, tame pita tahetsiemieme mepiyiakai miki hepaitsita. Xemetsi hiki wikweitsitiarika hepaitsita xepite'utahiawarie wahepai, texaxatamete yametenixekuxaxatiwakaitini, 'Iyari Mitiyupata hetsie metewiyati taheima meyeniarie. Kakaiyari niuki tuayametemama mipai mepitemaikakeyu kexemite'utahiawarie.

### Kexemite'upatsie, mipai xeketeneu'uwani

<sup>13</sup> Ayumieme xekeneyuha'aritiaka yu'iyarisie 'aixia 'anemeki xeteku'eriwati, xeketeneyu'aitiaka, naimeki xeta'ikwewati 'aixia kexemi'itiarieni kepauka Ketsutsi Kiritsitu matsikiti mayani. <sup>14</sup> Tiiri yamemitekahu wahepai xeyiati, meripai hepai xepikateyumaika, kexemiteyukahiwe'eriekai 'atsixekatemaiti 'ana. <sup>15</sup> Kemi'ane mixe'uta'ini kanipatsieka, 'ayumieme xemeta miki hepai xe'aneneti xekenakini, hetsiena mieme xekenepatsieka naimetsie kexemite'u'uwa, <sup>16</sup> mipai mire'uxaki: «Xeme xekenepatsieka nehetsiemieme, ne nemupatsieki». <sup>17</sup> Miki yiki katiwaxeiyati kaniwa'iniatani kememiteyurie yuxexuuti, miya mi'ane xika xe'utahiawe yu'ukiyaritime, xe'eyemakati 'aixia xete'ixeyati xekeneyiaka mexi'akuxi 'ena xe'u'uwa <sup>18</sup> mipai xetemaiti, tita mitipiniweki pirataki, huru hepai, mikiki xepika'unanaiya kepauka xemuxinarie 'uxa'atini warie yaki xeikia xemika'u'uwaniki, xetutsima kememite'ekitiakai, <sup>19</sup> xepuxinarie Kiritsitu xuriyayaki kwini mieme matsi miraye'axeki, miki mawari hepai muxa nunutsi hepai kaniumierieni, hetsiena karahiiwakaku, 'aixia 'aneti mawari mayaniki. <sup>20</sup> Kwie kanetiariewekaku 'akuxi, Kakaiyari yakatinimaikaitini kemitiyurienikekai miki. Tukari 'aye'aximekaku, xeyarieti kanayani xehetsiemieme. <sup>21</sup> Yuri xepite'erie Kakaiyari Kiritsitu hetsie yatixepitiakaku, xeme xehetsiemieme, Kakaiyari kanenukuketiani mikite watsata, witsi'aneme kanayeitiani yuri xemite'eriekaki, meta kexemite'ikwewani.

<sup>22</sup> Xekaniyu'itirieni yu'iyari, tita yuri mirainetsie yaxetekahuti 'Iyarieya xeparewiewekaku, 'ayumieme yu'iwama yuriki xekeniwanaki'erieka, 'aixia 'iyariki xekeneyunaki'erieka waikawameki. <sup>23</sup> Xemetsi hekwameki xekaniutinunuiwa, 'imiari mipiniwe hetsie xepika'utinexia. Mikapiniwetsie pita xeputinexia, Kakaiyari niukieya mayeniere yatixepitiakaku yuheyemeki 'amititeriwe.

<sup>24</sup> «Yunaiti teiteri tupiriya hepai mekani'aneneni,  
naiti witsikememi'anene tuturi 'ixapa mieme,  
tupiriya pitiwauke meta tuturiyari pikawiwike,

<sup>25</sup> Perutsi Ti'aitame niukieya yuheyemeki 'apititeriwe».

Miki niuki mixata, niuki 'aixia manuyine kanihikitini xemutaxatiarie.

**2** <sup>1</sup> Ayumieme, xeketeneuhayewa 'axaxeteyurieti naime meta xete'itawati, yakixeikia xepikatekuxatani, xepikateyukananaimaka,

hipame xepikawaniukimaka, <sup>2</sup> tiiri xike memutinunuiwaxi wahepai pita xekenehiwe'erieka retsi 'iyaritsie mieme mikahatuiyarie. Mikiki xekanitiwawerikuni, xewikweitsitarieti xekanakinikuni, <sup>3</sup> Hikiri xekane'iniata, Ti'aitame 'aixia kemitiuka'iyari.

### Tete hepai kemi'ane mayeyuri

<sup>4</sup> Kiritsitu tete mayeniere kanihikitini, teiteri memitixani'eri, peru Kakaiyari kanenayexeiya. Mariwemeki 'aixia mitixeyarieniki. Kepauka hetsiana xemiye'axe <sup>5</sup> xemeta tetexi kemitiu'uitiariwa kii mayaniki yaxaikia xeme xe'ayeneniereti xepiti'uitiarieni kii xemakineki 'iyaritsie mieme. Mawari wewiwamete xekanakini Kakaiyari hetsiememe xepatsieti, xemixatianiki mawari 'iyaritsie mieme kemitinake Kakaiyari, Ketsutsi Kiritsitu xeparewiekaku. <sup>6</sup> 'Ayumieme mipai pire'uxa:

«Neuxei, Tsiyunitsie nekanitakeni  
tete manayexeyarie tsikurita mieme,  
waikawa mariweti kemi'ane yuri miti'erie hetsiana  
hatsuaku pikatiyutewiniaka».

<sup>7</sup> Kwinimieme mariwemeki witsixepite'ixeiya, xeme yuri xemite'erie, peru yuri memikate'erie wahepaitsita pita kemaine,

«Kii wewiwamete tete memitixani'eri,  
matsi miki tete 'itsikina mieme kanayani»,

<sup>8</sup> metatsiere mipai paine:

«miki tetetsie mepitiketamire  
meta tete miwarekaxirieni kanihikitini».

Miki mekaniutiketamireni niukitsie yamemikatekahuki, mipai memiteyurieniki memi'ayumiemetetikaiki.

<sup>9</sup> Xeme pita xeime nuiwari xekanihikitini xemanayexeyarie, Mawari wewiwamete ti'aitamete hetsiamiemete, nuiwari xemipatsie, Kakaiyari yuteiterima mixe'ayeitia, xemitehekiataniki mariwemeki kemitiyuriene kemi'ane mixe'uta'ini xemitehayewaki yi'wipa xe'u'uwati, miki hekiariyayatsie pita xemu'uwaniki mimariwetsie. <sup>10</sup> Meripaiti nuiwari xepikahikitikai, hikiri Kakaiyari teiterimama xekanihikitini, meripaiti xepikanenimayatsiekai, hikiri xeputinenimayatsie.

<sup>11</sup> Nenaki'erima kikamete xekanihikitini ku'uwamete xekanihikitini, 'ayumieme mipai nekatnixetuikani, xemitehayewaki yaxeteyurieti kemitiyukahiwe'erie waitsie tiwiyati, miki hiwe'erika ta'iyari hamatia kaniyukwitiwani. <sup>12</sup> Hipame nuiwarite watsata 'aixia 'anemeki xekeneyiaka, xika mipai xeteyurieka, tsepa memixeniukima 'axaxemiteyurie me'utiyuati, 'aixia 'anemeki xemiteyurieki mexexeyati 'aixia me'utiyuati Kakaiyari hepaitisita mekanakinikuni, miki tukari 'aye'ayu kepauka miwatawikweitsitiani.

### 'Itsikate ketemitewareu'enieka

<sup>13</sup> Ti'aitame hetsia xemimieteki, yaxeketenekahuni kememutiyuane 'itsikate heitserie memexeiya teiteri watsata, yaxeketenekahuni kwiepa

ti'aitame kemaine miki mīmariweki. <sup>14</sup>Yaxeketenekahuni kuwexinaruritsixi kememutiyuane, kwiepa ti'aitame miwareyeni'axiaki memiwaraye'eritianiki miki 'axamemiteyurie, 'aixia memitewatahiaweiki miki 'aixia memiteyurie. <sup>15</sup>'Ipaī kani'aneni tita Kakaiyari mitinake, xeme 'aixia xeteyurieti xemenukanakaki yaki xeikia kememutiyuane teiteri 'atsimemikatemate. <sup>16</sup>Xekanixixinini, peru xexixiniti heitserie xehexeyiame 'axaxemiteyuriekaki xepikayu'erieka, Kakaiyari te'uximayatametemama pita xekanihikitiini. <sup>17</sup>Waikawameki 'aixia xeketeniwaxeyani yuxexuime: xekeniwanaki'erieka 'iwamarixi, Kakaiyari xekenayemakaxeni, kwiepa ti'aitame mariwemeki 'aixia xeketenexeyani.

<sup>18</sup>Te'uximayatamete, yaxeketenekahuni kememutiyuane xekutsiyarima naimeki xetewareuyehiwirietī, 'aixia memite'u'iyari memika'ayu'eririya nepikawaxata xeikia, matsi memitsetse'ita kememutiyuane yaxeketenekahuni. <sup>19</sup>'Aixia pitikihiawariwani xika hiweritariieka Kakaiyari ha'eriwati, xika tiukakukuineni heitseriemeki ka'itiarietī. <sup>20</sup>Peru, ǵtitaki 'aixia xetekihawariwani xika xete'uka'eniwani, 'axaxete'uyurieka xeikia xe'utiweiyani? Matsi pita 'aixia xeteyurietī xika xe'utiweiyani xete'uka'eniwani, Kakaiyari 'aixia pitixetahiawe. <sup>21</sup>Mipai 'ayumieme xeputa'inierie, Kiritsitu pitiukwinixi xehetsiemieme, 'iniari xepitiati, xemiweiyani miki kemitiyurienekai.

<sup>22</sup> «Miki 'axapikatiuyuri,  
nanaimarika tetana pikaxuawekai».

<sup>23</sup>'Axatikihawariwati 'axapikatiwarutahiawixi, tikwineti 'atsipikahainekai kename 'axawayurienikekai, matsi kaniyuyetuani kemi'ane heitseriemeki miwa'iniata 'aixia miyurieniki. <sup>24</sup>Miki yuwaiyaritsie kanititini tita 'axatemite'uyuri kiyetsie mukawiyatsie, tame te'utixinarieme 'axatemikateyuriekaki 'uxa'atini warie, temayeneniereniki pita heitseriemeki yatetekahuti. Miki mitiukwinitiarieki, xeme 'aixia xeteheu'erietī xepayetiariē. <sup>25</sup>Matsi muxatsi memeuyexiri hepai xepiyiakai, hikirixia ta'aurie xe'axirieka muxatsi wahiwemetsie xepite'uwi, kemi'ane xe'iyari mi'iwiya hetsia.

### Kemireuyewetse yamemiteyuriekaki meyu'ititati

**3** <sup>1</sup>'Ukari yaxeikia, yaxeketenekahuni kememutiyuane xekinama, mipai xeteyuriekaku, tsepa hipati yamemikatekahu niuki kemaine, wa'itama 'aixia 'anemeki xe'u'uwakaku yuri mepiteta'eritiarieni 'atsixeka'utiyuanekaku, <sup>2</sup>mexexeyati kexemite'u'uwa Kakaiyari xehayemakati xe'itiatikaiti. <sup>3</sup>Kexemiteyukemaritia, herie miemeki xeikia xepikamariwani, kexemiteyutsa'a yikipatsie, huruki kexemite'atikuka, kexemite'enakatiki 'ixuriki. <sup>4</sup>Matsi xekenemariwani kexemi'anene yutaita hakewa mikahematsiiki herie, yu'iyaritsie pita. Xika xe'iyari ka'ayu'eriyani xika kayuwati 'umaka, miki matsi witsipirekemari mikapiniweki, kemi'ane mipai mi'ane, Kakaiyari kwiniemieme mariwemeki 'aixia pitixeyia. <sup>5</sup>'Ukari meripaiti 'amemu'uwakai memipatsiekai Kakaiyaritsie miemeki, memita'ikwewakai yuri mete'erietī hetsiena, miki mipai mepiteyukemariakai yametekahuti

kememutiyuanekai wakinama. <sup>6</sup>Tsara meta yakatinikamiekaitini 'Apirahami kemainekai, ti'aitame katinitamare. Xemeta niwemama xekanakine hepaina 'aixia xeteyurieti, xekamamati xika xemariutsieka.

<sup>7</sup>Ukitsi meta yaxeikia, xetemaiwaweti yu'itama wahamatia xekeneutiteni, mipai xetemaiti, xehepai memikatrirkawiki yuwaiyaritsie, mariwemeki 'aixia xeketeniwaxeyani, mipai xetemaiti, mexeteitakaku wahetsieta pitinake tukari memimikieniki xehamatia. Mipai xika xeteyurieka xenenewieri pika'anunamieni.

### **Yaxeketeneyurieka xe'iyari kaxe'utatieniki**

<sup>8</sup>Imatirieka yunaiti xekenyuxewini kexemiteyikihiawe, xekenyuxewini 'axeikia xeyutemamawieti xeyuhiwerieti nutsu, xekeniwanaki'erieka 'iwamarixi, xeketenyukanenimayaka, xepika'ayu'eririyani.

<sup>9</sup>'Axaxete'upitarieme 'axaxepikawayurieni, 'axaxete'utahiawarieme 'axaxepikatewakihaweni, matsitsi xekeneutawawiri Kakaiyari 'aixia memi'tiarieniki pita, 'ayumieme xeputa'inierie, xehetsie mitinakeniki 'aixia xemi'tiarieniki.

<sup>10</sup>«Kemi'ane minaki'erimiki tukari,  
kemi'ane mixeyamiki tukari 'aixia mi'ane,  
ketihayewani 'axa'utaiti yuneniki,  
ketihayewani yutetaki 'itarikaki tikuxatati.

<sup>11</sup>Ke'iku'eirieni tita 'axamiti'ane, 'aixia ketiyurieneni pita,  
ketikuwauni 'aixia mitiwaxeyaniki teiteri, keyumexiitiaka mikiki.

<sup>12</sup>Ti'aitame kaniwaxeyani miki heitseriemeki yamemitekahu,  
meta wanenewieri kani'enieka,  
matsi 'axapitiwaxeyi miki 'axamemiteyurie».

<sup>13</sup>Miki meta, ¿kepaikitsi 'axapixeyurieni xika xeyuwairiyani hiki xemiyumexiitiakaki tita 'aixia miti'ane hepaitsita? <sup>14</sup>Metsi xika xete'ukakukwineni heitseriemeki yaxemitekahuki, xekenyutemamawieka matsi. «Xepikawamakarika, xepikayuxamurieka». <sup>15</sup>Matsi yu'iyaritsie xekenayemakaxeni Ti'aitame Kiritsitu kemitupatsie. Yuheyemeki xekeneha'aritsieka xemitiniuniki tita xemitekwewietsie mieme, yaxete'ikihiaweti kemi'ane mixeta'iwawiya. Mipai xetekuxatati xepika'ayu'eririyani xeikia, matsi xekenayemakaxeni kemi'ane mixeta'iwawiya, <sup>16</sup>xe'iyari 'aixia 'anekaku kaxetate'akaku. Mipai kememitezeniukima, miki hepaitsita mepiyutetewiyani miki memixeniukima kexemiteyurie 'aixia 'anemeki, Kiritsitutsie xetewiyati kexemiyia. <sup>17</sup>'Aixia kaniyimiki xika xete'ukakukwineni 'aixia xemiteyurieki, xikate mipai tinakeni Kakaiyari, peru 'axaxemiteyurieki pikatixai.

<sup>18</sup>Kiritsitu xeimieme xeikia kaniumini tita teiteri 'axamemiteyurie hepaitsita, kemi'ane heitseriemeki yamitikamiekai, miki kaniumini tame heitseriemeki yatemikatekahu tahetsiemieme, mitatsi'aye'atianiki Kakaiyari hetsia. Kemititewitakai, kaniumierieni, yu'iyari kemirexeyakai, panutanieritiarie. <sup>19</sup>Mipai 'aneti kaneyani, piwarutaxatia 'iyarite memanutaxiriyakai. <sup>20</sup>Miki meripai mepikayuwairiyakai yamemitekahuniki



kepauka Kakaiyari mita'ikwewakai tiuka'eniwati 'ana Nuhexi 'amuweikakaitisie, mexi'akuxi kanuwa 'amipa wewiekai. Mikitsie meyeteti meyu'atahaikati meputawikwei memutihautsie. <sup>21</sup> Miki 'iniari kanayani, 'iyarika kani'iniaritini. 'Iyarikaki xewaiyari xepikahauxina kemitikwiema, mikiki matsi xe'iyari kaxetate'akaku xepiyuhiritia Kakaiyari xe'eniekaku. Mipai xepiteyuwikweitsitia hiki, Ketsutsi Kiritsitu manukukeki. <sup>22</sup> Miki Kakaiyari tserieta 'apuwe muyuawitsie paiti heyaka, niuki tuayamete, heitserie hexeyiamete meta tirikariya hexeyiamete yunaiti yamepitekahu kemaine.

**'Aixia xeketenaye'atia kexemite'uhiritiarie  
Kakaiyari 'imikierieya hepaitisita**

**4** <sup>1</sup> Ayumieme, Kiritsitu yuwaiyaritsie kemituikwinixi tahetsiemieme, xemeta xekeneyuha'aritiaka xemitekwinitarieniki, hepaina xeteyumaiti, tamitsi kemi'ane yuwaiyaritsie mituikwinixi katinuhayewa 'axatiyurieneti. <sup>2</sup> Ayumieme mexi'akuxi yuwaiyaritsie 'ayeniereni, tiukahiwe'erieti pikayianeni, teiteri kememite'ukahiwe'erie, matsi pita Kakaiyari kemitinake katinuyurienemiki. <sup>3</sup> Ariri tukari manuyetiatsie tukari xeputsewixima yaxeteyurieti kemitivanake nuiwarite, xekaniku'uwani xerukuyatiweti xeikia, xete'ukahiwe'erieti, xetariwetiweti, xeku'ixiaratiweti, xeku'ietiweti, meta tetexi xewarayexeyati memixani'eriwa. <sup>4</sup> Mipai xemikateyurieki hiki mekanihixiyaka, xeme wahamatia xemika'utananautsaki wahapai xeyutatuati xemitimayarieniki, 'ayumieme 'axamekatenixekihaweni. <sup>5</sup> Kaneuyewekamiki miki memitiniuniki yuhetsiemieme kepauka miwata'iwawiya kemi'ane 'amuwe ha'aritsieti memayeneniere meta mikite yunaiti. <sup>6</sup> Ayumieme teiteri memukwi mekanitaxatiarieni hepaitisitana niuki 'aixia manuyineki, memita'iwawiyarieniki yuwaiyaritsie teiteri kememitiariwa, yu'iyaritsie pita memayeneniereniki Kakaiyari kemirayeniere.

<sup>7</sup> Ariri kanehuraniri naiti yamiraye'aniki. 'Ayumieme xekeneyunenewieka 'aixia 'anemeki xetemaiwaweti xekeneyiaka, mikiki xeyikihaweti. <sup>8</sup> Iki naimeki, xekeneyunaki'erieka yuheyemeki, naki'eriya naime katinanuyetiwani waikawa 'axamiti'anene. <sup>9</sup> Yukie xekeneyunaki'erieka xekaniukixieti. <sup>10</sup> Kakaiyari kemitixepitia yuxexuime, mipai xeketenyuparewieka, kexemite'uhiritiarie Kakaiyari 'imikierieya hepaitisita mimiire hepaitisita, mipai 'aixia xeketene'uximayaka. <sup>11</sup> Xika niukametini, Kakaiyaritsie mieme 'utaniuti ketikuxatani. Xika tiparewiwametini, mipai ketiwaparewieka Kakaiyari kemititirikariya. Mipai xeteyuriekaku, Ketsutsi Kiritsitu yatixepitiakaku, Kakaiyari witsikatinikuxaxatsiwamiki naimeki. Miki witsiketikihiawariwani, tirikariya kepitiarieka yuheyemeki tsepaneti xeitsienituyari wiyari manuyekika. Mipai xeikia kani'aneni.

**Kiritsitutsie tiwiyati kemitiyurieni tiukakukwineti**

<sup>12</sup> Nenaki'erima, xepikahixiyaka xe'iniatsietiweti tsepa taiki, kexemitenewieki mipai xemi'itarieximeki. <sup>13</sup> Matsitsi, kexemiteyuxewi

Kiritsitu hamatia, xete'ukakukwineti miki mitiukwinixi hepai, mikiki xekeneyutemamawieka, miki meta, xika mipai 'aneni, kwiniemieme xekaniyutemamawiekakuni kepauka matsiikiti mayani witsi'aneti.

<sup>14</sup>Xika 'axaxetekuhiawariwani Kiritsitu hetsia xemimieteki, xekeneyutemamawieka, mipai xetemaiti, 'Iyari witsimi'ane xehetsie pitiwiya, Kakaiyari 'Iyarieya hikititi, wahetsia 'axapitikuxaxatsiwa, xehetsia matsi 'aixia pitikuxaxatsiwa. <sup>15</sup>'Aixia pikayini xika xewiti xeme tiukakukwineni mitiyumemiwaki, mitinawayaki, 'axamitiyurieneke, maniuweki. <sup>16</sup>Matsi xika tiukakukwineni Kiritsitu hetsie mitiwiya, pikayutewiyani, Kiritsitu hetsia miemetiti mipai ke'itarieni matsi, Kakaiyari 'aixia mitikuxaxatsiwaniki. <sup>17</sup>Tukari kanaye'ani 'iwaurika mitsutiarieniki, Kakaiyari kiie kiekatari meri temita'iniatsieniki, xika tahetsie tsutiarieni meri 'iwaurika, ketsi me'u'itarieni miki memikayuwairiya yamemitekahuniki niuki kemaine Kakaiyari hepaitisa 'aixia manuyine.

<sup>18</sup> «Miki heitseriemeki yamemitekahu xika haweri mieme xeikia me'utawikweitsitarieni, hakewari miki Kakaiyari memika'ayexeiya, hakewari miki 'axamemiteyurie».

<sup>19</sup>'Ayumieme miki memite'ukakukwine mipai mitinakeki Kakaiyari, miki kaneuyeweka 'aixia meteyurieti memiyuyetuaniki, kemi'ane miwarunetia miwa'iwiyani wa'iyari, miki yakatinikamieni kemaine.

### Kakaiyari muxatsimama xekeniwa'iwiyani

**5** <sup>1</sup>'Ayumieme 'ipai 'ukirawetsixi nepitiwatuika, neta wahepai nekani'ukiratsitini, nekaniuniere Kiritsitu tiukwineku, neta neheixeyiati nekanayani tita 'umiramie witsiti'aneme ketemitexeitsitarieni, 'ayumieme nepaine. <sup>2</sup>Kakaiyari muxatsimama xemihiritiarie xekeniwa'iwiyani, wairiyarika xekayiatu. Tumini xehiwe'erietu xeikia xepikayia, matsi pita xeyuwairiyati xeketene'uximayaka, Kakaiyari kemitinake. <sup>3</sup>Mamariwawemete xepikahayuyeitiaka xemihiritiarie wahetsiemieme, matsi 'iniari xekenehikitini muxatsi wahixie. <sup>4</sup>Kepauka muxatsi wahiwemete wa'ukiyari xeyarietitu mayani, kuruna witsimi'ane mikayeiwe xekaniyetuiriyarikuni.

<sup>5</sup>Mipaita xeme temari yaxeixia, kememutiyuane 'ukirawetsixi yaxeketenekahuni. Tixaitu xekatehayuyeitiati xekeneyiaka yunaima wahepaitsita,

«Kakaiyari kaniwaraye'unieka miki memuyuti'ire, matsi pita 'aixia pituika'iyari tixaitu memikatehiki wahetsiemieme».

<sup>6</sup>'Ayumieme tixaitu xekatehikitime xepikahayuyeitiaka, Kakaiyari yitirikariyaki xetuikakaku, miki yemeki tixaitu xekatehikitime mixe'ayeitianiki tukari 'aye'ayu. <sup>7</sup>Xexemiteyu'iyaritita, xeketeneyetuiri naime, mikita mixe'iwiyaki.

<sup>8</sup>Xekeneyuta'eriwani meta xekenayeneniereni. Xeneikixiwi kauyumarie pikuyeika maye mahiwa hepai 'ikuwaunetu kemi'ane mitakwaniki.

<sup>9</sup>Xekenaye'unieka, xekeneyutseiriyani yuri xete'erieti, mipai xetemaiti, kaneuyeweka yaxeikia memite'ukakukwineniki yunaiti 'iwamarixi naitarie kwiepa.

<sup>10</sup>Miki meta, Kakaiyari naimeki 'aixia katiniuka'iyarini, miki kanixe'uta'inieni hepaina witsixe'ananeme mixe'ayeitianiki yuheyemeki Kiritsitutsie xetewiyakaku, mikiri yapaimexia xetekwineyu kanixehkwariyamiki, meta xetirikawime kanixe'ayeitiamiki, kanixetseiriyamiki, xekitia mieme tetsariya kanitakemiki. <sup>11</sup>Miki tirikariya kepitiarieka yuheyemeki tsepaneti xeitsienituyari wiyari manuyekika. Mipai xeikia kani'aneni.

### Teutiarika

<sup>12</sup>Tsiriwanu ta'iwa yamitikamie kenemitiku'eriwa netsiparewiekaku, yapaimemeki 'ipai netinixe'uta'utiirieni nexetuikati netixehekiatiati kename yuriki 'ipai 'aixia tiuka'iyari Kakaiyari. Miki 'aixia tiuka'iyarikaku xehetsiememe xekeneti'uka.

<sup>13</sup>Miki Wawiruniya memiyutixexeiriwa xehapai memanayexeyarie mekanixewairitiaka, meta neniwe Marikuxi kanixewairitiaka.

<sup>14</sup>Xekeneyuwairitiaka xeyunaki'erieti.

Yunaiti Kiritsitu hetsie xemitewiya kayuwati xekepitariieka. Mipai xeikia kani'aneni.

# Pekuru

## Meitani'axia hutarieka mieme xapayari

---

### Wairitsika

**1** <sup>1</sup>Ne Tsimuni Pekuru, Ketsutsi Kiritsitu hetsiemieme nekatini'uximayatametini meta nekanini'ariekametini,

nekanixewairitiaka xeme xemupitiarie yuri xemite'eriekaki tahepai, takakaiyari tatsiwikweitsitiwame Ketsutsi Kiritsitu kemitixepitia heitseriemeki yamitikamieki.

<sup>2</sup>Kwinimieme 'aixia ketiuka'iyarini xehetsiemieme waikawameki, kexepitiaka yu'iyaritsie xemika'uximatariiekaki, kexemite'imate Kakaiyari, Ketsutsi meta Tati'aitiwame.

### Heitseriemeki temiti'ukaki temuta'inierie meta te'anayexeyarieka

<sup>3</sup>Miki Kakaiyari mitirikaiye, pitatsi'upitia naime kemireuyewetse temitemaikaki 'aixia 'anemeki temite'ayexeyaniki. Mipai tekateniupitiarieni temeitimaniki kemi'ane mitatsi'uta'ini witsi'anemeki mariweti. <sup>4</sup>Mipai mi'aneki 'iya pitatsi'umi tita mitatiutahiawixi temeixeyaniki kwini mieme raye'arikame mariweme, mipai pitatiumi, mikiki hamatiana xemiyutaxewireki kemitane Kakaiyarititi, kepauka xemitawikweni kapa xetsewiximariiekaki, kwiepa memitama kememiteyutsewixima memite'ukaheiw'e'rieiki.

<sup>5</sup>Miki 'ayumiemeyariki yuri xete'erietu kwini mieme xekeneyumexiitiaka 'aixia xe'aneneti xemayuyetitani, 'aixia xe'aneneti, tita mireuyewetse xetemateti xekenakini. <sup>6</sup>Yaxetemaiti, xetsetseyeti xekenakini yu'iyaritsie kexemiteyu'aitia, xetsetseyeti kexemiteyu'aitia yu'iyaritsie, yaxekia xekayupatati xekenakini tsepa 'axaxemi'itiarie, xekayupatati, xete'ayexeyati xekenakini. <sup>7</sup>Xete'ayexeyati, yu'iwama xewanaki'erietu xekenakini, yemeki xeteyukanaki'erietu. <sup>8</sup>Mipai xika xeteyurieka, xekanitiwawerikuni xetemaiti, yaki xekia xete'uximayati xepika'ayeitiarieni, matsi pititixuawere pita kexemite'imate Tati'aitiwame Ketsutsi Kiritsitu. <sup>9</sup>Kemi'ane mipai mika'ane, miki 'ahurawa xekia kaniniereni, matsi kanakipeni, katinatimaiya kemitu'itiyakai, meripaiti 'axatiuyurieka. <sup>10</sup>'Ayumieme ne'iwama matsi waikawa xekeneyumexiitiaka xemitirikariyaki miki 'uximayatsika

para minireki kexemite'uta'inierie kexemite'anayexeyarie, mipai xika xeteyurieka hatsuaku xepikaheuyexirieni. <sup>11</sup> Mipai xeteyurieti, yemeki matsi xekanipitiariekakuni xemaye'axianiki hakewa yuheyemeki mire'aita Tati'aitiwame Tatsiwikweitsitiwame Ketsutsi Kiritsitu.

<sup>12</sup> Ayumieme ne tsepa mipai xemitemate, 'iki hepaitisa neheyemeki nekanixeha'eritiwamiki, tsepa xemutirikariyarie tita yuri miraine mixe'u'axixiki. <sup>13</sup> Mipai nepitiku'eriwa, mexi'akuxi ne'ayenieme piheitserie para nemixe'anutahitianiki mipai xemiteha'eriwaniki <sup>14</sup> mipai netimaiti, kwitiwa 'iki newaiyari nepuku'eirieni, keminetiuhekiatsitia Tati'aitiwame Ketsutsi Kiritsitu. <sup>15</sup> Nepinemexiitia yuheyemeki xemi'iwaweniki mipai xemiteha'eriwaniki neyemiyu.

### **Tepixei kemitimariwe Kiritsitu**

<sup>16</sup> 'Ixatsi kwamanarika mutawewiyatsie, mikitsie tepikatewiyakai tame kepauka temitexe'utaxatia, mipai te'utiyuati kemititirikaiye Tati'aitiwame Ketsutsi Kiritsitu, kemitinuani meta, matsi tame temunenierixi tepihiki, temixeiki kemitimariwe miki. <sup>17</sup> Kepauka Kakaiyari mita'ukiyari mariweme mixataakai, witsi'aneme mayeitia, kepauka xewiti mutaniu witsi'anemetsie mariwemetsie 'ayeweti mipai 'utaiti hetsiena mieme: «'Iki neniwe kanihikitini neminaki'erie, mikiki waikawa nekaniyutemawieka». <sup>18</sup> Ana tame tekani'enieni 'utaniukakaku taheima, kepauka hamatiana temu'uwakai yemuri mipatsietsie Kakaiyari hetsiemieme. <sup>19</sup> Miki meta, tita matsi waikawa mititse'i tekanexeyanita texaxatamete waniukitime, 'aixia xepiteyurie xika xe'l'enieka, makuyiwitsie mihekiariwie hepai kani'aneni, xepi'enieka mexi'akuxi kakatarawe, tuxakita mieme xurawe mexi'akuxi ka'atinewe xe'iyaritsie. <sup>20</sup> Yemeki peuyewetse mipai xemitemaikaki, texaxatamete waniuki naiti 'utiarika xapayaritsie mire'uxa, tewi pikayawe yikimana mihekiataniki. <sup>21</sup> Miki niuki kepauka munua, tewi mipai mitinakekaiki xeikia hatsuaku pika'atiarie, matsi pi'atiarie 'Iyari Mitiyupata wakuyuitiwakaku teiteri memipatsiekai, miki yamekatenikuxatakaitini Kakaiyari hetsia miemeki.

### **Miki texaxatamete te'ikitamete memite'uteriwariwa peru memikahiki**

**2** <sup>1</sup> Hipati texaxatamete memite'uyuteriwakai peru memikahikitikai meripaiti mepanuku'ui teiteri watsata, yaxekiata hiki xeme xetsata hipati te'ikitamete mepite'uyuteriwani, peru miki mepikahikitini, niuki mekani'atiakuni 'awie kimana teiteri memitatimaiyarieni yiki manuyineki, 'atsita mepiyuku'imawani, mipai me'utiyuati kename meka'imate yukutsiyari kemi'ane miwaruxinaxi miwarunanai. Yapauka meyutimaiyati mekanayuyeitiakuni. <sup>2</sup> Yumiireti wahetsie mekateniwiwakuni wahapai memiyutatuaniki merukuyatiweti xeikia, miki wakimana, tita yuri miraine huyeyari pitsewiximarieka 'axatikuxaxatsiwakaku hepaitisana. <sup>3</sup> Piinite metehiwe'erieti, yaki xeikia mete'ikitati xekimana mepite'itaka. Tsepa meripaiti 'amemu'uwa, xianaki pikayiane 'itsikame 'arike miwatahiawe, kemi'ane miwaka'una pikakutsu.

<sup>4</sup>Kamitsi, Kakaiyari pikatiwareuyehiwiri niuki tuayamete taheima miemete 'axamemite'uyuriki, matsi piwayetua 'uximatiarika miwaxuwetsie, meukatewatsie miwatiyiwitsie kaniwareukaxirieni mexi'akuxi kawatahiawiwe 'itsikame. <sup>5</sup>Yexeikiata meripaiti 'amemu'uwakai pikatiwareuyehiwiri, kepauka wiyeri meyen'a 'axateyuriwamete watsata, tsepaneti 'atahaikame piwaruta'iwiyaxi Nuhexi miki pitiwakuxaxatiwakai heitseriemeki. <sup>6</sup>Miki meta, 'uximatiarika kaniwarupitiani memika'unarieniki Tsurumatsie Kumuxatsie kiekatari, naxi kanayeitiani wakielarite, 'iniari kaniwarayeitiani, miki 'arike 'amemu'uwanikekai Kakaiyari meka'ayexeyati memiwara'eriwaniki kememite'anayeki. <sup>7</sup>Yaxeikiata tewi heitseriemeki yamitikamiekai kaniutawikweitsitiani Ruti titewakame, miki kwini mieme katiniuti'uxitiariwakaitini, 'iniari tsanamete kememite'u'uwakai merukuyatiweti. <sup>8</sup>Miki heitseriemeki yakatinikamiekaitini, peru kemitinierikai kemiti'enakai mexi watsata 'ayekatei, tukariki yu'iyaritsie pi'uximatiariekai waxeyati kememiteyuriekai 'iniari memititsanakaiki. <sup>9</sup>Kaniyiweni Ti'aitame miwatawikweitsitianiki miki Kakaiyari memayexeyia kepauka memita'iniatsieni, piyiweta miki heitseriemeki yamemikatekahu miwata'iwiyaki wa'uximatiati, 'itsikame 'arike miwata'iwawiyaki.

<sup>10</sup>Miki matsi piwakema, miki 'amemu'uwa yuwaiyaritsie metewiyati, mete'ukahiwe'erieti memitsewiximarieniki, me'ixani'erieti kemi'ane ti'aitame mihiki. Mikiri mepikayukweriwayurie, matsi yuhetsiemieme xeikia mepiyutatua, mepikamama tsepa memiwatsewixima mamariwawemete 'axame'utiyuati. <sup>11</sup>Taheima miemete niuki tuayamete tsepa matsi kwini mieme memimamariwawe meyiawaweti metirikawiti, peru miki mepikawatsewixima kepauka yamemutiyua, mewaxanetati miya memi'anene Ti'aitame hixie. <sup>12</sup>Miki tatewama memikate'u'iyari wahepai me'aneneti, yikimana xeikia mepite'u'iyari, mepitinunuiwa memitiwiyarieniki memikwi'iwaki xeikia, miki 'axame'utiyuati mepitsewixima tita 'atsimemikatemate hepaitisa. Merikite, tatewama wahepai mepitatimaiyarieni miki. <sup>13</sup>'Axame'itiarieti yamepite'akapitiarieni 'axamemiwaruyuriki hipame. Naki'eriya mep'erie hekita merukuyatiweti miki. Mepiyutsewixima mepiyuyiriya tsepa xehamatia memitekwa'a xeikia, meminaki'aki mete'itatiweti. <sup>14</sup>Yihixiki 'ukarawetsixi memiwakuwautiweniki piwanake xeikia memiwakumaiwaniki tsepa hipame wa'itama, mepikatehayewa metekuwautiweti 'axakememiteyurieniki, mepitewa'iriwiya mepiwawiya miki wa'iyari mikatsetse'i, miki matsi yu'iyaritsie mepi'iyamate hipame wapiinite memitehiwe'eriekaki, wahetsie pitinake 'axamemitetahiawarieniki para 'axamemi'itiarieniki. <sup>15</sup>Huye me'uku'eirieka mixeuraiye, mekaneuyexirieni, Warami Wehuri nu'aya huyetana mekaneukuyune matsi, miki pihiwe'eriekai tita miti'iwanikekai tsepa mikahaitseriekai, <sup>16</sup>peru kaniutatierieni 'iniari mititsanakaiki: puxuya —tsepaneti mikaniuwekai— tewi niukieyariki kaniutaniuni puxu pika'ipitia tixaxatame kemitiyurienekai kayumaiti.

<sup>17</sup>Mikititi haixa hepai mekani'aneneni peru memayewawaki, 'aixi hepai mekani'aneneni teikaki mu'eketika hepai. Yiriya kwi miyiw

wahetsiemieme kani'iwiyariekamiki. <sup>18</sup> Mariwemeki kememitekuxata peru yaki xeikia me'utiyuati, mepitewa'itaiya mepiwawiya miki haweri mieme memutawikwei, teiteri memeyexirie wahepai 'amemu'uwakai. Mepitewa'iriwiya mewahiwe'erikatsitiati, teiteri yuwaiyaritsie metewiyati kememite'ukahiwe'erie, para memirukuyatiweniki xeikia. <sup>19</sup> Mipai mepitewakuxaxatiwa kename waniu meyiawaweni memiyuni'akaki yikimana me'utiyuati, peru mikititi miya memutiyua matsi yemeki wairiyarika mepite'uximaya tita mitipipinitsie miemeki, tita mire'iwa tewi, mikitsie mieme wairiyarika katini'uximayakamiki. <sup>20</sup> Miki memutawikwei mepite'uhayewaxi kememiteyutsewixima kwiepa memitama, memeitimaki Ti'aitame Tiyuwikweitsitiwame Ketsutsi Kiritsitu, peru miki xika me'a'iwarieni tawari me'uwiniyarieni meripai hepai, 'imatirieka matsi yemeki 'axame'itiarietiweti mekanakinikuni, memika'itiarietiwekali hepai matiari paiti. <sup>21</sup> Matsi 'aixia piyinikeyu xika mekahehtimanike huye kemi'anetsie 'uyeikati heitseriekameki yamitikamieniki, peru 'aixia pikayinikeyu xika me'ukunuaxianike mehehtimame, me'iku'eirieme 'aitsika memiyetuiriyarie mipatsie Kakaiyaritsie mieme. <sup>22</sup> Mipai mekaniuyini, miki xatsika kemaine: «Tsiki pukunua yuhayari mitikwaniki». Meta: «Tuixu 'uti'iwame tawarita kaniyutahaxumamiki». Yuri paine xatsika.

### Tukari paye'ani kepauka Ti'aitame munuani

**3** <sup>1</sup> Hikiri nenaki'erima 'iki pihiki hutarieka mieme xapa nemutawewi nemixe'uta'utiiri. 'Ikitsie mieme 'iyatsie mieme yanepitixe'utaxatia tita xemiteha'eriwa, nexe'anutahitiati nexe'iyaritsitiati xe'iyari miyuxewiki, <sup>2</sup> xeme'erivaniki kememutiyuanekai texaxatamete Kakaiyari hetsiemieme memipatsiekai, yakatiyiwekaku 'akuxi, xeme'erivaniki meta Ti'aitame tiyuwikweitsitiwame kemit'aitakai miki memeni'arie xehetsia kememitekuxaxatiwakai.

<sup>3</sup> Yemeki peuyewetse xemitemaikaki, tukari 'aye'aximekaku te'itawamete mekanitixuawerikuni, 'amekaniu'uwakuni kememite'ukahiwe'erie xeikia, <sup>4</sup> mipai me'utiyuati: «¿Hakewatsi pika'aye'awe 'akuxi miki kemutayi kename nuani? Tapaapama memukwitsie paititi, hiki yaxeikia 'aneti 'akanitamaka kemit'aneikai tsutia paiti kepauka munetiarie, me'utiyuati». <sup>5</sup> Mipai me'utiyuati, mepiyuwairiya mipai memitehatimayaki, Kakaiyari ya'utayiku muyuawi matiari paiti 'apuyemakai, meta kwie hapa pune, haki putawewiya. <sup>6</sup> Mikiki meta 'ana miemete kwiepa memitamakai mekaniutatimayarieni haa 'utahineku. <sup>7</sup> Miki mipai mutayiki, hiki mieme muyuawi meta kwie kani'iwiyarieka mitataiyarieniki, tukari 'aye'ayu kepauka teiteri memikaheyexeiya Kakaiyari memita'iwawiyarieni memitatimayarieni.

<sup>8</sup> Mipai xeikia xepikatehatitimayani xeme nenaki'erima, Ti'aitame kemitixeiya, xeitukari xeimiriari wiyari hepai kani'aneni, xeimiriari wiyari meta xeitukari hepai pi'ane. <sup>9</sup> Ti'aitame 'ereutewiti pikayiane yuniuki hepaitisita kemutayi kename mipai tiyurieni, tsepa hipati kaheye'atiaweme memi'erie. Matsi pikawairipie 'emireutereki xekwewieti xeme, yapikara'eriwa

nixewiti tima mitatimaiyarieniki, matsi piyuwairiya yunaiti memaye'axianiki para memitehayewaniki kememiteyuriekai.

<sup>10</sup>Peru tukari kanaye'amiki kepauka Ti'aitame munuani, tinawayame mi'axe hepai yiwikita. 'Ana muyuawi kanitayeimiki karima 'utayuanekaku, tita mitiutiwewiya naiti katinikumaweriyariemiki taiki, meta tita kwiepa naiti mitixiawe, naiti katinititaiyariemiki.

<sup>11</sup>Merikite, naiti mipai xika tiukumaweriyarieni, ꞑkehepaitari reuyewetse kexemi'aneneniki xeme, naimeki xepatsieti Kakaiyari hetsiememe kexemite'u'uwa, xeheyexeyati, <sup>12</sup>xe'ikwewieti miki tukari, xe'imexiitiati kwitiwa maye'aniki para Kakaiyari munuaniki? 'Anatsi muyuawi tana'yarieme pitaxitsitarieni, tita mitiutiwewiya mana naiti katinitikwaniyariemiki taiki. <sup>13</sup>Miki tame tekanikwewieka muyuawi mihekwa meta kwie mihekwa, miki kemitatiutahiawixi, mana kiekatari heitseriemeki yamemiteyurie.

<sup>14</sup>Ayumieme, nenaki'erima, mexi xeta'ikwewa miya mitiyiniki, xekeneyumexiitiaka 'aixia xete'u'uwati miki mixexeyaki xekatsewiximariékame, xekayiyiwime meta 'aixia xeteyuxeyakame pita. <sup>15</sup>Yatepitemaika Tati'aitiwame kawairipieti kemitiwatawikwetsitiamiki, meta ta'iwa Papuru teminaki'erie yaxeikia 'utaiti katinixe'uta'utiirieni, timaiweti Kakaiyari kemitiipitia. <sup>16</sup>Naime xapatsie yaxeikia paine 'iki xatati. Xapateyatsie niuki kanixuaweni mikwaniwe, miki memikaheiti'enietikika memikatsetseye mekaneitatunani niukieya, yaxeikia kememite'ituna 'utiarika hipame, peru mipai meteyurieti yikimana mepiyutatimaiya xeikia.

<sup>17</sup>Merikitsi nenaki'erima, mipai xepitemate yakatiyiwekaku 'akuxi, 'ayumieme xekeneyukweriwayurieka kapa xekatssetseyeti xe'akineki, 'iniari tsanamete metexe'u'itaiyaki kememiteheuyexiri miki. <sup>18</sup>Matsitsi xekewawereni waikawa matsi 'aixia xete'u'iyariti xemakinirimeniki, xe'imateti Tati'aitiwame Tatsiwikweitsitiwame Ketsutsi Kiritsitu. Miki mariwemeki kekuxaxatsiwani hiki, tukari mikaxiwe mexi ka'aye'awe. Mipai xeikia kani'aneni.



# Wani

## Meitani'axia mexiakame xapayari

---

### Niuki tukari tiyupitiwame hepaitsita

**1** <sup>1</sup>Tita matiari paiti mitimieme, tita temite'u'eni, tita temite'uxei tahixiki, tita 'ahurawa temite'eyakai, tita tamamaki temite'umayia, miki tekanixekuxaxatiwani niuki tukari tiyupitiwame hepaitsita. <sup>2</sup>Tukari matsiikiti kanayani. Tame tekanixeiya, tekanihekiatani, meta tekatenixe'utaxatiani miki tukari mikaxiwe hepaitsita, miki yu'ukiyari kaniteitakaitini meta tepuxeitsitiarie tame. <sup>3</sup>Tita temite'uxei, tita temite'u'eni, miki tekanixekuxaxatiwani xemeta tanaiti temitaxewiniki. Ketemitetaxewi tame, ta'ukiyari hamatia tepitaxewi nu'aya hamatia meta Ketsutsi Kiritsitu hamatia tepitaxewi. <sup>4</sup>Ipai tekateniu'utiani maye'aniki tatemawierika.

### Hekiarinya hetsie teke'uhuni

<sup>5</sup>Ipai panuyine niuki hetsiana mimieme temi'eni meta temixekuxaxatiwa: Kakaiyari hekariya kanihikitini, yiriya pumawe hetsiana. <sup>6</sup>Xika yate'utiyuani kename hamatiana tetaxewi, yiwipa xika te'u'uwani, tepite'itawa, yuri yatepikatekahu. <sup>7</sup>Matsitsi hekariya xika te'u'uwani miki hekariya makawe hepai, tanaiti tekanitaxewikakuni, miki meta, Ketsutsi Kakaiyari nu'aya xuriyaya naima 'axatemiteyurie katani'itiriekaka.

<sup>8</sup>Xika yate'utiyuani kename tita 'axamiti'ane tekatehexeiya, takimana tepeutayexiriwa, tita yuri miraine tahetsie pumawe. <sup>9</sup>Mexika te'itahekiata tita 'axatemite'uyuri, miki kemaine yapitikamie, kemitiheitserie yapitiyuriene, tita 'axatemite'uyuri pitareuyehiwirieni, katani'itiriekaka naima mikatiheitserie. <sup>10</sup>Xika yate'utiyuani kename 'axatekateyuriwawe, miki ti'itawame tekanayeitiwani, niukieya tahetsie pumawe.

### Kiritsitu tahetsiemieme pitaniuni

**2** <sup>1</sup>Neniwema 'iki nepixe'utiirie 'axaxemikateyuriekaki. Mexika 'axatiyurieni xewiti, tame tepeixeiya kemi'ane tahetsiemieme mitaniuni yu'ukiyari hixie, Ketsutsi Kiritsitu hikititi kemitiheitserie yamitiyuriene. <sup>2</sup>Miki kanihikitini kemi'ane 'aixia mitiyuri 'aixia temite'eyariekaki tame 'axatemiteyurie, tita tame temiteyurieki xeikia pika'uyi, matsi yunaiti kwiepa memitama wahetsiemieme puyi.

<sup>3</sup>Xika yatetekahuni kemiti'aita, mipai tekatenimaika temeitimaki. <sup>4</sup>Kemi'ane ne nemeitima maine, yakatikamietti kemiti'aita, miki

katini'itawani, tita yuri miraine hetsiena pumawe. <sup>5</sup>Kemi'ane yamitikamie miki niukieyatsie, yuriki miki kanaye'ani tiyukanaki'erieti Kakaiyari hepai. 'Ipa tekatenimaika hetsiena temitewiya. <sup>6</sup>Kemi'ane hetsiena tiwiyati emuyeika maine, kaneuyeweka hepaina miyaneni miki miyanekai hepai.

<sup>7</sup>Nenaki'erima, hekwameki netixe'aitiati nepikatiixe'utiirie, 'aitsika meripaiti kanimiemetini pita matiari paiti xemeixeya. 'Iki 'aitsika meripaiti mimieme, niuki kanihikitini matiari paiti xemi'eni. <sup>8</sup>Peru 'apita, nekatiniixe'utiirieka 'aitsiaka hekwame, tita yuri miraine Kiritsitu hetsie kanimatsiikini xehetsieta kanimatsiikini, yiriya makuyeiximeki, tita yuriki mitihekariya mihekariyakiri.

<sup>9</sup>Kemi'ane hekiaripa muyeika maine, peru yu'iwa 'uxieti, miki yiwipa 'akuxi kaniuyeikani. <sup>10</sup>Kemi'ane yu'iwa minaki'erie hekiaripa kaniuwani, hetsiena pitiumawe kimana metiketamireki. <sup>11</sup>Kemi'ane yu'iwa mu'uxie yiwipa kaniuwani, meta yiwipa kaniuyeikani, 'atsipikatimate kemitimie yiriya mekipiriyaki.

<sup>12</sup>Neniwema nepitixe'utiirie,  
tita 'axaxemite'uyuri xemiteheuyehiwiyarieki  
Kiritsitu hetsia xemimiemeteki.

<sup>13</sup>Xeme xemiwapaapama nepitixe'utiirie,  
xemeitimaki miki tsutiapai 'amuyeika.  
Temari nepitixe'utiirie,  
xeme'iwaxiki 'axamitiyuriene.  
Tiiri nepitixe'uta'utiiri,  
yu'ukiyari xemetimaki.

<sup>14</sup>Xeme xemiwapaapama nepitixe'uta'utiiri,  
xemeitimaki miki tsutiapai 'amuyeika.  
Temari nepitixe'uta'utiiri,  
xemitirikawiki,  
Kakaiyari niukieya xehetsie mitiwiyaki,  
meta 'axamitiyuriene xema'iwaxiki.

### **Kwiepa timieme xepikatenaki'erieka**

<sup>15</sup>Tita kwiepa mitimieme xepikatenaki'erieka, kepaimeiti kwiepa mitixuawe xepikatenaki'erieka. Tita kwiepa mitimieme xika tinaki'erieka, miki yu'ukiyari pikanaki'erie. <sup>16</sup>Kamitsi naiti kwiepa mitixuawe, —tewititi tita mitihiwe'erie, tita yihixiki mitihiwe'erie, yaki xeikia kemitiyukatawe'erie yupiini hepaitisa— miki ta'ukiyari hetsia pikatimieme, miki kwiepa pitimieme pita. <sup>17</sup>Iki kwie kanakuyeiximeni meta tita kwiepa memitama memitehiwe'erie kanakuyeiximeni, peru kemi'ane yamitikamie kemitinake Kakaiyari, miki kaniyuhayewani yuheyemeki.

### **Kiritsitu memaye'unie wahepaitsita xekeneyukweriwayurieka**

<sup>18</sup>Neuxei tiiri, hiki tukari kanaye'aniri kepauka mitapare, kexemite'enanakai kename xewiti 'uhamie Kiritsitu 'aye'unieti, hikitiiri yumireti Kiritsitu memaye'unie mekanixuawani. 'Ayumieme

tepitemate tukariri paye'a kepauka mitapare. <sup>19</sup>Tatsata mepayeki, matsiri tahetsia mepikamiemetetikai, xika tahetsia memiemetetinike, tahamatia mepuyuhayewakeyu. Mekanayekinetsiari memimatsiikiniki tahetsia memikamiemeteki.

<sup>20</sup>Miki mipatsie heitserie kanixe'upitiani xeyunaima, yunaiti xepitemate. <sup>21</sup>Nepikatixe'uti'utiiri tita yuri miraine xemikamateki, tita yuri miraine xemimateki pita nepitixe'uti'utiiri, naiti 'itarika tita yuri mirainetsie mika'ayeneikaki. <sup>22</sup>ƷKpaiki piti'itawa? Kemi'ane miyuhekiata mipai 'utaiti kenama Ketsutsi heitserie kahexeiya Kiritsituti, miki katini'itawani. Kemi'ane miyuhekiata 'ukiyarieya kahexeyati meta nu'aya, miki Kiritsitu maye'unie kanihikitini. <sup>23</sup>Yunaiti nu'aya mekahexeyati memiyuhekiata, 'ukiyarieyata mepikahexeiya. Kemi'ane miki nu'aya hexeyati muyuhekiata, mikita 'ukiyarieya kanexeyani.

<sup>24</sup>Xeme tita xemite'u'eni tsutia paiti, xehetsie tiwiyati keyuhayewani, xika xehetsie tiwiyati 'uyuhayewa tita tsutia paiti xemite'u'eni, xemerita nu'ayatsie meta 'ukiyarieyatsie xetewiyati xekaniyuhayewakuni. <sup>25</sup>Tukari mikaxiwe kanihikitini tita miki mitatiutahiawixi temeixeyaniki.

<sup>26</sup>'Iki 'ipai nepitixe'u'utiiri memixeheuyexiriwa wahepaitsita. <sup>27</sup>Xemeri heitserie miki kemitixe'upitia, miki heitserie xemexeiya xehetsie tiwiyati kaniyuhayewa, xeimeri xepikaheuyehiwa mitixeti'ikitaniki. Miki heitserie xemupitiarie miki hetsia mieme mitixe'ikitia hepai naime hepaitisita, yuri maine, mikati'itawa, mitixe'uti'ikitia, mipai hetsiena xetewiyati xekeneyuhayewa.

### Kakaiyari hetsie tetewiyati tepitahayewani

<sup>28</sup>Hikitsiari neniwema hetsiena xetewiyati xekeneyuhayewa, xika mipai xeteyurieka, kepauka matsiikiti mayani miki, 'aixia tepitetamaika tekatatetewiyati hixiena kepauka munuani.

<sup>29</sup>Xika xetemaika miki yamitiyuriene kemitiheitserie, yaxeketenemaikata yunaiti yamemiteyurie kemitiheitserie hetsiena mekaniyekine.

**3**<sup>1</sup>Neuxei ta'ukiyari ketatinaki'erie, mikiki Kakaiyari niwemama teputateriwarie, niwemama tepihiki. 'Ayumieme kwiepa memitama mepikatatsimate miki memikaheitimaiwawekaiki. <sup>2</sup>Nenaki'erima, hikititiri Kakaiyari tekaniniwemamatini, peru 'akuxi pikamatsiiki ketemi'aneneni. Mipai tepitemate, kepauka matsiikiti mayani Kiritsitu, miki kemi'ane, hepaina tepi'aneneni, tekaneixeyakuni miki kemi'ane. <sup>3</sup>Yunaiti mipai memite'ikwewie mepuyu'itie yikimana miki kemiti'itiya hepai.

<sup>4</sup>Yunaiti 'axamemiteyurie 'aitsika mekanititsanani, tita 'axamiti'ane 'aitsika tsaname kanihikitini. <sup>5</sup>Xeme mipai xepitemate Ketsutsi Kiritsitu matsiikiti matiaki mitatsinawairieniki tita 'axatemiteyurie. Tita 'axamiti'ane pumawe hetsiena. <sup>6</sup>Yunaiti hetsiena memitewiya 'axamepikateyurie. Yunaiti 'axamemiteyurie mepika'ixeyawawe meta mepikaheitimaiwawe.

<sup>7</sup>Neniwema xika tima xewiti kaxeheuyexrienike. Kemi'ane yamitiyuriene kemitiheitserie, miki heitserie kanexeyani miki heitserie mexeiya hepai.

<sup>8</sup>Kemi'ane 'axamitiyuriene Kauyumarie hetsia kanimietini, Kauyumarie

'axamitiyurieneki tsutia paiti. Kakaiyari nu'aya 'ayumieme matsiikiti kanayani mita'unaki Kauyumarie tita mitiyuriene. <sup>9</sup>Yunaiti Kakaiyaritsie memiyeki 'axamepikateyurie miki 'imiarieya wahetsie miyekaki, 'axamemiteyurieni mepikayiwawe Kakaiyaritsie memiyekiki. <sup>10</sup>'Ipai mepitematsiiki Kakaiyari niwemama meta Kauyumarie niwemama: Kemi'ane yamikatiyuriene kemitihetserie meta kemi'ane yu'iwa mikanaki'erie, miki Kakaiyari pikanu'aya.

### Xekeneyunaki'erieka yunaiti

<sup>11</sup>Mipai kanaineni niuki tsutia paiti xemi'eni: Tanaiti tepitanaki'erieka maine. <sup>12</sup>Kahini hepai tepikayiaka, miki 'axamitiyuriene hetsia kanimiemetikaitini, yumuta kaniumieni. ¿Titayari timi? Tita mitiyurienekai 'axamiti'aneakaiki, mutaya tita mitiyurienekai miheitserieakaiki.

<sup>13</sup>Ne'iwama xepikahixiyaka xika kwiepa memitama mexe'uxieka. <sup>14</sup>Tame ta'iwarixi temiwanaki'erieki 'ayumieme tepitemate temitapataxi tekamikitititiri te'ayeneniereti pita. Kemi'ane mikatiyukanaki'erie mikiti 'apuyeika 'akuxi. <sup>15</sup>Yunaiti yu'iwama memiwa'uxie teyumemiwamete mekanihikitini, xeme xepitemate tiyumemiwame yikimana tukari mikaxiwe pikahexeiya. <sup>16</sup>'Ikiki tepeitima naki'eriya, Ketsutsi Kiritsitu tahetsiemieme yutukari miyetuaki. Kaneuyeweka tameta ta'iwama wahetsiemieme tatukari temiyetuan. <sup>17</sup>Kemi'ane yupiini kwiepa timieme mirexeiya, mixeiya yu'iwa reuyehiakame, xika yu'iyari 'anunaka hepaitisana, ¿keri timatsiiki kename Kakaiyari naki'eriya hexeiya? <sup>18</sup>Neuxei neniwema, tepikatanaki'erieka niukiki xeikia yaiki xeikia. Ketemiteyurieki pita yuriki tepitanaki'erieka.

<sup>19</sup>Mipai tekatenimaikakuni tita yuri mirainetsie temimiemeteki, Kakaiyari hixie mipai ta'iyari tepitenitiaka: <sup>20</sup>xika ta'iyari tatsi'utate'ani tita ta'iyari mikatimate hepaitisita, Kakaiyari pita matsi kanimariweni keyuri ta'iyari meta naime katinimaika. <sup>21</sup>Nenaki'erima, ta'iyari xika katatsi'utatieni, 'aixia tepitemaika Kakaiyari hixie, <sup>22</sup>meta naime tita temite'itawawiriwa pitatiyeturiwa yatemitakahuki kemitit'aita meta tita mitinake yatemitayurieki. <sup>23</sup>'Ipai katin'aitani: yuri temiteta'erieniki kemi'ane Kakaiyari nu'aya mihikitsie Ketsutsi Kiritsitu hetsie, temitanaki'eriekaki tanaiti miki kemitatiu'aita. <sup>24</sup>Kemi'ane yamitikamie kemitit'aita, Kakaiyari hetsie tiwiyati puyuhayewa, Kakaiyari meta hetsiena tiwiyati kaniyuhayewamiki. 'Ipai tekatenimaika tahetsie tiwiyati muyuhayewa, yu'iyari mitatsi'umiki.

### 'Iyari hetsie xetewiyati xekeneu'uwani

**4** <sup>1</sup>Nenaki'erima yunaime 'iyarite yuri xepikatewa'erierieka, matsi xekeniwaruta'iniata 'iyarite tsiparatsi xika Kakaiyari hetsia memiemetetini, yumiiireti Kakaiyari niukametemama meyuxatati mekaneutayeixiani kwiepa. <sup>2</sup>'Ipai xepiteheitimani Kakaiyari 'Iyarieya: Yunaiti 'iyarite memitehekiata Ketsutsi Kiritsitu kename tewititi hikitikai, miki Kakaiyari hetsia mekanimiemetetini. <sup>3</sup>Yunaiti 'iyarite Ketsutsi memikahekiata miki Kakaiyari hetsia mepikamietete, matsi Kiritsitu

memaye'unie hetsia mekanimiemetetini. Xeme xepu'enana kename miki 'uhamie, hikiri kwiepa kaniuyekani.

<sup>4</sup>Neniwema, xeme Kakaiyari hetsia xekanimiemetetini meta Kakaiyari niukametemama memuyuxata xekaniwara'iwa, miki xehetsie mitiwiya kanitirikaiyeni keyuri miki kwiepa memitama wahetsie mitiwiya. <sup>5</sup>Miki kwiepa mekanimiemetetini, 'ayumieme kwiepa mieme mekatenikuxatani meta kwiepa memitama mekaniwa'enieka. <sup>6</sup>Tametsi Kakaiyari hetsia tekanimiemetetini, kemi'ane Kakaiyari mimate katani'enieka, kemi'ane Kakaiyari mikamate pikatats'enie. 'Ikiki tepiwamate 'iyari yuri maine meta 'iyari mitiyu'itaiya.

### Kakaiyari katiniyukanaki'erieka

<sup>7</sup>Kamitsi nenaki'erima, tepitanaki'erieka tanaiti, naki'eriya Kakaiyari hetsia kanimiemetini, yunaiti memiteyukanaki'erie Kakaiyari hetsie mekaniyenuiwa, Kakaiyari mekanimateni. <sup>8</sup>Kemi'ane mikatiyukanaki'erie Kakaiyari pikahetimaiwe, Kakaiyari mitiyukanaki'erieki. <sup>9</sup>'Ikiki tahetsie matsiikiti kanayani Kakaiyari kemitatinaki'erie, Kakaiyari yuniwe muyuxewi meyen'aki kwiepa, mikiki temayeneniereniki.

<sup>10</sup>Mipai kani'aneni naki'eriya: Tameri tepika'inaki'eriekai Kakaiyari, miki pita pitatsinaki'eriekai, yuniwe kaneyen'ani mawari mayaniki temiteheuyehiwiwarieniki tita 'axatemite'uyuri. <sup>11</sup>Nenaki'erima Kakaiyari xika mipai tatinaki'eriekaitini, kaneuyeweka tameta mipai temitetanaki'eriekaki tanaiti. <sup>12</sup>Xewiti pika'ixeyawe Kakaiyari hatsuaku, xika tetanaki'erieka tanaiti, Kakaiyari tahetsie tiwiyati kaniyuhayewa, miki kemitiyukanaki'erie, naki'eriya kanimatsiikini tahetsie.

<sup>13</sup>'Ipa tepitemate hetsiena temitewiya mikirita tahetsie mitiwiya, yu'iyari mitats'umiki taxexuime. <sup>14</sup>Tame tepunenierixi tekatenihekiatani ta'ukiyari yuniwe meyen'aki kwiepa memitama wawikweitsitiwame. <sup>15</sup>Kemi'ane miyuhekiata mipai 'utaiti kename Ketsutsi Kakaiyari nu'aya hiki, Kakaiyari hetsiena tiwiyati kaniyuhayewa, mikita Kakaiyari hetsie tiwiyati puyuhayewa. <sup>16</sup>Tame tekatenetimani kemitatinaki'erie Kakaiyari, yuri teteniuta'erien naki'eriya'yatsie kemitatinaki'erie.

Kakaiyari katiniyukanaki'erieka. Kemi'ane tiyukanaki'erieti muyuhayewa, miki Kakaiyaritsie tiwiyati kaniyuhayewamiki, Kakaiyari meta hetsiena tiwiyati puyuhayewa. <sup>17</sup>Naki'eriya mipai katinaye'ani tahetsie 'aixia temitetamaikaki miki tukaritsie kepauka 'itsikame mitatsita'iniata, hepaina temi'aneneki tame 'ena kwiepa miki mi'ane hepai. <sup>18</sup>Xika tiyukanaki'erieka marika pikaxiawe. Naki'eriya 'aixia mi'ane marika payeweweiya. Kemi'ane mima kani'uximatiarieka, kemi'ane mima pika'aye'awe tiyukanaki'erieti.

<sup>19</sup>Tame tepitetakanaki'erie miki meri mitatsi'utanaki'eriki. <sup>20</sup>Xika xewiti ya'utayini: «Ne Kakaiyari nepinaki'erie» haiti, peru xika yu'iwa 'uxieka, miki katini'itawani. Kemi'ane yu'iwa xeyati mika'inaki'erie, pikayiwe Kakaiyari minaki'erieka mika'ixeyawe. <sup>21</sup>Miki 'iki 'aitsika kataniyetuirieni hetsiana mimieme: kemi'ane Kakaiyari minaki'erie, yu'iwata kenaki'erieka.

### Yuri ti'erieti, tita kwiepa mitimieme pira'iwa

**5**<sup>1</sup> Yunaiti yuri memite'erie Ketsutsi kename Kiritsitu hiki heitserie mupitiarie Kakaiyari hetsie mekaniyekine, kemi'ane miki 'ukiyarieya minaki'erie, niwemamata kaniwanaki'erieka. <sup>2</sup>Tame 'ipai tepitemate Kakaiyari niwemama temiwanaki'erie, kepauka Kakaiyari teminaki'erie, kepauka yatemittekahu kemiti'aita. <sup>3</sup>'Ipa tekateniyurieka xika Kakaiyari tenaki'erieka: yatepitekahuni kemiti'aita. 'Aitsikaya pikahahete, <sup>4</sup>naiti Kakaiyari hetsie miyetia kwiepa mieme katina'iwani. Tita yuri temite'erie, miki kanihikitini tita 'ari mire'iwa kwiepa timieme. <sup>5</sup>¿Kepaiki pihiki kwiepa mieme ma'iwarime? 'Ikiri pihiki, kemi'ane yuri miti'erie kename Ketsutsi Kakaiyari nu'aya hiki.

<sup>6</sup>'Iki Ketsutsi Kiritsitu kanihikitini kemi'ane haa xuriya 'iniariyari munua, haa 'iniariyari hexeyati xeikia pikanua, matsi haa xuriya 'iniariyari hexeyati punua. 'Iyari mipai katinihekiatanita, 'Iyari yuri maine. <sup>7</sup>Mepiyuhaika memitehekiata taheima, Ta'ukiyari, Nu'aya, 'Iyarieya Mitiyupata mepihime. 'Iki yuhaikati mekaniyuxewini.<sup>a</sup> <sup>8</sup>Mepiyuhaika memitehekiata kwiepa: Kakaiyari 'Iyarieya, haa, meta xuriya. Yuhaikati 'axeikia mepitehekiata. <sup>9</sup>Teiteri kememitehekiata tekaniwa'enieka, merikite, Kakaiyari kemitihekiata matsi kaniheitserietini, 'ipai katinihekiatani Kakaiyari, yuniwe hepaitisa katiniutahekiata. <sup>10</sup>Kemi'ane yuri miti'erie Kakaiyari Nu'ayatsie miki kemitiutahekiataxi pexeiya yuhetsie. Kemi'ane Kakaiyari yuri mikati'erierie, miki Kakaiyari ti'itawame kanayeitiwani, yuri mikatiuta'eriki kemitiutahekiataxi Kakaiyari yuniwe hepaitisa. <sup>11</sup>Mipai paine tita mitihekiata: Kakaiyari kataniupitiani tukari mikaxiwe, nu'ayatsie kanixuaweni miki tukari. <sup>12</sup>Kemi'ane nu'aya mexeiya, tukari pexeiya, kemi'ane Kakaiyari Nu'aya mikahexeiya, tukari pikahexeiya.

### Xepitemate tukari mikaxiwe xemexeyaki

<sup>13</sup>'Iki nepitixe'uti'utiiri xeme yuri xemite'erie kemi'ane Kakaiyari nu'aya mihikitsie, xemitemaikaki tukari mikaxiwe xepexeiya. <sup>14</sup>'Ipa 'aixia tepitetamate hixiena: Xika tixaiti tete'itawawirieni kemitinake, pitatsi'enie. <sup>15</sup>Miki meta, xika mipai tetemaika mitatsi'enie tita temite'iwawirie, tepitemate 'ari temeixeiya tita temite'iwawirie.

<sup>16</sup>Xika xewiti 'ixeiya nu'iwa 'axatiyurieneme kemikatimini, kanitawawiriemiki yu'iwatsie mieme, miki Kakaiyari tukari kanipitiamiki. Tita 'axamiti'ane nekanixatani 'axaxikatiuyurieni mika'uminiki. Kanixuaweni xewiti miminiki xika 'axatiuyurieni, mikitsie mieme xemitawawirieniki 'atsinepikahaine. <sup>17</sup>Naiti mikatiheitserie 'axakani'aneneni, peru tita 'axamiti'ane puxuawe 'axaxikatiuyurieni mikaminiki.

<sup>18</sup>Tame tepitemate yunaiti Kakaiyaritsie memiyeki 'axamepikateyurie: Ketsutsi Kiritsitu Kakaiyaritsie miyetia kaniwa'iwiyani, meta 'axamitiyurieni

<sup>a</sup>5:7 Kiriyekutsie Mepiyuhaika memitehekiata taheima, Ta'ukiyari, Nu'aya, 'Iyarieya Mitiyupata mepihime pikahekia. Kiriyekutsie Yuhaikati 'axeikia mepitehekiata. paine.

pikawamayia. <sup>19</sup>Tepitemate Kakaiyari teminiwemama, meta naiti kwiepa mitimieme 'axamitiyuriene hetsie tiwiyati 'apuwe. <sup>20</sup>Tepitemateta Kakaiyari nu'aya munua, mitatsi'enatia temimaikaki miki muyuri Kakaiyari. Tame miki muyuritsie tepitewiya nu'ayatsie Ketsutsi Kiritsitu hetsie. Miki yuriki kanikakaiyaritini, tukari mikaxiwe kanihikitini.

<sup>21</sup>Neniwema, xekeneyukweriwayurieka kakaiyarixi wahepaitsita.

# Wani

## Meitani'axia hutarieka mieme xapayari

---

### Wairitsika

<sup>1</sup>Ne nemixe'ukiyari,

nekanixewairitiaka 'uka pemanayexeyarie 'aniwema meta, yuriki nekanixenaki'erieka —ne xeikia pikatixai, matsi tanaiti temeitima tita yuri miraine tepixenaki'erie—, <sup>2</sup>tita yuri miraine tahetsie miyekaki meta, mitatsiteitaki yuheyemeki:

<sup>3</sup>Kakaiyari ta'ukiyari, Ketsutsi Kiritsitu ta'ukiyari nu'aya, yuriki me'utiyuati meteyukanaki'erieti, 'aixia mekete'u'iyarini xehetsiemieme, mekexenenimayaka, mekexepitiaka yu'iyaritsie xemika'uximatiariekaki.

<sup>4</sup>Waikawa nepinetemawiekai nemitimarieki 'aniwema hipati tita yuri mirainetsie metewiyati memu'uwaki, 'aitsika ta'ukiyari hetsia mieme ketemite'upitiarie. <sup>5</sup>Hikiri 'uka hekwameki nemati'aitiati nepikamati'utiirie, miki 'aitsika tsutiapai temeixeyakai nepimati'utiirie pita. 'Ipai nepimatiwawirie, tanaiti temitanaki'eriekaki. <sup>6</sup>'Ipai tekateniyurieka xika teteyukanaki'erieka: yatepityurieka kemiti'aita. 'Iki kani'aitsikatini: xeteyukanaki'erieti xemu'uwaniki, tsutiapai kexemite'u'enana.

<sup>7</sup>Yumiireti te'itawamete mekaneutayeixiani kwiepa, miki mepikatehekiata kename Ketsutsi Kiritsitu tewi matiatsie metewiya. Kemi'ane mipai mitiyuriene miki ti'itawame meta Kiritsitu maye'unie kanihikitini.

<sup>8</sup>Xekeneyukweriwayurieka kapa xeheyehianiki ta'uximayatsika, matsi yu'iwarika naime xemipitiarieniki. <sup>9</sup>Yunaiti memanuyehaitiriwe, tita Kiritsitu miti'ikitatsie metewiyati memikayuhayewa, miki Kakaiyari mepikahexeya. Kemi'ane tita miti'ikitatsie tiwiyati miyuhayewa, miki yu'ukiyari pexeya meta nu'aya. <sup>10</sup>Xewiti xika xehetsia nuani 'iki 'ikitsika kahexeyati, xepika'iniieka yukie meta xepika'iwairitiaka. <sup>11</sup>Kemi'ane mitawairitiani, miki 'uximayatsikaya 'axakemi'anene, mipai 'aneti kanayeimiki.

<sup>12</sup>Tsepaneti waikawa nemitixetaxatianikeyu, nepikanewairiya xapatsie nemitixehaka'utiirieniki. Matsitsi xehetsia nepeuyeimiki pita, tahixie te'utineniereti temitetaxataki maye'aniki tatemawierika.

<sup>13</sup>'Aiwa 'uka manayexeyarie niwemama mepimatsiwairitia. Mipai xeikia kani'aneni.



# Wani

## Meitani'axia hairieka mieme xapayari

---

### Wairitsika

<sup>1</sup>Ne nemi'a'ukiyari,

nepimati'utiirie nemimatsinaki'erie Kayu, yuriki nepimatsinaki'erie.

<sup>2</sup>Neuxei, 'eki nemimatsinaki'erie, nepinenenewie naimeki 'aixia pemireumieniki meta 'aixia pemireu'eriekaki, 'aiyari 'aixia mitimie hepai.

<sup>3</sup>Waikawa nepinetemawiekai me'u'axiaku ta'iwama meta metehekiatakaku 'ahepaitsita yuri kepemaine, yaxekia 'eki tita yuri mirainetsie yapetiyurieneti pemuyeikaki. <sup>4</sup>Keyanemikatinetemawie, waikawa matsi nepinetemawie yanetimaiti kename neniwema hipati me'u'uwa tita yuri mirainetsie metewiyati.

<sup>5</sup>Neuxei, 'eki nemimatsinaki'erie, yamitikamie hepai pekaniyaneni naime ta'iwama wahetsieme kepemitiyuriene, tsepa pemikawamate.

<sup>6</sup>Miki mekatenuatahekiata meyukuxeirieu kepemitikanaki'erie.

'Aixia pekaniwayuriemiki pewaparewieti wahuyeta, Kakaiyari kemitinake petiuka'iyariti. <sup>7</sup>Kemi'ane Ketsutsi Kiritsitu mihikitsie mieme meteta'uximayatake mekanayekine, tixaiti mepikatewarutanaki'eriri hipame nuiwarite. <sup>8</sup>'Ayumieme kaneuyeweka tame temiwatanaki'erieniki takie miki miyamemi'anene meta tanaiti tita yuri mirainetsie mieme temite'uximayakaki.

<sup>9</sup>Ne 'etsiwa nepitiwaruta'utiiri memiyutixexeiriwa, peru miki Riyutirepehi manuyehaitia mayuyeitiamiki pikatatsi'upitia. <sup>10</sup>'Ayumieme xika nehenuani nekaneye'eritiamiki kemitiyuriene niuki 'axami'aneneki tatsiniukimati. Mikiki xeikia pikanaki'a, matsi miireme pitiyurienikeyu. Ta'iwama pikawapitia, pikawataunie miki memiwapitiaku, memiyutixexeiriwa watsata piwaranuyeni'awa.

<sup>11</sup>Neuxei, 'eki nemimatsinaki'erie, 'axamiti'ane pepika'ikeni, 'aixia miti'ane pita kene'ikeni. Kemi'ane 'aixia mitiyuriene Kakaiyari hetsia kanimiemetini, kemi'ane 'axamitiyuriene Kakaiyari pikaxeyawe. <sup>12</sup>Yunaiti mepitehekiata Remetiriyu hepaitsita meta tita yuri miraine pitiutahekiataxi hepaitsitana. Tameta tepitehekiata hepaitsitana 'eki pepitimate ketemitehekiata muyuriki.

<sup>13</sup>Netsi waikawa nepimatitaxatianikeyu, peru nepikanewairiya xapatsie nemimeraka'utiirieniki. <sup>14</sup>Nepimatsixeyamikikaku pita kwitiwa, tahixie te'utineniereti tepitaxata.

<sup>15</sup>'Aiyaritsie pepika'uximatiarieka. 'Ahamikuma 'ena mepimetsiwairitia. 'Ekita muwa paiti keniwarewairitiaka yuxexuime miki temiwana'erie.

# Kura

## Meitani'axia

---

### Wairitsika

<sup>1</sup>Ne Kura, Ketsutsi Kiritsitu hetsiememe nekatini'uximayatametini meta Kakuwu 'iwaya nekanihikitini.

Nekanixewairitiaka xeme xeminaki'eriwa Kakaiyari mita'ukiyaritsie xetewiyati, Ketsutsi Kiritsitu mixe'iwiya xemuta'inierie xemitawikweitsitarieniki:

<sup>2</sup>Xekenenimayatsieka, xekepitarieka yu'iyaritsie xemika'uximatariiekaki meta xekenaki'eriwani waikawa.

### Mete'itawati kememite'ikitani

<sup>3</sup>Nenaki'erima, kwini mieme nekaninemexiitiakaitini nemitixeti'utiirieniki tanaiti 'axeikia ketemitetawikweitsitariexime hepaitsita, peru kaneuyeweka yanemitixeti'utiirieniki hiki wairiyarika nexepitiati xemiyukwitiweniki tita yuri temite'erie hetsiememe, tita Kakaiyari teiterimama xeimieme temiteyuturiyarie hetsiememe. <sup>4</sup>Hipati teiteri tatsata mekanatahaxiani 'awie, meripai mekaniukayatsariexiani mipai memitemari'itiarieniki. Kakaiyari mepika'ayexeiya, mekanipata tita Kakaiyari mitiwamikwa 'aixia tiuka'iyariti, para memiyutatuaniki merukuyatiweti xeikia. Mekaniyuku'imawani mipai me'utiyuati kename meka'imate kemi'ane hikiati mitakutsiyari mitati'aitiwame Ketsutsi Kiritsitu.

<sup>5</sup>Tsepaneti xeme mipai xemitehetima naimeki, nekanixehaye'eritiamiki kemitiuyi hepaitsita kepauka Ti'aitame miwarutawikweitsitia 'Ixaheritsixi teiteriyari 'Ekipitu kwieyaritsie wareyewitika, warutawikweitsitiaka 'arike kaniwaruka'una miki yuri memikate'eriekai. <sup>6</sup>Niuki tuayamete memikayi'iwiyakai kememitehiritariiekai, matsi yukie memuku'eiri, miki Kakaiyari kaniwaranutaxirieni yuheyemeki yiriyatsie memitaxanetsieniki tukari mimariwe 'aye'ayu. <sup>7</sup>Yaxeikiata Tsuruma meta Kumuxa meta kiekarite 'auriena mamanetikatei, 'iniari memakineki memari'itiarietiweti, mete'uka'enixiaka taipa yuheyemeki mitaiwetsie, 'amemu'uwakaiki miki mewakumaiwati kemi'ane mikawa'iyatikai mikawakinatikai, me'ikumaiwati titaki memiteyutsewiximakai.

<sup>8</sup>Peru hiki miemeteta yaxeikia mekani'aneneni, kememiteheinita mekanitsewiximaka yuwaiyari, mekanixani'erieka kemi'ane ti'aitame mihiki, mekanitwatsewiximaka mamariwawemete 'axame'utiuyati wahepaitsita.

<sup>9</sup>Miki Miyeri niuki tuayamete tiwa'aitiwame mihiki, kepauka Kauyumarie hamatia miki niuki memixiatiakai Muitsexi kaxarieya hepaitsita, miki pikayuwairiyakai 'axamititahiaweki Kauyumarie hetsie tiuhipati, matsi mipai kaniutayini: «Ti'aitame kematsi'utatieni». <sup>10</sup>Iki pita matsi 'axamekaniutiyuaneni tita 'atsimemikatemate hepaitsita, kememitemate, yikimana xeikia mepitemate tatewama memika'u'iyari wahepai, mipai metemaiti 'ayumieme mekaniyuka'unani.

<sup>11</sup>Xia'ui kemi'ane Kahini huyeta memeukayunixi hepaina meteyurieti. Tuminiki mekaniyutatuani memeuyexirieniki Warami hepai miti'iwamikikai hepai, mekaneuyeweni kepauka Kure Muitsexi maye'uniekaitisie.

<sup>12</sup>Iki mekanitsewiximaka xe'ikwai kepauka xeyunaki'erieti xemitekwa'a, memikateheuyeyehiwirieki kepauka xehamatia memitekwa'a, muxatsi wahiwemete mehayuyeitiati mepiteyumikwa xeikia. Haiwitiri mayewawaki hepai mekani'aneneni 'ekaki meku'enetiweti, kiyexi hepai mekani'aneneni memika'utixuxuawere tukari maye'axetsie, hutakia mepukwi, mepiwatihunarietika. <sup>13</sup>Mematsiikiti mepayuyeitiwa kememiteyurie meyutewiyatsitiati, yaxeikia hamewari mayu'eriya mikwaimuxa matsiikime kemirayuyeitiwa haramaratsie. Xurawetsixi memeuyexiriwe wahepai mekani'aneneni, yiriya kwi miyawi kaniu'iwiyarieni wahetsiemieme yuheyemeki.

<sup>14</sup>Miya memi'anene meripai katiniwakuxaxatiwakaitini 'Enuki 'Arani mixiiyarieyatikai 'atahutarieka mieme, mipai 'utaiti: «Ti'aitame nekaniuxeiya nuaximeme yuteiterima warawititi yumiireme miriyari meyupaimeme, <sup>15</sup>yunaima wataxanetake, yunaiti Kakaiyari memika'ayexeiya wahetsie tiuhianike naime hepaitsita kememite'uyuri Kakaiyari meka'ayexeyati watahiaweke, naime niuki mihaxiaya hepaitsita, kememite'iniukima Kakaiyari 'axateyuruwamete Kakaiyari memika'ayexeiya». <sup>16</sup>Miki mekanihikitini niuki xiatiakate niukixiwiwamete, kememite'ukahiwe'erie xeikia 'amekaniu'uwani, waikawa mepitekuxata meteyukatawe'erieti, niukiki me'utiniuti mekaniwatemawieritiaka teiteri memiwara'iwani.

### Kemitiwa'imaiyakai kemitiwatuikakai

<sup>17</sup>Xemetsi nenaki'erima, niuki xekena'eriwani meripaiti kememutiyua Tati'aitiwame Ketsutsi Kiritsitu ni'arimama yakatiyiwekaku 'akuxi. <sup>18</sup>Mipai mekatenixekihawekaitini: «Tukari taparirimekaku mekanitixuawerikuni teyunanaimawamete, 'amekaniu'uwakuni kememite'ukahiwe'erie xeikia Kakaiyari meka'ayexeyati». <sup>19</sup>Miki mekanihikitini kemi'ane teiteri yuhetsie memitewawiyatsitia, 'iyaritsie memitewiya meta 'iyaritsie memikatewiya, peru yuri 'Iyari memikahexeiya.

<sup>20</sup>Peru xeme nenaki'erima, xekeneyutseiriyani yunaiti, yuri kexemite'erie tita mitipatsietsie, xekeneyunenewieka 'Iyari Mitiyupatsie xetewiyati.

<sup>21</sup>Xekeney'iwiyani Kakaiyari xenaki'eriekaku, xekeneuta'ikwewani

maye'aniki Tati'aitiwame Ketsutsi Kiritsitu kepauka mixetinenimayata mixepitiani tukari mikaxiwe.

<sup>22</sup>Xekeniwananimayaka hipame memeu'erietiwe, <sup>23</sup>xekeniwawikweitsitiaka miki xewaranayehapanati taipa. Hipame meta kexemitewananimaya xekeneumamaka matsi, xekenexani'erieka 'atsita wa'ixuriki xika tsewiximarieka kememite'uyuri yuwaiyaritsie metewiyati.

### **'Aixia kemutayi Kakaiyari hepaitisa**

<sup>24</sup>Kakaiyari muyuxewi, tatsiwikweitsitiwame, miyiwe mixe'iwiyani xemika'atixiriweniki, meta miyiwe mixe'aye'atianiki kemi'ane witsimi'ane hixie xehetsie katiuhiiwakaku meta xeyutemamawiekaku, <sup>25</sup>miki witsiketixeyarieka, kemariweni, ketirikaiyeni meta keti'aitani, Ketsutsi hetsie tiwiyati tati'aitiwame, tukari katsutiariewekaku, hiki tukari meta yuheyemeki mieme. Mipai xeikia kani'aneni.

# Matsiikiti kemiratia

## Wani kemitixei

---

### Ketsutsi Kiritsitu matsiikime kemirayeitia

**1** <sup>1</sup>Ketsutsi Kiritsitu matsiikime kanayeitiani, Kakaiyari mipai katinipitiani mipai mitiwahekiatiakaki miki hetsiena mieme memite'uximaya, mipai memitemaikaki kwitiwa kemitiyini. Ketsutsi Kiritsitu yuniuki tuayame kaneyeni'ani Wani tiyu'uximayatsiriwame hixie matsiikiti mayuyeitianiki. <sup>2</sup>Kakaiyari niukieya kemaine, mipai nekatinihekiatani, Ketsutsi Kiritsitu kemitihikiata, kenemitixei yanekatinaka'utiani.

<sup>3</sup>Aixia kani'itiarieka kemi'ane mititeriwa, meta memi'enieka 'iki niuki kemitihikiatsie, xika yametekakine kemire'uxa 'ikitsie, tukari kaneutihuraniri yamitiyini.

### Kemitiwaruti'utiiri 'atahuta kiekariyaritsie memiyutixexeiriwa

<sup>4</sup>Ne, Wani,

nekatinihekiatani 'atahuta kiekariyaritsie xemiyutixexeiriwa 'Atsiya kwieyaritsie:

'Aixia ketiuka'iyarini xehetsiemieme, meta kexepitiaka yu'iyaritsie xemika'uximatiariekaki. Mipai pitiyurieneni kemi'ane 'amuyeikakai meta 'amuyeika meta 'umamie, yaxeikiata 'atahuta 'iyarite miki 'uwenieya hixie memiti'u, <sup>5</sup>meta Ketsutsi Kiritsitu hepaitsita kemi'ane yatikamieti muyuhekiatakai, kemi'ane mikite memanuku'uni wamexiakame mihiki, kemi'ane kwiepa te'aitamete mitiwa'aitia.

Miki mitatsinaki'erie kanihikitini,  
meta yuxuriyaki  
mitatsi'utixinaxi 'axatemite'uyuriki,

<sup>6</sup>te'aitamete mitatsi'ayeitia,

mawari wewiwamete Kakaiyari 'ukiyarieyatsie mieme  
temite'uximayakaki mitatsi'ayeitia,  
miki witsiketikuxaxatsiwani meta kemititirikaiye,  
tsepaneti xeitsienituyari wiyari manuyekika. Mipai xeikia kani'aneni.

<sup>7</sup>Kami, haitsata pakaneni.

Yunaiti yuhixiki mekanixeyakuni,  
meta yunaiti memeititsexia mekanixeyakuni,

mekaniyutiheiweriekuni me'ixeyati  
yunaiti nuiwarite kwiepa memitama.

Mipai katiniyimiki. Mipai xeikia kani'aneni.

<sup>8</sup>Ti'aitame Kakaiyari mipai kanaineni: «Ne Mexiakame meta 'Imatireme nekanihikitini, kemi'ane mitsutia meta minini, kemi'ane 'amuyeika, kemi'ane mihiki meta 'umamie Naimekimitirikaiye, nekanihikitini».

### Yuri Tewi kemitiuxei

<sup>9</sup>Ne, Wani, xe'iwa nepihiki, xehepai nemiti'uximatiarie, ketemite'aitiarie tete'uka'eniwati Ketsutsi hetsie teyuxewiti, kwie Patimuxi mirakutewatsie haramara hixiapa miyematsie nekaneyeikakaitini Kakaiyari niukieyatsie nemitiwiyaki meta Ketsutsi hepaitsita netihekياتati. <sup>10</sup>Ti'aitame tukarieyatsie 'Iyari nehetsie kaninuani, meta newarita xeime nekaniu'enienu karima 'utaniukame kuxineta hepai ti'eniirikiti. <sup>11</sup>Mipai kaniutayini: «Tita pemitixeyia xapatsie ketinaka'utia, meta keneutani'axia 'atahuta kiekariyari memiyutixexeiriwa wahetsia: 'Epetsutsie, 'Etsimirinatsie, Perikamutsie, Tiyatiratsie, Tsaritixitsie, Piratepiyatsie meta Rautitseyatsie».

<sup>12</sup>Hiki ta'aurie nekanaweni metaniukakai nexeyake, hiki kixeme 'uitiwame nekaniuxeia 'atahutame huru tepiyariki wewiyatikaime. <sup>13</sup>Kixeme hixiapa mana xewiti puwekai «Yuri Tewi hepai tiyuxexeyati», 'etewime kamixa panakatikikai, meta huru hiiyameyariki panayikihiakai. <sup>14</sup>Kipateya putixawatirekai pututuxakai muxa huxarieya hepai, 'iwi hepai meta hixiteya tai mitatikani hepai pituyuxexeyakai. <sup>15</sup>Ketateya tepia mixawati hepai pituyuxexeyakai huxunuta xiriyariekame, niukieya waikawa haa hepai putatirarikakai. <sup>16</sup>Yutserieta xurawetsixi 'atahutame kaniwaratikikaitini, meta tetana piwayeneikakai 'ixipara naitzata heutixikakauniti. Nierikaya tau kemitiawati hepai pituyuxexeyakai.

<sup>17</sup>Kepauka nemixei, hetiana nekaniukaweni nemumini hepai ne'aneti, miki yutserieki nehetsie kaneutimeni mipai 'utaiti: «Pepikamaka. Ne mexiakame meta 'imatireme nekanihikitini, <sup>18</sup>meta nemayeniene nepihiki. Tsepa nemumikai, matsi hiki nepayeniene tsepa xeitsienituyari wiyari manuyekika, meta tiyepiwame nekana'ika memitakukuwe wahetsieme meta mikite wateukiyapa hetsieme.

<sup>19</sup>»'Ayumiene nepaine, ketinaka'utia tita pemitixeyia, hiki kemitiyiane, meta 'arike kemitiyini. <sup>20</sup>'Ipai katinimatsiikini niuki mi'awietsiekai 'atahuta xurawetsixi netserieta newaratikime peminetsi'uxei hepaitsita, meta 'atahutame kixeme 'uitiwame huruki wewiyatikaime pemuxe hepaitsita: Miki xurawetsixi 'atahutame pemiwaruxei, niuki tuayamete mekanihikitini 'atahuta kiekariyatsie memiyutixexeiriwa puwahetsieme, meta kixeme 'uitiwame miki memiyutixexeiriwa 'atahuta kiekaritetsie mepihiki.

### Kemitiwaruni'airi memiyutixexeiriwakai 'atahuta kiekaritetsie

'Epetsutsie memiyutixexeiriwa kemitiwaruni'airi

**2**<sup>1</sup>»Mipai ketineu'utiiri niuki tuayame 'Epetsutsie memiyutixexeiriwa wahetsieme:

Mipai paine kemi'ane yutserieta miwaratiki xurawetsixi 'atahutame, meta kemi'ane 'atahutame kixeme 'uitiwame huruki miwewiyatika wahixiapa muyeika: <sup>2</sup>Neri mipai nepitimate kepemitiyuriene peti'auxitiati petiuka'eniwati. Mipaita nepitimate, 'axamemiteyurie pepitiwanewirie, pepiwaruta'iniataxi miki ni'ariekate memuyuxata peru memikahiki, pepiwaretima memite'itawaki. <sup>3</sup>Pepitiuka'eniwa, waikawameki pepitiukanewie nehetsia pemimiemeki, pekatihayewati.

<sup>4</sup>Peru matsi 'ahepaitsita tixaiti nepitixani'erie, matiari kepemitiyukanaki'eriekai pemitiuhayewaxiki. <sup>5</sup>'Ayumieme nepaine, kenayuye'eri kepemi'aneikai matiari hepai, 'arike kepemitiuhayewaxi. Hikiri mipai ketinetimati kepemitiyurienekai, matiari hepai pita ketine'uximayaka. Mexika pekatihayewa, nepunuani 'ahetsia, 'akixeme 'uitiwame nepiawatihana huyeritana. <sup>6</sup>Tsiere tixaiti pepirexeiya pewa'uxiwe'erieti tita memiteyurie miki nikuraitatsixi wahetsie, neta miki nepi'uxiwe'erie.

<sup>7</sup>Kemi'ane mu'enaxi, ke'u'ena 'Iyari kemitiwatahiawe memiyutixexeiriwa. Kemi'ane mirayu'iwa, heitserie nepipitiani 'iteiri tukari tiyupitiwame metikwaniki, Kakaiyari harawerita mewe.

#### **'Etsimirinatsie memiyutixexeiriwa kemitiwaruni'airi**

<sup>8</sup>»Mipai ketineu'utiiri niuki tuayame 'Etsimirinatsie memiyutixexeiriwa wahetsiemieme:

Mipai kanaineni kemi'ane Mexiakame meta 'Imatireme mihiki, meta kemi'ane mumikai manutanierixita: <sup>9</sup>Neri mipai nepitimate kepemiti'uximatiarie, meta tixaiti pemikarexeiya. Matsitsi 'eki pekanixikutini. Mipai nepitimate kememiteketsewixima huriyutsixi memite'uyuteriwa, matsi yuriki mepikahuriyutsixi, miki Kauyumarie tukita mepimiemete pita. <sup>10</sup>Pepikaheumaka tsepa kepemitekwinitarieni. Nepimatsihaye'eritiani xeme hipati kauyumarie katsarianata pixe'anutaxirieni mixeta'iniataki, meta xepitekwine xetaweyariexiame tamamata tukari. Matsi yuri ketine'erieka tsepa pemumi, ne kuruna tukari mitiyupitiwa nekameniyetuiiemiki.

<sup>11</sup>Kemi'ane meu'ena, ke'u'ena 'Iyari kemitiwatahiawe memiyutixexeiriwa. Kemi'ane memitehayu'iwa, miki hutarieka tiuka'eniwati pikamini.

#### **Perikamutsie memiyutixexeiriwa kemitiwaruni'airi**

<sup>12</sup>»Mipai ketineu'utiiri niuki tuayame Perikamutsie memiyutixexeiriwa wahetsiemieme:

Mipai kanaineni kemi'ane 'ixipara naitsata meutixikakauni mexeiya: <sup>13</sup>Neri nepitimate hakewa pemeka: mana Kauyumarie 'uwenieya pewe hakewa mire'aita. Matsi, 'eki pepika'aku'imawa yuri peti'erieti nehetsie meta pepikatiuhayewaxi, tsepa miki tukaritsie kepauka 'Anitipa

miyuhekiatakai yatikamieti kenemainekai, miki nehetsia miemetiti tiukwineka pumierie miki kiekaritsie Kauyumarie manuka.

<sup>14</sup>Perutsi ne nepirayexeiya 'ahepaitsita: muwa pemiwarexeiyaki miki Warami 'ikitsikayatsie memitewiya, mipai pitita'ikitia Waraki miwakunuitianiki 'ixaheritsixi, kakaiyarixi memitemawiyarie memitekwaakaki miwa'inekaki, meta hipame wakinama wa'itama memiwakumaiwaniki. <sup>15</sup>Yaxeikia 'eki pepiwarexeiya hipame nikuraitatsixi wa'ikitsikatsie memitewiya. <sup>16</sup>'Ayumieme nepaine, ketineuhayewa kepemitiyuriene. Mexika pekatiuhayewa, kwitiwa nepunuani wahetsia nepinemeneni ne'ixipara neteta mayeneikaki.

<sup>17</sup>Kemi'ane mu'enaxi, ke'u'ena 'Iyari kemitiwatahiawe memiyutixexeiriwa. Kemi'ane mirayu'iwa, ne manana payari mi'awietsie nepimini, meta tete mituxa nepiyetuirieni ra'utiariekame hekwameki kemitiwaka. Xewiti mipai pikatimaika, kemi'ane xeikia mitanaki'erieni.

### Tiyatiratsie memiyutixexeiriwa kemitiwaruni'airi

<sup>18</sup>»Mipai ketineu'utiiri niuki tuayame Tiyatiratsie memiyutixexeiriwa wahetsiememe:

Mipai kanaineni Kakaiyari Nu'aya, kemi'ane yihixie tai mitaka hepai maye'ane, meta kemi'ane tepia hepai 'ikateya mixawawati: <sup>19</sup>'A'uximayatsikate nepitimate, 'anaki'eriya, meta yuri kepemiti'erie, kepemitiwaparewie hipame, meta kepemitiuka'eniwa, mipai nepitimate, 'imatiriekai matsi waikawa pepitiyuriene, matiaripai 'etsiwa xeikia pepitiyurienekai.

<sup>20</sup>Perutsi ne nepirayexeiya 'ahepaitsita, 'ukaratsi Ketsaweri pemipitiaki yamitiyurieneniki kemitinake, niukame piyuxata Kakaiyari hetsia mieme. Peru kemiti'ikita, pitawa'itaiya nehetsia miemete te'uximayatamete memiwakumaiwaniki kemi'ane mikayikina mikayi'iya, meta memikwakaki tita kakaiyarixi memitemawiyarie. <sup>21</sup>Ne tukari nepipitia mitihayewaniki kemitiyuriene, peru pikayuwairiya mitihayewaki wakumaiwati memikayikinama. <sup>22</sup>'Ayumieme nepitikwinitiani, 'utayatsie nepeikahiani, meta memikumaiwakai kawa'iyatikaku hamatiana nepitiwakwinitiani waikawameki, xika mekatehayewani hepaina meteyurieti. <sup>23</sup>Niwemama nepiwakwini. Mipai netiyurieyu yunaiti naitсарie memiyutixexeiriwa mipai mepitemaika, ne nepihiki xe'iyari nemimate kexemiteyikihawe. Yuxexuime nepitixe'apinirieni kexemite'uyuri. <sup>24</sup>Peru hipati xeme Tiyatiratsie xemitama, keyupaimeti 'iki 'ikitsikatsie xemikatewiya, keyupaimeti 'atewa xemikaheutahaxiawawe xeteyi'ikitiati Kauyumarie 'ikitsikayaki kememiteniniuki, mipai nepitixekihawe xeme, tawariri kwinimieme nepikaxe'ikatiaka. <sup>25</sup>Mikitsie xeikia, xeketenewiyani ketitari xemitehexeiya, kepaukake nemunuani.

<sup>26</sup>Kemi'ane mirayu'iwa, meta mikatihayewani nehapai tiyurieneti tapareyuke, miki heitserie nekanipitiamiki nuiwarite mitiwa'aitiakaki  
<sup>27</sup>—neta heitserie keminetiupitia ne'ukiyari—



“tepia 'itsiyari 'akweti pitiwa'aitiaka,  
haxu xariyari hepai piwatitara”.

<sup>28</sup>Metatsiere nepiyetuiriene xurawe ximeripaiti manatineika. <sup>29</sup>Kemi'ane mu'enaxi, ke'u'ena 'Iyari kemitiwatahiawe memiyutixexeiriwa.

### **Tsaritixitsie memiyutixexeiriwakai kemitiwaruni'airi**

**3** <sup>1</sup>»Mipai ketineu'utiiri niuki tuayame Tsaritixitsie memiyutixexeiriwa wahetsiemieme:

Mipai kanaineni kemi'ane Kakaiyari 'iyariteya 'atahutame miwarexeiya, meta xurawetsixi 'atahutame: Neri mipai nepitimate kepemitiyuriene. Tsepa pe'ayeniereti pemixatsiwa, peru pepimiki. <sup>2</sup>Kenanutahitia, keneutatirikariya tita mikatimiwe mitiuyuhayewaxi miki mimiximeki, nekakaiyari kemimetixeiya, nematsixeyiakaku ne, kepemitiyuriene peuyewetse 'akuxi pemiraye'atianiki. <sup>3</sup>Ayumieme nepaine, ketina'eriwani kepemitiupitairie kepemitiu'enaxi, mipai yaketinekamieni, ketineuhayewa kepemitiyuriene hiki. Mexika peka'enutahitiani, tinawayame hepai nepunuani, 'atsipepikatimaika kepaukatikaku 'ahetsia nemunuani.

<sup>4</sup>Tsiereta hipame pepiwarexeiya teiteri Tsaritixitsie memitama yu'ixuriki memikatiniiriya. Miki 'aixia memite'u'iyariki nehamatia mekanu'uwakuni me'anakatuxati. <sup>5</sup>Kemi'ane mirayu'iwa, miki wahepai pitikemaritarieni 'ixuriki mutuxaki. Hatsuaku kemititewa nepikaheyaitiani hakewa maka'utsie kename tukari hexeiya. Nepinehekiatani kename ne'imate, mipai ne'utaiti ne'ukiyari hixie meta hetsiana miemete niuki tuayamete wahixie. <sup>6</sup>Kemi'ane mu'enaxi, ke'u'ena 'Iyari kemitiwatahiawe memiyutixexeiriwa.

### **Piratepiyatsie memiyutixexeiriwakai kemitiwaruni'airi**

**7**»Hiki mipai ketineu'utiiri niuki tuayame Piratepiyatsie memiyutixexeiriwa wahetsia mimieme:

Mipai kanaineni kemi'ane Kakaiyaritsie mieme mipatsie, kemi'ane yuri maine, kemi'ane Rawiri yawieya makwe'e. Miki reuyepieyu xewiti pikareunani, reunayu xewiti pikareuyepieni: <sup>8</sup>Neri mipai nepitimate kepemitiyuriene. Kamitsi, kitenie mireuyepie nepimatsi'uxeiyatsitia. Xewiti pikayiwe mireunaniki. 'Etsiwa xeikia tirikariya pepexeiya peru neniukitsie yapepitikamie, pepika'aku'imawa kename pekanetsimate pe'utaiti. <sup>9</sup>Kamitsi mipai nepitiwapitiaka miki Kauyumarie tukitana memimiemete, miki huriyutsixi teiteriyari memite'uyuteriwa peru memikahiki, memite'itawa xeikia, kamitsi miki nepiwarahapani, me'a'iwarieme memitihixima'uniki 'ahetia. 'Ana mipai mepitehetimani, nemimatsinaki'erieki 'eki. <sup>10</sup>Neniukitsie yapemitikatiaki petiuka'eniwati nehapai, neta nepimatsi'iwiyani kepauka tukari maye'ani kwiepa naitserie, kepauka kwiepa memitama memi'iniatsieni.

<sup>11</sup> Kwiti nepunuani. Keneuwiya tita pemirexeiya, xewiti 'akuruna kamatsi'unawairieniki 'ainiari. <sup>12</sup> Kemi'ane mirayu'iwa, nekakaiyari tukitana nepikakeni 'ikitsaraitime, yuheyemeki pikawayeyani hatsuaku. Hetsiena nepira'utiani nekakaiyari kemititewa, nekakaiyari kiekarieya Kerutsareme mihekwa taheima makaneni nekakaiyari hetsia miemetiti kemititewa, neta hekwameki kenemititewa. <sup>13</sup> Xewiti neti mu'enaxi, ke'l'enieka tita 'Iyari mitiwatahiawe memiyutixexeiriwa.

### Rautitseyatsie memiyutixexeiriwakai kemitiwaruni'airi

<sup>14</sup> »Hiki mipai ketineu'utiiri niuki tuayame Rautitseyatsie memiyutixexeiriwa:

'Ipai kanaineni kemi'ane Niukieya Mitse'i mititewa, kemi'ane yatikamieti yuri haiti miyuhekiata, kemi'ane mitsutia tita Kakaiyari mitiunetia: <sup>15</sup> Neri 'a'uximayatsika nepimate. Pepikahaiti meta nitima pepikaxika, xikatiyiwenike pehaitinike meta pexikanike. <sup>16</sup> Hiki matsi pemikahaitiki meta pemikaxikaki, matsi xeikia 'etsiwa mixika hepai pemi'aneke, 'ayumieme 'ari nekamenanatihayaximeni. <sup>17</sup> Eki mipai pekaniutaineni: "Ne nepixiku, waikawa nerexeyati nepaneyeitia, tixaiti nepikareuyehiwa", pe'utaiti, 'atsipepikatimate kepemi'ane, 'axapepitiarie tixaiti pepikarexeiya, pepikaheuniere, meta 'ixurikiki pepimawe. <sup>18</sup> 'Ayumieme nepimatitaxatiani, nehetsia keneunanai huru tuminiyari taipa kwaxiyariekameki, mikiki xiku pemayaniki, 'ixuriki mituxa keneunanai pemenakatiniki, mikiki pikamatsiikini kepemiti'atewiya pemaweti, meta hixita mieme kwiniya 'uayeyari keneunanai pema'awiriexianiki, mikiki peheuniereti pepayani.

<sup>19</sup> Keyupaimeme nemiwanaki'erie, miki nepiwatate'a nepitiwa'ikitia newa'uximatiaiti. 'Ayumieme 'aixia 'anemeki kene'awairiyani, ketineuhayewa kepemityuriene hiki. <sup>20</sup> Neuxei 'itupari warita neputiwe neheihutsunati. Tewi xika netsi'u'enieni ne'utaniukakaku, xika reuyepieni, neputahani hetsiana, hamatiana nepitikwani, mikita nehamatia pitikwani.

<sup>21</sup> Kemi'ane mirayu'iwa, miki nekanipitiamiki nehamatia mayeriniki ne'uwenitsie hakewa nemire'aita, neta ne'ukiyari hamatia kenemiraya 'uweneyatsie nerane'iwaka. <sup>22</sup> Xewiti neti mu'enaxi, ke'u'ena tita 'Iyari mitiwatahiawe memiyutixexeiriwa».

### Kakaiyari muyuawitsie nenewieri kememite'ipitia

**4** <sup>1</sup> Merikitsi miki ne'uxeiyaka, tawarita nekaneutaniere, mana muyuawi nekaniuxeiya reuyepiekame. Kemi'ane nemu'eni matiari paiti kuxineta hepai ti'eniiriikime nehamatia tikuxatame, miki mipai kanetiniutahiawe: «Uwa kenatiye'a: nepimetsixeyatsitiani kemitiyini 'arike». <sup>2</sup> Yapauka 'Iyari nehetsie punua, meta 'uweni nepuxei muyuawitsie, xewiti mikitsie kanakateitini. <sup>3</sup> Kemi'ane mana makatei, katsipe teteyari hepai katinuyuxexeyakaitini meta kurunarina teteyari hepai. 'Uweni

warita kuwiwi kanakateitini 'etsimerarita teteyari hepai tiyuxexeyati. <sup>4</sup>Uweni 'aurie kana'utikateitini 'uwenite xeitewiyari heimana naukati, 'uwenitetsie 'ukirawetsixi mekanatekaitini xeitewiyari heimana yunaukati me'anakatuxati, yumu'utsie huru kurunayari me'anamanati. <sup>5</sup>Miki 'uweni manuwekaitsie mana kaniwayemerikarekaitini, kaneyeyuanekaitini meta kaneyetirarikakaitini. 'Uweni hixie 'atahutati kixemete kanikutatawekaitini, 'atahutati Kakaiyari 'iyariteya mihikitikai, <sup>6</sup>meta hixiena haramara xikiri hepai tiyuxexeyati kanikumakaitini tete manuyehokia hepai tiyuxexeyati. 'Uweni 'aurie mana mekanu'uwakaitini yunaukati memayeneniere, mehahixitikaiti yuhixie meta yuwarita naitсарie. <sup>7</sup>Mexiakame maye hepai pitiyuxexeyakai, hutarieka mieme tuuru hepai pitiyuxexeyakai, hairieka mieme tewi hepai piraka'eriekai, naurieka mieme kwixu mitawixime hepai pitiyuxexeyakai. <sup>8</sup>Miki yunaukati memayeneniere yuxexuiti 'ataxewime 'anate mepexeyakai, meta naitсарie yu'anatetia paiti mekanahixitikateitini. Tukariki meta tikariki mepikatehayewakai mipai me'utiyaui:

«Kanipatsieka, kanipatsieka, kanipatsieka  
Ti'aitame Kakaiyari Naimekimitirikaiye,

kemi'ane 'amuyeikakai, kemi'ane 'amuyeika meta kemi'ane 'umamie».

<sup>9</sup>Kepauka mipai memutiyuanekai miki memayeneniere, 'aixia ketikuxaxatsiwani, mariweti kemariwani, pamipariyutsi kepitariieka kemi'ane 'uwenitsie maka, tsepaneti xeitsienituyari wiyari manuyekika ke'ayeniereni yuheyemeki me'utiyaui, <sup>10</sup>xeitewiyari heimana nauka 'ukirawetsixi hixiena mepukahixima'uwekai meta nenewieri me'ipitiati kemi'ane 'uwenitsie maka, tsepaneti xeitsienituyari wiyari manuyekika ke'ayeniereni yuheyemeki. Yukurunate hixiena mekanitimanakaitini mipai me'utiyaui:

<sup>11</sup> «Tati'aitiwame Takakaiyari 'aku, 'aixia pepitiuka'iyari,  
'ahetsie mitinakeniki 'aixia pemitikuxaxatsiwaniki mariwemeki  
pemimariwaniki, meta kepemititirikaiye,  
'eki naime pepitiunetia,  
mipai mimatinakeki pitixuawe,  
naiti 'ayumieme pititiwewiya».

### Xapa mutakwikwiya meta Muxa

**5** <sup>1</sup>Merikitsi kemi'ane 'uwenitsie makatei yutserieta xapa kwikwiekame 'akwekame nekaniuxeiya naitсата ra'utikaime meta 'atahuta tseyuyari pamanekai. <sup>2</sup>Yaxeikiata niuki tuayame mitirikaiye nekaniuxeiya mipai 'utaineme karima: «¿Kepaiki 'aixia pitika'iyari hetsiena mitinakeniki tseyu maxinaxianiki, meta xapa manutayepieniki?» <sup>3</sup>Muyuawitsie kwiepa meta kwietia nixewiti pikayiwekai xapa manutayepieniki, mixeyaki ketiti mireku'ukai. <sup>4</sup>Ne waikawa neputatsuakakai xewiti mikataxeiyariewekaiki 'aixia tiuka'iyariti hetsiena mitinakeniki xapa manutayepieniki, mixeyaki mekateriwaki. <sup>5</sup>Miki 'ukiratsi xewiti mipai kanetiniutahiawe: «Pepika'utatsuakani, neuxei maye hepai mariweti Kura nuiwarieyatsie mieme Rawiri kie Nana mutine, miki pirayuiwaxi, mikitsi kaniyiweni xapa manutayepieniki, meta 'atahutame tseyuyari maxinaxianiki».

<sup>6</sup>Hiki mana nekaneutaniere. 'Uweni 'aurie yunaukati memayeneniere wahixiapa 'ukirawetsixi wahixiapa nekanixeiya Muxa Nunutsi mana 'uweme. Mumierie hepai pitiyuxexeyakai, 'atahuta 'awayari 'atahuta hixiyari pexeiyakai, hixiteya Kakaiyari 'iyariteya kanihikitini 'atahutati, naitarie kwiepa meutani'ariexia. <sup>7</sup>Iya 'ahurawa kanayani, kemi'ane 'uwenitsie makatei yutserieta mehurieikai xapa kanihuritiani. <sup>8</sup>Kepauka xapa muhuritariere, yunaukati memayeneniere xeitewiyari heimana yunaukati 'ukirawetsixi yunaiti mekaniutihixima'uni Muxa hixie. Yuxexuiti haripa mekaniu'ikaitini huru xakiyari mepu'ikai 'ikwaki hipineme, 'ikwa Kakaiyari teiterimama wanenewieri kanihikitini. <sup>9</sup>Hiki kwikari hekwame mekaniutakwika mipai me'utiyuati:

«Aixia pepitiuka'yari 'ahetsie mitinakeniki pemenuhurieniki xapa pemexinaxianiki tseyuyari,  
'eki pemumierieki,  
'axuriya mutayeuriki Kakaiyaritsie mieme pepiwarutinana  
teiteri pewaxinake,  
yunaima nuiwarite wahetsia miemete naime niukiki memutiniuka,  
naitarie kwiepa kiekatari yunaima teiteriyari wahetsia miemete.

<sup>10</sup>Takakaiyari teiterimama pepitatsi'ayeitia te'aitamete,  
mawari wewiwamete pepitatsi'ayeitia,  
kwiepa tepite'aitani».

<sup>11</sup>Hiki neheutanierika nekani'enieni tita yumiireme niuki tuayamete waniuki hepai miti'eniiriikikai, 'uweni 'aurie memayeneniere wa'aurie 'ukirawetsixi wa'aurie mekaniti'ukaitini miireme miyuniyari meyupaimeti.

<sup>12</sup>Mipai karima mekaniutiyanekaitini:

«Muxa mumierie, 'aixia katiniuka'iyarini,  
hetsiena mitinakeniki,  
tirikaiyeti waikawa rexeiyati, timaiweti yiweti,  
mimariwaniki 'aixia miraniuwaniki,  
'aixia mitikuxaxatsiwaniki witsimitikihiawariwaniki».

<sup>13</sup>Hiki naiti mitiunetariere muyuawitsie, kwiepa, kwie hetia meta haramaratsie, naiti mana mititama, yunaima nekatiniwaru'enieni mete'iniawame:

«Kemi'ane 'uwenitsie maka, meta muxa,  
witsimeketekihawariwani, mariwemeki mekekuxaxatsiwani,  
witsimeketekuxaxatsiwani, tirikaiyemeki,  
tsepaneti xeitsienituyari wiyari manuyekika».

<sup>14</sup>Memayeneniere yunaukati mipai mekaniutiyanekaitini: «Mipai ketiiyini» me'utiyuati, meta 'ukirawetsixi metihixima'uti nenewieri mekanipitiakaitini kemi'ane yuheyemeki mayeniere.

### Xapa tseyuyari

**6** <sup>1</sup>Merikitsi nekaneutaniere kepauka Muxa Nunutsi mexinaxi xeime 'atahuta tseyuyaritsie mieme, yunaukati memayeneniere xeime nekaniu'enieni mipai haineme tiranari hepai ti'eniiriikime: «Kenaye'a,

keneuxeiya». <sup>2</sup>Hiki nekaneutaniere, mana kawayu heutuxati kaniuwekaitini. Kemi'ane hetsiena makatei tupi pakwekai, kuruna kanaanutimaniyarieni, kanayeyani rayu'iwaka, miwara'iwanihi hipame.

<sup>3</sup>Hiki kepauka Muxa tseyu hutarieka mieme maxinaxi, mayeniere hutarieka mieme nekaniu'enieni mipai 'utaineme: «Kenaye'a keneuxeiya».

<sup>4</sup>Hiki xewiti kawayu kaniwayeyani heuxureti. Kemi'ane hetsiena makatei mipai katiniupitarieni miwamuinanihi kwiepa memitama 'aixia memikateyuxeiyanihi, memiyukwiniki, 'ixipara 'amitewi pukweitiarie.

<sup>5</sup>Hiki kepauka Muxa tseyu hairieka mieme maxinaxi, mayeniere nekaniu'enieni hairieka mieme mipai 'utaineme: «Kenaye'a keneuxeiya». Hiki nekaneutaniere. Kawayu heuyiwiti mana kaniuwekaitini. Kemi'ane hetsiena makatei kiru ti'ininiatame kanahapakaitini yumamatsie. <sup>6</sup>Hiki xeime nekaniu'enieni yunaukati memayeneniere memati'ukai wahixiapa heyeniukame. Mipai hetaineme: «Tiriku merie kakuniyari mipai ketinaye'atia xeitukari tewi kemiti'iwa, tsewara meta xeikakuniyari yaxeikia raye'arikame, 'axapepika'iyurieka wiya meta kaxie winuyari».

<sup>7</sup>Hiki kepauka Muxa tseyu naurieka mieme maxinaxi, mayeniere nekaniu'enieni naurieka mieme mipai 'utaineme: «Kenaye'a keneuxeiya».

<sup>8</sup>Hiki nekaneutaniere, kawayu 'etsiwa heutaxaiyeti mana kaniuwekaitini. Kemi'ane hetsiena manakatei Miiya pititewakai meta Tai mikatiwe kanihuraweyakaitini. Heitserie mekaniupitarieni kwiepa memitama naukame hetsie mieme xeime wahepaitsita, kememiteyupaime memiwakwiniki 'ixiparaki, hakaki, kwiniyaki meta kwiepa miemete yeutari waheki.

<sup>9</sup>Hiki kepauka Muxa tseyu 'auxiwirieka mieme maxinaxia, mawari taiyame hetia 'iyarite me'atekame nekaniwaruxeiya, miki memukwi'iwaxi Kakaiyari niukieyatsie memitewiyakaiki, hetsiena metewiyati memiyuhekiatakaiki.

<sup>10</sup>Karima mekaniutihwakaitini mipai me'utiyaui: «¿Kutsiyari 'aku pemipatsie, yuri pemaine, kepaukake pepiwatakwewieni, kepaukake 'uximatiarika pepiwapitiani kwiepa memitama taxuriya memutayeuriki?»

<sup>11</sup>Hiki yuxexuiti mekaniutahuritarieni 'ixuriki mituxa memanakatiniki, mipai mepite'utahiawarie memi'uxipiekaki, te'uximayatamete memikayunaititikaiki 'akuxi wa'iwama memikwi'iwakekai wahepai.

<sup>12</sup>Hiki kepauka Muxa nemuxe'i tseyu 'ataxewirieka mieme kanaxina, 'ana kwie karima kaniutayuanekaitini. Tau puyirixi 'ikari miyiwi hepai, metseri naiti xuriya hepai 'aneti kanayani. <sup>13</sup>Xurawetsixi muyuawitsie memeukatekai mekaniukaxirieni kwiepa, xapa takariyari kemitikaxiriwe hepai waikawa 'uku'ekakaku. <sup>14</sup>Muyuawu hixiapa putsanixi xapa mitakwikwiyani hepai, naiti yemurite meta haramara hixiapa miyetekai xaitsie pita pupatsie, hakewa metinierekai pumawekai. <sup>15</sup>Hiki kwiepa te'aitamete, wawemete, kuyaxi wa'ukiyarima, xikutsixi, memitirikawikai, meta hipati, yunaiti wairiyarika memite'uximayatametetikai, meta memiyini'akai, yunaiti mekaniuyuti'awietaxiani terita, 'aita, meta hiritetsie. <sup>16</sup>Mipai hirite meta 'aite mekatenuhihiwakaitini: «Ketanukanama, ketaneuti'awieta mikatatsixeyaki kemi'ane 'uwenitsie maka Muxa nunutsi mikatatsihekaniki.

<sup>17</sup>Kariki tukari mĩmariwe kanaye'aniri kepauka memiyeha'ani. ¿Kepaiki piyiwe 'amuweni?» meputiyuanekai.

### Keyupaimeti memutseyumarie

**7** <sup>1</sup>Merikitsi 'ana niuki tuayamete yunaukame nekaniiwaruxeiya, tatserieta, ta'utata, tahixiapa, tatsutia naitasata 'etsikinatsie meti'uti 'eka mepikapitiakai, naitasarie mika'uyeikaniki kwiepa, haramaratsie meta naime kiyexitetsie. <sup>2</sup>Hiki xeime nekaniiuxeiya niuki tuayame tau manatineika 'utimiekame, Kakaiyari mayeniere tseyuya 'akweti. Hiki karima kaniwarutahiwiene niuki tuayamete yunaukame, miki mipai memitepitariakai 'axamemiyurieniki kwiepa meta haramara: <sup>3</sup>«Akuxi 'axaxepika'yurieka kwie, haramara meta naime kiyexite, tekawatitseyumawekaku takakaiyari te'uximayatametemama wakanata». <sup>4</sup>Hiki 'iniarite nekanii'eniene, kememiyupaimekai memutseyumarie: Xeitsienituyari heimana huta tewiyari heimana nauka miriyari (144.000) meyupaimeti mekaniiutseyumarieni 'Ixaheri nuiwarimama. Xexuiti nuiwarite mepuxuawekai.

<sup>5</sup> Kura nuiwarieyatsie miemete tamamata heimana huta miriyari mekaniiutseyumarieni,

Xuweni nuiwarieyatsie miemete tamamata heimana huta miriyari,  
Kari nuiwarieyatsie miemete tamamata heimana huta miriyari,

<sup>6</sup> 'Atseri nuiwarieyatsie miemete tamamata heimana huta miriyari,  
Nepitahari nuiwarieyatsie miemete tamamata heimana huta miriyari,  
Manatsexi nuiwarieyatsie miemete tamamata heimana huta miriyari,

<sup>7</sup> Tsimiyuni nuiwarieyatsie miemete tamamata heimana huta miriyari,  
Rewi nuiwarieyatsie miemete tamamata heimana huta miriyari,  
'Itsakaxi nuiwarieyatsie miemete tamamata heimana huta miriyari,

<sup>8</sup> Tsawuruni nuiwarieyatsie miemete tamamata heimana huta miriyari,  
Kutse nuiwarieyatsie miemete tamamata heimana huta miriyari,  
Wenikamini nuiwarieyatsie miemete tamamata heimana huta miriyari mekaniiutseyumarieni.

### Meyumiireti memanakatuxakai

<sup>9</sup>Merikitsi 'ana nekaneutaniere, teiteri yumiiireme nekaniiwaruxeiya naitasarie kiekatari, nuiwarite, kiekari mukumanetsie meta kememite'uniukakai, tewi pikayiwekai miwaruti'iniatiki. Mana 'uweni hixie meta Muxa hixie mekaniti'ukaitini me'anakatuxati, taki me'upiti. <sup>10</sup>Karima mipai mekatenuhiwakaitini:

«Wikweitsitarika takakaiyari hetsia kanayeneikani,  
'uwenitsie maka,  
meta Muxa».

<sup>11</sup>Yunaiti niuki tuayamete mana mekaniti'ukaitini 'uweni 'aurie, 'ukirawetsixi wa'aurie, meta yunaukati memayeneniere wa'aurie. Hiki mekaniiutihixima'uni 'uweni hixie, Kakaiyari nenewieri mekaniiupitiani <sup>12</sup>mipai me'utiyuati:

«Mipai ketiuyini.

Witsiketikihiawariwani, 'aixia ketikuxaxatsiwani,  
timaiweti kemariwani, pamipariyutsi kepitariieka,  
mariweti kexatsiwani, tirikaiyeti yiweti kexatsiwani,  
takakaiyari tsepaneti xeitsienituyari wiyari manuyekika.  
Mipai ketiuyini».

<sup>13</sup>Merikitsi xewiti 'ukiratsi mipai kanetiniuta'iwawiya:

—Miki memanakatuxa, ¿kehate mepiyia, hakewa mepeyeki?

<sup>14</sup>Ne mipai nekatinita'eiya:

—Neuxei, matsi 'eki yapepitimate.

Miki mipai kanetiniutahiawe:

—Miki mekanihikitini memu'axia waikawa metehekwineka.

Yu'ixuriki mekaniti'ekwa, meta mekanitituriya Muxa Nunutsi  
mumierie xuriyayaki.

<sup>15</sup>'Ayumieme Kakaiyari 'uwenieya hixie mekaniti'uka,

tukariki meta tikariki hetsiena mieme tukitana

mekateni'uximayaka,

meta kemi'ane 'uwenitsie maka,

piwateitani wa'iwiyati yutukita.

<sup>16</sup>Hatsuakuri mepikahauhakakwikuni, mepikahueharikuni.

Tau pikawaxirimitiaka, xiri pikawa'uximatiaka.

<sup>17</sup>Kariki Muxa yu'uwenitsie 'akaiti miki piwa'iwiyani muxatsi

wahiweme hepai yianeti,

piwarewitikini naitsarie haixa mukunenieretsie mana

mehareti memayeneniereniki,

meta Kakaiyari naime wa'ukai kana'itiexiamiki wahixita.

### Tseyu 'atahutarieka mieme

**8**<sup>1</sup>Merikitsi kepauka Muxa 'atahutarieka mieme tseyu maxinaxi,  
muyuwawsie kayuwati putamarixi merie hurayari pïreuterixi.

<sup>2</sup>Hiki niuki tuayamete 'atahutame Kakaiyari hixie memiti'u  
nekaniwaruxeiya, miki kuxineta yuxexuiti mekaniti'ititarieni.

<sup>3</sup>Hiki xewiti niuki tuayame 'ahurawa kaniuyani, meta mawari taiyame  
'aurie kaniutakeni pitsiwawame huruki wewiyakame 'ahanati meta 'ikwa  
witsimu'ia kaniyetuiriyarieni mimawaniki, yunaima Kakaiyari teiterimama  
wanenewieritsie mieme, mawari taiyame hetsie huruki muwewiya 'uweni  
hixie muwekai. <sup>4</sup>Hiki 'ikwa kwauniyari meta Kakaiyari teiterimama  
wanenewieri, niuki tuayame 'etukaku Kakaiyari hetsie kaniye'ani. <sup>5</sup>Hiki  
niuki tuayame 'enuhanaka pitsiwawame, tii 'utahiniyaka mawari taiyame  
hetsie, kwiepa kaneihiani, pekutirarikakai putayuanekai, pukumerikakai  
meta kwie putayua.

### Kuxinetate

<sup>6</sup>Hiki niuki tuayamete 'atahutati, kuxineta memi'ikai  
mekaniyukuha'aritarieni memitihitsieniki.

<sup>7</sup>Hiki mexiakame yukuxineta kaniutahitsieni. Tee taimati xuriya niti kwiepa kaneukaxiriyani. Kwie hairieka miemetsie xewiti kaniutatani kiyexite meta 'ixa mitsitsirawi naiti katiniutitani.

<sup>8</sup>Hiki hutarieka mieme niuki tuayame yukuxineta kaniutahitsieni. Yemuri hepai tiyuxexeyati 'aneti tati haramaratsie kaneukahiiyani, haramara hairieka miemetsie xewiti xuriya kanayani. <sup>9</sup>Haramaratsie memiteye'uwa hairieka miemetsie xewiti mekatenukwini, yaxeikiata kanuwate 'amipapa hairieka miemetsie xewiti kaneuyehuiyani.

<sup>10</sup>Hiki hairieka mieme niuki tuayame yukuxineta kaniutahitsieni. Taheima 'akaneka xurawe 'aneti kwiepa kaniukaweni kixeme hepai tati. Hatuxame meta haixa mukunenieretsie hairieka miemetsie xewiti kaniukaweni.

<sup>11</sup>Xurawe Matsiwi katinitewakaitini. Haa hatsiwiti kanayani, yumireti teiteri mekaniukwini haa matsiirixiki.

<sup>12</sup>Hiki naurieka mieme niuki tuayame yukuxineta kaniutahitsieni. Tau hairieka miemetsie xewiti pikahekiariwiekai, yaxeikiata metseri, meta xurawetsixi, kaniukuyire, mipai hairieka miemetsie xewiti tukariki meta tikariki pika'uhekiakai.

<sup>13</sup>Hiki nekaneutaniere, kwixu nekaniu'enieni muyuawi hixiapa 'awiximeme, karima mipai 'utaineme: «Xia'ui, xia'ui, xia'ui keme'tiarieni kwiepa memitama, kepauka niuki tuayamete 'imatiremete yuhaikati yukuxineta memitihitsienitsie».

**9**<sup>1</sup>Hiki 'auxiwiriekai mieme niuki tuayame yukuxineta kaniutahitsieni. Xurawe nekaniuxeyia taheima mieme kwiepa 'ukaweku, miwatixawatsie mieme yawiyari kaniukweitiarieni kimana mireuyepieniki meukatewatsie.

<sup>2</sup>Hiki katineuyepieni miwatixawatsie, hiki meukatewatsie kwauni kanewatineni teka 'amipa kwauniyari hepai 'aneti, tau kahekiakaku pukuyirixi, ka'anuyehekiati patia kwauni miwatineikakaiki miwatixawatsie.

<sup>3</sup>Hiki kwaunitsata mehatinexiaka, kwiepa mekaniwakine 'utsikari, tirikariya mekaniupitiarieni terikaxi kwiepa miemete kememitetirikawi wahepai.

<sup>4</sup>Mipai mekatenuutahiawarieni, 'atsimemika'iyurieniki kwiepa mieme 'ixa, naime mitsitsirawi naime kiye, matsi 'axamemiwayurieniki teiteri Kakaiyari tseyuya memikahexeyia yukanata. <sup>5</sup>Mipai mekatenuupitiarieni, memikawakwiniki, matsi memiwa'uximatiakaki 'auxiwime metseri. Kememitewa'uximatiakai, yaxeikia mekaniyiakaitini kepauka tewi terika mikei hepai. <sup>6</sup>Miki tukaritsie teiteri mepukwikuni matsi mepiyutatexieni memikwiniki, mepiyuwautiwani memikwiniki, peru miya puyuta'una, wahatsie pumaweni.

<sup>7</sup>Utsikari kememiteyuxexeyiakai, kawayutsixi memikuha'aritsie kuyaxa miemete wahepai mekani'anenekaitini. Yumu'utsie huru kurunayari hepai 'aneneme mekananamanakaitini, meta yihixie teiteri kememitehaka'erie mipai mepiteyuxexeyiakai. <sup>8</sup>Ukarawetsixi wahepai mepite'ukipakai, meta watamete mayetsi watamete hepai pi'anenekai. <sup>9</sup>Tepia hepai 'aneneme mepanakatitikei yutawitsie, yu'anaki meputixuwarikakai, kawayutsixi kuyaxa meheuyukwiyuaka miki wahepai mepiteyu'eniiriukikai. <sup>10</sup>Mekaniukwaxikaitini, terikaxi wakwaxi hepai kani'anenekaitini



'anuyemimitsiti, meta yukwaxitsie tirikariya mekanexeyakaitini, 'auxiwime metseri teiteri memiwa'uximatiakaki. <sup>11</sup>Kemi'ane mitiwa'aitiakai niuki tuayame kanihikitikaitini, mana mire'aitakai meukatewatsie, hepirayutsixi waniukiki 'Awaruni katinitewakaitini, meta kiriyekutsixi waniukiki Tiyuka'uname titewati.

<sup>12</sup>Kananuyeyaniri, xia'ui matiari mieme, peru 'akuxi hutati xia'ui kaneuyeweka.

<sup>13</sup>Hiki 'ataxewirieka mieme niuki tuayame yukuxineta kaniutahitsieni, meta yuariya nekaniu'enieni mawari taiyame nauka 'awayari mexeiyu huruki miwewiyata 'atineikame Kakaiyari hixie muwe. <sup>14</sup>Iki niuki tuayame kuxineta makwe'e mipai katinitahiawe: «Niuki tuayamete memuyunauka keniwarutixina hatuxame 'amipatsie 'Eupirate hatetsita memitihe».

<sup>15</sup>Hiki niuki tuayamete memuyunauka memukuha'aritsiekai miki hurayari, miki tukari, miki metseri, miki wiyaritsie mekaniutixinarieni, hairieka miemetsie xewiti teiteri memiwakwiniki. <sup>16</sup>Wakuyaxima kawayutsixi wahetsie mematekai huta tsienituyari miyuniyari (200.000.000) mekaniyupaimekaitini.

<sup>17</sup>Hiki heinitsika hepai nepitiwaruxei, kawayutsixi meta memeutayaxiwawe: Yutawitsie tepia mekanenakatitikateitini mayetaimaiyetikatei, mayekwauniyatikatei, mayetataxawi 'atsupire hepai. Kawayutsixi wamu'u mayetsi wamu'u hepai kani'anenekaitini, wateta tai kaniwayeneikakaitini, kwauni meta 'atsupire. <sup>18</sup>Haika kwiniyayariki hairieka tsiemieme xewiti teiteri mekaniukwini, taiki, kwauniki meta 'atsupireki wateta muwayeneikakaiki. <sup>19</sup>Kawayutsixi yitirikariya mekanexeyakaitini yuteta meta yukwaxitsie, wakwaxi kuterixi wahepai kani'anenekaitini 'anutimu'utikaiti, mikiki 'axamepiwayuriekai.

<sup>20</sup>Hipati teiteri memika'ukwi'iwaxi mewakwikaku, miki mepikatehayewakai mete'ayexeyati tita yumamaki memitewewie. Mepikatehayewakai nenewieri mewapitiati kakaiyarixi 'axamemi'anene, huru, pirata, wurunitse, tete, kiye kakaiyarixiyari tsepa memikaheuneniere, memikaheu'enana, meta memika'ukiniwawe. <sup>21</sup>Mepikatehayewakai meteyumemiwati, meteyukewaiyati, mikayi'iya meta mikayikina mewakumaiwati meta metenawayati.

### Niuki tuayame xapa mahuriekai

**10** <sup>1</sup>Hiki xeime niuki tuayame nekaniuxeyia tirikayeme taheima 'akamiekame, haiwitiri tsata yeweme. Kuwiwi mu'uya heima kaniuyekateitini, yihixie tau hepai kanayexawatikaitini, meta 'ikateya tai 'amanutitetere hepai pituyuxeyakai. <sup>2</sup>Yumamatsie xapa kanahuriekaitini 'etsiyume werime. Yutserie y'ikaki haramaratsie kaneutakeni, yu'utakita kwiepa. <sup>3</sup>Hiki karima kaniutahiwa maye kemitiutahiwa hepai. 'Utaniuku, 'atahuta tiranariyari kaniuyuani. <sup>4</sup>Kepauka muyua 'atahuta tiranariyari ne nepititi'utianikekai, peru xeime nekaniu'enieni taheima mipai haineme: «Ketine'awietani 'atahuta tiranariyari, kememutiyua meta pepikaraka'utiwani».

<sup>5</sup>Hiki miki niuki tuayame nemuxeiyakai hamaratsie heutaweme meta kwiepa, yutseriekita muyuawitsie paiti kaneutimeni. <sup>6</sup>Kaniyuhiritiani mayeniere hixie tsepaneti xeitsienituyari wiyari manuyekika, kemi'ane muyuawi, kwie, haramara meta tita naiti mana mitixiawe, meta mipai kaniutayini: «'Ari tukari kananayexini. <sup>7</sup>Matsi kepauka 'atahutarieka mieme niuki tuayame mitaniuni, kepauka yukuxineta mitahitsieni, 'ana tita Kakaiyari mitiuti'awietakai kanaye'amiki mitahekiatsieniki, kemitiwatuxatiakai yuniukamete hetsiena mieme memite'uximayakai».

<sup>8</sup>Hiki kemi'ane nemu'eniekai taheima 'utaniukame, miki tawarita pinetsi'utahiawixi mipai 'utaiti: «Huma kenemie, kenahuri 'iya xapa 'etsimiyewa muweri, niuki tuayame mehurie hamaratsie heutaweti meta kwiepa».

<sup>9</sup>Hiki niuki tuayame hetsia nekaniuyani meta xapa mikwikwie nekanitawawirieni. Mikita mipai kanetiniutahiawe: «Kenanuhuritsi meta keneutakwa'i. 'Ayuriepa patsiire, peru 'ateta xiete hepai pakakare». <sup>10</sup>Hiki xapa 'etsimiyewa ne'anhurieka niuki tuayame mehuriekai, nekanitakwani. Neteta xiete hepai pakakarixi, kepauka nemitakwai, peru neyuriepa hatsiwiti kanayani. <sup>11</sup>Miki mipai pinetiutahiawixi: «Kaneuyeweka 'eki tawarita Kakaiyari hetsiemieme pemitiwataxatianiki miireme kiekarite, nuiwarite, yuniukiki memutiniuka meta te'aitamete wahepaitsita».

### Tehekiatamete yuhutati

**11** <sup>1</sup>Merikitsi haka nekaniukweitiarieni ti'iniyatame mihikitikai, mipaita nekatiniutahiawarieni: «Kenanukukexi, Kakaiyari tukieya keneuti'iniata meta mawari taiyame, yaxekiata keyupaimeti muwa memeyutinenuwiwa tukita keniwaruti'iniata. <sup>2</sup>Tuki takwa keneuhayewa xeikia, pepika'iti'iniata, mana memupitarieki nuiwarite hipati, miki mekaniketsikuni Kakaiyari kiekariena huta tewiyari heimana huta metseri. <sup>3</sup>Neri yuhutame nekaniwarexeiyani tehekiatamete, miki kememite'unenierixi mipai memitekuxataniki xeimiriyari heimana huta tsienituyari heimana haika tewiyari tukari, hiwerika kamixayari me'anakatitikaiti». <sup>4</sup>Huriwa kiyeyari hutati, kixeme hutati kwie kutsiyari hixie miti'u, miki mekanihikitini. <sup>5</sup>Xika xewiti tiwakwinitiamikini, miki tai yuteta mepiwayenenetiwa, meta mepiwatixixitsitiwa miki memiwaraye'unie. Mipai katinimieriemiki kemi'ane mitiwakwinitiamikini. <sup>6</sup>Miki tehekiatamete heitserie mekanexeyani muyuawitsie mikakawiyeki mexi metekuxata, heitserie meta mekanexeyani haa hepaitisita, xuriya memayeitianiki, memitewakwinitianiki kwiepa memitama naime kwiniyaki tsepa kepaimexia kemitivanake.

<sup>7</sup>Kepauka meminini mipai metehekiata, yeutanaka meukatewatsie matine wara'iwamiti piwakwineni, wara'iwame kaniwakwimiki. <sup>8</sup>Wakaxarite kiekari hixiapa pitiheni kiekari 'amakuyewatsie. 'Iyari kemitimate 'iniariki, Tsuruma katinakutewaka, 'Ekipitu meta rakutewa miki kiekari, mana Tati'aitiwame kuruxitsie kaniumierieni. <sup>9</sup>Hipati kiekarite mukumane, nuiwari, hipame niukiteki memutiniuka meta naitsarie kiekarite

mukumane yunaiti mekanixeyakuni wakaxari haika tukari heimana merie tuka. Mepikawapitiani wakaxari mikateukieniki. <sup>10</sup>Kwiepa memitama mepiyutemamawieka wakaxarite mexeiyati, 'imikieri mepiyutamikwani, texaxatamete yuhutati memiwa'uximatiakaiki kwiepa memitama.

<sup>11</sup>Hiki haika tukari heimana merie tuka 'anukayaku 'iyari nieritiwame kaniwaruwiya Kakaiyari heiyeni'aku. Mekananutuku'uni, miki memiwaruxei kwiniemieme mekatenuitimamani. <sup>12</sup>Hiki xeime mekaniu'enieni taheima 'utaniukame mipai tiwakihiaweme: «'Ena xekenanatikini». Muyuawitsie mekananutikine haiwitiritsata, miki memiwaraye'uniekai mewaxeyakaku.

<sup>13</sup>'Ana kwitiwa kwie karima kaniutayuani. Kiekari tamamatatsie mieme xewiti kaneuku'une. 'Atahuta miriyari meyupaimeti teiteri mekaniuukwini, peru memuyuhayewaxi waikawameki memamati, Kakaiyari taheima makawe hepaitsita 'aixia mekatenikuxatakaitini.

<sup>14</sup>Kanaye'ani xia'ui hutarieka mieme. Hairieka miemeta kanehurani.

### Kuxineta 'atahutarieka mieme

<sup>15</sup>Hiki 'atahutarieka mieme niuki tuayame yukuxineta kaniutahitsieni. Hiki karima mekanetiniukakaitini muyuawitsie mipai me'utiyuati:

«Hikitsiari kwiepa memitama wahetsie katinanuyeyani, Kiritsitu pitari pitita'aita tahetsiemieme,  
tsepa xeitsienituyari wiyari manuyekika».

<sup>16</sup>Hiki 'ukirawetsixi xetewiyari heimana nauka Kakaiyari 'uwenieya hixie mematekai, miki mekaniuutihixima'uni, Kakaiyari nenewieri mekaniuipitiani

<sup>17</sup>mipai me'utiyuati:

«'Eki Ti'aitame Kakaiyari Naimekipemitirikaiye,  
kemi'ane 'amuyeika meta 'amuyeikakai,  
pamipariyutsi tepimatsipitia mariwemeki tirikariya pemupitiarie,  
meta pekanitsutiani peti'aitati.

<sup>18</sup>Nuiwarite mekaniha'akaitini,  
peru 'ahaxia kanaye'ani pemitiwakwinitianiki,  
tukari raye'a mikite pemiwatahiaweki,  
wa'iwarika pemiwaminiki 'ahetsia miemete te'uximayatamete,  
Kakaiyari niukametemama,  
Kakaiyari teiterimama memipatsie, miki memimatsi'ayemakaxe  
kepemititewaki,  
tiiri meta 'ukirawetsixi yunaiti,

meta kanaye'ani pemiwakwiniki kemi'ane kwie memitsewiximakai».

<sup>19</sup>Merikitsi Kakaiyari tukieya kaneuyepiere muyuawitsie, kakuni tiratuya mi'iniariyari kanimatsiikikaitini tukita yekaiti, kaniwayemerikakaitini kaneyeyuanekaitini kaneyetirarikakaitini kwie kaniutayuani meta tee 'aneneti kaniukaxirieni.

### 'Ukaratsi meta kuu

**12** <sup>1</sup>Merikitsi 'iniari matsiikiti kanayani muyuawitsie mariweti: 'Ukaratsi mana kaniuwekaitini tau kamixayari 'anakatiti metseritsie 'aweti,

meta yumu'utsie kuruna 'anamati tamamata heimana huta xurawetsixi me'anakutetikaima <sup>2</sup>meta 'ayehukati, kaniutahiwakaitini 'ikukuinekaku meta tiuka'eniwati. <sup>3</sup>Xewitita kaniuyuhekiata 'iniari muyuawitsie: kuu 'atimariweti heuxetati 'atahuta mu'ute hexeyiyati, meta tamamata 'awate hexeyiyati, yaxei kiata yumu'utetsie 'atahuta kurunayari me'anamanatikaiti. <sup>4</sup>Yukwaxiki kaniwaranakahapani xurawetsixi muyuawitsie hairiekatsie xeime, kwiepa kaniwareukaxirieni. Kepauka 'ukaratsi mitiniwerimekai, kuu 'amitimariwe hixiena kaniuhuni nu'aya kwaimiti. <sup>5</sup>Hiki 'ukitime kaniutiniweni, yunaime nuiwarite tiwa'aitiwame mayani, tepia 'itsiyari mitikweni. Nu'aya panutiwitikie Kakaiyari 'uwenieya manuwetsie paiti. <sup>6</sup>Hiki 'ukaratsi kaniuyuta'una makumawetsie paiti, hakewa Kakaiyari meikuh'aritiiri mana me'iwiyariekaki xeimiri yari heimana huta tsienituyari heimana haika tewiyari tukari.

<sup>7</sup>Ana kuyaxa kaniutaweni muyuawitsie: Miyeri meta niuki tuayamete yunaiti mekanitsutiani kuu 'amitimariwe memietiweti. Kuu 'amitimariwe kaniyumienekaitini, meta niuki tuayametemama hepaina, <sup>8</sup>peru mepiyutatexi, huyeri pumawekai muyuawitsie memitenakeniki. <sup>9</sup>Hiki miki kuu 'amitimariwe mipai katinayeweyarieni, miki kuu matiari paiti mieme Kauyumarie mititewa meta Tsatanaxi, mitiwa'iriwiya yunaime kwiepa memitama, miki kananyehiiyani mana, kwiepa paiti kaneukahiiyani, niuki tuayametemama 'utimanata mekaneukaxiriyani.

<sup>10</sup>Hiki xeime nekanu'eni eni mipai haineme karima:

«Hikirixia wikweitsitiarika kanaye'ani,  
kemititirikaiye meta kemit'i'aita takakaiyari,  
kanaye'ani Kiritsitu heitserie kemirexeiya hetsiana mieme.  
Kemi'ane miwaxaneta ta'iwamarixi,  
miki kananyehiiyani,  
takakaiyari hixie miwaxanetakai tukariki meta tikariki.

<sup>11</sup>Mikiri mekane'iwa

Muxa xuriyayaki,  
meta memitekuxatakaiki meyuhekiatati,  
yutukari memika'utikweriki  
tsepa memukwi'iwaxi.

<sup>12</sup>'Ayumieme xekeneyutemamawieka muyuawi,  
meta xeme muyuawitsie xemetitei.

Peru xia'ui kwiepa xemitama meta haramaratsie.

Kauyumarie xehetsia kaneukahiiyani waikawa ha'ati mipai timaiti,  
yapaimexia xeikia mipitiarieki».

<sup>13</sup>Merikitsi kepauka kuu 'amitimariwe kwiepa paiti maukahiiya, 'ukaratsi kaniuweiyakaitini 'ukitime mutiniwekai. <sup>14</sup>Hiki 'ukaratsi kaniupitiarieni ma'anatikaniki kwixu 'aminena hepai, makumawetsie paiti manuwieniki yuhuyeripa, mana kuu 'amitimariwe mika'ixeyiyaki, hakewa xeiwiyari miremikieka, 'ariketa huta wiyari, 'ariketa merie wiyari. <sup>15</sup>Hiki kuu 'amitimariwe 'ukaratsi mikuweiyaneikai hatuxame hepai pame haa kananatihayani 'ukaratsi manuhautsitianiki. <sup>16</sup>Peru kwie 'ukaratsi

kaniuparewiekaitini, kaniwatixaware, haa muwa kaneukayeurieni hatuxame kuu 'amitimariwe yuteta menatihaya. <sup>17</sup>Hiki kuu 'amitimariwe kaniyeha'ani 'ukaratsi hepaitsita, kaneyani miyumieneniki, hipame hetsiena memiyenunuiwa miwaraye'uniekaki, miki yamemitekahu Kakaiyari kemiti'aita, memiyuhekiata Ketsutsi hetsia memiemetetiti.

**13** <sup>1</sup>Merikitsi mana ne'uwetu haramara tetsita, yeutanaka nekaniuxeiya haramaratsie 'anatiyeiximeme.

### Yeutari yuhutati

Tamamata 'awayari kanexeyakaitini, meta 'atahuta mu'ute, xexuime 'awatetsie kuruna kananamanakaitini. Xexuime mu'utetsie pira'utikatei Kakaiyari kemititsewixima. <sup>2</sup>Miki yeutanaka nemuxei tiwe hepai katiniyuxexeyakaitini, hutse hepai re'ikati, meta maye hepai reteniti. Hiki kuu 'amitimariwe yitirikariya kanipitiani, heitserie kanipitiani miti'aitaniki 'uwenitsie 'akaiti hakewa kuu 'amitimariwe mire'aitakai, meta heitserie waikawameki kanipitiani. <sup>3</sup>Mu'uya xewiti mumierie hepai pitiyuxexeyakai, peru kemitiukwinixi 'aixia reu'erieti kanayani tsepa mimiximekai. Yunaiti kwiepa memitama mekani'iyarixiekaitini me'ixeyati yeutanaka, hetsiena mepitewiyakukai. <sup>4</sup>Nenewieri kuu 'amitimariwe mekanipitiakaitini, yeutanaka tirikariya mipitiaki. Yeutanakata nenewieri mekanipitiakaitini mipai me'utiyaui: «¿Kepaiki miki yeutanaka hepai pi'ane, kepaiki piyiwe hamatiana miyumieneni?»

<sup>5</sup>Hiki niuki kaniupitiarieni waikawa mitikuxataniki, mitsewiximakaki Kakaiyari hepaitsita 'axa'utaiti, meta heitserie kaniupitiarieni huta tewiyari heimana huta metseri mipai mitiyurieneniki. <sup>6</sup>Hiki kanitsutiani 'axa'utaiti Kakaiyari hepaitsita, 'itsewiximati kemi'ane mihiki, meta kiekariena, yaxekiata muyuawitsie memitexuawe watsewiximati kanitsutiani. <sup>7</sup>Hiki mipaita katiniupitiarieni miyumieneniki Kakaiyari teiterimama miwaraye'uniekaki, meta miwara'iwaniki, heitserie pupitiarie yunaime nuiwarite wahepaitsita, naime kiekari mukumane, hipame niukiyariki memutiniuka, meta nuiwarite yunaime wahepaitsita. <sup>8</sup>Yunaiti kwiepa memitama nenewieri mekanipitiakakuni, miki xapatsie memika'aka'utiarie tukari memexeyaniki, Muxa mawari mayeitiarie xapayatsie, kwie mutawewiyatsie paiti.

<sup>9</sup>Kemi'ane meu'ena, ke'u'ena.

<sup>10</sup> Kemi'ane teiteri 'ateewa paiti miwaranuhapani,

mikita kananuhaniemiki 'ateewa paiti.

Kemi'ane 'ixiparaki mitiyumemiwa,

mikita 'ixiparaki kanimieriemiki.

Mipai metemaiti Kakaiyari teiterimama mepite'uka'eniwani yuri mete'erieti.

### Yeutanaka kwieta matine

<sup>11</sup>Kwitiwata xeime nekaniuxeiya yeutanaka kwieta matine. Hutame 'awate kana'uitiakaitini muxa hepai, peru kuu 'amitimariwe hepai katiniuxaxatakaitini. <sup>12</sup>Yeutanaka matiari miyianekai heitserie

kemirexeiyakai, 'iki naimeki yaxeikia katiniyurieneni hixiena 'uweti, kanikuyuitiani kwie, miki kwiepa memitamata kaniwarukuyuitiani nenewieri memipitianiki miki yeutanaka matiari mieme mihikitikai, kemi'ane 'aixia reu'erieti mayetiari miximeti. <sup>13</sup>Iniari piwewie mamariwaweme, tai pitita'aitiani taheima makaneniki kwiepa teiteri me'ixeyakaku. <sup>14</sup>Kwiepa memitama katiniwa'iriwiyani miiremeki 'iniari tiyurieneti, yeutanaka hixie 'uweti. Mipai katiniwaruta'aitiani kwiepa memitama 'ikiya memitawewieniki yeutanaka hepai tiyuxexeyame, kemi'ane manutanierixi tsepa 'ixiparaki mitiukwinixi, miki hepai 'anekame. <sup>15</sup>Hiki mipai katiniupitarieni 'iyari mipitianiki yeutanaka 'ikiyari, miki mitikuxataniki, mipai miti'aitaniki memikwi'iwaki keyupaimeti nenewieri memika'ipitia yeutanaka 'ikiyari. <sup>16</sup>Hiki mipai katiniwaruta'aitiani tiiri meta 'ukirawetsixi yunaime, xikutsixi meta tixaiti memikatehexeyia, memixixini meta wairiyarika memite'uximaya yunaime, miki yunaiti yumamatsie yutserieta mekanu'iniaritarieni meta yukanata. <sup>17</sup>Tewi pikayiwani tixaiti mitinaneniki meta mitituaniki xika ka'iniaritarieka, xika yeutanaka kaha'utiaka kemititewa, kemit'iniatsie teriwarikaya 'iniariyari.

<sup>18</sup>'Ikiki yapiretimani, kemi'ane mitimaiwe ke'iti'iniata yeutanaka 'iniarieya, tewi mipai paimekiki mi'iniariki, 'ataxewime tsienituyari heimana haika tewiyari heimana 'ataxewi (666) kanipaimeni.

#### **Muxa meta xeitsienituyari heimana huta tewiyari heimana nauka miriyari waniawari**

**14** <sup>1</sup>Merikitsi manata nekaneutaniere, Muxa nekaniuxeiya, Tsiyuni yemuriyaritsie kanawekaitini. Hamatiana mana mekaniti'ukaitini xeitsienituyari heimana huta tewiyari heimana nauka miriyari meyupaimeti, yukanata mete'a'utikaiti Muxa kemititewa meta 'Ukiyarieya. <sup>2</sup>Yuariya nekaniu'enieni muyuawitsie 'akaneikame, haa mariweti kemit'eniiriiki, tiranari mitirikaiye hepai ti'eniiriikime. Yuariya nemu'eni, kanariwiwamete wakwikari kanihikitikaitini. <sup>3</sup>Kwikari mihekwa mekanikwikakaitini 'uweni hixie meti'uti, yunaukati memayeneniere wahixie, meta 'ukirawetsixi wahixie. Xewiti pikayiwakai meitimaniki miki kwikari, miki xeitsienituyari heimana huta tewiyari heimana nauka miriyari memiyupaimikai xeikia mepimaikai, keyupaimeti memutixinarie me'utinanaiyaka kwiepa memitama watsata. <sup>4</sup>Miki mekanihikitini memikayutsewixima, 'ukarawetsixi memikawarukumayia. Muxa 'utima memuku'uwa tsepa hakewa meutia. Miki teiteri memutinanaiya mexiakame 'ikwaxi hepai, Kakaiyari meta Muxa nuiwarieya memakineki. <sup>5</sup>Wateta 'itarika pumawekai, wahetsie pikarahiwakai.

#### **Yuhaihati niuki tuayamete**

<sup>6</sup>Hiki xeimeta nekaniuxeiya niuki tuayame muyuawi hixiapa 'awiximeme, meta niuki 'aixia manuyine yuheyemeki miwataxatianiki kwiepa memitama, naitserie kiekatari, tsepa kehate, kememite'unuukakai, meta kiekari mukumane. <sup>7</sup>Kaniutahiwakaitini karima: «Kakaiyari xekenayemakaxeni,

meta 'aixia xekeneutiyuaneni hepaitisana, 'ari kanaye'ani miwatahiaweki 'itsikametiti. Xekenayexeyani naime mitiutiwewi muyuawi, kwie, haramara meta haixate».

<sup>8</sup>Kaniweiyakaitinita hutarieka mieme niuki tuayame mipai tiuhiwati: «'Ari kaniuka'une. Wawiruniya mimariwe 'ari kaniuka'une, yunaime nuiwarite winu miwa'itiakai memikumaiwaniki».

<sup>9</sup>Manata hairieka mieme niuki tuayame wa'utima kaniumiekaitini karima 'utahiwati: «Xika xewiti yeutanaka 'ayexeyani meta 'ikiyari, meta tseyuya yukanata meta yumamatsie mutanaki'erieni, <sup>10</sup>yaxeikiata Kakaiyari haxiaya winuyari mekananu'ikuni tekixeyata muyema hikiati tixaiti katinuitarieti. Kani'uximatiariemiki taiki, meta 'atsupireki, niuki tuayamete memipatsie wahixie meta Muxa hixie. <sup>11</sup>'Uximatiarika kitsiyari panutineikani tsepaneti xeitsienituyari wiyari manuyekika. 'Uxipiya mepikahexeyani tukariki tikariki keyupaimeti yeutanaka memayexeya meta 'ikiyari, 'iniarieya memutanaki'eri kemititewa». <sup>12</sup>Mipai metemaiti Kakaiyari teiterimama mepite'uka'eniwani, miki yamemitekahu Kakaiyari kemit'aita meta yuri memite'erie Ketsutsi hetsie.

<sup>13</sup>Hiki xeime muyuawitsie hetaniukame nekaniu'enieni: «Ketinaka'utia: 'Aixia mekani'itiariekakuni miki Ti'aitame hetsie metewiyati memikwini 'ena mitiyeyani».

«Huu —'Iyari kanaineni—, miki mekani'uxipiekakuni kememite'u'uximayakai, tita memite'uyuri pimatsiikini tsepa hakewa meme'uwani».

### Kwiepa kemitiutixuawerixi

<sup>14</sup>Hiki nekaneutaniere, 'ana haiwitiri tuxame nekaniuxeiya, miki hetsie xewiti kanakateitini «Yuri Tewi hepai tiyuxexeyati». Yumu'utsie huru kurunayari 'anamati, meta yumamatsie kutsira makatutsi 'atamiariekame 'akweti. <sup>15</sup>Hiki xewitita niuki tuayame tukita 'ayeneka, haiwitiri hetsie makatei kaniutahiwiene: «Kutsira makatutsiki keneukaxiteki. 'Ari kanaye'ani mika'iniiyaniki, 'aixiari kani'aneneni». <sup>16</sup>Hiki haiwitiri hetsie makatei kutsira makatutsiki katinakuxitene, kwiepa naiti katiniuka'itsanarieni.

<sup>17</sup>Hiki xewitita niuki tuayame muyuawitsie tukita kaniwayeneni, mikita kutsira makatutsi 'ataxikaunime kanakwekaitini. <sup>18</sup>Xewitita mawari taiyame hetsie kanayeneni niuki tuayame heitserie mexeyakai tai hepaitisita, meta kutsira makatutsi 'ataxikaunime makwe'e karima kaniutahiwiene: «'Akutsira mataxikauniki kaxie takariyari kwiepa keneukuxeiri, 'ari 'aixia kani'aneneni». <sup>19</sup>Hiki miki niuki tuayame yukutsiraki kwiepa kanikuxeirieni, kaxie 'ukuxeiriek meta 'ipiname 'amiyewata kaneikaxirieni, Kakaiyari haxiayata. <sup>20</sup>Hiki kaxie takariyari kiekari warie paiti kaniutiketsinarieni, meta kaxie pinameta xuriya kaniwayeneikakaitini, kawayutsixi wapirenu hetsie kaniye'ani, haika tsienituyari kirumetiruyari 'akuyekaku.

### 'Atahutati niuki tuayamete 'atahutame kwiniyayari memi'atia

**15** <sup>1</sup>Xeime tawarita 'iniari mariweme nekaniuxeiya muyuawitsie tiyihixiyatsitwame: 'atahuta niuki tuayamete nekaniwaruxeiya

'atahutame kwiniyari memexeyakai 'imatirieka miemete, mikiki Kakaiyari haxiaya memaye'atianiki. <sup>2</sup>Yaxeikiata haramara xikiri mutitatawe hepai 'anekame nekaniuxeya. Miki meta nepiwaruxei haramara tetsita me'uti'ukame yeutanaka mema'iwaxi, 'ikiyari meta 'iniariyari kemititewa. Haripa mekanu'ikaiti Kakaiyari miwayeturiekai, <sup>3</sup>meta Muitsexi niawarieya mekwikati Kakaiyari ti'uximayatsiriwame, meta Muxa niawarieya:

«Pepimariwe meta 'a'uximayatsika pitiyuhixiyatsitiwa,  
Ti'aitame, Kakaiyari Naimekimitirikaiye.  
Heitseriemeki meta 'ahuye kaniyuritini,  
nuiwarite Tiwa'aitiwame.

<sup>4</sup>Kamitsi Ti'aitame, mekamenayemakaxekakuni.

Kamitsi 'aixia petikuxaxatsiwame mekamenayeitiakakuni.  
'Eki xeikia pekanipsieka.  
Yunaiti nuiwarite mekani'axiakuni,  
nenewieri memetsipitianike  
'a'uximayatsika  
heitseriemeki mihekiaki».

<sup>5</sup>Miya tiuyiku mipaita nekatiniuniere, muyuawitsie tuki muwe kaneuyepiere, hakewa Kakaiyari mehekiatsie. <sup>6</sup>Muwa tukita mekanayenexiani niuki tuayamete 'atahutati memi'atia 'atahuta kwiniyari. Rinu 'ixurikiyari mi'itiya mepanakatitikatei xawatimeki, meta huru hiiyameyariki yutawitsie mepayuhiatikatei. <sup>7</sup>Hiki yunaukati memayeneniere, xewiti miki kaniwarutahapatiani niuki tuayamete xexuime huru kupayari Kakaiyari haxiaya hipineme, yuheyemeki mayeniere tsepaneti xeitsienituyari wiyari manuyekika. <sup>8</sup>Hiki tukita kitsi kaniuyehine, Kakaiyari xawatiriyaya meta kemititirikaiye, xewiti pikayiwekai tukita meutahaniki kepaukake meutipare 'atahuta kwiniyari, 'atahutati niuki tuayamete memi'atia.

### 'Atahuta kupayari Kakaiyari haxiaya

**16** <sup>1</sup>Merikitsi xeime nekaniu'enieni tukita paiti karima warahiwiwame niuki tuayamete: «Mana xekenehu, meta kwiepa xekeneukayeyuri 'atahuta tekixiyari Kakaiyari haxiaya mihipine».

<sup>2</sup>Hiki mexiakame kaneyani, kwiepa yutekixi kaneukayeyurieni, meta yunaiti teiteri yetutanaka 'iniarieya memexeyakai meta 'ikiyari memayexeyakai miki kwiniemieme 'axa'anemeki mekaniuti'etsata meta 'axame'uki'iareti.

<sup>3</sup>Hiki hutarieka mieme yutekixi haramaratsie kaneukayeyurieni, xuriya kanayani mikite waxuriya hepai 'aneti, yunaiti mekatenukwini haramaratsie memuteye'uwakai.

<sup>4</sup>Hiki hairieka mieme hatuxametetsie meta haixatetsie yutekixi kaneukayeyurieni, mikita xuriya kanayani. <sup>5</sup>Hiki niuki tuayame haaki mihiritariie nekaniu'enieni mipai 'utaineme:

«'Eki heitserie pekanexeyani,  
Pemipatsie, pemihiki meta yuheyemeki 'apemuyeika  
miya 'anekameki pepitiwarakapitiwa.



<sup>6</sup> Miki 'ateiterima meta 'aniukamete waxuriya memutayeyuri,  
'ekita xuriya pepiwaranu'itia, miyamemite'uyuriki mikiki  
pepitiwarakapitia».

<sup>7</sup> Xeimeta nekaniu'enieni mawari taiyame mipai 'utaineme:

«Mipai pi'ane, Ti'aitame Kakaiyari Naimekimitirikaiye,  
yuriki pehaiti meta heitseriemeki yapetikamieti pepiti'amaritiwa».

<sup>8</sup> Hiki naurieka mieme niuki tuayame yutekixi tau hetsie kaneikayeyurieni,  
tau mipai katiniupitiarieni teiteri taiki miwatixitsitiwaniki. <sup>9</sup> Yunaiti  
teiteri mekaniti'iwarikirekaitini, peru miyatiti mepikate'uhayewaxi,  
Kakaiyari hepaitsita 'aixia memaitikaniyari, heitserie mexeyakaiki mipai  
mitiwakwinitianiki, kemititewa hepaitsitana 'axameputiyua.

<sup>10</sup> Hiki 'auxiwiriekaka mieme niuki tuayame yutekixi yeutanaka 'uwenieya  
hetsie kaneikayeyurieni, naitserie mira'aitakaisie kanakuyire. Teiterimama  
yuneni mekanikukewekaitini kukuiniyaki, <sup>11</sup> meta mete'ukakukuineti  
haiyaki Kakaiyari muyuawitsie makawe hepaitsitana 'axameputiyuanekai,  
mepikatehayewakai 'axametyurieti.

<sup>12</sup> Hiki 'ataxewi mieme yukupa hatuxame 'amipatsie 'Eupirate mititewatsie  
kaneikayeyurieni, haa mana kanakawani manutayepiereki te'aitamete mana  
memukineki tau manatineika kiekatari.

<sup>13</sup> Hiki kuu 'amipa tetana nekatiniuxeiya, meta yeutanaka teta, meta  
tixaxatame miti'itawa teta, nekatiniuxeiya haikame 'iyarite mika'itiatika,  
temutsi wahepai meteyuxexeyame. <sup>14</sup> Miki 'iyarite 'axami'anene kanihikitini,  
'iniari mamariweme memiteyurie, meta mekanayekikani yunaima kwiepa  
te'aitamete wahetsia, memiyutakwiniki Kakaiyari Naimekimitirikaiye  
mariwemeki tukarieya maye'anitsie. <sup>15</sup> «Neuxei yumarima, tinawayame  
hepai nekaninuamiki. 'Aixia pi'itiarieni kemi'ane miyihitia, miha'aritsie  
yu'ixuriki mikawaune, kapa maweti 'uyeikaniki meta yutewiyati». <sup>16</sup> Hiki  
'iyarite 'axamemi'anene te'aitamete mekaniiwarukuxeyurieni, hepirayuki  
'Arimakeruni mirakutewatsie.

<sup>17</sup> Hiki 'atahutariekaka mieme yutekixi 'ekapa kaneukayeyurieni meta tukita  
'uweni manuwe yuariya karima kanayeneni mipai 'utaiti: «'Ari kaneutipare».

<sup>18</sup> Meta katiniukamimiwakaitini, karima 'utatirarikati, meta kwie karima  
kaniutayuani. Hatsuaku kemikatitayuawekai tewi kwiepa mutawewiyatsie  
paititi, kwinimieme tiutayuati mariwemeki kanayani. <sup>19</sup> Hiki kiekari  
mimariwe kaniutaxine haikati kanayani, meta nuiwarite wakiekarite  
kaniu'axixiani. Kakaiyari Wawiruniya kiekariyari mimariwe kanaye'erieni,  
meta yutekixita yuhaxia hineme kaniwaru'itiani memi'uximatiarieniki. <sup>20</sup> Hiki  
naiti kwie haramara hixiapa miyemane, meta hirite kaniukumawerixiani.  
<sup>21</sup> Muyuawitsie tee 'aneneti kakanaxixiani teiteri wahetsie kaniukaxirieni,  
huta tewiyari kiruyari raheteti. Meta teiteri Kakaiyari hepaitsitana  
'axamekaniutiyuanekaitini, mariwemeki mitiwakwinitiaikaiki.

### 'Ukaratsi yeutanaka hetsie manaka

**17** <sup>1</sup> Merikitsi miki xewiti niuki tuayamete 'atahuta memihiki tekixi  
memuhapakai, 'ahurawa kanayani, mipai kanetiniutahiawe:

«Kenaye'a, nepimatsixeitsitiani 'ukaratsi mimariwe kemitikwine tuminiki miyumayiniia, haa waikawame hetsie 'akaiti. <sup>2</sup>Miki mekanikumaiwakaitini kwiepa te'aitamete, meta teiteri mana memitamakai winuki mekanitariwetiwekaitini, memikumayianiki».

<sup>3</sup>Hiki niuki tuayame 'Yari nehetsie nuaku kanenewitini makumawetsie paiti. Mana 'ukaratsi nekaniuxeiya yeutanaka meuyitsikimaiyetsie 'akaime. Yeutanaka naitarie hetsiena pira'utikatei 'axa'aniyinemeki Kakaiyari hepaitsita, 'atahuta mu'ute pexeyikai, meta tamamata 'awate. <sup>4</sup>'Ukaratsi miyitsikimaiyeki meta mixetaki puyukemaritiakai, huru heukatekame, tetexi witsimi'anene meta periraki. Huru tekixiyari pahanakai mitixani'eriwa meta kemitikumayiiwakai tihineme. <sup>5</sup>Yukanata pira'utiakai kayumainiakameki:

WAWIRUNIYA MHARIWE,  
TUMINIKI MEMUYUMAYINIIA WAMAAMA,  
META 'AXAMITI'ANE MITIXANI'ERIWA KWIEPA.

<sup>6</sup>Hiki miki 'ukaratsi nekaniuxeiya tawekame Kakaiyari teiterimama waxuriyaki, meta miki memiyuhekiatakai Ketsutsi hetsia memiemetetiti waxuriyaki.

Hiki ne'ixeyati kwinimieme nekanihixiyakaitini. <sup>7</sup>Hiki niuki tuayame mipai kanetiniutahiawe: «¿Ketitayari petihixiya? Nepimetsitahekiatiani 'ukaratsi hepaitsita meta yeutanaka 'atahuta mu'ute mexeiya meta tamamata 'awate mexeiya hepaitsita. <sup>8</sup>Miki yeutanaka pemixeiya, miki meripaiti kaniuyeikakaitini, hikiri pika'uyeika, meukatewata kanewatiyeiximeni, peru mamierienitsie kaniu'erieka. Kwiepa memitama keyupaimeti memika'aka'utuarie kwie munetiarietsie paiti xapatsie tukari memexeiya manuyinetsie, miki mekanihixiyakuni yeutanaka mexeiyati, meripaiti 'amuyeikakai, hikiri 'amika'uyeika, matsita kaninuamiki.

<sup>9</sup>'Ena kaneuyeweka meiti'enietiyani meta meitimaitiyani. 'Atahuta mu'ute, miki 'atahuta yemurite kanihikitini 'ukaratsi hetsiena maka. <sup>10</sup>Yaxeikiata 'atahuta te'aitamete 'atahutati mekanihikitini: Yu'auxiwiti 'ari mekanukwini, xewiti katini'aitani, meta xewiti 'akuxi pikanuawe, peru kepauka munuani yapaumexia xeikia kaniuyeikamiki. <sup>11</sup>Miki yeutanaka meripaiti 'amuyeikakai matsi pikahikiri, miki ti'aitame 'atahairieka mieme kanihikitini. 'Atahutati wahetsia kanimiemetini, mikita kaniyemieni mamierienitsie.

<sup>12</sup>»Tamamata 'awate pemuxei, miki tamamata te'aitamete mekanihikitini, memika'itsutiawawe 'akuxi mete'aitati, peru kwitiwa heitserie mekanipitariiekuni memiteta'aitaki yeutanaka hamatia. <sup>13</sup>Miki yaxeikia mekatenu'eriwakuni, yitirikariya mekaniyetuiriekuni yeutanaka watirikariya mexeyaniki. <sup>14</sup>Miki Muxa mekanitamiekuni, peru Muxa kaniwara'iwamiki kutsiyarite miwakutsiyariki meta te'aitamete mitiwa'aitiwameki, meta miki hamatiana memu'uwa meputa'inierie, mepanayexeyarie yamemitekahu».

<sup>15</sup>Hikita niuki tuayame mipai kanetiniutahiawe: «Haa pemuxeyikai, 'ukaratsi tuminiki muyumayiniia hetsiena 'akaime, miki kiekarite

mekanihikitini, mimiiremete memihiki meta hipame niukiteki memutiniuka.  
 16 Tamamata 'awate pemuxe, meta yeutanaka, miki 'ukaratsi tuminiki miyumayiinia mekanitixani'erikuni. Yuxaitame mekaniku'eirikuni meta heumaweme, waiyarieya mekanitakwaikuni, meta mekanitaiyakuni.  
 17 Kakaiyari mipai pitiwa'iyaritiani mipai memiteyuriekaki miki pita kemitiyuriemiki wa'yari yuxewikaku me'ipitiakaku yeutanaka miki pita miti'aitametiniki wahetsiemieme, mipai meteyurieyu katinaye'atiariemiki naiti Kakaiyari kemutayi. 18 'Ukaratsi pemuxe, miki kiekari mimariwe kani'iniariyaritini mitirikaiye miti'aitaniki kwiepa te'aitamete wahetsia».

### Wawiruniya kemitiuka'unarie

**18** 1 Merikitsi xeimeta niuki tuayame nekaniuxeiya muyuawatsie 'akamieme. Waikawa tirikariya hexeyati, meta kwiepa yuhekiariyaki kaniuhekiariwieni. 2 Hiki karima kaniutahiwa mipai 'utaiti:

«Kaniuka'une. Kaniuka'une Wawiruniya mimariwe.

Kakaiyarixi 'axamemi'anene wakie kanayani,  
 meta yunaiti 'iyarite 'axami'anene waterita kanayani,  
 yunaiti wikixi memika'itiyatika wa'itua kanayani,  
 meta 'aixia mikatixeyarie.

3 Yunaiti nuiwarite memuti'iki memikumaiwaniki kawa'iyatikaku,  
 mana kiekatari te'aitamete yunaiti miki mekanikumaiwakaitini,  
 meta tetuayamete mana kiekatari,  
 xikutsixi mekanakine  
 witsi'aneme muyupitiakaiki 'anayuhayewameki».

4 Hiki xeimeta nekaniu'eniemi muyuawatsie mipai hetaineme:

«Kiekaritsie xekene wayekini neteiterima,  
 wahepai xemikayiakaki miki 'axakememiteyurie,  
 'uximatiarika xehetsie mikatinakeniki,

5 tita 'axamemite'uyuri kaniukuxeiriyani muyuawatsie paiti,  
 meta Kakaiyari pikahetimai heitseriemeki kememikate'uyuri.

6 Tuminieyaki xeketenakapitia,  
 tawarita matsi hepaina paimemeki ke'axamitiuyuriki,  
 meta tekixita yuwinu hakewa meikatu'akai  
 tawarita hepaina paimeme xekeneukawewiri.

7 Mariweti kemirayuyeitiakai meta witsimitikuhiawariwaniki,  
 yaxeikiata 'uximatiarika heiwerika xekene pitiaka.

Yu'iyaritsie mipai paine:

“Ena nepaka neti'aitati,  
 wiura nepikahiki, hatsuaku nepikatikwine”.

8 'Ayumieme kwiniya xeitukaritsie hetsiena kaninuamiki:  
 miyaki, kwiniyaki meta hakaki pipitarieni.

Taiki kanitaiyarimiki,  
 kanitirikaiyeni kemi'ane mitamari'itiani Ti'aitame Kakaiyarititi».

9 Kepauka kwiepa te'aitamete memikumaiwakai kawa'iyatikaku  
 meta witsi'aneme memite'iyetuiriwakai, miki mekanititsuanakuni

me'ixeyati kwauni 'atineikame tai 'itaxitsitiximekaku. <sup>10</sup>Waikawa memamati kemitikwinitiariekai, 'ateewa paiti mekaniti'uikuni meta mipai mekatenuhiwakuni:

«Xia'ui, xia'ui, kiekari mimariwe,  
Wawiruniya, kiekari mitirikaiye,  
xeihurayaritsie 'a'uximatiarika munuaki».

<sup>11</sup>Tetuayamete kwiepa memitama mekaniutitsuanakuni meta mehe'eriwati mepuyuhiwerieka, mipai metemaiti, xewiti tawariri mikatiwananairienikekaiki: <sup>12</sup>huru, pirata, tete witsimi'anene, meta perira, rinu 'ixurikiyari, 'ixuriki miyitsikimaiye, tsera 'ixurikiyari, meta 'ixuriki mixeta, naima kiye witsimu'ia, naiti mutiwewiya herepanite tameyariki, naiti mutiwewiya kiye witsimi'anene, wurunitse tepiyari, tepia mimerikawi, meta marimuri teteyari, <sup>13</sup>kanera witsimu'iatika, witsimitiu'iatika, 'ikwa witsimu'ia, mixaxi, meta witsimu'ia, winu meta hatseiti, harina 'aixia mi'ane meta tiriku, wakaitsixi meta muxatsi, kawayutsixi meta kaxetate metatsiere teiteri, wairiyarika te'uximayatamete.

<sup>14</sup>Meta mipai mepite'ikuhiaweni: «Tita pemitiheiw'e'eriekai naimeki 'a'iyaritsie, 'ahetsia kaniumaweniri. Naimeri pekatinuueyhiani 'apiinite miraye'atika meta witsimiti'anene, meta hatsuakuri pepikatikaxeyia».

<sup>15</sup>Tetuayamete miyati'aneneme memitetuakai, miki xikutsixi memayuyeitiakai kimana, yunaiti 'ateewa paiti mekaniti'uikuni, waikawa memamati kemitikwinitiarieka. Mekaniutitsuanakuni meta meyuheiwierieti <sup>16</sup>mipai me'utiyuati:

«Xia'ui, xia'ui, pumaweri kiekari mimariwe.  
Rinu 'ixurikiyari witsimi'anene, miyitsikimaiye meta  
mixeta manakatikikai,  
meta huruki, tetexi witsimi'anene meta perira kaneukayatsakaitini.

<sup>17</sup>Xeihurayaritsie katiniukumawere naiti 'apiinite miraye'atika».

Yunaiti kanuwa 'amipa ni'awamete, 'ateewa kikamete, kanuwa wekemete, keyupaimeti hamaratsie memite'iwakai, miki meta 'ateewa paiti mekaniyuhayewakuni. <sup>18</sup>Tai kitsiyari mexeyati taiyariekaku, mipai mekatenuhiwakaitini: «¿Pumawekai kiekari hepaina 'aneti, 'iki kiekari kemitimariwekai hepai?» <sup>19</sup>Tumuanari yumu'utsie mekanutiwiwakaitini me'utitsuati meta meyuheiwierieti mekaniutihwakuni:

«Xia'ui, xia'ui, kiekari mimariwekai.  
Mana xikutsixi memayuyeitia  
yunaiti kanuwa 'amipapa wakutsiyarima,  
miki xeihurayaritsie katiniukumaweriyarieni.

<sup>20</sup>Kene'atemawieka muyuawi, miyamitiuyiki.

Xekeneyutemamawieka xemeta Kakaiyari teiterimama, ni'ariekate,  
Kakaiyari niukametemama.

Kakaiyari miyetuaki  
xeme pita heitserie xemexeyaniki».

<sup>21</sup>Hiki niuki tuayame mitirikaiye tete murinayari xikiraiyeme kananuku'ini, hamaratsie kaneikahiani mipai 'utaiti:

«Yaxeikiata 'eki, Wawiruniya, kiekari mimariwe,  
pekatnikwiniariemiki,  
meta mipai pekatinakumaweriyariemiki 'ena kwiepa.

<sup>22</sup> Hatsuakuri kanariwuwamete  
haripaki, kirautaki meta kuxinetaki  
mepika'enierieni 'ahetsie.

Hatsuakuri tewewiwamete 'ahetsia mepikaxuaweni.  
Hatsuakuri tixime mixikiraiye pika'enierieni 'ahetsia.

<sup>23</sup> Hatsuaku kixeme 'ahetsia pikahekiariwieni.  
Hatsuaku pika'enierieni neneikeme meta wikiwame  
watemawierika 'ahetsie.

'Ahetsia kiekatari memitetuakai  
kwiepa memitama wa'itsikate mekanihikitikaitini.  
Pewakewaiyati kepemitiwa'itaiyakai  
yunaima nuiwarite.

<sup>24</sup> 'Ahetsie Kakaiyari niukametemama meta Kakaiyari teiterimama  
waxuriya pemutayeuriki,  
meta yunaiti kwiepa memukwi'iwaxi».

**19** <sup>1</sup> Merikitsi manata muyuawitsie yuariya nekaniu'enieni yumiireme  
teiteri waniuki hepai ti'eniiriikime. Mipai me'utiuyati:

«Kakaiyari hepaitisita 'aixia xekeneutiyuaneni.  
Wikweitsitiarikaya, witsikemitikuxaxatsiwa meta tirikariyaya  
takakaiyari pihetsiemieme,

<sup>2</sup> kemitiyuheitsertiwa kaniyuritini meta 'aixia ketiniuka'iyarini.

'Ukaratsi tuminiki muyumayiinia mimatiwa kaniutaxaneta,  
kayukinama wamayianeti kwie 'axa'ane kame payeitia.

Kakaiyari te'uximayatsiriwamete waxuriya metayeuriki».

<sup>3</sup> Hiki hutarieka mipai mekaniutiyuani:

«Kakaiyari hepaitisita 'aixia xekeneutiyuaneni.

Miki kitsiyari kananutineikani tsepaneti xeitsienituyari wiyari manuyekika».

<sup>4</sup> Hiki 'ukirawetsixi xeitewiyari heimana nauka meta yunaukati  
memayeneniere mekaniutihixima'uni meta nenewieri Kakaiyari  
mekaniupitiani 'uwenitsie maka, mipaita mete'ikihiaweti:

«Mipai ketiuyini. Kakaiyari hepaitisita 'aixia xekeneutiyuaneni».

<sup>5</sup> Hikita 'uweni manuwe niuki kanayeneni mipai 'utaiti:

«'Aixia xekeneutiyuaneni takakaiyari hepaitisita,  
yunaiti te'iximayatsiriwamete, tiiri meta 'ukirawetsixi,  
yunaiti xeheyemakati xemeyexeiya».

### Neikiya 'ixiarariyari Muxa miwewie

<sup>6</sup> Hikita niukite waikawa nekaniu'enieni, haa 'amipa hepai ti'eniiriikime,  
tiranari mitirikaiye hepai. Mipai mekaniutiyuanekaitini:

«Kakaiyari hepaitisita 'aixia xekeneutiyuaneni.

Ti'aitame 'ari kanitsutiani ti'aitati takakaiyari,  
Naimekimitirikaiye.

<sup>7</sup> Tepitatemamawieka meta temawierika tepexeiyani,  
meta witsitikuxaxatsiwame tepayeitiaka.

'Ari tukari kanaye'ani Muxa mitineikeki.

'yaya mayani puyukuha'aritia,

<sup>8</sup> rinu 'ixurikiyari' aixia mi'ane kaniyetuiriyarieni menakatikiniki,  
mi'itiya meta mutimerika».

(Rinu 'ixurikiyari kani'iniariyaritini, heitseriemeki me'uuwati memite'uximaya mepatsieti).

<sup>9</sup> Hiki niuki tuayame mipai pinetiutahiawixi: «Aixia mekani'itiarieka kemi'ane memuta'inierie, Muxa mitineiketsie memitekwaniki». Mipaita kanetiniutahiawe: «Iki Kakaiyari niukieya kaniyuritini».

<sup>10</sup> Hiki hetiana nekaniutihiximakeni nenewieri ne'ipitianike. Miki matsi mipai pinetiutahiawixi: «Tixai yumarima. 'Ahepai ne nekatini'uximayatametini, 'aiwama memiyuhekiata Ketsutsi hetsia memiemetetiti wahepai nepiti'uximayatame. Kakaiyari xeikia nenewieri kenepitiaka. Kemi'ane miyuhekiata Ketsutsi hetsia miemetiti, miki 'iyari kanexeyani katinihematikani».

### Kemi'ane kawayu meutuxatsie makatei

<sup>11</sup> Manata muyuawi nekaniuxeiya reuyepiekame, meta kawayu heutuxati mana kaniuwekaitini. Manakatei Yamitikamie meta Yurimaine katinitewakaitini. Heitseriemeki yatikamieti kaniwaranutaxiriwani meta kuyaxa kaniwewieka. <sup>12</sup> Hixiteya tai mitaka hepai pitiyuxexeyakai, yumu'utsie waikawa kuruna panamanakai, meta kemititewa kana'utiakaitini, peru xewiti 'atsipikatimaikai kemititewa, miki xeikia yapitimaikai. <sup>13</sup> 'Ixuriki xuriyamakame 'anakatiti. «Kakaiyari Niukieya» katinitewaka. <sup>14</sup> Kuyaximama muyuawitsie miemete mekaneweyakaitini, kawayutsixi memeutuxa wahetsie me'uteti meta rinu 'ixurikiyari, mutuxa meta mi'itiatika me'anakatitikaiti. <sup>15</sup> Tetana 'ixipara meutixikakauni kaniwayeneikakaitini, kimana miwatiwiteniki nuiwarite. «Pitiwa'aitia tepia 'itsiyari 'akweti». Mikititi kanihikitini kaxie takari mitiketsini kaxie pinameta, Kakaiyari Naimekimitirikaiye haxiaya mayaniki. <sup>16</sup> Kamixayatsie meta teurieyatsie mipai pire'ukai kemititewa:

Ti'aitame, te'aitamete tiwa'aitiwame, meta Kutsiyari wakutsiyari.

<sup>17</sup> Merikitsi xeime niuki tuayame nekaniuxeiya tau hetsie 'aweme, yunaimewixi muyuawitsie memuwitikika kaniwahiwekakitini mipai tiwakuhiaweti: «Xekenakini, xekeneuyukuxeiri, Kakaiyari 'ikwai waikawa piwewieni, <sup>18</sup> te'aitamete wawaiyari xekeneutikwa'i, kuyaxi wa'ukiyarima wawaiyari, memitirikawi wawaiyari, wakawayutsixi wawaiyari, miki wahetsie memutekai wawaiyari, yunaiti memuyuni'a memite'uximayatamete tiiri 'ukirawetsixi yunaimewawaiyari».

<sup>19</sup> Hiki yeutanaka nekaniuxeiya, meta kwiepa te'aitamete yukuyaxima mewaruwititi, mekaniyukuxerieni memitamieniki miki kawayu hetsie

manaka meta kuyaximama wahepaitsita. <sup>20</sup>Hiki yeutanaka meta tixaxatame miti'itawakai hamatiana kaniuwiyarieni, kemi'ane 'iniari mitiwewiwakai yeutanaka hixie, kimana mitiwa'iriwiyakai miki memitanaki'eri yeutanaka tseyuya miki nenewieri memipitiakai meta 'ikiyari memayexeyakai. Miki yuhutati me'ayeneniereti harakuna mita'atsie 'atsupireki mekaneukaxiriyani. <sup>21</sup>Hipati yunaiti mekaniukwi'iwa kawayutsie manaka tetana 'ixipara wayeneikakaku, meta yunaiti memite'awiwawe miki wawaiyariki mekaniutihuxani.

### Xeimiriyari wiyari

**20** <sup>1</sup>Merikitsi manata niuki tuayame nekaniuxeiya muyuawitsie 'akamiekame yawi 'akwekame para mirewatiyepieniki meukatewatsie, meta karena kaunaryari 'amipa 'ahurieti. <sup>2</sup>Hiki miki kuu kaniuwiya meripaiti mieme Kauyumarie meta Tsatanaxi mihiki, kanekuwieni xeimiriyari wiyari. <sup>3</sup>Meukatewatsie kaneikahiani kanenunani, kiteniena kanitseyumani, mikatiwa'iriwiyani nuiwarite mexi'akuxi ka'aye'awekai xeimiriyari wiyari. 'Anake kaniyiwemiki mixinarieniki yapaimexia.

<sup>4</sup>Hiki te'aitamete wa'uwenite nekaniuxeiya mana 'a'ukame. Hetsiena mekanayaxe miki heitserie memupitiarie. Mekani'itsikatetikaitini kememite'upitiarie. Hiki hipameta nekaniwaruxeiya, miki wamu'u manutiwitekiexia memiyuhekiatakaiki Ketsutsi hetsia memiemetetiti, meta Kakaiyari niukieya memikuxatakaiki. Nenewieri yeutanaka memikapitiakai meta 'ikiyari, tseyuya memika'utanaki'eri yukanata meta yumamatsie, miki wa'iyarite nekaniuxeiya. Miki me'anutaneniereka, meta Kiritsitu hamatia te'aitamete mekanakine xeimiriyari wiyari. <sup>5</sup>Iki matiarie miemete memanuku'uitiarie mekanihikitini, 'ana 'akuxi hipati mikite mepika'anutanenierixi, xeimiriyari wiyari 'aye'akuke mekanaanutaneniere 'imatiremete. <sup>6</sup>Aixia mekani'itiarieka, meta mekanipatsieka kemi'ane matiarie miemetsie memanuku'uitiarie. Hutarieka miya tirikariya pikahexeiya wahepaitsita, miki matsi mawari wewiwamete mepihikitini Kakaiyari hetsiememete meta Kiritsitu hetsiememete, hamatiana te'aitamete mepihikitini xeimiriyari wiyari.

<sup>7</sup>Merikitsi kepauka haye'ayu xeimiriyari wiyari, Kauyumarie kanixinariemiki manutahiyyatsie, <sup>8</sup>meta kaniwatiyeimiki nuiwarite mitiwa'iriwiyani tatserieta ta'utata tahixiata tatsutiapai memetitei kwiepa —kukitari meta makukitari—, yunaime kaniwakuxeirimiki memiyutakwiniki, haramara tetsita xiekari mitika hepai meyupaimeti. <sup>9</sup>Hiki kwie manuye'atikatsie paiti mekaneutayeixiani, meta Kakaiyari te'iterimama memakuteitsie warita mekanikutekaitini, kiekari minaki'eriwa. Peru tai muyuawitsie kakananemiki miki kaniwatixitsitiamiki yunaime. <sup>10</sup>Kauyumarie mitiwa'iriwiyakai mana kaneukahiyamiki harakuna 'atsupireki mita'atsie, manata yeutanaka meta tixaxatame miti'itawa hamatia mekaneukaxiriyakuni. Mana tukariki meta tikariki mekatenuka'eniwakuni yuheyemeki tsepaneti xeitsienituyari wiyari manuyekika.

### Mikite memata'iwawiyarienitsie

<sup>11</sup> Hiki 'uweni mituxa mimariwe nekaniuxeiya, xewiti mikitsie makatei. Hixiena kwie meta muyuawi naiti kaniyupataxiani mana memikatiteniki, huyeri pukumawerixia. <sup>12</sup> Hikita mikite nekaniwaruxeiya 'ukirawetsixi meta tiiri yunaime, 'uweni manuwe hixie meti'ukame. Xapate kananutayepiyaxiani, meta xewiti, tukari memexeiyani xapayari, hiki mikite mekaniuta'iwawiyarieni kememite'uyuri hepaitisa, kemire'utiariekai xapatetsie. <sup>13</sup> Mana haramara yimikite kaniwayetuanani, miïya meta tai mita'a mikita mekaniwayetuanani, Yuxexuiti mekaniuta'iwawiyarieni kememite'uyuriexia hepaitisa. <sup>14</sup> Miïya meta tai mita'a harakuna mita'a hetsie mekaneukaxiriyani. 'Iki harakuna mita'a, hutarieka mieme miïya kanihikitini. <sup>15</sup> Kemi'ane tukari mexeiyani xapayaritsie mika'aka'utsieni, miki harakuna mita'atsie kaneukahiiyamiki.

### Muyuawi mihekwa meta kwie mihekwa

**21** <sup>1</sup> Hikita muyuawi mihekwa meta kwie mihekwa nekaniuxeiya, meripaiti mieme muyuawi meta kwie kaneutayeixiani, yaxei kiata haramara pukumawerixi. <sup>2</sup> Metatsiere kiekari mipatsie nekaniuxeiya, Kerutsareme mihekwa, muyuawitsie hakamiekame, Kakaiyari manukatsie heyeyaka, wikiwame hepai witsireyikiniutiati mitiwitini hetsiememe. <sup>3</sup> Hiki niuki nekaniu'enieni 'uweni manuwe 'ayeneikame karima mipai hetaineme: «Hikirixia Kakaiyari yuteiteri watsata kaniuyekamiki. Wahamatia 'ukaiti kanayeimiki. Mikita teiterimama mekanihikitikakuni, Kakaiyarititi wahamatia puyeikani meta piwakakaiyaritini. <sup>4</sup> Miki naime wa'ukai kana'itixiamiki. Hatsuakuri mepikakwini, mepika'utitsuanani, mepikayuhiwerieka meta mepikate'ukakukuineni, tita meripaiti mitimietikai katiniumaweniri».

<sup>5</sup> Hiki 'uwenitsie makatei mipai kaniutayini: «Ne naime hekwame nepirayeitiani». Mipaita kanetiniutahiawe: «Ketinaka'utia, 'iki niuki kaniyuritini meta hetsiena yuri miti'eriekaki».

<sup>6</sup> Mipaita pinetiutahiawixi: «'Ari naiti katinaye'ani. Ne Mexiakame meta 'Imatireme nekanihikitini, nemitsutia meta neminini. Kemi'ane meuharimiki, ne neka'ituirieti nekaniharitiamiki nehaixaki kimana tukari mexeiyani. <sup>7</sup> Kemi'ane mirayu'iwa, hetsiena katininakimiki 'iki naiti, neta Kakaiyarieya nekanihikitikamiki, mikita neniwe kanihikitikamiki. <sup>8</sup> Peru memamati memukunuaxia, yuri memikate'erie, memiyutsewixima, memiteyumemiwa, memiwakumaiwa memikawa'itama meta memikawakinama, memiteyukewaiya, tetexi memiwarayexeiya, meta yunaiti memite'itawa, miki yunaime wahetsie pitinakeni harakuna 'atsupireki mita'atsie memeukaxiriyani, hakewa hutarieka memekwinitsie».

### Kerutsareme kiekariyari mihekwa

<sup>9</sup> Hiki 'atahuta niuki tuayamete 'atahuta tekixi memahapakai 'atahuta kwiniyari 'imatirieka mieme hipineme, xewiti miki 'ahurawa 'ayaka mipai



pinetiutahiawixi: «Kenaye'a, wikiwame nepimatsixeitsitiani Muxa 'iyaya mayani». <sup>10</sup>Hiki 'Iyari hiri 'aminenatsie meta 'amutewitsie kanenewitini, meta kiekari mipatsie kanenuxeitsitsitiani, Kerutsareme, muyuawitsie hakamiekame, Kakaiyari manukatsie heyeyaka. <sup>11</sup>Witsipitiyuxexeyakakai Kakaiyari xawatiriyayaki, meta tete witsimi'ane hepai katiniyuxexeyakaitini katsipe teteyari manuyehokia hepai. <sup>12</sup>Yutetsariya 'ahatayeukame meta 'ahautitewame kanexeyakaitini, tamamata heimana huta kitenieyari pexeyakakai meta xexuime kitenietsie yuxexuiti niuki tuayamete mekatenihitikateitini, manata kitenietsie mepa'utikatei kememitetetewa nuiwarite 'Ixaheri niwemama tamamata heimana huta. <sup>13</sup>Tau manatineika hepatsie haikakia kanakiteniekaitini, ta'utata haikakia, tatserieta haikakia, meta tatsutia paiti haikakia. <sup>14</sup>Kiekari tetsariyayari tamamata heimana hutame tsutimeyari kanexeyakaitini, xexuimetsie kememitetetewa tamamata heimana huta n'ariekate Muxa hetsiemieme mekana'utikateitini.

<sup>15</sup>Niuki tuayame nehamatia mitikuxatakai huru hakayari kanakwekaitini kiekari mi'iniataki, kiteniete, meta tetsariyayari naime. <sup>16</sup>Kiekari puta'itsikinatikatei, yaxeikia heutatetewati meta 'ahakuyeu. Hiki niuki tuayame kiekari hakaki kaniti'iniata, huta miriyari heimana huta tsienituyari kirumeturuyari peutatetewakai: kemayetewi kematayewa meta kemeutitewa yaxeikia papaimeme pexeyatikatei 'iniari. <sup>17</sup>Yaxeikiata tetsariyayari kaniuti'iniata, haika tewiyari heimana 'auxiwi meturuyari pexeyakakai tewi kemitu'iniata, niuki tuayame miki hepai katiniu'iniata.

<sup>18</sup>Tetsariyayari katsipe teteyariki piwewiyakakai, kiekari naiti huru xeikia pihikitikai, xikiri maye'itiya hepai tiyuxexeyati. <sup>19</sup>Kiekari tetsariyayari tsutimeyari naiti tetexi witsimi'aneneki kanitsetsekaitini: mexiakame katsipeki, hutarieka mieme tsapiruki, hairieka mieme 'akataki, naurieka mieme 'etsimeraritaki, <sup>20</sup>'auxiwiriekaka mieme 'unitseki, 'ataxewiriekaka mieme kurunarinaki, 'atahutarieka mieme kiritsurituki, 'atahairieka mieme weriruki, 'atanaurieka mieme tupatsiyuki, tamamata mieme kiritsupiratsuki, tamamata heimana xewi mieme katsinituki, meta tamamata heimana hutariekamieme 'amatitsitaki. <sup>21</sup>Tamamata heimana huta kiteniete periraki kaniwewiyatikateitini, xexuiti 'itupari perira puwiriyariatikatei. Mexiakame kaye kiekaritsie muyekatei huru xeikia pihikitikai, xikiri mayehokia hepai tiyuxexeyati.

<sup>22</sup>Mana tuki nepika'uxei kiekaritsie, Ti'aitame Kakaiyari Naimekimitirikaiye meta Muxa tukieya kanihikitini. <sup>23</sup>Kiekari tau meta metseri mihekiariwiekaki pikaheiyehiwa, Kakaiyari yuxawatiriyaki piwahekiariwiya, meta Muxa wahekiariwiwame kanihikitini. <sup>24</sup>Nuiwarite 'amekaniu'uwakuni mipai metehkiariyarieti, kwiepa te'aitamete tita memitehexeiyaya witsiti'aneneme mana mekateni'atiakuni. <sup>25</sup>Wakiteniete tukariki yapireuyepietikani, manari pikahekuyiyireni. <sup>26</sup>Tita memitehexeiyaya witsiti'aneneme raye'atikaima nuiwarite mekateni'atiirikuni. <sup>27</sup>Hatsuaku hetsiana pikaheutahani tita mikati'itiya, kakaiyarixi memiwarayexeyaya meta memite'itawa, matsi kemi'ane xeikia Muxa xapayatsie memaka'utiarie tukari mexeyatsie.

**22**<sup>1</sup>Merikitsi manata niuki tuayame hatuxame pinetsi'uxeitsitia kimana tukari memexeianiki, manuyehokia hepai tihekiati, Kakaiyari 'uwenieya manuwe kanayenekaitini meta Muxa, <sup>2</sup>meta kaye hixiata kiekaritsie kaniuyehanekaitini. Hatuxame tetsita 'anataiye meta 'anutaiye 'iteiri kaniutiwekaitini kimana tukari mexeiyani, tamamata heimana huta mexia kaniukaxuxuawereni, xexuime metsersitsie, meta 'iteiri xawariyari nuiwarite 'aixia metehue'rietu memakikaniki kani'ayumiemetini. <sup>3</sup>Hatsuakuri 'axamepika'itiarieka. Kakaiyari 'uwenieya meta Muxa kiekaritsie mana puweni. Te'i'uximayatsiriwamete mepeyexeyani, <sup>4</sup>hixiena mekanixeyakuni, meta kemititewa yukanata mekan'e'utiatikaikuni. <sup>5</sup>Pikahekiiyireneni mana, kixeme meta tau miwahekiariwiyaniki mepikahueyehiaka, matsi Ti'aitame Kakaiyari piwahekiariwiyaniki. Yuheyemeki piti'aitametini tsepaneti xeitsienituyari wiyari manuyekika. <sup>6</sup>Hiki niuki tuayame mipai kanetiniutahiawe: «'Iki niuki kaniyuritini meta kaneuyeweka yuri miti'eriekaki. Ti'aitame, Kakaiyari 'iyari miwapitia yuniukamete, miki kaneiyeni'ani yuniuki tuayame yamitiwaxeitsitianiki yuhetsia miemete te'uximayatamete, miki mipai memitemaikaki kemireuyewetse yamitiyini kwtiwa».

#### Kiritsitu kwtiwa kaninuamiki

<sup>7</sup>«Neuxei kwtiwa nepunuani. 'Aixia kani'itiariekamiki kemi'ane yamitikamie 'iki xapatsie kemaine».

<sup>8</sup>Ne, Wani, nemitiuxei meta nemitiu'eni 'iki naime hepaitsita nekanihikitini. Kepauka nemunierixi meta nemu'enaxi, nekaniutihiximakeni niuki tuayame nenewieri ne'ipitianike naime 'iki minetixeyatsitiakai.

<sup>9</sup>Peru miki mipai pinetiutahiawixi: «Yumarima 'aixia. Ne 'ahepai nekatini'uximayatametini, 'aiwama Kakaiyari niukametemama wahepai, meta miki yunaiti yamemitekahu 'iki xapa kemaine wahepai. Kakaiyari xeikia nenewieri kenepitiaka».

<sup>10</sup>Hiki mipai tawarita kanetiniutahiawe: «Pepika'l'awietani niuki tita mitikuxata 'iki xapatsie, tukari kanehuraniri maye'aniki. <sup>11</sup>Kemi'ane 'axamitiuka'iyari 'axaketiyurieneni, kemi'ane miyutsewixima yaxeikia ketiyutsewiximaka, kemi'ane heitseriemeki yamitikamie heitseriemeki yaketikamieni, kemi'ane mipatsie, patsieti ke'uyeikani».

<sup>12</sup>«Neuxei kwtiwa nepunuani. Ne wa'iwarika nepirapine, meta yuxexuime nekatiniwayeturiemiki kememite'uyuriexia. <sup>13</sup>Ne Mexiakame 'Imatireme nekatinitewaka, kemi'ane mitsutia meta minini.

<sup>14</sup>»'Aixia mekan'i'itiariekakuni kemi'ane yu'ixuriki memi'ekwa, heitserie mekanexeyakakuni miki 'iteiri tukari mexeiya hepaitsita, meta memipitiarieniki kiekari kitenie memeutahaxianiki. <sup>15</sup>Peru Kiekari warie tsiikiri mekanu'uwakuni, miki memiteyukewaiya, mikawa'iya mikawakina memiwakumaiwa, memiteyumemiwa, tetexi memiwarayexeyia, meta naiti mitiwanake, meta memite'itawa.

<sup>16</sup>»Ne, Ketsutsi, neniuki tuayame nekaneni'ani mipai mitixehekiatianiki hakewa xemeyutixexeriwa. Ne nana nekanihikitini Rawiri hetsie nemiyenuiwaxi, xurawe mixawati ximeri paiti manatineika».

<sup>17</sup>Iyari meta wikiwame mipai mekaniutiyuaneni: «Kenaye'a». Kemi'ane mi'ena mipai ke'utayini: «Kenaye'a». Kemi'ane meuharimiki, miki ke'ayani, meta kemi'ane miyuwairiya, katuiriyarieti ke'anuhareni kimana tukari mexeiyaniki.

<sup>18</sup>Ne yunaima 'ipai nepitiwaraye'eritiwa 'iki xapatsie niuki kemaine memi'enie: Xika xewiti 'iki niuki 'anutiyatsa, yaxeikiata Kakaiyari penutiyatsirieni kwiniya 'ipitiati 'iki xapatsie kemire'uxa. <sup>19</sup>Meta xika xewiti 'iki xapatsie kemaine niuki xika 'anakatiki, Kakaiyari kaninawairiemiki miki tukari mexeiya hepaitsita meta kiekari mipatsie, 'iki xapatsie kemire'uxa.

<sup>20</sup>Kemi'ane mipai mitihekiata mipai kanaineni: «Huu, kwitiwa nepunuani». Mipai ketiyyini. Kenaye'a Ti'aitame Ketsutsi.

<sup>21</sup>Ti'aitame Ketsutsi 'aixia ketiuka'iyarini yunaima xehetsiemieme. Mipai ketiyyini.